








L. IOANNIS TRULLI
ARAGONII PRIORIS
S. CHRISTINAE,
AC CVIVSCVNQVE REGVLARIS
VITAE IANITORIS.

Habent in hoc volumine quicumque ad
Regularem vitam aspirant.

*Ordinis Canonorum Regularium libros IIII.
elucidati.*

Titulos totius operis decima pagina indicat.

AD PHILIPPVM *Hispaniarum Regem*
Catholicum, & potentissimum.



BONONIAE, Apud Ioannem Rossium MDXC.
Curia Archiepisc. & S. Inquisit. concessu.

13 — 24. d. 70.

ИЗДАТЕЛЬСТВО

ALGOL 68 REPORT

2. ZANITLAND

AC CIVISCOMOVE RECHTARIS

218 071261 3A117

Il faut en effet se rendre compte que les

Регистрация в банке

Colitis Capensis & Capensis 1711.

အိမ်ထောင်

THE UNIVERSITY OF CHICAGO

Ad Philiberti Imperatorem Romanum

Calculus, & p. 111.



Историческое описание

[Faint handwritten text at the bottom of the page]

DIGNISSIMO, AC REVERENDISS.
ANTISTITI
PATRI D. CAMILLO BECIO,
TOTIVS CONGREGATIONIS
LATERAN. MODERATORI
SAPIENTISSIMO.



D. GASPAR PASTERINVS, eiusdem instituti Abbas
Felicitatem.



EN, Praesul Amplissime, L. Io. Trulli opus
vndiq; plenum integritatis, & religionis,
quod cum iamdudum graui consilio pra-
ponderaueris, non solum nobis sub illa pri-
maeua Clericorum Regulari disciplina
perutile, verum etiam cunctis arctiorem
vitam in claustro degentibus valde accommodatum, deman-
dasti, ut in Italiae Amphiteatro, & potissimum in hac no-
stra studiorum Matre Bononia recentioribus typis excuderet-
tur; cui sane voluntati tanquam legi, atque normae obtempe-
rans ego, quo potui emendatiori prelo exculpi curauim, ut per-
illustris Religionis nostrae Canonici, ceteriq; Deo addicti Re-
gulares uberiores fructus inde colligere valerent. eo enim
veluti in speculo quodam vultus sui speciem, inculpatamq; vi-
tae imaginem poterunt contemplari. Oculis itaque nostris iux-
ta Sanctissimi Gregorij proloquium, quasi quoddam specu-
lum opponitur, ut interior nostra facies in ipso videatur opere.

Hic etenim facta, hic pulchra nostra facile cognoscemus, hic
utique experiemur quantum in dies proficimus, hic à profe-
ctu quàm longè distamus. Proinde, Reuerendiss. Pater, cum
omnia tua consilia ad Deum relata nil aliud spectent, quàm
caelestes diuitias, virtutumq; thesauros; faxit Diuina Clemen-
tia, ut opus regie instructum prae manibus die, noctuq; tua assi-
duitate habentes, excellentiori typographia consulgeat in mo-
rum honestate, & perfectione, quàm in hac ipsa impressorum
calatura, & editione. Verùm si quid in eo excudendo prae-
termissum est, memineas rogo; humanam imbecillitatem nihil
absoluti condere solitam; sed id omnium rerum auctoris, &
creatoris Dei esse proprium: illud modò superuacaneum esse
arbitror tuarum laudum iliadas texere, quod nec tua patere-
tur modestia, cum vir prudens, ut Ioannis Chrysostomi verbis
utitur, laudatus in facie flagelletur, ac torqueatur in corde.
Deum autem enixius rogabo, ut tuam erga ipsum pietatem,
& religionem, & in re nostra non solum familiari recupe-
randa, sed, quod prestantius est, potiori spiritali ad formam
Sanctorum Patrum renouanda sollicitudinem adiunet, mu-
neraq; tua, quibus tam iuste, ac pie perfungeris felicissime diri-
gat. Interea magnopere cupio, ac precibus iterum, atque
iterum abste contendo, ut meae in te obseruantiae, beneuolentiaeq;
antiquam propensionem, nulla apud te prorsus deleat obliuio.
Vale. Ex nostra Canonica Sancti Ioannis in Monte Bonon.
Die 25. Ianuarij MDXC.

PHILIPPO HISPANIARVM
REGI CATHOLICO, MAXIMO,
ET PIENTISSIMO.

L. Ioannes Trullus Prior S. Christine salutem,

& contra hostes Ecclesia victoriam D.



VM PRIMVM tua Regia magnificentia, PHILIPPE Rex potentissime, Priorem S. Christine me designauit, atque delegit, diligenti studio ex multijugâ Pontificiarum sanctionum, sacrorum Conciliorum, & præstantium Theologorum lectione, ea exquirere cœpi, quæ ad munus mihi iniunctum, riteq; obeundum, & utilitatem præstarent, & viam sternerent. Nā qui ra-

tione, & methodo Canonicoꝝ Regularium illustrem Ordinem elucidauerit, inueni neminem. Cuius rei peruestigationi, correctioni, editioniq; dum totus incumbō, etiā plusquā quadrienniu infumo. Dum verō opus nec expolitum, nec eruditione satis ornatum, meo tamē iudicio frugiferū euisigare cogito, ea me formido rapiebat, quod imperfectissimus hōmō, præclaræ perfectionis opus alijs edere cōtēderem. Vehemens tamen quidā zeli ardor in hunc sacrum ordinē, me urit, & pellit, ut has meas qualescunque lacubrationes, & mihi, & alijs Religionis cultoris candidatis in vulgus emittam. Tametsi epīm magnū diuinā mēsum pondus in aream domini asportare nō possum, cur vel recte manipulos paucos, dum huius trepido, inficere sum recusaturus? Præsertim verō hisce turbulentis, exulceratisq; temporibus, quando tam aperto Marte impij hæretici aduersus sacras Religiones non absq; Catholicorum incommodo dimicant. Quid faciam? Ruth Moabiti idē genere & imitabor, quæ metentium in agro gressus insequens, spicas, quæ forte metentiu lubeer fugissent manus, aut etiam de industria ex patris famlias voluntate fuissent relictæ, ipsa colligebat. Sic ego post sacros, veteresq; patres, nulla vquam veneratione satis honorandos, quæ mihi clementis D. in suo fecundissimo agro elaboranti donante benignitas, in manipulos colligi, singula cōptans, nō tam curam habens ad certandi p̄p̄riam, quā

pauca clarè, lucideq; sic explanandi, vt nemo nō vel tenuis ingenij, fa-
 cile omnium intelligentiā comprehenderet. Tandem verò huius la-
 boris finem Dei opè assequutus, dum ipse mecum reputo, huius operis
 nuncupatio post immortalē Deum, inter mortales, cui potissimum
 debeat, tuæ Maiestatis celsitudo dignissima mihi visa est, cuius pa-
 trocinio hoc Canonicum opus committatur, cuiusq; augustissimò nomi-
 ni dedicetur, & consecratur. Accepit iam vita hominū, consuetudoq;
 cōmunis, vt qui cogitationes suas scriptis mādare, atq; in vulgus ede-
 re institunt, patronos prius ex ipsa nobilitate, virisq; primarijs dili-
 genter consecrentur. Alij verò illud obseruantia genus maximū, atq;
 præcipuū iudicant, quo sui animi cogitatus, atque intimo sensus illis
 præstantibus vtriusq; dedicare, omnesq; animi meditationes, & studiorū
 labores nuncupare volūt, à quibus beneficia benignè collata recepe-
 runt, quibusq; multis de causis obstringuntur. Nam si cuiusquam no-
 men nostris est illustrandum, ac celebrandū scriptis, cui potius quàm
 benigno benefactori, id officij præstandum esse censebimus? Perse-
 cit itaq; Rex pietissime, vtraq; ratio, vt opus istud in tuo tandem no-
 mine appareret. In te. n. & splendidissimā generis nobilitatem cū in-
 signi erga me munificentia coniunctā intueor. Generosissimā autē
 tuā nobilitatem quis nesciat ipso Sole esse clariorē. Siquidem te pro-
 genitū probè nouimus, ex illa omnium Illustriss. antiquissimāq; Ar-
 chiducum AVSTRIAE domo, ex incomparabili generis splendore,
 paterno, atq; auito, regijs, imperatorijsq; imaginibus sic insigni, vt ip-
 sum quasi hereditaria quadam successione tot genuerit, dederitq; Ar-
 chiduces, Reges, Cæsares, & Imperatores, quot vix ex equo quondā
 Troiano proceres exilierūt, & virtute quidē, huiusq; laude multo istis
 præcellentiores, vt quos sic pacis, sic belli heroica gesta nobilitarunt,
 vt cuius veterū heroum possint non solum conferri, verumetiā longē
 anteferri. Iā verò qui posses ab isto tuo plusquā inclyto genere dege-
 nerare, cū vel naturā fortes crectur ē fortibus, & bonis; nec imbel-
 le columbā feroces progenerent aquilæ. Tu verò tot, tamq; excel-
 lentibus virtutibus tuo generi inclyto, stemmati; tuo incomparabili
 ita respondes, vt illos tuos Illustrissimos, Progenitores ad omnia, &
 in omnibus planè referas. Fuit quidem ex AVSTRIAE domo vetu-
 stissimus Rex Rodolphus & elementissimus, & fortunatissimus ap-
 pellatus. Albertus primus Archidux Austriæ dictus est victoriosus, à
 multis victorijs, quas ab hoste tulit, Albertus appellatus est sapiens;
 erat. n. princeps prudentia insigni. Leopoldus, probus est dictus. Er-
 nestus verò pacificus. Fridericus Cæsar, vocatus est & magnificus, &
 pacificus Imperator. Maximilianus Imperator nuncupatus est inti-
 mus,

tus, & gloriosus; cuius virtutes, & præclara facinora, nulla unquã lin-
 gua eloqui poterit. Philippus eius filius, Hispaniarũ Rex: ex nuptijs
 Ioannæ Regis Ferdinandi Aragonij filiz, Hispaniarũ regna cõsecutus
 est. CAROLVS Imperator huius nominis QVINTVS, pater tuus,
 pius, felix, semper Augustus celebratur; sub quo Franciscus Gallorũ
 Rex, bello apud Papiam victus, captus, & in Hispanias abductus est.
 Sed Cæsaris clementia dimissus. Magna quidem, & egregia virtutis
 specimina ipse præbuit. Huius egregij Cæsaris, aliorumq; AVSTRIÆ
 domus, maiorũ tuorum viuida exempla, præclaraq; vestigia tu Rex
 clementissime & sequeris, & imitaris. Si.n. quod res habet, mecum
 paulò diligentius repetò, video, illum te esse regem, qui illustriũ he-
 roũ dotes, nobilissimãq; gesta non solum ex æquo referas, verum etiã
 longo post te intervallo tuis relinquo virtutibus. Ipse quidem Prole-
 mæi Philadelphi studium erga bonas litteras, Alexandri cognomentò
 magni felicitatẽ, Philippi ciuitatẽ, Iulij Cæsaris animi vim, Augusti
 Imperatoris sanitatẽ, Traiani non minus bonitatẽ, quã manluetudi-
 nẽ, Alexandri Seueri integritatem, Mæci Antonij Pij doctrinã, Theo-
 dosij pietatẽ, Titi Vespasiani humanitatẽ, & facilitatẽ; & si quid aliud
 in singulis priscorũ insigne fuisse legimus, maxime superas. Tua ve-
 rò pietas, & fidei ardor passim ubiq; laudatur, dũ vniuersi apertẽ cer-
 nunt tuã reuerentiam, zelum, amorem, atq; studium in sanctã Catho-
 licam, atq; Romanã Ecclesiã. Imitandum tibi Constantinũ Magnũ
 Imperatorẽ proposuisse videris; illum inquam, qui olim superba illa
 Romani Imperij celsitudine demissa, dum se quoq; Christo submittẽ-
 ret, eandem Ecclesiã cunctis mortalibus admirandã, & vti verã Chri-
 sti sponsam cõfitendã euexit. Effectus quoq; es aduersus hæreticos
 clypeus fortissimus, & inexpugnabile propugnaculũ. Imò potius In-
 ter sæculi principes, tu singulari, & summo Dei beneficio videris caput
 constitutũ, cui Deus sũ Ecclesiæ defensionẽ, tutelã, & patrocinũ vi-
 detur manifestissime cõmendasse. Nam quod ad tuę felicitatis magni-
 tudinem illustrandã multum habet momenti, nullius profecto princi-
 pis in vniuersa Eũropa regna, nec ditiones illæsa, & intemẽrata ab hac
 pestifera contagione reperiuntur, præter eã, quæ tuo parent imperio.
 In tuis.n. tuorumq; maiorum antiquissimis regnis, & amplissimis di-
 tionibus in Hispania, Italia, Austria, & Belgia Catholica fides fortissi-
 me præualuit, atq; vixit. Videris mihi planẽ optimẽ Regũ Philippe,
 hac nostra turbulenta tẽpestate alter nouus rex David exortus. Neq;
 enim hoc nomen tibi præter veritatẽ ascribo, qui Davidis illius vete-
 ris & pectus, & mores, & vitã refertre conspiceris. Si.n. illius erga cultũ
 Dei piã deuotionem, erga persecutores mansuetudinem, cõtra ho-

hostes Dei, & veritatis inimicos ardentē zelum, in aduersis imperturbatā patientiam; in prosperis tranquillā modestiam, prudentiam, & diligentiam in rebus agendis, mali odium, perfectū virtutis amorem, deniq; quicquid in illo Dauide nobis describit sacra historia, tu nobis in temetipso exprimis, & imitatione affectaris. Quoniā verò Davidis ira in temetipso virtutes nobis, quasi in exemplari viuo demonstras, cōfido futurum in Domino, qui tibi, hanc dedit, & conseruat voluntatē, victorias quoq; illas gloriosissimas, quibus Davidis nomen diuulgatū fuit, suo tempore in te manifestandas, aduersum gētes incredulas, atq; barbaras, aduersumq; istos Luthericos Philistæos, vt tandē in Deo pugnatore tuo, sancte possis cū Dauide gloriari, ac dicere: Dominus illuminatio mea, & salus mea, quē timebo? Dominus protector vitæ meæ, à quo trepidabo? Qui tribulāt me inimici mei, ipsi infirmati sunt, & ceciderunt. Si consistent aduersum me castra, non timebit cor meū, Si exurgat aduersum me prēliū, in hoc ego sperabo. An putamus Deū, quasi rebus omnibus peractis, quasi in tuto cōpositis negotijs, manū subducturū, iamq; aduersum tam internos, quā externos fidei hostes tibi desuturū? Nonne Dei perfecta sunt opera? Nonne sapientia diuina attingit à fine usq; ad finē fortiter, & disponit omnia, suauiter? Iosue quidē Israelitici populi assumpto duci dixit Deus, non dimittā, neq; derelinquā te, confortare, & esto robustus, Noli metuerē, & noli timere, quoniā tecū est dominus Deus tuus, in omnibus ad quæcunq; perrexeris. Quod illi dicitur veteris synagogæ ducatū suscipienti; Id tibi multo magis tot Christianorū regnorum Regi dictū, ac suo tempore exhibendū non dubito. Loqui me ista citra omnē adulationem, nemo ambiget, qui Dei nostri erga te miram providentiam, pio animo expendere; non inquā, hæc per adulationem diximus, sed quod ipse tu prior manifestum fecisti, ad gloriā Dei recitamus, cuius est ornatus, omnis, quem in te prædicamus, bonū omne, quod in te veneramur; Omnis. n. adulationis suspitionem veritas enarrata depellit. Altera quoq; causa extitit, quæ me adduxit, vt Ordinem Canonicorū Regularium à me elaboratū nuncupare tibi non dubitarem; nēpē tua erga me singularis munificētia. Nā postea quā in clyti Salmaticēsis Collegij S. Bartholomæi collega existens, & in præclarissima Salmanticēsi Academia ultra septenniū publico docendi munere nō inutiliter functus, in sacra, & miraculis insigni Aede sacrosanctæ Virginis **MARIÆ**, quæ à Pilari vetustissimum nomen retinet, Canonicus cooptatus, aliquot annos concionandi, consulendiq; munus expleuissem, tua sacra Maiestas me Priorem S. Christinz elegit. Tametsi verò mea per quā tenuis litteratura eā dignitatem nō promeruerat, fauor tamē iste tuus

erga

erga litteras, sapientiā, & religionis cultum mirificè affectus, in causa fuit, vt tanto me afficeret beneficio. Neque. n. nudā est isthac beneuolentia, & sterilis, quemadmodū apud plerōsq; Principū, qui satis, abundeq; sese fecisse arbitrantur, si laudent, aut se benè cupere fateantur. Adiungis benignitatē, atque adeo pro Regia facultate magnificentia. Intelligis planè, quāta sit inter principes, & eruditos homines munerum consensio, vt non sint duo hominū genera, quæ amica inter se magis, & coniuncta esse conueniat, vt alterū ab altero fulciatur, & quasi mutuū inter se auxilium præbeant. Sunt utriq; ciuitatibus, & populis à Deo tributū, vt benè illis consulant eruditi præceptis, principes edictis, & iussu, ambo exemplo sui. Talis tui, & litteratorū est consociatio officiorū, vt tu illorum peritiā, illi tuam potentiam adiuuent, quod erit liberalitatis tuæ pretium amplissimū. Ad hæc, cum etiā militariū Ordinū magnus Magister existas, illustremq; eorundē Ordinum regis Senatū habeas, non ab re fuerit, Canoniorū Regularium, quos non paucos sub tuo militari Magisterio moderaris, gubernaculū tuæ Catholicæ Maiestati offerre, atq; dicare. Nescio equidem, Rex præclarissime, quo illud malo nostro eueniat, quod nihil ita magnificū apud homines geritur, quod non expositum sit inuidiæ, & calumniæ motorum; & quo magis magna fuerint, quæ gesseris, quo magis videbuntur gloriosa, eo magis tua omnia inuidiæ patebunt, ac deinde obreptionibus, atq; calumnijs. Vide ipsum magnificentissimi Domini nostri exemplū in Scribis, & Phariseis. Omne igitur opus quātumuis sit industriū, atq; magnificum, parit ipsi auctori inuidiā. Id quod rex ille, & Ecclesiastes libenter profitetur, cum ait; Rursum contēplatus sum, omnes labores hominū, & industrias animaduerti patere inuidiæ proximi. Cum ergo animo, cogitationeq; cōprehendo, nihil vnquam tam exactum, magnoq; perfectū ingenio, aut industria elaboratū extitisse, quin multorū incurreret reprehensiones, & imperitorū conuictijs vellicaretur, reuera mihi necesse fuit, meas vigilias, & cōmentationes in tua Regia tuteſa, atq; præsidio firmissimo reponere. Id quod omnibus in rebus nunquam non facitamus, qui sub tuo sceptro viuimus, qui sub alis tuis protegemur. Aſſiſtat tibi, & in omnibus coope-retur Optimus Maximus Deus, qui est adiutor fortis, in eoq; feliciter vale, Rex præstantissime, & Regum maxime, humilisq; tui clientulū munus, quod ex corde tibi deditissimo, deuinſiſſimoq; offertur, sub tuo patrocinio benignus assume, & suscipe. Caesar augustæ anno 1571. Idibus Octobris.

INDEX TITVLORVM TOTIVS OPERIS.

TITVL I. LIB. I.

DE pfecto statu Ordinis, siue Religionis. Cap. 1. pag. 1.
 De antiquitate Ordinis Canoniconum Reg. Cap. 2. 8.
 De eadem Canoniconum Regularium antiquitate. Cap. 3. 14.
 De viris illustribus, & cœnobijis Canonici Ordinis. Cap. 4. 20.
 Rursus de viris illustribus eiusdem Ordinis. Cap. 5. 24.
 De recentioribus viris illustribus eiusdem Ordinis. Cap. 6. 29.
 De congeminata nomenclatura Canoniconum Regularium. Cap. 7. 34.
 Quod Canonici Regulares ex suo instituto, & iure Canonico Clerici sint, & nominentur. Cap. 8. 38.
 De approbatione, & propagatione Regule Canonici. Reg. Cap. 9. 41.
 De archioribus quibusdā cōgregationibus Canoniconum Reg. Cap. 10. 44.
 De Canonici Reg. Hispanis. C. 11. 48.
 De habitu cādido Can. Reg. Cap. 12. 21.
 De habitu cādido Episcop. Cap. 13. 57.
 De Canoniconum Regularium creatione, & electione. Cap. 14. 59.
 Rursus de Canoniconum Regularium creatione. Cap. 15. 64.
 De professione trium votorum in genere. Cap. 16. 65.
 De professione regulari. Cap. 17. 71.
 De maximo obediētiæ voto. Ca. 18. 77.
 De voto castitatis. Cap. 19. 82.
 De voto paupertatis. Cap. 20. 86.
 De prohibita proprietate ex Regula Augustini. Cap. 21. 89.
 Quod iure Canonico Religiosus proprietas interdicitur. Cap. 22. 93.
 De prohibitionem eiusdē proprietatis ex recentioribus Cōcilij provinciali-

bus. Cap. 23. 98.
 De rerū vsu Religiosus pmissio ex varijs doctoribus. Cap. 24. 102.
 De grauitate, et penis peccati proprietas. Cap. 25. 106.
 De diuisione mensuram, & iniuncta administratione. Cap. 26. 108.
 Quod Canonici Reg. nō liceat secularia negotia tractare. Ca. 27. 113.
 De voto solenni stabilitatis, siue perseverantiae. Cap. 28. 116.
 De cōueniētia, et differētia Cano. Reg. à Monachis omnibus. Ca. 29. 119.
 Quod Regulares Canonici cathedraliū ecclesiā eiusdem sint Ordinis, & rationis cū reliquis Canonici Regularibus. Cap. 30. 124.
 De reprob. opin. Canon. cathedrales semiregulares statuēte. Cap. 31. 129.
 Quod Aug. ipse suam terciā regulam Canonici Reg. adhuc viuens obseruandam tradiderit. Cap. 32. 132.
 De conciliatione opinionum in vtroque Ordine Augustiniano. Ca. 33. 139.
 De beneficijs Regularibus Canoniconum. Cap. 34. 142.
 De ratione conferendi beneficia regularia. Cap. 35. 146.
 De inconstanti, mutabiliq; naturā beneficiorū regulariū. Cap. 36. 150.
 De Canonici mittēdis ad beneficia regularia. Cap. 37. 156.
 De Cōmendatarijs perpetuis monasteriorum. Cap. 38. 159.
 De hospitalibus Canoniconum, quæ in titulū conferuntur. Cap. 39. 164.
 De testamentis Canoniconum Regulariū quid sentiendum. Cap. 40. 168.

TIT. LIB. II.

DE custodia ianuæ, et claustrum monasterij. Cap. 1. 177.

INDEX TITVLORVM.

- De septem custodijs clauſtri animæ. ſterio exeuntibus. Cap. 24. 280.
 Cap. 2. 180. De apoſtatis, cieclis, & fugitiuis. Cap. 25. 287.
 De Reſectorio Canon. Cap. 3. 185. De Canonicis Religionis habitũ dimittentib. aut occultatib. Cap. 26. 295.
 Deuitada i meſa edacitate. Ca. 4. 190. De conſpiratoribus, calumniatorib. armatis, & venatorib. Cap. 27. 299.
 De Infirmatorio, ſiue infirmorum domicilio. Cap. 5. 195. De contemptoribus Prælatorum, etलगुm monaſticarum. Cap. 28. 305.
 Infirmi qua ſit rōne tractandi. C. 6. 197. De abuſionibus clauſtri. Cap. 29. 311.
 De communi Canonicorum Dormitorio. Cap. 7. 201. De Canonicorum veſtium honeſtate. Cap. 30. 316.
 Canonico cubitum ituro quid ſit agendum. Cap. 8. 203. De exercitatione monaſtica. Cap. 31. 319.
 De ſomni uſu, & munditia ſomniorũ. Cap. 9. 204. De reſellendis canonici ordinis deformatoribus. Cap. 32. 329.
 Quæ ratio tenenda ſit in accipiendis hoſpitibus. Cap. 10. 216. Rurſus de alijs quibuſdā aduerſariorũ argumētis diſſoluēdis. Ca. 33. 336.
 De capitulo diſciplina. Cap. 11. 220. Quibus ſit armis muniendus ipſe Prælatuſ contra calumnias, & reſ aduerſaſ. Cap. 34. 343.
 De choro Canonicorum Regularium. Cap. 12. 224. De veritate a Prælatiſ faciliẽ audienda. Cap. 35. 348.
 Ad eꝝ q̄ diuinis interſũt laudib. deoꝝ; pſallũt, pia exhortatio. Ca. 13. 228. **TIT. LIB. III.**
 De Oeconomo, ſiue Cellario monaſterij. Cap. 14. 235. **D**E Capitulo prouinciali celebrando. Cap. 1. 357.
 De Magiſtro Nouitiorũ Canonicorũ. Cap. 15. 238. De eodem Capitulo prouinciali ex Bened. 12. Cap. 2. 367.
 De Doctore Canonicorum ſtudentium in monaſterio. Cap. 16. 244. De Viſitatorum Prouincialium facultate, & munere. Cap. 3. 371.
 De Priore Clauſtrali, vel Subpriore. Cap. 17. 248. Rurſus de eiſdẽ Viſitatorib. Ca. 4. 378.
 De munere Prælatorum Canonici Ordinis. Cap. 18. 251. De regiſtris, et inuentarijs in Archiuiorecondendis. Cap. 5. 385.
 De eadem Abbatum, aliorumq; Prælatorum functione. Cap. 19. 254. De communi contributione ad congregationem coſeruandã. Cap. 6. 386.
 De annuali Capitulo celebrando. Cap. 20. 259. De Canonico monaſterium relaxatum ingreſſo, reformationem recuſante. Cap. 7. 388.
 De rixis, & litib. Canonicorum. Cap. 21. 262. Non oportere candidum religionis cultorem retrocedere. Cap. 8. 398.
 Ad Canonicos colligentes, & diſſidijs implicitis vtilis admonitio. Cap. 22. 266.
 De Canonico incorrigibili. Ca. 23. 273
 De Canonicis abſque licentia è mona-

- De quibusdam preparatorijs ad futu- De meditatione paradisi celestis. Cap.
ram reformationem. Cap. 9. 398. 29. 491.
- De causis collapsæ relig. Cap. 10. 404. De oratione mentali. Cap. 30. 493.
- De recta reformationis executione. De postremo contemplationis actu. Cap.
Cap. 11. 406. 31. 494.
- Rursus de ratione reformandi mona- De contemplatione passionis Christi.
sterium. Cap. 12. 409. Cap. 32. 501.
- Praelatis non detrahendum sed statim De admiratione contemplatiua. Cap.
auscultandum. Cap. 13. 412. 33. 507.
- Praelatus suscitronibus, et delatoribus
non facile credat, si animi perturba-
tionem effugere uelit. Cap. 14. 417.
- De reprobanda Praelati seueritate, si-
ue nimia iustitia. Cap. 15. 421.
- De temerarijs transgressoribus uotoru
monasticorum. Cap. 16. 427.
- De boni nominis odore, bonis operibus
comparando. Cap. 17. 432.
- De comparatione monastice religio-
nis, et regie dignitatis. Ca. 18. 436.
- Quod cognitio sui ipsius plurimum con-
ducat ad humilitatem, & bonâ fru-
gem obtinendam. Cap. 19. 443.
- De ambitione à Regulari Canonico su-
gienda. Cap. 20. 450.
- De terribili Anania exemplo aduer-
sus auaritiam à Canonico uitandâ.
Cap. 21. 456.
- De exercitatione animæ in Deum. Ca.
22. 464.
- De uera contemplatione, eiusq; difficul-
tate superanda. Cap. 23. 472.
- De lesione contemplationi necessaria.
Cap. 24. 477.
- De meditatione, siue consideratione.
Cap. 25. 480.
- De meditatione mortis. Cap. 26. 483.
- De meditatione extremi iudicii, & po-
narum inferni. Cap. 27. 486.
- De altera extremi iudicii consideratio-
ne. Cap. 28. 484.
- TIT. LIB. IIII.
Totus hic liber in explicanda Regula
S. Augustini versatur.
- DE comendatione authoris, & re-
gula. Præliudium. 1. 513.
- De vi obligatoria regula Augustinia-
na. Prælud. 2. 521.
- De potestate regula, & canonicarum
constitutionum. Prælud. 3. 526.
- De charitate Dei, & proximi. Cap.
1. 531.
- De diligendo Deum. Confid. 1. 534.
- De diligendo proximum. Confid. 2. 542.
- De concordia domus. Cap. 2. 549.
- De concordia bona. Confid. 1. 553.
- De concordia mala, & discordia.
Confid. 2. 556.
- De abdicatione proprii, & rerum com-
municare. Cap. 3. 560.
- De origine euangelica paupertatis.
Confid. 1. 566.
- De laudibus vite communis mona-
stice. Confid. 2. 569.
- De ratione distribuendi bona commu-
nia. Cap. 4. 572.
- De forma utendi rebus communi-
bus. Confid. 1. 576.
- De parsimonia tenenda. Confid. 2. 578.
- Aduersus eos, qui delictis vacant.
Confid. 3. 581.
- De humilitate secunda. Cap. 5. 585.

INDEX TITVLORVM.

- De corde sursum efferēdo, & terrenis
vanis nō querendis. Cōsid. 1. 592.
- De nobilitate generis in monasterio
non iactanda. Cōsid. 2. 598.
- De humilitate colēda. Cōsi. 3. 605.
- De oratione. Cap. 6. 609.
- De vi, & praestantia orationis.
Cōsid. 1. 612.
- De circumstantijs ad orationē rite pe
ragendam necessarijs, Cōsi. 2. 618.
- De abstinentia, & ieiunio. Cap. 7. 623.
- Abstinentia sit ne viro religioso ne
cessaria? Cōsid. 1. 629.
- De refectorio. Cap. 8. 632.
- De infirmis procurandis. Cap. 9. 637.
- De vestimentorum, & corporci motus
honestate. Cap. 10. 640.
- De animae vestitu, et nuditate. Cōsi.
1. 644.
- De fugiēdo immodico faminarū aspe
ctū, colloquio, et tractatu. Cap. 11.
652.
- De custodia castitatis. Cōsi. 1. 658.
- De correctione fraterna prius secreto
facienda. Cap. 12. 664.
- De procurāda proximorum salute spi
rituali. Cōsid. 1. 671.
- De correctionis fraterna executione.
Cap. 13. 675.
- De pēna infligēda post finitā correptionē
fraternam. Cap. 14. 677.
- De occultis epistolis, & munusculis.
Cap. 15. 680.
- De multiinga utilitate fraterna cor
rectionis in Religione. Cōsi. 1. 681.
- De custodia rerū cōiūm. Cap. 16. 685.
- De murmure, et contentione. Cōsid.
1. 692.
- De cura infirmorū gerēda. Ca. 17. 695.
- De lectione, et custodia librorum. Cap.
18. 697.
- De lectione, & meditatione. Cōsid.
1. 698.
- De litibus cauendis. Cap. 19. 702.
- De ira, & odio. Cōsid. 1. 703.
- De satisfactione & remissione iniuria
rum. Cap. 20. 707.
- De reconciliando fratre. Cōsid. 1.
711.
- De remittendis iniurijs. Cōsid. 2.
713.
- De rectoris auctoritate conseruanda.
Cap. 21. 718.
- De modo diligendi fratres. Cap. 22.
720.
- De obedientia. Cap. 23. 722.
- De monastica obedientia natura, &
laude. Cōsid. 1. 723.
- De vigilanti cura Prælatorum in ob
seruationem Regulæ. Ca. 24. 727.
- De regimine Prælatorū. Ca. 25. 729.
- De gubernaculo Prælatorum. Cōsi.
1. 747.
- De vtilibus documētis à Rectore ob
seruandis. Cōsid. 2. 754.
- De mutua patientia à Prælato, &
subditis custodienda. Cōsi. 3. 759.
- Orat Deum Augustinus pro perfecta
obseruatione Regulæ. Ca. 26. 764.
- De hypocrisis, quæ spirituali pulchri
tudini aduersatur. Cōsid. 1. 769.
- De frequenti prælectione, & medita
tione Regulæ. Cap. 27. 773.
- De ratione agendi gratias Deo, om
nium bonorum largitori. Cōsid. 1.
781.
- De pœnitentia, & fuga peccatorum.
Cōsid. 2. 785.

MICHAELIS CERCITO SACRAE THEOLOGIAE

*licentiat, & in sanctissima B. Mariae Maioris Casarugustae,
vulgo del Pilar, nuncupata Ecclesia Canonici Regu-
laris ad ceteros Ordinis S. Augustini
professores.*

P R A E F A T I O.



INTER alia, quibus hominū genus, rerum cogni-
tionis natura sua avidum delectari solet, Viri Reli-
giosi, illorū mihi iuuari studijs maximē videntur,
qui exactorū temporum rationem, quā longa de-
leuerat obliuio, suis monumentis instaurāt, & ma-
iorū nostrorū gesta, quae humana incuria iā sepe-
lierat, ponunt ob oculos. Aetas siquidē prior, quā
patres nostri benē, beateq; viuendo, foeliciter transegerunt, vbi litteris
est representata, non potest, & in sui admirationē filios non conuertere,
& admiratione ipsa eorum animos non oblectare. Quod si illi stu-
dia sua (quibus ipsa antiquitas ad posteros litteris transmittitur) in ijs,
quae ad Religionē nostram pertinent collocauerint, prater eam animi
dulcedinem, qua suos cultores delectant, vtilitate etiā non mediocri
eosdem perpetuō afficient. Ex omnibus autē quae, & Religionem no-
stram decent, & ecclesiasticā disciplinam honestant plurimum, eorum
mihi magis oblitterata esse videtur memoria, quorū & frequens, & re-
cens magis esse debuerat: vitæ inquam, ac instituti, antiquissimi iux-
ta, ac sanctissimi Ordinis Canonicorū Regularium, quē siue eius pro-
fessorum negligentia damnes, siue temporum iniuriā causeris, a suo
candore plurimū cecidisse comperies hāc dubie. Qui (vt alia ad ec-
clesiasticā disciplinam facientia instituta interim omittā) si splendore
suum retinisset, & Apostolica vita (quae eius ab ipsius nascentis Ecce-
siae incunabulis institutum est) hactenus in eo perdurasset, ita Religio
Christiana toto orbe resplendisset, vt magna haereticis oblatrandi ef-
set occasio sublata, Reliqui. n. ordines, si eum, qui omnium est initū,
& cardo, stare conspicerent, eiusq; professores ad eum vitā, ac mores
componere videret, facile velut terribilis castorum acies ordinata in
suo officio continerentur. At quoniam is qui ceteris exemplo suo pra-
lucere debuerat, a pristina sua dignitate (quae rerū omnium ob tem-
porū maliciam conditio est) recessit non parū, alijs quidem ab eo, quē
maiores sui in eisdem ecclesijs professi sunt ordine, & regularibus se-
cularibus factis, deficientibus, alijs eiusdē Ordinis professoribus, non
tamen

tamen Ordinis instituta seruantibus, non mirū si, & ipse sui dissimilis
 nunc plurimū conspiciatur, & ceteri eum sequuti, nonnullā sui exem-
 plo passi fuerint iacturā. Cui malo occurrere sacrosancta Tridentina
 Synodus cum instituisset, multa ad eam rem uilia (vt cetera omnia)
 sanctissime, & prudentissime sapieuit, cuncta quidem Canonicos ipsos.
 Regulares sperans vltijs obuijs esse amplexuros, & quæ ipsa sacris de-
 cretis statuit, eos opere completuros. Vnum autē est, quod eius ordi-
 nis professores ne citō manus operi admolirentur, morari forsan pote-
 rat, instituti nempe sui non ad vnguē perspecta cōditio, statutaq; non.
 adeo obuia, eo quod pleraq; in Hispania saltē, in desuetudinē magnis
 temporum calamitatibus abierint. Qua (si aliquorū est) tam leui excu-
 satione ne Religionis huius cultores suauē onus ferre recusarent; per
 idq; staret, quo minus iuxta sacri Conc. Trid. decreta vnusquisq; suā
 vitā institueret; Ioannes Trullo S. Christianæ Prior meritisimus, & sa-
 cræ Theologiæ professor, opus hoc, quod Dilucidarij Ordinis Cano-
 nicorum Regularium inscripsit, in vestrā omnium gratiā edere de-
 creuit. Opus quidem nouum, & a nemine quod sciam hactenus in Hi-
 spania tentatum, quo et nōmine plurimū auctori suo debemus. Quod
 si olim eundem laborē quispiam suscepisset, & Canonicorum Ordo su-
 perioribus temporibus ita esset dilucidatus, maiorem forsan ei hono-
 rem Ecclesiæ hostes haberent. Quam vtilē porrō sit, nemo pro digni-
 tate potest verbis satis exprimere, nisi qui Canonicorum Regul. Ordi-
 nem, de quo hic suscipitur institutio, cum esse prius intelligat; quō ve-
 luti firmissima petra ad iacienda Ecclesiæ fundamenta, eamq; toto ter-
 rarum orbe propagandam Spiritus Sanctus est vsus. Si n. priora tem-
 pora memoria repetimus, & nostrorum maiorū viuendi statuta reco-
 limus, nihil Canonicorum Ordine, aut antiquius, aut vltatius, inter
 ecclesiasticas disciplinas reperiemus. Eam n. viuendi rationem, quam
 B. Lucas Act. 4. expressit, dicens; Multitudinis et edentium erat cor-
 vnum, & anima vna; Non paucis seculis Catholica Ecclesia vndiqua-
 que amplexata est. Eandemq; postea B. pater noster August. in suam
 Regulam transtulit, suosq; discipulos, ac imitatores iuxta eam viuere
 præcepit. Quam Regulam non solum Hierusalem ipsa, verum etiā re-
 liquis terrarū orbis ad ecclesiasticā disciplinam ita complexus est,
 vt nullus fuerit inter Christianos inusdi angulus, quem Canonicorum
 Regularium Ordo non repleuerit, adeo, vt de Canonicis Regularibus
 illud non ineptē intelligi queat; In omnem terram exiit sonus eorū.
 & in fines orbis terræ verba eorum. De Authore verō ipso multa dici,
 & merito possent, nisi se opere isto, vt ignis lumine suo proderet, cum
 in eo magnum sui ingenij specimen multis nominibus præbuerit. Si n.


rerum.

etum antiquarum cognitione caperis, habes hic primam, & antiquis-
simam in Ecclesia Catholica viuendi rationem dilucidè expositam, in
cuius enarratione, & ingenium acré, & maturum iudiciū authoris ex-
periere. Sin verò varia, ac multijuga te copia delectat, est hic etiam
quo tuo ingenio factum sit satis; Nam præter ea, quæ ad Canonic. Re-
gulares attinent, plurima quoq; tum ad Philosophiam moralem, tum
ad naturalem, necnon ad intelligendam sacram scripturam conducen-
tia, passim hoc opere eruditissime explanantur. Nec mirum sanè cum
author ipse in omni disciplinarum genere à teneris, quod aiunt, vn-
guiculis, sit longè versatus. Et vt interim illa mittam studia, quibus à
pueritia indefesso labore insudauit, ea non sunt silentio prætereunda,
quibus nomen suum in florentissima Salmanticensi Acadèmia pluri-
mum honestauit. Ibi enim non paucos annos ex insigni illo Collegio
D. Bartholomæi, maximo totius Hispaniæ ornamento, & omniū sci-
entiarum refertissimo emporio, ex quo, veluti ex equo Troiano quotidie
viri eruditissimi (si me eius quoq; alumnū excipias) prædeunt, assump-
tus, non sine magno multorum auditorum profectu vtrinq; Philoso-
phiam, & Theologiam publicè docuit. Inde verò in hanc sacrosanctā
Deiparæ Virginis Ecclesiam, vulgo Del Pilar nuncupatam, omnium
quæ in B. M. A. R. I. A. E. laudem constructæ sunt, citra controuersiam, pri-
mam, est accersitus. Vbi in Canonicorum Regulariū numerum (quod
nostrum institutum est, quodq; ab initio nascentis Ecclesiæ nullis vn-
quam ipsius quantumuis difficillimis temporibus à celebrando cessan-
tes, profitemur, est relatus. Quem Ordinem vbi professus est, cum
quadamtenus collapsum cerneret, facturum se operæpretium arbi-
tratus est, si opus hoc, quo huic morbo mederi forsitan posset, conscri-
beret. In quo scribendo, quanto labore, quantaq; diligentia opus
fuerit, ex eo maximè cognosces, quòd res præ vetustate ignota, & præ
negligentia sepulta, in lucem prodierit, & Canonicorum Regularium
viuendi ratio, iam penè senio confecta, veluti ab Orco reuocata,
denuo adoleuerit. Reliquum est, Viri Religiosi, vt eo ani-
mo opus istud, quo ab authore editum esse, ex ipso
opere dignoscetis, suscipiatis. Ita enim fiet, vt
qui vestra gratia susceptum laborem se
non perdidisse intelligat, reliquos
quoq; beneuolè à vobis im-
posterū amplectendos
confidat.

ORDINIS
CANONICORVM
REGVLARIVM ELVCIDATI,

LIBER PRIMVS.

L. Ioanne Trullo Aragonio Authore.



De perfecto statu Ordinis, siue Religionis. Cap. j.



3 **Q**VONIAM principium totius negotij dimidium esse, beneq; cœpisse ab omnibus vbique laudari, à Sapientibus traditum est, Deum optimum maximum, omnium scientiarũ fontem immensum, in ipso nostri operis vestibulo, vehementi mentis ardore oramus, præcamurq; ingenij nostri tenuitatem, infirmitatemq; adiuuare velit, vt opus hoc à nobis aggrediendum, ipso omnia suggerente, vtile fiat ad docendum, ad arguendum, ad corripiendum, ad erudiendum in Religionis iustitia; vt perfectus sit homo Dei, Religionis cultor, & ad omne opus bonũ instructus. Et si. n. nos, aut quid, aut quomodo orare debeamus, nescimus; ipse tamen Dei Spiritus mentem nostram illuminas, & affectum voluntatis bonis desiderijs succendens, postulare nos faciat à Deo, quæ salutaria sunt, gemitibus, & suspirijs inenarrabilibus. Potens est autẽ omnia facere superabundantius, quàm petimus, aut intelligimus. Quodcunque verò petierimus secundum voluntatem eius, audit nos. Ad eruditionem autem à Deo obtinendam, Iacobus Apostolus planum iter nobis aperuit cap. 1. Si quis (inquit) vestrum indiget sapientia, postulet à Deo, qui dat omnibus affluenter, & non impropert, & dabitur ei. Diuina igitur ope suffulti, totumq; hoc nostrum opus subijcientes sanctæ matris Ecclesiæ Romanæ iudicio, quæ omnium Ecclesiarum mater est, atque magistra; felici cursu, faustoq; calamo rem propositam exordiamur. Commodissimum autem exordiũ illud iudicamus, quod à tituli explicatione sumitur. Est autem titulus cõspiciuus operis index, qui authoris nomen tuetur, ac rē pertractandā indicat. (Omnis enim, quæ à ratione suscipitur de aliqua re institutio, debet à definitione proficisci, vt intelligatur quid sit id, de

A quo

quo disputatur.) Definitio aut, aut certe quæ definitionis vicem sæpè occupat, rei explanatio, is profectò est limitum terminus, qui non finat, vt res ipsa, vel ad alienos egrediatur, vel alienum aliquid intra illos se insinuet, nisi quod sit eiusdem ingenij, & naturæ. Alioqui enim magna accideret. & in loquendo, & in sentiendo perturbatio.

- 2 Ordinis igitur nomen plures habet significatus. Ordo .n. auctore Augustino 19. de Ciuit. cap. 13. est parium, dispariumq; rerum sua, cuiq; loca tribuens dispositio. Nam in republica ciuili sunt ordines, & quidam senatum, ordinem amplissimum appellât. Erât. n. tres ordines: videlicet senatorius, equestris, & plebeius: in republica etiam est ordo opificum, & nobilium, vt comitum, ducum: & in militia ordo peditum, & equitum. Quin verò vulgatum est, tunc rempublicam bene habere, cum vnusquisq; suum seruat ordinem, vt homil. 2. super lib. Num. ait Origenes, vbi hos diuersi generis ordines cõnumerat. Simili quoq; ratione dicuntur coniugatorum, virginum, atq; religiosorum ordines. Atq; Ordo secundum proprium significatum habitudinem inter superiores, & inferiores denotat, & significat, qualè cernimus in Religionibus, vbi Prælatis inferiores moderâtur; inferiores verò Prælati obtēperât; talis est Canonic. Regulariũ Ordo, de quo disputationē suscipimus.
- 3 Status etiam Canonicorum Regularium Religio nuncupatur. Circa deriuationem verò vocabuli Religionis malè consentiunt viri illustres. Nam Cicero à relegendo libros diuini cultus: Lactantius à Religando nos Deo; Augustinus à religendo Deum, quem dimissimus, Religionis nomen deduxerūt. Nec desunt, qui à relinquendo, deduci illud opinentur. Quasi Deo dicata, separata ab humanis esse debeant. Sed Lactantiana deductio mihi magis consona, & linguæ Latinæ, & significato videtur. Nā Religiosa, Deo addicta vocamus: & Religiosos, Deo deditos; & religatos vsu frequenti dicimus. Vnde & Augustinus in libro de vera religione ait; religet nos Religio vni omnipotenti Deo. Hæc Religionis etymologia Card. Caietano probetur. 2. 2. q. 81. art. 1. De eadem re Dom. Sotus lib. 7. de Iustitia, & Iure. q. 2. art. 1. ad primum argumentum sic disserit dicens; Religionis nomine communi, vulgariq; significatu vniuersos comprehendi mortales, ac præcipuè Christianos, quatenus Deum virtutum officijs secundum legis præcepta colunt. At verò per antonomasiam illis tribuitur, qui vltra præceptorum culturam, cõsiliorum statum capeßunt: siue Religio à religando dicatur, vt Augustinus ait lib. de vera religione Nempè quod præter præceptorum nexum arctiori se vinculo religât: siue vt Cic. lib. 2. de Nat. Deorum visum est, Religiosi à relegendo dicti sint, quippe qui omnia, quæ ad cultum Dei pertinent, tractent, & tanquam relegant.

- 4 Cum his conuenit Ioannes Climacus à Dionysio Carthusiano citatus de reformatione Claustralium articulo tertio dicens: Monachus est, qui solum quæ Dei sunt, agit, cogitat, loquitur, Christo unitus omni tempore, loco, & negotio.
- 5 Religio ergo, quæ perfectionis status est, ad Charitatis perfectionem, tanquam ad finem ordinatur. Quare, vt S. Thom. 2. 2. q. 187. art. 2. ait: Religio est status pœnitentiæ, exercitium, & schola perfectionis, Hac. n. methodo facilius ad perfectionem Charitatis Dei, & proximi peruenitur. Igitur ieiuniorum inediam, vigiliis, labores, corporis nuditatem, lectionem, cæterasq; huiusmodi virtutes suscipiamus, vt ad perfectionem Charitatis, his quasi gradibus ascendamus. Idcirco Concilium prou. Colon. tit. de vita, ac conuers. monastica, cap. 9. conqueritur dicens; Monasteria olim virtutû scholæ, ac pauperû hospitalia erant; nûc pro dolor, videmus ea, quæ virorum sunt scholis virtutum in diuersoria militum, ac raptorum: quæ verò mulierum sunt, in plerisq; locis in suspectas de incontinentia domos esse commutata.
- 6 Quamuis verò Religionem statum esse perfectionis asseueremus, Religiosi tamen hunc statum assumentes, aut profitentes, nō tenentur esse perfecti. Non. n. profitentur se esse perfectos; sed habere studiū ad perfectionem consequendam. Quemadmodum qui scholas ingreditur, nō proficitur se esse scientem, sed studentem ad scientiam comparandam. Ideoq; suam professionem non transgrediuntur, si non sint perfecti, sed solum, si contemnunt ad perfectionem tendere. Nec mentiuntur quidē, aut fingunt hunc statum perfectionis, dum profitentur, eo quod nō sint perfecti, sed eo quod ab intentione perfectionis animū reuocent. Alioqui. n. Religio laqueus esset animarū, ex S. Th. loco citato. Religio ergo status dicitur perfectionis, videlicet acquirendæ, vel ex intentione finis.
- 7 Monasticæ vero vitæ scopum graphice depinxit Basilus magnus in sermone de institutione Monachorum dicens; Monachorum vitæ ratio vnum sibi tantummodo propositum habet, animæ salutem, & quicquid prodesse ad eum finem potest, id vt tanquam Dei mādatum cum timore obseruet. Neq; enim ipsa Dei mandata quicquam aliud spectant, nisi vt salutem adipiscatur is, qui ipsis auscultauerit. Idem etiam Basilus in proœmio Regularū fusius disputatarum asserit, vitam Monasticam adiutricem esse ad Euāgelica dogmata obseruanda, dicens; Nos qui verā tueri pietatem habemus in animo, quiq; quietam, & vacuum negotijs vitam, tanquam ad conseruanda Euangelij dogmata adiutricem nobis tanti æstimauius, communiter suscepta cura, rationem quisque ineamus, ne quid omnino eorum, quæ à Deo iussā sunt, nos effugiat.
- 8 Mirū sanē in modū idē Basilus enumerat quāplurimas vitæ Regularis

laris commoditates, ad Canonicos, hoc est, Regularem vitam degentes in cœnobio, in constitutionibus monasticis cap. 19. Nam qui colendæ pietati dediti, in societate cum alijs degunt, in qua inter se vicissim alter alterius sui propositum animi ad virtutem exacuūt, seq; inter se factorum emulatione, ad maiores quotidie in studijs rerum honestarum faciendos progressus impellunt: docendi sunt prius bonum illud, ad quod student peruenire, quantum, & cuius modi sit: vt ad id adipiscendum animi alacritate, studioq; contendant.

- 9 Cum vnâ cum cæteris communionem, consociationemq; amplectitur: si quidem perfectissimam ego vitę communionem illam appello, à qua priuata omnis rei cuiusq; exclusa possessio est, & eliminata: itemq; vnde dissensio omnis, ac perturbatio omnis, contentio omnis abest, & rixæ: contraq; vniuersa communia, animi, mentes, corpora, eaq; quibuscunq; necessario ad victum, cultumq; vtimur: communis Deus, communis pietatis mercatura, communis salus, communia certamina, communes labores, communia præmia, & certaminum exantlatorum, exhaustorumq; coronæ, vbi multi vnus, & vnus non solus, sed in pluribus.

- 10 Huic vitę instituto, quid est tandē, quod iure æquiparari possit? quid eo beatus dici? quid hac coniunctione aptius excogitari? quid mutua inter se morum, animorumq; cōtemperatione gratiosius fingi? Homines ex diuersis nationibus, ac regionibus profectos, per exactam morum, ac disciplinæ similitudinem adeò in vnū veluti coaluisse, vt in pluribus corporibus vnus modò esse animus videatur, vicissimq; plura corpora mentis vnus instrumenta cernantur.

- 11 Qui infirma corporis valetudine est, is cōplurium animos imbecillitatis suæ participes habet: qui verò aīo æger est, & affligitur, ei cōplures præsto sunt, à quibus curetur, à quibusq; assidue erigatur. Hi æquabili iure inter se alij aliorum, & famuli sunt, & domini, & inuicta libertate accuratissimam sibi inter se seruiunt seruitutem; quam non necessitas cum mæore violenter inuexit, sed cum gaudio libera animi voluntas induxit. Qui eius modi sunt, sine controuersia primi parentis noxā contegentes, antiquum bonum, & pristinum reuocant. Quandoquidem nisi naturæ nostræ vnionem dissecuisset peccatū, lites, & dissidia, & bella in hominibus non essent. Docuit etiā præclarus ille doctor, insignisq; Canonicus Regularis Hugo de Sācto Victore lib. 1. de Claustro animæ a cap. 9. ad finem libri tom. 2. suorum operum, erudita pertractatione, Religionem Monasticam pauperi esse abundantem, mediocri sufficientem, tolerabilem diuiti, infirmis largam, delicatis compatiens, moderatam fortioribus, pœnitentibus misericordem, peruersis seuerā, bonis

bonis optimam; item suauem esse, & mitem, quietam, & securam. Sed & Laur. Iustinianus lib. de Discip. Monast. c. 1. ait. Propterea o excelsa, & deifica sapientia, te inspirante erecta sunt monasteria, & cœnobيا constructa, ut in illis spreto lēali luxu carnalium voluptatū, atq; abdicato vsu temporalium cupiditatum, mentes tibi placere cupientium, aptius contra se, feruentiusq; contra vitia dimicarent.

12 Hi liberatoris nostri, eiusq; vitæ, dum inter nos versaretur, institutorum veri, perfectiq; imitatores existunt. Quemadmodum enim ille, coacto discipulorum choro, communia cuncta, seq; ipsum communem Apostolis præbuit. Hi quoq; Antistiti suo obtemperantes (qui modo vitæ suæ præscripta rectē conseruant) genus viuendi Apostolorum, ac domini imitantur.

13 Hi vitæ diligenter communitate retenta, Angelorum viuendi ritum æmulantur; nulla est inter Angelos lis, nulla contentio, nulla controuersia; sed cum habeat quisque quæ omnium sunt, omnes tamen integras apud se diuitias conseruant: summi enim boni contemplatio, & virtutū luculētissima cognitio, Angelorum thesaurus est. Hi dum laudabili ratione viuendi suæ, communitateq; cœlestis vitæ, ac status egregiæ formam effingunt, futura promissi regni bona præripiunt.

14 Charitate quæ in cœlo sunt, inter se coniunguntur; Charitas hos mutua compagine connexuit. Nihil omnino insidiarum ordiri ausit aduersum huiuscemodi phalangem diabolus, ut qui vnus aduersum tot agnitas parem intelligat se esse non posse. Ad eo expedite, adeoq; conseruati contra ipsam militantes, & Charitate, veluti æta testudine, inter se alij alios tantopere protegentes, spirituq; consipientes, ut ne vel tantillum loci detur irrepēdi illius assultibus. Considera mihi, quanta septē Machabeorum in decertando consensio fuerit, & præ istis flagrantiorē apud hos animorum consensionem reperiēs.

15 De his in carminibus suis psal. 132. exclamauit Dauid, cū dixit: Ecce quā bonum, & quā iucundum, habitare fratres in vnū. Quibus verbis per bonum ille vitæ probitatem expresse: per iucundum autem, lætitiā eam, quæ ex concordia, & animorum coniunctione progignitur. Hoc vitæ genus qui diligenter colunt, ij cœlestem, ac supremā mihi virtutem imitari videntur. Describitur itaq; a Dauide eo psalmo laus, atque vtilitas fraternæ charitatis, quæ a pietatis cultoribus in cœnobio colitur: oleoq; odorifero sanctæ vnctionis comparatur, quō capita vngentur summorum sacerdotum: similiter & rotæ impinguant, quo montes Hermon, & Sio desuper impinguantur; per quam insuper Deus benedictionem, & vitam donat illis, quos per eam inuenerit bene vnitos. Quā igitur prætiosa, atque amoenissima res est Charitas eandem do-

num colentium? Per eam enim, quasi per glutinum adinuicem compa-
ginati, & quasi perfectionis vinculo simul in vna spe vocationis, in vno
domino, in eadem fide, in eadem sententia, in eademq; ordinis cultura
coniuncti, ac dulciter colligati tenentur. Ex aduerso vcrò, quàm praua
res est, & quàm iniucunda, atque detestabilis, eos, qui vnanimes in pace
vivere deberent in domo Dei, ab inuicem dissidere animis, & odiosis
vacare dissensionibus.

- 16 Ex Genesis. 12. & Act. 7. in Abraham obserua, ac diligenter perpen-
dito, quibus nam medijs, videlicet nonnūquam Religionis ingressu, ad
salutem nos adducat Deus, ait. n. Petrus; Deus gloriæ apparuit patri no-
stro Abraham, cum esset in Mesopotamia; ex exordium salutis nostræ.
Nemo. n. venit ad me, nisi pater traxerit eum, inquit Christus. Ipse igi-
tur nos in Religionem cōuocat, aggregatq;. Quod autem solum Abra-
ham vocat, nō patrem eius, non fratrem, inscrutabilia sunt iudicia Dei,
de quibus Moses, Exod. 33. Cui vult miseretur, & quē vult indurat; idq;
apud Paulum ad Rom. 9. legimus. Sed & Christus Matth. 24. ait: Duo
erunt in vno lecto, vnus assumetur, alius autem relinquetur. Quamuis
etiam alij non caruerint diuinis vocationibus, Abraham tamen, tanquā
cuiusdam peculiaris religionis candidatus, specialem accepit; quia tan-
quam lumen pōnendus erat super candelabrum, vt omnibus luceret
Matth. 5. cap. Sequentia legamus; & dixit ad illum; exi de terra tua, & de
cognatione tua, & veni in terram, quam mōstranero tibi; in quomodo
ad salutem in Religione acquirēdam nos ducat Deus; omnia plane re-
linquere iubetur Abraham, Atqui hæc sunt per quam chara, quę omnes
homines tenent, parentes, patria, liberi, amici; verē magnum præceptū,
quod magnum, & fortem requirebat animum. Summa, ijs conditioni-
bus vocatur à Deo Abraham, vt in terra nihil ex animo possideat. Qua-
cunque chara habeat in mundo, iubetur relinquere, soli Deo impen-
sè inhærere, omnibus renūciare, paratum se offerre, vt dignus fieret Dei
promissionibus. Eisdem conditionibus Religionem ingressurus voca-
tur. Exi, dicit, de terra tua, idest, agnosce imbecillitatem, & miseriam
tuā, te ipsum abnegans; qui enim plus amat patrem, aut matrem, quàm
me, nō est me dignus, Matth. 19. & rursus, Qui nō renūciat omnibus,
quæ possidet, non potest meus esse discipulus Matth. 10. cap. & Lucæ.
14. & David Psal. 44. Obliviscere populum tuum, & domum patris tui.
Hęc est prima vox Dei ad hominem Religioni cōsēcrandum, vt ne dum
ex mundo, sed ex se ipso quoq; egrediatur; nō corpore, sed affectu, vo-
luntate, & Religionis ingressione. Graue quidem erat ipsi Abraham om-
nia relinquere, sed multo grauius, se ipsum relinquere.


- 17 Subditur etiam, Veni in terram. &c. En secundum; terrores rei diffi-
cultate

cultate, consolatur, & erigit promissionibus. Ego, inquit, monstrabo terram, ego ducam te, ego benedicam te. Nam Deus suorum est ductor, & director. Magna exiguntur à nobis, sed maiora promittuntur. Quem igitur primum terret, is conuertat se ad secundum, & ni fallor, leuius ferat operis grauitatem: quis autem nō libenter obsequium præstet Deo, talia tantaq; promittenti? Non nominat terram, vt totus à Deo pendear, totamq; in eo spem collocet: vtq; eius obedientia declaratur in eo quod egressus est ad verbum Dei, cum tamē nesciret, quo iter caperet. Sponte igitur, & alacritate summa cedamus, nulla interiecta mora. Vbique enim Deus est, qui suos nusquam non alit, regit, atq; defensat. Vix habemus tam memorabile aliud exemplū, quā hoc ipsius Abraham, cuius filij omnes esse cupimus. Vidisti primum opus Abraham, quod statim sequutus est Dei verbum. Hic cernis insigne obedientiæ exemplum. Non cunctatus, non respondet, nihil causatur, non necit moras; cum potuisset plura causari; nempe præcepti grauitatem, patris senectutem, longitudinem, & incertitudinem viæ, propriam ætatē septuaginta annorum, deniq; dicere poterat; cur non hic benefacis mihi, quid opus est longius ire? verum nil horum facit, sed præcepto domini promptissimi me parat. Ad hæc dubium non est, quin multa probra, conuitia, aduersitates in hac sua peregrinatione ab impijs perpeffus sit, nil tamen ob hoc impeditus fuit. Tu quoq; Abraham virum sanctissimum imitatus, omnibus impedimentis neglectis, attritisq;, in sanctum, perfectumq; Religionis statum te alacri animo confer.

- 18 Hic monastices hortus ille est, ad cuius areolas aromatum sponfus Christus solitus est descendere sua gratia, ope, & visitatione Cant. 6. Nā areolæ aromatum, cœnobiticæ domus sunt, quæ aromatibus virtutum sunt cōstitę, & exornatę in horto vniuersalis status Religionis; eius enim aquis salutaribus sanctę instructionis rigantur, & fecundantur. Descendit autem, vt lilia, & rosas colligat. Quemadmodum. n. solent homines libeter in hortos suos, qui plerumq; in locis sunt humilioribus, propter aquæ humorem ipsis necessarium, animi causa descendere, illicq; obambulare, vt animum pascant, ac releuent, herbarum virentium aspectu, odoribusq; aromatum, & florū, quos ibi carpunt, & naribus applicant: ita per similitudinem de sponso loquimur, ad hoc eum in hortū dicentes, descendisse ad areolas aromatum, vt ibi pascatur, & flores colligat. Quo loquēdi modo pulchrē significatur specialis gratia, & oblectatio; qua sponfus Christus afficitur in bonorum Religioforum virtutibus, & cœnobiorum profectibus. Quibus adeo gaudet, & oblectatur, vt pasci etiam cum illis dicatur. Colligitq; tunc ipse lilia, siue rosas in horto suo, quando opera bona, pijsq; cogitationes, & affectiones in conscientijs

Religiosorum considerat, & acceptat; eorumq; merita; quibus nunc ei placere student, velut flosculos carpit, & quasi in sinu abscondit, in mente ea reponens, vt non pereat bonorum operum, & piarum affectionis fructus, sed opportuno tempore pro eis merces gloriosa reddatur ijs, qui fructum talem protulerint. Non enim in semetipsis marcescunt, nō depereunt in nihilum rosæ istæ, siue lilia, sed à sponso in areolis Monasticis deambulante, veluti res quædam magni prætij colliguntur, & reconduntur in sinum. Quoniam videlicet iustorum Religiosorum opera suo præmio non frustrabuntur. Hactenus de perfecto statu Ordinis, siue Religionis diximus.

De antiquitate Ordinis Canoniorum Regularium. Cap. ij.

- I**  Omprobaturus rex Artaxerxes Ester. i. 6. cap. prauorum hominum callida fraude, aures principū simplices decipi, & subuerti, sic ait: quæ res, & ex veteribus probatur historijs, & ex his quæ geruntur quotidie, quomodo malis quorundam suggestionibus regum studia deprauentur. Idq; addit; pro qualitate, & necessitate temporum, vt reip. poscit vtilitas, diuersam esse ferendam sententiam. Ad eundem ergo modum nos quoq; ex priscis discamus historijs, an Canonici ordinis rectorum studia malis artibus deprauata fuerint, vt si nostrorū temporum calamitosa ægritudo, Canoniciq; ordinis vtilitas postulauerint, antiquissimorum patrum regulas, atq; sanctiones, mutata sententia, complectamur. Est. n. historia temporum veritatis, ac vetustatis doctrix præclara. Suauissimum quidem est, ex ipsis limpidissimis fontibus puram haurire veritatis aquam, ab omni inuidiæ suspitione defecatam.
- 2** Vt autem lectorem attentiores reddam in enarrandis priscorū actis, Mose verba hic proponenda duxi ex Deut. 32. cap. Meniêto, inquit, dierum antiquorum, cogita generationes singulas, interroga patrem tuū, & annuntiabit tibi maiores tuos, & dicent tibi. In his siquidem verbis salubre admodum consiliū, singulareq; pharvacum habebis contra defectus omnes, si quos hic Canoniorum ordo nunc patitur, quorum præcipuè quattuor considerari poterunt. Primus est, si in eo ordine passim corruptæ formæ excogitètur, quibus vera illa Augustini pietas obscuratur, decrescit, & extinguitur, vt huius vestigia apud quosdam vix videri queant. Cum contra à veteribus institutis nec transuersum, quòd aiunt, digitum discedendum esset. Memento igitur dierum antiquorū, in quibus vera Canoniorum Religio in Deum vigit. Secundus defectus est, si permultæ, & quidē intollerabiles abusiones in dies irreparent, partim

partim ex negligentia pastorum, partim ex nimia habendi cupidine. Cogita igitur generationes singulas, & videbis, curi tempore hæc irrepsisse mala. Tertius defectus hæret in ministrorum ambitione, contentione, atq; conuicijs. Ambitio nanq; & id mali conciliat, ut vel nostri ministerij inmemores, de diuatu, ac potestate gloriemur. Interim verò obliuiscamur nos esse Christi operarios, speculatores, atq; ministros. Quid hic agendum censes? interroga patrem tuum, Augustinum, aliosq; nostros legislatores; & annuunt tibi, quid qualiq; modo tibi agendum sit iuxta ordinis præscriptum; sed tibi annuunt hæc? In actis suis, atq; scriptis. Quartus defectus deprehendi posset in communi iniustitia, fraude, alijsq; animi vitijs. Obserua, an abundauerit iniquitas, refrigueritq; nonnullorum Charitas, quorum corda malis occupata conspiciuntur. Sed qua ratione huic malo medebimur? interroga maiores tuos, & dicent tibi, an & ipsi similem vitam egerint? teq; docebunt, qualis vita in ordine Augustiniano instituenda, atq; peragenda sit. Quo circa perutile futurum est, ut in ipso nostri operis ingressu, huius præclari Canonicorum Reg. ordinis antiquitatē patefaciamus. Duo tamen prius sunt perstringenda, nam ad commostrandam, omni amphibologia semotā, huius ordinis antiquitatem, illud cautè præmonendum est, nos verba facere de Canonicis Reg. qui verè, perfecteq; religiosi sunt: quales illi iure cēsentur, qui iuxta Regulam ab Ecclesia approbatam, tria essentialia vota emittere consueuerunt. Quemadmodum. n. diuus Thomas docuit. 2. 2. q. 186. art. 6. 7. & 8. ad Religionis perfectionem triplex votum requiritur, videlicet paupertatis, castitatis, & obedientiæ; igitur in solenni professione perfectæ Religionis hæc tria vouentur; aut certè iuxta aliquam Regulā approbatam vouetur obedientia, sub qua alia duo continentur, ut author est D. Thomas. Eandem rem docet cap. Cum ad monasterium. De stat. monach. &c. Quo in loco interpretes, eum esse Regularem asseruerunt: qui hæc tria vota emisit. Quare confingere iure nō licebit, alios Canonicos Regulares triplici voto non astrictos. Eos. n. nō veros Canonicos Regulares, sed fictitios existimare: neq; eorū Religionem cōpletam, perfectamq; sed truncatam esse censerem, iuxta Theologorum sententiam, & iuris Canonici sacra decreta: aut igitur omnino religiosi erunt nostri Canonici Regulares, monastices encyclopediā complectentes, aut planè in seculares abierunt.

- 3 Alterum quoq; nos præfari conuenit; nempe tria Religionis vota ab ipsis Apostolis constituta fuisse. Cui rei suffragatur S. Tho. 2. 2. q. 88. art. 7. dicens: voti solennitatem considerari secundum aliquam spiritualem benedictionem, vel consecrationem: quæ ex institutione Apostolorum adhibetur in professione certæ Regulæ: Quādo per abrenunciationem seculi,

ſæculi, & propriæ voluntatis aliquis ſtatum perfectionis aſſumit. Quem locum exponens Dom. Sotus lib. 7. de Juſt. & iur. q. 2. art. 5. ait, Religionem quidem à tempore Apoſtolorum ortum habuiſſe: vt apud Dionyſium conſtat. Nam & Monachos commemorat cap. 6. Eccleſiaſtica hierarchiæ. Et. n. prope Apoſtolorum ætatem vigeant Monachorum ordines, votorum ſolennitate, vt creditur, firmati: Ea autẽ vota auctoritate Eccleſiæ, & forſan in manibus Epiſcoporũ edebant. Et idem S. Thomas ibidem art. 4. ad 3. argumentum cum argumentatus fuiſſet, nuſquam legi Chriſtum, aut Apoſtolos aliquid vouiſſe: reſpondet dicens: Apoſtoli autem intelliguntur, vouiſſe pertinentia ad perfectionis ſtatum, quando Chriſtum relictis oĩbus ſunt ſequuti. Ex quo loco Aug. Ticinenſis in ppugnaculo Canonici Ordinis par. 4. c. 4. inferit, iuxta S. Thomæ ſententiã, Apoſtolos, & reliquos primitiue Eccleſiæ Clericos tria vota emiſiſſe.

- 4 His conſentit Alphoſus Caſtrus lib. 14. de Hæreſib. in verbo Votũ. Hoc etiam, inquit, votum creduntur emiſiſſe Apoſtoli de paupertate ſeruanda, quãdo relictis omnibus ſequuti ſunt Chriſtum: vt ſenſit Auguſt. lib. 17. de Ciuit. Dei cap. 4. Cum ait, hoc votum potentiſſimẽ vouerant, ſed vnde hoc illis, niſi ab illo, de quo dictum eſt, dans votum vouenti. Et inferius idem Caſtrus, ex Dionyſio Areopagita, Pauli diſcipulo, loco citato contendit probare profeſſionem Monasticam ab Apoſtolis inſtitutam fuiſſe, in Eccleſiã; ſeruata. Ex eo ergo loco Dionyſij duo inferit; Primum quidem, Monachos tunc profeſſionem per voti promiſſionem facere, quod manifeſtẽ Dionyſius oſtendit, cum dixit: Vbi verò ille hæc omnia intente promiſerit. Ergo in ipſis Eccleſiæ primordijs Monachi ſe voto domino obligabant. Alterum eſt, Monasticam vitam eſſe omnibus alijs excelsiorem, & ſublimiorem. Huc quoq; ſpectat concilij prou. Col. ſub Archiepiſcopo Hermanno. 5. aſſertio tit. de vita Monastica cap. 1. Vita, inquit, Monastica non multò poſt Apoſtolorum tempora cœpit: quanquam multis perſuaſum ſit, alia tum fuiſſe, quam nunc eſt Monachiſmi rationem.

- 5 Eandem rem ex priſcis authoribus elegãter expreſſit Robertus Epiſcopus Arboricenſis, tit. de tuendo cœlibatu. Apoſtolorum. n. collegiũ vſu votorum non caruit. Vbi, inquit, hunc viuendi ritum apud ſuos non adinuenit, ſed hauit potius Auguſtinus. Vt nõ tam dicendus ſit auctor, quàm regulæ Apoſtolicæ imitator; Vt eſt in cap. non dicatis. 12. q. 1. Nõ eſt igitur humana hæc conſtitutio: ſed diuina potius & Apoſtolica. Quin & totam cœnobiticæ diſciplinæ panopliã ab Apoſtolicis fontibus ſumpſiſſe exordium, abũdẽ docet Abbatis Piamonis cap. 5. collationis. 18. apud Caſſianum. Quo perleſto nihil ſuper eſt, quod fidem ad huius rei faciendam vltra deſiderare poſſis. Hoc ipſum idem Robertus compo-

bat ex

bat ex Dionysio Areopagita, suos terapeutas referente, & ex Philone Iudæo, antiquisq; patribus.

- 6 His præmonitis, hunc illustrem Canonicorum Regularium ordinem ab ipsis ecclesiæ incunabilis originē trahere viri clarissimi suis scriptis tradiderunt. Rosetus. n. doctor Parisiensis lib. de Religione Ecclesiastica tit. 3. 4. cap. 3. testatur: Eum ordinem sub sanctis Apostolis fuisse institutum, deinde à beato Marco apud Alexandriam adauctum, à Iacobo Hierosolymitano Patriarcha, & Clemente Rom. Pontifice, ceterisq; Apostolicis viris observatum, ab Urbano Pontifice maximo, insigniq; martyre generali decreto condecoratum, à magno Augustino instauratum, diuinisq; regulis illustratum, custoditum, & mirum in modū propagatū. Huius. n. ordinis, atq; habitus Augustinus fuisse verē asseuerat.

- 7 Contestatur idipsū Ioānes à Nigra valle sedis Apostolicę Bibliothecarius in epilogo Chronicarum lib. 13. cap. 18. Ex Canonico, inquit, Ordine omniū primo, ceteræ omnes Religiones veluti ex limpidissimo fonte profluxere. Ex eo nāque Monasticus Ordo traxit originem; Cum enim in Ecclesiæ primordijs ab eis quibus erat cor vnum, & anima vna in domino, multi ad perfectionem illam, qua pro Christo omnia relinquuntur, assidua prædicatione, & à sæcularium Clericorū statu conuerterētur; hi qui Apostolorum decreto Angelicam vitam, veluti Dei ministri, in cōmuni viuentes, atq; in sortem domini sunt per paupertatis, castitatis, ac obedientię professionem assumpti, Clerici, siue Canonici nuncupati fuerunt.

- 8 Hanc ipsam rē ex iure Canonico manifestam facimus. Quod. n. Clerici nascentis Ecclesiæ regulariter viuerent, satis apertē dēmonstratur ex cap. duo sunt. 1. 2. q. 1. vbi Hieronymus ait: Illi. n. victu, & vestitu contenti, nullam inter se proprietatem habentes, debent habere omnia communia. Et ibidem cap. Scimus. Urbanus Pontifex de clericis, inquit; Quicumque vestrum communem vitam susceptam habet, & vouit se nihil proprium habere, videat, ne pollicitationem suam irritam faciat: ne damnationem, sed præmium sibi acquirat. Quoniam melius est non vouere, quā vovisse, prout melius potest, non perficere. Et cap. Quia tua fraternitas Monasterij Regulis erudita, hanc debet instituere conuersationem, quæ in initio fuit patribus nostris, in quibus nullus eorū ex his, quæ possidebat, propriū habebat, sed erāt illis omnia communia. Item Clemēs in cap. dilectissimis ibidem, de Clericis ait; Cōmunis vita omnibus necessaria est, & maximē his, qui Deo irreprehensibiliter militare cupiunt, & vitam Apostolorum imitari volūnt. Vnde consilium dantes, vestram prudentiam hortamur, vt ab Apostolicis Regulis nō recedatis, sed communem vitam ducentes, & scripturas sacras rectē intelligentes,

gentes, quæ berie nouistis, adimplere satagatis. Eandem Regulam Aug.
retinuit, ut constat ex sermonibus de communi vita cler. Quorum alter
incipit, Charitati vestræ: alter. Propter quod. Ex quibus definitas sen-
tentias Gratianus mutuatur ibidem cap. Nolo. & cap. Non dicatis. Vbi
obiter annotabis, illud cap. Non dicatis, colligi ex textu ipsius regulæ
Aug. ut viri docti asseruerunt. De his copiose admodum scripsit Augu-
stinus Ticinensis in propugnaculo, par. 1. Vbi Rosetum, & Ioanem Ni-
græ vallis retulit.

- 9 Origo Canoniconum Regularium ex grauib; historicis manifesta-
tur. Aurelius nanq; Augustinus, Ecclesiæ Catholicæ doct̃or præstâtissi-
mus, Regulā quidem verē Apostolicam instaurauit, & propagauit, au-
thore Raphaelē Volaterrano lib. 21. Anthropologiæ. Valerius, inquit,
præsul Hipponēsis, Augustini audita fama, ad se adcersitum in loco ab-
stinentiæ comodo extra urbem constituit: Vbi annos tres cum socijs
agitans, coactus est, ciuium quotidie accedētium importunitate, locum
mutare, ac quendam montem aditu difficiliorem petere; vbi tugurium
inter saxa vilissimum separatūq; à ceteris fecerat. Hic librum scripsit
de vita Monachorum, & quædam alia. Reliqui verò socij eum, iactu fun-
dæ remoti, circumsistebant. Post hæc visum Valerio, illum ad se accer-
sere, presbyterumq; creare, simulq; vnā Præsulem, & coadiutorem offi-
cij constituere, quod esset eloquio præstans, & vitæ meritis clarus. Augu-
stinus igitur, ægrè huiusmodi sumpta prouincia, ante omnia vitā in eā-
dem Canoniconum instituit Regularium, qui vitā degerent communi
ab Apostolis prius ordinata. Et paulò inferius subdit, Eremitani ordinē
suum Ab eo fluxisse dicunt, in monte Pisano, dum in Africam rediret,
à Simpliciano prius institutum. Ediditq; Choriolanus, eorum paulò an-
tè Generalis, super hoc apologiam; totum tamen apochryphum, nul-
lusq; author idoneus. Ordo autem Canonicus nō tam ab eō institutus,
quā renouatus, ab Apostolis enim in monte Sion exordium sumpsit;
qui post ascensionem, ut ait Thomas. 2. 2. q. 88. de vitæ genere delibe-
rantes, communia inter se omnia, ac tria vota coram Deo statuere: qui
ritus à successoribus, Clericisq; omnibus diu diligentissime seruatus, fi-
deq; postea deferuescente desitus, nunc quoq; in ecclesijs amplius qua-
draginta perseverat. Amictus est linea tunica, tantum vesti cuiuscunq;
super addita. Quam Iacobus Apost. præsul Hierosolymitanus primus
ex more Leuitico, veterumq; sacerdotum sibi assumpsit. Post eum Mar-
cus Alexandriæ, posterī verò diuersis inter se factis conciliabulis, alij
alia simul cum lineis indumenta corripuere, statutaq; condidere. Hæc
Volaterranus.

- 10 Eandem rem confirmat Sigebertus in epistola ad Macedoniū de or-
tu,

tu, conuerfione, & vita Sancti Auguftini, dicens; Cum autem appropinquaret feftum Pentecoftes, Sanctus Epifcopus Valerius mifit pro Auguftino, & inuitum presbyterum ordinauit. Factus presbyter monasterium Clericorum inftituit in domo Epifcopi, & infra annum ibidem viuere cœpit fecundum Regulam Apoftolicam.

¶ Eandem rem luculenter edifferit sanctus Antoninus. 2. par. hift. tit. 9. cap. 8. §. 2. & 3. dicens; Factus ergo Auguftinus presbyter, monasterium Clericorum mox inftituit, & cœpit viuere fecundum Regulam sub sanctis Apoftolis conftitutam: & paulò inferius. Clerici. n. Ecclefie sue viuebant in communi, vt Canonici Regulares. Vt patet 12. q. 1. c. Nolo, & cap. certe. Et ab eo dicitur Ordo Canonic. Regularium habuiffe initium: quibus & Regulam fcripfit, quam hodie plurimi Religiofi profitentur: vt Prædicatores, Eremitæ, Seruite, Canonici Regulares omnes, licet diuerfarum Religionum, & alij. De qua Regula tranfumptum eft illud capitulum, Non dicatis aliquid proprium &c. 12. q. 1. & illud capitulum 32. q. 2. Nec folo tactu, fed affectu quoq; & afpectu appetitur, & appetit concupifcentia fœminarum &c. Et illud fecunda quæft. 5. Nô vos iudicetis efle maleuolos, quando crimen alterius iudicatis, fcilicet ex Charitate. Et illud ad Prælatos, dift. 86. Quâdo neceffitas difciplinæ in moribus coercendis dicere vos dura verba compellit, non à vobis exigitur, vt à vobis fubditis veniam poftuletis. Huc vfque Antoninus. Expende manifeftum teftimonium ad indicandum Regulam Canonicorum Regularium non efle aliam, quàm illam longam, vulgarem, & ab Ecclefia approbatam, quæ & fpeculum Clericorum dicitur.

¶ Eandem fententiâ confirmat Poffidonius Calamnenfis Epifc. in vita D. Auguftini cap. 5. dicēs; Factus ergo presbyter, monasterium intra ecclefiam mox inftituit, & cum Dei feruis viuere cœpit fecundum modum, & Regulam fub sanctis Apoftolis conftitutam. Maximè vt nemo quicquàm proprium in illa focietate haberet, fed eis efient omnia communia, & diftribueretur vnicuiq; prout cuiq; opus erat. Quo in loco fcholium Aloyfij Lippomani Epifc. Veronenfis fic habet: quod cum obferuent etiam veri Monachi noftro tempore, quid habent heretici, quod tantopere contra eos infurgunt; & tollere volunt de mundo, nifi quod fecundum Apoftolicam regulam viuentes, hi maximo odio profequantur? Rurfus idem Poffidonius cap. 11. ait; Proficiente verò doctrina diuina fub Sancto, & cum Sancto Auguftino in monasterio Deo feruientes, ecclefie Hipponenfis Clerici ordinari cœperunt. Ac deinde innotefcente, & clarefciente de die in diem Ecclefie catholicæ prædicationis veritate, Sanctorumq; feruorum Dei propofito, continentia, & paupertate profunda, ex monasterio, quod per illum venerabilem virum & ef-

fe, &

se, & crescere ceperat, magno desiderio poscere, & accipere Episcopos, & Clericos pax Ecclesiæ, atq; vnitas, & cœpit primo, & postea consecrata est. Vbi scholium Lippomani inquit; Sancti serui Dei, Clerici Sancti Augustini crescebant in monasterio continentia, & paupertate profunda. Hæc Lippomanus; quod sanè de solenni trium votorum professione à Canonicis Regulæ, emissâ intelligendum est. Vterius idem Possidonius Aug. discipulus cap. 31. inquit: Clerum sufficientissimum, & monasteria virorum, ac feminarum continentium cum suis Præpositis plena Ecclesiæ dimisit. Vbi Lippomanus ait: Monasteria virorum, & feminarum continentium cum suis Præpositis plura Ecclesiæ dimisit, moriens D. Augustinus. Hæc Aloysius. in tanto autem Monasteriorum numero pleraque; Canonicorum Regularium fuisse, quis ambigat?

- 13 Item Vincentius Historialis in Speculo suo lib. 26. cap. 51. Ordo, inquit, Canonicus, qui primò ab Apostolis, postea ab Augustino regulariter fuit institutus, cœpit florere in ecclesia Sancti Quintini Beluacensis sub venerabili, & S. Iuone eiusdem Eccl. Præposito, & postea Carnotensi Episcopo. Et idem Vinc. lib. 19. cap. 44. ait; Augustinum scripsisse Regulam, & institutionem pro Clericis Regularibus, qui etiam dicuntur Canonici Regulares. Hæc veritatem tot rationibus, testimonijsq; suffultâ, nec ipse Ambrosius Choriolanus in vita Augustini, & comm. 2. in Regulam Augustini, & in defensorio ordinis Eremitarum S. Augustini, diffiteri potuit; quamuis nō absque aliquantula animi grauedine, nonnulla immiscens, quæ à viris doctissimis respuuntur.

De eadem Canonicorum Regularium antiquitate. Cap. iij.

1



Manifestandum autem amplius nostrum propositum audiendus est Aug. Ticinensis loco citato cap. 16. Sciendum ait, iuxta Sanctorum patrum certissima documenta, in Ecclesiæ primordijs, successu tēporis factam esse, diuisionem inter Clericos nascentis Ecclesiæ Regulares, & inter seculares Clericos ab ea districtione relaxatos. Id quod Dom. Sotus lib. 10. de Iustitia, & Iure. q. 4. art. 3. apertè testatur: Nascenti. n. Clericorum Ecclesia cœpit in communi viuere, in quo vitæ instituto non nihil temporis adoleuit. Ille enim erat decentissimus, eorum status, si perdurare potuisset, vt patet ex cap. dilectissimis, & ex altero cap. Urbani, videntes. Et cap. Scimus. & multis alijs. 12. q. 1. Nā cum paucitas tūc existeret Clericorum, & Ecclesiarum, poterant sic commode viuere. Imo & in multis Ecclesijs Cathedralibus etiam nūc specimen aliquod eiusdem vitæ communis retinetur. At verò exaugetur paulò plus

non plus Clericorū numero, vix illa communis vita tolerari poterat. Unde tempore iam Augustini in lite erat, & sub iudice, vtrum deberent sacerdotes initiari, nisi qui vellent in communi viuere. Quoniam eorum institutum id necessario non exigit. Cum paupertatis votum nō habeat annexum, neq; verō obedientiæ, quam non quisq; in domo sua præstare Episcopo possit. Ideo Augustinus in cap. ceterē, iam citato ait; sed ecce in conspectu Dei, & vestro muto consilium. Hæc Sotus. Ecce apertā disunctionem Clericorum Regularium à Clericis secularibus.

Ad originem itaq; Canonic Regulariū stabilendam, plura adhuc, eaq; non contemnenda testimonia producam, quandoquidem author argumenti, seu præfationis in constitutiones Canonicorum Regulariū à summo Pont. Benedicto. 12. editas & Romę Typis excussas, sic inquit: Canonici autem Regulares ab Apostolis in primitiua Ecclesia instituti, à beato Marco, deinde in Ecclesia Alexandrina sub Apostolico titulo ampliati, vt summorum Pontificum attestationibus, & declarationibus comprobatur, ab magno Ecclesiæ doct. Augustino Hipponensi Pontifice, sacris sunt demum institutionibus illustrati. Ipse. n. factus Episcopus Hipponensis, infra suę Ecclesię Canonicam, cenobium Clericorum mox instituit: in quo viuere cœpit sub Regula à Sanctis Apostolis instituta. (Vt tradit Possidonius Episcopus de vita Augustini;) quam sancta Romana Ecclesia in ipsius diui doctoris die festo legēdā instituit. Propterea cum dicitur Ordinis Sācti Augustini simpliciter, intelligitur tantum de Canonicis Regularibus: sicut patet in literis Apostolicis super prouisione Ecclesiarum, & monasteriorum, ac beneficiorum Canonico Regularium; & clarius in lib. taxarum Cameræ, & sacre Cantellariæ Apostolicæ. Ipsos. n. præfatus doctor veros, & originarios filios habuit; per quos suam Cathedralem Ecclesiam regulariter sub Apostolicis institutis regendā sanciuit. Prælatos habet in ecclesijs Patriarchas, Primates, Archiepiscopos, & Episcopos: in monasterijs verō seu Canonicis Abbates, Priores, & Præpositos. Ipsis magnus Aug. Apostolicam regulam tradidit, quā Speculum Clericorum intitulauit: sub qua postmodum processu temporum, tanquam sub præcipua, & communiori de approbatis varij Regularium Ordines mandato Sedis Apostolicæ profitentur: Sicut Ordo præmonstratensis Sāctæ Brigidæ, Hospitaliariorum Cruciferorum, Militum Rhodiensium, & Theutonicorum, & inter mendicantes fratrum Prædicatorum, Eremitarum, Seruorum beatæ Marię, ac plurimi alij ordines, qui sua propria habent vocabula ordinum præter ipsos Canonicos Regulares, qui simpliciter dicuntur Ordinis S. Augustini, vt præmissum est. Quoniam eis ab eodem doct. Augustino tanquam Clericis suis præcisē Regula data est; hætenus ille. Hic obiter

annotato, quòd vbicūq; in iure Canonico aliqua frustra, seu portiuncula ex Regula approbata D. Augustini desumuntur, semper titulus præmittitur, de communi vita Clericorum ad ostendendum verum titulum illius Regulæ, esse de cōmuni vita Clericorum, id quod per doctē considerauit Aug. Ticinensis. 2. par. propugnaculi arg. 9. Vt constare ait in cap. Nō dicatis. Et cap. Nolo. 1. 2. q. 1. Et cap. Si quis irascitur. 13. q. 2. Et cap. Quicumq; vult. 17. q. ult. Ex quo ille infert Regulam Augustinianam in primaria sua institutione fuisse Clericis regulariter viuētibus inscriptā.

3 Hinc fit, vt apud Breuiarium Cæsaraugustanum in Hymno festi Sancti Augustini sic legamus: Amatorem paupertatis te collaudant pauperes; assertorem veritatis amāt veri iudices, &c. Et paulò inferius; Tu de vita Clericorum Sanctam scribis Regulam, quam qui amant, & sequuntur, viam tenent regiam. Atque tuo sancto ductu redeunt ad patriam. Eadem legimus in Breuiario Valentino.

4 Sed iam summorum Pontificum Rom. testimonijs nostrum propositum conficiamus, citatus nanq; Benedictus 12. in præfatione suarū Constitutionum ad Canonicos Regulares tam Ecclesiarum Cathedralium, quam monasteriorum cōscriptarum sic ait: Ideoq; inter Religiones alias in agro eiusdem plātatas Ecclesiæ, ad Religionem Canonico-rum Regularium Ordinis S. Augustini, ab Christi gloriosis discipulis in primitiua Ecclesia sacris institutionibus stabilitam gerentes præcipuæ Charitatis affectum: omnia quæ in Religione prædicta, tam à prima ipsius institutione, quam à sacris Canonibus sunt salubriter instituta, omnino immota in sua firmitate manere censentes, &c. Perspice antiquissimam huius Ordinis originē. Rursus idem Pontifex in præfatione bullæ ad collectores quosdā prouinciarum Canonico-rum Regularium sic exorditur. Egregius Ecclesiæ doctōr, gloriosissimus Augustinus, specialis, & præcipuus exitit institutor, videlicet huius Ordinis Canonico-rum Regularium; de expeditione enim statutorum, & ordinationum huius Ordinis agebat.

5 Præterea Augustinus Ticinensis in propugnaculo Canonici Ordinis. 4. par. cap. 20. Ex quodam priuilegio Congregationi Lateranensi concessio Sixtum 4. sic loquentē inducit; Dum ad vniuersos Regulares Ordines, ac loca sanctimoniz dedita, personasq; voto Religionis astrictas, ipso iniuncto nobis Apostolicæ seruitutis officio, ad illum præcipuè Canonicorum Regularium Congregationis Lateranensis Ordinem S. Augustini, eo libentius oculos nostræ mentis conuertimus, quo Ordo ipse in nascentis Ecclesiæ sancta nostræ mentis conuertimus, quo Ordo ipse in nascentis Ecclesiæ sancta institutione, ac primorum Christianæ Religionis Clericorum norma, traditionibusq; fundatus, & sacris institutis, ac diuinis Regulis, eloquijsq; diui patris Augustini præmunitus exitit:

ab eiusq;

ab eiusq; primitiua fundatione varijs virtutū meritis semp̄ resplenduit. Quamobrem nonnulli Romani Pontifices prædecessores nostri innum̄eris Religionem ipsam priuilegijs, dignisq; honorum titulis non immerito decorarunt. Hæc Sixtus quartus.

- 6 Robertus Episcopus Arborescensis, Parisiensis Doctor, in opusculo de Tuendo Celibatu tom. 1. tit. de Monasticorum Ordinū primordijs, in hac cōtrouersia auctor est oculatissimus, dicens: Canonicos dicimus; qui ex cōmuni placito, ac voto orationi, ac mūtū bonorū distributioni obnoxij erant. Erat autem hoc veluti elementam quoddam, atq; exemplar futurę cōmunionis in Ordine Canonicorum, qui triplici voto adstricti, se Regulares appellant. Quem D. Aug. longo post tēpore instituens, ab Apostolico fonte se hausisse profitetur. Hic ergo Ordo statim ab orbē redemptio, primū illuxisse visus est tēpore Apostolorum. Quoniam erat credentiū cor vnū, & anima vna; nec quisquam propriū aliquid se hūc dicebat. Circa ea tēpora floruit huiusmodi theapeutarū institutū, quo postea desijt esse omnibus Christianis commune, sed redactū est tandem in eorū sortem, qui temporibus Philonis sobrie, ac continenter vixerunt, vt authores sunt idem Philon, & Eusebius lib. 2. quam sententiam confirmat Dionysius Ariop. qui ad Caiū Demophilumq; therapeutas scripsit, eos proprii admonēs instituti, sed & Georgius Pachimeres Philonē de hac re loquentē introducit: Et idē Robertus paulō inferius inquit. Ordo Augustinianus à D. August. regula, ac legibus descriptus, florere cōcepit circiter annū dñi quadrigentesimum trigessimū, summis Ecclesię Pontificibus Siricio, & Innocētiō, imperātibz Theodosio, ac deinde Archadio, Hieronymō, Ambrosio, Chrysostomo, D. Martino, Gregorio Nazianzeno sui claritate nominis orbē illustrantibus, hunc Ordinem non tam à se institutum, quā ab Apostolis deriuatum, idē Augustinus cēseri voluit.

- 7 Plurā ea de re, & fusiū ex Volaterrano lib. Cōmentariorū. 2. 1. haurire poteris. Hic Ordo cū multis annis à sua sinceritate defecisset, primū restitutus est suę integritati à D. Nortberto Præmonstratēsis familię institutore: deinde sub annū dñi millesimū quadrigentesimū per Frigōnariā Congregationē, alias appellatā Lateranensem in Italia, in legitimū Ordine redactus. Nouissimē verō in Gallia à Cōgregatione, quā appellant Castrinātonis, suę puritati restitutus circiter annū millesimum quingentesimum diffusa est in multa hominū millia hæc Augustiniana familia. Nam præter summos Pontifices nō paucos, & Cardinales amplius trecentos viros, sanctitatis opinione præstantes, & celebratos, plus minus septies mille quingentos habuit. Hæc Robertus.
- 8 Superioribus etiā subnectenda est Iacobi Bergomēsis, qui anthor est

supplemēti retractatio, post veritatē exactius cōpertā lib. n. 14. sic ait. Ordo Canonicoꝝ Regularium ab Apostolis primū institutus, indeq; ad Augustino apud Hippōnē Africæ Urbem, diuinis institutionibus decoratus, re floruit: varijs postmodū successibus in Hispanijs, Gallijs, reliquisq; per orbem regionibus, & per Italiā mirū in modū est profusus dilatatus. Sed apud Burgūdiā in Beluacēsi ecclesia sub magistro, sanctoq; viro Iuone eiusdem ecclesiæ Preposito, ad pristinā eiusdē Ordinis obseruantia efflorescere cōcepit. 22. anno Imperij Henrici 3. testis Sigibertus in Chronicis, & Vincentius lib. 36. ca. 5. 1. Hanc veritatē sequitur author fasciculi temporū & Antoninus Flor. 2. par. sue Chronicæ tit. 15. cap. 16. quod incipit; Circa annos Dñi. 1080. Sicut etiā colligi pōt ex ipsius Augustini sermonibus de Moribus, & cōi vita Clericorum: Quod Romanorum Pontificū Canones, & doctorū dicta certissima veritate testātur. Cætera verò licet rei propositæ conducibilia sint, propter nimia tñ prolixitatem prudens refeco. Si plura nosse cupueris, plēge Augustinū Ticinensē in Propugnaculo. 4. par. cap. 22. Adverteſq; nōnullos recētioreſ historicos in hac re fuisse hallucinatos, eo quod ignorauerint authoris supplemēti postremā retractationem. Qui tñ lib. 14. anno. 1407. retractationē faciens, sic ait. Verū quia de Canonicoꝝ Ordine supra lib. 9. aliqua cursim diximus, non ab re pauca hæc, quæ sequuntur, post dicti libri impressionē ad nostram notitiā nuper allata, clariori cōperta veritate subnectimus. Canonicoꝝ igitur Ordo Regulariū D. Augustini: à quibus directē, vt diximus, præfata Cōgregatio cōtinuatur, & ab ipso patre Augustino Regularē sumpsit institutionem. Nam, vt in dictis sermonibus de cōi vita Clericoꝝ ad verbum habetur, Clericos intra Episcopi domum hñe curauit, & cū eis pariter secūdū Apostolicā formā quoad vixit, in cōi degere voluit, Quibus omnibus placuit vnū in Deo sentire, & omnia in cōmuni possidere. Et ibi inquit; Clericus duo professus est. s. sanctitatē. i. obedientiam, castitatem, & viuere in communi. Et vt tunicam lineam, & birrū, idest, vestem desuper habitum in communi gestarent. Quia & ipse in communi acceperat. Vnde inquit. Nemo det birrū, aut tunicam lineā nisi in communi; quia & in cōmuni accepi. Non decet hanc professionem, nō decet hos canos. Ideo in sacris Canonibus Regulares latine, qui & Canonici à canone græce appellātur, vt habetur de cōsecratione, dist. 5. cap. In omnibus, vt Clerici Canonici canonice viuāt. Glossa inquit, Clerici Canonici. i. Canonici Regulares: & licet in habitu superiori varijs in locis diuersi reperiātur Canonici, tñ vt colligitur per doctores in cap. Deus quis; de vita & honest. cleric. Diuersitas ista non diuersificat ipsum Ordinē in specie penes habitum superiorē, siue in forma,

ma, siue in colore. Cum habitus superior nō sit de substantia professionis, sed habitus interior. s. tunica lineæ; qui est proprius, & legitimus Canonicoꝝ Regularium habitus; & in eo propriè profitentur. Ita. n. pulchrè notatur ex glo. Ioānis And. in verbo habitus, in Clem. 1. de elect. & addit: Varietas coloris in habitu superiori non efficit diuersitatem Ordinis, seu Religionis Canonicoꝝ. Sunt ergo oēs isti Canonici, de quibus paulō superius diximus, vnius eiusdem Ordinis cū illis, qui habitu lineo Regulam Augustini profitentes, primū ab Apostolis in primitiua Ecclesia sunt instituti, & per Augustinum Regularibus Constitutionibus ad cōm Regularem vitam restituti, vt etiā colligitur ex præfatis sermonibus de communi vita Clericorum, & constitutionibus, & decretis Romanorum Pontificum, Benedicti. 1. 2. Eugenij 4. Nicolai. 5. & Sixti. 4. & alijs authenticis scriptis, & approbatis testimonijs. Hæc ille Iacobus Bergomensis, supplementi author.

De præclaro autem, ac venerando Eremitarum S. Augustini Ordine vnicum Raphaellem Volaterranum loco citato differentem, in medium adducam. Deinceps inquit, Eremitarum viri, qui tertium inter Mendicantes obtrahunt locum. Hi ab initio, vt ait Io. And. ex pluribus Ordinibus, ac Eremitis simul in vnum coacti, sub Augustini Ordine cum baculo, & zona pellicea, Alexandro. 4. ac S. Bonauentura eius legato, probati fuerunt. Inter eos autem, qui huic vitæ generi initia dederit Guillelmus, quem alij alium tradunt, apud plures verò Aquitaniz dux fuit, anno fere. 1158. sub Eugenio. 3. Romam venit, &c. Postremo in patriam reuertens, multis ordinatis, simul & constructis Eremitarum cœnobijs, extinctus est in magna populorum veneratione, adeo vt successores Guillelmi cœperint vocari.

Eidem assertioni suffragatur Bartholomæus Cassanæus in Cathalogogloriæ mundi. 4. par. consid. 71. dicens: Sunt & alij Mendicantes, qui dicuntur Eremitæ S. Aug. qui vt dicit Antoninus Florentinus in sua summa 3. par. tit. 16. cap. 1. §. 8. alias fuerunt sub Regula beati Basilij: nunc autem, vt dicit, militant sub Regula beati Augustini.

Hunc Eremitarū Augustini Ordinē describit Robertus Episcopus Arboriensis de tuendo eelibatu tom. 2. tit. de monast. Ordinū primordijs, in omnibus Raphaellem Volaterranū secutus. De eisdem Eremitis agit Ioānes Nauclerus volum. 1. Chronographiæ generatione. 41. & de tēpore, quo relictæ cœno, ciuitates primū incolere cœperunt, ac primū Parisijs monasteriū sub medicationis titulo extruxerunt. Nauclerus igitur sic ait: Ordo quoque Eremitarū à quodā Guillelmo Eremita, viro sancto, & Aquitaniz dace, ac comite Pictauiesi nuper anno Dñi millesimo cētesimo septimo, licet institutus, sub Innocentio tñ, &

Honorio sub titulo fratrum Eremitarū S. Augustini & appellari, & nominari iussus est, & cōfirmatus. Nam prædictus Guillelmus prius a B. Bernardo sufficiēter edoctus, Ordinis sui calamitatē, Religionisq; feruorem pene extinctum, considerans, animum ad instaurandum, cum adiecit, in breuiq; conualescens ex multitudine Religiosorū, & monasteriorum meliorē faciē Ordini D. Aug. per Gallias dedit. Quare hunc Ordinis cōditorem appellant, ac Guillelmū vulgō, per Gallias nominantur. Itaq; concessione Anastasij Pōtificis, & Adriani eius successoris, relicta eremo, tū ciuitates primū incolere cœpit, ac primū Parisijs monasterium sub Mendicationis titulo extruxit. Deinde Albertus Gallus doctrina, & vitæ sanctitate mirabiliter Ordinem adaugēs, plurimum Ordini laudis, & Religionis contulit. Verum, cum Guillelmitarū titulus in Gallijs vsq; ad Innocentij tempora perdurasset, mandante eo, post habitā eius denominationē, & omnibus S. Augustini Eremitis ad ciuitates, ybique accersitis, Innocentius, & eius successor, omnes sub vno titulo Eremitarum, vt dictum est, appellari voluit, & præcepit. Hæc Nauclerus. Vbi verò Innocentium, & Honorium commemorat, Innocentium. 3. & Honorium. 3. intelliges.

De viris illustribus, & Cœnobij Canonici Ordinis. Cap. iij.



AD nobilitandum, illustrandumq; Canonic Regularium Ordinem, adq; inflammandos audiētium animos, in huius Ordinis affectum, & pietatem, nō mediocrē profectō adiumentum, igniculosq; non paucos præstabunt illustriū Canonicorū gesta, & exempla. Inuenio nanque apud sapientes, honestissimum esse corū maiorum vestigia sequi, qui recto, probatoq; itinere processerunt. Habendaq; est diligens ratio, quos imitemur, quorum similes esse velimus. Longū profectō iter est per præcepta: breue, & efficax per exempla: quoniam plura ex moribus, quàm ex verbis trahimus. Sermo viuus, & efficax exēplum operis est. In Morali philosophia plus exempla proficiunt, quàm præcepta: s. libentius, ac promptius imitatur, quisq; quod admiratur. Hinc fit, vt ad omnia pro Christi gloria, patiendum magis accendatur, martyrium exemplis, quàm Theologorū monitis; magisq; à sceleribus deterremur tristi scelerosorum exitu, quàm detestatione vitiorū à Philosophis conscripta. Hoc illud est præcipuē in cognitione rerū salubre, ac frugiferū aliorū exempla intueri, vnde tibi quod imitare capias, vnde fœdum quod vites. Pulcherrimus Ordo est, & saluberrimus, ex aliorum erratis vitā nostram in melius instituere, & ex egregijs, laudatisq; gestis nostros componere mores. Id etiam ad excitandas animi vires nobis

bis opitulabitur. Si aduigilanti mente considerauimus, præclara opera fuisse præstita à sanctis, probisq; viris, qui vt nos, hac mortali carne, milleq; periculorum anfractibus circumdati, exultissimam tamen, studiosissimamq; vitam summa cum laude egerunt. Itaq; quoniam magis mouent, ac penetrant in animos, quæ cernuntur, quam quæ audiuntur, non mediocrem inde frugem tibi comparabis. Quoniam verò ipsa sibi obstat magnitudo, rerumq; diuersitas aciem mentis abruptit, faciam quod solent, qui terrarum situs depingunt, claudam totum in exiguo, & quod magni artificis est, in breui quasi tabella totâ rei imaginem amplectar: Quare summa breuitate præclaros huius Ordinis viros percurram, ab eis sumens initium, qui ex hoc Ordine ad summum Pontificatum fuerunt assumpti. Sanè Raphael Volaterranus lib. 2. in Antropologia, triginta sex fuisse ex hoc Ordine summos Pontifices Rom. constanter affirmat: quamuis alij, quos paulò inferius citabimus, quinquaginta, & quattuor fuisse tradunt. Inter quos, teste Volaterrano, est Gelasius papa huius nominis primus, q fuit natione Apher patre Valerio, sedit post Fælicem in Pontificatu annis quattuor, vir sanctus, & in diuinis scripturis eruditissimus: mox inito Põtificio munere Manichæos, quos in vrbe reperit, in exilium misit, & libros eorû apud basilicam S. Mariæ publicè combussit. Clerum quoq; amauit, & auxit. Pauperes semper mira beneuolentia, & charitate cõplexus est. Ciuitatem Romanam à multis periculis liberauit, maxime verò ab inopia rerum, & fame. Hymnos etiam cõposuit ad imitationem beati Ambrosii. Edidit & libros quinque contra Eutychem, & Nestorium. Duos cõtra Arrium; Orationes habuit elegantes, & graues. Epistolas præterea ad amicos, & fidei domesticos non minus graues, quam doctas scripsit. Gradualia, Alleluya, & Tractus, cum Præfationibus ad Missam congruenter ordinauit. Et libros Sanctorum Patrum autheticos ab Apochrifs sequestrauit, vt habetur distin. 15. cap. Sancta Romana. Moritur imperante Anastasio Augusto anno Domini 496. Ex Antonino Flor. part. 2. Historiali tit. 11. cap. 1. §. 7. & Platina in Gelasio 1. & Ioanne Trithemio.

3 Leo Papa. 8. Protoschynarius Apostolicæ Sedis, vir venerabilis natione Romanus, à Clero, populoq; Rom. pulso Ioâne 12. Põtifex creatur. Nã cû Ioannes flagitiosè viueret, & intemperanter, Leo subrogatur, & Othonis Imperatoris vi, & armis defenditur. Et miserabiliter, Ioanne mortuo, in sede Petri Leo perseuerauit. In ea tamen nõ diu vixit: anno. n. 1. mense. 4. moritur, domini autè anno. 954. Ex Antonino Flor. 2. par. Hist. tit. 16. cap. 1. §. 16. Et Platina in Leone. 8. & Raphaele.

3 Alexander. 2. Anselmus antea vocatus, patria Mediolanensis, Epi-

B 3 scopus

scopus Lucensis, mortuo Nicolao ob humilitatem, benignitatem, & doctrinam, absens etiam Pontifex creatur: aduersus symoniam labem acriter inuehitur, 1. q. 3. cap. ex multis; qui Pontificatus sui anno, 11. mens. 6. moritur, in basilicaq; Lateranensi sepelitur, nullo genere honoris, quod impedi summo Pontifici potest, non adhibito, & à Clero, & à populo. Ferunt tum magno in prætio fuisse Ioannem Gualbertum Monachum Vallis Umbrosæ, & illius Ordinis auctorem, virum sanctissimum, ac miraculis insignem. Ex Antonino Flor. 2. par. tit. 16. cap. 1. §. 20. Et platina in Alexandro. 2. & Raphaele.

4. Paschalis. 2. Rainerius ante Pontificatum vocatus, natione Italus è Flaminia, patre Crescentio, matre Alphacia, eo ferè tēpore Pontifex creatur, quo Christiani in Asia dimicantes, Antiochiam tepere: quem quidem Paschalem Gregorius. 7. ob virtutem, & doctrinam, Sancti Clementis presbyterum creauit, in quo quidem loco Clerus ipse post Urbani mortem, eundem Paschalem vita priuata contentum: quippe qui antea Monachus fuerat, etiam nolentem, & latitantem Pontificem, creat, q̄ diceret humeros suos nequaquam tanto oneri suffecturos: Sed expetente populo, eligente Clero, collaudante Cardinalium Senatu, Pontificis munus suscepit: maximè verò cum ter acclamatum esset, Sanctus Petrus Rainerium, virum optimum Pontificem elegit. Hic autem Pontifex cōscripsit cap. peruenit. 16. q. 1. Et cap. sicut domini. 16. q. 7. Et ibidem cap. si quis, & 16. q. 1. cap. decimas, tandem in morbum incidens, se paulò post moriturum cognouit: Quare acceptis Ecclesiæ Sacramentis, cohortatusq; Clerum ad pacem, & concordiam, Pontificatus sui anno 18. mense 6. die 7. moritur. 15. Kalendas Februarij. Sepeliturq; honorificētissima pōpa in basilica Cōstantiniana: Ex Ant. Flor. par. 2. Hist. tit. 16. cap. 1. §. 2. & Platina in Paschale. 2. & Raphaele.

5. Lucius. 2. patria Bononiensis, patre Alberto, qui prius Gerardus dicebatur, & Cancellarius erat, Pontificatum iniit post Cælestinū. ij. Hic Senatum Rom. collapsum, & penè obliuioni traditum, ne denuò restitueretur impediuit; sed à populo Rom. lapidibus attritus, postmodum Pastorale officium, ut fertur, exercere nō potuit, breuiq; tempore diem clausit extremum. Eo tēpore Guilielmus quindecim annorum puer, in Anglia crucifigitur à Iudæis in die Parasceue in vrbe Noruich. Hic Pontifex nihil prætermittebat, quod ad Turcharum expeditionem pertinebat, miro excitatus amore retinendę Hierusalem, quod tit. S. Crucis in Hierusalem presbyter Cardinalis, Pontifex creatus fuerat; quam quidem Basilicam totam fermè restituit. Eius præterea consensu in Gallia Synodus Episcoporum quorundam, & Abbatum facta est contra Baliardum philosophum, qui tandem victus Monasticam

nasticam vitam suscepit. Et in loco deserto cum quibusdam discipulis sanctissimè vixit. Lucius autem Pontificatus sui mense. 17. die. 4. moritur, ac in Basilica Lateranensi sepelitur. Ex Antonino Flor. par. 2. Hist. tit. 17. cap. 1. §. 6. Et Platina in Lucio. 2.


6 Alexander. 3. qui antea Rolandus dictus est, & Cancellarius fuit, patria Senensis, patre Ranutio, post Adrianū. 3. Pontifex creatur, & schismate quattuor Antipaparū extincto, solus perstitit, verus Pontifex ab omnibus declaratus. Hic Concilium generale celebravit Turonis in Gallijs. Et sanctorum Cathalogo beatum Bernardum Abbatem Clart Vallis adscripsit, à Thoma etiam Anglo Archiepiscopo Cantuariensi inuisit, què etiam in Sanctorum Cathalogum retulit. Edidit autè Pontifex hic, verè magnanimus, plurimas Cōstitutiones in Conc. Turonis Gallie ab eo celebrato, & in Lateran. Romę celebrato. Multasq; Decretales euulgavit; quæ sub diuersis Decretaliū titulis continentur. Alexandria in Longobardia superiori inter alpium radices, vrbemq; Ticinū supra Taurum amnem edificauit, quæ ab hoc Pontifice Alexandro Alexandria nuncupatur. Multas iniurias à Federico Imperatore sustinuit; Sed ipsum Imperatorē tandē superans, in signū subiectionis, eius collū pede cōculcauit, dicens: Scriptū est, super aspidē, & basiliscū ambulabis, & conculcabis leonem, & draconem: Scripsit autem elegantes Epistolas ad diuersos, & de potestate Ecclesiastica, & quædam alia. Huius tempore claruit Petrus Lombardus Episcopus Parisiensis, Magister Sententiarum. Interim verò Alexander post longos, & assiduos labores, Pontificatus sui anno 21. die 19. Romæ moritur anno Domini 1181. Ex Anto. Flor. 2. par. Hist. tit. 17. cap. 1. §. 10. Et Platina in Alexandro. 3. Et Ioanne Trithemio.

7 Innocentius 3. Lotharius ante vocatus, natione Campanus, patria Anagninus, patre Trasimundo, è familia Comitum, vir etiā ante Pontificatum doctrina, & moribus insignis, à Cælestino in numerum Cardinalium refertur: Quo mortuo, in eius locum omnium consensu Pontifex sufficitur. Præfuit autem Ecclesię annis 18. mēsis tribus, diebus 23. Quam verò fuerit gloriosus Pontifex, opera eius testimonium perhibent, quæ si omnia stilo essent comprehendēda, iustum volumen superarent. Scripsit autem de Vtilitate humanę conditionis: In septem Psalmos pœnitentiales; De officio Missæ, De Sacramento baptismi, De Claustro animæ; Decretales antiquas; Sermones plures, & Epistolas ad diuersos. Hic quoq; anno Domini 1215. celebravit Concilium generale Romæ in Eccl. Lateran. in quo interfuerunt quāplurimi Episcopi, in eoq; editæ fuerunt numerosæ Cōstitutiones. Et vt vnico verbo omnia complectamur; pro maiori parte Decretalium liber ex

Innocentij huius Constitutionibus, & Decretalibus Epistolis componitur. Oborta tunc apud Tholosam hæresis est, quã, Innocentio procurante, B. Dominicus qui postea in Sanctos relatus est, mira celeritate compescuit, adiuvante etiam Simone Monforti. Eiusdem opera, & impensa insigne illud Hospitale S. Spiritus Romæ conditum fuit, auctuq; ab eo magnis prouentibus: quibus, & peregrini, & ægroti, & vulgo concepti, ac orphani alerentur. Aliaq; pietatis opera per magna exercuit, utcumq; est, constat eum in quouis genere vitæ probatissimū fuisse, dignumq;, qui inter Sanctos Pontifices censeatur. Claruit tempore discordiæ, quæ fuit inter Philippum fratrem Henrici, & Orthonē ducem Saxoniz, anno Domini, 1200. Ex Anto. Flor. 3. par. tit. 19. cap. 1. Et Platina in Innocentio 3. & Ioanne Trithemio.

- 8 Honorius. 3. paria Romanus de Sabellis, Centius ante vocatus, patre Americo, omnium suffragijs Pontifex creatur, Ordinem S. Dominici sub regula S. Augustini, ipso instante, confirmat, & Federicum. 11. anathemate notatū Imperij dignitate priuat. Eius tempore Ioannes Hierosolymitanus rex, cū Romam venisset perbenigne magnis donatus muneribus ab Honorio suscipitur. Et filiam Federicū in matrimonium locat, eiq; ius illud condonat dotis nomine, quod sibi hereditario iure in regno Hierosolymitano competeat. Hinc est quod oēs Siciliæ, Neapolitaniq; reges titulum Hierosolymitani regni sibi vendicant. Deinde Decretales Epistolas compilauit, Ordinem beati Francisci comprobauit, quem biennio post Gregorius. 9. in Cathalogum Sanctorum retulit. Hoc autem modo Honorius benè, ac beatè vitam ducens, ut bonum Pastorem decebat, anno Pontificatus sui 10. mense. 7. die 13. moritur, sepeliturq; in basilica S. Mariæ Maioris ad præsep. Post cuius mortem tanti terremotus repente exorti sunt, ut in montibus Saluijs ad quinque millia hominū perijsse constet, cadentibus domibus, saxiq; ex cōibus montiū inhabitatas conualles passim ruentibus. Ex Antonino. 3. par. Hist. tit. 19. cap. 3. Et ex Platina in Honorio. 3.
- 9 Horum prædictorū Pontificum tantū nomina expressit Raphael Volaterranus. Cardinales autem amplius trecetū. Sanctos viros ad septem millia, & quingentos huius Ordinis fuisse asseuerat.

Rursus de viris illustribus eiusdem Ordinis. Cap. v.

- 1  Voniam exempla ex vetere memoria & monimētis, ac literis, plena sunt dignitatis, plena antiquitatis, idcirco hæc plurimū solēt, & auctoritatis hęc ad probādū, & iucūditatis ad audiendum, ut in Verrē Cic. dixit; longiorem historiam texere non graua erit. Nonne ex rebus præclare gestis eā egregijs viris in pectore flammam accendi

accendi solere à summis, eruditissimisq; viris, acceperimus? Quæ hand-
quaquã prius sedari consuefcat, quàm illorũ virtus, superiorũ famã, &
gloriã adæquarit? Ab illis. n. quẽdã quasi faces, ac stimuli subiecti, sub-
ministratiq; sunt ad virtutẽ, quibus præsertim animi ad gloriã, immor-
talitatẽq; studiũ vehemẽter accenditur. Sũmos ergo Pontifices alij vi-
ri clarissimi consequuntur. Sanctus Fridianus, cuius tertio Dialogorũ
Gregorius meminit. Is. n. Vltoriz regis in Hibernia filius, adolescens
admodũ, Romã venit, postremo Luccam. Vbi Præsul factus Cenobiũ
excitauit, quod post obitum, eius nomini dicatũ fuit. Ex Volaterrano.

2. Item S. Patricius Hiberniæ Præsul sub Cœlestino. 1. à quo fuit desti-
natus ad Scotos ad fidem conuersos, atque Archiepiscopus Scotorum
ordinatus, per 40. annos sanctitate insignis, & doctrina excellens, totã
insulã Hiberniæ ad Christum conuertit, maximisq; miraculis claruit.
Hic à domino Iesu ei apparente, Euangelij textũ, & baculum in signũ
dignitatis Archiepiscopalis accepit. Præterea in quodã deserto Eccle-
siam construxit, & beati patris Augustini Canonicos in ea constituit.
Ex Volaterrano, & Anto. Flor. par. 2. tit. 11. c. 18. §. 11. Platina autem
Palladium ad Scotos, Christi fidem optantes, fuisse missum à Cœlesti-
no. 1. ait, quem ipse Episcopum creauerat.

3. Sanctus Prosper Episcopus Reginensis, post Fauentium natione
Aquitanicus, vir in diuinis scripturis eruditissimus, & in sæcularibus
litteris nobiliter doctus, ingenio subtilis, assertione neruosus, vita & cõ-
uersatione sanctissimus apparuit. Hic B. Leonis Papæ magni quondã
Notarius fuit, & multas in eius persona epistolas dictauit. Scripsit etiã
de sua vena præclara opuscula ex sententijs B. Aug. Epigrammata, De
vita contemplatiua, De libero arbitrio, Ad capitula Gallorum, Respõ-
siones ad obiecta Vincentianorum, Ad excepta Genuensium summã
grandem. 330. Positionum contra Cassianum, De libero arbitrio, Epi-
stolas ad diuersos, De captiuitate Romæ, Chronicon historiarum, De
illustribus viris. In decretis etiam opuscula Prosperi viri religiosissimi
approbata sunt. 15. dist. cap. Romana. Claruit temporibus Leonis Im-
peratoris magni, anno Dñi. 460. 6. iuius festum celebratur. 7. Kalendas
Iulij, ex Gennadio in lib. vij. rorpm illustrium, & Anto. Flor. 2. par. Hist.
tit. 11. cap. 11. & Raphaelẽ Volaterrano, & Ioanne Trithemio.

4. Fuere ex hoc Ordine S. Dominicus Canonicus Regularis Oxomẽ-
sis, qui postea nouum Prædicatorum Ordinem constituit, sub Regula
Canonicorũ Regulariũ, quã ipse p̃fessus fuerat. Et S. Antonius Vlyxi-
ponẽsis, qui postea ad Minores fratres migravit. Ex Raphaelẽ, & alijs.

5. Hugo de S. Victore Presbyter, & Monachus S. Victoris Parisiensis,
Ordinis Canonicorum Regularium S. Augustini, & Abbas, vt ferunt

ibidem

ibidē, natione Saxo, summus Theologus, vir in diuinis scripturis eruditissimus, & in sæculari philosophia nullo priscorum inferior, qui velut alter Augustinus Doctor celeberrimus est habitus, ingenio subtilis, & ornatus eloquio, nec minus conuersatione, quàm eruditione venerandus. Scripsit multa, & penè infinita opuscula, ex quibus pauca commemorabimus. Librum de Sacramentis perneccellarium, duobus voluminibus comprehensum. In Hierarchias S. Dionysij, Ludouico Francorum Rege id postulante, De institutione nouitiorum, in Regulam S. Augustini. In quinque libros Moyſi, de Perpetua Virginitate S. Mariz, de Cōtemplatione, & de Natu. animalium. In Ecclesiasten, Cantica Canticorum, Threnos Hieremiz, Ezechielem Prophetam. Claruit sub Honorio. 2. Summo Pont. & sub Henrico Imperatore. 5. anno domini. 1130. Ex Ant. Flor. par. 3. tit. 18. cap. 1. Et Raphaelē, & Platina in Honorio. 2. Et Ioanne Trithemio.

- 6 Hugo de Follieto Canonicus Regularis S. Petri Cordubensis, moribus, itemq; litteris clarus, fuit. n. singulari vita, & scientia, eloquētiq; nobilitatus. Dulcis eloquio, & conuersatione venerandus. Scripsit insignē volumen, omnibus religiosis, & Deum timentibus iocundum in quatuor distinctis libellis, videlicet, de Claustro materiali, de Claustro spirituali, de Claustro animæ, de Claustro paradisi, & quædam alia; claruit temporibus Henrici. 4. anno domini. 1120. Ex Ant. Flor. 3. par. tit. 18. cap. 1. Et Raphaelē Volaterrano. At verò Ioannes Trithemius eum Monachum Corbeienſem Ordinis S. Benedicti esse asserit, cuius opinione neglecta, maior fides citatis authoribus, alijsq; viris habenda est. Consuevit. n. Io. Trithemius nonnullos præclaros Canonicos Regulares Ordini Benedictino adscribere. Vt de S. Petro Damiano inferius dicturi sumus, ea forte occasione, quod nomen Monachi ob vitam cōmunem, & trium votorum sollemnē professionem à Canonicis emissam, ipsis Canonicis quādoque tribuitur. Hunc Hugonē de Follieto asserit fuisse Canonicum Regulatē, Antoninus Flor. 2. par. Hist. cap. 16. §. 7. propē finem.

- 7 Richardus de S. Victore, Paduanus patria, sub Anastasio. 4. anno. 1150. ut inquit Raphael, Monachus S. Victoris Parisiensis Ordinis Canonicorum Regularium S. Augustini, vir in diuinis scripturis eruditissimus, & in sæculari philosophia nobiliter doctus, ingenio præstās, eloquio scholasticus, moribus, & conuersatione præcipuus, scripsit multa, & penè infinita opuscula, quibus vtilitati credentium multum profuit, & nomen suum immortalitati consecrauit. Pauca ex eis recensebo; de sancta Trinitate, de duodecim Patriarchis, in Cantica Canticorum, in Danielem Prophetam, de Quadraginta duabus mansionibus, de Profectu

fecta Monachorum, de Oratione mentali, de Instructione Nouitiorum, Epitoma totius Bibliæ, de Quattuor Ventis, de Verbis Esaiæ, de Verbis Apostoli, de Actibus Apostolorum. Claruit sub Conrado Imperatore. 3. anno dñi. 1140. Ex Ioanne Trithemio. Item Platina in Anastasio. 4. inquit, fecit cum spes ex eo concepta, tum Richardi de S. Victore doctrinæ, ne Anastasij tempora ignobilia viderentur, Richardus: n. doctor insignis, multa, & grauiter, & copiose tum scripsit: Præcipue vtrò librum de Trinitate. Habuit & sermones ad populum nō minus doctè, quàm eleganter. Hunc Richardū de S. Victore miris laudibus effert Antoninus Flot. 3. par. tit. 18. cap. 3. Ex Vincetio in Speculo Histo. lib. 28. Eo præsertim quòd septem libros de Trinitate conscripserit, quibus iudicio suo cunctos, qui ante ipsum de hac materia tractatus multiplices ediderunt, probabili rationum inductione, simul, & dulcedine quadam, ac venustate sermonis excessit.

8. Inter Cardinales verò huius Ordinis connumeratur S. Guarinus, patria Bononiensis, Præsul Prænестinus à Lucio. 2. creatus, ætatem annorum centum, & decem moriens, apud Præneste sepultus est. Ex Raphael Volaterrano, cuius festum celebratur mense Februario.

9. Petrus Damianus, Præsul Ostiensis sub Gregorio. 7. cum aduersum suæ quieti statum prospiceret, bonis ac Cardinalatu se abdicans, in cœ nobium S. Mariæ Rauennatis, vnde exierat, redijt; vbi & persanctè decessit anno. 1119. operibus in Theologia plurimis relictis. Hæc Raphael Volaterranus, dum Canonicos Regulares insignes enumerat.

10. Eundem Petrum Damianum vita, & scientia insignem in Italia habitum anno. 1068. cōnumerant alij compositis quibusdam opusculis, vt de Perfectione Monachorum, & eadem ferè de eo narrant, quæ Raphael Volaterranus. Præterea Augustinus Ticinensis in Propugnaculo Canonici Ordinis. par. 2. cap. 1. sic inquit, Textus decimas. 16. q. 1. non potest aliter intelligi, quàm de Canonicis Regularibus, qui & Clerici sunt; & est Textus Paschalis. 2. qui sub nomine Clericorum approbavit Constitutiones, quas edidit Petrus Damianus pro Canonicis Regularibus in Canonica Portuensi apud Rauennam existētibus, & vsq; in præsentiarum continuatis successibus sub Regulari eiusdem Ordinis obseruantia vigent, & diutissimè vigerunt. Fuit autem venerabilis vir ille eiusdem Canonice fundator, & primus Prior; vbi antiquissima sunt priuilegia tam Imperatorum, quàm Rom. Pōtificum eiusdem Canonici Regularibus concessa. Item idem Aug. Ticinensis. 4. par. cap. 23. sic ait. Itemq; in Italia vsque ad tēpora B. Petri Damiani apud Rauennam primum in Canonica S. Mariæ in Portu. Deinde per Italiā ab eo capite hic Ordo est propagatus. Ipse nanque vir sanctus clara ex fami-

ex familia de Honeftis Rauennæ naus, apud Auelane eremiticam du-
xit vitam. Deinde Epifcopus Oftienfis, & Cardinalis ordinatus, tem-
pore ſchiſmatis inter Cadolum Epifcopū Parmēſem, & Alexandrū 2.
pileo à ſe ſponte abdicato ad Canonicam præfatam ſe tranſtulit, ibiq;
poſt multa præclara librorum edita opuſcula, & pietatis magnificè ge-
ſta, eiufdem loci Prior ſanctæ, pieq; in domino quieuit. Extât vſque in
præſentiarum, Conſtitutiones ab eo editæ de communi vita Canoni-
corum Regularium, & Paſchalis. 2. auctoritate confirmatæ. Rurſus idē
Ticinenſis. 5. par. in confirmatione octaua ſic inquit: Ordo idem Ca-
nonicus ad Regularem obſeruantiam eſſloruit per ſanctum virum Pe-
trum Damianum in Portuenſi Canonica Diœceſis Rauennatis. Dein-
de in tota Tuſcia, præſertim in agro Lucenſi apud Frigionariam, ipſo
auctore Petro Damiano, coadiuuantibus Alexandro. 2. & illuſtri Co-
mitiſſa Mathilde. Hæc omnia eo retuli, vt manifeſtum fieret, Petrum
Damianum fuiſſe Canonicum Regularem Epifcopum Oftienſem, &
Cardinalem: ne quempiam moueat Io. Trithemius, aſtruēs Monachū
fuiſſe diui patris Benedic̃ti, quē claruiſſe, inquit, ſub Henrico Rege. 4.
anno dñi. 1050. Hic igitur Petrus Damianus Epif. Oſtiēſis & eruditus,
& ſecularium litterarum non ignarus, ingenio mitis, & acutus, eloquio
placidus, & compoſitus, & ad perſuadendum ſatis idoneus, non minus
ſanctitate, quàm eruditione clarus, & inſignis eſſuſſit; qui exemplo ma-
gni Gregorij Antiſtitis, amore ſolitudinis, & quietis, Epifcopatum ſuū
deſerens, poſteaquàm illum annis aliquot ſtrenuè gubernauerat, ad
cœnobium ſuum reuerſus eſt, & vitam deinceps cum fratribus ſuis in
trāquillitate animi exegit. Cum autem à ſummo Pont. charitatiua in-
crepatione argueretur, cur Epifcopatum, vt potē vir vtilis, & idoneus,
dimiſſet amore ſalutis priuatæ, ad tres ſibi inuicem ſuccedentes, Ni-
cholaum 2. Alexandrum 2. & Gregoriū 7. Romanos Pontifices, apo-
logeticis edidit, in quibus auctoritate, ratione, & exemplo factum ſuū
humiliter excuſans, animos eorum placauit. Ex cuius multis opuſcu-
lis pauca referam. De Incontinētia ſacerdotum; De Regula ſolitari-
um, De Miraculis ſui temporis, Exhortatoriū ad Monachos, De Pro-
ſeſſu Monachorum, De Terrors mortis, De Meditatione Mortis, Con-
tra Epifcopos ſymoniacos ſermones, & homilias; De Naturis quorun-
dam animalium. Ex Ioanne Trithemio.

11 Iacobus de Vitriaco Episcopus Achenensis, & postea S. E. R. Cardinalis, Episcopus Tusculanus, sub Innocentio. 3. Vir in diuinis scripturis eruditus; & secularium litterarum non ignarus, moribus, & vita spectabilis, in declamandis sermonibus ad populum excellentis ingenij fuit, & crucem contra Albijenses, vel Albigeneses haereticos gloriose prædi-

prædicans, multos fideles in eos Apostolica auctoritate signauit, profectus, & legatus contra eos. Scripsit non spernendæ lectionis opuscula, videlicet Historiam Orientalem cōtra Sarracenos Epistolas ad diuersos. Claruit sub Federico Imperatore. 2. anno domini. 1220. Ex Raphaelæ Volaterrano, & Ioanne Trithemio.

12 Hugo alius de Sancto Victore Parisiensis, Tusculanus Præsul, celebris Theologus, anno. 1431. Ex Raphaelæ Volaterrano.

13 Iuo Episcopus Carnotensis, & Cardinalis, ex Præposito S. Quintini Veluacensis Ordinis Canonorum Regularium diuipatris Augustini, vir in diuinis scripturis exercitatus, & Canonum sanctorum Patrū, ac generalium Conciliorum cautissimus interpres, nec minus sanctitate, quam scientia reuerendus, Ordinem suum diu collapsum magnifice reformauit. Scripsit post Burcardum Vormatiensem Episcopum ex Canonibus Sanctorum compendiosum decretum, quo ante Gratiani tempora utebantur iuristæ, quod prænotauit Panormitanus; Epistolas ad diuersos, & quædam alia. Claruit sub Henrico. 4. anno dñi. 1090. Ex Anto. Flor. 2. par. tit. 15. cap. 16. §. 7. propè finem. Ex Raphaelæ Volaterrano, & Io. Trithemio.

De recentioribus viris illustribus eiusdem Ordinis. Cap. vi.



Vam venerationem præceptoribus litterarijs debemus, eandem antiquis nostri Ordinis præceptoribus, à quibus tanti boni initia fluxerunt, præstare obstringimur. Proinde posteriores illustres viros mira breuitate referemus. Iacobus de Beluisio Iur. Can. fuit & doctor, &

interpres: cuius meminit Io. Andreas in Proæmio suæ Nouellæ, dum eos Iuris Canonici scriptores commemorat: ex quorum operibus se in illo opere condendo adiutū fuisse fatetur, allegans his verbis. Opus fratris Iacobi Canonici S. Ioannis in Monte, qui ad hoc solum laborauit, vt solueret glossarū contraria nō soluta. Eundē authorē honoris causa refert Aug. Ticinēsis in Propugnaculo Canonici Ordinis par. 3. c. 5. asseritq; fuisse Canonicū Regulārē Monasterij S. Ioānis in Monte.

1 Thomas de Kempis, natione Theutonicus, Ordinis Canonorum Regularium S. Augustini, montis diuæ Martyris, & Virginis Agnetis propè Zuollam in diœcesi Traiectensi, vir in scripturis diuinis studiosus, & eruditus, vita, & conuersatione deuotus, & beatæ Mariæ semper Virginis amator præcipuus. Scripsit pro instructione simplicium fratrum non spernenda opuscula, è quibus pauca subijciam. De contemptu mundi, Sermones ad Nouitios, Sermones ad Fratres, Dialogum Nouitiorum, De Tribus Tabernaculis, De Vera compunctione, Hor-

tulum

tulum Rosarū, Vallē Liliorū, Alphabetū Monachi, Epitaphiū Monachi, qualis debeat esse Monachus. Claruit tēporibus Ruperti Bauari regis Romanorū, & Gregorij Papæ. 12. anno dñi. 1410. Ex Io. Trithemio.

3 Ioannes Rusbrochius Canonicus Regularis, Viridis Vallis propē Bruxellas Prior, sanctitate, & eruditione clarissimus, quē nonnulli alterum Dionysium Areopagitam appellāt. Cum adhuc in sæculo viueret sacerdos sæcularis, adeo suiipfius, & eorum quæ mundi sunt, fuit incuriosus, vt miser, & despicibilis videretur. Erat. n. totus quietus, taciturnus, habitu corporis despectus, sed cultus moribus, & quia cōtemplari quī deditissimus erat, turbas, & aspectus hominum libenter declinabat. Verum postea quam 60. ætatis annum attigit, admiranda vitæ sanctimonia præditus, ad Viridem Vallem sese contulit. Est autem Viridis Vallis cœnobium Canonicorum Regulariū in siluā Zoniensi iuxta Bruxellas, oppidum Brauantiz: vbi more aquilæ renouata mentis iuuentute, tam dilucidē cœpit intelligentiæ aciem in æterni solis claritatem desigere, vt vix paucissimi extremam perfectionis eius partem nunc attingere videantur. Ipse etiam Mariā simul, & Martham perinde retulisse fertur. Vnde etiam vsque ad vltimum penē vitæ tempus, licet iam multo senio confectus, nunquam fertur Missæ celebrationem intermisisse, nisi vel aduersa valetudine, vel alicuius negotij grauitate impeditus. Tandem cum suum præciuisset obitum, sanus mente, & facie rutilus, cum ingenti gaudio spiritum cœlo dignum exhalauit, anno à Christo nato. 1381. secundo die Decembris, cum iam 88. ageret annum, & fermē 64. annis sacerdos fuisset. Extant pulcherrima illius non pauca opera, Germanico quidē idiomate conscripta, sed iam non ineleganter latine reddita à Laurētio Surio Carthusiano. Ea verò sunt quæ subiiciuntur. Summa totius vitæ spiritualis, Speculum Salutis eternæ. In Tabernaculum Moysis, & ad id pertinentia cōmentaria, vbi multa etiam Exodi, Leuitici Numerorum mysteria diuino spiritu explicantur. Tractatus de Præcipuis quibusdam Virtutibus. De Fide, & Iudicio Libellus. De Quatuor tentationibus. De septem Custodijs, Opusculum longe pijsimum. De Septem Gradibus Amoris. De Nuptijs spiritualibus libri tres. De Perfectione Filiorum Dei. Regnum amantium Deum. De VERA Contemplatione opus præclarum. Epistolæ septem vtilissimæ. Cantiones duæ admodum spirituales. Samuel, qui alias de alta contemplatione dicitur, verius autem Apologia quorundam sancti huius viri dictorum sublimiū inscribi possit. Oratio per breuis, sed pia valde. Ex vita ipsius, suis opusculis præfixa, à quodam Canonico Regulari eiusdem ferē tēporis conscripta, & ex Dionysio Carthusiano tract. 2. de Donis Spiritus Sancti, art. 13. & 27. & alijs locis.

Sanctus

- 4 Sanctus Ileonfus, siue Alphofus, Doctor egregius, genere ex prima nobilitate Toleti ortus est, & sancto Eugenio Archiepiscopo Tolitano consanguinitate iunctus, diui Isidori Hispalensis Episcopi discipulus. Apud quem in grande eruditionis, & sanctitatis opinionem breui euasit. Est, & post annos aliquot Agaliense cœnobium Ordinis Canonicoꝝ Regulariũ in Toleti suburbio Deo militaturus, ingressus. Et paulo post Abbas constitutus; vita sancto Eugenio, à clero, & populo Tolerano inuitus, Præsul creatur. Scripsit multa Ecclesiastica doctrinæ refertissima. Inter quæ illud insigne est, De perpetua virginitate purissimæ Mariæ Dei matris aduersus hæreticos Heluidianos; floruit autem circa annum domini 630. Ex Fratre Alphonso Orozco in Chronica Beari Augustini, & suorum Eremitarum.
- 5 Sanctus Albinus in Prouincia Venetorũ ortus, iuuenis adhuc ingressus est Monasterium Ordinis Canonicoꝝ Regulariũ; postea verò suis id poscentibus meritis Abbas eiusdem Monasterij creatur, ac tandem Episcopus vrbs de Angès in Gallia effectus, & miraculis, in domo obdormiuit. Ex eodem Orozco.
- 6 Sanctus Vbaldus Eugubij natus, ingressus est Monasterium Ordinis Canonicoꝝ Regulariũ in Portu situm, neglectis duobus Episcopatibus, Summi Pontificis iussu Episcopus Eugubienfis creatur; insigni erat humilitate, & patientia præditus. Cumq; in gubernando Episcopatu molestissimos labores pertulisset, miraculis clarissimus moritur, sepeliturq; in Monasterio Canonicoꝝ Regulariũ Eugubij, quod ipse construxerat ex eodem Orozco.
- 7 Sanctus Bernardus Canonicus Regularis, qui tantæ fuit humilitatis; vt vilissima Monasterij officia, quæ alij fugiebant, ipse quasi ambitiosè procuraret, in arreptitijs hominibus, alijsq; ægrotis curandis plurimũ valuit, huius festũ celebratur mense Maio. Ex eodem Orozco.
- 8 Sanctus Possidonius Canonicus Regularis, Episc. Calamensis B. Augustini quondam auditor, atq; discipulus, etiã refertur in Cathalogo Sanctorũ; Vir in diuinis scripturis studiosus, & seculariũ literarum nõ ignarus, multis annis cum S. Augustino familiariter conuersatus, vita, & doctrina inter Ecclesiasticos Præsules clarus effulsit. Scripsit autem inter cætera ad ædificationem fidelium vitam sancti Augustini, & indiculũ librorum eius. Claruit sub Theodosio Principe, anno Domini 430. Ex Ioanne Trithemio, & eodem Orozco.
- 9 Præter sanctos iam enumeratos, extitere etiam in hoc Ordine posteriori sæculo viri præstantissimi, Mattheus Fosus, patria Veronensis, Ordinis Canonicoꝝ Regulariũ B. Augusti, vir in omnigena eruditione egregiè doctus, sed indicèdi elegãtia, & grauitate doctior, magno

- magno apud omnes in prætio habitus est, tum ex concionandi, docendiq; in quo diu versatus est munere, tum ex varijs operibus à se compositis, quibus Ecclesiasticum dogma oratorij pigmetis sic venustauit, & expoliuit, vt tersus mundi suè inuenias nihil. Scripsit autè subscripta opuscula. Dialogū de tolerādis aduersitatibus, De gerendō magistratu; colēdaq; iustitia, Orationes, & Epistolas ad diuersos. Edidit, & alia quædā, in quibus omnibus cū varia scateat doctrina, & vbiq; sit luculētus, nullibi vllū arrogantiz euomuit fumū, sed quōd decet religiosum, vbiq; sanctitatis, & diuinæ sapiētiz studiosissimus fuit. Obijt Patauī anno domini 1502. ex additione 1. Ad Ioannē Trichemium. Taceo & alios quamplurimos huius Ordinis celeberrimos Concionatores, ex quibus nonnullos recenset Iacobus Bergomensis Eremita Augustinianus in Chronicis lib. 14. anno. 1407.
- 10 Rutgerus Venrāy natione Teutonicus Ordinis Canonicoꝝ Regulariū S. Augustini, cænobij diui Apostoli Petri, quod nō lōge à Vormaia sitū Heyne dicitur, vir in diuinis scripturis studiosus, & sacularis litterature nō ignarus, metro exercitatus, & prosa: scripsit vtrōque genere quædā non spèrnēda opuscula, de quibus extant subiecta. Tetralogus, quem prænotauit De Institutione puerili, item De Inquisitione beatæ vitæ libri duo, Hymnōrum de S. Maria lib. duo, De Variō vsu Litterarū lib. duo, De Re Mirabili lib. duo, De rebus nouis lib. duo De Metrorū generibus liber vnus, De Accentibus Latinorū lib. duo, Panegyricus ad Abbatem Trichemium liber vnus, Epigrammata varia, & quædā alia. Fertur etiā scripsisse opus De Calamitatibus horū tēporū. Et Epistolas ad varios, carmine, ac oratione soluta plurimas per scripsit nō inelegantes. Vixit sub Maximiliano Rege Romanorū, & Alexandro Papa. 6. anno domini 1494. Ex Abbate Trichemio.
- 11 Itē in præclarā, ac illustri Metrōpolitana Ecclesia Casaraugustana Magister Martinus Garfias, prius Canonicus, postea verō Episcopus Barchinonensis, qui iustum volumen sacrarum Concionum edidit.
- 12 Præterea magister Petrus Arbuesius Epilensis, Theologus, & hæreticæ prauitatis Inquisitor in eadē Metrōpolitana S. Saluatoris, à Neophitis ex Iudaismo occisus, miraculis etiam clarere conspicitur. Ad hæc magister Didacus Diest Bolcensi Canonicus Regularis in eadem Metrōpoli Casaraugustana, qui fuit eruditus Theologus, & philosophus. Edidit Physicos libros luculentos, & faciles, ac alia quædam Theologiz minuta opuscula.
- 13 Martinus de Arles, & Andosilla, sacræ paginæ professor eximius, Canonicus Regularis, & Archidiaconus in Eccle. Cathedrali Pampilonēsi, qui eruditum opus aduersus superstitiones, & laniarum scētā edidit.

die: Præterea Martinus Perezus ab Ayala Canonicus Regularis Vele-
sienfis, Ordinis militaris S. Iacobi, prius Episcopus Guidixiensis, de-
inde Segobiensis, ac tandem Archiepiscopus Valentinus moritur. Fuit
vir acerrimi iudicii, & ingenij; qui toti Concilio Trid. interfuit, & egre-
giū opus de Traditionibus Eccl. aduersus hæreticos euulgauit. Præter
elegantē, & eruditā Synodum Provinciale, & alterā diocesana. Mor-
tuis est autē Valentia anno 1566. die 3. mensis Augusti, omnibus ec-
clesiæ sacramētis susceptis. Suo verō ipsius, & multorum testimonio
verissimū esse cōprobatum est oēs honores, illi citra vllā sui ambitio-
nem, aut amicorū sollicitationem; Deo duntaxat instigante, cōtigisse.

14 Martinus Azpilcueta Nauarrus, Canonicus Regularis Roncesual-
lensis, in Iure Can. Doctor illustris, nam in præclara Salmaticensi Vni-
uersali Academia, Iuris Canonici Primariam Cathedram, cū obtinuis-
set, à Ioanne Portugallia Rege in Coimbricam Vniuersitatem ad Pri-
mariā eīdem Cathedram Iuris Canonici translatus est, in eāq; iam ru-
de donatus. Scripsit autē, & in vulgus emisit eruditissima opera, videli-
cet opus de Pœnitentia, opus de Rescriptis, Tractatū de Reddito. Bono-
rū Ecclēs. Romæ iā Latine conscriptum ad Pium 5. Pont. Max. Et in-
gens opus eruditione refertum, quod Manuale Confessorum inscribi-
tū, sed Hispano idiomate traditum.

15 Postremo Aug. Ticinensis Italus, Canon. Reg. fuit vir insignis litera-
turæ, & de hoc Ordine benemeritus; euulgauit. n. anno 1512. die 10.
Septembris præclarum opus, ac eruditum Propugnaculum Canonici
Ordinis inscriptū, Florentiæq; à Io. Stephano Papiensi impressum.
Edidit etiā Elucidariū Canonici Ordinis. Refert quoq; Iacobus Ber-
gomenfis loco citatō quosdā Canonicos Regulares cōplures, edidisse
libellos, doctrina insignēs aduersus Canonici Ordinis impugnatores.

16 Hæc accedit quod Raphael Volaterranus loco sepe citato asserit Ba-
silicam, inquit, Lateranensem annos propē oīngētos antea Canonici
Regulares tenuere, ex eāq; plures Pontifices, & viri maximi prodie-
runt; sed & sanctæ Crucis, & sanctæ Mariæ Nouæ templa diu possede-
runt, mosq; fuerat, vt qui titulis his Cardinales præsent, ex eorū cœ-
nobijs pfitentes existerēt. Deniq; nulla magis Religio propagauit; cu-
ius cœnobia olim in Europa ad quatuor millia quingenta, & quiqua-
gingta quinque; in Italia septingenta, hodie autē vix sexaginta.

17 Ex superioribus itaq; omnibus Augustinus Ticinensis par. 1. cap.
1. 2. & 3. & 14. & part. 5. 14. confirmatione Propugnaculi. Et ex Do-
ctore Roseto Parisiensi lib. de Regione Ecclesiastica. Et ex Ioanne de
Deo, eximio Doctore Hispano lib. de Dispensatione. Et ex Ioannē de
Nigra Valle Sedis Apostolicæ Bibliothecario in sua Chronica, quæ di-

citur Epilogus Cronicarum, infert hanc conclusionem. Ordo Canonici-
 cus inter omnes Ecclesiasticos Ordines primatum obtinet Antiquita-
 te Doctrina, Regimine, Nobilitate, atq; Sanctorum Numero. Anti-
 quitate quidem, quia primus post Apostolos in Dei Ecclesia mirū in
 modum effulfit. Ex cuius Regula, veluti ex limpidissimo fonte, quasi
 riuli, quam plurimæ Cōgregationes profluxere. Doctrina verò, quia
 ex eo innumerabiles ferme doctores per vniuersas mundi partes eua-
 sere. Regimine insuper, quia hic Ordo Romanam Sedem per anhos
 quingētos & sex, optimo iure obtinuit; quinquaginta & quattuor sum-
 mos Pontifices produxit: quos Ioannes de Nigra Valle cum Roma-
 næ Ecclesiæ bibliothecarius existeret, magna ex parte, vt ipse affirmat
 ab Anastasio Cardinale, qui & ipse eodemungebatur officio, ex ar-
 chiuijs vsque ad sua tempora extractos reperiens; eos, qui post ipsum
 Anastasium fuere, ex archiuijs eisdem vnā cum Cardinalibus, Archie-
 piscopis, Abbatibus, & Sanctis ex eodem Ordine, multis perlustratis
 chronicis collegit. Nobilitate insuper, & Sanctorum numero, quasi ro-
 sa inter flores hic Ordo præfulget, ob Sanctorum nobilitatē, & ingen-
 tem numerum. Nam, vt citati auctores astruxerūt, & Cardinalis Ana-
 stasius in cathalogo, quem ad Carolum huius nominis secundum Gal-
 lorum Imperatorem edidit, reperiuntur ducentum, & decem sex mil-
 lia centum, & vltra. Nam, eodem Anastasio teste, in Anglia, in Metro-
 poli Cantuariensi, irruentibus barbaris, decem milia eiusdem profes-
 sionis viri, qui ad generale Capitulum conuenerant, in Ecclesia Archie-
 piscopali sancti Saluatoris pro Christi fide martyrio coronati sunt; eo-
 rumq; festū Kalendis Maij agitur. Ex Confessoribus verò Sanctorum
 cathalogo mille, & quingenti conscripti. Item Cardinalium numerus
 est duorū mille, & quingentorū, & sexaginta septē, vt Archiepiscopos,
 Episcopos, Abbates, Baculo pastoralis, & Mitra vtētes pertranseamus.

De congeminata nomenclatura Canonicoꝝ Regularium. Cap. viij.

1 **S**olent matres, authore Cypriano ad Cornelium Papā de
 Cardinalibus operibus Christi, infantulis nuper editis in
 ipso vitæ introitu aptare votabula, & ex aliquibus præ-
 cedentibus, vel circumstantibus causis, vel ex genere, vel
 ex euentibus imponere nomina, tanquā commonito-
 ria præfixa; ne nomen eis esset ad ignominiam, nec à virtute patrum,
 filiorum successus degeneraret, nec primarias offenderet dignitates.
 Ex quo. n. ad Adā Genes. 2. adducta sunt singula, vt vocaret ea, & pro-
 pria imponeret nomina, institutum est, vt aliqua esset in titulis, atque
 nominibus ratio, quæ interpretarentur nomina vitam, exprimerētq;
 aliquam

aliquam personæ proprietatem, iuxta quam vel differret à cæteris, vel etiam communicaret, fieretq; vt nomina rebus essent consona. Sic in nominibus Patriarcharum Abraham, Isaac, & Iacob magnarum rerû extitere indicia, & ventura præloquebantur. Apud Gentiles etiam nō in nominibus, sed in agnominibus postea à viris illustribus id obseruatum est, vt nobilitas generis, vel virtutis gloria posteros illustraret. Hæc ipsa documenta D. Cypriani in nomenclatura Canon. Regulariū excogitanda, atque imponēda, sapienter obseruata fuisse arbitramur. Nouimus tamen quosdam Græcolatinos, qui Canonicos Reg. quasi linguæ Græcæ ignaros derideant, quòd duplicato nomine, idem prorsus significante, non solum Canonici, sed etiam Regulares appellari velint: quasi sit inutilis repetitio, & absurda battologia. Quid sit battologia vide infra num. 5.

Eis verò perdoctè respondet citatus Io. de Nigra Valle, relatusq; ab Aug. Ticinensi. 3. par. Propugnaculi cap. 4. Cum deficiente, inquit, feruore charitatis inter Christi ministros, quidam Clerici defecerint à primis in vitæ perfectione; & relicta professione solemni, cœperint cū dispensatione priuatim viuere, & proprium habere; quorum postmodum numerus per incrementa temporum fuit amplissimus, præsertim in Ecclesijs Cathedralibus, quæ à Regulari obseruantia deuiarūt. Idcirco summi Pont. in sacris Concilijs ordinarunt, vt ad differentiam eorum, Clerici illi, qui sub Apostolica professione Regularem vitam seruarent: non Canonici simpliciter, siue Clerici, sed Clerici Canonici, vel Regulares Canonici dicerentur. Et ita in sacris Canonibus is nominandi modus paulatim inoleuit, ob ipsam Regularem Apost. Regulæ professionem, & obseruantiam tractus. Hinc Præpositus in apparatu cap. 1. dist. 43. annotauit distinctionem ab ipsa primitiua Ecclesia deriuari, iuxta triplex Clericorum genus, quod paulatim, & successiue excreuit in Ecclesia. Primum videlicet genus eorum, qui Clerici seculares dicuntur, proprium habentes, & separatim viuentes. Aliud verò genus est Clericorum, qui proprium habent, nec profitentur, sed collegiatim viuunt: & hij dicuntur Clerici collegiati. Tertium verò genus est eorum, qui primitiuum, & Apostolicum viuendi modum retinent, in communi viuentes, & tria profitentes Religionis vota essentialia. Et hij propriè dicuntur Clerici Regulares in communi viuētes. Hæc omnia confirmantur ex Abbate Panor. in cap. Deum qui. de vita & honest. Cler. dicēte; Cum in multis Clericorum status sit relaxatus, & sub illa distinctione, qua erant Apostoli, & Apostolici Clerici, nollēt viuere: facta est distinctio Secularium à Regularibus Clericis; quorū obseruantia viget successiue in Regularibus Canonici, qui & Clerici

Regulares sunt. Nam alij Seculares dicti sunt; quia voluerunt habere proprium, & se exhibere ad ritum Secularium hominum. ^{meos. m. a. i. s.}
 3 Hanc etiam nodū elegantē explicuit Didacus Conarrubias Episcopus Segobienſis in Clein. Si Furius. de homic. par. 1. Canō, inquit, Græce, Latine Regula nuncupatur. Vnde Canonici olim primum hi nuncupati sunt; qui in comuni vitam agentes intra domum publicam; aut Ecclesiam, collegium ecclesiasticū, diuini cultus gratia, consueuerant, communem habentes mensam; regulamq; D. Aug. exactissime seruantes. Hic etenim vsus adhuc in aliquot Ecclesijs sedem habentibus Episcopalem obtinetur. In alijs verò Ecclesijs, communem vitā omit- tentes, nomen simplex Canonicoꝝ retinent; atque ideo iure Pontificio, vt ab his priores distinguantur, dicuntur illi Canonici Regulares cap. Quod Dei timorem. cap. in singulis. §. hoc ipsum de statu Monac. & Canon. Regul. Quō rationis discriminē minimē perperſo Ludouicus Viues in adnotationibus ad D. Augustinū lib. 3. de Ciui. Dei cap. 15. Canonicos Regulares nominis ambitiosi accusare videtur: quasi bis hoc vocari gaudeant nomine, ne non semel putentur Regulares; cum idem Canonici, & Regulares significant sed tñ hac nota omnino liberi existimandi sunt. Nam ius ipsum Pontificum nomina hæc distinctē induxit. Hæc Conarrubias. Cū igitur audieris Canonicos Regulares, Canonicos Religiosos intelliges. i. non Seculares. Quare audiendus non est Ambrosius Choriolanus, vir alioqui eruditus, & probus, qui in Defensorio Ordinis Eremitani S. Augustini, veritate prima in responsione ad 3. arg. Græcolatinorū opinionem se immiscens, sophisticeq; imitatus, venerandos Canonicos Lateranenses, seu Frigian- rios ob istud celebre conduplicatum nomen, nugationis; superstitionisq; acriter accusauit; criminatusq; est; certoq; asseruit nomē hoc Canonici Regularis verē posse comperere quibuscunq; Canonicis Secu- laribus; maxime ijs; qui in Ecclesijs Cathedralibus iuxta formam con- stitutionum suæ Ecclesiæ Cathedralis, suiq; Episcopi viuunt. At verò ab huiusmodi criminatione se temperare poterat; sedq; contineret, si Iu- ris Canonici titulos de Statu Monac. & Canon. Regul. legere non grauaretur. Libenter tamen fatebimur, Augustinū viq̃tq; suos Canoni- cos Religiosos vocare cōsueuisse, vel Presbyteros, vel Clericos, vel Sa- cerdotes Dei altissimi, vt in sermone de obedientia ad Presbyteros suos Hypponenses, cuius initium est; In omnibus operibus vestris Sacerdotes Dei altissimi, semper memores estote mandatorum Dei, & in ser- mone 1. de com. vita Cler. qui incipit; Charitati vestræ, dum ait; Dixi, aliquid suum non habere Presbyteros cohabitatores meos, & in ser- mone 1. de com. vita Cler. qui incipit; Propter quod volui. ait; Certe
 ego

ego sum, qui statuerā nullū ordinare Clericum, nisi qui mecum vellet manere. Hos sermones citatos continet tomus. 10. operum Augustini, Obliuiosus sanè nomenclator prodijt Choriolanus, quē tamen in hoc negotio oportebat imprimis valere memoria. Similem obliuiosum nomenclatorē habuisse fertur Cēsar Augustus. Cuius tamen proprium munus erat omnium nomina, cognomina, titulosq; dignitatum tenere, quo hero cū opus esset, suggereret.

4 Habet igitur hic Canonicorū Ordo nobile nomen. Nostra interest, vt qui illustri, celebri, honorificoq; , & eo gemino nomine condecoramur, tanti nominis dignitati, ac excellentiæ, insignium morum claritate respondeamus. Optimus igitur quisq; Canonicus, daturus est operam, vt sua causā nomen Ordinis in contemptum ne abeat, aut impuris moribus inquinetur. Id autem omnino efficiet, si non qualencunque, sed peruiuantem sui Canonis, seu Regulæ obseruatorem se præstiterit. Nominis. n. conduplicatio augmentum, & opulentiam significare solet. Subest nanque, & in nominibus nō nihil mysterij. Et vniciueque apud vulgus, secundum nomen, laus, & honor competit. Ei. n. qui Dux est, aut Rex, aut Imperator, aut aliud huiusmodi, manifestum est, secundum hæc omnia laudem, & honorem conuenire. Turpe erat Platonis, aut Stoicis, aut Epicureis quoque, nescire magistri sui dogmata; laus verò illis supersticiosè etiam inherere, contrarias auersari opinionones, sui magistri dogmata propugnare, & ad astra vsque extollere. Solis ergò nobis non licebit magistrum ignorare Augustinum, dogmata eius proscribere, aut aduersa amplecti; diuites hoc in seculō multa habent nomina propria, nimirum gētilitia cognomina, agnomina. Sunt tamen diuites mera fabulā, & nomen inane, vnde posthac nomine carent, vt ille diues epulo, pereunte memoria eorū cum sonitu. Sic quoque vituperabile tibi fieret noīen egrēgium; si re tamen, & opere destitutum esset, & vacuum.

5 Sed iam tandem in calce huius capitis ostendamus, nullā committi battologiam à nomenclatore Canonicorum Reg. Est autem battologia eorundem frequens, & inutilis replicatio. Sumptum est vocabulū à Batto quodam, quem Poetæ dicunt fuisse, superuacanea eorūdem replicatione plurimum molestum. Alij insigniter Balbum putant fuisse, quorum est eadem frequenter iterare. Imprimis hæc nominum pluralitas apud Iudæos frequentissima erat; quemadmodum ex Philone manifestè cognoscimus de gēnealogia Saluatoris. Quin potius, nec sacra eloquia ab huiusmodi repetita eorundem verborum loquutione abhorrent; legimus. n. hæc duo verba, Abba, Pater; admodum coniuncta ad Rom. 8. Accepistis spiritum adoptionis filiorum, in quo clama-

mus Abba, Pater, & ad Galat. 4. misit Deus spiritum filij sui in corda vestra clamantem Abba, Pater, & Mar. 14. Abba, Pater, omnia tibi possibilia sunt, quæ duo geminata vocabula sanctam vehementiam significare enarratores aiunt. Deinde Cant. 1. Sponsus sp̄sam bis pulchrā appellat, dicens; Ecce tu pulchra es amica mea; ecce tu pulchra. Quo in loco docemur, repetita vocabula plus habere ponderis; quemadmodum solent ea, quæ ita per repetitionem secundo proferuntur, maiori serio accipi, quā ea, quæ semel tantū leuiter efferuntur. Sed, & Christus Matth. 23. ait; Hierusalē, Hierusalē, quæ occidis Prophetas, &c. Ad exprimendum maiore dolorem. Quid. n. sibi vult hæc duplicatio? Respondet Chrysostomus, miserantis, valdeq; diligentis affectus significationē his verbis exprimi. Neque ab eadē phrasi alienus est Davidis ille versiculus psal. 144. Generatio, & generatio laudabit opera tua. Et Ezechiel. 14. Homo homo ex filiis Israel. Quibus in locis ex quorundam interpretatione, illa eiusdem dictionis repetitio significat vniuersalitatem, vel vniuersalitatis collectionem; quasi dixisset, omnis generatio, & omnis homo. Aut si mauis, eiusmodi dictionum repetitio magnam quandam exaggerationem, & singularem emphasim ostendit. Ad eundem ergo modū, & noster Canonicorū Reg. titulus congruentissimis, optimisq; rationibus huic Ordini accomodatur, & inditus est.

Quod Canonici Regulares ex suo instituto, & iure Canonico Clerici sint, & nominentur. Cap. viij.

I Vget quidem huius candidi Ordinis nobilitatem, & decorē, quod Canonici Regulares ex sua origine, ac primaria institutione Clerici sunt, in eorumq; numero computantur, Clericorumq; nomenclatura insigniuntur. Primum. n. id probatur sententia Gratiani. 15. q. 2. cap. obseruandum. Vbi ex Concilio Tarraconensi sic habetur. Obseruandum quoq; decernimus, ne quis Sacerdotū, vel Clericorum, more secularium iudicū, pro impēsis patrocinijs munera audiat accipere. Quod Gratianus de illis intelligēdum esse, exponit, quā Canonicam vitam professi, regulariter se victuros proposuerunt. Tarraconensis autem Ecclesia, in qua fuit celebratum Concilium illud, & erat, & nunc est Canonicorum Regulariū. Textus tamen ille, eos duntaxat Sacerdotes, vel Clericos nominat, qui ob Regularem professionem sint strictē Religiosi, propriē tamen sunt Clerici.

2 Constat ex cap. decimas 16. q. 1. vbi Paschalis quartus, siue vt alijs placet, Paschalis secundus ait; Decimas à populo sacerdotibus, ac leuitis esse reddendas, diuinę legis sanxit auctoritas; Caterū à Monachis, siue Clericis, communiter viuentibus, nulla ratio finit. Vbi rubrica ait; de pro-

de proprijs laboribus Monachi, & Canonici decimas minimè soluere cogantur. Ergo Clerici communiter viuentes, simpliciter esse intelliguntur Canonici Regulares. Et glossa dicit; Ecce quòd aliud habent priuilegium Clerici communiter viuentes, quàm separatim: quod intelligi non potest, nisi de Canonicis Regularibus, qui & Clerici sunt.

3 Ex cap. in omnibus de cōsecratione, distin. 5. sic legimus; Decernimus, vt Canonici Clerici canonicè viuāt, obseruantes diuinæ scripturæ doctrinā, vbi glossa ait, vt Canonici Regulares; qui quidē textus est Cōcilij Romę celebrati sub Leone 3. vnde editus est liber, qui dīr Canonici quinq; capitulorū ad seruandam vitam cōmunem secundum Canones Apostolorū, & iuxta normā Aug. de commu. vita cler. vt cōstat in Concilio Aquisgranēsi. Suntq; tres sermones Augustini, primus incipit; Charitati vestræ. Secundus; Propter quod. Tertius est ipsa Regula, quæ incipit; Ante omnia fratres, & liber ille in eo Concilio approbatus, dicitur Canonicus liber, qui propriè cōtinet Clericorum vitā Canonicam. Ex quo Gratianus trāstulit textū dicti capituli in omnibus.

4 Ad eundem modum in cap. præter 3 2. dist. dicitur iuxta Ecclesiā, sicut oportet Religiosos Clericos, simul manducent, & dormiant, & quidquid ab Ecclesijs eis competit, hoc communiter habeant. Vbi perpende verba illa, Religiosos Clericos, ad differentiam secularium Clericorum, qui hoc non seruant.

5 Idē manifestatur in cap. præsens Clericus 10. quæst. 3. Vbi Nicolaus Papa primus in fine ait; Canonicos Religiosos nō putamus à cōsortio Monachorum seiunctos, vbi glossa per Canonicos Religiosos, Canonicos Regulares intelligit. Ex eo etiam propositum nostrum conficitur, quòd Augustinus in sermonibus de comm. vita Clericorū Canonicos Regulares, Clericos appellat, atq; presbyteros. Ex quibus omnibus colligitur, quòd Canonicus Ordo ex se, atque ex natura sua duo complectitur, Clericatum videlicet, & statum Regularem.

6 Postremò hæc corroboratione sententia testimonio D. Thomæ lib. contra impugnantes Religionē cap. 2. dicens; Voluit Hieronymus. s. in cap. Monachus, & cap. Alia. 16. quæst. 1. distinguere inter personam Monachi, & personam Clerici, ostendens, quid cuique ex proprio officio conueniat; aliud. n. cōuenit cuique ex eo, quod Monachus est, aliud ex eo, quod Clericus est. Ex eo, quod Monachus est, sua, & aliorum peccata defendi habet officium; ex eo quod Clericus est, docendi, & pascendi populum. Quamuis autem Monacho docere non liceat; nō sequitur quòd Canonicis Reg. non liceat docere: cum Canonici Regulares inter Clericos computentur, de quibus Aug. in sermone de com. vita cler. & habetur 1 2. quæst. 1. cap. nemo. Qui habuerit proprium,

vel habere voluerit, & de proprio viuere, parum est, vt dicam, nō mecum manebit, sed nec Clericus erit. Ex quo patet, quōd illi, qui sub D. Augustino sine proprio vivebant, inter Clericos computabātur. Quāuis autem Augustinus postea reuocauerit hoc generale interdictum, quod fecerat, vt nullus Clericus esset, nisi sine proprio viueret: non tamen reuocauit, quin illi, qui sine proprio sub eo vivebāt, Clerici essent, vt patet per cap. Certē ego sum, quāst. eadem. Quod autem obijciūt, quōd Canonici Regulares, & Monachi ad paria censentur: intelligendum est in illis, quā sunt communia omni Religioni, sicut viuere sine proprio, abstinere à negotiationibus, & ab officio aduocandi in causis, & huiusmodi. Alias possent similiter concludere, quōd Canonici Regulares tenerentur abstinere à lineis indumentis, quia Monachi ad hoc tenentur. Hactenus Sanctus Thomas.

- 7 His similia sunt, quę idē author docet. 2. 2. q. 189. art. 8. ad 2. arg. Vtraq; (inquit) Religio. f. Monachorū, & Canonicorū Regulariū ordinatur ad opera vitę contemplatiuę: inter quę pręcipua sunt ea, quę aguntur in diuinis mysterijs; ad quę ordinatur directē Ordo Canonicorū Regularium; quibus per se competit, quod sint Clerici Religiosi. Sed ad Religionem Monachorū non per se competit, vt sint Clerici, vt habetur 16. quāst. 1. & cum idem author superius quāst. 188. art. 2. in 2. arg. argumentatus fuisset, idem esse iudicium de Monachis, & Canonicis Regularibus. Ad secundum respondet, eandem esse rationem de Monachis, & omnibus alijs Religiosis, quātum ad ea, quę sunt communia omni Religioni: puta quōd totaliter se dedident diuinis obsequijs, & quōd essentialia vota Religionis obseruent, & quōd à secularibus negotijs se abstineant. Sed non oportet similitudinem esse quātum ad alia, quę sunt propria Monasticę professioni, quę specialiter ad vitam contemplatiuam ordinantur. Vnde in prędicta decretali. f. ex parte, De postulando; non dicitur simpliciter, quōd sit idem iudiciū de Canonicis Regularibus, quōd de Monachis; sed quātum ad supra dicta, scilicet quōd in forensibus causis officio aduocationis non utantur. Et in decretali inducta. f. de statu Monachorum, &c. Postquā pręmiserat, quōd non putantur à consortio Monachorū se iuncti Canonici Regulares, subditur. Regulę tamē inseruiunt laxiori. Hęc S. Thomas. Igitur cum Clericatus per se Ordini Canonicorum Regularium competat, iure optimo Clerici Canonici, & Clerici Regulares, & Canonici Regulares censentur, & nuncupantur, quōd eleganter explicat Io. de Nigra Valle Bibliothecarius Apost. sæpe citatus lib. 13. cap. 18. in sua Chronica. Canonicis (inquit) Regularibus in primitiua Ecclesię Clericorum nomen ab Apostolis inditum fuit primum, eo quōd per terrenorum

terrenorū renunciatiōem, & Ecclesiasticorum officiorum assumptiōem, in sortē dñi fuerant assumpti. Ideoq; ipsi Regulares Canonici dicuntur Clerici primitiue Ecclesiæ. Clerici verò, vel Canonici seculares dicuntur quidem Clerici, sed deriuatiue. Qui ab ipsis primis Clericis regulariter viuentibus originem traxerunt. Regulares verò Canonici primitiuam illam, & Clericalem communitatē retinent. Monachi autem, & alij Religiosi, qui post Conciliū generale fuerunt instituti, & approbati, facti sunt Clerici ex dispensatione. Quare & presbyteri nominantur. Qui de hac re plura nosse cupiat, consulat Aug. Ticinensem part. 2. & 3. Propugnaculi Canonici Ordinis.

De approbatione, & propagatione Regulæ Canoniorum Regulæ. Cap. ix.



Racolatini sunt, qui Regulæ, quàm Canonici Regulares profitentur, cuius exordium est; Ante omnia fratres, quæ numero tertia est, & ab Ecclesia approbata, S. Augustinū esse authorem inficiātur; Illud causantes, quòd eam Regulā non Clericis, sed sceminis Augustinus tradiderit, è quorum numero Erasmus est in sua Censura ad eandem Regulam apposita, quæ ea de causa à generali Inquisitione Hispana iure optimo vetita est, & abolita. Nec admiretur quispiam, si ipse author eandem Regulam, quā viris Canonicis tradidit, & sceminis sanctimonialibus inuixerit. Nam & in hoc sacro Ordine vt Canoniorum, sic & sacrarum virginum pia, & insignia monasteria extant. Itaq; Augustinus sanctimoniales aduersus Præpositam tumultuantes ad concordiam reuocat, præscribens illis vitæ Regulā, paucis tamen mutatis, vt sceminis conueniret. Quæ quidem Augustini Epistola habetur 2. tomo, estq; epistola. 109. sed eadem Regula viris tradita habetur in fine tomi pri. Cui adiuncta est elegans, ac perdocta responsio Ricardi Canonici Parisiensis Theologi, Anthidotus contra Erasmi Censuram, quā subsequitur censure Theologicę facultatis Parisiēsis aduersus Erasmi. Quæ talis est: anno dñi 1539. die sabbati vltima Ianuarij, fuit cōgregata sacra Theologiæ facultas apud S. Maturinū, & iuramentum post missam de Spiritu Sancto accepiū est super difficultate orta circa Censuram Erasmi super certiam Regulam Religiosorum S. Augustini. Dubitabatur autem à plerisq; an Religiosi vouebant tempore Augustini; & ad supplicationem fratrum S. Victoris, qui petebant solutionem illius difficultatis, facultas disputauit de materia illa, nō solum per deputatos, sed per totam facultatem disputatum est diligenter, & tandē matura præcedente deliberatione conclusum fuit, quod Religiosi S. Augustini, & Monachi illius temporis vouebant, & quod illa Censura

Erasmi

Erasmi non est probanda, sed est scandalosa, & Apologia magistri nostri Cœnomani contraria illi censure est recipienda, & digna, quæ imprimatur. Extractum è registro facultatis Theologiæ in Vniuersitate Parisiensi. Iure autem optimo Erasmica censura damnata est: quoniam Ecclesiæ Catholicæ aduersabatur, quæ tot sanctissimas Religiones sub titulo, & nomine Regulæ S. Augustini approbavit.

- 2 Eosdem etiâ criminatores iuris Canonici testimoniū refellit, quòd illius Regulæ auctorem, & conditorem Augustinum esse sapè proclamat. Ipse enim Regulæ sententiæ in iure multis in locis, & à Gratiano, & à doctoribus, quasi Canones allegantur, Augustinoq; adscribunt, vt 86. dist. cap. Quando necessitas 1 2. q. 1. cap. Nolo. cap. Nō dicatis 5. q. 5. cap. Nō vos iudicetis. 3 2. q. cap. nec solo, & alijs pluribus locis vbi Gratianus in superscriptione allegat August. de com. vita Clericorū.
- 3 Præterea ne quispiam huius Regulæ authorem cōtemnat, illud sciēdum est, dupliciter ipsam ab Ecclesia fuisse approbatam, priori quidē, approbatione tacita, longissimo annorum circulo confirmata, vt constat ex cap. Sanē, de Reg. vbi Alex. 3. tacitam approbationem Regulæ Augustinianæ subindicat, dum præcipit Canonico Reg. à Monastichō ad Canonicū Ordinem reuerti, si absq; petita licētia Prælati transierit. Idem comprobatur 19. q. 3. cap. Mandamus. Vbi Vrbanus 2. præcipit, quod si Canonicus Regularis ad Monasterium transeat. s. leuitatis causa, vel vanitatis, non petita licētia, ad Canonicam reducatur, & in vituperium memoriale cucullam deferat, & vltimus in choro maneat. Simile quidpiam habetur in cap. Nullus Abbas, ex Concilio Eduensi sub Gregorio. 7. congregato.
- 4 Lucidiori tamē decreto eadē Regula confirmatur ab Innocētio 2. in cap. Perniciosam 18. q. 2. vbi Pontifex inducit pro approbatis tres antiquas Regulas, Basilij, Augustini & Benedīcti. Perniciosam (inquit) & detestabile consuetudinem quarundā mulierū, quæ licet neq; secundum Regulam B. Benedīcti, neq; Basilij, aut Augustini viuant, Sanctimoniales tamen vulgò censerī desiderant, abolerī decernimus.
- 5 Huc etiam pertinet tex. cap. in omnibus, de cons. dist. 5. ex Cōcilio Rōmæ celebrato sub Leone 3. anno Dñi 804. Carolo Magno assistente, vbi in eo Concilio fuit editus, ad vitam clericalem reformandā liber quinq; Capitulorum: & appellatus est liber Canonicus. Vbi ad litteram est conscripta Regula Sancti Augustini, & reliqui duo sermones de communi vita Clericorum. Hoc ipsum confirmatum est in Concilio Aquisi, & Maguntino. In omnibus (inquit) quantum humana fragilitas permittit, decernimus, vt Canonici Clerici canonicē viuant, obseruantes diuinæ scripturæ doctrinam, & documenta Sanctorum Patrum.

Patrum. Et nihil sine licentia Episcopi, vel Magistri eorum incompositè gerere præsumant, simul manducant, & dormiant, &c.

- 6 Quoniam autem hæc D. Augustini Regula lucidum est totius Evangelicæ, & Apostolicæ perfectionis speculum; non solum inter Canonicos Regulares mirum in modum propagata est, sed in alios etiã Ordines amplissimè porrigitur. Nam inter militares ordines, milites S. Ioannis Hierosolymitani Ordinis censentur Augustini; sicut & milites S. Iacobi de Spata Ord. sunt S. Augustini. Eremitæ quoque, qui tertium inter mendicantes obtinent locum. Hi ab initio, ut ait Ioannes Andreas, ex pluribus Ordinibus, ac Eremitis, simul in vnum coacti, sub Augustini Regula cū baculo, & zona pellicea ab Alexandro quarto probati fuere.

- 7 Præmonstratenses anno 1120. in Lugdunensi Dicecesi in loco, què Præmonstratum vocant, apparuerūt auctore Nortberto quodam presbytero, natione Lotharingo, qui hoc arctissimum vitæ genus ex Augustini Ordine quæritans, à Calisto 2. impetrauit. Hic Præmonstratensiu Ordo à Nortberto Episcopo iã citato in hoc institutus est, ut lapsus Ordo Canonicus Augustini suas detegeret sordes, & huius Nortberti, suorumq; assèclarum exemplo meliorem formam indueret. Ordo quoq; Prædicatorum, institutore D. Dominico, Regulam proficitur Augustini: eandem amplectitur Regulam Ordo fratrum S. Hieronymi, apud Hispanos præclarus. Eremitæ autem S. Hieronymi sub Augustini ritu, non quidem auctorem Hieronymum, sed Redonem quendam montis Granelli Comitè, optimū virū apud Fesulas habuere Grego. 13. probante. Verū à Lupo Hispalensi eiusdem Ordinis Generali, postea Eugenij quarti auctoritate interpollati, denuoq; instituti amictu, quem hodie gestant. Huius Lupi sepulchrum visitur in Auentino in æde S. Alexij. Vbi cœnobium eorum. Lege Volaterranum lib. 21. de Viris Eremitici Ordinis. Alij etiam Ordines non pauci sub eadem Augustiniana Regula persancte militant. Syluester. n. in verbo Religio. 1. num. 7. dum Regulas Religionum ab Ecclesia comprobata refert, sub Augustiniana Regula Seruitas, Sanctæ Brigidæ, Hospitalarios S. Antonij cõnumerat, licet cõstitutionibus, & habitibus eos differre assermet. Eidẽ Augustinianæ Regulæ inseruiūt ordines S. Trinitatis, & Redemptionis captiuorum, Sepulchri Iesu Christi Militiæ Iesu Christi, S. Mariæ de Mercede, S. Spiritus in Saxia, Sororum penitentia sanctæ Mariæ Magdalena. His etiam plures refert Ambrosius Cho-riolanus in oratione de laudibus Sancti Augustini coram Paulo 2. Pont. Max. habita.

De arctioribus quibusdā Congregationibus Canonicoꝝ Regul. Cap. x.

1



Rigescente Canonicoꝝ religiosa vita, cœpit hic sacer Ordo primam pulchritudinem amittere, deformatusq; effici. Cæterum anno 1080. curante domino, tempore Gregorij 7. Papæ, & Henrici Imperatoris, iterum reflo-
 rere cœpit apud Burgundiã in Ecclesia Beluacensi, au-
 ctore, & reformatore præstanti viro Iuone, eiusdem Ecclesiæ Præposi-
 to, postea Carnotensi Episcopo, qui post Isidorum fecit compilationē
 antiquam decretorum. Eodem etiam tempore idem Ordo reforma-
 tus est in tota Gallia per sanctum virum, & venerabilem Arnulphum
 Abbatem, & Archiepiscopum Lugdunensem, sub eodē Gregorio hu-
 ius nominis 7. anno 1074. Vt refert Aug. Ticinensis in Propugnacu-
 lo Canonici Ordinis 5. par. confirmatione 8. Qui & plures Hiltoricos
 citat, has reformationes narrâtes. Auctorem huius Gallicæ reforma-
 tionis Arnulphum refert Io. Nauclerus, volum. 2. Chronographiæ ge-
 neratione 37. His verbis. Arnulphus in hac generatione, siue Rufus
 Lugdunensis Episcopus in Gallijs prædicatione, & sanctitate clarus,
 Canonicoꝝ Reg. post Augustinum Ordinem instituit, vbi & multis
 fundatis monasterijs, in Italiam venit; Christi paupertatem, integerrī-
 mamq; vitam ad ipsius imitationem omnibus cū ingenti ardore pro-
 posuit, & propterea multos ex nobilitate Romana ad se traxit, qui cū
 tanquã verum Christi Discipulum, & Prophetam sequebâtur; vnde &
 in Hetruria multa Regularium monasteria erexit. Veruntamē Romæ
 dum acerbè nimium in Clericoꝝ lasciuias inuehitur, & eorū pom-
 pam improbat, secretò occisus est, nec vnquã tanti sceleris auctores
 sunt inuenti. Hæc ille, qui cum Augustinum commemoret, hanc no-
 uam Ordinis, non institutionem, sed reformationem intellige.

2



Eundem Ordinē auxerūt, & reformarunt Phridianus Lucensis Epi-
 scopus per Tusciam, & per vniuersam penē Italiam, in Anglia quoque
 per Aug. Anglorum Episc. iussu beatissimi Gregorij, vt constat in De-
 cretis cap. Quia tua fraternitas 1 2. q. 1. Eodē quoq; munere mirificē
 functus est insignis vir, Petrus Damianus apud Rauēnam, aliasq; Ita-
 liæ prouincias, varijs tēporū emergentibus casibus, cuius vsq; in hæc
 tēpora cōstitutiones ab eo editæ de cōmuni vita Reg. Cler. & Pascha-
 lis 2. auctoritate confirmatę extant, vt author est Cronicoꝝ supple-
 mentum. Porro tempore Benedicti 1 2. inirum in modum idem Or-
 do auctus est. Ille enim summus Pontifex ipsum Ordinē priuilegijs,
 & constitutionibus ab ipso approbatis decorauit.

3

Præterea hic Canonicoꝝ Ordo si nudè consideretur, præter tria
 profes-

professionis vota, & Aug. Regulā, & ius Canonici nullas habet constitutiones; nullasq; particularia statuta, exceptis Benedicti 12. constitutionibus. At vero successit eorum viri quidā Sanctissimi, Dei & Religionis zelo, & amore ardentis, peculiare Canonicoꝝ Reg. Congregationes exegerunt, tribus Religionis votis, ac B. Aug. Regulæ novas constitutiones adijcentes; adhibita etiā summorum Pontificum confirmatione. Quo effectum est, ut primarius ille, vetusq; Canonicoꝝ Reg. Ordo in plures strictiores, ac veluti nouos ordines dissectus fuerit, atq; diuisus. Hinc quidam aliarum Religionum viri perperam occasione arripuerunt, ut opinarentur, veterem illum Canonicoꝝ Regul. Ordinem in his rigidioribus congregationibus nō esse conseruatū, aut continuatū, sed in alios nouos ordines immutatum. Habet autem vnaquzq; Congregatio vnum caput, & supremum Prælatum, sub cuius regimine multa concluduntur monasteria.

4 Prima igitur, eaq; percelebris Congregatio orta est an. 1401. auctore Leone de Carate ciue Mediolanensi, eiusdem Ordinis viro, apud cœnobium S. Mariz de Frigionaria Lucanæ Diœceseos. Quam reformantes Frigionariam cognominauere Cōgregationem. Postea vero Lateranensem Eugenius 4. postquā eā probasset; appellari mandauit. Denique hæc Lateranēsis Congregatio ab illo eximio viro, quasi altero Elia Dei spiritu, & zelo feruente sub Regulari eiusdem Ordinis obseruantia, ac sub arctissima paupertate fundata est, & illustrata. Hanc Congregationem Lateranensem, siue Frigionariam mille artibus dilaniat, ac excarnificat Ambrosius Choriolanus, sancti Augustini Eremita in suo defensorio, quod ad Sixtum quartum cōscripsit, ad labefactandā hanc Congregationē, cui rei causam dederunt, ut ipse ait, quidam Dominicus Tarvisinus, & Eusebius Mediolanēsis, eiusdem Congregationis Canonici. Cœcutire autem Choriolanus deprehenditur, quod non intelligat, Arnulphū Lugdunensem Archiepiscopum, non institutorem primum, sed reformatorem, restauratoremq; fuisse Ordinis Canonicoꝝ Reg. nimis etiā innititur testimonio cuiusdam Abbatis Ioachimi in expositione Apoc. qui id sentire videtur. Ea quoq; ratione ducitur, qd Canonici Lateranēses, siue Frigionarij sub pallio, & habitu fratrum Ordinis Prædicatorum lineam togant deferunt; ob idq; a Canonicoꝝ S. Augustini numero repellendos; nec ynquam ab Augustino cognitos fuisse opinatur. Ceterū has omnes, aliasq; argutas ratiunculas in calce huius primi lib. cap. 3 1. & 3 2 extricabimus, & dissoluemus, perquam venerandam Congregationem Frigionariam pro viribus nostris defendentes.

5 Est & in hoc Ordine alia quoq; secunda Congregatio, quæ repente ma-

Ete magnopere coaluit S. Saluatoris, auctor Stephanus homo Bononiensis, fuit Ordinis Eremitarum, anno 1410. Is. n. cum rem inclinam videret, cum paucis eum sequentibus Canonicum sumpsit gestamen; superque album cucullum, Gregorio 12. probante, ac ad eandem S. Donati de Scopeto prope Florentiam migravit. Ex quo Antoninus Præsul Florentinus Scopetinos eos vocat. Vnde tota ipsa Congregatio Scopetinatorum dicitur, vel potius Sancti Saluatoris. Quæ postea plura cœnobiaz acquisiuit: inter quæ, & illud præclarum est Bononiæ, quo Sancti Saluatoris iconici nuncupatur; ubi est miraculum vulnerati ab Hebræis crucifixi, ac sanguinem fundentis.

6 Alia item & tertia Congregatio nuper inchoata est, quæ S. Petri de Monte Corbulo Florentinæ diœceseos appellatur. Et à Julio 2. confirmata est. Hi hospitalitatē colunt, quanquam pauperes adhuc pullū, humilemque cucullum linteis, crassisque tuniculis super induunt. Hæc ferè omnia à Raphaele Volaterrano loco citato. Et à Iacobo Bergomensi in suis Cronicis lib. 14. anno 1407. mutuati sumus. Nouissimè verò in Gallia circa annum 1500. alia Congregatio erecta est, quæ nuncupatur Castrinantonis, vulgò Chasteoulandon, quæ suæ puritati Canonicum Ordinem restituisse fertur, referente Roberto Episcopo Arborescensi, de tuendo cœlibatu, tomo 2. tit. de Monastichorum ordinum primordiis. Prædictæ igitur Congregationes tantam Monachorum, ac fratrum imaginem, & similitudinē sibi assumpserunt, ut iam quibusdam non tam Canonici, quam Monachi videantur. Re tamen exactè diiudicata, Canonici Regulares censendi sunt. Canonicus. n. Ordo ex Clericatu, & Regulari statu constat. Qui licet varijs in locis sit reformatus: vnus tamen, atque idem est Ordo in specie in omnibus Canonicis Regularibus, in quibus vnâ, & eadem reperitur professio, & habitus ratio, idest Regulæ Augustinianæ professio, & linea toga; quamvis inter ipsos aliquanta, eaque accidentaria differentia reperiatur. Quam rem eleganter explicat Iacobus Bergomensis in suis Chronicis lib. 14. anno 1407. quem superius ad verbum retulimus.

7 In calce huius capituli narranda etiam est præter superiores alia quædam Canoniorum Regularium Congregatio; de qua Raphael Volateranus in cap. de Eremitis sic disserit: Canoniorum Regularium S. Georgij in Alga Venetijs ritū aliquot viri probi, sub Gregorio 12. sunt aggressi; quorum princeps Laur. Iustinianus, vir Patricius, fuit inter beatos adnumeratus. Qui se, suumque omne patrimonium ei loco dicauit: moxque Patriarcha primus Venetiarum factus. Cuius exemplum sequuti Antonius Corarius, ipsius Gregorij nepos, postea Cardinalis Ostiensis, & eius socius Gabriel Condulmera, qui deinde Eugenius 4.

nins alexitit, Ordinem ipsum, & locum cum diuitijs, tum optimis institutis ornauerunt. Martinus etiam 5. Maseus Contarenus Patriarcha Venetiarum, Veneti omnes Patricij, inter hos ob vitæ sanctitatem proceres nominantur. Hi tamen auctorati non sunt, neque profitentur. Hactenus Raphael. Quo in loco perpende hunc Canonicoꝝ ritum, neque confirmatum esse, neque exigere solemnem professionem trium votorum; quam ob causam in hunc vltimum locum reijcimus.

8 Hæc omnia eo dixerim, vt optimus quisq; Regularis Canonicus semel intelligat, necessariam esse trium votorum substantialium professionem Regularem ad perfectam, completamq; Religionem constituendam; reliquasq; religionū formas trūcatas esse, atq; imminutas, easq; longo tēpore nec conseruari, nec fœlices successus habere. Quapropter sanctissimus, summusq; Rom. Pont. Pius 5. hos Religionū ritus sub solenni professione trium votorum, atque aliqua approbata Regula cōstringit, & subijcit, referens; multa mala cōtigisse huiusmodi Religionibus, eaq; de re constitutionem edidit anno 1568. 15. Kalēdas Decembris, Pontificatus sui anno 3. quæ sic exorditur. Lubricum vitæ genus eorum veriti, qui Regularium formam præ se ferentes, nec proprijs renunciāt, nec vllam profitētur ex Regulis approbatis, quādo horum pleriq; proprio instinctui obsequentes, alij odio incensi, alij dum quod ambiunt, minus consequuntur, alij vel dilapidatis, vel interuersis rebus, & ad sese, vel propinquos translatis vt ratiocinia effugiant, quidam etiam in suos ipsorum mores inquisitum iri præfentes, quasi impunitatem adepturi, è sodalicio suo, vt lubet, exiliunt, eiectisq; illius insignibus, vestem recipiunt secularem. Hinc graues, & periculose quotidie offensiones in populos concitātur; dum quos disciplinæ Regulari perpetuò mancipatos credunt; rursus eos, etiam vbi consenuerint, contempto post tot annos, & relicto indignis sapē modis eius, cui sese dederant, vitæ instituto, liberos vident, & solutos in seculum euagari. Cū igitur conueniat, vt cuius arma induit, eam miles militiam persequatur, hanc de prædictis rationem capere institimus, vt vel permanēdi, vel abscedendi facultate semel singulis proposita, certus deinceps, & immobilis disciplinæ Regularis cultus debeat in ipsis sodalitatibus perpetuò obseruari. Itaq; de nobis attributa potestatis plenitudine statuimus, vt omnes, & singuli Priores, Præpositi, & alij Præsidētes, Generales, Prouinciales, & Cōuentuales, necnon Canonici, & fratres S. Georgij in Alga Venetiarum; ac Eremitarum S. Hieronymi, aliàs S. Petri Pisarum, & omnium, ac quaruncūque aliarum Congregationum, necnon Ecclesiarum, domorum, & cōuentuum in communi, & sub obedientia voluntaria, & extra votum solen-

solēnem Religionis viuētes, quorū habitis à secularibus presbyteris est distinctus; qui Religionem amplecti, & professionem Regularem solennem emittere voluerint, id in suis quisq; Conuentibus, & domibus intra viginti quatuor horarum spacium, postquam Delegatus noster præsentēs litteras eis significauerit, palam, & spontē deliberent, & declarent: inde conuocato quāprimum per singulas huiusmodi Congregationes Generali, vel alio supremo, iuxta morem cuiusque Congregationis Capitulo; ibiq; electa vna, sub qua degant ex Regulis approbatis, in quam maior pars vocū ipsius Capituli consenserit, trium votorum substantialium professionem Regularem intra mensem solenniter emittant, & in ea tam ipsi, quā illam deinceps ingressuri, atque professuri, perpetuum ferant altissimo famulatum. Sicq; professi, vel in suis quisq; Prioratibus, Præposituris, Præsidijs, administrationib; & officijs confirmentur, vel ad alia transferantur, prout cuique Congregationi, & Superioribus suis videbitur vtilius expedire. Qui verò excursu iam anni spacio in ipsa Congregatione morati, resugerint intra tempus prædictū profiteri, detracto Religionis habitu, ac redditis, etiam in vinculis, si opus sit, receptorum, & administratorum omnium rationibus, eiciantur; nec deinceps patiantur in vllis eiusdem Congregationis domibus, seu Conuentibus amplius conuersari. Quo circa mandamus vniuersis, & singulis Prioribus, Præpositis, Generalibus, Prouincialibus, & Cōuentualibus, ac alijs cuiuscunq; dignitatis, & nominis ministris, necnon Conuentibus, Canonicis, fratribus, & personis Congregationum huiusmodi, vt statutum nostrum prædictum, nō expectata alia iussione, aut mētis nostrę declaratione, humiliter recipiāt, & studio sē obseruare procurent. Quod si fortē aliqui in eo, quo nunc sunt (quem omnino tollimus, & abolemus) contra nostrum hoc statutum persistere contenderint, singulos omni dignitate, officio, administratione, & beneficio priuamus, & ad futura perpetuū indignos decernimus; excommunicationis quoque sententia innotamus eō ipso. Non obstantibus foundationib; &c. Datum Romę apud Sanctum Petrum, anno incarnationis Dominicę 1568. 15. Kalendas Decembris Pontificatus nostri anno 3. Cæs. Glorierius, H. Cumyn.

De Canonicis Regularibus Hispanis. Cap. xi.



Vin Gallia, alijsq; Rēgnis, atq; Prouincijs, sic quoq; in nostra Hispania cōperies hodie complures Canonicorū Regulariū Ecclesias Collegiatas insignes, Cathedrales, atq; etiam Metropolitanas. In quibus viri litteris, & moribus clarissimi, Prælatorum, Capitulorumq; electione admit-

admittuntur, sacrumq; August. Ordinem alacri vultu ingrediuntur. Qui iudicio meo solùm illud primarium Augustini institutum colunt, & retinent, ab enarratarum Congregationum institutione, & lege, longè alienum, atq; diuersum. Nam præter solène Religionis votum iuxta Regulam S. Augustini emissum, nullas habet huius Ordinis generales Constitutiones. Nam Constitutiones Benedicti 12. in desuetudinè hic abierunt. Habent quidem ipsæ domus paucula quædam statuta ab eisdem Canonicis condita; non tamen à Sede Apost. confirmata. Habent item Monasteria Ecclesijs coniuncta, septisq; conclusa. Habent tædem religiosorum more, & dormitoria, & refectoria. Deguntq; sub singulis cuiusque domus Prælati, aut Abbate, aut Priore.

2 Ab Episcopis ferè omnes exèpti, immediatæ gubernationi summi Pontificis subijciuntur: in hunc vsq; diem nullam erectâ Cõgregationem, nulloq; Visitatores Regulares agnoscunt. Quod verò ad habitũ attinet, honestissimis quidem, secularium tñ Clericorũ vestibus nigris pileis etiã nigris vtuntur, rasura capitis Clericali contenti. Insigne autem Regularis Ordinis est; aut tunica, siue camisia linea alba interiori nigræ, talariq; vesti superaddita; patens tamen, aut certè, & vt plurimũ est minor vestis linea alba, quam vulgus Roquetũ appellat. Professorum verò signum præstant duæ tenues alæ lineæ, ab humeris ad brachia pendentes; his lineis alis nouitij Canonici ante professionẽ carèt.

3 Postremò pro Ecclesiã suarũ illustri splendore, & dignitate ornatu, & vestium, & famulorum mediocri, præsertim in publico prodeuntes vtuntur, maximoq; honore, ac prætio in populo habentur. Horum Canonicatus pleriq; viri litterati, ac nobiles auidè affectat, & ambiũt.

4 Canonici ergò Regulares Hispani, vt arbitror, persimiles sunt Canonicis Ecclesiarum Cathedralium Gallicarum huius Ordinis, qui tunica nigra cum hasta desuper linea alba vtuntur. Huc quoque accedit decretum. 22. 2. par. Concilij Prou. Senonensis sub Antonio Archiepiscopo, anno. 1528. celebrati. Videlicet ne notorium illi abusus, quo nonnulli Regularem apostasiam incurrendo, sine habitu Regulari etiã in publicum incedere non erubescunt, sub dissimulatione pertransire videamur: statuimus qd Canonici Reg. de cætero super veste exteriori togã lineã, tam intra, quàm extra monasteriũ, ferre omnino teneantur.

5 Longum quoq; discrimẽ cernitur in hoc ordine à superioribus erectis Congregationibus, quod hic illustris Ordo cū Collegiatis, Cathedralisq; Ecclesias obtineat, & moderetur, habet dignitates, Archidiaconatus, officia, personatus, aliaq; quàm plurima, tam simplicia, quàm curata beneficia Regularia, quæ iuxta iuris Canonici, & sacri Concilij Tridentini decreta, Canonicis Regularibus sunt conferenda, ab eisq;

gubernanda : quibus profecto Canonica hierarchia plurimum & decoratur, & illustratur. Canoniciq; Regulares litteris, moribus, aut etiã generis nobilitate splendentes, hac via suarum virtutum præmia nanciscuntur, alijsq; calcar additur, vt Religionis, & probitatis amore accendatur. Quę omnia cū Collegiatis, Cathedralibusq; Ecclesijs, earum Congregationum Canonici à se prorsus exploserūt, in Monachorumq; formā transierunt. Libenter tñ fatebor, Hispana hac huius Ordinis Monasteria, atq; Ecclesias Regulares magna indigere reformatione, quas in Religione plus satis collapsas videmus, illasq; italicas Congregationes laudandas esse, & maximo honore colendas ob insignem, religiosamq; sanctitatem. Quod verò illarum Congregationū Canonici Regulares ad Monachorū, fratrumq; formas se contulerint, quidam historici affirmatūr, dicentes; Canonici; qui Lateranenses nuncupantur in Frigionaria, Prædicatorum fratrum morem in omnibus imitantur, camisia linea Episcoporum more, excepta, & birreto nigro, qui & vulgari sermone Fratres della Camisia appellantur.

- 6 Et Aug. Ticinensis. 4. par. Propugnaculi cap. 13. Scopetinos & alios quosdam Venetos asserit, ex Archiepiscopo Florëtino, à quodā fratre Stephano Ordinis Eremitarum institutos fuisse. Qui vt à primario suo iugo eximeretur, habitum lineum Canonici ordinis assumpsit. Sed ne ab Eremitico Ordine in totū se abdicasse videretur, voluit desuper indui scapulari albo, in quo prius Eremiticum ordinem fuerat professus, siue cuculla : quę Canonici Regularibus non competit, nisi in casum apostasie ex insigni textu in cap. mandamus. 19. q. 3. volueruntq; inuicem vocari fratres secundum priores consuetudines Ordinis Eremitarum, quod etiam Canonici Regularibus non conuenit. Qui ex primæ eorum institutione semper sunt vocati, & inuicem nuncupantur domini : quia eis proprię, atq; per se competit, vt sint Clerici. Propter quę duo, videlicet propter cucullam, & fratris nomenclaturam, cū in dubium verteretur, an essent veri Canonici propter nomen, & habitum super indutum, denuò impetrarunt ex priuilegio se fieri Canonicos Regulares. Iulio. 2. Pon. max. concedente; Canonicorum etiã Lateran. priuilegijs gaudere posse obtinuerant. Eadē etiam ratione tempore Aug. Ticinensis controuertebatur, an Lateranēses Canonici, essēt Canonici Regulares. Ob idq; Canonici Regulares Italicarū Congregationum apud Hispanos Monachi iudicantur. Iubente autē Benedicto 12. Prælari Regulares Ecclesiarum Cathedralium, & Monasteriorū Prouinciarū Tarraconēsis, & Cæsaraugustanę anno Dñi 1340. mēse Augusto, in Castro regio Ciuitatis Illerdę capitulum prouinciale coegerunt, & aliquot diebus celebratūr, in quo promulgatæ fuerūt saluber-

saluberrimæ illæ Constitutiones Generales omnium totius orbis Canonice Regularium, eodem Benedicto 12. auctore & euulgatore; quæ quidem hac nostra tempestate non solum ab usu recesserunt, sed etiam obliuione profunda conspuitur iacēt; quas utinam nostri superiores continuo exercitio retinuissent. Sic. n. effectum fuisset, ut nec hic sacer Ordo tantam calamitatē, & cladem accepisset, nec ad occurrendū, medēdūq; tot incommoditatibus omnis ferē via nūc occluderetur.

De habitu candido Canonice Regularium. Cap. xij.

IN habitu Regulari definita sunt; alterum quidem, quod insigne est quoddam vniuersiusque Religionis, quo facili dignoscitur Regularis ipse, cuius ouilis, cuiusq; pastoris sit ouis, a quo pascatur, & gubernetur. Demum signaculum est, quo a reliquis Religionibus discernitur. Alterum verò, quod ex S. Thom. 2. 2. q. 186. art. 7. ad. 2. arg. signum est manifestum obligationis, qua vnusquisq; Religiosus ad omnia tria vota est astrictus, & obligatus. Hac. n. ratione habitus Regularis simul datur, vel benedicitur cum professione. Omnes enim aliz Religionum obseruantiz ordinantur ad tria singula principalia vota, seorsum tamen, atq; distinctē. Nam quæ instituta sunt ad procurandum victum, referuntur ad paupertatem, ut labor, & mendicitas. Ea verò, quibus corpus maceratur, ordinantur ad continentiam obseruandam: ut vigilia, & ieiunia. Quæ tandem ad dilectionem Dei, & proximi, comprehenduntur sub voto obedientiz, ut lectio, oratio. Determinatio aut, atq; distinctio habitus ad oia tria vota simul pertinent, ut Religiosus intelligat, & moneatur se tribus votis esse religatū, & ut pudore offundatur, si ea q̄ Religiosum dedecēt, aliqui cōmiserit.

Manifestum est autem, atq; ex non cōtemnendis authoribus exploratum, determinatum, propriūq; habitum Canonice Regularium esse camisiam lineam, siue togā lineam. Primum. n. id attestatur Raphael. Volat. in Augustino lib. 31. de Ordine Canonico verba faciens: Amictus est (inquit) linea tunica, tantum vesti cuiuscunque superaddita, quam Iacobus Apostolus Præsul Hierosolymitanus, primus ex more Leuitico, veterūq; sacerdotum sibi adsumpsit: post eum Marcus Alexandriz: posteri verò diuersis inter se factis conciliabulis, alij alia simul cum lineis indumenta corripuere, statutaq; condidere.

Io. etiam de Nigra Valle sæpe citatus, referente August. Ticinensi par. pri. Propugnaculi. cap. 15. ad finem eiusdem partis, in hunc modū proloquitur; Camisa, siue Collobium niueum, & albū propriē, & essentialiter competit Canonico, & Clericali statui; habuitq; originē in ve-

teri testamēto à Leuitis, & Sacerdotibus; qui utebantur Ephod lineos; sed in nouo postmodum testamento à Christo Domino, & Sacerdote Max. indeq; ab Apostolis talis habitus albus, & lineus institutus, & delatus fuit: vt patet de ipsius Christi veste inconsutili, & desuper contexta per totum, quemadmodum etiam de vestimentis Apost. Petri, & Pauli, Iacobi, Bartholomęi, &c. patet, & legitur. Qua ex re Apostoli appellabantur à Gentilibus viri dealbati. Vnde iuxta eorum institutiones, omnes Clerici Regulares, qui Apostolorum more se, & sua relinquētes, vt crucifixi mundo, & Christi crucem baiulantes, discipuli censantur, talem induere habitum iussi sunt.

- 4 Nec mirum, quia cū Dei minister semper candidus, & purus, atq; mundus in conscientia esse debeat, & simplex vt columba in moribus, vestimenta alba, & candida ei iubentur deferri, iuxta illud quod scribitur, omni tempore vestimenta tua sint candida, Ecclesiastes 9. Et vt legitur in scripturis Angeli semper quasi in candidis vestimentis visi sunt. Ad designandū eo, qui ex Clericali professione, albo induuntur amictu; ex sancta cōuersatione angelos potius, quā homines esse debere. Sicut Ezech. 9. cap. dicitur is, qui in medio sex virorum, atramentarium scriptoris habens ad renes, apparuerat ei, fuisse vir indutus lineis. Et Danieli 10. apparuit vir vestitus lineis, &c. Et eiusdem. 7. vestimentum eius candidum, sicut nix. In nouo quoq; testamēto, Christi q; resurrectione Angelus fuisse conspectus Matth. 28. cap. legitur; Erat autem aspectus vultus eius, quem assumpserat admodum terribilis, in modum fulguris coruscantis, & vestimentū, quo amictus erat, candidissimum, atque splēdidissimum, instar niuis, vt ipso quoque externo habitu monstraretur resurrectionis Domini festiuium gaudium, & magnifica gloria, cuius ipse aduenerat nūcius. Et Marci vltimo erat iuuenis sedens indutus stola candida. Et Ioan. 20. Maria Magdalena vidit duos Angelos in albis sedentes. Et Act. 1. Ecce duo viri astiterūt iuxta illos in vestibus albis. Et Act. 10. Ecce vir stetit coram me in veste candida. Habitus quidem albus pertinet ad perfectos, & ad illos, qui ita per terrenorum contemptum, ad ea, quę sursum sunt, efferuntur, vt sint quasi in cœlis per beatitudinem glorificati. Quare dñs noster Iesus Christus glorificatus in monte, vestimenta candida legitur habuisse, sicut niuem Marci 9. & Apoc. 3. ambulabūt mecum in albis. Et cap. 4. & 7. Amicti stolis albis. Et Trenorum 4. cap. Candidiores niue, nitidiores lacte facti sunt Nazarei eius, &c. hic sanē est habitus conueniētiior his, qui in sortem, ac seruitium Dñi assumuntur. Habitus inquam, qui à Deo ex suo ipsius ore sanctissimo suis ministris adinuentus, & ordinatus perhibetur. Exod. n. 29. ait Dominus ad Moysen; Indues tunicis

tunicis lincis Aaron, & liberos eius. Hæc ille Ioannes. Eadem ferè omnia traduntur ab Hugone de S. Viatore in argumento Còmentarij in Regulam Augustini. Nos verò q̃ ad habitus cādorem attinet, vberiori, lucidiori; sermone dicamus. Imprimis ille præfulgēs color ad immaculatæ vitæ nos exhortatur custodiam: si quidem innocentie, & vitæ puritas per vestimentorum candorem solet in scripturis significari. Propterea; dē ijs, qui innocentiam custodierunt Apoc. 3. dicitur; Habes pauca nomina in Sardis, qui non inquinauerunt vestimenta sua, & ambulabunt mecum in albis, quia digni sunt, & in visione Io. Apoc. 9. Viginti quattuor seniores vidit circumamictos stolis albis; ac deinde in turba illa magna ex omnibus gentibus, tribubus, & linguis, quam ante thronum vidit, omnes cōspexit amictos stolis albis, in quibus gloria puritatis, & innocentie Sanctorum monstratur. Hanc ipsam admonitionem nobis significat Salomon Eccles. 9. cap. Omni tempore, ait, sint vestimenta tua candida. Pulcherrimus nanq; ille, & indumentorū, & corporis candor præ se fert quandam lætitiā, & plerumq; pollicetur quendam animi nitorem, & munditiā, id quod visus est nobis indicasse rex ille, qui fecit nuptias filio suo, cui vehemēter displicuit, qđ quidam discubuerit in conuiuio regio non ornatus veste nuptiali, cui dixit Mat. 22. Amice, quomodo huc intrasti, non habens vestē nuptialem? His adiungito Act. 1. in gloriosa Christi Ascensione duos viros astitisse iuxta Dñi discipulos in vestibus albis. In vestibus quidē albis sese discipulorum visui angeli offerunt; huiusmodi siquidem vestes, ijs competunt, qui infirmitatis culpæ, & mortis expertes sunt. Nostra vestimenta quandiu hic sumus, hisce tribus plerumq; contaminata sunt; Sed erit, quando & nos Christum in vestibus albis sequemur, immo in stolis albis, & candidis antē thronum Dei astabimus; interim autē cōtinuò lauanda sunt vestimenta nostra. Candor etiam conuenit veritati, competit benignitati, quadratq; felicitàti. Quid Deus nisi ipsa puritas, ipsa veritas, ipsa misericordia, & beatitudo? Idcirco Mar. 16. Angelus apparuit coopertus stola candida: ritē ergo Dei nuntij designantur cādoris specie. Nā, & teste Hier. hoc candore triūphātis Christi gloriā intelligere debemus. Vides tādē, qualis sit Canonicorū habitus, nēpē angelicus. Huc quoq; accedit, quod iuxta quorundā enarrationem cubile Salomonis pellibus albisimis decorabatur, quæ nimirum prætiosissimæ erant. Hanc igitur insignē albedinē, candorē, & pulchritudinem spiritualē exprimit locus ille Cāt. 1. sicut pelles Salomonis. His profectō adductis omnibus interior animæ pulchritudo designata, nobis vigilantissimē ob oculos imitanda proponitur. Idcirco Aug. in Regula inquit; Pro interiore sancto habitu cordis nobis esse elaborandū,

5 Porro quantum ex alijs historicis colligere licet, diuersis in locis diuersi Canonicorum habitus reperiuntur. Alij. n. albo vestiuntur habitu cum hasta superiori linea. Alij tunica nigra cum hasta desuper linea, & alba: vt pleriq; Cathedralium Canonicorum in Gallijs constituti. Alij verò habitu tantummodo albo, & clamide alba. Alij cum tunica nigra, & camisia linea sine scapulari, sed cum caputio, more seculariū sacerdotum. Alij quoq; cum linea camisia, clamideq; desuper nigra, sed birretto albo. Alij tandem Canonici, qui Lateranenses nuncupantur in Frigionaria, Prædicatorum fratrum morem in omnibus imitantur, camisia linea Episcoporum more excepta, & birreto nigro, qui & vulgari sermone Fratres della Camisia appellantur, vt diximus.

6 Ex qua multiuga vestium varietate colligere licet, peculiarem habitum esse lineam togam albam, vt docet glossa quædam in Clem. cū rationi. de elect. dicens: Omnes Regulares Canonici, qui profitentur Regulā S. Augustini, licet variant in colore, quia aliqui habent colorem nigrum, alij album, alij griseum, alij mixtum, habent tñ cōmunem habitum lineam togam, quā sub capa deportent. Huius etiam tunice lineæ meminit August. tom. 10. suorum operū ser. 53. ad fratres in eremo; qui incipit: Charitati vestrz. Sic ait. Nemo det birrum, vel lineam tunicam, seu aliquid, nisi in commune. Hunc tñ Aug. locum mille modis torquet diuinditq; , Choriolanus in defensorio, verit. 1. in solutione ad. 3. arg. vbi admiratione rapitur, temeritatis argēus Canonicos Regulares, eo q̄ habitum sacrificiorum omnibus Sacerdotibus Christiane fidei cōem, tanquam propriū sibi adscribant, sub eo prætextu quod Aug. eo vteretur: cū non nisi dum diuina ministraret sacrificia, illo vnquam fuerit vsus. Nos verò ex antiquitate, perlongaq; temporum deductione, & historicorum perspicua lectione, & in hoc capite, & superius rem hanc abundè explicuimus, ijs præsertim, quī genealogicas quæstiuunculas oderūt. Fieri etiā potest, vt habitus lineus, albusq; , omnibus Clericis cōis proprius sit, fueritq; primorum Clericorum Apostolicorū, & Regularium, à quibus Clerici seculares post superius explicatam disunctionem, originem trahunt. Id quod sequenti capite de candido Episcoporum habitu agentes sumus interpretaturi.

7 Sed iam tandem propriū Canonici Regu. habitum abundè descripsit Benedictus 12. in Constitutionibus Canonic. Regulariū ab eo editis, in tit. de Forma, & honest. habi. & vestimen. sic dicens. Dignū fore censentes, vt Canonici Religionis præfatæ non solum morum, & vitæ, sed etiam habitus, & vestimentorum resurgant honestate, districtius inhihemus: ne dicti Canonici extra septa ecclesiariū, monasteriorū, seu locorum suorū proficiscētes: portent alias vestes super habitū
quā

quàm capas, seu mantellos honestos : vel redondellos, seu clochias tales, vel circa, iuxta vsum, vel consuetudinem laudabilem ecclesiarum monasteriorum, & locorum suorum; vsum; seu verius abusum mantillarum, seu thabardorum: necnon redondellorum, vel clochiarum notabilem habentium breuitatem eisdem Canonicis penitus prohibentes. Præcipimus quoque, quod in ecclesijs, monasterijs, & alijs locis Religionis præfatæ, in quibus Canonici capas à parte anteriori apertas de panno laneo consuevere deferre : quæ in quibuscumque locis capæ de choro, seu capella vulgariter nuncupantur; ipsas honestas non nimia longitudine, vel breuitate notandas portare debeant, locis, & temporibus consuetis : etiam capas huiusmodi à festo omnium Sanctorum, usque ad festum Pasche infra septa quarumcunque Cathedralium ecclesiarum Religionis eiusdem, ac monasteriorum, & aliorum locorum immediatos Superiores ipsius Religionis non habentium : in quibus monasterijs, siue locis fuerit duodenarius Canonicoꝝ numerus (licet hæcenus ipsas ibidem non consueuerint deportare) sanè infra Ecclesias, Claustrum, Capitulum, Refectorium, ac Dormitorium non caputijs, sed almutijs honestis vtantur. Caputia verò si ea per ipsos extra loca prædicta deferri contigerit, sint honesta; & illa, quæ cum capis, mantellis, clochijs, seu redondellis portauerint, vnius cum eis, & eiusdem coloris existant (nisi ex privilegio, aut institutione laudabili caputia certi coloris, aut formæ essent consueti portare.) Almutiæ autem si de panno fuerint illius, cuius capæ esse debent, coloris existant. Per hoc autem non liceat portare caputia, vel redondellos, seu clochias eis : quibus alias portare licitum non existit. Prohibemus etiam, ne dicti Canonici de cætero ferant forcaturas de ventribus variorum, aut squiolorum cum dorſis permixtis : sed sint de pellibus simplicibus, vel albis, vel nigris, aut griseis. Præcipimus etiam, quod Canonici dictæ Religionis infra ecclesias, & claustra locorum Cathedralium, aliorumque Conuentualium, seu Collegiatorum ipsius Religionis, & alibi conuentualiter incedentes, portent superpellicia magna, & ampla, iuxta cuiuslibet ecclesiæ consuetudinem rationabilem : quæ in longitudine manicarum, vltra manum quatuor digitis transuersalibus, vel circa, & vltra mediam tibiam, vel circa, in sui longitudine protendantur. Extra ecclesias verò, claustra, & loca prædicta, & ubique sub capis redondellis, seu clochijs, vel mantellis in locis debitis vti possint superpellicijs : quorum manicæ usque ad palmum in latitudine, vel circa, eorum longitudo usque ad mediam tibiam, vel circa protendantur. Per hoc autem nolumus derogare consuetudini quorundam locorum, quæ ab antiquo, vel ab institutione habent vsum superpelliciorum ad formam roquetorum, seu camisiarum Romana-

rum (prouiso tñ quòd minoris lógitudinis superpellicia huiusmodi nò existant : & adeo manicas longas habeant, q̃ ex eis brachia vsque ad pugnum valeant cooperiri.) Per formas autem huiusmodi superpelliciorum alias formas longiores, & honestiores superpelliciorum, & habituum non intendimus prohibere : nec circa eas aliquid innouare. Statuimus insuper, q̃ Canonici dictę Religionis capis, & vestibus albi, blai, nigri, seu quasi nigri coloris duntaxat vtantur : quòd q̃ illi, qui altero tantum de dictis coloribus vti consueuerunt, seu tenentur, non possint ad alium portandum, seu assumendum aliquatenus se transferre (nisi ad album dũtaxat) : Vestis quoque superior habitui proxima, sit rotunda per circuitum, & non fissa, nec longitudine nimia, aut breuitate notanda . Ab eisdem quoq; Canonicis in eorum vestibus ligatę manicę non portentur, nec in apparenti consutitię, vel quomodolibet boronata. In Cathedralibus autem ecclesijs Antistites, seu Prępositi, Priores, seu alij maiores in illis post ipsos Antistites existentes, ac in monasterijs Abbates, Prępositi, Priores, seu alij non habētes Superiores Religionis eiusdem, sic aliam formam honestam vestiũ, & calciamentoꝝ ordinent, & disponant : q̃ sit in colore saltem omnibus Canonicis eiusdem ecclesię, seu monasterij tam extrinsecus, quàm intrinsecus vniformis, ipsamq; tam Abbates, quàm Prępositi, Priores, & Administratores, ac ceteri quicunq; Canonici, & alij per proprios eorum Antistites, vel Abbates, seu alios. Abbates verò, & ceteri Pręlati, Superiores proprios eiusdem Religionis non habentes, per Præsidentes provincialibus Capitulis, seu per quemlibet eorum, ac per Visitatores in ipsis Capitulis deputandos, tenere, & seruare rogantur . Qui verò vestem, vel habitum cõtra ordinationem præsentis Constitutionis deferre præsumpserit, per dictos Superiores, vel per Præsidentes, siue per Visitatores, seu eorum quemlibet, sic debite puniatur; quòd ceteri à similibus arceantur. Et nihilominus ab eo auferatur vestis prohibita, pauperibus eroganda. Et si infra spacium 15. dierum à tempore monitionis, seu pręcepti sibi facti computandum, vestem, vel habitum huiusmodi non dimiserit cum effectu, vel ablationi prædictę resistit, si beneficiatus fuerit, per quattuor mēsum spacium ab administratione temporalium sit suspensus: non beneficiatus verò dicto tempore, sit inhabilis ad ecclesiasticum beneficium obtinendum quocunque . Qui autem exhibens se in publico habitum (super indumenta licet linea) temerè occultauerit : si monitus emendare noluerit, iuxta præmissam personarum distinctionem, dictas suspensiones, & inhabilitatis penas per idem tempus incurrat . Iniungimus insuper Præsidentibus, Visitoribus, & Prælati alijs Religionis prædictę, vt con-

tra transgressores eorum, quæ circa honestatem vestium, & habitus superius sunt statuta, prout ad eos, & eorum quolibet pertinuerit, monitionem prædictam (quum transgressio eis nota fuerit) facere non omittant. Et nihilominus Præsidentes, & Visitatores prædicti, monere teneantur Abbates, Præpositos, & alios, ad quos id pertineant Religionis prædictæ, præmissa, quæ (vt prædictum est) circa honestatem vestium, & habitus sunt statuta, seruent, & faciant ab alijs sub dictis pœnis diligentius obseruari.

*De habitu candido Episcoporum.**Cap. xij.*

Iohannis de Nigra Valle ab August. Ticinensi 1. par. Propugnaculi cap. 15. alijsq; locis citatus, & approbatus, de Episcoporum linea toga ad hunc modum diffinit.

Propterea hodie Pôtifex oēs, vt Archiepiscopi, & Episcopi, quando consecrantur, efficiuntur Clerici Regulares per solennem professionem, & accipiunt habitum. s. camisiā Apostolicam in signum professionis, & in memoriam, quod olim tota Ecclesia Catholica tam in Patriarchalibus, quam Archiepiscopalibus & Episcopalibus sedibus per ipsos Reg. Canonicos regebatur. Episcopi enim olim simul cum Regularibus Canonicis regulariter vivebant, & hodie multis locis viuunt. Vt ipse citatus August. asserit 5. par. Propugnaculi ad 4. rationem. Quin potius idem author ibidem ad septimam rationem nu. 12. hæc subiicit: Omnes cuiuscunq; sint professionis, si ad apicem Episcopalem assumuntur, tenentur habitum propriæ Religionis deferre. At si Canonici Reg. assumuntur ad id muneris, non secus, quam ceteri Episcopi vestiuntur; ea nempe causa, quoniā vnus, & idem est in vtrisque habitus Clericalis. Sumus verò Pontifex si à Monachali, vel alterius professionis habitu assumatur; eo proiecto lanea, & linea tunica simul induitur. s. vt confirmetur priscis temporibus, quando Pontifices, & Episcopi simul cū Clericis suis priscorum more reuerentis, & Canonici Regulares erant, & cum eis conuiuiebāt. Vt in cap. Necessaria 12. q. 1. & in cap. in omnibus. de consec. dist. 5. idq; ex antiquo Calcedonenſis Concilij instituto, confirmato deinde in Concilio Hispalensi, vt habetur in cap. in noua 16. q. septima, vt qui in administrationibus sociantur Pontificibus, nec professione discrepent, nec habitu. Hunc quoque sancti propositi Apostolicum viuendi modum seruauit Augustinus. Vt constat in sermone de commu. vita Cler. ac propterea, vt concludamus, de SS. Pontificibus, & Episcopis dicendum, quod ipsi in testimonium perpetuæ obligationis suæ Regularis professionis perpetuò tenentur vsque ad mortem deferre habitum lineæ Cleri-

Clericalem; quem in diuinis tantum deferre tenentur Clerici non professi. Episcopi vero in publico eum deferre tenentur in testimonium, solemnem obligationis; quia Regulariter profitentur in sua ordinatione, quia & ipsi sunt in statu perfectionis, quam ad instar Apostolorum imitari tenentur: ut habetur de vita, & honest. cler. cap. Clerici 2. ubi ex Concilio generali mandatur sic ad literam. Pontifices autem in publico, & in Ecclesia desuper indumentis lineis omnes utantur, nisi Monachi fuerint, quos oportet ferre habitum monachalem. Canonici autem Regulares non alio, quam professionis sue lineo habitu utuntur, si ad Episcopatum fuerint assumpti: quia propriæ professionis habitum deferre non possunt.

2. Omnia quidem hæc, quæ ab his duobus viris doctissimis asseruntur, pulchra mihi videntur, & maxime probantur: præsertim quod toga lineæ Episcopalis, imò etiā almutia Episcopalis apertè præ se ferant habitum Canonico Regularium, ex eoq; Ordine originem trahant. Nam & Canonici Regulares cum toga lineæ almutijs utuntur.

3. Illud verò nec probare possum, nec silentio præterire; quod Episcopi Regularem professionem in sua congregatione emittant, aut tribus Regularium Canonico votis astringantur, aut Canonici sint Regulares: quamvis etiam testamentum ex iure condere non possint, ut nec Canonici Regulares possunt.

4. Pro cuius rei elucidatione aduertendum esse censeo id, quod Cardinalis Caietanus ad huius opinionis contrariæ confutationem docuit 2. 2. q. 184. art. 2. Circa id, inquit, quod dicitur à S. Tho. l. Episcopi obligant se ad ea, quæ sunt perfectionis, aduerte dupliciter posse intelligi vel de obligatione naturali spectante ad ipsum Episcopatum: quo quidem sensu id verum est. Nam eo ipso, quod quispiam Episcopatum suscipit, suscipit etiam omnia per se spectantia, & consequentia ad ipsum in quorum numero ex Christi auctoritate est, ponere animam suam, pro omnibus suis: ac multò magis labores suos, & bona temporalia sua. Vel alio modo intelligi potest de obligatione votiua. Ita ut Episcopus explicite, vel implicite voueat ea, quæ sunt perfectionis. At verò tametsi multi sic intelligere videntur S. Thom. id tamen verum esse non apparet. Quod n. in primis Episcopi non voueant implicite, sicut suscipiens ordinem sacrum in Ecclesia Occidentali, intelligitur vouere implicite castitatem, ex eo sit manifestum, quod nusquam iure cautè inuenitur, Episcopos huiusmodi vouere. Quod verò explicite non voueant lex ritu, & verbis Episcopalis ordinationis constat. Quoniam in ordinatione sua de multis interrogatus ordinandus in Episcopatum: respondet quo ad ea, quæ sunt fidei, Credo: quo ad agenda verò, Vo-

16. Neutrum autem horum vim voti habet. Nisi quis adeò desiperet, vt diceret responsiones ibi positas per verbum Volo, vim voti habere. Tot. n. dicit se velle, ad quæ non posset, se voto tutè obligare. Præterea extra de iure iurando cap. Ego enim Episcopus, Episcopus iurat quædam particularia se facturum, & vnum vniuersale, videlicet fidelitatem Rom. Pontifici, ac Ecclesiæ Rom. & B. Petro. Quod est velut homagiū quoddam: nihilq; ibi inuenitur de cura animarū, aut de his quæ perfectionis sunt. Extra quoque de renuntiatione cap. Nisi cum pridem, dicitur Episcopus habere alias strictas; ne volet ad Religionem nexibus præceptorum; sed non dicitur, nexibus votorum. Cum ergo inueneris Episcopos vouere, seu votum habere ad ea, quæ sunt perfectionis, intellige de voto quoad effectum, nō quoad essentiam: id est, quod habent obligationem, ac si vouissent. Non tamen formaliter, aut ex se habent votum. Ideoq; transgrediendo non sunt rei voti facti; sed præcepti suscepti ab ipso Deo.

5. Hæc omnia confirmat Dom. Sotus lib. 10. q. 4. art. 1. Episcopi (inquit) quamuis statum perfectionis profiteantur, non tamen vt Monachi, quasi absque proprio viuere obligentur. Manifestum. n. est, eos nō se huiusmodi voto irretire: quia neque id ad Pastorale munus necessarium est; sed satis est, vt Christum egregiè diligant. Quare memoriæ mandandum est, quod cum Episcopus Religionis votum non emittat, sit vt nec votum faciat peculiare castitatis; præter id quod sacerdotio adiunctum est: neque votum paupertatis. Sed tantum promittit obedientiam Papæ, fidemq; suam huic Ecclesiæ, à quo vinculo nisi auctoritate Pontificis dissolui nequit. Igitur Episcopi, nec solennem Regularem professionem emittunt; nec Canonici sunt Regulares. Itaq; admirari desinet Choriolanus loco citato, si habitum candidum Episcoporum, & Patriarcharum Canonicorum Regularium Ordinis proprium esse asseuerauerimus: cum id ex dictis sit manifestum.

De Canonicorum Regularium creatione, & electione. Cap. xiiij.



1. Vm monasterium non ex lapidibus emortuis, sed ex hominibus constet, atque cōstetur, totius rei cardo hic vertitur, vt non inepti, aut prauis moribus affecti, prauq; indolis, aut sinistri ingenij homines in Religionem intrudantur; qui vel tempore probationis, vel temporū successu sint detrudenti. Eo vel maximè, quod turpius eijciuntur, quam non admittantur hospites. Hinc enim Religioni dedecus cōparatur, dum vel electi exploduntur, vel prauī, corruptiq; Canonici totam domum conturbant, atq; etiā euertūt. Proinde operæpretium me facturum,

rum sum arbitratus, si incōmoda quædam, atq; mala, quæ in Canonico-
rum electione prudenter vitanda esse censeo, in ipso vestibulo ob
oculos proposuero: Pauca igitur documenta obseruabis.

- 2 Primum documentum ex Caiet. 2. 2. q. 189. art. 3. de pueris recipiē-
dis in Religionem; Illis (inquit) locis expedit pucros nutriēdos in Re-
ligione dari, in quibus optandum est, vt similes fiant illis, quorum cō-
sortio committuntur. Vbi autem personæ, quorum consortio tradun-
tur, reprobæ, aut infames, aut deuie à Regularibus sunt institutis, ma-
gna dementia est dare illis pueros, aut puellas nutriendas. At verò hic
error multis viget in locis, dum dantur pueri, & puellæ monasterijs re-
ligioforum, seu religiosarum vitæ communis: qui vulgo Conuentua-
les, seu Claustrales appellantur. Quo fit, vt reformandi nunquā re-
formari possint, dum transgressores vitæ regularis continuē nutriun-
tur, ac augentur. Idcirco sciendū esset, vt nullus puer, nullauē puel-
la possit Religioni tradi, nisi vbi verē viuatur regulariter. Sic enim aut
extinguerentur irregulariter viuentes, aut reformarentur, vexatione
dante eis intellectum. Duo nanq; incommoda ex hoc malo oriuntur.
Prius quidē. Quod qui in prauis moribus consenuerunt, iuniores sua
vitiōrum scabie corrumpunt. Alterum verò quod iuuenes, postquā
prauas, corruptasq; cōsuetudine semel imbiberint, aduersus regularē,
reformatāq; obseruatiā, acerrimos se præstābūt propugnatores. Per-
uersi. n. difficilē corriguntur. Prudenter igitur prætermitteretur in mo-
nasterio deformato recentiu Canonico-
rum electio, donec reformaren-
tur. Aptaq; hæc esset via ad reformationem introducendam.

- 3 Secundum documentum ex eodem Caiet. ibidem arg. 9. ad. 2. reg.
Nemini licet absq; peccati mortalis nota aliquem inducere ad Reli-
gionem in Monasterijs, vel Conuentibus vitæ cōmunis. Inducitur. n.
ad vitam reprehensibilem, eo quod vita illa Conuentualium à Regu-
lari vita exorbitat. Quod quidem eo fit manifestus, quod continuus
bonorum Prælatorum, conatus ad illorum reformationem contē-
dit. Vnde vituperabile est nō solū inducere, sed etiam ingredi, & re-
cipere ad vitam irregularem personas vtriusque sexus, quamuis Ec-
clesia toleret hoc permissiuē. Hæc Caie. vbi perpende verbum. Per-
missiuē. Nam Ecclesia non approbat huiusmodi irregularem vitam,
sed ad vitanda maiora mala permittit eam, atque tolerat, sicut & alia
turpia mala. Quam rem eodem articulo ipse S. Tho. perspicuē expli-
cuit, dicēs; Laudabile esse, & admodum meritorium ad eam Religio-
nem aliquos inducere, in qua viuatur ita exemplariter, vt habeat indu-
ctus occasionem proficiendi. Nam si tepidē maiores viuunt, & inter
minores multa est relaxatio, non paruum imminet inductio peri-
culum

culum scandali; Cum ingressus inuenit intus tantam remissionem, & imperfectionem, & retrocedit. Fiuntq; nouissima illius hominis peiora prioribus. Luc. vndecimo cap.

4 Quo circa Caiet. ibidem art. 2. ait; Quamuis laudabile sit inducere aliquem ad Religionem reformatam, non laudo tamen inducentē ad vouendum Religionis ingressum: quia quod ex inductione alterius fit votum, nō omnino sponte fit, non adeo liberē fieri videtur. Testatur autem magistra rerum experientia, quod minus lætē tota vita agitur, cum recolit, se quis non sponte, non ex proprio affectu, sed aliena inductione maritum talem acceptasse. Quāto magis vitā in carne præter carnem agere in paupertate. Oportet etiam, vt ante ingressum ad hoc deueniat, vt non coactiue, aut illectus, sed vt spontaneus. Non respectu inducentis, sed ob Christi imitationem, & fugam seculi, intendat Religionem ingredi. Agitur enim de dispositione totius vitæ suæ. Quam nisi sponte quis arripiat, periculum est, aut quod retrocedat, aut in malam vitam Religiosus etiam declinet.

5 Tertium documentum ex S. Thom. 2. 2. q. 189. art. 1. & ad finem §. argumenti. Nō oportet aliquē in seculo Dei præcepta seruare, in eisq; esse exercitatum, prius quā transeat ad Religionē, quō facilius importabilia vitet peccata. Vbi Caiet. ait: Concludit, nō oportere prius aliquem esse bonum secularem, vt Religiosus sit. Cum his tamen omnibus caue, ne subito ad Religionem recipias eos, qui diuturna sunt cōsuetudine astricti enormibus vitijs: quales sunt lenones, latrones, & huiusmodi. Quoniam & si scriptum sit, quod Publicani, & Meretrices præcedent vos in regno cælorum: scriptum est etiā, videte, quomodo caute ambuletis. Igitur nō est tutum, tales criminosos repente in societatem innocentum quodammodo iuuenum introducere. Timendū enim est, ne doceant alios mala, ne corrumpant alios.

6 Quartum documentum ex Caiet. ibidem arg. 10. ad. §. Qui admittēdus est ad Religionem, diligenter examinandus est, quia animi dispositione Religionē suscipiat, vt vberes fructus in ea præstet. Debet. n. magna inquisitione, multaq; discussione ingressurus Religionē apud se examinare. An verē interiori affectu relinquat omnia, vel remaneat affectus ad honorē, ad gloriam, ad carnem, & sanguinem, & huiusmodi. In hac. n. expropriatione consistunt sumptus ædificandi perfectionis turrim in Religione. Alioquin nunquā ædificabit eam, nunquā ad perfectionem perueniet: sed verē patebit risui, sicuti qui nō computauit sumptus, & cœpit turrim materiale ædificare. Tali enim abdicanti à suo animo omnia, quæ possidet, iugum Religionis suaue est, auferenti perturbatiua, & laboriosa, & refectionem delectationis
internæ

internæ afferēti. Temerè autem Religionis iugum suscipientibus sine computatione sumptuum, sit eis laboriosum, & graue. Palato enim nō sano, pœna est panis, qui sano est, suauis.

- 7 Quintum documentum ex Concilio Colon. sub Hermanno 5. Archiepisc. tit. de vita, ac conuersat. Monast. cap. 4. Qui monasterium (inquit) ingreditur, alio affectu, qui simplici amore Dei ductus, veluti vel spem, vel promissionem abbatiam consequendi habens, vel in ocio uiuere affectans, vel lucris tēporalibus inhians, vel honores ab hominibus appetens: quisquis talis est, non Dei filius, aut Monachus, sed planè mercenarius est; cui verendum est, ut cū uolet ingredi nuptias Euāgelicas, obijciatur illud: Amice quomodo huc intraſti, nō habens uel nuptialem? Quodq; ipso obmutescente, rex sit præcepturus ministris, ut ligatis manibus, & pedibus, ipsum in tenebras exteriores mittant: ubi erit fletus, & stridor dentium. Admonendi quoq; erunt parētes, ne liberos in monasterium inuitos detrudant. Ne profelici facti, fiant filij gehennæ. Quod. n. quis non eligit, nec optat: quod nō optat, nec diligit; quod non diligit, faciliè contemnit: nullum deniq; bonum, nisi voluntarium. Hæc ex Concilio Coloniensi. Hæc igitur mala prudēter cauenda sunt: ab eis enim tanta, deplorandaq; eiectionum, fugitiuorum, apostatarumq; turba dimanare solet.

- 8 Præstantem quidem se nobis hac in re præceptorem exhibet Laurentius Iustinianus lib. de discip. & perfect. monast. conuersat. cap. 3. Nos sapienter erudiens, qua methodo noui, & veteris testamenti admonitionibus doceantur, qui seculo renūciare uolunt; ut prudenter præmeditetur status, loci, personarumq; conditiones, cū quibus Deo commilitaturi sint; ne à dæmonibus circumueniantur, qui varijs, innumerisq; artibus Christi seruos tentant, & oppugnant. Qui enim hac præmeditatione præterita, Religionem sunt ingressi, grauiter, ignominioseq; ceciderunt. Quotidianis. n. erudimur exemplis; ut quoties ardui quidpiam aggressuri sumus, diligenti prius examinatione perscrutemur, quid sit opportunum ad id perficiendum. Siquidem legimus Exodi 12. Dominum per Moysen Hebræis præcepisse, ut nō solum ipsi cum uxoribus, & liberis ab Aegypto discederent, sed etiam secum deferrent oves, bouesq;, & quicquid diuino cultui, ac proprio vsui necessarium esset. Dominus quoq; in Euangelio iussit, ut si quis turrim ædificare decreuerit, prius apud se ædificiorum sumptus recogitet; ne fortè deficientibus pecunijs, imperfectum relinquatur opus, fiatq; ipse cunctis prætereuntibus ridiculus. Eodem etiam consilio ducuntur Mercatores, qui maria transfertantes, ad nundinas proficiscuntur. Sic nimirum matura consideratione cuncta præuideant, qui Religio-

nem arripiunt; animi sui constantiam, fiduciam, corporis valetudinē, status congruentiam, personarum qualitatem, internam vocationē, & operis scopum exactē discutientes, ne his neglectis, cum rubore ab incepto proposito aliquando resiliant, receptuiq; canant. Non enim in hoc conflictu bellum arripitur cum hominibus tantum, qui interdum prece placantur, vel pretio abiguntur, aut certē fuga declinātur. Sed etiam aduersus principatus, & potestates, rectoresq; tenebrarū, qui quidem sunt malitia pleni, nocendi auiditate accensi, pugnādi asiduitate, & tentādi calliditate pollentes. Infidiātur deniq; operibus nostris, vt eorū mercedem diripiant. Quāuis verō tām in ipso vocationis initio, quā in progressu, & fine, prudētiz virtus pernecessaria sit; job id tamē Dei seruus, Religionem affectans; perterrēndus nō est; Deus. n. suis athletis praeſto adest, suamq; opem confert.

Sanē rem non inutilem me facturum existimo, si in medium adduxero elegantem in hac re Basilij magni sentētiā ex regulis fusius disputatis interrogatione. 10. ea autem sic habet. Cum benignus hominum amator Deus, idemq; auctor salutis nostrae; D. N. Iesus Christus praedicet, ac dicat. Matth. 11. Venite ad me oēs, qui laboratis, & onerati estis, & ego reficiam vos: non sit sine periculo, si qui ad Dominum per nos accedere in animo habent, & suauē ipsius ingū, ac praceptorū onus, quo ad cēlum extollimur, subire parati sunt, ijs a nobis reiiciātur.

Verū nēque illud tamen permitti debet, vt quiuis, illotis pedibus in sanctimoniam Dñi mandatorum ingrediatur. Sed quemadmodum D. N. Iesus Christus adolescentem illum, qui ad ipsum accesserat, de superiore eius vita percontatus est; cumq; rectē actam fuisse illam cōperisset: q̄ ad perfectionē amplius prētereā desiderabatur, id illū iussit adiungere: q̄ vbi fecisset, tum demū sequendi se, ipse potestātē fecit.

Sic quoq; nobis faciendum est, vt videlicet illorum, qui ad nos mansuri nobiscū accedant, diligenter quae superior vita fuerit, inquiramus. Et si quidem aliquos inuenerimus; qui aliquos iam in eo progressus ad virtutem fecerint, ijs, ad perfectionem propius pertinentia praēcepta commendemus.

Quos verō a vitioso vitae genere, aut ab eo, q̄ inter bonū, malūq; medium sit; ad Religionis perfectionem, animaduertimus se velle transferre, eos exquiramus, sint ne instabiles, & ad deliberandū precipites. Si quidem in ijs magnopere suspecta haberi inconstantia debet: Qui praeter id quod nullam ipsi vtilitatem inueniunt, ceteris etiā sunt detrimento, quod institutum viuendi nostrum falsis probis, & nequissimis maledictis magnopere infament.


Verū. n. quando in rerum natura nihil est, q̄ non diligentia corrigatur;

gatur; neq; vitium est vllum adeo graue, quod non Dei timore peruin-
catur: qui huiusmodi sunt, ij nullo modo à principio statim sunt despe-
randi, sed ad idoneas duci exercitationes debent: ibiq; & adhibendo
temporis spatio, & grauioribus imponendis laboribus periculum fa-
ciendum est de illorum natura, constantiaq;: vt videlicet, si quid stabi-
litate inesse in ipsis cognouerimus, eos tuto admittamus: sin minus,
dū adhuc extra sunt, repudiemus, ne ex istiusmodi periclitatione detri-
mentum vllum in fratres redundet.

14 Porro illud etiam animaduerti debet, an præoccupatus aliquis in
delictis, abiecta omni verecundia, palam enunciet prauam suam ante
actam vitā, & à prauis socijs se se submouere velit, vt ille qui dicebat;
Discedite à me omnes, qui operamini iniquitatem: sese ad reliquum
vitæ spatium transigendum absque flagitijs præmuniens, ad Religio-
nem confugiat, sit ille admittendus, an repudiandus.

15 Caterum regula iam tradita seruanda est, nempe vt pertentetur,
nunquid paratus sit libenter ad omne humilitatis genus absque vere-
cundia descendere, ita vt sordidissima etiam artificia suscipere nō re-
cuset, isque veluti vas aliquod perappositum, & accommodum domi-
no, & ad omne opus bonum paratum compertus fuerit, ad Religionē
recipiendus est. Maximè autem ei, qui ab splendido aliquo vitæ ge-
nere, ad imitandum modestissimæ humilitatis D. N. Iesu Christi exē-
plum festinat, munera quædam sordida præscribenda sunt; obseruan-
dumq; , an in ijs cum animi alacritate non erubescens, & inconfu-
sibilem, se Deo operarium exhibeat.

Rursus de Canonicorum Regularium creatione. Cap. xv.

1  Regia quidem extat Bened. 12. constitutio, cuius titulus
est de creatione Canonicorum. Ea verò in electionis ce-
lebratione accuratè custodienda est. Statuimus igitur
(inquit) vt quando in Ecclesia Cathedrali, monasterio,
seu loco alio Religionis eiusdem, Canonicorum creatio
fuerit facienda, nullus recipiatur, vel induatur in Canonicum, nisi per-
sona idonea, vel de cuius idoneitate spes verisimilis habeatur: & talis,
qui inibi in diuinis, vel alijs Deo possit, & velit debitè impendere ob-
sequia opportuna: & q; huiusmodi creatio, & habitus traditio fiant
publicè infra Ecclesiam, Monasterium, seu alium locum Conuentualē
Religionis eiusdem. Nisi causa rationabilis eas alibi fieri suaderet.
Nullisq; promissionibus, seu obligationibus eum iuramento, vel sine
cuiquam faciendis. Quod si secus actum fuerit, eo ipso irritum habeat-
ur: quodq; huiusmodi creatio, seu habitus traditio, non nisi personæ,
seu per-

seu personis Religionis eiusdem : quæ tunc etiam in Ecclesia, loco, seu
 Monasterio prædictis fieri debeat, aliquatenus committatur. Hij verò,
 qui creati fuerint in Canonicos infra probationis tempus in loco, in
 quo saltem septem Canonici resideant, necessario habeant residere
 eisq; idoneus, & fidelis deputetur instructor : qui eos instruere valeat
 in diuinis officijs, & obseruantia regulari. Cæterum si Canonicorum crea-
 tio fuerit faciendâ, eaq; pertineat ad Prælatum vnâ cum Capitulo, vel
 Conuentu : vel cum consensu fieri debeat eorundem ; si Capitulû, seu
 Conuentus, vel eorum maior pars purè ad eam procederent : vel crea-
 tioni faciendæ sine causa rationabili renuerint consentire : Prælatus
 ex quo sibi euidenter expediens, vel necessarium apparebit, huiusmo-
 di Canonicorum creationem fieri debere ; vel per Prælatum, & Capi-
 tulum, seu Conuentum : aut per illum, seu illos, ad quem, seu quos per-
 tinerit, concorditer deliberatum, & diffinitum fuerit, fore creatione
 huiusmodi faciendâ ; tunc Prælatus moneat Capitulum, seu Conuentû,
 & in virtute obedientię eis iniungat, vt purè, ac secundum Deum infra
 vnus mensis spatium, ad dictâ creationem cum eo in primo casu pro-
 cedât : vel in secundo creationi faciendæ suum præstent consensum.
 Quod si præfatum Capitulum, seu Cōuentus, monitioni, vel iniunctio-
 ni huiusmodi parere neglexerint, vel recusauerint ; creatio ipsa ea vice
 liberè pertineat ad Prælatum, dummodo per eum nihil in præmissis
 factû fuerit fraudulenter. In casu autem deuolutionis huiusmodi, Præ-
 latus faciendæ eandem creationem cum consilio seniorum eorundem
 Capituli, vel Conuentus eligendorum per ipsum Prælatum, terciâ par-
 tem numero ad minus facientium eorundem Capituli, vel Conuētus,
 de personis idoneis liberam habeat facultatem : ita tamen, q̃ tunc per
 dictum Prælatus tot, & non plures creentur, quot attentis facultatibus,
 ac statu antiquo ; & debito locorum creandi, seu creati rationabiliter
 fuissent, si Prælatus, & Capitulum, seu Conuētus in creatione huiusmo-
 di concorditer conuenissent. Rursus eorum arbitrium, qui ad priuata
 suorum commoda reciprocantes affectum, faciendæ creationi Cano-
 nicorum huiusmodi nolunt aliter consentire, nisi concedatur eisdem,
 quod vnus, vel plures, quos maluerint, seu nominauerint in Canonicos
 creentur, penitus detestâtes, hoc deinceps omnino fieri prohibemus :
 decernentes concessiones huiusmodi, si quæ eis factæ fuerint, fore nul-
 las, quodq; nulli ex receptione, seu creatione ex ea, vel ob eam secuta,
 ius aliquod in loco, in quo seu ad quem facta fuerit, aliquatenus acqui-
 ratur. Insuper præmissis adjicimus, q̃ Capitulum, vel Conuentus Reli-
 gionis eiusdem in nouitate sui Prælati, nequeant eidem Prælato, vel
 alteri, occasione ipsius, facere gratiam super receptione, vel creatione

Canon. plurimū, q̄ diorū: nec ad huiusmodi pro duobus gratiam faciendam eos, nisi de libera eorum voluntate processerit, intendimus obligare. Hactenus Bened. 12. Eadem omnino tradit ipse Benedictus in Constit. Monachorum Nigrorum S. Benedicti sub eodem tit. cap. 22.

2. Insuper annotabis fraudes ibi à summo Pontifice explicatas, quæ in electionibus aliquando contingere solent. Prima est, si promissionibus, & obligationibus factis res tractetur, & conficiatur. Secunda est, si alienis personis, quæ non sint eiusdem Religionis electio committatur. Tertia est, si Capitulum tarditatem, aut impedimentum præbeat in præstando consensu suo. Quarta est, reciprocatio affectuum, vel suffragiorum. Vt si quis aliter consentire noluerit, nisi ei concedatur, ut vnus, vel plures ad suam voluntatem eligantur.

3. Annotabis duos eligendi modos, quantum ad Capitulum attinet. Prior quidem quando ad Prælatum, & ipsum Capitulum simul electio pertinet, ita ut singuli Canonici habeant suffragium, & vocem. Posterior est, cum ad solum Prælatum electio pertinet, ita ut singuli Canonici suffragium non habeant, vel vocem: requiritur tamen consensus maioris partis Capituli. Longum. n. est discrimen inter hos duos eligendi modos, in quibusdam. n. monasterijs Canoniorum prior seruatur modus, in alijs verò posterior.

4. Animaduertēdo est ex Dom. Soto lib. 3. de Inst. & Iu. q. 6. art. 2. indigno neminem debere suo calculo suffragari, etiam si constiterit, illum à reliquis omnibus cooptari: quoniam talis non nisi per nequitiam obtruditur: Cui nullo colore fauendum est, neque assentiendum. Etiam si elector intelligat, nihil se suo suffragio profuturum. Si tñ qui eligendus speratur, dignus est: tunc licet, ac decet, dignissimum, qui eligi nō potest, prætermittere, ut dignior eligatur. Sunt tres, quorū Petrus dignissimus est, Paulus medius, Ioannes verò infimus. Quod si ego in Petro persisto, neq; ipse, neq; Paulus, sed Ioannes eligitur. Me autem accedente ad Paulum, ipse vincet: hoc ergo consilium sequi debeo, etiam si iureiurando me astrinxerim eligere digniorem. Intelligitur nanque iuramentum inter possibiles. Hoc autem, similiq; cessante casu, semper eligendus est dignior. Nam præterquam q̄ ei seruandus est honor, & legi dignitas, ad hoc etiam prodest, ut electus adinoneatur æquos electores non ei fauisse. Sic enim fiet in se regendo cautiore.


Ad tollendos quorundam Monasteriorū symoniacos abusus in calce huius capituli adijcere placuit extrauagantem Urbani quarti: quæ incipit; Sanè ne in vinea domini, in extrauagantibus communibus subtit. de Symonia. Vbi contra particulares personas fertur sententia excommunicationis, & contra Capitulum, vel Conuentum suspensionis

senten-

sententia pronuntiatur, etiam contra dantes; vbiunq; pro ingressu Religionis alicuius personæ exiguntur, vel dantur pastus, prandia, vel cœnz, pecunia, iocalia, seu res aliæ etiam in vsum Ecclesiarum, vel Monasteriorum ex statuto, seu consuetudine; imò etiā in alium piū vsum directè, vel indirectè: idq; contra quoscunq; Abbates, Priores, Præpositos, Decanos, &c. Huic extrauaganti mirificè consonat decretum Concilij Trid. sess. 24. cap. 14. Vbi huiusmodi abusus dānat, præter ea, quæ in vsum pios conuertuntur. Consonat his maximè Basilius in regulis breuioribus interrogatione. 304. vbi percontatur; nunquid pro his, qui traditi fratribus sint, a propinquis eorū, si dare aliquid velint, accipiendum sit? Respondet; huius rei cura, arbitriumq; esto penes Antistitem. Veruntamen in hoc si mea etiam sententia exquiratur, existimo magis consultū iri offensionis multitudinis, si repudiētur huiusmodi raunera. Si quidem ex illorum susceptione primū illud incommodū nascitur, q̃ sepe numero ob eam rem malè audit fratrum res publica. Deinde illud etiam, quod ad sustollendos animos propinquorum illorum, vnde allata illa sunt, causam dant ad hæc, quod secundū id, quod dictum est ab Apostolo. 1. ad Corin. 11. de ijs, qui in communi loco priuatas escas haberent, & potiones, illud consequitur; Confunditis eos, qui non habent, & huiusmodi pleraque. Quare cum ex ea re tot simul causæ ad peccatum nascantur, rectum est, si quæ sunt huiusmodi, ea non accipiantur, & Antistiti facultas detur, vt statuât ipse, a quibus sumi, & quæ sumpta sint, quomodo distribui conueniat.

- 6 Præstans etiam est Concilij prouincialis Cameracensis sub Maximiliano Archiepiscopo celebrati tit. de Monasterijs cap. 12. sententia, quæ sic habet. Quandoquidem rarò admodum terminantur sine bono, quæ malo inchoantur principio: abesse omnino vult sancta synodus a Religionis ingressu labem, etiamq; speciem detestabilis symoniæ. Quocirca præcipit seriò, sacros Canones infecuta, ne Monachi, vel Moniales aliquem, vel aliquam ad professionem recipiant mediante alicuius pecuniæ, aut muneris pacto: ne ea quidem ex causa, quod plures alere non possint, sine aliquo subsidio: cum Tridentina Synodus cap. 3. de Regularibus apertè velit, ne plures recipiantur in monasterium, quàm ex proprijs monasterij redditibus, vel ex consuetis eleemosynis commodè ali possint. Vetat etiam sancta synodus, ne in ipsis diebus professionum, & primitiarum fiat lautus sumptus, lautusq; apparatus, quantus plerisque locis fieri solet, sed sint frugalia omnia, & moderata.

De professione trium votorum in genere. Cap. xvi.

1 tilissimum fore arbitror, si substantiam, intimamq; naturam Religionis hoc loco utcumq; elucidauero. Hic. n. fundamenta iaciuntur, in quibus totum Religionis edificium superstruitur, pulcherrimaq; Religiosorum structura in sublime culmen erigitur, extolliturq;.

2 Prima igitur hæc sit cōclusio. Perfectio Christianæ vitæ in solo Charitatis culmine secundū suam essentiā posita est. In hoc nāq; vniuscuiusque rei perfectio consistit, quod suo supremo fini vniatur. Per solā autem Charitatem, & Angeli, & Homo Deo vniuntur, qui vtriusq; creaturæ finis est: in Charitatis ergo fastigio nostra consistit perfectio. Iuxta illud Pauli ad Col. 3. super omnia Charitatem habere, quæ est vinculum perfectionis. Per Charitatem. n. sic cum Deo conglutinamur, ut cum anima corpus. 1. Io. 4. Deus Charitas est, & qui manet in Charitate, in Deo manet, & Deus in eo.

3 Secunda cōclusio. Eadem perfectio in duobus magnis Charitatis præceptis consistit, scilicet, diliges dominum Deum tuum, & proximū tuum, sicut te ipsum. Hæc enim Charitas, quæ nostra est perfectio, per obseruantiam præceptorum, cōseruatur, foueturq; & augetur. Ex eorumq; obseruatione perfectio, salusq; nostra dependet. Præterea qui dixit, in his duobus mandatis lex pender, & prophetæ, dixit quoq; , si vis ad vitam ingredi, serua mandata.

4 Tertia conclusio. Vniuersa Dei præcepta, quæ vel in decalogo continentur, vel ad decalogum reducuntur, atq; etiam omnia consilia, ad perfectionem Charitatis assequendam referuntur. Suntq; quasi instrumenta perfectionis. Præcepta nanq; Charitati inseruiunt, ut impedimenta tollant, quæ vel ei contraria sunt, ut peccata mortalia, vel eandem tepefaciunt, ut venialia. Consilia verò illa rescindunt, quæ & si licita sunt, nec Charitati prorsus inimica; nonnulla tamen sunt ad culmen progredientibus obstacula, ut possessiones, & matrimonia.

5 Quarta conclusio. Consiliorum obseruatio adminiculum est ad altiorem obtinendum Charitatis gradum, q̄ cautionem præstat, ut præstantius, ac tutius custodiantur præcepta, consiliorum. n. exercitium, clipeus est præceptorum. Qui. n. paupertatem ex animo elegit, elongatior est à perpetrando furto: & qui voto se castitatis obstrinxit, abstrahitior etiam est à fornicatione, & adulterio. Et qui tandem pompis seculi vale dixit, à cædibus est, alijsq; inferendis iniurijs tutior. Quare nulla, arbitror, violentia vaticinium illud Isaïæ 26. in hunc sensum adduci. Vbi propheta de vrbe fortitudinis loquens, cui est Saluator

comparatus, ait, ponetur in ea murus, & antemurale. Muri. n. appellatione quid nisi legis præcepta intelligas, quibus salus nostra circumscripta protegitur? Antemurale verò non ineptè consiliorum exercitium est, quibus Seruator noster legem Euangelicam circumuallauit.

- 6 Quinta conclusio; Votum Religionis in paupertate, castitate, & obedientia consistit. Religio namque in hoc collocatur, quòd seculum deserat, vt Christum sequens, gradibus Charitatis proficias. Huc. n. attinet Pauli verbum ad Gal. 6. Mihi absit gloriari, nisi in cruce domini nostri Iesu Christi, per quem mihi mundus crucifixus est, & ego mundo; illud sanè significans, sic mundum post terga à Religiosis esse relinquendum, vt non solum eum prorsus obliuioni traderent, verum & operam darent, vt mundus ipsorum vicissim obliuisceretur. Atq; vterq; alteri sic esset alienus, ac si duo essent cadauera, hæc autem abdicatio mundi non aliter fit, quàm si illa relinquamus, quibus nos mundus retinet. Quæ sunt in cano. 1. Ioannis explicata. Omne, inquit, quod est in mundo, concupiscentia carnis est, & concupiscentia oculorum, & superbia vitæ. Aduersus quæ consilia militant. Vt illis prorsus impedimentis eiectis, expeditiores Christi sequeremur crucem. Hoc ipsum Christus significauit Luc. 18. in illa parabola triplicis malignæ terræ.

- 7 Sexta conclusio; Ad perfectionis statum iam explicitum non sufficit, nec verò requiritur, vt consilia legitimè custodiatur; sed in hoc hic status perfectionis consistit; quòd perpetua voti solennis obligatione stabiliatur. Status namq; id sua voce esse indicatur, qd conditio libertatis, aut seruitutis. Status autem spiritalis non solum internam obligationem, quæ Deo patens est, requirit, verum & externam solennitatem in conspectu Ecclesiæ. Non quidè ob id, qd quis alteri seruiat, in statu seruorū est: nam potest quisq; libere alteri inseruire. Sed quia solenniter se in seruum tradit. Nec verò in statum libertatis asseritur, si fugerit; sed quia instrumento publico libertate donatur. Pari etiam ratione, & si quisq; absq; solenni voto possit consiliorum exercitio proficere, atq; illum Charitatis gradum, ac meriti apud Deum attingere, quem Religiosorum multi nondum fuerint assequuti, statum tamen perfectionis nemo absque perpetuo vinculo habet: & viceversa, quamuis Religiosus non pro ratione, & dignitate sui instituti, fuerit in Charitate progressus, nihilominus ratione solennis voti in statu est perfectionis. Ob idq; vbi cætera paritatem habeant, idem opus Religiosi cumulatoris est apud Deum meriti.

- 8 Hanc veritatem Christus insinuat Luc. 9. Nemo mittens manum suam ad aratrum, & respiciens retro, aptus est regno Dei. Quem locū peculiariter vitæ Monasticæ sancti applicuerunt, sicut & illum Luc. 17.

Memores estote vxoris Loth. & Leuit. 17. Omne quod dño consecratur, redimi non poterit, sed sanctum sanctorum erit. De hac re consule Dominicum Sotum lib. 7. de Iust. & Iu. q. 5. art. 1.

9 Probè igitur S. Tho. 2. 2. q. 196. art. 6. ratiocinatur. Ad statum perfectionis requiritur obligatio ad ea, quæ sunt perfectionis, quæ quidē Deo fit per votum. Sed ad perfectionem Christianæ vitæ pertinet paupertas, continentia, & obedientia, vt probatum est. Ergo Religionis status requirit, vt ad hæc tria aliquis voto obligetur, & Gregorius super Ezechielem ait: Cum quis omne quod habet, omne quod viuitt, omne quod sapit, omnipotenti Deo vouerit, holocaustum est: q̃ quidē pertinere postea asserit ad eos, qui præsens seculum deserunt, & Aug. in Epist. ad Armentarium, & Paulinam ait: Non te vouisse pœniteat, imò gaude iam tibi non licere, quod cum tuo detrimento licuisset. Fœlix necessitas, quæ in meliora compellit. Demum rectè Caic. ait ibidē: Vouere nihil aliud est, quàm immobilitare animum, ne possint retro gredi assumptentes statum religiosæ perfectionis. Collige igitur ex S. Thom. loco citato art. 7. q̃ cupiditas exteriorum bonorum tollitur per votum paupertatis. Concupiscētia autem sensibilibum delectationum, inter quas præcellunt delectationes venereæ, excluduntur per votum continentię. Inordinatio verò voluntatis humanę excluditur per votum obedientię. Rursus sollicitudo circa dispensationem rerum exteriorum, per votum paupertatis homini aufertur. At sollicitudo circa gubernationem vxoris, & filiorum, per votum continētiæ amputatur. Sollicitudo deniq; circa dispensationem propriorum actuum, tollitur per votū obedientię, quo aliquis se alterius dispositioni cōmittit. Præterea iure optimo, votum Religionis ex Gregorio holocaustū nuncupatur. Totum. n. quod habet Religiosus, offert Deo. Primum quidē res exteriores per votum voluntariæ paupertatis. Deinde bonum corporis, per votū cōtinentię, quo abrenunciat maximis delectationibus corporis. Bonum autē animæ, per obedientiā; qua aliquis offert Deo propriam voluntatem, per quam homo vitur omnibus potentijs, & habitibus animæ. Conuenienter igitur ex his tribus votis status Religionis integratur.

10 Quo in loco Caietanus annotauit, status, inquit, Religionis habet, vt terminum à quo, secularem vitam; & vt terminū ad quem, perfectionem Charitatis. Et propterea est, & quies respectu sollicitudinis secularis, & exercitium, ac disciplinalis motus ad perfectionē Charitatis. Et inter hæc duo, scilicet quietem à sollicitudine seculari, & motum ad perfectionem, mediat immobilitas animi, qua firmatur Religiosus in hoc statu. Et quia immobilitas ista fit oblatione sui, & suorum omniū
ad Deum,

ad Deum, ideo etiam holocaustum vocatur. In quo ex vniuersali oblatione concluditur consistere in tribus votis Religionum. Sicut ex vniuersali quiete intellectus practici circa secularia, cuius actus est sollicitudo, idem concluditur. Atque ex munditia affectiuæ partis, quæ comprehendit appetitum intellectuum, & sensitiuum, idem concluditur.

x **i** Trium Religionis votorum meminit Innoc. 3. in cap. cum ad monasterium, in fine, de stat. Monach. & Canonic. Regul. dicens. Nec æsti met Abbas, q̃ super habenda proprietate possit cum aliquo Monacho dispensare. Quia abdicatio proprietatis, sicut & custodia castitatis, adeo est annexa regulæ Monachali, vt contra eam nec summus Pont. possit licentiam indulgere. Concilium etiam Trid. sess. 25. in decreto de Regularibus cap. 1. inquit; Atque in primis, quæ ad suæ professionis perfectionem, vt obedientiæ, paupertatis, & castitatis, &c. pertinentia fideliter obseruent. Inde colligitur vera esse Panormitani assertio in cap. Non magno, ne Clerici vel Monachi, &c. vbi affirmat, omnes Religiosos appellatione Regularium comprehendere. Nam omnes habentes Regulam approbatam, per quam promittunt tria substantia- lia Religionis, dicuntur Regulares propriè, & Religiosi. Ista verò tria non promittentes, non dicuntur propriè Regulares, vel Religiosi. Quales sunt Eremitæ quidam, qui voto castitatis non ligantur, sed matrimonium contrahere possunt. Multa enim sunt Eremitarum instituta.

De Professione Regulari. Cap. xvij.



Professionem Regularē amplius enodaturi, à Benedi- cto 12. in tit. de Canonicorum professione, exordiamur. Præsentem(inquit) quoq; statuimus sanctionem, q̃ singuli Canonici Religionis eiusdem professionē expresse faciant, non clandestinè, sed patenter, & si cō- modè fieri poterit, in Ecclesia, & cum Missa. Quod si

fortè Prælatus, ad quem spectabit professionem ipsam recipere, tempore probationis elapso, per Canonicum profiteri volentem, cōgruo loco, & tempore humiliter requisitus, professionem eandem recipere sine rationabili causa renuerit, vel ultra debitum fortè distulerit: dictus Canonicus ex tunc in dicta Ecclesia, vel monasterio, ac membris ipsius ad omnia idoneus censeatur, ad quæ censeretur, si foret expresse professus. Teneatur tamen cum ad hoc opportunitas se obtulerit, expresse nihilominus profiteri. Alioquin ex tunc ad præmissa, donec expresse professus fuerit, minus idoneus habeatur, & nihilominus possit per proprium Prælatum ad profitendum expresse compelli.

2 Prælatus quoq; qui professionem ab eo recipere renuerit, aut distu-
E 4 lerit,

derit, ut præfertur, ad ipsius professionem expressè admittendum per suum immediatum Superiorem Religionis eiusdem ad eum, seu ad quem pertinuerit, compellatur.

- 3 Nonnulla hoc loco de professione regulari dilucidanda occurrunt. Professio igitur regularis, à Siluestro in verbo professio, definitur esse illa, qua quis fit Religiosus propriè, idest, qua quis promittit expressè, vel tacitè obedientiam, paupertatè, & castitatem in aliquà Religione approbata. Ex quo fit, duplicè esse professionè tacitā videlicet, & expressā. Professio tacita illa est, quæ ut nomen sonat, fit sine voce, & scriptura multis modis, idest tribus. Qui tamen limitantur, si sciant, & consentiant illi, quorum est incorporare Religioni. Nam sicut expressa non inducitur quocunq; voto, vel causa, nisi fiat in manibus potentis recipere, & incorporare, vel in manibus alterius habentis mandatum, vel recipientis nomine eius, sequente rati habitatione, ita nec tacita fieri potest sine eius sciètia, & assensu. Primò ergo inducitur tacita professio, quando quis se ingerit actibus, qui solùm professis de iure, aut consuetudine conueniunt, ut electioni. Secundò inducitur ex delatione habitus professorum, si habitus professorū, & nouitiorum sit distinctus. Tertiò inducitur per delationem habitus nouitiorum indistincti distinctione patenti: idest colore, scissura, vel forma per annum: licet esset distinctus distinctione occulta, ut puta per benedictionem. Nec oportet addere anno diem, nisi in anno bissextili. Hæc docet Siluester in verbo Religio 3. num. 19.

- 4 At verò hæc professio tacita non vtilitatem, sed litium, & iurgiorū seminarium monasterijs adferre solet. Ut experientia palam docet, fraudibusq; plurimum deseruit, & fauet. Eis enim casibus arripitur, quibus aut nouitius aduersus Prælatum, aut Prælatus aduersus nouitium, at duæ capituli partes in se inuicem litibus, & schismate agunt. Vidimus in quibusdam monasterijs Canon. Reg. vsq; ad nouitij senium sub prætextu tacitæ professionis, expressam differri, aliaq; id genus incommoda. Quod si de præscribendo, taxandoq; probationis tempore quæstio vertatur, quibusdam annus, alijs biennium, ac etiā triennium ad explorandum nouitij ingenium, & mores visum est necessarium, & iure concessum. Ob idq; arbitror, nisi maxima urgente necessitate, à Prælate vitandam esse hanc tacitam, idest licigiosam, & fraudulentam professionem; vel eo certè, quòd qui tacitè professus est, opinatur, se non teneri huic Religioni in specie, sed Religioni in genere; licet hic etiam venenosus lateat anguis. Credit. n. ad pauciora teneri, quàm qui expressè professus est. Ad hæc tres illos modos iam recitatos, quibus tacita inducitur professio, planè còperies apud iuris Can. consul-

consultos ambiguitatibus multis, milleq; limitationibus esse desertos, & Cimimerijs tenebris obscuriores. Iure igitur Bened. 12. stricte precipit, non tacitam, sed explicitam professionem à nouitio Canonico esse emittendam: vnum duntaxat casum excipiens; Cum Prælari pertinacia durior est, & morosior in admittenda nouitij professione, quam ratio postulauerit; qua tamen emendata, tempore opportuno expressam professionem iubet emitte.

5 Quare prudenter, atq; persanctè sacrum Concilium Trid. Sess. 25. in decreto de Regularibus cap. 15. & 16. precipit, professionem fieri non debere ante 16. annum expletum, nec cum qui minori tempore, quam per annum, post susceptum habitum in probatione steterit, ad professionem esse admittendum. Et q rem propius attingit, sic Prælatos alloquitur, finito tempore nouitiatus, Superiores, nouitios quos habiles inuenerint, ad proficendum admittant, aut è monasterio eos eijciant. Ad quid enim attinet hos occultos, & umbraticos Canonicos, imò hypocaustos domi retinere?

6 Nunc verò de expressa professione agendū. Ea autem sit voce, aut scriptura, in qua simpliciter promittuntur tria vota. scilicet obedientia, paupertas, & castitas. Quòd si nolet nouitius profiteri, nisi obedientiā solum, ad aliāq; nollet obligari, non esset propriè professus, si hoc expressè deduxit in pactum. Quoniam remota parte substantiali actus, remouetur totum. Illa autem tria sunt substantialia professioni Religionis, ex cap. Cum ad monasteriū. de stat. Monach. Si verò non deducit in pactum expressè, valet professio de vno voto obedientie solummodo, si addatur secundum regulam talē, vt perdoctè tradidit Siluester in verbo Religio 3. num. 18. Hæc enim obedientia secundum aliquam regulam facta, est planè regularis obedientia, non secularis, aut clericalis, qualem Subdiaconus dum ordinatur, Episcopo promittit, siue igitur voueas regulam, siue secundum regulam iuxta modos traditos à S. Thom. 2. 2. q. 186. art. 9. ad primū argumentū trium votorū obligatione teneris, verèq; atq; cōpletè Religiosus efficiaris. Nam vt inferius dicemus, in voto obedientie paupertas, & castitas includuntur; & in regula, secundum quam obedientiam profiteris, reliqua duo vota continentur. Et cum vouisti obedientiam secundum Regulam, regularem professio vitam vouisti, quæ in tribus prædictis votis essentialiter consistit, vt ibidè ait S. Tho. ob idq; professio regularis necessariò fieri debet ad certā regulā astricta. Quāuis. n. statuta nō seruatur, nō ideo statim desinit esse Religio. Nam possunt forsan ex incuria, & culpa præfidentū ea quæ mala reputantur, non puniri.

7 Rem professio, quam hic excutimus, eruditè, ac luculenter explicuit

cuit S.Tho. Quolibeto 1. art. 20. docens; Cautissimam, & securissimam esse profitendi formam in ordine fratrum Prædicatorum, qua proficiens non promittit se seruare Regulam: sed obediētiam secundum Regulam. Ex voto itaq; obligatur ad seruanda ea, quæ ponuntur in Regula, tanquàm præcepta, & quæ Prælatus secundum tenorem Regulæ sibi præcipere voluerit. Cætera verò, quæ non continētur in Regula sub præcepto, non cadunt directè sub voto. Vnde ea prætermittens, non peccat mortaliter. Non. n. omnia quæ in Regula continētur, sunt præcepta, cum quædam sint monitiones, siue consilia: quædam verò ordinatione, siue statuta; quædam, quæ nō habent vim præcepti. Hæc Tho. In ordine autem Prædicatorum non exprimitur castitas, nec paupertas in forma profitendi: sed sola obedientia secundum Regulam S. Augustini, & Constitutiones eiusdem Ordinis, vt constat ex lib. Constit. eiusdem Ordinis dist. 1. cap. 15. cuius titulus est, de Professione. Quis autem mentis compos assereret, fratres Ordinis Prædicatorum non obligari ex sua professione ad seruandam paupertatē, & castitatē, nec eos profiteri professione integra tria vota substantialia Religionis? Vt quidam sibi blandientes, sibi falsò persuaferunt. Hac etiam in re perspicuus est nobis author Anto. 3. par. tit. 16. cap. 3. dicens; Professionem expressam eam esse, quæ sit verbis ad modum homagij, quibus videlicet verbis aliquis promittit obedientiam, vel conuersionem morum secundum Regulam approbatam; vbi sanè egregius ille author solam obedientiam secundum Regulam approbatam exquirat, intelligens, atq; insinuans castitatem, & paupertatem in huiusmodi professione comprehendi, & contineri, vt nos exposuimus.

- 8 Vt autem hæc res dilucidior fiat, diligenter expende varias professionum formas, quas Dionysius Carthu. in opusculo de Professione monastica retulit art. 3. & 21. Prima est Regularissarum, quæ tñ & vis deseruiet. Ego N. soror, promitto stabilitatem, & conuersionē morum meorū, perpetuā continentiam, carentiam proprii, obediētiam secundum Regulam B. Augustini sub perpetua clausura. Porro forma professionis secundum Regulam B. Benedicti hæc est. Ego frater N. promitto stabilitatem, & cōuersionē morum meorum, & obediētiam coram Deo, & sanctis eius secundum Regulam B. Benedicti in præsentia N. Abbatis. Carthusienses autem sic. Ego frater N. promitto stabilitatem, obediētiam, & conuersionem morum meorum: In quibus professionibus sub obediētia Regulari paupertas, & castitas planè continentur, licet non exprimantur.

- 9 Quòd si forè status alicuius Ecclesiæ Regularis eo demergeretur, vt ritā, ac legitimam profitendi formā corruerit, & peruerterit; huiusmodi

modi Canonici compellendi sunt, vt vel B. Augustini Regulam in eadem Ecclesia constitutam profiteantur, & seruent; aut ipsam ecclesiā omnino dimittant, iuxta doctrinā traditam in cap. cū causa, de elect. quacunq; cōsuetudine cōtraria reiecta. Quia nō qđ factū est, sed quod faciendum erat, considerandum est. Quam rem acutē definiuit Aug. Ticin. par. 5. Propugnaculi; ad secundam rationem num. 3.

10 Non ab re hic addetur quæstiuncula illa à Speculatore proposita tit. de statu Monach. q. 36. An consuetudo illius loci faciat illos verē professos, qui promittunt rātum obedientiam, nihil dando de castitate, nec de proprij renunciatione? Respondet negatiuē. Licet. n. quis promittat obedientiā, non idcirco promittit alia. Bene. n. esse potest obedientia sine castitate, & sine carentia proprij. Exemplum apponit in ordine S. Mariæ, qui Bononiæ cœpit. Nam milites illius Ordinis sunt sub obedientia sui maioris, attamen viuūt cum vxoribus in proprijs domibus, atq; etiam denuō contrahunt, nec proprijs carent, quę eis licent iuxta Regulam à Sede Apost. sibi concessam. Ergo necesse est, quòd aliquis renunciēt expresse mundo, & bonis. Quidam tamen dicunt, quòd eo ipso, quòd quis habitum assumit, & obedientiam promittit, intelligitur renūciasse bonis, si illa professio sine proprio viuūt. Hactenus Speculator, cuius sententiam eo retuli, ne incautum lectorē decipiat, quasi nostræ sententiæ aduersetur. Eius. n. mentem, & animū apertē explanauit additio quædam marginalis dicens: ab Urbano 4. cōcessam fuisse hanc Regulam, & modum viuendi, in quo existunt primum Clerici, & milites professi, & conuentuales: qui quidem omnes promittunt Regulam Augustini. Proindeq; in eis sufficit solius obedientiæ professio secundum Regulam Aug. factam, vt colligi etiā videtur 20. q. 1. cap. Vidua, & de regularibus cap. Porrectum. & de electione cap. Causam, quæ inter. in fine. & de Clericis coniugatis cap. Cum olim. Sunt & alij milites coniugati in eodem Ordine, qui solum promittunt obedientiam, & certum modum viuendi, de quibus hic loquitur Speculator: qui ideo Religiosi cēsendi non sunt, cum & vxores ducant, & propria possideant. Quare verissima est doctorum sententia in rubricis de Regularibus, & de statu Monach. docentium, eos esse Regulares, qui Regulam, & tria substantiaalia vota cuiuslibet Religionis approbatæ profitetur, videlicet paupertatem, castitatē, & obedientiam. Alij verò quamuis aliqua promittant, nō dicuntur propriē Monachi vel Regulares, vel Regulam habere: sed potius certum viuendi modum, licet modus ille sit ab Apostolica Sede comprobatus.

12 Ad dirimendas etiam controuersias conducet nobis illud adijcere, quod Innoc. annotauit in cap. Porrectum de regul. Primum, si quispiam

spiam se alicui Religioni tradat, seu reddat, tantundem est, ac si profiteretur. Secundo si quispiā obedientiam monachalem promiserit, veram professionem compleuit. Tertio, omnis, & sola professio alicuius Regularum approbatarum, & de præsenti facta, sed non de futuro in manibus eius, qui habet potestatem recipiendi professionem, dirimit matrimonium, facitq; Monachum. Quarto, ex Panormitano in eodem cap. Porrectum; professio fit, fieriq; potest his verbis, *trado me tibi in Monachū, & in Fratrem: dummodo recipiatur ab habente potestatem incorporandi in Religione.* Quinto, ex eodem Panor. Regula Monachorum constituens certam formam circa professionis actum, non videtur ponere formam substantificam. Vnde valet professio quibuscunq; verbis facta, non obseruata forma Regulari, idest, licet non exprimatur forma consueta, cum enim obligatio in Deum dirigatur, defectus formæ actum vitare non debet, sicuti idē in excommunicatione sentimus; id quod admonet mente retinendū esse. Sexto, dubitari posset, an nouitius ille annum compleuisse dicatur, qui postquam in monasterio per sex menses steterit, postea exiit, forisq; apposito, transactq; aliorum sex mensium spacio, in monasterium regressus, sit ad professionem recipiendus? Tamen si verò quidam doctores partem affirmatiuam tueri velint, mihi tamē, & alijs non contemnendis authoribus magis probatur Panor. opinio in cap. ad Apostolicam, de Regularibus, qui asserit; iudicatq; talem nouitiū non esse adhuc ad professionem admittendum. Sex enim mensū cursu non facilē poterit ordinis Regulam, statuta, & asperā praxim experiri, sed nec a Religiosis probē, pleneq; eius ingenium, animus, & natiui mores cognoscantur. His adde graue peccatum transgredientis professionem, ex S. Anto. 1. par. tit. 17. cap. vnico. §. 12. Facere contra aliquid essentialium Religionis. scilicet contra paupertatem, castitatē, & obedientiam esse peccatum mortale, non solum quia contra ius humanū, sed magis contra ius diuinum, & naturale, quia contra votum factum. In calce tamen non prætermittam professionis formam, quamuis longam, fastidiosam, minimeq; necessariam, perspicuam tamen, quam tradit Speculator in exordio tit. de Regularibus. Ego N. promitto Deo, & Sanctis eius, & vobis domino Abbati, vel Priori coram vobis, & conuentu vestro, me perpetuam continentiam seruaturum in hac domo, vel monasterio, quantum Deus fragilitatis meæ permiserit, & renuncio proprijs, & vobis debitam secundum Regulam talis Ordinis obedientiam, & reuerentiam, ac stabilitatem, & conuersionem morum promitto.

De maximo obediētia voto. Cap. xviii.



Secunda Regularis obediētia maximè ad Religionis perfectionem requiritur. Status namq; Religionis, quēdam disciplina est, vel exercitium tendendi in perfectionem, quicunq; autem instruuntur, vel exercitantur, direttore præceptoreq; indigent, cuius arbitrio, vel etiam imperio finem optatum assequantur: necesse igitur est, vt Religiosi in his, quæ pertinent ad vitam religiosam alicuius instructioni, & imperio subdantur, id quod per obediētiā efficitur. Obediētia quoq; inter tria Religionis vota primatum obtinet, atq; princeps est. Per eā. n. quidpiam maius homo offert Deo, nēpe ipsam voluntatē; quæ potior est, quā corpus proprium, quod offert homo Deo per continentiam, & quā res exteriores; quas offert homo Deo per votum paupertatis. Propterea q; fit ex obediētia, maioris est meriti apud Deū, quā quod fit per propriā voluntatem. Deinde votum obediētiæ continet sub se alia vota, sed nō cōuertitur; Nam & si Religiosus ex voto teneatur seruare continentiam, & paupertatem; hæc tñ etiam sub obediētia cadunt: ad quam pertinent multa alia præter continentiam, & paupertatem. Est demum votum obediētiæ Religioni essentialius. Si. n. quispiam absq; obediētiæ voto voluntariam paupertatem, & continentiam etiam voto seruet propter hoc pertinet ad statum Religionis. Hæc docet Diuus Tho. 2. 2. q. 186. art. 5. & 8.

Quo fit vt Religiosus suam voluntatem, & arbitrium in sinu, & arca sui Prælati reposuisse iure censeatur. Et Bonif. 8. in cap. Quorundam de electione in 6. inquit: Quorundam oculos sic vitium ambitionis excecatur, quod quasi suæ professionis immemores, quia contemptis honoribus, abiectis diuitijs, spretisq; delitijs, arbitrium propriū subin- garunt alterius ditioni, &c. Item idem Bonif. eodem tit. cap. Si Religiosus. Si Religiosus cuius arbitrium non ex sua, cum velle, vel nolle non habeat; sed ex illius, quē vice Dei supra caput suum posuit, & cuius imperio se subiecit, voluntate dependet. Et idem Bonif. in cap. Religiosi de Sepultaris in 6. Religiosi nequeunt cum velle, vel nolle non habeant, sibi eligere sepulturam: sed sunt apud sua monasteria tumultuandi. Et Urbanus 2. 19. q. 3. cap. Statuimus, ait. Statuimus ne professionis Canonice quispiam postquā Dei vice, super caput sibi hominem imposuit, alicuius leuitatis instinctu, &c. Et Bonif. 8. de Testamentis cap. Religiosus in 6. ait; Religiosus executor ab aliquo in sua voluntate vltima deputatus, non potest cum velle, vel nolle nō habeat huiusmodi officiū suscipere, vel exequi nisi à superiore suo petita su-
per

per hoc licetia, & obedientia. Et August. in cap. Non dicatis 12. q. 1. ex sermone de vita comm. clct. ait: Non dicatis vos aliquid habere proprium; sed sint vobis omnia communia, &c. Cū huius nostræ Congregationis fratres, non solum facultatibus, sed voluntatibus proprijs in ipsa Ordinis susceptione renunciaverint, & semper promissam obedientiam, penitus aliorum potestati, & imperijs in Christo, & pro Christo subdiderint, certum est eos nihil habere, possidere, dare, vel accipere sine superioris licentia debere. & in cap. Cum in Ecclesijs. de maio. & obediens. statuitur; Canonicos Reg. Priori suo inobedientes, per ipsum excommunicari posse; & si fuerint incorrigibiles, de fratrum consortio expelli debere. Habes iam obedientiam Regularem suis coloribus ex iure Canonico depictam.

3 Ad dilucidam verò voti obedientię vim, & amplitudinem ulterius notandum, q̃ Religiosus obedire tenetur Prælato, cū præcipit aliquid secundum Regulam, & etiam si præcipit secundum Constitutiones. Secundum Regulam, inquam. i. secundum contenta in Regula explicitè, vel etiam implicitè; qualia sunt omnia, sine quibus Ordo Regularis, & plenior observatio conservari non posset. Ad Regulam. n. pertinet, nō solum quæ in ea exprimuntur; sed etiam quæ ad eam quocunque modo reducuntur. Ut pertinentia ad obsequia societatis fraternæ, & culparum punitionem.

4 Item quoties dubium est, an Prælatus præcipiat contra Regulam; vel an possit dispensare, vel an rationabili causa moveatur, tenetur Religiosus ei obedire. 23. q. 1. cap. Quid culpatur, & generaliter ubi est dubium, an obedire teneatur, nec ne tenetur obedire Prælato præcipienti aliqua supra Regulam, si sunt ad poenam culpæ admixtæ, ex Silvestro in verbo Religio. 6. §. 6.

5 Item Religiosus obligatur ex sua professione sub peccato mortali. Primum, ad tria vota Religionis, seu ad Regularem vitam, quæ in istis essentialiter consistit. Secundo, ad observantiam Regulæ secundum quā professus est; videlicet ad ea, quæ sunt in Regula sub præcepto; ad alia autem sub peccato veniali. Tertio, ad intentionem tendendi ad perfectionem, & ad non cōtemnendum principalia statuta Regulæ, omnia, vel nulla. Quarto, ad non agendum quicquam ex contemptu contra Regulam, vel mandatum Prælati. Quinto, ad omnia præcepta ore tenus facta à Prælato, quæ non sunt contra Regulam. Præterea ex Caiet. 2. 2. loco citato, Religiosi omnes ultra communia vincula omniū Christianorum, & tria Religionis vota, & præcepta facta à Regula, vel prælato: quæ tamen sub voto obedientię comprehenduntur; habent duplex vinculum peccati mortalis. s. propter contemptum perfectionis, quia

quia licet non teneantur esse perfecti; tenentur tamen tendere in perfectionem; & propter contemptum Regulæ.

6 De laude, & vtilitate obedientiæ Regularis pauca nunc dicamus. Vt. II. Canonici religiosi ardentiori Reg. obedientiæ amore capiantur, non ab re fuerit ex grauissimis authoribus illius nobilitatem, excellentiam; vberemq; vtilitatem enarrare. Basilius igitur de institutione Monach. sic ait. Quoniam autem varia sunt hominum ingenia, neque similiter de rebus vtilibus omnes iudicant, tollendæ omnis perturbationis causa, si vnusquisq; eum ritum sequi vellet, quem adamasset, illud curandum est, vt qui omnium testimonio omnibus in rebus prudentia, & grauitate, vitæq; sanctitate, cæteris omnibus præstare iudicatus fuerit, hic deligatur, qui cæteris præsit; vt suæ virtutis fructus in cunctos redundet. Vt. n. si plures pictores, omnes, separatim quisque vnus oris alicuius formam effingant, effectæ illæ omnes imagines similes inter se sunt: eodem modo si multiplicia multorum ingenia, animi vnus alii cuius constantes mores sibi imitandos proposuerint, præclare in cunctis vitæ forma eluceat, necesse est.

7 Delata igitur ad vnum quempiam de communi oïum consensu potestate, priuatæ cuiusq; separatim omnes facessere voluntates debent, seseq; cuncti deinceps, ad magistri sui mentem conformare, & præcepto Apost. obtemperare; qui ad Rom. 13. excellentioribus potestatibus subiectos esse omnes iubet, qui cum ipsis resisterint, ipsi sibi ipsi damnationem inueniant.

8 Porro vera, perfectaq; subiectorum erga Moderatorem Ordinis obedientia in eo cernitur, si quis ex eius consilio non modo à rebus flagitiosis abstineat; sed si, ne ea quidem, quæ laudabilia sunt, sine sententia illius faciat. Nam abstinentia, & omnis corporis incommodorum perpessio vtilis quidem esse poterunt: at si quis propriæ voluntati obsequens, spretis consilijs Antistitis sui id facere voluerit, huic plus mali, quam boni erit; qui enim potestati resistit, Dei ordinationi resistit ad Rom. 13. Et præmium obedientiæ maius debetur, quam rectè factò cum continentia. Præclara est enim obedientiæ merces.

9 Idem etiā Basilius in Regulis fusius disputatis interrogatione 41. de auctoritate Superiorum, & obedientia luculenter disserit. Neutiquā permittendum est vnicuiq; vt arbitrato suo discat quod velit, sed illud tantummodo, ad quod aptum esse illum Antistites iudicauerint. Qui n. seipsum abnegauit, seseq; voluntatibus suis omnibus spoliauit, is nō quod vult facit, sed quod docetur. Neq; verò ratio permittit, cum sibi ipsi quod expediat deligere, qui gubernationem sui alij tradiderit. Alioqui. n. is planè sibi notam inurit, seq; prodit primo se sibi ipsi placere;

cere; deinde documento est, artem illam ceteris anteponere, aut propter gloriam vitæ huius, aut lucri spem, aut aliud id genus in eam artem propensior sit affectu; aut postremo propter ignaviâ, pigritiâ, quod ea laboris sit leuioris. Ab hoc autem nondum absterge sunt omnes animi morborum labe.

- 10 Quemadmodum autem vnumquenq; sua sponte quod ipsi placitum sit eligere, indecorum esse docuimus. Item quoq; pari ratione putandum est in vitio esse, si quis, quæ alij probauerint ipse recuset. Qui potius illud declarare debet, nulla se rei vilius vitæ huius cupiditate adductum teneri. Ex prompta. n. vbique omnibus in rebus obedientia laudi semper tribuitur, cum idem Apostolus laudet quosdâ, ac dicat, semetipsos dederunt primum dño, deinde nobis propter voluntatē Dei.
- 11 Ceterum assignato iam sibi artificio vacare vnusquisq; studiosè debet, & quasi inspectore Deo, attentiore cura illud exercere, vt verè dicat; Ecce sicut oculi seruatorum ad manus spectant dominorum suorum, ita oculi nostri ad dominum Deum nostrum.
- 12 Non tamen ab hoc ad aliud temere resilire audeat. Neq; .n. natura nostra plura simul studia assequi potest: multoq; est præstabilius vnum modò soletter, & industrie confecisse, quàm multa attentasse, quæ necessariò postea sint relinquenda. Si quidem quæ ad res plures animi sit distractio, nullum opus perfectè ad exitum perducere finit; morum etiâ leuitatem, vel si inest, arguit, vel si non inest, ingenerat. Deniq; qui huiusmodi est, in eo semel animû obfirmare tenetur, vt rectè intelligat, ne suarum quidem manuum se esse dominum, & alterius arbitrio dispensandum perinilisse, quicquid operis suæ ipsius manus cōficere possint.
- 13 Basilii idem in constitutionibus Monasticis, cap. 23. de obedientia Regulari, vberiori sermone sic proloquitur. Doceamus quàm magna ea obedientia sit, quàm erga Antistites suos, Religionis veræ præstare cultores debet. Eiusq; magnitudinem non aliunde explicare adnitur, quàm ex sacrosanctæ scripturæ auctoritate. Ad Rom. n. 13. præcipit Paulus, vt excellentioribus illi potestatibus subiecti sint; alioqui l. eo ipsi eos resistere ait. Si igitur potestati mundi huius tantopere voluit eos esse subiectos; quàm magna ei à pietatis cultores præstanda obedientia est; qui à Deo constitutus Præses sit, & Antistes?
- 14 Idem Paulus ad Heb. 13. Omni in re parendum esse spiritualibus Præpositis iubet, dicens: Obedite Præpositis vestris, & subiecti estote eis. Ipsi. n. peruigilant, quasi rationem pro animabus vestris reddituri, vt cum gaudio hoc faciant, & non gementes. Hoc. n. non expedit vobis. Quod si non expedit non perfectè obedire, sine controuersia, quod magis expedit, illud cōfessari debemus. Nam mea quidem sententia

centia hoc quod dicitur non expedire, magni cuiusdam detrimenti significantiam habet.


- 15 Animaduerte etiam, quid in Euāgelij Domini dicat, cum de obedientia erga seruos suos adhibenda legem sanciret. Qui vos recipit (inquit) me recipit Matth. 10. Qui vos audit, me audit: & qui vos spernit, me spernit. Lucē 10. Quod Apostolis dixit, intelligendus est in cōmune legem sanxisse in posteros, qui aliorum futuri erant moderatores.
- 16 Quomodo autem veteres sancti viri animi sui alacritatem in exequendis Dei iussis exercuerint, declaramus oportet. Considera mihi Abraham, qui iubetur relinquere domum, patriam, supellectilem domesticam possessiones, cognatos, amicos, & omnia: quæ contraria his sunt, cōsecrari, peregrinationē, obscuritatē nominis, viarū errores, paupertatem, metus, pericula, & quæ incommoda peregrinos comitari solent: nihilominus tamen sublata omni cunctatione obediens fuit. Venit ille quidem in Palestinam, locum sibi à Deo ad incolendum commonstratum. Porro cum victus inopia regio illa opprimeretur: inde in Aegyptum digreditur, ibiq; adempta sibi vxore non conqueritur. Iam. n. in eo semel animum, cogitationemq; suam obfirmauerat, vt perfectissimam, atq; omni ex parte absolutissimam illi Deo obedientiam præstaret; ac propter hoc filium inuenit, tanquam præmium, ac donum. Quem postea Dei iussu etiam sacrificare volebat, ne vlla in re obedientiam suam minueret.
- 17 Expendamus etiam admirabilem Apost. erga præceptorem obedientiam. ait. n. Matth. 10. Ecce ego mitto vos, sicut oues in medio luporum; & Matth. 24. Tradent vos in tribulationes, & occident vos, & eritis odio omnibus gentibus propter nomen meum. Et ad Præsides, & Reges ducemini propter me. His igitur omnibus auditis, illi qui honores sessionis hinc inde ab dextra, leuaq; tantopere affectabant, expectabantq; submissa mentis cervice, obedientiæ iugū subierunt: alacriq; animo in pericula, in fora, in contumelias, in lapidationes, in ignominias, in cruces, in varias neces processere; gaudentes; quod digni habiti sunt pro nomine Iesu contumeliam pati.
- 18 Hanc obedientiam is, qui secundum Deum verè est Monachus Antistiti suo præstet, oportet. Si quidem discipulos Christus in hoc elegit, qui hoc vitæ institutum amularentur, vt per eos formam relinqueret eadem seculuræ posteritati. Nihil est. n. aliud Antistes (qui modo diligenter munus exequatur, cui Præpositus sit, pietatem videlicet) quam is, qui personam Christi sustinet; & sequester est inter Deum, & Homines. Quod docemur in Christo ad Petrum dicere Ioan. 21. Pascere oues meas. Quemadmodum igitur Pastori suo oues obtemperant, & viam,

quæcūq; ille vult, ingrediuntur. Sic qui ex Deo pietatis cultores sunt, mo deratoribus suis obsequi debent, nihil omnino illorum iussa curio sius perscrutantes, quādo libera sunt à peccato. Nouit. n. qui intelligēs Moderator est, vniuscuiusq; mores, & affectus, & animi motus diligenter exquirere, & ad hęc accommodatum etiam in singulis remedium adhibere. Illud igitur firmissimum tenendum rem omnium esse difficillimam se ipsum cognoscere, & curare, propterea quod naturaliter se ipsum quisque amat; & quilibet eo quod in se ipsos propensi sunt, in veritatis iudicio fallitur. Porro ab alio cognosci, curariq; facile est. Cum non obftet amor sui ipsorum. At verò quisquis proprium iudiciū, propriamq; voluntatem Prælati sui iudicio præfert, ac voluntati, chariusq; amplectitur, is nimirum non est voluntarius pauper, nec potest peccata perfectè deferere: siquidem vitiorum radicem amat, idest propriam voluntatem suam, cui tamen merito valefacere, ac renunciare deberet. Et hęc causa est ob quam Angelus in celo, & Homo in paradiso lapsus est: ibidemq; etiam num labuntur, qui propriè obsequuntur voluntati. Enimuerò cum simplices, mansueti, & absque felle esse debeant, ipsi contra nequam, & callidi, rebellesq;, & amaritudi ne, ac veneno intus pleni sunt, quo non se ipsos tantum perdunt, sed sæpè etiam alijs offendiculo sunt.

- 19 De vetusta origine obedientiæ Regularis perdoctè disserit Robertus Episcopus Arboricensis, de tuendo cœlibatu, tom. 2. tit. Voti obedientiæ antiquissimum esse institutum. Item Laur. Iustinianus lib. de discip. monal. cap. 7. explicat modum, quo Religiosus sub obedientia sit exercendus; docens etiam; in monasterijs benè institutis, perspicuè elucere statum cœlestis patriæ.

De voto castitatis

Cap. xix.

- 1  Acer August. in Regula hunc in modum de Religiosorū castitate disserit, nec solo affectu, & tactu: Sed aspectu quoque appetitur, & appetit cōcupiscētia scēminarum. Et infra; Sed etiam tacente lingua, conspectu mutuò se inuicem corda nunciant impudica; & secundum concupiscētiā carnis alterutro delectantur ardore, etiam intactis ab imunda violatione corporibus, fugit castitas ipsa de moribus hęc ibi.
- 2 Sapiēter quidem docet Dominicus Sotus lib. 7. de Iust. & iure. q. 5. ar. 3. Rem veneream utroq; cornui, è diametro cū Religione pugnare. Nam contra nititur cōtemplationi, diuinorumq; meditationi, quibus secundum nomen suum debet sedulò Religiosus vacare: renititur, inquam, propter voluptatis vehemētiā, quæ ex Venere nascitur: cuius

vtique

utique frequentatione concupiscentia augetur. Idcirco in primo soliloquio. Aug. ait. Nihil sentio, quod magis ex arte deiciat animum virilem, quam blandimenta femina, corporumque; ille contactus. Nec verò naturalis ratio valde est recondita; etenim cum contemplatio subtilissimis, purissimisque spiritibus foueatur, carnalisque; ac brutalis ille usus spirituum multitudinem insumat, sanguinemque; à corde vehementer distrahiat, cuius collectio ad mentis attentionem necessaria est; fit, ut idem usus hebetudinem mentis efficiat: qua utique de causa Paul. 1. ad. Cor. 7. coniugibus consulebat, ut orationis tempore toro se pararentur.

Addendum etiam, ex D. Tho. 2. 2. q. 188. art. 6. ad. 3. quod efficacius medium ad continentiam seruandam ordinatur maceratio carnis per abstinenciam cibi, & potus, qui pertinent ad famen, & sitim; quam per subtractionem vestium; quæ pertinent ad frigus, & ad nuditatem; quam etiam per corporalem laborem. Vbi Caiet. ait; attende quod non exempli tantum, sed veritatis doctrinam continet. Nam pauperes nudos vacare generationi videmus; similiter laborantes continuè laboribus maximis, vacare etiam generationi perspicimus: famelicos autem, & sitibundos nequaquam; iuxta illud, sine Cerere, & Baccho friget Venus. Melius ergo medium ad continentiam seruandam est abstinere à cibo, & potu, quam carere caligis, aut calceis, & quod laborare, & huiusmodi.

Postremo ad tollendum quorundam monasteriorum Canonicorum Regularium abusum, qui muliercularum famularum, ministerioque; vtuntur, memoria retineantur, quæ à Greg. papa in cap. Peruenit. 18. q. 2. Abbati Valentino præcipit. Peruenit, inquit, ad nos, quod in monasterio tuo passim mulieres accedant, & quod est grauius Monachos tuos sibi commatres facere, & ex hoc inchoatam cum eis communionem habere, &c. Ideo huius te præcepti serie commoneamus, ut neque mulieres in monasterio tuo deinceps qualibet occasione permittas accedere; neque Monachos tuos sibi commatres facere. Nam si hoc denuò ad aures nostras quocumque modo peruenerit, sic te seuerissimè noueris ultioni subdendum, ut emendationis tuæ qualitate ceteri sine dubio corrigantur.

Similia quoque tradidit Conc. Prouin. Antisiodorensis. cap. 26. dicens: Quod si quis Abbas mulierem in monasterio ingredi permiserit, aut festiuitates aliquas ibi spectare præceperit, tribus mensibus in monasterio retrudatur, pane, & aqua contentus. Et Conc. Prouin. Treuerense sub Io. Archiepiscopo, annò. 1549. celebratum, tit. de Religiosis, & monasterijs, inquit; Religiosi omnium Ordinum, ut sinistra suspitionis etiam tollatur occasio, quasque mulieres, & religiosas, & seruientes Deo in ambitum, seu periodum monasterij recipere, aut introducere nullatenus præsumant.

6 Tandem Conc. Prouin. Cameracense sub Archiepiscopo Maximiliano, anno. 1365. celebratum tit. de monasterijs. cap. 8. sic præcepit in hac re; Mandat sacrosancta Synodus omnibus Superioribus, vt diligentissimam operam adhibeant, ne votum castitatis inter subditos periclitetur. Quibus etiam omnes occasiones consortij inuenti, ac familiaritatis cum mulieribus adimere adnitatur. Quæ profecto si quandoque ad cœnobîa venerint, non eis concedatur accessus, etiam si Religiosæ sint, & Moniales, ad Religiosos, vel loca Regularia, aut Conuentualia; nisi ex certa quadam, & multum rationabili causa Superior facultatem fecerit.

7 Porro Regularem castitatem, maxima etiam adhibita cura, custodiendam esse Basilius magnus in Constitutionibus Monasticis cap. 4. sapienter hortatur, his verbis. Non in eo tantum elaborandum nobis est, vt motus animi in cogitando moderemur; sed quo ad fieri possit, ab earum etiam rerum congressu longissimè fugiendum est; cum primis quæcunque in conspectum nobis adductæ, reficata libidinum memoria, consilium, rationisq; vim nobis perturbant, atq; confundunt, bellaq; sollicitos in animo angores eient. Etenim bellum, quod præter voluntatem nostram incidat nobis, excipere, fortasse necessarium sit, ipsum verò aliquem sibi voluntarium creare, id summæ stultitiæ est. Si quidem ignosci ei forsitan possit, qui in priore illo victus sit (notim autem omnino hoc Christi athletis euenire) at qui in posteriore hoc superatus discedat, is præterquam quod rem admodum ridiculam facit, non meretur etiam, cur sibi ignoscatur.

8 Quo circa fugiendæ in primis cum mulieribus nobis congressiones sunt; colloctionesq; neq; ad eas vnquam accedendum, nisi cū grauissima nos aliqua ad eas necessitas impellat, & aliter facere non possimus; atq; ipsa etiam vbi nos necessitas adegerit, ab ipsis, non secus, atque ab igne cauendum est; adeo vt quam occisimè, nulla mora contracta, ab istis nos extricemus. Animaduerte enim quid de hac re Sapientia dicat Prouerb. 6. Abscondet quis ignem in sinu suo, & vestimenta sua non comburet? aut ambulabit quispiam super carbones ignis, & pedes non comburent?

9 Quod si quis dicat, ex assiduo se cum mulieribus colloquio, cōgressuq; & conuictu non admodum laedi; hic sine dubio, aut Maris naturæ particeps nō est, & portentum est quoddam insolentissimū, & præter omnium opinionem admirabile, & in vtriusq; sexus (vt ita dicam) cōfinijs positum: cuiusmodi esse illos ferunt, qui nati eunuchi sunt, si quidem hoc illi etiam velimus tribuere, quod nullo modo feminarum libidine afficiantur, aut moueantur concupiscentia enim spadonis de-


uirginans iuenculam, inquit Sapiens Eccl. 20. Aut certè si expers non est, cum totus immerfus libidinibus obruatur, ebrijs, aut phrenitide correptis similem se esse non sentit, qui grauissimis affecti morbis, morbum à se tamen abesse omnem existimant.

10 Verùm quòd ratio non dat, hoc demus nos in disputatione: posse, videlicet aliquem existere, qui nullis libidinum aculeis pungatur, aut extimuletur. Verum, & si hoc ipse non sentit, quomodo quæso hoc ita esse, cæteris faciliè poterit persuadere? porro quòd quis nulla proposita utilitatis spe, multitudinem scandalizet, hoc ei arbitror non vacare periculo. Quanquam ad hanc alia etiam ratio spectanda est: quòd estò, vir nullam ipse in animo suo perniciosæ cogitationis noxam conceperit, de muliere certè, quòd ea quoque idem faciat, nunquam nobiscum cõtrouertet, quòd ipsa videlicet nullis corporis libidinibus moveatur. Quin incidit sæpenumero propter consilij imbecillitatem, & maiorem quandam in eo sexu ad libidines procliuatatem, cum femina eius viri libidine commota sit, atq; ille quidem nullum vulnus accepit, sed sæpenumero infligit. Et quemadmodum id fecerit, nõ intelligit. Tum per simulationem, videlicet spiritualis charitatis Monachum crebrò adiens muliercula, oculis primùm peccato explere se incipit, & formam illius aspectibus lasciuis depascitur, & abditam intus virginem impuris cogitationibus vitiat, & corrumpit.

11 Proinde ne eorum, quæ diximus quicquam eueniat, danda est opera, vt si qua fieri possit, mulierum colloquia, congressusq; funditus fugiamus. Sin id non possit, in eo enitendum est certè, vt quàm rarissima illa, & quàm breuissima fiant: neque id ex odio sexus, neque vt qui cognationem illarum abnegemus: Quin potius earum etiam patrocinium suscipiamus, & quantum in nobis est, benignè faciamus, & cum omnibus promiscuè, quæ naturæ humanæ participes sunt; tum verò illis præcipuè, quæ pro seruanda integra castitate in certamè descendunt, veluti quæ in pari, ac fraterno nobiscum curriculo certent: congressum tamen defugiamus. Ne ex ipsarum aspectu, in memoriã eius, cui semel nuncium remisimus, libidinis, cuiq; aditum ad nos perpetuò interclusimus, redire cogamur. Diogenes autem Philosophus aduigilans quidem exitit castitatis custos, immodicus tamè fuit fœminarum osor. Hic. n. cum aliquando vidisset mulieres ex oliua pendere laqueo præfocatas, vtinam (inquit) & cæteræ arbores similè ferrent fructum. Cupiebat nanque omnes videre pensiles. Extat libellus aureus, & loculentus D. Cypriani de singularitate Clericorũ, vbi docet, astutum alieno periculo crudiri, aculeumq; esse peccati formam mulieris, plurimasq; esse mulierum insidias, & laqueos. Subdit

deniq; vltimo loco perquam egregiam castitatis commendatioem, & virginitatis præconium. Quibus verò modis valeat homo incorruptâ custodire castitatem, & continentiam erudiuit nos Laur. Iustin. breui quidem, sed luculenta ratione lib. de Continentia cap. 5. Quemadmodum. n. continentiz thesaurus laboriosè acquiritur, ita facile amittitur, si eius puritas negligatur. Confouendi igitur sunt sobrius cibus, labor moderatus, habitus asper, & vilis, custodia sensuum, sermonis parcitas cum honestate, & peccandi opportunitatis fuga.

De voto paupertatis. Cap. xx.

- 1  Dperfectionem Charitatis acquirendam, primùm fundamentum est voluntaria paupertas, idest vt Religiosus absq; proprio viuat; dicente Domino Matth. 10. Si vis perfectus esse, vade, & vède omnia, quę habes, & da pauperibus, & veni sequere me, & habebis thesaurum in cœlis. Sic. n. fiet, vt affectus à rebus humanis penitus abstrahatur. authore. n. August. 10. Confessionum ad Deum loquente; Minus te amat, qui tecū aliquid amat, quòd nō propter te amat. Item nutrimentum Charitatis, diminutio est cupiditatis. Aliud. n. est nolle incorporare quę defunt, aliud iam incorporata diuellere. Illa enim velut extranea repudiantur, ista verò velut membra præscinduntur.
- 2 Præterea perfectio non consistit essentialiter in paupertate, sed in Christi sequela. Paupertas autem perfectionis instrumentum est; vnde in Collationibus patrum, Abbas Moyses dicit; Ieiunia, vigiliz, meditatio scripturarū, nuditas, ac priuatio omnium facultatum, non perfectio, sed perfectionis instrumenta sunt. Paupertas. n. est, quę ablati diuitijs, tollit tria quædam Charitatis impedimenta. Quorum primū est sollicitudo, quā secum diuitiz afferunt. Secundū autē est diuitiarum amor, qui ex diuitijs possessis augetur. Tertium est inanis gloria, vel elatio, quę ex diuitijs nascitur. Iuxta illud psalmi 48. qui confidunt in virtute sua, & in multitudine diuitiarum suarum gloriantur.
- 3 Caterum, & si habere aliquid proprium perfectioni repugnet Religionis. Habere tamen res communes non repugnat, sed ad Charitatem pertinere potest. Ex quo fit, quòd habere res exteriores in cōmuni, siue mobiles, siue immobiles, quantum sufficit ad simplicem vitam, perfectionē Religionis nō impedit; si consideretur paupertas p cōparationē ad finē cōmunem Reg. qui est vacare diuinis obsequijs. In ordine verò ad speciales fines Religionum, maior, vel minor paupertas est Religioni accōmodanda, quę sit suo fini proportionata.
- 4 Iuxta hanc finis proportionem effectum est, vt tribus Religionum gradi-

gradibus triplex quoque paupertatis gradus correspondeat, & competat. Nam illis Religionibus, quæ ordinantur ad corporales actiones actiue vitæ; vt puta ad militandum, vel ad hospitalitatem sectandam, competit habere abundantiam diuitiarum communium. Illis autem Religionibus, quæ sunt ordinatæ ad contemplandū, magis cōpetit habere possessiones moderatas; nisi simul oporteat tales Religiosos per se, vel per alios, hospitalitatem tenere, & pauperibus subuenire. Illis denique, quæ ordinantur ad contemplata alijs tradenda, cōpetit vitam habere maximiē ab exterioribus solitudinibus expeditam. Quòd quidem fit, dum modica, quæ sunt necessaria vitæ, congruo tempore procurata conseruantur.

5 Quòd verò Hieronymus ad Heliodorum de quibusdam ait. Sunt ditiores Monachi, quam fuerant seculares; possident opes sub Christo paupere, quas sub locuplete diabolo non habuerunt; suspirat eos Ecclesia diuites, quos tenuit mundus ante mēdicos, &c. locum habet, vbi sunt superbundantes diuitiæ, quæ habentur quasi propriæ. Vel per quarum abusum etiam singuli de communitate superbiunt, & lasciuunt. Non autem habet locum in diuitijs moderatis, communiter conseruatis ad solam sustentationē vitæ, qua singuli indigent, & vt vel hospitalitati vacent, aut patres pauperum sint, vt gaudeat Ecclesia eorum diuitijs, inani pompa reiecta. Hæc omnia docet D. Tho. 2. 2. q. 186. art. 3. & q. 188. art. 7. Ex cuius aperta sententia proprietatem Canonicis Regularibus esse interdictam planè intelliges.

6 De eadem Regulari paupertate, suauiter quidem pertractatione egit Basilius Magnus, cuius rei exordium in sermone de Exercitatione monastica conscripsit huiusmodi. Monachum oportet cum primis nihil in vita, quod iuris sui proprium sit possidere.

7 Vberiori tamen sermone eandem rem depingit in Constit. Monast. cap. 35. Debet, inquit, pietatis cultor, qui in vita communitatem amplexus sit, ab omni priuata rerum possessione liber esse. Etenim nisi hoc facit, primum quidē societatis exactā disciplinam priuata possessione corrumpit: Tum ipse etiam magnopere de se indicio est, vt qui Deum perpetuò ijs alimenta suppeditaturum diffidat, qui in nomine ipsius congregati sint: neq; illud audiuerit, quod dicitur à Propheta Psal. 36. Iunior fui, etenim senui, & nō vidi iustum derelictū, nec semē eius quærens panes. Si quidē neq; Israelitis in vasta illa solitudine ipsorum vsui necessarium quicquam defuit. Aut si etiā defuerit, ad probationē nostrā, satius est inopia laborare, & cū Christo esse, quā disunctos ab eius societate, in rerum vitæ huius omnium affluentia versari.

8 Porro incommodum, quod ex istiusmodi possessione nascitur, ne-

quaquam hic tantum resistit, sed ulterius etiam progreditur. Et enim qui proprium habere aliquid studet, is sine dubio nihil aliud, quam disunctionem, ac defectionem à cæteris meditat. His planè de morte animæ suæ inferenda meditat, qui exiguis obolis salutem suā prodere paratus sit, & alter Iudas efficiatur: nempe qui à furto exordiat, (furtum est. n. priuata possessio) & in prodicionem desinat: quādoque ut ille dominum, sic iste etiam veritatis verbum prodit. Quandoquidem instituti nostri Regula hoc habet, non licere nobis, neque ab ea societate, ad quam aggregati sumus disungi; neque priuatam ullam pecuniam acquirere, neque denique clanculariū quiduis moliri. Et legibus Spiritus Sancti violatis, societatem primum expilare (societatis. n. expilatio est rei cuiuscumque; & vnde cumque in priuatum vsum seu vocatio) deinde defectionem etiam, ac separationem cogitare.

9 Quocirca omni modo fugiendū nobis est, ne priuatim omnino quicquā possideamus præterea, quæ permiscuē omnibus simul cōparātur.

10 Rursus idem author in sermone de Instit. Monachorum sic docet. Conuenit igitur, ut quemadmodum qui in balneum ingrediuntur, vestimentis se omnibus denudant. Ita, & qui colendæ pietatis causā ad socialem vitam accedunt, omni rerum vitæ huius materia exuti, genus vitæ, quod est secundum Philosophiam, ingrediantur. In hoc autem illud caput est, & in quo præcipue elaborare Christianus debet, vitiosas animi affectiones diuersas, ac varias, quibus illius anima infici solet, ab se segregare. Deinde oportet, ut qui ad excellens hoc, & sublimæ vitæ genus aspirat is pecunia sua omni se spoliet. Si quidem earum rerum, quæ sunt cum materia coniunctæ sollicitudo, procuratioque; magno opere mentem, atque animum distrahunt.

11 Quoties igitur plures inuenti fuerint, qui eodem sibi cuncti proposito fine, vitam vnā inter se agere decreuerint, hoc cum primis firmè tenere illi debent, ut cunctorum vnā omnium mens sit, & voluntas vnā, & idem prorsus desiderium. Hoc autem aliter confici nō potest, nisi apud eos illud probe stabilitum teneatur, ut nihil quicquam suum cuiusquam esse præcisè, & peculiariter dicatur: Non vestimentum, non vas, nō aliud quippiam eorum, quæ ad societatem vitæ cōducunt. Ea re, ut singula hæc vtilitati communi, non autem priuato sibi vendicantis, commodo seruiant.

12 Idem Basilius in regulis breuioribus interrogatio 88. Quærit, nunquid priuatim aliquid haberi conueniat, in societate fratrum? Respondet. Hoc contrarium est testimonijs hijs, quæ habentur in Actis. cap. 4. de ijs qui crediderant: in quibus scriptum est, neque quisquam eorum, quæ possidebat, aliquid suum esse dicebat, quare qui dicit

dicat suum aliquid esse, is seipsum alienum reddit ab Ecclesia Dei, & Charitate Domini, qui quidem & verbo, & re docuit ponendam esse animam pro amicis, nedum res externas.

De prohibita proprietate ex Regula Augustini. Cap. xxi.



T verò proprietatem quorumcūque bonorum vetuisse Aug. suis Canonicis, ex ipsius Regula, secundū quā Regularem professionem emisissent, ostendere enitar. Primum, proprium habere prohibet Augustinus alūnis suis in Regulę exordio: Quo magis Charitatē, & pacem finem esse Religionis ostenderet, dicens; & non dicatis aliquid proprium. Si ergo prohibet expresse verbum proprietatis, a fortiori, & factum. Subditq; sint vobis omnia communia. Omne autem vniuersale signum est, generaliter cōprehendens quācūque sub possessione cadunt, cuiuscūque naturę sint; siue sint iocalia, siue pecunia, vel aliud quidpiā. Idcirco subiungitur, & distribuatur vnicuique vestrum a Præposito vestro victus, & tegumentum, &c. Non dicit, viginti libras, aut scuta, aut certas portiones particulares, atq; diuisas, vt grana, & vinum, & alia huiusmodi; sed tegumētum paratum, quod longe minoris est occupationis, quā prætium eius, consonantiūq; vitę Apostolorum, quę illic ex eorum Actibus citatur, a qua Regularis vita originem trahit. Non. n. Apostolis, eorumq; discipulis pecunia, sed victus, & vestitus distribuebantur. Ideo ingredientibus monasterium dixit, qui aliquid habent in seculo, quādo ingressi sunt monasterium, libenter illud velint esse cōmune. Ergo si quod de seculo affertur, cōmune esse iubet, potiori iure, & illud quod monasterij est, & de redditibus communibus assumptum; vt hac arte, & modestia diuites humilientur, & pauperes non inflentur.

Ex hac re Aug. animum facile intelliges, quantum videlicet sibi cor di fuerit communio; quę Charitatis inter fratres est mater, quam abominabile illi fuerit propriū, quod est dissensionis, & iurgiorū fomes. Quod de eo primo loco tractare cœperit in Regula, vsq; ad locum de oratione. Non nescius proprietatem schismata generare, vnanimitati aduersari, & paci, quibus opus est orātibus. Quid. n. prodest vna domus, si separet diuersa voluntas? Quoniam longe maior est vnitas animi, quam loci: habitus, & conuictus cordis, q̃ corporis; si concordia aduersatur propria voluntas, ergo propria cista, aut bursa non conuenit communi Charitati; quę communia proprijs ante ponit. Sic Hugo, præclarus Regularis Canonicus in expositione Regulę, inquit; Nō dicimus quicquam meum, aut tuum, sed nostrum; vt vestis nostra, domus

mus nostra. Omnia. n. in communi habenda sunt. Carnales sunt fratres, qui communia diuidunt; spirituales verò, qui diuisum in communi reponunt. Imitemur Apostoli sententiam. 1. ad Thim. 6. Habentes alimenta, & quibus tegamur, his contenti simus.

3 Precepit Aug. in Regula; Vnicuiq; prout opus fuerit, esse distribuendum. At verò sic Dominus ordinauit Ecclesiam, vt pleriq; spiritualibus; ceteri autem temporalibus vacarent. Præpositorum quidem officia sunt, subditis corporalia ministrare. Subditorum verò spiritualibus insistere, Orationibus videlicet, contemplationi, & lectioni: confunditur ergo Religio, cum quisq; prouisor efficitur necessitatis, & communis magister veltiarij tollitur. Inter alias occasiones proprietatem inducentes, illam profecto potissimam arbitror fuisse, humanum timorem deficiendi in necessarijs, tempore ægritudinis, & senectutis. Nunquam tamen fuisset Augustino circa infirmos, & debiles in Regula tanta cura, nisi hanc sollicitudinem à cordibus fratrum intendisset euellere: Sanos admonens, ne molestè ferant, quod ægri lautius pascantur, felicius esse ducens, minus egere, quàm plus habere.

4 Proprium Religiosorum Regularium eo loco ab Augustino impugnatur in Regula, cum inquit; Quicumq; in tantum malum progressus fuerit, vt occultè ab aliquo litteras, aut munus accipiat: si hoc vltro offert, parcatur illi, & oretur pro eo. Si autem deprehenditur, aut contumaciter, grauius emendetur: vbi Hugo ait; Aliquid occultare, est Ordinem infringere, & sanctum propositum paupertatis. Qui abscondit (inquam) mortaliter peccat, velut alter Giezi, factus sacrilegus. Nisi ergo perniciosum salutis esset proprium, Augustinus non vocaret illud grande malum, grauiusq; puniendum, præsertim ex dono, vel munere, vel proprijs bonis seculi procedens, quid autem dixisset, si ex impia voluntate de bonis communibus quidpiam rapiatur?

5 In Regula proprietas repellitur, vbi August. ait; Vestes vestras sub vno custode habeatis, vel pluribus: ne à tinea lædantur, vbi Hugo, custodi iubet vestes propter duo. primo ne per incuriam à tinea lædantur; secundo, ne frater quispiam illam quam habet vestem, propriam credat si in proprio loco seruaretur, vt in camera, vel in cista eius. Ad exterminandam. n. omnem proprietatem addit, non ad vos pertineat, quòd vobis indumentum pro temporum congruentia proferatur, vtrum illud quod quis deposuerat, an aliud recipiat: neq; conqueratur, deterius se accepisse, quàm posuerat: sed magis probatè, quantùm vobis desit in sancto interiori habitu cordis, qui pro habitu corporis litigatis: Vbi Hugo; Discamus fratres superflua refecare, vt dū quod opus est, non negatur, vltra quam opus sit, à nemine requiratur; superflua quidem

dē est secunda tunica, & perfectioni Religionis Euangelicæ contraria, Mat. 10, & Luc. 9. neq; duas tunicas habeatis. Hæc etiam omnia vehementer confirmat insignis ille Regulæ locus. Sicut pascimini ex vno cellario, sic induamini ex vno vestiario, iubet ergo esse vnum commune cellarium quo ad victum; vnumq; commune vestiario quo ad vestitum. Nec contentus fuit Aug. si commune esset cellarium, vestiario, munera parentum, & amicorum, sed etiam præcipit, communia esse opera singulorum, dicens: Nullus aliquid sibi operetur, sed omnia opera vestra in vnum fiant, maiori alacritate, & studio quàm si vobis ipsis faceretis. Et quantò amplius rem communem, quàm propriam curaueritis, tantò amplius vos noueritis in Religione proficere.

6 Eadem sententia contra proprietatem corroboratur ex illis verbis Regulæ; Congruum est. n. vt qui filijs suis in monasterio constitutis aliam quam contulerint vestem, siue quodlibet aliud inter necessaria deputandum, illud non accipiatur occultè, sed sit in potestate Præpositi, vt in rem communem redactum, cui necessarium fuerit, præbeatur. Maior autem ratio communitatis videtur esse in bonis Ecclesiæ communibus, quàm in ipsorum parentum donarijs, quæ ex proprio eorum processerunt. Ergo si proprium prohibuit in secundis bonis, multò verius in primis. Vbi Hugo in communi, inquit, omnium vita, cuiusmodi est Religionis cōuersatio, nihil licet recipi, nihil occultè retineri: alioqui iam non esset cor vnū, & anima vna, si non essent omnia cōmunia: Vbi autem omnia cōmunia, nulla sunt propria; ergo aut non stas promissis, Voti fragus, aut nihil penes te propriū habes. Cum. n. nihil retinetur proprium, auaritia restringitur, inuidia religatur, & omne fomētum discordiæ aufertur, superfluum refecatur, Charitas vnanimis cōnutritur, & sancta custoditur paupertas, atque dum non licet terrena retinere, cogitur amplius cēlestia cogitare, tractare, diligere. Tanto. n. minus superna diligit quis, quanto magis in infimis delectatur. Idcirco frater, qui munus acceptum celauerit, furti iudicio condemnatur. Imò, vt inquit Hugo, sacrilegio, quasi Iudæ similis proditori. Cum rem communem ecclesiæ de sinu charitatis subtrahit in proprium vsum, ad abiectum seculum retrospicit, & Regulam violat, & votum. In communi fundatores contulerunt, & nisi in communi cum salute retineri non potest. Si obediendum est Præposito, D. August. maximus, & primus Præpositus est post Deum in Regula. Obediendum igitur illi est, cum in tam plurimis locis Regulæ Regularibus filijs suis Canonicis præcepit, omnia habere communia, & in proprio nihil constituēs commune cellarium, & commune vestiario; ex quo petenda sunt vestimenta, & calciamenta. ait. n. Vestimēta, & calciamenta, quando fuerint indigenti-

digētibz necessaria, dare non differant, sub quorū sunt custodia, quā poscuntur. Itaq; tolle proprium de clauſtro, & lampades extinxiſti inuidiæ, luxuriæ, rixæ, auaritiæ, cæterorumq; defeſtuum.

- 7 Vehementer quidem dolendum eſt, qd hoc proprietatis virus quā plurimos infeceſcit, quodq; nemo vetuſtatē abuſuum doleat, vt inquit Gerſon. Verendū igitur eſt, ne illud Matth. 23. in nos contorqueatur. Væ vobis, &c. qui decimatis mentam, anetum, ciminum, & reliquiſtis, quæ grauiora ſunt legis, iudicium, miſericordiam, & fidem. Si in notula cantus, vel in leſione vocabuli titubatur; ſi rumpitur leuiter ſilentium; ſi cæremoniæ non ſeruantur, ſi veſtes indecenter ſint comptæ, ſi in rebus deniq; minimis defeſtus, vel modicus committatur, diligenter corrigitur. Quæ autem maiora ſunt in Regula, vota; tria concernentia, cuiuſmodi ſunt ſuperbia, rancor, comeſſationes, luxuriæ, proprietates, auaritia, prætioſæ veſtes, vaſa argentea, cætera; curioſitates, pro dolor, negliguntur. Huiuſmodi Prælatos Chriſtus loco citato, cæcos, cæcorumq; duces appellat, deglutientes camelum, & culicem excolantes. Lege Gerſonem in opusculo de Proprietate.

- 8 Porro Dionyſius Carthuſ. in opusculo de Reformat. clauſtr. ab art. 8. ad. 18. articulatim, & luculenter Religioſorum proprietatem proſſigat, art. autem, 15. inſignem doct. Theologum Theodoricum de monaſterio, Cancellariū Colonienſem refert, qui in ſuo tract. de Proprietate cap. 6. Sequentes ſtatuit cōcluſiones ad cognoscendum proprietarium. Prima concluſio: Monachus, aut Monialis habens pecuniam, aut aliam rem ſine permiſſione ſui Superioris, proprietarius cēſendus eſt. Secunda concluſio; Perſona Religioſa habens pecuniam, aut aliud peculiū, quod ſuo Superiori occultat, vel occultare proponit, proprietaria eſt cenſenda. Tertia cōcluſio; Perſona Religioſa habens pecuniā, aut aliā rē q̄ non vult dimittere ad requiſitionē ſui Superioris, eſt proprietaria. Quarta cōcluſio: Perſonę Religioſæ cogētes Superiorem ſuū per ſe, aut per alios ad hoc, vt det eis licentiā habēdi peculiū, proprietariæ ſunt dicendæ. Quinta cōcluſio: Superior nō pōt licitè pro libito ſuę volūtatis tradere cōuentualibus ſuis peculiū, ſiue pecuniā, illis præſertim, qui nō habēt adminiſtrationē, ſiue officiū in cōuentu, qd ſine pecunijs exercere nō poſſunt; qm̄ hoc eſt Superiori prohibitū per iura Canonica. Sexta cōcluſio; Qm̄ Superior transgrediēdo Sūmorū Pont. præcepta, & ſtatuta, aſſignat alicui peculiū, ipſe quidē grauiter peccat, & recipiens tale peculiū, ſimiliter peccat, & proprietarius eſt iudicandus: qm̄ habet peculiū cōtra prohibitionē Papę, q̄ eſt ſuper vniuerſos Prælatos. Quas quidē cōcluſiones pbatōnibus deſtitutas reliquit Diony. Carthu. qm̄ eas apud intelligentes, per q̄ notas, & certas eſſe teſtatur.

Quod iure Canonico Religiosis proprietates interdicatur. Cap. xxij

- 1 **I**nterdicam esse Canonicis Regularibus, alijsq; Religiosis proprietatem, multis in locis iura Canonica tradiderunt. Nam Clemens. 4. 1. 2. q. 1. cap. Dilectissimis. Communis, inquit, vita omnibus necessaria est, & maxime his, qui Deo irreprehensibiliter militare cupiunt, & vitam Apostolorum, eorumq; discipulorum imitari volunt, &c. Quapropter hæc vobis cauenda mandamus, & doctrinis, & exemplis Apostolorum obedire præcipimus, ut ab Apostolicis regulis non discedatis, sed communem vitam ducentes adimplere satagatis. Et Urbanus Papa 1. 2. q. 1. cap. Scimus. Sic ait: Quicumq; vestrum vitam communem susceptam habet, & vouit se nil proprium habere; videat, ne pollicitationem suam irritam faciat, sed quod Domino pollicitus est, fideliter custodiat; ne damnationem, sed præmium sibi acquirat.
- 2 Concilium etiam Lateranense in cap. Monachi, de statu Monac. &c. Monachi, inquit, non pretio recipiantur in monasterio, nec peculium permittantur habere. Qui verò peculium habuerit, nisi ab Abbate fuerit ei proiniuncta administratione permissum, a communione removeatur altaris; & qui in extremis cum peculio inuentus fuerit, & dignè non poenituerit, nec oblatio pro eo fiat, nec inter fratres accipiat sepulturam: quod etiam de vniuersis Religiosis præcipimus obseruari. Abbas autem, qui ista diligenter non cauerit, officij sui iacturam se nouerit incursum. Quo in loco cum ait, pro adiuncta administratione, intelliges, ut si fuerit Vestiarius, Eleemosynarius, vel Thesaurarius, vel huiusmodi commune habens officium, deseruiens utilitati communi ecclesiæ: ut sit fidelis, & prudens dispensator, non quærens quæ sua sunt, sed quæ omnium. Ut explicuit Gerson loco citato.
- 3 Clemens 3. ibidem cap. super quodam, sic inquit; Super quodam Canonico Regulari, qui in articulo mortis agens: licet à Priore suo commoitus, proprium, quod contra Regularem latenter habuerat, noluit resignare, & sic diem clausit extremum, & fuit inter alios fratres traditus sepulture; & infra.
- 4 Inquisitioni respondet, quod ille Canonicus non tantum fuit Christiana sepultura priuandus, verum etiam si sine maximo scandalo potuit fieri, de ipsa proluci dignus est ecclesia.
- 5 Hoc autem, cum fortè contigerit, in similibus est agendum.
- 6 Item Innocentius 3. ibidem in cap. cum ad monasterium, ait: Prohibemus, districtè sub attestatione diuini iudicij; ne quis Monachorum proprium aliquo modo possideat: sed si quis aliquid proprium habet, totum

totum incontinenti resignet. Si verò post hoc proprietatem aliquam fuerit deprehensus habere, regulari monitione præmissa, de monasterio expellatur: nec recipiatur ulterius, nisi pœniteat secundùm monasticam disciplinam. Quod si proprietas apud quenquam inuenta fuerit in morte, ipsa cum eo in signum perditionis extra monasterium in sterquilinio subterretur, secundùm quod beatus Gregorius narrat in dialogo, se fecisse. Vnde si quidquam alicui fuerit destinatum, non præsumat illud accipere, sed Abbati, vel Priori, vel Cellario assignetur, &c. Ne zelimet Abbas, quòd super habenda proprietate possit cù aliquo Monacho dispensare: quia abdicatio proprietatis, sicut & custodia castitatis adeò est annexa Regulæ Monachali, vt contra eam nec Summus Pontifex possit licentiam indulgere.

- 7 Huc maximè pertinent, quæ sacrum Concilium Trid. sess. 25. in decreto de Regularibus cap. 1. & 2. explicuit, & sancit de statuenda vita communi, quò ad victum, & vestitum, & de abroganda, eliminandaq; Regularium proprietate. Eandem iniquam proprietatem longè repellit Bened. 12. in Constit. Canonice Regulariù tit. de victualibus, & alijs ministrandis, sic dicens. Institutionibus regularibus inherentes, statuimus, vt Canonici in ecclesijs cathedralibus, monasterijs, siue locis alijs collegiatis. seu conuentualibus dictæ Religionis constituti, consuetudine, seu vsu (quinimo abusu contrario non obstante) in Refectorio comedant in communi: nisi in casibus, in quibus, & prout eisdem licitum est, seu permissum, extra Refectoriù comedere secundùm regularia, & canonica instituta. Prouiso quod illi, quibus incumbit onus prouidendi de victu, Canonicis eisdem prouideant sufficienter, & decenter, nò in pecunia; sed in victualibus: prout cuilibet opus erit. De qua sufficientia, & decencia victualium tractetur: & si expedierit, ordinetur in Capitulo annali; decernentes, quòd si qui redditus, vel pensiones alicui ex Canonicis singulariter hæcenus pro victualibus fuerint assignati, nullatenus dimittantur eidem. Nos enim assignationes huiusmodi reuocamus, & pro reuocatis haberi volumus, & eas fieri deinceps prohibemus.

- 8 Considera obiter pensiones, seu portiones diuisas, vel assignatas clauari, & reprobari à summo Pontifice. Deinde subiungitur. Illi quoque quibus incumbit onus de vestimentis, calciamentis, & alijs corporis indumentis necessarijs dictis Canonicis prouidendi, eisdem prouideant sufficienter, & decenter, & tempore congruo iuxta suppetentiam facultatum, & conditionem, seu qualitatē regionis; & illud, quòd dandum erit singulis pro vestimentis, & alijs prædictis, ordinent, & taxent, si opus fuerit, in annali Capitulo memorato.

Quæ quidem taxatio non est intelligenda in pecunijs dandis cuilibet sigillatim, sed potius secundum litteram Regulæ Magistro vestiarij, qui debet ista providere in cõmuni pro omnibus illis, vel illis, quibus incumbit onus de vestiarijs, & calciamētis, & cæteris. Nam distributa cuilibet pòrtione pecuniæ, vt quispiam fortè falsò opinari possit, sequitur, nulli incumbere onus ista providendi in communi pro singulis. Quem locũ in hunc modum interpretatur Gerson in opus. de proprietate l. par. propè finem.

Postremò idem Pontifex Bened. in tit. de Canonicis, & Conuersis proprietarijs, & negociatoribus hanc rem enodauit dicens: Licet cõtra Religiosos proprietarios sit prouisum per canonicas sanctiones, tamò specialius providere volētes contra illos Canonicos, & Cõnversos dictæ Religionis; qui suæ salutis oblitis cõtra regulares, & canonicas institutiones, pecuniã congregant, iura, possessiones, seu census annuos, & alia bona emunt, seu emi faciunt, aliquando proprio, & sæpe nomine alieno, multis super hijs figmentis adhibitis, alijsq; tradunt animalia nutrienda eorum nomine, seu pro ipsis, & alijs multos contractus diuersimode tabquàm negociatores exercent; necnon appetentes, & sectantes lucra turpia, peculium occultant, & illicitè detinent in suarum periculum animarum; decernimus omnia præmissa (quæ tamen restitutioni non subiaceant aliorum) ne dum post obitum: sed etiam in vita ipsorum Canonicoꝝ, & Conuersoꝝ fore administrationi, ad quam pertinuerint, applicanda, quacunque consuetudine contraria non obstante: quodq; nulli Canonico, vel Conuerso talia faciendi licentia à quoquàm valeat indulgeri; & quòd præfati Canonici, & Cõuersi prædicta committentes, & quæcunq; Religionis eiusdem supradicta retinentes, aut sibi ipsis appropriantes, vel applicationi huiusmodi resistens, vel impedimentum publicè, vel occultè eidem præstantes, seu præstari procurantes, vel dictũ peculium habentes, & non reuelantes Prælatis proprijs; si per eosdem prælatos specialiter, & nominatim moniti, infra mensem post monitionem huiusmodi immediate sequentem, à prædictis non destiterint, vel peculium non reuelauerint, & restituerint, si restituendi facultatem habuerint, sint eo ipso inhabiles ad Prioratus, officium, administrationem, & beneficia quælibet in Religione huiusmodi obtinenda. Concedimus tamen, quòd cum talibus Canonicis, seu Conuersis Antistites, Abbates, Præpositi, & alij Prælati eorum immediati, possint super inhabilitate huiusmodi dispensare, quando eis videbitur expedire, dummodo à prædictis destiterint: & peculium, & alia supradicta reuelauerint, & restituerint, vt præfertur. Teneantur insuper Prælati, & Superiores præfati in suis annu-

libus

libus capitulis monere generaliter annuatim omnes proprietarios, ut ab omnibus supradictis desistant excessibus, & peculium, si quod habent, reuelent, & restituere non postponant.

- 11 Aduerte hic excogitatas fraudes proprietariorum à Bened. 12. p. spicue detectas. Recte quidem hac in re Dionys. Carthus. in opusculo de reformatione Monialium art. 9. philosophatur dicens: Quid iucundius, suauiusq; pace pectoris, tranquillitate metis in Deo, securitate conscientiae bonae, omni sollicitudine temporalium rerum carere, absq; propria occupatione sufficientiam victus, & vestitus habere, pacifice conuersari, à Deo visitari, illuminari, accendi, & consolari meditationibus sanctis, & contemplationi Dei sincere vacare, lectionibus, orationibus, & psalmodijs ex Charitatis seruire assidue occupari.
- 12 Demum aduersariorum argumenta diluenda sunt. Diligenti ergo mentis acie adnotandum est, nec consuetudinem contrariam multis in locis à pluribus annis, à magnisq; viris obseruatam, ne latum quidem vnguè excusare, sed potius aggravare. Si. n. ex Innoc. 3. nec Sumus Pont. nec Abbas, nec Capitulum Prouin. iure potest hic indulgentiam præstare, prauam consuetudinem contra vota Deo facta quid existimas valituram? Id quod, & Conc. Trid. loco citato asseuerauit dicens; Cum cõpertum sit ab eis, idest à superioribus non posse ea, quæ ad substantiam Regularis vitæ pertinent, relaxari. Si. n. illa, quæ bases sunt, & fundamenta totius Regularis disciplinae, exactè non fuerint conseruata, totum corruat ædificium necesse est. Sic igitur duo priora argumenta aduersæ partis, quæ ab inueterata consuetudine, & annualium, & Prouincialium Capitulorum dispensatione sumuntur, diluuntur.
- 13 Tertio obijciunt, traditionem illam clauium quolibet anno in manu Superioris fieri solitam, excusare. Sanè obiectio hæc abusus est, Deum irridens, ut ait Paulus ad Galat. 6. solum igitur, ut ait Gerson, licitum est illis, & permissum clauis Abbati vel superiori referre, qui habet administrationem: quales sunt Magister vestiarij, Thesaurarius, Cellarius, aut Eleemosynarius, in signum subiectionis, & administrationis. Deluditur autem veritas, dum clauis Abbati Canonici referunt, sed quæ sub clauis concluduntur, & opere, & affectu retinent. Repone igitur o Canonice, quod non tuum, sed omnium est in communi, neq; clauem deferas, qui clauem habere non debes.
- 14 Quarto obijciunt, uo esse proprium censendum quod ad nutum Abbatibus manet, quoties reuocare voluerit. At verò neq; Religiosus retinere, aut seruare potest peculium, nisi pro administratione officij, nec Abbas cum eo dispensare potest. Fera seuior est leone, proprietas Prælati licentia contecta, simulata enim æquitas, duplex est iniquitas.

15 Quinto obijciunt, dicentes, proprium nō esse custodire aliquid pro necessitatibus secretis, potissimum infirmitatis, & pro festiuandis, & suscipiendis amicis. Sed iam hæc curauit August. in Regula. ægrotantium. n. cura, siue post agritudinem imbecillitate laborantium, vni alicui est iniungenda, vt de cellario petat, quod cuiq; opus esse prospexerit. Quod si Religio ferueat, ardebit etiam in ægrotos Canonicorū Charitas. Quod verò ad amicos attinet; dicendum in Ordine Augustini hospitalitatem esse institutam, cuius rei indicium est, vnicuique domui huius Ordinis hospitale adiunctum. Prouidus etiam Canonicus, eloquens, & discretus est eligendus, qui probè nouerit amicos, & Ecclesiæ benefactores benignè suscipere iuxta domus cuiusq; facultatem. Sed nec adeò utilis esse solet Religiosis; qui mundum relinquunt, conuersatio frequens, visitatioq; amicorum carnalium. Qui non relinquit (inquit) Christus, patrem, & matrem, & amicos, &c. non potest meus esse discipulus.

16 Sexto opponunt vtilitatem; nā paucioribus Ecclesiæ expensis prouidetur de Vestiario, Calciario, Medicamentis, alijsq; ad victum pertinentibus, si cuiq; detur pecuniæ portio, quàm si ex cōmunitate hæc omnia conferantur. Quibustamen respondendum est, id verum non esse, vt Gerson loco citato ait; sed insignem continere falsitatem: si cura, & diligentia, atq; fidelitas in gubernando, distribuendoq; adhibeatur. Id etiam asserit Diony. Cartus. in tractatulo de reforma. Monialiu art. 9. dicens; Moniales in cōmuni viuentes sufficientiorē refectiōnē habere, quàm illas, quæ propria habēt, & præparāt sibi. Quāuis verò res ita se haberet, attamen propter commodum temporale, non est votum frangendum, nec Religio violanda. Temporalia bona inferuiant Religioni, Religio verò lucro temporali famulari nō debet. Mala nanq; facienda non sunt, vt eueniant bona. Præposterus esset ordo, si vota paruo lucro, aut etiam magno postponerentur. Siquidem fieret, vt solem vermibus nocte lucentibus; aurum & gemmas carbonibus: temporalia bona animæ bonis anteferes, & commutares. Minor quoq; est occupatio, si vnus pro omnibus sollicitudinem gerat, vt Augustino placuit, quàm si singuli pro se curam gerant. Quod si adhuc id negare contendās; dicam, minus esse malum, occupationem, quàm Regulæ, votiq; transgressionem, si proprietas retineatur. Et quæ de Vestiario tradidimus, eadem, & eisdem causis de Cellario, quo ad diuisas portiones in pecunia, & alijs victualibus intelligenda esse censuit Gerson loco citato ad 9. argumentum.

*De prohibitione eiusdem proprietatis ex recentioribus Concilijs
Prouincialibus. Cap. xxij.*



- 1 **C**oncilia prouincialia Religiosorum proprietatem vehementer oderunt. Quare Conc. prouinciale Oxoniense Anglicanum per Stephanum Archiepisc. editum sic ait: Decernimus, ut tam Monachi, quam Canonici Regulares, & Moniales in vno Dormitorio pariter dormiant, & quiescant, singulis personis singulis lectis assignatis. Et vno Refectorio simul edant: nec per se cuilibet, sed communiter omnibus victualia præparentur. Nec singulis eorum denarij pro vestibus tribuantur. Sed talia per certas personas ad hæc deputatas, puta Camerarios, ut facultas domus sustinuerit, eis indumenta ministrent. Et cum eis noua tradita sunt, vetera ab eis recipiatur: quæ in vsus pauperum, vel alias necessitates, de consilio Abbatis, vel Prioris, Abbatissæ, vel Priorissæ conuertantur. Camerario autem, vel Camerariæ non liceat aliquid recipere, alioquin Camerarius ab officio deponatur. Rursus idem Concilium. Quoniam non licet viris Religiosis aliquid proprium possidere, qui se, & sua pariter in ipso Religionis ingressu Domino dedicarunt; præsentî auctoritate definimus, ut nulla persona in Regulari Ordine constituta, condere testamentum præsumat. Cum nihil habeat suum temporale, quod transferre valeat in dominiû alienû. Item nec Monachus, nec Canonicus ecclesiâ, vel monasterium, vel quodlibet prædium ecclesiæ suæ audeat retinere ad firmam.
- 2 Concilium quoque Colonienſe sub Conrado Archiepisc. anno 1260. celebratû tit. De Monachis, & eorum cõuersione, & vita, cap. 3. sic inquit. Item statuimus, quod Monachi proprium non habeant, secundum quod regula eorum præcipit, nisi quod Abbas dederit, aut permiserit; & quod pariter victum, & vestitum percipiant de communi per sui administrationem Abbatis; ut nullus Monachorum causeatur de qualitate, seu quantitate victus, & vestitus; sed omnia ipsis administrantur, secundum quod monasteriorum suorum suppetunt facultates, & prout Regula hoc exposcit.
- 3 Rursus idem cap. 11. ait; Statuimus, quod Abbates excommunicationis sententiâ in proprietarios, semel in anno, scilicet sabbato proximo ante dominicam Lætare, solenniter in Capitulo publicent, & si post aliquis inuentus fuerit habere proprium, secundum Regulam punietur. Sisfridus etiam Archiepisc. Colon. simili iure tit. de stat. clauſt. & religiosorum cap. 3. de communi mensa, & proprio interdicto. Inquit; In Refectorio omnes comedant, sed nõ carnes, nec extra, nisi

nisi in infirmaria. Vna sit omnibus coquina, & communis cibus, nisi de licentia Abbatis, vel Prioris, & ex causa, &c. Et sub pœna excommunicationis latæ sententiæ præcipimus ab omnibus tam Monachis, quàm Monialibus firmiter obseruari, vt proprium non habeant, nec pecuniâ, nisi cui hoc permittitur ex ratione officij, vel administrationis sibi commissæ per Abbatem. Item officia, vel administrationes habentes, contractus non ineant; locationes, emptiones, venditiones, & alienationes quaruncunque rerum mobilium, vel immobilium nõ faciant; mutuum aliquatenus non recipiant à quocunq; præter scitum, & consensum Abbatis, & Cõuentus. Et si contra fecerint, sciant contractum huiusmodi non valere, sed sententiam excommunicationis etiam in eos in hoc casu à nobis latam in his scriptis se nouerint incurrisse. Et hæc eadẽ extendi volumus ad Prælatos, & Canonicos Regulares, & Præmōstratenses, & alios quoslibet Religiosos. Hactenus Sifridus. Hic aduerte, statuta prædicta Cōradi, & Sifridi auctoritate Apostolica fuisse confirmata à Nicolao Cusano Cardinale in Cōcilio prouinciali Coloniz celebrato anno 1452. Quæ etiam extendit ad Canonicos Regulares.

4 Concilium aliud Coloniense sub Henrico Archiepisc. anno 1310. celebratum cap. 28. tit. de Monachis, & Monialibus sic definit. Si qui etiam Monachi, vel Sanctimoniales beatorum Benedicti, & Augustini Ordinũ, præter Superioris licentiã bona mobilia apud se, vel apud alios in deposito, negotiationis, aut alia de causa habuerint, illa suo Superiori, & Conuentui resignent, & eisdem ad cautelam quolibet anno intra quindenam ante festum Paschæ intiment, specificent, reuelent, & demonstrent, & ad manus eiusdẽ Superioris Abbatis in presentia conuentus resignent penitus, atq; tradat. Monachi, & moniales contrariũ faciẽtes, seu qui bona huiusmodi dolo desierint possidere, excommunicentur, & puniantur secundum statuta. Et quicunque alij vtriusque sexus homines præfata bona sub quouis nomine sub se habuerint, tales nisi eadem bona intra mensem simili modo ad manus Superioris eiusdem Monachi, vel Monialis reportent, & resignent, excommunicationis volumus sententiam incurrere eo facto.

5 Huius adeò celebratæ excommunicationis contra Religiosos proprietarios prolata non semel meminerunt nonnulli doctores, dum in sacris concionibus editis in proprietarios inuehuntur.

6 Percelebre quoque Concilium prouinc. Mediolanensis sub Carolo Borromæo Cardinale anno 1567. celebratum par. 3. tit. de cõmunitatẽ vsu, ac de proprietate tollenda. (Hic enim idem titulus etiam Canonicis Regularibus, & reliquis Religiosis mirum in modum conuenit,

nit, & adaptatur, propter eandem causam, & obligationem) sic ait de Monialibus loquens. In omnibus, inquit, monasterijs quod ad cibum, potum, somnum, vestitum, ceterasq; res attinet, omnes cōmuniter uiuant, vt à sacro Trid. Conc. decretum est. Neq; quidquam inter eas differat, aut alia alij præferatur, aut posthabeatur, quemadmodū votum paupertatis postulat: vt tuum, & meum, atque omnis priuata rerum possessio, & re, & verbo omnino tollatur, omnis etiam superuacaneus, & inanis rerum vsus, neq; vlla sit, quæ quidquam possideat, aut adhibeat vt proprium, etiam si ad necessitatem concessum sit. Omnes itaq; monasterij proventus cuiuscunque generis sint, eleemosynæ etiam, & quæstus ex laboribus, libelli præterea, legata, & bona mobilia, quæ testamento relicta, & quæ donationis, vel alia quauis causa obtinuerint, à singulis Monialibus ad communem Monasterij vtilitatem conferantur. Præfecta verò pro sua prudentia, & humanitate ex illis ipsis bonis eius necessitati potissimum consulat, ad quam pertinerent, nisi obstaret paupertatis votum.

- 7 - Vtq; omnis proprietatis occasio tollatur de monasterijs, Confessores, ac Præfectæ, voti paupertatis accuratius seruandi gratia, Monialibus suadere studebunt, vt curēt oēs vestes lineas, lanceas, vel pelliceas, aut cuiusuis generis in cōmuni loco asseruādas: duasq; ex monialibus quo tempore mutantur officia, ijs excutiendis, purgandis, & sarciedis præficiendas; quæ etiam sororibus in singulas hebdomadas pro tempore, & vt vsus feret, eas distribuunt, nullaq; vestes apud se habeat præter eas, quæ ad quotidianum vsum sunt necessariæ; ægrotarum verò vestes contagionis nomine suspectæ, separatim custodiātur, aut apud illas ipse relinquantur. Dona, quæ singulis mittantur, ad Præfectam adferantur, nec vlla possit illa accipere, aut ad vsum adhibere, nisi sciēte, & cōsentiente Præfecta; quæ in id omnino incumbere debet, vt ex monasterio vitium proprietatis, tanquā multorum malorū causam, euellat; neq; cuiquā permittat, vt pecuniam apud se habeat. Ter autem in singulos annos Præfecta vnā cū discretis, cellas, & suppellectilē singularum Monialium diligenter inquirat, & scrutetur; ne vlla quidquā habeat proprii, aut plusquam quantum ei ad suum vsum cōcessum fuerit. Quod si quæ proprii aliquid tenere deprehensa, aut conuicta fuerit, ea biennio actiua, & passiva voce priuata sit ex Trid. Concilij decreto, atq; etiam iuxta suæ Regulæ, & Ordinis Constit. puniatur. Multoq; magis, quæ ex communi, aut ex eo, quod alicuius vsui tributum sit, furtim sibi aliquid vendicauerit. Si præterea speculum, cæxellus, vnguenta, aut sumentia, & huiusmodi inanium rerum quidquā apud aliquam repertum fuerit, Superior statim id è monasterio auferen-

aufferendum; & eam, apud quam inuentum fuerit, acriter puniendam curabit. Monialis, siue velata, siue conuersa sit, eleemosynam dare, largiri, aut vendere excultas res, vestes, aut bona cuiusvis generis sint, etiam si ad vsum ei attributa sint, aut etiam legare omnino non possit. Quæ secus fecerit, velum ei per mensem adimatur, ac ter se verberibus ad disciplinam affligere cogatur. In quo tamen integrum sit Præfectæ concedere facultatem cui concedi debere iudicarit, aliquid deuotionis, ac religionis causa, vel aliud exiguum elargiendi propinquis, aut bene merentibus.

8 His consonat Conc. Prou. Sipontinum sub Ptolomæo Gallio Cardinale, & Archiepiscopo tit. de monasterijs; vt autem, inquit, tam viris, quam regularibus sceminis malorum occasio auferatur, Superioribus omnibus sancta Synodus præcipit, vt omni studio incumbant, ne eorû subditi, subditæue, commercia aliqua ineant, vel admittant, quorum familiaritate castitatis votum in aliquo periculo constitutur. Atque, vt Deo paupertatis, & obedientiæ votum perpetuum esse possit; præcipitur, ac mandatur, ne quis pecuniam, aut aliud quidquam, priuati cõmodi causa possideat, aut ea utatur, nisi suorû Superiorû benedictione illud ei fuerit concessû: nec propriâ in aliqua re voluntatem faciat.

9 His similia tradit Concilium Prou. Cameracense sub Maximiliano Archiepisc. tit. de monasterijs cap. 9. 10. & 11: dicens: Cum sacrosancta Synodus Trid. & ecumenica præceperit, ea quæ ad communem vitam, victum, & vestitum conseruanda pertinent, fideliter obseruari; mādāt hæc Synodus omnibus Monachis, & Monialibus, Religiosisq; , vt diligentiſsimè paupertatis votum, tanquàm ineffabilis cuiusdam, & dulcissimæ quietis causam, custodiant; neq; proprietatis vitio violent. Caveant igitur, ne quid pecuniæ, aut alterius rei sibi ita retineant, vel retinere desiderant, vt communitati nolint esse commune; neue ad pecuniarum vsus eo utantur sine Superioris consensu. Vt autem huic pestifero vitio obuiam eatur; mādāt sancta Synodus omnibus omnium Ordinum Superioribus, ne subditis pecuniam pro quocunq; cibo, vel potu, siue vestimentis, & quibuscumq; necessarijs ministrēt; sed victus omnis, potus, ac vestitus, & quicquid necessarium fuerit, decenter, & prout ratio postulat, eis porrigatur. Rescindant insuper Superiores, & aboleant prorsus vniuersa illa emolumenta, & iura, quæ antiquo more quibusdam monasteriorû officialibus concedi solebant. Breuiter omnis illa pecunia, vel res, quam Monachus, vel Monialis acquirere, siue labore, siue industria, siue amicorum liberalitate, seu denique qualibet alia occasione possit, Superiori mox tradatur: ita vt ad nutum eius, tanquàm res communis expendatur. Et quo hæc omnia facilius, diligē-

tius, necnon absque tardio queant obseruari; præcipit sancta Synodus cunctis cunctorum monasteriorum sexus vtriusq; Superioribus; quatenus secundum Regulam, ac maiorum instituta, benigne, necnon placide subministrant omnia in vniuersum, quæ suis subditis necessaria fuerint, & conuenientia: ne infirmioribus præbeant ansam detrimenti, votæ paupertatis valde grauidi, non nihil congerendi, & apud se retinendi. In qua quidem re si negligentiores extiterint, admoniti, à suo Superiore omnino compellantur.

De rerum vsu Religiosis permisso ex varijs Doctõibus. Cap. xxiiij.



Nodus est non facilis explicatu, quin potius ambiguitatibus plenus, apud ipsos etiam graues Doctores, quibus casibus iure, ac ritè rerum vsus Religiosis permittatur. Vt ergo aliquantulam huic negotio, alioqui obscuro lucem adhibeamus, dictiones quasdam rei propositæ maxime conuenientes interpretemur. Dominium rei, vt viri docti docuerunt, non quodcunq; ius, & potestatem significat, sed illam, quæ est in rem, qua vti pro libito nostro possumus in nostram propriam vtilitatem, & quam propter nos ipsos diligimus, itaq; dominium est propria cuiusq; facultas, & ius in rem, quam in suum ipsius commodum vsurpare potest. Diximus autem vniuersaliter quencunq; vsum, vt distinguatur dominium ab vsu, & vsufructu. Est. n. dominium facultas non solum vtendi, fruendiq; rei; verum & ipsam distrahendi, donandi, vendendi, negligendi. &c. Veruntamen adhibitus est modus, vt vsus ille sit lege permixtus ad dissoluendam obiectionem, qua quis tentaret infirmare definitionem. Enimuerò pupillus ante ætatem legitimam dominium habet suarum rerum; quibus tamen potiundi liberam facultatem non habet, cum ea bona neq; donare, neque vendere valeat: lege enim humana prohibetur illa dilapidare.

2 Ex hac constituta definitione domini colligitur differentia inter dominium, & vsum, atq; vsumfructum. Dominium. n. est facultas in substantiam rei; vsusfructus verò non nisi in eius qualitatem, & accidentia; in substantiam inquam rei, quæ si est vsu consumptibilis, velut cibus, & vestitus, potest eam dominus consumere. Sin minus, potest illam donare, & vendere; vt domum, & seruum: quin verò & occidere, vt pecudem. At verò vsusfructus est ius alienis vtendi, ac fruendi rebus, saluæ eorum substantia. Nam, qui habet vsumfructum agri, vel hortorum, potest non solum fructus edere, verum etiam & vendere. Quin verò & agrum alteri locare. Nudus autem vsus est ius rebus alienis vtendi, saluæ eorum substantia, non tamen fruendi; minus. n. iuris est in vsu, quam in vsu-

in usufructu. Fruitur namq; ille re, qui in fructus habet plenā potestatem: quos scilicet nō solū edere, verum quomocunq; alienare potest. Vtitur autem, cui tantū fructibus vesci licet, vel sua alere armēta. Non tamen illos aliter distrahere: vt qui habet nudum vsum agri potest illuc intrare, comedere poma, & pecudes pascere: vendere tamen fructus, aut locare non potest. Quapropter in vtraq; definitione dictū est, alienis rebus: quoniam verus dominus non dicitur vsuarius, aut usufructuarius. Quare vsuarius, nihil capere potest, prāterquā ad suam necessitatem, nec aliquid donare potest. Sed usufructuarius vltra suā necessitatem, potest residuum illius usufructus pro suo arbitratu donare, & relinquere in vita, & morte licitē suos fructus, cuiusque voluerit, sine vllō paupertatis, aut pietatis intuitu, ob solam amicitia, cognationem, aut liberalitatem: quoniam ipsorum fructuum rei dominus est. Consule Dominicum Sotum lib. 4. de Iust. & iu. q. 1. art. 1. & Martinum Azpilcuetam in tract. de redditibus beneficiorum ecclesiasticorum. q. 1. num. 20.

3 Iuxta doctrinam ab scriptoribus traditam in cap. Cum ad monasterium, de statu Monac. &c. apud religiosos proprium illud dicitur, quod celatur Abbati, seu alij suo Prælato, vel tenetur contra voluntatem Prælati. Dicitur autem proprium, quasi priuatum, atq; à communitate separatum, & dominium vsurpatum. Quare si quidpiam ignorante, atq; inscio Prælato, à Religioso tenetur, non explicata quantitate, & qualitate; vel si aliquid absq; Prælati scientia, & cognitione acceperit, acceptumq; expenderit, aut occultauerit, id totum propriū censetur; siue igitur mobile fuerit, siue immobile, siue exiguum, vel magnum; imò etiam quantitas, & qualitas, quæcunq; fuerit, vniuersa ipsi Prælato absq; dolo, & fūco sunt propalanda. Alioqui proprium existimabitur. Maxime verò si Religiosus paratus non sit ad Prælati libitū, & requisitionem cuncta tradere, & reponere. Quamvis verò peculium esse dicatur pusilla substantia, vel pecunia separata à rebus, & rationi patris, vel domini data, vel permissa filio, vel seruo, nō ineptè proprium Religiosorum peculium sæpè vocatur, proprij; legibus diiudicandum est; nam & Monachus seruo comparatur.

4 Perdoctē annotauit Humbertus in Regulam Aug. propè exordium; duplicem esse vsum in Religioso considerandum; & certum, & incertū. Certus vsus est, si Religioso Prælatus facultatem concedat in vsum aliquius rei, non solū ad propriam necessitatem, sed ad libitum; qui. s. vsus auferri non possit. Incertus verò vsus est ille, qui semper in Superioris voluntate, potestateq; remaneat, vt ei auferatur, cum Superiori placuerit. Nullus igitur Prælatus Religiosorum potest alicui subdito

- vsu rei certum elargiri. Nempe vt Religiosus quidpiam habeat simpliciter in suo dominio, possitq; facere quidquid velit, absq; Superioris voluntate, ac omnino propria auctoritate, vt ad suum libitum illud distrahat, dissipet, & disperdat, vt sibi videbitur, aliquando etiam in damnum monasterij. Siquidem necesse est, vt voluntas Religiosi semper suo Prælato subdatur, subditaq; perseueret; vt libenti, promptoq; animo quæ apud se retinet, Superiori suo resignet, & tradat, eaq; semper habeat animi præparationem. Caterum potest Prælatus vsu rei incertum tradere religioso ex causa rationabili, vt si utilitas iusta, atq; necessitas id postulauerint. Caueat autem Prælatus, ne in dispensando nimis se facilem præbeat. Non. n. qualescunque necessitates, utilitatesq; legitimæ censendæ sunt, sed quæ per quam rationabiles, atq; euidentes extiterint: vt in rebus necessarijs quotidianis victus, atque vestitus, & in utilitatibus circa pertinentia ad salutem animæ. Quod si fortè laxior fuerit in dispensando Prælatus, statim nō pauca mala scaturient: vt species mali, quæ sanè fugienda est; deinde conscientia periculum. Facile. n. fingitur causa, vbi nulla est, aut per exiguā, mentiturq; sibi iniquitas, dispensationem petēs. Demū sequela mali exēpli. Trahitur. n. facilè dispensatio alicui iusta de causa facta in consequentiā, vt illi dispensandum sit, cui nec iusta, nec decens subest causa. Quod n. alterius exemplo fit, omnes iure fieri putant. Cū igitur hæc res periculosa sit, inuidiaq; & exēpli mali causa, cautè à Prælato fugienda est.
- 5 Addubitabis tamen, an Religiosus ille, qui absq; rationabili causa dispensationem à suo Superiore, aut obtinuit, aut extorsit ad peculiū, seu proprium habendum, iuxta redditam explanationem, à vitio proprietatis excusetur, si animū habeat resignandi, cum fuerit requisitus? Respondeo ex doctorum sententia, excusari quidem eum à vitio proprietatis, sed non à peccato. Imò peccat tam dispensans, quam dispensationem recipiens. Dispensans quidem, peccato abusus potestatis. s. infidelitatis, vel iniustitiæ; quæ tamen potestas data est ei nō ad destructionem, sed in ædificationem; ipse vero ea abutitur in destructionē; adde etiam quod huiusmodi Prælatus ouem suam exponit mōrti, monasterio damnum infert, vsurpatq; potestatem, quam non habet. Recipiens verò peccat peccato auaritiæ, quia retinet absque rationabili causa rem aliquam, vt alia prætermittamus.
- 6 Hinc unicuique cordato manifestum fiet, non absque magno periculo quosdam Religiosos decipi, sibi persuasum habentes, sufficere, valereq; ad habenda multa, quæ sibi necessaria non sunt dispensationem, siue licentiam suorum Prælatorum. Cum. n. dispensatio dicatur, prouida iuris communis relaxatio, utilitate, siue necessitate pensata, necesse est, vt

est, vt in dispensatione ratio mouens ad dispensandum, vera sit necessitas, verâq; vtilitas. Alioqui enim professio exhibita, obseruantia regularis, statutorum custodia, sanctus iuris communis rigor, ac demum ipsa Regula, franguntur, dissipantur, pereunt, & abolentur.

7. Procuratores, Custodes, & Administratores bonorū monasterij, tenentur quidē bona monasterij conseruare, augere, ac meliorare. At vero imminuere, deperdere, aut deteriorare qua ratione, quouē iure poterunt. Carpiuntur merito huiusmodi Procuratores, ac Sindici; qui monasterij bona vendunt, donant, cōmutant, dissipant, atque disperdunt, asseuerantes se id licitè facere, quod suorū maiorū facultate hac in re vtantur. Magna quoq; abusio est, vt Religiosi pro officijs sibi iniunctis salaria recipiant. Cum oīa eorū opera, atq; etiā volūtates Prælatorum sint. Summo igitur studio, & Superior, & subditi Religiosi in id incumbere debent, vt vita communis in monasterio exacte seruetur: alioqui periculoso statu conuiuiunt, & conuoluuntur. Præsertim si seruandæ cōmunitati, cum attentatur, aut introducitur, resisterint; cum possent sufficienter admodum ali, sanent. n. rei, quæ Religionem labefactat, & destruit. Sed vulnus lethale hic latet, quod abūdere volunt, ac de suis suō modo facere, suoq; viuere modo, vitamq; penē secularem viuere, ac in malo statu perseuerare, audacter contendunt.

8. Postremo locō admonendus est Prælatus, vt has tres Régulas semper ob oculos habeat. Prima est illa vulgata in cap. Cum ad monasterium, de sta. Monac. & Canon. Reg. propē finem; Nec æstimet Abbas, quod super habenda proprietate possit cum aliquo Monacho dispensare, quia abdicatio proprietatis, sicut & custodia castitatis, adeo est adnexa Regulæ monachali, vt contra eam nec Summus Pont. possit licentiam indulgere. Secunda Regula est Conc. Trind. cap. i. de Regularibus: Cum compertum sit ab eis, idest à Superioribus non posse eas, quæ ad substantiam regularis vitæ pertinent relaxari. Proprietatis autem abdicatio, vota paupertatis comprehensa, ad regularis vitæ substantiam maximè pertinet. Tertia Regula est eiusdem Concilij ibidē cap. 2. Nec deinceps liceat Superioribus bona stabilia alicui Regulari concedere, etiam ad vsum fructum, vel vsum, administrationē, aut commendam. Et paucis interiectis, subditur: mobilium verò vsum ita Superiores permittant, vt eorum suppellex statui paupertatis, quā professi sunt, conueniat: nihilq; superflui in ea sit: nihil etiā, qd sit necessariū, eis denegetur. De hoc vsu rerū Religiosis permissio per lege Anto. Flor. 3. par. tit. 16. cap. 1. §. 11. & Hübertū in Regulā Augus. cap. 2. & Cardinalem Turrecre. super decretū. 12. q. 1. cap. non dicatis. Et Siluestrū in verbo Religio. 6. q. 7. qui etiā nō paucos iuris canonici doctores citat.

De grauitate, & pœnis peccati proprietatis. Cap. xxv.

IX superioribus fit manifesta peccati proprietatis grauitas; primò ex multitudine iniquitatis, quàm proprietarius committit. Proprietarius. n. fur est, & domus eius spelunca latronū, sepè quoq; est sacrilegus. Deinde proditor est in Deum contra promissionem factam, & in proximū; quia fratres suos defraudat bonis illis, quæ sibi appropriat. Item mendax est Spiritui sancto, similis Ananiæ, cui Act. 5. cap. Petrus dixit. Cur tentauit sathanas cor tuum? mentiri te Spiritui sancto, non es mentitus hominibus, sed Deo. Proprietarius quoque de bonitate, & benignitate Dei, utcunq; male sentit; credēs, quod si Deo ad eius uoluntatem pauper seruiert, ipse sit permissurus eum fame perire. Idcirco. n. proprietatis loculos conficit; quasi Deus non possit parare mensam in deserto, uiderimusq; aliquando iustum derelictum, aut semen eius quærens panem.

2 Grauitas huius peccati ostēditur ex grauib; pœnis, quibus animaduertitur. Primum quidem Iosue. 7. cap. punitum legitur in veteri testamento in Achor, qui furatus fuerat de anathemate Hierico, in figuram proprietariorum, qui lapidatus fuit, & omnia quæ eius erant, igne consumpta fuerunt. Secundo, in nouo testamento in Anania, & Saphira. Qui quoniam de eo, quod commune esse debebat, sibi modicum retinuerunt, ad uerbum B. Petri morte subita sunt perempti, factusq; est timor magnus in uniuersa Ecclesia, ut Act. 5. legimus. Tercio, ex B. Gregorio lib. 4. dialogorum, qui præcepit proprietariū quandam in sterquilinio sepeliri, dicētib; fratribus omnib; pecunia tua tecum sit in perditionem. Quarto, ex cap. Cum ad monasteriū de sta. Monach. &c. Vbi post præmissam admonitionem, proprietarius de monasterio expellendus est, nec recipiendus ulterius, nisi secundum monasticam disciplinam pœnuerit: & in morte cum proprio deprehensus, in sterquilinio sepeliendus. Et in cap. Monachi, de stat. Monach. &c. Proprietarius à communione remouetur altaris; & si in extremis cum peculio inuentus fuerit absque digna pœnitudo; nec oblatio pro eo fieri debet, nec inter fratres accipit sepulturam. Item furti iudicio, & pœna ab Augustino in Regula plectitur. Et à Conc. Trid. sess. 25. in decreto de Regularibus cap. 2. Sic decernitur aduersus proprietarium. Quod si quis aliter quidquam tenere deprehensus, aut conuictus fuerit: is biennio actiua, & passiua voce priuatus sit, atq; etiam iuxta suæ Regulæ, & Ordinis Constitutiones puniatur. Imò Constitutiones quarundam Ecclesiarum huius Ordinis, proprietarios, qui pecuniam, aut alia

alia quæcunq; bona, etiam animalia, aut greges extra monasteriū suū in alio quocunq; loco, etiam apud consanguineos, aut monasterio cōmiserint, aut occultauerint, si erratum emendauerint, pœnā vnus quantenā iuxta morem solitum. Si verò crimen negauerint, & postea conuicti fuerint, latronum pœnis ad Prioris arbitrium punire iubent. Et si contumaces fuerint, in quadagesima sunt excommunicandi. Sed & Bened. 12. loco superius citato, pœnā inhabilitatis ad futura beneficia obtinēda ipsis proprietarijs iniunxit. Commemorauimus etiā superius ex aliquot Concilijs prouincialibus excommunicationē, quæ in quadagesima, aut in sabbatho ante dominicā Latere, aut sabbatho ante dominicā in Passione, in proprietarios singulis annis promulgabatur. Magno igitur studio Prælati incumbāt, vt hoc teterrimū proprietatis viciū a Religiosis expellant. Quod fundamentum Religionis, nempe paupertatem detrahat, viam perfectionis tollat, & pacem, quæ præcipuum est Religionis bonum, auferat.

3 Demum Alphonsus Orozco Eremita S. Augu. in expositione eiusdem Regulæ, idiomate Hispano conscripta, annotatione 3. in ea verba, Non dicatis aliquid proprium, sed sint vobis omnia cōmunia. Vniuersos Prælatos hortatur, ne vllō modo facultatem largiantur Religiosis ad obtinendum, vel committendum depositum aliquod in manibus secularium. Quamuis enim ij Religiosi a censura aduersus proprietarios statuta sint liberi, a peccato tamen non excusantur, nec illi, nec illorum Prælati. Cum enim votorum obseruantia a iure diuino vim habeat, in nullo eorum facultatem dispensandi Prælatus habet.

4 Quæ autem mala proprietatem sequantur, eleganter explicuit Dionysius Carthusien. de reformatione Claustralium art. 16. & de reformatione Monialium art. 9. viri. n. prudentes, & sancti Religionum institutores ex proprietate, seu peculio multa peccata prouenire didicerunt, vt contumaciam, superbiam, contentionem, factionem, auaritiam, inanem gloriam, inuidiam, mendacium, luxuriam, occupationē infructuosam, curam superuacaneam, dissolutionem, variam mentis distractionem, accidiam, negligentemq; diuini officij persolutionem. Abundantes enim peculio, ad resistendum suis superioribus sunt audaces; disciplinam, & correctionem egre ferunt, & excutunt, factiones concitant, rebelliones fouent, comessationibus, & ebrietatibus vacant, ex quibus in vitia carnis labuntur quotidie, magisque excruciantur, & obdurantur.

De diuifione menfarum, & iniuncta adminiftratione. Cap. xxvi.

Innocentius 3. in cap. Edoceri de Refcriptis: de munere Abbatum in negotijs fuorum capitulorum gerendis interrogatus, in hunc modum refpondet. Cum ex officio fuo tenentur Congregationum fuarum negotia procurare. Nifi forte Abbatis, & Conuentus negotia effent omnino difcreta. Et fummarium ait; nifi Abbatis, & conuentus bona effent omnino diftineta. In quibus verbis enodandis de diuifione menfarum Prelati, & Capituli a doctõribus pertractatur. Quo in loco a Panor. quatuor traduntur conclufiones. Prima conclufio; inter Abbatem, & Capitulum bona monafterij poffunt effe diuifa, vt aliqua, fi ad menfam Abbatis, aliqua ad menfam Capituli pertineant: Quamuis enim hæc diuifio nec ex Regula, nec ex iure communi procedat, cum omnia debeant eis effe communia: vt in cap. Cum ad monafterium, de ftat. Monach. &c. Procedit tamen de iure fpeciali: vt puta, ex confuetudine, vel ftatuto ex caufa rationabili facto. Secunda conclufio: bona Ecclefie inter Abbatem, & Capitulum quadrupliciter contingit poffe diuidi; bona. n. Ecclefie quandoq; funt prorfus communia Abbati, & Conuentui; quandoq; funt diuifa quò ad rem, fed non quò ad adminiftrationem; videlicet quia certa bona funt deputata menfe Conuentus, certa etiam bona menfe Abbatis; adminiftratio tamen non eft diuifa; fed Abbas cuncta bona adminiftrat, ac fi bona omnino effent communia. Quandoq; verò bona funt diuifa quò ad rem, & quò ad adminiftrationem: vt quia conuentus per fe, vel per alium adminiftrat bona fibi deputata. Tantundemq; facit Abbas de bonis fibi deputatis, ac de his tertij generis bonis loquitur tex. in fi. Cap. cū requirit, quòd bona funt omnino diftineta. Quandoque demum aliqua bona funt diuifa, aliqua verò funt communia. Tertia conclufio, cuius auctoritate, hæc diuifio fieri poffit, a doctõribus decertatur. Quibusdam. n. placuit in inftitutione, feu fundatione monafterij poffuille fieri ad inftantiam patroni, & Epifcopi auctoritate: poft fundationem verò monafterij huiusmodi bonorum diuifionem Epifcopus poteft efficere. Cenfura tamen Panormitani, vt verior mihi magis probatur, qui intrepidè afferit, Abbatem cum Conuentu, eam diuifionem ex caufa poffe conftituere. Nam propter hanc diuifionem bona ipfa nõ minus funt monafterij, quàm prius ante diuifionem erant: fed refpectu. vfus facta effe intelligitur. Huic fententie affentiri videtur Io. Andreas in Regul. non eft obligatorium, de reg. iur. in 6. in mercu. vbi poft quendam in Theologia magiftrum concludit, valere ftatutum Abbatis, & Conuentus

tus causa vitandæ murmurationis, & scandalij; vt singulis Monachis datur decem pro vestimentis. Sine causa tamen hoc debere fieri, non est consulendum: ne sit occasio mali. Neque enim hoc concernit statum Ecclesiæ, sed modum viuendi inter se. Hactenus Panormitanus. Tu tñ verba illa, vt singulis Monachis datur decem pro vestimentis, intelliges, vt dentur decem cõmuni Procnratori Vestuario, p singulis Monachis: Ita vt ex cõmuni iuxta regulam accipiant. Iuxta quem sensum similia verba Benedicti 12. ex Gersone superius sumus interpretati.

2 Eandem diuisionem mensarum Prælatis, & Capituli eruditè corroborauit insignis ille Canonicus Regularis, Mart. Azpilcueta Nauarrus in tract. de Redditibus benef. Eccles. q. 11. nu. 32. & inferius, vbi ait, diuisionem mensarum Episcopi, & Capituli ea de causa, & sine statutam fuisse, videlicet ad auferendas rixas, dissidia, & lites, quæ inter Episcopos, Capitula, Fabricarios, & Eleemosynarios accidere solent. Quoniam cùm vniuersa bona soli Episcopi administrarent, ex cap. Præcipimus 12. q. 1. minimeq; exhiberent beneficiarijs, & reliquis congruam, quam debebant portionem; necesse fuit, vt bona ecclesiastica diuiderentur, ad discordias sedendas, quas rerum communio frequentissimè solet importare. Itaq; prædictorum bonorum diuisiones: in hoc præcipuè factæ fuerunt, vt diminueretur potestas Prælati, Ecclesiastica bona pro libito infumentibus, & sæpè nihil, vel parum distribuentibus Canonicis, Clericis, Fabricis, & Pauperibus.

3 Ob easdem itaq; & consimiles causas, multas diuisiones ætate nostra factas fuisse, asserit idem Mart. Azpilcueta, inter Abbates, Priores, suosq; conuentus, & hospitalia nonnullorum monasteriorum: quæ per solos Prælatos gubernabantur. Et in his illam, quæ pridem facta fuit in celebri cœnobio Ronceuallis Canon. Regularium. Eadem itē causa, & ratio fuit diuisionis mensarum in illustri monasterio reformatissimo S. Crucis Coimbricensis Canon. Regularium. Eadem etiā causa fuit aliarum diuisionum, quas se tractasse asseuerat. Quare obiter annotandum, diuisiones mensarum, non in vtilitatem Abbatū, & Priorum, sed in fauorem Capitulorum fuisse factas. Iniuste igitur quidam parum circumspecti capitulares Prælati suis inuident mensas Abbatiales, vel Priorales. Cum ex earum diuisione Prælati ipsis sublata fuerit potestas administrandi omniā bona Monasterij, quibus solis, excluso Capitulo, iure competeat.

4 Item stabiliuntur mensarū diuisiones ex celebri doctrina, & Regula Card. Flor. in Clem. 2. de vita, & honest. cler. §. Sed tales: & in Clem. gratiæ. de Rescriptis, quam miris laudibus sublimè effert Mart. Azpilcueta, loco citato q. 1. nu. 81. & q. 2. nu. 15. Cui neminē vnquā cōtra dixisse

xiffe affirmat. Ea uidelicet eft. Eandem poteftatem, quam habent Clerici ſeculares diſponendi de ſuorum titularium, & commendatorum beneficiorum prouentibus, habent etiam Regulares de ſuorum beneficiorum titularium, & commendatorum redditibus. Primum, quod ratio propria, & radicalis, qua ſeculares prouentibus ſuis uti poſſint ad moderatam ſuſtentationem, ſuperfluis in pauperes diſtributis non eſt, quod illi ſunt eorum integri, & abſoluti domini, ut Dominico Soto placuit, lib. 10. de Juſt. & iur. quem hic author an iure refellat, hoc loco non expēdimus. Inter uſurarios .n. & uſufructuarios collocat medios beneficiarios, quibus reſtrictum ſit dominium ſuorum prouentuum; ſed radicalis ratio hec eſt, q̃ eccleſia, eiusq; miniſtri cōſtituerunt eos eorum prouentuum diſpēſatores per titulos Canon. & Eccleſiaſticos, quos in id cōſerunt. Quo munere etiā Religioſus fungi poteſt, etiā ſi non poſſit eſſe uerus alicuius rei temporalis dominus ob ſolenne ſuum paupertatis uotum. Hinc fit, quod nec beneficiarius ipſe Regularis rei alicuius ſit dominus, etiā ſi in pauperes, aliaq; pietatis opera liberē diſtribuire poſſit redditus ſuos omnes ob facultatē ſibi ab Eccleſia pia matre noſtra per beneficii titulum factam.

5 Sed Abbatia, & Prioratus beneficia ſunt Regularia, ipſis Prælatis in titulū collata, atq; etiam prouiſa, ut ex Bullis Apoſt. conſtat. In quibus ſummus Pont. ait, conferimus, & prouidemus; quibus etiam ipſe Pontifex omnes redditus, prouentus, & emolumenta Abbatiarum, & Prioratum eiſdē Prælatis particulariter aſſignat, & tradit. Huiusmodi autem redditus, & prouentus, illi proſectō ſunt, qui ex diuiſione menſarum ipſis contingunt. Ergo Prælati ex titulo Eccleſiaſtico, & Canonico, auctoritate etiā Apoſtolica in bullis, cum aſſignatione reddituum, & prouentuum confirmato, optimo iure ſuis diuiſis menſis, ut ceteri beneficiarij uti, & gaudere poſſunt. Nec ea ratione ut proprietarij ſunt taxandi.

6 Inſuper eadem Prælati, & Capituli menſarum diuiſiones confirmantur ex Bened. 12. in Conſtit. Canonicoꝝ Regul. tit. de ſoluendis cenſibus, & redditibus pro alimentis cōſtitutis. Vbi ſtatuit, ac ſub grauibꝫ pœnis præcipit Abbatibus, Præpoſitis, Prioribus, Archidiaconis, cæterisq; adminiſtratoribꝫ præfatæ Religionis: ut cenſus, redditus, pœſiones, ſeu quæcunq; ſimilia, ſue in blado, uino, carnibus, oleo, piſcibus, pecunia, ſeu rebus alijs quibuſcunq; conſiſtāt, in terminis conſuetis, vel præfixis, pro alimentis quotidianis, vel pro veſtiarijs, integraliter ſoluere non omittant. Sed huiusmodi Abbates, atq; Prælati aliundē non habent ad ſoluendum huiusmodi onera, niſi ex ſuis diuiſis, ſeparatisq; menſis, iure igitur ſuo menſas habent, retinentq; diuiſas.

Audi-

7 Audiuimus etiam quasdam huiusmodi mensurarum diuisiones auctoritate Apost. fuisse confirmatas. Nec illud hic committendum est, quod in Clemētina: Quia Regulares Prælati, de supplenda negligentia Prælatorum, legimus, prohibitum esse Prælatis Regularibus, ne suis mensis applicent beneficia ad eorum dispositionem spectantia, aut pensiones imponant, aut augeant, si illa non fuerint de mensa ipsorum Prælatorum. Eandem etiā Abbatialium mensurarum fit mentio in Clem. frequens. de excessibus Prælatorum. §. quidam etiam.

8 Nec iniunctis administrationibus suæ defunt rationes, & fundamenta, ne vilo proprietatis vicio dānentur. Prima. n. ex. Conc. Lateran. in cap. Monachi. De statu Monach. sic habetur. Qui verò peculium habuerit, nisi ab Abbate fuerit ei pro iniuncta administratione permissum, &c. Vt autem Panor. ait, peculium hic accipitur pro proprio, seu proprietate; si verò vltiorem, intricatioremq; peculij significationē desideras, consule Diony. Carthus. in Opusculo de Reformatione claustralium cap. 8. qui quid peculij nomine designetur, luculenter exponit. Legitimæ igitur sunt huiusmodi administrationes. Secundò eisdē fauet & illa ratio, quod huiusmodi administrationes dignitatum, officiorum, aliorumq; beneficiorum Regularium suos habent titulos Canonicos, & Ecclesiasticos, prout mater Ecclesia, eiusq; ministri constituerunt. Habent etiam sua onera pro alimentis, & vestiarijs, aut alijs huiusmodi rebus iniuncta. Quorum beneficiorum Regulariū frequēs est memoria apud Conc. Trid. Postremò & Abbatum mensis, & Administratoribus opitulatur Bened. 12. in tit. de capitulis annualibus faciendis: vbi præcipit, atq; statuit, vt ipso Capitulo perdurante, Abbatēs, Priores, Præpositi, & Archidiaconi, ceteriq; administrationē habentes in Religione prædicta, de suis administrationibus eidem Capitulo annuali rationem reddere teneantur: non quidē de redditibus, fructibus, prouentibus, aut emolumentis suarum dignitatum, & beneficiorum: sed tantum declarando, si ipsæ administrationes aliquibus, & quātis, & ex quibus causis, quibusuē personis, & qualibus, & an sub vsuris sint debitis obligatæ; & an ipsa debita possint de rebus extantibus, mobilibusq; persolui; aliaq; onera sibi, suisq; administrationibus incumbentiā supportari sine debitorum augmento, & generaliter an administrationes ipsæ in casu desolationis, & quare, vel in statu prosperitatis existant. Idem sentit Dionys. Carthus. de reformatione claustr. art. 9. qui à proprietariorū numero excludit Religiosos, administrationem pro bono communi cœnobij habētes. Et à Gerfone contra proprietarios Regulæ Augustini par. 2. citatur magister Gerardus magnus, in tract. de proprietate Monach. dicens; peculium habere, non est

est habere principale dominium in re ipsa, sed vt seruus sub domino, sub patre filius, sub Abbate Monachus ex licetia ipsorum, sub quibus sunt, hoc tamen nunquam Monachis conceditur secundum glossam Innocentij, qui est lucerna iuris, nisi pro adiuncta administratione, vt si fuerit Vestiarius, Eleemosynarius, vel Thesaurarius, vel huiusmodi comune habens officium, deseruiens vtilitati cõ ecclesie, vt fidelis sit, & prudens dispensator, nõ quærens quæ sua sunt, sed quæ omnium.

9 Iam tandem explodenda est ad retinendum proprium, vel peculium illorum excogitata via, qui Religiosorum peculium à proprietatis vitio excusant: dummodò superiori suo Prælato nihil celent, & ad reddendum, seu dimittendum parati sint iuxta Superiorum voluntatem, nihilq; recipiant, vel expendant sine illorum licentia, nihilq; tandem habeant, aut possideant nomine suo proprio. Id tamen licere opinantur, si nomine Abbatis, aut Conuentus retineant, aut possideant, aut deniq; expendant. Respondetur enim imprimis peculium luce clarius Regularibus administrationem communem non habentibus, à Concilio Lateran. loco nunc commemorato prohiberi: Abbatiq; districtè esse præceptum, vt non permittat, aliquem Monachum habere peculium, nisi ratione administrationis, adhibitis etiam pœnis. Igitur nomine Abbatis nullus Religiosus proprium possidere potest.

10 Secunda responsio rogo, quid nomine Abbatis intelligas? Si enim intelligis nomine Abbatis, idest ex parte, seu concessione; vel licentia Abbatis; iam docuimus prohibitum esse Abbati hoc ipsum concedere, aut permittere iuxta sensum superius explicatum: Si verò intelligas nomine Abbatis, idest, in quantum est Abbas, vel representat Abbatem, id quoque ridiculum est. Si quidem simplex Monachus, nec Abbas est, nec eum representat in aliqua publica administratione, peculio, seu pecunijs indigente.

11 Ratio quoque præcepti hic consideranda est. Patres enim sancti non prohibuerunt Monachis proprietatem; quasi proprietas, seu rerum possessio sit mala in se: sed quia ex vsu, amore, & occupatione rerum propriarum, seu diuitiarum impeditur homo à perfectione diuini amoris, & à libera, & quieta vnione mentis suæ cum Deo, quod tamen malum contingit Monacho nomine Abbatis, vel Conuentus, siue nomine proprio peculium habenti. Ideo inquit textus. nec æstimet Abbas, quòd super habenda proprietate possit cum aliquo Monacho dispensare. Huius est sententiæ Dionysius Carthusianus loco citato cap. 13.

Quod Canonicis Regularibus non liceat secularia negotia pertractare.

Cap.

xxv.



Proprietatis vitio secularium negotiorum implicatio non
longè abest. Est. n. eius proles, & assecla. Hinc Paulus. 2.
ad Thim. 2. nemo militans Deo, implicat se negotijs seculari-
bus. Vniuersis autem Religiosis Deo militare in il-
lum est. Tenentur. n. potissimum in hoc incumbere, ut
id quod negotiorum pertrahatione maxime impeditur.
a titulo extat in iure Canonico; Ne Clerici vel Monachi
se negotijs secularibus. Vbi quidam litterati viri, nomine
Canonicos Regulares intelligunt, ob idq; in eo tit. Mona-
chantur. At verò quoniam status Religionis ad perfectionem
consequendam destinatur, si proximè necessitas imminet,
etia ex Charitate gerere debet, iuxta illud Pauli ad Gal. 6.
v. 2. onera portate, & sic adimplebitis legem Christi. Cui. h.
propter Deum inseruunt, dilectioni diuine palam obsequi-
untur. cap. Religio munda, & immaculata apud Deum, & parre
re pupillos, & viduas in tribulatione eorum: idest succur-
rant præsidio in tempore necessitatis.

Quatuor igitur conditiones à viro Religioso in gerendis negotijs secularibus obseruandæ sunt, ex S. Tho. & Caie. d. 2. q. 187. art. 2. Prima, quòd non ex cupiditate, hoc est propter lucrum, aut emolumentum aliquod temporale pro se, vel alio hoc faciat. Hac. n. ratione negotia secularia sunt Clericis prohibita. Secunda, quòd ex Charitate, hoc est propter amorem; quo proximus in Deo diligitur, id fiat. Hac. n. via huiusmodi opus ad finem Religionis spectat, qui est perfectio Charitatis. Tertia est, quòd ex licetia Superioris hoc efficiatur, cuius rei ratio est. Quia Religiosus non habet velle, neq; nolle, vt superius in obedientia verbo abundè explicamus. Sic. n. inuenitur ab Ecclesia statutum, quo ad actum ministrandi. Quarta conditio est, quòd cum debita moderatione illud opus fiat. Non enim omnis modus ministrandi, aut dirigendi decet Religiosos. Nam non decet Religiosum sic proximorum negotia dirigere; aut eis inferuire, vt personaliter sit exactor, & quasi negotiorum gestor, secularibus tam multis se immiscens. Sed in eum modum, vt vrgente Charitatis necessitate se exhibeat, vt & ipse hō se implicet secularibus negotijs, quamuis illa tractauerit. Sic. n. fiet, vt nomen domini in Religiosis nō blasphemetur. Ad hūc modum B. Leodegarius in regni Franciæ regione se intromisit, multiq; probi Religiosi dirigūt, & adinuāt viduas, aliasq; miserabiles personas in suis negotijs tractādis.

- 3 Secundo aduertendum, quamuis directio moderata esse debeat, precipue tamen circa actum ministerij, seu adiutorij, moderatione opus est. Non. n. omnis seruitij, aut auxilij actus Religioso conuenit. Manifestum. n. est vehemeter Religiosos dedecere, personaliter secularibus venditionibus, emptionibus, mutuis custodijs, & huiusmodi deferuire: opem tamen ferre, vel in aliquem locum pergere ad conferendum cui aliquo, & similia, non dedecet. Vt si coniugium inter Reges, aut principes principes tractaretur.
- 4 Tertio adnotandum, hanc definitionem nequaquam esse communem secularibus, & ecclesiasticis negotijs, quoniam etiam exercere ipsa ecclesiastica negotia Religiosis licet, & non solum dirigere alios, aut ministrare alijs in illis.
- 5 Quarto, adnotandum ex Panor. in cap. Sacerdotibus, ne Clerici, vel Monachi, &c. Religiosum licite posse ex licetia Abbatis procurare negotia laicorum amicorum monasterij, si hoc arbitretur Superior redundare in consequentiam ad commodum, & vtilitatem monasterij.
- 6 Quinto adnotanda hic est egregia D. Tho. & Caie. doctrina in responsione ad. 3. loco nunc citato. Quod frequentare palatia Regum propter diuitias, vel gloriam, vel cupiditatem, non competit Religiosis; sed ea adire propter pias causas eis conuenit. Vnde. 4. Reg. 4. Hiseus ad mulierem dixit. Nunquid habes negotium, & vis, vt loquar Regi, vel principi militia? Simili etiam modo Religiosis conuenit adire Regum palatia ad eos arguendos, & dirigendos: vt Ioannes Baptista arguebat Herodem.
- 7 Sexto commemorandum est Paulinum documentum; Omnia mihi licent: sed non omnia expediunt 1. ad Cor. 6. Et rursus; Omnia mihi licent, sed non omnia edificant. 1. ad Cor. 10. Adire namq; curias, & palatia propter pias causas, licitum quidem fateri: Caterum timeamus damnum, & ruinam. Nam Petrus, annotatoe Bernardo, semel palatium intrauit, & ter dominum negauit. Curiam Diogenes desinuit, locum esse ad decipiendum, & praualeandum: qui sunt actus diabolo a Deo permisi. 3. Reg. 22. Decipies, & praualebis. Quare fugienda sunt a Religiosis curia, & palatia, etiam ecclesiastica. Nam Petrus non Regis, aut Prætoris, sed Pontificis palatium ingressus, inophado laqueus captus fuit. Sed & Hieronymus in ea verba. Matth. 17. Ecce, qui molibus vestiuntur, in domibus Regum sunt, ait: Ex hoc ostendit, rigidam vitam, & austeram prædicationem vitare debere aulas Regum, & non bilium palatia declinare. Perlege, & excute, aulicorum leges; tunc tandem edifices, quantum dedecet virum Religiosum aulica contractatio, atq; consuetudo. Raro etiam feliciter celsit, hanc adisse fortunatam insulam.

insulam. Nec semper in aula spirant venti secundum. Solent etiam principum fauores ventorum in morem subinde reflare in diuersum. Assentationibus, fraudibus, morionibus, atque technis, inuidia quoque, & dicitur amplissimus conceditur locus. Si quid. n. in te dictum fuerit perulantius, in lusum iocumque vertere compelleris, etiam si seria res sit. Ab omnibusque tanquam ab hostibus tibi cauendum est. In ceteris nugis aulicorum tepidus congero esse tenebris. Hæc sunt aulicæ Philosophiæ prima elementa, quæ si illic spreueris, in portu profectò non nauigas. Si quidem ad hunc scopulum multi fecere naufragium, sic ut vix licuerit, enatare nudos. Aspice, quam abhorreat a Religiosorum instituto aulica vita. Elaborato ergo, ut te isthinc explices quam minimo malo, & quod paucis contingit, feliciter ab aula te subducas, tibi quoque viuas.

8 Postremo sacra etiam Concilia id ipsum docuerunt. Nam & Concilium Trid. sess. 22. cap. 1. secularia negotia à Clericis fugienda esse decernit. Concilium etiam Prouinciale Mediolan. par. 2. tit. de negotijs secularibus à Clerico fugiendis, hæc sunt, quæ interdicunt: ne Clericus sacris initiatus, aut ecclesiastico beneficio præditus coram iudice seculari, Aduocati, aut Procuratoris nomine causas agat: nisi ab alijs in iudiciu vocatus, suam, vel ecclesiæ suæ, propinquorum etiam, si necesse erit, & miserabilium personarum causas, ab Episcopo facultate prius scripto cõcessa, tueatur. Ne in prophanis negotijs officium tabellionatus exerceat. Ne artem medendi faciat: ne in negotiationibus, & mercaturis se interpretet, & medium interponat. Negotiationem etiam omnis generis omninò prohibemus. Artes verò honestas cõcedimus, ut aliquid manibus suis lucretur, quo sibi quæ ad vitam necessaria sunt, comparare possit. Ne aliena prædia, lucri causa, conducat. Ne aliorum tutelam, aut curam suscipiat. Ne pro alijs fide iubeat. Ne alicuius principis, aut alterius negotiorum Procurator sit, sine facultate ab Episcopo prius per litteras impetrata, singulis annis renouanda. Ne sit in famularatu laicorum, etiam Principum, eorumque quibusuis alijs obsequijs, nisi cui ex causa, & ad officium sacerdotali munere non indignum, Episcopus huius rei potestatem ante scripto fecerit, quotannis renouandam. Ne præcursor sit, aut assessor sceminarum, aut eis discumbentibus adsistat, aut ancilletur. Et in Decreto dist. 88. legitur. Decreuit Sancta Synodus, nullum deinceps Clericorum, aut possessiones conducere, aut negotijs secularibus se permiscere: nisi propter curam pupillorum, aut orphanorum, aut viduarum: aut si forte Episcopus ciuitatis ecclesiasticarum rerum sollicitudinem eum habere præcipiat. Eadem aut ratio est, ut exponit S. Thomas de Religiosis, & Clericis: quia vtrisque similiter secularia negotia interdiciuntur. Attestatur quoque D. Hilarius

rius in ea verba Psal. 1. in cathedra pestilentie non sedet, secularia ne-
 goria Clericis, ac bonis esse periculosa. Tertius, inquit, obtinenda bea-
 titudinis ordo est, in cathedra pestilentie non sedere. Sederunt in
 cathedra Moyse Pharisei docentes, sedit & Pilatus in tribunali. Il-
 la ergo erit pestilens, cuius contagium Pilatus manus abluendo de-
 uitat; multos. n. etiam in metu Dei constitutos, secularium tamen ho-
 norum ambitio corrumpit, & volūt ecclesie legibus subditi, fori legi-
 bus iudicare. Sed quanquam ad hæc ipsa officia quæ agunt, ferant secu-
 religiosam voluntatem, beneuolos se se, continenteq; præstando, ta-
 men necesse est eorum, in quibus diuersabuntur negotiorum quodam
 pestilenti contagio polluantur; publicarum. n. causarum ordo manere;
 eos, volentes etiam in ecclesiasticæ legis sanctitate non sinio. Et quam-
 uis Religiosi propositi tenaces sint, tamen necessitate sedis obtente cū
 ad contumeliam, cū ad iniuriam, cū ad penam: cunctante licet vo-
 luntate coguntur, facit eos necessitatis ipsius participes; cū tanquā
 lue morbida imbuuntur, & idcirco hanc eorum cathedram pestilentie,
 Propheta cognominat, quia contagione sua voluntatem religiosę men-
 tis inficiunt. Quo circa vir Religiosus id potissimum curet, vt à pecca-
 tis se per studium modestiæ, innocentie referat, vt honorum dignitati-
 bus priuata, & tranquillæ vitæ otium anteponat.

De Voto solenni stabilitatis, sine perseuerantie. Cap. xxviii.

1



Voniam pleraq; esse scimus, Canonicorum Regularium
 monasteria, in quibus solenni professione, quæ tribus
 substantialibus votis continetur, quartum stabilitatis
 votum adiungere, & profiteri consueverunt; opéra pre-
 cium esse duximus, eam stabilitatem utrunq; enodare.

Et quidem stabilitas præcipua, rectaq; significatione, & sensu signifi-
 cat perseuerantiam, quæ virtus est, per quam homo firmiter proponit
 permanere, persistereq; in actibus bonis vsq; in vitæ finem. Iuxta id
 Matt. 24. qui perseuerauerit vsq; in finem, saluus erit. Ad quamhorta-
 tur Apost. 1. ad Cor. 15. stabiles estote, & immobiles, abundantes in
 opere domini semper. Ea igitur ratione Religiosi, etiam voto solenni
 obligant se ad huiusmodi stabilitatem, eamq; in forma suæ professio-
 nis exprimunt primo loco, vt vniuersa suæ monasticę cōuersionis exer-
 citia fundent, & collocent supra eam, tanquā supra solidam, atq; im-
 mobilem petram, ita vt malint mori, imò mille mortes pati, quā ab-
 assumpta Religione, & Deo oblata professione recedere. Sed an pri-
 mo, postremouē loco in professione stabilitas promittatur, iudicio
 nostro non tanti refert,

Denique

2 Denique opus bonum specialem solet habere difficultatem ex temporis diuturnitate. Facile quidem est inchoare, sed usq; in vitæ finem in actibus studiosis, & arduis permanere, perdifficile esse iudicatur. Idcirco ne hac difficultate vincamur, & ex fragilitate, infirmitateq; humana à bene cœptis deficiamus, iudigemus utique speciali virtute, quæ stabilitas, seu perseverantia nuncupatur, ob idq; quicquid huic stabilitati directè contrariatur professioni monasticæ contrarium perhibetur; estq; teste Dionysio Carthusiano, de Professione monastica art. 4. non solum mortale peccatum, sed etiam enorme admodum in Religioso, videlicet voti violatio, quæ gravius crimen existit, quàm pericuri-
 3 rum; ut Sanctus Thomas declaravit.

Porro stabilitati huic duo ex diametro, specialiq; ratione aduersantur. Primum est, propositum, seu desiderium deliberatum non manendi in Religione suscepta. Secundum est, non manere in ea usq; ad finem. Idcirco quoties Religiosus proponit, & deliberato animo cupit Ordinem suum exire, atq; relinquere, toties peccat gravi peccato mortali, contra suamq; agit professionem; similiq; ratione peccabit, si Ordinem suum exierit; hac tamen, illa adhibita limitatione, interpretanda sunt; videlicet nisi petita licentia ingredi vellet Ordinem arctiorem, & altiorem in loco, ubi observantia Regularis vigeret. Aut certè alijs casibus, in quibus tamen Superioris iudicium requirendum esset, aut Summi Pont. declaratio esse obtinenda. Certum est etiam, qd re ipsa à Religione discedere sit vitiosus, maiusq; scàdalum, quam exire velle. Illud tandem maximè pestilens esset, apostatare à Religione, quàm laxiorem, & inferiorem Ordinem suscipere. Præterea, ut circa præcepta diuina, sic & circa stabilitatis votum peccatū veniale cōtingere potest. Ut si Religiosus ex fragilitate humana, aut suggestionē maligna ad eā inclinetur, quæ huic perseverantiz voto contraria existunt; nec tamen plene, ac omnino consentiat: sed intuitu, & amore Dei, ex deliberatione, & Superiore ratione resistat. Curandum est igitur, ut huiusmodi tentatio statim abigatur,

4 Postremò ex inductis facile intelligentur verba vulgata D. Bernardi dicentis: Promissioni stabilitatis tria contrariantur: remissus descensus, contentiosus discessus, & vagus, seu curiosus discursus. Remissus descensus est ex negligentia, & torpore paulatim à pristino fervore deficere, & ad deteriora corrumpere iuxta illud Apoc. 2. Habeo adversus te, quod Charitatē tuam primam reliquisti. Contentiosus discessus est; apostatare ab Ordine, vel laxiorem Conventum, seu Ordinem ex irrationabili causa ingredi. Curiosus, & vagus discursus est ex levitate, & causa insufficiente de loco ad locum, de claustro ad claustrum, à con-
 H 3 gregatione

gregatione in cōgregationē trāsire, atq; hincinde per aliquot dies immorari, & pigritiā, ac carnis curā vacare. Hinc S. Benedic. in sua Reg. quattuor cōstituit Monachorū genera: quorū primi vocātur Cēnobitę, qui in clauſtro, & cōgregatione viuūt sub Regula, & obediētia Patris. Scđi vocātur Anachoritę, qui oīno ſolitarij ſunt, & vitā angelicā ducūt in terra. Tertij dicti ſunt Sarabitę, qui coram hominibus magnam pietatem, ac religionem finxerunt; ſed in ſuis latibulis gulę, & omni torpori vacabant. Quarti Gyrouagi ſunt vocati, eo quōd hincinde diſcurrant: quos Sanctus Benedictus Sarabitis deteriores eſſe aſſerit. Ex his vir Religioſus tacita apud ſe mente perlultret, ad quem modum in cuſtodiendo ſtabilitatis voto ſe gerere debeat; ſuoſq; intēdat neruos, vt indies in Regulari obſeruantia hilariori animo conſiſtat; & in loco, & habitu ſuo, atque propoſito conſtanter perſeueret.

5 Ad hęc, quemadmodum vitioſę affectiones, fatuitas, & inſipientia hominem efficiunt vagum, diſſolutum, & inconstantem; ſic gratia Dei, atque virtutes, prudentia, & ſapiētia reddunt hominem ſtabilem, vniſormem, conſtātem, & probum: vnde in Eccleſiaſtico cap. 27. legitur: Homo ſanctus in ſapientia manet, vt ſol: ſtultus autem mutatur, vt luna. Et Iob. 11. inquit; Si iniquitatem, quę eſt in manibus tuis abſtuleris, ſtabilis eris, & non commoueberis. Ad ſtabilitatem igitur conſtabiliendam affectionum purgatione, & virtutum incremento, rectoq; rationis iudicio opus eſt: ad proficiendum quoq; in ſtudioſę mentis firmitate, atq; cuſtodia cordis, illud profeſſo maximē cōfert, vt Religioſus aſſueſcat ſecum cogitare diuinę maiestatis præſentiam in omni loco, actu, & tempore: cum ſanctoq; Helia iugiter id in corde ſuo verſet: viuūt dominus, in cuius conſpectu ſto hodie. Sic. n. planē erubeſcet, ſe inutilem, coram Deo exhibere, & negligentem; diuini etiam iudicij rigorem formidabit, dicetq; cum Dauide pſal. 24. Oculi mei ſemper ad dominum. Sed & præſtitę profeſſionis non ſit immemor; quam corā omnibus angelis Dei, & ſanctis eius, ac bonis hominibus, ſuis labijs emiſit, & diſtillauit. Audiat dūm Apoc. 2. dicentem; Eſto fidelis vſque ad mortem, & dabo tibi coronam vitę. Huius ſtabilitatis, ac perſeuerantię naturam ſapienter deſcripſit D. Tho. 2. 2. q. 137. quattuor articulis, vbi & conſtantiam explicuit. Iuxta cuius ſententiam conſiderandum eſt: opus virtutis habere poſſe difficultatem duplicem, aut ex ipſa ſpecie actus, aut ex ipſa diuturnitate temporis. Nā hoc ipſum quod eſt diu inſiltere alicui operi difficili, ſpeciale difficultatē habet. Perſeuerantię igitur eſt in operibus bonis, & ſtudioſis, diuturnitatem ſuſtinere, prout neceſſe eſt. Hęc igitur perſeuerantię virtus aliquarum affectionū moderatrix eſt, vt timoris fugę, aut alicuius deſectus pro-

pter diuturnitatem. Nullo igitur vitæ tēpore à suscepta Religione vir probus dimouendus est. Nam & Diogenes cuidam admonenti, vt iam senex quiesceret à laboribus, Quid, inquit, si in stadio currerem, vtrum oporteret iam metæ vicinum cursum remittere, an magis intendere? Rectè sensit, virtutis studium hoc magis intendendum, quo minus superest vitæ, quòd turpè sit ab honesto instituto refrigescere. Tardè aggredere, quod aggressurus sis perseveranter prosequere. Ratè felicitàtis est celeritas; rarioris diuturnitas, & constantia. Inconstans mente cæcus, aut surdus existimatur. Propterea si boni, maliq; sermones inciderint, quibus exterrearis, ne finas ratione vlla ab instituto pij operis dimoueri. Siquidem præclara est in omni vita æquabilitas, idemq; vultus, eadēq; frons. Ob id etiam fortitudo animi nobis omnibus valde est necessaria; per quam non solum constātes efficimur in aduersis. sed etiam prompti, & alacres in arduis. Quis. n. sine animi fortitudine maxima, hunc mundum cum suis voluptatibus posset contemnere, & in sancta Religione monastica sub obedientię legibus vsque ad mortem perseverare? Est autem fortitudo animi, teste Cic. lib. 4. Tusc. Quæst. affectio, legi summæ in perpetiendis rebus obtemperans; vel conseruatio stabilis iudicij in ijs rebus, quę formidolosę videntur, subeundis, & repellendis; vel scientia rerum formidolosarum, contrariarumq; aut omninò negligendarum, conseruans earum rerum stabile iudicium. Vel breuius cum Chrysippo dicamus; fortitudo est scientia perferendarum rerum, vel affectio animi in patiendo, ac perferendo, summæ legi parens sine timore.

De conuenientia, & differentia Canonicorum Regularium à Monachis omnibus. Cap. xxix.



1 **I**llud profectò ignorandum non est, sed penitus inspiciendum, qua ratione, quibusuè in rebus Canonici Regulares, & Monachi cuiuscunq; fuerint instituti, secum conueniant, à seq; inuicem discrepent, atque differant. Sic enim fiet, vt optimus quisq; Canonici Regularis suum statum, quem semel professus est, planè cognoscat.

2 In pluribus igitur vtriq; conueniunt. Primum quidem in Religiosorum consortio, & æternæ mercedis receptione. Ait. n. Nicolaus Papa 20. q. 3. cap. Præsens Clericus; Liceat eum à mundanis, & laicalibus remotum vagationibus, vel negotijs, inter Religiosos, & Ecclesiasticos viros in Canonica degere vita; non. n. putamus, quod absit, Religiosos à sanctorum Monachorum consortio seiunctos. Quia vnus quisq; secundum Apostolum propriam mercedem accipiet, secundum

laborē suū. Secundo conueniunt, q̄ vtrifq; prohibetur audire leges, vel Physicā: vt cōstat in cap. super specula. Ne Clerici, vel Monachj, &c. vbi Honorius 3. inquit; Contra Religiosas personas de claustris exeuntes ad audiendum leges, vel physicā. A. præ. no. olim statuitur in Conc. Turon. vt nisi infra duorum mensium spacium ad claustrum redierint, sicut excommunicati ab omnibus euitētur, & in nulla causa, si patrocinium præstare voluerint, audiantur: reuersi autem in choro, mensa, capitulo, & cæteris vltimi fratrum existent, & nisi fortē ex misericordia Sedis Apostolicæ, totius spem promotionis amittant. Hic autem textus intelligitur etiā de Canonicis Regul. pariter, vt de Monachis, vt docet glossa in cap. quod Dei timorem, in verbo, Laxiori. De stat. monac. &c. Tertio conueniunt, q̄ vtriq; ab aduocationis officio pariter repelluntur: vt constat in cap. ex parte. de postulando: vbi Innocentius. 3. Archiepiscopum Compostellanum in hunc modum alloquitur; Ex parte tua nobis fuit propositum, quod quidam Canonici Reg. non solum in ecclesiasticis, verū etiam in forensibus causis præsumunt aduocati officium exercere. Cumq; obijcitur eis, quod nō debent esse forensis, vel ecclesiastici negotij susceptores, vel executores: ni fortē id monasterij exposcat vtilitas Abbate nihilominus imperante, ad suam proponunt insolētiā excusandam, quōd capitulum illud, per quod prædicta prohiberi videntur, de Monachis, non de Canonicis Regul. loquitur manifestē. Vnde consultationi tuæ taliter respondemus, q̄ idem iudicium de Canonicis Regul. quod & de Monachis quantum ad supradicta credimus obseruandum: licet de Monachis in canone specialiter sit expressum. Quo in loco Abbas inquit; Canonem antiquum, qui habetur 16. q. 1. cap. Monachi, prohibentem Monachis hoc officium, habuisse respectum ad Religionem, non autem ad Ordinem Monachorum tantum. Quod apertē hoc loco probatur, eo quōd etiam Canonicos Regulares includit. Nam & ipsi Religiosi sunt, licet inferuiant laxiori Regulæ.

- 3 Quarto exequari dignoscūt & Monachi, & Canonici Reg. in substantialibus Regulæ, videlicet in obedientia, de maiestate, & obedientia cap. cum in ecclesijs. Vbi Innoc. 3. Quosdam Canonicos Reg. suo Priori inobedientes ad suum claustrū redire cogit, Prioriq; suo secundum Deum deuotē, ac humiliter obedire, ad idq; etiam per censuram eccles. compellendos esse decernit, alioquin de fratrum consortio penitus excludendos. Item in abdicatione proprii, vt constat in cap. Super quodā Canonico Regulari. De statu Monac. &c. Qui propter retentum peculium ecclesiastica sepultura priuatur. Atque etiam in castitate, vt sit manifestum in Cap. cum ad monasterium, eodem tit.

4 Quinto æquiparantur in eo quòd vtriq; simul in Refectorio comedunt, simulq; in Dormitorio dormiunt: vt habetur de vita, & honest. Cleric. cap. quoniam; In vna (inquit) domo Clerici vescantur, atque sub vno tecto dormiant, & quiescant: vbi glossa ait; Capitulum illud de Canonicis Regul. intellige: Sed apertius idem traditur in cap. Cū ad monasterium de statu Monachorum. &c.

5 Sexto conueniunt etiam, quòd vtriq; prouinciale Capitulum celebrant, vt constat in cap. in singulis. de stat. Monach. &c. Vbi post traditam formā celebrandi Capitulum prouinciale additur, hoc ipsum Regul. Canonicos secūdū ordinē suū volumus, & præcipimus obseruare.

6 Septimo conueniunt vtriq; in ea parte Clementinæ, ne in agro. de stat. Monach. &c. §. sanè singulis, in qua sic præcipit Clemens §. Sanè singulis mensibus tam in monasterijs, quàm extra, sublata occasione quacunq; ad confessionem saltē semel accedant omnes, & singuli Monachi, & in primā dominicā mensis cuiuslibet in monasterijs semper communicent: nisi ex causa fortē, quam Abbati, Priori, aut Pœnitentijs monasteriorum non differāt intimare: eorūq; iudicio vel abstineant, vel accedant. Regula quoq; in Capitulo legitur ab illo, qui præest ipsi Capitulo, vel ab alio cui hoc ipse iniunxerit: propter iuniores vulgariter exponatur. Nouitijs etiā fidelis deputetur instructor, tām in diuinis officijs, quàm in obseruautia Regulari. Quæ pars textus locum etiam habet in Canonicis Regularibus, vt sensit Oldradus conf. 222. Ideo. n. in tit. additur, & Canonicorum Regularium.

7 Ex superioribus inferuntur hac in re duæ Regulæ prior traditur à D. Tho. in lib. contra impugnantes Religionem: videlicet Canonici Regulares, & Monachi ad paria censentur in illis, quæ sunt communia omni Religioni, vt viuere sine proprio, abstinere à negotijs secularibus, & ab officio aduocadi in causis, & huiusmodi. Posterior verò fertur à Panor. in cap. ex parte, de postulando, nempe constitutio fundata super aliqua qualitate, extenditur ad omnes existentes sub illa qualitate: licet habeant ex aliquo incidenti nomina diuersa. Nam Monachi, & Canonici habent nomina diuersa propter aliqua accidentia. Tamen in substantia non variant: quia pariter profitentur tria substantia- lia Religionis vota. Ideo canon loquens de Monachis, fundas se super Religiosis, extenditur ad Canonicos Reg. quia & ipsi sunt Religiosi. Hinc fit, quòd iura loquētia de Monachis habent locum in Canonicis Regularibus, nisi constitutio loqueretur de Monachis nigris, vel apponeret aliam qualitatem, per quam necessariò restringeretur ad Monachos tantum. Id autem quod dictum est, intelligitur in his, in quibus Monachi, & Canonici Regulares conueniunt, Vt puta quando constitutio

emanat respectu Religionis, & ubi non potest assignari diuersitatis ratio inter eos, & Monachos, veniunt appellatione Monachorum.

8 Haecenus diximus de conuenientia, nunc explicandum est Canonicos Reg. & Monachos plurimum inter se disconuenire. Nā, vt inquit quaedam glossa in c. quod Dei timorem, citato, licet eadem sit substantia Ordinis Cano. Reg. & Monachorum, est tamen differentia in qualitatibus. Monachorum. n. nomine in materia odiosa nō intelliguntur Canonici Reg. vt constat in Clem. 1. de stat. mona. vbi textus postq̃ excommunicauit Monachos, subiungit, aut Canonicos Regul. quod frustra fuisset appositum, si Monachorum nomine Canonici Regulares comprehenderentur. Non dissimile est, quod habetur in cap. cū singula, de prebendis in 6. Vbi dicitur, ne aliqui Monachi, vel Religiosi alij. Præterea Panor. in cap. quod Dei timorem, docet, quod licet duo, vt Canonici Regulares, & Monachi in multis æquiparentur, in exorbitantibus tamen dispositio in vno, non extenditur ad reliquum. Carpitq; ibidem Hostien. dicentem, quod Monachi, & Canonici Regulares in omnibus æquiparantur, præterquam in casibus exorbitantibus, vt colligitur ex cap. quod Dei timorem.

9 Primò igitur à Monachis Canonici Regulares differunt vniuerse in materia odiosa, & in casibus exorbitantibus, & ubicunque diuersitatis ratio assignari potest, id quod hæcenus manifestum fecimus.

10 Secundo differunt nomenclatura, hanc differentiam constituit Panor. in cap. ex parte, de postulando, dicens; Canonicis, & Monachis vt in hoc textu vides diuersa sunt nomina propter aliqua accidentia. hæc Panor. Canonicis. n. Regu. Monachi, aut fratris nomen propriè non competit. Sed vnusquisque sic appellatur; verbigratia, dominus Ioannes, aut Canonicus Ioannes, non tamen frater Ioānes, aut Monachus Ioannes; quam rem attentè considerauit August. Ticinensis in Propugnaculo Canonici Ordinis 4. par. cap. 12. Quod si quando in iure Canonico, vt in cap. post translationē, de renunciatione, appellantur Monachi, dicaturq; eorum vita monastica, ac ocium monachale, id effectū est eo, quod Canonici Regulares monasteria incolūt, vt Monachi, atque etiam q̃ simul vniti communem vitam, vt Monachi, obseruent. Demum & propter vitam solitariā, quam ipsi Canonici extra vrbes in monasterijs exercent, vt idem Aug. Ticinensis 3. par. cap. 3. explicuit. Potest quoque de Italis Canonicis alia ratio reddi; quoniā ipsi in erigendis nouis Congregationibus habitum clericalē in monachalē aliquantulum transformarunt; & iura Canonica, quæ Canonicos Regul. Monachos appellauerunt, de Frigionarijs, alijsq; id genus Canonicis apertè loquuntur. At verò quoniam Hispani Canonici Regulares ha-

bitum

bitum clericalem, talarem, & honestum cum pileo clericali quo caput cōtegatur, cumq; toga linea semper retinuerunt, nunquam aut verbo, aut scripto Monachi appellantur, sed Canonici, aut alio honorifico titulo: quo & Clerici seculares honoris causa nuncupantur.

11 Tertiò Canonici Regulares à Monachis in diuersitate, ac dissimilitudine Regulæ, quā profitentur, longè discrepāt. Vt. n. Innoc. 3. in cap. quòd Dei timorem, saepe citato, author est, licet Canonici Regulares à sanctorum Monachorum consortio non putentur seiuncti, Regulæ tamen inseruiunt laxiori. Quod quidem docet S. Tho. 2. 2. q. 189. art. 8. ad 2. arg. quod præcipue intelligendum est, ad validitatem transitus ab vno ordine ad alterum. Idcirco. n. Monachi professi diuinis ministerijs obsequentes, ad Canonicos Regulares transire nō possunt. Itē q̃ plura Monachis, quàm Can. Regul. prohibentur, vt si agatur de ieiunijs, & alijs seuerioribus austeritatibus. Præterea ex Humberto in Regula Aug. multæ sunt Regulæ, quæ imponunt multas obseruantias corporales; Regula verò B. August. circa spirituales actiones versatur; quales sunt dilectio Dei, & proximi, vnitas cordium, concordia morum, & similia. Quis autē nesciat exercitia spiritualia præcellere exercitationibus corporalibus? sicuti spiritus præminet corpori, & lex spiritualis, legi carnali, adde quòd eadem Canoni. Regula nec mollior est, nec horridior, sed planè singulis congruens, à discipulorum Christi exemplo, vitaq; detracta, mediocritatem illam tenens: quæ inter nimium, & parum posita, iure laudatur.

12 Quartò dissimiles sunt etiā Canonici Regulares ipsis Monachis in habitu Religionis. Nam Canonicis Regul. habitus, pileusq; clericalis cum toga linea præscribitur, Monachis, verò cuculla imponitur, à qua Canonici Regulares longè abhorrent. Nec ea vnquam vtuntur, nisi in casu apostasiæ. Quod planè ostenditur in cap. mandamus 19. q. 3. vbi Urbanus 2. inquit, mandamus, & vniuersaliter interdicimus, ne quis Canonicus regulariter professus, nisi quod absit, publicè lapsus fuerit, Monachus efficiatur, quòd si decreto nostro contrariè præsumens agere tentauerit, ad Ordinē Canonicū præcipimus, vt redeat: & deinceps memorialē cucullā deferat, & vltimus in choro maneat: vbi glossa inquit; nō quod sit Monachus, sed ratiōe prioris maleficiij, quod leuitatis causa ad asperiorem vitam non petita licentia pertransiret. Et sic quandoque potest esse dispar habitus in eodem choro.

13 Quinto differunt vtriq; quòd nonnulli Canonici Regulares carnes edunt in Refectorio; carniū tamen esus vniuersis Monachis interdictur in cap. cum ad monasterium. In verbo, In Refectorio, sed nec licetis carnis Monachi vtuntur.

- 14 Sexto à se inuicem disconveniunt, quod Monachorum auctor fuit S. Benedictus, aut D. Basilius magnus, aut alius eximius, ac præstans vir. Canonicorum autem Reg. auctor fuit, omnium aliorum excellentissimus Aurelius Augustinus episcopus Hipponensis. Qua in re Humbertus in exordio Regulæ Aug. sic sentit; inter multas, inquit, & varias Regulas, sub quibus Religiosi diuersi in Ecclesia militant, quædā sunt, quas tradiderunt viri, qui cathalogo Sanctorum non adscribuntur; aliæ sunt, quas sancti quidā tradiderunt. Qui tamen sapientia non emineuerunt. Aliæ verò, quas & si sancti, vel in sapientia perfecti tradiderunt; non tamen fuerunt eximie auctoritatis; ob idq; rarius, ac difficilius recipiuntur. Hæc verò Canonici Ordinis Regula, à viro sanctissimo, sapientissimo, eximie auctoritatis B. Augu. tradita reperitur: quæ non tantum ad exemplar vitæ priorum cœnobarum, sed ad viuum vitæ Apostolicæ exemplar ab eo conformata est.
- 15 Septimo inter se differunt, quod facilius dispensatur à Sede Apostolica secundum doctores, cum Canonicis Reg. quàm cum alijs regulariis; Monachis. f. & Mendicantibus, asseuerante id authore argumenti in Constitutiones Canonicorum Reg. à Bened. 12. editas. hæc vltima differentia sufficienter comprobatur ex cap. quod Dei timorem, de statu Monachorum, &c.

Quod Regulares Canonici Cathedralium Ecclesiarum eiusdem sint ordinis, & rationis, cum reliquis Canonicis Regularibus. Cap. xxx.



Postquam ea, quæ in genere ad Canonicorum Reg. Ordinem, & Religionem spectant copiose admodum hæcenus tradidimus, dubia quædam, quæ suberiri possunt, nunc in calce huius libri dilucidè explicabuntur. Nec defuerunt olim, nec hodie defunt, qui in hanc leuē opinionem protrudantur, vt sibi suadeant Canonicos Reg. Ecclesiarum Cathedralium non esse eiusdem Religionis, & ordinis cum reliquis Canonicis Regularibus Monasteriorum, & Collegiatarum insigniū Ecclesiarum. Ad quam opinionem refellendā, duo fundamenta iaciuntur. Primum quāuis Ecclesia Cathedralis Canonicorum Regularium raro, aut nunquam Monasterium, aut Cœnobium appellatur; quia tamen Regularis est, verissimè monasterium est, atq; Cœnobium, & Conuentus. Siquidem vulgare est, sub nomine Ecclesiæ monasterium etiam intelligi, atq; comprehendī. Hinc est, vt sacer Augustinus in sua Regula octo in locis Regularium Canonicorum domum, monasterium nuncupauerit, quæ tamen Ecclesia Cathedralis erat. Secundum fundamentum est, quod ex superioribus abundè comprobatur. Vbi est idem Religionis habitus

habitus essentialis, eademq; solennis professio, ibi idem est ordo, & ratio. Hæc. n. ratione, atque discrimine vniuersæ Religiones à seinuicem discrepant, & secernuntur.

His præmonitis, hæc constans conclusio mente tenenda est. Omnes Canonici Regulares tam Ecclesiarum Cathedralium, quam non Cathedralium, siue Monasteriorum eiusdē Ordinis, & Religionis sunt. Quoniam ubi est eadem habitus essentialis, & professionis ratio, ibi est eadem iuris dispositio; sed vniuersi Canonici Reg. Cathedrales eandem professionem emittunt, eundemq; habitum gerunt, nempe togam lineam. Igitur omnes Regulares Canonici, etiam Cathedrales sunt cum reliquis eiusdem Ordinis, & Religionis. Nemo. n. profectò vir cordatus non leuiculam rationem existimaturus est; quòd hæc sola exigui momenti consideratōne, quia ecclesia alioqui Regularis, Cathedralis est, Monasterium esse iam definat, ipsiusq; Canonici à verorum Regularium Canoniorum prædicamento, & consortio excludantur. Ad hoc sane ferendum iudiciū, Ecclesiæ Cathedralis ratio impertinens est.

Secundo id exemplis Canonici comprobatur. Vt. n. constat ex varijs chronicis, præsertim verò ex S. Anto. Flo. 3. par. Hist. tit. 27. cap. 4. in ecclesia Cathedrali Oxoniensi in Regno Castellæ sub Didaco Episcopo instituti fuerunt Canonici Regulares; è quorum numero, & Canonicus, & Subprior erat B. Dominicus. Erat autem professus secundum Regulam Beati Augustini, quam postea suis fratribus Prædicatoribus profitendam tradidit.

Tertio in cap. innotuit. de elect. sic habetur. Innotuit nobis, quod Vigoriensi Ecclesia destituta Pastore, Prior, & Conuentus eiusdem magistrum M. Archidiaconum Euoracensem in Episcopum elegerunt, &c. Et inferius cap. cum Vintonensis, eodem tit. sic habetur. Cum Vintonensis Ecclesia Pastore vacaret, Archidiaconus cum suis factoribus Salubriensem diaconum; Prior verò, & complices eius præcentorem Linconensem in Episcopum elegerunt, &c. ubi glossa Vintonensem Ecclesiam & Priorem habere, & Conuentum esse astringit. Vigoriensis quoque Ecclesia, & Priorem habere, & Conuentus esse in tex. manifestatur. Ergo Canonici illarum Cathedralium Ecclesiarum Regulares erant. Id quod Io. Andreas asserit. Ergo per Canonicos Regulares intelliguntur tam Cathedrales, quam non Cathedrales: ubi obiter annotabis, Ecclesias Cathedrales etiam Conuentus dici.

Quarto nostrum conficitur propositum ex Constitutionibus Canonice Reg. à Bened. 12. & editis, & approbatis: in quibus omnes Canonicos Regulares tam Cathedrales, quam non Cathedrales indifferenter sub vno Capituli generalis, siue provincialis gremio ipse Pontifex

compre-

comprehendit. Ex eo quod una, eademq; Regularis professionis, & habitus ratio sit in utrisq; ; quamvis in habitu superiori, qui ad Ordinis essentiam non pertinet, sit accidentaria differentia: quæ quidem speciem non mutat. Dummodo in habitu lineo, & Regulari professione non sit discrepantia.

6. Quinto in cap. cum terra. Ibidem traditur forma eligendi Pastorẽ in omnibus Conventualibus Ecclesijs. Vbi ex textu, & glossa colligitur ipsas Ecclesias Cathedralis, & Conventus esse posse, & Conventuales nuncupari, & ex consequenti ipsarum Canonicos esse Regulares.
7. Sexto in cap. in causis, eodem tit. de Canonicis Capituli Ecclesię Tolosane fit mētic, atq; discussio, commemoratur etiam Prior; sed ecclesiam Tolosanā Regularium Canonicorum à primæva sua institutione semper fuisse constare, idq; etiam patet ex registro Innocentij. 3. & ex Cathalogo Ecclesiarum Cathedralium huius Ordinis; quem conscripsit author argumenti in Constitutiones Canonicorum Regularium Bened. 12, ergo Canonici Regulares Cathedralis sunt eiusdem Ordinis, & Religionis cum alijs.
8. Septimo id ipsum cōmonstratur ex cap. præterea, de præbēdis, &c. G. qui in tua, & Tolosana ecclesia est Archidiaconus constitutus, & in utraq; Ecclesia regulariter professus, &c. ergo Cathedralis Canonici ecclesiarum metropolitanarum Burdegalēsis, & Tolosane Regulares Canonici erant. Quo in loco ait glossa, Canonicum Regularem fieri posse Archidiaconum.
9. Octavo idem constat ex cap. cum super elect. de confess. & cap. si put nobis, de Regularibus. Vbi cū glossa legimus, Canonicos Bethleemiticos, & Nazaretenses emittere solitos professionē secundum Regulam S. Aug. dareq; consuevisse habitum lineum, qui proprius est habitus Canonicorum Reg. Vbi textus locum illum Canonicam vocat, & pro verbo profiteri, glossa utitur verbo Monachari. Sed has prædictas Ecclesias Cathedralis esse compertum est ex registro Innoc. 3. idemq; asseritur de Ecclesia Hierosolym. Ergo Canonici Cathedralis sunt etiā Regul. cum cæteris. Sunt & alia cōplura iuris Canonici loca, quæ itq; proposita stabilienda nō parum cōducunt; ea tñ ad amputandam fastidiosam prolixitatem prætermittimus; si quis verò ea de re plura posse cupit, perlegat Aug. Ticinensem in Propug. Canonici Ordinis par. 3. cap. 5. Qui rem & copiosè, & luculenter perstrinxit.
10. Sanè non ab re fuerit superiori tractatui Ecclesias Cathedralis hic adnectare ex authore argumenti in Constitutiones Can. Reg. Bened. 12, dicente; Canonici Regulares Metropolitanas, & Cathedralis Ecclesias, & quidem inter alias digniores, tanquā veri Clerici obtinēt;

& gubernant: ex quibus hodie nonnullæ, frigescente Charitatis seruo-
re, in Canonicos seculares redactæ sunt. Ex ipsis autem, quæ à sua in-
stitutione sub Canonicis Rēg. existunt: & quibus modo ius cōmune,
modo liber taxarū Cāmēræ Apōst. S. R. E. fidem asstruunt, aliquæ su-
biiciuntur videlicet. Sancta, & in toto orbe primaria Ecclesia Late-
ranen. quæ est Papalis. Sancta Ecclesia Alexandrina Patriarchalis. c. 1
Sancta Ecclesia Hierosolymitana Patriarchalis. Sancta Ecclesia Naza-
retensis in Galilæa, metropolitana. Ecclesia Cæsaraugustana in Ara-
gonia, metropolitana. Ecclesia Tarracōnensis in Aragonia, metropo-
politana. Ecclesia Tolosana in Vasconia, metropolitana. Ecclesia Aui-
nionen in Gallia, metropolitana. Ecclesia Arelaten. in Gallia, metro-
politana. Ecclesia Zanzaronen. metropolitana. Ecclesia Tarantasiē.
in Burgundia, metropolitana. Ecclesia Salsēburgen. in Germaniā,
metropolitana. Ecclesia Brāndēburgen. in Germania, metropolitana.
Ecclesia Pampilonen. in regno Nauarræ, metropolitana. Hæc Ecclesia
Cæsaraugustanæ metropolis nunc suffraganea est. Ecclesia sancti An-
dræ in Scotia, metropolitana. Ecclesia Anicien. in Gallia, quæ vtitur
pallio. Ecclesia Magalonen. in Gallia. Ecclesia Gratianopolitana, in c. 1
Delphinatu. Ecclesia Perusina, in Tuscia. Ecclesia Eugubina in ducatu
Spoletano. Ecclesia Gerunden. in Catalonia. Ecclesia ciuitatis Castellę
in Tuscia. Ecclesia Dignē. in prouincia Prouinciæ. Ecclesia Seueren.
ibidem. Ecclesia Tarmen. in Basconia. Ecclesia Dertusen. in Catalo-
nia. Ecclesia Vranien. in comitatu Vencisino. Ecclesia Siracusana in
Sicilia. Ecclesia Cefaluden. in Sicilia. Ecclesia Oxomen. in regno Ca-
stellæ, siue in Hispania, iam secularis est. Ecclesia Hipponen. in Aphri-
ca. Ecclesia Vaniē. in Aphrica. Ecclesia Sebastianen. in Aphrica. Ec-
clesia Tagasten. in Aphrica. Ecclesia Adrumentina, in Aphrica, & alię
plurimæ in dicta prouincia Aphrica, quæ ab infidelibus detinetur,
& quæ breuitatis causa omittuntur. Hactenus ex auctore prædicto.
His enumeratis Cathedralibus Ecclesijs adnumeranda est Ecclesia c. 1
Bethlēmica ex Augustino Ticinensi in Propugnaculo Canonici Or-
dinis par. 3. cap. 5. vbi & plures commemorat huius Ordinis Cathē-
drales. Sed tamen nec præmittenda est Ecclesia Auxitana in Gallijs,
& metropolitana.

c. 1 Sed ad propositum negotium iam nostra recurrat oratio. Hanc er-
go veritatem à multis iam superioribus seculis confirmatam, stabili-
tamq; habentis ex pluribus iuris canonici locis, vnde vniuersi Reli-
giosi quauicunq; domorum, siue religionum, vnam de approbatis
ab Ecclesia regulam assumere teneantur: ac iuxta eam solennē pro-
fessionem emittere cōgantur. Hinc enim manifestum fiet omnes Ca-

nonicos Regulares, etiam Cathedrales eiusdem esse Ordinis, atq; ratione. Primū igitur, constat ex cap. perniciosam. 18. q. 2. ex Inho. 2. Perniciosam, & detestabilem consuetudinē quarundā mulierum, quæ licet neq; secundū regulam B. Benedicti, neq; Basilij, aut Augustini viuant, sanctimoniales tamen vulgò censi desiderant, aboleri decernimus.

12. Secundo, ex cap. cum causam. de elect. ex Innoc. 3. Et compellatis præfatum presbyterum, aliosq; Clericos non professos, vt vel beati Augustini Regulam in eadem Ecclesia constitutam præstent, & seruent, aut ipsam Ecclesiam omninò dimittant.

13. Tertio, ex cap. ne nimia. de religiosis domibus. Ne nimia Religionis diuersitas grauem in Ecclesiam Dei cōfusionem inducat, firmiter prohibemus, ne quis de cætero nouam Religionem inueniat; sed quicumq; ad Religionem conueriti voluerit, vnā de approbatis assumat. Similiter qui voluerit Religiosam domum fundare; regulam, & institutionem accipiat de approbatis. Illud etiam prohibemus, ne quis in diuersis monasterijs locum Monachi habere præsumat, nec vnus Abbas pluribus monasterijs præsidere.

14. Quarto, ex cap. Religionū diuersitatem, de religiosis domibus in 6. ex Greg. 10. Religionum diuersitatem nimiam, ne cōfusionē induceret, generale Concilium consulta prohibitionē vetauit. Sed quia non solum importuna petentium inhiatio illarum postmodum multiplicationem extorsit, veruntamen aliquorum presumptuosa temeritas diuersorum ordinum præcipuē mendicantium; quorum nondum approbationis meruere principium; effrenatam quasi multitudinem adinuenit; repetita cōstitutione districtius inhibētes, ne aliquis de cætero nouum Ordinem, aut Religionē adinueniat, vel habitū nouæ Religionis assumat: cūctos affatim Religiones, & Ord. medicantes post dictū Conc. adinuentos, qui nullā cōfirmationē Sedis Apost. meruerūt, ppetuæ prohibitioni subijcimus, & quatenus pcesserāt reuocamus, &c.

15. Quinto, ex extrauagante Io. 22. de religiosis domibus, quæ incipit: Sancta Romana. Sancta (inquit) Romana, atq; vniuersalis Ecclesia, cui auctore domino licet immeriti præsidemus, sicut religiosa, & pia vota benigno fauore prosequitur, sic superstitiosos conatus insolentium hominum detestatur, videlicet ne sub ouina pelle gregem dominicum truculentia lupi rapacis inuadat, sub pietatis imagine virus hæreticæ prauitatis obrepat, & sub prætextu conuersationis angelicæ incautis mentibus spiritus malignus illudat; cuius rei gratia sacris Canonibus est interdictum, ne aliquis nouum Ordine, aut Religionē inueniat, vel habitū nouæ Religionis assumat: sed quicumq; ad Religionē venire voluerit, ingrediatur vnā de Religionibus approbatis. His adde cō-

stitutionē Pij 5. quæ incipit, Lubricum vitæ genus. Qua quoscunq; Religionum ritus, sub solēni professione triū votorū, atq; aliqua approbata regula cōstringit, & subiicit, quā nos retulimus superius. cap. 10.

De reprobāda opi. Canonicos Cathedralis semiregulares statuēte. Cap. xxxi;



Vidam ægreferentes, Canonicā, approbatamq; D. Aug. Regulam, ab ipso auctore Canonicis Regularibus, & Cathedralibus fuisse traditam, & iniunctam, quendam inauditum, inordinatumq; Canonicorum Cathedralium Ordinem confinxerunt, solis coniecturis suffulti, quibus videlicet Canonicis Cathedralibus tantum bonorum proprietas denegaretur; cætera verò duo Religionis vota minime profiteri tenerentur. Ad diluenda verò aduersariorum argumēta, infirma eorum fundamenta aperienda sunt. Sciendū est igitur quandam fuisse opinionem ab Aug. Ticinensi loco nunc citato commemoratam. Quæ originem, propagationem, successionemq; Canonicorū Reg. hac ratione descripsit, vt Canonici Regulares in duplici sint differētia. Quidam. n. sunt Canonici Cathedralis ab Augustino in suo episcopali instituti, & primū creati. Istis tamē regulam celebrē, & ab Ecclesia approbatam Augustinus non tradidit, nec obseruandam iniunxit. Loco tamen Regulæ, atque instituti eis tradidit, conscripsitq; vulgatos illos duos sermones, quorum exordia sunt; Propter quod volui, & Charitati vestrę hodie, quos etiam de vita Clericorum inscripsit. In quibus communis tātum vita, Apostolorum more obseruanda præcipitur, quam etiam iuxta hoc duos sermones profitebantur. Cæterū nullam aliam trium votorum substantialem, Religioforum ritu, & lege professionem emittebāt. Hæc Canonicorum Cathedralium institutio sola est, vt eisdem placet, quā Conciliū Aquisgranēse, cap. 112. & 113. Canonicis præscribit. Quæ etiam perdurasse fertur vsque ad tempora Innoc. 2. & Innoc. 3. aliorumq; summorum Pontificum. Post hos. n. Rom. Pontifices suis luculentis sanctionibus edicis ipsi iidem Canonici Cathedralis S. Augustini coacti, compulsiq; sunt, tria vota iuxta celebrem, approbatamq; Augustini Regulam profiteri. Dicuntur autem iuxta huius opinionis placitum Canonici S. Augustini, non quod Regulares essent, sed quod Augustinum institutorem habuerint. Si tamen Canonici ab Augustino sunt instituti. Nam, & id ab aduersarijs in dubium vertitur. Huius opinionis fuisse existimāt Dionys. Carthus. in tractatu Canonicorum art. 1. cuius titulus est De originali institutione, & prima inchoatione Canonicorum.

2 Alij sunt etiam Canonici, vt aduersarij conijciunt, qui vulgò Regulares

lares dicuntur, à S. Rupho, siue Arnulpho Episcopo Lugdunensi instituti. Nuncupantur autem Canonici Regulares S. Augustini, non quòd ab Augustino ortum traxerint, sed quòd Regulam Augustini cum plurimis alijs ordinibus profiteantur. Qui tamen tria Religionis vota etiam emittunt.

3. Aduersus tamē hanc enarratam opinionem, quæ iudicio nostro insignem falsitatem continet, perspicuitatis gratia. Prima statuitur conclusio: Canonici Regulares S. Augustini tria Religionis vota iuxta eiusdem Regulam profitentes, siue sint Cathedrales, siue monasteria colētes ab ipso D. Augustino Regulam celebrem, ab Ecclesiaq; approbatam, tanquā à suo vero institutore acceperunt. Eandemq; Regulam prædictis Canonicis Augustinus tradidit custodiendam. Hanc conclusionem abundē comprobauius hoc lib. 1. cap. 2. & 3. dum ageremus de Ordinis Canonorum Regularium origine, & antiquitate. Idq; confecimus rationibus, iuris Canonici confirmatione, & plurimorum historicorum auctoritate, summorum etiam Pontificum grauissimo iudicio, & sententia.
4. Secunda conclusio; Duo illi Augustiniani sermones ab aduersarijs adducti, Canonicis Regularibus prædictis nunquā loco Regulæ eiusdem sunt traditi ab Augustino. Primum nanque illi sermones, neque Regulæ alicuius formam, neq; instituti modum quēpiā præferunt. Ut ex eorum discursu, & nimia prolixitate prælegenti sit apertum. Quin potius cuiusdā apologiæ, siue cōpurgationis imaginem cōtinēt. Pro cuius rei explanatione animaduertendū est, post creatū Canonic. Regularium verē religiosorum Collegium, ac Monasteriū intra domū Episcopalem, viuente ipso Augustino, insurrexisse in vrbe Hipponensi aduersus suos Religiosos Canonicos, seculares quosdam homines maleficos, ac detractores, qui in Augustinum obmurmurabāt, quòd quidam sui Canonici pecuniam, ac proprium contra professionem vulgo iactatam possiderēt; quæ res secularibus offendiculum erat. Præcipuā tamen huius obmurmurationis causam, & occasionem præstitit Ianuarius quidam presbyter, & Canonicus Regularis, qui moriens testamentum condidit, filijsq; quibusdam hæreditatem reliquit: qua ratione S. Augustinum se fellit, maximoq; dolore diuexauit. Duos sanē illos sermones Augustinus conscripsit ad tuendam suam, suorumq; existimationē, & famam; explicans primum, se non appetiuisse, neq; ambitionē conquisiuisse Episcopatum. Referens etiam quales donationes suæ Ecclesiæ factas repudiauē, ac renuerit; ipsum Ianuarium tanquā apostatam, & proprietarium accusans. Docet etiam vnde hanc Apostolicā Regulam desumpserit. Demum quamplurimos Canonicos,

cos, quos ipse Clericos vocat, refert, peculiaria illorum gesta, paupertatem, & bonorum abdicationem exponens; proluxa; ac conduplicata oratione à detractorum accusatione, reprehensione; se, & suos tuetur. Itaq; ni fallimur, nihil à Regulæ forma, seu effigie alienius cōscribi poterat. Vt. n. doctissimorum virorum iudicio cōprobatur Regulam nihil est aliud, quàm brevis rerum præceptio, ordine etiam distributa, atq; digesta. Quo ergo iure sermones illos Canonicoꝝ esse Regulam aduersarij opinentur, prorsus ignoro. Potius. n. apologiam dixerim, quàm regulam. Imò verò illinc colligere licet, iam eo tempore ante hos sermones conscriptos, Regulam Apostolicam, & Canoniceam fuisse ipsis Canonicis exhibitam, ob idq; aduersus Ianuarii Augustinus conqueritur, quòd suæ iam prius traditæ Regulæ impius transgressor extitisset.

3 Tertia conclusio; Arnulphus Archiepiscopus Lugdunensis non fuit Ordinis Canonicoꝝ Reg. auctor, siue institutor; sed reformator, & restaurator. Hanc rem demonstrauius superius cap. 10. agentes de arctioribus quibusdam congregationibus Canonicoꝝ Reg. Quo in loco plures retulimus huius Ordinis reformationes, varijs temporibus, à diuersisq; restauratoribus fuisse factas. Vt ab Iuone Carnotensi, & à Petro Damiano. Item à Bened. 12. in quorum numero Arnulphum connumerauimus, qui in Gallijs hunc Ordinem reparauit. Cuius rei assertores sunt Augustinus Ticinensis in Propugnaculo Canonici Ordinis. 5. par. confirmatione. 8. Qui & plures historiographos citat, has reformationes narrantes. Et Ioannes Nauclerus volum. 2. Chronographix, generatione. 37.


6 Quarta conclusio; Concilium Aquisgranense hunc morem suo discursu obseruat. Vt priscorum, sanctorumq; patrum, atq; etiam Conciliorum sententias, documentaq; in vnum aceruum congefferit, & consarcinauerit ad Religioforum, Clericoꝝq; eruditionem; quo factum est, vt à quibusdā, vt longum, permolestumq; rescindatur partim, atq; refecetur. Itaq; locis citatis duos illos Augustinianos sermones apposuit, vt in calce cap. 113. explicat, ad qualemcunq; doctrinam, & instructionem Religioforum, qui fortè ijs temporibus proprietatis vitio laborabant, vitamq; communem discindebant, & dilacerabant. Propterea; aliorum votorum, videlicet obedientiæ, & castitatis Conciliū illud non meminit eo loco. Immeritò ergo doctrinæ, sacræq; Patrum, & Conciliorum conciones, Regulæ Canonicoꝝ existimantur.

7 Quinta cōclusio; Dionysius Carthusianus absq; iure ab aduersarijs in contrariam opinionem rapitur, & contorquetur. Dum. n. loco citato vitæ monasticæ originem ab Apostolis deducit, tria etiam Religio-

nis vota eo tempore extirpasse, constanter astruxit his verbis. Veruntamen multi prioris deuotionis, conuersationisq; memores, cum ingentis paupertatis ardore vitam illam communem denuò assumpserunt, & Apostolicam institutionem renouauerunt, in suburbanis, ac locis secretioribus commorâtes, à coniugijs abstinentes, sub obedientia sancta secundum euangelica consilia conuersantes. Ex quibus vita cœnobitalis, seu monastica sumpsit exordiũ. Quæ res nobis argumento esse potest. Canonicos B. Marci ante Augustinũ, Canonicosq; Cathedralẽ D. Augustini tempore; tria vota iam emisisse. Deinde verò idem Carthusianus paulò inferius subdit institutionem Canonicorũ seculariũ, qui quandam vitam communem in Refectorio, Dormitorio, communiq; domo propè ecclesiã agebant; propria tamen bona, ac pecuniaria retinebant. Horum Canonicorum secularium institutionem, & viuendi modum apertè descripsit idein Conc. Aquisgran. à cap. 114. ad calcem vsque; quibus propria habere sub Decaniq; regimine viuere libenter largitur. Quem viuendi modum his nostris temporibus quidam neotherici suis scriptis celebrarunt. Hi igitur Canonici seculares sunt, qui tria vota Religionis non profitebantur, quia seculares erant. Hãc profectò explicationem significasse videtur Carthusianus, cum facti cõstringitur, huiusmodi Canonicos sub Decani gubernatione vixisse, quorum etiam loca monasteria dicebantur. Quis. n. vsquàm, aut vnquàm Canonicos Regulares, nisi prorsus seculares. Decanum habuisse gubernatorem aut vidit, aut legit? Hic. n. mos ab Ecclesia obseruatur, vt capitulorum secularium capita, Decani dicantur.

3. Possumus etiam facili negotio aduersæ parti respondere. Dionysium Carthusianum non esse tanti faciendum, nec tantam illi fidem habendam; eo præsertim quod ipse plurimorum historicorum assertioni, iuri Canonico, ac etiam summis Pontificibus hac in re aduersetur. Quos omnes superius cõmemorauimus cap. 2. & 3. sic intelliges planè, quæ sint aduersariorũ argumenta infirma, frigida, coniecturis etiã ludetiã.

Quòd Augustinus ipse suam tertiam regulam Canonicis Regularibus, adhuc viuens obseruandam tradiderit. Cap. xxxij.

1.  Vnt qui in facias iuerint, aut certè in dubitatione reuocauerint, sit ne hæc Augustiniana Regula, quæ ab Ecclesia approbata est ab ipso Augustino, adhuc viuente ipsis Canonicis Regularibus, vt obseruaretur: tradita, & iniuncta? Hi sanè opinatores ex illorum numero mihi esse videntur, qui vt litem dubiam, aut iniustam facilius tueantur, ea etiam, quæ sibi nulla ratione, nulloq; etiam apparenti iure debentur, stentoreo tamen

tamen clamore à iudice flagitant. Sunt etiam similes illis, qui nullum coheredem secum patiuntur, sed integram hæreditatem sibi arripiunt, totumq; impetium occupant. Cur. n. alij Religiosi primo genituram, institutionem, successioremq; sibi vendicabunt, si suo auctori, parètiq; filios alios p quam legitimos, absq; suo vllò detrimèto, aut dedecore iure optimo dederimus, attribuerimusq; Quasi fieri non possit, aut non deceat, vt ipsa vta, eademq; Augustiniana Regula, quæ in tot Religionibus, Ordinesq; post Augustini obitum propagata fuit ob vberissimam vtilitatem, quam omnibus Religionem volentibus parit, ab ipso viuente Augustino, & Canonicis, & Eremitis, & Sanctimonialibus tradatur, iniungaturq;. Historia quidem, testis est temporum, lux veritatis, vitæ magistra, memoriæ præses, & vetustatis nūcia. Cuius proinde prima est lex, ne quid aut falsi dicere, aut veri (quod quidem scita dignum sit) suppressere, in alicuius odium, aut gratiam audeat; debet enim esse verà, & sincera, vt ne summum quidem aduersarium narratione lædere, nihilq; quod exploratū nō habeat, palam asserere historiographus ausus sit. Alioquin. n. ex rerū gestarū ignorance, aut mendax, aut imperitus conuincetur. Secunda lex est, ne quid repugnās, aut implicans, seu falsitatis se mutuo coarguens afferat. Nam si mendacem decet esse memorem, si deprehendi nō vult, quantò magis historicum; cui ne dubiū quidem asserendū est. Tertia lex est, vt historia sua breuitate aptè delectet, plenè doceat, sensimq; & acriter, quantum opus fuerit, moueat. Quarta lex sit, ne quid superfluum, aut imminutū contineat historia. Superfluum autē cōtinere videatur, si altius quā opus sit, exordiū repetierit; si digressiones ad rē nihil facientes induxerit.

Rem igitur ea, quæ Religiosos decet, modestia, animiq; sinceritate, tersaq; historia excutiamus. Initio ipso aduertentes, ex Choriolano in commentarijs in Regulam Aug. cōm. 1. & in Defensorio veritate idum decimam auctoritatem discutit, præstantissimum nostrum Augustinum tres Regulas edidisse. Primam quidem ex omni fratrum in monte Pisano solitariam vitam agentium decreto, anno ætatis suæ 31. sub anno domini 408. quæ incipit; Cōmuni definitione decreuimus; Alteram, quæ incipit; Antè omnia fratres charissimi, &c. Et paulò inferius, qualiter autem oporteat nos orare, vel psallere describimus. Vbi autem eam composuerit, certum hucusq; Choriolanus nō habet, quibusdam opinantibus in Centumcellis, anno ætatis suæ 32. sub anno domini 416. Alijs verò sentientibus, eam ab Augustino fuisse conscriptam in Aphrica in primo monasterio, quod suo patrimonio consecerat, vel in quodam sublimi monte per duo milliaria ab eo loco distante. Alijs etiam existimantibus in monte Pisano fuisse editam. Ter-

tiam verò, quā Ecclesia Catholica celebrem effecit, & approbauit, cō-
 scripsit iam presbyter creatus, ante episcopatum susceptum, vel certe
 vt Eremitis perplaceret, iam factus Episcopus Hipponensis. Hæc. n. litis
 origo est. Eo igitur tempore tertiā Regulam ex his duabus, & ex qui-
 busdā alijs salubribus documentis, quæ ipse Paradisi nuncupauit mar-
 garitas, conflatā promulgauit. Hæc, vt pleriq; asserunt ab eo loco ini-
 tium sumit, vbi legitur, hæc sunt, quæ vt obseruetis, præcipimus in mo-
 nasterio constituti. Primū, propter quod in vnum estis congregati, &c.
 Sic tamen vt prima clausula, nempe hæc sunt, quæ vt obseruetis, præ-
 cipimus in monasterio constituti, sicuti in vetustissimis, emendatis-
 simisq; libris Choriolanus comperit, rubricā sit sequentis sermonis,
 vbi præcepta connumerans, textum inchoauit dicens: Primum pro-
 ter quod, &c. Quibus si assentiri licet, mandatum de diligendo Deo,
 ac proximo, idcirco additum fuisse censendum est, vt expressius ad id
 seruandum excitemur, vehementiusq; inflammemur. Has tres regu-
 las habet primus tomus operum Augustini propè finem, quas om-
 nes Choriolanus commentarijs illustrauit.

- 3 Secundo notandum, hanc tertiā Regulam, Speculum ab Augu-
 stino fuisse nuncupatam. Quoniam quæcunq; in alijs Regulis contine-
 bantur, & quæ ad nostram salutem conducibilia erant, in hac vna, velu-
 ti in splēdido Speculo perlegere, inspicereq; possumus. Ne verò quis-
 piam in errorem labatur, admonet Choriolanus com. 72. sanctum
 Augustinum quorundam, videlicet Eremitarum, & Clericorum suo-
 rum curam habuisse peculiarem: aliorum verò Christianorū Dei iussu
 Episcopum creatum, vniuersalem curam suscepisse. Quapropter duos
 edidit libros, quorum vtrumq; Speculum appellauit; quamquam illud
 vniuersale, hoc verò particulare nominauerit, alterū, videlicet hanc
 Regulam peculiaribus suis Eremitis, & Canonicis, alterum, in quo
 vniuersa legis cōgessit mādāta, quod inspiciendū, legendū, obseruan-
 dumq; omnibus fidelibus iussit, & reddidit. Hoc autem præceptorū
 Dei Speculū tomus 3. operū Augustini continet. Caue igitur, ne ea quæ
 de Speculo particulari legeris, ad illud vniuersale referas.

- 4 Tercio notandum ex Choriolano com. 2. In Regulam Augustini,
 & in Defensorio veritate 4. tria monasteria ab excellenti nostro paren-
 te fuisse in Aphrica cōstructa. Vt ipse Augustinus ait in sermone de Iu-
 stitia, qui incipit; Vt bene nostis; præter alia monasteria, quæ in monte
 Pisano, & in Centumcellis ædificauit. Sic enim ait; Vt bene nostis fra-
 tres charissimi, tria monasteria apud Hipponē Dei gratia, merui lau-
 dabiliter ad honorem sanctæ Trinitatis construere; quorum primum
 hoc est, in quo iam annis multis modico pabulo contenti, hilariter cō-

moramur, beſtijs aſſociati, ab auibus miniſtrati, ciborumq; ſpernētes delitias, viſus hominum fugientes, & ideo non ego miſer, ſed vos ſapē Angelorum eſtis aſſueti colloquijs. Aliud quoq; monaſterium in horto, quem ſanctus pater Valerius mihi dedit, ædificatum eſt. Et quoniā poſtquā Episcopuſ factuſ ſum, nec ſemper hic vobiſcū habitare potui, nec cū fratribus, qui in altero poſiti ſunt monaſterio; propterea infra domum Episcopuſ mecum habere volui monaſterium Clericorum, vt cum eiſdem pariter ſecundum Apoſtolicam traditionem viverem, ſicut & vobiſcum hætenus vixi.

5 Quarto notandum, hæc ferē eſſe diſſidia in ordine Auguſtiniano a quibuſdam excitata. Primum, in ſecūdo monaſterio fuiſſe ab Aug. Regulam conditam, Eremitiſq; traditam, iam præbytero, nondum tamē Episcopuſ; alijs contra aſſerentibus Clericorum Regularium illud fuiſſe monaſterium inſtitutum, eiſq; Clericis tanquā primogenitis Regulam fuiſſe tributam? Itaq; hic de primogenitura, temporisq; prioritate agitur. Secundum diſſidium eſt, an conſtitutus Episcopuſ in tertio monaſterio domuſ Episcop. poſt congregatōs, cooptatoſq; Clericos Regulam condiderit, eiſq; Clericis ſelectis regulam, regulareniq; vitam obſeruandam præceperit; eo quidem pacto, vt nunquam Aug. hāc celebrem Regulam Eremitis vllis dederit, ſed ſolis Canonicis Regularibus? Tertium diſſidium eſt, an illi Clerici Cathedrales, ab Auguſtino in tertio monaſterio domuſ Episcopaliſ in vnum coacti, fuerint veri Religioſi, veramq; regularem profeſſionem emiſerint? Quibuſdā aſſerentibus, nec Religioſoſ fuiſſe, nec vnquā Canonicos Regulares ab Auguſtino fuiſſe cognitoſ. Quartum diſſidium eſt, quamuis illud concederetur & Eremitis, & Canonicis Reg. fuiſſe regulam Auguſtinianam traditam, & conſeſſam, vtriſ magis conueniat, Eremitis, an Canonicis Regularibus?

6 Quinto, notandum duabus prioribus dubitationib; iam nos abūdē, pleneq; ſatiſfecisse ſuperius cap. 2. & 3. de antiquitate Canonici Ordiniſ pertractanteſ. Quod autem illi Auguſtiniani Clerici veri, perfectiq; fuerint Religioſi, regulam tertiam proſiſtenteſ, nunc commoſtrabimur. Primum ex Poſſidonio in vita Auguſtini, cap. 11. Proſiciente, inquit, doctrina diuina ſub ſancto, & cum ſancto Auguſtino in monaſterio Deo ſeruienteſ, eccleſiæ Hipponenſi Clerici ordinari cœperunt. Ac deinde innoſcente, & clareſcente de die in diem Eccleſiæ Catholice prædicationiſ veritatiſ, ſanctorumq; ſeruorum Dei propoſito, continētia, & paupertate profunda, &c. Vbi ſcholiū Lippomani, inquit, Sancti ſerui Dei Clerici S. Auguſtini creſcebant in monaſterio continētia, & paupertate profunda. Hæc Lippomanuſ. Quod ſa-

nè de solenni triū votorū professione à Canonicis Regularibus, omiffa intelligendū est. Secundo, ex Ioanne à Nigra Valle in epilogo Chro-
nicarum lib. 13. cap. 18. ex Canonico, inquit, Ordine monasticus ordo
traxit originem. Cum. n. in Ecclesiæ primordijs, multi ad perfectionē
illam, qua pro Christo omnia relinquuntur, assidua prædicatione è se-
cularium Clericorum statu conuerterentur. Hi qui angelicam vitam
in communi, viuentes, atque in sortem domini sunt per paupertatis,
castitatis, ac obedientiæ professionem assumpti, Clerici, siue Canonici
nuncupati fuerunt. Hæc ille.

- 7 Tertio, ex Roberto Episc. Arboricensi de tuendo cœlibatu, tom. 2.
tit. de monast. Ord. primordijs. Canonicos, ait; dicimus, qui ex com-
muni placito, ac voto orationi, ac mixtæ bonorum distributioni obno-
xij erant. Erat autem hoc veluti elementum quoddam, atq; exemplar
futuræ communionis in Ordine Canonicorum, qui triplici voto adstri-
cti, se regulares appellant. Quem D. August. longo post tempore insti-
tuens, ab Apostolico fonte se hausisse profitetur.
- 8 Quarto, ex Iacobo Bergomeni Eremita Augustiniano, qui author
est supplementi, lib. 14. anno. 1407. sic ait; Canonicorum igitur Ordo
Reg. D. Augustini, à quibus directè, vt diximus, præfata congregatio
continuatur, ab ipso patre Augustino regularem sumpsit institutionē:
Nam vt in dictis sermonibus de communi vita cler. ad verbum habet-
ur, clericos intra Episcopi domum habere curauit, & cum eis pariter
secundum Apost. formam, quoaduixit in communi degere voluit.
Quibus omnibus placuit vnum in Deo sentire, & omnia in communi
possidere. Et ibi inquit; Clericus duo professus est. scilicet sanctitatem. i. obe-
dientiam, castitatem, & viuere in communi, & vt tunicam lineam, &
birrum, id est, vestem desuper habitum in communi gestarent. Hacten-
us Iacobus Bergomensis.
- 9 Quinto, vnaquæq; Regula, cuiuscumq; sit Ordinis ab Ecclesia ap-
probata, tria in se continet, videlicet tria perfectæ Religionis essentia-
lia vota; hoc est, paupertatem, castitatem, & obedientiam. Nam vt 2.
cap. ex S. Tho. superius docuimus, ad Religionis perfectionē hæc tria
requiruntur. Idcirco noster August. in sua Regulæ decursu prius pau-
pertatem, deinde castitatem, postremò obedientiam tradidit, & præ-
cepit. Eadem tria substantialia in Benedictina, Franciscanaq; Regula
comperies. Sed facer Augustinus hanc Regulam obseruandam Cano-
nicis Reg. dedit, & imposuit, vt ad nauseam vsq; superius compro-
bauimus; igitur sui Canonici hæc tria obseruare tenebantur. Veri igitur
erant Religiosi, atque perfecti, triaq; substantialia profitebantur.
Quandoquidem illa tria in sua Regula continentur.

10 Sexto, ex decreto Theologicæ facultatis Parisiensis, quod superius cap. 9. citauimus: vbi sic legimus; Dubitabatur à plerisq; an Religiosi vouebant tempore Augustini? Et ad supplicationem fratrum S. Victoris, qui petebant solutionem illius difficultatis; facultas disputauit de materia illa, nō solum per deputatos, sed per totam facultatem disputatum est diligenter, & tandem matura præcedente deliberatione conclusum fuit, quod Religiosi S. Augustini, & Monachi illius temporis vouebant. Quo in loco Religiosorum S. Augustini appellatione Canonicos Regulares intelliges. Nam & fratres Sancti Victoris Parisiensis Canonici sunt Regulares.

11 Postremò ex Bened. 12. in præfatione Constit. Canonicorum Reg. Vbi Religionem Canonicorum Regularium Ordinis S. Augustini honorificis verbis referēs, omnia quæ in Religione prædicta tam à prima ipsius institutione, quàm à sacris Canonibus salubriter instituta sunt, corroborat; in eisq; Constitutionibus, & solennis professionis, & obedientiæ, & paupertatis sæpè meminit, iuxta formam aliarum Religionum. Reliqua explanauimus cap. superiore, cum Canonicos Reg. Cathedralis veros esse, atq; completos Religiosos disputabamus.

12 Quattum dissidium commouit Ambrosius Choriolanus in suo Defensorio post appositam tertiam Regulam, vbi docere contendit, eam regulam magis Eremitis, quàm Canonicis Regularibus conuenire. Idq; iudicio meo ratiunculis admodū infirmis. Prima sumitur ex verbo, fratres charissimi, in fronte Regulæ posito, quo ad Eremitas scribens semper vtatur. Canonicos autem, non fratres, sed Clericos, presbyteros, sacerdotescq; Dei altissimi appellitare consueuerit. Ceterum mos est homilias conscribentium vsitatissimus, atq; etiam ipsius Pauli Apost. vniuersos Christianos, fratres appellare, quam locutionem nec ipse Augustinus fastidiebat. Secunda ratiuncula conficitur ex verbo, in monasterio constituti. Canonici. n. sua loca Abbatias, Præposituras, alijsq; insignioribus nominibus denominari volūt. Eremitæ verò Cōuentus, & monasteria dicunt. Sed ignorabat sanè Choriolanus nostrarum domorum nomina. Hic. n. vsus obseruatur. Si domus sint Cathedralis, ecclesiæ appellamus; reliquæ verò domus monasteria dicuntur.

13 Tertia ratiuncula desumitur ex verbis in vnū congregati. August. autem non Clericos, sed Eremitas per nemora dispersos in duobus primis monasterijs congregauit. At verò congregari etiam aptè dicuntur Clerici Augustiniani, qui ex varijs oppidis, & vrbis domibus in vnum commune domicilium ab August. coniuncti, electi, cooptati, coactiq; fuerunt.

14 Quarta fit ex verbis, Non dicatis aliquid proprium, Nam Clerici S. Augu-

S. Augustini multis in locis propriam retinent. Quodnam autem illud sit proprium, explicat, prædia esse, & beneficia. Apertoq; Marte aduersus Religiones bona in cōmunionē habentes dimicat, in ipsamq; Eremitarum Religionem inuehitur. Ait. n. hoc pacto, Ad perfectionem, & intentionem regulæ B. August. magis accedit nihil habere in communi, quàm habere. Neq; ipse ad habendum in communi præcepit, sed permisit aliquid in communi habere propter inexplabilem illorū Clericorum avaritiam, quibus neq; Dens, neq; Ecclesia sufficiebat. At verò superius cap. 20. ex D. Tho. docuimus, triplicem esse paupertatem variarum Religionum, communia bona possidētium, paupertatemq; profitentium. Communitur etiam nostra sententiā ex Conc. Trid. decreto cap. 3. de regularibus. Concedit sancta Synodus omnibus monasterijs, & domibus tam virorum, quàm mulierum, & mendicantiū, exceptis domibus fratrum S. Francisci Capuccinorum, & eorum, qui Minorum de obseruantia vocantur, etiam quibus aut ex cōstitutionibus suis erat prohibitū, aut ex priuilegio Apost. non erat concessum, vt deinceps bona immobilia eis possidere liceat. Quòd si fortè Choriolanus alios peculiare proprietarios significet, nos quoq; eosdem cū vniuersis Religiosis proprietarijs damnamus. Quinta ex verbis; Magis studeant non de parentum diuitum dignitate, sed de pauperum societate gloriari. Vos autem Canonici paupertatem, ait, & pauperum societatem odistis, pingues Abbantias queritis, domni, vel domini vocari appetitis, pauperes fratres Mendicantes deridetis. hæc illæ. Iniuria quidem Choriolanus in Clericos Augustinianos exurgit. Sunt. n. ex eorum numero non pauci, qui in litteris, morum integritate, ac vitæ sanctimonia non postremas obtinent partes. Docet quoq; sacer Canonicorū. Reg. Ordo inanem gloriam fugere, humilitatē sectari, Christi pauperes, probosq; Religiosos suspicere, & amplecti. Audi Paulum dicentē; Non qui se ipsum commendat ille probatus est, sed quem Deus commendat. Sexta ratio conficitur ex verbo, In oratorio. Oratorium. n. sacellū est, idest parua Ecclesia, quales sunt ecclesiæ Eremitarū, non verò Canonicorum, qui ecclesias Basilicas, Episcopatus, & Cathedralēs domos habēt. Attamē & Eremitæ amplissima, prætiosissimaq; monasteria possident, nec id vetuit August. Postrema ratio ex illis verbis excogitata fuit, non affectetis vestibus placere, sed moribus. Quod Eremitas opere explere, ait, nō Canonicos Reg. qui pōpōis indumentis fruuntur. Quos etiā voracitatis, & discursus vitio subnotat, opprobrijs, diatribisq; flagellat. Sed respondendum existimo, Christum, cum malediceretur, non maledixisse; Augustinumq; nos iniuriarum remissionem, & obliuionem in Regula docuisse. Quocirca his omnibus ne-

glectis,

glectis, id tantum docendum, Augustinum eo loco citato, alijsq; similibus notabiles vestes interdixisse, quorum verborum significationem ipsis eisdem locis copiose admodum explicuimus. Quin potius astruimus, Augustinum non vilibus, aut neglectis vestibus usum fuisse; sed quod grauem virum decet, in his omnibus mediocritatem seruasse. Quod quidem Possidonius eius Canonicus, & discipulus in historia sui præceptoris explicat. Vestimenta eius, ait, & calciamenta, & lectuaria, & competenti, & moderato habitu erant, nec nimium nitida, nec abiecta plurimum. Mensa vsus est frugali, & parca. Semper autem vinum bibebat, coclearibus argenteis utebatur. Caterum vasa, quibus mensæ inferebantur cibi, testea, vel lignea, & marmorea fuerunt. Et Augustinianam mediocritatem tibi propositā, quam iuniteris.

De conciliatione opinionum in vtroque Ordine Augustiniano. Cap. xxxij.



Variis non mediocribus fundamentis, nec vulgaribus testimonijs Canonorum Reg. nobilissimam antiquitatem stabiliuerimus, contemnenda tamen non est diuersarum opinionum conciliatio, quam Ambrosius Choriolanus in commentarijs Regulæ, in suoq; Defensorio, quasi in sua sustinenda opinione tepidans, atque vacillans, propalauit, ac proposuit. In primis in vita Augustini ante Regulæ ingressum sic ait; Ad quam certè dignitatem assumptus Augustinus Clericorum regularium, quos vocabulo Græco Canonicos appellamus: monasterium instituit, & duos priores viuendi modos in vnam redegit Regulā, quam & fratribus, & Canonicis iussit esse communē. Rursus commento. 72. cuiusdam capituli titulus sic habet. Ambrosius probat ex dictis, hanc Regulam tam Eremitanis, quàm Canonicis Augustinum dedisse. Deinde verò sic ait, & quanquam multis, multiplicibusq; tum summorum virorum auctoritatibus, tum rationibus possit demonstrari, hoc sacros Canones non solum Clericis, quos ad rectam viuendi semitam in Episcopatu reduxit; verum etiam nobis suis fratribus Eremitanis, diuum parentem nostrum Augustinum conscripsisse; ex eo tamen, quòd libellum hunc, Speculū appellauerit, itidem euidentissimè constat. Nam in sermone de tribus generibus Monachorū ait, quia non solum pauperes esse voluerunt, sed etiam supra id quod in Speculo nostro edidimus, facere voluerunt. Ecce apertè hanc regulā, quā vocat Speculū, asserit à suis Eremitanis nō solum ad vngue obseruatā extitisse, verum etiam eos super illam, arctiorem duxisse vitam. Et in sermone de Cæna domini, id ipsum euidenter innuit, cum ait. Vt ego plenius valeam, vna vobiscum corrigi, & doceri, relinquere volui presbyteros

byteros meos, quorum vita Apostolica, vestra, & eorum vna est. At vero si vna est, vtrorunq; Apostolica vita per eum data, vtrorunq; vna sit regula, necesse est. Tertio idem Choriolanus in Defensorio post cōscriptam tertiam regulam Augustini, sic sentit. Hæc quidem tertia regula, quanquam D. Augustinus in rei veritate, tam Clericis suis, quos in suo Episcopatu ad communem viuendi modum reduxit; quam eius Eremitis, quos dispersos per nemora ex diuersis locis in duobus monasterijs, antequam esset Episcopus, cōgregauerat, voluerit, vt esset cōmunis. Hæc Choriolanus, quem iam dedisse manus manifesto cōstat. Vides, quo tetenderint vniuersę Choriolani argumentationes, & acerbæ increpationes in Canonicos Regulares iactatæ? Et qui antea primogenituram, temporisq; prioritatem ambiebat, & conquirebat; iam tandem Canonicos Regulares cōuales, & cōtaneos optat.

2. Iam verò quis non videat, exigui roboris esse Abbatis Ioachimi testimonium, quem tantopere, ac tertio quoque verbo magnificerūt, & celebrarunt; qui vt ipsi affirmant in expositione Apocalypsis, ait; Ordo Canonicorum Reg. incēpit à B. Rufo Episcopo in partibus Galilæ circa annos domini mille & centum, quibus regulam B. Augustini imitandam dedit. Quam. n. ipse Abbas Ioachim, quicunq; ille fuerit, Ordinis inchoationē vocat, vnam ex superius commemoratis reformationibus huius Canonici Ordinis intelligendam esse, vel rudis homo facile intelliget. Exemplum esto; non pauci historiographi asserunt, Eremitarum Ordinem à Guillelmo exordiri, atq; incipere; quos proinde Guillelmitas appellāt. Respondebit tamen Choriolanus; illud nō esse initium, sed quandam reformationem. Deinde Alexander quartus vnum conflauit ordinem ex Eremitis S. Guillelmi, sancti Ioannis boni, fratrum de Britinis, & Fabalibus. Vnde Io. Andreas in rubrica de religiosis domibus in. 6. asseuerat, Ordinem Eremitarum sancti Augustini ex pluribus Ordinibus factū esse. Igitur si tunc fuit factus, tunc fuit institutus, quando per talem vnionem fuit aggregatus. Respondet tamen Choriolanus in Defens. veritate 2. ad 6. arg. exponendum esse illud verbum, factus est, id est, augmentatus est: quam expositionem violentam esse fortè quispiam arbitrabitur. Violenta quoq; iudicio meo, censenda est Choriolani exposito cum in 9. arg. ad primam veritatem, nomen Clerici exponit pro Episcopo. Vt responderet textui 16. q. 1. cap. legi. Vbi Aug. appellat se Clericum, & non Monachum, vel Eremitam, exprimens differentiam inter Clericum, & Monachū dicens: Nimis dolendū est, si ad tā ruinosam superbiam Monachos suberigimus, & tam graui contumelia Clericos dignos putamus, in quorum numero nos sumus: vbi se constituit in numero Clericorum,

corum. Respondet Choriolanus, Augustinus dicit se esse de numero Clericorum, quoniam erat Episcopus Hipponensis, licet non esset de numero Canonicorum, sed Eremitarum. Huiusmodi firmitatis, & roboris argumenta illa sunt, quibus probant, Augustinum etiā Episcopum fuisse vsum cuculla nigra, à pictoribus sumpta auctoritate. Prætermittamus ergo, negligamusq; has genealogiarum curiosas narrationes, quarum nullus est finis; quibus solent ociosi homines plurimū insistere. Quæ etiā cōtentiones quidē nōnunquā gingnunt, & disceptationes, nihil verò profectus, aut spiritualis ædificationis, quæ ex simplicitate magis comparantur. Id quod Paulus vtriusque significasse 1. ad Timot. 1. videtur; neque intenderent, ait, fabulis, & genealogijs interminatis: quæ quæstiones præstant magis, quàm ædificationem Dei. Huic cōsonans est, & illa eiusdem Pauli ad Titū 3. cap. præceptio; stultas autē, ait, quæstiones & genealogias, & cōtentiones, & pugnas legis deuota: sunt. n. inutiles, & vanæ. Ego sanè morum perfectionem, vitæq; sanctimoniā optimis Eremitis S. Augustini inuideo, hoc est, mihi percupio: sui verò Ordinis antiquitatem inuidebo nunquām.

His igitur omnibus iudicio, & ratione iam discussis, & definitis, beheuolis animis audiamus Augustinū Venturā, sancti Sebastiani apud Bugellam Ordinis Canonicorum Regi Præpositum, qui in panegyrico ad Ferrerium Cardinalem Vercellensem, originem Canonicorum Regulæ citra aliorum iniuriam, & incōmoditatem, elegātī oratione describit. Ea. n. Religio illis Leuitis patribus præmonstrata primum, à Christo Deo optimo maximo, humaniq; generis seruatore clementissimo procreata, atque in lucem orbis terrarum edita fuit. Deinde sanctissimorum Apostolorum pietate, ac sapientia quibusdam quasi nutrimentis, quàm beatissime educata, ac postremo sub Aurelio Augustino, viro tum doctrina, tum sanctitate clarissimo, atque in Christiana republica maximis causis, difficilissimisque temporibus cognito, probatissimoq; Antistite, non modo optimis legibus, atque institutis instructa, sed etiam salutaribus disciplinis, cœlestisq; philosophiæ præceptis vsq; adeò insigniter expolita, atque illustrata, vt & sanctissimorum pariter, ac doctissimorum virorum copia, & vbertate, nulli illustrium Ordinum vnquām meritò cedat. Quæ obsecro ciuitas, quæ gēs, quæ natio, quæ deniq; Roma, vel Athenæ, tot vnquām Orpheos, aut Linos, Platones, Aristoteles, Demosthenes, vel Tullios protulerunt, quot ex hac sancta republica prodire? Quis porrò nescit, quàm multorū hæc eadem inuictissimorum Martyrum, summorum Pontificum, atq; optimorum Præsidum parens extiterit? Cui præterea non cognitum est, quàm multos hæc eadem omni tempore, non tātū cœlo certissimos

diuos intulerit, sed terris quoque eruditissimos viros, omniq; genere laudis floridissimos dederit? Augustinum, Orosium, Possidium, Gelasium Papam, Fulgentium, Prosperum, Hugonem, Richardum, Absalonem. Taceo innumerabiles Patrum nostrorum memoria, pietate, doctrina insignes viros, quos quidem non nomino hoc loco, ne mea oratio, si minus dixerò, ingrata sit; si satis de omnibus infinita esse videatur. Hucusque Buggellensis Præpositus.

De beneficijs Regularibus Canonorum. Cap. xxxiiij.

Beneficiorum regularium tam in iure Canonico, quam Concilio Trid. & Canonicoꝝ Reg. Constitutionib. frequēs habetur mentio; quorū proinde pertractatio est nobis maximè necessaria. Eam autē in hunc vltimum locum reiecimus, ne dum grauiora, spiritualioraq; Religionis negotia perstringebamus, tumultuoso obstaculo molestè nos retia daret, ac etiam confunderet. Igitur à beneficij regularis definitione nostra suscipiatur disputatio. Regularia beneficia sunt, quæ Religionis addicta sunt, vel fundatiōe, vel Ordinarij, seu Superioris institutione, vel certè de consuetudine, seu præscriptione; vt potè quia per regulares regi consueuerunt, & administrari per 40. saltem annos ex cap. cū de beneficio, de præbendis, lib. 6. per quadraginta, inquam, annos cōtinuè, & pacificè ab vno, vel pluribus institutis in ipso. De beneficio quidem seculari sic ait tex. quòd tanto tempore ab vno, vel pluribus secularibus Clericis institutis in eo Rectoribus extitit continuè, ac pacificè gubernatum, vt præscriptio legitima sit completa: etiā si ante vel post Religiosi quandoq; ministrauerint in eodē. De regulari verò prioratu ait, qui per Religiosos iuxta modū præmissum, est solitus gubernari. Ex Petro Rebuffo in praxi beneficiorū tit. beneficia regularia multiplicia. Itaq; idem Ordo, idemq; ius vtrinq; requiritur, videlicet in beneficijs consuetis regi per regulares, vt regularibus debeātur, & consueta regi per seculares, vt secularibus debeātur. Nec sufficit consuetudo, sed continuata, legitimaq; præscriptio. Quattuor autē requirūtur, antequām qualitas beneficij mutari possit. Primum, qd is, qui possidet beneficium, fuerit ibi institutus. Nam tex. citatus, inquit institutis. Et accipitur largè institutio pro collatione, vel alia prouisione. Quare si violenter, ac de facto teneretur beneficium, non haberet locum textus ille, quia non esset institutus. Secundo requiritur bona fides, idè si Clerici seculares contra Papæ præceptum, vel prohibitionem beneficium possederint regulare, non præscribunt. Quia malæ fidei possessor nullo tempore præscribit. Tercio

requi-

requiritur, quòd cōferens eo animo, & intentione cōferat, vt imprimat alium statum beneficio, & idè in collatione est dicturus collator regulari, conféro beneficiũ seculare: & secolari iudem dicat, conféro regulare, licet non sit illius qualitaris. Alioqui si daretur in commendam, vel ex dispensatione possideretur, vel diceretur depẽdere à monasterio, aut diceretur officium regulare, tunc qualitas contraria non præscriberetur. Nisi beneficiũ commendaretur aliud iam habenti ratione alterius beneficii, nõ ratione qualitaris beneficii. Quarto requiritur possessio 40. annorum, quando probaretur beneficium esse regulare, vel è cōtrario, vel vera qualitas. Secus si cōtraria qualitas non probaretur. Quia tunc sufficit, quòd fuerit vltimo possessum per secularem, licet non interuenerit possessio ad hoc, vt secolari debeat, si probaretur præscriptio hincinde, eo casu attenderetur vltimus status; sed si Ecclesia regularis mutauerit statum in secularem, vel è cōtratio ob id tamẽ nõ amittit subiectionem, vel collationem ex cap. dilectus; de capellis Monachorũ. Hęc quattuor requisita docet Petrus Rebuffus in concordatis. tit. de collationibus. §. volumus, in verbo Regularia.

2 Tamen si hoc loco deplorare possumus, multa beneficia regularia; præsertim curata miris prauorum hominum artibus fuisse deperdita; maximè verò collachrymādũ nobis est, quod plurimæ Cathedrales, Regularesq; Eccl. in seculares transierint nõ absq; maximo Canonici Ordinis dedecore. Sic effectam esse secularẽ, quæ antea regularis erat, Albiensem Ecclesiã, refert Petrus Rebuffus in praxi beneficiorum tit. de erectione Eccl. in Cathedralem, secularem, vel in alium statum nu. 8. cùm tamẽ omnes ferè Ecclesiæ Regni Franciæ id temporis essent regulares: quia tunc feruor deuotionis magnus aderat. Sed refrigescẽte capite, mēbra etiã frigida fiunt. Vnde factũ est: vt pauca monasteria huius Ordinis in Gallijs inueniãtur, & Religionis ferè zelus extinguatur.

3 De iurẽ quidem facili fieri potest, vt secularis in Regularem conuertatur ex cap. ad audientiam 2. de Ecclesiis ædific. Et cap. Apostolicæ de dona. illaq; est vera, & propria mutatio; vt docet Guillelmus de Monte Landu, in Clem. 1. de rescriptis. Potestq; hoc fieri Episcopi auctoritate, etiam inuitis Canonicis secularibus, quibus prouidebitur alio in loco, quàm diu superstites fuerint. Et hæc est opinio quorũdam Canonistarum, sed verisimilius est, id Episcopis non licere absq; Romani Pontificis auctoritate. Sed de Regulari in secularem mutatio fieri non potest sine Papæ beneplacito. Ex cap. quæ semel. 19. q. 3. vbi sic scribitur. Quæ semel sunt dedicata monasteria, consilio Episcoporum maneat perpetuò monasteria, & res, quæ ad ea pertinent, monasterijs reseruari oportet, nec posse ea vltra fieri secularia habita-

habitaacula. Qui verò permiserint hoc fieri, subiaceant his condēnationibus, quæ per Canones constitutæ sunt.

4 Secundo aduertendū, quod quāuis Monachi regulariter sunt beneficiorum curatorum incapaces, nisi quis esset aptus ad prædicandum ex cap. quod Dei timorem, de stat. Monac. &c. Canonici tamen Regulares S. Augustini, & Præmonstratenses solent regere Ecclesias parochiales sui Ordinis, ut ait Rebus. in concordatis tit. de forma mandati Apostolici in verbo Parochialis Ecclesia.

5 Tertio adnotandum, stabilem, constantemque esse iuris Can. Regulam nempe beneficia Regularia regularibus esse conferenda, & secularia secularibus: quæ maximè fulcitur in cap. cum causam. Et cap. of ficij de elect. Item in cap. nullus, eodem tit. in 6. alijsque, etiam locis. Cum secundum legem diuinam non sit in boue arandum, & asino, nec quisquam debeat vestem induere ex lana, linoque; contextam. Id quod asseruit Innoc. 3. in cap. cum causam, nunc citato. Item in cap. Possessiones, de rebus Eccl. non alien. idem Innoc. 3. ait. Ecclesias, in quibus Monachi ministrare consueuerunt, Clericis, vel laicis assignare, si non debes. Hanc quidem vulgatam Regulam sacrum Conciliū Trid. sess. 14. cap. 10. luculenter enarrauit, dicens; Regularia beneficia, in titulum Regularibus professis prouideri consueuerunt, cum per obitū, aut resignationem, vel aliā illa in titulum obtinentis vacare contigerit, Religiosis tantum illius ordinis, vel ijs, qui habitum omnino suscipere, & professionem emittere teneantur, & non alijs, ne vestem lino, lanaque; contextam induant, conferantur. Hac igitur legitima via quam plurima beneficia Regularia, quæ hodie à clericis secularibus occupantur, recuperari, restaurarique; poterunt. Idcirco. n. Sedes Apost. cautè, atque prudenter prædictam Regulam semper obseruauit, cum non conferat beneficium regulare seculari, nec seculare Regulari in titulum, nisi tantum in commendam ad vitam. Quam rem perdoctè expendit, & iudicauit Mart. Azpilcueta Nauarrus in tract. de reddit. benef. eccl. q. 1. nu. 80. Præterea beneficia Regularia in duplici sunt differentia. Quædam. n. sunt duplicia; alia verò simplicia existunt. Duplicia quidem sunt, ut Abbazia Regularis, & Prioratus Conuēntualis, fortè quod ea obtinentes duplici onere funguntur, vel fungi debent, tamen circa personas, quæ circa res monasterij. Priores autē cōuēntuales eos appellamus, qui in Conuentu Religiosorum Præfecti, siue Prælati sunt. Item & Prioratus claustralis, si in titulum tanquam beneficium conferatur, ut apud quosdam Canonicos Reg. fit. Dicitur autem Prior claustralis, qui Religiosis in claustro, & monasterio Præfectus est, quiq; præ ceteris post Abbatem potēs esse debet in opere, & sermone, ut exemplo vitæ, verbis;


boq; doctrinæ fratres suos, & instruere possit in bono, & à malo etiam reuocare, zelum Religionis habens secundum scientiam, vt delinquentes corripiat, & castiget, obediētes foueat, & confortet. Sed de eo iam inferius dicemus, cum de construendo Priore claustrali agemus. Simplicia verò erunt officia vniuersa, atque etiam Archidiaconatus Ecclesiæ Cathedralis Regularis; ea. n. obtinentes suo solo, simpliciq; onere funguntur. De his dignitatibus, atque officijs Ecclesiarum Cathedralium, atq; etiam Collegiatarum Regularium frequens habetur sermo, & ratio in Constitutionibus Canon. Regularium à Bened. 12 editis, & in sacro Concilio Tridentino, quæ quidem non pauca sunt.

6. Vltimo notandum ex Mart. Azpilcueta, in tract. de Reddit. benefi. q. 1. nu. 20. Quòd genuinus sacris Canonibus mos est, vocare beneficiarios, procuratores, & dispensatores ex cap. quòd autem. 23. q. 7. vn de non rectè à quibusdam vocantur vsuarij, & ab alijs vsufructuarij. Nam maior est beneficiarijs facultas, quàm vsuarijs, qui ex re, in quæ vsum habent, nihil capere possunt, præterquàm in solum vsum quotidianum: Et minor quàm vsufructuarijs, Quoniam illi possunt donare, & relinquere in vita, & morte licitè suos fructos cuicumq; voluerint, sine vilo paupertatis, aut pietatis intuitu ob solam amicitiam, cognationem, aut liberalitatem. Beneficiarij verò id minimè possunt: Quod palàm declarauit post alios Concilium Tridentinum sess. 25. cap. 1. vbi beneficiarij vetantur donare quicquam cognatis, & familiaribus suis, nisi paupertatis intuitu.

7. Secundo notandum ex eodem. q. 2. nu. 15. quod Episcopi religiosi, & alij beneficiarij, quamlibet Regulares, tam liberè possunt impendere de redditibus suis, quàm alij Episcopi, & beneficiarij seculares de suis, iuxta determinationem Cardinalis Flor. in Clem. 2. §. sed & tales, de vita, & honest. cler. Et Clem. grætiæ cõl. pen. de rescriptis. Cui nemo vnquàm contradixit. Cum tamen certum sit, eos non esse dominos illorum, neque capaces dominij rei publicæ, propter solenne paupertatis votum, quod per professionem emiserunt. Cuius rei fundamentum non est, quòd sint illorum domini. non. n. sunt, aut certè non integri, & absoluti, vt plurimi laici, sed solum restricti, & obligati ad onus dandi superflua pauperibus, aut tales quales esse possunt Religiosi professi, & cū vocātur dñi in iure, intelligūtur de dominio restricto, & non de omnino libero. Sed verū fundamētū est, quia, vt beneficiarij seculares, ita beneficiarij Regulares solū sunt procuratores, & conuocati, & dispensatores ad erogādū pauperibus, desumpto sibi ante omnia eo, qd statū suū decet. Quod quidem officium ita benè, fideliterq; Regularis præstare potest, sicut & secularis. Item quia, Regularis etiam verum titulū Canonicum,

nonicum, & ecclesiasticum habet; vt Clericus secularis. Nam vt idem Mart. q. i. nu. 81. iterum repetit; vera est, elegansq; illa Cardinalis Flor. loco citato sententia, quod eandem potestatem, quam habent seculares disponendi de suorum titularium beneficiorum, & commendatarum prouentibus, habent etiam Regulares de suorum beneficiorum titularium, & commendatarum redditibus. Quandoquidem ratio propria, qua seculares prouentibus suis vti possunt ad moderatam sui sustentationem, superfluis in pauperes distributis, non est, quod illi sunt eorum integri, & absoluti domini: sed quod Ecclesia, eiusq; ministri constituerunt illos eorum prouentuum dispensatores per titulos Canonicos, quos in id conferunt. Quo munere etiam Religiosus fungi potest, etiam si non possit esse verus alicuius rei temporalis dominus ob solenne suum paupertatis votum. Hæc ille.

De ratione conferendi beneficia Regularia. Cap. xxxv.

- 1  Regularis Prælatus in cōferendis beneficijs Regularibus, leges quasdam obseruaturus est, quæ perspicuè traduntur in Clem. vnica, de suppl. neglig. Prælat. quam claritatis causa familiari, breuiq; cōmentatione dilucidare decreuimus. Ea autem sic exorditur; Quia Regulares Prælati prioratus, ecclesias, administrationes, aut quæuis alia beneficia ad eorum dispositionem spectantia, cum vacant, interdum committere negligunt, vel conferre infra tempus in Lateranensi Conc. cōstitutum, diæcesani locorum in nō exemptis sua, in exemptis verò Apost. auctoritate negligentiam super hoc suppleant eorundem; Prioratus, ecclesias, administrationes, & beneficia huiusmodi: illa videlicet, quæ consueuerunt per singulares Clericos gubernari, secularibus Clericis: alia verò, quæ Religiosis dūtaxat cōmitti sunt solita, vel cōferri: Religiosis monasteriorū, quorū Prælati huiusmodi negligētes fuerint, cōferendo.
- 2 Hæc prima textus pars agit de negligentia Prælatorum Regulariū in beneficijs conferendis, per diæcesanos supplenda, & de modo supplendi. Primo igitur notandum, Episcopum posse supplere negligentiam Prælati Regularis, & conferre beneficia Regularia, quamuis ipse Prælatus Regularis negligens sit exemptus a iurisdictione Episcopi. Tunc. b. confert auctoritate Apostolica delegata in hoc. c. Secundo notandum: Quādo collatio deuoluitur ad Superiorem, tunc Superior tenetur conferre illi personæ, cui Prælatus negligens cōferre debebat.
- 3 Tertio notandum, collationē deuolui ad Superiorem, in cuius diocesi est beneficium vacans: & nō ad Episcopum, in cuius diocesi est Prælatus negligens. Hæc tria in glossa annotata fuisse.

4 Quarto notandum, à quibusdam differentiam constitui inter Prioratus, ecclesias, & administrationes asserentibus, per Prioratus intelligi curatos, per ecclesias intelligi tantum curatas, ut in hoc differant à Prioratibus sine cura. Per administrationes verò, eas intelligi administrationes, quas habent Praepositi, & Camerarii circa redditus monasterij, siue in castris, siue in possessionibus vel decimis, vel alijs, qui generali vocabulo dicuntur Procuratores. Verior tamen est Card. Zab. explicatio, videlicet quod hæc verba sæpè variè vsurpantur. Nam alicubi vocantur Prioratus, alicubi Praepositorum. Et hæc verba, ecclesias, & administrationes, generalia sunt. Ideoq; vnum illorum apponere sufficiebat. Sed habitæ est ratio ad vulgarem loquendi modum, quia Reg. Ecclesiam non solemus nomine ecclesiæ appellare. Fuit autem authoris animus, quæcunque beneficia Regularia comprehendere.

5 Quinto notandum, vocabulo dispositionis intelligi collationem, vel prouisionem, quod idem dixerim, quia si ad solam præsentationem, vel electionem à Prælato regulari faciendam spectarent, tunc ad confirmantem, vel instituentem deuolueretur potestas, siue sit diocesanus, siue alius. Itaque verbum Dispositio, comprehendit omnem modum conferendi beneficium; significatq; plenam dispositionem, & prouisionem. Vtitur autem textus hoc verbo committere, quia Prælati se excusare contendebant, quod illarum ecclesiarum non fiebat collatio, vel prouisio, sed solum quædam commissio. Discrimen igitur à quibusdam statuitur inter hæc duo verba committere, & cõferre. Collatio. n. fit titulo perpetuo, & irreuocabili; commissio verò fit reuocabiliter adnutum. Committere. n. propriè, est ad tempus ecclesiam gubernandam tradere. Sensus igitur est, ut hæc Clem. locum habeat, non referre, vtrum ad tempus, an in perpetuum beneficium conferatur. Item tempus à Lateranensi Concilio ad conferenda beneficia perscriptum, est sex menses, ut habetur in cap. nulla ecclesiastica. de concess. præb. Istudq; tempus non à die vacationis, sed à tẽpore scientiæ generaliter est cõputandum intelligitur quoque tempus vtile: quia tempus illud non currit à tempore suspensionis sententiæ, quo eligere non possunt. Hæc docet glossa in eodem cap. nulla. De hac re luculèter differit Petrus Rebuffus in præb. beneficiorum tit. de deuolutionibus num. 2. & inferius. Vbi etiam nostram sententiam confirmat, nempe tempus negligentia, nõ à die vacationis, sed à die scientiæ, & notitiæ, vel à die, quo scire debuit collator, esse computandum, quia vbi non est scientia, non potest esse negligentia. Impeditis quoq; tempore belli hoc tempus non currit, nec quando iuris impedimẽtum, siue facti interuenerit. Ut si collator fuerit suspensus, vel excommunicatus, etiam sua culpa. Præterea

Posset ea vnire mensa conuentus. Secundo notandum, Prælaturam Regularem non posse imponere nouas pensiones, nec antiquas augere, sed ad Episcopum spectat, ne illud fiat. Quattuor igitur hic Prælati Regularibus prohibentur. Primum, ne applicent beneficia ad mensam propriam. Secundum, quod pensiones nouas non imponant. Tertium, quod impositas non augeant. Quartum, quod nouiter impositas non exigant.

10 Tertia pars textus. Præmissa verò de Prioratibus, Ecclesijs, administrationibus, & beneficijs intelligimus, quæ non sunt de mensa Prælatorum ipsorum. Sed speciales priores, seu administratores huiusmodi liberè possint ad claustrum, cum oportuerit, reuocari. In hac 3. parte decernit, de quibus ecclesijs prædicta intelligantur.

11 Vbi notandum, vtilem esse hunc textum ad cognoscendum, quando beneficia sunt de mensa: videlicet quando non habent specialem administratorem alium à Superiore Prælato. Præsumuntur. n. tunc esse de mensa. Item in his, quæ sunt de mensa, ponuntur simplices ministri, vel collectores.

12 Quarta pars textus. In quibus etiam constitutionem Bonifacij Papæ 8. prædecessoris nostri, bona beneficiorum vacantium occupari à Prælati, vel alijs prohibet; ac nihilominus in prioratibus huiusmodi, & ecclesijs illud Bonifacij eiusdè statutum, quod Religiosum quencunq; pluribus præesse prohibet Prioratibus, aut Ecclesijs curam animarum habentibus, etiam si cura ipsa non per eum, sed per alium habeat exerceri, locum sibi censuimus vindicare, licet etiam eisdè Prioratibus cura non immineat supradicta. Hæc 4. pars explicat duas Bonifacianas Constitutiones. Primam de officio ordinarij cap. præsentem in 6. Secundam de præbendis cap. cum singula in 6. ait igitur, in quibus scilicet Prioratibus, administrationibus, & ecclesijs manualibus, quæ non sunt de mensa. Primo notandum ex Petro Rebuffo in praxi beneficiorum tit. de dispensatione cum Regularibus facta, num 8. quod licet Monachus, & Regularis possit vnum habere beneficium Regulare, duo tamen habere non potest: nec quidem capellam, vel pensionem, aut portionem monachalem cum beneficio. Nam quodlibet beneficium est incompatible Monacho cum primo, ex cap. cum singula, de præbendis in 6. vbi sic dicitur; cum singula officia singulis sint committenda personis, præsentem edicto prohibemus, ne aliqui Monachi, vel Religiosi alijs pluribus Prioratibus, vel ecclesijs absq; sedis Apostolicæ auctoritate præesse præsumant: nisi vnus ex eis ab alio dependeat, vel adinuicem sint annexi: ergo dispensatione opus est, etiam si duo tantum simplicia vellet habere: Licitum autem est duo beneficia habere,

quando vnum ab altero dependet, quia tunc illa duo pro vno reputantur. Ad hæc, Regulari non solet concedi dispensatio, vt possit duo beneficia sui ordinis in titulum retinere, secus in seculari: sed statui solet in dispensatione vt Religiosus vnum habeat in titulum, aliud in cōmēdam. Ratio est, quia si Religiosus in titulū haberet duo in diuersis monasterijs, esset sub diuersa obedientia, & diuersis subiiceretur. Quod esset absurdum & mōstruosum, aliquem habere duo capita, duobusq; dominis inservire. Itaq; plures Prælaturas Regulares non potest quispam retinere, etiam si sint Prioratus simplices sine cura, vel sint obediētię manuales, quicquid alij quidam annotauerint. Ex Ioanne Imola hoc loco. Hinc fit, vt iure quærat Card. Zabarella hic, quæ est ratio, ob quam prohibeatur pluralitas Beneficiorum Regularium, etiā non curatorum? Respondetq; , solutionem haberi in cap. cum singula, de præbendis in 6. Eo autem loco talis assignatur ratio. Cum singula officia sint singulis committenda personis, & dissolutionis, ac euagationis materia sit religiosis præ cæteris auferenda. Adde etiam ad tollendam ambitionem, & avaritiam.

- 13 His addendum decretum sacri Conc. Trid. sess. 24. cap. 17. cum Ecclesiasticus, inquit, Ordo peruertatur, quando vnus plurium officia occupat Clericorum: sancte sacris Canonibus cautum fuit, neminē oportere in duabus Ecclesijs conscribi. Verum quoniam multi improbæ cupiditatis affectu se ipsos, non Deum decipientes ea, quæ benè constituta sunt, varijs artibus eludere, & plura simul beneficia obtinere non erubescunt. Sancta Synodus debitam regendis Ecclesijs disciplinam restituere cupiens, præsentī decreto, quod in quibuscunque personis, quocunque titulo etiam si Cardinalatus honore fulgeāt, mandat obseruari: statuit, vt in posterum vnum tantum beneficium ecclesiasticū singulis conferatur. Quod quidē si ad vitā eius, cui confertur, honestē sustentandā nō sufficiat, liceat nihilominus aliud simplex sufficiens, dummodo vtrūq; personalem residentiam non requirat, eidem conferri. Hæc q; non modo ad Cathedrales Ecclesias, sed etiā ad alia omnia beneficia, tam secularia, quā Regularia quæcunque, etiam commendata pertineant, cuiuscunque tituli, ac qualitatis existant, &c.

De inconstanti, mutabiliq; natura beneficiorum Regularium. Cap. xxxvi.

I



Vra Canonica perpetuitatē beneficiorum Regularium vehementer oderunt, atq; damnarunt. Contra verò diligenter statuerunt, vt Prælati Regulares liberam, expeditamq; suorum subditorum Regularium in claustrum reuocationem semper haberent. Ne vnquam impediri posset

posset claustralium correctio. Sic aperte statuit Clem. Quia Regulares, de suppl. neglig. Prælat. §. præmissa, dū ait. Licet Priores, seu administratores huiusmodi liberè possint ad claustrū, cū oportuerit reuocari. Similem quoque sententiam legimus in cap. cū ad monasterium. §. tales. de statu Monachorum, &c. Tales autem, inquit, ad agēda officia monasterij deputentur, qui fideles fuerint, & discreti: nec ali cui committatur aliqua obedientia perpetuò possidenda, tanquā in sua sibi vita locetur, sed cū oportuerit amoueri, sine contradictione qualibet reuocetur. Illud autem verbum, oportuerit, importat tantū honestatem, & non necessitatem. Ob idq; ad reuocandum non requiritur causa necessaria, sed honesta sufficit. Ea. n. ratione beneficia Regularia, exceptis prælaturis, ad nutum reuocabilia iure censentur. Secundo comprobatur eadem assertio ex cap. ad nostram, & ex cap. por recta. de confirmatione utili, vel inutili. Vbi quidam Canonici Reg. Ecclesiarum Cathedralium Regularium, vt sua beneficia Regularia, quæ sibi à suis Prælati ad nutum collata fuerant, perpetua efficerent, à Sede Apost. confirmationes obtinuerunt. Quas ad euitandam beneficiorū Reg. perpetuitatem, illi duo textus tanquā subreptitias, & inualidas manifestè declararunt: etiam si exprimeretur Religionis conditio, vt glossæ astruūt. Cuius rei ratio redditur, quia cum Regularibus personis nō consuevit Apostolica Sedes aliqua personaliter cōfirmare: personaliter, inquam, ita vt ipsæ personæ singulares habeant nomine proprio, sed realiter benè consuevit cōfirmare, videlicet elargiens priuilegium ipsi rei, idest monasterio, vel collegio. Ratio autem diuersitatis est, quia collegium est capax in communi, sed particulares personæ non sunt capaces, quippe quæ à se abdicarunt omnia, posueruntq; supra sua capita loco Dei Priorem. Hinc fit, vt ob huiusmodi infirmam naturam beneficiorum Regularium, à iuris Can. magistris nunc mauualia, nunc obediētīę, seu obediētīarū vulgò nuncupentur,

Nunc autem rationes illas enodaturi sumus, ob quas sacri Pontifices hanc beneficiorum Regularium perpetuam stabilitatem tantopere sunt execrari. Prima igitur est, quæ à Panor. in cap. ad nostram citato cum alijs redditur. Quia Regulares non possunt sibi aliquid appropriare, sed id totum monasterij est, quocunque se verterint, & quacunque arte acquisierint. Huiusmodi. n. perpetuitas vim voti paupertatis maximè deprimat, quod & experimento satis exploratum est. Secunda ratio eiusdem Panor. quoniam hæc perpetuitas bonum obediētīę dissoluit. Cū. n. alias ad nutum Abbatis, vel saltem ex facili causa remoueri poterant, hac obtenta perpetuitate, iam remoueri ad Superioribus nutum non possunt. Hincq; ceruices cōtra obediētīę bo-

num, aduersusq; ipsum Prælatum erigere non verentur. Et qui hæc
 nus Abbatis obedientiarus erat, nunc Pontificiæ confirmationis vi-
 gore, quo ad hanc rem attinet, scilicet quo ad remouendi ius, prorsus
 eximitur. Tertia ratio est glossæ magnæ in citata Clem. quia Regula-
 res, quam obiter attigit, quia hac perpetuitate impeditur claustraliū
 correctio; disciplina autem Regulari è medio sublata, actū est de Re-
 ligione, facili autem Religiosi in officio continebuntur, si suorum be-
 ficiorum priuationem formidauerint. Quarta ratio est Petri Rebuffi
 in tract. de pacificis possess. limit. 6. nu. 272. Sciendum. n. est, quosdā
 Religiosos esse indomitæ ceruicis, & effrenatæ superbix; quos dū Ab-
 bates ad Religionem cogere voluerint, in eorum deiectionem conspi-
 rant: & alium moribus suis conuenientem sibi præficere contendunt.
 Quales erant illi, qui in necem B. Benedicti conspirasse leguntur. Hac
 ergo ratione institutū est, vt Religiosis beneficia manuaria essent. Vnde
 domini de Rota decis. 1. in antiquis, tradunt, quod si Religioso ma-
 nuale beneficium detur, siue sit administratio, siue Prioratus, ad nu-
 tum Abbatis amouibilis, illi non competit aliquod remedium in cau-
 sa restitutionis, videlicet contra suum Abbatem, & Superiorem, quin
 illa beneficia ab eo, non obstante triennio remoueantur. Et ideo Re-
 gularis ab Abbate spoliatus, non potest agere contra illum possessio-
 rio recuperandæ. Hæc Rebuffus.

- 3 Cæterum hæc perpetuitatem beneficiorum Regularium, vtcunque
 confirmare videtur cap. Monachi. §. Priores autem, de stat. Monach.
 dicens; Priores autem cum in Ecclesijs Conuentualibus per electionē
 Capitulorum suorum canonicè fuerint instituti, nisi pro manifesta, &
 rationabili causa non mutantur. Vt videlicet si fuerint dilapidatores,
 si incontinenter vixerint, aut tale aliquid egerint, pro quo amouendi
 meritò videantur. Ecce descriptam apertè amouendi difficultatem.
 At verò, vt glossa inquit, ille textus intelligitur tantum de illis Priori-
 bus Prælati, qui instituuntur perpetuò per canonicam electionem
 Capituli, & confirmationem Superioris. Hi igitur Priores prælati si-
 ne certa causa remoueri non debent. Sine culpa enim nemo iure suo
 priuandus est. Alij verò Priores, qui per electionem canonicam non
 creantur, ad voluntatem Abbatum suorum remouentur, & huiusmo-
 di Regularibus non confirmantur Prioratus.

- 4 Secundo notandum, quòd potest Abbas remouere Priorem, quam-
 uis in eo loco præteritis tēporibus Priores fuerint perpetui. Id quòd
 asserit Panor. in cap. ad nostram, iam citato. Nam aut Superior nun-
 quam remouit. Et sic non posset dici iuducta consuetudo, quia ex acti-
 bus meræ facultatis non inducitur consuetudo, seu ex non vsu, nō ha-
 bente

bente in se actum tacitum iuris dispositioni contrarium; aut Superior voluit illum remouere, seu prædecessorẽ suum, & propter potentiam illius non habuit effectum, & sic non potest dici inducta consuetudo, cum sit contra bonum obedientiæ. Hæc eadem doctrina seruanda est in istis præceptoribus S. Antonij, qui Regulares sunt, & à suis Abbatibus illis præceptorij præficiuntur. Possunt. n. de iure communi ad nutum Abbatis remoueri. Item prorsus docet Rebuffus de pacificis possess. num. 277. dicens; Non potest induci consuetudo, quòd beneficium manuale efficiatur irreuocabile, sed neque præscriptio. Sic nec statutum ligat successorẽ, quo cauetur, quòd solus Abbas nõ possit reuocare beneficiatos ad claustrum. Quia Abbas in præiudiciũ successoris nihil pòt facere sine auctoritate Episcopi, nec alienare, nec locare, nec statuta monasterij alterare. Ex dictis infertur, qd si Abbas conferret Monacho tale beneficium manuale, & promitteret non auferre ei per vitam, adhuc posset auferre. Tum quia est contra naturam beneficij, & pactum contra naturam actus non valet. Tum quia talis promissio non valet, tanquam facta inter dominum, & seruum. Nam Monachus seruo æquiparatur. Idem sensit Panor. loco citato dicens; quando proprius Superior, vt Abbas contulit Regulari Prioratum, seu aliam administrationem, quousque vixerit, possidendam, hoc non obstante, potest hunc Regularẽ ad libitum remouere. Nam si in animo gerebat, qd eũ remouere nõ possit, illicita fuit cõcessio, & contra ius, imò etiam si Abbas iurasset, nihilominus valebit remotio. Illud etiã ex eisdẽ doctoribus addendũ, quòd licet Prior manualis possit ad nutum Abbatis expressẽ reuocari, attamẽ p mortem Abbatis non censetur reuocatus tacitẽ, sed requiritur expressa reuocatio, alioqui ante reuocationem non potest alteri conferri.

Hanc vtilissimam de tollenda beneficiorum perpetuitate assertionem præstantes iuris Canonici præceptores, tot limitationibus constringunt, & extenuant, vt iam quasi nihilo vicinissima esse videatur. Quæ tamen non mediocrẽ erat continendæ Religionis propugnaculum; sed vniuscuiusque artis peritis fides habenda est, proinde eos, vt duces sequamur. Prima igitur limitatio est. Si ex certa scientia summi Pont. Religioso confirmetur aliqua administratio, quæ ex se temporalis erat; quia poterat ad nutum Abbatis remoueri, deinceps nõ poterit auferri absque summi Pont. facultate. Vnde vt prius erat Abbatis obedientiarins, nunc vigore confirmationis quantum ad hunc remouendi articulum, efficitur obedientarius summi Pontificis. Caue autem, ne propterea tibi persuadeas, eum Religiosum à iurisdictione sui superioris eximi. Nam in omnibus ius Superiiori competens, remanet

illatum, eo dūtaxat excepto, ut Abbas, siue Superior nec possit cognoscere, neq; tollere ius confirmatum. Vnde poterit iste in manibus Superioris renunciare, permutare, & alia facere, quæ ad superiorē pertinent. Hæc omnia locū habent in confirmatione facta ex certa scientia.

6 Huic sententiæ suffragatur Rebus. loco citato nu. 279. dicens; Quando Princeps concedit aliquod beneficium, intelligitur concedere pleno iure. Beneficium tamen per hoc non mutat suam naturam, sed postea vacans eandem naturam resumit. Quod intellige, quando esset facta confirmatio ex certa scientia Papæ, secus verò si confirmatio fuerit facta simpliciter.

7 Secunda limitatio est ex Rebus. loco citato nu. 281. si Papa concederet Monacho, ut toto tempore vitæ Prioratum retinere possit, tunc non poterit molestari per Abbatem. Imò ex potestate ordinaria, & sine causa Papa non posset eundē remouere: quia beneficium illud iam perpetuum reputatur, & postquā constat de voluntate, & potestate Papæ, illa erit seruanda.

8 Quare totam hanc rem acui mihi tetigisse videtur Panor. loco citato dicens; considera duos casus. Quando. n. Papa beneficium contulit ex Abbatis negligentia, tunc beneficii natura non alteratur, ob idq; remanet ad nutum Abbatis remouibile. Quia. n. contulit iure deuoluto, non videtur voluisse alterare naturam beneficii. Secundus casus est, quando Papa contulit cessante omni negligentia Superioris; & prætermissa opinionum varietate distinguendum est. Aut. n. illud Papa contulit expresse, ut quoaduixerit, debeat possidere, tunc sine causa non potest remoueri per ipsum Superiorem; aut simpliciter contulit, & tunc remoueri potest per suum superiorem: Non. n. censendus est summus Pont. simpliciter conferendo, voluisse alterare naturam beneficii, & Regularem remouibilem facere perpetuum. Et in dubio hoc tenendum est, tanquā congruens bono obedientiæ.

9 Tertia limitatio est, reuocari nō potest ab Abbate ille, qui curæ animarum præficitur, si ab Episcopo est institutus, videlicet quando præficitur alicui ecclesiæ parochiali tanquā simplex Clericus secularis, eiq; permittitur, ut in priuata domo extra claustrum vitam agat, & habitet. Contra illam. n. permissionem non debet Abbas cum sine causa ad claustrum reuocare. Tunc. n. non habet vterius aliquam communionem cum suo monasterio, sic renet Panor. in cap. Monachi. de stat. Monach. n. 3. Et dilucidius multo in cap. quod Dei timorem. nu. 9. ubi sentit, quod Monachus dispensatus ad curam alicuius ecclesiæ parochialis, est solutus ab obedientia sui monasterij, nisi illa ecclesia sit sub protectione, & obedientia ipsius monasterij, ad quam consuevit Monachus

nachus promoueri, & ad libitum reuocari. Idem tenet Card. Zabarella in Clem. Quia Regulares, de suppl. neglig. &c. §. præmissa, & Ioānes Imola ibidem nu. 44. Eandem rem docuit glossa in Clem. Ne in agro. de statu Monach. §. ad hæc, in verbo Ad claustrū, dicens: si Monachus est perpetuus institutus ad curam populi, sic nihil habet commune cū monasterio, i. 6. q. 1. ne pro cuiuslibet; socium non tenet, & sic seruatur de facto, nec occurrit ratio, quare Abbas talem Monachū suo claustrali, Monacho sociaret: sed obediētiarius, qui claustralis est, qui solo nutu Abbatis reuocatur ad claustrum, iste non debet esse solus, vt cum socio aliquale stabilitatem claustris seruet, & idē in Regulari Canonico.

- 10 Quarta limitatio est Io. Imolæ in Clem. quia Regulares sæpē citata nu. 43. Quod obediētiarij, & manuales non possunt absq; causa reuocari, quin saltem habeant potestatem implorandi officium iudicis. Idq; significare, aiunt, verba illa locis superius citatis, cū oportuerit reuocari. Quæ quidem notant causam debere subesse. Quamuis iam diximus illa verba exponentes, sufficere causam honestam, nec requiri causam necessariam. Nam mala voluntate, si constat, nullus remouendus est, sed neque ex sola malitia Abbatis. Poterit igitur Superiori supplicare, ne remoueatur, sicut & seruus supplicare potest. Si verò non constat de mala voluntate, quia reuocans allegat causam rationabilem, tunc subditus eam negans non debet difficultatem facere, cū de hoc fiat summaria cognitio, seu indagatio. Potest tamen de qualitate causæ opponere. Oportet. n. eā esse probabilem, æquam, & rationabilem. Si autem de causa probabili constat, etiā summarie sine causæ cognitione, & absque iuris ordine repellitur. Non obstante pacto de non remouendo ad vitā. Item in dubio si reuocans allegat causam iustam, & illam dicit esse veram, forte Prælati verbo stādum est, si quidem ille melius nouit, quid Monacho expediat; potest. n. habere notā aliquam causam occultam, quam exprimere non expedit: & si contraxerit, eo ipso inobediens esse videtur. Dum tamen persona Superioris sit honesta, & non subsit præsumptio alicuius odij. Idem sensit Rebus. loco citato nu. 277. Qui hac in re iudicis admonendos esse censuit, vt cauerent, ne hac via frāgeretur, irritareturq; reformatio. Nam in Religionibus reformatis appellatio admittenda non est.

- 11 Sanē in hac rerum ambiguitate, lectu iucundissima erit Bened. 12. sancta præceptio, quæ in Constitutionibus Canon. Reg. tit. de obtinentibus beneficia à Sede Apostolica, sic habet. Præcipimus, quòd Canonici Religionis præfatæ, qualiacunque in ipsa Religione, auctoritate Sedis Apostolicæ, vel legatorum ipsius, beneficia obtinentes, obediāt Superioribus suis Religionis eiusdem: ipsorumq; subsint correctionibus,

bus, ordinationibus, punctionibus, & statutis, ac beneficijs huiusmodi, ex causis rationabilibus, priuari, & ab illis ammoueri possint: quæ admodum possent, si foret per Superiores suos de ipsis beneficijs eis prouisum. Eadem prorsus statuit idem Benedictus 12. in Constitutionibus Monachorum nigrorum. cap. 32.

De Canonicis mittendis ad beneficia Regularia. Cap. xxxvij.



Vra Canonica diligenter cauerunt, ne Religiosi in suis beneficijs Regularibus soli, sed adiuncto socio resident, ea videlicet ratione, ut cum eo aliquantulâ claustrî stabilitatem, disciplinam Regularem, exercitiūq; monasticum obseruaret, haberetq; sui subleuatorē, ac testem suæ vitæ Regularis. Idcirco in cap. Monachi, de statu Monach. &c. sic statuitur. Nec singuli per villas, & oppida, per quasunque parochiales ecclesias ponantur, sed in maiori conuentu, aut cum aliquibus fratribus maneant. Nec soli inter seculares homines spiritualium hostium conflictum expectent, Salomone dicente, vñ soli, quia cum ceciderit, non est, qui subleuet eum Eccl. 4. Item in cap. ad audientiam, de capellis Monachorum, sic habetur: Ideoq; mandamus, quatenus ipsorum Abbates, seu Priores, ut vel ipsos. s. Monachos, ad claustrum reuocent, facientes in ipsis ecclesijs deferui per Clericos seculares: vel alios Monachos eisdem associant, cum quibus vitam possint ducere Regularem. Præterea in Clem. Ne in agro. §. ad hæc, de statu Monach. &c. sic legimus. Ad hæc, prædecessorum nostrorum vestigijs inhærentes, perpetuò prohibemus edicto, ne Monachi singuli in singulis sibi commissis administrationibus, vel Prioratibus habitare præsumant. Sed si prouentibus Prioratum, seu administrationum huiusmodi duobus fortè non suppetant: idem Prioratus, seu administrationes, nisi per Abbates ad sustentationem duorum sufficere reddantur: locis alijs vicinioribus ad eorum monasteria pertinentibus, vel ipsorum monasteriorum officijs, aut inter se inuicem, prout erit commodius, cum consilio, & assensu Abbatum, per locorum ipsorum ordinarios vniantur. Monachis locorū, quæ alijs vnientur, prioribus ad claustrum primitus reuocandis, &c.

Ex quibus locis iuris canonici Bened. 12. in Constitutionibus Canonic. Reg. collegit, atque confecit egregium titulum de mittendis ad beneficia, & modo conuersandi in eis; sic autem exorditur. Ut cultus augeatur diuinus, & Religiosis vagandi materia præcludatur, statuimus, quod Canonici Religionis eiusdem extra ecclesias, monasteria, siue loca alia principalia obtinētes Prioratus, seu quæuis alia beneficia: quibus ad

bus ad hoc suppetent facultates, in ipsis beneficijs residere, & socium; vel socios sui Ordinis secum habere, iuxta ipsorum facultatum suppetentiam teneantur; statutis, & consuetudinibus contrarijs non obstantibus quibuscunque: quodq; socium, vel socios huiusmodi Prælatus, seu is, ad quem hoc pertinuerit, prout locis congruere nouerit, & personis, & cum consilio, & assensu sui capituli, seu conuentus vocatis his, qui dicta beneficia obtinebunt, huiusmodi suppetentiam arbitrando, assignet eisdem. Quod si huiusmodi Priores, seu administratores, quibus fuerint Canonici in socios assignati, cessante causa rationabili, arbitrio assignantis, recuset admittere sibi assignatos: eis sufficienter, & decenter in necessarijs providere cogantur ad huc per censuram ecclesiasticam, & alia iuris remedia opportuna, & nihilominus de huiusmodi inobedientia puniantur. Qui autem in ecclesijs Cathedralibus, seu monasterijs, dignitates, personatus; officia, seu administrationes alias habuerint, & in eisdem ecclesijs, seu monasterijs consueuerint residere, cogantur officium incumbens eis, tam in diuinis, quam in alijs debite exercere: familiamq; excessiuam, præsertim infra claustra non teneant, aut talem, per quam verisimiliter præsumatur in ipsis ecclesijs, seu monasterijs scandalum generari. Et quia secundum præmissa nonnulli de Canonicis Regularibus, qui in ecclesijs, seu monasterijs consueuerant residere, habebunt extra in suis Prioratibus, seu beneficijs alijs residentiam facere, in Capitulo annali cuiuslibet ecclesiæ, & monasterij per Prælatum, & Capitulum, vel maiorem partem ipsius, scito, & cognito diligenter, quot mittentur extra pro residentia in dictis Prioratibus, & beneficijs facienda. Proinde ordinetur, quot loco eorū, qui extra mittentur in ipsis ecclesijs, seu monasterijs fuerint subrogandi. Obtenentes autem beneficia simplicia, quibus cura non imminet animarum: quorum ad tenendum sociū non sufficiunt facultates, si propinqua sint ecclesijs, vel monasterijs, a quibus illa dependent in dictis ecclesijs, vel monasterijs residentiam facere compellantur, & habeant de prouentibus dictorum suorum beneficiorum expensas, quas in visualibus in ipsis ecclesijs, vel monasterijs, residendo faciant illi, vel illis exolui, qui in dictis ecclesijs, seu monasterijs visualia Canonicis ministrare tenerentur, dummodo ad hoc redditus beneficij huiusmodi obtinentis sufficere dignoscantur. Quod si huiusmodi beneficia simplicia longè distent ab ecclesijs, seu monasterijs, quibus subsunt in Prioratibus, & administrationibus Canonici residere consueuerint, sint propinqua, modo præmisso, & cum satisfactione simili expensarum, obtinentes huiusmodi beneficia, seu administratores eorū ad residendum in dictis Prioratibus, seu administrationibus

deputentur, nisi per fundatores huiusmodi beneficiorum aliter fuerit ordinatum, cui ordinationi per hoc non intendimus derogare. Super distantia verò, seu propinquitate beneficiorum huiusmodi stetur arbitrio annalis Capituli, eiusque in hoc deliberatio obseruetur. Quòd si dicta beneficia simplicia tam ab ecclesijs, quàm monasterijs, vel ab eorum prioratibus, seu administrationibus sint remota, per dictum annale Capitulum ordinetur, vbi tales debeant residere: Prouiso tamen, quòd diuinus cultus exerceatur debite in beneficijs memoratis. Canonici autem in huiusmodi Prioratibus, seu administrationibus commorantes, in ecclesia horis congruis cum dictis Prioribus, seu administratoribus simul interfint, Canonicas horas dicant, in missis celebrandis suas hebdomadas ordinatè teneant: & in loco vbi duodecim fuerint, vel plures, vna per eos Missa ad minus cū nota, die qualibet celebretur, & Horæ canonicæ cum nota dicantur. Dicti quoque Canonici Priorum, & administratorum prædictorum in vna domo communi regulariter iaceant, camerulis, & cellulis eis penitus interdictis. In vna etiā domo vescantur. Prior insuper, & Administrator, & Canonici, nisi infirmitas, vel alia euidens ratio interdum aliud suaserint faciendum, in vestitu etiam, & tonsura à communi ecclesiæ, monasterij, siue loci; cui subijciuntur, institutione, vel debita obseruantia non recedant, ac suo proprio Priori; vel administratori, iuxta ordinationem Prælatis sui, vel Superioris obediant humiliter, & deuotè. Et si aliquando dictos Canonicos in Prioratibus, seu administrationibus mori, aut fugitiuos fieri forsan continget, priores, seu administratores prædicti diem mortis, aut fugæ, seu recessus ipsorum Prælati, aut eorum Superioribus, vt in ecclesijs, seu monasterijs eorum principalibus, pro defunctis eorum consueta sūt suffragia, seu fugitiuos reuocare, vel in prioratibus, seu administrationibus alios loco eorum subrogare, valeant, quam citius commodè poterunt, intimare per suas litteras teneantur. Quòd si Priores, seu Administratores prædicti diem obitus, aut fugæ, siue recessus huiusmodi Prælati, suisue Superioribus significare distulerint, tertiā partem illorum, quæ Canonicus expēdisset, si non fuisset mortuus, vel in fuga, pro pitantia Capituli, vel conuentus, ecclesiæ, monasterij, vel loci principalis soluere teneantur. Insuper Canonici prædicti, non solum, sed honestè associati, & cum habitu decenti incedant, nec in villis, in quibus Prioratus, seu administrationes huiusmodi fuerint, comedere, vel bibere, aut ingredi domos præsumant, nisi cum honestis personis: & tunc de sui Prioris, seu administratoris licentia speciali. Qui verò contrarium fecerint, regulari subiaceant disciplinæ. Vt autem hæc efficacius obseruentur; Antistites, Abbates, & ceteri eorundem Canonico-

rum Su-

rum Superiores, necnon alij, qui ad visitandum per eos fuerint deputati, quum prioratus, & administrationes huiusmodi visitabunt, circa illa seruanda, & non seruata, ac corrigenda curam habeant diligentem. Hactenus Benedictus 13. Eadem ferè ipse tradidit in Cõstitutionibus Monachorum nigrorum Sancti Benedicti, cap. 25.

De commendatarijs perpetuis monasteriorum. Cap. xxxvij.



Prisceis temporibus cum ecclesiæ vacanti Pastor idoneus statim præfici non poterat, interim vt ea euitarentur mala, atque incommoda, quæ vt plurimum viduitatis tempore contingunt, solebat ecclesiæ vacans probo alicui viro commendari, & committi; qui tanquàm tutor quispian, aut procurator bona fide muneris sui ratione redderet. Hic. n. Pastor ecclesiæ non erat, sed ad tempus solum constituebatur. Itaque poterat, & alterius ecclesiæ ministro hæc curatio, administratioq; demandari. Non. n. contra Canones Pontificios duabus ecclesijs præfici videbatur, aut ab vna ad aliam transferri; cum vnus ecclesiæ Pastor perpetuus, alterius verò custos temporarius esset. Sed nec illa inquisitio vsquequaq; adhibebatur, quàm in promotione pastorum, ministrorumue necessariâ esse iurâ volunt. Proinde ei, qui Monachus non erat, siue Regularis, monasterium poterat commendari, donec aliquis ex sodalibus Abbas electus, creatusq; esset: verum res longè vtilissima, & ad consulendum ecclesijs vacantibus prudenter excogitata, in ipsarum tandem perniciem, mirabiliter conuersa est. Nam quibus per Canones non licet præfici ecclesijs, aut monasterijs, moribus comparatum est, vt eisdem ecclesiæ, vel monasteria in perpetuû, & quàm diu viuât, commendentur. Atque ita concipitur formula huius commendationis in diplomatibus Pontificis, vt libera non solum dispensatio rerum, sed etiâ cõsumptio permessa ipsis intelligatur; ob idq; fit, vt apertè despicere Canones videantur, multaq; mala adumbrentur. Itaque & si vetus nomen adhuc retineatur, & commendatio nuncupetur, res tamen sic immutata, & abolita est, vt prisce illius commendationis vix imago quedam, vmbraue super sit. Vnde vulgò dicitur, titulum hunc commendatitium, à legitimo titulo nihil differre, & commendationum administratorem perinde ac iustum, verumq; gubernatorem ecclesiæ fructus sibi acquirere. Quamuis commendare apud iuris authores nihil aliud sit, quàm deponere. Idcircoq; Custos, & Procurator tantum videtur dici debere, qui hac ratione promouetur: sed iam non Procuratores, sed domini habentur. Ob idq; si residentia Pastoris, Dei, iurisq; ordinatione indicta est, quidnam refert, commendatarius ne absens sit,

Lan verus Pastor? Ratio nanq; quæ iustam facit, ac legitimam commendationem hæc esse debet, quòd haberi tunc persona non potest, cui legitimè sub titulo ascribatur, nò autem commendatarium ditare. Còmmendatarius enim Ecclesiæ tam stricto iure obligatur illic residere, ac si esset legitimus Abbas. Commenda enim perpetua iuxta iuris peritorum opinionem, idem est quod titulus.

2 Hi sanè commendatarij sunt, qui monasteria relaxarunt, labefecerunt, & corruperunt. Nam si aberant, Religionis, Religiosorumq; salus, non aliter quàm absente nauclero navis, periclitabatur. Quòd si aderant, adeò sua est iurisdictionis curta supellex, vt Religiosos corrigere, emendareq; nec audeant, nec fortè possint. Regulares. n. non plenè, sed in quibusdam negotijs tantùm illis obtemperant. A capituli negotijs, actibus, regulariumq; electionibus acriter repelluntur. Nā in suo Capitulo voce carere dicuntur, Abbatis, aut Prioris nomine se appellare nò audent, commendatoris nomenclatura contenti. Vix. n. Prælati à subditis censentur, vnde & subditorum incursionem formidant, & monasteriorum emendationem tacent, & supprimunt, suaq; iussa faciliè contemnuntur. Nam, vt D. Benedicti cœnobia prætereamus, vnde tanta calamitas Canonorum Regularium illustri Ordini contracta est? qui omnes ferè Eccle. Cathedrales, Metropolitanasq; ac Collegiatas insignes adipisciebantur, & moderabantur: id quod nobis Hispanis in Regnis Aragonicæ coronæ, in Nauarra etiam, amplissimāq; Castella aut vidisse, audiuisse, aut certè legisse contigit. Hinc, & aliud malum subortum est, vt quamuis iam à Philippo Hispaniarum Rege Catholico, quæ sua est admiranda pietas, atq; religio, monasteria non in commendam, vt hætenus, sed in titulum viris litteratis præsentationis iure conferantur, deformata tamen monasteria adeò difficilimè reformantur, vt deplorata, desperataq; eorum salus ob inueteratam ipsorum corruptionem esse videatur. Hic enim magni labores, ingentes curæ, & crebra pericula latent.

3 Istam commendatariorum incommoditatem deplorabat summus ille Pont. Clemens 5. in Extrauaganti, ex supernæ, de præbendis, inter communes, dicens; Nonnullis Clericis, & personis Ecclesiasticis Religiosis, & secularibus Patriarchales, & Archiepiscopales, & Episcopales Ecclesias, ac monasteria destituta Pastoribus sub commendæ, vel custodiæ, seu curæ, vel guardiæ, aut administrationis titulo, nomineuè notabili duximus perpetuò ad vitam, seu ad certi temporis spacium committenda. Verùm ad hoc subdiligenti examine direximus aciem nostræ mentis, demumq; prospeximus euidenter, quòd ecclesiarum, & monasteriorum eorundem cura negligitur, bona & iura dissipantur
ipsorum,

ipſorum, ac ſubiectis eis perſonis, & populis ſpiritualiter plurimum, & temporaliter derogatur, eiſq; redundant ad noxam, quæ dicebantur eedere ad proſectum. Ac nedum ipſis, ſed etiam Romanæ matri Eccleſiæ, quæ diſponente domino, ipſorum caput forè dignoſcitur & magiſtra, grauiora inde futura timentur pericula. Nolentes igitur ijs tot, & tantis diſpendijs vterius cauſam relinquere, ſed volentes potius opportunū, & debitū in hac parte remediū adhibere, omnes, & ſingulas promiſſiones huiuſmodi p nos (vt præmittitur) factas quibuſcunq; cuiuſcūq; ordinis, dignitatis, aut ſtatus: ſed etiā S. Romanæ Eccl. Cardinalibus, quocunq; modo, vel tempore factæ noſcātur, auctoritate Apoſt. ex nunc ex certa ſciētia reuocamus, caſſamus, & annullamus, & decernimus de cetero nō habere aliquā roboris firmitatē, nulli ergo, &c. Datū apud Piſatū Burdegalen. diœc. 10. Cal. Martij. anno. 2.

4 Huic rei maximè congruit Conſtitutio Concilij Lateran. ſeſſ. 9. ſub Leone 10. cap. 3. cui titulus eſt, ne monaſteria alieni commendentur. Quoniam, inquit, ex commendis monaſteriorum, monaſteria ipſa tam in ſpiritualibus, quā in temporalibus grauius læduntur, quippe quorum ædificia partim commendatariorum negligentia, partim auaritia, vel incuria collabuntur, & indies diuinus cultus in eis magis diminuitur, volumus, & ſancimus, vt cum illa per obitum Abbatum, qui illis præerant, vacauerint, nullo modo cuiquam poſſint commendari, ſed de perſona idonea iuxta præſcriptam conſtitutionem, eis ita provideatur, vt illis idonei Abbates, prout decet, præſenturi ſint. Huic conſonat Conc. Trid. ſeſſ. 14. cap. 10. dicens: Regularia beneficia, in titulum Regularibus profeſſis prouideri conſueta, cum per obitum, aut reſignationem, vel aliā illa in titulum obtinentis vacare contigerit, Religioſis tantū illius Ordinis, vel ijs, qui habitum omnino ſuſcipere, & profeſſionem emittere teneantur, & non alijs, ne veſtem linno, lanaq; contextam induant, conferantur.

5 Copioſius autem idem Concilium Tridentinum eandem rem explicuit ſeſſione 25. in decreto, de Regularibus cap. 21. dicens: Cum pleraq; monaſteria, etiam Abbatiæ, Prioratus, & Præpoſituræ ex mala eorum, quibus commiſſa fuerunt adminiſtratione, non leuiſſa paſſa fuerint, tam in ſpiritualibus, quā in temporalibus detrimenta: Cupit ſancta Synodus ea ad congrua monaſtica vitæ diſciplinam omninō reuocare: verū aded dura, difficiliſq; eſt præſentium temporum conditiō, vt nec ſtatim omnibus, nec commune vbique quod optaret, remedium poſſit adhiberi: vt tamen nihil prætermittat, vnde prædictis ſalubriter aliquādo prouideri poſſit: primū quidem conſidit, ſanctiſſimum Rom. Pont. pro ſua pietate, & prudentia

curaturum, quârum hæc tempora ferre posse viderit, vt ijs, quæ nunc commendata reperiuntur, & quæ suos conuentus habent Regulares personæ eiusdem Ordinis expressè professæ, & quæ gregi præire, & præesse possint, præficiantur. Quæ vetò in posterum vacabunt, non nisi Regularibus spectatæ virtutis, & sanctitatis conferantur. Quo ad ea verò monasteria, quæ capita sunt, ac primates Ordinum, siue Abbatia, siue Prioratus, filia illorum capitum nuncupantur. Teneantur illi, qui in præsentia ea in commendam obtinent, nisi sit eis de regulari successore prouisum, infra sex menses Religionem illorum Ordinum propriam solènter profiteri, aut ijs cedere, aliàs cõmendæ prædictæ ipso iure vacare ceseantur. Ne autè prædictis omnibus, & singulis fraus aliqua adhiberi possit: Mâdat sancta Synodus, vt in prouisionibus dictorum monasteriorum qualitas singulorum nominatim exprimat: aliterq; facta prouisio, surrepticia esse censeatur, nullaq; subsequenti possessione, etiam trienniali, adiunctur. Hinc perspice, quàm sint hæc perpetuæ commendationes iuri Canonico, & Concilijs odiosæ.

6. Cæterum de his Commendatarijs perpetuis monasteriorum, maioris elucidationis causa, adhuc pauca notanda sunt. Primum, commendata censetur Canonicus titulus, quæ si ad vitam conferatur, verus titulus est. Nam commendatarius potest constituere procuratorem ante litem contestatam, sicut is qui habet titulum. Secundo, potest permutare beneficium commedatũ cum alio dato in titulum. Tertio, potest ex redditibus beneficii commedati viuere, sicut is qui habet in titulum. Quarto, potest super redditibus transigere, ac eos vèdere. Quinto, habet liberam potestatem in temporalibus, spiritualibus. Sexto, Commendatarius Abbatie censetur verus Abbas, idèò potest illi delegari causa à Romano Pontifice, sicuti Abbati titulario. Et idèò in commendis à Romano Pontifice factis solent hæc verba inferi. Talem N. Prioratum cum omnibus iuribus, & pertinentijs suis tibi auctoritate Apost. commendamus, per te quàm diu vixeris, & dictum Prioratum N. obtinebis, tenendum, & etiam gubernandum, ita quòd duran te commedâ huiusmodi, de fructibus, redditibus, & prouentibus ipsius prioratus N. disponere, & ordinare valeas, sicut veri Priores ipsius Prioratus, qui fuerunt pro tempore, ordinare, & disponere potuerunt, & etiam debuerunt, &c. En ergo quomodo Papa æquiparat eos habentibus titulum, ergo eodem iure vti debent. Idcirco etiam, per mortem Commendatarij beneficia vacant, & impetrantur, ac si in titulum haberentur. Septimo, habens beneficium in commedam non potest cogi, vt profiteatur, sicut is qui habet in titulum, nisi hoc in bulla expressum fuerit. Hactenus ex Petro Rebuffo in tract. de pacificis possessionibus

ribus à num. 36. Octauo, Commendatarius potest præsentare, sicut alius, qui titulum habet, quia fructus recipit. Nono, potest etiã eligere, & conferre beneficia, quia eligere, & conferre est etiã fructus beneficij. Decimo, locare potest fructus, & possessiones, sicut habens titulum, quia liberam habet administrationem. Ex eodẽ Rebus. in praxi, tit. de commenda. Item Mart. Azpilcueta in tract. de reddit. beneficij, q. 1. nu. 80. docet; Commendatarios ita disponere posse de fructibus commendarum beneficiorum, per summum Pontificem ad vitam commendatorum, sicut de fructibus beneficiorum in titulũ collatorum, pro conuenienti sua sustentatione, dando superflua pauperibus. Primum, quia in ipsis diplomatibus Pontifex Max. illis concedit facultatem in suos ipsorum vsus expendendi. Deinde, quod Commendatarius tantam iurisdictionem, & auctoritatem habet in administratione beneficij cõmendati, præcipue per summum Pont. ad vitam, alienandi potestate excepta, quam eisdem adimit per sua diplomata, quantam titularius.


7 Secundo notandum, ad refarciendam vteunq; iacturam, quæ ex cõmendis perpetuis contrahitur, iurisdictionem Prælati commendatarij in subditos Regulares temperatam, coarctatamq; fuisse in Conc. Trid. sess. 25. in decreto de Regularibus cap. 20. his verbis, & quamdiu durabunt huiusmodi commẽdæ, Priores claustrales, aut in Prioratibus contentum habentibus, Subpriors, qui correctiones, & spirituales regimen exercent, à Capitulis generalibus, vel ipsorum Ordinum Visitatoribus instituantur. Et cap. 21. subdit, vt ijs, quæ nunc cõmendata reperiuntur, & quæ suos cõuentus habet, Reg. personæ, eiusdẽ Ordinis expresse professæ, & quæ gregi præire, & præesse possint, præficiantur.

8 Eandem Prælatorum commendatariorum iurisdictionem mirum in modum constringit Bened. 12. in Constitutionibus Canonic. Reg. tit. quod antiquus Canonicorũ numerus teneatur, præcipiens, quod Prælatus commendatarius teneatur curam, & regimen, siue administrationem Canonicorum committere, alicui Canonico eiusdem Ordinis, & domus, dicens; Cũ sit consonum rationi, vt obtinentes beneficia ipsorum onera debeant supportare, statuimus quod in monasterijs, Prioratibus, & alijs beneficijs quibuscunq; Religionis eiusdẽ, personis quibuscunq; extra præfatam Religionem, cuiuscunq; sint dignitatis, gradus, seu præminentie (etiã si fuerint S. R. E. Cardinales) collatis, seu commendatis, vel seu de cetero conferendis, vel commendandis, tot Canonici teneantur: quot in eis tenerentur, si per Canonicos Regulares, monasteria, prioratus, & beneficia huiusmodi regerentur. Et quod nihilominus Canonico in eisdem monasterijs, priorati-

bus, & beneficijs committatur id, quod supra, vel circa alios Canonicos inhibi residentes haberet exercere administrator Canonicus, si præfset eisdem, quantum ad ea, quæ pertinent ad Regulam, seu disciplinam, vel obseruantiam regularem, & q̄ quilibet prædictorū huiusmodi monasteria, prioratus, & beneficia quomodolibet obtinentes, ad procuraciones, & alia quælibet onera ipsis monasterijs, prioratibus, & beneficijs incumbencia supportanda, persoluenda, & reddenda integrè sint astricti: quodq; ad hæc, & alia supradicta, auctoritate Apostolica per censuram ecclesiasticam, & aliàs compelli valeant per Capitulorum prouincialium Præsidentes, & quemlibet eorundem: prout per Superiores suos possent, & deberent compelli Canonici Regulares, si præfset monasterijs, prioratibus, & beneficijs memoratis: nisi fuerint Sanctæ Romanæ Ecclesiæ Cardinales, quos nolumus talium compulsionibus subiacere.

- 9 Eandem prorsus legem constituit Benedictus 12. in Constitutionibus Monachorum nigrorum, & sub eodem tit. cap. 33. Cuius notula marginalis sic habet; curam & regimen, siue administrationem Monachorum debet Prælatus commendatarius committere Monacho eiusdem Religionis, & domus.

De hospitalibus Canonicoꝝ, quæ in titulū conferuntur. Cap. xxxix.

- 1  T autem beneficiorum tractatum non absq; vtilitate concludamus, de ijs hospitalibus, quæ à Canonicoꝝ monasterijs dependent, eisdemq; in titulū conferri consueuerunt, pauca nobis dicenda sunt. Hospitalia igitur in titulū posse conferri, vniuersi doctores testantur in Clem. Quia cōtingit, de religiosis domibus. Præsertim verò Petrus Rebus. in tract. nominationū q. 15. nu. 13. Et de pacificis possessoribus nu. 81. Potest autē hospitale duobus modis in titulū conferri; aut ratione foundationis, aut quando ad eius regimen quis assumitur à Clericis per viam electionis. Item tunc dicitur hospitale concedi in titulū, siue in beneficium, quando ibi est campanile cum campana, quæ publicè pulsatur ad cōgregādos homines, vt diuino officio intersint: vel si ibidem sit altare fixum, & consecratum, & ibi passim celebrentur Missæ: tunc enim verè beneficij appellatione continetur. Alioquin. dicitur locus pius, & religiosus. Quod si Regulare sit iuxta definitionē beneficij Regularis, satendum erit, subire etiam leges beneficij Regularis, maximè verò, quo ad inconstantem, mutabilemq; naturam beneficij Regularis, quam superius descripsimus.

- 2 Secundo aduertendum est, multa vitia hospitaliariorum recenseri

In citata Clem. Quia contingit. Primum est, quod hospitalarij, locorū suorum cura postposita, bona, res, & iura ipsorum interdum ab occupatorum, & vsurpatorum manibus excutere negligunt. Secundū, hospitalia collabi, & deperdi domos, & ædificia ruinis deformari permittunt. Tertiū, ipsi adhuc non attendunt, nec cōsiderant, loca ipsa ad hoc fundata, & fidelium erogationibus dotata fuisse, vt pauperes, infestiq; lepra reciperentur in eis, & ex illorum prouētibus sustentarentur, idq; renuunt inhumaniter facere. Quartum, prouentus hospitalium in proprios vsus damnabiliter conuertunt. Cum tamen ea, quæ ad certum vsus largitione sunt destinata fidelium, ad illum debeant, non ad alium (salua quidem Sedis Apost. auctoritate) conuertere.

3 Notandæ sunt qualitates, quibus ornatum esse hospitalarium maxime conuenit, nempe vt sit vir prouidus, idoneus, vt boni testimonij, idest bonæ famæ, & opinionis. Scdō, vt ipse sciat, velit, & valeat hospitalē, eiusq; bona, & iura ytiliter regere, prouētusq;, & redditus in personarum miserabilium vsus fideliter dispensare. Tertio, vt is sit, habeaturq; hospitalarius, aduersus quem verisimilis præsumptio non existat, quod in vsus alios bona prædicta sit conuersurus.

4 Notandum, hospitalarios regulares quinq; in rebus liberos esse, nec ea Clementina fuisse comprehensos, videlicet in suppletione ordinariarum, etiam quoad exempta, & quod non conferantur hospitalia in beneficium, in iuramento præstando, in inuentario cōficiendo, & in ratione reddenda: vt glossa exposuit. Id. n. significat verbum textus, præmissa. Dixit etiam hospitalia militarium ordinum. s. S. Ioannis Hierosolymitani, S. Mariæ Teutonicorum, Calastrensium, & similibus. Dixit etiam, aut Religiosorum etiam aliorum: quoniam iuxta glossam, sunt quedam Religiones super hospitalitatem fundatæ, vt Cruciferorum, vel quauis ad hoc non sint fundatæ, habent tamen hospitalia.

5 Notandum, quod à Petro Rebus, in praxi, tit. de commenda. nu. 15, aduersus Commendatarios consideratum est. Hospitalitas, inquit, debita non seruatur, sed tota omittitur. Nam quotusquisque Cōmendatarius hospitalē se exhibeat, aliorum sit iudicium; quæ tamen plurimum est commendata, vt glossa, & doctores scribunt in cap. de Monachis, de præbendis. Hodie quidam Commendatarij tantum absunt ab hac hospitalitate, vt quæ possunt à pauperibus eripiant. Vnde quia hospitalitas discessit, successit indictio fisci, decimarum, & aliorum onerum præstatio: vt habetur in cap. maiores 16. q. 7. Hoc tollit fiscus, quod non accipit Christus.

6 Notandum efficax præceptum illius Clementinæ. §. præmissa, quod hospitalarijs regularibus districtè iniungitur, & in virtute sanctæ obe-

dientia mandatur. Videlicet vt in suis hospitalibus secundum suorum Ordinum instituta, & antiquas obseruantias prouidere pauperibus, & hospitalitatem debitam in illis tenere procurēt: Ad quod per Superiores eorum arcta districtione cogantur: statutis, aut consuetudinibus quibuscumque non obstantibus in præmissis.

- 7 Notanda sunt decreta Conc. Trid. ad hospitalium gubernationem condita. Primum habetur sess. 7. cap. 15. Curent, inquit, Ordinarij, vt hospitalia quæcumque a suis administratoribus, quocumque illi nomine censeantur, etiam quomodolibet exemptis, fideliter, & diligenter gubernentur, constitutionis Concilij Viennensis, quæ incipit: Quia contingit, forma seruata. Quam quidem Constitutionem eadem sancta Synodus innouandam duxit, & innouat, cum derogationibus in ea contentis. Secundum decretum habetur sess. 25. cap. 8. vbi post commendatam, admonitamque hospitalitatem, omnibus hospitalarijs tam secularibus, quam regularibus, quibus hospitalia in commendam, administrationem, aut quencumque titulum, etiam per vnionem hospitalia cõcessa sunt: præcipit omninò, vt impositum illis onus, officiumque administrarent, atque hospitalitatem, quam debent, ex fructibus ad id deputatis actu exerceant, iuxta Constit. Conc. Viennensis, quæ incipit: Quia contingit. Deinde præcipit, quòd in defectum pauperum, fructus hospitalium in alium pium vsum, institutioni proximiorum, ac pro loco, & tempore vtiliorem cõuertantur, ad arbitrium Ordinarij cum duobus de Capitulo. Eaque omnia sub grauibus pœnis præcipiuntur omnibus, & singulis hospitalium administratoribus, cuiuscunque Ordinis, & Religionis, & dignitatis fuerint, ijs duntaxat Regularibus exceptis, qui illis Regularibus subiiciuntur, vbi viget Regularis obseruantia. Additur etiam maxima exemptionum, consuetudinum, etiam immemorabilium, seu priuilegiorum, aut indultorum derogatio.

- 8 Adnotanda sunt documenta Concilij Mediol. sub Archiepiscopo Botthomæo. Primum. tit. de dispensatione bon. eccles. In hospitalitate inquit, non is habeatur delectus personarum, vt diuites potissimè inuitentur, qui cum scenore reddant, quod acceperint: sed cum ecclesiasticarum personarum domum nemini, quàm per facultates licuerit, clausam esse deceat, professò illis maxime patere debet, qui Dei voce, sanctorum Patrum cohortationibus, & exemplis, sacrorum Conciliorum præcepto, & auctoritate nobis commendati sunt. Secundum documentum habetur tit. de piorum locorum administratione. Qua, inquit, in re, ne vlla fraus fieri possit, in eatur aliqua ratio, Episcopo probanda, quæ ei constare possit, in quas personas fructus illi erogati fuerint. Quos autem compererit Episcopus, vel iniquè distribuendo, vel

in suum

in suam commodum vertēdo, vel inutilibus, & superuacaneis sumptibus faciendis, malē in administratione versari, eos pro modo culpæ puniat, & ad restitutionem legitimē compellat: & ab officio etiam, si ei videbitur, amoueāt. Quod hic de Episcopo dicitur, tu de Regulari Prælato interpretaberis. Tertium documētum ibidem sic habetur, in hospitalibus, pijsq; diuersorijs, vbi hospitalitas exercetur, mares cum feminis etiam specie matrimonij, nisi id certissimē constet, versari ne liceat, neuē ea loca, quę bonorum subsidio sunt addicta, circulatoribus, aleatoribus, nebulonibus, & istiusmodi nequissimis hoībus pateant.

9 Quod si de munere hospitaliorū plura discere percipueris, perleges Concilium Colonienſe sub Hermanno 5. Archiepisc. par. 1. 1. per septem capita. Et Concilium Colonienſe sub Adolpho 3. Archiepiscopo. in formula visitandi hospitalia tam monasteriorum, quā fratrum sanctę Marię Teutonicorum, Ioannitarum, & Antonitarum.

10 In calce demum huius capituli illud est etiam de elargiēdis eleemosynis mente tenendum monasteria quoque præcepto eleemosynarum obnoxia esse. Nam & Religionis scopus est Charitas in Deum, & proximum, Hoc autem eleemosynarum præceptum docetur a D. Th. 2. 2. q. 3. art. 5. Ex quo Dom. Sotus lib. 10. de iust. & iure. q. 4. art. 4. statuit conclusionem; Episcopos arctissimē teneri, atq; perstringi eleemosynarum præcepto; & quod de Episcopis dixerat, id etiam suo gradu intelligendum esse asserit de Religiosorum monasterijs, in quibus proventus redundant. Quæ autem ratio tenenda sit in erogandis eleemosynis in pauperes, a Religiosis paupertatem professis, sapiēter docuit D. Basilius magnus in Regulis breuioribus interrogatione 100. dicēs: Eos, qui aliunde ad nos accedunt, ac medicantes aliquid petunt, quomodo dimitemus? Et nunquid arbitrato suo quisq; panem, aut aliud quiduis illis debet tribuere? An verò vni cuiuspiam munus hoc conueniat delegari? Respōdet, Cum dominus affirmare dixerit Matth. 15. c. non esse bonum sumere panem filiorum, & mittere canibus: & tamē illud etiam approbarit, nam & catelli edunt de micis, quæ cadunt de mensa dominorum suorum: cui dispensandi munus assignatum est, is illud diligenti adhibita animaduersione exequi debet. Qui verò præter illius sententiam aliquid facit, is tanquam euerſor disciplinæ acriter obiurgandus est. Idq; eonſq; quoad tueri locum suum discat, cum Apostolus dixerit, vnusquisq; in quo vocatus est, fratres, in hoc permaneat apud Deum. 1. ad Corinth. 7. Rursus idem author ibidē interrogatione 302. eandem rem magis enucleate perstringit, quærens: nunquid extrarijs quoq; indigentibus impertiendum sit de ijs, quę ex cōmuni penu distribui inter fratres debeant? Respōdet. Cum Matth. 15.

cap. Dominus dixerit; Non sum missus, nisi ad oves, quæ perierunt domus Israel: & non est bonum sumere panem filiorum, & mittere catellis: nequaquam necesse est, ea, quæ in eorum usus attributa sunt, qui consecrati sunt Deo, temerè ita in quosuis impèdi. Si verò id fieri possit, quod à muliere, quæ de fide laudatur, dictum est, videlicet, etià Domine. Nam & catelli edunt de micis, quæ cadunt de mensa dominorum suorum, hoc positum sit in arbitrio dispensatoris: adhibita eorū etiam sententia, qui secundum ipsum in familia ceteris præstantiores sunt. Vt ex eo quod abundat, sol oriatur super malos, & bonos.

De testamentis Canonorum Regularium quid sentiendum. Cap. xl.

1



Voniam nostram Canonici Ordinis dilucidationē, quoad primum librū, finire properamus, vltimus locus id exposcit, vt ea, quæ est vitæ terminum, ipsamq; mortem spectant, discutiamus: mortis igitur memoriam versantes ea cura diuexare solet, vt testamētum, qua decet, lege, & facultate occultate condant. Est autem testamentum mentis testatio, qua quid vnusquisq; post suum decessum de rebus suis fieri velit, disponitur. Nodos autem, grauēsq; anfractus habet ea discussio, quam testandi facultatem habeant Canonici Regulares, ceteriq; vniuersi Religiosi? Sanè certa ab incertis secernentes, hanc statuimus stabilem conclusionem. Canonici Regulares post emissā solennē professionem testari non possunt. Hæc conclusio suum habet fundamentum in cap. Quia ingredientibus, de testamētis. Hanc veritatem edisserit, & docet Didacus Couarrubias in commentarijs in tit. de testam. cap. 2. num. 9. dicens. Testamentum factum ante professionem, post eam à Religioso nec mutari, nec reuocari potest. Siquidem professus testari non valet, etiam si professus fuerit eam Religionem, quæ communia bona habere possit. Ad quod propositum conficiendum non paucos doctores congerit. Huius rei rationem reddit Rebus. in praxi benef. tit. de rescriptis, nu. 1. Quia ingressus monasterium, per professionem dedicat se, & sua omnia Deo. Igitur nihil habet, de quo testetur. Luculentius verò rem vrget Mart. Azpilcueta Nauarrus in tract. de reddit. benef. q. 3. corol. 16. dicens; Beneficiarius, si est Religiosus professus, testari non potest. De redditibus. n. ecclesiasticis eadem ratione, qua Clericus secularis testari nō potest; de alijs verò bonis, quæ secum detulit in monasterium, vel post ingressum quæsiuit per hæreditatem, donationem, aut alium quencunq; modum, multò minus testari potest: quia non est, neque esse potest dominus alicuius rei. cap. non dicatis. 12. q. 1. & cap. cū ad monasterium, de stat. Monach. &c.

Imò ve-

Imò verò quicquid acquirit, monasterio, vel beneficio acquirit. cap. multos. § 4. dist. At nemo de rebus alienis testari potest. Et sanè hoc habet locum, quamuis sit Abbas, vel Prior, vel is factus sit Episcopus, aut Archiepiscopus cap. 1. 18. q. 1. & cap. cū olim. 2. de priuilegijs. Hi. n. neque ad pia opera testari possunt ex Panor. in rub. de testamentis.

2. Tota verò huius rei ambiguitas in eo versatur, an Religiosus cum priuilegio, siue dispensatione summi Pont. testari possit? Siquidē anticipi Marte à doctoribus hic decertatur. Quidam. n. adeò trepidat, vt hoc negotium sommo Pont. dirimendum relinquunt. Alij verò nō posse, affirmant: quoniam vt censent, Papa non potest cum absolvere à voto substantiali paupertatis ex fine capituli, cū ad monasteriū, de stat. Monac. Alij verò opinantur posse quidē, sed propter aliquā magnā causam. Hi. n. assentiri videtur cōmuni opinioni Iurisperitorū, quæ habet, posse Romanū Pōtificē, ipsum Religiosum à voto paupertatis absolvere ex magna causa. Couarrubias quidem loco citato sentit, solitum esse Romanum Pont. concedere Monachis ius testandi, ita vt modica quantitas eorum testamento distribuatur, etiam ad hoc accedente Prælati Monachorum consensu: sicuti asserit Io. Staphilaus de litteris grat. & iustit. fol. 188. col. 1. potest. n. Papa licentiam testandi Religiosis concedere, ad quam rem corroborandam adducit magnam doctorum congeriem. Huius verò egregij doctoris ratio est, quòd Papa potest Monachum à voto continentie eximere propria dispensatione, ergo etiā à voto paupertatis. Semper. n. in his votis auctoritas Romani Pont. excepta cēsetur. At verò hanc rationem explodimus nos, qui semel D. Thomæ, aliorumq; grauissimorum Theologorum sententiā recepimus, quæ asserit, votum religionis esse indispensabile, quod quidem tria includit vota. Cū ergo teneamus, posse ex Romani Pont. dispensatione Religiosum testari, alia nobis via querenda est.

3. Secunda conclusio; vtriq; plurimum errauerunt, existimantes esse necessarium euellere à Monacho monachatum, & reddere eum secularē, vt ei priuilegium testandi præstari possit. Quoniam sat est efficere, vt quemadmodum potest, monachatum non relinquendo, aliquorum bonorum, & eorum reddituum liberam habere administrationem, vt de illis per contractus inter viuos possit disponere. Ita etiam habeat liberam facultatem, vt in vltima volūate de eisdem bonis disponat, quam quidem facultatem tametsi Religioso cōcedere non potest Abbas, neque alius præter Papam: potest tamen Papa ei facillē eā concedere, licet eum à voto paupertatis non absoluat. Hoc. n. non est Monachum alicuius rei dominum facere: sed solū efficere eum executorem, atq; dispensatorem, qualis esse potest Religiosus cap. 2. de testamentis

testamētis lib. 6. nisi fuerit Ordinis Minorum Clem. Exiui. §. proinde. Et. §. verum. de verb. signifi. Quales quotidie sunt à testatoribus, & alio munere sancte vtuntur, nec ob id voto paupertatis contrahunt.

4 Tertia conclusio; quantum ad hanc rem attinet, quadruplices sunt Religiosi: quidam. n. sunt beneficiarij; alij sunt simplices Religiosi, qui in conuentibus perfectæ cōmunitatis resident, & nullam rem secularem habent propriam, separatam, aut peculialem. Alij sunt, qui beneficia quidem non habent, sed neque in perfecta cōmunitate viuunt. Imò habent cum Superiorum licentia certam quantitatem panis, vini, pecuniar, ac aliarum rerum victui suo necessariarū, vt si quid eis desit, id aliundè quærant; si quid verò superest, sibi & suis necessitatibus obseruent. Alij denique sunt cum licentia summi Pontificis, aliaue sufficienti, extra monasteria degētes, hi quidem eis bonis aluntur, quæ industria sua, labore, aut eleemosynis quærant, quorum nihil reddunt suis monasterijs, neque ab eis quicquam recipiunt.

5 Quarta cōclusio; summus Pont. huiusmodi priuilegium primis, hoc est, beneficiarijs Religiosis quotidie concedere solitus est. Quoniā nihil incommodi monasterio; neque beneficio infertur, eo quod ipse ea quæ in vita donare potest, in morte relinquat. Imò ex hoc sæpè monasterio commodum euenit: quoniam aliquot nō donant in vita, & parcius viuēdo quærant, quæ iuxta suum priuilegium in morte relinquāt, quod minime fecissent, si id priuilegij à Papa nō habuissent. Postea verò decedunt intestati, & succedit eis monasterium, vel suū beneficium.

6 Quinta cōclusio; secundis, hoc est simplicibus Religiosis, qui in perfecta cōmunitate degunt, facultatem hanc testandi Papa minime dare consuevit. Non quia concedendo hanc facultatem videatur eos bonorum proprietarios facere, sed quia non habēt, neque habuerunt vnquam in vita rem aliquam, vel in proprietate, vel in administratione; & non decet, vt quis disponat in morte de his bonis, in quibus in vita, neq; proprietatem, neq; possessionē, neq; administrationē vllā habuit.

7 Sexta conclusio, tertie speciei Religiosis consuevit Papa huiusmodi facultatem concedere: quia hoc nihil aliud est, quàm administratio- nom bonorum prorogare, vt quemadmodū habent eam in vita de Superiorum licētia expressa, vel tacita, ita quoq; habeant tēpore mortis.

8 Septima conclusio; quartis eadem quoque ratione, qua tertijs, & majori testandi facultatem concedere solet summus Pontifex: quia licet bona, quæ vtrique habent, monasterij sunt quo ad proprietatem, & possessionem cap. 2. de testamētis, tamen ea quæ tertij habēt, quæ- runt è bonis eiusdem monasterij, cui subsunt, parcius viuendo; quarti verò ex alijs bonis, atque alijs modis. Hactenus Azpilcueta,

At verò

At verò nulla ratione silentio, dissimulationeue prætereundus est ille tertius Religiosorum status, qui in perfecta cõmunitate nõ viuunt. cum. n. statum dimidiatę, truncatęq; cõmunitatis damnandum esse censemus ex ijs, quę longā trium quatuorue Capitum disputatione lib. i. pertractauimus; quibus abundē hunc statū, certas, separatasq; portiones, & quantitates admittentem, confutatum esse nobis suademus. Perlegat igitur, atq; diligenter euoluat Regularis Canonicus tractatulum contra proprietarios Regulę Augustini à Cancellario Parisiensi, siue alio viro docto conscriptum, & Humbertum in Regulam Augustini pluribus locis. Excutiat quoque Conc. Trid. i. & 2. cap. decreti de Regularibus, quod exacte obseruanda esse præcipit vniuersa, quę ad cõmunem vitam, victum, & vestitum cõseruanda pertinent. Easdem certas, diuisasq; portiones, & quantitates, pẽsiones, siue assignationes manifeste dānauit, & reuocauit, & pro reuocatis haberi voluit, & eas fieri deinceps prohibuit Bened. 12. in Constitutionibus Canon. Reg. tit. de vidualibus, & alijs ministrandis. Eadem prorsus statuit vetanda, & reuocanda idem Bened. in Constitutionibus Monachorum nigrorum cap. 17. cui titulus est, ne vidualia in pecunia ministrantur. Veniendus autē Mart. Azpilcueta sola assertionē, aut potius recitatione contentus fuit, ad cõstituendum illum tertium statum à vera Religione longē abhorrētem. Nam quod asserit, illum suffulciri Superiorum licentia, & facultate, eaq; expressa, aut certē tacita, his sanē verbis imbecillitatem illustratus satis profitetur, & monstrat. Quis. n. Religiosarū rerum peritus ambigat, huiusmodi facultatem, siue licentiam in re tanti ponderis, & quantitatis, grantisq; ab Abbate, aliove Prælato concedi non posse? Quid etiā hac in re possit Regularis Prælatus, loco citato etiā nos discussimus.

Vereor equidem, ne his opinionibus semel auditis, & susceptis, ad dissoluendam, funditusq; labefactandam Religionem latissima aperiantur, pateatq; via. Huiusmodi igitur abusus reuincuntur in nne capitis, cum ad monasteriū. de stat. Monach. cum scribitur. Nec æstimet Abbas, quod super habenda proprietate possit cum aliquo Monacho dispensare: quia abdicatio proprietatis, sicut & custodia castitatis adeo est annexa regulę monachali, vt contra eam nec summus Pont. possit licentiam indulgere. Audi exaggerationem, audi Abbatis, & summi Pontificis cõparationem. Expende quorundam Prælatorum Regularium suę opinionis dissuasionem. Adde etiā à Concilio Tridentino fuisse declaratam his in rebus curtam Regularium Prælatorū potestatem, dum loco citato ait, cum cõpertum sit ab eis non posse ea, quę ad substantiā regularis vitę pertinet relaxari. Si. n. illa quę bases

sunt, & fundamenta totius regularis disciplinæ, exactè nō fuerint conseruata; totum corruat a edificium necesse est. Perfecta itaq; communitas in quocunq; monasterio ritè, recteq; instituto custodienda est.

- 10 Pro auctario autem huius negotij non ab re fuerit huc adducere, quæ Dom. Sotus lib. 10. de Iust. & Iure. q. 5. art. 7. de Monachis Episcopis annotauit. Eadem. n. consideratio Canonici etiam Regularibus suo gradu inferitura est. Neque verò, inquit, D. Tho. quantū ad hæc bona ecclesiastica aliā paupertatē tribuit Religiosis Episcopis, quā reliquis. At quoniam semper habuit oculum ad illud tempus, quo Clerici in communi vivebant, propterea simpliciter ait, Monachum factū Episcopum, non absolui à paupertatis votō. Dicendum ergo sub peritorum censura, quòd sicut obedientia Monachi, dum sit Episcopus, sic mutatur, vt soli sit Papæ subditus; ita & eius mutatur paupertas, vt decimarum portio, reliquaq; Episcopalia bona illi, sicuti & reliquis Episcopis adiudicentur, ad se & pauperes alendos. Quantum ad aliud verò bonorum genus, videlicet secularium, dubitari non potest, quin etiam paupertatis votum quadamtenus ei mutetur. Ex cap. statutu 18. q. 1. Quia ipsum electio Canonica à iugo Regulæ monasticæ Religionis absoluit, & sacra ordinatio de Monacho Episcopū fecit. Quin verò si vsum iam receptissimum consulas, Papa cum Episcopis Monachis nonnunquam dispensat, vt secularia bona emanent, quæ postea quibus velint, relinquāt; qui quidē mos, si legitimus est, professō ostēdit, non esse tā indispensabile paupertatis votum, quā continentiæ, aut obediētiæ. Dubitatio tñ oritur ex cap. statutu, nunc citato, cui nā post Episcopi mortē hæreditas paterna obuēniat? Monasterio ne an Episcopali Ecclesiæ? Verba quippe capituli obscura sūt, nihil. n. aliud explicant, quā q. quæ Monachus acquisierat, monasterio relinquat, quæ verò factus Episcopus acquisierit, ad altare, ad quod sanctificatus est, restituat. Sensus ergo istorum verborum est, quem vsus declarat: nēpe quòd ea, quæ Episcopus in seculo acquisierat, monasterio relinquat. Quæ verò Episcopus factus adiecit, relinquat Episcopali Ecclesiæ. Bona verò Religiosorum, qui titulares Episcopi sunt, quia sedē non habent, licet acquisita eis sint in Episcopatu, monasterijs obuēniunt. Postremò & illud sciendum excitato Azpilcueta q. 3. corol. 1. quòd summus Pont. per suos collectores in Hispania, accipit omnia bona Episcoporum, quæ de redditibus Ecclesiasticis tempore mortis relinquunt, omnibus relictis testamentis. Quòd iure quidem fit, licet ea omnia in opera pia relinquerēt. Et textu singulari in cap. quia Ioānes 12. q. 5. Imò quòd maius est, summorum Pontificum testamenta à successoribus suis nō recipiūtur, quo ad redditus Ecclesiasticos, quā
do

do saltem ad alios, quàm pios vsus relinquunt. Quin omnia prædicta bona deferuntur ad eum, quem Camarlengum vocant, cuius officium morte summi Pontificis non finitur.

11 Rem igitur propositam absolutes, omnes Prælatos Regulares admonitos esse volumus, vt vigilanter circumspecti, ne sui Canonici mortui vicini, testamenta condant, nec schedulas conscribant, nec demum aliquam dispositionem quacunque arte excogitatam, atque compositam conficiant, in quibus suam voluntatem testentur, vel quacunque ratione declarent, vt iuxta eam bona, quæ relinquunt, quantulacunque illa sint, distribuantur. Hæc enim omnia figmenta, testamenti speciem, vt minimum in se continent.

12 Prætermissa ergo, relictaq; hominibus secularibus conficiendorum testamentorum cura, & facultate, reliquum est, vt iugi mortis cogitatione occupati viri Religiosi, testamentorum loco ad mortem salutarem summo studio sese accingant, ac præparent. Qui enim vitæ præsentis longitudinem non ex suo spatio, sed ex eius fine, atomiq; puncto considerat, quàm sit brevis, & misera satis vtiliter intelliget, suis. n. incrementis paulatim deficit. Ad mortis considerationem S. Basilii nos exhortatur, sic dicēs: Semper ante oculos tuos versetur vltimus dies, cum diluculo surrexeris, ne ad vesperam confidas peruenire, & cum quiescens in lectulo membra collocaueris, de lucis ne confidas aduentu, & facillimè poteris liberari ab omnibus vitijs; mirum in modum bonis operibus exercetur, qui siue comedat, siue dormiat, siue aliud quid agat, in cunctis quæ agit semper extremum diem secum cogitat. Nam quantum prosit ad mentis puritatem, & omnium peccatorum abrenunciationem frequens meditatio mortis, Sapiens in Ecclesiæ. cap. 7. præmonuit dicens; In omnibus operibus tuis memorare nouissima tua, & in æternum non peccabis, Nam mortis futuræ cogitatio, timorem inducit, timor verò mentem necessariò concutit, & quasi clauus malleo impulsus, omnes carnis motus superba ligno crucis affigit.

Qui. n. semper diuinæ formidinis pondus aspicit, eius cordis faciem caligo peccati non operit. Proinde reminiscamur mortis nostræ, quàm nullo consilio poterimus euadere. Quotidie. n. morimur, commutamur. Quotidie demitur aliqua pars vitæ, & tunc quoq; cum crescimus, vita de creseit; atq; hunc quæ agimus diem, cum morte diuidimus. Hoc ipsum quod nunc agere tæto, de vita mea tollitur. Hinc præclare canit ille, Tæpora labuntur, tacitisq; senescimus annis. Prætereunt anni more fluētis aquæ.

13 Si quis verò interroget, vtrum ne bonum morale sit mors, an malum; respondebimus cum Lactan. Firm. lib. 3. diuinarum institutionum, qualitatem eius ex vitæ ratione pendere. Sicut ipsa vita bonum est, si cum

cum virtute viuatur, malum, si cum scelere; sic & mors ex præteritis vitæ actibus perpendenda est. Ita sit, vt si vita in Dei Religione transacta sit, mors malum non sit, quia translatio est ad immortalitatem; si aliter, malum sit necesse est; quoniam ad æterna supplicia transmittit. Vnde illi tantum in morte verè deplorandi sunt, quos miser infernus ex hac vita recipit; non quos cœlestis aula Christi lætificandos includit; bona est mors iusti propter requiem, melior propter nouitatem, optima propter securitatem. At contra, mors peccatorum pessima: mala siquidem est in mûdi amissione, peior in carnis separatione, pessima in vermis, ignisq; duplici contritione. Quâ ob rē hi, quorū animus sincere fide, perfectaq; Charitate præditus est, non exhorrent mortem tantquam malum, & parum, aut nihil pauent ad ingressum eius, certissimè hoc sibi persuadentes, obdormitionem esse in domino, & animæ a corpore non perpetuam, sed temporariam, ac breuissimam seiunctionē. At impij, quibus gravior est pecunia, quam virtus; quibus suauior est hinnitus meretricius, quam psalmus, & vt in summa dicam, qui terrena sapiunt, hi ad solam mortis memoriam pallent, & expauescunt, qui semper viuere vellent, vt semper peccarent. Iustum est igitur, vt nunquam careant supplicio, qui nunquam voluerunt carere peccato. Curandū est ergo, vt benè viuendi studio, malorū vlticia tormenta fugiamus: quia nec opes, uec rō, nec sapientia, nec sciētia erit apud inferos.

- 14 Sane si bonæ mentis simus compotes, hæc sola propemodum sufficit regula ad piē, & sanctē moriendum; honestam, inquam, agere vitā, & probos amplecti mores, iustitiam in vita studiosè colere, sacris lectionibus vacare, cœlestia verba meditati, in æternitatis amore se accēdere, de terrenis rebus secundū vires bona opera agere, & regnum perpetuum in eorum remuneratione sperare. Sic. n. viuere, iam in æternitatis vita partem est habere; raro. n. malè moritur, qui bene vixit; & vix benè moritur, qui malè vixit. Mala nanque mors putanda non est, vt diuus asserit Aug. quam bona vita præcessit. Quare tutissimum est, vt quicquid boni in extremo discessu nos fecisse vellemus, id modo sani incipiamus. Nam ad mortē vsque illud protrahere, & periculosum nimis est, & stultum. Hinc Eccles. 5. legimus; Ne tardes conuerti ad domum, & ne differas de die in diem. Vacuus quidem dierum ille est, qui, & quamlibet multum vixerit, ætatis suæ tempora in vanitate contriuit, subito diues ille stultus Luc. 12. cap. raptus est, qui horrea, quæ præparabat, deseruit, & inferni locum, quem non præuidebat, inuenit. Proinde remedia emendationis vitæ, nullis sunt cunctationibus differenda, ne tempus conuersionis pereat tarditate, cum iam nulla dilatio concederetur penitendi. Qui. n. Penitenti indulgentiam promisit,

diem crastinum non spondit . Spes vitæ longioris miserabiliter
quàm plurimos fefellit.

15 Sæpè quidè̃m nocuit distulisse bonum in tempus futurum, quod fie-
ri citius potuisset, fatiſq; alienus à fide est, qui ad agendam pœniten-
tiam tempus senectutis expectat. Nam qui tunc pœnitentiã vult age-
re, quando amplius non potest peccare, peccata profectò illum dimi-
serunt, sed non ipse peccata deseruit. Quisquis, n. pœnitentiæ fructus
differre vsque ad senectutem, aut mortis horam non metuit, ipse sibi
testis est, quòd pœnitere veraciter nunquàm in eius mente fuit. Latet
vltimus dies, vt obſeruentur omnes dies. Nescis qua hora veniat, & id-
circo semper vigila, vt quod nescis quando veniat, paratù te inueniat,
cùm venerit, semperq; paratus sis, iuxta illud Gregorij lib. 21. mor.
cap. 20. Ad hoc conditor noster latere nos voluit finè nostrum, diemq;
nostræ mortis esse incognitum; vt dum semper ignoratur, semper pro-
ximus esse credatur, & tãtò quisque sit feruentior in operatione, quan-
tò magis incertus est de vocatiõne. Sic, n. mors ipsa cùm venerit, vin-
cet, si priusquam veniat, semper timeatur. Perfecta, n. est mortis imi-
tatio, quã dum virtutis candidati sollicitè peragunt, culparum laqueos
eudadunt, quoniam eorum mentes mortis timore tenentur.

16 Hoc igitur tempore acceptabili ira Dei ante iudiciũ præcibus est
placanda. Necesse est, n. authore Gregorio, nunc timere iudicem, cùm
nec dum iudiciũ exercet, cùm diu mala sustinet, cùm adhuc mala to-
lerat, quæ videt; ne cùm semel manum in retributione vltionis excus-
serit, tantò districtius in iudicio feriat, quantò ante iudiciũ diutius
expectat, quoniam quo tardius iudex venit, eo seuerius percutit. Hinc
cautos, & vigiles, ac prouidos ad mortis, & extremi iudicij aduentum
reddere nos volens, sapius apud nos incõſcat, dicens; Videte, vi-
gilate, & orate, nescitis, n. quando tempus sit; & iterum; Orate, ne fiat
fuga vestra hyeme, vel sabbato Marc. 13. & Matth. 24. Ac si diceret;
Videte, ne tunc quærat peccata vestra fugere, quando iam non licet
ambulare. Appropinquantem itaque incertum æterni iudicis diem, so-
licita mente semper conspiciamus, & terrorem ipsius pœnitendo præ-
ueniamus, delictorum omnium maculas fletibus lauemus, iram æter-
nam imminẽtem caueamus. Certè si aliquis nostrum cum suo aduer-
sario causam dicturus in iudicio die crastino esset exhibendus; totam
fortasse noctem, inſomnem duceret, secum cogitans, quid sibi dici pos-
set, quid obiectionibus responderet, secumq; alia huiusmodi sollicita,
& æstuante mente verfaret, ne iudicem inueniret asperum, vehemen-
ter metueret; ne apud eum appareret noxius, formidaret; & quis, aut
quid iudex? nimirum non longè post futurus post hominem vermis,
atq; post

atq; post vermem pulvis . Si ergo tanta cura pertimescitur iudicium pulueris, qua intentione cogitandum est , qua formidine providendū; tantū iudicium maiestatis? Expende itaque ante conspectum tanti iudicis, quis in illo die terror erit, quando iam in pœna remedium non erit . Quæ illa confusio, in conuentu omnium angelorum, hominumq; erubescere . De vnoquoque enim dicitur ; Ecce homo , & opera eius . Si peccatum miseri hominis esset atramento scriptum , forsitan illud deleret ; nunc autem scriptum erit stilo ferreo in vngue adamantino; quadam enim virtute diuina fiet, teste Bernardo, vt vnusquisque opera sua bona, vel mala cuncta in memoriam reducat ; & mentis intuitu mira celeritate cernat ; vt accuset , vel excuset scientia conscientiam, atque ita simul, & omnes, & singuli iudicentur . Iudicium faciet gestorum quisque suorum , cunctaq; cunctorum cunctis arcana patebunt . Quod enim nunc confiteri erubescimus , tunc omnibus manifestabitur; & quicquid hic dissimulando palparamus, totum ibi vindex flamma comburet . Ignis vbiq; ferox ruptis regnabit habenis . Has quidem cogitationes diebus , ac noctibus qui euoluerit , in ipsis medullis consumetur, continuatisq; suspirijs tabescens, carne, ac toto corpore liquecet , laxioris vitæ libertatem in monastica Religione amplius non desideraturus .

Hęc omnia à viro Religioso testamēti vice,
ad salutarem mortem se preparante ,
diligenti mentis acie, & maturitate tractanda sunt.


FINIS LIBRI PRIMI.

ORDINIS CANONICORVM

REGVLARIVM ELVCIDATI,

LIBER SECVNDVS.

L. Ioanne Trullo Aragonio Authore.



De custodia ianuae, & claustri Monasterij. Cap. j.



PERSTRINXIMVS superiori libro ea, quæ generalia Ordinis Regularis esse videbantur. Nunc verò ad particulariora descendentes, de principalioribus monasterij partibus; deinde verò de eius ministris, atq; Prælati sumus (Deo duce) pertractaturi. Prima autem occurrit ipsa monasterij ianua; quam vel ipse philosophorum princeps, Aristoteles diligenter in singulis domibus custodiendam esse docuit lib. 1. æconomicorum cap. 6. vbi ait; Nunquam incustoditam esse domum decet, quemadmodum nec urbem. Videtur quoq; in magnis domibus utilis esse ianitor, qui sit ad cetera inhabilis, pro obseruatione exportatorum, importatorumq; Hæc Aristoteles. Nam si fores omnibus absque delectu pateant, quam plurima profectò incommoda in ipsam domum inferes. Qua de re Conc. Aquisgranense sub Ludouico Imperatore primo sic statuit cap. 117. 143. & 144. Præpositorum officij est, vt subditorum mentes sanctarum scripturarum lectionibus assidue muniant, ne lupus inuisibilis aditum inueniat, qui ouile domini ingredi, & aliquam ouium subripere valeat. Et quanquam ab his hoc instantissimè spiritualiter fieri oporteat; necesse est tamen, vt claustra, quo Clero sibi commissio canonice viuendum est, firmis vndique descendunt munitionibus, vt nulli omnino intrandi, aut exeundi, nisi per portam pateat aditus. Sint etiam interiora dormitoria, resectoria, cellaria, & ceteræ habitationes, vsibus fratrum in vna societate viuentium necessaria. Qui verò hæc, quæ præmissa sunt, iuxta quod possibilitas suppetit, agere renuerit, minus idoneus ad cæ-

tera Ecclesiastica officia prægerida habendus est, & quanquam diuina ultione sit dignus, synodali tamen sententia est feriendus. Eligatur necesse est à Prælato ex congregatione sibi commissa frater probabilis vitæ, cuius officij sit, portam Canonicorum cum summa obediencia, & humilitate competenti tempore claudere, ac referare; vt nulli per eam, nisi per licentiam aditus pateat intrandi, aut exeundi; cui etiam obseruandum est, ne quibus cordi est, plus otij vacare, quam diuinis obsequijs incubare, foras euagandi locum præbeat; & eorum nugarum, quod nephas est, particeps fiat. Debèt præterea aduenientes quosque cum Charitate suscipere, & Priori aduentum eorum, causamq; nunciare. Expleto namq; vespertino, & completorio officio, obseratisq; portis, clauēs earum idem portarius ei, qui vicem Prælati tenet ferat, vt nulli horis incompetentibus intrandi, aut exeundi maneat facultas.

Quas etiam ab eodem in crastinum tempore accipiat constituto. Si verò inobediens, atq; proteruus idem repertus fuerit portarius, sicut de alijs ministris negligētibz superius dictum est, iudicetur.

- 2 Oportet claustra Canonicorum ita diligenter custodiri, vt grex dominicus fraterna concorditer fruatur pace. Et si quemlibet Prælatus, aut qui eius vice fungitur, aut fortè quilibet alius spiritualis frater intra claustra quippiam inhonestè agētem, aut extra in biuijs, aut in plateis otio, vanisq; confabulationibus vacantem repperit: primò secreta admonitione eum corripiat, & post, si necesse fuerit, coram fratribus idem negligens acrius iudicetur, vt deinceps emendatus in melius proficiat. Fœminis nanque non solum in mansionibus, & claustris Canonicorum prandendum, aut requiescendum non est: quin potius nec eo intrandi, excepto in ecclesiam, vltra tribuenda facultas: quia valdè hoc à sanctis patribz legitur inhibitum. Qui verò secus, quam præmissum est, agere tentauerit, ita seueriter à Prælatis, & magistris corrigatur, vt ceteris, ne quid tale agere pertentèt, exemplo correptionis sibi inflicte, terrorem incutiat.

- 3 Item D. Benedictus in sua Regula tit. de ostiarijs monasterij sic præcipit. Ad portam monasterij ponatur senex sapiens, qui sciat accipere responsum, & reddere: cuius maturitas eum non finat vagari. Qui portarius cellam debet habere iuxta portam, vt venientes semper præsentem inueniant, à quo responsum accipiant. Et mox vt aliquis pulsauerit, aut pauper clamauerit, Deo gratias respondeat, aut benedicat. Et cum omni mansuetudine timoris Dei reddat responsum festinanter, cum seruire Charitatis.

- 4 De munere autem Ianitoris hæc tradi solent documenta. Primum, conuenit Ianitorem esse senem, sapiētem, cuius maturitas, siue, vt Aristoteles,


ſtoteles inquit, ad cetera inhabilitas, eum non ſinat vagari. Secundū, vt domicilium, ſiue domunculam propē ianuam habeat, vt facilē pulſantibus reſpondeat. Tertium, Ianitori ſeni ſubianitor, vel ſubportarius adiungatur, qui eum in illo munere obeundo diligenter adiuuet, Hæc tria ex D. Benedicte deſumuntur. Quartum, Ianitor neminem in monaſterium introducat abſq; Abbatis ſcientia, & facultate. Sed pulſantem in veſtibulo conſedere faciat, donec eius aduentum Abbas reſciat, & quid ſit agendum, decernat. Quintum, cū Horæ diuinæ in Eccleſia celebrantur, neminem ingredi domum ſinat; nec quēpiam Religioſum ē choro euocet, ſed pulſantem ad moneat, minimē licere cuiquam ſe vocantem alloqui. Proinde ſibi expeſtandum eſſe, donec Horæ finiantur. Quam rem prudenter explicuit Baſilius in regulis breuioribus interrogatione 173. dicens; Nunquid tempore domesticæ pſalmorum modulationis, colloquijs vllis dandus ſit locus? Reſpoſio. Iis exceptis, quibus tuendæ diſciplinæ procuratio credita eſt, & operū dilata diſtributio. Et hoc ipſum, cū maxima aliqua uſus alicuius neceſſitas poſcat, & neq; tunc inconsideratē, ſed habita ratione loci, ordinis dignitatis, & vtilitatis eiusq; . Reliquis omnibus neceſſarium ſilentium eſt. Sextum, hoſpitalitatis ratio exigīt, vt portarius apud ſe panes habeat, quos per tranſeūtib; hilari fronte diſtribuat, & impartiat. Septimum, non decet Ianitorē, dū ad ianuam pulſantes præſtolatur, ignauum eſſe, & otioſum, quare alicui rei vtili, vt lectioni, & orationi, aut opuſculo mechanico incumbat. Hæc accipiuntur ex libro vſuum Cisterciēſis Ordinis cap. 220. Octauum, ab uſu à Religioſis cenſeri ſolet hoſpitem, aut nuncium in domum admittere, qui aliquid nouarum rerum adferat, eaſq; Religioſis renunciēt; qui n. nouarū rerum nuncia in monaſterium adferunt, mūdum ipſum in monaſteriū vtcunq; important, Religioſoſq; cogunt, aut certē incitant, vt rerum mūdanarum, quas obliuioni tradere eis conuehiebāt, denuō recorderij; ſanē nihil aliud quā monaſterij, Religioſorumq; iacturam, & detrimentum curant: quoniam in ipſam Religionis nauim aquam maris huius mundi immittere conantur.

5 Nonum, ſed multò deterior eſt ab uſu ille à quibuſdam ſacræ Theologię magiſtris notatus, monaſteriorum enervationem referentibus. Portæ, inquiunt, monaſterij patent apertæ à mane vſq; ad veſperam, ne dum viris, ſed & mulieribus iuuenibus, ſenibus, atq; mediocriſ ætatis. Imò etiam gladiatoribus, & nebulonibus, alijsq; id genus hominibus, qui penetralia domus perſcrutātes, poſtea foras egreſſi, Religioſorum mores apud populum manifeſtant, & traducunt.

6 Decimum deterrimus autem omnium eſt ab uſu ille, quò ſinguli

Canonici Regulares extra monasterium, aut in monasterij viciniā domiculas habeant, ac propria domicilia. Sic. n. domum Dei in speluncas dilacerāt, atq; dissecant. D. enim Augus. præcepta Regulæ suæ tradens, inquit; Hæc igitur sunt, quæ vt obseruetis præcipimus, in monasterio constituti. Primum, propter quod in vnum estis congregati, vt vnanimes habitetis in domo domini. Vna igitur domo cuncti Canonici concludendi sunt; nec extra monasterij claustrum habitantes, ratione vlla ferendi sunt. Hac. n. de causa Canonicoꝝ domum D. Aug. in regula octies monasterium appellat. Est autem monasteriū ipsis Religiosis quasi carcer, vt inquit glossa in cap. cū singula. De præbēdis in 6. in verbo Auferēda; & Eugenius Papa 16. q. 1. cap. Placuit, inquit, sit Religiosus claustro suo cōtentus: quia sicut piscis sine aqua caret vita, ita sine monasterio Monachus. Sed & Chrysostomus definiuit monasterium, luctus domum, & certissimam lachrymarum sedem. Assumit n. cœnobita officium plangentis peccata. Hactenus de custodia ianuæ.

De septem Custodijs claustri animæ. Cap. ij.

- 1  Abet etiam & suum spirituale claustrum Religiosi viri anima, quod quidē summo studio custodiendū est septē adhibitis custodijs. Si in domo domini tertij Esdræ cap. 7. per singulas ianuas ostiarij constituebantur, ad nostram quoque animæ tuendam domum vigilantes ostiarios constitui nostra interest. Plurimum quidem vera sanctitas elucescit, longè, lateq; radios diffundit; tametsi ipsa se ex humilitate velit, quàm maximè tectam. Priscorum eremiculorum sanctitatis odore multi attrahebantur, neque itineris difficultati, & asperitati parcebant. Indiciū est igitur perfectionis à multis, & per epistolas, & coram Religiosis inuisi, non quidem terrenæ sapientiæ magnitudine, scientiæve curiositate, vel mirabilium nouitate; sed solū gratia edocendæ viæ Christi crucifixi: ad propriæ voluntatis abdicationem, & ad euellendam omnem inordinatam affectionem. Quare si ab hominibus frequenteris, respice, vt sis immobilis tam ad dolorem, quàm ad gaudium, nec te delectent laudes, vel blanditiæ. Primū itaq; oris, atq; verborum aduersus loquacitatem custodia tibi tenenda est. Quemadmodum. n. in domum, cui nulla est custodia adhibita, quæ porta, aut ostiū non est conclusa, sine delectu quilibet ingreditur, atq; egreditur, facileq; ventus quilibet introgreditur, & efflat: ita stulti, & peruersi, quibus non est linguæ custodia, neque ostiū labia circumstantes, absque delectu, atque iudicio proferunt quicquid in buccam venerit, & quicquid libuerit. Et quomodo ciuitatem, aut domum, quæ custodia adhibita seruatur, ostiū quoque, & porta concluditur, nisi cū discre-

discretionē, & iudicio egredi, vel introire nemo potest, ita p os bonorum non egrediuntur, nisi quæ secundum iudicium, & rationis examē, vera, bona, atque vtilia probata fuerint. Vnde & vulgo dici solent homines ori frenum imponere, aut seram adhibere; cum nō nisi probos, & bene meditados sermones loqui proponunt, neque absque discrimine inutilia profundunt. Eam ob rem rex David. psal. 140. Deum precatur dicens; Pone domine custodiam ori meo, & ostium circumstatiæ labijs meis. Non declines cor meum in verba malitiæ. Proinde si fortassis ad colloctionis locum vocatus fueris, si quidem libens eo, & cū animi voluptate accedas, est sanè quod doleas; quippe qui plus adhuc carni viuas, quàm spiritui, plus mundo quàm Deo; quando autem ad colloctionis sedilia iturus es, neque nimium te, habitumq; tuum coles, ac apparabis; nec etiam plus satis abijciēs, sed mediocritatem obseruabis. Cumq; iam illuc ventum erit, fixis humi oculis in nullius intēdas vultum, nec quenquam te considerare sinas, modo id vitare possis, maximè verò aspectum caueas sceminarum. Eos qui te inuisunt, breuib; ijsq; simplicibus salutes verbis. Si religiosi, aut spirituales sūt, ora eos, vt boni quippiam tibi referant, vnde possis effici melior, vtq; in votis tuis, atque cōnobio, cui inclusus es, ad extremum vsque spiritum persistere queas. Si seculares sunt, & mundani, cautius attēde, ne quid ex tuo proficiatur ore, quod carpi ab illis possit, aut eis offendiculo esse: tamq; sedeas procul, vt qui te inuisunt, & te dicentem audire, & abs te audiri queant. Aut nihil, aut pauca de amicis, neque cognatis, nec de vlla re mundana scisciteris. Si quis ex te quicquam percontetur, quod tibi constet, respondeas quàm poteris breuissimis, ac apertissimis verbis. Sin verò id interroget quispiam quod ipse nescias, nihil verearis, nec te pudeat illi fateri, eius te inscium esse. Quod si cupiant quidam audire ex te, vnde corrigantur, vituperes apud eos peccata, & commendes, ac prædices virtutes, & iustitiam, terreas eos pœnis tartareis, ac consoleris Dei misericordia, proponasq; illis immanitatem, ac horrorem dæmonum, & tormentorum inferni, itemq; gloriam, & lētitiam Angelorum, & Sanctorum, cum Deo in æterna degentium vita, & beatitudine. Adiungesq; exempla his rebus apposita, & accommodata, sic fiet, vt arguantur ipsi, & instituuntur, perterreantur, & consolationem accipiant in ijs omnibus, quæ sibi necessaria sunt. Nihil à quocūque exigas, aut petas, neque sine Superioris permisso quicquā des, vel accipias, & à cunctis hominibus, & erga eos occurrentibus occupationibus, & colloctionibus, vt primū poteris te expēdias, ad tuāq; cum Deo vnitatem, & solitudinem reuertaris. Si. n. te delectat fabulari, & cum aduentantibus colloqui, rumusculosq; mandanos percipere

re, indies obtenebraberis, rudiorq; fies, & peregrinis cogitationibus, atque id genus alijs innumeris vitijs abundabis.

- 2 Secunda est corporis custodia, cui videlicet corpus per gratiam ex amore, & libera voluntate, ac spontè includitur, quando tecum ipse cōstituiſti, propoſuiſti, Deoq; pollicitus es, omnes vitæ tuæ dies a bſq; in mutatione eo te in loco permāſurum in obſequio, ac cultu Dei, in quo nunc agis, & perſeueras. Quare, decet, te inutiles diſcurſus, inſrugife-ramq; diuagationem fugere; in tua ſacra domo pedem ſiſte, quæ aduerſus tuorum hoſtium incurſus, & oppugnationes tutiſſimum eſt propugnaculum, foris autem diſcurrens, caue ne truculentiffimis dæmonibus præda fias.

- 3 Tertia eſt ſenſuum custodia, vbi externus ſenſitiuus homo in interno rationali homine includitur, ita vt ſenſitiua portio Rationis ſemper imperio, non ſecus, quā ancilla dominæ ſuæ ſubdita ſit, atq; morigerā. Etenim Ratio, custodia, & conclauē tuū erit, in quo demoraberis, quodq; Charitate, ſanctis exercitijs, cunctis tum corporalibus, tum ſpiritualibus virtutibus munies, & exornabis. Sunt autem custodiæ, vel conclauis huius quinq; ianuæ, quæ ſunt ſenſus quinq; quas Deus Rationis curæ, ac ſollicitudini commiſit, vt eos à cunctis ſeruet, ac tueatur hoſtibus. Tametsi verò ſenſus iſti ad exteriū hominem pertineant, non poteſt tamen eos moderari, ac regere, cum ſit ipſe ſtolidus, ac fatuus, & ſenſibus conſentiens. Ob idq; cum omnibus ad ſe pertinentibus merito interioris hominis imperio ſubiacebit. Si. n. ex aliqua harū quinque portarum abſque Rationis vigilantī permiſſu foras progreditur, peccatum admittit, dum ſuæ naturæ propenſiones, & oblectamēta ſectatur. Idq; vbi accidit, à Ratione trahendus eſt intro, & pro ratione criminis obiurgandus, caſtigandus, flagellandus, & verberibus eſt afficiendus. Si nanque diu foris hæſerit, amore, ac voluptate captus, in eandem captiuitatem interiorem hominem ſecum pertrahet. Tunc verò vterque apoſtata, vterque ſtolidus reddetur, custodiamq; & tranquillū conclauē deperdet, quam hoſtis tartareus ingreſſus, eam ſibi vendicabit, eoq; malorum peruenietur, quod & Deus, & virtutes omnes ex animæ regno depellentur, & exturbabuntur. Serua igitur ſenſuum tuorum custodiam, virtutes colens, & exercens.

- 4 Quarta clauſtri ſpiritualis custodia eſt Dei Charitas, atque Gratia, quæ nunquā non patet, nunquā non recipere parata eſt, quotquot id appetunt. Quæ proinde accuratè obtinenda, vigilantēq; retinenda eſt; nihil. n. custodia hæc aliud eſt, quā gratia, & charitas domini leſu. Ea verò obtineri, vel poſſideri non poteſt, niſi integre redamādo. Rumpenda igitur nobis ſunt vincula omnia, laquei omnes atterrēdi, cuncta

cuncta transcendēda; & curæ, occupationes, solitudines cordis, & omnis inordinatus amor propulsandus, ac repellendus. Ita enim exuimus nos ipsos, & cum Paulo ad Ephes. 4. deponemus veterem hominem cū actibus suis, & induemus nouum, idest dominum Iesum Christum, qui nos se ipso, & vita, gratia, & charitate sua vestiēt, & induet; Cumq; hoc pacto suæ nos charitatis, & desiderij habitu vestiērit, & nos in illo, & ipse in nobis viuet. Hac itaque perpulchra animæ custodia, affectus, vel desiderium nostrum modo excellentissimo exornatur. Enimuerò domini præceptum est, vt ex toto corde, ex tota anima, & ex cunctis viribus, siue tota vi affectiua amemus, vbi verò amans cum dilecto in eadem amoris custodia iungitur, ac vnitur, ibi amor perfectus exiſtit.

5 Quinta est nostræ volūtatis custodia; quādo videlicet ex amore propriam voluntatem, omnēq; adeò proprietatem in liberrimā voluntatem Dei resignamus, & abnegamus, vt iam nihil aliud, nisi quod velit Deus, velle optemus. Tunc. n. libera voluntas nostra sponte sua in voluntate Dei, ceu in custodia quadam, absque retrocessione ex amore includitur, atque cingitur, siue captiua tenetur. Hoc sanè modo in veræ sanctitatis ordine Deo professionem facimus, qualicunq; simus testi habitu, aut quencunq; vitæ statum teneamus. Caterum quamdiu voluntas nostra volendo, nolendo, nondum est diuinæ voluntati conglutinata, cupimusq; ab illo potius nobis morē geri pro nostra voluntate, quā a nobis ipsi pro illius arbitrio, tam diu non poterimus in amore profiteri, sed tyrunculi permanebimus: Quandoquidem diuinæ Charitatis ignis, æs omne auro admixtum, idest omnem amoris nostri proprietatē, qua nos ipsos spectamus, quærimus, nondū exiſit, nondum absumpsit. Porro cū vsque eo in nobis conualeſcit, & feruet amor, vt amorem viciosum, & dolorem, metumq; cuiuscunq; rei amittendæ, & spem cuiuslibet lucri acquirendi, & quicquid deum in nobis est, in quo nos ipsos spectare, vel quærere possimus, exurat prorsus, suoq; ardore consumat, iam planè pura, & munda est Charitas, atque instar annuli aurei, qui cælo, terra, & rebus omnibus amplior sit perfecta. Atque hæc cella vinaria est, in quam Charitas suos electos introducit, quemadmodum in ipsius Canticorum volumine cap. 1. discimus. Vbi & ceteræ virtutes omnes ordinantur; Estq; hic radix, vita, incrementum, nutrimentum, & conseruatio virtutum omnium, id autem cum ordine quodam, ac discrimine, in honestis moribus, cunctisq; bonis operibus. Attamen Charitas in ea cella permanens, ipsa habet in se quicquid appetit, neque. n. extra aliud quærīt, aut concupiscit, nempe Deum habens intra se, & in suo ad Deum ascensu ebria.

6 Sexta est nostri intellectus custodia, in qua nudum intellectum no-

strum subleuatum, fixum, & simplici aspectu in diuino lumine intentè contemplantem reperimus. Huc quot quot amor perducit, Dei amici sunt; quippè qui isthic vitam inueniunt contemplatiuam, in æternum amorem eleuatam. Habentq; intra se vitam rationalem gratia, charitate, & sanctis exercitijs abundantem. Porrò infra se vitam obtinent sensitiuam, moralem, ad Dei præcepta compositam, honestis præditâ moribus, atq; externis actionibus bonis apud quosq; homines fulgentem. Quæ quidem triplex vita, Contemplatiua, Rationalis, atque Moralis, dū quasi vna obtinetur, possidetur, exerceturq; vita, suo vnaqueque munere fungens, tunc demum perfectus est homo. Vtpotè qui supra se nuda Charitate in diuino lumine Dei coniunctus est, & in seipso per gratiam, & benè compositas, ordinatasq; virtutes, Dei quandā gerit similitudinem; atque infra se per pœnitentiam, & per carnis, ac sanguinis, omniūq; inordinatarum affectionū contemptum, Christo imitatione quadam vtunq; similis est.

- 7 Septima, imaginis, & similitudinis Dei custodia est. Homo siquidē conditus est Genes. 1. secundum naturam suam ad imaginem, & similitudinem Dei. In hac ergo custodia totus reformatur, ac reparatur, recipiens isthic imaginem, & similitudinem Dei supra naturam suam in amoris vnione, vbi vnus cum Deo spiritus, & vna vita est. Ita. n. ait Io. cap. 1. quod factum est, in ipso vita erat. Attamen continenter, ac sine intermissione in virtutibus, ac maiori Dei similitudine nos renouemus oportet. Quando non ad imaginem duntaxat, sed ad similitudinem quoque Dei facti, & conditi sumus. Et quamdiu amor, desiderium, affectus, Rationi illuminatæ obediunt, magna nos acitare opera valeamus, & virtutibus, ac sanctis exercitijs nostras exercere custodias. Sic ni mirum Deo per gratiam, & virtutes intra nos similes, eidemq; per interam subleuati spiritus nostri contemplationem vniti esse debemus. Qui etiam generositatem suam primæuam considerat, diligētius Deo seruiet: cauebitq; summo studio, ne eandem deturpet impia vita. Nā si oculos etiam deflexerit ad miseriam, in qua nunc sumus, videbit planè, quòd verè amarum sit, nos dereliquisse Deum. De interioris hominis custodia, per virtutes Cardinales habenda, scite differit Hugo de S. Victore lib. 4. de Anima, cap. 13. eum locum Luc. 12. pertractans; Hoc autem scitote, quoniam si sciret pater familias, qua hora fur veniret, vigilaret vtique, & non sineret perfodi domum suam.

De Refectorio Canoniorum. Cap. iij.

1



Ratio communis vite Canoniorum Regularium postulat, vt in communi Mensa, ac Refectorio ad prandendum, & exorandum in vnum conueniant. cuius rei meminit Innoc. 3. in cap. Cum ad monasterium, de statu Monach. & Canonic. Reg. precipiens, in Refectorio silentium obseruari. Hoc ipsum decernit Bened.

12. in suis Constitutionibus tit. de victualibus, & alijs ministrandis, iam superius relatus, in hæc verba; Institutionibus regularibus inherentes, statuimus, vt Canonici in Ecclesijs Cathedralibus, monasterijs, siue locis alijs collegiatis, seu conuentualibus dictę Religionis constituti, consuetudine, seu vsu, quinimò abusu contrario non obstante, in Refectorio comedant in communi, nisi in casibus, in quibus, & prout eisdem licitum est, seu permissum, extra Refectorium comedere secundum regularia, & canonica instituta. Prouiso quòd illi, quibus incumbit onus prouidendi de victu Canonicis eisdem, prouideant sufficienter, & decenter: non in pecunia; sed in victualibus (prout cuilibet opus erit) de qua sufficientia, & decencia victualium tractetur; decernentes, quòd si qui redditus, vel pensiones alicui ex Canonicis singulatiter hæcenus pro victualibus fuerint assignati, nullatenus dimittantur eidem. Nos .n. assignationes huiusmodi reuocamus, & pro reuocatis habere volumus, & eas fieri deinceps prohibemus.

2 Vetus etiam quoddam Conc. prou. Colonienſe sub Cõrado Archiepiscopo, postea à Cardinale Nicolao Cusano auctoritate Apost. ad eam prouinciã confirmatum, tit. de Monachis, & eorũ cõuersatione, & vita c. 15. ait. Statuimus et, q̃ omnes Monachi in communi Refectorio comedat, nisi infirmitas, vel aliqua alia causa legitimę necessitatis ipsos excuset: & tunc quæ superfuerint in elemosynam pauperibus tribuantur. Idem quoq; precipitur in Conc. Maguntino anno 813. cap. 9. cuius titulus est, De regulari obseruantia Canoniorum, his verbis; Et vt simul manducent, & dormiant, vbi his facultas id faciendi suppetit, & in suo clauſtro maneant. Ad mensam verò similiter lectionem audiant. Et Conc. Aquisgranenſe sub Ludouico Pio I. Imperatore cap. 117. inquit, Sint etiam interius dormitoria, reſectoria, cellaria, & cetera habitationes, vsibus fratrum in vna societate viuentium necessaria. Et Conc. Oxoniense Anglicanum sub Stephano Archiepisc. nu. 40. de Canoniorum Regulariũ Refectorio sic statuit; Et in vno Refectorio simul edant, nec per se cuilibet, sed communiter omnibus victualia præparentur: nec singulis eorum denarij pro vestibus tribuantur, sed

talia

alia per Camerarios diligenter expendantur, qui vt quilibet indiguerit, & facultas domus sustinuerit, eis indumenta ministrent. Et nu. 42. omnem (inquit) singularitatem interdiciamus in Refectorio, vt cibis aliter vni, quàm alteri præparetur; sed qui præest, videat, vt scilicet interdum alia præparentur, de quibus aliorum debilitas, vel infirmitas, prout viderit expedire, valeat releuari. Omnia etiã victualia Religiosis apponenda, sine subtractione eis apponantur tam in cõuentu, quàm alibi, vbi reficiuntur de omnibus appositis. Totũ residuũ sine diminutione aliqua cedat, in eleemosynã indigētibus fideliter erogādã: ita quòd nec Abbas, nec Prior, nec Eleemosinarius hoc possit dispensare.

3 Subticendum etiam non est, quod Bened. 12. in Constitutionibus Monachorũ nigrorum. §. nempe, & §. cæterum, & viam scandalis, tradit, dicens; Monachi comedant in communi, in eodem Refectorio, nec pecunia eis pro victu, simul, vel minutim ministrari debet: sed in victualibus vsui congruentibus, ac qualibet die in cibo, potu, vel pitãtia ministrandus est victus ad congruentẽ mensuram, secundum modũ facultatum monasteriorũ, & illa quæ supersunt, eleemosynis sunt applicanda. Ex libro de cultu vineæ dñi. 4. par. cap. 21. Eiusdẽ nos rei admonet Conc. Prou. Cameracense sub Maximiliano Archiepiscopo tit. de monasterijs cap. 3. & 4. dicens: Cæterum, quia mensæ communio Charitatis vnionem designat, & à patribus antiquitus statutum, obseruatũquẽ; fuerit in bene moratis cœnobijs, vt omnes eodem in loco cibum simul caperent; Statuit sancta Synodus, vt Superiores seuerè prohibeant priuatas mensas; cogantquẽ omnes, qui legitimè non fuerint impediti, ad vnum conuenire Refectorium cõmunis refectiois gratia. Si locis quibusdam lectio sacra in conuentuali Religiosorum mensa hætenus omissa fuerit, & minus vsitata, eius vsus restituatur; ieiunia item conuentualia sicubi minus fuerunt obseruata, iuxta Regulã, aut locorum bene reformatorum vniuscuiusquẽ Ordinis consuetudinẽ.

4 Idipsum docet Synodus prou. Hydruntina sub Petro Antonio Archiepisc. tit. de monasterijs cap. 4. dicens: Priuatæ mensæ prohibeantur, agantquẽ Superiores, omnes qui legitimè non fuerint impediti, ad vnum conuenire Refectorium; & in eodem loco, eademquẽ mensa cibũ capere, cum mensæ communio Charitatis vnionem designet, & seruato silentio, sacra lectio in conuentuali mensa adhibeatur, vt vnã cum corpore sumat quoque, & mens cibum; simul etiã ieiunia iuxta vniuscuiusquẽ regulam, & cõsuetudinẽ restituantur; mensa sit frugalis, & vitentur excessus. Nulli sermones irreligiosi misceantur, sed qui boni sint, & honesti, nisi ardua, & honesta causa per Superiores approbada.

5 Quæ autem de Refectorij cura tradi solent, hæc sunt; primum, ex August.

August. regula cap. 2. dicentis ; cū acceditis ad mensam, donec inde surgatis, quod vobis secundum cōsuetudinem legitur, sine tumultu, & contentiouibus audite ; ne solæ vobis fauces sumant cibum ; sed & aures esuriant Dei verbum . Hoc quidem statutum fuit in Conc. 3. Toletano dist. 44. cap. pro reuerētia, quod in conuiuio sacerdotali diuinarum scripturarum lectio semper haberetur . Primum, vt non solum homo exterior, sed etiam interior Dei verbo pasceretur . Secundum, vt anima lectioni diuinæ intenta, à delectatione ciborum utcūque retraheretur, eaq; ratione peccata, quæ ex ciborum delectationibus nascuntur, vigilantius caueret. Tertium, vt nociua verba, & cōtentiosa, quæ in conuiujs oriri solent, euitarentur . Ait. n. Hieronymus ; Conuiuia tunc ex Charitate veraciter prodeunt, cū in eis absentium nulla vita mordetur, nullus ex illusione reprehenditur, nec in eis negotiorum secularium inanes fabulæ audiuntur . His consonat Bened. in regula, dicens ; Mensis fratrum edentium lectio deesse non debet, summum silentium fiat ad mensam, vt nullius musitatio, vel vox, nisi solius legentis ibi audiatur. Fratres autem non per ordinem legant, sed qui ædificent audientes . Basilii quoq; in regulis breuioribus interrogatione 180. quærit, cuiusmodi animi affectione, attentione uē ea debemus audire, quæ ad mensam accumbentibus nobis leguntur . Respondet, maiore multo cū delectatione, quā cū quāta aut edimus, aut bibimus : idq; vt appareat mentem nequaquam distrahi ad corporis voluptates, sed maiorem in modū se in verbis Domini oblectare, quod ille faciebat, qui dixit, dulciora super mel, & fauum. Psal. 118.

6 Ex eodem; Qui ad benedictionem in Refectoriū non venerit, primum propter id corripiatur. Si verò non se emendauerit, non admittatur ad mensæ communis participationem : sed sequestratus à consortio omnium, solus reficiatur, ablata ei portione vini, vsque ad satisfactionem, & emendationem . Similiter autem puniatur, qui ante gratiarum actionem surrexit.

7 Iute notanda sunt hac in re, quæ Conc. prou. Mediolanēse sub Borchomæo Archiepisc. par. 3. de monialibus tit. de communi vita, tradidit . Quæ quidē & viris religiosis, paucis mutatis, conueniunt . Ad sonitum, inquit, minoris campanæ omnes conueniant ad benedictionem mensæ, quā Præfata, vel Vicaria, vel ipsis absentibus, antiquior discreta faciat . Deinde loco, & ordine discumbentes, non prius discedant, q̃ Deo gratiæ actæ fuerint. Quæ non obedierit, vno die obsonio priuetur : ac postremò loco in mensa sedere cogatur . Mane, & vespere ad primam, & secundam mensam aliquis spiritualis liber, qui

qui ad Religionem incendat, quotidie legatur, omnibus discumbentibus, cum silentio, & attentione audientibus, ut una cum corpore mens etiam recreetur.

8 In Refectorio murmuratio, aut querimonia maxime vitanda est, si delicati cibi non administrentur. Non enim ad delectationem, sed ad sustentationem cibus appetendus est. Religiosum enim virum cibi delicatiores, aut exquisitiori arte conditi, non parum dedecent. Quicquid igitur appositum fuerit, libenti animo, & cum gratiarum actione accipiat, & taceat.

9 Mundities verò loci, mensarum, atque ciborum, & potus accuratè ab eo, qui Refectorio præficitur, custodienda est; alioqui sit ille congruam poenam daturus.

10 A D. Basilio in regulis brevioribus interrogatione 131. & inferius, increpantur, qui non ex eodem, unde reliqui fratres cibo participant; sed cibum diuersum exquirunt; & ij etiam, qui aliquo cibi genere se lædunt dicunt, & ægrè ferunt, nisi aliud detur, atque etiam illi; qui ob cibum murmurant, iuxta illud Pauli 1. ad Cor. 10. Neque murmuraueritis, sicut quidam eorum murmurauerunt, & perierunt ab exterminatore.

11 Sed nunquid necessariò hora prandij adesse omnes simul debeant, & qui absuerit, & peracto iam prædio superuenerit, quomodo nos aduersus ipsum geremus? Respondet. Omnino hic si eo absuerit, quod necessitate loci, operisve aliter facere non potuerit, disciplinæ magister & cognoscet, & ignoscet. Si verò cum una cum cæteris posset adesse, negligenter egit, agnita hic negligentia suæ culpa, usque ad præfinitam horam insequentis diei ieiunus maneto.

12 Non ab re fuerit hoc loco adijcere, quæ ratio in sessionibus, & accubationibus teneri debeat, quandocunque ad prandium, cœnamue ventum sit, ex D. Basilio magno in regulis fusius disputatis interrogatione 21. Præceptum (inquit) est domini, qui ubique nos ad humilitatem assuefacit, ut in prandijs etiam accumbentes, nouissimum locum præoccupemus. Quamobrem si laici, si seculares nobiscum accumbant, danda nobis sedulo opera est, ut exemplo nostro illi discant, se intra modestiæ fines continere, neque prima subsellia appetere. Sin verò Religiosi fuerint, ut quouis tempore suæ humilitatis edant specimen, nouissimum locum occupent; veruntamen pugna nimis ea de re damanda contentio est, ut quæ ordinem tollat, & perturbationem, ac tumultum inducat; si enim nemo sit, qui alteri cedat, simile quiddam eveniet planè, ac si de principe loco pugnaremus. Proinde cognito diligenter, quid nos facere deceat, ubi id facere studuerimus, loci assignationem Superioris arbitrio permittamus. Dominus. n. huiusmodi locorum distri-

distributionem ad Patremfamilias pertinere admonuit. Hoc n. modo honestè omnia, & secundum ordinem faciemus; & non ostentationis, aut captandæ gloriæ popularis causa, nos humilitatem consecrari demonstrabimus: quin cedendo potius, parendoq; ad veram humilitatem perueniemus. Et Conc. Oxoniense Anglicanum num. 41. de silentio seruando sic decernit; Item tam à Monachis; quàm Canonicis Regularibus, & Monialibus silentium imponimus obseruari in temporibus, & locis constitutis. Quod quidem explanauit Innoc. in cap. Cum ad monasterium. de stat. Monach. §. in oratorio, dicēs; In Oratorio verò Refectorio, & Dormitorio continuum semper silentium obseruetur: in claustro quoque certis horis, & locis secundum antiquam consuetudinem monasterij laudabiliter obseruatam. Et idem Conc. Oxoniense nu. 45. ait; Quoniam inter alia vitia, impetus gulæ viros Religiosos præcipuè, non mediocriter infestat: decernimus, vt nec Monachi, nec Canonici Regul. nisi statutis locis, & horis, potationi, aut comestitioni vacare præsumant. Si quis verò situerit, impetrata licentia Refectorium regulariter intret, vt sic necessitati subueniat, non vt consulat voluptati: ab hac generalitate eximimus infirmos, & eos, qui fuerint in obsequio Prælatorum.

13 Modestia autem victus, & potus accuratè in Refectorio seruanda est, ea quidem lege, vt edas citra cruditatem, bibas citra ebrietatem; nec præsentibus delitijs inhaereas, nec absentes desideres. Maximè verò ebrietatis pericula cauetò. Audi Ecclesiasten, cap. 2. dicentem; Cogitavi in corde meo abstrahere à vino carnem meam, vt animū meum transferrem ad sapientiam, deuitaremq; stultitiam. Ante omnia autè à vino abstrahere carnem voluit, idest affectum ab omni gula, & luxuria auellere. Nam sub vino, puto intelligi, quicquid ad delicias carnis attinet, & corporis malis motibus fomentum, atque incitamentū præbere valet. Non est autem ex hoc loco accipiendum, omnē vini vsum esse fugiendum ijs, qui cupiunt animum suum transferre ad sapientiā, vel in ea permanere, sed vsum immoderatum eius vituperat. Quomodo vti eo solent, qui sectantur carnis delicias, alioqui si admodum modice sumatur iuxta Psal. 103. verbū, cor hominis latificat. Non dicit, obnubilat, aut inepta dissoluit latitia, sed tantum latificat. Non est autem moderata, & honesta corporis latitia, sapientiæ contraria: tamen diligentissimè cauendum est, ne supra mensuram debitam ipsum sumatur, neque in mensura præbenda iudex constituatur sensualis concupiscentia, sed recta ratio inuigilet, ne debita mensura excedatur. Vnde Paulus Apost. discipulum è stomacho laborantem, ad vini sumptionem exhortari volens dixit 1. ad Timoth. 5. Noli adhuc aquam bibere, sed

re, sed modico vino vtere propter stomachum, & frequentes tuas infirmitates. Vbi vide, quàm trepidè loquatur sanctus Apostolus. primùm dicit; Noli adhuc aquam bibere. Cùm enim dicit, adhuc, indicat, se nō nisi pro tempore dare consilium, donec, scilicet, duraret infirmitas, & repararetur sanitas, quasi post sanitatem reparatā cessare debeat istud vinum bibendi consilium. Deinde non ait infirmo, vtere vino, sed cum adiectione dicit, vino modico. Causam postremò subiungit, propter stomachum, & frequentes tuas infirmitates; quale putamus consilium daret ei, qui valido esset, & bene vegeto corpore; quid arbitramur cōsiliij daturum pinguibus istis; ac bene saginatis, posteaquā huic ex stomacho laboranti, & crebris ægritudinibus vexato, tanto cum timore loquitur? de abusu verò, aut immoderato vsu vini ad Ephes. 5. apertè clamat. Nolite inebriari vino, in quo est luxuria; sed impleamini Spiritu sancto; velut indicare volens, vino immodico pelli Spiritum sanctū. Episcopum quoque nō vult esse vinolentum, vel multo vino deditum, primæ ad Timoth. 3. Noster Hugo de S. Viçt. lib. 3. de claustr. animæ, quoddam constituit animæ Refectory; vt. n. homo exterior in Refectory materiali ad constitutam horam cibo, potuq; reficitur: Sic homo interior in Refectory sanctæ meditationis potatur vino compunctionis, & diuersis exemplorum saginatur ferculis. In hoc autem Refectory sternuntur tres mensæ, idest triplices intellectus diuinæ scripturæ; videlicet hystorialis, mysticus, & moralis. Reliqua illic leges.

De vitanda in mensa edacitate. Cap. iij.

1



Vm ad Refectory cum cæteris sodalibus accesseris, benedictionem mensæ pro consuetudine, aut tu lege, aut attentus audi. Tametsi verò magnæ fames occupet, ingensq; cibi, & potus appetitus, cauebis tamen excessum, ac immoderatum eorum vsum; quoniam gula causa est, & origo vitiorum omnium: ab ea. n. torpor, accidia, & impudicæ propensiones, atque interdum etiam libidinosi actus oriuntur, ex quibus deinceps diuersa, ac multiuga vitiorum monstra emergunt, & proficiuntur. Adam quidem protoparens noster Gen. 3. nulla licet fame laboraret, gula tamen vitio tētatus est, & legem Dei violauit, atque eo ipso in mortiferum lapsus est crimen, & nos simul omnes cum illo. Atque Christus Dei filius. Matt. 4. & famem sensit, & tentatus est à dæmone, sed vicit improbum nostræ institutionis causa, sic dicens; Non in solo pane viuit homo, sed in omni verbo, quod procedit de ore Dei. Deut. 8. cap. Constat. n. ex duabus naturis hominem esse compositum, spirituali videlicet, & corporali; hoc est anima, & corpore. Et

corpo-

corporea quidem natura cibi alitur corporeo, & spiritalis alimento viuit spiritali. Fames corporis quandoque perit, cibus deficit, & vita mortalis est, at esuries spiritalis, quæ est Charitas, amorq; diuinus, æterna est esca vitalis, & vita beata, ac gloriosa, ut potè qua Deo scilicet simè copulamur, & vnimur. Cibus corporeus aut ipsi nobis præparamus, aut paratur ab alijs; sed escam spiritalè Deus ipse nobis in beata æternitate parauit. Vbi spiritalis esuries est, ibi quoque æternū alimentum semper paratum est: contra verò vbi fame laboratur corporali, ibi plerunq; rerum defectus, ac ingens penuria est.

2 Itaque quisquis spiritaliter esurit, ac sitit, nunquam nō reficitur à Deo, viuitq; coram Deo in gratia: sed qui corporalem duntaxat famē sentiunt, scq; implere contendunt, iustitiæ fame neglecta, mortui sunt coram Deo, cum vita illorum non nisi beluina sit. Quando igitur corporis percipis necessaria alimenta, animo ad Dei conspectum subleuato, cum Christo, & angelis, & sanctis omnibus discumbe inter consolidales tuos: donaq; & fercula ex Deo manantia suscipe. Sicq; secundū hominem interiorem æterna aleris, ac reficieris esca, hoc ipso victurus in Deo. Emorere, obsecro mūdo, & viue Deo: quæ sursum sunt, hoc est cibus æternus à Christo tibi præparatus, opus est queras, & sapias. Neque te tui corporis cura occupet, sed eius victum necessarium accipe, eo quidem modo, quo à Deo tibi datur, & prouidetur. Neq; ibi saporem, aut delectationem, aut commodum queras, sed rudiori cibo contentus esto; quæ alijs supersunt edens, si tamen natura tua id patitur. Sis discretus, ac prudens, & naturæ tuæ attende habitudinem, siue constitutionem, ut quibus habeas opus, quibusque carere possis, intelligas.

3 Si n. corpori vltra necessaria plus nimio induleris, hosti tuo vires addes. Sin autem minus quam debeas, illi tribueris, mancipium tuū, quo Deo te seruire oportebat, destrues. Inspice, quæso, vitas Priscorum Patrum, eremos incolentium, ut illi panem suum certo pondere, & aquam certa mensura sumpserint, idq; maximo abstinentiæ amore, cuius causa, etiam carere, ac penuriam pati, & ipsa quoq; necessaria parçè, ac strictè capere solebant. Interim tamen erga sibi conuiuentes, itemq; aduentantes hospites, pios, ac liberales se præbebāt; sed & primi illi ordinum monasticorum Patriarchæ, & archirecti, siue institutores non verbo tantum, sed etiam exemplo suo, ut August. Basiliius, Bened. Bernardus, Dominicus, Franciscus, in seipsos quidem rigidi, duri, ac seueri, & sobrii, temperantesq; admodum, ita ut necessaria parçe sumerent, fuisse leguntur: erga fratres verò, quibus præerant, clemētes, propitij, & perquam pij, ac liberales in omnibus necessarijs.

- cessarijs. At isthæc vita, istiq; viuendi canones, in libris hodie descripta visuntur, sed in cordibus, & actibus, propemodû oblitterata sunt, ac pessum ierût. Abbates.n. & Prælati Ecclesiastici, cuiuscunq; illi status sint Religiosi, magna ex parte, vt videtur, dominâdi pompâ, & sui corporis oblectamenta, grandi alenda familia, & immanib. faciendis sumptib. derenti, colunt, & sectâtur, haud secus q̃ si in mundo agerët.
- 4 In nonnullis cœnobijs diuites, & pauperes, vt in mundo inuenire licet. Prælati, Monachi, & quotquot in Religiosis statibus locupletes sunt, suis obseratis cubiculis, quicquid libet, edunt, ac bibunt; Vesperique idem percontandum est, quid altera die cibi, ac potus ministrari, vtq; apparari sibi velint. Non equidem hic intelligimus infirmos, valetudinarios, senio affectos, aut qui ita teneræ sint naturæ, vt neglectiori, vel incondito cibo vtî nō possint; sed de illis potius agimus, qui carni viuunt, & seipsos, ac suum commodum citra ordinē ament, quos omnes duos, inclementes, auaros esse opinamur; nec.n. facilē, vel se ipsos, vel quicquid habent, aut habere possunt, alijs communicant, aut impartiuntur. Istos sanē non incongruē quisquam diuiti illi comparauerit Epuloni, cuius dominus cap. 16. apud Lucā meminit, qui purpura, & bysso induebatur, & epulabatur quotidie splendide, nec alijs quicquam tribuebat, ne ipsi quidem Lazaro mendico, ad ostium illius iacenti. Enimvero fratrum tenuis conuentus indiget aliquot diebus, vt ultra consuetos cibos, lautioribus, delicatioribusq; edulij reficiatur, & refocilletur, sustinet.n. pondus diei, & ætus, dum frequenter ieiunijs inuigilat, oneribusq; lectionis, & cantus, die nocteq; semper incumbit.
- 5 Diuersa tamen futura est & diuitum, & pauperum Religiosorum fors. Si.n. isti obediētes, patientesq; in Ordinis obseruatione ad mortem vsque constanter perseuerauerint: Cum Lazaro reuera ab Angelis in Abraham sinum perducentur; diuites autem auari, qui bona cōmunia sibi priuatim vendicant, & vsurpant, ex eisq; ad sui corporis voluptatem, & delectationem viuunt, cum diuite Epulone in inferni profundo consepelientur; Vbi in flammis semper arsuris, vel guttulam vnâ aquæ pro linguæ suæ petent refrigeratione, nec eam tamen vnquam obtinebunt. Quapropter in cibo, ac potu percipiēdo, sobrius, & temperans, taciturnusq; necessarijs contentus esto; & dum corpori necessaria subministras alimenta, cor in Deum erigito. Sumpto cibo, dicito gratiarum actiones cum ceteris sodalibus pro tui instituti consuetudine, laudes, & gratias agens Deo pro bonis omnibus, & obsecrans eum pro illis, à quibus ea vobis sunt præstita; itidemq; orans, vt veniam elargiatur immoderationi, siue indiscreptioni tuæ, si quid plus minus-

minusue sumptuosis, quam æquitatis ratio postulabat, seq; tibi propitium præbeat.

6 Attamen diligenter animaduertenda, studioseq; adhibenda nobis sunt quædam contra voracitatem remedia: modum ergo, temperantiam, & sobrietatem eligemus, & amanter complectemur, quippiã nobis semper subtrahendo, minusq; quam libeat sumendo, ita ut necessaria, eaq; parca refectione contenti simus. Est item & in sensibus quædam obseruanda sobrietas; quod ita fiet, ut vires bestiales ratione coercantur, ac refrenentur, utine appetitus plus æquo in cibi, potusq; saporem præceps, avidusq; feratur; sed ita potius corporis alimenta sumantur, perinde ut ab ægro medicamenta; idq; pro sua necessitate, quo vires conseruare suas, Deoq; vacare, ac seruire possit. Ex hac corporis sobrietate alia quædam exoritur sobrietas pulcherrima, quæ modum quædam, ac mediocritatem, & disciplinã asseruare docet in verbis, in actibus, in silencio, in loquendo, agendo, ac omittendo, idq; pro sanctæ Ecclesiæ, & Religionis instituto, more, & consuetudine, exemplisq; Sanctorum. Ea autem, quæ circa sensus versatur, sobrietate, ac moderatione, sæpenumero quoq; naturæ, seu corporis incolumitas custoditur, & tranquilla quædam temperies, conuersationis honestas, & fama, atque existimationis integritas.

7 Istos voracissimos belluones ad Philipen. 3. Paulus deplorat, eosq; crucis Christi inimicos esse testatur, quorũ finis interitus est; eo quod Deus eorum venter sit, qui terrena sapiunt, quorum gloria in confusione eorum erit, idest in confusionem, & ignominiam mutabitur. Gula quidem: ut ait Augustinus, insatiabilis est edendi, & bibendi aviditas; quam deinde auida, & vorax comestio, atque potatio consequitur: In hac autem edendi auiditate gulosus homo naturæ necessarijs minimè contentus est, sed pretiosos, & delicatos cibos appetit; vixq; dum præparetur cibus, temperare sibi, & expectare potest; Sæpè cibi, ac potus nimium capit, magisq; escarum voluptate, & sapore, quam fame ducitur, eo quod delectationem potius expetat, quam corporis necessariã refectionem. Ex hoc vitio nasci consueuerunt immoderatio, inordinatio, multiloquium, vaniloquium, scurrilitas, iocæ, & scommata, inepta lætitia, corporis indispositio, vel mala affectio, incompositi mores, effrenatio, cæcitas rationis, internus externusq; torpor ad ea, quæ diuini sunt cultus, mentis hebetudo, cogitationes inutiles, sobrietas, ignorantia, & varia demum, ac multiplex interioris, exteriorisq; hominis impuritas. Ad profligandam quoque voracitatem conducet plurimum, si Religiosus sanctorum considerauerit vitam, institutiones, temperantiam, & in cibo, ac potu sobrietatem. Quoties autem cibum ca-

piet, aut patet, loquatur, aut omnino silebit, mente interim reuoluens, vt Angeli, & sancti homines in cœlis diuina pascatur gloria; itemq; id sœculum perpendens hominem, licet pauperem, cui Deus sufficiat, etiã modicis in hac vita posse esse contentum; atque eam ob rem cum exterior homo noster foris suũ capit cibũ, interior homo intus in sanctis meditationibus, & cogitationibus, ac diuinis inspirationibus escam capitabit, vt intus, & foris reficiatur: Quamobrem in cœnobijs, seu religiosis sodalitatibus, & congregationibus, dum cibus capitur, conciones, aut alia quædam spiritui congruentia, audituq; iucunda legi solent, quo fratres, interea dum corpus foris necessaria percipit, intus ad spiritalem gustum pertrahantur.

- 3 Nostorum hominum mensa, hac tempestate nõ modo ieiunia, frugalitatemq; ignorant, sed instructa lautissimis ex omni terra, & mari cibarijs, & potionibus affluit exquisitissimis, quæ tamen famem, & sitim nõ extinguunt, sed libidinem acciunt. Nempe in delicijs castitas, in diuitijs pietas, in honoribus humilitas periclitari solet. Quid insanam impensam auri, & argenti commemorem? Quibus per gradus, mensa, abaciq; onerantur. Quid tandem voluptates indulgētissimas aurium excitantes, lasciujs, & mollibus voculis, ac tibiæ, & fidium demulcentibus numeris, non ad diuinam laudem temperatis, sed ad luxum excogitatis, atq; usurpatis? Et quæ Deus, vel natura, vel ars aliquando nobis ad obsequium dedit, in nostrum dedecus, datumq; conuertimus. Etenim potum, cibumq; ad ebrietatem, & crapulam, ocium, & quietem ad somnolentiam; domicilium, & vestimentum ad pompam, inanemq; iactantiam; iucunditatem ad dissolutionem commutamus. Illorum itaq; profunda, & insatiabilis gula maris scrutatur, & terras hamis, laqueis, retibus; nullis animalibus per eos pax est; vna sylua; pluribus elephantis sufficit, at homo terra pascitur, & mari, quid ergo tam inexplibilem nobis aluum natura dedit, cum tamen modica corpora dederit, vt vastissimum animalium elephantum gula vinceremus? Infelices etiam, quod vos maiorem famem, quam ventrem habere intelligitis, altissimi planè effecti epularum gurgites, qui etiã gruis collum a natura vobis dari optetis. Quis autè habens aliquid humani pudoris, voluptatibus istis dnabus, comedendi; & bibendi, quæ sunt homini cum sue, & asino communes gaudeat? Conuiujs insolentiores viros modestissimè constituerunt, quo præter cognatos, & affines nemo interponebatur, vt si qua eos querela intercessisset, inter sacra mensa, & animorum hilaritatem deponeretur. Modo sunt conuiuia Lyndia, in quibus turpia conuitia iactantur, more tracto à Lyndo Rhodij oppido, in quo Gentilium sacra maledictis, & execratione celebran-

debrantur, eaq; pro violatis habent, si qua inter solēnes ritus, vel incauto exciderit alicui verbum bonum: denique in conuiujs infructuose oriuntur nugę, in conuiujs semper huic obloquimur, & illi; & ab inanimibus ad lasciuia profilitur; ne uē alijs videamur inferiores, arrodimus & proximi famam, raroq; celebrantur conuiuia, quin execrabilis adsit detractio. Hugo de S. Victore lib. 4. de anima cap. 17. descripsit quędam vitia Religionem, vt ipse ait, suffocantia; cuiusmodi sunt crapula, ebrietas, otiositas, & quę in otiosis subrepunt, cogitationes prauę.

De infirmatorio, siue infirmorum domicilio. Cap. v.



Vra infirmorum in monasterijs & necessaria est, & ad proximi charitatem plurimū spectat. Ait. n. Christus Matth. 25. infirmus fui, & visitastis me. Proinde salubre est Bened. 12. in suis Constitutionibus tit. de infirmarijs decretum. Cū expediat (inquit) infirmis de domo, seu loco congruo prouideri; statuimus, quōd in ecclesijs, monasterijs, & locis alijs conuentualibus Religionis eiusdē; in quibus certa domus, seu locus, deputata, seu deputatus, non fuerit pro infirmis, ij, ad quos id pertinuerit, quibus adhuc suppetent facultates, domum, seu locum huiusmodi sufficientes iuxta statum, & facultates locorum, quantocius cōmodē fieri poterit, deputare, seu construere teneantur eisdem infirmis sufficienter de lectis, victualibus, seruitutibus, medicis, & rebus medicinalibus, & alijs quibuscumque necessarijs prouidendo. Ad quę peragenda, & complenda per Superiores suos immediatos, & Pręsidentes, ac Visitatores, & eorū quemlibet, auctoritate Apost. per censuram ecclesiasticam, & alia opportuna remedia compellantur. Vbi autem administratores eorū, qui ad pręmissa tenentur, sufficientes ad ea peragenda non habuerint facultates, in annuali Capitulo, per ipsum Capitulum, vel maiorem partem ipsius, auctoritate Apost. ordinetur, quōd administratores huiusmodi sufficientes ad hoc reddantur per assignationes pensionum, prout infra in alio casu, sub rubrica de victualibus, & alijs ministrandis noscitur esse prouisum.

De infirmatorio quoque, & egrorum cura Innoc. 3. in c. tū ad monasterium, de stat. Monach. &c. Sic statuit: Porro (inquit) debiles, & infirmi, qui minutione indigent, vel aliqua medicina; non seorsum in cameris, sed omnes in infirmatorio, quę necessaria fuerint sibi, tam in carnibus, quā in alijs recipiant competenter. Quōd si quis eorū debilis fuerit, aut etiam delicatus, vt non possit cōmunibus cibis esse contentus, si ei prouideatur sine scandalo aliorū, vt si Abbas, vel

Prior voluerit in Refectorio misericordiam facere, specialem cibum aliquem competentem, non ante illum, sed ante se faciat apportari: de quo ipse illi faciat pitantiam pro sustentatione naturæ. D. etiam August. in Reg. 4. cap. ægrotorum non immemor, quattuor tradidit præcepta. Primum, de lauacro, siue balneo, dicens; Lauacrum etiam corpori, cum infirmitatis necessitas cogit, minimè denegetur. Secundum, de medicina. Fiat sine murmure de consilio medicinar, &c. Sed tamen vtrum sanando illi dolori, quod delectat expediat, si non est certum, medicus consulatur. Tertium est, de itinere, salutis causa faciendo. Nec eant ad balnea, siue quocumque ire necesse fuerit, minus quam duo, vel tres; & ille, qui habet aliquo eundi necessitatem, cum quibus Præpositus iusserit, ire debet. Quartum est, de infirmorum curatore, siue infirmario. Aegrotantium cura, siue post ægritudinem reficiendorum, siue aliqua imbecillitate etiam, siue febribus laborantium, vni alicui debet iniungi, vt ipse de cellario petat; quod cuique opus esse, perspexerit. Eadem de re idem Aug. in Reg. cap. 2. de conualescentibus disserit, dicens; Sanè quemadmodum ægrotantes necesse habet minus accipere, ne grauentur; ita & post ægritudinem, sic tractandi sunt, vt citius recreentur, etiam si de humillima seculi paupertate venerunt, tanquam hoc illis contulerit recentior ægritudo, quod diuitibus anterior consuetudo. Sed cum vires pristinas reparauerint, redeant ad foeliciorem consuetudinē suam, quæ famulos Dei tanto amplius decet; quāto minus indigent. Nec cibi eos teneat voluptas iam vegetatos, quos necessitas aliquando leuarat infirmos: illos astiment ditiores; qui in sustinenda parcite fuerint fortiores, melius est enim minus egere quā plus habere.

- 3 Sapienter quidem D. Bened. in Reg. tit. de infirmis fratribus, hæc in re conscripsit. Infirmorum, inquit, cura ante omnia, & super omnia adhibenda est, vt sicut re vera Christo, ita eis seruiatur, quia ipse dixit; Infirmitas fui, & visitastis me, & quod fecistis vni de his minimis meis, mihi fecistis. Sed & ipsi infirmi considerent in honorem Dei sibi serui, & non superfluitate sua contristent fratres suos seruientes sibi. Qui tamen patienter portandi sunt, quia de talibus copiosior merces acquiritur. Ergo cura maxima sit Abbati; ne aliquam negligentiam patiatur, quibus fratribus infirmis sit cella per se deputata, & seruitor timens Deum, & diligens, ac sollicitus. Cura autem maxima sit Abbati, ne à cellarijs, aut seruitoribus negligantur infirmi. Quia ad ipsum respicit, quidquid à discipulis delinquitur. Hæc Benedictus. Inter vniuersas enim huius seculi miseras, quæ sunt fames, sitis, labor, infirmitas omnium maxima est. Religio quoque munda circa Deum patrem est,

visita-

visitare orphanos, & viduas, &c. Religiosi autem, relictis parentibus, & amicis, orphani censentur.

4 Deniq; Conc. Mediolanense de Monialibus par. 3. ait. de Præfectis, sic ait; Quæ Præpositæ sunt curæ ægrotantium; piæ, & misericordes se illis præbeant, quanta maxima possunt & patientia; & diligentia, ac tales se illis præsentent, quales ceteras vellent, si ipsæ ægrotarent. Aegrotis cibus, & medicamenta opportuna à Præfecta, & ab electis ad id ministris ita adhibeantur, ut monasterij facultates tulerint; Præfecta autem Charitatis causa, eas quotidie visitet, ut & solatio sit, & melius ab eis cognoscat, ac curet, quæ ipsis sint necessaria. Et Conc. Oxoniense Anglicanum sub Stephano Archiep. nu. 46. ad hæc (inquit) statuimus, ut cū rōne debilitatis, vetalia iusta ratione Monachi seorsum, i misericordia morent, semper habeāt secū ad minus alios seniores, q aliorū leuitatē debita correctione comescant, & qui postmodū in Capitulo testificentur, qualiter in misericordia fuerint conuersati. Idem volumus inter Canonicos Regulares, & Moniales obseruari.

Infirmi qua sint ratione tractandi. Cap. vi.



I infimum, optime Religiose, atque extremum tibi in monasterio demandetur officium, vel ministeriū, gaude, & gratias age Deo, ut id præstare, explereq; possis. Quod si infirmorum habere curam iubearis, serenum, & hilarem illis vultum exhibeas, seruiasq; illis hilariter, humiliter, & cū mansuetudine, ac citra murmuratiōē, & licet illi fortassis morosi sint, & impatiētes, cogitate ministrare Christo, tamq; benignam, piā, ac mixem illis exhibeas faciem, ut coram Deo, & te meritō pudeant; quanto autem pauperiores, atque ægrius affecti sunt, & rariores amicos habēt, hoc eis, ppenius, atque promptius inferuias, neque eos solū consideres, qbus inferuis, sed Deum potius, cuius causa id agis. Magno verò opere caue, ne aduersa correptos valetudine, siue verbo, seu facto, aut gestu aliquo tuo contristes, vel affligas, & præmas, sed si quos conspexeris mœrore animi cōtractos, aut impatientes, tū dñica, tū sanctorū ppepsione eos consolare, cōmemorans eis, ut illi alacri animo, & cū gaudio aduersa pertulerint, atq; ea re beati iā, & gloriosi agant in cœlis.

2 Quando petunt quippiam sibi necessarium, absq; mora quā poteris celerrimē id eis ministres, aut ministrari cures; si quid verò petant incommodum sibi, ac perniciosum, & vnde morbus possit augeri, si id ministrare vereris, simula te non intelligere quid velint; quod si illi in petendo pertinaci animo persistāt, didicito illis, nociturum ip-

sis, quod petunt; at si nec eo pacto quiescant, age cum consilio Superiorum tuorum, aut eorum, qui te pudenciores, magisq; experti sint. Quicquid autem eis aut cibi, aut potionis paraueris, id tanta munditia, tantaq; saporis gratitudine, modo possis accures, ac præpares, ut illis satisfaciat, eoq; contenti sint, & utrobique pacem cõserues; lectos, quibus decumbunt, subinde moueas, atq; componas, & quicquid poteris commodi, illis impendas, idq; eo magis, quo erunt teneriores, & his opus habebunt. Si res postulet, maneat peruigil apud eos, tantaq; dum illis ades, hilaritate utaris, adeoq; verbis iucundis, & ad exhilarandû appositis eos recrees, ut quicumq; malè valent, te sibi adesse peroptent. Verba salutaria, & pia exempla tum domini Saluatoris, tum Sanctorum illis referas, si tamen audire vellent, ut quibuscunq; adesse te contigerit, simul omnes spiritaliter in anima reficiantur.

3 Erudiuius te hactenus, si infirmorum præfectura fungaris; accipe nunc, ut te gerere debeas, si aduersa labores valetudine. Porro dum ipsemet aliquo morbo corripere, ita tibi persuadeas, pauperem te esse peregrinum, alienæ domus utentem hospitio, & ad æternam patriam suam peruenire cupientem. Itaque sis patiens, & hilaris in omnibus, & gratias age Deo pro beneficijs, ac donis eius, nec quicquam aliud velis, vel optes, aut eligas, nisi quod Deus præstare, & conferre velit; neque plus satis curiosus sis, hoc est, non nimiam tui curam geras, sed sis contentus omnibus, quæcunque præstantur tibi; quærimonia. n. vitanda est ægrotis. Resigna te Deo, neque de hominum infidelitate, aut solatij defectu, vel morbo ipso quæraris, & licet nemo te inuisat, non murmures, nec iudices quenquam, sed de manu Dei tui accipe, quicquid is tibi euenire volet. Ede, & bibe ea, quæ tibi ministrantur, si tamen libet, aut potes, velut mendicus quispiam. Etiam si cibus, aut nimium salsus, aut adustus, aut insipidus est, cogites dominum Iesum, dum maximè sitiret, & esset ægerrimè affectus, sel, & acetum potasse, & tacuisse tamen, nec quicquam quæstum esse; ita & tu quoque illius causâ, rebus oblati contentus esto.

4 Iam si quid fortè libeat, quod tamen non habeas, & sit tibi necessariû, indicare illud poteris illis, qui tibi adsunt; & si quidem obtinueris, age gratias Deo; sin minus, esto patiens, & Dei causâ libenter eo careas, eritq; Deus merces tua. Reprime interim cupiditatem, & appetitiones tuas, neque exigas quicquid in mentem venerit, aut appetitus postulauerit. Id. n. solent homines delicati, rebus omnibus locupletes; sed molestum, graueq; est in homine mendico, ac paupere, & probro datur, ac ægrè auditur ab illis, qui huiusmodi homini adsunt. Si alij tui parum memores sint, & obliuiscantur, neq; te inuisant, quâdo id

do id tibi putas necessarium, perferas isthæc moderatè, & placidè, certus tum adesse tibi Christum cum Sanctis, & Angelis suis; semper esto hilavis, & à querelis, ac inurmure abstineas. Sit tibi Deus semper in corde, atque versentur pia verba in ore, hac. n. via vberes virtutis fructus facies, & quotquot sese tibi adiunxerint, meliores à te recedent.

Atqui vbi conualueris, & morbo liberatus, pristinas recuperaueris vires, rursus ad officium, vel ministerium tuum humili animo accede, nec quicquam eligas, sed quicquid iniunctum erit, id assumes, eoq; pergas, siue id sit lauandi officina, siue sit domus infirmorum; & quantum quidem ex te est, semper expetes infima obsequia, ijsq; tibi demandatis gaude, ac libens ea amplectere; sin verò exaltari te contingat, de-leas, & inuitus id recipias, ac nolens, faciensq; hoc pacto non medio-crem in virtutum cultura profectum. Quoniam verò ex corporis in-firmitate, tâquam ex diuino flagello, castigatur, atq; correctior exur-gas, oportet; hæc quæ sequuntur documenta virtutum suscipito. Esto simplex, & prudens, & fidelis in officio, siue ministerio, quo fungeris. Non mentiaris vnquam, nò iures, nec vnquam sciens, & prudens cui-quâ maledicas, aut execrationibus vtaris; qui. n. his dediti sunt, & as-sueti, animarum suarum iacturam faciunt; inter sodales sis pacificus, & æquò animo aliena onera feras, neque propriæ sis deditus voluntati, sed cum commilitonibus tuis in omnibus rebus bonis concordiam se-cteris. Nemini exprobres, aut verbum mordax dicas, neminem sper-nas, neminem contristes, aut præmas, aut confundas, aut contumelia afficias, aut iudices temerè, nec cuiquam detrahas, aut obloquaris.

Quin potius ames omnes, inuideas nemini, neminem, neque verbis, neque factis decipias, non rancorè vllum retineas, nec vindices quic-quam, sed sis mitis, ac benignus, neque vlla pro re contendas, aut de-ctes, sed semper vinci, ac superari te patiaris, magisq; velis, virtutè seruire incolumem, quàm superbiam, contentionem, ac propriâ reti-nere voluntatem. Nihil omnino fictè, ac simulatè geras, quo videaris ab alijs, aut sanctus existimeris. Sed sis verbis, & actibus verax, & om-ne vitium, quod tibi inesse cognoueris, odio persequaris. Idemq; dili-genter obserues, & animaduertas, & vbicunque poteris, profiges, ac elimines. Eos quibus cum viuis, bonis verbis, magis verò etiam bo-nis exemplis instituas. Si quis te vel facto, vel dicto offendit, illico cor de remittas, etiam si ille id non petat, nec desideret; tamq; illi iucun-dum, & amabilem exhibeas vultum, vt rubore suffundatur, & erube-scat coram Deo, & te, animoq; mitescat, ac sedetur. Sin verò ipse ali-quem vel verbo, vel actu læseris, mox veniam præceris, & ab illo tibi ignosci petas, & si necesse sit, possisq; eum, hac ratione placare, eiusq;

tibi conciliare gratiam, ac beneuolentiam, eius te vestigijs aduoluas. Inter consolidales positus, semper iucundus, amicalis, ac benignus sis, non singularis, sed communis, & paratus singulis quibuscque tuam expectantibus, ac desiderantibus operam. Ista nimirum iam dicta à te Deus expetit, atque præstari peroptat.

- 6 Sanè non mediocre solatium accipiet infirmus, si ægritudinum causas strenuè considerauerit, ut æquo, patientique animo ægritudinem ferat. Quamuis verò ex naturalibus causis, prauaque corporis habitudine, & affectione morbus quandoque proueniat: ægrotus tamen Christianus facile intelliget, corporis infirmitatem in pœnam peccati originalis, Deo ultore, nobis infligi, quin & ipsam mortem, quam in pœnam peccati comminatus est Deus Gen. 2. dicens; Morte moriemini; morbus autem est planè inchoatio mortis. Nam ab illo temporis momento cœpit natura dissolui, & in mortem ire. Id quod & nobis ab ipso statim conceptionis articulo contingit. Quandoquidem viuere, nihil aliud est, quam vitæ tempus absumere. Itaque mala, quæ erant alioqui nobis naturalia, nunc sunt pœnæ, quales sunt corporum morbi. Quin etiam mala alia externa, quæ nobis vel à feris animalibus, vel ab inclementia celi, vel ab elementis accidunt, vel ex nostra nobis inscitia, vel incogitantia, & vecordia contingunt, ultiones diuinæ sunt peccati originalis, eaque ratione patienter sustinendæ. Secunda causa ægritudinum est, ut vir iustus exerceatur, & dum patientiam colit, meritis, satisfactionibus, bonisque operibus ditescat, & augeatur; cuius rei præclarum nobis exemplum præstitit perquam B. Iob, qui magnas, multasque dolorum, ulcerum, acrimiarumque corporis ægritudinum afflictiones patientissimè sustinuit, ut fulgentissimam meritum coronam inde sibi compararet. Tertia causa ægritudinum est, ad cautiorem, prudentioremque studiosæ vitæ, atque virtutum custodiam, ne vir bonus virtutis splendore in superbiam efferatur. Sic Paulus. 2. ad Cor. 12. ait. Virtus in infirmitate perficitur. Libenter igitur gloriabor in infirmitatibus meis, ut inhabitet in me virtus Christi. Cum. n. infirmor, tunc potens sum. Perspice quonam modo Paulus cum secundum corpus affligebatur, spiritu confortabatur plus solito. Quarta causa est, quam nostra peccata subministrant. Siquidem infirmitas corporis nonnunquam ex peccato prouenit, ut asserit Innoc. 3. in cap. cum infirmitas. de pœnitentijs, & remissionibus. Ut dixit Dominus Ioannis quinto cap. languido, quem sanauerat, vade, noli amplius peccare, ne quid deterius tibi contingat. Quam quidem terrificam Christi comminationem, tibi ipsi factam esse intelligito, quasi nunc te Christus sic alloqueretur: ecce iam plenam tibi contulit diuino munere sanitatem. Primum quidem malis animi

tui curatis, idest peccatis omnibus tibi dimissis, ac deinde corporis infirmitate ablata, pristinisq; viribus tibi redditis. Posthac igitur diligenter tibi caue, ne iterum peccata committas, vt non in maius malū propter ingratitudinem recidas, siue in præsentī tempore in morbū grauiorem, siue in futura retributione in malum æternum. Præterea quæritantur nonnunquam qui aduersa detinentur valetudine, non posse se quæ cæteri faciunt, præstare; nempe vt ieiunent, vigilent, templa visitent, cæteraq; id genus peragant exercitia. Neque verò vident, vberioris esse meriti patiēter ferre ægri-tudinem, Deiq; conformari voluntati, quā vt lubet, agere; sed neque illa vtilitas nobis prætereūda est, quod grauis infirmitas orare nos docet acribus aculeis, vt facilius, clementiusq; à Deo exaudiamur. His itaq; rationibus diligenter expensis, aliquantulam persentiet animi consolationem; quicumque cordatus Christianus, grauioribus morbis diue xatus.

De communi Canonicoꝝ Dormitorio. Cap. vii.



Adem iuris Canonici, & Conciliorum loca, quæ superius cap. 3. ad stabiliendum commune Refectōrium in medium attulimus, commune etiam Dormitorium statuerunt. Cæterum Bened. 12. in Constitutionibus Canonicoꝝ Regul. à se editis tit. de cellis nō tenendis in Dormitorio, eandem rem singulari præceptione perstrinxit, dicens; Rursus præcipimus, quod Canonici Religionis eiusdem residētes in claustris, omnes simul, vel si multitudo eorum non finit, saltem quanto plures ex ipsis commodè poterunt, in vna domo dormiant, & quiescant iuxta regularia, & instituta Canonica: non habentes separatas cameras, siue cellas: exceptis his, qui propter senectutem, vel valetudines corporales, aut propter administrationes, seu officia, quæ gesserint, vel ex alijs causis, iuxta dispositionem sui Superioris rationabiliter excusantur. Statuimus etiam, quod in Dormitorioꝝ cellas non habentibus, cellæ de cetero nullæ fiant. Permittimus tamen, quod in eis, vbi sunt cellæ iam factæ, remaneant; sed à parte anteriori debeant aperiri, ita quod à transeuntibus ij, qui intra fuerint, conspici valeāt, & videri: & quod per Prælatos locorum infra sex menses, à tempore, quo præsentēs Constitutiones fuerint publicatæ, vel ipsis negligentibus, seu nō valentibus, per Visitatores in prouincialibus Capitulis deputatos, in prima visitatione, quam impenderint, omnes tales cellæ ab anteriori parte debeant aperiri, & si super hoc fuerint aliqui resistentes, vel impedimentum præstantes, seu præstari procurantes, vel ad id dantes auxilium, consilium, vel fauorem, publicè vel occultè, vel huiusmodi cellas

cellas de nouo facere prefuentes, excommunicationis incurrant sententiam ipso facto: quos etiam ipsi Prælati, & Visitatores prefati, per alia iuris, & ipsius Religionis remedia, valeant super hijs auctoritate Apost. coercere, ab huiusmodi autem excommunicatione, si ipsam incurrerint, possint absolui per Visitatores prefatos, vel per Prælatos immediatos eorum, & cum eis super irregularitate, si quam forsitan contraxerint, per simplicitatem, & iuris ignorantiam; non tamen in contemptum clauium, celebrando diuina, vel se ingerendo eisdem, per eosdem valeant dispensari.

- 2 Conc. etiam Mediol. par. 3. tit. de communi vitæ vsu, paucis mutatis inquit. Vniuersi Religiosi, si fieri possit, vno loco dormiant, à Præfecto, aut Vicario optimè concludo: cuius clauēs ab ipso Præfecto afferuntur. Singuli autem in singulis lectis omninò dormiant, & in singulis etiam cellis: Si tanta ibi sit copia cellarum, vt omnes capere possint: cellæ verò, diu, noctuq; apertæ sint, vt Præfectus in singulas horas inspicere eas possit. Dato autem signo eundi cubitum, locoq; vbi dormitur clauso, Præfectus, aut eius Vicarius, omnes cellas visitet: vt an omnes suis dormiant locis, animaduertat.

- 3 Et Concil. Oxoniense Anglicanum nu. 4. de dormitorio sic decernit, quia nonnunquam serpens antiquus, qui iugiter sedet in insidijs, vt interficiat innocentes, & sanctos viros quando eos inuenit solitarios, & absque conuersatione, vel consolatione mutua conuersantes, tantò facilius interdum eos suis insultibus obruit, & confundit, prouida de liberatione decernimus, vt tam Monachi, quam Canonici Regulares, & Moniales, in vno dormitorio pariter dormiant, & quiescant, singulis personis singulis lectis assignatis.

- 4 Dinus etiā Bened. in Reg. tit. quomodo dormiāt Monachi, ait; Singuli per singula lecta dormiant, lectisternia pro modo conuersationis secundum dispositionem Abbatis sui accipiant. Si potest fieri, omnes in vno loco dormiant. Si autem multitudo nō sint, deni, at viceni cum senioribus, qui super eos solliciti sint, pausent. Candela iugiter in eadē cella ardeat vsque mane, &c. Et facto signo absque mora surgentes, festinent se inuicem præuenire ad opus Dei, cum omni tamen grauitate, & modestia; adolescentiores fratres iuxta se non habeant lecta, sed permixti cum senioribus.

- 5 Sanè vt cibus, ita & somnus temperatè sumendus est, cuius profunditas nocua iudicatur. Qua in re egregium est D. Basilij documentū in oratione de ieiunio dicentis. Ex crasso alimēto exhalationes quædam fuliginosæ nubis densæ instar exhalāt, quæ eas illustrationes, quibus Spiritus sanctus mentem illuminat nostram, incidunt. Somni etiā

leues, & è quibus facile te excitare possis, tenuem victū cōsequi solēt. Ac sanē sua sponte tales somni dirimuntur, cū cogitationes magnis de rebus habentur. Nam qui tam graui sopore detentus est, vt dissolutis ipsius membris, locus sit absurdis imaginationibꝫ, si cōsensu adfit, hunc somnus in quotidiano mortis periculo versari facit.

6 Nec minus vtile quidem est alterum eiusdem Basilij documentum in regulis breuioribus interrog. 22. sic inquirens. Vnde nam turpes nocturnæ visiones nascuntur? Respondet. Nascūtur illæ quidem ex prauis, & abhorrentibus, quæ interdū existunt, animi motionibus. Si verò occupatus in iudicijs Dei animus incōtaminatus ab illis permanserit, & in assidua rerum honestarum, & Deo placentium meditatione versatus sit, consimilia etiam sine dubio habebit infomnia. De Dormitorio verò animæ Hugo de S. Victore lib. 3. de claustro animæ cap. 9. sic agit; Potest mentis tranquillitas, animæ Dormitorium per similitudinem nūcupari, in qua constituitur conscientiæ lectus, carnis fœnum subternitur, excipitur pacis somnus, in his siquidem anima dormit, & suauiter quiescit. Caue igitur charissime, ne Dormitorij tectum, tentationum turbine discooperiatur; compone conscientiæ lectulum, ne mens incompōsita cesset à quiete. Subterne fœnum carnis, vt concupiscentia mentis rationi subdatur; compesce vitiorum turbam, ne impediant quiescentis somnum. Ordo nanque Dormitorij is esse debet, vt claustralium nullus aliquid proprium in lecto repositum seruet, sic & conscientiæ lectus talis existat, si requiratur; vt nihil in ea propriæ voluntatis inueniatur. Oportet quoque ne sub carnis fœno quidpiam absconditum lateat, quòd oculos Abbatis, qui omnia circūspicit, offendat. Vt autem in pace, & in idipsum dormias, & requiescas, inquire pacem, & persequere eam psal. 4. & 33.

Canonico cubitum ituro, quid sit agendum. Cap. viij.

1



Voniam diabolus aduersarius humani generis, ex omni parte vndequaq; discurrit, iam hunc, iā illum tentans, atque etiā eundem modo sic, modo aliter oppugnās, omni quidem tēpore, præsertim verò nocturno, in dānationis barathrum per os suum absorbere cupiēs. Idcirco necesse est, nocturnis vigentibus tenebris, nos vigilātem animarum gerere curam, Deumq; præcari, vt omnes dæmonum insidias quā longissimè repellat, adhibitis beatis Angelis in nostrā custodiā, pacē, & tranquillitatem, atq; etiam sublatis mœstis, & fœdis infomnijs, atq; phantasmatis, hostem nostrum comprimere velit, vt impolluta custodiantur corpora. Nocturno nanque tempore seruet carnis illecebra,

coqui-

coquitur cibus, potusq; digeritur. Quam occasionem nactus, serpens antiquus multi iuga tétationum varietate, & carnem illidit, & animum occupat, vt testatur Ambrosius. Petro quidem inter punctum mediæ noctis, & gallicantum ardor fidei refriguit, & calori ignis temporalis adnotus, Christum negauit. Porro in primitiua Ecclesia infestissimæ, erant nocturnæ dæmonū incurSIONES, sed neque eas hodie cessare credendum est, aduersus quas, nocturnas vigiliæ orationibus instructas antiqui patres instituerunt, teste Isidoro lib. de officijs cap. 19. imitantes artem militarem, & nauticam, milites nanq; in exercitu aduersus insperatas hostium insidias, & in naui nautæ contra inopinatas ventorum tempestates, quattuor stationes nocturnas ordinant, quas vigiliæ appellant: nimirum singulas tribus horis durantes; quarû & Christus meminit. Luc. 12. Mar. 13. Igitur ad ritè gerendum hoc bellum nocturnum, peculiaria quædam arma nos induamus oportet.

- 2 Vesper ergo semper dum quietem capturus, lectum accedis, si datur otium, & opportunitas, tres primum perlegas libellos, quos ipsos nunquàm non etiam tecum feres. Primus ex his liber peruetustus est, ac deformis, & sordidus, nigerrimo scriptus atramento. Alter candidus est, & gratus, ac elegãs, rubicundo sanguine exaratus. Tertius cæruleus, ac viridis est, & totus aureis scriptus litteris. Primo igitur vetustum perleges codicē, hoc est, antiquam, & præteritam vitam tuâ, quæ sicut in cæteris mortalibus, ita in te quoque vitijs, & erratis inuoluitur. Ergo in temetipsum descendens, ac intrò ingrediens, librū explica conscientiæ tuæ, qui in extremo Christi iudicio, Deo, ac mundo vniuerso apertus erit Apoc. 20. explora, attēde, & iudica temetipsum, ne illa tremenda die iudiceris, & condemneris. Conscientiæ autē examinandæ hic tibi præfixus sit modus, vt ad memoriam reuoces, quæadmodum vixeris, vti te neglexeris in verbis, actibus, desiderijs, cogitationibus, meditationibus, inordinato, ac iniusto timore, illicito auditu, non recto amore, & dolore, instabilitate, duplicitate, delitijs, simulatione, agendo, ac omittēdo inutiliter, sensus foras sequendo, sensualitati intus consentiendo, appetendo, commodum proprium capiendo, impuritatem contrahendo, atque in alijs demū omnibus quæcunque præter ordinem admittuntur, & à Charitate dissentiunt, & vel præceptis, vel consilijs, vel gratissimæ Dei voluntati repugnant; quorum quidem, atque id genus aliorum tantus est numerus, & tam multiplex varietas, vt nulli, præterquàm Deo soli perfectè cognita sint. Sed tñ animæ faciem cōmaculant, eo quod atramento scripta sint, hoc est carnis, & sanguis voluptate, ac delectatione, & peruersa quadam ad res terrenas propensione. Displicebis igitur ob ea tibi ipsi. Et cum

publicano Luc. 18. coram patre tuo cœlesti, & eius æterna misericordia humi in faciem prostratus dicēs; Deus, propitius esto mihi peccatori. Peccaui domine, peccaui, miserere mihi misero. Da cordi meo lachrymarum, & veræ pœnitentiæ, siue contritionis vndas, quibus animæ meæ faciem à vitij, & peccatis meis abluam, priusquàm in tuū me conspectum erigam. Largire mihi domine gratiam tuā, qua exorem, atque colorem faciem meam, vt placeam tibi. Præsta mihi bonā voluntatem, atque animum strenuum, quo tuo in seruitio, tuāq; laude sine intermissione renouer. Et ista quidem si obtinere velis, mane affixus humo, tunde pectus, altos ede clamores, funde lachrymas, neq; ausis sursum tollere oculos, sed contemne, abijce, humilia, & obiurga te ipsum. Dei autem misericordiam implora, & pulsa; neq; ab his desistas, donec ipse tibi veram loquatur pacem, verumq; gaudium cordi tuo. Tum verò metum anxium, & formidinem, dubitationem, ac horrore, & quicquid ipsi in te displicet, à te auferet, ac remouebit, præstabitq; tibi fidem, spem, & erga se fidutiam de illis omnib. quæ tū in hac temporaria, tum æterna illa vita tibi necessaria fuerint. Hinc iā illū laudandi, illi ad mortem vsq; fidem seruādi quodā accenderis desiderio.

3 Deinde verò vetusto positō codice, ingenua cum laude, & gratiarū actione consurgens, ex memoria tua candidum proferas librum, rubicundis litteris exaratum, idest innocentem Christi Iesu vitā; cuius quidem anima innoxia est, eiq; totius inest gratiæ plenitudo, estq; ardenti instar flammæ rubicunda amore. Corpus autem gloriosum, & mirifice candidum, ipso Sole splendidius, vndiq; confectum flagellis, roseo, ac pretioso perfusum sanguine, qui sunt characteres rubri, qui nobis illius erga nos veræ Charitatis signa, & litteræ sunt. Quinque verò insigniōra vulnera, litteræ maiusculæ, & capitales sunt, quibus huius codicis capita inchoantur. Litteras igitur in venerando eius corpore exaratas, ingenti cum miseratione, & condolentiā releges; charitatem autem in illius anima viuentem, intima consideratione commemorabis, age, fugias, ac dentes mundum hunc fallatissimum, quandoquidē cernis dominum tuū sua extendisse brachia, quibus te suscipiat, & amplectatur. Commorare in foraminibus vulnerum eius, quæ admodū columba solte in petra cauernis. Apposito ad patulum lateris eius vulneris ore, cœlestem suauitatem ex corde eius manantem gustato, atque olfactō: Aspice pugilem, & gigantem tuum, vt ad mortem vsque prò te dimicarit, victis hostibus tuis, & suā morte peccatorum tuorū morte perempta, ac per solutis debitis tuis, patrisq; sui hereditate præcioso sanguine suo recuperata, atque comparata tibi, & vt in cœlos ascendens, æternæ gloriæ portas tibi patefecerit, ac locum præpararit,

rit. Quas ob res gaudere merito debebis, dominum tui Charitatem, ac passionem tuo gestare in pectore, ita ut ipse viuat in te, & tu in illo; quo fiet, ut mundus omnis cruciatus, ac tædio tibi sit, & mori ipse appetas, & sequi dilectum Christum in regnum suum. Et sic candidus quoque liber perfectus erit.

4 Tum vero in pedes erectus, & sursum in cælum leuatis oculis, & mentem tuam Deo explices, & aperias, librumque tertium perlegas cæruleo, viridiq; colore conspicuum, & aureis scriptum characteribus, quo vita significatur cælestis, quæ in hyacinthi morem, cæsis, siue cæruleo nitet colore, & triplici claritate refulget, in eaq; claritudine viridis quidam elucet, atque exsistit color, multiplicem illi decorem adferens. Prima cæli claritas sensibilis est, eaq; Deus cælum supremum compleuit, ac illustrauit, quemadmodum totum vndique terrarum orbem Solis splendore implet, & illuminat. In hoc cælo cum Christo & beatis Angelorum spiritibus cum anima, & corpore perenniter viuemus, ac regnabimus, singulis corporibus pro meritorum dignitate fulgentibus. Attamen omnium minime splendidi corporis claritas, Solis huius visibilis claritudine sextuplo maior erit, cunctaq; illic corpora impassibilia erunt, & ipsa quoque cogitatione agilia, ære leuiora, & solis splendore subtiliora. In hac cæli, & glorioforum corporum claritate, viridis appareret, ac eminet color similis iaspidi, eamque nostris nos corporeis conspiciemus oculis viriditatemque sunt cuncta illa externa bona opera, quæ iam facta sunt, & deinceps fient usque ad mundi terminum, quocumque illa modo peracta sunt, & peragentur, ut puta moriendo, viuendo, martyrij cruciatus, perferendo, humilitate, castitate, pietatem, & liberalitatem, Charitatem colendo, ac exercendo, ieiunando, orando, vigilando, legendo, canendo, multiplicem agendo penitentiam, & quæuis demum bona actitanda opera, quorum omnium numerus est infinitus, hic inquam, amœnus, & gratus illi viridis color est, quo corpora gloriosa plus minusue, pro suo quicquid labore, merito, ac dignitate decorabunt.

5 Altera beata vite claritas spiritalis est, oculos omnes intellectuales ad perspicendas, cognoscendasque internas virtutes omnes scientia, & sapientia in cælis adimplens, & illuminans, & in ipsa itidem color elucet viridis, qualis est smaragdi gemmæ viriditatis eximius, & hic color mirifice elegans est, & oculis intellectibus longe gratissimus, per ipsum autem virtutum decoris fructum, ac discrimen omne intelligi volumus, qui est regni cælestis color omnium elegantissimus, atque iucundissimus; quæ totique virtutes ipse cum fructibus suis attentius inspicuntur, & altius scalpuntur, ratio sunt aspectu pulchrior, atque amœniores, quam solent smaragdo præclare admodum gemmæ comparantur,

rantur, quippe quæ quò scalpitur magis, eo obtutus amplius delectat & exhilarat. Atque in huius ipsius gemmæ morem singulus quisq; beatus pro sua excellentia, meritò, ac nobilitate magis, vel minus clarus, viridis, fornosus, iucundus, & gloriosus est.

6 Tertia demùm cælica claritas prorsus diuina est, & non nisi ipsa æterna est sapientia, & claritudo, quæ Deus ipse est. Hæc claritas quicquid est creatæ claritudinis, circumplectitur, & excedit; & ad diuinam sapientiam omnis creaturarum omnium tam cælestium, quam terrigenarum cognitio collata, minor est, quàm candelæ vnius lux in radiantis mediæ æstate solis splendore. In hac autem diuina claritudine color viridis quidem sese manifestat, ac emicat, sed nulli comparari potest, quippe cuius tanta amœnitas, gratia, & gloria est, vt obtutus omnes in ipso hebescant, & exerceantur, & omni consideratione destituantur. Ex his animaduertere potes, tertium, quem euoluendum tibi dixi, codice, vitam esse cælestem, ac beatam, triplici claritate, ac viriditate distinctum, primâ sensibili, altera spiritali, tertiâ diuinâ. Scriptus autem totus hic liber est auro puro. Quandoquidem singulæ quæque amorosæ introuersiones singulos efficiunt versus, auro scriptos. Itaque verba Dei, nostri ipsorum, & virtutum cognitio, huius nostri codicis claritas est; multiplices autem, & varij modi, discrimina, & exercitia virtutum, eiusdem libri color viridis est.

7 1. Mente igitur vltra cælos omnes subleuata, codices hosce legito, quidem omnes tum foris in sensibus ob præclara opera sua, tum intus in spiritu ob multiplices virtutum modos, pleni sunt gloria; quod si in Christo tibi ipsi, & rebus omnibus emortuus es, & cum ipso in nouam, & æternam resurrexisti vitam, quæ sursum sunt, & quæ æterna sunt, sapito, quæritoq;. Post vbi euigilaueris, mox occurrer animo tuo id quod amas, quodq; potissimum colere, & exercere soles, & quod tuo viuunt in pectore. Sis obsecro firmus, & stabilis in obsequio, & cultu Dei tui, eiusq; iugiter gratiam præceris. Oleum ardens die, noctuq; sit semper in lucerna tua; vigilijs, ac præcibus, qua oportet moderatione, infunde. Sponsus quidem animæ tuæ opinionem tuam celerius aderit. Tantum vide, vt inter prudentes virgines anima tua inueniatur, quo ab illo, eiusq; familia recipi dignus sis, vbi gaudia æterna erunt interminata. Considera quæso, & inspicere te metipsum quotidie, foris & intus, utrū etiam pensum quotidianum tui muneris, & Religionis absoluas. Vt. n. diuinam sapientiam perferutari non sufficis, ita eam nec fallere poteris. Et diuina quidem iustitia, quo in statu ex hac vita decesseris, secudum eum iustissimè de te feret sententiam. Hortor itaq; & obsecro, vt diligenter, probe, ac strictè te examines, obserues, & animaduertas.

Tempus. n. breuissimum est, & mors adest pro foribus. Vbi ad eā ventum erit horam, qua extremum trahes spiritum, mercedes pro ratione tuorum accipies opetum, nec deinceps vnquam huc redire licebit. Quotidianam verò sui ipsius examinationem esse faciendam egregiè docuit Hugo de S. Victore. lib. 1. de anima, cap. 6. tom. 2. Integritatis tuæ curiosus sis explorator, viam tuam quotidiana discussione examina; diligenter attende, quantum proficias, vel quantum deficias: qualis sis moribus, qualis affectibus; quā sis Deo similis, aut quā dissimilis; quā propè, vel quā longè, non locorum interuallis, sed morum affectibus. Enitere reipsum cognoscere. Sic enim eruditior eris, quā si te neglecto, incognitoq; ad vnguem cognosceres cursum syderum, vires herbarum, cōstitutiones hominum, naturas animalium, haberesq; plenissimam omnium cœlestium, terrestriumq; cognitio- nem. Redde ergo te tibi ipsi, saltem aliquādo. Moderare tuos affectus, dirige actus, corrige gressus; propone ante oculos tuos transgressio- nes tuas; statue te ante te, tanquā ante aliū, & sic temetipsum plāgē; deplora iniquitates, quibus Deum offendisti, indica ei misérias tuas. Itaq; extra quotidianum orationum sacrificium, vel lectionis, aut me- ditationis studium, quotidianæ conscientie discussione, emendationi, morum compositioni, pars sua diei neganda non est. Cōparandus est dies præsens, & instans, diei præteritæ, vt ex eorum collatione, tuum deprehendere possis, vel profectum, vel defectum; & in omni actu, vel cogitatu tuo tibi dominum Iesum adesse memoretis; necnon omne tē- pus, quo de ipso non cogitas, perdidisse te computes. Mane autē præ- teritæ noctis, fac à temetipso exactionem, & venturi diei tu tibi indici- to cautionem. Vespere verò diei præteritæ rationem exige, & super- uenientis noctis fac vtilem dispositionem.

De somni vsu, & munditia somniorum. Cap. ix.



Omnum homini esse pernecessarium Aristoteles testatur in libello de somno, & vigilia cap. 2. dicens; Cū naturā semper agere gratia alicuius boni dicamus, quietem ve- rò vtilem esse, acque a deo necessariam ijs omnibus, quæ moueri quidem nata sunt, sed semper, & continuè mo- ueri cum voluptate nequeunt; cumq; ob veritatem ipsam translatio hæc vulgo recepta sit, vt somnus quietis nomine designetur, somnus profecto ad salutem iunctus animalibus fuit. Item somnus animali cuiq; necessarius est, non quidem simpliciter, sed ex supposito, & adiū- ctione, nam si animal naturam suam seruare, ac tueri debeat, necessa- riò quædam adesse ei oportet, quibus positus; alia subinde adiungenda sunt.

sunt. Est autem somnus, ut idem cap. 3. definit, coitus quidam caloris ad intima refugientis, & naturalis quædam antiperistasis, circunobstantiaq; ; imò nexus est, & vinculum primi sensorij, ut suo fungi munere non possit. Fit igitur salutis gratia, quoniam quies animal tuetur, atque conseruat, hæc ille. Quapropter sicuti vigilia est sensuum libertas, atque solutio, cum hominis sensus liberi sunt ad operandum suas operationes obiecto oblato, & impedimēto secluso; ita somnus sensui est vinculum, atque ligamen, quo ligantur sensus, ut non possint suas exercere operationes, etiā si obiectum offeratur, & impedimentum omne extrinsecum remoueat.

2 Duplex autem somni utilitas à philosophis traditur. Primum. n. ad animalium vitium facit reparationem. Omnis nanq; virtus naturalis, quæ absq; fatigatione perpetuò exerceri non potest, indiget aliquando quietis intermissione, ut possit instaurari quiete, quæ nimia fatigatione deficeret. Itaque quia organa sensuum immodica defatigantur vigilia, indigent intermissa quiete, ut resumptis, reparatisq; viribus, iterum ad suorum officiorum possint aptam functionem redire. Secundo est somnus utilis, atq; etiam necessarius propter virtutes vegetativas, & quarum numero nutritiua est. Propter quod in hominibus studiosis, & in re quapiam plurimum sensu occupatis peior fit nutritio, minorq; augmentatio. Et multum vigilantes macrescere videmus, atq; pallefcere, somnulosos autem vehementer impinguari. Idcirco propter salutem hominis, ipsiusq; valetudinem firmandam providè auctor naturæ somni tempus instituit. Atque hinc est, quod vulgo dici solet, somnum non minus, quàm cibum ad bonam valetudinem conducere, somnoq; moderato non minus, quàm cibo hominē nutriri. Contrario autem nimia vigilia, non minus quàm immodico ieiunio corpus exsiccare, atq; tabefieri. Somni. n. defectus impedit alimenti debitam conversionem in substantiam rei. Hinc aptè Eccl. 31. legimus; Vigilia honestatis tabefaciet carnes. Prudenterq; viri sancti, quibus cura est edomandæ carnis, eiusq; molestijs, & afflictionibus debilitandæ, ne supercrescant spiritui, vigilijs æquæ, atq; ieiunijs insistant, scientes carnis vigorem non minus somni, quàm cibi subtractione infringi, atque imminui. Hoc. n. est quod querunt, carnem videlicet atterere, & velut suppressere, ac iuxta Apost. 2. ad Corinth. 9. castigare, & in servitutem redigere, ut dominetur spiritus. In somno igitur hominem cōtingit sensu, & motu priuari per spiritum sensitiuorum, & motiuorum defectum. Non. n. moveri possunt membra secundum locum, nisi per spiritus motiuos, qui transmittuntur à cerebro ad membra.

3 Quare cum ad hæc somnus ab auctore naturæ, Deo, sit institutus,

tus, videlicet ad sensuum reparationem, & vegetatiuarum virium adiumentum, nam sopor irrigat artus, nequaquam cordati, sapientisq; hominis fuerit, prorsus sibi velle somni quietem subtrahere. Non. n. minus peccatum habebit huiusmodi, quàm si alimentum sibi in totum adimeret aduersus Dei ordinem, & institutionem. Vnde Christus somni necessitatem nequaquam à se repulit. Nam & in naui super ceruicalem dormiuisse legimus, & à discipulis fuisse excitatum. Est autem sapiētis eatenus somno moderato uti, quatenus ratio dicat eundem esse conducibilem; quomodo alimento vir bonus frugaliter uti debet pro retinenda corporis vita, non pro eodem enutriendo ad lasciuiam. Qua in re attendenda est propria corporis constitutio. Quemadmodū n. in alimento sumendo non omnibus vna est mensura constituenda, ita nec in somno. Quod enim huic ne satis quidem est, illi est nimium.

4 Animaduerte igitur immodicum somnum multa mala, & nocumēta parere homini; quemadmodum. n. moderatus somnus cuncta organa apta reddit ad sibi congruas exercendas operationes, ita cum nimius fuerit, reddit ea pigra, tarda, atq; inhabilia ad exercendas conuenienter suas functiones. Vnde homines nimio somno deditos, videmus esse pigros, desides, oscitabundos, graues, & velut immobiles, malè apprehensionis, mali iudicij, tardi motus, imò non ita limpide vidētes oculis, neque etiam lingua ita exactè gustantes, & omnino in omnibus, quæ ad vires animales spectant, operationibus inueniuntur inhabiles. Cū ē contrario qui moderati sunt somni, conspiciantur ad omnia prompti, & alacres, viuacitate quoque sensuum pollentes. Item si plus iusto somno indulges, rursus deinde cerebrū indisponitur, maleq; habet. Propterea non parum ingenio conducit, summo mane ē suauiter exurgere, dulcesq; relinquere plumas, videlicet ut sensibus reparatis, antequàm iterum malè afficiantur, somnus abrumpatur. Præterea & aliud inuehit damnum somnus prolixus, quod & mentis, & corporis immunditiam contrahit. Proinde omnibus quidem, maxime verò ijs, qui castitatem mentis, atque corporis seruare volunt incontaminatam, & nec illusionibus scædarum imaginum, nec spurcitijs pollui nocturnarum immunditiarum, prolixus ille somnus matutinus diligenter est cauendus. In fine nanque somni experientia commonstrat, huius rei maximum esse periculum. Coinquinationes ergo inordinatas corporum euadere possunt, qui tēpus illud praueniendo, somnum antequàm eo pertingat, abrumpūt. Quamuis verò in aurora somnus sit mollibus hominibus maxime suauis, ijs videlicet, qui veneremur amanti, & corporis delicias; veris tamē Dei amatoribus, castitatissq; & omnis virtutis cultoribus somnus ille maxime est fugiendus. Huc quoque

que accedit, quod Arist. in œconomicis tradit, aurorâ studiorû contemplationi, rei familiari augendæ, corporeq; sanitati aptissimâ esse, atque vtilissimâ, quâ proinde non somno, sed vigiliz tribuendam esse.

5 Sapiënter quidem nos Eccles. cap. 5. docuit, quam ratione, & methodo legitimam somni suauitatem, atq; dulcedinem, nobis captare, & arripere possimus. Dulcis, inquit, est somnus operanti, siue parum, siue multum comedat; saturitas autem diuitis non finit eum dormire. Audi diligenter egregiam, & monasticam regulam. Comparat ergo sapiens diuitem in otio agentem, cum homine paupere, vel mediocri, qui suo sibi labore victum parare debet, ostendens pauperem suo labore viuentem melius habere ex eo ipso, quem sibi cum labore parat, victu quotidiano, quàm habeat diues in otio agens propter rerum sufficientiam ex omnibus suis diuitiis. Videmus. n. homines tenuis fortunæ suis manibus sibi, ac familiæ victum quotidianum parantes, bellissime valere, corpore esse sano, & robusto, stomachum habere in dispositione optima, qui facile possit digerere quemuis iniectum cibum, quamlibet rudem, quâ tumlibet iuxta diuitum æstimationem vilem. Atque hinc fit, vt vicens in eis appetitus magnam illis præstet in esu rudium quoque ciborum delectationem, adeo vt nonnûquàm e cibarij panis nuda crustula (iuxta commune prouerbium) mellis videantur exugere dulcedinem. Quod si nonnûquàm in cibi quâtitate excedere eos cõtigerit, aut aliquid esui in commodum traicere, validus appetitus, & ferrei stomachi igneus ardor facile absument, quod superfluum est, aut malè conueniens, vt nullum inde patiantur incommodum. Deniq; somnum (cuius est delectatio hominibus plurimum suauis) habent quietissimum, & plenum, non interruptum crebris vigilijs, vel ob stomachi cruditatē, vel quamlibet aliam ob causam: mox ubi cernicali caput contigerint, adest mulcebris somnus, tanquàm obuijs vlnis suauiter excipiens resupinos, vt videri possit ad hoc in ceruicali latitasse, quò aduenientem pauperem operarium in suo situ confoveret. Sic postquàm totam noctem suauis somno pauper edormierit, mane euigilans, eodem in latere iacentem se comperit, in quo se ad vesperam reclinauerat, cum se somno daret, neq; vel ad latum culmum mutasse. Nō meminit insomniorum, nullos sensit nocturnos timores, lamias non vidit, neque lemures, excutit celeriter somno bene refectū corpus è lectulo, atque ad solitum opus reuertitur, vt impleat illud quod in Psal. 103. de huiusmodi homine dicitur: exhibit homo ad opus suum, & ad operationem suam vsque ad vesperam, utq; illi pareat sententiz, quam Dominus super Adam protulit, & posteros eius, dicens Gen. 3. In sudore vultus tui vesceris pane tuo.

6 Tanta ecce e ommoda præstat pauperi sua tenuitas . Contra verò, otiosi diuites, qui ampla hæreditate à parentibus ditati, aut aliàs quomodo habet diuitias copiosas nacti, in otio vitam agunt, nulla acione honesta, neque priuata, neque publica occupati , propter otiositatem malè digerunt cibum, nimirum vt ipsi pigri sunt, ita & coquum habentes pigrum, idest stomachum tepidum, & digerere impotentem, qui nihil ferre possit, nisi quod tenerimum sit, & digestu facillimum; neque rursum nisi modicum aliquid, quod pauperi operario vix ad ientaculi præludium sufficeret. Et iustè quidem hanc in illos vindictam exercet suus stomachus, quasi eius sententiæ exequutor, quam pronunciauit Apostolus : si quis non vult operari , nec manducet. 2. ad Thes. 3. Malam verò digestionem sequuntur incommoda plurima, ex quibus vnū est : quod magni reputant delicati diuites, nullū cibum quantumuis delicatum , quamlibet opipare præparatū, sibi videri sapidū aut si interdum ad primum gustum in sapore nonnihil sentiant oblectationis, post morsum vnum, aut alterum morsellum, fastidiunt & conuertuntur in nauseam . Quod malum ipsorum iudicio non mediocrè , dū conantur depellere, arte tum coquorum, tum medicorum sollicitāt , vt appetitum prouocent, & stomachum, vel nolentem ad cibum concupiscendum, quasi per vim cōgant, sicq; esurire compellant. Hinc ferculis omnibus aromaticas species, & cōfectiones alias calidissimas adiungunt, vt his prouocata gula, in stomachum etiam nolentem escas delicatas traiciat. Vina præter ea adhibentur, quæ possunt inueniri calidissima. Aquæ hauustus, aut ceruissæ (immane) quantum illorum languenti stomacho adfert periculi, videlicet ne totus simul naturæ , ac digestionis calor extingatur. Sed & medici magno pretio, & multi honoris obsequio sollicitātur, vt vel tota sua arte ipsi efficiāt, quod à natura, ac naturæ donis se vident non pro voto consequi . Atque hī rursum, quæ calidissima nouerint, & ad gulam irritandam quāmaximè conducentia, stultis stulti obsequentes adhibent, simul in hoc, & alienæ seruientes insanix, & suo non minus studentes quæstui . Atque his rebus efficiunt otiosi illi diuites, infœlicem stomachum tot modis diuexantes, vt in dies magis viribus ille deficiat , & totus pigritia languescat, donec tandem ex ligneo (vt per iocum de huiusmodi dici solet) papi-racem accipiāt. Quo languente, necesse est totum corpus pessimè habere, vt frigente coquina, & coquo languente, omnis simul languet familia, quæ non nisi coqui, & culinæ beneficio sustentatur.

7 Ad hoc malum, ipsorum iudicio, non mediocre consequitur alterum, nihilo melius tolerabile, dormiendi, videlicet impotentia. Vbi.n. malè digerit stomachus, non potest congrua esse dormitio, quemadmodum,

modum, & ratio, & experientia testatur. Atque ita & illa dulcissima somni requie (qua nihil carnalibus hominibus videtur suauius) fraudantur. Tametsi n. stomachum habeant impotentem ad digerendum, prouocant tamen gulam omnibus, quibus possunt modis, vt etiā per vim cibum, potumq; vel inculcent, vel ingurgitent, nonnunquam velut pistillo intrudētes, donec per gutturis canale in stomachū traiiciāt, quibus digerendis dum nequaquam piger, & languidus sufficit stomachus, dum conatur, & non proualeat, non sufficit vapores eleuare mulcebre (cuiusmodi ad somnum causandum Physica docet requiri) sed tantum crudas quasdam, & indigestas exhalationes sursum fundit, quæ ubi caput occupauerint, dolorem non modicum generāt, per os quoque eructationibus eiciuntur, & per varia corporis membra dispersæ, corpus totum mirum in modum fatigant, & indisponunt, diuersarum quoque ægritudinum materiam, & causam præstant. Sic diuitum saturitas dormire eos non finit. Si in lectulo se componant, vt somnum inuient, iacent, claudunt oculos, silentium præstari summum à tota familia exigunt, puluinaris plumas iterum, iterumq; eleuant, in plumarum mollicie delicatum corpus versant, atq; reuersant (iuxta Sapientis verbum) quasi ostium in cardine; fugientem somnum expectant, obsecrant, inuocant. Qui ubi post horas plures diu vocatus tandem aduenerit, abscedit quātocius, vix vlla data requie, & post horam vnā, aut alteram expergefacci, sentiunt eructationes ascendētium è stomacho laborante, sed impotente cruditatum: reuertuntur illis ad os cum amaritudine pinguis, quæ qualicunque delectatione per gulam intrusa, verius quā manducata fuerant, sic stomacho de gula iustas, meritasq; pœnas sumente, vt quemadmodum cœnæ tempore per vim ingurgitando gula stomachum affligerat, sic nunc per tempus somni stomachus illi refundat, quæ torqueatur crudam amaritudinem. Quare in re diuites isti otiosi, & gulosi aduertant, iam in se incipere executionē iudicij illius, quod in Apoc. de Babylone illa ipsorum matre definitū, legimus, dicente Angelo Apoc. 18. Quātum glorificauit se, & in delicijs fuit, tantum date illi tormentum, & luctum. Nonne. n. huius miseræ evidens isti sentiunt præludium, dum quod sub noctem cœnandi tempore cum qualicunque oblectatione ingerunt, statim per noctem somni tempore non minori cum amaritudine eructantes effundunt? Nunc igitur ex hac Ecclesiasticis comparatione, iudicet quisquis habet oculos, quanto sit otiosorum diuitum, etiam hoc in mundo peior conditio, quā pauperū, & tenuium, qui suis manibus quotidianum sibi victum quæritant: id quod vel ipsi, si rectè perpendant, velint, nolint, fateri cogentur. Sed hæc ob pauperum consolationem, & diuitum ad-

monitionem prolixius dicta sufficiant. Potest autem saturitas ista diuitis aliter intelligi abundantia diuitiarum, quæ illum non finit dormire ob perpetuam, quam pro eis tum congregandis, tum conseruandis, gerit sollicitudinem.

8. Quod verò ad somniorum rationem attinet, ex Arist. in commentariolo de insomnijs. cap. I. somnium sensoria partis affectio est, & spectrum quoddam, & phantasma. Nam visum ipsum, quod in somno apparet, insomnium dicimus. Animaduertendum itaq; est, quod in sensorijs nostris ab extrinsecis impressæ, insignitæq; obiectis, quædam permanent, durantq; reliquæ, simulacra scilicet, & imagines ab actu sensibilibus impressæ, & quasi in tabellis quibusdam depictæ. Horum simulacrorum, & imaginum quædam integra, & illesa, vt impressa fuerant, restant, & perseverant: Nonnulla verò conturbantur, & ob nimios caput petentes vapores confunduntur, neque integri quidpiam conseruare possunt. Pleraque etiam penitus obliterantur, & euanescent, alijsq; ingruentibus occuluntur sanè, & intereunt. Quæ igitur idolorum vel integra restiterint, vel ita remanserint, vt non penitus euauerint, in ipsum postmodum cor cum vaporibus descendencia, qui somni tempore à cerebro deuoluuntur, principio sensitiuo applicata, & inconcinne ingruentia, ipsum non aliter mouere censentur, quam si ab actu sensibilibus excitaretur. Et hoc certè modo confusa quædam, minimeq; constantia effici somnia, non ab re existimamus. Vt igitur apertius dicamus, contingit quidem in somno sensus interiores interdum solui, exterioribus sensibus in suo vinculo permanentibus; apparentq; tunc phantasmata, & variæ imagines in phantasia, atq; in aestimatiua; quas apparitiones, imaginationesq; somnia vocamus, fuitq; hæc somnia maximè post medium somni, cum iam vapores incipiunt minui, & subtiliari, & ita primum sensus interni soluuntur, incipiuntq; operari, exterioribus sensibus in suo vinculo nihilominus permanentibus; eo quod vapores adhuc meatus occupent, quibus à cerebro ad ipsorum organa transmitti debent spiritus animales. Causa autem, ob quam somniantes omnia iudicent ita se habere, vt somniant, videtur esse ex defectu operationis sensus communis. Falsas. n. imaginationes sensus communis iudicat in vigilia, atque cognoscit per sensuum exteriorum obiecta; in somniantibus verò sensus exteriores ligantur, neq; sensus communis, nisi quæ ab ipsis recepit, iudicat. Quemadmodum videlicet cum vanus, atq; mendax homo miranda proponit, si nemo adsit, qui falsitate redarguat, creduntur vera esse, quæ narrantur. Si verò adsit, qui arguat falsa ciuilinodi proponentem, manifesteq; comprobet, nihil talium sic se habere, nemo credet homini mendaci, quicquid tandem ille dixerit.

9 **V**ariæ autem statuuntur somniorum causæ, quibus semel à religioso viro cōgnitis, non mediocris ipsorum mundities comparari, haberiq; poterit. Quædā. n. sunt somnia, quæ cōtingunt ex prius in vigilia sensatis, & maxime ex ijs, circa quæ fuimus in vigilia solliciti, siue anxie, diligenterq; occupati. Hinc. n. fit, vt auarus somniet de pecunijs, de negotiationibus, emptionibus, atque venditionibus; gulosus de epulis, & conuiuijs; luxuriosus de mulierū conuictu, & colloquijs, alijsq; huiusmodi. Homo autem misericors somniet de pauperum necessitatibus, de miserorum patrocinio. Qui zelat pro iustitia, somniet iniustitiæ punitionem; nauta de ventorum prosperitate; doctor verò de litterarum studio. Demum in vniuersum, circa qualia occupatur homo in vigilia, circa talia versatur in somnio: offerunt. n. sese species illæ, atque imagines dormienti, quæ solent vigilantibus. Ex huiusmodi autem somnijs potest vtrumq; coniectare homo, quid potissimum ipsius affectu inhæreat. Vt si quis frequenter de honoribus, & laudibus humanis somniet, meritò sibi metuere potest, ne fortè sit ipse homo ambitiosus. Item si de epulis, ac lautitijs, ne fortè sit homo delicatus, & gulosus, atque ita in cæteris. Naturaliter etiam somniet homo de illo, quod sibi deest, & quod appetit, vt esuriens, cibum somniet, & sitiens potum. Ad eundem modum cum natura se oneratam senserit alimentum superfluo, quod ad generationē pertinet, somnium excitat ad id aptum; & de salute viuientis sollicita, id ita procurat, astimatiuā mouens. Ne si non fiat superflui illius exoneratio, varijs morbis consumat hominem; atque ita contingit etiam castissimos viros, nocturnis illusionibus sollicitari, atque vexari. Quod tamen opus omnino naturale est ad viuientis salutem conseruandam. Quod sanè dixerim pro consolationis loco ad scrupulos dirimendos: Omnino. n. contingere potest, & contingit non rarò, eum qui secundum rationem, & voluntatem verè castus est, somnijs rerum venerearum illudi. Qui ergo huiusmodi se sentit somnijs rerum non bonarum tangi, non statim deiiciatur animo, non se mox Dei existimet inimicum: veruntamen examinet se ipsum diligenter, an nō ex præuijs in vigilia voluntarijs cogitationibus, aut effectibus, ista sic exurgant; an non exorta fuerint à causa aliqua voluntariè subministrata, vnde eiusmodi somnia per se sint cōsequuta. Discatq; nō debere se esse securū; discat nondum perfectè deuictū esse domesticum hostem; discat sibi adhuc standum super custodiam, & humilitatis, ac prouidentie sibi sumat occasionem.

10 **P**ossunt quoque huiusmodi somnia ex alia causa prouenire: Videlicet ex demonum illusionē. Ii. n. per phantasmatum commotionem possunt turpe aliquid in somno sensui communi representare, vnde in-

terdum pollutio subsequitur. Illusio autem dæmonum nonnunquam accidit ex præcedenti negligentia in præparatione ad orationē. Ille. n. qui sic diu exari solet, tenetur se præcationibus, alijsq; remedijs aduersus dæmonem communire, & nonnunquam corpus macerare. Si quas itaq; contingat tibi vel dormienti, vel vigilantī, siue ex aspectu, siue auditu, siue per cogitationes, siue dæmonum suggestionem, immundas incidere imagines, ita vt ad libidinem, & turpes naturæ propensiones, ac voluptatem mouearis, Crucis signum imprimis cordi tuo, dicasq; Angelicam salutationem, & ores Deum, vt tui misereatur; & sanctorū opem implores; proponasq; tibi ob oculos, si consenseris, primum te iri gloria Dei, & pēnas inferni semper esse luiturū, Deum quoq; offensurum, & ab eo, cunctisq; amicis, & electis eius separandum. Quæ sane merito vereri, atque horrere debebis. Certabisq; viriliter & spem, atque fiduciam tuam in Christi morte, gratia, & auxilio collocabis; certus quod is te non deseret, sed citra dubitationem victor euades, gratia, virtutumq; incrementa maiora accepturus. Fuge igitur somnolentiam, vigiliam honestam arripiens; somniorum verò mundiciam, & puritatem ex operationibus, negotijsq; studiosis, atque ex præcedentibus mundis cogitationibus compara, & conquire.

Quæ ratio tenenda sit in accipiendis hospitibus. Cap. x.

Sexta synodus Constantinopolitana in hunc modum hospitalitatem docet: admonendi sunt omnes, vt hospitalitatem diligant: & si cui hospitium præstiterint, nullam ab eo mercedem accipiant. Dicendum quoq; est illis, qualiter multi per hospitalitatis officium Deo placuerunt, dicente Apostolo, per hanc enim placuerunt quidam Deo Angelis hospitio susceptis. Ad Heb. 13. & iterum 1. Petri 4. Hospitales sine murmuratione, & ipse Dominus Matth. 25. ad iudiciū veniens, dicturus est: Hospes eram, & non collegistis me. Sciant quicumque hospitalitatem amant, Christum se in hospitibus recipere: quare ferendi non sunt, qui hospites à monasterijs congruas diuitiarum facultates habentibus abigunt; nec consanguineos quidem, aut patronos, aut nobiles per ea transeuntes, aut in ipsa per aliquot dies recreandi animi gratia sese recipientes propellere deest, vt Mar. Azpilcueta in tract. de reddit. bon. Eccl. q. 1. nu. 69. opinatus est. Illa. n. nō est pura liberalitas, imò donatio ob causam, non est pura donatio. Est enim hoc non inutile artificium acquirendi, & conciliandi voluntates eorum, qui fouerunt, aut fouendi potestatem habent monasteriorum iura, & causas in iudicio, aut extra illud.

Quidam

Quidā tñ abusus hic cauendi sunt. Primus est, si immodici fiant sumptus, pompā humanā prae se ferentes. Quod quidē simulatæ hospitalitatis vitium vehemēter carpit Basilii in regulis fufius disputatis interrogatione 20. Inanis. n. gloria, & humani fauoris captatio, & quælibet in quacunque re ostentatio Christianis hominibus interdicitur, maxime verò Religiosis humilitatem profefsus. Qui in ciuili vitæ genere versantur, paupertatis humilitatem veluti rem ignominiosam fugiunt, ob ea mō; causam si aliquis ipsis suscipiendus sit hospes, epularum, & copiam, & magnificentiam studiosius cōsectantur. Vereor equidem, ne ad nos quoque furtim se istiusmodi pestis insinuet, aut certē commendatæ à Christo paupertatis nos pudeat. Indecorum igitur nobis erit, si noua, & à communi victus nostri ratione lōgē abhorrentia escarum genera excogitare velimus. Illud. n. circuncursare nos, vt ea peruestigemus, quæ nō ad necessarium vitæ vsum requiruntur, sed ad explendam miseram libidinem, ambitionemq; , præterquam quod fædū, ac turpe est, & ab instituto nostro alienum, exemplo etiam apprimē nocet: quando delitijs dediti, nos quoque in earundem rerū curis sollicitudinibusq; versari animaduertant. Quid ergo nobis cū apparatus sumptuosus? Est & altera efficax ratio. Si enim ad nos aliquis hospes accessit, idem nobiscum vitæ institutum habens; is profectō domesticam suam mensam agnoscet, qualem & ipse domi suæ reliquerit: at defatigatus ex itinere? Cum eo liberalius agatur, quatenus ad recreandam eius lassitudinē sit satis: accessit alius, sed secularis; hic discat ex factis formulam vitæ frugalioris. Quam si non didicerit, iterum nobis molestus nō erit, si nos voluptatibus deditos esse nō decet, illud certē multo ab honesto alienius est, si ob istos delicatulos, à mensæ nostræ solito ritu recesserimus. Nequaquā Dominus Marthæ illud laudi tribuit, quod in apparatione rerum multarū occuparetur, sed sollicita es (inquit) & turbaris circa plurima. Porro paucis est opus, vel vno potius: ac paucis quidem, quod pertinet ad apparatus: vno verò, nempe sine ipso, vt videlicet necessitati fiat satis. Porro alijs rebus est opus p dissimilitudine naturæ corporis cuiusque, & propositæ rei gerendæ necessitate. Siquidem huic largiore, & validiore opus est cibo propter defatigationem laboris: illi contra tenuiore, leuioreq; , & ad corporis ipsius imbecillitatem accommodato. In communi autem hoc statuendum est, vt cibaria, quæ promiscue omnibus apponantur, eiusmodi sint, quæ cum vili prætio, tū paruo etiam negotio comparentur. Adhibenda tamen in mensa munditia est, atque elegantia, ita tamen vt nusquam extra fines nostros egrediamur, atque hoc vnum in accipiendis hospitibus spectemus, vt eorum necessitati satisfiat. Abesse igitur

eur debet epularum curiosarum, vel immodicarum, & exquisitorum vini generum nimia exuberantia.

- 3 Secundus abusus est, si sub hospitum prætextu milites, ac viri potentes monasteria plus æquo sumptibus diuexent. Cuius rei nos admonet Conc. prouin. Colonienſe anno 1536. celebratum par. 10. cap. 9. dicēs: Monasteria olim virtutum ſcholæ, ac pauperum hospitalia erāt: nunc pro dolor, videmus ea in diuerſoria militum, ac raptorum eſſe commutata. Quam ob rem diſpiciendum nobis eſt, ne tam paſſim a quibuſuis militibus hoſpitiꝝ ius a monaſterijs vi exigatur, & eleemoſynæ pauperibus deputatæ, improbōrum luxu deuorētur. Et qui deprehenſi præter hæc fuerint, offendiſculum, aut occaſionem illis labendi, ſiue intra, ſiue extra monaſteria dediſſe, dignas pœnas ferant.

- 4 Conc. quoq; prouin. Treuerenſe anno 1549. ſub Io. Archiepiſcopo celebratum tit. de Religioſis Monachis, & Mōnialibus, graphice deſcripſit, quanta mala ex hoſpitem ſecularium frequentia monaſterijs proueniant. Licet, inquit, ex iniuncti nobis paſtoralis officiꝝ debito, ſuper cunctum gregem nobis commiſſum mentis noſtræ aciem dirigere teneamur; vigilantius tamē, & cautius agendum ducimus in hijs, ubi ſubditorum noſtrorum maiora incommoda, & pericula vertuntur. Sanē vt ex plurimorum querela dedicimus, multi batonies, præfecti, officiati, aut alij nobiles, & ignobiles, in tranſigerendiſ, aut componendiſ ſuis, vel aliorum controuerſiſ, & diſidijs, vel ſimili prætextu, ſeſe cum equis, & iumentis in monaſteria, vel eorum curtes, aut poſſeſſiones conferunt, & hoſpicio excipi volunt: vt ne dum luxus diſſoluendæ Religionis, & monaſticæ diſciplinæ, ac turbandorum diuinorum inibi in animarum diſcrimen, & Dei offenſam occaſio naſcatur, verū etiam vt experientia docti comperimus, niſi prouiſionis noſtræ auxilio ſuccurrāmus, periculum ſit, ne monaſteria tandem funditus exauſta depauperentur, & collabantur. Nos itaque huiuſmodi malo, ac innumeris præterea, & diuerſis tribulationibus, & iniurijs, quibus ſub præſato prætextu Religioſi ſæpe afficiuntur, medelam competentem, quam poſſumus adhibere volentes; mandamus omnibus Præfectiſ, & officiatiſ noſtriſ, ac alijs quibuſcunq; baronibus nobilibus, & ignobilibus, vt nunc, & poſt hæc talia iam prædicta tentare, & facere nullo modo præſumant, neque ſub colore memorato, aut ſimili, monaſteria, aut eorum curtes infeſtare, aut moleſtare deinceps attentent. Mandamus inſuper diſtinctē omnibus, & ſinguliſ Abbatib; Priorib; & Religioſiſ, ne deinceps tales etiam proprio ſuo conſenſu recipiant, vel admittant. Et ſi per aliquē Prælatum, aut alium quempiam permiſſum, conſeſſum; vel actum fuerit, animaduerſione condigna ita cum illo agemus,

mus, ut cæteri ab exemplo discant obedire. Et si contra præmissa violenter quisquam sese ingesserit, aut indebitè iniurias, aut molestias monasterijs, aut eorundem personis intulerit, in eundem præsentis statuti vigore, excommunicationis sententiam ferimus.

5. Tercius abusus est, si neglectis pauperibus, hospitalitatis officiù frequentius, & liberalius in cōsanguineos, amicos, ac diuites monasteriorum bona erogentur. Contra. n. sensit Conc. Medio. sub Cardinale Borromæo celebratum par. 2. tit. Quæ pertinent ab bonorum ecclesiasticorum dispensationem, dicens. In hospitalitate autem nō is habeatur delectus personarum, ut diuites, potissimum inuitentur, qui cū seniore reddant, quod acceperint: sed cū ecclesiasticarum personarum domum nemini, quantum per facultates licuerit, clausam esse debeat, profectò illis maxime patere debet, qui Dei voce, sanctorum Patrum cohortationibus, & exemplis, sacrorum Conciliorum præcepto, & auctoritate nobis commendati sunt.

6. Quartus abusus esset, si cuius Canonico pro libito liceret, hospites accersere, & in domum immittere: id quod damnum esse censuit Conradus Archiepiscopus Coloniensis in suo Conc. provinciali tit. de receptione hospitem nu. 13. dicens; Statuimus item, quòd nullus monachorum hospites per se recipiat, nisi hospitarius monasterij, vel alter, cui Abbas eos commiserit recipiendos. In calce tandem huius capituli id providè expendendum est, ne ultra monasterij vires, & facultates frequenter hospites recipiantur. Parsimonia. n. maximum est verigal, & suo se metiri pede, viri prudētes ubiq; cohortantur. Illud quoque adijciendum, quòd prudenter aduertit Hugo de S. Victore lib. 2. de claustro animæ. cap. 4. tom. 2. Hospitem (inquit) domos duas esse volumus. Vnam, quæ fratribus, qui Religionis habitū gerunt, siue etiā quibusdam personis secularium, quos Abbatis seu fratrum prouidentia ibidem suscipiendos decreuerit, deputetur; aliam verò domum remotiorem illis suscipiendis volumus esse deputatam, qui lingua, vel habitu claustralium pacem turbare possunt. De hospitem spiritualium domo Hugo de S. Victore lib. 3. de claustro animæ sic disserit cap. 5. Inter coadiacentes spiritualis ædificij officinas, hospitem domus prima occurrit, qui peregrinantibus in regionem longinquam, cū ad claustrum animæ redierint, apertis misericordiæ ianuis patet. Hospitem siquidem domus, mens compatiens appellari potest. Vnde Ambrosius, mens (inquit) sapientis hospitalis esse debet. mens. n. hospitalitatis officio fungitur, cū delinquentium fratrum culpis benignè comparitur. Habet autem hæc domus ministros suos, qui hospitem aduentantibus inserviant. Pulsanti etenim peregrino ianuam Chari-

tas aperit, intratē Hilaritas recipit, receptū Affabilitas detinet, esuriētē Refectio pascit, fessio Humilitas seruit. Hæc verò hospiti debentur; hæc reuertenti filio, qui Luc. 15. luxuriosè viuendo partē substantiæ dissipauerat, paterfamilias exoluit: à longè enim venientem intuens, occurrit, amplectitur, occidit vitulum saginatum, ordinat chorum, symphoniam tangit. Sic & spiritualium patrum pietas erga delinquentem discipulum se gerit. Reliqua faciliè intelliges, & ouibus perditis ad caulas redeuntibus adaptabis.

De capitulo disciplina. Cap. xi.

Non infirmum conseruādæ Religionis retinaculum est, disciplina capitulorum crebra celebratio, ea autem fiet in aliqua secretiori domus parte. Quam rem Summus Pontifex Bened. 12. in suis Constitutionibus Canonicorum Regul. tit. de capitulis quotidianis faciendis, prudenter intelligens, sic stabiliiuit. Pro regulari, inquit, disciplina attentius obseruanda in ecclesia Cathedrali, seu monasterio, locouè alio conuentuali Religionis eiusdem, diebus singulis, in illis verò locis, in quibus quattuor, aut plures canonici fuerint deputati, saltem semel in septimana, & etiam sæpius in eisdem, si in ipsis sæpius, ac in quibus vis locis alijs non conuentualibus, toties, & quando est in eis fieri consuetum, regulare Capitulum teneatur: in quo antequàm ad tractandum alia procedatur, Canonicorū excessus, transgressiones, & negligentiæ corrigantur: ac de disciplina, & reformatione regulari tractetur salubriter, & agatur: nullo ibidem proteruè, aut clamosè, seu irreuerenter sibi habere, quomodolibet præsumente. Eadē fere tradit idem Bened. 12. in Constitutionibus Monachorum nigrorum S. Benedicti cap. 5.

Idem negotium prouidè pertractauit Concilium prouinc. Colon. anno 1536. celebratum tit. de metropolitanis, &c. cap. 14. dicens: Capitula verò disciplinæ, quæ vocant, multò maiori diligentia obseruentur, atque hæcenus. Id ita fiet, si non tam prophanæ, quàm res sacræ in his tractentur. Si de moribus inquiratur; si vita expendatur singulorum: & quòd olim sancti patres fecisse dignoscuntur; extemporalis oratione interdum commonerentur fratres. Et in primis ad sacras litteras capeffendas instigarentur, atque vt in his optimas horas collocarent, incitarentur, quòd hic reperiatur fons vitæ scaturiens, ex quo qui haurit, non sitit in æternum. Hic thesaurus euangelicus, propter quem oportet vendere vniuersa, reconditus sit, ex quo prudens ille paterfamilias profert, noua, & vetera.

Eandem rem non minùs luculenter, quàm vtiliter tradidit Conc. Me diolan.

diolan. sub Card. Borromæo 3. par. de Monialibus. tit. de Præfectis. Si quæ de virginibus sacris conscribuntur, viris religiosis adaptaueris. Singulis etiam, inquit, hebdomadis Præfecta Monialium conuentum, siue capitulum habeat, corrigendi causa Moniales pro erratis, quæ ipsæ publicè, vel in suorum officium munere ad miserint; quorum veniã ipsæ sponte, atque humiliter coram omnibus petant, eisq; pœnitentiã imponendi, aliq; adhibendi, quæ earum institutis tradita sunt, ad ipsas in humilitate, & sui contemptione continendas, atq; ad virtutes omnes studiosè sectandas. Caueant autem Moniales, ne pœnitentiam sibi à Præfecta impositam, pertinaciter recusent: neque superioris temporis delicta sibi inuicem, iniquo animo obijciant. Quæ hoc commiserit, ei hæc sit pœna, vt statim ad singularum Monialium pedes terram exosculetur, sibiq; flagella nomine disciplinæ adhibeat.

4 Sed nec eam rem subtrahit sacrum Concilium Trid. sess. 24. cap. 8. dicens: Apostolus monet, publicè peccantes, palam esse corripiendos. Quando igitur ab aliquo publicè, & in multorum conspectu crimen commissum fuerit, vnde alios scandalo offensos, commotosq; fuisse, non sit dubitandum: huic cõdignam pro modo culpæ pœnitentiam publicè iniungi oportet; vt quos exemplo suo ad malos mores prouocauit, suæ emendationis testimonio ad rectam reuocet vitam.

5 Ad maiorem autem ex disciplinæ Capituli actione frugem capessendam, pauca quædam hic alta mente reponenda sunt. Primũ, vt canonicus in capitulo obiurgandus, sibi persuasum habeat, se ex huiusmodi obiurgatione non mediocrem fructum esse relaturum, eaq; de causa æquo animo sibi reprehensionem esse perferendam; qui Basilium hac de re concionantem in Esaia cap. 2. & in oratione 9. de Ira, audiat. Omnis reprehensio palam attingens eum qui reprehenditur, ipsius animum acri dolore excruciat, ob oculos ponens turpitudinem peccati, ita vt nõ mediocri beneficio videatur affecisse eũ, qui nullo sensu suorum peccatorum tangebatur, reuocans eum ad conscientiam malè commissorum, & ad suscipiendam peracrem pœnitentiam perducens. Quæ le. n. vulnus corporis tã vehementè affert dolorẽ, qualè inurit animæ obiurgatio; pudore afficiens eũ, qui sibi est vitiõs conscius. Sermo. n. mordicus anxietatem, ac mœrorem animæ ingerit. Secundum est ex eodẽ Basilio in regulis breuioribus interrogatione 73. Execrãdus est, ac vehementer carpendus ille, qui non desiderio correctionis fraternæ, sed libidine seipsum vlciscẽdi, peccantẽ accusat, vel castigat. Qui. n. huiusmodi est, is in eorum numero, qui seipsum valde amant, & dominandi cupidi sunt, haberi debet, eiq; correctionis modum cum pietate conuenientem declarari oportet. Tertium, adnotanda est à Præfato eiusdem

eiusdem Basilij sententia ibidem interrogatione 99. qui sic percontatur. Cuiusmodi animi affectione increpare debet, qui alterum increpat? Respondet; quod quidem ad Deum attinet ea, quæ habebat Dauid psal. 118. cū dixit; Vidi præuarcātes, & tabescebā: qui eloquia tua nō custodierunt. Quod verò ad eos qui increpātur, eiusmodi quali vteretur pater, & medicus cum misericordia, & lenitate, si filium suū curaret, & maximè si adesset dolor, & sine cruciatu adhiberi curatio non posset. Quartū, at verò qua mente irrogatam sibi punitionem accipere quisq; debeat? Respondet; ea nimirum, quæ illi conueniat, qui morbo aliquo laboret, & de retinenda vita anxius sit, quandocunq; aut à patre curatur, aut à medico, licet acerba sit, & aspera curationis ratio, reiecta prorsus omni de Charitate, peritiae uē eius, qui sibi illam irroget dubitatione, cum summo desiderio recuperandæ sanitatis. Quintum, sed quodnam de eo iudiciū sumendum sit, qui ei succēseat, à quo obiurgetur? Respondet; hic neq; peccati periculum cognouit, & maximè eius, quod est aduersus Deum, neque vtilitatem pœnitentiæ, neq; ei fidem habuit, qui dixit; qui autem diligit, instanter corripit: & seipsum alienum statuit à fructu illius, qui dixit, corripiet me iustus in misericordia. Et qui eiusmodi est, huius conuersatio inter reliquos fratres pernicioſa est. Siquidem exemplo suo à suscepto certamine ceteros abducit. Sextum, quoniam capitulum disciplinæ quandam vltimi iudicij similitudinem præ se fert, omnes in eo cum pudore, & tremore interesse debent; nec eorum defectus rideant, qui libenter eos confitentur, sed potius eis compatiuntur, & piam orationem in Deum pro eis fundant. Iudex discursionem, misericordiam, & mansuetudinem in iudicando custodiat; accusator charitate, & modestia utatur. Accusatus verò humilitatem, patientiam, & obedientiam complectatur. Ad Prælati quidem discursionem, discretionemq; pertinet, ut quæ crimina secretò, quæ uē publicè punienda sint, probè dignoscere nouerit; Sciatq; interdum peccata condonare, interdum verò acriter punire, cognita prius diuersa personarum qualitate, in senes. n. clementius agendum est. Idcirco. n. ait Gregorius, Deum permisisse principē Apost. in turpem Christi denegationem incidere, ut in sua culpa aliorum crimina condonare, ac remittere nosset. Maximè verò Prælatus caueat, ne in iram in puniēdo rapiatur, quæ quidem impedit animum, ne possit cernere verum. Septimum, calamitas huiusmodi capituli est, exorta in eo contentio, quam consilium illud extinguet, si viri perfectiores accusati taceant, sinantq; ut Prælatus pro eis respondeat, ad diuæ Magdalenz exemplum. Luc. 7. quæ à Phariseo accusata, à Domino defendi meruit. Tantūndē eidem à sorore Martha accusatz contigit. Denique si

Præsident

Præfident falsò accusatū non tueatur, sæpe quidem occasione est præstaturus, vt ipse innocens seipsum defendat, eaq; ratione clamorosa cōtentio in capitulo oriatur. Quam Bened. 12. vehementer detestatur, & odit loco citato, cū inquit, nullo ibidem proteruē, aut clamorē, seu irreuerenter se habere quomodolibet præsumente.

5 Iam verò cōducibile monasterij gubernaculo est, quod D. Basilii in regulis fufius disputatis prouida animaduertit interrog. 27. dicens: An ipse etiam Antistes ab ijs, qui maioris in conuētu auctoritatis sunt, admoneri debeat, si aliqua in re offendat aliquando? Respondet; verū enim verò quemadmodum necessario ijs, quibus præest, omnibus in rebus recti itineris dux esse Antistes debet; item quoq; vicissim reliquorum officiū est, si qua vnquā minus laudabilis de Antistite orta suspicio sit, ipsum admonere. Verū enim ne qua constanti disciplinæ ordini iniuria fiat, huiusmodi admonitio ad eos est deleganda, qui cū ætate, tū prudētia in societate reliquis præstent: ita. n. fiet, vt siue quid fuerit, quod emendationem desideret, & fratrem ipsum nostrū iuueamus, simulq; vna, atq; eadem opera nos ipsos etiā, qui videlicet ipsum, qui vitæ nostræ veluti norma sit quædam, suaq; ipse rectitudine prauitatem nostram arguere debeat, distortum ad rectū reuocemus. Quod si temerē quidam secus de ipso suspicati, nonnihil turbulentiz audierint, ij cognita veritate eorum, propter quæ in falsam suspicionem illam venerant, certi de ea amplius iam dubitare desistant. Admonendus est autem Prælatus magna cum humilitate, reuerentia, atque modestia, & secretiori loco, ne regentis frangatur auctoritas, vt in regula inquit Augustinus.

7 Ad capitulum autem disciplinæ vtilius celebrandum ea mala adnotanda sunt, vt caueantur, quæ Hugo de S. Victore lib. 1. de anima cap. 11. sua humili cōfessione expressit. Primū est, cū correptus canonicus, vbi peccata emēdaturus erat, peccatis peccata addidit. Secundū est, si accusatus, aut peccata quodāmodo excusauit, aut omnino negauit, aut quod deterius est, defendit, impatiētq; animo respondit; Præsertim cum nullum sit peccatum, quo quispiam aut nō contaminetur, aut certē contaminari non possit. Iustum est ergo, vt omni excusatione remota, emendationem polliceatur, vnde cūq; aut à quocūque accusetur, vt hac via, & ratione eripi valeat à peccato perpetrato, vel perpetrando. Præterea idem author lib. 3. de clastro animæ cap. 6. aliud exequitur disciplinæ capitulum spirituale; quemadmodum. n. Canonicorum multitudo, vt errata corrigat, statutis horis ad capitulū confluit; sic mentis ratio cogitationes diuersas ad secretum cordis locum, quandoque cōuocat; vt incorrigibiles eiiciat, corripiat inquietas, negligentes

gligentes emendet, erudiat simpliciores, mitiget iracundas, voluptuosas restringat, pigras excitet, consoletur pusillanimes, doceat indiscretas. In hoc spirituali capitulo, Abbatis locum Ratio tenet, Conscientia accusat culpas, excusat Peruersitas, Superbia defendit, Innocentia confitetur, Humilitas se ipsam iudicat, Arrogantia verò alienos. Quid igitur disciplina vtilius, quæ animi quietem gignit, peruersos interimit?

De Choro Canonicoꝝ regularium. Cap. xij.

I Elebratio diuinorum officiorum publico, solenniꝑ; ritu, ac cantu in choro, die, noctuꝑ; repetenda, quanta sit cura, atq; studio persoluēda, nemo nisi rudis homo, atque agrestis ignorat. Hæc. n. quotidiana, assiduꝑ; diuinorū officiorum decātatio inter religiosorum studiosa opera ferè primum obtinet. Cū illud sit præcipuū contemplationis munus. Atque Religio, quæ non soluit in choro officium diuinum, vix nomen Religionis meretur: maximo. n. Religionis splendore caret. Quin potius D. Tho. 2. 2. q. 1. § 9. ar. 8. Ad 2. argum. asseruere audeat, peculia rem scopum, præcipuumꝑ; Ordinis Canonicoꝝ Regulariū esse diuinorum mysteriorū celebrationem, quos proinde tanquā huic muneris ab Ecclesia, suoꝑ; ordine mancipatos, nunquā non accinctos esse oportet. Quæ de re dilucidum præceptum summa cum grauitate, Clericis, etiam Regularibus iniunxit Clemens 5. in Concilio Viennensi, de celebratione missarum, Clem. 1. Pleriq; inquit, ecclesiarum ministri, modestia ordinis Clericalis abiecta, dum offerre Deo sacrificium laudis, fructum labioꝝ suorum in puritate cōscientiæ, & animi deuotione deberent, horas Canonicas dicere, seu psallere, transcurrendo, syncopādo, extranea quidem, & plerunq; vana, profana, & inhonestæ intermiscendo colloquia, tardè ad chorum conueniendo, seu ecclesiani ipsam absq; rationabili causa antè finem officij exeundo frequenter, &c. diuina etiam celebrare, aut eis interesse nimis indeuotè præsumit, &c. Sācimus, vt in cathedralibus, regularibus, & collegiatis ecclesijs horis debitis deuotè psallatur. Quapropter periti Theologi definiuerunt, peccatum esse mortale, si Religiosorum conuentus Ordinis cuiuscunq; ab Ecclesia approbati, diuinum officium in cōmuni celebrare prætermiserit. Vt Dom. Sotus lib. 10. de iustitia & iure. q. 5. art. 7. & Siluester in verbo, religio, 8. §. 15. num. 17. & in verbo hora. §. 9. & 10. & præteris præstātus Caietanus in summa in verbo, horæ canonicæ cap. ult. Nam vbi Ecclesia Religionem secundum Euangelicū Ordinem instituit, eas videlicet, quas rei spiritualis gratia admisit, easdē diuini s

diuinis laudibus mancipauit; sanè intelligens, hanc esse potissimam contemplationis functionem.

1 Huius negotij maiestatem, & pondus scitè explicuit Bened. 12. in Constitutionibus Canonicorum Reg. tit. de celebr. missarum, his verbis. Hortamur etiam, quòd in ecclesijs, monasterijs, siue locis alijs conuentualibus, cū modestia, humiliter, & deuotè, horis nocturnis, & diurnis, ad diuina officia vniuersi, & singuli Canonici studeant conuenire: ipsaq; nò trāscurrēdo, aut syncopando, sed tractim, & distinctè psallant, & celebrent, ac deuotè. Sanè in ecclesijs Cathedralibus, monasterijs, & locis alijs conuentualibus Religionis eiusdem missa maior per Canonicū celebretur: & si inibi magnus, & ad hoc sufficiens fuerit Canonicoꝝ numerus, in officijs diaconatus, & subdiaconatus ministrèt huiusmodi celebranti. Et qui hebdomadarius fuerit missæ maioris, celsante impedimento legitimo, horas canonicas incipiat, & collectas, & orationes dicat. Transgressores verò præmissorum debitè subiaceant disciplinæ, Hactenus Benedictus 12.

3 Concilium quoq; Tridentinū sess. 24. cap. 12. rem paucis attingit, dicens: Omnes verò diuina per se, & non per substitutos compellantur obire officia, atque in choro, ad psallendum instituto, hymnis, & canticis Dei nomen reuerēter, distinctè, deuotèq; laudare. Vestitu insuper decenti tam in ecclesia, quàm extra assidue vtantur.

4 At verò de recta chori ratione, & ritu, elegāter disseruit Conc. prouinc. Medio. sub Cardinale Borromæo. par. 2. tit. communia de ratione diuinorū officioꝝ: Horæ (inquit) canonicæ oēs quotidie in choro dicātur: quæ ratio, neq; cōcione, neq; solenni missa, neq; alia causa impediatur, nisi euidens necessitas intercesserit: de qua iudiciū sit Episcopi. Horæ ita commodè diuidantur, vt mane aliquod interuallum, si id fieri pōt, sine detrimēto diuini cultus detur canonicis, & alijs ad studiū diuinæ scripturæ, aut sacroꝝ Canonū. Chorus ita vel sepiatur, vel constituatur, vt tempore diuini officij laicis aditus in eum esse nō possit: vel saltem à clericis seiuncti sint. In choro, vel omnino in ecclesia nemo ministret sine superpelliceo, aut ceteris indumentis, quæ pro ratione officij requiruntur. Superpellicea latis sint manicis, non angustis, instar rocheti. Et tit. quando, & quomodo ad diuina officia conueniendum, sic ait: Cū in ecclesiam ad diuina officia diurna, vel nocturna conueniendum erit, id campanæ sonus significet; ea interposita mora; qua omnes facillè possint conuenire. Signo audito, qui dignitates in ecclesia, etiam si Præfecti sint, personatusuè, aut canonicatus habent, ceteriq; omnes, qui interesse debent, præparent se ad diuinas laudes: & maturè ad ecclesiam progrediantur. Ingressi in ecclesiam,

P factisq;

factisq; ad sacrosanctam Eucharistiam, vel ubi ea non seruat, ad altare maius precibus, recta in sacristiam proficiscantur. Quo loco retenta talari veste superpelliceum assument, & reliquum vestitum, ad sacrum munus necessarium, quod ut seruos Dei decet, tacite, & modestè faciant. In ingressu Chori ad matutinum, & alias horas, & diuina officia, is ordo seruetur. Ut paulo post vltimum campanæ signum ad rem diuinam faciendam, vniuersis in sacristia paratis, pulsetur paruula campana, qua egressus sacerdotum ad missas celebrandas significari solet; ut omnes qui in ecclesia, vel circum eam sunt, diuini officij celebrationem instare intelligant: postea omnes de sacristia ordine procedentes exeant. Et ubi se ad altare humiliter inclinarint, suum quisque locum in choro adeat ibi flexis genibus, & submissa voce saltem orationem dominicam dicat. Deinde dato signo, vel pronuntiato, Pater noster per Hebdomadarium, ad initium officij omnes surgant, & officium inchoetur. Qui verò in ecclesia, vel circum eam, aut in sacristia fuerit, & eo ordine chorum ingredi neglexerit, dimidia parte distributionum illius horæ priuetur, nisi aliqua de causa, quæ ei, qui choro præsidet, vel ordinario probetur, impedire fuerit. Si quis ausus fuerit inchoare officium, priusquam eo ordine in chorum conuenerint, & distributionem illius horæ amittat, & grauiori etiam poena ab Episcopo plectatur. Si quis autem alijs in choro iam consistentibus aduenerit, idem institutum seruet, & in sacristia, & in choro. Si quis non venerit ad matutinum ante finem capituli de beata Maria virgine, cum de ipsa officium celebratur; alioquin ante finem psalmi, Venite exultemus; in alijs etiam horis ante finem primi psalmi, pro absente habeatur; illiusq; horæ distributione careat; in missa vero, nisi venerit ante finem vltimi Kyrie eleyson, eandem negligentiam poenam subeat. Si quis, cum possit initio officij, vel supplicationum conuenire, aduentum suum in extremum à nobis præfiniti temporis punctum de indulgentia distulerit; absentis loco habeatur.

Omnes in choro diuina officia, ut temporis ratio postularit, alternis vocibus cantant, recitentq; audiant. Id non cursim, non perturbatè, non oscitantè; sed leniter, distinctè, ac studiosè faciunt. In choro pro temporis, & officij ratione, ex instituto, & more ecclesiæ sedent, stent, flectant genua, caput aperiant, & submittant, ceteraq; eius generis adhibeant. Omnes verò quæ idem faciant. In choro etiam in matutino officio, Clericali birreto, non pileo vtantur, alioquin moneantur à Præsidente chori, vel ab eo, qui proximo loco sedet, & nisi paruerint, pro absentibus habeantur. Faceant somnus, risus, ioci, rixæ, colloquia. Ne vagentur in choro, vel ecclesia. Ne locum mutant, ne occasione quidem genua flectendi. Ne in choro, ubi communi officio

opera

opera datur, priuatim officium dicant. Ne uel litteras, libros, alia uel scripta legant, ne exeant, nisi diuino officio confecto, ne causa quidem de communi re agendi, si necessitas non coegerit, tumq; à Præsfecto uenia petita. Si cum diuina celebrantur officia, sacerdoti, uel clerico, uel ministro, interdum per ecclesiam necessario sit incedendum, grauius, & modestè, id faciat. Neque cum ullo sermonem habet de rebus inanib. Qui dignitates, aut personatus habent, Canonici, & alij oēs qui aliquid in his commiserint; si moniti à Præsidente chori, non respuerint, & horæ illius distributione careant; & pro modo culpæ alias pœnas dent, Episcopi, aut eius, qui ecclesiæ præsit, arbitratu.

- 6 Post diuinum officium in choro flexis genibus, submissa uoce, saltè orationem dominicam dicant. Tum uel surgente, uel signu dante hebdomadario, consurgant omnes. Et inter se consalutantes, & ordine procedentes, simul exeant; & de more ante altare se inclinent. Eodemq; ordine ad sacristiam progrediantur; ubi modestè, & quietè superpelliceu exuant, nō in Ecclesia. Qui secus fecerit, monitus à Præsfecto chori, nisi respuerit, distributionem illius horæ ne capiat, & ab ordinario pro modo culpæ plectatur. Hæc Concilium Mediolanense; quæ, paucis immutatis, Canonicis regularibus facillè accommodabuntur. Quoniã uerò in alio opere, quod paramus, fufissimè omnia ad chorum pertinentia pertractauimus, hic silendum esse censuimus.

- 7 De oratione mentali, & contemplatione, deq; lèctionis fructu tantillum hic attingemus ex Conc. Mediol. par. 3. de monialibus tit. de diuinis officijs, paucis mutatis; quia mentis oratio tanto præstantior ea, quæ solum ore exprimitur, quantò anima est excellentior corpore, pijs incredibile solatium affert, & fructum; eosq; quotidie nouis cumulat muneribus, in Deum quodammodo conuertens: ideo Religiosi præter horas canonicas, aliasq; orationes, quas ex officio habere debet, quotidie in chorum uiuerli conuenientes, nisi necessario impediuntur: saltem per horam, mentalem orationem adhibeant. Semi hora uidelicet post matutinum. Itèq; post nonam, aut completoriũ, sublati ad Deũ mentibus pijs, & salutaribus rebus contemplandis. Præsertim uerò uitam, doctrinamq; domini nostri Iesu Christi, atq; eius sancta mysteria studiosè meditabuntur, passionem uidelicet, mortem, resurrectionem, ascensum in cælum, extremum aduentum ad iudicium. beatorũ gloriam; & damnatorum supplicia, aliasq; eiusmodi, quæ ad Dei gloriam, & propriam, prixi morumq; salutem pertineant. Ut orium, à quo mala omnia oriuntur, euitetur: Religiosi tempus, quod sibi à diuinis officijs, & consuetis orationibus super fuerit, in sacra aliqua lèctione consumant, quæ ad Dei, & sui ipsius cognitionem eos ducat, uiamq; mon-

stret perfectionis, & aeternę vitę, idq; vel separatim, vel coniunctim faciant: cū huiusmodi lectio suavis, & fructuosa sit animarum oblectatio, vitia coerceat, ad virtutes inflāmet. Cōtra autem, inanium librorum lectio mentes corrumpat. Quod ne accidat, Superior monasterij libros perspiciat, & recognoscat, singulos Religiosos in virtute obediētię suos proferre cogens. De oratorio animę sic pertrahat Hugo de S. Victore lib. 3. de claustro animę cap. 10. Congruum esse videtur, vt de dormitorio tranquillę mentis ad pię deuotionis oratorium pertrāseamus. Surgam igitur, & egrediar, ingrediar, & prosternar. Surgam ē lectulo mundę conscientię, vt prosternar in oratione; egrediar ē domo Salomonis, vt Saluatoris templum ingrediar. Qui enim habitat in domo pacis, transire meretur ad beatitudinem aeternę salutis. Attendamus igitur humanam fragilitatem; Attendamus & diuinam pietatem. His enim duobus pedibus itur in templum; his duobus pedibus calcatur caput, & cauda serpentis antiqui, id verō est, elatio, & desperatio. Cū ergo oramus assistentes coram summi iudicis maiestatem, tria sunt consideranda; videlicet insinuatio, captatio, postulatio; vt insinuemus miseriam, captemus beneuolentiam, postulemus veniam. Hic nanque est supplicantium ordo, vt misericordia miseriam respiciat, beneuolentiam diligentia, veniam gratia.

Ad eos, qui diuinis intersunt laudibus, Deoq; psallunt, pia exhortatio. Cap. xij.



Exultate iusti in domino: rectos decet collaudatio; ait David psal. 32. quo in loco aptam psallēdi Deo, eundemq; collaudandi formam nobis tradidit. Gaudendū enim exultandumq; in domino est omnibus illis, qui sestantur iustitiā, & quietatemq; diligunt, sincera, sanctaq; & immaculata lætitia. Eos. n. qui recto sunt corde, benè, vt oportet, cum Deo compositi, decet psallere Deo, Deumq; laudare. Nam & iure possunt, & meritò debent. Possunt quidem, eo quòd in ore ipsorum sit laus Dei speciosa, quemadmodum ē contrario non est speciosa laus in ore peccatoris. Debent verò, quia quantò amplius Dei bonitatem cognouerunt, eiusq; beneficia sunt experti, eo magis laudabilē dominum prædicare tenentur. Impios autem non decet laudare Deum, donec in sua impietate secundum voluntatem persistunt. Omnis. n. qui laudat Deum, quasi præsens assistere debet Deo quem laudat, & cū eo velut colloqui. Non est autem decens, vt is, qui sordibus peccatorum est inquinatus Deo assistat, illiusq; maiestati se abijciat ante oculos. Vnde & psal. 49. scriptum est; Peccatori autem dixit Deus, quare tu

enarras iustitias meas, & assumis testamentum meum per os tuum? Tu verò odisti disciplinam, & proiecasti sermones meos retrorsum. Quapropter si is, qui peccator est, cupiat unā cum iustis laudare dominum, curret primum illis se similem reddere, per poenitentiam abluens immunditiam peccatorum, atque ita demum, speciosam laudem Deo proferet in ore suo. Quoniā non Deus volens iniquitatem tu es. psalm. 5. Tu es. n. Deus, qui turpitudinem peccati, & omnem iniquitatis immunditiam non tantum non diligis, sed habes etiā odio; propter quod eos, qui se ante conspectum tuum exhibere volunt, diligenter contemplari oportet, & peruidere, ne quid forte lateat in occulto, quod oculos tuæ maiestatis offendant. Quoties ministri regij suorum dominorum se aspectibus exhibēt, cunctas quas vel in vestibus, vel in facie gerunt sordes, diluere studiosē conantur, ne quid in ipsis incompositum, aut indecorum appareat, quod oculis Principis sordidum esse videatur. Cōgruum. n. est, ut quicquid sordescit, quicquid deforme est, a se amoveant, ut eorum alliciant aspectus, quibus placere desiderant. Capitur enim plerumque animus ornatu, & pulchritudine rerum. Hanc igitur regulam, hunc quoque morem accuratē tu custodito, qui æterno regi inscruires semel proposuisti. Tibi nanque conuenit ita exteriorem habitum, corporis gressus, morum actus, animæ cogitatus, atque affectus componere, ut nihil in te reprehensibile cognoscatur, cuius causa à Redemptoris præsentia iure repellaris. Plurimum quidem dominus Iesus delectatur gravitate vitæ, cordium puritate, & virtutum perfectione, quas in suis ministris elucere conspiciat.

Propterea quidem angelicam consuetudinem tenere apud se cōtinetur, qui celesti domino gratissimū exhibere famularū exoptant. Magni nempe periculi res est, sordidos, impudicos, & criminibus impletos audere diuinis astare aspectibus, & spirituales Deo promere iubilaciones. Proinde Christi serui, qui die, noctūq; in ecclesia Dei excubias celebrant, qui septies in die Summo Creatori laudes proferunt, diligenter studeant labia habere impolluta, corpora casta, & immaculata corda, ut iucunda, grata, decoraq; sit ipsorum laudatio. Quare priusquam templum domini ingrediantur, Deoq; assistant, ac in laudes diuinas erumpant, vehementi conatu ē suis cordibus, atque ex memoria domicilio omnem abijcient terrenam occupationem, terrenarumq; rerum affectionem; ita ut (si fieri posset) quasi solo spiritu ingrediantur. Reuocanda in unā sunt omnium corda, alioqui dispersa; colligendæ sunt etiam omnes intentiones, ut se inuitantes, verē occinant; Venite exultemus domino, iubilemus Deo salutari nostro, præoccupemus faciē eius in cōfessione, & in psalmis iubilemus ei. Ille enim 94.

psal. inuitatio est quædam fidelium ad laudem Dei concelebrandam, propterea quòd ipse Rex, & dominus sit omniũ supremus, qui omnia fecit, & vbique tam in terra, quàm in mari plenum, & perfectum tenet imperium, qui est omnium fidelium pastor, & curator benignissimus, quique nos à morte saluos fecit, & vita donat sempiterna. Maguũ quidem adiumentum, acutumq; est calcar ad diuinas laudes pure decantandas, si cor ad se redierit, & quid sit acturum, diligenter expenderit. Quicumque. n. absque præmeditata intentione, diuina cantica profert, facillè vagatur mente, & à seipso elongatur, atque recedit: admittit etiã immunda phantasmata. Igitur si cupiueris spirituales, vt decet, persolvere laudes, purumq; Deo psalmodiæ sacrificium offerre, intellige, te coram Dei tribunali esse constitutum, Deumq; tibi præsentem esse, & tanquam amicum cum amico colloqui. Est enim psalmodia quædam Dei ad hominẽ, atque hominis ad Deum, dulcis, læta, & familiaris alloquutio, quæ immensas in se continet delectationes. Idcirco indecorum est, & ab vrbanitate alienum, vt quandiu sacer famulus cum Deo sermonem habet, alio se diuertat, & digrediatũr, qui maximè tenebatur intendere diuinis canticis, eaq; attenta mente audire, & gustare, non secus atque si ipsi soli essent prolata.

- 3 Aduigilanti igitur mēte curet dominicus cantor, vt quod voce protulerit, sensui concordet, atque cōsentiat, seq; coaptet intellectui scripturarũ. Nihil verò de ijs, quæ foris sunt, illo sacro tempore cogitet, nihil appetat, sed sola ei sufficiat redēptoris præsentia, quæ quàm vberima, gratissimãq; satietas est. Quidquid nanq; eo tempore nõ absq; graui, molestãq; importunitate, aut ex impulsione dæmonum, aut ex propria fragilitate in corde sacri ministri obortum fuerit, mox sancti desiderij falce amputandum, arcendumq; est, ne sacrosanctum contaminetur Dei sacrificium. Sed prohdolor, quàm longè alia sunt studia nostra? O quoties nostris diuinarum laudũ sacrificijs intersunt rapacissimæ huius aeris caliginosi volucres, vt ea quamplurimis illusionibus descendent, atque etiã conspurcent? Quas tamen nequaquã abigimus, sed quasi stupidi, nec sanæ mentis essemus compotes, earum suggestionibus aurem præbemus. Multis enim inauditisq; artibus maligni spiritus & obseruant, & insidiantur, vt à diuinæ laudis sancta exercitatione psallentium mētes, & corda rapiant, & suffurentur. Nunc, n. obscenorum phantasmatum fœtorem, immittunt, vt psalmodiæ suauæ sacrificiũ polluant. Nunc verba discindunt, carminaq; intercidũs; nunc oscitantiam, nunc insensibilem somnum inferunt; aliquando etiã omnium membrorum ingerunt lassitudinem, ita vt nullam corporis partem sanam, incolumemq; esse dicas. Quandoque etiam psaltis mē

tem terrena negotia, actaq; secularia ingesta distrahunt, & acerbi duxant, totamq; sacrā modulationem dissipant, & disperpunt. Neque interim tamen id nos aduertimus, aut vel tantillum expendimus; quin potius rāquā rē nihili negligimus. Sanē non dissimiles sumus garulicis auib; quippē qui solo alsistimus corpore, sineq; interiori sensu verba emittimus. In nos ergo iure torquetur illud Mat. 15: populus hic labijs me honorat, cor autem eorum longē est a me. Nam perurgatur mens, cantica sacra nihil degustat, ieiunā prorsus, atque sibi ipsi insipida. Loquitur, sed cui loquatur, ignorat; clamat voce, nec se ipsam intelligit, nec quid dicat, planē percipit. At verō corda etiam, nō tantum corpora, mentis gustum, non solam vocis prononciationem animi affectum, non solū linguę motum a nobis requirit dominus. Ob id sanctus ille cytharedus psal. 46. nos commonefacit, dicens: Psallite Deo nostro, psallite regi nostro, psallite sapienter. Sapienter utique dicit esse psallendum, ut quod ore profertur, mente retineatur, ruminetur, & degustetur. Iuxta illud Pauli 1. ad Cor. 14. Psallam spiritu, psallam & mente. Idq; merito. Nam quicquid in psalmis resonat, quicquid profertur, Spiritus sancti sententia est. Sancti, n. propheta: cœlitus imbuti; diuinitusq; afflati, sancta cantica cōdididerunt.

4. **O** Habent quoque & ipsa sub velamine litterę, & sub verborum cortice admirandas veritates, iucunda mysteria, arcanaq; sacramēta; quę quidem meditationibus, ac cogitationibus tanquā ē paleis grana excutienda sunt, & tanquā suauē vinū de racemis exprimenda. Hęc enim arte gratissima sunt, & mentis palato dulcissima, iuxta illius sententiā. psal. 118. Quā dulcia faucibus meis eloquia tua super mel ori meo. Deficiente verō sanctę modulationis delectatione, nullaq; re suauī animū demulcente, defatigatur omnino noster psalter, & mente, corpore, ac voce prorsus languet, aridumq; relinquitur eius cor. Inexaudibiles quodque efficiuntur, quę in diuinis laudibus aguntur orationes, quādo qui postulant, quid petunt ignorant ob mentis diuerticulum. Ut autem exaudiantur intelligendę sunt; si ad id facultas adsit, ut verō intelligantur, cogitandum est, cui offeratur. Ut autem cogitatione agnoscat, cui pręces offeruntur, ipsius operā inuestiganda sunt; quę sua admirabili excellentia creatoris maiestatem prædicant, & manifestāt. In pręsentia itaque tantę maiestatis iucunda, verecunda, civilis, modestaq; & humilis laus exhibenda est; nō segnis, non remissa, non tepida, non frigida. Alioqui enim ab ipsis etiam sanctis Angelis repellenda est, nec excipienda.

5. **N**am & superbi ciues, sancta quoq; agmina psallentium choris inter sunt, carsentiumq; laudibus plurimū exultant; si tamen distinguē, &

atticulatim, si & attentè, si vigilanter, si ardentè, si concorditer, si humiliter decantentur. Discurrunt nanque inter illos, utpote futuros ipsorum conciuēs, & consortes regni. Comprimunt etiam malignorum spirituum impetus; nec eos sœuiter patiuntur, tãquàm fidiſsimi tuncq; des. Vbiq; verò alacres sunt, vbiq; festiui, vbiq; solliciti, ne diuina interruptantur laudes, ne cœlestia cantica commaculentur. At verò si tepescat eorum affectus, si distrahatur animus, aut oculus doſmâ-
 tet, succensent oscitantibus, nec inuenientes quid Deo offerant; suam illico præsentiā subtrahunt. In ciuilitati igitur, vitiōq; iure vertitur, magna etiā perniciēs est, in angelicorum principum conspectu, irreuerenter psallere, verba rescindere, inutiles cogitationes mente euoluere, cordeq; torpere; id quod si corporeis oculis nobis intueri liceret, omnis profectō noster corporis abscederet, omnis etiā ignauia fugaretur. Venustus nanque aspectus, & suavis ipsorum affatus omnem animi depellunt tristitiam, atque ineffabilem intuentibus conferunt iucunditatem. Rutilant enim, & splendent, immortalitatis candore vestiti, nec minus fulgent, Charitatis diademate coronati. Pulchritudine quippe incomparabiles sunt, fortitudinēq; inuincibiles; Dei visione fruuntur, Dei delitijs pascuntur, Dei dulcedine inebriantur. Sua etiam diuinarum laudum celebritas nullo clauditur sine, nullo euentu mutatur, nullis momentis rumpitur.

6 Veneremur itaque optimi patres, dum in ecclesia Dei psallimus, diuinisq; occupamur laudibus, ipsos cœli ciues, sanctosq; Angelos. Veneremur (inquam) senatores supernæ Hierusalem, cum ipsiq; animi puritate, & alacritate in corde, & ore dño decantemus; inurbani. n. habebimur, si præsentibus Angelorū cœtibus, negligenti, aridoq; corde sacra verba promere tētauerimus. Ferueat igitur diuinum opus, nosterq; ardeat affectus, personet vox, vigilant oculi; & vita concordet, ut merito vnusquisque nostrum dicat ex psal. 137. In conspectu Angelorum psallam tibi Deus meus, adorabo ad templum sanctum tuum, & confitebor nomini tuo domine.

7 Quodnam autem sublimius, nobiliusq; in hac peregrinatione minus nobis contingere potest, quam simili cōsortio Angelorum in Dei laudibus totos versari? Quid itē dulcius, quid uē suauius hic nobis cōdonari potest, quàm eam functionem in terris gerere, quàm sancti cōciues, beataq; cœlorum agmina in cœlis perficiunt, ac peragunt? Ea quidem re a nobis discrepant illi cœlestes spiritus, quod absque illo illis interuallo, nobis autem certis tantum temporibus huic tam strenuo, illustriq; operi vacare licet; eo quod illi reuelatā facie, nos autem sub specie per fidem, & in enygmate Dei gloriā contemplamur; illi
 etiam

etiam tanquam triumphantis Ecclesie honoratissimi duces, puras, ignitas, & perquam maximas summa maiestati laudes afferunt; nos autem pusilli, debiles, atque corporis sarcina pręgrauati, & a domino peregrinantes, mixtis, interpolatisq; laudibus efferimus conditores. Ceterum si vnus cum illis sit nobis laudandi scopus, vnaq; mens; pat desiderium, equa voluntas, quamuis dispar sit laus, erimus tamen aliquando nos etiam iuxta domini pollicitationem, sanctis Angelis similes, cum dominus Iesus cęlestia pręmia est sermis suis largiturus; tunc demum perpetua, perfecta q; decantatione Deum laudaturis. Habemus admirabilem profecto pręceptorem Dauidem, quem in hoc laudum exercitio imitemur, a quo psal. 150. admonemur dominum collaudare in omnibus instrumentis musicis, vt intelligeremus; quod nullis modis, nullis denique artibus Deus dignę satis possit laudari. Ex nimia, n. inflammatione cordis gestientis magnifice celebrare dominum, & quasi inebrietate spiritus raptus propheta, considerans nullum esse laudis diuinę modum, neq; terminum, ipsum in sanctis, in quibus tam mirabilem se, ac gloriosum monstrauit in redemptione, iustificatione, & glorificatione illorum, & in firmamento fortitudinis suę, & in cęlesti palatio, mansione fortissima, in qua cum sanctis sine fine regnat, & gloriatur, in medio Angelicorū exercituum gloriosę residere, & inhabitante iubet, adhibitis omnis generis musicis instrumentis, pro viribus modi humani, quibuscunque fieri possit medijs, collaudare, vt quod agnoscit; neq; corde, neq; ore plenę impleri posse; ad id etiā exteriora corporis mēbra quantum possint, adiuuēt. Sic. n. inquit; laudate eū in sono tubę, in psalterio & cythara, i tympano; & choro, in chordis & organo, in cymbalis bene sonantibus, in cymbalis iubilationis.

3. Postremo hic annotandum censui, verba illa psal. 48. psallite sapienter, nequaquam exigere; psalmos abijs; qui eos proferunt intelligēdos esse, vt idiomaticis latini signaris contingit. Psallere nāque sapienter, est psallere prudenter, cōrdate, cum intellectu, siue attenta mente, quod Hierōnymus ex Hebręo vertit, erudite, quasi cum prudentia, & bono intellectu. Huic autem opponitur psallere insipienter, vel imprudenter, vel in eruditę, & nō attente; absq; intellectu videlicet in attentione eorum, quę canuntur. Quęnam admodum (proh dolor) passim fieri videmus, tam in lectione, quā in cantionibus diuinorum carminum, in quibus (quantum ad oris operationem, & laborum motionem) tam legendis, quā decantandis totos dies infumunt miseri, nihil prorsus eorum, quę labijs terunt, intellectu considerātes. Potest tamen fieri, vt quis sapienter psallat, & intelligibiliter, iuxta psalmi monitionem, qui tamen eorum, quę profert ore, nihil distinctę intelligat; modo Deum iugiter

iugiter habeat ante oculos, illiq; tota mentis acie intendat. Sit. n. (ver-
bigratia) simplex aliquis, aut idiota, qui psalmos quidē memoriter edi-
dicerit, in quibus maxima cōtinentur summi Dei praeconia; nō intelli-
git tñ distinctē psalmorum verba, sed tātum nouit ex doctrina patrū,
huiusmodi cantica, altissimas domini laudes, & veneranda continere
mytheria. Hanc autem ob causā, quorū Deo laudes magnas dice-
re gestis, cantica ista recitat, sciens, quoniam in his laudes magnae ob-
sineantur, ab illuminatissimis prophetis, & viris Deo plenis composi-
ta, cuiusmodi ipse intellectu rudis, & hebes, nunquā posset confice-
re, aut proferre. Qui autem ista sic recitat, & licet quid dicat, distinctē ē
non intelligat, tota tamen mente Deum spectat, & quasi ante oculos
diuinæ maiestatis consilietos, eūq; spectatorem, & lāndū harum ac-
ceptatōe conspiciens, sic illi offert, quae ore proponitur, quasi preciosissi-
ma, & ipsi acceptissima dona. Hūc nihil dubito ego, sapiēter psalle-
re. Quod, n. ore sonat, hoc ipsum in corde habet, nimirū Deū, & eius
praeconia; imō nec hoc dubito, huiusmodi psalmorū, & canticorū pro-
nunciatores subindē Deo sapiētius psallere, quā pleriq; faciant eo-
rum, qui singulos pēne psalmorū apices excusserunt, & intelligunt, ut

9. Acque hec res, magis debet esse consolationi Deo sacratis virginia-
bus, quā ex patrum documentis, & traditione maiorum videmus in
sacris conuentibus decantare idiomate latino psalmos, & alia omnia,
quae ad ecclesiasticū spectant officium; cū plerūque ex eis, ne ver-
bum quidem intelligant eorum quae legunt, ac canunt in templis; asse-
ueramus, n. intelligere eas quod psallunt. Deum enim intelligunt, &
in mente habent, cuius laudes se ore proferre cognoscunt, neq; aliud
mente tenent, quā voce sonant, tamen si nō distinctē intelligāt, quid
verba illa sonent. Alioquin, quorū quisq; est etiam eorum, qui opti-
mē latinum idioma callent, qui cū sacros psalmos, & prophetarum
oracula, aliaq; quae sunt ex sacris libris ecclesiastico officio inserta, ex
Ecclesiae praescripto recitat, distinctē omnia intelligat? Aut quis illud
ad prudenter, sapiēterq; psallendum putet necessarium? Nam si hoc
quis dixerit, nō video quomodo B. Antonius, quomodo hoc vetustiori
senex ille, Paulus, quomodo alij sancti Eremitae, & Anachoritae sapien-
ter peruerint in psalmorum decantatione Deo psallere; quos nequa-
quā putamus singula penetrasse; quae sunt in sacris libris mytheria,
licet diuina reuelatione nonnulla loca intellexerint. Non omnia in in-
telligendo consilunt. Saepē enim maiorem in eis vidēre licet pietatis
affectum, qui minus intelligunt. Præclare Aug. de tertia scribit, quod
eam non intelligendi viuacitas, verum credendi simplicitas eorum imā
facit. Non ergo quantum intelligas, sed quantum credas, & quantum

credendo amas; querit Deus. Fie enim non tardè, ut qui intelligunt, cō-
 temnant; qui non intelligunt, amplius admirentur, & piè magis ad ea,
 quæ non intelligunt afficiuntur, ut non sine causa Christus in parabo-
 lis loquutus esse turbis legatur. Quòd si qui eo animo, vel ad depromi-
 da, vel audienda cātica, & præces ecclesiasticas accedunt, ut suam Deo
 gloriam, laudem, & honorem præstent, deq; percēptis muneribus illi
 gratias peragant, simulq; ea, quæ vel præsentī, vel futuræ vitæ conda-
 ctura sint, ab eo cupiant impetrare; gratissima est hæc Deo in eis ani-
 morum affectio. Quam rem elegāter perstrinxit Cardinalis Stanislaus
 Hosius de sacro vernacule legendō, ubi Originem resem adducit ho-
 milia 20. in Iosue, qui appōsitissimū rationibus, & similitudinibus re
 propositam enodauit. Hæc autem pro simplicium consolatione sint
 dicta; minimè tamen ad illorum excusationem, qui sola verba reci-
 tare contenti, corde diuagantur per castra, ciuitates, & regna, imò
 & per vniuersi orbis latissima spatia a Deo, quem ore laudant, cor-
 de, & mente plurimum elongati.

De Oecono, siue Cellario monasterij. Cap. xiiij.



Insignis est illa Innoc. 3. sentētia in cap. cum ad monaste-
 rium. S. tales, de stat. Monach. &c. Ad vitē, ut decet, con-
 stituēdos monasterij ministros, vel officiales. Tales autē,
 ait ad agenda officia monasterij deputentur, qui fideles
 fuerint, & discreti. Vbi in Oecono, quē vulgo mona-
 sterij Cellarium vocant, fidelitatem, & discretionem, siue prudentiam
 exquirat. Iuxta illud euangelicū, quis putas est fidelis dispensator, &
 prudens, quem constituit dominus super familiam suam? fidelem qui-
 dem Oeconomi esse necesse est, ne monasterij bona furtim surripiat;
 Sitq; tanquā alter Iudas, qui cum esset fur, loculos habebat. Opor-
 tet etiam eum esse prudentem, ut futura mala prospiciens, commodi-
 tatibus monasterij tempore congruo diligenter consulat. Vnde Basi-
 lius Magnus in regulis breuiorib. interrog. 104. & 112. Hac de re ver-
 ba facies, ac explicās, quæ ratio tenenda sit in officiis fratribus delegā-
 dis, docet, ut adhibito pēitorum, expertorumq; consilio, ministros eli-
 gat Antistes; non tamen ex solo ipsius arbitrio. Etenim quæ diu-
 na est procuratio, ea ex Deo ijs committi debet, qui manifestè do-
 cuerint posse se ex domini voluntate assignatū sibi munus admi-
 nistrare. Oportet enim, ut dai munerum dispendiorum com-
 missa distributio sit is, habita ratione habilitatis, & virum cuiusq; ea
 distibuat. Veruntamen repugnare non debet, cui assignatum est, cum
 obedientiam perpetuā retinere vsque ad mortē. conueniat.

Officium

2. Officium verò recti Oeconomi elegantet deſcripſit idem Baſilius Magnus in regulis ſuſius diſputatis interrog. 33. Primum. n. conuenit Oeconomos monaſteriorum eos eſſe, qui illos poſſint imitari, de quibus in actis cap. 4. legimus, ſolitos eos fuiſſe ſingulis diſtribuire, prout vnique opus erat. Secundo, diligenter illud circumſpiciant, vt faciles ſe ad omnes, & clementes prabeant. Tertio, neque ſuſpicionem alicui aliquam contumaceant maioris alicuius erga aliquos beneuolentia, inclinatio niſue animi propenſioris, quemadmodum Apoſt. præcipit ad Timo. 5. nihil faciens in alteram partem declinando: aut contra ſimilitatis, contentioniſq;. Vt ob eam cauſam, & hijs quibus inferiores ſint, neceſſarias res ſubtrahant; & illis, in quos animi inclinatione propendeat, amplius quàm ſit opus, largiantur: quorum alterum fraterni eſt odij, alterum amoris vitioſi, quod eſt vitium maximè inſanabile. Hinc ſuſpitiones prauæ, emulationeſq;, atque obreſtationes clā ſubrepunt. Quamobrem hæc praua animi propenſione, ac ſauore, ſtudioq; contentioniſ, neceſſe eſt, ſe vt liberimos, atq; expurgatos reddant; qui res intus ad fratrum uſus neceſſarias diſtribuant.

3. Et idem author in regulis breuioribus interrog. 148. & inferius, pauca: quædam dubioſa inquiri. Primum, quàm poteſtatem habeat in rebus diſpenſandis is, cui datum eſt negotium Cellarij? Reſpondet; Quod ad eum pertinet, qui illud dedit, quidquid is adhibita deliberatione designauerit, memoria tamen ipſe teneat dominum ipſum de ſe ipſo dixiſſe, non poſſum ego à me ipſo facere quicquàm. Quod verò ad eos attinet, quorum curā ſuſcepit, iuxta neceſſitatem vniuſcuiuſq; ſcriptum eſt. In diuidebatur autem ſingulis, prout cuique opus erat. Rurſus interrogat; Cui iudicio obnoxius ſit Oeconomoſ, ſi hoc munere ad gratiam, aut ſimilitatem fungatur? Reſpondet; Cum nihil faciendum ſit ex animi inclinatione in alterutram partem, & ſi quis videatur eſſe contentioſus, contra Eccleſiæ conſuetudinem, qui talis eſt, is vt aliehuſ habeatur ab Eccleſia Dei, quouſque ſe emendauerit.

4. Præſtanteſ profeſſo Oeconomi formam depinxit S. Benediſtus in Regula tit. de Cellarij monaſterij, dicens: Cellarius monaſterij eligatur de congregatione, ſapiens, maturus moribus, ſobrius, non inultum edax, non elatus, non turbulentus, non iniurioſus; non tardus, ſediti- mens Deum, qui omni congregationi ſit vt pater. Curā gerat de omnibus, ſine inuſione Abbatis nihil faciat, quæ iubetur cuſtodiat, fratres non contriſtet; ſi quis autem frater ab eo forte aliquid irrationabiliter poſtulat, non ſpernendo eum contriſtet, ſed rationabiliter cum humilitate male perenti deneget. Animam ſuam cuſtodiat, mēmor ſemper illius Apoſtoli, quia quibetue miniſtrauerit, gradum bonum ſibi ac-
tuit.

quirit. Infirmorum, infantum, hospitem, pauperumq; cum omni solitudine curam gerat: sciens sine dubio, quia pro his omnibus in die iudicii rationem redditurus est. Omnia vasa monasterij, cunctamq; substantiam, ac si altaris vasa sacrata cōspiciant: nihil ducat negligendum, neque auaritiæ studeat, neque prodicius sit, aut extirpator substantiæ monasterij: sed omnia mensurate faciat, & secundum iussione Abbatis. Humilitatē ante omnia habeat, & cui substantia non est quæ tribuatur, sermo responsionis porrigatur bonus, vt scriptum est, sermo bonus super datum optimum. Omnia, quæ ei iniunxerit Abbas, ipse habeat sub cura sua, à quibus eum prohibuerit, non præsumat. Fratribus constitutam annonam sine aliquo typo, vel mora afferat, vt non scandalizentur, memor diuini eloquij, quid mereatur, qui scandalizauerit vnum de pusillis. Si congregatio maior fuerit, solatia ei dentur, à quib. adiutus, & ipse æquo animo impleat officiū sibi cōmissum, horis cōpetentibus dentur, quæ dāda sunt, & petantur: quæ petēda sunt, vt ne mo turbetur, neq; cōtristetur in domo Dei. Hactenus D. Benedictus.

5 His etiam addēdum est; ne ab æconomo quacunque etiam tortuosa arte, contractus aliqui ficti, aut dolosi in vtilitatem suam, aut cōsanguineorum, aut amicorū circa monasterij bona fiant, siue nomine proprio, vel procuratorio, siue alieno, in pecunia, pānis, blado, vino, æquis, ouibus, vel animalibus, vel alijs similibus rebus. Caueat etiam idem æconomus, ne mutua fraudulenter cōtrahat, nisi prius vrgente necessitate, facta sibi ad id legitima facultate, post solennes tractatus necessarios in capitulo habendos. Quæ duo mala fictorum contractuum, & mutuatorum explanauit, & vetuit Bened. 12. in Const. Canonic. Regularium tit. de fictis, & dolosis contractibus, & tit. de mutuis. Quæ alio loco commodiori inferius à nobis explicabuntur. Et Conci. Oxoniense Anglicanum nu. 44. ait; Districte etiam inhibemus, ne alicui Monacho, vel Canonico Regulari, qui non sit obedientialis, custodia monasterij cōmittatur, ita quod ex longa ipsius mora, vel cōuersatione scandalū oriatur: q̄ si præsumptum fuerit, per Superiorem emendetur.

6 Docet quoque Bened. 12. loco nuper citato de fictis contractibus, ac Abbates communefacit, ne procurent, per quos ecclesiæ, monasteria, & loco alia Religionis ipsius, quibus præsumunt, ac iura, redditus, & possessiones, seu alia bona ipsorum damnificari, grauari, obligari, vel aliàs impediri, seu deperire valeant quouis modo. Huiusmodi enim deperditos, fallacesq; æconomos, seu procuratores, tãquam pestem, & domus calamitatem fugiendos esse censuit. Elegans profectò est in hanc rem sanctio Bened. 12. in Constit. Monachorum nigrorum S. Bened. cap. 18. cui titulus hic præfigitur. Ne seculares depu-

deputentur ad victum Monachis ministrandum, nec Monachi alterius monasterij, aut alterius Ordinis, seu Religionis. Cæterum (inquit) ut viam scandalis præcludamus, prohibemus expresse; ne in ecclesijs, vel monasterijs, seu locis alijs conuentualibus eiusdem Ordinis, seu Religionis, Clerici seculares, vel laici, seu alterius monasterij Monachi, vel Religiosi alterius Religionis ad victum Monachis ministrandum de cetero deputentur, Quidquid autem ad victum Monachis ministrandum in cibo, potu, vel pietantia eisdem Monachis ministrandum existit; singulis eorum die qualibet administretur ad congruentem mensuram, prout erit opus iuxta ecclesiarum, monasteriorum, & locorum ipsorum exigentiam facultatum, & quidquid de administratis supererit, eleemosynæ applicetur per illum, qui ad hoc fuerit deputatus, nec aliquis alius per se, vel alium de refectorio, seu infirmitorio, vel alio loco, in quo Monachi comedent, aliquid extrahere, vel alibi deferre, seu alteri vsui applicare præsumat. Quod si fecerit, pro qualibet vice per duos dies, panis & aquæ, solummodo pœnitentiæ subdatur. Perspice, quæ Monachis in victu supersunt, pauperibus eroganda esse. Nec debere Monachos aliquid asportare.

De magistro Nouitiorum Canoniorum. Cap. xv.

Benedictus 12. in Constit. Canonic. Reg. tit. de Canonic. creatione. Paucula quædam de nouitiorum Canonicorum instructore tradit, dicens; Hij verò, qui creati fuerint in Canonicos, infra probationis tempus in loco, in quo saltem septem Canonici resideant, necesse habeant residere: eisq; idoneus, & fidelis deputetur instructor, qui eos instruere valeat in diuinis officijs, & obseruantia regulari. Eadem verba cōscribuntur in Clemētinæ; ne in agro dominico. de stat. Monach. & Canonicorum Regul. Magni profectò ponderis nouitiorum regimen, & perquàm necessarium, quod proinde non absque rationis delectu cui quàm demandandum est. Nam quemadmodum iter faciens ignotū, ductore eget; ægroto opus est medico, ita adolescenti idiotæ accommodandus est prædagogus, ne Sathanz fallacijs seducatur, & pereat, proinde eligendus est ad hoc munus rectè obeundum is pater, qui discretione sit prouidus, experiētia probatus, compositus moribus, grauitate maturus, præditus honestate, sanctarum scripturarum nō ignarus, erga se austerus, tyroni compatiens, orationi assiduus, corde mitis, eloquio verax, & in spiritu a'li disciplina prouectus. Magnum sanè est huius magisterij pondus, si pigritia detentus, aut inexpertus, aut parum cordatus suos neglexerit nouitios arguere, corrigere, erudire, exhor-

exhortari, & nutrire. Hęc enim noua plantatio, vt fructum afferat, solerti est excolenda peritia. Nam si inculta remanserit, dilatat quidem palmites, sed nulla botrorum vbertate fecundos. Proinde omni sedulitate exercendi sunt in Religione rudes, ne pereffluant, ne torpeant, ne obdurescant, ne suo innitantur sensui, proprioq; ducantur arbitrio; sed tanquam diuino oraculo, suo in omnibus credant pedagogo, ipsiusq; in cunctis obtemperent voluntati. Nolint discernere, quare, sed quid præcipiat; illo neminē iudicent sanctiorē, prudentioremq; ipsum sincerē diligant, & venerentur. Aperiant deniq; illi cogitationes suas, intentiones, desideria, delicta, & gesta. Ad eundem frequenter accurrant, veluti ad nutricem infans, vt ab illo doctrinæ, & cōsolationis suscipiant nutrimenta, spiritualiq; lacte pascantur. Ab eo erudiantur, quare orare debeant, quid meditari, quid legere, quid operari, quantum dormire, quantum abstinere liceat. In eo omniū sit eorum velle, & nolle, atque vniuersa (si fieri potest) ad imperiū peragant præceptoris. Ab aliorum Religiosorum consortio sunt segregandi tyrones, nisi pro loco, & personarum delectu ratio aliud monuerit. Facile quidem labitur, difficileq; eruditur adolescentis animus, qui huc illucq; discurrens, diuersa cum alijs exercet colloquia, & varia percipit documenta virtutum. Nam varij sunt humani cordis affectus, dispariaq; hominū ingenia. Præterea opus est, vt magister benē agnoscat sui discipuli pristinam conuersationem, corporis valetudinem naturalem, & constitutionem, quotidianumq; exercitium. Ipsum etiā latere non debet, quibus tentationum stimulis agitur, quibusuē orationibus reficiatur, agnoscatq; vniuersos interioris, exteriorisq; hominis actus, gesta, sermones, & affectus, ac si proprij essent. Sunt quidem nouitij in via Dei, tanquam arbuscularum virgæ tenerimæ, quæ ad rectoris libitū spontē flectuntur. Sed si semel induruerint, difficile diriguntur.

- 2 Caterū prudēs nouitiorū magister ad suas, vt decet partes agēdas, ea etiam, quæ sequuntur discipulorum instructionē, mente retinebit.
- 3 Cum nouitius Canonicus Religionem ingressus fuerit, diligenter est à magistro admonendus, vt secum cogitet, vnde exierit, & quo se receperit. Exijt quippe de hoc seculo nequam, & virtutum scholam ingressus est, fugit ē medio Babilonis, & seruitute Aegypti, idest de multitudine mundanorum, in quibus abundat confusio vitiorum, de iugo peccati, de ignorantia tenebris, atque caligine prauitatis. Discutiat, ac pendat, in quot vitia, & peccata, in quot errores, & defectus ibi quotidie inciderit, quot mala egerit, quot bona quotidie omiserit; profunda cogitatione intueatur, quanta immanitate animam suā vulnerauerit, idq; tam crebro, vt nec ipse læsiones, ac truncationes ani-

mx suæ senferit, quamq; vilem, iniquam, miseram, atque damnabilem vitam, mortalibusq; vitijs plenam in seculo egerit.

4 Nouitius agnoscat Charitatem Dei vitam esse animæ, sine qua nihil est meritorium vitæ æternæ, ne Deo acceptum. Proinde iugiter sagitare debet, vt in Charitate sit, atq; gratia, idest in statu salutis, & sine peccato mortali vitâ transigat. Id autem efficiet, si diligenter conscientiam examinet apud sacerdotem, in peccatorum sacramentali confessione, vera cõtritione seipsum accuset, desiccat, atq; deploret; sacrosanctamq; Eucharistiam adhibita ratione, tremebundus suscipiat.

5 Nouitius mente recondat illud ecclesiastici 2. fili accedens ad seruitutem Dei, sta in timore, & præpara animam tuam ad tentationem; Paulus quoq; ait 2. ad Thim. 2. non coronabitur, nisi qui legitimè certauerit. Ne igitur à tentatione vincatur, hæc obseruabit documenta. Primum, propriam fragilitatem, & insufficientiam agnoscens, ad Dei auxilium confugiat, ipsum in adiutorem indefinèter inuocet, proprijs viribus, ac meritis nequaquam superbiat, veramq; animi humilitatem amplectatur, se ipsum despiciens, imò nihili faciens. Secundum, omnipotentis Dei perpetuam præsentiam, iudicium, vindictam, præsertim æternam damnationem prudenter consideret, ac vehementer formidet, & vereatur; intelligens dæmonis machinantis astutas artes, sanctorumq; triumphos, quos aduersus dæmonem, mundum, & carnem, sunt assequuti. Tertium, in principio tentationis, præsertim carnalis, generosè resistat, oculos mentis, & corporis, imaginationem, atque memoriam à veneris rebus diligenter auertens, breuitatemq;, & incertitudinem vitæ præsentis præ oculis habeat. Quartum, ea omnia, quæ mente versantur, & latent, viris cordatis, bonisq;, ac religiosis insinuet, eorumq; consilijs, & doctrinis obtemperet, sic enim fiet, vt fraudes dæmones, & laqueos detegat.

6 Inter omnia autem tentationis remedia, primatum obtinet Iesu Christi domini nostri passionis diligens consideratio. Si, n. ordinis, aut obseruantiarum difficultate, atque rigore compressus, crucem tuâ ferre non potes, diligenter considera sanguineum sudorem in agone emissum, tristitiâ vsque ad mortem, graue crucis patibulum, proprijs humeris gestatum. Si carnis, aliarumue voluptatum desiderio tentaris, perspice tenerrimâ Christi carnem, ad costarum vsque patefactionem flagellis dilaniatam, manuum, pedumq; transuerberationem clauis factam, caput spinis coronatum, arundine cæsum. Quod si te ambitio capiat, aspice Christum propter te abiectionem plebis, opprobriumq; hominum factum, alba veste illusum, purpurea subinanatum, vultu consputum, & blasphematum, ac tandem vt vilissimum, sceleratissimum

ratissimumq; vniuersorum hominum occisum . Si grauis tibi videtur abstinentiæ rigor, & delicatiori cibo tentaris, & potu ; memoria repetè, quemadmodû crucifixoress in escam suam dederint sel, & in siti sua aceto potauerint. Si motus superbiæ, aut iracundiæ propter illatas tibi iniurias, aut ingruètes aduersitates te inuaserit, superiora cõsidera, quàm patienter Christus pertulerit, & coram Pilato miti corde, silenti ore falso accusatus, nec verbum responderit. Si te inuidæ pulsât stimulus, memineris Xpm cruci affixû, mortiq; vicinû pro crucifixorib. suis Deum patrè orasse. Cetera ad hunc modum piè contemplaberis.

7 Canonicus nouitius prudenter curet, vt rationabile , ac discretû sit suum obsequium: nec immoderatis vigilijs, abstinentijs, aut similibus exercitijs citò frangatur. Ita vt iter religiosæ peregrinationis facere, continuareq; nequeat, sed Religionis onera paulatim ferre , atq; subire discat, & assuescat.

8 Nouitijs in suo nouitiatu non admodum vacat lectiõni , ac studio incumbere. Sed ea quæ Ordinis sunt, tenentur diligenter addiscere, vt cantum, psalmodiam, cœremonias, obseruantiasq; regulares. Id quod Bened. 12. in Constit. suis loco citato paucis complexus est , dicens: Eisq; scilicet, nouitijs idoneus, & fidelis deputetur instructor , qui eos instruere valeat in diuinis officijs, & obseruantia regulari. Statutis tamen horis in loco secretiori conscientiæ suæ sint intenti, beneficia Dei recolentes, priora pericula, & peccata horrentes; eaq; legant, quæ salubria, & suo proposito accommodatiora iudicabuntur. Vt potè ea, quæ compunctionem inducunt, deuotionem, seu pietatem nutriunt, & inflammant, timorem Dei in corde stabiliunt, & quæ ad vitiorum horrorem, ad mundi contemptum, ad sui ipsius aspernationem , & humiliationem vehementius incitant, atque erudiunt . Ea quoq; , quæ efficacius docent ordinem spiritalis profectus , reformationem passionum, remedia , ac triumphum tentationû , & exercitationem internam . Porro libri his rebus conuenientiores sunt moralia Gregorij , volumina Cassiani, quæ probata fuerint, & Climaci sermones , & tractatus Bernardi, ac quædam moralia Hugonis , & Richardi de S. Victore. In quorum numero iure recensendus est contemptus mundi à Thoma Campensi Canonico Regulari editus . Vulgari etiam idiomate conscripti quidam libelli, huic rei non inepti , circumferuntur ; ex quibus omnibus enumeratis paucos quosdam eliges , qui facilius ad manus tibi peruenerint . Ea tamen arte perlegendi sunt, vt non varia percurras, nec plurima folia singulis diebus euoluas; sed quæcunque legeris, ruminabis, excuties, & ad emendationē tui ipsius menti accuratè cõmittes. Sic. n. fiet , vt illud Paulinum 2. ad Thim. 3. verè in te compe-

tar; omnis scriptura diuinitus inspirata, utilis est ad docendum, ad arguendū, ad corripiendū, & ad erudiendum: vt perfectus sit homo, ad omneq; opus bonum instructus, ac promptus. In hoc argumento vigilanter scripsit Dionysius Carthus. in exortatorio nouitiorum.

9 Negligenda verò non sunt, quæ hac de re Conc. Mediol. par. 3. de Monialibus tit. de Præfæctis, paucis immutatis tradidit. Nouitiorū curam solus magister electus, loco à ceteris Religiosis separato habeat. Alius præterea nullus. Hic nouitios in timore, & cultu Dei, & in obseruatione Religionis erudiat. Coneturq; & vitæ exemplo, quæ nullam habeat ansam reprehensionis, assiduusq; admonitionibus, ita eos instituere in spiritualis, & sanctæ vitæ ratione, vt progrediente, Deo adiutore, perfecti eius famuli possint euadere. Qui autem sibi id temere assumpserit, vt aliquem ex nouitijs erudiat, ius ei suffragij adimatur: vt neq; eligere, neque eligi possit, quàm diu Superiori placuerit.

10 Præterea enitendum est, vt iuuenes nec vitij succumbant, nec increpationibus rebelles sint, ob idq; adolescentibus præsertim fugienda est occasio mali. Petulantem. n. vigorem ætatis non faciliè à voluptatum obseruabis incurfu. Ait etiam Chrysostomus; Adolescentes à lasciuiâ seuocare, difficilè bellum. Studiosa igitur nouitiorum iuuenū educatio enixè curanda est. Lycurgus is, qui Lacedæmonijs leges cōdidit, cū conaretur ciues suos, à moribus corruptis ad temperantiorē viuendi rationē traducere, eosq; virtutis, & honesti studiosos reddere; duos educauit catulos, eodē patre, eademq; matre progenitos; quorum alterum passus est domi lautioribus vesci cibis, alterum educatum venationibus exercuit. Deinde cū ambos produxisset in forū apud multitudinē, posuit illic spinas, simul & escas aliquas delicatiores; mox emisit leporem; cū vterq; raperetur ad assueta, alter ad escas accurreret, alter leporem inuaderet. An non videtis (inquit) ciues, duos catulos, cū eiusdem sint generis, tamen ob diuersam educationem admodum dissimiles inter sese euasisse, plusq; ad honestatem momenti habere exercitationem, quàm naturam? Quod autem ille fecit in ciuitate, hoc cuique moderatori in suo grege faciendū est, res quidem efficax est natura, sed potentior est institutio, quæ malam naturam corrigit, & vertit in bonam.

11 Quicunq; sub tyrocinio adhuc instruitur, hac se institutione præmuniat, vt nunquàm sibi persuadeat, plurimum se in perdiscendis Ordinibus documentis profecisse, ac promouisse. Quanto. n. quis amplius in sapientia scrutatur Dei mirabilia, tanto videt sibi plus superesse, quod inquirat adhuc, & inuestiget vterius. Quantò autem quis sibi plura deesse videt, quæ ad cognitionem sapientiæ spectant, tantò se minus sapien-

sapientem reputat. Cùm.n. id quod apprehendit, admodum modicū,
& id quidem tenuitèr cognitum, confert sapiens cum ijs, quæ aduertit
nondum sibi nota esse, sibiq; adhuc cognoscenda restare, iudicat pend
nihil esse quod nouit comparatione eius, quod ipsum latet. Huius rei,
quam tractamus, ad oculum videmus quotidianam experientiam. Cū
quis professionem aliquam ingressus fuerit, & paullulū quid in ea ap
prehendere cœperit, statim in sese inflatur, & intumescit, tanquā si
die crastino sit accepturus perfectionem vltimam eius professionis,
tanquā qui omnia iam teneat, quæcunq; illa tradit. At verò, vbi post
longum exercitium profundius omnia peruestigauerit, & in secretio
ra eius professionis penetrauit, incipiet seipsum ridere, qui prius tan
tam sibi scientiæ, sapientiæq; opinionem vane induerat, tunc intelli
get, quā procul non solum nuper abfuerit, verū etiam nunc absit
ab illa perfectione, quā se adeptum existimauerat. Sic plerunq; di
scipuli post prima accepta professionis initia, multò se sapientiores iu
dicant, quā ipsi professores. Nimirū quia ignorant illi, quæ sibi adhuc
desunt, quod isti, pbè norunt. Facit. n. (quod mirabile est) sapiētia insi
pientiæ existimationē: contra verò insipientia, persuasione sapiētiæ.

11 Monendi sunt etiam Religiosi iuuenes à suo præceptore, aut etiam
Prælatò, vt dum tempus habent ad seruiendum Deo. opportunissimū,
fidelem in Religione ei præstent famulatum, quā profectò admonitio
ne vehementer opus est plerisq; adolescentum, qui Dei timore post
posito, totos se dedunt mundo, carni, dæmoni, malo, æstimantes ætatē
Deum id condonaturum, quod in adolescentia malè viuant: meliorē
autē vitā proponunt, vel somniant verius se acturos, cū ad ætatē
venerint prouectiorem, voluptatibus, & mundo abiuratis. Quasi verò
ipsi in manu sua habeāt cursum vitæ suæ, quasi promisso, aut iure iuran
do certos illos reddiderit Deus, quod ad senectutem sint peruenturi,
aut quasi post omnem vitam in voluptatibus sine Deo transactam, tan
dem in senectute vetera omnia, in quibus cōsenuerūt, facillè sint abie
cturi ex animo, ac Deo tum demum, quod nunquā didicerunt, per
fectè vacaturi. Hos quidem sollicitè monendos cēsuit Ecclesiastes cap.
12. vt non vsque in senectutem differant seruire Deo; sed iam inde ab
adolescentia, satagāt in conspectu illius ambulare. Memento (inquit)
ò adolescens creatoris tui in diebus iuuentutis tuæ, idest Deum ante
oculos semper habeto, & coram illo vias tuas omnes dirigitò, & non
tantum vitæ partem aliquā, eamq; prorsus ineptam, & miseram,
qualis senectus est; sed totam potius ipsam, quantumuis longam Deo
dedicato; potissimum verò eius viuendum florem, qui est tempus ado
lescentiæ; siquidem opera bona, quibus in adolescentia studemus pla

cere Deo, primitiæ sunt vitæ nostræ. Primitijs autē eximiè semper oblectatū esse Deum sacræ litteræ pluribus in locis testantur; quibus nos filij gratiæ docemur, quòd primitias vitæ nostræ, actionumq; nostrarū à nobis Deus requirat. Quapropter stultissima est illorum sententia dicentium, necessarium esse, vt quilibet hominum semel in vita insaniat, iuxta vulgatum illud; semel insaniuimus omnes. Atque ita boni consulunt, si adolescentes viderint in ætate illa florida perditè viuètes quasi necessitas sit ineuitabilis, partem vitæ malè transigere. Qua sententia quid insanius possit à Christiano proferri? quid magis virtuti aduersum, & toti Christianæ reipublicæ noxium? quid magis scripturæ omni sacræ, atque etiam morali doctrinæ contrarium possit cogitari? Nam vt sacras litteras omittamus, nemini non est nota celebris illa Aristotelis, atque adeò ceterorū omnium Philosophorū, qui de moribus præceperunt sententia; non parum referre, iuuenem à teneris annis sic, aut sic assuesieri. Abeant verò in malam crucem huiusmodi perditores iuuenum, peruersi iudices consiliarij insipientes, innocentis ætatis perditissimi corruptores; suspendatur ijs, qui scandalosa ita docent, mola asinaria ad collum, & in profundum maris submersi pereant. Nam id expedire magis Saluator docuit, quàm vt pusilli scandalizentur in eis. De institutione nouitiorum vtilissimum libellum conscripsit Hugo de S. Victore tom. 2. suorum operum; actuum, locorum, temporum, & personarum rationem obseruandam tradens, disciplinamq; in habitu, gestu, locutione, silentio in mensa, cibo, & potu custodiendam explicans.

De Doctore Canonicorum studentium in monasterio. Cap. xvi.

I



Vtilissima sanè est Concilij Colonienfis sub Hermanno 5. Constitutio illa, quæ docet habendū esse in virorum monasterijs virum pium, ac doctum, qui doceat Religiosos ab adolescentia meditari in lege domini die, ac nocte. Ob eam. n. rationem in Clem. ne in agro. §. ad ampliationem, de stat. Monach. vel Can. Reg. constitutum legimus sub his verbis. Rursus vt ipsis Monachis proficiendi scientia via opportuna non desit: in singulis ipsorum monasterijs, quibus ad hoc suppetūt facultates: idoneus teneatur magister, qui eos in primitiuis scientijs instruat diligenter. Vbi glossa inquit, si Abbas hoc non seruans, dicit facultatem non sufficere; Episcopus facta de hoc inquisitione, si inueniat illas sufficere, illum coget ad hoc; vel ponet ibi magistrum. Huius Pontificis Clementis 5. vestigia secutus Bened. 12. in suis Constit. tit. de studentibus in ecclesijs, vel monasterijs, ad hunc modum statuit.

Quoniam

Quoniam per exercitium lectionis, studentes litterarum scientijs imbuuntur, nos cupientes, vt viri Religionis eiusdem in primitiuis, & deinde in diuini, & Canonici iuris scientijs instruantur.

- 2 Statuimus, q̄ in qualibet ecclesia Cathedrali, monasterio, locouē alio cōuentuali, seu collegiato dictę Religionis, cui ad hoc suppetēt facultates: habeatur magister, qui canonicos doceat infra septa locorū, in scientijs primitiuis, videlicet Grāmatica, Logica, & Philosophia.
- 3 Prouiso attentius, vt scholares instruendi cum ipsis Canonicis docēdis in eisdem monasterijs, siue locis nullatenus admittantur: In ecclesijs tamē Cathedralibus Religionis eiusdem infra super hoc edita obseruentur. Prouideatur autem quotidie dicto magistro, si alius quāam Canonicus eiusdem loci fuerit, sufficienter in pane, & vino, & pitantia per illos, qui talia tenentur in eadem ecclesia, monasterio, siue loco Canonicis ministrare. Eidem quoque magistro pro vestimentis, & calciamentis, ac salario suis, congrua pensio assignetur. summā xx. librarum Turonen. paruorum nequaquam excedens, quę de infra scripta communi contributione soluatur, donec pro ea certis, & perpetui reditus fuerint assignati. Si verō in locis prædictis Canonicus ad huiusmodi institutionem sit idoneus; ipse per Superiorem suum, ad quē hoc pertinuerit, deputetur instructor, & ad hoc si necesse fuerit, compellatur. Cui quidem instructori Canonico, vltra victum, & vestitum, pro libris emendis, & alijs necessitatibus suis iuxta dispositionem Superioris sui decem librę paruorum Turonen. assignentur. Prælati verō, seu alij, ad quos spectauerit, Canonicos instruendos dociles, tam de capite, quā de mēbris, cū consilio seniorum eligere, & de ipforum certo numero, ac de locis, & tēporibus, quibus lectionibus, quibusuē diuinis officijs, seu obsequijs alijs opportunis intēdāt, ordinare pure, & prouidē teneātur. Si tamen dicti Canonici instruendi teneri, & instrui cōmodē in loco prouinciali nequiuierint, & propter hoc fuerit hactenus consuetum, ipsos instruendos in aliquo de membris ipsius loci teneri, atque instrui, non intendimus circa hoc, dummodo ibidem vigeat obseruantia regularis, aliquid immutare. Possint autem præfatus magister, seu instructor, & instruendi, cum consilio seniorum, prout expediens visum fuerit eis, ad quos pertinuerit, remoueri, & per eos locos eorum, qui remoti fuerint, alij subrogari. Præcipimus insuper cunctis Visitatoribus in prouincialibus Capitulis deputatis, quod ea quę sunt de magistro, seu instructore, & personis instruendis, & alijs circa hoc superius ordinata, faciant auctoritate Apostolica, per censuram ecclesiasticā, & alia opportuna remedia, appellatione remota, firmiter obseruari. Et nihilominus ea, quę super præmissis fecerint, & inuenierint,

rius, Præfidentibus Capitulo prouinciali referant, qui etiã auctoritate Apostolica, si eis vel maiori parti ipsorum visum fuerit, contra negligentes, vel rebelles in præmissis procedant, sicut viderint expedire:

4. **Hac eadem de re sacrum Conc. Trid. sess. 5. cap. 1. sic decernit.** In Monasterijs quoq; Monachorum, vbi commodè fieri queat, etiam lectio sacræ scripturæ habeatur; qua in re si Abbates negligentes fuerint, Episcopi locorum, in hoc vt Sedis Apost. delegati, eos ad id opportunis remedijs compellant. In Conuentibus verò aliorum regularium, in quibus studia commodè vigere possunt, sacræ scripturæ lectio similiter habeatur. Quæ lectio à Capitulis generalibus, vel prouincialibus assignetur dignioribus magistris. Luculenter profectò rem hanc interpretatur Concilium prouinciale Camaracense sub Maximiano Archiepisc. rit; de lectionibus Theologicis in capitulis, & Monasterijs, sic inquit; Clerum rerum sacrarum nõ prorsus imperitum esse necesse est, scilicet vt reliquis dux esse, lucemq; diuini verbi præbere possit; ac maximè, vt diuinarum scripturarum delitijs oblectatus, & imbutus, voluptates, & illecebras carnis oderit, & obijciat; malitq; pæne patris familias educari, quàm porcorum filiquis, & glandibus obrutescere. Quare decretum sess. Trid. Synodi prorsus seruandam S. Synodus denunciât. Præcipit itaque in collegijs, atque monasterijs doctos viros constitui, qui Theologiam doceant; quique in eo præstante eum ordinem teneant, qui maximè auditoribus sit commodus, vt lectionis adminiculo non doctiores tantum, sed probiores euadant. Curent autem Episcopi cum capitulis, & monasterijs, quacunque ratione commodius fieri queat, proposita, siue pœnâ, siue præmio, vt frequens sit auditorium. Qua in re plurimum valebit docentis industria, si sit efficax in docendo; vt nõ tantum rem exponere, sed auditorem dicendo retinere, & oblectare possit. Relinquatur autè Episcoporum, Capitul. & Abbatum iudicio, quâ hora, quibusuè diebus sit prælegendum.
5. **Rursus idem Bened. 1. inuit;** de intendendis ad studia generalia inquit; Quia verò expedire dignoscitur, vt iidẽ Canonici postquam in sciètijs primitiuis fuerint eruditi, ad sacræ theologiæ, vel canonum transseant facultates; statuimus, vt monasteria ex quolibet vicenarij numero Canoniconum vnum Canonicum aptum pro huiusmodi sciètijs acquirendis ad generalia, seu solennia studia mittere, & cuilibet mittendorum teneantur de pensione annua prouidere. Huiusmodi autem vicenarium numerum sic volumus computari, vt videlicet illi dumtaxat Canonici numerum ipsu efficiant in hoc casu, qui fuerint in ecclesia, vel monasterio, vel loco aliquo principali, & in loco alio ei subiecto, habente octo, vel plures Canonicos præter Priorem, seu administratorem

Aratorem loci subiecti, & ipsorum cum Canonicis eiusdem ecclesie, monasterij, & loci alterius principalis, in computatione, ac missione huiusmodi coniungantur. Quod si forsan ultra dictum numerum vicenarium aliqui superessent, qui tamen vicenarium alium non complerent, non tamen propter hoc arctentur aliquem mittere ad studia prelibata. Eligantur autem ipsi Canonici mittendi, prout ad sacras Theologie, vel iuris canonici scientias, seu magis ad vnam, quam ad alteram, aptiores, qui poterunt inueniri. Sic tamen, quod si tot apti reperiantur pro ipsius Theologie studio, ad minus medietas mittendorum pro ipso Theologie studio designetur. Et qui electus fuerit ad vnam de his scientijs, ad aliam proprio arbitrio nequeat se transferre: quod si fecerit, de studio reuocetur. Hæc Bened. 12. reliqua verò ob nimiam prolixitatem rescamus. Eadem de re egit idem Bened. 12. in Constitut. Monachorum nigrorum cap. 6. 7. & 8. electio autem studentium, ad Prælaturum, & Capitulum simul pertinent certo electorum numero ab vtraque parte assignato. Scientie ergo Religioni conuenientes sunt Theologia, & iuris Canonici peritia. Sunt enim pietatis scientie.

6 Primum igitur notandum, audiendos non esse eos, qui scientiarum cognitionem à religioforum claustro depellunt: vt. n. inquit Panor. in cap. non magnopere, ne Clerici, vel Monachi secularibus negotijs se immisceant, nu. 7. Ex scientia bene percepta, multa, & infinita bona proueniunt Ecclesie, etiam vniuersali, quæ ad suum regimen viris literatis maxime indiget: vt asserit tex. in cap. cum ex eo, de elect. lib. 6. Dixit quoque per prophetam Deus: quia tu scientiam repulisti, & ego te repellam, ne fungaris sacerdotio. Et Hieronymus ad Rusticum Monachum inquit, si clericatus titillat desiderium, dicas quod possis docere: ne sis miles, antequam tyro: ne prius magister antequam discipulus. Mihi placet, vt sanctorum doctorum habeas cõtubernium. Nec ipse te doceas, & absque doctore ingrediaris viam, quam nunquam ingressus es.

7 Iudicio tamen meo plurimi facienda est sapientis viri, Io. Andreæ sententia, quam Panor. ibidem citat aduersus quosdam litteratos superbos, quibus utilius multo fuisset, si humilitate ornati, in claustro permansissent. Nam cum ex scientiarum cognitione profundior humilitatem addiscere debuissent, scientijs intumescunt, & litteris alioqui pijs, & sanctis turgidi, superbie supercilio assumpto, abiecta sacra humilitate, impie euanuerunt: Ex horum superbiorum numero sunt, qui contra proprios Abbates, aliosque Prælatos insurgunt, & tragadias excitant. Obedientiam prorsus ignorant, difficiles, vt ab alijs gubernentur existunt, atque rebelles, gubernari oderunt, gubernaculum vero vehementer appetunt, Prælatos, eorumque ministros facile contem-

nunt. Vnde monasteria non mediocria damna sibi contraxerunt, quid enim utilitatis monasterio accedit, si superbis, superciliosisq; doctoribus sit plenum, qui rectam monasterij gubernationem impendant, quam promouere debuissent?

- 8 Memoria igitur semper ab honestis litteratis Canonicis retinenda est Paulina sententia ad Cor. 8. scientia inflat, Charitas verò edificat. Vbi Chrysostomus sic philosophatur; Ambitiosa anima cum aliquo gloriatur, & si alios in eo la dat, maiorem id in modum amplectitur, propter inanis gloriæ nimiam cupiditatem. Nam qui aliquid magnum, bonum uē habent, cum id soli habent, magis efferuntur. Hac igitur clausula eorum contundit superbiam, ostendens, nō modo imperfectum esse, sed valdē imperfectum: neque hoc tātum, sed & noxium, nisi ei aliud sit coniunctum. Itaque cum Charitate non munitur, vertitur in stultitiam. Nam qui scientiam habet, Charitatem verò minime, non modo nihil consequetur scientia, sed quā habet, amittit, & sapenumero in dementiam vertitur. Itaque non hoc prohibeo (inquit) ut perfectam sciētiā habeamus, sed cum Charitate habendam præcipio: quoniam ipsa sola nullum lucrum affert, sed detrimentum. Ex quo & seditiosi homines sūt, & superbi, & ceteris affectibus obnoxij. Hæc Chrysostomus. Igitur qui scientijs incumbunt, sic eruditionem amplectantur, ut humilitatem, quæ Religionis firmum est fundamentum, non exuant; sed Charitatem foueant, quippe qui alijs in eruditis, tanquā lucerna in Religionis candelabro constituti, imō ut fulgens sol, relucere tenentur.

De Priore claustrali, vel Subpriore. Cap. xxy.



- 1 **N**exordio huius capitis præmonendum est eum, qui in monasterio Canonicorum Regularium Prælati vicem gerit, de quo in præsentia sermo habetur, ubi Prælatus est Abbas, Priorem claustralem vulgo nuncupari; ubi verò Prælatus monasterij est Prior, & qui Prior conuentualis ad differentiā Prioris claustralis iure appellatur, Subpriorē dici. Quam rem Concilium Tridentinum sessione 25. de Regularibus cap. 20. explicauit, dicēs; Priores claustrales, aut in Prioratibus cōtinētum habentibus, Subpriores, qui correctiones, & spirituale regimen exercent, in monasterijs commendatis, à Capitulis generalibus, vel ipsorum Ordinum Visitatoribus instituendos esse.

- 2 Quibus autē virtutibus, qualitatibusq; ornatū esse oporteat Priorem Claustralem, vel Subpriorem, explicat Innocentius 3. in cap. cum ad monasterium. §. Prior autem, de stat. Monach. his verbis. Prior

autem

autem præ ceteris: post Abbatem potens sit in opere; & sermone: vt exēplo vitæ, verboq; doctrinæ fratres suos, & instrere possit in bono, & à malo etiā reuocare: Zelū Religionis habens secundū cōscientiā, vt delinquentes corripiat, & calliget: Obedientes foueat, & confortet.

3 Vberius verò id ipsum locupletauit Bened. 12. in Constit. Canon. Reg. xij. de Priore claustrali constituendo, dicens: Vt autem dicta Religio salubriter in omnibus dirigatur, in Ecclesia, seu monasterio, locouē alio collegiato, seu conuentuali religionis eiusdem Superiorem dictæ Religionis non habente, ac etiam in quolibet collegio, seu conuentuali loco duodecimū, vel maiorem numerum Canonicorū habēte, etiam si Superiorem in ipsa Religione habeat, necnō in loco alio etiam minorem duodecimū numerum habēte, in quo Prior claustralis esse consueuerit, constituatur huiusmodi Prior claustralis. Dictaq; Prioris constitutio fiat per illum, seu illos, ad quem, vel ad quos pertinerit, cum consilio aliquorū seniorum illius loci, in quo constituetur; attentius prouidendo, quod persona, quæ zelum Religionis ordinatum habeat, quæuē exultat idonea ad exercendum Prioris claustralis officium in loco, in quo constituta fuerit, assumatur.

4 Dictus verò Prior, cum eum abesse, vel sic impediri cōtigerit, quod incumbens sibi officium per se nequeat exercere; teneatur aliquē ex Canonici dicti loci, ad hoc idoneum deputare, qui huiusmodi absentia, vel impedimento durante, vices ipsius gerat, nisi alicui ex privilegio, seu statuto, vel consuetudine ratione dignitatis, personatus, vel alterius beneficij præmissis casibus gerere vices huiusmodi competere nosceretur, vel nisi dicti Prioris Superior aliquē ad hoc pro ipso Priore duxerit deputādum. In loco autem, in quo secundū præmissa Prior claustralis minimē fuerit statuendus, Præsidēs tali loco cū ipsum impediri, vel abesse cōtigerit, vt de Priore claustrali præmittitur, teneatur aliquem loco sui, quo ad ea, quæ ad officiū Prioris claustralis pertinent deputare.

5 Per hoc autem quòd volumus constitutionem dicti Prioris fieri de consilio seniorum, non intendimus circa amotionem ipsius de pristina obseruantia aliquid mutare.

6 Eadem de re Basilus magnus in regulis fusiùs disputatis interrog. 45. sit definit. Verum n. quoniam incidit sepe numero, vt vel ob valetudinis imbecillitatem, vel peregrinādi necessitatem, vel aliā quāuis ob causam abesse à reliquorū fratrum conuentu necessariò Antistes cogatur; alius etiā esse præter ipsum debet, qui cū ipsius, & ceterorū etiam fratrum diligenti animaduersione, circumspectioneq; adhibitis, ad hoc electus sit, vt absente illo curam in se conuentus recipiat.

- 7 Ut & qui remanserint, vnius cōsilio gubernētur; neque absente magistro, ad formā quandam popularis reipublicæ status familia tradatur, atque eo modo regula, & traditæ disciplinæ seueritas imminuatur. Sed quæ de communi omnium sentētia adscita, à cuncto collegio instituta fuerint, ad Dei gloriam conseruentur.
- 8 Ut sit, qui accedentibus ad nos hospitibus prudenter sciat respondere: quo videlicet, & qui aliquid audire à nobis desiderant, pro proposito argumenti dignitate ædificentur, & commune fratrum collegiū neutiquam dedecoretur.
- 9 Ne omnes sine vllō discrimine, absente Antistite, ad dicēdum profliliant. Nam præterquā quòd tumultus causa est, etiam signum est perturbatæ disciplinæ. Sed hoc substituti Prioris claustralis interfit: etenim si vbi de corporū curatione agitur, non temerè quemuis medicamento, ferramentouē vti videmus: sed illos tantummodo qui medendi artē teneant, quā & à peritis ante didicerint, ac doctricæ multiplici experiētia, & assidua meditatione expoliuerint; quæ ratio permittit, vt ad curationem spiritualem temerè quiuīs, qui velit, assiliat? Cautio igitur habenda est, vt munus hoc peculiare sit alicuius, qui melius id ipse præstare possit, quā ceteri.
- 10 Quòd si etiam incidat, vt substitutus quidpiam ignoret, illudq; alteri occurrat, non propterea tamen cui illud occurrerit, is confestim proflili, ac palā arguere illū debet. Sed seorsūm arbitris femotis, qđ sibi occurrerit de eo ipsum admonere. Quòd si hoc non ita fiat, qui inferiores sunt, ij elatiores fieri aduersum Superiores solent. Quapropter esto commodè aliquis responderit, tamen si responsio ad illū non pertinebat, pœnis is tenetur obnoxius violatæ disciplinæ. Nam conseruandæ disciplinæ causa tenere silentium debet.
- 11 Postremò notandum ex glossa in verbo Prioratus, in extrauaganti, execrabilis quorundam, quæ est inter communes (sub tit.) de præb. Subprioratus, siuē Prioratus claustralis, vt communiter nullas administrationes, seu temporales prouētus habet: sed solummodo spiritualem iurisdictionē, seu officiū in personas Monachorū, Abbatibus dūtaxat absentibus, & in eorum defectu: & sic potest dici officium sine administratione. Item non sunt perpetui, imò de die in diem omnes isti remouentur pro nutu, cum causa, vel sine causa. Præterea Subprior non est Prælatus, Priore nec mortuo, nec amoto. Nec Vicarius Prioris; quia non habet iurisdictionem ordinariam. Hæc docet Siluester in verbo Prælatus. §. 2. & 4.

De munere Prælatorum Canonici ordinis. Cap. xvij.

Rauissimum quidem esse, ac difficillimum Abbatum, aliorumq; huiusmodi Prælatorum Canonici ordinis, quocumq; nomine censeantur, munus, & regimen, quis vel ignarus, stupidusq; homo non videat? maximè verò, si quis nostra hæc calamitosa, corruptaq; tempora contempletur: in quibus nonnulla monasteria conspiciet, ubi regularis disciplina, aut certe abolita, aut etiam semisepulta iaceat; nec vestigiū Religionis vix appareat; oues verò Abbatibus cōmissæ, eius sunt generis, vt non corruptibilibus auro, & argento, sed pretioso suo sanguine à domo nostro Christo Iesu sint coemptæ: quas proinde idē Dominus in die iudicii ē manibus Prælatorum est exquisiturus; huius rei eos Gregorius admonet homilia in Euangelium boni pastoris Ioannis 10. Audistis fratres charissimi ex lectione Euangelica eruditionem vestram, audistis & periculum nostrum. Christus. n. suæ bonitatis formam, quam nos imitemur, adiunxit, dicens: Bonus pastor animam suam ponit pro ouibus suis; fecit quod monuit, ostēdit quod iussit. Et paucis interiectis subdit. Mercenarius quippe est, qui locum quiddam pastoris tenet, sed lucra animarum non quærit. Terrenis cōmodis inhiat, honore prælationis gaudet, tēporalibus lucris pascitur, impensa sibi ab hominibus reuerentia latatur. At verò quamuis Abbatem vigilantissimum esse oportere non diffiteamur, & varijs periculis, intricatisq; laqueis implicatum esse agnoscamus, & vt Conciliū Trident. sess. 25. cap. 1. de Episcopis ait; Non ad propria cōmoda, nō ad diuitias, aut luxum, sed ad labores, & sollicitudines pro Dei gloria vocatum esse intelligamus: Quam plurima tamen bona, copiosissimaq; in cœlis mercedis vigilantem Prælaturam inueniunt, si in suo obeundo munere pro humanarum virium tenuitate diligentem pastorem, vt decet, Dei auxilio adiutum, se præstiterit, & custodiendis, gubernandisq; ouibus debitam operam non denegauerit. In cuius rei difficultate, anxietateq; non mediocriter solatium subministrat cōsideratio ea, quam D. Bened. in sua Regula, boni Abbatis qualitates exquirēs, sapienter conscripsit, dicens; Tantum iterum libererit, videlicet Abbas, vt si inquieto, vel inobediēti gregi pastoris fuerit omnis diligentia attributa, morbidis earum actibus vniuersa fuerit exhibita, pastor eorum in iudicio domini absolutus, dicat cum propheta Domino: Iustitiam tuam non abscondi in corde meo: veritatem tuam, & salutarem tuum dixi; ipsi autem contempnentes spreuerunt me; & tunc demū inobedientib. curæ suæ ouibus pœna sit eis præualens ipsa mors. Heroico

igitur,

igitur, intrepido, constantiq; animo probus, eruditusq; Abbas, seu quiuis alius Prælatus pro suis viribus enixe studeat, atq; labore: vt ex pecunia donorum diuinorum à domino Iesu accepta, quinquæ talenta eidem domino superlucetur. Ei enim Dominus dicturus est: Euge serue bone, & fidelis, quia in pauca fuisti fidelis, supra multa te constituam, intra in gaudium domini tui.

- 2 Vt iam igitur vltcrius pedem promoueamus, à D. Basilio magno exordiamur, qui in regulis susius disputatis interrogat, 30. 31. & 43. strenuum, peritumq; huius magisterij præceptorem se nobis exhibet. Primum itaque documentum egregij Abbatis sit, vt neutiquam ipse dignitate illa prælationis extollatur, superbiatq;. Ne ipse quoq; à beatitudine illa excidat; quæ promissa est humilibus; vel etiam inflatus incidat in iudicium diaboli, est. n. planè minister. Vt igitur saucijs multis ministrat, & saniem de singulis eorum vulneribus abstergit, & pro natura vniuscuiusque mali remedia ei adhibet accommodata, munere illo non ad animorum elationem vt consuevit, sed ad demissionem potius, & sollicitudinem, ac maiorem curam: itidem ac multo etiam magis, is cui totius fratrum societatis sanandæ prouincia est delegata, perinde, vt qui omnium minister sit, & rationem de vnoquoque illorum redditurus, sic secum agitare animo, & contendere anxie debet, iuxta illud euangelicum Marc. 9. Si quis vult esse inter vos primus, erit omnium nouissimus, & omnium minister. Etenim Christiana vitæ limes eo tendit, vt Christum imiteris; ipsi duces opera sua imbecilliores adhuc deducere ad Christi assimulationem debent suis operibus, non fucatæ humilitatis exemplum subditis præstantes: ait enim magister Dominus Matth. 11. Discite à me, quia mitis sum, & humilis eorde. Morum igitur mansuetudo, & humilitas cordis; hæc præcipuè Antistitis veluti insignia sunt. Dominus enim discipulis suis, dum eorum pedes lauit, ministrare non erubuit.

- 3 Tum clementem esse ipsum Abbatem oportet, & ob rerum inexperiencediam delinquentes, leniter sufferat, non tamen ad peccata obmutescat; sed immorigeros, ac imperij detractores clementer tolleret, & ipsis maxima lenitate, moderationeq; medicinam adhibeat. Sit itaque ipse Abbas idoneus, qui accommodata eorum morbis remedia comminiscatur, & excogitet; non sit atrociter obiurgans, sed in mansuetudine moneas, clementerq; corripiens: in rebus administrandis perui-gilent, & attentum, in futuris prospiciendis sagacem, & cum potenti-bus certare valentem se præbeat. Præterea fratribus ipse ordinem disciplinæ præscribat, quem sequantur: operaq; dispartiat in vnum quemlibet, prout viderit expedire.

4. Attenta animi consideratione Prælatus discat terribile Dei iudiciũ, quod ipsi imminet, si fratres delinquentes non arguat, vt Basilius magnus loco citato in interrogatione 25. planè commonstrat. Quamobrè cui communis totius regendæ societatis data pronincia est, is ita esse animo affectus debet, quãsi intelligat reddendam sibi de vnoquõq; rationem. Illudq; sibi persuadeat, si frater quisquam in peccatum inciderit, quem prius ipse de iudicio Dei nõ præmonuerit, vel si iam lapsus, in eo perlitit; it, nec docuerit rationem, qua sanari possit; certo futurum esse, vt sanguis eius requiratur de manibus ipsius Ezech. 3. præsertim si non ex iustitia, sed ex assentatione, quod se demittes, ad cuiusq; vitia se accomodet, exactam sibi credite reipublicæ disciplinam dissoluerit. Paulus quidem 1. ad Thess. 2. ait; Neque. n. aliquando fuimus in sermone adulationis, neq; in occasione auaritiæ, nec querentes ab hominibus gloriam; Itaque qui neque humanos honores sectatur, neque pro deuitandâ delinquentium offensione, laborat, vt iucundus apud illos, graciosusq; sit: prorsus hic sincerè, verèq; Dei verbum tractabit, neque ob rem vllam animum inducet, vt veritatem adulteret. Ingens enim malum illud est, pro recto itinere, erroris cuiuspiam fratrum ducem esse.

5. Caueat prudens Abbas, ne in illorum Prælatorum numero computetur, quos Humbertus in Regulam Augustini, cap. 164. acriter notauit, dicens: Contingit interdum, vt Prælati transgressionibus aliquas non corrigant, aut expusillanimitate cordis, aut ex humilitate superstitionis, aut diffidentia proficiendi, aut ex ignorantia, quod fratrum culpas ignorent, sed nec curam ad eas cognoscendas adhibeant: aut rursus propter pacem propriam, quam turbare nolunt; aut propter verecundiam; conscientia. n. eos accusantè, alios corrigere non audent; aut propter timorè odij, verentes, ne in subditorum indignatione incurrant: aut propter Prælationis amorè, & desiderium, quã amittere formident, subditos contra se correctionibus huiusmodi pronocantes; aut ob defectu zelus; aut deniq; ex negligentia, quæ in Prælationis statu vehemèter damnanda est. Rectè quidem Bernardus in Regulâ admonet, dicēs: Nõ dissimulet Abbas peccata; sed mox vt oriri cœperint, ea radicibus amputet, memor filij Heli sacerdotis. Hic tapdè non absquẽ utilitate mente retinenda est Basilij magni interrogatio. 106. dicētis. Cu iusmodi animaduersionibus, & pœnis in fratrum familia vtendum sit, ad reuocandos in rectam viam, qui peccant? Responso; Pro iudicio suo Antistites tempus, modumq; considerabunt, ratione habita cum ætatis, & corporis, tum animi habitus, & dissimilitudinis peccati, qd si quis mores habeat turbulentos, ac seroces, hic præ ceteris a prælato corri-

corripiendus, puniendusq; est, ne totam fratrum domum conturbet, & modicum fermentum totam massam corrumpat.

- 6 Ex D. Antonino 3. par. tit. 19. capit. 11. §. 6. Magna quidem discretio, atque prudentia in corrigendo habenda est. Aliquando enim subditorum vitia prudenter dissimulanda sunt, suo tamē tempore iudicanda: vt videlicet delinquēs deprehensus, toleratus tamen, augere culpas erubescat, seq; se iudice, puniat. Nonnulla verò apertè cognita, maturè toleranda sunt, vt congrua opportunitate corrigantur.

Quædam verò occulta subtiliter sunt perscrutanda, vt quibusdam signis erumpentibus, Rector quod in subditorum mente clausum latet, inueniat, & ex minimis maiora cognoscat. Seruatis tamē in omnibus secreti contegendi iure & ratione, quam periti Theologi tradiderunt. Nonnulla tandem sunt leniter arguenda. Nam cū non malitia, sed sola ignorantia, vel infirmitate peccatur, magno moderamine delicti correctio temperetur: vbi autem morbi grauitas correctionis asperitatem, postulat, ea non denegetur. Imò & cauterium apponendum esse constat.

De eadem Abbatum, aliorunq; Prælatorum functione. Cap. xix.

- 1 **S**uperiori capite de Prælatorum munere in genere disseruimus, nunc verò quæ specialiora sunt, in compendium succingemus. Primum igitur, Abbatis præsentia in monasterio est pernecessaria. Quemadmodum. n. vt Aristotelis exemplo vtamur, præsentia naucleri, ipsius nauis salutis, incolumitatisq; vera causa existit, eiusdem verò absentia nauis submersionem adfert: ad eundem etiam modum præsentia pastoris multas ouibus commoditates adducit; contra verò, eiusdem absentia multa mala est illatura. Quare Conradus Archiepiscopus Coloniensis tit. de Regularibus nu. 10. in suo Concilio prouin. peruetusto ait: Statuimus, & quod Abbates in conuentu cum fratribus sedcant, & diuinis frequentius intersint lectionibus, maximè vigilijs, capitulo, collationi, & alijs diuinis officijs cū eisdem, nisi causa necessaria, utili, vel honesta fuerint præpediti. Rursus Conciliū prouin. Coloniens. sub Adulpho Archiep. par. 3. sic inquit; Mandamus quoque, & præcipimus, vt Abbates quorūlibet monasteriorū, nō nisi intra monasteriorū septa, cum fratribus habirent, nec moram longam extra ea trahant.

- 2 **D**iligenter cauendum est, ne supra monasterij facultates Canonico-
rum numerus exerescat, & augeatur; Id quod in Conc. Arelatenſi sub Imperatore Carolo Magno cap. 8. iure cautum est: vt non (inquit) amplius suscipiantur in monasterio Canonicoꝝ, atque Monachorū, seu

etiam

etiam puellarum, nisi quantum ratio permittit, & in eodem monasterio absq; necessariarum rerū penuria degere possint. Id ipsum in Concilio Turonensi tempore Caroli Magni cap. 31. legimus his verbis cōscriptum; Vt in monasterijs Canonicoꝝ Monachorū, seu puellarum maior hominum numerus non admittatur, quā facultas monasterij possit sustinere. Ratio verò horū Conciliorum ea profectò est, ne Canonici rerū egestate compressi, paupertatē causantes, in proprietatis peccatum prolabantur, aut indecore vagari cogantur. Quam rem sacrum Conc. Trid. sess. 25. de Regularibus. cap. 3. perspicies, sic statuit. In prædictis autem monasterijs, & domibus tam virorū, quā mulierum bona immobilia possidentibus, vel non possidentibus, is tantum numerus cōstituatur, ac in posterū cōseruetur; qui vel ex redditibus proprijs monasteriorum, vel ex cōsuetis eleemosynis commodè possit sustentari, nec de cetero similia loca erigantur sine Episcopi, in cuius diocesi erigenda sunt, licentia prius obtenta. At verò contra etiam, oculatè consideret Abbas, an pro monasterij facultate sit exiguus, imminutusq; Canonicoꝝ numerus? Contingere. n. aliquādo posset, vt honorifica, opulentaq; Canonicoꝝ monasteria per paucos alar, sustineatq; Canonicos; idq; non absque avaritiæ suspitione, diuini cultus iactura, & populi offensione. Quod quidem non contemnendum incommodum repellere vult Bened. 12. in Constit. suis sæpè citatis, rit. quod antiquus Canonicoꝝ numerus teneatur, sic statuit. Cū sit consonum rationi, vt obtinentes beneficia, ipsoꝝ onera debeant supportare; Statuimus, quòd in monasterijs, prioratibus, & alijs beneficijs quibuscunque Religionis eiusdem, personis quibuslibet extra præfatam Religionem cuiuscunque sint dignitatis, gradus, seu præeminentie, etiam si fuerint S. R. Eccl. Cardinales, collatis vel commendatis, seu de cetero conferendis, vel commendandis, tot Canonici teneantur, quot in eis tenerentur, si per Canonicos regulares monasteria, prioratus, & beneficia huiusmodi regerentur. Ceterum quoniā hic de solis monasterijs à cōmendatarijs gubernatis agit, idcirco idē Pontifex constitutiones Canon. Reg. ab ipso editas, quibusdā Abbatibus mittens, sic eis præcipit. Deinde, inquit, ad ecclesias cathedrales, & monasteria eiusdem Ordinis, seu Religionis infra eandem prouinciam existentia, coniunctim, vel diuisim per diuersas partes, prout adinuicem conueneritis, præsentialiter accedentes, de ipsoꝝ, necnō membrorum suorum facultatibus, ac quot Canonici esse consueuerint in eisde, quot etiam de dictis facultatibus, incumbentibus eis, supportatis oneribus, cōmodè valeant sustentari, diligenter inquire: vosq; de præmissis per diligentem, & fidelem relationem plenariè informare

informare curetis: vt consideratis facultatibus, & oneribus supradictis, certum in eis Canonicorum numerum statuere valeamus. Ergo Abbas ipse magno studio curaturus est: vt non deficientem, sed pro monasterij viribus decentem Canonicorum numerum domi teneat, & alat, atque conseruet.

3 Superioribus consonant, quæ in visitationum formulis traduntur, vt ab Antonino Flor. 3. par. tit. 20. cap. 6. §. 2. Primo, inquit, Visitator quærat à maioribus, quot sunt Monachi in monasterio, vel Canonici Regulares, vel Moniales, & quot esse debent, & si numerus est ibi constitutus. Itidē, ab Hermāno 5. Archiep. Colonienſi in ſua formula nu. 13. Deinde an cōuentus certū numerū habeat, an illi ſuppetat victus. Et ab Adulpho 3. Archiep. Colonie. Querendū quoq; an certus ſit in monaſterijs numerus pſonarū, aut incertus, an ſuppetat victus.

4 Diligentem curam adhibiturus eſt Abbas, vt ſingulis annis ab officiarijs computationes ſumptuū, ſiue ratiocinia reddātur; vt olim Cōradus Archiep. Colonienſis in ſuis ſtatutis prouincialibus, tit. de Regularibus nu. 25. decreuit; Statuimus (inquit) & quòd Monachi officiarij ad minus ſemel in anno in præſentia Abbatis, & ſeniorum computationem, vel legitimam rationem faciant. Et ſi quid vltra ſuorum officiorum adminiſtrationem ſuperſuerit, de hoc nihil per ipſos Monachos, ſed per Abbatem, & Superiores ſui conuentus ad ſui monaſterij vtilitatem ordinetur. Ad eundem modum ſtatuit Adulphus 3. Archiepiſcopus Colonienſis in ſuo Concilio prouinciali par. 6. dicens; Accipimus in quibuſdam collegijs theſaurarios, fabricæ præfectos, & alios rerum adminiſtratores, vel officia ſpiritualia habentes, rarò, aut nunquam dare adminiſtrationum ſuarū rationem, nō ſine ſuſpitione infidelitatis; cui permagna datur occaſio, vnde res eccleſiarum diſſutū, & quæ à maioribus ad ornatum eccleſiarum magnis ſtudijs congeſta ſunt, negligētia, & fraude poſteritatis turpiter dilabuntur. Idcirco ſtatuiſmus, & ordinamus, vt collegiorū, & monaſteriorū officiarij, quibus cura adminiſtrandorum, & diſpenſandorum bonorum eccleſiaſticorū cōmittitur, iureiurādo promittāt, ſe velle ea fideliter conſeruare, tractare, & adminiſtrare, ac quotieſcunque petuntur, dare rationem, & ea quæ ratione conſectari debent. Diem autem certum computandi Decanus, & Capitulum eis præſigant, ſub pœna ſuſpenſionis ab officio, & emolumentorum perceptione.

5 Prudens Abbas accuratè inuigilet in dignoſcendis fictis, & doſiſ cōtractibus, qui plerūq; ab adminiſtratoribus, & officiarijs in magnū monaſteriorum detrimentum fieri cōſueuerunt; quos extricate, aperteq; enodauit Bened. 12. in Conſtit. Canon. Reg. tit. de fictis, & doſiſ

sis contractibus, dicens: Hoc cōsultissimo prohibemus edicto, ne Ab-
 bates, Præpositi, & Priores, vel quicquid Administratores, & alij Canoni-
 ci, seu cōuersi Religionis eiusdem, prætextu administrationum, vel ne-
 gotiorum, quæ gerunt: fraudulentos, vel dolosos, aut simulatos, vel fi-
 ctos contractus inire, vel mutua, simulata, vel ficta suscipere, siue pro-
 prio, siue fideiussorio, vel quouis alio nomine alieno, neuè, etiam con-
 fiteri in instrumentis publicis, vel authenticis, alijsuè scripturis, se à
 4 patre, fratre, nepote, vel cōsanguineo, seu quolibet alio coniuncto, affi-
 ne, familiari, seruitore, amico, seu mercatore recepisse mutuo, vel alias
 pecuniâ, pannos, bladum, vinum, equos, boues, siue animalia, vel res,
 seu alia bona, eaqu; in vtilitatem locorum, quibus præsent, vel admi-
 nistrationum, quas gerunt, fuisse conuersa. Cum tamen nec pro se,
 seu locis eorum, neque pro administrationibus suis ipsa receperint,
 5 quoquo modo præsumant. Similiter etiam prohibemus, ne fingant,
 seu ponant, vel scribant se fore principales debitores, neuè vt tales se
 obligent: vbi re vera non principales, sed fideiussores existant: neuè in
 talibus contractibus, vt præfertur, simulate conceptis se, ac alios, seu
 nomine, locaqu; ipsa, possessiones, redditus, prouentus, bona, & iura lo-
 corum ipsorū obligent, vel simulent, nequ; in fraudem, seu dolose cō-
 fiteantur, vel alios, præsertim debitores eorum, faciant confiteri, seu
 etiâ obligari, vel super his instrumenta, vel authenticas, seu alias scri-
 pturas in fraudem confici, continentia, quod iura, redditus, possessiones,
 animalia, blada, pecuniam, seu alia bona ad ipsos, vel monasteria,
 seu quouis alia loca Religionis ipsius pertinentia, seu debita fuerint,
 sunt, vel esse debent patris, matris, seu fratris eorum, vel aliarum per-
 sonarū prædictarum, & ad ipsas personas pertinere, vel debitas eis
 fore, vel alios quoscunque contractus similes fraudulenter, & dolose
 cōfingi faciant, & fieri, ne procurent per quos ecclesiæ, monasteria, &
 loca alia Religionis ipsius, quibus præsent, ac iura, redditus, ac posses-
 siones, seu alia bona ipsorū dānificari, grauari, obligari, vel alias impe-
 diri, seu deperire valeant quouis modo. Subiungit deinde, infra duo-
 rū mensiū spaciū damnorū restitutionem, ac restitutionem esse facien-
 dam, sub excommunicationis sententia, eo ipso incurrenda.

6 In contrahendis etiam mutuis variè committuntur fraudes in mo-
 nasterij bonorum dilapidationem, quas manifestè detegit Bened. 12.
 in Constit. eiusdem tit. de mutuis, præcipitqu; vt in faciendo mutuo hæc
 solennitas obseruetur. Primum, vt ultra summam communi pro-
 uidentia per annuale capitulum, seu maiorem partem ipsius taxan-
 dam, contractus, siue tractatus ad minus duorū dierum nō continua-
 torum, sed interpollatorum cum capitulo, seu conuentu diligens ha-

beatur, & maturus; & cum consensu dicti capituli, vel conuentus mutuum huiusmodi recipiatur. Secundo, quod nihilominus in utroque licentia, seu auctoritas interueniat sui superioris, quocunque nomine censeatur. isq; sit de omnibus plenè certificatus. Tertio, quod in eo tractatu agatur, & clarè liqueat, ob quam causam, cuiusue summe, & si fieri potest, a quibus creditoribus, & sub quibus conditionibus, & obligationibus, quibusue terminis soluendum suscipiatur mutuum su prædictum. Quarto, quod de his authentica conficiatur scriptura, in qua omnia nomina eorū, qui interfuerint in tractatu, ac etiam consentientium, recipientium, & authorizantium sigilla apponantur. Quintum, quod pecunia mutuo recepta non remaneat in solius Abbatis, vel alterius potestate, sed tribus prouidis, & discretis viris, iureiurando astrictis committatur ad utilitates, seu necessitates prædictas conuertenda. Adiuncta infra certum tempus suspensionis pœna, & aduersus contumaces excommunicationis sententia lata.

7. Prælati tenentur bona, & patrimonium Ecclesiæ repetere ab iniquis possessoribus, & ea illaesa conseruare. Alioquin enim mortaliter peccant: ex canone in canonibus, verbo, iniquum 16. q. 1. & glossa in cap. ea, de officio Archid. Huius est sententiæ Didacus Couarrubias, insignis Episcopus Segobienfis in regula peccatum, par. 1. nu. 6. §. 9. Fide sententiæ suffragatur D. Tho. 2. 2. q. 43. art. 8. in corpore, & ad secundum argumentum, dicens: Bona ecclesiæ committuntur Prælati, & talium conseruatio imminet his ex necessitate. Et ideo propter eos, qui scandala ex malitia, quæ dicuntur Phariseorum, cōcitant, nō sunt temporalia dimittenda. Quia hoc, & noceret bono cōmuni; daretur. n. malis rapiendi occasio, & noceret ipsis rapientibus. Qui retinēdo aliena in peccato remanerent. Et, ut ait Gregorius, tales prohibendi sunt, non sola cura, ne nostra subtrahantur; sed ne rapientes non sua, semetipsos perdāt. Nam si passim permetteretur malis, ut aliena raperent, vergeret hoc in detrimentum veritatis, vitæ, & iustitiæ.

8. Prælatum plurimum decet, ut in refectorio cum reliquis Canoniciis nonnunquam cibum sumat, iuxta præmonitum Cōcilij prouincialis Cameracensis sub Maximiliano Archiepiscopo tit. de monasterijs cap. 5. & inferius dicens: Monet quoque S. Synodus vniuersos Regulares Rectores, ut vnā cum suis subditis corporis in conuentu nonnunquam sumant refectionem; nisi per occupationes legitimas, aut hospitum multitudinem penitus impediatur. Hortatur insuper S. Synodus, ut quando commodè fieri poterit, initio mensis ipsorum Superiorū sacre scripturæ, aut cuiuspiā pij, & catholici doctoris prælectio habeatur; ut vnā cū corpore sumat quoque & mens cibū. Porro exple

ta huiusmodi sancta prælectione, nulli sermones irreligiosi ibidem miscantur; sed qui boni sint, & honesti. Omni diligentia curent, ut mensa sit frugalis, vitenturque excessus; neque ipsi quenquam ad largius, ac immoderatus bibendum inuitent: imò ne patiantur quidem, quo ad eius commodè fieri potest; ne Prophetæ cōminatio in eos: eorumuē conuiuas meritò possit competere: vā qui potentes estis ad bibendū, & viri fortes ad miscendam ebrietatem.

9 Attenta consideratione expendendum est decretum eiusdem Concilij prouin. Cameracensis sub Max. Archiepisc. tit. de monasterijs. cap. 16. Cæterum (inquit) monet S. Synodus Abbates, Abbatissas, & alios monasteriorum Præfectos, & Præfectas, ut sui meminerint officij, scēque non esse dominos bonorum monasterij, imò ne fructuum quidem; sed tantum dispensatores, & administratores: neque se pro libito dispensare posse, sed secundum intentionem Ecclesiæ, & priorum fundatorū. Proinde valde reprehensibile esse eorū factū, qui ex bonis, vel etiam fructibus monasterij sui ditāt propinquos, vel amicos suos. Itemque eorū, qui superfluum, & nimis fastuosum habent famulitium, & comitatum, & nimium equorum numerum; quique nimium splendide, & sumptuosè ædificent, præsertim ædificia non sacra. Cætera verò, quæ ad Prælatorum munus spectant, in toto hoc opere sparsim continentur.

De annuāli Capitulo celebrando. Cap. xx.



Ost magnum Canonici status detrimentum acceptum, sero querimur & collachrymamur, Capitula annualia, ac etiam prouincialia, vel intermissa, vel nō rectè hætenus fuisse celebrata. Quæ tamen non solum maximè idonea sunt ad bonorū morum plantationem, & extir-

pationem malorum, verum etiam ad inueniēda media, & vias, quibus vetus ille perfectæ Religionis splendor aureus restituatur. Siquidē in eis redintegratur vnitas, studetur corpori in sua integritate cōseruando; Vbi ea quæ in visitatione non dabatur exequi, executionē studijs communibus assequuntur: vbi de capite, & membris, de religione, & cultu diuino, de moribus, de disciplina, de obedientia, de iudicijs, & rebus omnibus ad bonū, Christianeq; ac religiosè viuēdū, commodis vel necessarijs tractatur, atque statuitur, ut verissimè eorum celebratio dicatur salus Religionis, terror hostium eius, & discipline regularis stabilimentum. Imò etiam Canonici Ordinis neruum rectissimè dixeris: neglectis enim Capitulis, non aliter Regularis Ordo diffinit, quàm si corpus humanum neruis soluatur. Adde etiam ex Concilio Triden. sess. 24. cap. 2. pro moderandis moribus, corrigendis

excessibus, controuersijs componendis vtilissimam esse huiusmodi Capitulorum celebrationem: vt. n. annualia capitula diocesanas Synodos Episcoporum referunt; sic & prouincialia Capitula Conciliorum prouincialium imaginem quandam præ se ferunt. Hæc igitur annualia Capitula singulis annis celebrari præcepit Bened. 12. in Constit. Can. Reg. tit. de Capitulis annualibus faciendis. In singulis quoque, inquit, ecclesijs cathedralibus, monasterijs, atque locis collegiatis, seu conuentualibus Religionis præfatæ principalibus, non ab alijs dependentibus, etiam si in eis alias non fuerit consuetum, & in singulis alijs locis Religionis eiusdem habentibus membra sibi subiecta, aut si inibi solitum est capitulū celebrari; annis singulis Capitulum celebretur, die videlicet ad hoc statuto, vel per ipsum Capitulum annis singulis statuendo, in loco scilicet principali, & non alibi, nisi euidens necessitas suaderet huiusmodi Capitulum alibi celebrandum.

- 2 Prælati autem loci principalis in loco, in quo celebrabitur ipsum Capitulum, eidem Capitulo omnino studeat personaliter interesse, cui etiam præesse debet. Quod si eum tunc ab eodem Capitulo abesse contigerit, teneatur alicui idoneo loci, & Religionis eiusdem committere vices suas, qui interfit, & Præsit Capitulo memorato, nisi ex priuilegio, statuto, vel consuetudine alteri hoc cōpetere nosceretur. Ad huiusmodi autem Capitulum, Abbates, Præpositi, Priores, & Administratores eidem loco principali immediatè subiecti, necnon vbi fuerit cōsuetum, etiam Canonici administrationem non habentes, extra ecclesias, monasteria, & loca prædicta, morâtes, personaliter conuenire impedimento cessante legitimo, aut impedimento huiusmodi subsistente, Abbates, Præpositi, Priores, & Administratores præfati procuratorem idoneum sufficienter instructum cum mādato legitimo, causam, seu causas impedimenti huiusmodi, & expressè iurandi in animas ipsorum cōstituentium, causas huiusmodi fore veras, & reddendi rationem infra scriptam, & alia faciendi, quæ facere possent, si essent præsen-tes, potestatem continente, ad ipsum Capitulum dirigere teneantur. Is verò, qui tunc prærit dicto Capitulo cum quattuor senioribus per ipsum Capitulū, aut maiorem partem ipsius eligēdis; an causæ huiusmodi sufficientes fuerint, arbitrari, vel eis non venientibus, aut nullū talem procuratorem mittentibus, vel causas minus sufficientes prætendentibus, de pœna condigna ob hæc talibus infligenda, habent extimare. Quam ipse solus Præsidens infligendi, & aliàs contra ipsos absentes, si opus fuerit auctoritate Apostolica, prout iustitia, & regularia instituta suaserint, procedendi habeat facultatem.

- 3 Conuenientes autem ad dictum Capitulum, vitam ducant communē,

munem, & faciant proportionaliter simul omnes expensas, nisi forte ex consuetudine, vel statuto, aut alia ordinatione rationabili incumbere alij, seu alijs onus expensas huiusmodi faciendi. Quos tamen si ex hoc quod singulis annis fieri volumus Capitulum memoratum, vel ex alijs supra, vel infra statutis, ampliores expensas fieri contigerit, nonolumus in expensis plus solito onerari, sed tunc huiusmodi ampliores expensæ fiant per omnes proportionaliter, ut præfertur.

4. Quod si forsan aliquis ex locis prædictis, in quibus, ut præfertur, debeat dictum Capitulum celebrari, membra habeat adeo sibi remota, quod administratores principales dictorum membrorum, nequeant annis singulis ad ipsum Capitulum absque notabili dispendio convenire; tunc dictum Capitulum teneatur ordinare, quando dicti administratores ad huiusmodi Capitulum debeant convenire.

5. In huiusmodi autem Capitulo tractetur præcipue de reformatione morum, & observantia regulari, ac corrigantur, & reformentur in eo, quæ super spiritualibus, & temporalibus Religionis eiusdem corrigenda fuerint, & etiam reformanda. Ipsoq; Capitulo perdurante, Abbates, Præpositi, & Archidiaconi, ceteriq; administrationem habentes in Religione prædicta, quovis nomine censeantur, de suis administrationibus eidem Capitulo teneatur offerre, & in scriptis tradere rationem, declarando videlicet, si ipsæ administrationes, aliquibus & quantis, & ex quibus causis quibusve personis, & qualibus obligationibus, & an sub usuris sint debitis obligatæ, & an ipsa debita possint de rebus extantibus, mobilibusq; persolvere, aliaq; onera sibi, suisq; administrationibus incumbenda supportari sine debitorum augmento; & generaliter an administrationes ipsæ in casu desolationis, & quare, vel in statu prosperitatis existant.

6. Huiusmodi autem rationum scripturæ, continentes administrationum ipsarum, tam onera, quam augmenta in loco principali, cuius teneatur Capitulum, sub fida custodia fideliter conferuentur, eorū, a quibus ratio reddita fuerit, proprijs subscriptionibus communitæ.

7. Volumus autem, quod in casu ubi Abbatibus, Prioribus, Præpositis, Archidiaconis, & alijs administrationem habentibus minimè videretur expediens, sed periculosum esset, reuelare in dicto Capitulo cōmoda, seu augmenta, quæ de administratione huiusmodi superessent; quattuor eligendis de dicto Capitulo, duobus per ipsum Abbatem, seu Priorem, vel Præpositum, seu Archidiaconum, vel quemvis aliū administrationem habentem, & duobus alijs per Capitulum, vel maiorem partem ipsius; qui quattuor huiusmodi officium in virtute obedientie recipere teneatur reuelare prædicta, quæ supersunt, in quibuscunq;

rebus persistant, fideliter teneantur, eisdē quattuor sic electis iuramentum, in præsentia dicti Capituli præstaturis, quod nō reuelabunt p̄dicta, nisi cedentibus, vel decedentibus his, qui rediderint rationem.

- 8 Formula autem celebrandi Capitulum ea seruanda est, quam tradit Concilium Toletanū 11. cap. 1. habeturq; 5. q. 4. cap. in loco benedictionis. In loco (inquit) benedictionis confidentes domini sacerdotes, nullis debent, aut indiscretis vocibus perstrepere, aut quibuscumque tumultibus perturbare: nullis etiam vanis fabulis, vel risibus agi, & quod deterius est, obstinatis discrepationibus tumultuosas voces effundere. Si quis, n. vt Apost. Iacobus cap. 1. ait, putat se Religiosum esse, non refrenans linguā suā, sed seducens cor suū, huius vana est Religio. Cultum, n. suū iustitia perdit, quando silentium perit, & iudiciū obstrepentium turba confundit, dicente propheta Is. 3. 2. Erit cultus iustitiæ silentium. Debet ergo quidquid, aut consultationibus confidentium agitur, aut ab accusantium parte proponitur, sic mitissima verborum relatione proferri, vt nec contentiosis vocibus sensus audientium turbent, nec iudicum vigorem de tumultu eneruent; quicunque ergo in Conuentu Concilij hæc, quæ præmissa sunt, violanda crediderit, & contra hæc interdicta, aut tumultu, aut contumelijs, vel risibus Concilium conturbauerit: iuxta diuinæ legis edictum, quo præcipitur: Prouerb. 22. Eijce derisorem, & exibit cum eo iurgium, cessabuntq; causæ & contumeliæ; cum omni dedecore, de conselsione abstractus, à communi cœtu secedat, & trium dierum excommunicationis sententiam perferat.

- 9 Quam quidem regulam hinc mutuata est Synodus Trid. sess. 2. dicens; In sentētijs verō dicendis, iuxta Toletani Concilij statutū in loco benedictionis cōfidentibus dñi sacerdotibus, nullus debeat, aut immodestis vocibus perstrepere, aut tumultibus perturbare, nullis etiam falsis, vanisue, aut obstinatis disceptationibus cōtendere: sed quidquid dicatur, sic mitissima verborū prolatione temperetur, vt nec audientes offendantur, nec recti iudicij acies perturbato animo inflectatur.

De rixis, & litibus Canonicoꝝ. Cap. xxi.

1



Voniam superiori capite explicatum fuit, in Cōcilio annuali agendum esse de reformatione morum, obseruantia regulari, & correctione, conueniens rerum ordo exigere videtur, vt de potioribus Canonicoꝝ criminibus, eorumq; pœnis nunc agamus. Prius tamē præludia quædam iaciamus oportet. Primum Abbati incūbit, vt aptum, firmitumq; carcerem cōstituat. Vbi reos, præsertim flagitiosos custoditos

conti-

contineat, cum criminis qualitas postulauerit. Sic. n. admonet Conradus Archieps. in suo Conc. prouin. Colonienſi tit. de Regularibus nu. 18. dicēs; Statuimus etiam; quod quodlibet monaſteriu ſuum carcerem habeat, in quo delinquentes regulariter puniantur.

2 Vituperandum tamen eſt, vt ſapientes aſſerunt, ſi Canonici incarcerati à carcere abſoluantur præcibus aliquorum extraneorū, quibus regularis diſciplina incognita eſt. Itē & illud vitio vertitur, ſi carceres regulares magis ad ebrietates, luxus, & contumacias augendas per abuſionem conuertantur, quàm ad canonicam coercionem multum conducant. Tunc enim diſciplina, quæ reſtituenda erat, in ludibrium abit, vt Adulphus 3. Archiepiſcopus Colonienſis in ſua diœceſe ſana Synodo teſtatur.

3 Accipienda, laudandaq; eſt Dominici Soti erudita ſententia lib. 5. de Iuſtitia, & iure q. 6. art. 3. Ad rectam monaſterij gubernationē perquam ſanctē (inquit) ex religionibus abigitur appellandi uſus. Nam & ſi fortasſe aliquando accidere poſſit, vt Monachus aliquis iniuria leſus aſilgatur. Tamē ex alia parte talia damna, quæ rariffimē contingūt, pace, & quiete compenſantur. Nērius. n. & decus Religionis in hoc maximē conſiſtit, vt altiffimo inter ſe ſilentio, omnia veluti inter fratres, quæ ſua eſt profeſſio, planē tractent, & tranſigant, neque ſe ſeculo prodant. Etenim ubi primū Religionum cauſæ clauſtrorum metas exierint, actum de illis eſt. Quo circa inſtitutiones ipſas ſic Pontifices confirmarunt, vt appellationes prohiberent. Non quod per hoc Summis ipſis Pontificibus obedientiæ quicquam ſit ademptum. Quicunque enim quantumuis inclufus Monachus ad ipſum appellauerit, iure id faciet; verū quod ſic conſultum eſt Religionum incolumitati. Hanc Soti doctrinam plurimum laudat, & omnino approbat Couarrubias Epicoſpus Segouienſis in practicis quaſtionibus, cap. 23. nu. 6. §. 8. cuius etiam rationes adducit, & recipit. Eandem ſententiam amplectitur Silueſter in verbo appellatio nu. 9. q. 7. cum reliquis ſummiſtis. Nec appellat (inquit) etiam Religioſus à correptione ſuorū Prælatorum ſi fiat ſecundū ſtatuta Regulæ, vel Ordinis, aut ad effugendam eccleſiaſticam diſciplinam. Ex cap. ad noſtram, & cap. reprehensibilis, & cap. cum ſpeciale, de appellationibus. Niſi Prælatuſ mouidum exceſſerit in corrigendo. Vnde Alexander tertius in cap. ad noſtram, iam citato Abbatem Sancti Petri ſic alloquitur. Quia verò remedium appellationis non ideo eſt inuentum, vt alicui à Religionis, & Ordinis obſeruantia exorbitati, debeat in ſua nequitia patrociniū exhibere, mandamus, quatenus ſi quando quilibet ſubditorum tuorum ad remedium appellationis conuoſauerit, non ideo mi-

nus eum, iuxta tenorem mandati, quod in prædicta Regula continetur, & institutionem Ordinis corrigas, & castiges.

4 Rectè igitur sensit glossa quædam in verbo Abbates, in extrauaganti. Vas electionis. §. in castellis, de censibus, inter communes. In huiusmodi (inquit) actibus regularibus non sunt subtilitates, neque glossæ exquirendæ, neque appellationes admittendæ, sed simpliciter sunt omnia expedienda. Et rursus glossa in cap. olim, de accusationibus docet, ordinem iudicarium non esse usquequaque seruandum circa Regulas. In negotijs igitur Religiosorum, siue inter Religiosos, de plano, & absque iudiciorum strepitu procedendum est, cum talibus non deceat Dei seruos inuolui. Vt ait Gregorius 9. in cap. olim, de accusationibus.

5 Rigor tamen in corrigendo aliquantula misericordia temperandus est, nec. n. passim sunt Canonici corrigendi, nec more latronum in grauem carcerem detrudendi; sed consilio seniorum capituli est correctio temperanda. Quin potius criminales causæ Canonicoꝝ in loco publico tractandæ non sunt, quemadmodum Bened. 12. in Const. tit. de criminalibus causis Canonicoꝝ, ubi agitentur, ait; In fauorem Religionis præfatæ prohibemus, ne Antistites, & alij ecclesiastici iudices trahant professores Religionis eiusdem in causis criminalibus ad eorum consistorium, seu iudiciale tribunal, ubi causæ communiter audiuntur, sed alibi audiant dictas causas, nisi fortè criminis manifesti enormitas aliud suaserit faciendum.

6 Sed iam tandem primo loco de litibus cauendis, & dirimendis, nobis agendum est. August. autem in regula ait. Lites aut nullas habeatis, aut quàm celerrimè finiatis. Quod quidem præceptum illi consonat, Sol non occidat super iracundiam vestram. Nisi. n. lites citissimè terminentur, in corde sequitur odium, quod excæcat animam. In ore malum verbum, quod offendit proximum. In opere percussio. Quare iure optimo in formula visitationis Colonienſis sub Hermanno 5. Archiepiscopo, cum monasterium visitatur, interrogatio fit, an pacem, tranquillitatem, & concordiam inter omnes sibi subiectos seruent Prælati, ac nutriant. Adulphus etiam 3. Archiepiscopus Colo. in sua visitandi formula, quo ad monasteria inquirat. An pax inter fratres, inter laicos identidem, qui conuersi vocantur, vel deuoti, totamq; monasterij familiam effloreat? Num clanculum mutuo innideant? Num contentionibus, rixis, & dissidijs conflidentur? An humilitatem insinuent, mutuum ament, & petientes sint, inuicem libenter condonantes, si quis aduersus alium habet querelam?

7 De litibus verò dirimendis hunc ordinem, & methodum præscribit Basilius Magnus in regulis susius disputatis interrog. 49. De controversijs


uersijs autem, quæ inter fratres interdum oriuntur, illud statuendum est: quoties aliqui inter se de re aliqua collidunt, dissidentes, & corrixantes, eos nequaquam inter se pugnaciter nimis contendere debere, sed controuersiarum decisionem Superioribus suis reseruare; verum nequis disciplinæ ordo violetur, neque futilibus, & inanibus quæstionculis, aut nugacitati detur locus, certum quendam communium omnium sententia electum esse oportet iudicem; qui controuersiam exortam omnibus disceptandam proponat, aut eam seorsum cum magistro conuentus communicet. Quemadmodum. n. instrumentorum cuiusque artis tractationem nemo imperitis committeret; multo potius litis tractatio potioribus concedi debet, qui quidem cum loco, tum temporis, tum modi, commodè habere electum sciant; quique prudenter inquirat, & auscultent, litisque explicationem, suo loco enarrent.

8 Sed idem author in regulis breuioribus interrog. 29. inquit, quomodo poterit aliquis non irasci? Respondet, nempe si illud existimet, Deum quæ agat omnia animaduertere, eamque assidue ob oculos habeat, & tanquam in speculo contempletur. Quis est enim alterius potestati subiectus, qui in oculis principis sui aliquid ausurus sit eorum, quæ ipsi non placent? Et præterea si ita se comparauerit, ut in aliorum ipse officio sit, omnesque seipso superiores existimet. Si enim utilitatis suæ causa obedientiam requirit, intelligere debet, verba domini illud præcipere, ut quilibet ministret alteri. Si verò violatum Dei præceptum vindicat, sciat non esse opus iracundia, sed misericordia, & lenitate: & imitandum esse illum, qui dixit, quis infirmatur, & ego non infirmor? 2. ad Corinth. 1. 1.

9 Ultimo loco notandum; deprehensa veritate, agnitaque iustitia, nihil moretur Prælatus, quibus debet, ius reddere: quæ res in causa esse solet, si retardetur, ut non solum plerosque in annos, sed in integram ferme hominum ætatem lites protrahantur, fatigeturque interdum etiam primam, atque alteram sobolem, exhauriantur bona; rabie, veluti igni incendatur hominum odia; manus excitentur ad eadem, pereaturque salus ipsa cum rebus. Addamus, quibus interim curis, molestiis, anxietatibus vitam agunt, qui lites gerunt; nihil sane miserabilius, nihil infelicius, nihil calamitosius istorum mentibus continuè laceratis, & diro mucrone cõfossis. Hos nulla requies, nulla oblectatio iuuat: nullaque vel amœnitas, vel illecebra mouet; pleno quidem suis malis, & sæuis cruciatibus laniatos. Sed his toruus semper aspectus, caput minax, ceruix demissa, ora pallentia, gemitus, planctus, stridor, furor, blasphemia, atque desperatio, tanquam ad perpetuam ærumnam infelicitate raptis. Quorum malorum cum Rector est causa, potest ne quicquam cogitari scelestius, atque immanius? cum is, qui debuit his omnibus

bus mederi malis, atque periculis: is quidem sit, qui medicamenta dif-
ferat? Qui. n. cum potest, oppressum non subleuat, tam est in scelere,
quàm qui opprimit, & iniuriam infert. Quare qui bonus esse, aut
etiam videri cupit, primum illud curabit, re bene, de qua contendit-
tur, percepta, agnitâq; subtilius, compugnatores quanta industria,
virtute, auctoritateq; omnino poterit, ad pacem componere, & vlti-
mum locum litæ concedere.

Ad Canonicos collitigâtes, et dissidijs implicitos, utilis admonitio. Cap. xxij.

- 1  Vi litibus, dissensionibusq; capiuntur, & occupantur, à præcipuo
quodâ Christi Iesu instituto se longè abhorrere, certo certius
intelligant. Noster. n. Seruator non schismate, nō iurgijs, nō
denique turbulentis corrixationibus, sed dulcissima animorū concor-
dia, gentes Iudæis; Iudæosq; gentibus coniunxit, vnumq; fecit ad sa-
lutem, tam temporalem, quàm æternam; vnde quemadmodum Chri-
stus ab ea salutem nostram exorsus est, ita ipsam in omni re, atque tē-
pore; maximè verò in Religiosorum congregatione primatum obti-
nere voluit. Huic verò ex diametro aduersantur, & obsunt vniuersi il-
li Canonici, qui litigatorū, & nomine, & turbulento munere gaudent;
sed quid est concordia? Est vnus, idemq; mutuus multorum, licet alio-
qui sint gradu diuersi, in vita moribusq; animus. Qualis fuit priscis il-
lis Christianis in Ecclesiâ primordijs Act. 4. Multitudinis. n. credentiū
erat cor vnum, & anima vna. Id quod olim pollicitus fuerat se daturū
Deus, Hier. 32. dicens; Dabo eis cor vnum, & viam vnā, vt timeant
me vniuersis diebus, & benè sit eis, & filijs eorum post eos.
- 2 Ad hanc igitur animorum consensionem, litibus omnibus profligatis, non mediocris nos hortatur utilitas, vtpotè quòd concordibus,
& eorum filijs Deus benè velit. Id quoque nostra nos natura docet,
cū omnes ex vno patre simus fratres, quos decet esse sibi consentiē-
tes. Intueamur insuper vniuersa inanimata suo quidē genere concor-
diam tenere, qualia sunt sydera, elementa, & Angelicæ creaturæ, quæ
vtique Deus ad concordiam, absolutamq; consonantiā produxit, sin-
gula suis officijs destinata, communifirationem admirabilem obser-
uantia, quam Salomon Sap. cap. 11. insinauit, dicens; Omnia in men-
sura, & numero, & pondere disposuisti; & Baldath Suites dixit Iob 25.
Potestas, & terror apud eum, qui facit concordiam in sublimibus suis.
Est quoq; hæc multarū mentium concordia Deo nostro quàm gratif-
sima, teste Salomone. Eccl. 25. in tribus placitum est spiritui meo, quæ
sunt probata corā Deo & hominibus; cōcordia fratrum, & amor pro-
ximorum, & vir, & mulier sibi benè consentientes.

3 Státus quoque noster, qui Christianus esse debet, & nos Christiani sumus, idest Christi Iesu discipuli, & filij, præsertim Religiosi, ad eandem animorum tranquillitatem nos adhortatur. Ea autem ex concordia, quæ nutrit amorem, oritur; quam rem Christus Ioan. 13. pectoribus nostris inserit, dum ait; In hoc cognoscent omnes, quia discipuli mei estis; si dilectionem habueritis adinvicem. Hoc. n. quasi certissimo signo dignosci poterit ob omnibus, quòd verè Christi discipuli sitis, si fraternam charitatem erga vos inuicem colueritis, eamq; non verbotantù, aut lingua, sed opere, & veritate ostenderitis. Nec enim aliud est signum certius, nec alia distinctionis in Religiosorum domo nota manifestior. Hæc ex ore domini suauissimo audire placeat tibi; qui contentionibus totus intendis, totusq; absorberis, neque te in animi serenitate continere vales. Ea propter Christus cælestem patrem orauit Ioan. 17. inquit; rogo pater, &c. Vt sint vnum, sicut & nos vnum sumus, vt sint consummati in vnum. Quasi dixerit, authore Chrysostomo, nihil ita omnibus offendiculum subministrat, vt mentium dissensio, & concordia amissio. Si enim discipuli mei altercantur, non dicentur pacifici magistri, esse discipuli; me verò non existentem pacifico, non constebuntur à Deo missum.

4 Sed neque Paulus ab hac ratione dissidet. Nam ad Philip. 2. ait; Implete gaudium meum, vt idem sapiatis, eandem Charitatem habentes, vnanimes, id ipsum sentientes, nihil per contentionem, neque per inanem gloriam, sed in humilitate Superiores sibi inuicem arbitrantes, non quæ sua sunt, singuli considerantes, sed & ea quæ aliorum. Audi Paulum in hunc ferè modum concionatè. Si mihi vllum vultis solatium, atque refrigerium charitatis præstare in tribulationibus meis; si vlla mihi spiritus societate vultis coniungi; si demum mihi viscera miserationis ostendere desideratis; non aliud à vobis postulo, nisi vt impleatis, perficiatisq; gaudium meum, quod de vestris bonis principijs iam pridem concepi, hoc autem est, vt idem sentiat is absque dissensionibus, mutuam Charitatè exercentes, vnius animi, atque affectus. Nihil prorsus agatis ex contentione, siue ambitione, neque ex inani gloria; sed contra, omnia agite in humilitate, tamq; subiecti inuicem, proximos semper, vt Superiores reuerentes. Non considerantes singuli propria commoda tantum, aut quæ in vobis ipsis sunt bona, sed magis etià quæ aliorum sunt. Sic. n. & Humilitas fouetur; & Charitas. Viuite igitur in perfecta, & omnimoda humilitate, in mansuetudine, & animi lenitate, tolerantes vos inuicem, studiosè curantes intertenere vnitatem spiritualem per pacem, quæ est vinculum spiritualis vnionis. Per pacem enim veram est vnio spiritualis, sicuti per discordiam di-

uisio cōtrahitur. Quia. n. ratione nō vigilanter studebitis, ingentēq; nauabitis operā, vt in vnitare pacis permaneat, cū oēs sitis vnū corpus, vnū caput habentes Christum, & vnus sit spiritus, quo oēs potati estis.

5 Ad hæc si rem maturo consilio expendere velis, vel necessitate cōpulsus, lites, & dissensiones repellere constringimur, nihil. n. sibi absq; concordia constare, aut perdurare potest, vt enim concordia paræ res crescunt, sic discordia maximæ dilabuntur: non exercitus, neq; thesauri, præsidia sunt regni, verū amicitia, & animorum tranquillitas. Quis autem amicior, quam contubernalis contubernali? Aut quem alienum fidum inuenies, si tuis hostis fueris? Tuum quidem regnum firmum futurum est, si bonus fueris, si malus, imbecillum; vt verè liceat affirmare, sine consensione, & pace ad bene, beateq; viuendum, nullam, vel quamlibet exiguam Religiosorum rempublicam incolamem permanere posse.

6 Omne quidem regnum in se diuisum desolabitur, & omnis ciuitas, vel domus contra se diuisa, non stabit. Quòd vti à summa dictum est veritate, ita verissimum est, & quidem innumeris penè exemplis exploratissimum. Nonne (quæso) discordia duorum fratrum Cayni, & Abelis causa fuit, vt adauctis deinde hominum sceleribus, aquarum inundatio auctores culpæ, & qui auctoribus accessere, cū vniuersa terra obruerit, Gen. 4. cap. Nonne patris Noe ira, qua adegit Cham filium in exilium, in causa fuit, Gen. 9. vt nunquam iam inde hominum genus semel immersum erroribus, à seipso dissidere destiterit? Nonne Salomon reliquit filio Robor magnum, & opulentum regnū? Cæterum domestica discordia diuisum, iam inde in peius abiit, grauiusq; & intestinis cladibus conscisum eo tandem peruenit, vt finitimis, vicinisq; omnibus ludibrio fuerit. Nonne & Dauid rex 2. Reg. 17. à filio, regio solio, vrbeq; deiectus, coactus est cum suis hostiliter dimicare, regnumq; ignominiosa fuga, & Absolonis cæde deformatum, nō tam humana, quàm cæli prouidentia recepit? Nonne filij Aristobuli Iudæorum regis, & fratris Hyrcani, dum inter se de regno disceptant, regnum, & vrbem perdiderunt? Et quod maximum est, augustinissimū templum, quod in orbe exitit, bello prophanatum est, magnaq; ex parte dirutum? Nec eo bello, quo Hierosolyma orientis olim clarissima, excisa est æquè aliud funestum illi fuit, quam Eleazari, & cætorū Ducum discordia, quorum dissidium non minus obsessam multitudinem intus afflixit, quàm foris Romanus hostis. Sentētia igitur est aurea, non vtiq; de Phœbi, sed de Christi Iesu summæ Dei patris sapientiz tripode prolata, non solum atramētō, sed spiritu Dei viui, vt Apostoli verbo vtar, non modo in talibus lapideis, sed & in tabulis cordis carnei

carnei scribenda, sed & legenda, & relegenda; nimirum qua tota veræ pacis, vnde sumus filij Dei, doctrina continetur; nempe quæ docet, quomodo scilicet maneat, ac perseueret in scilicet statu regio, ciuitas, oppidum, villa, domus, ipsa denique hominis anima. Quo vnico documento fit per quam manifestum, omnia in mûdo-existentia, atque adeo ipsum mundum, solo amoris vinculo, & concordia constare, & conseruari; contra verò diuturnum esse non posse quod odio, quod discordiæ sit obnoxium, quippe quæ sit omnium malorum, & miseriarum dux, & causa. Proinde alieno periculo cauti, si qua sunt intra nostros parietes priuata, ac domestica odia, diligenter repellamus; memores alioqui, & de nostro honore, domestico solo nomine, & de omni denique tam temporali, quàm æterna beatitudine, actum esse.

7 Eandem nostram sententiam nõ parũ construit vulgatus ille Apologus Menenij Agrippæ, qui orta Romæ scruissima inter patres, & plebem seditione, missus ad plebem furibundam orator, prisco illo dicendi, & horrido modo nihil aliud quàm hoc narrasse fertur; Tẽpore quo in homine, non vt nunc, omnia in vnum consentiebant, sed singulis membris suum cuique consiliũ, suus sermo fuerat, indignatas reliquas partes, sua cura, suo labore, ac ministerio ventri omnia quærri, & ventrem in medio quietum, nihil aliud quàm datis voluptatibus frui; conspirasse inde, ne inanus ad os cibum ferrent, nec os acciperet datũ, nec dentes contererent, hac ira dum fame ventrem domare vellent, ipsa simul membra, totumque corpus ad extremam tabem venisse; inde apparuisse, ventris quoque haud segne ministerium esse; nec magis ali, quàm alere eum; retinere in omnes corporis partes hunc, quo viuimus, vigemusque; diuisum pariter in venas, maturum confecto cibo sanguinem. Sic quidem simile esse intestinæ corporis seditioni, iram plebis in patres; nec fieri posse illam rectè facturam quicquam, nisi locum daret concordiæ, cuius ductu omnes æque viverent, tam diuites, quàm pauperes, nec inutiles esse magistratus, vtcunque viderentur superflui, & ocio dediti, nempe quibus omninò ad rempublicam scilicet regendam opus foret. Flexisse hoc modo mentes hominum. Agi deinde de concordia cœptum; cessumque in conditiones, vt plebi sui magistratus essent sacrosancti. Quid obsecro ab ethnico viro in lumine naturæ vel pulchrius, vel verius dici potuit? Quo is euidenter arguit, quàm malè cedat inter membra corporis discordia, & quàm bene omnia geratur, duce cõcordia. Qua propter Paulus ait. i. ad Cor. i. Obsecro vos fratres per nomen domini nostri Iesu Christi, vt idipsum dicatis omnes, & non sint in vobis schismata. Sitis autem perfecti in eodẽ sensu, & in eadẽ sententia. Videlicet, sine sectis, & diuisionibus, sitisque vnum cor-

pus integrum, & continuum, in quo nullus sit hiatus, nulla diuifio.

8 Quæ omnia cùm perfpicuam veritatem contineant, quis nō ex animo difcere cupiat, quæ concordiam veram accerfant, litesq; ē domo depellāt, fi modo fe, & fuos fœlici vëto gubernari cupiat Si igitur veram habere voluerimus, ferenamq; concordia, Deum in primis colamus, illum timeamus, omnia illi adfcribamus, feramusq; acceptum illi quicquid fumus, & quicquid habemus; noſtra nō quæramus, ſed quæ ſunt Ieſu Chriſti, & quæ omnium ſunt. Nemo noſtrum alteri, perinde, atq; viliori ſe præferat, ſed potius cogitet, nos omnes eſſe ſub Chriſto vero domino, qui noſtrum ſit caput, & ipſi eius in vno corpore membra. Nec. n. conuenit, vt alter alterum ſuperbe ſpernat, quaſi melior exiſtat, ſed vnusquiſque ſit eo loco & ſtatu contentus, in quo dominus non abſque ordine ipſum inſtituit, nec quiſquam arbitretur, minus inferiusq; membrum propterea deſpectui eſſe, quòd non alio excellentiori miniſterio fungatur. Sed potius meminerit, omnes nos eſſe vnius corporis membra, quorum ſingula Deus in corpore pro ſuo arbitratu collocauit, vnicuiq; ſuam demandans, attribuensq; vtilem functionem; ſingulaq; membra aliorum miniſterio, & munere indigere voluit, ita vt non poſſit oculus manu dicere, opera tua non indigeo; aut iterum caput pedibus, non eſtis mihi neceſſarij. Idemq; ipſe Deus ſic corpus temperauit, vt infirmiori membro abundantiorẽ largiretur honorem, vt non ſit ſchiſma in corpore, ſed in idipſum pro ſe inuicem ſolicita ſint membra. Hæc omnia aperta luce Paulus docuit, 1. ad Cor. 12. & ad Rom. 12.

9 Deinde Superiores, quos ſeruator noſter adeo voluit pro ſalute rei-publicæ religioſorum eſſe concordēs, vt ille ſe eis indiuiduæ concordie exemplum præbuerit; ſibi caueant, ne à prauis hominibus iniquis artibus in diſſenſionem trahantur. Huiusmodi. n. conturbatores, nocentiſſimi ſunt congregationis hoſtes. Id autem Superiores effecerint, cùm malos amore paterno correxerint, bonos ornauerint, re bellesq; ſuppreſſerint. Poſtremò inferiores probe ſuas agent partes, ſi à Superioribus diſciplinam ſuſcipiant, iuſſa capeſſant, & amari malint à Superioribus, quàm odio haberi; meminerintq; præcepti Apoſtolici ad Rom. 13. Omnis anima poteſtatibus ſublimioribus ſubdita ſit, & qui poteſtati reſiſtit, Dei ordinationi reſiſtit. Meminerint eos eſſe, qui peruiſigilant, quaſi rationem pro animabus eorum reddituri Meminerint (inquam) obedientiam Deo, quam viciniam eſſe gratiorem. Vnde & ipſe Chriſtus dominus noſter, licet Deus eſſet, idemq; rex regū parentibus ſubditus fuit Luc. 2. Conentur igitur, vt ſuos Superiores amore proſequantur, & ipſi ab eis diligantur. Hæc ſunt; quæ ad parandam

randam, tuendamq; animorum concordiam vtilissima esse diximus.

10 Verum enimvero omnis Canoniorum domus, in qua fuerit dissidium, ita vt vna pars aduersus alteram insurgat, inuicemq; se collaborent perdere diuise partes, cito dissipabitur, & facile conteretur, quo enim modo dum vna pars alteri se opponit, stabilis permanebit? Certe corruet proprijs vulneribus confecta. Audi ergo salubre admodum Christi consilium Math. 5. si quis nanque te velit in ius trahere, ac iudicio tecum pro rebus ciuilibus contendere, & quidpiam tibi iudicio auerre, animo sis parato pro Dei gloria, & proximorum vtilitate, etiam plura illi quam exigit, relinquere, potius quam vllum scandalum generare, aut proximis officere, aut Dei gloriam tua contentione imminuere: videlicet vt si tunicam aduersarius tibi voluerit auferre, paratus sis dimittere cum tunica etiam pallium, potius quam cum detrimento tue anime, aut glorie Dei defendas tunicam. Itaq; per tunicæ ablationem damnum quodcumq; temporale intellige, ita vt potius feras duplum damnum, quam amittas pacem cordis, quæ per nimium tempus alium studium amittitur, vtq; potius & externum, & internū veltinentum relinquant, quam cum altercatione, ac litigatione, Christianæq; Charitatis detrimento repetas, quod amisisti. Neque tamen hic prohibetur pacifica rei perditæ repetitio, sed ea quæ veræ Charitati obliuiscit, vt si fiat cum scâdalo, & contentione. Deinde Christus vult, vt omnes sic pacem ament, sicq; mandatis suis simpliciter obtemperent, vt potius velint quæcunque habent perdere, & quæuis aduersa perferre, quam litigiosi fieri; vnde & seiplos, & ceteros inquietent, commoueant, atque conturbent.

11 Porro ad oculum nobis depingit Iacob. cap. 4. quomodo ex concupiscentijs oriuntur lites, & iurgia. Dicite. n. mihi, vnde lites, & pugnæ, siue verborum, siue verberum, nisi ex carnalibus concupiscentijs, quas in membris suis regnare, non subiugatas rationis imperio? Primum enim propter carnis affectum insatiabilem concupiscitis superflua, quæ non habetis. Atque inde odio affici incipitis, & inuidere ijs, qui habent, neque sic tamen potestis adipisci. Deinde iniustas lites, contentiones, pugnasq; & priuatim rixosas, & publicè iudiciarias, atq; forenses, suscitatis adinuicem. Quod si in mansuetudine, quæ vobis desuit, postularetis à domino, acciperetis vtique, quæ essent necessaria. Nunq; autem nō habetis, quia à Deo omnium largitore nō petitis, sed per inuilitiam vultis vestræ auaritiæ satisfacere; vel certe quod malè petatis, non ad satisfaciendum naturali necessitati, sed ad impendendum carnalibus desiderijs, eisq; satisfaciendum in voluptatibus.

12 Vigilanti ergo mēte intelligamus, quod quemadmodum cum ira-

scimur, & contendimus, & configimus inuicem, diabolus gaudet, atque regnat, Angelici verò spiritus contristantur, & dolent; sic nobis in Charitate, & pace uiuentibus, & iram regentibus, mœrore contrahitur diabolus, abiectusq; redditur, quippe qui sit pacis hostis, & concordie inimicus, ac inuidie pater; Angelici verò spiritus exultant, ac nobis præsto sunt. Nam licet plurima sint, que Angelis placeant, & quæ in nobis inuenire gaudent, & delectantur, ut est sobrietas, castitas, iustitia, crebri in cælum gemitus, & orationes cum lachrymis, & cordis intentione; attamen, asseuerante Bernardo, super hæc omnia unitatem, & pacem à nobis exigunt Angeli pacis. Sed quid ni maximè delectentur in his, quæ formam quādam ciuitatis suæ cœlestis representant in nobis, ut mirentur Hierusalem nouam in terra? E diuerso verò nihil æquè offendit, & ad indignationem prouocat eos, ut dissensiones, & scandala, ac iurgia, si fortè inueniantur in nobis. Iurgiorū igitur, & litium amatores, vel ipsis Angelis cœlestibus aduersantur, & supra modum displicent. Quare si ea, quæ Dei sunt, sapimus lites: & omne dissidiorum genus omnino effugiemus.

- 13 Postremò aduersus lites, atque dissidia generoso animo mansuetudo dimicat. Sunt autem mansueti, & mites, qui læsi, faciliè condonant iniuriam, qui malunt rei iacturam perpeti, quàm contendere, qui pluris faciunt concordiam, & animi tranquillitatem, quibus optabilior est quieta paupertas, quàm rixosa diuitia. Hæc profectò splendida virtus quàm plurimos nobilitauit; è quorum numero Patriarchæ fuere, qui perquam multas iniurias hac vna mansuetudine vicerunt. Qui solùm patrium, & gentem relinquentes, & suorum gratiam continent, comite mansuetudine peregrinati sunt. Ad hunc sanè modum se habuit sanctus Moyses, qui non vno, aut altero modo opprobrijs populi sui amaricatus, & sæpè exasperatus, pro eo tamen sapius Deum orauit, proptereaq; nu. 12. & Exod. 32. mitissimus appellatur. Huic præquam similis fuit Dauid rex, qui cæteris virtutibus tacitis, de sola mansuetudine gloriatur, dicens psal. 131. Memento domine Dauid, & omnis mansuetudinis eius. Ob idq; hi sanctissimi commemorati viri cū eiusdem mansuetudinis cultoribus possident nunc terrā illam, de qua psal. 141. dicitur; Portio mea domine in terra uiuentiū. Nostros ergo affectus compescere, ac mitigare satagamus, ut nō irascamur, aut irati non peccemus. Pulcherrimum quidem est, cohibere, & temperareq; iracundiam. Sic sanè mitissimus fuit Christus, qui psal. 37. ait. Ego tanquam surdus non audiebam, & sicut mutus, non aperiens os suum. Et factus sum, sicut homo nō audiens, & non habens in ore suo redargutiones. De eoq; Isaias cap. 53. ait; Sicut ouis ad occisionem ducetur, &

tur, & quasi agnus coram tondente se obmutescit, & non aperiet os suum. Mites etiam fuerunt Apostoli, qui apud Paulum dicunt, Male dicimur, & benedicimus; blasphemamur, & obsecramus.

De Canonico incurrigibili. Cap. xxij.



Pruerſi difficile corriguntur, clamat Eccl. i. cap. Tot. m. tantuſq; mundus ſcatet vitijs, vt ad integrum ſui priſtini ſtatus ſplendorem vix redire poſſit. Nec multis, periculoliſq; anime malis vulneratus homo poteſt ſua illibata integritatem, & priſtinam dignitatem facile recuperare. Nec poſſunt homines plus mille aſſueti vitijs, abſque diuina ope, a ſua ſceda conſuetudine, & inueteratis ſordibus diuellī. Scite, & appoſite quidam dixit; malum tanquam herbam irriguam ſuccreſcere. Proinde incurrigibilitas eorum, qui mala admittunt, vehementer auget in corde rectoris dolorem, cum mala auferre conatur, nihil tamen ſe proficere videt. Quam ergo illud ſit verum, nimium euidenter cernit quiſquis metis oculos habet apertos, ij maxime, quibus a Deo eſt commiſſum, alioru ſaluti intendere, qui ſpeculatores dati ſunt domui Iſrael. Bene illud experiebatur Moyſes nu. i. i. dicens; Cur impoſuiſti pondus vniuerſi populi huius ſuper me; quia grauis eſt mihi. Id vero ex peruerſorum incurrigibilitate proueniebat.

- 2 Præterea & id tonat Eccl. c. 7. Cōſidera opera Dei, quod nemo poſſit corrigere, quem Deus deſpexerit. Eſt hoc in operibus Dei dignum profunda conſideratione, quod ſolus Deus, cor hominis in manu ſua habet, vt poſſit illud ad virtutem inflectere ſuo motu interno. Nemo autem hominum ſine ſpeciali Dei auxilio cor hominis poteſt immutare, vnde ſit, vt quem Deus deſpexerit, aut a ſe abiecerit, ſiue reproba uerit, nemo poſſit corrigere, ſic vt Deo ſubtrahente, aut non infundente homini ſuam gratiam, nemo illud poſſit ad rectitudinem adducere. Fruſtra. n. laborat conatus hominis, vbi nō cooperatur manus Dei, quæ debet in omni opere potiſſimum eo, quod ad animæ ſalutem ſpectat eſſe præcipua, quemadmodum Paulus i. ad Cor. . ait; Dei adiutores ſumus. Ego plantaui, Apollo rigauit, Deus autem incrementum dedit; ſed neque qui plātat eſt aliquid, neq; qui rigat, ſed qui incrementum dat Deus. Huius rei exemplum habemus de reprobatō Saule i. reg. i. 5. Quem lungebat Samuel, non poterat tamen corrigere illum, tot ſuis lachrymis, tantuſ, tamq; Deo acceptiſſimus propheta, quoniam deſpexerat illum Deus, ſic. n. ad illum ait dominus; Quare tu luges Saul, cū ego proiecerim illum a facie mea, ne regnet ſuper Iſrael? Dicitur autem deſpicere Deus hominem, non quod ani-

nam bonam à se creatam contēnat, & quia reprobatur hominē, & abjicit, propter peccata, quatenus illi suam gratiam, & auxilium subtrahit, sine qua ad salutem non potest perungere. Quid enim causā est, vt nullis hominum monitis, & precibus, ab improba consuetudine ille obduratus reuocetur? Superbia sanē, & mens in vitijs obstinatissima. Deus tamen ex se, suaque misericordia paratus est omnibus lapsis suū præbere subsidium. Vtrumq; .n. legimus, conuerte nos domine & cōuertemur; & rursus, conuertimini ad me, & ego conuertar ad vos, consule sacrum Concilium Tridentinum sess. 6.

3 Ex quibus omnibus ille discat, qui aliorum salutē inuigilat, & incubit, vt semper plus Deo tribuat, quā suæ vel diligentia, vel industria, præcipuumq; fructum ex illius operatione expectet, illumq; studiose, & sedulò roget, vt simul cooperari velit: neq; præsumat suis laboribus, aut sollicitudine, aut sermonis efficacia posse corrigere eum, quem despexerit Deus. Propterea. n. Paulus post multa in singulis suis epistolis tradita salutis monita, & exhortationes validissimas, penē semper in oratione ad Deum finit sermonem, sciens nimirum, quod nemo potest corrigere, quos ille despexerit.

4 Propter illa verò, quæ hactenus à nobis in medium allata sunt, non licebit Prælato, correctione deposita, ocio torpere. Vulgato, & vero verbo dicitur: Humanum est peccare, diabolicū perseuerare. Vix. n. vita præsens sine peccato transigitur, nisi si quem specialis Dei gratia singulari priuilegio custodiat. Idcirco peccare dicitur esse humanum, quia teste scriptura Gen. 8. sensus, & cogitatio hominis prona sunt ad malum ab adolescentia sua. Vnde fit, vt iuxta Ioannis verbū, si quis dixerit peccatum se non habere, seipsum seducat, & mēdax sit. At verò in peccato perseuerare, non humanum est, sed diabolicū, diabolus nāque in malo est obstinatus, & sic adeo reprobatus est, vt à malo resurgere, atq; ad statum rectitudinis reparari non possit. Non sic autē homo peccator, donec in vita ista agit, adeo reprobatus est, quin possit, si velit, per Dei gratiam, à lapsu quantumlibet graui resurgere. Pœnitentiam. n. habet, secundam post naufragium tabulam, in qua possit submersionis periculum euadere, quæ dæmonibus non conceditur. Si nāque confiteamur peccata nostra, fidelis est, & iustus, vt remittat nobis peccata nostra, & emundet nos ab omni iniquitate. Ioan. 1. cap. Sed qua ratione in tanto rerum discrimine erga incorrigibiles Prælati se gerere debeat, nunc vtcumq; docebimus.

5 Quattuor sunt incorrigibilitatis species annotandæ, vt periti tradiderunt. Prima, cū correctus reuertitur ad priora delicta, vel in illis perseuerat, vel alia committit delicta, etiam si non sint similia, quam-

uis fuerint minora. Secunda species est, si correctus nō vult egere pœnitentiā; vel nō vult pœnā delicti persolvere, vel nō permittit se capi a iudice suo. Vt si detruderetur in mōnasteriū ad pœnitentiā peragendā, eaq; nō peracta fugā arriperet, & se occultaret; vel alia via factio impediret, ne eū iudex arctare posset, licet in nouo delicto non reperiretur. Tertia species est, cū correctus, tertio admonitus, nō desistit, vel alia delicta cōmittit, iudexq; ecclesiasticus debet eū incorrigitilem declarare; ipso tamen non citato, ne fugiat. Quarta species est, cū in modo confitēdi crimen, talia verba reus profert, vt ex eis appareat, eum esse incorrigibilem. Qui ostendit non solum delicti cōmissi se nō pœnitere, sed dolere, quod delictum non fuerit ita plene perpetratum, & consummatum, sicuti ipse attentauit, & committere intendebat. Hæc omnia desumuntur ex Panorm. in c. cū nō ab homine, de iudicijs. Et ex practica criminali Bernardi Diaz de Luco, Episc. Calagurritani ca. 13.

6 Adnotandum ex Alphonso Castro lib. 2. de iusta, hzer. punit. cap. 1. Eum esse censendum incorrigibilem, non qui corrigi non possit; nā liberum arbitrium vertibile est, & ex hoc in illud mutabile, sed eum, qui legitime admonitus, corrigi non vult. Qualis autem sit censenda legitima admonitio, non satis exploratum est. Et vt rei propositæ cōuenit, contemnenda non est Antonij opinio, qui sentit, trinam admonitionem debere necessariō præcedere, vt quis dicatur incorrigibilis. Hæc tamen tres admonitiones non sunt nimia celeritate, vna post alteram sine intervallo adhibendæ. Tunc. n. non duæ, sed potius vna merito existimaretur. Interualla siquidē temporis, & spacia, quando non sunt punctim præfixa, in materia morali non tam rigide, vt in Logica, aut Philosophia accipienda sunt. Quin potius & Ecclesia ipsa in puniendis criminibus solita est præfigere terminum, nec tamen breuem; infra quē reus resipiscere valeat. Hæc tamen tam prolixa, tamq; exacta admonitio nemini molesta esse videatur, ne propter officiū negligenter administratum incorrecti hominis anima pereat. Multa. n. toleranda sunt, vt vel vnā animam ex inferni faucibus eripiat pastor, & rector. Filius. n. Dei, vt nos a dæmonis eriperet potestate, carnem nostrā cum omnibus ferē illius miserijs assumere voluit iuxta S. Tho. doct. 3. par. q. 15. art. 1. & mortem in illa pati dignatus est; subeat igitur pastor labores pro illius anima tuenda, pro qua Christus filius Dei mortem subire nō recusauit. Hanc trinam, atque frequentem admonitionem, vt legitimam in eodem negotio tradidit D. Basilius Magnus in regulis fusius disputatis nu. 28. vt statim sumus explicaturi.

7 Præterea vt notauit Humbertus cap. 99. in regulam Augustini, vitium eorum, qui culpas committunt, & pœnitentiam recusant, dicitur

incurribilitas. Quæ quidem grauissimum est peccatum. Diaboli. naturam imitatur, qui postquam peccauit, nunquam poenitere voluit. Huius etiam peccati periculum ex eo cognoscitur, quod remediū tepudiet, & recuset. Adde etiam quod totam Religionem euerit. Obedientiæ enim obstitit, & reluctatur; in qua tota Religionis virtus sita est, sua quoque contagione reliquos inficit. Demum finali impoenitentia, in Spiritum Sæctum aduersa annexa est, quam propter eam omnes excruciantur. Ea sanè de causa August. in regula aduersus hominem incorrigibilem exurgit, dicens: Conuictus verò secundum Præpositi, vel Presbyteri, ad cuius dispensationem pertinet arbitrium, debet emendatoriam subire vindictam. Quam si ferre recusauerit, etiam si ipse non abscesserit, de vestra societate proijciatur; ne contagione pestifera plurimos perdat. Quæ autem poena grauior excogitari potest, quam à Religiosorum societate expelli? Quo in loco ubiter adnotandum, hanc expulsionem iuxta quorundam interpretationem, quoddam esse excommunicationis genus, ut quando fratri interdicitur, ne cum alijs in Choro, vel Refectorio, conueniat; aut quod nullus eum alloquatur, & similia. Alij asseruerunt quendam esse sequestrationem, quia in aliquo loco, quasi in carcere quispiam includitur. Alij tandem eiectionem ab Ordine, ablato habitu esse, explanauerunt. At verò commodior, prudentiorque illa est sententia, ut dicamus: Iuxta diuersas personarum, culparumque circumstantias nunc primum, interdum secundum, quandoque tertium esse faciendum. Eo tamen pacto, ut semper mitior poena eligatur, si verisimile fuerit eam satis esse medicinalem, scandalumque; aliorum, & iustitiæ conseruatio aliud non suaserint.

Dubiolum autem hic oritur, an illi Prælati peccent, qui Religiosos graues, & diuosque propter eorum importabilitatem, ac feroces, difficilesque mores, aut e monasterio expellant, aut si egrediantur, dissimulant? Respondeo; postquam iam professi sunt Religionem, pro culpisque semper satisfacere parati, nisi damnum rebus monasterij inferant, & nocumentum ut fures; vel personis, ut percussores; vel alios peccatis inficiant, ut hæretici, & discordias seminantes, & sollicitantes alios ad apostatandum, & ijs similes; nulla ratione propter quodcunque onus, aut tardium repellendi sunt, sed tolerandi, & a quo animo ferendi, tãquam qui fortè à Deo sunt dati ad patientiam, fraternamque Charitatem, & excitandam, & exercitandam. Nec quidè absque graui peccato qui eorum curam gerunt, illorum apostasiam iure dissimulare poterunt.

Graue etiam peccatum in Religione furtum esse censetur, & ut incorrigibilis, ita quoque fur expulsionis poena punitur. Quod si contra obieceris, qua ratione propter furtum, quod duntaxat damnum est te

porale, abijciendus sit frater, propter quem Christus mortem pertulit? Respondeo primum, quod fures in Religione non solum rebus temporalibus, sed etiam spiritualibus nocent. Deinde, & sanctam congregationem conturbant, bonumq; aliorum spirituale impediunt. Est quoque & altera ratio in ipsorum furum vtilitatem, ut cum expulsos se intueantur, confusione, tribulationeq; percussi, ad cor reuertantur. Quare propter ipsorum, aliorumq; spirituale bonum, tanquam iusta huiusmodi poena eis infligitur.

10 Inter ea verò, quæ à nobis in hoc argumento allata sunt, non infimum profectò locum obtinet D. Basilij magni perpulchra philosophia in regulis disputatis, interrog. 28. aduersus contumacem, siue inobedientem. Qui ita. n. animo affectus sit, ut ad exequenda Domini mandata cuncta abundus sit, atque lentescat, erga eum primo misericordia agendum est, ipseq; Antistes priuatis admonitionibus operam det, ut morbum illum ab eo depellat: permanentem autem in obstinatione, neque se emendantem, acrius coram cunctis fratribus redarguat, eiq; medicinam summa cum lenitate, & verborum exhortatione adhibeat. Porro si postquam admonitus sepius fuerit, inuerecundè tamen in vicio perseuerat, hunc perinde, ut si ipse corruptorem, non sine lachrymis, lamentationibusq; ut membrum penitus vitiatum, ac inutile, medicorum more, à reliquo corpore præcidere conuenit. Et ne vitium latius proserpat, neue ex contagio se diffundente contiguas partes corrumpat, illud secandum, eruendumq; est Matth. enim 3. cap. sic legimus. Si oculus tuus dexter scandalizat te, erue eum, & proijce abs te. Quandoquidem clementia illa, qua quis aduersum istiusmodi homines utitur, stulta illi Heli indulgentia facilitati assimilis est, qua præter Dei voluntatem erga filios suos ille usus fuisse animaduertitur. Sic Paulus 1. ad Corinth. 5. Cur non magis luctum habuistis, ut rolleretur de medio vestrum, qui hoc opus fecit? nam & modicum fermentum totam massam corrumpit. Peccantes autem, inquit Apost. 1. ad Timoth. 5. coram omnibus argue, cuius rei causam confestim adiungit, ut & ceteri timorem habeant. Et idem author in regulis brevioribus interrog. 9. sic inquiri. Aduersus eum, qui obstinate pergit peccare, quo modo erimus animati? Respondet; Eo nempe, quo Dominus iussit, cum dixit; Si autem Ecclesia non audierit, sit tibi sicut ethnicus, & pulicanus Matth. 18. Et ut Apostolus 2. ad Thes. 3. docuit: ut subtrahatis vos ab omni fratre ambulante inordinate, & non secundum traditionem, quam accepistis à nobis.

11 Eadem de re sapienter philosophatur D. Benedictus in regula; Si quis, inquit, frater frequenter correptus pro qualibet culpa, etiam si

excommunicatus non emendauerit, acrior ei accedat correctio; id est, ut verberum vindicta in eum procedat. Quod si nec ita se correxerit, aut fortè, quod absit, in superbiam elatus, etiam defendere voluerit opera sua: Tunc Abbas faciat quod sapiens medicus. Si exhibuit fomenta: si vnguenta ad hortationum: si medicamina diuinarum scripturarum: si ad vltimum vltionem excommunicationis, vel plagas virgarum, & si iam viderit nihil suam preualere industriam: adhibeat etià, quod maius est, suam & omnium fratrum pro eo orationem: ut Dominus, qui omnia potest, operetur salutem circa infirmum fratrem. Quod si nec isto modo sanatus fuerit, tunc iam Abbas vtatur ferro abscissionis, ut ait Apost. Auferte malum ex vobis; & iterum, Infidelis si discedit discedat. Ne vna ovis morbida omnem gregem contamineat.

- 12 Ceterum de eo, qui propter incorrigibilitatem à monasterio exclusus est, quispiam ambiget, sit ne tutus in conscientia, posteaquam vix expulsus est, & abiectus? Respondet Dom. Sotus lib. 7. de iustitia, & iure, art. 1. in solutione ad 3. quod quamdiu per ipsum steterit, quo minus recipiatur, non est tutus. Sed tenetur emendare sese, & in viam redire, quoniam cum ex culpa sua fuerit exclusus, quamdiu in illa perseverauerit, versabitur in periculo. Si autem, correctà vita, ad claustra rediens, non admittatur, tutus manet in seculo. Quod si ulterius scisciteris, an teneatur in seculo Religionis vota seruare? Respondet idem Sotus. A voto quidem obedientiæ absolutus manet, postquam Prælatum eum reiecit: ac subinde à voto paupertatis, quandoquidem conuentus eum non alit: ac perinde à persoluendo officio diuino, nisi fuerit in sacris, atque à ieiunijs, & alijs annexis Religionis. Si quidè illorum non fecit votum expressum, neque ad illa tenebatur, nisi ratione Religionis, à qua expellitur. Sed tamè à voto castitatis non eximitur: eo quod expressè emisit illud, nec Prælatum potuit ab eo illum liberare.

- 13 Demum in calce illud adiungemus, quod Simon Cæsarianus lib. 15. de gestis Saluatoris cap. 10. acriter iudicio perstringit in eorum videlicet numero qui incorrigibiles censentur, à bonorumq; hominum amicitia, & consortio deuitandi sunt, non infimas tenere partes feris, crudelesq; homines more enim ferarum, motu omni ratione priuato feruntur: ferus sanè ille est, qui ab omnibus animo, & moribus dissidet, quin potius contradicit. Proinde Ismael Gen. 16. appellatus est ferus homo, quia manus eius contra omnes, & manus omnium contra eum: feri sunt omnes homines, qui efferato animo viuunt. Ferus animus indulgere non nouit; sæpè fingit pacem, ut exosum incautum facilius trucidet: ferus non placatur muneribus, acquiescere precibus nescit, suso hominum sanguine gaudet, noua semper machinatur mala, apimo nūquam

quam non ferit, sine causa litem inquit. Secundo, feri hominis animus est, non solum se periculis obicem, sed prauum etiam sponte offerre, & quasi demonis sit socius, mœret, si ab homine mala caveantur, malorumq; cōsiliorum est auctor: benignus erga crudeles existit, pijs autem, & mansuetis sua crudelitate nocet. Generis verò propinquitatem nō agnoscit, & ob suam animi pertinaciam, & immanitatē morum subijcitur nemini: libentiorq; animo ad mala perpetranda, quā ad conuiuia pergit, ad turpia, quā ad escas euolat. Sanguisuga insatiabilis est, ex sanguineq; procul odoratur bellum, quasi nouus demon. At verò proborum hominum amicitia perhorret truces, nec assistit animis ferocioribus. Habet etiam viscera amore, mansuetudineq; plena, & mores possidet iure tractabiles. Tertio, ferò homini persimilis est homo pessimus. Pessimus autem est, qui ascendit turrim nequitie, qui attingit apicem mali, quique pro viribus suis nullum malum inhaustum dimisit. Pessimus profectò est, qui rerū nouitates adinuenit. Vnde populus Dei comminationem accepit à Moysē in deserto, quòd propterea in peccatis propter adinuentiones esset perdendus. Pessimus nanque ad extrema vitiorū propè accedit, cui si ad aliquod malum agendū aliquando facultas desit, ad nullum tamen iniqua deest voluntas, facilè spondet fidem, vt maiorem inferat fraudem: de quibus Proverb. 2. cap. Salomon ait, qui relinquunt iter rectum, & ambulant per vias tenebrosas. Qui latantur, cum male fecerint, & exultant in rebus pessimis. Quapropter huiusmodi incorrigibilia monstra foras propellenda sunt.

4 Percunctatur autem D. Th. 2. sent. dist. 11. q. 1. art. 4. ad 6. possit ne quispiam presenti statu esse simpliciter obstinatus in suo peccato? huic ambiguitati respondet, nullus in statu viæ est adeò obstinatus, quin possit simpliciter per pœnitentiam cōuertri. Idcirco Isidorus lib. de synonymis incorrigibilē, & obstinatum sic exhortatur. Pone peccatis tuis finem, habeat culpa tua modum, habeat iniquitas tua terminū Culpas tuas, vel verberatus agnosce. Comperies etiā non pauca huius rei exempla in sacris eloquijs. Imò sapius ita vsu venit, vt qui natura erant quasi incorrigibili, indomita, & inepta, studiosiores fuerint, & perfectiorem sint adepti vitam, quā qui natura quieti, & bene compositi, ac sedati erant: sapius nanque istius modi ob studium, strenuitatem, & feruentem amorem suum erga Deum, incorrigibilitatē suam vsque adeo ponderant, seseq; vilipendunt, ac dedignantur, vt vix ferre se valeant; Exiguamq; culpam interdū magis exaggerant, magisq; æstimant, quā alius, licet bonus, etiam peccatum mortiferum; atque inde fit, vt tãto. sint ad cauendas etiam leues culpas vigilatiores; quòd

perfecto non parum eis ad obtinendam firmam in Religione stabilitatem adminiculatur, conducitq; . Ea enim in re potius Dei honore, quam seiplos considerant. Quodeunque enim quantumvis tenuissimum, quod Deo in ipsis displicere queat, pluris faciunt, quam qualicumque aliud detrimentum, vel iacturam. Quanto autem Dei amorem studiosius colunt, tanto sunt sanctiores, propensioresq; , & stabiliiores erga eum, quem diligunt.

De Canonicis, absque licentia, & monasterio exeuntibus. Cap. xxiiii.



1 **C**lemens 5. in Clemen. ne in agro dominico, de stat. Monach. vel Canonic. Regul. reprobis ausibus obuiare volens, inquit: Hoc edicto perpetuò prohibemus, ne Monachi, aut Regulares Canonici administrationem aliquam non habentes, ad curias principum absque speciali Prælatorum suorum licentia, se conferre præsumant, &c. Et paulò inferius subiungit; Prælati eorum districtè nihilominus iniungentes: ut ipsos à prædictarum curiarum accessu, & alijs quibuslibet vagationibus, & discursu, diligenter compescere, ac super hoc non parentes eisdem, se verè corrigere non. omittant.

2 His accedit salubre Conc. Trid. decretum sess. 24. de Regularibus cap. 4. his verbis; Prohibet S. Synodus, ne quis regularis, sine sui Superioris licentia, prædicationis, vel lectionis, aut cuiusvis pij operis prætextu, subijciat se obsequio alicuius Prælati, Principis, vel Vniuersitatis, vel Communitatis, aut alterius cuiuscunque personæ, seu loci: neque ei aliquod priuilegium, aut facultas, ab alijs super ijs obtenta, suffragetur. Quòd si contra fecerit, tanquam inobediens arbitrio Superioris puniatur. Nec liceat Regularibus à suis conuentibus recedere, etiam prætextu ad Superiores suos accedendi, nisi ab eisdem missi, aut vocati fuerint. Qui verò sine prædictò mandato in scriptis obtento, repertus fuerit, ab ordinarijs locorù, tanquam desertor sui instituti puniatur. Illi autè, qui studiorù causa ad vniuersitates mittuntur, in conuentibus tantù habitent, alioquin ab ordinarijs contra eos procedatur.

3 Ad eundem modum, & Bened. 12. in Constit. Canon. Regu. tit. de petenda licentia à volentibus extrà ecclesiam, vel monasterium progredi, vel exire, sic statuit; Vt in Religione prædicta euitetur dissolutio, & obedientia teneatur, districtius inhihemus, ne quis Canonicus distat Religionis de ecclesia, monasterio, vel loco suo cõuentuali exeat, nisi primitus obtenta licentia ab illo, qui eam valeat impartiri, quauis consuetudine contraria non obstante; quodq; causam sui exitus veraciter, & absq; fictione exponat ei, à quo erit licentia obtinenda. Qui ve-

pro huiusmodi licentiam concesserit; Canonicis Claustralibus nullam administrationem, vel beneficium obtinentibus, terminum redeundi, quanto eo convenientius poterit breuiore assignet eisdem. Sanè administratoribus, & beneficiatis, qui habeant residere in claustro, possit dari licentia sine præfixione termini, si hoc concedenti visum fuerit expedire. Si quis autem exierit extra ecclesiam, monasterium, seu locum alium conuentualem sine licentia, vel in termino assignato, iusta causa cessante, non redierit, pœna quæ in tali casu per statuta, vel consuetudines eiusdem ecclesie, monasterij, seu alterius loci infligenda fuerit, infligatur eidem. Et si super hoc statutum, vel consuetudo aliqua non existeret, pœna, quæ sequitur infligatur. Videlicet quod ille, qui infra nouem dies post exitum, seu terminum prædictos redierit, ultimus stet in choro; ac secunda, & quarta, & sexta foris; quintus autem primus in pane; & aqua ieiunet.

- 4 Illi verò, qui infra huiusmodi nouem dies non redierint, pœna, quæ sequitur imponatur. Videlicet quod à portâ regulari, parlitorio, seu alio loco decenti per claustrum cum magistro nouitiorum, vel alio ad hoc deputato, ad Capitulum veniant, càmisiâ, fœnoralia, & caligastantum habentes; superpellicem in brachijs, ac ferulam, seu virgam in manibus suis ferètes, cum quibus in dicto Capitulo, veniâ prius receptâ, & recognita culpa sua, coram omnibus verberetur. Et nihilominus alia pœnitentia, siue pœna pro qualitate delicti imponatur eidem secundum arbitrium imponētis, quod si sine scandalo huiusmodi pœna imponi non possit, in penam aliam secundum sui Prælati arbitrium de proborum, & seniorum conuentus consilio commutetur, quàm in dicti conuentus præsentia facere teneatur. Provisò attentius, quòd mensuram peccati correctionis inflictio non excedat. Simili quoque, vel alia còdigna pœna puniantur Canonici in prioratibus, seu administrationibus alijs externis assignati, qui sine licentiâ Priorum, seu Administratorum eorundem, de ipsis Prioratibus, seu Administrationibus recedentes, fuerint euagati, vel in termino non redierint assignato. Si autem de dictis Prioratibus, seu Administrationibus, ad claustrum, seu ad Prælatum suum à suis Prioribus, seu Administratoribus licentiâ nō petita, vel petita, & nō obtenta, veniunt, eidem Prælato, seu Superiiori suo causam sul aduētus statim exponant, qui Prælatus, seu Superior, an causa huiusmodi rationabilis, & vera fuerit, arbitret. Et si causam minus rationabilem, vel falsam esse repererit, vel si huiusmodi venientes nullâ causam ei exposuerint, aut licentiâ non petierint, per Prælatum, aut Superiorem eorum, prout his visum fuerit expediens, puniatur. Nullus quoque Canonici, pernoctaturus extra ecclesiam, monasterium, vel alium locum suum

suum abire sine breuiario permittatur, in quo pensum seruicij sui, dicendo horas canonicas, possit soluere creatori. Eandem ferè legem præscripsit idem Benedic. 12. aliquantulo tamen rigidiorem in Constitutionibus Monachorum nigrorum Sancti Benedicti cap. 24.

5. Item in Capitulo Prouinciali apud S. Petrum in celo aureo Papiensem celebrato anno 1340 die ultimo mensis Augusti, Canonici illius prouincie statuerunt in hunc modum; Porro vt cunctis Canonicis dicti Ordinis prouincie prædictæ vagandi materia præcludatur, statuerunt, & ordinauerunt, quod nullus Canonicus monasteriorum, & locorum prædictorum exeat septa ipsorum monasteriorum, atq; locorum, in quibus residere tenentur, absq; licentia sui proprii Prælati. Et quod tempore huiusmodi licentiæ obtinendæ, causam sui exitus verè, & clarè exprimat, & ad quem locum iturus est. Et si cogente necessitate, vel suadente honestate, ad alium locum, ipsum ire contingeret, & quam citius reuersus fuerit ad suum monasterium, locum prædictum, & causam sui itineris suo Prælato exprimere teneatur. Conradus etiam Archiepiscopus Coloniensis sæpè citatus de Monachis cap. 9. inquit. Itè præcipimus districtius, ne Monachis detur frequens licentia exeundi: sed si sine licentia Superioris districtum, siue portas claustrum, aliquis eorum exire præsumpserit; pœnam inde sustineat regularem. Rursus cap. 16. Statuimus item (inquit) quod Monachis nullatenus detur licentia ante primam exeundi, & similiter post completorium, nisi ex causa valde rationabili, & necessaria, vtpotè si contingat, ipsum extra monasterium suum in aliquo loco diuinum officium celebrare, vel in obitu parentum, fratrum, vel sororum. Eadem de re Conciliū Oxoniense Anglicanum sub Stephano Archiepiscopo de Canonicis Regularibus disciens, sic ait; Nec viris, aut mulieribus Religiosis absque Superioris licentia egredi liceat septa domus, nec sine certa, & honesta causa egrediendi eis licentia concedatur: ita tamen, quod nulli claustralium causa orationis, aut visitandi parentes, pateat aditus exeundi; nisi talis fortè fuerit, de quo nihil sinistrum possit quis, aut debeat merito suspicari; qui se per habeat collegam, & quoties aliter licentia excurdi indulgeatur, certus dies eidem præfigatur, in quo redeat. Itè Cardinalis Nicolaus Gussanus in confirmatione statutorum prouincialium, & Synodaliū Archiepiscoporum Coloniensium Conradi, & Sifridi, de Regularibus seruantia tractans, idq; ad Prælatos, & Canonicos Regulares, & alios quoslibet Religiosos extendens, ait. Nos autem pro clariori intellectu eiusdem, volumus excommunicationis pœnas intelligi, in eas personas ferri, quæ aut communem vitam, aut paupertatem, aut obedientiam, aut stabilitatem in monasterio, nisi licentia interueniat, aut quæ

habitu Religionis non deferunt; aut administrando, sua auctoritate
cōtractus faciunt, cuiuscunque etiā Religionis fuerint. Vbi obiter ad-
notabis, q̄ in solenni professione stabilitatem loci promissam, sic eam
intelligas, Religioso non licere ē monasterio egredi; nisi licētia inter-
ueniat, vt hic Cardinalis interpretatur: ad eundem modum ipsam
exponit in explicatione regulę D. Benedicti. Antoninus 3. parte tit.
16. cap. 1. §. 7. dicens: Stabilitatem intelligitur nouitius vouere; ita
scilicet, quod non apostatabit à Religione.

Qualis autem personarum delictus habendus sit in concedenda fo-
ras egrediendi facultate, quānam etiam itineris ratio à redeuntibus
poscenda sit, luculenter, abundeq; docuit Basilus magnus in regulis
fufius disputatis interrog. 44. Nam peregrinandi quidem potestatem
ei permittito, qui in peregrinatione sine animę suę detrimento, & cū
vtilitate eorum, quibus cum congregiatur, possit versari: alioqui enim
longē est præstabilius, summam rerum necessariarum penuriam per-
peti, atque egestatem, quā subleuandę necessitatis corporis causā,
perspicuum, & omnibus confessum animę detrimentum negligere,
quamquam huic incommodo medetur lex Charitatis. Nam cū per-
sona deest ad iter faciendū idonea, alijs exterioribus negotium amā-
dari potest. Quod quidem multo ante providere debet is, cui procura-
tio necessariorum concedita est: ne in ipso necessitatis articulo, rebus iā
in summas angustias adductis, remediū ipsi ex tēpore quarendū sit.

Ceterum vbi qui emissus fuerit domum iam se ex peregrinatione
repperit, cum diligenter percunctaberis, quid absens interim egerit;
in quorum hominum congressus inciderit; cū illis, quos sermones cō-
tulerit, in cuiusmodiue secum ipse cogitationibus sit versatus: num af-
siduē die, noctuq; in Deitimore permanferit, nam recta semita inter-
dum aberrarit, & à communi decreto aliquid innouarit, idq; terrore
perculus externarum calamitatum, an propria socordia lapsus?

Ex quid rectē ab ipso factum audieris, approbatione confirmato
& autē contra vitiose, leui curę, prudētiq; admonitione corrigito. Ita
enim attentiores esse assuescent, qui itineribus se dabunt, si de reddē-
da ratione solliciti sint: & nos quamdiu abiuncti illi à nobis perma-
neant, ne utiquam videbimur illorum vitę curam negligere.

Porro hanc consuetudinem ex actorum historia accepimus, soli-
tam fuisse à veteribus sanctis viris vsurpari. Siquidem & Petrus cap.
11. cum se Hierosolymam recepisset, ijs, qui tunc in ea ciuitate erant,
rationem reddidit eius societatis, quā sibi cum gentibus fuisset. Pau-
lus quoque, & Bernabas ibidem. cap. 13. reuersi ex peregrinatione,
congregatę ab ipsis Ecclesię renunciauerunt omnia, quę cūq; Deus

fecisset

fecisset eum illis, & Act. 13. Sicut omnis multitudo; & audiebant Barnabam, & Paulum narrantes, quæcūq; fecisset per illos Deus.

10 Illud tñ hoc loco intelligendū est, nūdinationes, & quæstus illos oēs, qui caupones attingunt, fratrum conuentus longissimè fugere debere.

11 At inquires, quidnam agendum sit, si amici, aut cognati nos hortentur, vt eos inuisamus? Respondeo, si hoc propter ædificationem fidei sit, qui adire hoc modo potest, is data venia mittatur. Si verò propter officium humanum, audiat quid Dominus respondeat ei, qui Lucæ 9. dixerat, permittite mihi ire, & renunciate his, quæ domi sunt: ait enim nemo mittens manum suam ad aratrum, & respiciens retro, aptus est regno Dei. Quòd si de eo, qui renunciare tantum voluerat, tale iudicium est, quid de hoc dicendum erit?

12 Præterea pauca documenta hac in re accipienda sunt. Primum, illud tenendum est, vt nequæquam quouis prætextu visendorum, conueniendorumque fratrum crebro è monasterio velimus egredi. Siquidem diabolus est istud commentum, qui hoc artificio vitæ ad disciplinæ nostræ stabilitatem, ordinemque religiosæ vitæ, labefaciendū, ac peruertendum; vt voluptatibus, illecebrisque, ac prauis cogitationibus obnoxios nos faciat. Sed in eo potius cuique elaborandū est, vt animi sui vitia diligenter perpendat, & corrigat, & ad virtutum culmen contendant. Secundum, sedata animi constitutio virtutis est argumentū certissimum: qui namque huicque continenti peregrinatione discurret, neque stabilis, certo ylio in loco diu consistit, is animum suum ad prauas affectiones assidue instigat. Quod cum ita sit amplectenda nobis quies est, & in suo cuique assignato loco perdurandū, quo animi sui stabilitatem testatam faciat. Tertium, neque verò propterea perpetuò est tanquam in custodia permanendum, sed quandoocūque & res poscit, & conscientia non reprehendit, liberè est, sidenterque prodeundum: & de fratribus probatissimis quique, & propter insignem vitæ sanctitatem maximè utiles inuisendi, & ex fructuoso illo congressu, virtutis exempli capienda: ita tamen, vt in prodeundo modus teneatur, & praua omnis suspitio euitetur. Adde etiam, quòd sæpenumero animi tedium, suscepta peregrinatio excutit, & refocillato animo vires præstat, acrioremque ad capeienda de integro pietatis certamina facit. Quartū si quis semel in animo honestatem constabiliuerit, obediunt namque exercitationem, & iante dominas libidines, ob eam causam è monasterio prodiros frequenter vellet, vt fratres edificet, visitetque: hinc ratio ad prodeundum impellit, quo phisita super candelabro lucerna, cunctis præclaræ doctrinæ suæ lumen largiter impartiatur, alijsque velut virtutum schola futurus. sic

13 Ne verò absque magna vtilitate discemus & illud, videlicet quòd ille, qui semel religiosam vitam ingressus sit, is nequiquam illorum sectari familiaritates debet, qui in còmuni vita versantur: neque de rebus ipsorum sollicitudinem omnino vllam suscipere: à propinquis autem amicis, parètibusc, animi affectione nos tam longè oportet esse disunctos, quàm longè eos, qui iam sint vita defuncti, à viuis videmus distare. Qui enim ad virtutis certamina se exuerit, mundoq; ac rebus mundanis renunciauerit, imò ipsi mundo seipsum crucifixerit; is mundo, & omnibus, qui in mundo sunt, mortuus est: siue illi parètes sint, siue fratres, siue tertii, quartumc, aut quemuis deinceps cognationis gradum obtineant. Siquidem verissimus pater est, primus quidem, qui communis omnium est pater: secundum illum verò deinceps is, pater quem spiritualis viuendi ritus moderatio est. Qui autem secularium hominum, & colloquijs, & amicitiis delectatur, is prauas eorum affectiones in animum facillè insinuauerit, & vitæ prioris vomitum resorbabit, atq; saucius, & misere ab hoste confixus, tandem concidet. Quo circa danda nobis opéra est, vt propinquis optima optemus, iusticiam dico, ac pietatē ad Deum, & ea quæ magni nos æstimauimus. Nec curare debemus eorum lùcra, & fortunās, casus, & inimicitias, alioquin. fiet, vt veluti statua sit Monachus, quæ solam Monachi figuram circumsferat; nimirum quæ nusquam virtutibus sit animata. Quia cecidit plerūq; vt Monachus propinquorum inopie succurrere volēs, sacrilegij scelere obstringere se non dubitet. Sic enim Christus, ne id quidem vnum illi discipulo permisit, vt res suas cum propinquis suis componeret. Alteri, vt ne cadauer quidem mortui patris humo superiniecta contegeret. Cùm tamen vtrūque rationi consentaneum, & iustissimum esse videretur.

14 Si verò dixeris, quomodo sacra scriptura præcipiat, habendam esse curam propinquorum, maximè domesticorum? Respōdetur, illud secularibus, & diuitibus dictum esse, qui propinquorum inopie poterant subuenire. Similiter viuis illud dictum est, non mortuis; nam hi ab huiusmodi debito liberi sunt. Tu autem mortuus es, & toti mundo crucifixus. Reiectis enim diuitijs summam paupertatem complexus es: cum teipsam Deo dedicasti, in peculiarem Deo thesaurum adscitus es; iam nihil habes, quod largiaris.

15 Postremò autem loco illud non absque amplissimo commodo annotabis. Quemadmodū passer, donec in nido manet, periculū nō parit a sagittante, sed vbi in sublimē auolauerit, patet illius sagittis; ita vir Religiosus donec in eo sacro loco, in quo nidum suum fixit, permanserit; donec dicat, in Deo speraui, nō emigrabo, non mouebo amplius;

plius; donec passer in domo, quam inuenit permanet; donec turtur nidum quem inuenit, non deserit, donec columba in foraminibus petrae, in cauerna maceræ, ubi nidificauit, perseuerauerit, non patebit, nec expositus erit inimicorum sagittis, nō. n. facile potest illuc malum accedere, neque flagellum, aut nocumentum ullum huic nido valet appropinquare. Hoc verò probè scientes dæmones, primum suggerunt, & operosè suadent, vt emigremus in montem, & nido, domoq; derelictis: in alta auolemus, forasq; progrediamur, & obambulemus, ita demum sperantes suis sagittis efficere, quod concupiscunt, id autem est, morte vulnerare animas nostras. Similis ferè & piscatorum ars inuenitur, qui cum piscibus insidiantur, illis maxime, qui ad ripas in caueris, aut in profundiori cæno inhabitant, primum baculo eos perturbant, vt è suis locis egrediantur, egressi verò, mox in expansa incidunt retia, sicq; veniuntur morti. Nos proinde huiusmodi artium conscij, si sagittatorū istorum perniciosorum mortiferas sagittas euadere volumus, caueamus, quātumuis inuite mur, à monasterij emigratione, vt nidum monasticum, quem elegimus, diligenter custodiamus; vt simus passeres solitarij in tecto, non vagi in montibus seculi huius. A monte verò modis omnibus caueamus; quoniam nequit in monte hoc salus inueniri, quemadmodum, & dilectus Domini discipulus, sagittas huiusmodi spiritu illuminato conspiciēs, solícite suos sic præmonebat; Nolite diligere mundum, neq; ea quæ in mundo sunt. Omne. n. quod est in mundo, aut est concupiscentia carnis, aut concupiscentia oculorum, aut superbia vitæ. Id est, nolite transmigrare in mundi mōtem, quoniam omne quod in monte est, noxium est. Ad quem sensum non ineptè accipiemus quod dicebat Gen. 10. ille, qui iam incendia Sodomæ, & Gomorræ euaserat. Quæso (inquit) domine mi, non possum in monte saluari, ne forte apprehendat me malum, & moriar? in ciuitate tamen, quæ adiacebat, licet parua, sperabat, & salutem. Atque hinc rursum, cum relicta iā ciuitatula, in qua salus ei fuerat à Domino constituta, in montem emigrasset, timore perterritus, in turpem fœditatem cecidit. Illic. n. & inebriatum legimus duabus vicibus, secundo cum proprijs filiabus concubuisse. Quamobrem cauendū est, ne in montem emigremus huius seculi; sed in nostræ sacræ domus ciuitatula potius permanendum ijs, qui salutem desiderant. Fac pie Iesu, in te semper hæreat nostra fiducia, sicque nos intra te te conclude, vt in montem istum cum animæ detrimento, nunquàm sinas quantūuis sollicitatos transmigrare. Qua in re vel aues ipsas nobis imitandas proponamus, quæ quidem in lignis cāporum, atque cedris nidos suos construūt; Aliæ quidem in altioribus arboribus, aliæ in humilioribus,

prout vnicuique natura indidit, & naturæ auctor instituit. Præ ceteris autem, nidus Erodij dux est, ac velut princeps aliarum auium, eo quod amplior, & altior sit nidus eius nidis auium ceterarum, quoniam præ ceteris altius ædificat Erodij, in magna altitudine, simul, & in magna amplitudine, supra multas auium species ponit nidum suum, ut merito nidus eius dicatur præcellere, vel anteire ceteras aues, nimirum amplior, & excelsior. Ordinata quoque sunt à Deo diuersis animalium speciebus diuersa confugia, in quibus à periculis eripiatur, atque saluentur, dum alta sua celeritate, alia petendo se à persequentibus tuentur; quemadmodum cerui cum persecutionem sentiunt, celeri cursu ad montes confugiunt; alia intra loca arcta, & inaccessibilia suam tutantur salutem, vitamque custodiunt, quemadmodum Herinacij, siue hericij in angustis petrarum latibulis se occultant, quoties periculum metuunt, quod fuga celeri sibi non possint consulere. Tu quoque, o Religiose altissimum in Religionis cedro nidum elegisti, hericiorum latibula tibi semel arriserunt, proinde oportet, ut in tuo sanctissimo nido te contineas, domi pedem figens; in cauernis sanctorum Religiosorum te ferre semper latitare expedientissimum iudicato si modo animæ tuæ salutem incolumem, tutamque custodire, cōseruareque velis. Alioqui profecto plusquam mille peccatorum sagittis confodieris.

De apostatis, cicclis, & fugitiuis. Cap. xxv.



Sapientissimus Salomon Prouer. cap. 6. miræ suis coloribus apostatam, seu schismaticum depinxit, dicens; Homo apostata, vir inutilis, graditur ore peruerso, annuit oculis, terit pede, digito loquitur, prauo corde machinatur malum, & omni tempore iurgia seminat. Huic extemplo veniet perditio sua, & subito cōteretur, nec habebit ultra medicinam. Ille autem censetur apostata, qui à Deo, vel à fide, aut à Religione, quam professus est, recedit. Angeli mali primum apostauerunt à Deo cum diabolo principe suo; qui primum hominem per inuidiam serpentina fraude decepit, ut August. scripsit lib. 15. de ciuit. Dei cap. 23. & prius quispiam auersione mentis discedit à Deo, quam alios seducat, & inter fratres iurgia seminet. Nisi. n. more superbientis angeli à conspectu cōditoris prius intus cadat, foras postmodum vsque ad serenda dissidia non veniet. Vir profecto est inutilis, quia sibi, & alijs nocet, graditur ore peruerso, vitiosa siquidē, & inhonesta verba profert, ut alios suis vitijs inuoluat; annuit oculis, nam super bis oculis, & elati suam prodit apostasiam, & vanos nutus visu ostendit. Terit pede, quia cōposito gressu ex elatione procedit, digito loquitur, eo quod loquendo

loquendo digitum petulāter extendit, & agit, & hoc à Domino reprehenditur Esa. 58. dicente; Si desieris digitum extendere, tum orietur in tenebris lux tua. Aliquando tamen sapientes loquendo digitū extendunt, & manum ad excitandam audientium attentionem. Præuo corde machinatur malum, quia dedita opera, & certa malitia cogitat, ad quem modum alijs nocumentum inferre valeat; omni tempore seminat lites, quod sanè grauiſſimum est peccatum, charitati, & paci omnino contrarium. Sed quæ seminauerit, hæc & metet, & cōfestim suam persentiet damnationem, & repentina morte sublatus, post eam non habiturus medicinam, idest, pœnitentiam salutare: quod si in hoc mundo eum tandem pœniteat, non tamen faciliè, quia durum est illi assueta relinquere. Nec ab hac Salomonis sententia diuersum est illud Es. 3. cap. pro eo quod eleuata sunt filia Sion, & ambulauerunt extento collo, & nutibus oculorū ibant, & plaudebant, & ambulabant, & pedibus suis composito gradu incedebāt, decalubabit dominus verticem filiarum Sion, & crimen earum nudabit, & pro ornamento erit ignominia. Sed & Ezech. cap. 2. ait; Mitto ego te ad filios Israel, ad gentes apostatrices, quæ recesserunt à me: apostatam autem Latine dici re fugam, & recedentem à veritate, eruditissimi viri declararunt.

2 Apostatam verò à Religione apud graues doctores bifariam accipi comperio. Nā laxiori significatione, eo ipso quod Religiosus à monasterio recedit, & non est sub obedientia Prælati, apostata esse affirmatur à Panor. cap. finali, de Regularibus, &c. isq; à Conc. Trid. sess. 25. de Regularibus cap. 4. si absque sui Superioris mādato in scriptis obtento extra monasterium repertus fuerit, tanquā desertor sui instituti, puniri iubetur: quo in loco id considerandum est, quod in Regularem sui Superioris facultate non minutum, egressumq; , & vagantē, pœnas apostatarum pronunciat. Quasi velit huiusmodi hominē apostatam iudicare. Apostatam. n. instituti desertorem interpretamur. In eis autem pœnis ex cōmunicatio etiam ipso facto incurrenda iure canonico statuitur, & vulgo connumeratur ex cap. vt periculosa, ne Clerici, vel Monachi, &c. in 6. Idcirco & Armilla aurea, in verbo Religio. nu. 16. asserit, eum, qui sub obedientia Prælati non est, non solum fugitiuū esse, sed apostatam: nisi aliud monasterium ingrediatur.

3 At verò si rigidiorē, strictiorēq; apostata significationem perspexeris, non faciliè quemuis, apostatā iudicabis: nā Cardinalis Caiet. in S. Thom. 2. 2. q. 12. art. 1. in hunc modum litem dirimit. Dubium, inquit, occurrit de apostasia à Religione. An Religiosus inconsulto suo Prælato, à cœnobio recedens, & non subiiciens se alterius obedientiæ; sit propriè apostata? Nam quod is verè sit, Innocentij tertij auctorita,

toritas in cap. fin. de renunciatione, & in cap. intelleximus. De rta-
& quali. ordi. suadere videtur.

4 Ceterum si apostasie ratio fuerit diligenter expensa, distinctione
opus est. Siquidem bifariam contingit, vt Religiosus habitum retinēs,
sine licētia tamē, & absque alterius Prælati obedientia, foris maneat.
Primum quidem, eo animo, & intentione, vt Religiosus amplius non
sit. Et hic planē est verus apostata; nec excusatur ab apostasia, & cen-
suris ei annexis, eo quod habitum deferat: sed ijs omnibus pœnis, qui-
bus apostata deposito habitu tenentur, ipse religatur.

5 Altero etiam modo idipsum cōtingit, vt si Religiosus nec recedat,
nec vagetur extra monasterij septum animo retrocedēdi à Religione;
sed vel propter Prælatorum rigorem, aut certē propter vagandi libidi-
nem, aut demum ob quidpiam simile. Talis ergo, apostata iudicandus
non est, sed fugitiuus, & vagus. Incurrit tamen peccatū inobedien-
tiæ, & rebellionis, dum cōtra præceptum Prælati foras exierit. Quem-
admodum si in claustro existens, Prælato aliquid iustē præcipiēti obe-
dire pertinaciter noluerit, rebellis est, non apostata. Quo fit, vt prio-
ri, laxiori; sensu, Innocentius citatus, sit intelligendus. Iuxta eandē
doctrinam Cardinalis Turrecremata dist. 23. cap. Si quis ex clericis,
astruit, quod apostata ab Ordine suo, deferendo habitum, vel insignia
ordinis sui, ipso iure est excommunicatus. Quia in cap. vt periculosa;
Ne clerici vel Monachi, in 6. dicitur, q̄ si quis qualemcunque Religio-
nē tacitē, vel expressē professus in scholis, vel alibi temerē habitū Reli-
gionis suæ dimiserit, excommunicationis sententiā incurrat ipso facto.

6 Præterea Gregorius 9. in cap. ne religiosi, de Regularibus; fugi-
tiuorum vtilitatem, & regimen sic decernit. Ne Religiosi vagandi oc-
casionem habentes, salutis propriæ detrimentum incurrant, & sanguis
eorum de Prælatorum manibus requiratur. Statuimus, vt Præsidentes
Capitulis celebrandis secundum statutum Concilij generalis, seu pa-
tres Abbates, seu Priores, fugitiuos suos, & eiectos de Ordine suo, re-
quirant sollicitē annuatim. Qui si in monasterijs suis recipi possunt se-
cundum Ordinem regularem, Abbates, seu Priores eorum monitio-
ne prauia, per censuram ecclesiasticam compellantur ad receptionem
ipsorum, salua Ordinis disciplina. Quod si hoc regularis Ordo non
patitur: auctoritate nostra prouideant, vt apud eadem monasteria in
locis competentibus, si absque graui scandalo fieri poterit: alioquin
in alijs Religiosis domibus eiusdem Ordinis ad agendam ibi pœnitē-
tiam talibus vitæ necessaria ministrentur.

7 Si verò huiusmodi fugitiuos, vel eiectos inobedientes inuenerint:
eos excommunicent, & tandiu faciant ab ecclesiarum Prælatis excō-

T municato

municatos publicè nunciari, donec ad mandatum ipsorum humiliter reuertantur. Glossa autem ibidem ea verba, salua Ordinis disciplina explicat, hoc est, imposita eis pœnitentia, secundum quòd Regula illius Ordinis requirit, & præcipit. Hic etiam annotauit Panor. nu. 2. q. Abbas potest excommunicare Monachum, & quòd plus est, potest facere denunciari excommunicatum ab ecclesiarum Prælati, si est fugitiuus, & remanet extra monasterium. Hanc decretalem his verbis explanat Humbertus in regulam Augustini cap. 99. Si culpæ incorrigibilitatis, propter quas iuste eiecti sunt, adhuc durant, non tenentur eiectores eos recipere. Imò ex eisdem causis, ob quas iuste eiecti sunt, iuste possunt à receptione repelli, etiam si ipsi eiecti recipi petant. Nec obstat decretalis, quæ dicit fugitiuos esse requirendos. Quia hoc intelligitur, quando sunt tales, qui cum utilitate congregationis tolerari possunt, aliter non. Sicut ouis morbida non solet reduci ad ouile, sed potius relinquitur ipsis lupis deuoranda. Si verò probabiliter credatur, eos à criminibus suis correctos, & in posterum cessaturos. Tunc eiectores non solum eos recipere, salua Ordinis disciplina, sed etiam pro loco, & tempore inquirere tenentur.

- 8 Huc tendit Bened. 1. 2. in Cõstit. Canonic. Reg. tit. de fugitiuis, & eiectis, dicens; Ne Canonici Religionis præfatæ vagandi occasionem habentes, salutis propriæ detrimentum incurrant; Statuimus, vt Præsidentes prouincialibus Capitulis, necnon Abbates, Præpositi, Priores, & alij, ad quos id pertinuerit, fugitiuos, & eiectos de Ordine suo, requirant sollicitè annuatim, qui si in ecclesijs, seu monasterijs suis recipi poterunt secundum Ordinem regularem, recipiantur in eis salua Ordinis disciplina. Quòd si disciplinati, incorrigibiles apparuerint, auctoritate nostra prouideant Præsidentes, & alij prædicti, vt apud easdẽ ecclesias, seu monasteria in locis competentibus à communi fratrum consortio segregati ponantur, ad agendâ pœnitentiam; ibiq; vitæ necessaria ministrantur eisdem; nec pateat alijs fratribus, aut cuiquam alteri recessus ad eos, nisi prius à Superiore petita super hoc licentia, & obtenta. Si verò huiusmodi fugitiuos, vel eiectos, inobedientes inuenerint, eos excommunicent, & tandiu faciant ab ecclesiarum Prælati excommunicatos publicè nunciari, donec ad mandatum ipsorum humiliter reuertantur. Insuper statuimus, quòd Prælati, & alij, ad quos pertinuerit in ipsa Religione correctiones facere regulares, quotiens, & quâdo pro grauioribus culpis habebût pœnitentias iniungere; hoc faciât cû aliquorû proborû cõsilio, & tractatu præhabito cum eisdem. Per præmissa verò iurisdictioni ordinariorû nõ intendimus derogare.

- 9 Sed iam Cõcilia prouincialia aduersus Religiosos fugitiuos, & apostatas

Ratas audiamus; Conradus. n. sæpè citatus Archiepiscopus Colonien-
sis tit. de Monachis sic ait; Statuimus etiã, quòd Monachi fugiti-
ui, & apostatæ, per suos Abbates ad sua Monasteria reuocentur,
salua Ordinis disciplina, nisi toties inobedienter, & ex talibus cau-
sis recesserint, quòd secundum regulam non debeant in eorum mo-
nasterio tolerari.

10 Vtilissima autem sunt, quæ Adolphus 3. Archiepiscop. Colonien-
sis in Conc. prouin. anno 1549. celebrato in censuris abusuū edi-
dit contra fugitiuos, & apostatas: Qui cap. 1. sic ait; Magna seueritate
opus est, vt flagitiosissimum hoc genus hominum reprimatur, atque
ab ecclesia fidelium, videlicet, ne plures eorum contagione infician-
tur, & pereant, submoueatur. Proinde eius innixi auctoritate, qui di-
xit: quidquid ligaueritis super terram, erit ligatum & in cælis. Sanci-
mus vnanimi totius Concilij consensu, iudicio, ac sententia, & præci-
pimus, ne quis cuiuscunque status, vel conditionis fuerit, post hac Mo-
nachus, vel Monachas fugitiuos, & extra Superiorum suorum obe-
diẽtiam vagantes, quos nouerit veridica aliorum relatione, aut Supe-
riorũ testimonio, vel alio quouis modo esse tales, recipere, fouere, aut
ad sacramenta, vel ecclesiastica ministeria admittere ausit, sub excom-
municationis, quam ipso facto incurrat pœna, qua & sacri canones fe-
riunt eos, qui huiuscemodi fugitiuis, apostatis, atq; excommunicatis cõ-
municant. Huius autem rei causam reddiderat, quòd profugi Mona-
chi absque omni freno ad quæuis flagitiorum genera, vbi arctum, san-
ctumq; institutum semel abiecerint, prouoluuntur. His. n. auctoribus
nascuntur hæreses, sacrilegia, incestuosa connubia, & sacrorũ omniũ p-
fanatio, ab eisdemq; hæc omnia mala defenduntur, & promouentur.

11 Idem quoque Adolphus de requirendis apostatis, vt resipiscant, &
vt ad instituta sua reuertantur cap. 6. sic disserit: Iam licet apostata-
rum, & eorum, qui missa ad aratrum manu, retrospexerunt ad seculũ,
& se ineptos reddiderunt regno Dei, alius alio grauius impegit: &
quidam humanitate propter errorem communem, & eorum qui cùm
prohibere hunc cursum potuissent, officium neglexerunt, conuiuen-
tiam. Alij seuera vltione, ob malevolentiam, & impietatem digni vi-
deantur: in hoc tamẽ sunt omnes pares, quod Religionis suæ vota illa
solennia, quibus se Deo præ ceteris mortalibus nuncuparunt, timore
Dei, & æterna animæ salute postpositis, perfidè soluerunt. Quæ profe-
ctò magna est impietas. Enimuerò propheta Baruch, Deos Gentium
falsos à Deo vero, hoc veluti signo proprio discernit: quòd falsi illi vo-
tum, quo se quis obligauerit, nec tamen reddiderit, non requirant:
Deus autem verus requirit: vnde perspicuum est, securos illos votifra

gos, apostatas, qui sibi persuadent, Deū vota non requirere habere sibi persuasum Deū esse falsum, quales sunt dii gentium, quod vel cogitasse horrendum idolatriæ scelus est. Petrus quoque in Actis Apostolorum testatur eos, qui communem vitæ societatem, qualis olim inter Apostolos erat, & nunc apud Religiosos conseruari debet, semel receptam deserunt, tentare Spiritum sanctum, & mentiri non hominibus, sed Deo. Idcirco duximus eos omnes salutis, de qua periclitantur, grauitè admonēdos, & vno nomine requirēdos, quibus & præsentis Synodi auctoritate inuocato Christi nomine, quæ sceleratis suis factis abnegarūt, Mādamus, & præcipimus, vt relictis falsis coniugibus, & cōcubinis, si quibus adhærent, postpositisq; negotijs, quibus se implicauerunt, habitū Religionis suæ resumāt, & ad suum quicq; monasterium reuertantur, vbi penitentiam salutare ad diuinam vltionem auertendam, veniamq; erratorum impetrandam, humiliter agant.

12 Et cap. 10. inquit, Quod si qui apostatæ, & Ordinis sui desertores fascino diabolico, & vitiorum amore excæcati, atque illaqueati, nō patiantur se inuitari ad vitæ emendationem, aut ad ecclesiæ sinum benignè adduci, eos decernimus, post spretam beneuolētiam nostram paternam, vi cogendos per Dei ministros illos, qui gladiū tenent ad vindictam malorum, & laudem bonorum, vt intrare, vel inuiti compellantur, qui spontè reuerti nolebant.

13 Et cap. 11. de apostatis, qui sub prætextu dispensationum Apostolicarum, vota, Religionisq; suæ instituta deseruerunt, sic sancit idem Adolphus, dicens: Apostatæ quidam extra monasteria sua degunt, Superioribus rebelles, & ad rebellionem alios sollicitantes: tantò nocentiores in Ecclesia, quantò hostis domesticus externo perniciosior est; Qui nequitiam suam velant dispensationū Apostolicarum prætextu, quas plerunq; vel in curia, vel à penitentiarijs Summi Pontificis, aut Legatis, & Nuncijs Apostolicis, subreptitiæ, vel allegatione causarum falsarum impetrant. Et si causæ iuri innixæ bullis obtentis interserantur, tales tamen petunt sibi dari, atq; impetrant earum examinatores, & iudices, Summo Pontifici, Legatis, Nuncijs, & dispensatoribus ignotos; qui neque causas allegatas examinēt, nec partibus legitimè vocatis de earum veritate inquirent, sed simpliciter eorum libidini patrocinentur: aut si dantur iudices incorrupti, & probitatis amantes, ijs bullas suas non exhibent cognoscendas, & nihilominus secum dispensatum esse iactant, vtunturq; dispensationibus obtentis, haud aliter quàm si causas illas legitimè verificassent. Vnde non infrequēter plus malorum, & scandalorum, quàm à notorijs apostatis accipitur. Notandum verò nō est sustinere in Ecclesia tantā imposturam, tamq; licētiōsam

tiosam votorum violationem. Proinde statuimus, & ordinamus, vt qui dispensationes tales obtinuerunt, in habitu, & obedientia suæ Religionis, quam professi sunt, coram nobis, aut reuerendis Comprouincialibus nostris Coepiscopis, compareant, atque ita dispensationes suas exhibeant examinandas, & vocatis eorum Superioribus, ac quorum intererit discutiendas; aut si iam habitum temerè, & absque præuia bullarum examinatione deposuerunt, eum reassumant, & eo vsque in monasterio, ac sub obedientia se contineant, donec dispensationibus nobis ad examinandum oblatis inueniantur, non etiam Summū Pontificem, & eius Legatos, vel alios dispensatores sefellisse, aut sinistrè aliquid impetrasse. Quod si dispensationibus obtentis, aliter, atque iā statutum est, voluerint vt, eos pro notorijs apostatis habendos, vitandos, & magistratu capiendos, & Superioribus cū rebus omnibus, quas habent, expensis tamen monasteriorum, tradendos ad eundem omnino modum, quo de apostatis iam decretum, & statutum est, totius Concilij sententia decernimus, & approbamus.

14 Præterea Paulus 4. in bulla contra apostatas anno 1558. 13. Kalendas Augusti edita, quæ incipit. Postquam diuina bonitas, Apostasie morbo per amplius mederi intendens, multa quidem annotatu digna sancit, licet post eum Pius 4. anno 1560. 3. nonas Aprilis ad formā iuris, & sacrarum constitutionum reduxerit. Primum igitur Paulus 4. voluit, & sancit, quod quæuis tam ecclesiasticæ, quam seculares personæ cuiuscūque status, aliquem apostatarū receprare, seu nutrire, vel illis quo minus ad eorum monasterium redirent, fauorem, auxilium, seu consilium præstarent, & ab ordinario loci commoniti non desisterent, sententiā excommunicationis eo ipso incurrerent. Secundum, quod si patropi beneficiorum aliquem ex apostatis ad beneficium vacans præsentarent, præsentationes huiusmodi essent eo ipso nullæ, irritæ, & inanes. Tertium, quod superiores apostatarū, & ordinarij locorum tam coniunctim, quam diuisim eosdem apostatas, vt ad monasteria redirent, Charitatiuè requirerent, quod si different, vel recusarent, monitione præuia per censuras ecclesiasticas, & pœnas etiam corporis afflictiuas ad redeundum cogere, & compellere possent, inuocato etiam ad id, si opus foret, auxilio brachij secularis. Quod si regularis Ordo id non pateretur, auctoritate sua providere valerent, vt talibus apud eadē monasteria in locis competentibus, si absque graui scandalo fieri posset, alioquin in alijs religiosis domibus eiusdē Ordinis, ad agendum inibi penitentiā, vitæ necessaria ministrarentur. Qui si adhuc inobedientes essent, Apostolica auctoritate maioris excommunicationis sententia innodarentur, & Superiores sui eos excommunicatos esse de-

clararent, ac vt tales publicari facerent. Quartum, quòd omnes, & singulæ translationes Apostatarū ad alium Ordinem iam factæ, & quas deinceps fieri contingeret, nisi ad arctiorem, vel parem ordinē factæ, & ad monasteria, in quibus regularis obseruantia vigeret, & in eis ipsi translati actu manerent, nullæ essent, & irritæ. Quintum, vniuersa, & cuiuscunque generis apostatarum bona suis monasterijs applicata esse, decreuit, & declarauit.

15 Sed iam tandem sacrum Concilium Tridentinum sess. 25. de Regularibus cap. 19. hac in re sic statuit; Nemo etiam Regularis cuiuscunque facultatis, vigore transferatur ad laxiorem Religionem, nec detur licetia cuiquam Regulari occultè ferendi habitū suæ Religionis.

16 Egregium autem Basilius documentum ab Abbate obseruandum esse ducimus, quod tradit in Cōstitutionibus Monasticis cap. 34. videlicet, ne Prælati suis Religiosis facultatē faciat alloquendi apostatas; primum quidem, vt ipsi hoc modo auersos à se omnes videant, & omnibus inuisos, & execrabiles factos esse se contueantur, & respiciant, & ad suū se gregem recipiant, & à suo pastore pascantur. Deinde nō absurdè nos ratio impellit, vt apostatas spiritualis disciplinæ violatores à congressione bonorum secludamus, sit. n. sæpenumero, vt contagio ista latius serpens, eos etiam, qui in recto itinere sunt, aberrare faciat.

17 Si verò perutiles, ac eruditas exhortationes ad apostatas in officio continendos desideras, perlege eundem Basilium in regulis fusius disputatis interrog. 14. Vbi agit de ijs, qui religiosam vitam professi; deinde professionem illam conantur rescindere, ac reddere irritam: & in Cōstitutionibus Monasticis cap. 22. vbi docet, quòd neutiquā quis à spirituali se fratrum cōtu debet abscindere.

18 Item Ambrosius in psal. 36. ait; Nonne etiam de his pulchrè dicitur, quia effusi sunt processus eorū, quorum spes lapsæ, in vanum effusus labor, vota sunt destituta? Considera. n. aliquem per aliquot annos habuisse studium probitatis, castitatis custodiam, vitæ attentioris affectum, piæ propositū seruitutis, sedulæ obseruationis officium, subitoq; eum esse mutatum, discessisse de monasterio, vale dixisse ieiunij, continentiae renunciaſſe, indulgere delitijs, studere luxuriæ. Dūdū de monasterijs exierunt, & nunc luxuriæ sunt magistri, disseminatores incontinētiæ, incentores petulantiae, obtrectatores pudoris, nōne de his pulchrè dixeris, effusi sunt gressus eorum, quos bene vixisse penituit? Ecce tibi depinximus vitam à monasterijs discendentium.

19 Valde etiam metuit sponsa Cantic. 1. & optimo quidem iure Religiosi anima metuit, ne forte post corruptorum hominum infelices greges vagari incipiat. Nimis. n. periculosa, & abhorgenda ista est vagatio,

gatio, per quam à Religione aberratur, & sempiterna salus deperditur. Vagantur autem misero hoc, & infelici errore, omnes qui alienorum ducum, neglecto Prælato, doctrinam, & viam sectantur, qui non permanēt in vnitae Religione in ijs, quæ ad mores monasticos pertinent. Vagantur sanè, quia à recto itinere longè absunt, quod ad finem optatum solùm potest perducere; per deuia enim incedunt, per errores, inquam, & vitia. De his psaltes dixit psal. 106. Errauerunt in solitudine in iniquo: viâ ciuitatis habitaculi non inuenerunt, & psal. 111. In circuitu impij ambulāt. Ambulant enim in circuitu omnes, qui rectam virtutis viam viuendo non tenent. Quàm autem sit formidandum omnibus ab hoc errore, siue vagatione miserabili, ex minoribus erroribus facile quilibet apud sese æstimabit. Si enim permolestè ferimus, cùm ad ciuitatem aliquam pergimus, vel modicum errorem: si vel paullulum vagari, magnum nobis gignit fastidium, ita vt amplius fatigemur ad dimidiæ horæ spatium aberrantes, & vagantes per deuia, quàm per horas duas recto ambulantes itinere; si tam molestum est vagari in corporali profectioe, vbi facile post modicum fit in viâ rectam regressus: quanti est periculi, quanti debet esse fastidij, à recta salutis via aberrare, & per incerta, ac deuia vagari, per quæ ad æternâ salutem perueniri non potest, imò per quæ ad sempiternum sine effugio perducemur cruciatum.

De Canonicis, Religionis habitum dimittentibus, aut occultantibus. Cap. xxvi.


1



Via verò, & habitus nō facit Monachum, oportet tamen Canonicum Regularem suæ Religionis insigne, & habitum semper deferre, congruis etiam penis plectendi sunt illi, qui habitu Religiosi haberi, & nominari verētes, proprium Religionis habitum, aut omnino dimittunt, aut certè occultant, id quod iura Canonica plurimum detestantur. Vt autem sermonis obscuritatē fugiamus, ille à doctoribus Religionis habitus iudicatur, qui superior, aut exterior est, quo Religiosus quisque non solùm Religiosus esse cognoscitur, sed etiam cuius sit Religionis, ab alijsq; Religionibus dignoscitur. Quare in Ordine Canonicorum Regularem, vt iam in superioribus cōmōstrauimus, proprius habitus est linea toga, idcirco. n. Concilium prouinciale Senonense par. 2. ca. 22. ait; Statuimus, quòd Canonici Regulares de cetero, super veste exteriori togam lineam, tam intra, quàm extra monasterium, ferre omnino teneantur.

2 - His præmonitis, statuitur Prima conclusio, Canonici Regulares, vt

T 4 ceteri

 ceteri etiam Religiosi, semper atque patenter togam lineam deferre tenentur sub pena peccati mortalis. In primis hoc sentire videtur duo illi Canones 2 o. q. 1. cap. vidua. vbi Conc. Toletanum 10. ait: Tū accepta à sacerdote, vel ministro apta Religionis professioni veste, seu in lectulo quiescēs, siue in quocunque loco consistens, constanter utatur, & 23. dist. cap. sanctimonialis. Sanctimonialis virgo cū ad consecrationē suo Episcopo offertur, in talibus vestibus applicetur, quilibus semper vfura est, professioni, & sanctimoniz aptis. Adeo. n. Religionis habitus est Monachorum osibus annexus, vt eo semper vtiteantur. Hanc conclusionem in genere constitutam statuit Siluester in verbo, habitus. nu. 3. penam autem peccati mortalis subiungit Armilla aurea in verbo habitus, nu. 2. idē docet Siluester in verbo, excommunicatione 9. q. 24. nu. 5 2. & Anton. Flo. 3. pat. tit. 16. cap. 6.

3 Secunda conclusio; dimissio habitus in varijs casibus absque peccato mortali fieri potest; vt quando sit ex iusta, & rationabili causa. Vt asserunt Io. Andreas in cap. Deus qui, de vita & honest. cler. & Siluester loco nunc citato: & Petrus Paludanus 4. sent. dist. 18. q. 3. vt si Religiosus dimiserit habitum suū timore insidiarum, vel medicinz causa. Cuius rei multò plura exēpla inferius adducemus. Quòd diximus de dimissione habitus, idem de eiusdem habitus occultatione sentimus.

4 Tertia conclusio, Canonicus Regularis, sicuti & quicūque alius Religiosus, temere togam lineam dimittens, excommunicationis sententia ipso facto innodatur. Hęc cōclusio sit manifesta ex cap. vt periculosa, ne Clerici, vel Monachi, &c. lib. 6. vbi Bonif. 8. sic ait: Vt periculosa Religiosis euagādi materia subtrahatur, districtius inhiibemus, ne de cetero aliquis quamcunque Religionem tacitè, vel expressè professus, in scholis, vel alibi, temerè habitū suæ Religionis dimittat, &c. Siquis autem horum temerarius violator extiterit, excommunicationis sententiam incurrat ipso facto. Quo in loco primo notandum, temerè dimitti habitum, si absque rationabili causa deponatur, ea autem causa rationabilis esse, viri boni arbitrio diiudicabitur, vt Siluester ait. Secundo, ait Caietanus in verbo Excommunicatione, cap. 61. ad incurrendum hunc Canonem duas conditiones requiri. Prima est, quòd dimittatur habitus suæ Religionis. Secunda, quòd dimissio fiat temerè, quib. & tertia addi posse videtur, quòd dimissio habitus sit materia vagandi. Hęc. n. huius Canonis ratio assignatur, ne scilicet Religiosi vagarentur inuerecundè, per proprium habitum non cogniti. Tertio, non eo amaro sensu accipienda est Bonifacij. 8. aliorumq; Summorum Pontificum mens, quasi velint omni tempore, omniq; locorum articulo hęc esse obseruanda; sed pro semper,

per, id est tempore, & loco conuenienti, & debito. Illud enim iure fieri dicitur semper, quod horis debitis, & statutis, ac congruis efficitur. Quin potius nonnunquam debitum est honestatis, non verò necessitatis. Quarto, non incidet in hunc Canonem, qui non temerè habitum dimiserit, sed fortè utilitatis causa ad vitandum scandalum, videlicet infidelium, vel aliorum. Cuius rei exemplum extat in cap. Deus: de vita, & honest. cleric. vel si iocosa leuitatis causa id fiat ad ludum aliquè exercendum, vel ad expiscandum, vel ad proijciendū lapides, vel denique ad scindenda ligna, vel etiam cum habitus dimittitur delitiosæ voluptatis causa præter peccatum, vt ad dormiendum, vel vt facilius iter faciat, dummodo citò fuerit resumptus. Itaque constitutio nostra suam intentionem assumpsit ratione temeritatis, doli, & malitiæ. Quæ proinde præcipuum locum habet, apertumq; sensum, cum Religiosi dimisso, depositoq; suæ Religionis habitu, se conspectibus hominum exhibent, ac si laici, vel Clerici seculares existerēt, idq; vt diximus, sine iusta, & rationabili causa. Quinto considera rem hanc ex pœnis, quæ hic inferuntur, essent. n. irrationabiles, vt Siluester ait, si in eas incideret, qui extra monasterium in hospitio nocte, atque secreto, ex causa non rationabili, nempe ex lasciuia, & illicita sensualitate ad quietius dormiendum, vel ob quid simile, etiam cum peccato mortali habitum dimitteret. Quis enim æqua ratione sibi persuadebit, huiusmodi hominem incurrere omnes pœnas apostatarum; quodq; eligi nō possit in Abbatem, etiam si postea efficiatur vir bonæ famæ, atque existimationis, adde etiam, quod iam electus deijciatur. Sexto, eadem nostra assertio constat, quoniam iura non inferunt excommunicationis sententiam, nisi propter peccatum mortale, cuiusmodi non est omnis temeraria dimissio habitus. Nullo. n. in loco hoc præcipitur; licet namque semper, habitu uti Monachi debeant, hoc tamē debitum sæpè honestatis est, non necessitatis, vt Io. And. & Archid. locis citatis asseruerunt. Septimo, si Religiosus etiam intra monasterium conspectui secularium, & absque rationabili causa se offerat, præsentemq; se exhibeat deposito habitu, eisdem pœnis tenebitur. Octauo, notandū ex Caiet. quod dimittens habitum ad horam ex leuitate, vel etiam per totum diem, domi tamen permanens, non est excommunicatus. Tum quia propriè loquendo non est temeraria dimissio, tum quia cessat legis ratio expressa, videlicet materia euagationis.

Quarta conclusio; Canonicus Regularis, & quicumque alius Religiosus suæ Religionis habitum cooperiens, atq; abscondens temerariè, & sine iusta causa, ipso iure excommunicationis sententiâ irretitur. Ex iuris Canonici præceptoribus hoc loco. Primum cōprobatur conclusio

clusio ratione. Nam habitus coopertus, siue occultus, non dicitur habitus quo ad signi, vel significationis effectum. Ea enim ipsius habitus natura est, ut rem signatam in apparentem, manifestamq; cognitionem venire faciat, ut una Religio ab alia dignoscatur. Secunda ratio, nam Monachus monachalem habitum cooperiens, videtur solum amplecti verba, non mentem legis, idcirco legis penam non effugiet; siquidem amplectens verba, mentem offendit; ratio. n. qua Monachus suæ Religionis vestē dimittere prohibetur, præter alias, illa est, ut Monachus à non Monacho distinguatur, & differat. Habitus. n. vestis superior est. Tertia ratio, mēs, intentioq; nostri textus est, ut propter retentum habitum, & non dimissum, ipsis Monachis auferatur libera vagatio, & lubricitas; sed habitus occultus hæc incommoda non excludit. Igitur occultans Religionis habitum excommunicationis pœna planè percutitur. Quod si dixeris in nostro textu sermonem fieri de dimittente, non autem de occultante habitum, pœnasq; non laxādas, sed restringendas esse, perspicuè respōdeco, illā vagationem, quæ textus ratio traditur, ita contingere, si habitus occultetur, quemadmodū si dimittatur. Est quoque, & alia vrgens ratio, nam ubicunque dispositio pœnalis facillè illuderetur, nisi extensio fieret, semper permittitur extensio. Exempli gratia. Clement. 1. de sepulturis, verba facit de his, qui in cœmeterio tempore interdicti nonnullos interdictos sepeliunt; idem tamen iudiciū ferendū est de sepelientibus in ecclesia; eodemq; modo incidunt in excommunicationis sententiam. Quæ tamen dispositio pœnalis est, extenditurq; , vel ut verius loquar, non dicitur propriè illa extensio, sed tacita inclusio.

6 Quinta conclusio, ex Caie. quæ superiorem quartam conclusionem limitat, atque corrigit, habitus Religionis sic à Religioso occultatus, non quidem omnino, sed quod à conuersantibus cum eo, quamuis nō ab omnibus prætereuntibus, videatur esse Religiosus eius Religionis, cuius re vera est, non inducit excommunicationem huius Canonis: quia re vera nec materialiter dimittit habitū; sed neq; formaliter relinquit, cū iuxta rationē expositā, cuius sit Religionis utcunq; dignoscitur, quāuis, secundū quid rationē aliqua dimittere censerī possit. Itaq; sat est, si à conuersantibus cum eo Religiosus esse cognoscatur.

7 Sexta conclusio; Canonici Regulares Ordinum militarium in veste superiori crucem deferentes, non incidunt in huius Canonis excommunicationem, quales sunt Commendatarij Sancti Jacobi; cuius rei ratio suggeritur, quia foris, extrinsecusq; ostentant crucem, quæ suæ Religionis insigne est manifestumq; signaculum, quo cuius sit religionis, omnes intelligunt. Cuius sententiæ est Martinus

Azpilcueta Nauarrus in Manuali, cap. 27. num. 132. Ex superioribus facile intelliges, quàm sit laudabilis, iureq; seruanda Concilij Trid. sententia, sess. 25. de Regularibus cap. 19. quæ sic habet: nec detur licentia cuiquam Regulari occultè ferrendi habitum suæ Religionis.

De conspiratoribus, calumniatoribus, armatis, et venatoribus. Cap. xxvij.



Conspiratores, siue coniuratores dicuntur scelesti quidam homines, qui adinuicem fide præstita, aut exhibito iuramento, conueniunt ad malum aliquod perpetrandum, vel ad se tuendum contra potestatem publicam, vel ad non obediendum in aliqua re licita; quorum quidem

peccatum, vt plurimum, mortale est, & scandalosum. Quia contra bonum publicum, vel alicuius priuati hominis, ex Caiet. in summa, verbo coniuratio. Tales autem homines grauib; legum pœnis puniuntur. Nec immeritò, cum fraudulentam confœderationem in alicuius personæ, vel dignitatis præiudicium exerçant. Vnde vt quidam opinantur, huiusmodi in Episcopum coniuratores, infames sunt, & exilio traduntur, imò etiã curiæ seculari. Qua de re consule Bernardum Lucû Episcopum Calagurritanû in præct. criminali Canonica cap. 109.

Synodus autem Calcedonenfis sub Leone 1. celebrata can. 18. habeturq; 11. q. 1. cap. coniurationum, ad huius criminis animaduersionem sic stabiliuit; Cõiurationû, & conspirationum crimen, quod apud Græcos dicitur fratrea; publicis etiam legibus certum est penitus inhiberi; hoc multò magis in sancta Dei Ecclesia, ne fiat, conuenit abdicari. Si qui verò Clerici, vel Monachi inuenti fuerint coniurantes, aut fratreas, vel factiones componentes aliquas suis Episcopis, aut alijs Clericis, omnino cadant de proprio gradu.

Ceterum multo luculentius hanc rem definiuit Bened. 12. in Constit. Canon. Regul. tit. de conspiratoribus, dicens: Cum ex spirationis, & coniurationis crimine, si fortè trãseat impunitum, multa mala, & scandala possint exoriri: statuimus, quòd conspiratores, & coniuratores, si qui Religionis eiusdem de crimine huiusmodi legitime cõuicti fuerint, vel cõfessi, præter alias pœnas talibus à iure, vel aliquo quouis modo inflictas, eo ipso beneficijs, & administrationibus quibuslibet, quæ obtinuerint, sint priuati. Si verò beneficiati non fuerint, eo ipso reddantur inhabiles ad quauis beneficia, seu administrationes ecclesiasticas, quomodolibet obtinenda. Contra cõspiratores autem, & coniuratores occultos, quorum notitia non habetur, per Superiorem, aut Visitatores etiam pœnæ aliæ, prout expedire videbitur, generaliter statuuntur. Si verò aliquis de prædictis ad cor reductus,

illi, vel illis, qui tanguntur ex eis, ipsas patefacere tali tempore, quod possint huiusmodi factionibus obuiare, dignus absolutione, & venia habeatur. Item Capitalum provinciale Papiense apud S. Petrum in caelo aureo celebratum anno 1340. mensis Augusti, sic decreuit de Canonicis conspiratoribus. Statuerunt etiam, & ordinauerunt, quod nullus subditus conspiracy aliquam faciat contra suum Praelatum; quam si fecerit, & eam non reuelauerit infra triduum dicto suo Praelato, quo triduo elapso, sit excommunicationis vinculo innodatus. Idipsum decreuit Bened. 12. in Constit. Monachorum Nigrorum cap. 38.

- 4 Praeterea Aluarus Pelagius lib. 2. de planctu Eccl. art. 24. inter gratia Monachorum scelera, hoc primum omnium refert, dicens; Contra Abbatem conspirant volentem eos corrigere, & eum deponi procurant, & alium sibi institui secundum mores eorum: cui nulla potestas sit reliqua, dum Monachis incipit subiacere 18. q. 1. cap. coniurationum, & cap. conspiracy. Item non solum conspirant ad depositionem, sed ad extinctionem eius, vel detractionem. Sicut illi, qui in necem Diui Benedicti nequiter coniurarunt, talesque sunt infames, nec ad testimonium admittendi.

- 5 De calumniatoribus nunc pauca dicenda sunt; de quibus agit D. Thomas. 2. 2. q. 68. & Dominicus Sotus lib. 5. de Iustitia, & iure q. 5. Calumniator autem est, qui falsum crimen imponit; & etiam qui occultum, quod iure probari non potest, in iudicio propalat. Nam iure quidquid idoneis testibus, vel instrumentis innotescere nequit, falsum reputatur. Calumnia vero, est subdola rei vexatio per fraudem. Et calumniari, est falsa crimina scienter intendere.

- 6 Quoniam vero Praelati mille subditorum calumnijs obnoxij sunt, quibus perterriti a recto monasterij regimine omnino retrahuntur, aut certe impediuntur, & retardantur, idcirco 2. quæst. 7. subditi prohibentur, nisi in certis casibus Praelatos accusare. Idque etiam propter honestatem, quia accusatio praesertim nescio quid odij, quod aduersus Superiores dedecus est.

- 7 Ad vindicandos igitur a falsis subditorum accusationibus Praelatos, & Pastores, Bened. 12. in Constit. Canonicorum tit. de delatoribus sic statuit; Quia nonnulli Canonici dictae Religionis contra Praelatos, vel Superiores suos frequenter multa proponunt: non ut omnia per eos proposita probent, quia nec facere possent: sed ut infament de omnibus. Et probatis forsitan illorum aliquibus, finem consequantur optatum: districtius inhibemus, ne quis Canonicus Religionis eiusdem contra suum Praelatum, vel Superiorem super crimine, vel criminibus deinceps quomodolibet admittatur: nisi prius se obligauerit ad poenam congruam

congruam, si in probatione propositorum, vel alicuius eorum defecerit, per eum irremissibiliter subeundam. Hoc autem in loco animaduertendū est varias, & graues pœnas calumniatoribus imponi solitas esse. Nam 2. q. 3. inquit Damasus; Calumniator si in probatione defecerit, talionem recipit; & Adrianus. Qui non probauerit, quod obiecit, pœnam quam ipse intulit, patiatur. Idem prorsus decretum sancit ipse Bened. 12. in Constit. nuper citatis cap. 37. de delatoribus. Attamē vt Sorus loco citato art. 4. ait; Lex talionis sēper fuit; vt trux, duraq; existimata. Satis enim est, vt qui occidit, occidatur. Qui verò occidere procurauit, non subinde, nisi summo iure, reus sit tanti criminis, eo p̄fertim, quòd tunc plus nimio ab accusandi munere homines abstererētur. Ideoq; talionis pœna indefuetudinē abiit, nisi cūm testis industria, atque studio in causa capitali testimonium falsum dixit; Idq; maximē quando illius causa innocens interficitur. Sunt tamen nihilominus iniqui delatores acri supplicio plectendi. Vnde Bernardus Lucus in pract. crim. cap. 59. de calumniatoribus asserit, calumniatorem regulariter, si succumbit in causa, puniri eadem pœna, qua erat puniendus accusatus. Clericum verò calumniatorem priuari officio, & verberatum publicē, in exilium mitti, vt in cap. 1. de calumniatoribus, subditq; hanc non esse ordinariam pœnam Clerici calumniatoris, sed illam eandem, qua puniendus erat accusatus; Clericum tamen denunciatores criminis, & in probatione deficientem, ab officio, & beneficio suspēdi, donec innocentiam suam p̄rget; vt in cap. finali eodem titulo. Et procedit dicta suspensionis pœna, etiam si denunciāns intenderet pœnitentiam tantum, & non pœnam imponēdam esse, vt Abbas in eodem cap. finali testatur.

Toto sanē errāt cœlo impij coniuratores, calumniatoresq; si quidpiam contra Deum, eiusq; veritatem recto consilio tentari possē, sibi persuadent; siquidem frustratoria omnis illa est machinatio, & ad perpetrandū maleficium cruentus ille conatus. Dei quidē maximi voluntas nulla violentia, nulla uē potestate infringetur vnquam, qui de se ipso contra sibi repugnantes ait Esai. 46. Ego sum Deus, & non est ultra Deus. Cōsiliū meum stabit, & omnis voluntas mea fiet. Id quod factitasse cernitur in Pharaōe Exo. 14. in Senacherib. 2. Paral. 32. in Holopherne Iudit 13. in Nabuchodonosore Dan. 4. in Saulo Act. 5. quem satis, superq; arguit, dicens; Durū est tibi contra stimulum recalcitrare. Hinc scriptura Prouerb. 21. Nō est sapientia, non est prudentia, non est consiliū contra dominum; quod olim sentiens celebris ille legis doctor Gamaliel, contra eos, qui Euangelij veritatem in occidentis Apostolis extirpare moliebantur Act. 5. dixit, & nunc ita-

que dico vobis, discedite ab hominibus istis, & finite illos. Quoniā si est ex hominibus consilium hoc, aut opus, dissoluetur; si verò ex Deo est, non poteritis dissolvere, ne fortè, & Deo repugnare videamini.

9 Item addiscamus, plerunque eum, qui dolo, & mendacio alteri, dū peruersè machinatur, nocere cupit, sibi ipsi demum esse exitio. Sic caceremon, qui primum hominem Genes. 3. in ligno deperdere conatus est, in ligno in æternum est deperditus, Christo victore. Sic Aman, qui Hester 6. & 7. dolo, sanguineaq; fraude Mardocheo crucem parauerat, ipse adfixus est cruci, dolo ab Assuero comperto. Seniores quoque illi nequissimi Dan. 13. qui capitalem noxam infanti Susannæ adstruxerant, sui sceleris cōiuncti, in se capitale suppliciū verterunt. Planè igitur constat, mala consilia sæpè in auctoris perniciem fuisse conuersa, quodq; vnde fraus egrediebatur, illuc sit non absque ingenti damno reuersa. Hinc Propheta psal. 7. ait; Lacum aperuit, & effodit eum: & incidit in foueam, quam fecit. Conuertetur dolor eius in caput eius: & in verticem ipsius iniquitas eius descendet. Agendum enim est non dolo, sed laudata dexteritate.

10 Insuper, & illud edisserendum est, nihil inuidia, & iracundia duce, rectè, feliciterq; geri posse; quoniam qui inuidi sunt, & iracundi, veritatis sunt hostes acerrimi, atque adeo obcæcantur, vt videre nequeāt, quid facto sit opus, sitq; vt ipsi tandem sibi ipsis nocumento sint, sibi ipsis cruciatum, & pestem inferant. Ad quem sanè modum Dathan, & Abyron inuidia incensi, atque perusti, sacerdotiū Aroni adimere conati sunt Nu. 16. seq; & suos subita numinis ultione perdiderunt. Sic olim Pontifices, & Pharisei, sola ob veritatē inuidia excacati, & præcipites, quia eum, quem colere, quemq; venerari debuissent, acriter persequuti, morti tandem tradiderunt; ob idq; in se tantam suo tempore ultionem, & iacturam sunt experti, quantam nulla vnquam vidit ætas vnum in locum, in vnāq; gentem coaceruatam, vt Luc. 19. & 23. Christus ipse prædixit, cum perpetuò etiam posteritatis supplicio, quanquam id ipsum præ cauere arbitrati sunt, dicentes, si dimittimus eum sic, &c.

11 Præterea ex superioribus luce meridiana manifestius efficitur, iure optimo huiusmodi impios, vafrosq; homines acribus pœnis esse extriandos, & è medio tollendos, ne ij qui pij sunt, atque probi à mōstruosis istis hominibus, vt triticum nociuis zizanijs, prorsus supprimantur. Quādoquidem 1. ad Cor. 5. Paulus ait; Modicum fermentum totam massam corrumpit. Auferte malum ex vobis ipsis. Ideoq; ille voluit huiusmodi hominē Sathanæ in interitū carnis tradi, vt spiritus saluus esset in die domini nostri Iesu Christi. Huius rei argumento olim do-

minus schismaticos, Choren, Dathan, & Abyron, qui, vt paulò antè referebamus, schismati operam dabant, viuos in infernum detruxit. Nam terra sub pedibus eorum dirupta, aperuit os suum, eosq; deuorauit cum tabernaculis, & vniuersa eorum substantia, descenderuntq; viui in infernum, operiti humo, è medioq; multitudinis deperierunt. Explicuit autem Dauid psal. 105. Dathanis, & Abyronis flagitiosum schisma; qui terribili murmuratione contra Moysen in castris male locuti sunt, & contra Aaron, quem sibi per Moysen dominus iam in sacerdotem vnixerat, atque sanctificauerat in suum ministerium; seditionem suscitauerunt còtra Moysen, & Aaron, quasi ipsi sibi vsurparèt dominium in populù domini. In ultionem autè huius transgressionis terra noua miraculo aperta est, absorbuitq; Dathanem, huius seditionis præcipuù auctorem, item & Abyronem complicè cù omnibus sibi adherentibus deglutiuit, & super istos sic absorptos clausit os suum.

12 Aduersus hos Dathanicos homines terrificù vè in sua epistola protulit Iudas Apostolus, propterea quòd Cayn pessima exempla sequuntur, in inuidia, & odio, ac homicidio viuètes; & quia errorem auari Balaam insequuntur auaritate mercedis, effusi ad illicita, animasq; suas perdidierunt, imitantes exempla contradictionis Chore, qui Moysi, à Deo filijs Israel præfècto subesse recusauit, hi sunt conuiujs suis sectidissimæ maculæ, qui non solum seipsos, sed vniuersos etiam cum ipsis conuersantes sua scditate commaculant, & conuiciantes, ac delictijs incùbentes, omni timore postposito, suam cutem egregiè curantes. Nubes sunt etiam in altis quidem ambulantes, & magna à longè pollicentes, sed sine aqua, in quibus nihil est verè sapientiæ: nubes (inquã) leues, & steriles, quæ proinde ab omni motu concupiscentiæ, faciliè circumagitantur, atque mouentur. Similes sunt arboribus autumnalibus, quæ fructum nullum ferunt, virore, & vigore perduto. Quoniam post susceptam spiritus gratiam, denuò in pristinos redierūt factiosos errores; qui extra radicem sunt Charitatis, & timorem Dei (qui est radix, & initium veræ sapientiæ) prorsus perdidierunt. Sunt etiam similes fluctibus, & procellis feri maris, qui modo in altum se efferunt, modo in infima rursum decidunt, mox iterum se erecturi; qui cùm suas blasphemias, multaq; maledicta proferunt, nihil nisi suas confusiones euomunt, quæ cordis eorù immunditiã testantur, quemadmodù mare per suos fluctus spumam eiiciens, suam amarâ attestatur salsedinẽ, Sydera quoque sunt volandia, siue errantia, quæ loco certo nullo consistunt, nullamq; loci habent stabilitatem; quibus tempestas tenebrarum infernalium seruatur; quàm sunt in æternum experturi, cum diabolo, & angelis eius. Hos profectò Dauid psal. 67. incutit dicēs; Exurgat

gar. Deus, & dissipentur inimici eius, quia dissipauerunt legē suam.

- 13 De Clerico autem venatore titulus extat in iure Canonico: ubi in 1. cap. Concilium Aurelianense sic docet; Episcopum, presbyterum, aut diaconum, canes, aut accipitres, aut huiusmodi ad venandum habere, non licet. Quod si quis talium personarū in hac voluptate sapius detētus fuerit, si Episcopus est, tribus mēsis a cōmunionē: si presbyter, duobus: si diaconus omni officio suspendatur. Rursus cap. 2. omnibus seruis Dei venationes, & syluaticas fatigationes cum canibus, & accipitres, aut falcones habere interdicimus.

- 14 Ad quæ loca interpretanda Bernardus Lucas in præf. cap. 61. caute animaduertit, expendens verba illa, sapius detētus, & cum Panor. ibidem ait, quod si rarissimè causa sanitatis, recreationis, vel recuperandi appetitū, venationibus vteretur Clericus, id nequaquam esset ei prohibitum, nec etiam quando necessitatis causa hoc fecisset, nempe pro carnibus, vel pellibus habendis, quas facili negotio habere nō posset, vel quando fructus sui cōsisterent in venationibus, vt in Callia. Est etiā necessitatis causa illa iudicanda: si apri, vrsi, vel alix feræ segetes Clericorum, aut vineas vastarent; licebit etiam recreationis gratia laqueos, & retia sine strepitu, clamore, & canibus intendere. In dubio tamen venatio recreationis causa facta fuisse est interpretanda.

- 15 Huc etiam pertinet Clement. ne in agro Dominico, de statu Monachorum, vel Canon. Regul. §. porrò. Sic statuens. Porrò a venationibus, & aucupationibus omnes semper abstineant, nec eis interesse, aut canes, vel aues venaticas per se, vel alios tenere præsumant, nec a familiaribus secum morantibus teneri permittant, nisi saltus, viuaria, vel garenas proprias, vel ius venandi in alienis haberent: in quibus cuniculi, vel feræ alix forsā essent, quo casu hoc eis permittitur: dum tñ infra monasteria, seu domos, quas inhabitāt, aut eorū clausuras, venaticos canes nō teneant. Nec venationi præsentia personale exhibeant.

- 16 Sententia quoque excommunicationis eo ipse incurrenda imponitur Religiosis arma tenentibus, in eadem Clem. ne in agro. §. quia verò, sub his verbis. Præfata quoque sententiæ, Monachos infra septa monasteriorum sine licentia Abbatum suorum arma tenentes decernimus subiacere: siue sint inuasiva, siue defensiva, vt doctores exponunt. Quem tamen locum quidā cum glossa, de Monachis tam albis, quam nigris, Canonicos Regulares eximentes, nō ineptè intelligunt.


At verò ad maiorem vtriusque negotij, videlicet venationis, & armorum elucidationem, Bened. 12. audiamus in Constit. Canonicorū Regul. tit. de venatoribus, & armis. Porrò (inquit) a venationibus, & aucupationibus Canonici dictæ Religionis abstineant; nec eis interesse,

aut

aut canes ad opus venandi, vel aues venaticas per se, vel per alios tenere præsumât, nec à familiaribus, secû morantibus teneri permittant, nisi saltus, viuaria, vel garenas proprias, vel ius venandi in alienis haberent; quo casu hoc eis permittitur: dum tñ infra monasteriũ, seu domos, quas inhabitant, aut eorũ clausuras, venaticos canes nõ teneant, nec venationi præsentiam exhibeant personalem. Si qui verò eorum venationi, aut aucupationi clamoræ, vel alias cum canibus, vel auibus ex proposito interfuerint; si quidem Abbas fuerit, vel Prior, seu Præpositus, aut alius administrator quicunque, non habens Superiorem eiusdẽ Religionis, per annum se nouerit à collatione beneficiorum suspensum, quo casu ius collationis huiusmodi eo modo, quo sibi cõpetebat, ad Priorem Claustralem, cum consilio, & assensu conuentus, vel maioris partis ipsius, durante suspensione huiusmodi, deuoluatur. Si verò alius fuerit, ab administratione, quam obtinet, sit per annum suspensus. Quòd si nullam administrationem habet, eo ipso per annum reddatur inhabilis ad administrationem, seu aliud officium ecclesiasticum obtinendum.

- 18 Dicti quoque Canonici infra septa suarum ecclesiarum, seu monasteriorum arma nullatenus teneant, sine licentia suorum Prælatorum; tenentes verò absque dicta licentia per Superiorem suum taliter puniantur, quòd ipsorũ pœna cedat alijs in exemplum. Super inhabilitate tamen, suspensione prædictis Præsidentes, & eorum quilibet cum Prælatis: & Prælati cum eorum subditis possint, si eis expediens visum fuerit, dispensare. Iniuncta transgressoribus pœnitentia salutari. Demum Concilium Tridétinum, sess. 24. cap. 12. docens ea, quæ Clerici fugere debeant (inquit) Vestitu insuper decenti, tam in ecclesia, quàm extra assidue vtatur: ab illicitisq; venationibus, aucupijs, choreis, tabernis, lusiisq; abstineant: atque ea morum integritate polleant, vt merito Ecclesiæ senatus dici possit.

De contemptoribus Prælatorũ, & legum monasticarũ. Cap. xxviii.

- 1  Vi prauo quodam, corruptoq; animo, suos Superiores contemptibiles iudicant, sacrasq; ordinis leges aspernantur, molestissimi omnibus esse solent, suntq; tranquillæ gubernationis maximi conturbatores. Horum criminis grauitatem explanare placuit, vt & ipsi à sua prauitate resipiscant, & aliquando conquiescant, & à suis Superioribus digna animaduersione plectantur. Dictio hæc. Contemptus, varios habet significatus, vt docuit Guillelmus Altisiodorensis lib. 2. summæ Theologiæ tract. 19. & 20. Primum. n. rem ille dicitur contemnere,

qui eam non iuxta illius valorem, & meritum æstimat; ve luti cū superbus quispiam alios nihili faciens, contemnit. Secundo, cōtemptus vsurpatur pro simplici transgressione præcepti. Vt Leuit. cap. 26. inquit dominus: si nō audieritis me, nec feceritis omnia mandata mea, & iudicia mea contempseritis, vt non faciatis ea, quæ à me constituta sunt. Quibus quidem verbis Deus asserit, omnes peccatores contemnere leges suas, quia eis non obediunt. Tertio, contemptus accipitur, prout est causa peccati. Consueuimus enim vulgo dicere, hunc ex cōtemptu peccare, alterum ex ignorantia, alium verò ex infirmitate.

- 2 His præmonitis aduertendum est, quibusdam recentioribus Theologis difficilē explicatu nodum visum esse, genuinam contemptus naturam extricare. Sed D. Tho. 2. 2. q. 186. art. 2. ad. 3. significantissime rem attigit, & exposuit, dicens: Tunc committit aliquis, vel transgreditur ex contemptu, quando voluntas eius renuit subijci ordinationi legis, vel regulæ. Et ex eo procedit ad faciendum contra legem, vel regulam; quando autem e conuerso propter aliquam particularem causam, puta concupiscentiam, vel iram inducitur ad aliquid faciendum cōtra statuta legis, vel regulæ, nō peccat ex cōtēptu, sed ex aliqua alia causa, etiam si frequēter ex eadem causa, vel alia simili peccatum iteret. Frequentia tamen peccati dispositiue inducit ad contemptum, secundum illud Prou. 18. Impius cū in profundum venerit peccatorum, contēnit. Hæc S. Tho. quem locum Caiet. ibidem sic exponit. Peccare ex cōtemptu importat duo, videlicet actū peccati, & causam peccati. Sicuti nolle ire ad chorum, vel frangere silentium ex contemptu, dicit duo. Primo, ipsum actum frangendi silentiū, seu ipsam omissionem eundi ad chorum, & hic vocatur actus peccati. Secundo, ipsam causam peccati, scilicet ex contemptu; & hoc significat actum voluntatis resutantis subijci legi, seu regulæ.

- 3 Ad peccandum igitur ex contemptu non sufficit, etiam si esset perpetua, & millies reuoluta, & deliberata consuetudo peccandi in tali cōmissione, vel omissione, sed exigitur, quod quis peccet ex tali causa, nimirum ex hoc, quod non vult subijci legi, seu Regulæ, vel Prælato. Nam Prælatus lex est animata. Quandiu igitur quispiam subiectionē ad Regulam in sua voluntate retinet, idest quandiu vult, vt subditus suæ Regulæ viuere quamuis ex minus bona, & indeuota voluntate intendat transgredi eandem Regulam, nunquā peccat ex cōtemptu. Et idē Caiet. 2. 2. q. 104. art. 2. inquit, q̄ si quis ideo aliquid facit, vel omittit, quantumcunq; minimum vt contra Superioris mandatum faciat, contemptor dicitur, & est. Qui enim frangeret silentiū hac intentione, vt faceret contra voluntatē indicentis illud hic verē contemneret,

ret, & mortaliter peccaret. Sine huiusmodi autē intētionē, videlicet vt faciat cōtra Superioris voluntatē, seu mandatū, nunquā est cōtēptus.

4 Quibus in hunc modum elucidatis constituitur prima conclusio. Prælātum, quatenus Prælatus est contemnere, ex suo genere peccatū mortale est, siue illum minus quā oporteat, apprecies, & æstimes; siue illi indigneris, aut conuitia inferas. Dixi, quatenus Prælatus est, ad indicandum, talem contemptum dirigi ad ipsā Prælationis dignitatem, vel Superioritatem, & non ad Prælati personam. Vbi ad ostendendam huius peccati grauitatem obiter annotabis, quòd Caietanus in summa, verbo Contemptus, sentit dicens: Hæc autem maxima peccata ratō accidunt, nisi pessimè dispositis, seu habituatis: in tantum vt ex odio legum, & legislatorum operentur: contemptus enim formaliter contra superioritatem legis, vel legislatoris directè tendit. Hæc igitur nostra cōclusio ex Luc. 10. comprobatur; Qui vos spernit, me spernit. Quæ verba non de Prælatorum personis, sed de ipsa prælatione, & superioritate intelligenda sunt. Quoniam cū illa prælatio, ex Paulo ad Rom. 13. sit à Deo instituta, quisquis illam contēpserit, Deū illius institutorem contemnere videbitur. Idcirco sanè Christus seruator noster Cayphæ, quantumuis pessimo Pontifici, & Pilato præfidi iniquo, & idolatræ, reuerenter loquutus est propter solam Prælationis, quam tenebant dignitatē. Quæ in re exemplo suo nos docuit, vt Præpositis nostris iustam exhiberemus reuerentiam. Talis autem contēptus ex leuitate, venialis culpa existimari poterit. Secundo idem probatur, nam contra dilectionem Dei, vel proximi est, nolle subijci, cui oportet subijci. Cōtra dilectionem quidem Dei est, nolle subijci Deo, seu præceptis, & mandatis, & consilijs eius, quibus oportet subijci; & contra dilectionem proximi est si oportet illi subijci, nolle ei hoc debitum exhibere, quod est subijci illi. Talis ergo contemptor peccatū mortale committit. Verissime quidem ait D. Tho. 2. 2. q. 105. art. 1. Ideò inobedientem esse diuinis præceptis, est peccatū mortale, quasi diuinæ dilectioni cōtrariū. In præceptis autē diuinis cōtinetur, quòd etiā superiorib. obediatur. Quo fit vt etiā inobediētia, qua quis inobediens est præceptis Superiorū, est peccatū mortale, quasi diuinæ dilectioni contrariū, iuxta illud ad Ro. 13. qui potestati resistit, Dei ordinationi resistit, cōtrariatur insuper dilectioni proximi, inquantū Superiori proximo subtrahit obediētiam, quam ei debet. His adde, quòd nec illud Prælati præceptū contemnendum est, quod inutile iure existimari posset nullā prorsus vtilitatem adferēs. Veluti si subdito Prælatus iubeat, amphorā decies implere aqua, & iterū, aquā in terrā sine vlla vtilitate effundere. Id qđ Scot. 1. 4. sent. dist. 3. q. 4. ar. 1. asseuerauit.

5 In hos igitur morosos Superiorum, legumq; contemptores, rectè competit Esaia 5. cap. admonitû; vñ, qui sapientes estis in oculis vestris, & coram vobis metipsis prudentes. Qui legem iustam increpat, illam esse malam proferens, sapiens est in oculis suis: cum plus sibi, quàm legislatori tribuat, què verisimile est etiam si res ambigua fuisset, nihil tamen sine iudicio, & absque matura deliberatione fecisse. Maiori igitur, validiori; ratione cum res est manifestè bona, vtpote ab omnibus comprobata, isti permolesti, fastidiosiq; contemptores suam leuem opinionem, sapientissimorum, sanctissimorumq; virorû sententiæ, & iudicio postponere tenentur; id quod libenti animo sunt præstaturi, si audierint Paulum 1. ad Thes. 4. qui hæc spernit, non hominem spernit, sed Deum. Admonitû etiam illud ab arte militari desumptum, nō modicum erit adiumentum. Qui enim in exercitum aliquem adscriptus est miles, neutiquam is operam dat, vt reliquos ad consuetudinem suam traducat: sed ipse se contra ad Ordinis disciplinam, ac morem accommodat. Eam ob rem conuenit etiam, vt qui in spiritualem societatem adlectus sit, nequaquam illos ad morem suum velit detorquere: sed contra ipse morem suum debet aliorum fratrum moribus, institutisq; conformare. Hos quidem superbos homines Basilii Magni increpat in prohemio regularum fusius disputatarû, dicens; Siquidem graue est hoc arrogantia genus, velle nos legislatoris iudices asidere, & delatis ab eo legibus pro arbitrio nostro alias asciscere, & approbare, alias repudiare. His nostris contemptoribus assimulantur illi, in quos inuehitur Stephanus Act. 7. cap. quod cum Israelitæ esse gloriarentur, dura tamen ceruice essent, Spiritui Sancto resistentes. Perpulchra quidem est illa metaphora sumpta à bobus, iugum recusantibus. Iugum subiectionem denotat, & seruitutem, vt tollite iugum meum Matth. 11. id est, subiicimini mihi. Item Deut. 28. Iugum ferreum ponam super ceruicem tuam, hoc est durum dominium. Itaque significat, eos nunquàm perfectè Deo subditos fuisse, nec sustinuisse legem, aut legis iugum, nec suauē iugum Christi. Idcirco eis dicitur, durus es tu, & neruus ferreus ceruix tua, & frons tua ærea. Esaia 48. Item Ezech. 3. omnis domus Israel attrita fronte est, & Deuter. 9. Cum sis populus dure ceruicis. Religiosi est hominis colla submittere diuinis mādatis, & legibus monasticis, ac iuxta Petri admonitionem, humiliari sub potenti manu Dei, ac dicere illud psal. Paratum cor meum Deus. Item illud Pauli; Domine, quid vis me facere? Nostri autem contemptores extento collo contra Deum ambulant.

6 Secunda conclusio; Contemnere Prælatum, quatenus priuata persona est, & proximus, etiam peccatum mortale est. Vt asserit Caieta-

nus in summa, verbo contēptus. Quoniam actus est ille iniuriosus proximo, lædens, quantū in se est, notabiliter proximū. Cōtemnere enim proximum, importat affectum deprimentem, & deiciētem proximū à sua honorifica, bonaq; exultatione: opponitur siquidem contemptus proximi æstimationi illius. Et quantum bonum est homini æstinari, tantum malum ei infert contemni. Constat autem hominem à multorum bonorum consequutione impediri, ex eo quod despicitur, & parui fit: admodumq; se sentit offensus, quicumque sentit se despici: id quod apertè testantur ire, rixæ, pugnæ, schismata, bella, & innumera mala quæ homo committit, propterea quòd despici non suffert. Quia igitur notabilis proximo irrogatur iniuria, eo quod despicitur, manifestum fit, contemptum proximi peccatum esse mortale, nisi propter actus imperfectionem, aut materiæ leuitatem, peccatum veniale esse iudicetur.

7 Hinc duo inferuntur ex D. Tho. loco citato. Primum, non peccat ex contemptu ille, qui propter aliquam particularem causam, nempe concupiscentiam, vel iram, inducitur ad aliquid faciendum contra statuta, aut regulam: non autem ex ea causa, quod nolit subijci legis ordinationi. Secundum, frequens legis transgressio non censetur contemptus, nec ex huiusmodi actuum frequentia licet inferre contemptū. Nam fieri potest illa actuum iteratio ex alijs causis iam dictis, scilicet ex ira, vel concupiscentia. Ipsa tamen actuum similium frequentia viam sternit, atque disponit ad ipsum contemptum; ob idq; maximè periculosa est, quia dispositiue inducit ad contemptum. Nam impius in profundo submersus, contemnit.

8 Hanc rem exactissimè pertractarunt Alphonsus Caltrus de potestate legis pœnalis lib. 1. cap. 5. docu. 6. & Didacus Couarruias in cōmentarijs super constitutionem Bonifacij 8. Alma mater, de senten. excommun. par. 1. §. 7. num. 6.

Hos igitur Prælatorum aspernatores acerrimè damnat, & punit D. Basilius Magnus in regulis fusius disputatis interrog. 47. cuius titulus est de his, qui nolunt admittere, quæ per Antistitem præscripta sunt, ac designata, dicens: Verum is, qui nolit admittere, quæ Antistes perficiēda iusserit, debet apertè quidem, sed semotis arbitris interrogari, cur dicto morem gerere nolit, allata, si quam habet, ratione, sacris litteris consentanea: alioqui quod imperatum est, silentio exequatur. Quòd si hoc facere pudore retractus non ausit, alios ad eam rem arbitros adiungat. Quòd si aliena fortè à sacrosanctis litteris illa Antistitis iussio sit, ipse & seipsum, & reliquos fratres à noxa eximat. Si verò constiterit, eam rectè fuisse, ac ratione factam, à vana, ac periculosa

disceptatione seipsum liberet. Ne simpliciores exemplo suo ad abiiciendam obedientiam instiget, ac veluti procliuiiores efficiat. Expedi. n. inquit dominus Matth. 18. vt suspēdatur mola asinaria circa collum eius, & proijciatur in mare, quā vt scandalizet vnum de pusillis his. Quōd si qui diutius in contumacia hāserint aduersus Antistitem, clam queruli, nec in apertum voluerint sui māroris causam prodere; hi perinde, ac disceptationis inter fratres exortē auctores, aut qui certissimam auctoritatem colliferint, & labefactarint eius, quæ maiorum debetur præceptis obedientiæ, ac veluti rebellionis, & inobedientiæ magistri, prorsus à reliqua fratrum familia exigantur. Eijce. n. ē Concilio pestilentem, inquit Sapiens Prou. 22. & exhibit cum eo iurgium. Præterea qui Prælatos spernere perstant, D. Tho. 2. 2. q. 102. art. 1. & 2. diligenter legere curent. Docet. ii. nos generosam quandam virtutem moralem; nempe Obseruantiam; per quam cultum, & honorem exhibemus personis in dignitate constitutis. In eo. n. qui est in dignitate constitutus, duo considerare præcipit excellentiam status cū quadam potestate in subditos; Ipsum quoq; gubernationis officiū. Ratione igitur excellentiæ debetur ei honor, qui est quēdam recognitio excellentiæ alicuius. Ratione autem officij gubernationis, debetur ei cultus, qui in quodam obsequio consistit: dum videlicet quispiam eius obtemperat imperio, & vicem beneficijs eius suo mōdo rependit.

10 Sic nos S. Tho. instituere pergit; duplex. n. est debitū, alterum quidē legale, ad quod reddendum homo lege compellitur. Hac sanē ratione quicunque homo honorem, & cultum his debet, qui sunt in dignitate constituti: si prælationem super ipsum habeant. Alterum verō est debitum morale, quod ex quadam honestate debetur. Hac autem consideratione debemus cultum, & honorem his, qui sunt in dignitate cōstituti, etiam si non simus eis subiecti.

11 Etiam adijcit idem author excellentiæ eorum, qui sunt in dignitate constituti, debetur honor, ratione sublimioris gradus; timor autem etiā debetur ratione potestatis, quā habent ad coercendū. Officio verō gubernationis ipsorum debetur obedientia, per quam subditi mouentur ad imperium præsentium; debētur quoque tributa, quæ sunt quædam stipendia laboris ipsorum. Quæ omnia Paulus insinuauit, ad Rom. 13. Reddite, inquit, omnibus debita: cui tributum, tributum; cui vectigal, vectigal: cui timorem, timorē: cui honorem, honorem. Et ad Heb. 13. Obedite Præpositis vestris, & subiaccete eis.

12 Eosdem tandem contemptores maximopere comprimit, atque damnat, quartus ille Angelus Apoc. cap. 16. qui effudit phialam suam in solem, & datum est illi æstu affligere homines, & igni, & blasphemare

uerunt nomen Dei. Quo in loco Rupertus Abbas nostrorum contem-
ptorum ingenia, & calamitates enarrat. Cum. n. æstu disciplinæ cor-
repti, non corriguntur, iustum erit, ut gehennæ tradantur, quoniam re-
belles, & contemptores extiterunt. Blasphemare autem Dei nomen
asseruntur eiusmodi superbi, elati, procaces, detractores, voluptatum
amatores, doctrinæ sanctæ neglectores, quorum omnes duces fuerunt
Dathan, & Abyron, & ceteri carne, & non fide filij Israel nu. 16. quorū
corpora in deserto diuersis modis prostrata sunt. Eiusmodi nanq; ho-
minos si pro suis criminibus corripiantur, æstu magno calefcunt, irascen-
tes, contradicentes, contentionis, rixæ, & implicabilis odij flammam
contra rectores suos impia conspiratione excitantes; iuxta formā Da-
than, & Abyron, aliorūq; qui cōsurrexerunt aduersus Moysen, & Aaron.
Eorum autem amaritudo, verbaq; ex fellis abundantia prolata, quāti
sint criminis, illud insinuat, quod subiungitur, & blasphemauerunt no-
men Dei. Quidquid enim aduersus Prælatos, & patres insaniunt,
id totum in ipsum Deum projicitur, quemadmodum Moyses, & Aaron
attestabantur, dū aiunt; Nos enim quid sumus, quia murmuratis con-
tra nos? Neq; enim contra nos est murmur vestrum, sed contra Do-
minum. Quod. n. Prælati disciplinæ causa faciunt, aut iudicant, non sua,
sed Dei potestate, vel auctoritate faciunt. Rectè igitur rebellio cōtra
disciplinam, blasphemia in Deum reputatur. Hinc est, quod ad Saul,
Samuel illud protulerit 1. Reg. 15. Quoniam quasi peccatū ariolandi
est, nolle auscultare; & quasi idololatriæ scelus nolle adquiescere.

De abusionibus claustrī.

Cap. xxix.



IN signis glossa in Clem. ne in agro dominico. §. quia ve-
rò, in verbo Curias principum, de statu Monach. citat
Hugonē de Follieto lib. 2. de animæ Claustro, dicentē;
Duodecim sunt abusiones claustrī, quib. tota Religio-
nis massa corrumpitur. Prælati negligens, discipulus
inobediens, iuuenis ociosus, senex obstinatus, Monachus Curialis, Mo-
nachus caustidicus, habitus p̄tiosus, cib. exquisitus, rumor in claustro,
lis in capitulo, dissolutio in choro, irreuerētia circa altare. Refert quo-
que eadē glossa ex Cypriano totidē seculi abusiones, quæ vtcunq; Re-
ligiosis aptare possunt, nempe. Sapiens sine operibus, senex sine reli-
gione, adolescens sine obedientia, diues sine elemosyna, scēmina si-
ne pudicitia, dominus sine virtute, Christianus contētiosus, pauper su-
perbus, rex iniquus, Episcopus negligens, plebs sine disciplina, popu-
lus sine lege. Subditq; sic suffocari iustitiam. Vtraque igitur abusio-
num tabella à viro religioso assidue ob oculos habenda est. Priores

illas duodecim abusiones clauſtri, longa oratione, exhortationeq; pia explicat Hugo de ſancto Victore lib. ſecundo de clauſtro animæ à cap. 12. ad finem libri, tom. 2.

- 2 Sunt & aliæ clauſtri abusiones, quas D. Baſilius Magnus luculenter tradidit. Prima autem eſt contra id, quod neutiquam temerè cū quibuiſ hominibus conſuetudinem habere Monachus debet. Quā mirum in modum diſcutit in Conſtitutionibus monaſticis cap. 7. dicens; Iam ne illud quidē decere iudicandum eſt, temerè ſeiſum quibuiſ credere denudareuē, aut aperire animi ſui arcanum. Si quidem multi parati eſſe inſidiatores ſolent, qui in eum ſtudioſè, quid agat, inquirūt: quocirca danda omnino nobis opera eſt, vt niſi magna adhibita circunſpectione in cōgreſſum, cum extrarijs hominibus veniamus. Si. n. ipſe liberator noſter, Ioan. 12. omnibus ſeiſum non credebat, quī tamen purus, & labe omni carens; ille qui quantuſcunq; erat, niſi virtus erat: qui fieri poterit, vt nos, qui peccatores ſumus, ad lapſum procliuēs, ab recto itinere identidem aberramus, ob naturalem, noſtram imbecillitatem, & propter eum, qui bello nos improbè, & acriter perſequitur, vt ſi curioſis hominibus vitam noſtram inſpiciendam expoſuerimus, non & prauas in nos calunnias conſtemus, & ipſi nobiſmetiſ ſcandala ſtatuamus?

- 3 Deinde extrarij homines, & maleuoli, ea quæ rectæ ſunt, plerūque, in crimen vocare non dubitant: Et leuiſſimas etiam offenſiunculas maledictis inſectantur: vitandum igitur eſt temeritatis vitium. Tertio, extranei ipſi etiam apud ſe cogitant, Religioſos, eo quod viuendi inſtitutum mutarunt, non conſilium muſſe, ſed diuerſam planè ab humana induiſſe naturam; neque de Religioſis iudicant, tanquā de ijs, qui cū in iſdem affectionibus verſentur, eas tamē animi virtute, & voluptatibus à ſegregandis, rationis imperio ſubijciant, ſed illud exiſtimant, naturales ex illorum corporibus omnes funditus affectus eſſe ſublatoſ. Hinc ſunt in Religioſos acerbiffimi accuſatores. Quarto, vulgares quidem homines quandocunq; in pietatis cultorum vitam inquirunt, cū Religioſus poſt longinquam eſuriem eſca corpus fulſit ſuū, ne ruat: veluti ſi omnino corporis, ac materiæ experteſſet, aut nullum prorſus, aut quā minimum cibum aſſumere illum volūt. Et ſi animaduertent quempiam, qui non vſquequaque inclementer corpus tractet, ac tantillū illius neceſſitati ſubueniat, hunc cōnuiſ, calūniſq; proſcindunt, deriuataq; ab vno in cunctoſ proteruia, & petulantia, vniuerſoſ pariter lurcones quodaſ, & helluoneſ appellant. Quamuiſ ipſi laici biſ, terq; quotidie pinguiſſimis cibis ſuffarcinentur, & ingentē vini vim ingurgitēt. Nequaquam igitur conuenit, vt libertas

libertas noſtra ab alia conſcientia iudicetur. Veruntamen ſiquis ex his hominib. forte ſit, cuius perſpecta nobis & animi prudentia, & vite innocētia ſint, & diſciplinā noſtrā in reuerētia habeat, hunc menſa noſtra communicari, ſi id vſus poſcat, à ratione neuticam alienū fuerit.

4 Secunda abuſio clauſtri eſt contra id, videlicet quòd priuata auctōritate nihil negotiorum exercere debeat Monachus. Poſtatem verò ſuiipſius, ne ad punctum quidem temporis habere Monachus debet, per quam in priuatis ipſe negotijs ſuis verſetur. Quemadmodum. n. abſente artifice, inſtrumentum ſua ſponte non mouetur, neque membrum, vel ab breuiſſimum tempus à corpore ſeparari, moueriue po- teſt, ſine opificis, ac moderatoris voluntate: ſic nec Religioſo aliquid agere, exequiue ſine Antiftitis ſui ſententia licet. Quòd ſi cauſam afferat, ſe præ imbecillitate corporis exequendis imperatis parē eſſe non poſſe, inſirmitatem ſuam Antiftiti iudicandam permittet, ſcripturam ſacram audiens, & ſecum reputans: nondum. n. vſque ad ſanguinem reſtititiſ, aduerſus peccatum repugnantes. Et rurius, propter quod remiſſas manus, & ſoluta genua erigite.

5 Tertia abuſio ea eſt contra id, quod nequaquam facetias, ſcurri- lemue vrbaniſatem conſectari Monachus debet. Vitandæ autem om- nes omnino in ſermōne facetiæ, & ſcurrilis dicacitas ſunt. Siquidē fieri ſolet plerunq; , vt qui ſeſe in rebus iſtiusmodi occupant, ij rectā ra- tionem deſerāt: quippe cū ex eo illud fiat, vt animus ad ridicula diſ- fundatur, & in tacita ſecū cogitatione grauitatis, ſeueritatisq; neruos omnes elidat. Secundo, quin incidit ſæpenumero, cū iſtiusmodi cō- tagio ſenſim proſerpens, poſtremò ad uerborum turpitudinem, & ab- ſurdam, atq; extremam obſcœnitatem delabatur. Ex quo ſanè colli- gitur, peruigilem, & attentam animi excubationem cum facetiarum diſfuſione ſimul cōherere non poſſe. Tertio, ceterum ſi vſus etiam in- ciderit aliquando, vt remittende aliquantulum triſtitiæ cauſa, ſermo- ne ad hilaritatem excitemur, danda omnino opera eſt, vt ſpiritali le- pore reſerta ſit oratio noſtra, & euangelico ſale condita, vt rectæ, quæ interiorius ſit ſapientiæ gratum foras odorem aſpiret, dupliciterq; audi- torē, & animi relaxatione, & intelligentis feſtiuitate delectet.

6 Quarta abuſio eſt contra id, quod in riſu etiam continentiam ad- hibere conueniat. Atque illud etiam, quod à plerique negligitur, nō mediocriter caueri ab ijs debet, qui colendæ pietati ſtudent, ne in ri- ſum videlicet præter modum effuſi ſint, quandoquidem non abeſſe à ſe intemperantiā ſignificatis, qui profuſo nimis, petulantiq; riſu te- neatur, ſeſeq; animi ſui motus nequaquam ſedatos, eiſq; mollitiem, ac veluti laxitatem nequaquā ratione ſeuera habere compreſſam de- clarat.

clarat. Verùm enim modicè rictum deducere, eoq; modo animi fui diffusionem leniter significare, non est contra decorem, quatenus illud tantum indicetur, quod scriptum est: Cor gaudens exhilarat faciem. Illud autem in immanes cachinos prorumpere, & corpore cōtra animi voluntatem, suffultare, nequaquam est eius, qui animo composito sit, aut planè probo, & compote suiipsius. Porrò hoc ita esse, vir sapiētissimus Salomon confirmat his verbis. Eccles. 2 1. Fatuus in risu exaltat vocem suam, vir autem sapiens vix tacitè ridebit. Huiusmodi genus risus etiam Ecclesiastes damnans, tanquam rem animi cōstantiæ, & grauitati maximè contrariam, sic dicit; Risum reputaui errorem. Et item: sicut sonitus spinarū ardentium sub olla, sic risus stulti. Atque hoc ipsum etiam ita esse, dominus ostendit, qui susceptis ceteris, quæ necessariò corpus sequuntur, affectionibus, ijsq; omnibus, quæcunque virtutis testificationem habent, veluti lassitudine, & misericordia aduersus calamitosos, risu, quantum Euangeliorum historia cognosci potest, vsus nunquam sit; contraq; omnes, quotquot ab eo tenerentur, miseros appellauerit. Neque verò vocabuli nos ambiguitas fallat: quandoquidem familiare est scripturæ sæpenumero lætitiā, & festiuitatem illam, quæ ex rebus bonis in animo exoritur, risum appellare, vt Gen. 2 1. Risum fecit mihi Deus. & Luc. 6. Beati qui fletis, quoniam ridebitis. Siquidē omnibus his in locis vocabulum hoc pro hilaritate, quæ ex prorumpente animi gaudio nascitur, vsurpatum est.

- 7 Quinta abufio aduersus vociferatores notatur, prorsus. n. vocis modum audiētium necessitas ipsa definit. Quocirca ea si summissior sit, tanquam segnior, propè ad susurrum accedit, ac propterea damnanda est. Si verò etiam sit altior, quàm res desideret, cū is qui audit, etiā summissius loquentem posset audire, tum clamor existit, qui damnatus est ab Apostolo ad Ephe. 4. Hoc excepto, nisi ybi lenitudo audiētis tanta sit, vt necessariò cogamur vt clamore, quo hunc ex somno veluti excitamus: Nam hoc Dominus etiam fecisse memoratur, vt est apud Ioan. 1 2. Iesus enim clamauit, & dixit, Qui credit in me, non credit in me, sed in eum, qui misit me.

- 8 Sexta abufio ea fertur; nequaquam permittendum esse, vt in conuentu virorum Religiosorum, duorum triumue fratrum seorsum sodalitas conspiret. Siquidem Charitatem habere inter se mutuam fratres debent, non ita tamen vt duo, tresue seorsum à ceteris sodalitatē inter se coeant Quandoquidem hoc non Charitas est, sed seditio, & diuisio: & eorum qui sic coeunt, improbitatis indicium. Primum enim si communis decus disciplinæ charum haberent, absque dubio communem, & qualemq; erga omnes Charitatē tenerent. Si verò ipsi à reli-

à reliquis ſua ſponte abſciſſi, diſiunctiq; in cœtu cœtum efficiant, vicioſa huiuſmodi amicitia conciliatio eſt, & diuerſam quandam à cõmunibus inſtitutis rem eſſe oportet, quę hos inter ipſos cõciliet. Quare nihil eſt aliud hæc ſingularis amicitia, quàm cõtra veterem diſciplinæ ſtabilitatem, conſtantiamq; inuocatio. Quocirca danda ſtudioſè opera eſt, ne vllus omnino iſtis peculiaribus ſodalitatibus locus detur. Secundo, quòd ſi quis hanc diſciplinam labefactare contendat, hic primo ab aliquo ſano ſecreto admonendus eſt; deinde adhibendi de fratribus teſtes erunt. Quod ſine ipſis quidem auſcultauerit, tũ demum ad Antiſitem ipſum morbum deferre oportebit. Si verò ne Antiſitem quidem audire voluerit; perinde vt gentilis, & publicanus habendus eſt; & vt ouis peſtilentia contracta ab reliquo ouili ſegregandus, ne in reliquos quoque morbi contagionem transfundat. Tertio, ſi verò nullus ſit omnino, qui exempli peruerſitate deterior fiat, tunc tantummodo lenitas aduerſus ipſum locum habebit, ſpe videlicet ipſum ſe aliquando ad meliorem frugem recepturũ: lenitas autem ex ea parte, vt ne præcidatur, non autem vt ab admonitionibus, legitimisq; mulctarum impoſitionibus deſiſtatur.

- 9 Septima abuſio eſt contra id, quod Monachos locum mutantes, & vagabundos vitemus. Atq; illi etiã deuitandi ſunt, qui inſtabiles idẽtidem locum demutant, & modo ad hos, modo ad illos fratres ſe cõferunt, & irrequieto aãti impetu ſe in circumluſtrandis aſſiduè monaſterijs occupant, & per ſimulationem ſpiritalis Charitatis, carnis libidinibus obſequuntur: in quorum animis nihil firmitatis, nihil ſolidi, nihil quod diſciplinæ conueniat ordinis, nihil deniq; prudentiæ in eſt, aut grauitatis: contraq; ſumma curioſitas, morum peruerſitas, leuitas, inconfiderantia, dolus, hypocriſis, mendacis, & veteratoriæ orationis pleniffima aſſentatio in iſtis redundat. Hi. n. & lingua rudes, & ventre intemperantes ſunt. Horum volucris animus continenter flabris veluti quibuſdã pulſatur; horum conſilia aſſimilia veſpertilionum volatibus ſunt, quippe qui in directum nunquã feruntur, ſed tortuoſo, & incerto maximè volatu huc, illucq; temerè pererrant, & circumuagantur. Hi cùm in ſpeciem ſtatim aliud facturi videantur, poſtea præter omnium opinionem ad illud quippiam longè diuerſum ſubita mentis leuitate feruntur. Hi multum ſerpunt, & nihil promouent.

- 10 Iumentis quidem illis aſſimiles ſunt, quæ ad molas deligata, eodẽ in ſpatio ſemper reperiuntur, & fracto laboribus corpore, ipſa tamen vltra exigui loci ſines progreſſa non ſunt. Sic iſti quoque cùm aſſiduè in corporis libidinibus intricentur, in hiſq; depreſſi inhaereſcant, ad ſpiritus faſtigium nunquam euadunt, ſed in exhauſto curſu in orbem

perpe-

perpetuò incitati feruntur, nempe voluptatibus agitati, rotatiq; in eundem locum denuò referuntur.

- ¶ Hi cùm ouis speciem, veluti escam quandam externe intuentium se oculis obijciant, gulosam, vafsam, & astutam interne vulpem celât, multosq; ab recta viuendi via ad suum vitiorum genus conantur abducere. Illudq; rectum existimât, quodcunque quis ipsis, vel rectè, vel probabiliter consuaferit. Aliorumq; peruersionem, excusationē suam esse arbitrantur. Proinde hi omni ratione cauendi sunt, idq; ea re ne & pestis contagione ceteros inficiant, & ipsi cùm se odiosos, & ab aliorum communione summos animaduertant, à prauitate resipiscant, & se ad meliorem frugem recipiant. Nam & Paulus de otiosis, curiosisq; hominibus 2. Thes. 3. ad agens, inquit; hunc notate, & ne cōmisceamini cum illo, vt confundatur.

De Canonicorum vestium honestate. Cap. xxx.

1



Vita quidem, vtiliaq; aduersus vestium inhonestarum vsum, quibus Clerici, ac Religiosi illicitè vtebantur, statuerat Clemens 5. sub grauibus pœnis in Clem. Quoniam qui. de vita, & honest. Cler. Sed quæ iam longo tēporis discursu intellectu sint difficilia ob vestium continuam mutationem, quoniam certa vestium ratio difficilè haberi potest. Propterea Bened. 12. in Constit. Canonic. Regul. tit. de forma, & honestate habitus, & vestimentorum, prudenter instituit; vt quam formam honestam vestium, & calciamentorum Prælati ordinauerint, disposuerint, atq; præscripserint, eam vniuersi Canbnici, quin & ipsi Prælati tenere, ac seruare cogerentur, vestesq; prohibita ab eis auferentur pauperibus eroganda, contumaciaq; crescente, beneficiorum suspensiones, ad eaq; obtinenda inhabilitates, aliaq; grauiorēs pœne transgressoribus imponuntur, vt superius retulimus.

- 2 Quin etiam Conc. Trid. sess. 14. cap. 6. iuxta Episcoporum ordinationem honestum habitum clericalem dijudicandum reliquit, Idq; in genere tātum explicuit, quòd & si habitus nō facit Monachum, oportet tamen Clericos vestes proprio congruentes Ordini semper deferre, vt per decentiam habitus extrinseci morum honestatem intrinsecam ostendant: Vt etiam Clemens 5. loco citato eisdem verbis præmonuerat. Negligenda tamen non sunt, quæ peculiaria quædam Cōcilia, descripserunt. Nam Conc. Senonense sub Antonio Archiep. par. 2. de moribus cap. 23. & 24. sic ait: Insuper (inquit) professionē suā probent habitu. Vestitus ergo Clericorum non sit expectoratus, sed à collo desuper vndique clausus à manicis, lateribus, & retro. Cumq; elationis

elationis habeat calumniam, quidquid propter venustatem, non propter necessitatem accipitur: & ne bona Ecclesiæ, quæ pauperum sunt, in factum, & corporis ornatum, qui à sacro Ordine alienus esse debet, conuertantur: inhihemus omnibus: ne vestimentis exterioribus, & sagis oblongis sericeis in publicum, aut domesticè vtantur, sub pœnis arbitrio Diœcesanorum imponendis. Exceptis tamen Ecclesiasticis ex sanguine regio, aut ducali ortis, quos tamen hortamur, vt in suis vestimentis decentiam ecclesiasticam obseruent. Vestes sint talares, non frongiata, aut partita, nec nimia amplitudine superflua, nec plus æquo constrictæ. Non pannosi sint Clerici, aut in vestibus laceri; neque enim affectatæ sordes, aut exquisitæ delitiæ laudem pariunt. Non caligas partitas assumant, neq; circa genu dissutæ. Non lunatis, seu cornutis, ac nimis fenestratis calceis vtantur. Non anulos in digitis deferant, nisi quibus id ad decorè suarum dignitatum permittitur. Deniq; iuxta Conc. Lateran. pannis rubeis, aut viridibus non vtantur.

- 3 Concilium quoque Mediol. sub Card. Borromæo part. 2. tit. de Clericorum vestitu, sic decernit. Nec in habitu Clericali, aut studiosius exquisita cultus elegantia, aut nimis abiecta negligentia, & affectatæ sordes appareant. In omni vestitu, color tantum niger adhibeatur, nisi fortasse alium colorem requirat dignitatis gradus. Omnem habitus & ornamentum nouitatem Clerici fugiant. Ne serico vestimento, aut ornamento domi, aut foris vtantur. Externa vestis simplex, ac talaris erit, quæ neque à ceruicibus in tergum reflectatur: sed apto ad collum nodo decentissime annexa sit: turgidis caligis, & dissectis abstineant, calceos, & crepidas ad elegantiam non incidant. Torques, armillas, ac monilia respuant; anulum non induant, nisi quibus propter officij munus, aut honoris gradum sit iure concessus. Quo loco, & vnico, nec magni prætij contenti sint.

- 4 Præterea, quæ hæcenus de vestium ratione à nobis tradita sunt, nõ ab re fuerit, & Basilium Magnum, tanquam æquum censorem in medium adducere, qui quod vestimentorum, calceamentorumuè delectionem consecrari pietatis cultor nõ debeat, rectè docuit in Constit. Monasticis cap. 31. dicens. Iam de vestimentis, calciamentisue nõ ea exquirenda vobis sunt, quæ sunt elegantiora, sed quæ viliora, ea diligenda. Vt in hac re etiam animi nostri humilitatem significemus, neque opinionem nimis elegantium, aut nosmetipsos amantium, & à fraterna charitate abhorrentium incurramus. Quando is satis se à charitate, humilitateq; disunctum declarat, qui primas desiderat.

- 5 Idem author in regulis breuioribus interrog. 210. inquit; Quis est ille, qui traditus est ab Apostolo habitus ornatus? Respondet, nè

pè vsus ad propositum cuiusque finem accommodatus cum decoro, ac dignitate, habita ratione temporis, loci, personæ, vtilitatisq; : neque enim vestimenta eadem ratio admittit, & tempore hyemis, & æstatis; neque eundem esse conuenientem putandum est, habitum eius, qui laboret, & eius qui quiescat : ministrantis, & eius, cui ministretur : militis, & priuati; viri, & scemina.

6 Explicemus etiam, qua animi affectione sumere oporteat vestimentum, calciamentumue, qualecunque illud sit. Nam si arctius sit, aut laxius, quàm vt ætati eius conueniat, cui detur, aperiat is suam necessitatē, adhibita tamen modestia. Si verò propterea mouetur, quòd aut vile sit, aut non nouum : seipsum diligenter exquirat, num ex dignitate mandatorū Dei opus aliquod effecerit. Ità. n. fiet, vt nō aliud inquisiturus sit, si q̄ datum fuerit, tãquam immeritissimo datū sit, intelligat.

7 Sed rursus quæres, nunquid liceat vnicuique vetus vestimentū suū, calciamentumue dare cui velit? Respondeo, dare, aut accipere etiam secundum mandatum non est cuiuslibet: sed eius, cui de communi sententia, adhibita circumspectione, delatum est munus dispēsandī. Proinde hic erit, qui siue vetus, siue nouum habita ratione temporis cuiusque, & dabit ipse, & accipiet.

8 Vberiori etiā sermone idem disseramus; Dices, qui vestitus conueniens sit homini Christiano? respondeo, prorsus & humilitatem, & in victu, cultuq; tenuitatem, & omnibus in rebus frugalitatem, ac parsimoniam necessarias esse demonstratū est, si multitudinē velimus occupationum præcidere, quibus dum necessitatibus corporis famulatur, varijs modis distrahi animus consuevit.

9 Nimirum ad eosdem quoque fines dirigendum nobis est, quidquid ad vestitum etiam pertinet. Si. n. in eo studendum est nobis, vt omnium infimi simus, sine dubio, & quod in hoc genere indumentorū infimum est, id summopere nobis est amplectendum. Vt. n. qui studio si gloriæ sunt, ex amictu etiam vestimentorū, gloriam sibi soliti sunt aucupari; nempe qui ex illorum magnificentia, splendoreq; spectabiles se, & in admiratione esse cupiāt: sic videlicet, qui ob vitæ humilitatem in infimum seipsum abiecerit, in his quoque, quod omnium infimum est, consecrari debet. Quare exquirat seipsum quisque, vtrinè magis alsimilem esse Christiano homini conueniat, ijs ne, qui habitāt in aulis regum, & mollibus vestiuntur; an nuncio, & præconi aduētus dñi, quo in natis mulierum nullus surrexit maior? De Ioāne loquor filio Zachariæ, cuius vestimentum ex fetis camelorum erat. Quin & veteres sancti illi viri circumibant in melotis, & pellibus caprinis.

10 Vtilis etiam in hoc peculiaris amictus ratio est, q̄ ea, qualis sit vnusquisque

quisque, ante indicat, & vitæ, quæ ex Deo est, professionem veluti testificatur: quæ res facit, ut ab ijs, qui nos viderint, actiones etiam istius professioni consentaneæ requirantur. Id autem fiet, si communis omnium nostrum inter nos in vestitu ornatus sit, & veluti insignis quædam, ac peculiaris ex ipso amictu concolori impressa sit nota.


- 11 Ut igitur peculiaris quidam in vestitu est ornatus militis, alius senatoris, itemq; aliorum alius; unde, ut plurimum de dignitate illorum cuiusque capitur coniectura: sic decorum quoque esse, ac consentaneum videtur, hominem Christianum in vestitu etiam præcipuum aliquid à ceteris seruare oportere. Eadem mihi quoq; in calciamenti ratio est, ut videlicet, quod quàm minimum præferat curiositatis, minimiq; sumptu parari possit, & ad necessarium modo vitæ usum sit satis. Hic canon perpetuò tenore seruetur.

- 12 Iam zonæ usum necessarium esse, & qui ætate nobis superiores fuerunt, sancti viri declarant, Ioannes quidem, qui zona pellicea solitus esset præcingere lumbos suos, Matth. 3. & Marc. 1. & ante ipsum etiam Helias 4. Reg. 1. quando de eius peculiari quodam insigni, scriptum est illud. Vir pilosus, & zona pellicea circa renes eius. Quin Paulo etiam zona ostenditur fuisse, quando ei angelus Act. 12. dictum est. Virum enim, cuius zona hæc, sic alligabunt in Hierusalem. Et discipulis domini interdictum est, ne æs haberent in zonis.

- 13 Alioqui cum necesse sit, ut qui per se ipse aliquod est opus tractaturus, succinctus sit, & ad omnes corporis motiones expeditus, ei necessaria sit zona, qua tunica restringatur, & corpori præstius adhærescat. Quin etiã ea in sinus collecta, complicataq; naturalem calorem impedio magis fouebit, tolletq; quidquid naturales corporis motus posset impedire, quando etiam dominus Ioannis 13. quo tempore parabatur se, ut discipulis ministraret, sumpto linteo præcinxit se.

- 14 De multitudine autem vestimentorum, nihil sanè nunc attinet dicere, si rerum omnium possessio abijcienda est. Etenim si qui duas tunicas habet, is ei qui nullam habeat, alteram iubetur impartiri, huic plurimum retentio interdicta est. Quod si ita est, quibus habere tunicas duas vetitum est, his quid attinet, de illarum usu legem sancire?

De exercitatione monastica. Cap. xxxi.

- 1  Re quidem aureo, suauiq; sermone magnus ille pater Basilii in sermone de Ascesi, id est de cultu Religionis, compendium nobis scriptum reliquit, nunquam è manibus demittendum; quo omnia ferè ad Religionis methodum spectantia mirificè completitur, sic exordiens; Monachum oportet, cum primis nihil in
vita,

vita, quod iuris sui proprium sit possidere, corpus quietum, habitū nō sordentem, sed honestum, vocem moderatam, sermonem compositū habere, in cibo potioneq; minime turbulentum esse, sedatumq; potius, & grauem, coram natu se maioribus silere, prudentiores se auscultare, erga æquales Charitatem tenere, minoribus consilium cū Charitate dare: ab hominibus se nequam, & carni deditis, curiosis, & nimio plus cupidis rerum gerendarum abducere, multa intelligere, pauca loqui: in sermone non praesidentem, aut temerarium esse, neque in colloquijs nimium, non esse ad risum procliuem, verecundia sese commendare, oculos habere ad terram deiectos, animum ad cælum erectum: non Superiorum imperio repugnare, sed alacri, ac libetī animo obtemperare; manibus laborare, assidue nouissimorum meminisse, spe gaudere, in tribulatione patientiam adhibere, cōtinenter orare, in omnibus gratias agere, aduersus homines humilitatem tenere, odisse arrogantiam, sobrium esse, peruigilem, & attentum, & cor à prauis cogitationibus castum custodire: in cælo sibi per mandatorum obseruationem thesauros recodere, quotidianas suas, & cogitationes, & actiones omnes diligēter examinare, nequam se vitæ huius negotijs, aut superuacaneis sermonibus immiscere, non curiosius in desidium vitæ inquirere, sanctorumq; solum patrum viuendi statuta imitari, si quos recte, aut cum virtute aliquid facientes viderit, illis gratulari, non itē inuidere; eisdem in aduersis socium meroris esse, & lachrimarum, & qui in eo statu sint, eorum vicem magnopere misereri, non etiam condemnare, à peccato resipiscentem probis non insectari, seipsum nunquam iustificare, peccatoremq; se in primis, & coram Deo, & coram hominibus appellare, ordinem deferentes admonere, pusillanimes cōsolari, ministrare infirmis, pedes sanctorū lauare, in hospitalitate, amoreq; fraterno diligentem esse, cum confortibus, & domesticis fidei pacem tenere, hæreticum hominem auersari, ac deuitare, approbatos libros lectitare, apochriphos ne attingere quidē omnino. De Patre, & Filio, & Spiritu Sancto cum nemine disputare. Sed Trinitatem increatā, & coessentialē firmē, libereq; & credere, & confiteri, & se percunctantibus sic respondere: oportere nos, sicut traditū accepimus, baptizari: Credere autem eo modo, quo baptizati sumus; glorificare verò, quemadmodum credidimus, in negocijs, & sermonibus honestis versari: prorsus ab omni se iureiurando abstinere, pecuniam ad vsuram non dare, non frumentum, non vinum, non oleum, vt maiore sibi mensura reddantur: à crapula, se, & ebrietate, & caducæ vitæ huius sollicitudinibus tēperare, nihil in consuetudine cū alijs per doliū agere, nihil omnino de aliquo secus loqui, nemini detrahere, neq; detrahen-

trahentem alium libenter audire, non facilem esse ad ea credenda, quæ de altero secus dicantur: iracundiam sibi dominari non sinere: non pra-
ua cupiditate vlla vincitū detineri, non temerè proximo succensere,
conceptæ aduersus aliquem iræ tenacior ne sis, non malum pro malo
reddere: maledictis incesse potius, quàm incescere, pulsari, quàm pul-
sare, iniuriam accipere, quàm facere, fraudari, quàm fraudare.

2 Potissimū autem debet se Monachus a congressione mulierū ab-
stinere. Itemq; à vini vsu, quia vinū, & mulieres apostatare faciunt sa-
pientes; & in præceptis domini pro viribus exequendis, nequaquam
animum despondere, tedio anxie affici, sed laborum suorum præmiū,
laudemq; à domino expectare, & sempiternæ vitæ optare fruitionem,
& David verba illa assidue ante oculos habere, ac dicere: providebam
dominum in conspectu meo semper, quoniā à dextris est mihi, ne cō-
mouear. Et si filium quidē addecet toto corde, totaq; fortitudine, mē-
teq; tota, ac viribus Deū diligere: vt seruū verò reuereri, ac metuerē,
obedireq; , & cū timore, ac tremore animæ suæ salutē operari, spiritu
seruere, indutū esse omnimodā armaturam Spiritus Sancti, & curre-
re non in incertum, & pugnare, non tanquam aerem verberet, & in
corporis infirmitate, & animi mendicitate, aduersariū superare: om-
nia sibi assignata, & ex ordine præscripta munera exequi, & se inutile
appellare, gratias agere sancto, & glorioso, ac metuendo Deo: nihil per
contentionem, aut inanis gloriæ studium facere, sed Dei causa tantū-
modo, vt placeat Deo. Quoniam dissipauit Deus ossa eorum, qui pla-
cere hominibus student, prorsus nunquā gloriari, neque suimetip-
sius laudes prædicare, neque prædicandi alteri aures libenter præbe-
re, in occultoq; non aucupandæ laudis causa humanæ, omnia facien-
tem seruire, ac solam quæ à Deo est, laudem querere: deq; horresco,
gloriosoq; eius aduentu cogitare, de migratione ex hac vita, de re-
positis ijs, qui rectē vixerint bonis, similiterq; de parato igne diabo-
lo, & Angelis eius.

3 Et præter hæc omnia, Apostoli verba illa in memoria habere, non
esse condignas passiones huius temporis ad futuram gloriam, quæ re-
uelabitur in nobis: & illud vnā cum David dicere: custodientibus mā-
data eius retributio multa. Merces nimirum illa copiosa est, & co-
ronæ iustitiæ æterna tabernacula, vita finem nunquā habitura, gau-
dium inerrabile, perpetua mansio apud Patrem, & Filium, & Spiritū
Sanctum, qui est verus in cælo Deus, faciei ad faciem manifestatio,
choreæ cum angelis, cum Patribus, cum Patriarchis, cum Prophetis,
cū Apostolis, cum Martyribus, cū Cōfessoribus, cum omnibus deniq;,
qui ab æterno placuerunt Deo, in quorum numero studiose (quæso)

operam demus, ut nos quoque censeri possimus, & inueniri, gratia domini nostri Iesu Christi.

4. Animaduertenda quoque sunt, quæ in hoc argumento traduntur à Conc. Colonienfi sub Hermanno 5. Archiepif. par. 16. cap. 15. dicente. Et ut reuertamur ad Monachorum vitam, haud ignorare debent; Concilio Calcedonenfi cautum Monachos oportere quieti operâ dare, ieiunia, & orationes obferuare in his locis, in quib. se semel Deo deuouerunt, remanere: nullas ecclesiasticas, seu ſeculares actiones tractare, nunquàm ſua monaſteria relinquere, niſi forſan ob ingentes neceſſitates id facere à ſuo Epifcopo iubeantur, nè nomen domini blaſphemetur. Quare libertas illa peregrinandi, ſeu exeundi, prætextu inuiſendi parètes, moderanda, ſeu penitus tollenda erit. Itẽ cap. 16. Monachus, & Monacha amare debet ſcripturam ſciẽtiã, & carnis vitia non amare: pſalterij librum de manu, aut oculis nunquàm deponere, ſemper orare, ſenſu vigilare, vanis cogitationibus adiutum præcludere, corpore pariter, & animo in Deum tendere, iram patientia vincere. Breuiter, nullis animi perturbationibus (quæ ſi inſederint, ad delictum maximum inducunt) locum dare, ſemper aliquid operis facere, ut eos diabolus ſemper inueniat occupatos. Et ut nulla ſint, quæ manibus operari liceat, libros tamen ſacros deſcribere ipſis maximè conueniret, ut & manus operetur cibos, & lectione anima ſaturetur. Porro Aegyptiorum monaſteria hunc morem ſeruafſe leguntur, ut nullum Monachum abſque opere, & labore ſuſciperent: Non tam propter victus neceſſaria, quàm propter animæ ſalutem, ne pernicioſis cogitationibus vagarentur, ne uel inſtar fornicantis Iſrael Hiere. 3. cap. omni tranſeunti diuicarẽt pedes ſuos. Et idem Concilium ibidem, cap. 6. inquit. Habendus eſt in virorum monaſterijs vir pius, ac doctus, qui doceat Monachos ab adoleſcentia meditari in lege domini die, ac nocte, ad quod munus in monaſterijs Monialium ſanctimonialis, ceteris vita, & doctrina præſtantior deligatur. Debet autem qui monaſterio præeſt, ſumma diſcretionẽ uti, maximè erga eos, quos compererit diuinis litteris intentos, aut contemplationi deditos, ut ſcilicet tales à ſordidioribus officijs ſinat eſſe immunes. Et cap. 6. ſequenti addit. In monaſterijs, quoque verbi prædicator erit, pius quidem, ac eruditus. Nã nulla armatura fortior ad reſiſtendum diabolicis inſidijs, ac iaculis, quàm gladius ille ſpiritus, quod eſt verbum Dei, quo Matth. 4. Chriſtus in deſerto ſolitarius, ieiunijs, & orationibus vacans, & nihilo ſecius tentationibus diabolicis expoſitus, retulit omnem diaboli fraudem, ac nequitiam, nihil quoque potentius illo ad deiiciendos, ac viciffim conſolandos animos noſtros: nihil efficacius ad concitandum

dum mentem in amorem Dei, contemptum mundi, ac omnium, quæ in mundo pulchra, ac speciosa apparent.

De colloquijs opportunis, honestisq; hæc tradit idē Basilius in Cō-
 Rit. monasticis cap. 12. quod maturitas temporis ad loquendum, &
 verborum, habita utilitatis ratione, prolatio seruentur. Verborum au-
 tem ea utilitas fuerit, si aut de virtute in loco differatur; aut si rei alicuius,
 quæ facienda instet, vrgeatq; vsum, sermo accommodetur: aut etiā
 ad audientiū edificationem referatur. Qui autem in alio quouis gene-
 re sermones versentur, ij reiici tanquā superuacanei, ac inutiles debēt.

Sed profectò non infimas in exercitatione monastica partes illa cō-
 sideratio tenet, si viliora etiā officia, siue opera, magna cum animi
 alacritate Religiosus consecratur. Nam etiam intelligendum illud est,
 debere pietatis cultorem viliora etiam munera magno cū studio, ma-
 gnaq; cum animi alacritate suscipere; sciētē nihil minutū esse, quod
 Dei causa fiat, sed grāde, & spirituale, & eiusmodi, quod zelum nobis,
 & præmia cælestia conciliat. Quamobrem licet communibus utilita-
 tibus inferuentia sarcinaria sequi iumenta oporteat, recusare tamen
 non debet. Siquidem venire in mentem debet, quā alacriter Apo-
 stoli Domino paruerunt, quando ipsis mandauit, vt ad se pullum ad-
 ducerent: cogitareq; & illos quoque, quorum causa iumentorum cu-
 ram suscipiat, fratres domini esse, & tributam ipsis benevolentiam p-
 studiumq; in ipsum Saluatorem redundare, qui dixit Matth. 25. Qua-
 tenus fecistis vni de his fratribus meis minimis, mihi fecistis. Quin
 summa potius animi attentione munire seipsum debet, vt cum sibi,
 tum ceteris, in quoscunque eum casus detulerit, pariat utilitatē. Por-
 ro si de muneribus abiectis aliquid exercendum sit, scire cōuenit, Sal-
 uatorem quoque ipsum discipulis ministrasse, & abiectiora opera fa-
 cere non recusasse; magnumq; homini esse, si Dei imitator existat.
 Cū per hæc, quæ humilia sunt, ad altitudinem illam, quod illum est
 imitatus, ascendat. Quanquam quis iam humile ausit quippiam ap-
 pellare, quod Deus ipse attingere non recusauit?

Præterea, qui Regularē militiam aggressus, propriæ salutis, gra-
 tiæq; sibi cælitus datæ studiosus est custos, summopere caueat, ne repē-
 te ad exteriora negotia se transferat, neq; terrenis negotijs totus ex-
 tra se rapiatur. Forsitan. n. vsu sibi eueniet, vt amissa ob hanc causam
 morum honestate, mētisq; grauitate deperdita, ad se, vt expedit, redi-
 re non admodum curet. Comperies. n. non paucos, qui quadam spi-
 ritus leuitate concitati, inordinatoq; seruire sub Charitatis prætextu
 seducti, adeo imprudenter exterioribus actionibus implicantur, vt
 sui curam deposuisse omnino videantur, imò sui ipsorū prorsus obli-

tos esse dicas. Diem nanque totum his rebus externis tractandis cōterunt, mentem dilaniant, corpus atterunt, spiritusq; studia negligentes, sola quæ temporaria sunt, atq; caduca, cogitatione versant. Istorū autem infelix exitus acta probat. In Exodo quidem cap. 18. Moyses cum ex Aegypto egre ssus esset, causasq; populi litigiosas diiudicaret, à Ietro acriter increpatus est, quòd stulto labore consumaretur; Cū minora negotia maioribus anteferreret, externisq; rebus plus iusto se dederet, diuinarum rerum cura vtcunq; aut reiecta, aut certè remissa. Quis autem Mose sanctior? Quisue seruentior? qui à Deo populi Israelitici dux est electus, & constitutus? Qui omnium illius ætatis hominum mitissimus erat, qui lites populi ardenti Charitatis zelo iudicabat? Vt ausus sit absque vlllo animi detrimento, illi rei totus intendere, in cuius exercitatione sanctus Propheta citra increpationē incolumis perseverare non potuit. Quin viri gentilis consilio salubri acquiescēs, bonam negotiorum multitudinis partē in selectorum hominum humeros coniecit, vt ijs, quæ Dei erant, negotijs maiori animi sui quiete, congruo tempore vacaret. Huius sanè exempli consideratione erudimur; vt vtilibus semper pareamus consilij, sanctisq; admonitis obtemperemus; illud probè intelligentes, vt operibus exterioribus spiritus ualia pietatis exercitia intermiscamus, terrenisq; curis spiritus gaudia quandoque interponamus. Hinc enim fiet, vt & ipsa exteriora negotia, quasi spiritus resumptis viribus, corroborataq; mente, maiori cū vtilitate, & iucunditate geramus.

- 18 Sæpè quidem cernimus iumenta ipsa post longos labores, post vr-
gentes diei æstus duci ad præsepia, cibarijs sibi congruentibus refici,
vt pristinis viribus restitutis, in exereendis laboribus persistant. Na-
ues quoque post diutinam nauigationem in portum ducuntur, super
litus trahuntur, refarciūtur, renouātur, vt denuò æquora petāt. Homi-
num etiam corpora post exactam diei negotiationem cibus enutriun-
tur, recreanturq; , cubili nocte quiescunt, somnum capiunt, membra
componunt, vt vires recipiāt in assuetumq; laborem redeāt. Solus ve-
rò rationalis spiritus temporarijs curis attritus, innumeris cogitatio-
nibus dilaceratus, carnis onere cōpressus suo incorporeo pabulo de-
stitutus, manebit ieiunus? egentne exteriora ista ocio, & restauratio-
ne, non autem multò magis humanus spiritus? Nunquid iumentis,
& corporibus morituris tanta sedulitate, quæ sibi necessaria sunt, à no-
bis subministrantur; animæ vero salus, atque profectus cum tanta in-
commoditate negligetur? Nonne pluris est anima, quàm corpus Mat-
th. 6. Nam etsi in corporum vtilitatem, arbores, pisces, volucres, vni-
uersaq; animantia, quæ terra, acre, mariq; continentur, cōdita sunt;

Ipsa tamen corpora, cœlumq; ipsum, ad quicquid in cœlo fulget, neq; in terris mouetur, in animarum commodum potissimum creata sunt, atque producta, vt in ipsis tanquam in speculo maiestatem, & gloriam agnosceremus conditoris.

9 Quicumque igitur suæ mentis compos est, ac futura bona præsentium periturarum rerum precio emere, comparareq; desiderat, prudenter præscriptum teneat modum in ijs rebus gerendis, quæ foris sunt. Ne his impedimentis obstrictus, & religatus, internis, quæ maioris sunt prætij, bonis priuetur. Quid autem potest homini, vt Christus Matth. 16. ait; Si lucretur vniuersum mundum, animæ verò suæ detrimentum patiatur? Parum quippe præderit in mortis articulo, iudicijq; die, monasterij redditus, atq; bona auxisse, animarum verò neglexisse profectus. De operibus pietatis, de munditia cordis, de virtutum perfectione, non de quæstuosis manuum operibus præcipua fiet discussio. Non terrenas opes, sed hominum animas requirit omnipotens.

10 Quamuis autem Dei famuli ad hanc vitam transigendam corporeis rebus indigeant; (Nam spiritalia sine temporalibus diu consistere non possunt, vt vulgo iactatur.) Propterea tamen diuinarum laudum celebratio prætermittenda non est, nec regularis obseruantia frangenda, nec pedibus conculcanda. Sic corporalibus rebus vacandum est, vt spiritus omnino non contemnatur. Vt corporalia, sic spiritalia lucranda sunt. Nam iuxta domini sententiam Matth. 23. conscripta. Hæc oportet facere, & illa non omittere. Vtrisque exercitijs propria tempora coaptanda sunt. Neque enim ita spiritalia exercitia extollenda sunt, vt corporalia damnentur, aut exteriora negotia sic laudanda, vt spiritalibus detrahatur. In eadem profectò domo cum Iesu duas interfuisse sorores, legimus; Marthā videlicet, & Mariā. Vtraque fuit Christo grata, commendataq; vtraque dominum in eodem suscepit hospitio. Hanc ipsam rem nos Christus opere docuit. Die nanque prædicationi incubebat, pernoctabat autē in oratione Dei. Ad eundem etiam modum Religionis cultores temporis partem Deo, partem etiam exterioribus actionibus conferant, atque collocent.

11 In ipsa autem rerum externarum exercitatione prudenti circumspectione opus est, vigilantique custodia. Solet enim interdum illic animus effrenari, & lingua, dum quomodo, aut quid agatur minimè expenditur; facili tunc ea proferuntur verba, quæ nullo sapientie sale condita, audientium corda amaritudinis iaculo feriant, totamq; dissipent Charitatis dulcedinem. Nunquam non lingua ipsa tanquam indomitum animal gubernaculo indiget, semper quidē sub rationis imperio coercenda est, & retinenda, potissimum verò in exterioribus actionibus; in

quibus (ut plurimum) silentij claustra, sumptate conatur. Idcirco sanctis cogitationib. occupanda mens est, cum corporale exerceatur opus, ut simul cordis, & corporis gratum, altissimo offeratur holocaustum. Quod si hoc fieri nequit, sermo saltem ædificationis habeatur, vel vocalis oratio non prætermittatur. Licitum tamen est interdum, idq; raro, cum communia sunt exercitia, nonnulla quædam humana, iocosaq; verba præferre, ad propriam, fratrisq; subleuandam fragilitatem, deprimendamq; tristitiam. Paucorum quidem est, rigorem ubique seruare silentij. Vnde ne malorum cogitationum turba mentem inuadat, verba honesta audire licet, non disceptationis, aut superbæ, aut murmurationis, sed Charitatis, & pacis, quæ auditorem refocillare, ædificareq; possint.

- 11 Cum autem quidpiam operis à Superiore iniungitur, magna cordis alacritate suscipiendum est, ac diligenti sollicitudine perficiendum. Nihil huic iniuncto operi anteferre licet, non orationem, non lectionem, non corporis quietem, nulla prorsus ratione frangatur, nullisq; persuasionibus omittatur, nisi fortè, quod absit, Dei præceptis aduersaretur. Quod alio loco discussimus. In cunctis autem actionibus, præsertim verò in ijs, quæ circa corporalia, vel spiritualia proximorum commoda sunt, omnis adhibenda diligentia, & maxima promptitudo. Ipse nanque dominus Matth. 25. dixit; Quod vni ex minimis meis fecistis, mihi fecistis. Maximum. n. gaudium, copiosam mercedem, perquam dulcemq; laborum præmium hinc nobis comparabimus, comportabimuscq; In ipsis enim egestate compressis proximis ipse patiscitur Christus, potatur, induitur, sepelitur, atque similem in reliquis ferendum iudicium.

- 93 Sed alia nobis restat dilucidius explicanda, iugis aduersus demones exercitatio; perpetuam in agone contendimus; gnauiterq; agimus ad consequendam victoriam, incorruptibilemq; coronam. Fortis ergo esto Christi athleta. Quoniam te exercitatum, strenuum, pugnantdq; dexteritate militem, ne à demone deuoceris, necesse est. Ut autem id faciliori negotio discas, aduerte in sacro eloquio per ceruos rectè intelligi, & figurari homines spirituales, quemadmodum equo, & mulo carnales homines significari solent. Ut ergo equos, mulos, & asinos, qui in humana sunt seruitute, & ignobilioris sunt conditionis, venatores non persequuntur, sed ceruos maximè, qui extra humanam sunt seruitutem, tanquam libertate à natura donati, nimirum in vastitate, & virore sylvarum geniti; quorum etiam caro ad deuorandū est delicatior alijs domesticis, & seruilibus mancipijs, ita simili quoque modo sunt in hominum numero nonnulli, tanquam equi, & muli, quos

diabolus velut quæta possidet seruitute, homines terreni animales, intricati, & desperati in concupiscentijs suis: atque hos quoniam propria voluntate secure possidet impius venator, non opus habet eos venatione persequi. Ceterum quæ nobiliori animo, ac meliori corde, in libertate sunt progeniti filiorum Dei, qui sui generis, & originis nobilitatem attendentes, & libertatem (in qua à Deo per spirituales regenerationem sunt constituti, vt filij Dei esse mereantur) semper habentes ante oculos, ab impia, & vtilissima diaboli seruitute quam maxime abhorrent, cupientes, in ea ad quam generati sunt libertate persistere, hi nimirum ceruis sese assimilare student, quales profecto sunt non pauci Religiosorum cultores. Nam, vt cerui venatorum cornu expauescunt, ita & hi semper sunt bene pauidi, & ad omnem sonitum maritimi salubriter sibi prospiciunt, quantoctiusque ad mōtes descendunt cursu velocissimo, & admirandis saltibus, cuncta obuiantia mira agilitate transiliunt. Quo sanè cursu rapidissimo, & mirabilibus saltibus fit plerunque, vt venatorum, atque insequentium canum ora effugiāt, nisi longa fatigatione deficiant. Huiusmodi autem ceruos, impij venatores nocte, ac die persequi non desinunt, vt interficiant, ac deuorent, & cum fortassis aliquem venatione ceperint, quasi festum agunt diem; & multo gratior illis est esus carnis istorum, quam priorum illorum, quibus in pace fruuntur pro suo libito. Nam cum vnum aliquem ex Religiosis spiritualibus hominibus, post multum laborem detribus apprehendere, ac deuorare contigerit impios demones, tanquam magnas nacti delicias gaudent, & oblectantur multo amplius, quam super perditionem hominum secularium, & carnalium, qui illis sunt velut cibus quotidianus, ac proinde vilior. Illorum verò esus, & perditio, tanto est impijssimis his venatoribus gratior cibus, quanto minus expectatus, & quantum maioribus partus laboribus. Quænam enim Seruatore nostro omnium cernorum progenitore attestante Luc. 15. maius est gaudium Angelis Dei super vno peccatore penitentiam agente, quam super nonaginta nouem iustis, qui non indigent penitentia: ita ex aduerso credendum est, maius esse gaudium Angelis diaboli super vno iusto, & perfecto in peccatum cadente, id est super vno ceruo venatione capto, quam super nonaginta nouem peccatoribus, qui serè nunquam fuerunt in iustitia, id est, quam super nonaginta nouem porcis, equis, aut mulis, qui semper fuerunt in penitentia detenti.

14 Ardentibus igitur orationibus, atque suspirijs Deum exorato, vt te ab istorum venantium laqueis, in exercitatione monastica persistentem eripere velit. Sunt. n. obfirmatissimi, & vigilantissimi hostes nostri ma-

ligni dæmones. Quod si eos nostrarum animarum venatores astutissimos esse, non facile credas, audi obsecro, quam optimè illis venatorum conditiones conueniant. Nā sicut venatores summa diligentia, & assiduitate ferā sestantur, interdū per plures dies neq; cibū, neq; somnū vllum commodè capientes, frigora, & caumata patienter tolerantes, insuper currendo, cornū sonando, & canes insequendo, mirum in modum sese fatigantes, nullis parcentes laboribus, non à cursu, & persecutione cessantes, donec vlla est feræ adipiscendæ spes reliqua; ita per omnia nostri isti aduersarij, summa diligentia, & vigilātia nostrarum animarum quærunt perdicionem, nihil æque optantes, ac perimere nostras animas. Cuius etiam gratia vt 1. Pet. 5. legitur, tanquā leones rugientes, perpetuò nos circueuntes, quærunt quem deuorēt; qui eo quod carnem, & sanguinem non habent, nulla cibi necessitate, nulla somni indigentia, à tentatione, & persecutione auelluntur; sed in sua malitia æque semper vigiles, & alacres persistunt. Insuper venatores videmus non tā ipsa carne delectari ferarū, quas persequuntur, neq; tam pretiū requirere, quā ipsam animantium interfectionem (neque. n. solent venatores admodum auari inueniri, neq; multū in esu ferinarum carnum consueuerunt oblectari) sed præcipuū gaudium, quod ex venatione accipiunt, tū habent, cū hasta sua venatoria bestiam cōfoderint. Ibi videlicet serio triumphant; ibi voluptas est præcipua, quā requirunt. Et cū feram contigerit sua velocitate illorum manus effugere, vehemētissimè sibi indignātur, non quod pellis, aut carnis iacturam fecerint, non causa cibi, aut lucri perditæ. Sed hoc tantum, quod bestiam nō peremerint, quæ illis nihil nocuit. Atque ita profectò nostri isti hostes peruersissimi, non aliud quærunt, quā nostram perdicionem. Neque. n. suum bonum quærunt, dum nos persequuntur, sed tantū nostrum malum; neque vllum ipsi luerum ex nostra interfectione norunt, sed nostra ipsa mors est illis voluptati, & mirum in modum ad hoc anhelant, vt nos valeant morte perimere. Neque id sanè mirum. Cū. n. contrarij sint hi impijssimi diaboli, optimo, & clementissimo dño Deo nostro, consequitur, vt quomodo ipse nostri est amantissimus, & nihil æque optat, ac nostram salutem, & vitam, omnino nolens mortem peccatoris, neq; delectationem accipiens in perdicione viuorum; ita illi nobis inimicissimi nihil tam concupiscunt, quā perdicionem, & mortem animarū nostrarū; neq; maior illis potest contingere delectatio, quā in morte hominum, & perdicione viuorum. Ad Deum igitur in tua exercitatione religiosa conuersus, humili corde dicito illi. Tu quidem, optime Deus, defensor meus es, cuius protectioni in cunctis mihi obue-

nienti-

nientibus malis volo inniti; tu quoq; mecum es securum refugium, & quasi arx valida, quasi locus munitus, ad quē semper in omnibus periculis volo confugere, quasi ad asylum, & salutis locum. Tu ergo qui me tibi fidentem hactenus liberaſti, libera quoq; obsecro in posterum de laqueis, & insidijs omnium inimicorum meorum, qui ad modum venatorum pauperulam animam meam summo studio, & sedulitate maxima persequuntur, ut eam interimant, laqueos. n. mihi extendūt, foueas effodiunt, aliasq; insidias struere non verentur; tu ergo facito ut verē concinam, laqueus contritus est, & nos liberati sumus.

De refellendis Canonici ordinis deformatoribus. Cap. xxxij.



Vemadinodum superioribus seculis non defuerunt; qui hunc Canonicum Ordinem euerterint, ita & his infelicio- ribus temporibus quidam pugnacissimi deforma- tores suscitantur, qui monasterij, vel etiā Ordinis re- formationem, instaurationemq; vehementer oderunt, quique ut suam iniquam opinionē valido Marte tueantur, acuta quā- dam argumentorum iacula comminiscuntur: quocirca non ab re fue- rit eorum argumenta retundere.

Verū enim uerō intueberis hoc loco conflictum veritatis, & sal- sitatis. Conflictus hic semper fuit, est, & erit. In paradiso vnum ver- bū dixerat Deus, & statim affuit, serpens impugnans. Moſes in Aegy- ptum missus, inuenit magos resistentes, Prophetae semper habuerunt pseudoprophetas oppositos, Christus in mundum veniens, reperit aduersarios. Idem contigit Apostolis. Nam proconsul Sergius Pau- lus vir prudens Act. 13. accersitis Farnaba, & Saulo, desiderabat au- dire verbum Dei. Resistebat autem illis Elymas Magus, quārens auer- tere proconsulem a fide. Non igitur turbemur, etiam si nunc dissen- tientes a nostro instituto, & omnia controuertentes reperiāmus; nec ob id negligenda sunt pia consilia, quin potius hoc sedulo agendum. Primo, ut Deum inuocemus, cum Regio Propheta dicente; Vias tuas domine demonstra mihi: & semitas tuas edoce me. Deinde, ut do- ctinas diligenter conferamus, & quas viderimus fortius, a mundo ad Deum, a carne ad spiritum, a malo ad bonum, ab ignauia ad verum Dei cultum ducere, eas securē manibus, pedibusq; amplectamur, ni- hil curantes aliorū oppugnationes. Semper diabolus hoc agit, ut ope- ra Dei annihilentur, ne homines salui fiant, & eos in discrimen, & du- bitationem adducat. Obseruandum quidem, quasnam conditiones habeant peruersores. Primo resistunt Deo, quod summum peccatum est. Deinde, alios auertunt a Religione colenda, quā potissimum plā-

tanda erat. Sic & in alijs summa, & execranda piacula sunt, blasphemia, & scandalum proximi. Maius. n. damnum inferunt; cum a Deo quemquam auertunt, quam cum externè lædunt in corpore, fama, bonis, aut coniunctis.

- 3 Primum igitur Ordinis reformationi obijciunt humanarum viriū imbecillitatem, qua iam nostris seculis humanum genus laborat. Potentibus. n. primorum hominum ante diluuium existentium viribus constitutum esse experimur. Quare rigidum illud regulæ, statutorumq; onus nemo est, qui cum animi alacritate ferre possit. Igitur antiquo nostrorum patrum rigore prætermisso; relaxatione, dispensationeq; mitius agendum est.

- 4 Sed his sic respondendum erit. Primum, Ordinis cuiuslibet approbati viuendi modus, & infirmo, & sano, nostræ etiam corporis constitutioni, vt plurimum accommodatus est. Vt eleganti stilo Helynandus de reparatione lapsi ad Galterum apostatā attestatur, Quid (inquit) duritiæ intollerabilis ordinem accusas? Non Ordinis, sed accusantis profectò est vitium: neque. n. Ordo ipse durus est, aut contra naturam inaccessibilis; sed tu fluidus es. Præterea quid magis naturæ nostræ consonantius, quam Ordine, & Regula vitam agere? At nulla vita, quam nostra ordinatione existit, in qua cibus, & quies, & somnus ad sufficientiam naturalem indulgentur. Ibi. n. omnia in numero, pondere, & mēsurā disponuntur. Ieiunia verò, labores, & vigilie nemini ultra vires imponuntur; sed omnia iuxta mensuram sunt. Neq; illud tacendum est, nihil esse ad sanitatem conseruandam efficacius medicamentum, quam cibi, potusq; identitatem conseruatam, Varia. n. fercula, quoniam variarum sunt qualitatum, & naturarum, varios quoq; morbos ingenerāt, sibi inuicem repugnantibus humoribus congeneratis. Huic consonat Macrobius 2. Saturnal. Vbi disputat, an cibus simplex digestibilior sit, quam multiplex, & compositus? Respondetq; & experimento, & ratione constare, simplicem cibum faciliorem esse concoctionis, quam compositum.

- 5 Secundo respondetur; aut Religiosus ægritudine laborat, aut sanus est; si infirmus existat, facili quidem castitatē, & voluntariā paupertatem obseruare poterit, si omnia habentur communia. Nā quod ad abstinentiam, ieiunium, & caeremonias attinet, infirmi necessitati dispensationis remedio Prælati subuenire potest. Si verò Religiosus prospera valetudine gaudeat, nulla se iusta excusatione tueri valeat. Primum quidem, quod natura humana non adeo debilitata est, quin multa possit, etiam in abstinentijs, quas tepidi homines causantur. Quod quidem verum esse comperies, si longam incarcerationum,

agrotorumq; hominum; obfessorumq; militum in eadem confideraueris. Si igitur pro acquirendis diuitijs, aut honoribus, corporis fanitate tuenda, aut compaſſanda, aut ſcedis delectationibus, in mulierularum obſequia exhibitis, tā ingentes labores filij ſeculi a quo animo ſuſtinent, cur pro gloria cœleſti obtinenda, pœniſq; æternis euadendis corpora noſtra religioſis laborib. nō ſumus exercitaturi? Delectatōlos quidem homines, non conſtantes Religioſos nos eſſe libenter agnoſcamus. Cernimus quidem plurimos nunc in proijciendo lapidem, nunc in curſibus, & luctis, haſtiludijſq; præ exercitamenta ad vires contādas facitare; pauciſſimos verō videas, qui in virtutum exercitio, & Religionis cultura, quās corporis vires habeant, experi velint. Nam valida latent vires in humano corpore, quas niſi expertus, cognoſces nunquam. Vera igitur eſt D. Bernardi ſententia. Ignosce (inquit) domine, ignosce: diſſimulamus, tergiuerſamur, & in his, quæ ad te pertinent, vix eſt, qui velit experi, quid poſſit.

Dei aſſiſtentiā pio, & religioſo viro non mediocres corporis vires eſt largitura. Audi Paulum ad Philip. 4. omnia poſſum in eo, qui me confortat. Egregia quidem eſt D. Tho. doctrina. 2. 2. q. vlt. art. vlt. Si conſideretur (inquit) Religionis ingreſſus per comparationem ad vires illius, qui eſt Religionem ingreſſurus, nihil cunctandum. Qui. n. Religionem ingrediuntur, non ſua virtute, ſed Dei auxilio ſe ſubſiſtere poſſe conſidant, iuxta illud Eſai. 40. Qui ſperant in domino, mutabunt fortitudinem, aſſument pennas ſicut Aquilæ; current, & non laborabunt; ambulabunt, & non deficient. Humanæ quoque complexionis fortitudo eandem rem confirmat. Fatemur quidē nunc ad diuturnam illam, longamq; priſcorum hominum vitam complexionem noſtram non extendi, vt ante diluuiū contingeat: diſitemur tamen ad ſerendos magnos labores, ſi velimus, viribus omnino extenuatam eſſe, id quod D. Tho. 3. ſent. diſt. 3. 2. art. 3. & 4. docuit, dicens: Alias pœnalitates, vt paſſibilitatem, mortalitatemq; , & ſimilia non eſſe, nunc maiores, quā olim fuerunt a tempore diluuii. Nam & Dauid de ſui temporis hominibus dixit, dies annorum noſtrorū in iſtis ſeptuaginta anni Pſal. 89. Illud tamen verum eſt, ante diluuiū homines diutius vixiſſe, virtute id diuina præſtante, ad generis humani multiplicationem. Huic conſentit Vtricus Argentinus in ſumma lib. 6. tract. 1. c. vlt. Neo eſt (inquit) verum, quod quidam aſſerunt, naturam humanam ſecundum temporum ſucceſſionem magis magiſque deficere. Circa mundi quidē originem, Dei ope, homines diuturniori vita conſeruati fuerunt, ad genus humanum propagandum, ad ſcientias, & artes longo rerum uſu, & experimento inueniendās; ea

tamen

tamen causa cessante, à multis retroactis seculis inuenitur humanæ vitæ, quasi præfinitus terminus iuxta Davidis citatum versiculū. Ergo humanæ vires non omnino ad difficilia, pulchraq; opera languent, vt aduersarij segnes concesserunt.

7. Secundum aduersariorū argumentum à consuetudine sumitur, aiunt enim se talem consuetudinem reperisse domi custoditam. Quare illā non esse remouendam, sed retinendam asserunt; illud addentes, se non teneri, nisi ad modum viuendi, quem suæ professionis tempore domi inuenerunt.

8. Vt dilucidius autem eis respondeamus, annotandum est ex S. Tho. 1. 2. q. 97. art. 7. & ex Dom. Soto lib. 1. de Iust. & iure q. 7. art. 2. & ex Episcopo Couarruua lib. 3. Variarum Resolutionum, cap. 13. nu. 4. ex cap. cum tantò, de consuetudine; Nunquam consuetudinem iuri humano præiudiciū generare, nisi fuerit rationabilis, & legitime præscripta, & à consensu Principis dimanauerit. Nec quæcūque inueterata consuetudo legem abrogat. Quandiu. n. vsus contra legem non aliunde, quàm ex negligentia Principis oritur, aut ex eo quod potens non est ad sumendam de male factoribus vindictam, nunquàm contra legem præscribit: sed tunc penitus quādo, & potens est, abusus cohibere, & nō ex vecordia, sed ex oculata dissimulatione illum permittit. Quando autem dicimus dissimulationem Prælati in causa esse, vt consuetudo lex fiat, intelligitur de illo Prælato, qui est legislator: nam, & si Prælatus conuentus, aut prouinciæ dissimulet legum transgressiones, eiusmodi consuetudo nunquàm vires legis consequitur: quia non est signum voluntatis supremi Prælati, qui est legislator. Cum igitur deformati monasterij consuetudo, supremi Prælati, Regulæ, triū votorum, atque constitutionum conditoris permissu, dissimulatione, aut consensu introducta non fuerit, veteres, sanctasq; Religionis leges abrogare minimè potest.

9. Secundo respondeo ex eisdem, longe esse aliam rationem legum naturalium, aut diuinarum, quàm humanarum. Ille enim à voluntate diuina statutæ sunt; cui nulla humana voluntas, aut consuetudo obfistere valet. Imò verò quantò consuetudo contra diuinam legem, & naturalem fuerit inueteratior, tantò grauioris peccati est causa: tantū abest, vt consuetudo huiusmodi legibus quippiam vigoris detrahare valeat. Ergo consuetudo transgrediendi votum castitatis, paupertatis, & obedientiæ, & aliorum præceptorum, quæ sub voto emissæ continentur, nunquàm legem facere potest, quæ peccatum excuset: sed potius quæ noxam augeat: nec consuetudo, sed corruptela dicenda est. Talis. n. consuetudo contra legem diuinam est, quæ ait. Vouete, & reddite

reddite domino Deo vestro. psal. 75. est etiam contra legem naturalem, quæ promissa non solum hominibus, imò potiori iure Deo facta, ad vnguem explere præcipit. Huius sententiæ fuit Aug. ad quæstiones Ianuarij: & Humbertus in prologo cõstitutionum Ordinis Prædicatorum: & Ioannes de Neapoli lib. de quæstionibus statum Religiosorum concernentibus 1. par. q. 97. alioquin. n. quid valerent visitationes, correctiones, emendationes, & reformationes; quæ super statu Religiosorum fiunt in Capitulis generalibus, & prouincialibus iuxta cap. in singulis, de stat. Monach. & c. Nec ille, qui dissolutionis tempore monasterium ingressus est aliqua in re, nec tantillum grauatur, si compellitur obseruare promissionem emissam de Regula obseruanda, deq; alijs custodiendis, quæ sub emissio voto continentur, quin potius pro virili laborare debet, vt monasterij deformitas aliquando ad formam debitam restituatur, & ad bonam frugem redeat.

- 10 Tertium aduersæ partis argumentum contra reformationem est, quòd Prælati, qui reformationem exequentur, malo animo, prauaq; voluntate in subditos affecti, eos reformare conantur; vindictæ potius, quàm animarum salutis causa. Plerique. n. Prælati peculiare, domos colunt secularia loca frequentant, lautioribus cibis fruuntur, aliaq; id genus mala perpetrare cernuntur. Qui tamen ceruicosos, rebellesq; subditos Religionis prætextu, reformare volunt.

- 11 Huic argumento sic est satisfaciendum hac verissima conclusione. Prælati, etiam corrupti reformationem exequentibus, vniuersi subditi Regulares obtemperare tenentur. Primum, quia rem bonam, subditoq; perutilem imponunt. Videlicet vitam rectam, & studiosam, quæ nulli obest, sed cuique prodest. Fælix autem necessitas, quæ ad meliora compellit: ecquis vir prudens famis egestate compressus, ab iracundo pistore gratis bonum panem non reciperet? Multi quidem sunt sutores, malos calceos portantes, qui tamen alijs optimos conficiunt. Quid ad te Prælati vita corrupta? Tu illum audito, eiusq; mandatis obtemperato, teneris enim.

- 12 Hanc conclusionem Christus redemptor noster Matth. 23. validissime fulciuit, dicens: Super cathedram Moysei sederunt scribæ, & pharisæi. Omnia ergo quæcunque dixerint vobis, seruare, & facite; secundum verò opera illorum nolite facere; dicunt, & non faciunt. Alligant enim onera grauiora, & importabilia, & imponunt in humeris hominũ, digito autem suo nolunt ea mouere. Legimus etiã ad Heb. 13. obedite Præpositis vestris, etiã discipulis. 1. Pet. 2. s. difficilioribus, & morosis.

- 13 Præterea Hugo de Follieto in duodecim abusionibus claustralium rem hanc explicatissimam fecit. Tres, inquit, sunt negligentium Prælatorum

*l*atorum species. Quidam. n. malè viuunt, sed subiectos benè viuere cogunt. Quidam cùm ipsi malè viuant, subiectos quoque malè viuere volunt. Quidam tandem, ipsi quidem bene viuunt, sed subiectos malè viuere permittunt. Isti sanè exēplo præcedunt, sed cùm non increpent, delinquant. Et si enim benè viuant, de grege tamen sibi commissio, gregis domino rationem sunt reddituri. At verò qui malè viuūt, & subiectos benè viuere cogunt, iussu certè verborum, errantes in viā rectam reuocant. Qui autem malè viuentes, subditos corruptè viuere volunt, gregem etiam sibi commissum vnà secum interimunt. Prælati ergo perperam viuentes, subiectosq; ad piam religiosamq; vitam compellentes, hunc saltem actum debitum ouibus impendunt: nempe quod verbo, & forsan temporali subsidio, licet non studiosæ vitæ exemplo oues pascuntur. Hæc autem ea lege dicta sint, cùm malum esse Prælatum, apertè constiterit.

- 14 Iniqua tamen, malitiosaq; interpretatione Prælati mens contorquetur, & rapitur ab eis, qui quòd ipse subditos reformare contendat, eum maleuolum, ac vindicatorem interpretatur. Vereorq;, ne temerarij iudicij piaculum incurrant. Iesus noster. Math. 7. concionatur: nolite iudicare, & nō iudicabimini. Quo in loco Aug. ait. Nihil aliud illic præcipi, nisi vt ea facta, quæ dubia sunt, quo animo fiant, in meliorem partem interpretemur. De factis. n. medijs, quæ bono, maloq; animo fieri possunt, temerarium est iudicium condemnationis.

- 15 Subditi quoque, sæpenumero falsa crimina suis Prælati imponunt, sibiq; sōmnia fingunt, correctionis flagello percussi, aut emolumentis, lucriq; iactura læsi.

- 16 Postremò nihil querimoniarum ex reformatione à Prælato exercita, subditi iure sumere possunt: propterea quòd Prælatus siue bonus, siue malus existat, licitè iure suo utitur, cum subditis districte præcipit, vt Regulæ, constitutionumq; emissæ vora strenuè, diligenterq; obseruent. Et quamuis clamoribus orbem repleant, subditorum interest, Prælati suis obtemperare.

- 17 Quarto argumēto nouitatis, & singularitatis suos Prælatos subditi insimulant, quasi rerum nouatores eos existimantes.

- 18 Ad hunc dissoluendum nodum aduerteudum est, nouitatem in sacra pagina non semper in malā, sed sæpè in bonam accipi partem. Quo circa Religiosi summo studio curare debent, vt spiritu innouentur. Sic ad Rom. 7. seruimus in nouitate spiritus, & non in vetustate litteræ. Primum itaque sacra scriptura docet assumere nouitatem cordium, dum nos vitæ maleactæ pœnitet. Quam nouitatem Ezech. 36. promisit Deus: dabo vobis cor nouum. Nouitatem quoque conuersationis

Reformationis prædicat Paulus 1. ad Cor. 5. Expurgate vetus fermentum, ut sitis noua conspersio; nouitatem etiam vitæ manifestat idem Paulus ad Hebræ. 10. habentes itaque fiduciam in sanguine Christi, quam initiavit nobis viam nouam.

19 Quapropter reformationis hostes non ignorent, nouitatem à sanctis viris vituperatam eam esse, quæ aliquid importat, quod nec à sacris scripturis est approbatum, nec ab Ecclesiæ sanctæ vñibus receptum. Ceterum ea morum reformatio, quæ iuxta Regulam, statutaq; ab Ecclesiâ iam diu approbata, sit, nihil mali, sed maiorem viuendi perfectionem importare dignoscitur. Non ergo nouum existimandum est, quod à trecentis, & plus mille annis à sanctis Patribus, in d. & Ecclesiæ Pontificibus traditum est, & vsitatum; quos tota vbique in vita, & doctrina vniuersalis Ecclesia colit.

20 Similis huic illa calumnia est, quæ à singularitate suscipitur. Nā vt ex Bernardo, S. Thom. 2. 2. q. 162. art. 4. ad. 4. docet, singularitas, quæ vitium est, quidam est gradus superbiæ. Quintus enim humilitatis gradus est, tenere quod communis Regula monasterij habet, cui opponitur singularitas, qua videlicet quispiam sanctior alijs vult apparere.

Nec vult tenere, quod communis tenet Regula monasterij. Perpende verba, qui non vult tenere, quod communis tenet Regula monasterij. Non enim dixit, quod communis tenet vita monasterij, sed Regula. In monasterio. n. sæpenumero multitudo non sequitur Regulam, quam proficetur; sed potius vitam imitatur mundanam. Ad singularitatem etiam exigitur, vt quisquam sanctior apparere velit, quam existat, quod quidem vitium est hypocrisis, superbiæ, aut inanis gloriæ. Seruare autem Regulam, & statuta à sanctis Patribus confirmata, approbata, vsitata, hoc quidem non est singularitatis incurrere vitium, sed sub voto reddere Deo promissum.

21 Hoc autem loco illud etiam admonendum est ex eodē S. Thoma, Religiosum illum non esse singularitatis vitio notandum, qui super alios opera supererogationis in victu, vel amictu exercet. Nisi ea faceret propter iactantiam, vel superbiā, vt ceteris præferretur. Si autem ea fecerit propter carnis macerationem, vel ad humiliationem spiritus, ad virtutem temperantiæ pertinet. Religionis igitur reformatores, nec singulares, nec nouitatum inuentores sunt iudicandi; sed ipsi Religiosi deformati sunt singulares appellandi, qui sanctorum patrum sancita vetera contempserunt, & à suis domibus abiecerunt. Audiantq; Cassianum de institutis Monac. lib. 1. dicentem: Generali omnium constitutioni, paucorum non debet præponi, nec præiudicare sententia. Illis enim tenemur institutis, ac regulis indubitatam fidem, & in-

discussam

discussam obedientiam per omnia commodare; non quas paucorū voluntas intulit, sed quas vetustas tantorum tēporum, & innumeræ sanctorum Patrum conscriptæ sententiæ concordī definitione in posteros propagarunt, & transulerunt.

Rursus de alijs quibusdā aduersariorū argumentis dissoluendis. Cap. xxxij.

1 **N**correktorū, imperfectorūq; hominū istud ingenium est, ne virtutis iter suscipiant, offendicula in via iniicere, impedimētaq; præstare, vt reformationem, ppulsent: ob idq; quinto loco argutantes, conqueruntur, cur potius ab eis, quā ab alijs, qui eiūdem sunt professionis, sit reformationis rigor inchoandus? Vt igitur æqua ratio in omnibus Religiosis seruetur, iure optimo differendam esse Ordinis restaurationem vsque ad generalem Ecclesiæ reformationem affirmant.

- 2 **H**is tamen respondebimus, eos qui tunc reformari volunt, quando alij omnes reformantur, nunquā velle reformari, nisi in valle Iosaphat, extremi iudicii tempore. Tunc. n. omnes quidem resurgemus, sed vt ait Apost. 1. ad Corinth. 15. non omnes immutabimur. Expende igitur istorum calliditatem. Nam iuxta parabolam Euangelicam in sagena Ecclesiæ, ante iudicium boni, & mali congregantur. Tunc autem Angeli colligent omnia scandala, idest eos, qui faciunt iniquitatem, in caminum ignis mittendos; Iustis tamen vt Sole lucidissimo fulgentibus. Interim verò per Hieremiam cap. 1. sic Deus Prælatus commonefacit. Ecce constitui te hodie super gentes, & super regna, vt euellas, & destruas, & disperdas, dissipes; ædifices, & plantes. Nunquid Prælatus semper mala in agro dominico succrescere sinet? Si aliquando reformandus est Religionis ager, cur non modo? Ne posteriora prioribus deteriora fiant. Credendum. n. est, iam peruenisse tempus beneplaciti tui, ò Deus. Cur etiā non ibi sælix sumetur exordium, vbi Superiores, quibus est dispensatio concedita, exordiendū esse censuerint? Obsequantur Prælati iuxta obedientiam voto præstitam subditi. Sunt. n. à Deo missi. De quibus Christus ait, Luc. 10. Qui vos audit, me audit: Qui vos spernit, me spernit. Qui autem me spernit, spernit eum, qui me misit. Extremæ quidem dementiæ est, si cælum ingredi nolis, nisi & alij omnes vnà tecum illuc ingrediantur.
- 3 **D**emum sacra synodus Trid. sess. 25. decr. de Regula. à fronte ad calcem quid aliud, nisi Religiosorum reformationem vociferatur, psonat, atque præcipit? Non ignorans, quantū ex monasterijs pic institutis, & rectè administratis, in Ecclesia Dei splendoris, atque vtilitatis

tatis oriatur; proindeq; omnem curam, & diligentiam à Superiorib. circa obseruantiam regularem adhibendam esse. Et cap. 8. declarat, cōgregationis Visitatores, reformationi incumbere teneri. Et cap. 22. sancta synodus desiderat, vt omnia, & singula, quæ pro reformatione decreuerat, quamprimum executioni demandarentur, tantum abest, vt reformationē vltius differendā esse sentiat; quin potius istud negotium à Prælatiis statim absoluendum esse præcipit. Quos etiā maxime vrget Pius 4. in Bulla confirmationis eiusdē Concilij Tridentini.

4 Sed adhuc 6. loco aduersarij argumentari pergunt, dicentes se reformationem eo recusare, quo ex ea multa mala, atque incommoda oriantur. Videlicet odia, rixæ, vilipendia, & confusiones. Nam Religiosi non reformati, comparatione reformatorum vilipenduntur, calumnijs, & opprobrijs afficiuntur, & velut ethnici, & publicani vulgo reputantur. Ob idq; nemo admiretur, si ipsi suos reformatores, peccata eorum improperantes, & diffamantes, odio prosequantur, eosq; ad videndum graues existiment.

5 Respondendum est tamen, si ipsi deformati ea seruent, quæ in suo ordine de necessitate salutis seruanda traduntur, immeritò profectò, & absque iure vllò publicani, & ethnici reputantur. Arctari tamen iure possunt ad obseruandum ea, quæ sunt professi, & sine quibus tria substantialia diu consistere nequeunt. Nec ethnici iudicantur à viris prudentibus, quorum solum iudicium considerandum, & magnificiendum est. Nam & optimi viri plerunque à prauis hominibus mali iudicantur. Sciunt quoque viri boni, in quocunque statu, Religione, & Ordine non omnes esse perfectos. Quòd si Religiosi in monasterijs nō reformati ea, quæ de necessitate salutis sunt, non seruauerint: nec mirerentur, si à cunctis miserabiles, ac perditī existimati fuerint. Postremo cōfusio Ordinis nulla profectò ex reformatione est oritura, vbi vnus, idēq; specialis finis, & scopus in Regula, cōstitutionibusq; præscriptus accurate & queritur, & obtinetur. Quare apud reformatos vnus resuscitatur Ordo: apud deformatos verò nullus manet ordo, sed semperternus horror inhabitat.

6 Septimo quidem loco snorū Superiorum patrum auctoritate se propugnare conantur, quorum viuendi normam imitantur, qui & literis, & morum grauitate superiori seculo claruerunt.

7 Hos tamen deformationis propugnatores rogare velim, de quibusnam eorum patribus verba faciant. Si enim primos sui ordinis institutores, & patres intelligant, id quod non facile crediderim, optarim quidem, ne in nos illud Christi verbum verè contorqueatur. Si filij Abrahæ estis, opera Abrahæ facite, Ioan. 8. vt enim il-

lic Sanctus Thom. asserit, signum veræ filiationis est, si quisquā assimiletur ei, cuius est filius. Nos autem à primis nostris in Christo progenitoribus plurimum degenerauimus.

- 8 Si verò in suum patrociniū patres recentiorum temporum adducunt, qui substantialia Religionis vota, & præcepta transgressi sunt; hic cautè respondendum est, mortuorum iudiciū, quorum vitia manifesta non sunt; cordiū cognitori committendū esse: de viuīs quidē censendū cautius, de mortuis reuerētius, qui sunt iam ab inuidiæ malo exempti, & redditī suo iudici: eamq; subierunt censuram, quæ omnes manet: Idq; potissimum de illorum vita, & moribus: nam de eruditione paulo licebit liberius iudicare. Nec temerè à nobis viuētibus definiendum, quo animo pleraq; regulæ constitutionumq; præcepta non custodierint. Verisimili. n. coniectura credendum est, plerosq; eorum promptum animum habuisse ad ea seruanda, si Prælati serio præcepissent, fratrumq; multitudo earum rerum praxim exercuisset, nec vitæ communitati restitisset. Nouimus quosdam, his etiam nostris temporibus, qui pijs conscientiarum scrupulis concussi, summo studio Ordinis reformationem optauerint; quin, & ab eis tētata sunt multa, sed calamitate nostri temporis impediēte, effectū est nihil. Quid enim viro Religioso faciendum existimes, vbi rerum communitas omnino sublata est, ædificiorum structura seruandæ Religioni non est idonea, & vt reliqua taceamus, vix vllum Religionis vestigium apparet? Probi igitur propinquiōres Ordinis patres tria substantialia vota modis, vijsq;, quoad fieri potuit commodioribus, vt coniectura colligere liceat, seruauerunt; ne cū vniuersa fratrum turba manus consererent, intestinoq; bello quotidie dimicarent.

- 9 Si vero tandem eos huc patres accersant, qui & Regulæ, & piarum sanctionum transgressores extiterunt, suisq; Prælati rebelles effecti, vt decebat, non obtemperauerunt, quale ipsi à nobis responsum expectabunt? Absurdo vno dato, vt inquit ille, multa sequuntur. Exiguusq; error in principio, si vltius perrexerit, in fine maximus est futurus. Ipsi igitur cum Hieremia Trenor 5. suam miseriam deplorent, dicentes; Væ nobis, quia peccauimus. Peccauimus cum patribus nostris, iniuste egimus, iniquitatem fecimus psal. 105. & rursus. Hierem. cap. 31. & Ezech. cap. 18. Patres comederunt vnam accrbam, & dentes filiorū obstupescunt.

- 10 Octauo, prædictæ reformationi suorum Prælatorum in Regula, & patrū constitutionibus, aut expressam, aut tacitam dispensationem opponunt; Quibus & nos opponemus præclaram D. Thomæ sententiā 1. 2. q. 97. art. 4. & 2. 1. q. 88. art. 10. & Dominici Soti egregiam doctrinam

Arinā. lib. 1. de Iust. & iure. art. 3. Et Didaci Couarruuiæ lib. 1. Variarum Resolutionum cap. 17. ex quorum lectione hæc conclusio colligitur. Quando causa non occurrit rationi consentanea, atque in bonū commune relata, tunc Prælati pro suo libito citra peccatum dispensare non potest; quod quidē est, aut infidelitatis, aut imprudentiæ peccatum. Infidelitatis, inquam, dum bono communi non prospicit, sed suo, aut alterius priuatæ personæ: imprudentiæ autem, si zelum, quo affectus est, boni publici, prudentia non exornat: antequam exploratā habeat causam, contra legē dispense. Quamobrem Christus redemptor noster. Luc. 12. difficilē arbitrabatur, ut ambę virtutes in dispensatore coniungerentur. Aiebat. n. quis putat est fidelis dispensator, & prudens, quem constituit dominus super familiam suam?

11 Causas verò ad dispensandum explicant decreta 1. q. 7. quæ sunt tēpus, vtilitas, persona, qualitas. In summa, ut cunctas simul complectamur, dispensatio fieri non debet, nisi in commune bonum cedat, pro quo lex omnis constituitur. Nam quantum periculi communitati cōfietur, cum legum dispensatio alijs priuatīs respectibus, & si lēdis causis fieri cœpit, locus in quo Religionis status iacet, apertissimo documento est; omnis igitur dispensatio faciendā est ad honorem Christi, vel ad Ecclesiæ vtilitatem, ac in bonum commune. Quo circa tā qui eiusmodi dispensationes alijs procurant, quā ipsi, qui petunt, graui peccato mortali irretiuntur. Dispensator verò grauioris peccati vinculo retinetur. Sed hac de re plura superius tractauimus, cum de cōsuetudine, & proprietate ageremus. Attulimusq; Conc. Trid. dicens. Ea quæ ad substantiam Regularis vitæ pertinent, à Superioribus relaxari non posse. & in cap. cum ad monasterium, Inno. 3. inquit. Nec æstimet Abbas, &c. Quod sæpè retulimus.

12 Legitimam verò dispensandi methodum eleganter explicuit idem Conc. Trid. sess. 25. cap. 18. dicens. Sicuti publicè expedit, legis vinculum quandoq; relaxare, ut plenius eueniētibus casibus, & necessitatibus pro communi vtilitate satisfiat: sic frequentius legem soluere, exemploq; potius, quā certo personarum, rerumq; delectu, petentibus indulgere, nihil aliud est, quā unicuique ad leges transgrediendas aditum aperire, &c. Et paulò inferius subdit, quod si vrgens, iustaq; ratio, & maior quandoque vtilitas postulauerint, cum aliquibus dispensandū esse, id causa cōgnita, ac summa maturitate, atque gratis à quibuscunque, ad quos dispensatio pertinebit, erit præstandum, &c.

13 Quod verò nono loco aduersus reformationem defectus vicius, & vestitus adducatur, quasi reformatio, & recta bonorum temporalium administratio inopiam, & rerum omnium egestatem, & carentiam in-

ferat, nihil hoc loco cutandum est, in superioribus enim. cùm de Canonorum constituendo numero, & de proprietate ageremus, rem hanc ex Concilij Tridentini decreto, & quibusdam rationibus explicatissimam fecimus.

- 14 Infirmum etiam est, & vndecimū aduersę partis argumentū, videlicet, quòd si reformatio admissa fuerit, exiguus erit Religiosorū numerus. Vix enim reperietur quisquam, qui Religionem ingredi velit. Respondendum tamen, quòd quamuis in exordio reformationis illud ita contingeret, successu tamen temporis, experimento comprobatū est, maiorem Religiosorum numerum ad monasterium reformatum accurrere, & indies paulatim succrescere. Solent. n. monasteria reformatā ditissimæ esse sagenæ ad ipsum Ordinem augēdum, locupletandū, & nobilitandū, sanctimonia, bonaq; eorum fama id præstantibus. At verò quamuis maior esset deformatorum turba, & multitudo, cultui tamen diuino, domui, & Religioni multò conducibilius est, paucos bonos, reformatosq; , quàm corruptos plurimos habere. Salomon. n. Ecclesiastici 16. ait. Ne iocunderis in filijs impijs, si multiplificentur; nec oblecteris super ipsos; si non est timor Dei cum illis, ne credas vitæ eorum, & ne respexeris in labores illorū. Melior est vnus timens Deum, quàm mille filij impij.

- 15 Vndecimo aduersarij reformationem propellere conātur, eo quod ex ea fratrum communis pax omnino conturbetur, dūm quidā spontē, alij eam coactē suscipiant: quin aliquādo omnes cœnobitz vno cōsensu eam respuunt, & detestātur. Quòd si recentes aliundē deductos recipere, priores verò expellere niti volueris, tunc planē ingēs murmur, oritur, totaq; domus trāquillitas abigitur, & fugatur. Ex quo fit, vt alij ad monasteria corruptiora se cōferant, alij apostatare cogant.

- 16 Respondendum est: Primum, nunquam cum vitijs esse pacem habendam, sed perpetuum gerendum esse bellum, vt in sancta pace viuatur. Est. n. & pax bona, & mala. Diligendi quidem sunt homines, eorum verò errores odio sunt prosequendi. Christus. n. Matth. 10. inquit; Nolite arbitrari, quia venerim pacem mittere in terram, non veni pacem mittere, sed gladium, &c. Sunt quidem apud deformatos tria potissimum vitia, nempe auaritia, luxuria, & superbia, siue inobedientia. Aduersus ea reformationis gladio dimicandum est. Tametsi verò pro loco, & tempore correctionem, reformationemq; intermittere, quandoq; expediat; nō tū sc̃mper magnopere curandū est, si reformationis tēpore inter malos discordia nascatur. Verē quidē Gregorius ait in Pastoralī; Si peruersorum nequitia in pace iungatur, eorum profectō malis actib. robur augetur. Fiunt. n. ad affligēdos bonos robustiores.

Porro

17 Porro cum S. Thom. 2. 2. q. 43. asseuerandum est, ea quæ sunt de necessitate salutis facienda, qualia sunt præcepta; propter scandalum in alio vitandū prætermittenda non esse: eradicanda. n. est omnis plā-
tatio, quam pater ille cœlestis non plantauerit. Exploratissimum au-
tem est, Religiosos tunc pharisaico scandalo laborare, quando refor-
mationis tempore, quæ per Visitatores, aut Prælatos in votis tribus,
& Regula, alijsq; constitutionibus facienda est, causantur sibi fieri ini-
uriam; Superioribus maledicunt, & detrahunt; seculares vexant, &
ecclesiasticos conturbant; homicidia, & verbera sæpè minantur, non-
nunquam etiam opere complent. Ex superioribus igitur fit manife-
stum, magnum Prælati imminere periculum, si cum possint sua de-
formata monasteria reformare neglexerint: Vel certè opportunitate
capta, Religiosi vel inuiti sunt reformandi, in quibus transgressiones
suorum votorum frequentes comperiuntur. Hic. n. celebris Grego-
rij sententia in Ezechielem locum habet: vtilius scandalum nasci per-
mittitur, quàm veritas relinquatur. Quam quidem regulam intelligē-
dam esse censemus, de veritate, quæ est ad salutem necessaria, siue illa
sit veritas vitæ, siue iustitiæ, siue doctrinæ. Ex Alphonso Castro lib. 2.
de potestate legis pœnalis cap. 11. littera. C.

18 Quod autem ad apostatandi periculum attinet, cum D. Thom. sa-
tisfaciamus, qui 2. 2. q. 33. art. 6. quærit; vtrum aliquis debeat à cor-
rectione cessare propter timorem, ne ille fiat deterior. Respondet;
correctio pertinens ad Prælatos, quæ ordinatur ad bonum commune,
& habet vim coactiuam, non est dimittenda propter turbationē eius,
qui corripitur. Tum quia si propria sponte emendari non velit, corri-
gendus est per pœnas, vt peccare desistat. Cum etiam quia si incorri-
gibilis sit, per hoc prouidetur bono communi, dum seruetur ordo ius-
titiz, & vnius exemplo alij deterrentur. Vnde iudex non prætermittit
condēnationis ferre sententiam in peccantem propter timorē tur-
bationis eius, vel etiā amicorum ipsius; Prælati. n. non solum admo-
nere, sed etiam cogēdo punire tenetur. Alia quidem esset ratio habē-
da in correctione fraterna, cuius finis est emendatio delinquentis, non
habens coactionē, sed simplicē admonitionē. Hæc Tho. Coactione igi-
tur in apostatas agendum esset; Nec propter eos reformatio est omit-
tēda, præsertim cum plurimorū salutis spes verisimilis concipitur.

19 Du decimo aduersarij reformationem recusant, eo quod ex dispē-
sationibus, & modis viuendi hæcenus à longinquo retentis, facilius, vt
ipsi dicunt, procurantur res Religioni necessariæ. Vt libri plurimi, &
in monasterijs multæ ad habitandum domunculæ, & aulæ magnæ, quæ
vix, aut nunquam de bonis cōmunibus procurarentur, sed ex appro-
priatis

Priatis fratrum pecunijs. Vt picturas, sanctorumq; imagines, & tabellas eadem arte comparatas silentio pratereamus. Respondetur; in primis inficiamur, monasteriorum bona hac iniqua via melius comparari, augeri, & procurari: id quod experientia apertè testatur. Nam in monasterijs reformatis indies librorum numerus coacervatur, ruinosæ ædificia reficiuntur, quæ apud deformatos corruunt. Item fauor populi, & in Religiosos pietas accrescit, personarû augetur numerus, & sacrarum vestium decor multiplicatur; Religioq; principum, potētumq; & diuitum virorum muneribus, & donis locupletatur.

20 Secundo, quanuis ea, quæ ab aduersarijs annumerata sunt, vera essent, cum tamen temporalia sint, contemnenda sunt, si ea cum vberimis sacræ reformationis fructibus contuleris, quos suo loco inferius referemus. Vera quidem illa sententia est, pecuniam in loco negligere, interdum maximum est lucrum. Ea profectò commoda, maxima incommoda secum adferunt, ad destructionem enim, & monasteriorum corruptionem plurimum conferunt, & viam sternunt. Hinc enim proprietatum patefactum est pelagus.

21 Quòd autem peculiare domunculas ad inhabitandum se erexisse gloriantur, illud quidem vitio potius, quàm laudi vertendum est. Nā in habitaculis priuatis non exigua occasio dari posset, & locus comestationibus, & rerum communitatis dispendijs, detractionibus, & in Prælatos discordijs, & conspirationibus, vt alia incommoda taceamus. His quidem domunculis semel constructis, & dormitorium euacuatur, & refectorium deseritur.

22 Alias quoque huiusmodi technas reformationis hostes confingere solent; nam vt ineptos, inordinatosq; reformandi modos, vt ipsi iudicant, accusent, reformatores ipsos tanquàm provinciar, lociq; consuetudinum ignaros, ac prorsus inscios damnant, seculares contra clerû plus solito per reformationem concitandos esse vaticinantur: sed hæc frigida sunt argutia, & tanquàm nullius ponderis negligenda.

23 Ceterum vniuersos reformationis impugnatores hic admonitos esse velim, sanctissimû, summumq; Rom. Pontificē consueuisse acrius animaduertere in huiusmodi contumaces emendationis vitæ impedimento; id quod sanctissimus noster Papa Pius V. in extinctione cuiusdā Ordinis extra Hispaniam constituti, nunc præstitit. Nam quemadmodum sollicitus pater, quem vnice charum educauit filium, via salutis egressum reuocare cupiens, primum hortatur, indulget, pratermittit, increpat, alia præterea, atque alia tētare non desinit, dum quod expectit, modo aliquo consequatur; omnia denique expertus, cum nihil iam proficere intelligit, desperata prorsus salute, omnem de illo parentis

animum

animum eiſcit, domo expellit, indignum exiſtimans, qui parta hæreditate fruatur. Sic Rom. Pontifex, ſicubi quampiam ſacrarum congregationum à Regula, & vitæ præſcriptione aberrare percipit, modò admonendo, modò concedendo, modò corripiendo connititur eā, vel primis inſtitutis reſtituere, vel certè quoquo pacto emendam in aliquo ſtatu illis magis coherenti continere; omnibus tandem ad illius ſanitatē conquiſitis, ubi ſalutaria remedia faſtidire, & viam iniquitatis obſtinatius procedere, atque adeò in præuū indureſcere animaduertit, vt potius conſtringi, quàm corrigi poſſit, omni curatione reiecta, de ipſa remouenda decernit, ne inueterati, atq; indomiti mali vis, in alias ſurgat, eiſq; exitio ſit futura. Præſertim cum experimento diſcitur, Religioſos in malum iam pridem effuſos eſſe, multa de ratione cultus diuini, de obedientia, & vita communi, deq; modo recipiendorum, & educandorum Religioſorum, prouida ſtatuta, ceteraq; omnia Regulæ ſuæ inſtituta omnino aſpernari, vitamq; voluptatum varietate conſertam ducere, ac Præpoſitos, & qui rerum adminiſtrationem habent, bonā, magnamq; fructuum partem in vanitatibus mundanis, profundere, emendationem abhorreſcere, nefarias proteſtationes facere aduerſus reformationem, neceſſarios ſuos, & alios potentiores laicos ad inſtinctas ſeditiones cōcitare, aliaſq; huiuſmodi artes ad impediendam Religionis emendationem exercere. Tunc proſectò reliquum eſt, vt huiuſmodi Religionem, tanquā impenitentem, atque incorrigibilē Romanus Pōtifex agnoſcat, ipſamq; tandem tanquā malam arborem, excindat, extinguat, & aboleat. Si verò viris ſapientibus fidem habere apud te conſtituas, dulce proſectò eſt, frui periculo alieno, alienoq; capite percuſſo, iſtum cum piſcatore ſapere. Haſ. n. enarratas cauſas in ſuo euulgato diplomate ſecunda die menſis Martij præſentis anni 1571. ſui Pontificatus anno 6. Summus Romanus Pontifex recenſet, quibus ductus illum ordinem extinxit.

Quibus ſit armis muniendus ipſe Prælatus contra calumnias, & res aduerſas. Cap. xxxiiij.



Erriſſima proſectò eſt Conc. Triden. ſeſſ. 25. cap. 1. ſententia, quam ſepè repetam, Præpoſitos ipſos ad labores, & ſolicitudines, quin etiā ad afflictiones, pro Dei gloria eſſe vocatos. Quis. n. tanta mentis cæcitate tene- tur, qui non videat, vniuerſos Ordinum Prælatos innum-

meris, crebris, ingentibusq; periculis eſſe expoſitiſſimos; ſera rerum aduerſitate circuncingi, varijsq; ſubditorum obmurmurationibus, calumnijs, accuſationibus etiā conturbari, & comprimi? Quis etiā

Religiosorum moderator sit omni ex parte beatus? Quis omnia errata caueat? Quis demum & si non parum circumspectus, & prudens in terris agens, omnino impuram beatorum vitam ducat, in quo nūquā nullos, nullas maculas inuenire queas? Quare sibi cauerit Abbas, diligenterq; prospexerit, ne propter turbulentiarum, afflictionumq;, & magnitudinem, & multitudinem, animo despondeat, aut quapiam pusillanimitate percussus, quæ suæ sint partes, omittat, demissoq; animo turbulentam, insuauem, tristemq; vitam agat: sed lenitati seueritatem admiscens, cum rectâ gubernandi ratio id postulauerit suo munere latus, intrepidusq; fungatur. Nec minis perterreatur, nec rerū difficultate frangatur. Videas, fateor, inauditis sæpè machinis ipsam inuadi, potestate, multitudine, & arietibus Rectoris animum concuti, ut mirum sit, eum non statim corruere. In periculosissimo quidē statu sunt sæpenumero Prelati, tot enim artibus impetūtur, ut nisi gratia, & timore Dei suffulti sint, difficile sit, ut non aliquando à iustitia, rectaq; gubernaculi ratione defleant. Aliquando. n. amore, aliquādo timore, aliquādo cupiditate, aliquādo ira, nisi eis Deus ad sit, vincuntur. Gratia igitur, & Dei timor illis sunt arma imprimis maximè necessaria.

2. Aduertat Præsul, aduersa pati non semper esse virtutis; alij. n. patiuntur, vel propter temeritatem, & ut suum propositum malum perficiat: alij ex pusillanimitate non audentes resistere. Christiana autem patientia coniunctam habet animi fortitudinem. Quam rem nos Paulus docuit Act. 23. cum princeps sacerdotum Ananias os eius percutere iussit. Tunc enim Paulus dixit; Pereutiet te Deus, paries dealbate. Non enim existimandus est hæc Paulus dixisse ex quadam impatientia, sed ex præstanti animi fortitudine; ostendens impio vitium suum, nempe hypocrisim; quæ etiam ratione cum prouerbiali figura parietem dealbatum nuncupauit; Deinde prædixit ei sui criminis pœnam futuram, quicunque verò illam formidabilem, quam Paulus sustinuit; persecutionem audierit, fortè posset à pietate absterri, nisi & illud adderet, quam fideliter dominus suis assistat in aduersis. Videmus. n. in Paulo impletum, quod in Iob legimus; Beatus, qui corripitur à domino, in sex tribulationibus liberabit te, cap. 5. Quem igitur terret p̃s, iustiq; hominis passio, attendat quoq; quantis consolationibus eius animum dominus corroborare soleat. Paulus solus erat ab omnibus destitutus, insuper & vincus, in veritate tamen plures erant cum illo, quam cum accusatoribus. Qui enim iustā habet causam, huic & Deus, & Angeli assistunt, ut in Heliso 4. Reg. 6. compertissimū est. Cum. n. orasset Heliseus, aperuit dñs oculos pueri, & vidit, & ecce mos plenus equorū, & curuum igneorū in circuitu Helisei, hostibus cæcutientibus.

At scio,

3 At scio, dices, quis æquo animo calumniatorem ferat? Nihil enim magis iustum hominem mordet, quàm huiusmodi calumnie, & infamations. Hoc quidem in pio videmus Iob, qui externarum rerum damna, imò & ipsius corporis dolores patientissimè pertulit; tamen ad amicorum suorum verba, & conuitia primum ingemuit. Ceterum Pauli norma est nobis sequenda, qui nihil horum curat. Non. n. latuit eum illud Christi, Si patrem familias vocarunt Beelzebub, quantò magis domesticos eius. Matth. 10. Si. n. Christus, qui de seipso dicit Ioan. 14. Venit princeps mundi huius, & in me non habet quicquam, dictus est tamè peccatorum socius, potator vini, demoniacus, & insanus Matth. 5. & 11. Si inquã, is qui nihil habebat, quod verè ei obijci posset, talia tamen audiuit; quantò magis nos, qui etsi in hoc innocètes sumus, quod nunc obijcitur, habemus tamè aliud, quod dignè in nobis flagellatur. Item sciebat & illud Paulus; Beati estis, cùm maledixerint vobis homines, & dixerint omne malũ aduersum vos, mentientes propter me. Quo magis ab impijs infamamur, eo magis crescet laus nostra. Hinc Paulus, Maledicimur, & benedicimus; Christianus homo infamatores suos nõ verbis, sed operib. virtutũ splendor ornatis, cõfundere laboret.

4 Obijciens adhuc, varia esse arma, quibus impij pios Prælatos impetant. Primo enim, omnes impij sua quærunt in omnibus, quantumq; externè aliud simulent. Secundo, semper impietati sæuè aliquã speciẽ bonam prætexunt. Tertio, omnium maximè seditionibus confidunt, & tumultu res suas nõ iudicio, aut iure expedire conantur. Radices omnium malorum sunt inordinatus amor sui, & avaritia insatiabilis. Nihil enim adeo diuinã charitatem, honoremq; Dei impugnat, nihil adeo à bono remoratur, & ad omnia mala promouet, vt amor sui inordinatus. Ob id Aug. eum amorem omnium malorum fontem dicit. Igitur Prælato necessarium est, vt hunc amorem gladio verbi Dei iugulet: fortius nanque est verbum Dei, si cor penetrauerit; hominem quoq; à seipso diuidit. Ea igitur animi magnitudine Prælatus sit præditus, vt cum Paulo dicere possit. Ego non solum ligari, sed & mori paratus sum. Insigne huius rei testimonium legimus Act. 7. cap. dũ Deus Moysen alloquitur; Vidēs vidi afflictionem populi mei, & gemitum eorum audiui, & descendi liberare eos. Videt Deus nõ solum crucem, & afflictionem suorum, verum etiam aduersariorum sæuitiam; audit gemitus eorum, & clamorem, quod quidem maximè consolatoriũ est; Exemplis plena est scriptura sacra. Duo autem hic dicit; Vidi, audiui, quæ sicut pios consolantur mirum in modum; ita prorsus impios merito, & miserè exterrere debeat. Primo dicit, videns vidi, quod vehementiam, & certitudinem, & celeritatem significat, quasi diceret, vidi,

vidi, & certò, & seriò, ita vt amplius tacere non possim, sed adiungere decreuerim. Scienter dixit, vidi afflictionem. Ipse. n. est, qui laborem, & dolorem considerat Psal. 9. Non autem quorumlibet afflictionem ita videt, vt eripere velit, ideo addit, populi mei: itaq; si vis, vt Deus videat videndo afflictionem tuam, cura vt sis populus Dei; & ora, & ingemisce, quemadmodum Israelitæ fecerunt; quos Deus, agnoscit, licet magnis, & varijs tribulationibus obruti essent; non igitur neglectus es à Deo, si aduersa tibi contingunt, cognoscit Deus suos etiam sub cruce. Obseruandum autem, quod vbi Deus dicitur descendere semper magnum aliquid sequitur. Sic descendisse legitur in turris Babylonice ædificationem, & quàmprimum secuta est linguarum confusio: descendit insuper in Sodomam, & secuta est protinus ciuitatis perditio. Sic hunc descensum secuta est mirabilis populi liberatio, & horrenda Aegyptiorum punitio. Vbi planè duo iudicia Dei nobis ob oculos ponuntur. Iudicium misericordie quidem erga Israelitas, & iudiciũ iræ diuinæ erga Aegyptios: vtrunq; iam definierat, hos scilicet perdere, illos autem liberare; tamen neutri hoc sciebant. Sic nobis contingit, pijs enim nihil tale cogitantibus, Deus cogitat cogitationes pacis; cõtra autem impijs securè agentibus, præparat mala, quibus afficiuntur.

5 Res admodum pauida est, animus malè sibi cõscius, difficilè est crimen non prodere vultu. Contra mentis innocentia, etiam in vultu relucet eius, qui bene sibi cõscius est, & hæc tandem virum fortè reddunt, nihil cõscire sibi, nulla pallefcere culpa. Attenta consideratione intueri protomartyris Stephani faciem Act. 6. cap. Intuentes eum omnes, qui sedebant in concilio, viderunt faciem eius, tanquam faciẽ Angeli. Intuebantur eum, & obseruabant, qua fronte crimen obiectũ exciperet. videbant illum adeo non deijci, aut exanimari, aut metu expallefcere, vt facies illius quiddam homine maius, & angelicã quãdam alacritatẽ simul, ac maiestatem præ se ferre videretur: Meminisse quidem poterant claritatis illius, quæ apparebat olim in vultu Moysi, ex eaq; conijcere, quid de Stephano sentiendũ; verum sic eos inuidia excæcarat, vt videntes, nihil viderent; & audientes, nihil intelligerẽt.

6 Constãtia frontis in Stephano, arguit calumniatorum impudentiã, Christianus Præsul angelicam, & faciẽ, & vitam ostendat in medio nationis prauæ; Christiani conuincant eos, qui ipsis infamiam inurere student; non verbis, non conuitijs, sed vitæ sanctitate. Sic Petrus 1. Pet. 2. Conuersationem habentes bonam, vt in eo quid detractant de vobis, tanquam de malefactoribus, ex bonis operibus vós considerãtes, glorificent Deum in die visitationis. Prælati non grauetur, neq; ægreferat, si à malis infamatur cùm & Christus, & Stephanus, imò, &

omnes pij, id perpersi sint. Infamatur à malis innocens Christus, omnisq; peccati expers; ne tu igitur, qui peccatis sæpenumero commacularis, & plerunq; à peccati labe non exilis purus, ac immunis, graueris à peruersis infamis reddi. Nam si in viridi ligno hæc videmus fieri, in arido quid obsecro, fiet? Præterea discamus, Dominum tunc adesse nobis à dextris, cum tribulatione concutimur. Sic enim pollicetur, cum ipso sum in tribulatione; eripiam eum, & glorificabo eum. Gloriam enim hic cœlestem vident in facie Stephani, & faciem eius tanquam faciem Angeli, cum ipsi in Concilium rapiant, & damnent; tanquam blasphemum, & hæreticū, adeo non conuenit iudicio prauorum cum iudicio Dei. Aduerte denique, quòd nulla re quantumuis præclara permouentur inuidorum mentes.

- 7 Bonus pastor sibi persuadeat, nihil ita magnificum apud homines geri, quod non expositum sit inuidentiæ, & calumniæ multorum; & quo magis magna fuerint, quæ gesserit, quo magis videbuntur gloriosa, eo magis omnia inuidiæ patebunt, ac deinde obrectationibus, atq; calumnijs. Vide ipsum magnificentissimi domini nostri exemplū: vir potens fuit ipse, tam in opere, quam sermone, & adeo potens, ut eius similis nunquam apparuerit in Israel, ingenuè id confitentibus turbis Matth. 9. testanturq; id ipsum Ioan. 7. Iudæorum ministri, ad Christum comprehendendum missi, vacuisq; manibus redeunt, nunquā sic locutus est homo (aiunt) sicut hic loquitur. Ecce quā magnificus hic fuit, tam in verbo, quam in opere, inuidiam tamē, & obrectationem adeo non euasit, ut etiam vini potor dictus sit, & publicanorū amicus, magus, pactum habens cum dæmonijs, seductor populi, blasphemus, seditiosus, tantamq; passus est aduersus semetipsum contradictionem, ut in crucem quoq; adactus fuerit. Quòd si regū, & principum magnificentiam consideres, quis non eorū multos habet hostes, & æmulos? Cum igitur omne opus quantumuis sit industriū, atq; magnificum pariat ipsi auctori inuidiā, nonne rectè dixisse tibi videbitur Salomon Eccles. cap. 4. dicens; Rursum contemplatus sum, omnes labores hominū, & industrias animaduerti patere inuidiæ proximi. Quare admirari hominum calumnias, & conturbari iam defines. Ad simili quoque iudicio tibi interpretaberis verba Eccle. cap. 7. calumnia conturbat sapientem, & perdet robur cordis illius. Si. n. de perfectè sapiente, & in sapientia stabilito intelligamus, conturbatio illa non deiiciēs, sed tantum vexans, & affligens accipietur. Nam id subinde contingit hominum calumnijs etiam sapientes non modicum conturbari, maxime in primo ipso aggressu, cum subito calumniam sentire cœperint. Perdere autem dicitur sapientia robur cordis illius, nō quòd in totum auferat,

ferat, ſed quoniam conturbat, & quaſi infirmat ad tempus vigorem, & tranquillam cordis diſpoſitionem. Nonne Moſen virum mitiſſimum diueſxit improborum calumnia, quando contra ipſum rebellauerūt Core, Dathan, & Abyron, & eorum complices Num. 16. Veruntamē is, qui in ſapientia firmatus eſt, non penitus deiicitur animo, propter calumnias hominum, niſi ſimul ipſam quoque ſuam perdat ſapientiā. Facit. n. ſapiētia vera, quæ ſecundum Deum eſt, vt neque aduerſis, neque proſperis homo à ſtatu rectitudinis ſuæ proſuſ deiiciatur.

- 8 Poſtremo cordatus paſtor probè ſemel intelligat, quamvis in ſtatu periculoſo vtcumque verſetur, fulgentiſſimā tamen, ampliſſimamq; cœleſtis gloriæ coronam ſe eſſe recepturum. Cumulatioſius. n. meritis, ſi ritè, recteq; ſuo munere fungitur, ipſe præ ceteris ouibus adoratur, atque diteſcit. Nam ille profeſſor Archiapoſtolus, qui 1. Pet. 5. dixit; Paſcite, qui in vobis eſt, gregem Dei; ſubneſcit quoque cumulatiffimum præmium, dicens; Et cum apparuerit princeps paſtorum, percipietis immarceſſibilem coronam gloriæ, hoc eſt, mercedē æternæ retributionis perfectam, & in ſuo virore indeficienter permanentē. Maioribus. n. periculis, atque laboribus maior, ſublimiorq; beatitudinis gradus comparatur. Ob id nanque in domo patris cœleſtis manſiones multæ ſunt. Contēplare iam, & enumerā fortiſſima arma Prælatorū, ea verò ſunt gratia, & timor Dei, fortitudo, confidentia in Deo, patientia, gladius verbi Dei, & conſcientiæ teſtimonium, conſtantia, inuidiæ contemptus, ſapientia, ac demum cœleſte præmium laborū, quæ omnia ſigillatim attigimus.

De veritate à Prælatiſ facile audienda. Cap. xxxv.

1



Aximè quidem, vigilātem, iuſtumq; Prælatum decet, veritatem in omni re, atque negotio arreſtis auribus, libētiq; animo noſſe, & audire; ſiue ea ipſi Prælato, ſiue cuius alteri aduerſari, oblectariq; videatur. Proinde quocumque admonitores, aut querimoniarum allatores hilari fronte ad ſe admittāt, vt cognita rei veritate, quod iuſtum fuerit exequatur. Cauebit igitur, ne quaſi Herodes alter Matth. 14. in ſanctiſſimum Ioannem durus, crudusq; ſhabeatur, idq; propter obiectā ſibi veritatem. Hæc enim eſt cauſa, ob quam impij bonos perſequuntur, videlicet quòd bonitatem ſeſtentur, quæ bona ſunt alijs perſuadeant, mala verò arguant: hoc maximum peccatū eſt, quod impij pati non poſſunt, nimirum ignorantes, quantum ſit beneficium benignæ correptionis. Quid autem Ioannem incitabat, vt ex eremo curreret ad corripiendum Herodem, niſi Charitas, & zelus Dei prædictum ſanè.

erat

erat de Ioanne, quod præcessurus esset. Christum in spiritu, & virtute Eliæ, qui ex magno zelo vno die interfecit quadringētos quinquaginta Prophetas Baal; imò, & ipsi regi Achab in faciem restitit. 3. Reg. 18. Tu, inquit, es qui conturbas Israel, &c. Eodem spiritu, & Ioannes regem, & Phariseos palam, & in faciem arguit. Sancti. n. homines sicut gloriam Dei, etiam proprio commodo præferunt; sic Dei blasphemia magis torquentur, quàm proprio incommodo; Sic Ioannes cõtemp-
tum Dei non ferens, regem arguit; nec à correptione cessauit, etiam victus, quemadmodum & Hieremias olim fecerat, cum à principi-
bus teneretur Hiere. 26.

- 2 Quin Christus Ioan. 18. ad Pilatum ait; Ego in hoc natus sum, & ad hoc veni in mundum, vt testimonium perhibeam veritati. Veritas autem triplex esse reperitur, videlicet vitæ, doctrinæ, iustitiæ; quas vel omnes notasse videntur Iudæi in Christo, cum inquit Matth. 22. Magister, scimus quia verax es, veritate vitæ, & viam Dei in veritate doces; ecce doctrinæ veritatem; nec est tibi cura de aliquo, hic exprimitur iustitiæ veritas; ideoq; omnis à Deo veritas est, recteq; à Christo dictum est Ioan. 16. de Spiritu Sancto, ille docebit vos omnem veritatem, vt pote vitæ, doctrinæ, iustitiæq;. Est autem vitæ veritas, recta conuersationis iuxta legem diuinā normā, sinceraq; in omnibus operatio, & iusta rerum æstimatio. Quam significauit Esai. 38. cap. Ezechias, memento domine (inquit) quomodo ambulauerim coram te in ueritate, & in corde perfecto, & quod rectū est in cõspectu tuo fecerim. Veritas doctrinæ est, iusta in docendo, consulendo, prædicando, exhortando eius quod loquens cognoscit, verbo, aut quouis alio modo manifestatio. Ea autē imprimis existit in sacra scriptura; quæ nullam habet admixtam falsitatem, nimirum quæ sermo Dei est, qui mē-
tiri non potest. De quo Christus ait Ioan. 16. Sermo tuus veritas est. Veritas autem iustitiæ est, legis in iudicando inter diuersos rectitudo, quam seruat, qui sine personarum munerum, & affectuum respectu, quod vel lex iubet, vel recta consciētia suadet, iudicat. Si c Ioan. 7. Nolite iudicare secundum faciem; sed iustum iudicate iudicium, & Leuit. 19. discerne quod iustum est, & vindica inopem, & pauperem.

- 3 Ad quamlibet autē harum trium veritatum simul, & seorsum hor-
ratur nos Deus Zachar. 8. dicens; Pacem, & veritatem diligite. Est. n. veritas diligenda, tum propter eius dignitatem; quoniam à Deo ori-
tur, tum ob illius vtilitatem, quia habenti veritatem, misericordia est apud Deum, quæ, & à malo liberat; tum etiam ob eiusdem remunera-
tionem. Ipsa enim habenti eam, lucem subministrat, idest Christi glo-
riam, & gratiam vnde virtutes procedunt, & merita.

4 Sed ea forſitan quæſtione tu inuolueris, qua plerique magnopere diſcruciantur; An videlicet veritatem ſemper, & vbique proferre expediat? Sanè reſponderim Chriſti exemplo, & Apoſtolorum, veritatē non ſemper, nec vbique eſſe proferendam, ſed magni quidem referre, quomodo ipſa proferatur; eamq; vtique nonnunquam tacendā ad tempus. Primum, quando eius prolatio condemnationis cauſam potius, quā aliquem profectū ſit allatura. Hinc Chriſtus Luc. 22. apud ſceleratum Concilium, in domo Annæ, & Caiaphæ coactum dixit; Si dixero vobis, non credetis mihi: veritatem vtique dicturus erat, quā ſiluit, quod nulla inde expectaretur vtilitas, maxime verò quod illi non quærebant veritatem, ſed calumniam præparabant. Secundo vbi veritas leuiter interrogata, fortè inancem gloriam, aut nullam interrogantium emendationem eſſet paritura. Sic quidem Ieſus apud Herodem Luc. 23. multa ab ipſo quærentem obticuit, nimirum magis eligens, à ſuperbientibus deſpici, quā à non credentibus vacua voce laudari. Tertio, quando indigni ſunt audire veritatem iſ, ad quos verba facimus, aut qui auditam peruerſè, malicioſeq; tractarent. Ita ſanè Chriſtus dare ſanctū canibus, & margaritas porciſ obijcere prohibet Matth. 7. & Apoſtolos emigrare iubet Luc. 10. è ciuitate, quæ ſe præbeat indignam Euāgelico ſermone, Nec Pilato roganti veritatem deſiniuit Ioan. 18. Quarto, quoties auditores capaces non ſunt veritatibus, ob eius difficultatem. Sic Paulus 1. ad Cor. 2. Sapientiam profectò veram inter perfectos loquutus eſt, inter imbecilles ſilēs quod verum fuit, Hinc cathecuminiſ non ſtatim omnia Chriſtianitatiſ myſteria aperiebantur, quoniam nondum erant capaces. Quinto, cū veritas apud auditores, vel ſcandalum eſſet, vel tumultum excitaret, quo veritas aliquando magis opprimitur, quā ſuccreſcat, vel indignationem furioſam excitaret, & commoueret; tunc etenim, ſi veritas ſine magno orbis tumultu proferri non poſſet, expediret profectò eam ad tempus, & locum ſubticere. Hinc Paulus cauſam ſuam apud Felicem, Feſtum, Agrippam agens Act. 24. & 25. nonnihil veri tacuit; qui ſumma comitate, quod verum eſt, proloquitur; nimirum ne vel illos ad ſupprimendam veritatem magis, quā amplectendam, vel per indignationem ad tumultum permoueret.

5 His autem ſic explicitis rogo, quid agit Herodes, vt ab eo noſter Religionis gubernator erudiat? Primo, cū iam fama Ieſu omnem regionem Iudææ, & Galilææ occupaeſſet, tandem vltimo ipſa vix quoq; ad Regem peruenit. Cuius duplex eſt cauſa, tum quia mundaniſ intētus erat, nihil curās de ſpiritualibus, tum quia miniſtros habebat aduſatores, qui nihil nunciabant, niſi quæ placere ſciebant. Secundum iudicem

dicem enim populi, sic & ministri eius Eccl. 10. Et princeps, qui libenter audit mendacia, omnes ministros impios habet: quo nimirum osensum fuit, veritatem difficile peruenire, difficileq; locum habere apud principes, & potentes Prælatos. Cuius rei triplex existit causa. Prima, quod parum admodum curant huiusmodi spiritualia, satis sibi æstimant esse, quod Prælati sint, & subditos habeant; Non audiunt sermones, scripturas non legunt; neq; n. his se indigere arbitrantur. Verum longissimè aberrant; quando enim plures tibi commissi sunt, tantò magis te discere oportet, quid sit agendum. Et quo altius sedes, eo periculosius agis. Sic Moyses Ios. 1. Instituens Iosue in principem populi (inquit) non recedat volumen legis de ore tuo. Sic David 1. Par. 22. ad Salomònem ait; Tunc prosperaberis, si madata Dei custodieris; sic Ioiada regi Ioas librum legis in manum dedit. Altera causa, ob quã veritas ad Ecclesiæ rectores difficile ingreditur, ea est, quod nonnunquam audire dedignantur, nisi quæ arrident; quemadmodum, & Amasias 2. Par. 25. prophetæ corripienti dicebat; quiesce, ne interficiam te. Tertia causa est, malitia ministrorum, qui plerunque adulatores sunt, ac dexteram auriculam cum Malcho perdiderunt Ioan. 18. ut nihil audiant, nisi quæ sinistra sunt, atque ea principibus inculcant, suisq; blanditijs Principes, & Prælatos seducunt, ac incitant in perditionem innocentium; quemadmodum impius Aman fecit Hester 3. Hæc inquam, adulatio, summa est Prælatorum perniciēs, sed tamē frequentissima; atque utinã nostri Antistites huiusmodi adulatoribus facerēt, quod David 1. Reg. 1. ei fecit, qui mortem Saulis annunciauerat; itemq; eis, qui gloriabantur se interfecisse Isoboseth aduersarium Davidis 2. Reg. 4. quid igitur mirum, quod innocentes opprimuntur, ubi ille, qui gubernaculum tenet, audire recusat veritatem, vel ab adulatoribus ei falsum suggeritur? Et quoties hæc in mundo fiunt? Adde etiam, quod in delictis quandoq; viuunt, nihil curantes de pauperibus; negliguntur pauperes, imò nonnunquam grauantur, ut melius voluntati vacent Superiores. Verè igitur dictum est, vā terræ, cuius rex puer est, & cuius principes mane comedunt, ac ebrietati student. Attendant hæc Rectores. Audite (inquit, Salomon Sap. 6.) vos reges, &c. horrendè, & cito apparebit vobis, quoniam iudicium Dei durissimum ijs, qui præsumunt.

6 Itē omnis, qui est ex veritate, audit vocem meam, ait Christus Ioan. 19. Quo verbo docet, qui ad regnum suum cœleste pertineant. Ex veritate autem est, qui diligit veritatem constantem, qui ambit æterna bona, qui sitit iustitiam, & vitam æternam; Hic audit vocem meam, hic pertinet ad regnum meum, & subdit se imperio meo. Igitur Christus

stus non est dominus eorum, & rex per gratiam, qui sperant opes, ambiunt honores, huius mundi sitiunt voluptates; nec est rex eorum, qui mouent seditiones, sed eorum, qui sitiunt iustitiam, qui ardentè desiderant gaudium cœlestè, qui libenter audiunt veritatem; istorum est enim regnum cœlorum.

- 7 Alia quoque superioribus addenda est causa, ob quam veritas nonnūquam perquā difficile à Præfidiis audiatur, & suscipiatur, quòd veneranda veritas in mundo, insania putatur; id quod insignis locus Act. 26. nobis apertè indicat, cūm. n. Paulus apud Festum, veritatem sapientissimè enarrasset. Festus tamen sic tandem respondit, idq; voce magna, insanus Paule; multæ te litteræ ad insaniam conuertunt. Iā vides, quā nihil intelligat mundus de rebus diuinis. Mundus veritatem iudicat insaniam, sic Propheta. 4. Reg. 9. Qui vñxit Iehū, insanus iudicatus est; Sic Christum putabant in furorem versum Marc. 3. Sic vitam piorum impij æstimant insaniam, cūm mundus ipse verè insaniat. Insanit qui temporalibus inhiat, cūm nesciat mortem; item qui contra stimulum calcatur. Festus quidem suspicabatur de Paulo, sed falsò, id quod nos sæpenumero experimur in mūdanicis, qui sapere volūt, plusquam oportet, & magistri errorum facti sunt, quo fit, vt Deo dicār; sciētiam viarum tuarum nolumus, iusto autem Dei iudicio in animarum dispendium cadunt, qui sine timore, Dei negotia tractant. Paulus, autem, inquit, non insanio, sed veritatis, & sobrietatis verba loquor, ostendens profectò studiosam vitam, & doctrinam non esse insaniam, sed veritatem, & sobrietatem; è contra autem mundus insanit, & mēdacio nititur, & quasi ebrius nescit quid faciat. Tu quoque simili modo si Religionis emendationē verè tractaueris, statim cum Paulo insanus existimaberis, etiā apud non infimos Præsides; Non fuit tamen infrugifera in Ecclesiæ exordijs concio Apostolorum, licet non semel ab impijs interrupta. Veritas enim domini semper vincit. Multi siquidem ex his, qui sermonem domini audiebant, persuasi crediderunt, contemptis omnibus magnatum minis. Ergo nihil perficitur tyrannide, sed quo magis præmitur veritas, eo magis enitescit, & tandem victrix euadit. Quid igitur formidamus? Idipsum nobis quoque in periculis cogitandum, & ex istis discenda est constantia. Quāuncumq; igitur veritatis admonitores opprimuntur, reijciunturq; , attamen granum sinapis crescit, & fermentum non cessat, donec totum fermentetur. Adeo non exanimarunt robusta, constantiaq; Apostolorū pectora minæ tyrānorum, & dira supplicia, vt vel magis animauerint, gaudentes enim ibant à conspectu Cōcilij, eo quod digni habiti essent qui pro veritate tuenda, contumelia afficerentur. Jam enim salutifera
- præceptoris

præceptoris commonitio in memoriâ redibat, dicentis; Beati estis, cum insectati vos fuerint homines propter me, gaudete. Sed quis vir probus difficilem ad audiendam veritatem se exhibebit, cum Spiritus Sanctus & sit, & dicatur Spiritus veritatis? Quoniam verax est, & omnem veritatem continet, & nihil suggerit nisi veritatem; Vnde, & Apostolus à Christo promissus, & missus est etiam. Sic Ioan. 16. Cū venerit ille Spiritus veritatis, docebit vos omnem veritatem: hinc est, quòd cū veritas tantam oppugnationum turbam habeat contra se concitatam, nullis tamen neque dolis, neque insidijs, neque versutijs, tãto tempore eã expugnare potuerūt, neq; sunt expugnaturi: quoniam nihil veritate fortius, quæ semper vincit? Esdræ. 3.

8 Ex eodem putrido fonte proficiscitur adulatio, quæ dulcis instar veneni, eo præsentius animã occidit, quo suavius lenocinatur aurib. Quo sanè vitio cū inficiantur quandoque Principes, & Prælati, manifestò consequo corrumpit, quotquot ab eorum pendent regimine, vt iam ferè quicquam ab eis obtineri vix possit, nisi media adulatione id fiat. Fitq; odiosa veritas, quemadmodum Michæam odio habebat Achab, quòd veritatem illi annuntiaret; rexq; Sedechias carceri addixit Ieremiam eadem de causa. Verùm enimvero haudquaquam poterant carceri astringere veritatem; illi etenim omnes iam tandē periire cum suis assentatoribus, quique omnium assiluebant rerū copia, solius inopiam veritatis patiebantur; sponz illam sibi assumentes pœnitentiam, quæ iure optimo debebatur. Sunt etiam nonnulli, qui cum Pilato Ioan. 18. quid sit veritas, exquirunt, sed cognitam veritatem opere non amplectuntur: Pilatus itaque non satis intelligens obstrusum de veritate sermonem. Christum interrogauit, quid esset illa veritas, cui ipse testimonium perhibiturus venerat? Verùm proposita quæstione, non expectans solutionem, statim exijt ad Iudæos, vel quòd illi tumultum excitarent ante fores, vel quia rei, quam non capiebat, parum affectus esset, vel quia iam sibi compertam satis esse putaret Christi innocentiam. Habet profectò Pilatus non paucos hodie sibi similes, qui vel ad audiendam veritatem vtranque aurem obturauerunt, vel inutili quadam curiositate veritatem inquirunt, quam illis Christus, vt Pilato indefinitam relinquit, quod ipsi quoque similia habeant impedimenta, qualia Pilatum remorabantur.

9 Ea autem præ ceteris omnibus causa validissima est, vt vniuersos Prælatos huc adducamus, q̃ sacram qualemcunque veritatem placidis, gratifq; auribus accipiant; quòd videlicet viris prudentibus, atq; sapientibus indigent, vt recto tramite gubernaculum dirigant, & tantam rerum, & negotiorum molem sustinere valeant. Rex Assuerus

Hester cap. 1. interrogabat sapientes, qui ex more regio semper ei aderant, & illorum faciebat cuncta consilio, scientium leges, ac iura maiorum. Scitus profectò est hac in re Aristoteles 3. lib. Politi. cap. 12. Afferens incredibile esse, quenquam melius videre duobus oculis, & duabus auribus iudicando, & duobus pedibus, duabusq; manibus agendo, quàm multos multis, quamobrem principes, ac reges nuuc quoque multos sibi oculos, multas aures, multas item manus, atque pedes faciunt. Et cap. 7. subdit; Cùm conueniunt multi, suam quisque partem habent virtutis, atque prudentiæ; suntq; quasi vnus homo multipes, vt ita loquar, & multimanus, ac multis sensibus, multisq; moribus, & intelligentijs præditus. Quo fit, vt multi rectius iudicium, quàm singuli ferant. Hæc Aristoteles. Nemo enim solus satis sapit. Cogitationes nanque, atque consilia nostra, vt quibus natura afficimur, nisi fidele foris per consolationem sit adhibitum consilium, facilè nos fallere possunt, & errorum plena sæpenumero comperiuntur. Contra, quæ alieno iudicio, atque sententia comprobantur, securitatem comparant animo, & firmitatem in rebus tuentur. Cùm igitur consilium sacra res sit, ibiq; salus existat, vbi multa consilia, tam necessarij profectò Prælati, quantumuis litteratis sunt veritatis admonitores, quàm manus, quàm pedes.

- 10 Tum ergo demum cognoscemus veritatē in Prælati hospitio non exigua humanitate fuisse susceptam, cùm hæc duo documenta ab eo obseruari viderimus. Primum quidem oportet vnumquenque moderatorem in se prius, quàm in alijs, legum decreta declarare. Operibus homines, non verbis maximè mouentur; ideoq; quod facio, non quod præcipio, alios docere videor. Quid? dedoceo perfectò factis, quod verbis duntaxat præcipio, nisi verbis respondeant opera. Qui enim aliud agit, quàm præcipit, longissimè à præceptoris officio recedit; imò, absit immodestia, præuaricator è præceptore redditur. Præterea, diligenti præmeditatione inuestigare decet gubernatorem, & moli-ri magna quædã, quibus non intèpestiuè, suæ opem ferat reipublicæ. Quæ, quæso, vnquam res magnæ præmeditatione, præcogitatione; neglecta, vel posthabita, fuerunt gestæ, aut feliciter successerūt? atque hinc, ni fallor, euenit, vt ijs præcipuè res contingant prosperiores, qui sunt præmeditati prudenter. A præmeditatione nanque, tanquàm à suo fonte, quicquid sapièter geritur, deriuatur. Atqui legislator noster diuinus, quæ facturus erat annis tribus, triginta hæc annis præmeditatus est, qui tamen à principio nouerat omnia, iuxta doctrinam Sancti Thomæ 3. par. quæst. 10. art. 2. & 3, & inferius. Sed quo nobis exemplum præberet, facienda diligentius esse præmeditanda.

Nec enim quicquam gessisse mirabile legimus totis triginta illis annis præter id duntaxat, quod etiam num duodecim annos natus, id quod modo dicebam, in templo legisdoctores edocuit, tanto tempore legislator noster præmeditationi vacauit. Et hæc quidē præclarius, quàm humana fragilitas fortassis deprehendere queat, reddidit. Hoc nanque tempore architectus omnium præstantissimus, humilitatis, cunctarum virtutum facile principis, primaria fundamenta, non tam apparabat, quàm iaciebat; Hoc tempore ceterarum virtutum erigebat parietum structuram. Ausim dicere, hanc mirabilissimam rem gessisse Saluatorem, quòd toto hoc tempore nihil mirabile gerere voluerit; Solitudinem quidem hanc, & vigilantiam Præsidibus conuenire viri sapientes, vel ethnici suis scriptis asseruerunt. Igitur oculatissimè Præses, diligenter tuæ menti inferes sapientis verba in prouerbijs, videlicet, ne fortè gemas in nouissimis, quādo cōsumpseris carnes tuas, & corpus tuum, & dicas: Cur detestatus sum disciplinam, & increpationibus non acquieuit cor meum, nec audiui vocem docentium me, & magistris non inclinaui cor meum?

- II - Ad exactam verò, puramq; audiendam veritatem, amicos tibi facito, quibus eam tibi aperientibus, teq; addiuuantibus, quàm optimè republicam Religiosorum tibi commissam gubernaturus sis. Nam ijs potissimum, & parare tibi gratiam, & tueri poteris; Cautè igitur animaduerte, quos in familiaritatem eligis tuam, memor futurum, vt omnes qui tecum non habent consuetudinem, te similem eorum arbitrentur, quorum vteris familiaritate. Si medici præcipiunt, vt qui velint consulere bonæ valetudini corporum, viuant inter homines salubri corpore præditos, succulentos, & hilares, fugiantq; conuiuium eorum, quos infelix corporum temperatura reddit graciles, pallidos, iracundos, morosos, aut commitialibus morbis obnoxios. Multò verò citius contrahuntur animorum vitia, quàm corporum. Quantò diligentius cauendum ab societate malorum? & qui cum balbis assidue viuit, discit, & ipse balbutire: & caligatur, qui cum lippis habet assiduam consuetudinem, & cum claudis discit, & ipse claudicare. Sciendū quoque tantam esse rerum naturalium potentiam, quòd non modo res sibi propinquas sua vi afficiat, sed etiam longinquas; quemadmodum fit in magnete, qui non solum anulos ferreos trahit, sed etiam anulis ipsis suam virtutem infundit; ideo conuersationem inter gentes habendam esse bonam dixit Apostolus.

- II - Caue rursus Antistes integerrimè, ne te fallant adulatores, domestica Potentum, & Superiorū, assiduaq; pestis. Nam Agefilaus Rex Lacedæmoniorum solitus est dicere; si quando contingat audire homi-

nem laudantem, aut vituperantem quempiam, non minus ſpectandos eſſe mores eius, qui dicit, quàm de quibus dicitur, facile enim Superiores magna de ſe loquentibus aurem præſtant, atque ſic decipiuntur. Adulatores ſunt ſicut Larus auis, quæ tactu multa plumarum copia, carnibus exiguis, pariens vociferatur; quam ob rem qui multa pollicentur verbis, re pauca exequuntur, laros parturientes vocamus; ſit igitur tibi tam triſte laudari à turpibus, quàm ſi lauderis ob turpia & lætior eſto, quoties diſplices malis; ex improborum exiſtimationibus malignis veram laudem tibi aſcribe. Auguſtus mortuo Varrone, idcirco ſe ſupra modum dolere aiebat, quia non eſſet iam, à quo verum audiret. Antigonus audiendæ veritatis amantiſſimus, qui regnavit in Aſia, inter venandum mutata veſte, relictis comitibus, errabundus apud agreſtes homines vili tuguriolo pernoctavit incognitus, de ſeipſo, tanquam de altero percunctatus, omnia quæ fecerat mala, ab eis villicis audiuit; mane quæſitus, & inuentus, cum veſtem allatam, & regium ornamentum vidiffet. Date, inquit, purpuram, quam vt primum indui, verum de me, niſi hac nocte nunquam audiui. Libere enim, & ſine adulatione veritatem prædicantes, & geſta prauæ vitæ arguentes, gratiam ferè non habent, maximè apud homines prauos. Admonitus Calyſthenes Philoſophus apud Alexandrum ab Ariſtoſtele, vt cum rege, aut raro, aut iucunda loqueretur, ſed inſelix tam amicum non obſeruauit cõſilium, eum itaque crudelibus modis lacerum in cuſtodiam rapuit iratus Alexander, quia vera loquens, & diuinum cultum homini denegauerat.


FINIS SECVNDI LIBRI.



ORDINIS CANONICORVM REGVLARIVM ELVCIDATI,

LIBER TERTIVS.

L. Ioanne Trullo Aragonio Authore.



De Capitulo Prouinciali celebrando. Cap. j.



ETMVS hæcenus de ijs, qui in vnaquaque Canon-
nicorum Regularium priuata domo, seu monaste-
rio gubernacula tenent. Nunc agendum nobis est
de totius congregationis primoribus horum au-
tem in suam functionem ingressus, & ianua est Ca-
pitulum prouinciale. Quo verò ritu, & lege illud
celebrandū sit, perspicua breuitate pro virili nūc
enodare auspicamur. Id autem faciliori negotio præstabimus, si insi-
gne hac in re Capitulum, in singulis, de stat. Monach. & Canon. Reg.
vtcunque enarrauerimus. Sic igitur Innoc. 3. ait; In singulis regnis,
siue prouincijs fiat de triennio in triennium, saluo iure diæcesanorum
Pontificum, commune Capitulum Abbatum, atq; Priorum Abbates
proprijs non habentium, qui non consueuerunt, tale Capitulum ce-
lebrare, ad quod vnīuersi conueniant, præpeditiōem canonicam non
habentes, apud vnum de monasterijs ad hoc aptum, &c.

Volens Innoc. 3. reformationi status Religiosorum diligenter intē-
dere, dum in generali Concilio resideret, statuit in singulis prouincijs
à triennio in triennium commune Capitulum Abbatum, & Priorum,
proprijs Abbates non habentium, quiq; tale Capitulum non consue-
uerint celebrare, omnino esse celebrandum. Quo in loco primum an-
notandum est, triēnij rationem non sic esse computādā, quāsi liceat
ipsum celebrare in fine vnus triennij, & reliquum statim in principio
alterius triennij: aut rursus si in principio vnus triennij illud celebra-
retur; Alterum verò in fine alterius trienni. His enim fraudibus fieret,
vt sex annis Capituli celebratio maliciosè retardaretur, ordinisq; re-

formatio impediatur. Mens igitur Pontificis ea est, vt inter vnum Capitulum, & alterum sequens, integri triēnij spacium intercedat, & trāfigatur; nec prius anticipetur, sed nec longius differatur, aut prolongetur; id quòd, & consuetudo interpretatur. Quare Pontificis mentē periti interpretantur, vt in principio cuiuslibet triennij Capitulum prouinciale celebretur. Alioquin enim vltra sex menses saltem differri posset. Hæc omnia asserunt hoc loco Panorm. not. 1. & Ant. Eutrius q. 1. qui & alio suæ artis peritos in eādē sententiam accersunt. Ceterum Bened. 12. in Constit. Canon. Reg. tit. de Capitulis prouincialibus faciendis, de quadriennio in quadriennium huiusmodi Capitulum celebrare instituit. Ipseq; circa hanc dubitationem his verbis suam mentem explicuit, dicens; Quod autem præmittitur de prouinciali Capitulo, de quadriennio in quadriennium celebrādo, ad cuiuslibet hæsitationis scrupulum amputandum, ad sanum referri volumus intellectum: vt scilicet, cū vno anno prouinciale Capitulum fuerit celebratum, duobus futuris annis proximis ab illo valeat abstinere, in alio anno immediatē sequenti omninò celebrando. Ad prædictum autem Capitulum omnes iam enumeratī Prælati, tam exempti, quàm non exempti, vt glosa hic ait, quod probat ex cap. sequenti. §. si verò. & idem ait Ant. Butrius nu. 12. conuenire tenentur, nisi legitimum impedimentum habuerint, vt infirmitatem, vel aliud id simile. Dum autem refert, atque enumerat textus Abbates, & Priores Abbates proprios non habentes, manifesta luce ab hac conuocatione excipit, expellitq; illos Priores, & Abbates, qui habent patres Abbates, de quibus fit mentio cap. vlt. de Regularibus. At verò Bened. 12. præter iam enumeratos Prælatos, qui ad Capitulum prouinciale cōuenire tenentur, etiam connumerat Priores Ecclesiarum Cathedralium, & Procuratores Prælatorum prædictorum, & Procuratorē Ecclesiæ, vel monasterij vacantis. Pœna autem absentium contumacium ab eodem præscribitur nempe condemnatio in expensis, quas facturi erant, in vtilitatem ipsius prouincialis Capituli conuertendis. Et potest aliàs contra eos procedi.

- 3 Ius autem Episcoporum saluum conseruādum est in visitationibus, procuracionib. & correctionib. vt glosa exposuit. Sed vt alij inquirūt, per hoc in nullo eneruatur iurisdictio Episcopi. Qui potest etiam pluries, quàm de triennio in triennium visitare, & synodum tenere. Deum locus Capitulo celebraudo aptus, censetur monasterium, habita ratione distantiz, quo ad omnes, qui cōuenire tenentur. Sed Bened. 12. loco citato expressit huiusmodi locum aptum, videlicet monasterium aliquod eiusdē Religionis, si in eadem existat prouincia; alioquin enim

enim locum congruū, & securum eligendi voluit. Congruus quidem erit iudicio nostro, si hospitij, alijsq; victui necessarijs abundet: securus verò, si iter peragendum à latronibus, homicidisq; ab alijs huiusmodi iniuriarū illatoribus sit liber. In eoq; loco summa libertate Capitulū peragi possit, nihilq; iniuriarum, aut calamitatis formidandū sit.

4 Dubitatiuncula tamen non contemnenda hic excitatur; An soli Prælati iam enumerati ad Capitulum provinciale convenire teneantur, in eoq; celebrando vocem habeant definitivam, & subscribendi auctoritatem? an fortè etiam ipsa monasteriorum capitula, vel ipsorū legitimi Procuratores sint etiam convocandi, & definiendi, subscribēdiq; eandem cum ipsis Prælati potestatem habeant? Nam si soli Prælati absque Capitulorū assensu, & comprobatione negotia finire, statutaq; condere tentauerint; Capitula monasteriorum pro more suo conquerentia, Prælatos ipsos, suspectos, iniquosq;, & inhumanos iudices existimabunt. Equidem post adhibitam aliquantulam investigationem, nullum hæcenus doctorem inuenire potui, qui hanc litem vel dirimeret, vel attingeret. ea forte de causa quòd in Prælatorum favorem res esset compertissima. Quam proinde discutiendā viris peritioribus prudens missam facio. Quid tamen ea in re sentiam, modestissimè dicam. Opinor enim in Capitulo provinciali solos iam numeratos Prælatos admittēdos esse ad negotia tractanda, definienda, cōcludenda, & subscribenda, procuratoribus monasteriorū foras exploris. Prima quidem nostra ratiuncula hæc est, quòd Innoc. 3. in præfenti cap. In singulis. Abbates tantum, & Priores Abbates proprios non habentes commemorat, dicens; Commune Capitulum Abbatum, atq; Priorum Abbates proprios non habentiū; nulla facta Capitulorum mentione. Igitur Capitulorum Procuratores admittendi non sunt. Secunda ratiuncula est, quòd Bened. 12. loco citato hanc constitutionem Innoc. 3. referens, & explicans, solos Abbates, & prædictos Priores, Abbates proprios non habentes, & Priores Ecclesiarū Cathedralium, & Procuratores Prælatorum prædictorum, & Procuratorem Ecclesiæ, vel monasterij vacantis, convocandos esse, & convenire teneri decernit; nusquam tamen Capitulorū meminit. Capitulorū igitur Procuratores ad supradicta munera obeunda in Capitulo provinciali admittendi non sunt. Tertia ratiuncula est, quæ insignem absurditatē explicat, & detegit. Nam si Capitulorū Procuratores æqualem cum suis Prælati potestatem in definiendo, statuendoq; haberēt; subditos, & inferiores suis Prælati, & Superioribus cōquaremus, cum tamen longè aliud sit capitis, quàm ceterorum membrorum munus. Facilis etiam via sterneretur ad impediendam Capitulorum re-

formationē, ad excitanda schismata, ad diffeminanda dissidia: suffragiorum. n. vocūq; numerus vtrinq; par esset, & equalis; nihil igitur boni perageretur, sed vniuersus ordo miserere cōturbaretur. Est etiā, & vltima illa ratio nō negligēda, quod in Cōcilijs provincialibus Episcoporum, quasi ancipiti Marte hac de re certatum est à Canonicis Cathedralibus, adiunctis etiam Regularibus Abbatibus, & Prioribus. Sed tandem à tanto munere ab Episcopis reiecti, & deturbati fuerunt. Nec hactenus Romæ scēlicem exitum sunt consequuti. Cuius rei ego ipse testis sum oculatus. Admittuntur tamen Abbates, & Priores iurisdictionē Episcopalem habentes, vt constat in recenti Concilio Toletano. Quare quidā Neotherici decernūt, Capitula nō admitti in Cōcilijs provincialibus ad decidendum, sed ad absidendum, & tractandū, habent enim solum votum consultiuum, non decisiuū, secundum Abbatē in cap. finali, de his, quæ fiunt, à Præl. sine consen. cap. Idem quoque definitum est in actis Cōcilij provincialis Cameracensis sub Maximiliano Archiepiscopo his verbis; Quibus lectis Reuerendissimus dominus Archiepiscopus declarauit, ex consilio etiam iurisperitorum, sibi, & coepiscopis suis comprouincialibus duntaxat competere; in statuendis istiusmodi decretis vocem definitiuam, & decisiuam. Capitulis autem cathedralibus, & reuerendis dominis Abbatibus, alijsq; Religiosorum Ordinibus vocem concedi consultiuam: ac omnibus ad Concilium prouinciale conuocatis, & comparētibus liberā fecit quidnis proponendi potestatem: vt omnibus per patres bene perpenſis, concludatur per ipsos patres, prout negotij qualitas postulabit. Bene igitur secum actum esse Capitula sibi persuadeant, si sui legitimi Procuratores in Capitulo prouinciali querimonias, aut alia vtilia negotia proponentes audiantur.

- 5 Secunda ipsius textus pars sic habet. Hoc adhibito moderamine, vt nullus eorum plusquam sex euectiones, & octo personas adducat, &c. Hic vnum illud sciendum esse puto ex Panor. not. 2. Inter duas equitaturas duci posse famulum pedestrē: nam vt hic vides, potest quisque eorum ducere sex euectiones, idest equitaturas, & octo personas. In equitaturis verò computatur equus ipsius Abbatis, sed in numero octo personarum non computatur persona sua. Quia textus dicit, quod quisque potest adducere octo personas. Et sic erunt nouem personæ, & octo equitaturæ. Quod annotari solet, vt explicetur, Episcopo visitanti licere ducere, præter sēssores equorum, vnum seruientem pro duobus equis. Illud etiam hic adiiciendum, hoc moderamen ab Innocentio fuisse adhibitum ad imminuendas monasteriorum, Prælatorumq; expensas, & vanam pompam fugiendam: id quod apertius Be-

medietas 12. nullo equorum, famulorumq; præfixo, aut limitato numero explicuit, iubens, ne ad provincialia Capitula venientes, secum ducant, vel duci faciant, seu permittant euectiones, seu familiares nimium superfluos, seu quomodolibet excessiuos, non rixolos, nec turbulentos. Sed numero euectionum, & familiarium statui cuiuslibet eorum congruo sint contenti.

6 Tertia pars textus sic ait. Aduocent autem in huiusmodi nouitatis primordiis duos Cisterciensis ordinis vicinos Abbates, ad præstandū sibi consilium, & auxilium opportunum: cum sint in huiusmodi Capitulis celebrandis ex longa consuetudine plenius informati. Qui absq; contradictione duos sibi de ipsis associent, quos viderint expedire: ac ipsi quattuor præsent Capitulo vniuerso: ita quod ex hoc nullus eorū sibi auctoritatem Prælationis assumat. Vnde cum expedierit prouida possint deliberatione mutari.

7 Primum itaque à Communi Capitulo Abbatum, & Priorum, qui ad provinciale Capitulum cōuenerunt, aduocādi sunt duo vicini Cistercienses Abbates; nō qualescunque, sed doctiores, & peritiores, ut Præsidentium munere in ipso Capitulo dignè, vtiliterq; fungantur. At verò alij opinantur nō esse hodie necessarium alienos Abbates accersere, cum proprii Prælati sint ad hanc curam gerendā satis instructi. Quam opinionem si non probaueris, nihil pugno: illud tamen certo scio Concilium Trid. sess. 25. in decr. de reg. c. 8. id tantum præcipere, ut certæ Regulares personæ in Capitulo huic muneri deputentur; cui consonat Bened. 12. loco citato, volens à Sede Apost. primā vīce præfides deputandos esse; postea verò ab ipso Capitulo semper eligendos. Ceterum post ipsa primordia quid agendum sit, Innoc. explanauit: videlicet à toto Capitulo, vel maiore eius parte eligēdos esse quattuor Abbates, vel Prælatos de ipso Capitulo. Nam ut Ant. de Butrio annotauit, capita ipsorū Religiosorum, qui Capitulo provinciali præsent, quandoque appellantur Priores, quandoque Abbates. Cum verò textus inquit, à Cisterciensibus Abbatibus duos sibi de ipsis esse associādos, intelligēdū est de ipsis Abbatibus, vel Prioribus eiusdē Ordinis, qui ad Capitulū Prælatorū conuenerunt. Ad nutum tamen Capituli provincialis mutari poterunt; ne prælationis ambitione rapti, sequentibus trienniis inuito etiam Capitulo præsidere velint, & contendant. Voluit tamen Bened. 12. Præsidentium potestatem ab vno provinciali ad aliud provinciale Capitulum perdurare.

Quarta textus pars sic inquit; huiusmodi verò Capitulū aliquot certis dieb. cōtinuè iuxta morē Cisterc. Ord. celebretur: in quo diligens habeat tractatus de reformatione Ordinis, & obseruātia regulari, &c.

Explicat

9 Explicat hoc loco Summus Pontifex temporis spaciū, quod in celebrando Capitulo infumendum est, quod quidem quamuis illimitatum, sed absque interruptione continuum reliquerit, perlongum tamen esse noluit, sed prouida breuitate tractandum, quā illa verba manifestē significant, videlicet aliquot certis diebus, idq; ad euitādos immodicos sumptus, & ad Prælatorum in suas ecclesias regressus procurandos. Præterea, quæ illic agenda, tractandaq; sint, breui exposuit, videlicet de reformatione, & obseruantia regulari, quæ duo quamplurima ad rectum monasteriorum regimen spectantia complectuntur. Ad Concilium Tridentinum loco citato id pluscū extendit, dicēs: De modo, & ordine de prædictis congregationibus erigendis, ac statutis in eis exequendis esse deliberandum, & statuendum. Neotherici tamen quidam doctores rectē admonent, id quoque in Capitulo prouinciali esse curandum, vt illud seruetur, quod alias statutum est, quod generaliter, seu specialiter obseruari præceptum erat.

10 Quinta pars textus est huiusmodi: Et quod statutum fuerit, illis quattuor approbantibus, inuiolabiliter obseruetur, omni excusatione, & contradictione, & appellatione remotis, &c. Pauca quædam hic ex Panor. accipienda sunt. Primum, Prælati vnus prouinciæ simul ob legitimam causam conuenientes, faciunt vnā vniuersitatem: licet quilibet in ecclesia sua faciat collegium cum suo Capitulo. Secundo, certus ordo religiosorum potest facere statuta ligantia singulos de illo ordine. Quo fit, vt religiosi non solum arctentur ad viuendū secundum regulam, sed etiam secundum statuta totius ordinis. Eandē rationem sequutus Bened. 12. decernit, vniuersos Prælatos, administratores, atque canonicos, siue simplices, siue beneficiatos, idq; tam exemptos, quā non exemptos, dictorum Capitulorum prouincialium districtiōibus, correctionibus, & ordinationibus subijci, & ipsis astringi, eosq; ad obseruationem illarum fore per Præsidentes, seu alios, ad quos pertinuerit, compellendos. Tertio, quamuis glossa hic sentiat, maiorem horum Præsidentium partem ad validitatem actus sufficere, Ex hac tamen littera apertē constat, vnius contradictionem impedire omnes, vt nihil validē statuatur. Ait enim tex. illis quattuor approbantibus. Et dilucidius multo id manifestat littera in. §. si verō: dum inquit, ceteris irrefragabiliter obseruatis, quæ concordī fuerint deliberatione prouisa. Id autem concorditer fieri iure dicitur, quod fit nemine discrepante. Sed nec nobis huius rei ratio deest. Hi. n. quattuor Præsidentes sunt loco vnus, eamq; potestatem habent ex dispositione quodammodo extraordinaria; ob idq; Pontifex voluit omnes esse cōcordes. Quare vnus contradictio totum inficit actum. Longē tamē

alia ratione sentiendum est de contradictione minoris partis totius Capituli, seu Concilij: illic, n. plurium dispositioni standum est. Quarto ex glossa dicente, inquisitio hæc fit causa correctionis, & reformationis; quare locum non habet appellatio, nisi forsitan modus excederetur; nec etiam recusare possunt. Cum enim eos elegerint, eorum personas approbauerunt, nisi ex noua causa superueniente. Quia iusta recusatio nulli est deneganda. Quare, vt inquit Panor. omnes Præsidentes alicui Concilio, seu Capitulo, possunt vt suspecti recusari ex causa legitima. An verò totum Capitulum recusari possit, præsertim propter Præsidentes suspectos, hic non definiuit Panor. Alij tamen hoc loco sic sentiunt, quòd si quispiam à principio contradiceret Capitulo, & iustam causam ostenderet, audiendus esset.

11 Sexta pars sic sequitur. Prouiso nihilominus, vbi sequenti termino debeat Capitulum celebrari, &c. Bened. autem 12. sic ait. Eligat quoque tam locum, in quo alia vice proxima huiusmodi Capitulum fuerit celebrandum: quam eos, qui Præsidentes esse debeant in eodem.

12 Septima pars sic habet; vt qui conuenerint, vitam ducant communem, & faciāt proportionabiliter simul omnes communes expensas: ita quòd non omnes poterunt in eisdem, saltem plures simul in diuersis domibus commorentur, &c.

13 Vitam quidem communem in Capitulo annuali ducendā esse duxit. Bened. 12. Verbum autem, proportionabiliter, glossa exposuit, idest pro numero personarum, & secundum facultates cuiuslibet, sicut in naui fit collatio secundum proportionem, & æstimationem rerum. Vt enim inquirunt nonnulli, non esset proportionatum, si tantum solueret, qui ducit tres equos, quantum qui ducit sex.

14 Deinde sequitur octaua pars. Ordinentur etiā in eodē Capitulo religiosæ, ac circumspectæ personæ, quæ singulas abbatias eiusdē regni, seu prouinciæ, non solum Monachorū, sed etiā Monialium secundum formam sibi præfixam, vice nostrā studeant visitare; corrigentes, & reformatantes, quæ correctionis, & reformationis officio viderint indigere: ita quòd si Rectorem loci cognouerint ab administratione penitus amouendum: denuncient Episcopo proprio, vt illū amouere procuret. Quod si nō fecerit: Visitatores hoc referāt ad Apost. Sedis examē, &c.

15 Quædam non leuis momenti hic consideranda sunt circa horū Visitorum iurisdictionem, & potestatem. Primum enim visitare possunt abbatias omnes, tam exemptas, quàm nō exemptas; vt glossa infert ex verbis illis, singulas abbatias eiusdē regni, seu prouinciæ: Sanctimonialium autem textus meminit, nam & ipsæ visitatione indigēt. Visitandi autem potestatem restrinxit ad formam sibi præfixam, idest
ordina-

ordinatam, & traditam in Capitulo prouinciali. Corrīgenda autē, re-
formādaq; sunt, quæ correctionis, & reformationis officio, viderint in-
digere; scilicet circa spiritualia, & temporalia; Hoc vno excepto, quod
Monachos ipsi non corrīgunt, sed à suis Prælatis corrīgi faciant. Secun-
do notandum, quod Capitulum prouinciale, vel Visitatores ibi electi,
non habent potestatem deponendi aliquem Abbatem, vel Rectorem
à prælatura, vt asseuerant hic Panormitanus, Innocētius, & alij ex hoc
textu dicente: Denunciēt Episcopo proprio, vt illum amouere procu-
ret, vel referant ad Apostolicæ Sedis examen. Tantundem traditur
in cap. sequenti. Tertio notandum, quod licet variæ ferantur opinio-
nes in explicādo, an hi Visitatores habeant iurisdictionem ordinariā,
an verò delegatam? Sequenda tamen est Panormitani sententia, qui
asserit hos Præsidentes Capituli prouincialis habere potestatem ordi-
nariā, ratione & auctoritate huius constitutionis à Sede Apostolica
dimanātis. Id quod profectò & illa glossa in verbo, illis quattuor, ma-
nifestè docuit. Est autē iurisdīctio ordinaria, quæ lege confertur; sed
ij Visitatores habēt potestatem delegatam à Sede Apostolica. Quod
quidem manifestant verba illa, vice nostra. His enim verbis datur de-
legata potestas. Ex iure enim communi quodlibet monasterium sub-
ijcitur Episcopo, licet hodie iure speciali multa monasteria sint exē-
pta, habentia patrem Abbatem, vel Priorem conuentualem loco Epis-
copi. Delegatus autem dicitur, qui iudicat alieno iure. Hinc fit, vt
ijdem Visitatores, quoniam potestatem à Sede Apostolica habent,
etiam exemptos visitare possint.

- 16 Oritur tamen grāuis contentio; An ex hac Visitatorum functione
Episcopo loci detrimentum aliquod, vel præiudiciū inferatur? Pri-
mā quidem responsio esse posset, nullum damnum Episcopo propte-
rea adferri. Cū superius iam sit appositum, saluum ius Diocesano-
rum esse seruandū. Visitatores autem tunc demum corrīgunt,
cū Episcopus negligens fuerit. Alioquin. n. quorsum tam multiuiga
visitatione monasteria sunt aggrauanda? Item Episcopi iurisdīctio
vsiurparetur. Vt autem Episcopus iure negligens censeatur, prius ad-
monendus erit. Verior tamen est responsio secunda glossæ in verbo,
vice nostra. Nempe huiusmodi Visitatores absque vlla priori admoni-
tionē visitare posse, idq; sibi licere. Nam in negotijs Religiosorum
peritiores sunt, atque doctiores Regulares Visitatores. Episcopi autē
ius sat illæ sū cōseruatur, si à Visitoribus Episcopo denunciatur, qui
remouendus erit, vt illum amoueat. Si tamen Episcopus vellet visita-
re locum; ipsi Regulares Visitatores præponerētur Episcopo. Vide-
retur enim Episcopus hoc malitiose facere ad impediendam visita-
tionem.

tionem. Monasteria verò exempta sine aliqua distinctione Regulares Visitatores visitabunt. Imò, non obstante Episcoporum visitatione, ipsi suum officium exercebunt. Vt manifesta luce hic. §. porro. traditur, & decernitur. Hanc glossæ opinionem & magnificat, & amplectitur Panor. nu. 7. Ceterum quamuis à quibusdam limitetur hæc sententia, nisi Episcopus prius visitare incepisset, perdocte tamen inquit Host. honestum esse, vt Episcopus cedat huiusmodi Visitoribus, cū è longinquis partibus venientes, sine grauamine suam visitationem differre non possent. Ipse autem Episcopus ad alium locum suæ diocesis declinare poterit. Est etiam & altera ratio, videlicet quòd Visitores Regulares, cū sint Papæ delegati, Episcopo sunt præponendi, vt asserit Panormitanus.

17 Sequitur nona pars; Hoc ipsum Regulares Canonicos secundum ordinem suum volumus, & præcipimus obseruare. Hoc autem ea ratione præceptum est, quòd cū Canonici Regulares verè perfecti; sint Religiosi, ac secundum regulam sancti Augustini solennem Religionis professionem emittant, cur miraberis, si eandem aliorum Religiosorum legem subire iubeantur? Hac sanè de causa Bened. 12. luculentas, copiosasq; Canoniorum Regularium Constitutiones edidit: In quorum titulis, de Concilio prouinciali, & de Visitoribus, hæc duo Capitula, in singulis. Et, eaq; , exactè, pleneq; Canonicis Regularibus adaptauit, &c.

18 Decima pars textus sic habet: Si verò in hac nouitate quicquam difficultatis emerferit, quòd per prædictas personas nequeat expediri; ad Apostolicam Sedem iudicium absque scandalo referatur: ceteris irrefragabiliter obseruatis, quæ concordati fuerint deliberatione prouisa, &c. Hunc locū, cū quicquam difficultatis emerferit, quidam exponunt, quòd concernat diuersitates, si quæ occurrerint in Capitulo inter Præsidentes, vel post Capitulum inter Visitores. Et quidem quo ad Præsidentes, iam diximus, omnium ipsorum quattuor necessariam esse concordiam, & consensionem. Quo ad Visitores autem, tunc tantum recurreretur ad Papam, quando pari numero Visitores discordauerint.

19 Vndecima pars est: Porro diocesani Episcopi monasteria sibi subiecta ita studeant reformare: vt cū ad ea prædicti Visitores accesserint, plus in illis inueniant quòd commendatione, quàm quòd correctione sit dignum; attentissime præcauentes, ne per eos dicta monasteria indebitis oneribus aggrauentur: quia sic volumus Superiorum iura obseruari, vt inferiorum nolimus iniurias sustinere, &c. Perpendenda est glossula asserens, hinc patere, quòd Visitores præ-

dicti visitare possint, etiam si Episcopi non fuerint negligentes.

- 20 Ultima huius textus pars sic consequitur: Ad hoc districte præcipimus tam diocesani Episcopis, quam personis, quæ præerunt Capitulis celebrandis, vt per censuram ecclesiasticam, appellatione remota, compescant aduocatos, patronos, vicedominos, rectores, & cōsules, magnates, & milites, seu quoslibet alios: ne monasteria præsumant offendere in personis, aut rebus. Et si forsitan offenderint, eos ad satisfactionem cōpellere non omittant: vt liberius, & quietius Deo valeant famulari. Vbi glossula inquit, ne inde nascatur iniuria, vnde iura nascuntur.

- 21 Hic vnum primum illud notandum est? Ex Panormitano, quòd ratione offensæ commissæ contra Ecclesias, vel personas ecclesiasticas, seu res ipsarum, possunt Episcopi exercere iurisdictionem in laicos. Et idem dicendum in Præsidentibus ipsi Capitulo: sed Episcopi id faciunt iure proprio: Præsidentes verò auctoritate Papæ secundum doctores, idq; rectè. Ex quo infertur omnia monasteria habere indirectè Conseruatores perpetuos. Idem prorsus concessit Bened. 12. loco citato. Eandem cum Panormitano habent sententiam Innocentius, & Antonius de Butrio nu. 11. dicentes, non solum Diocesano, sed etiam Præsidentes Capitulis iurisdictionem habet super illis, qui monasteria in rebus, aut personis offendunt. Vnde dicebat Hostiensis, quòd Monachi habent conseruatores, de quorum potestate habemus hodie in cap. 1. & fin. de off. deleg. in 6. Cumq; offensæ fieri possit in rem, & in personam, appellatione offensæ comprehenditur etiam offensæ in personam, & in rem. Negotiumq; existimatur ecclesiasticum, non solum ratione personarum, sed etiā rerum. Perspicuè igitur quidam ex Host. asseuerant, monasteria habere Cōseruatores generales, & perpetuos à Sede Apostolica datos. Quamuis nostris tēporibus difficile, nisi ad tempus obtineantur. Hæc etiam prouincialium Conseruatorum iurisdicção, corroborata denuò, confirmataq; videtur vi Cōcilij Trid. quod cap. 8. de regularibus, congregationum erectionem, iuxta hoc Capitulum in singulis constituit, & innouat. Item aduerte in textu nomine Magnatum, Reges, Duces, Marchiones, & Comites, & alios Principes seculares esse intelligendos. Omnes ergo seculares potestatem habentes, quicunque sint, coercendi sunt.



VT autem maiorem rei propositæ lucem inferamus, ipsam Constitutionē Bened. 12. hic inserere nō grauabimur. Ea autem sic exorditur. Constitutionem insuper Concilij generalis de communi Capitulo Abbatum, atque Priorum, Abbates proprios non habentium, in singulis regnis, siue prouincijs faciendo, volentes exacta diligentia obseruari. Statuimus, quod in Religione prædicta in singulis prouincijs per nos designatis inferius, & distinctis, fiat in loco, qui ad hoc fuerit deputatus, de quadriennio in quadrienniū, saluo iure Diocesano, commune, seu prouinciale Capitulum Abbatum, Præpositorū, Priorū, cæterorūq; Prælatorū, Abbates, seu alios Prælatos Superiores eiusdem Religionis non habentium; necnon Præpositorum, Priorum, vel aliorum maiorū in ecclesijs Cathedralibus post Antistites existentium, ac post ipsos Antistites regularem curam Canonicorū habentium, quocunque nomine censeantur, nuncupentur, siue prænominati, exempti, siue non exempti existant.

Ad quod vniuersi conueniant, impedimentum Canonicum non habentes dictā constitutionem circa præfatum prouinciale Capitulum, & alia in ea tam prouide, quā salubriter instituta, in religione præfata irrefragabiliter obseruantes. Qui verò ad præfatum Capitulū personaliter venire nequiverint, legitime impediri, ad allegandum causam impedimenti huiusmodi, & probandam, necnon ad recipiendum ordinationes, seu statuta, atque mandata in dicto Capitulo facienda, ac si idem taliter impeditus, personaliter præsens esset, concanonicum suum eiusdem ecclesiæ, monasterij, siue loci, si commodè fieri possit, alioquin aliam personam idoneam cum sufficiente mandato, causam impedimenti huiusmodi continente, & potestatem etiam in animam constituentis eiusdem iurandi, causam huiusmodi veram esse, ad dictum Capitulum mittere teneantur: personæ verò, quæ præfuerint huiusmodi prouincialibus Capitulis celebrandis, quarum potestatem de vno prouinciali ad aliud prouinciale Capitulū volumus perdurare, arbitrentur, & decernant, an excusationum causæ dictorū non venientū ad Capit. veræ, & sufficientes, vel insufficientes existant, à quorum arbitrio, seu decreto sup hoc nulli appellare liceat, vel etiā reclamare.

Non venientes autem ad dictum Capitulum legitimo impedimento cessante, aut cum subest impedimentum, procuratorem ad illud cum sufficiente mandato, vt præmittitur, non mittentes; teneantur expensas, quas facerent in veniendo ad dictum Capitulum, morando, & redeundo

deundo facturi,iuxta Præsidentium dicto Capitulo, seu maioris partis eorum arbitrium extimandas, in termino per ipsos Præsidentes statuendo, de bonis suæ administrationis persolvere, in vtilitatem ipsius prouincialis Capituli conuertendas, super quibus nulli in totum, vel in partem gratia fieri valeat, vel remissio indulgeri.

- 4 Possint etiam dicti Præsidentes eorundem, ad earum solutionē per censuram ecclesiasticam auctoritate Apostolica coercere, suosq; processus, & sententias publicare, seu facere publicari in locis dictæ Religionis, prouinciæ tñ eiusdem: & nihilominus alias contra nō venientes præfatos, maximè siue correctionē euitent, siue vt nesciatur status ecclesiæ, vel monasterij eorundem, vel alias malitiose se subtrahāt, prout dictis Præsidentibus, seu maiori parti ipsorum visum fuerit procedatur.
- 5 Circa Præsidentes verò, ac Visitatores in eisdem Capitulis deputandos, & alia quæq; in eis exequenda, illa seruentur, quæ in eisdem generalis Concilij, & felicis recordationis Honorij Papæ tertij prædecessoris nostri Constitutionibus expressius continentur, prout statui, & religioni congruit eorundem, seruatis tamen statutis, ordinationibus, & adiectionibus nostris supra, & etiam infra scriptis.
- 6 Ad hæc decernimus, Abbates, Priores, Præpositos, ac maiores præfatos, capitula, conuētus, cunctosq; Canonicos ecclesiarum, & monasteriorum Religionis eiusdem, etiam si in ipsis ecclesijs, vel monasterijs, siue extra ea, vbicunq; prioratus, officia, vel administrationes habuerint, seu moram traxerint, tam exemptos, quàm non exemptos dictorum Capitulorum prouincialium districtiōibus, correctionibus, & ordinationibus subijci, & ipsis astringi, eosq; ad obseruationem illarum fore per Præsidentes, seu alios, ad quos pertinuerit, compellendos. Decernimus etiam, quoscumque dictarū ecclesiarum, & monasteriorum, vel aliorum locorū Religionis eiusdem Canonicos, beneficia obtinentes, ad contribuendum in expensis moderatis, & rationabilibus per Capitulū annuale Religionis eiusdem immediatè præcedens taxandis, secundum suarum exigētiam facultatum, quas dicti conuētus facient, ad dicta Capitula eundo, morando, & redeundo.
- 7 Imposita tamen dictis conuentibus secundum suarum exigentiam facultatum de dictis expensis congrua portione fore per eosdem cōuenientes auctoritate Apostolica per remedia opportuna, sublato appellationis obstaculo, compellendos: ordinarijs locorum exemptis, & non exemptis districtius iniungentes, quòd nullum prædictis impedimentum apponant, seu apponi permittant, sed legitimè requisiti, ea faciāt exequutioni mādari, & inuiolabiliter obseruari.
- 8 Quòd si fortè tempore, quo imminebit prouinciale Capitulum celebrandum,

lebrandum, contigerit ecclesias Cathedrales Religionis eiusdē care-
re maioribus Prælatiſ, vel monaſteria, ſeu loca Religionis eiſdē ſuis
vacare, ſeu carere paſtoribus; qui ſi aſſent, aſtricti forent ad conue-
niendum in prouinciali-Capitulo memorato, Capitula eccleſiarum, ſeu
conuentus monaſteriorum, aliorumq; locorum conuentualium, teneā-
tur perſonam ſufficientem de gremio eorundem, ſi commodē fieri
poſſit, alioquin aliundē transſmittere ad huiusmodi Capitulū celebrā-
dum, ad faciendum, & implendum omnia iuxta arbitrium Præſiden-
tium, quæ facere poſſent, & tenerentur Prælati, ſeu maiores præſati,
ſi venirent ad dictū Capitulum, & in eo perſonaliter intereſſent.

Quod autem præmittitur de prouinciali Capitulo de quadriennio in
quadriennium celebrando, ad cuiuslibet hæſitationis ſcrupulum am-
putandum, ad ſanum referri volumus intellectum. Vt ſcilicet cum vno
anno prouinciale Capitulum fuerint celebrandum, duobus futuris
annis proximis ab illo valeat abſtineri, eo in alio anno immediate ſe-
quenti omnino celebrando.

Huiusmodi verò commune, ſeu prouinciale Capitulum, apud
vnum de monaſterijs Religionis eiſdem, ad hoc aptum, ſi in eadem
exiſtāt prouincia, debet celebrari. Alioquin celebretur in loco alio
congruo, & ſecurō, de quo, ac die primi Capituli huiusmodi celebrā-
di, & alijs ad hæc facientibus opportunē prouidebunt illi, qui ſuper
hoc per Sedem Apoſtolicam deputati fuerint prima vice. Et vt ſuper
eodem Capitulo, & per illud ex tunc in poſterum rationabilis ordina-
tio habeatur, in dicto Capitulo primitus celebrando, & in alijs etiam
per ſucceſſiones temporum ſimiliter celebrandis, Præſidentes eiſdē,
ſeu pars maior eorum prouideāt, & ordinare procurent, per quem in
ſequenti Capitulo ſermo fieri, Miſſæq; debeat celebrari.

Eligant quoq; tam locum, in quo alia vice proxima huiusmodi Ca-
pitulum fuerit celebrandum, quam eos, qui Præſidentes eſſe debeant
in eodem. Prouideant etiam, qui Abbates, quiuē Præpoſiti, ſive alijs
ex eiſ, qui ad ipſum Capitulum venire teneantur. quæ, & quot, & quo-
tiens eccleſias cathedrales, monaſteria, & alia loca Religionis eiſdē
debeāt vſq; ad aliud proximū ſequens prouinciale Capitulū viſitare.

Ceterum prohibemus, ne venientes ad prouincialia, ſeu annualia
Capitula ſecum ducant, vel duci faciant, ſeu permittāt euectiones, ſeu
familiares nimium ſuperfluos, ſeu quomodolibet exceſſiuos, aut ta-
les, de quibus præſumi valeat, quod alicui ad ipſa Capitula venienti,
aut in eiſ moranti, vel de illis redeunti, aut eccleſijs, monaſterijs, priō-
ratibus, vel alijs locis eorum inferant per ſe, vel alios, in perſonis, vel
rebus, iniuriā, vel offenſam, vel quod in aliquo de dictis capitulis, aut

in ecclesia, vel monasterio, siue loco, quibus illa contigerit celebrari, scandalum suscitare, vel turbationem facere, seu discordiam, vel contentionem mouere, verisimiliter præsumatur, sed numero euectionū, & familiarum statui cuiuslibet eorum congruo, sint contenti.

- 12 Si quis autem eorum scienter, & ex proposito duxerit, vel tenuerit aliquem, vel aliquos ad inferendum iniuriam, vel offensam huiusmodi, vt turbetur, vel impediatur imminens Capitulum, vel aliquem, seu aliquos ad hæc cōuocauerit, & ob hoc turbatio, seu impedimentum, secuta fuerit, vel secutum: necnon quicumque alius de personis Religionis eiusdem consentiens in præmissis extiterit, præstando auxiliū, vel fauorem, scienter, & ex proposito, vt præmissum est, excommunicationis incurrat sententiam ipso facto.

- 13 Eandem quoque excommunicationis sententiam, quicumque Religionis præfatæ per se, vel alium impediuerit malitiosè, scienter, & ex proposito, quominus dicta Capitula prouincialia videlicet, & annualia, & eorum quodlibet valeant celebrari, aut propterea præsumpserit euntes ad illa, vel aliquot eorundem; vel in eis morātes, seu de ipsis redeuntes capere, seu capi facere, seu captos detinere, aut impedire, vel eis, aut eorum familiaribus in personis, vel rebus inferre dānam, iniurias, vel offensas, necnon quicumque ipsius Religionis, qui ad hoc ne fiat, aut impediatur visitatio, malitiosè, & ex proposito prædicta, vel eorum aliquod per se, vel alium commiserit in personis Abbatum, Priorum, vel aliorum proprios subiectos visitantium, vel in personas Visitorum, qui in prouincialibus Capitulis, aut per Abbates, seu Prælatos alios fuerint deputati, vel familiarium eorundem, aut in bonis eorum, dum tamen propter hoc visitatio huiusmodi fuerit impedita, ipso facto incurrant.

- 14 Præsidentes autem prouincialibus, & annualibus Capitulis prælibatis, & eorum quilibet, postquam simpliciter, & de plano eis cōsiterit, aliquem ex prædictis præfatā excommunicationis sententiam incurrisse, ipsum excommunicatum per omnia eiusdem Religionis loca vicina, de quibus eis videbitur; tam diu solenniter publicent, & faciāt ab alijs auctoritate Apostolica publicari, eos ad hoc per censurā ecclesiasticam, appellatione postposita, compellendo, donec excommunicatus huiusmodi condignam super hoc satisfactionem impenderit, & absolutionis beneficium meruerit obtinere. Possint autem ab huiusmodi excommunicationis sententia, congrua satisfactione præmissa, absolui per Præsidentes dictis prouincialibus Capitulis, & quemlibet eorundem, quorum offensa concernet eorum prouinciale Capitulum, aut per Visitatores deputatos ab eo; illi verò quorū offensa respiciet
annuale.

annuale Capitulum, per Prælatos, qui huiusmodi annuali, seu annualibus Capitulis præfuerint, aut per ipsos Prælatos visitantes, seu per Visitatores deputatos ab eis, congrua satisfactione præmissa, absolui valeant. Nisi forsan offensa adeò grauis existeret, quòd super ea Sedes Apostolica meritò foret consulenda.

¶ Ut autem professores Religionis eiusdem quietius, & liberius valeant domino famulari, districtè præcipimus, tam Diocesani, quàm personis, quæ prouincialibus Capitulis præsidebunt, vt aduocatos, patronos, magnates, rectores, vicedominos, consules, milites, & quoscunque alios per censuram ecclesiasticam, appellatione remota, compescant, ne Cathedrales Ecclesias, monasteria, aut loca alia Religionis eiusdem præsumant offendere in personis, aut rebus eorum, eosq; si fortè eisdem offensas intulerint, ad satisfaciendum eis compellere nõ omittant. Vt autem de prouincijs, in quibus dicta prouincialia Capitula fuerint celebranda, distincta limitatio habeatur, ne de ipsis in posterum hæsitetur, quamlibet prouinciam, quo ad huiusmodi prouincialia tenenda, & celebranda Capitula, prout sequitur limitamus, &c.

¶ Nunc tandem suauius degustaturus es, quæ à concilio Tridentino de regularibus cap. 8. de erigenda congregatione traduntur.

¶ Sed vt iam rem finiamus, Basilius etiam in regulis fusiùs disputatis interrog. 54. docuit, Præpositos conuentuũ vicissim de his, quæ se cõcernunt, conferre inter se debere. Operepretium est enim, si statim interdum quibusdam temporibus, certisq; locis cõfessus celebretur eorum, qui fratrum conuentibus præsunt, in quibus videlicet, cum de rebus ijs, quæ sibi præter rationem acciderint, tũ difficilibus, etiam ad tractandum de naturis, aut moribus, & quomodo in singulis moderandis se gesserint, vicissim inter se communicent, & conferant. Quo videlicet, si aliquid aliquando minus rectè ab aliquo factum fuerit, id adhibita locuplete multorum sententia, maiore cum auctoritate quòd in medium adductum est, quale sit, iudicetur. Contraq; si quid rectè gestum, multorum similiter testimonio comprobetur.

De Visitorum prouincialium facultate, & munere. Cap. iij.



Amet si in explicando Capitulo, In singulis, nonnulla attigerimus de Visitorum officio: per pauca tamen illa fuerunt. Quare vberiori sermone hoc negotiũ perstringendum est. Methodus autem commodior erit, si succinctam Capituli, Ea, quæ de statu Monach. interpretatiunculam aggressi fuerimus, totus. n. in hac re Honorius 3. versatur. Capituli autè initiũ sic habet. Ea quæ, p Religionis honestate: & infra.

- 2 Porro cū Visitatores secundum statutum generalis Concilij ordinati à generali Abbatum Capitulo, processerint ad visitationis officium exequendum, de statu monasteriorum, & obseruantijs regularibus diligenter inquirant, & tam in spiritualibus, quàm in temporalibus corrigant, & reformat, quæ viderint corrigenda: ita tamē quod Monachos delinquentes, per Abbatem loci corrigi faciant: eisq; iniungi pœnitentiam salutarem iuxta B. Benedicti regulam, & Apostolica instituta; non secundum normam prauæ consuetudinis, quæ quasi pro lege in quibusdam ecclesijs inoleuit. Ipsi etiam Visitatores Monachos, quos cōtumaces inuenerint, & rebelles iuxta modum culpæ, vice nostra, regulari censura percellant, absque personarum delectu: nō parcendo rebellibus ob suam pertinaciam, vel potentiam amicorū, quin ouem morbidam eiciant ab ouili, ne inficiat oues sanas
- 3 Cū superiori capite, in singulis, cōstitutus fuisset modus, quo cōmune Capitulum de triennio in triennium debent Abbates, & Priores celebrare. In quo & Visitatores eligi, ordinariq; præcipiuntur. Idcirco in hoc capite de exequenda visitatione sermo suscipitur. Primo igitur loco de correctione Monachorum agitur. Nam de statu monasteriorum, & obseruantijs regularibus inquirendum est, & tam in spiritualibus, quàm in temporalibus correctio, reformatioq; est pertractanda. Primum igitur aduertendum, correctionem Monachorū principaliter spectare ad Abbatem proprium, non autem ad Episcopos, nisi in defectum Abbatum: glossa. n. inquit, correctio Monachi primo loco spectat ad Abbatem, ex traditis in cap. quanto. de officio ordinarij. Idq; in quantum agitur de correctione secundum regulam. Qui si negligens fuerit, deuoluitur potestas ad Superiorem, punieturq; ob negligentiam. Visitatores autem huiusmodi, teste Ant. Butrio, circa leuia tantum occupantur; ideoq; in monasterijs non exemptis, non possunt deponere Abbatem, nec suspendere: sed in exemptis possunt suspendere, & coadiutorem, seu administratorem dare. Depositionem verò Papæ reseruare debent, vt probatur in versiculo. Quod si Abbas, adiuncto versiculo. Hæc eadem. Ex quo fit, Episcopū non posse quidpiam in monasterijs exemptis exercere. Secundo, monachi corriguntur nō solum secundum eorum regulam, sed etiam secundum Canones. Ait enim textus, iuxta regulam, & Apostolica instituta. Canones ergo simpliciter loquentes, etiam ad Religiosos extenduntur. Vnde quamuis Visitatores non habeant potestatem corrigendi Monachos pro delictis, eam tamen habet pro contumacia, & rebellionem puniendi eos, vsque ad expulsionem à monasterio. Tertio, ex verbis illis, non secundum formam prauæ consuetudinis, aduerte, pœnā inductā à regulā, vel à iure cōi, alterari nō posse p cōsuetudinē, quā cōsuetudo est nimis praua: qualis illa est, quæ imponit vel leuē pœ-

nam, vel nimis acerbam. Nam in quibusdam monasterijs statim Monachi capiuntur, & more latronum carceri mancipantur: qua via eis fugiendi, aliq; mala committendi occasio subministratur. Hanc ergo consuetudinem noster textus reprobatur. Ex quo colligitur à contrario consuetudo non praua, & regulæ, & iuris communis pœnam alterare posse. Hæc Panormitanus.

- 4 Hæsitatio autem non praua circa Visitatorum potestatem hic subrepat. Cùm enim prius textus dixisset, Monachos delinquentes non à Visitatoribus, sed à proprio Abbate esse corrigendos: postea addidit. Monachos contumaces, & rebelles regulari censura percellendos esse, & à monasterio etiam abijciendos. Huic tamè quæstiuncula perdocte quidem satisfecerunt Butrius, & alij. Primum igitur ex Innocentio dicendum. Quòd Visitatores non possunt punire Monachos delinquentes: Quin potius Visitatores ipsi Monachorum delicta, si quæ inuenerint, Abbati loci deferre tenentur; qui & eos corrigere debet. Eoq; negligente à generali, idest prouinciali Capitulo sunt puniendi. Possunt tamen ij Visitatores punire Monachos contumaces, atque rebelles in visitationis officio. Vt si à Visitatoribus de monasterij, Monachorumq; statu interrogati, respondere noluerint: vel quando ipsi Monachi difficultates ingesserint, ne officij Visitatoris expleatur. Vel etiam tertio, si fuerint cõtumaces in suscipienda, explendaq; pœnitentia, qua Visitatoribus, denuntiatis ab Abbate corriguntur. Id quod ad conseruandâ potestâtē Visitatorum maximè necessarium est. Adiungitur autem in textu, absque personarum delectu. Nâ, ut inquit glossa, hic nō habet locum personarum distinctio, cùm omnes sint æquales, nec aliquis nobilis, vel potens censetur. Quoniam non habet propriam voluntatē. Vnde Panor. infert, in Religiosis seruandam esse æqualitatem respectu personarum, & respectu honorum monasterij: ægritudo quidem, & mala complexio per Religionis ingressum non mutantur, ideoq; cum huiusmodi hominibus delicatius agendum est. At verò potentia, & nobilitas, facta professione perduntur, vel ut verius loquar, deponuntur.

- 5 Secunda textus pars sic sequitur, Si verò Abbates in corrigendis iuxta Visitatorum mandatū, & regularia instituta se ipsi, seu Monachis inuenti fuerint negligentes, proclamantur, & corripiantur; & ita puniantur publicè in Capitulo generali, quòd pœna ipsorum sit alijs in exemplum. Quòd si Abbas non exemptus fuerit à Visitatoribus nimis negligens, & remissus inuētus, id loci Diœcesano denunciet sine mora: & per illum detur ei fidelis, & prouidus coadiutor vsque ad Capitulum generale. Si autem dilapidator inuentus fuerit, vel alias me-

rito amouendus, per Diæcesanos, postquam hoc sibi à Visitatoribus denūciatum fuerit, amoueaturs absque iudiciorum strepitu, à regimine abbatiæ; ac monasterio provideatur interim administrator idoneus, qui temporalium curam gerat, donec ipsi monasterio fuerit de Abbate prouisum. Quod si forsan Episcopus hoc adimplere noluerit, vel neglexerit, Visitatores, vel Præsidentes Capitulo generali, depositione ipsorum Sedi Apost. reseruata: ita ut Abbate, qui amouendus videbitur, interim per Visitatores, vel in capitulo Præsidentes ab administratione suspenso, administrator idoneus monasterio deputetur. Illorum autem excessus, & alia, quæ visa fuerint intimando Capitulo, Præsidentes nobis denuncient per fideles nuncios, & prudentes; quibus de communi contributione Abbatum, iuxta cuiuslibet facultatem sufficienter ministrentur expensæ, &c.

- 6 In hac 2. parte agit Honorius 3. de correptione Abbatum. Vbi primum considerandum, ex sola negligentia Abbatem non esse deponendum, sed alia ratione puniendum, nisi fortè negligentia esset magna, quod textus apertè indicat, cum dicit; quòd si nimis negligens fuerit Abbas repertus, detur sibi coadiutor vsque ad Capitulum prouinciale; quasi in eo Capitulo discernendum sit, an negligentia illa sit depositione digna, requiritur ergo magna, & grauis, seu latissima culpa, vel negligentia, ut asserunt Innocentius, & Butrius. Secundo, Prælati regulares absque iudiciorum strepitu deponi possunt, ut textus inquit; nõ ergo necesse est in eis ordinem iudicarium vsquequaque obseruare; absque causa tamen à prælatura remouendi non sunt. Illis igitur verbis, absque strepitu, & figura iudicij, excluduntur clamorosa garulitas, & sophistica cauillatio, non considerata perniciofa iuris solennitate. Sed proceditur de plano, sola simplici facti veritate perpenfa. Tertio, in Capitulo prouinciali Abbates iam admoniti, negligentes tamen reperti, sunt proclamandi: proclamatio autem est quedam delictorum diuulgatio, & reprehensio actuum facta in Capitulo, ut verecundia confundantur: alij verò asserunt, quam nos vulgo accusationem vocamus, à Monachis proclamationem dici. Quemadmodum, quoniam nos depositionem dicimus, ipsi Monachi absolutionem appellant. Quarto, Abbates negligentes puniri poterunt à Præsidentibus Capitulo, pœna suspensionis, & interdicti: sed depositionis pœnã imponere non poterunt. Hoc. n. eorum potestatem excedit: alia etiã via plectendi sunt. Nam publicè disciplinam recipient. Vel, ut alijs placeat, quòd non suspendetur, vel interdicentur nisi à solo Episcopo: disciplinam autem publicè in Capitulo recipient. Germanior tamen sensus est, ut puniantur in Capitulo à congregatione: quam autè pœnam

nam congregatio iniungere possit, hic non exprimitur. Sed standum est suis constitutionibus per Sedem Apostolicam approbatis. Quinto dubitari posset, cur maiorem potestatem habent Visitatores prædicti in exemptos, quam in non exemptos? Nam quo ad non exemptos, habent solam potestatem denunciandi Abbatem negligentem Episcopo, Episcopus autem dat coadiutorem: Quo ad exemptos verò omnia expediunt Visitatores, excepta depositione. Respondetur ex Innocentio; primò conceditur Visitatoribus, vt amouere possint Abbatē exemptū ab administratione propter periculū moræ, & longā Papæ absentiam. Hostiensis verò inquit, eam esse rationem, quòd in exemptis Papa nō præiudicat nisi sibi ipsi, in non exemptis tamē præiudicaret Diocesanis, quibus præiudicare nec vult, nec intendit. Probè quidam inquit, vtranque rationem bonam esse, & adinuicem coniungendam.

7 Tertia pars textus sic habet. Sequentes autem Visitatores perquirant priorum Visitorum vestigia diligenter: & eorum negligentias, & excessus referant sequenti Capitulo generali, vt iuxta culpam publicè debitam pœnam portent. Idem etiam de Abbatibus Præsidentibus generali Capitulo præcipimus obseruari, &c. In hac tertia parte Honorius tertius differere aggreditur de Visitorū Præsidentiumq; correctione. Ex quo sequitur Visitatores, & Præsidentes in quolibet Capitulo esse renouandos, & de negligentijs, & delictis in officio commissis aduersus eos inquirendum esse: accuratam enim diligentiam impendere tenentur. Sensus igitur litteræ hic est, vt quibusdam placet, quòd Visitatores sequentes præcedentium Visitorum negligentias inuestigare tenentur, atque etiā negligentias præsentium Capitulo. Alius verò sensus est litteræ cōsonantior, videlicet quòd sequētes Visitatores de præcedētib; Visitorib; facere tenentur: ad eundē modū sequentes Præsidentes Capitulo de præcedentib; Præsidentibus Capitulo facere teneantur, eo quidē modo vt singula singulis referantur.

8 Quarta sequitur pars; Præcipimus quoque, vt in nullo monasterio ad præbendas recipiant de cetero Abbates, & Monachi clericos seculares: nec hi, qui iam recepti sunt, locum vel vocem in capitulo, dormitorio, vel refectorio, seu claustro sibi vèdicare contendant, seu Monachorum cœtibus importunè se, præsumant mīscere: sed beneficijs sibi concessis contenti, conuersentur honestè, opportuna obsequia in monasterijs fideliter impēdentes: nihilq; vltra in spiritualibus, aut temporalibus exigant in ipsis monasterijs, vel vsurpent. Si qui verò talium à Visitoribus inuenti fuerint criminofī; per Diocesanum in non exemptis, & per Visitatores, vel Præsidentes generali Capitulo in exemptis, beneficijs priuentur eisdem, &c.

9 Agit hoc loco Honorius 3. de clericis secularibus, beneficia in monasterijs obtinentibus. Hic primo notandum ex Panor. Clerici seculares non possunt beneficiari in monasterio, saltem vt faciant vnicum collegium cum Monachis. Sed clerici seculares per Abbatem, & Monachos beneficiati, etiam in monasterio, non possunt deponi per Abbatem, sed per Episcopum in monasterio non excepto. Ex quo fit, quod licet institutio spectet ad inferiorem Prælatus de iure speciali: destitutio tamen non pertinet ad eundem, sed ad Episcopum loci. Nam institutio, & destitutio sunt separata, nec de vno iure ad reliquum est argumentandum.

10 Quæstiuncula quædam hic enodanda est, An clerici seculares absque villo prorsus discrimine in monasterijs beneficiari prohibeantur? Hostiensis quidem sentire videtur, hanc litteræ prohibitionem tunc solum habere locum, quando clerici seculares recipiuntur vt fratres, vt sint de congregatione Monachorum, habentes vocem in Capitulo, & locum in choro. Nam & mixtura hominum disparis professionis iure prohibetur; neque. n. arandum est in boue, & asino. Secus tamen se res ipsa habebit, si presbyteri seculares præbendantur, vt ita dicam ab Abbate in monasterio, vt in eo deseruiant; nec tamen existant de eorum congregatione. Verior tamen est Panor. sententia, qui asserit indistincte in hoc textu clericos seculares prohibitos esse in monasterijs beneficiari. Respectu enim recipiendorum textus absque discrimine, & in distincte id verat: sed respectu receptorum ante hanc constitutionem conditam, prohibet planè, vt non habeant vocem in Capitulo. Nam si voluisset idem sentire in recipiendis, prohibuisset cum illa limitatione, quam fecit in receptis. Vnde clerici seculares in monasterijs intitulari non possunt. Poterit tamen eis deputari aliquod stipendium non in titulum, sed pro seruiendo in monasterio. Si qua verò iura contraria reperiantur, ea intelligenda sunt secundum antiqua tempora, quando Monachi non erant clerici. Hæc Panor. Addunt hic nonnulli id quod alioqui ex se manifestissimum erat. Eodem, inquit, modo non potest secularis clericus habere vocem cum Canonicis Regularibus, cum sit in eis idem ius. Insuper Ant. Butrius nu. 17. hac in re quasi trepidare videtur. Ait. n. sibi videri, licet vñ id fuisset possibile, clericum secularem in ecclesia regulari præbendari; hodie tamen id fieri non posse. Nam solum illi, qui fuerant in præteritis præbendati, ibi stare, permanereq; possunt; dum tamen non ibi, vt in corpore consistent. Ergo mens litteræ est, quod in futurum poni non possint, vt ibi habeant in titulum, licet non sit ibi tanquam de corpore. Vterius tamen asserit, se id pro constati non habere, & huic textui facile responderi posse, reuereturq;

uereturq; magnam Host. auctoritatem. Quin potius se vidisse testatur, contrarium obseruari, videlicet, quod Regulares in ecclesia regulari faciant construi capellas, seu altaria, faciunt etiam officari per seculares clericos, licet de corpore non existant. Existimatq; illud fieri contra huius textus mentem. Quia aliquando habent Monachi diuersum modum officiandi, & dicendi missas à clericis secularibus, possetq; scandalum generari. Hæc quidem consuetudo admittendi secum clericos seculares frequentissima est apud Canonicos Regulares in hac prouincia Casaraugustana in monasterijs Cathedralibus, & insignibus Collegiatis, quæ iam difficilime, & non absque magna rerum perturbatione è medio auferri posset.

- 11 Eandem profectò Panormitani, & Butrij opinionem confirmare, explicareq; aperte videtur Bened. 12. in Constit. Canonic. Regularium tit. de prohibitis præbendis non concedendis. Prohibemus, inquit, insuper, ne in ecclesia Cathedrali, seu monasterio, vel alio loco Religionis eiusdè, quiuus clericus secularis, vel laicus recipiatur ad præbendam, seu etiam portionem, nisi eidem ecclesie, vel monasterio, seu loco dederit prius se, & sua: nec huiusmodi præbenda, seu portio ad vitam, vel ad tempus vendatur, detur, seu alias concedatur eidem. Quidquid autem contra prohibitionem huiusmodi attentatum fuerit, omnino decernimus irritum, & inane. Et nihilominus recipientes, vendentes, dantes, & concedentes huiusmodi, ultra pœnas à iure statutas, Superiorum suorum arbitrio puniantur. Per præmissa verò non intendimus, circa officia, vel ministeria, aut alia obsequia opportuna inibi consueta per seculares clericos, vel laicos exerceri, aliquid immutare. Hic obiter annotandum ex Antonio Butrio, & alijs beneficiatos ab exemptis, exemptos esse, nam à Diocesano non puniuntur quo ad beneficia, quæ ab exemptis tenent. Item nec deponi possunt ab inferioribus ipso Papa, sicuti nec principales Prælati.

- 12 Sequitur textus. Hæc autem omnia etiam in monasterijs, quæ nō habent Abbates proprios, sed Priores: necnon in monasterijs Monialium, quo ad articulos Abbatissis, & Monialibus congruentes, precipimus obseruari. Annotandū est, dispositionem in Monachis, & Abbatibus extendi ad Abbatissas, & Moniales, quo ad illa tantum, quæ eis proportionabilia sunt. Nam si statutum habet clausulam extendentem ipsum statutum ad aliud personarum genus, intelligendum est in proportionabilibus. Omnia autem hic expressa Monialibus quadare non possunt. Non enim visitatrices deputabuntur, nec è monasterio ad Capitula prouincialia exire permittentur. Regulariter enim Moniales nunquam è monasterio exire decet. Ad eundem modū nec ipsas

ipsis competit corrigere, & castigare, aut penitencias graues iniungere. Tales enim actus viriles sunt. Multa enim ex iure enumerantur mulieribus improporcionata: igitur Moniales non visitabunt, nec corrigent, nec punient. Sed visitabuntur, corrigentur, & punientur.

Rursus de eisdem Visitatoribus. Cap. iij.



Prouincialium Visitorum munus Trid. synodus sess. 25. de regularibus cap. 8. paucis complexa est, dicens; Ipsis autem congregationibus constitutis, illarum generalia Capitula, & ab illis electis Præsides, vel Visitatores eandem habeant auctoritatem in suarum congregationis monasteria, ac Regulares in eis commorantes, quam alij Præsides, ac Visitatores in ceteris habent ordinibus: teneanturq; suarum Congregationis monasteria frequenter visitare, & illorum reformationi incumbere, & ea obseruare, quæ in sacris canonibus, & in hoc sacro Concilio sunt decreta.

2 Alia etiam paucula eadem synodus subdidit cap. 20. præcipiens, ut maiores Prælati inferiora monasteria habentes, suo quisq; loco, atque ordine, ex officio ea visitent, etiam si commendata existant, &c.

3 Exactam tamen, atque perspicuam Visitoribus prouincialibus formam præscripsit, atque iniunxit Bened. 12. in Constit. Canonicoꝝ Reg. tit. de Visitoribus. Visitatores, inquit, siquidem, qui secundum constitutionem dicti generalis Concilij fuerint in prouincialibus Capitulis deputati, sint solliciti circa huiusmodi visitationis officium exequendum, & quantum statui, ac Religioni eorum conuenit obseruare studeant, quæ in dictis Constitutionibus præfatorum Concilij, & Honorij sunt statuta. Quod si omiserint illa exequi negligenter à Præsidentibus prouincialibus Capitulis, cum eis huiusmodi negligentia nota fuerit, grauius arguantur, & per eos, prout qualitas culpæ ipsorum exegerit, puniantur, ut autem dictorum Visitorum officium cum omni sinceritate procedat, districtius inhihemus, ne quis Visitoris sibi deputati eodem anno esse valeat Visitor. Dicti autem Visitatores, & familiares eorum in ecclesia Cathedrali, seu monasterio, vel alio loco ipsius Religionis, ad quem visitationis causa duxerint declinandum, ultra duos dies nequaquam remaneant; nisi euident necessitas foret, vel magna utilitas ecclesiæ, monasterij, siue loci huiusmodi morâ ampliore Visitorum, vel familiarium exegerit eorundem; quo casu possent ulterius remanere. Ita tamen quod id faciant de consilio seniorum dictæ Ecclesiæ, seu monasterij, siue loci. Dicti quoque Visitatores, vel familiares eorum, ecclesiæ, monasterio, siue loco; cui visitationis

tionis officium impèdunt, onerosi nequaquam existant, nec sumptuosas epulas querant, sed cum gratiarum actione recipiant, quod honestè, & competenter fuerit eis ministratum. Caueant insuper, ne quisquam ipsorum, aut familiares eorum, per se, vel interpositam personam, aliquam pecuniam huiusmodi, vel alia occasione quacunque, nisi pro expensis duntaxat, & tunc secundum infra scriptum modum exigant, aut etiam à volente recipiāt, neque aliquod munus, quodcunque sit, vel qualitercunque offeratur, præsumant recipere à quocunque, vt non quæ sua sint, videantur querere, sed Christi. Quòd si fuerit contra præsumptum, duplum eius, quod receperint ecclesiæ, monasterio, siue loco à qua, vel quo id receptum fuerit, infra mensem reddere teneantur. Alioquin duplum ipsum eis vltra dictum tempus restituere differentes tam diu sint ab officio, beneficioq; suspensi, quousque grauatis ecclesijs, monasterijs, siue locis duplo plenariam satisfactionem impendant, nulla eis in hoc dantiū liberalitate, remissione, vel gratia valituri s. Et nihilominus, iidem Visitatores, si opus fuerit, per Præsidentes dictis Capitulis prouincialibus, aut eorum quemlibet, ad restitutionem præfati dupli, auctoritate Apost. per censuram ecclesiasticam, & alia oportuna remedia compellantur. Concedimus tamen, vt Præsidentes dictis Capitulis, vel pars maior eorum ordinare possint, prout, & quando eis visum fuerit expedire, quod dicti Visitatores expensas recipiāt in pecunia; & eo casu, quo hoc duxerint ordinandum, dictas expensas omni odio, & fauore remotis, moderare habeāt, & taxare. Prouiso tamen, quòd summa in constitutione, quam super moderatione procuratorum edidimus, quæ incipit; Vas electionis, nullatenus excedatur.

¶ Iidem etiam Præsidentes discretè prouideant, quòd cum inter loca visitata, & visitanda, magna fuerit distantia, quantum quilibet eorundem locorū, visitatus. s. & etiam visitandus soluere habeant Visitatori pro suis sumptibus moderatis. Si tñ monasteria visitanda in facultatibus sint collapsa, tunc de expensis, quas dicti Visitatores facturi erūt, occasione visitationum locorum huiusmodi collapsorum, prouideatur eisdem de communi contributione in prouinciali Capitulo facienda.

¶ Vt autem via scandalis præcludatur, inhibemus Visitatoribus memoratis, ne illos, seu eorum nomina, qui eis aliqua secreta reuelauerint in visitationibus, præsumant alijs reuelare. Sed tunc demum dicti Visitatores procedant super dictis reuelatis, si, & prout secundum canonica, & regularia instituta fuerit procedendum? Quòd si dicti Visitatores contra inhibitionem huiusmodi reuelauerint, seu eorum nomina detexerint, prout facti qualitas exigit, per Præsidentes, vel eorum quemlibet puniantur.

6 Præter ea autem, quæ nunc de ratione visitandi monasteria Canonicorum Regularium dicta sunt, quasdam perutiles visitationis formulas ex non contemnendis authoribus proponemus. Elegans quidem est visitandi formula ab Hermâno s. Archiep. Coloniensi conscripta, quæ dum monasteriorum visitationem perscribit, sic inquit; Peractis missa, ac concione, qua ad Christianam, & mutuam charitatem, mundi contemptum, & votorum suorum obseruationem, ad pacem denique, & tranquillitatem, commouebuntur, in domo capitulari habenda per Visitatores; in primis Abbatibus, ac alijs monasteriorum Prælati seorsum paulisper receptis, duodecim priores articuli sub tit. de Vita, & conuersatione monastica recensentur; diligentiq; cohortatione illi monendi sunt, vt ijsce decretis, tã in nouiter recipiendis Monachis, ac velandis, quàm in reliquis omnibus sese attemperent, pecuniam pro receptione ne extorqueant, vtq; in ijs, ad quæ ipsi corrigenda non suffecerint, implorent nostram auctoritatem. Et præsertim nostro nomine in eo erunt, vt sumptuosi, & repugnâtes illi Præpositi abrogentur. Quod si in ipsorum potestate non fuerit, Saltem ad nos referent post visitationem, quid facto opus sit. Vbi hæc cū Prælati acta fuerint regula ordinis, simul cum formula visitationis, si habeatur, petenda est, atque relegenda. Confidente iterum toto conuentu cū Prælati, præmittenda est illa generalis adiuratio de non occultanda, sed sincerè dicenda veritate. Deinde semotis arbitris. Interrogetur Abbas, aut eius loco moderator conuentus: An proxima visitatio obseruata sit, & diligenter regulam, ac monasterij statuta obseruari procurer, an pax inter fratres, cōuersos, deuotos, ac familiares effloreat: diffidij si quid fortasse fuerit, origo perquiratur, & emendetur.

7 Interrogetur Prior de obseruatione diuini officij, de obedientia, paupertate, continentia, silentio, comuni mensa, mutua reuerentia, mutuo colloquio, hospitum accessu.

8 Interrogentur fratres sigillatim de vita, & conuersatione Prælatorum: An visitatio proxima ritè obseruata sit? An prælati, quæ ad obseruationem Religionis, & Ordinis pertinent, diligenter persequantur? An vitia fideliter corrigant citra acceptionem personarum? An honestè cum laicis conuersentur? An bonum exemplum suis subditis præbeant? An in obseruandis ordinis regula, ac statutis sint seruantes? An desides sint? An eadem ad Christianam pietatem moderentur? An fratres ad studia sacrarum litterarum sedulo inuitent? An pacem, tranquillitatem, & concordiam inter omnes sibi subiectos seruent, ac nutriant. Item de clausura, & ingressu monasteriorum, de victu quotidiano. Deinde an conuentus certum numerum habeat, an illi suppetat victus?

Deinde

Deinde de officijs ad officia tranfeundum eft, & videndum, an qui illis præfæti funt, veluti Camerarij, Sacriftæ, Cellarij, Procuratores, & id genus alij, fuis fingulis officijs grauitè incumbant? de moribus, habitu, & conditionibus fratrum conuerforum diligenter quoque querendum eft.

Post inquisitionem fi qui notati fuerint, illi euocentur. Qui fi errata spontè confefsi fuerint, ad difciplinam Abbatis iuxta regulæ formam remittendi funt: fic tamen, vt Abbati mandetur, ne Chriftianæ lenitatis modum excedat, quòd habita ratione perfonæ, cefuram potius mitigari, quàm exasperari cõuenerit in nõ præfractis. Quòd fi neget delictũ infamatus, adhibeantur testes, admonitis prius omnibus, ne frau di fit testibus veritatẽ dixiffe. Legantur deinde articuli 14. 15. 16. 17. sub tit. de vita, & conuerfatione monaftica, videlicet in Conc. prouin. Coloniensi sub eodem Hermanno 5. Postremo declarata vitæ monafticæ prima institutione, adhortentur omnes, vt viam, quam amplexi fint, ad vitam æternam expeditiorem, in charitate, de conscientia bona, & fide non fifta inambulent, & pro Ecclefia Dei fedulò orent, cuius eleemofynis fufstantantur. Vifitationem verò Monialium eodem loco confcriptam inuenies. Sed ferè eadem forma, quæ in viris in Monialibus etiã fequenda eft.

Præterea non inelegantior eft vifitadi formula, quã tradidit Adolphus 3. Archiep. Coloniensis sub tit. de inquisitione monasteriorum, dicens: In primis fiat inquitid de regula Ordinis, an hæc fratribus fingulis menfibus ad minimum femel prælegatur: & an probè ab omnibus intellecta, memoriæ commendetur, ac teneatur? An sancta obedientia vigeat, & an viuatur in monaftica paupertate, & sancta continentia? An quisquam quid proprij sibi vendicet, qualecunque etiã hoc fit, aut habeat priuatũ peculium? An Deus die, noctuq; horis statutis, psalmodijs, & laudibus colatur, pijsq; præcibus pro cõmuni salute, & Ecclefie prosperitate pulsetur? Et an sacra miffarum solemnitàm pro viujs, quàm defunctis ad regulæ, & antiqui moris præfcriptũ, & secundum foundationes eiusmodi diuinorum officiorum celebrètur? An pax inter fratres, inter laicos identidem, qui conuerfi vocantur, vel deuoti, totamq; monasterij familiam, effloreat? Nũ clanculũ mutũ inuideant: num contentionibus, rixis, & diffidijs cõfficiantur? An humilitatem infinuent, mutuum ament, & patientes fint, inuicem libenter condonantes, si quis aduerfus alium habet querelam? An rerũ cœlestium meditationi, & alijs studijs, pijs, & honestis sedulam dent operam? An habeant Monachi quotidie lectionem aliquam, sacre scripturæ illustratricem, qua deuotionem suam alât, seq; ad cognoscendam

dam, & adimplendam Dei voluntate inflammant? An habeant istam curam instruendæ bibliothecæ, quæ & inspicienda est? An scripturas expositas diligenter tractent, & secū ruminent, quo se, quibus hoc muneris incumbit, ad prædicationem verbi diuini eiusmodi exercitatione tam pia, aptos efficiant; an tempore quod eis à celebratione diuinorum, & lectionibus reliquum est, semper pij, & honesti aliquid agant, quo diabolus eos nunquam ociosos, sed semper reperiatur occupatos? An interdum in cubiculis aliqui compotent, ludant, aut luxui indulgeant, aut etiam seculares clam ad se inuitēt? An rebus prophanis, seu mechanicis artibus, suam professionem non decentibus, & à pietate auocantibus, incumbant? An statim à completorio, suum quisque petat cubiculum, & in silentio agat. An iusto tempore claudatur, & aperiatur dormitorium? An mæsiū tempore, rusticorum, & mulierū cœtibus se immisceant? An Monachis bonæ indolis, qui progressum aliquem in bonis litteris, & sacrarum scripturarum cognitione fecerunt, & se ad aliud suæ prouinciæ monasterium, in quo schola celebrior, & professio frequētior, & accuratior habetur, mitti petunt, ut illic in sacris litteris simul, & Religionis obseruantia, magis, ac magis instituantur, ac proficiant, copia fiat illo concedendi.

- 12 Quærendum de vita, & conuersatione Prælatorū. An visitatio proxima ritè sit obseruata? An Prælati, quæ ad obseruationem Ordinis, & Religionis pertinent, diligenter persequatur, & in exigenda regula, & statutis ordinis seruens conspiciatur? An eadem etiam ad Christianam pietatem, & æquitatem pro ratione personarum, & aliarum circumstantiarū moderetur, ut semper primas obtineat fraterna charitas, & magis spectetur in omni opere pietas, quæ ad omnia valet, quàm exercitatio corporalis, quæ ad modicum utilis est, ut testatur Apostolus? An bonum exemplum fratribus, alijsq; subditis suis præbeat in Religionis obseruantia? Num sæpè ex monasterio discedens, alio proficiatur, seu extra illud habitationem suam constituat, vel longam moram trahat? An pacem, tranquillitatem, & concordiam inter omnes sibi subiectos nutriet, ac cōseruet? An fratres ad studia sacrarū litterarum sedulò inuitet? An mensa communis habeatur, & qualis sit victus quotidianus? An Prælati conuiuetur communiter cum fratribus, mensa communi contentus, an priuata magis oblectetur? Num ociosos, & vanos faciat sumptus? An familiam superfluum, vel equos ad fastum, & pompam, potius quàm ad necessitatem, principum more, nutriet, magisq; secularem, quàm religiosam ducat vitam? An magis in humilitate uiuat frugaliter, & quæ ultra necessitatem superfluit, in pauperes, & ducationem studiosorum, qui possint Ecclesiæ olim vsui esse,

esse, expendat? An honestè cum laicis conuersetur, & qualis sit hospitii receptio? An sua negligentia fratres luxui, & computationibus studeant? An ad mensam, sacræ scripturæ cū hominibus patrum aptæ temporibus semper legantur? An vitia fideliter, & strenuè corrigat citra personarum acceptionem, Canonicam, & Regularem exercens disciplinam? Et an capitula disciplinæ crebro, & secundum præscriptū regulæ diligenter obseruentur. Item diligenter quærendum de clausura monasteriorum, & ingressu laicorum, & mulierum. An silentium iuxta regulam teneatur? An sint inter eos, qui suos habeant priuatos congressus, qui inuicem conspirent, & dissidia excitent? An mutua reuerentia inter fratres colatur, & an colloquia, dum colloqui licet, pia sint, & religiosa. Quærendum quoque, an certus sit in monasterijs numerus personarū, aut incertus? An suppetat victus, & an res, & bona suis monasterijs dicata possideant, an iniustus grauaminibus laicorum diuexentur? An habeant ecclesias parochiales incorporatas. Qualis sit talibus ecclesijs curator Præfectus, cuius ætatis, vite, doctrinæ, conditionis? An sufficientem portionem ex parochiæ fructibus, vnde se honestè alere possit, ei assignauerint, vt non sit illi necesse, se sordibus ministerijs addicere, seu officium negligere? An talis curator sit sub obedientia Prælati, & an per visitationem Prælati, vita, & mores eius interdum explorètur? Quærendum de officijs, an qui officijs Præfecti sunt, vt sunt Priores, Superiores, Præfecti Scholæ, Camerarij, Sacristæ, Cellarij, Procuratores, & id genus alij, suis singuli officijs, grauitè, & religiosè incumbant, iuxta regulæ decreta. Qui sint illorum mores, quæ vita, quæ conuersatio? An officijs impositis, ad licentiorē vitam viuendam, & ad luxum abutantur? An sint in monasterijs fideles, & qui, non præ fracti, sed modesti, & mansueti, continentes, & casti. Est quoque diligenter quærendum de habitu, & conditionibus fratrum conuersorum. Deinde, an sint ex monasterij sodalicio aliqui facti desertores sui monastici instituti, & fugitiui, apostatæ? An sint, qui habitum abiecerunt, qui sint vel hæresi polluti, vel de ea suspecti? An sint facti quidam exitij, qui se incestis nuptijs polluerunt, aut qui extra septa monasteriorum concubinis, vel fæminis de incontinentia suspectis, cohabitent? An sint qui extra obedientiam degentes, diuina tractent, & populo sacramenta administrent? An sint, qui sub prætextu dispensationum Apostolicarum, quæ ab Ordinarijs, causa legitime cognita non fuerint approbatæ, vota, religionisq; suæ instituta deseruerint. Vbi tales refractarij, & votifragi foueantur, & receptentur? An sint, qui paruulos in baptismo suscipiant, aut nuptiarū conuiujs intersint? An comedix ludantur in monasterio, & quæ d

Apud fratres quattuor ordinum mendicantium hoc interrogatorium adiiciendum est? An audiēdis confessionibus, se intromittant alij, quā præsentati. Et illic quoque diligenter examinandi sunt lectores, & concionatores de doctrina. Et inspiciendi libri, quibus vtuntur. Cetera p̄ diuersa locorū ordinū, & monasteriorū conditione, & pro rerū, & casuū subinde accidentium qualitate, Visitatorū discretio suppleat.

13 Pauci etiam articuli superioribus addendi sunt ex D. Antonino Archiep. Flor. 3. par. tit. 20. cap. 6. §. 2. Primum interrogandi, atque etiā alij omnes iurabunt. Item an habeant aliquam dispensationem Papę, vel alterius cuiusque super regulam; & super constitutiones suas approbatas? An ultra regulam habeant aliquas cōstitutiones approbatas, & an eas obseruent? An deputatus curę animarum alicuius parochialis ecclesię, probē sciat ea, quę ad eā curā pertinent? An horę canonicę, & missę congruis tēporibus celebrentur, cantando, aut legēdo, decentiq; modo sine dissolutionib. & cōfabulationibus? an oēs ad officia diuina conueniant, vel remaneant ex negligentia, & qui, & quā frequentē? An officiales monasterij bona ipsius diligēter, fideliterq; tractent? An sępenumero in anno omnium sumptuum, & expensarū monasterij competens ratiocinium, & computus habeatur corā Prælato, & aliquot senioribus monasterij. Quanta sit reddituum monasterij quātitas, & quibus in rebus consistant, ac benē dispensetur; quodq; nullus aliquid ex bonis monasterij suis consanguineis, aut alijs absque Superioris licentia donet, aut expendat? Item an libri, calices, paramenta, ornamenta, & alia ad ecclesiam pertinentia diligenter mudentur, & refarciantur? De huiusmodi. n. rebus Bened. 12. in Constit. Can. Reg. tit. de reliquis, & custodia ornamentorum, ac prouisione librorum, sic constituit. Deniq; solliciti, inquit, sint Antistites, Abbates, Prępositi, Priores, Sacristę, & Administratores alij Religionis eiusdem, quocunq; nomine censeantur, quibus hæc incumbunt, Ecclesias, oratoria, altaria, reliquias, vasa, corporalia, vestimenta, & alia ornamenta ecclesiastica munda, & nitida conseruare, & facere ab alijs conseruari. De breuiarijs quoq; missalibus, alijsq; libris, & vestimētis, ac ornamētis quibuslibet necessarijs, iuxta facultates, & exigentiā locorū sitorum ecclesijs, & locis eisdē omninō prouideāt, seu faciāt prouideri. Quod si præmissa proposse adimplere neglexerint, ad ea complēda cōpetētibus remedijs cōpellātur: Et si opus fuerit, pars prouentuum beneficiorum eorū, per Superiores recipiatur eosdem, & in prædictorum prouisionem per aliquem idoneum conuertatur. De inquisitione autem ad Religiosos pertinente, qua ratione, & ordine fieri debeat, erudite admodum docuit Siluester in verbo, inquisitio 2.



Era quidem sunt, quæ de iactura bonorum ecclesiasticorum deploranda Concilium Mediol. sub Card. Borromæo tit. de bonis, iuribusq; ecclesiasticis testatur, dicēs; Ecclesiarum res quamplurimæ, aut destitutæ defensoribus, aut etiam ab ijs, quibus earum procuratio credita

erat, proditæ ita perierunt, vt monimentis, vel interceptis, vel perditis, nulla spes iam reliqua videatur, illas in ius suum vindicandi. Id ne deinceps accadat, nequē quisquam, quod in Christi patrimonio negligētiō fit, quā in suo, meritō reprehendi possit statuimus. Vt Prælati, & Capitula, & alij quicunque Administratores ecclesiastici, ab adeptæ possessionis die, quisq; intra spatium sex mensium, omnium bonorum ecclesiasticorum ad suas ecclesias, monasteria, beneficia, eorumuē mēsas, pertinentium inuentarium, in quo locorum etiam fines, conditio, nēq; omnes sigillatim describantur, edictis etiā interm publicē propositis, per publicum Notarium diligenter conscribendum turēt, & in suis Archiujs recondant. Archiua verō, singula duabus clauibus occludantur; in Ecclesijs Cathedralibus earum vnā Episcopus, alterā verō Capitulum custodiat. In Collegiatis alteram Præfectus, alteram Capitalum seruet. Præterea in visitationibus eiusmodi inuentaria diligenter perspiciantur, ne quid eorum, quæ ibi descripta fuerint, desint. Ipsa quoque, si videbitur renouentur. Eadem serē omnia statuit recē Concilium Toletanum adione 3. cap. 1.

At copiosius multo Bened. 12. in constit. suis tit. de registris, & inuentarijs rationem hanc locupletauit, siliens; Vt ecclesiarum, & monasteriorū, & aliorum locorum Religionis eiusdem bona, & iura salubriter conseruentur, statuimus, quod Præsidentes ecclesijs Cathedralibus, monasterijs, prioratibus, & administrationibus alijs, quibuscūque dictæ Religionis, quāprimum comodiō poterunt, conscribant, seu conscribi faciant registra in quibus possessiones, census, iura, & cetera bona immobilia quacūq; , & qualiacūque fuerint, ad eorū administrationem expectantia, sigillatim, & specificē describantur: fiant etiam per eosdem registra de ornāmētis ecclesiasticis, vasis, lectis, animalibus, & alijs rebus mobilibus, & se mouētib; pro agriculturā, & alia instructione locorum necessarijs, vel utilibus; & huiusmodi registra in locis subiectis alijs locis Superioribus Religionis eiusdem duplicentur, quorum vnum in loco superiori, & reliquum in subiecto seruentur. Visitatores quoque in prouincialibus Capitulis deputati, cum visitabunt loca suæ visitationi commissā, Prælati etiam, & alij superiores,

periores, cum fuerit opportunum diligenter inquirant, an res, & bona prædicta necessaria pro instructione locorum teneantur in locis eisdem; & prouideant; quod perpetuo teneantur in eis; aliterq; reperta, faciant emendari, & secundum quod culpa exegerit, puniant delinquentes. Insuper Præsidentes præfati cum possessiones administrationum suarum fuerint assequuti, inuentaria de bonis mobilibus, & se moucutibus repertis in administrationibus ipsis conficiant.


3. Hij verò, qui habet Superiores Religionis huiusmodi, inuētaria faciant duplicata, quorum vnum in loco subiecto seruetur, & superiori reliquū assignetur. Vt per ea in quo statu administrationes ipsas receperint, valeat apparere. Fiant autē huiusmodi inuentaria, & registra p tabellionem, vel saltim in aliarum publicarū præsentia personarū.

4. Adijcimus etiam, quod si Præsidentes ecclesijs Cathedralibus, monasterijs, alijsue locis dictæ Religionis, qui bona mobilia prioratum, administrationum, & beneficiorum quorumlibet Religionis eiusdem sibi subiectorum vacantium, in eis tempore huiusmodi vacationis inuenta, seu illa durante obuenientia, ex privilegio, vel cōsuetudine, seu alia causa rationabili ad se asserunt pertinere vasa, vestimenta, seu alia ornamenta diuino cultui deputata. Animalia etiam tam pro agricultura, quam pro alijs ipsorum locorum necessitatibus, teneri inibi consueti vasa, vinaria, & coquinaria, lectos etiam, & alia suppellectilia necessaria, seu vasa, nisi fortē aurea, vel argentea fuerint, nullatenus occupare, vel exinde asportare, aut sibi appropriare præsumant.

5. In apprehendendis quoque bonis alijs, constitutionem sælicis recordationis Bonifacij Papæ 8. prædecessoris nostri super hoc edita, quæ incipit, præfenti, diligenter obseruent.

6. Qui verò secus fecerint, iuxta qualitatem delinquentium personarum pœnas incurrant, quæ per constitutionem eandem eius trāsgressoribus imponuntur. Hæc omnia eo attulimus, q̄ prædictos Visitatores plurimū attingūt, si modo suo muneri, vt decet, satisfacere velint.

De communi contributione ad congregationē conseruandā. Cap. vi.

1.  D suffulciendam, perpetuq; sustinendam Canonicorū Regularium cuiusque provincie cōgregationem communis pecuniarum contributio est per quam necessaria. Vt. n. pecunia belli neruus est, sic etiam ad quædā grauiora Religionis negotia, Ordinemq; Canonicum constabiliendum, hæc ipsa contributa pecunia firmum est sustentaculum. Exemplū esto, iussit Honorius 3. in cap. ea quæ, a nobis superius enodato, vt Prælatorum excessus, & alia expeditia a Præsidibus Capituli

3

pituli prouincialis summo Pontifici Romano per fideles, prudentesq; nuncios denuncientur. Quibus de communi contributione Abbatum iuxta cuiuslibet facultatem sufficienter ministrentur expensæ. Quo in illo loco notandum, lege Rodia cauere, ut si alleuiandæ nauis gratia, iactus mercurii factus est, omnium contributione farciatur, quod pro omnibus datum est. Quam rem prudenter perspicies Bened. 12. in Cōstit. sæpè citatis, hunc de subuentionibus titulum edidit in hanc formam. Cū in prouinciali, & annuali Capitulis, & alijs negotijs expensæ necessariæ requirantur, ut onus diuisum in partes leuius subportetur; statuimus quòd in eisdem Capitulis, cuiusquā contradictione, vel absentia non obstante, pro communibus libertatibus defendendis, necnon necessitatibus, utilitatibus, & alijs plerunque occurrentibus necessarijs oneribus, & expensis auctoritate Apostolica imponantur collectæ, subuentiones, seu contributiones; uidelicet in Capitulo prouinciali pro tangentibus ipsum Capitulum secundum arbitrium ipsius prouincialis Capituli, vel maioris partis eiusdē: in annuali verò Capitulo pro tangentibus ipsum annuale Capitulum, vel locum principalem, ubi debet ipsum Capitulum celebrari; secundum arbitrium Prælati præsentis ipsi annuali Capitulo, & Diffinitorum, ubi Diffinitores fuerint, & ubi non fuerint, secundum arbitrium ipsius Capituli, seu maioris partis eiusdem. Volumus tamen, quòd libertates, necessitates, seu utilitates, & alia pro quibus huiusmodi collectæ, subuentiones, seu contributiones fuerint imponendæ, in eisdem Capitulis prouincialibus, & annualibus clarè, & explicite exponantur, & aliter quàm ut præmittitur, imponi non possint. Et si secus actum fuerit, impositorio, & processus, ac sententiæ, occasione huius impositionis factæ, & latæ, omni careant roboris firmitate, & nihilominus restituatur eisdē, quicquid occasione huiusmodi ab ipsis exactum fuerit, & receptum.

De dictis autem subuentionibus, contributionibus, seu collectis possit membris necessitatem patientibus subueniri; prædicti, quorū arbitrio subuentiones, contributiones, seu collectæ huiusmodi imponi habuerint, in ipso annuali Capitulo fuerint arbitrati, prouiso tamen; quod administratores dictorum membrorum necessitatem patientium expendere habeant pro dictis necessitatibus, quantum membra ipsa poterunt sustinere. Ut autem in cōseruatione collectarum, subuentionum, seu contributionum huiusmodi adhibeatur cautela diligens, & etiam opportuna; præcipimus, ut illæ, quæ impositæ fuerint in Capitulo prouinciali, per tres probos, & fideles de illis, qui ad ipsum Capitulum prouinciale venire tenentur: in aliqua ecclesia, monasterio, siue alio

Oco co nuenienti, & securo; quæ verò impositæ fuerint in annuali, per tres fideles Canonicos loci, in quo imponentur, quorum vnum ponat ille, qui præfuerit ipsi Capitulo annuali; alium verò Priores, & ad ministratores, & tertium Capitulum ecclesiæ, seu conuentus monasterij, siue loci, vbi huiusmodi annuale Capitulum fieri debeat, in vna arca serata tribus diuersis seris, & clauibus fideliter custodiantur, & in vsus duntaxat, pro quibus impositæ fuerint, conuertantur. Pro hijs autem collectis, & subuentionibus, seu contributionibus fideliter conseruandis, & vt præmittitur, expendendis, dicti tres, qui ad hoc fuerint in prouinciali Capitulo deputati, præstent in Præsidentium ipsius Capituli: & alij præfati tres Canonici in Prælati Præsidentis, & Capituli seu conuentus loci prouincialis, cuius annuale Capitulum celebrabitur, præsentia corporaliter iuramentum, nec imponi valeat alia contributio, quandiu aliquid de primâ contributione, quod sufficiat, contigerit superesse.

- 2 Habeant autem Præsidentes, & eorum quilibet quo ad huiusmodi prouincialia Capitula, similiter, quoque Prælati, seu alij, qui præerunt dictis annualibus Capitulis, quò ad ipsa annualia Capitula, auctoritate Apostolica supradicta exigendi, colligendi, & leuandi collectas, subuentiones, & contributiones prædictas, & contradictores, & rebelles quoslibet, eadem auctoritate per censuram Ecclesiasticâ, vel alia iuris, & ipsius Religionis remedia, remoto cuiuslibet appellationis obstaculo, compellendi, & etiam puniendi, & exequendi libere suos processus, ac sententias super præmissis habitos, & Prælatos in ecclesijs Cathedralibus, monasterijs, alijsue locis Religionis eiusdem, quando, & quotiens eis visum fuerit expedire. Necnon etiâ absoluen di, congrua tamen satisfactione præmissa, à dictis sententijs, & relaxandi, ac tollendi omnes processus, & sententias eorundem, & cû eis, qui dictis ligati sententijs per simplicitatem, & iuris ignorantiam, non tamen in contemptum clauium, celebrando diuina, vel se ingerendo eisdem, irregularitatem incurrerint, super irregularitate huiusmodi dispensandi liberâ potestaté. Eandem ipse Bened. constituit in Constit. Monachorum nigrorum S. Bened. cap. 4. de subuentionibus, & collectis.

De Canonico monasterium relaxatum ingresso, reformationem recusante. Cap. vii.



1

Ercupiens ex animo sacra Trid. synodus veram monasteriorum reformationem; non ignorans, quantum ex monasterijs piè institutis, & rectè administratis in Ecclesia Dei splendoris, atque vtilitatis oriatur, quò facilius, ac maturius, vbi collapsa est, vetus

est, vetus, & regularis disciplina instauretur, & constantius ubi conseruata est, perseueret, vniuscuiusque congregationis Præsidentibus, ac Visitatoribus sess. 25. de Regularibus cap. 8. seriò præcepit, vt suæ cōgregationis monasteria teneantur frequenter visitare, & illorum reformationi incumbere, & ea obseruare, quæ in sacris canonibus, & in hoc sacro Concilio sunt decreta. Cùm igitur præcipuus cōgregationis Præsidentum, ac Visitatorum scopus sit monasteriorum reformatio, post ea, quæ de Capitulo prouinciali celebrando, deq; creâdis Præsidentibus, & Visitatoribus, eorumq; officijs hucusque tradidimus, conueniens ordo illud postulat, vt difficilem reformandi artem, ac methodû nunc aggrediamur. Vt autem in ipso vestibulo ingentem lapidem submoueamus; implicita illa quæstio statim discutienda nobis occurrit.

An Religiosus ingressus monasterium relaxatum, teneatur recipere, ac obseruare monasterij reformationem? Monasteriorum enim reformationem quidam segnes, deformatiq; Religiosi vehementer oderunt; illud obijcientes, se ipsius ingressus, aut emissæ professionis tempore, ad eam vitam regularem obligasse, quæ tunc in monasterio & obseruabatur, & vigeat; nec aliam eis fuisse mentem. Quin potius si arctiorem, rigidioremq; vitam in monasterium inducendam, iubendâq; forè intellexissent, mutato animo Religionem deseruissent. Cùm igitur Religionis votû maximè voluntarium esse oporteat, Religiosus professus noua monasterij reformatione non tenebitur.

2 At verò iudicio nostrò, non parum falluntur huiusmodi. Quare ad hanc propositam querimoniam rectè dijudicandam, distinguendum esse censemus. Duplex enim esse potest monasterij reformatio; aut in accidentalibus Religionis, aut in substantialibus. Accidentalibus quidem Religionis ea censentur, quæ aut sunt supra regulam, aut ad tria vota substantialia non pertinent, sed ex peculiarij monasterij ordinatione austeriorem, arctioremq; viuendi formam tradunt; omnibus autem monasterijs eiusdem Ordinis non sunt communia. Quales sunt pedum discalciatio, & nuditas, aliquanta vestium rudium asperitas maior ieiuniorum, orationumq; numerus, tenuis, curtaq; suppellex, interdictus usus carniû.

3 His præmonitis sit prima conclusio; Religiosus non tenetur obseruare hanc accidentariam reformationem, si tempore ingressus in monasterio nō vigeat. Nam & votum voluntarium est, & Religiosus nō habuit animum se obligandi, nisi ad regulam, quæ ibi seruabatur. Maxime si tempore immemorabili, ea accidentalia non seruabântur: quæ sanè pro temporum varietate, & introduci, & mutari, corrumpiq; possunt. Hanc opinionem tuctur Panor. in cap. super eo. de Regularibus.

Et cap. ad monasterium, de stat. Monac. &c. De hac accidentaria reformatione intelligendus est fuisse locutus Pet. Rebuffus in concordatis rubrica, de regia ad prælaturas nominatione facienda, in verbo reformatis, cum inquit; Religiosum non esse compellendum ad subeundam reformationem, quando tanto tempore regula relaxata fuisset, cuius initij memoria non esset in cotrarium, maxime Papa sciente, tacente, ac tolerante. Nam Rebuffus, & Panormitanus ab eo citatus, expressè de esu carniū verba faciunt, qui ad accidentalia plane pertinet, & Conc. Tridentinum, & summus Pont. eius confirmator, & executor aduersus relaxationem substantialium proclamant, tantum abest, vt consentiant. Itaque in substantialibus Rebuffus audiendus non est.

4. Sunt etiam in Religione substantialia quædam plurimi æstimanda; quæ quidem necessariò, & essentialiter Religioni, & professioni inhaerent, atque conueniunt. Videlicet regula ipsa, tria vota substantialia, & quæ ad illa sunt necessariò ordinata. Item & si quæ sunt alia Ordinis peculiaria vota, & præcepta sub emissâ professione cadentia.

5. Secunda conclusio: Religiosus quacunque intentione Ordinè fuerit ingressus, iure tenetur suscipere, & obseruare hanc substantialem reformationem, quamuis tempore ingressus nō vigeret regularis obseruantia; sed esset aut omnino, aut partim corrupta, & deformata. Aduersus. n. huiusmodi Deo factam obligationem, & promissionem nullum robur, nullas etiam vires habet immemorabilis consuetudo, quæ potius Religionis corruptio dicenda est. Nam, vt inquit S. Antoninus 1. par. tit. 16. cap. vnico. §. 4. consuetudo de se mala est omnis, quæ est contra legem diuinam, vel naturalem, & actus ex illa procedens semper est peccatum, & non minuit consuetudo peccatum, nec excusat, sed auget ex cap. Schisma 24. q. 1. & de consuetudine cap. ult. tantò enim sunt grauiora peccata, quantò diutius animam infelicem detinent alligatam. Et Cyprianus inquit; Consuetudo sine veritate vetusta erroris est; vnde Nicolaus Papa dist. 8. cap. mala, ait; Mala consuetudo, non minus, quàm perniciofa corruptela, vitanda est. Quæ nisi citius radicitus euellatur, in priuilegiarum ius ab impijs assumitur, & nisi celerrimè comprimatur, pro lege incipit venerari. Nullum etiam hic locum obtinet longissima annorum præscriptio, ex regula iuris; Possessor malæ fidei vllò tempore non præscribit; iuxta illud, Psalmo 49. Redde altissimo vota tua; nec alicui licet fidem promissam homini infringere, nec ipsi maximo Deo. Infirma etiam iudicanda est hac in re Prælatorum auctoritas, & potestas, si ea quæ enarrata sunt violare, aut disperdere velint, Hæc nostra conclusio maxime corro-

corroboratur præclara illa Conc. Trid. sententia sess. 25. cap. 1. de Regularibus, cum ait; Cum compertum sit ab eis; id est à Superioribus, non posse ea, quæ ad substantiam regularis vitæ pertinent, relaxari. Si enim illa, quæ bases sunt, & fundamenta totius regularis disciplinæ exactè non fuerint conseruata, totum corruat ædificium, necesse est. Connumerauerat autè sub substantiæ nomine comprehensa, scilicet Regulam, obedientiam, paupertatem, castitatem, & Ordinis peculiaria vota, & præcepta ad eorum respectiue essentiam, & ad communem vitam, victum, & vestitum. conseruanda pertinentia. Vnde qui profitetur regulam profitetur, non consuetudinem; intelligiturq; esse obligatus non ad id, quod fit, sed ad id quod fieri debet: aut reniti non debet. Si verò deprauato animo ingreditur, vt viuatur secundum regulam ibi vigentem, audiendus non est, tanquam allegans turpitudinem suam.

6 Huic opinioni patrocinantur Innocentius in cap. Super eo, iam allegato, & Ioannes Andreas in cap. ultimo, de Regularibus in 6. Et Armilla aurea, in verbo Religio, nu. 9. & 10. à quibus non dissentit, si rectè intelligatur, Siluester in verbo Religio 3. quæst. 12. Eandem nostram conclusionem recipit Rebuffus loco citato; in eademq; sententiam citat Panormitanum in cap. ad nostram, de appella. & Cardinalè Alexandrinum in cap. ante triennium col. 2. dist. 31.

7 Sed & Siluester in verbo Religio. 6. quæst. 7. ex Archidiacono tradit, quod Religiosus de licentia Prælati habens multa superflua, non est proprietarius, si paratus est omnia resignare in manibus eius, licet uterque peccet. Et si Prælati non facit, quantum potest sine magno scâdalo, vt viuatur in cõmuni, non est in statu turis, argumento dist. 83. cap. error. Subditi verò dictæ communitati resistentes, non quia non possent sufficienter viuere, sed quia volunt abundare, & de suis suo modo facere, videntur esse in malo statu: Cum seculariter viuunt, & velint in nequitia persenerare, quod prohibetur in cap. relatum, ne Clerici vel Monachi, &c. sub grauissima pœna; vbi Alexander 3. sic ait; Relatum est, quod Monachi de. h. seculariter viuunt, & alios exemplo suo corrumpunt. Ideoq; mandamus, quatenus eos ad obseruantiam regulæ, appellatione remota, compellas: vel si tibi restiterint ausu temerario, eis eiectis fratres alterius Ordinis, si non potest præscriptum monasteriũ in suo Ordine reformari, in illud inducas: vt labores impiorũ iusti edant, & illi tandem rubore perfusi, ad sui Ordinis obseruantiam reuertantur. Quo in loco summariũ inquit; Monachi incorrigibiles de monasterio expellentur, & reformabitur monasteriũ de fratribus alterius Ordinis, si de Monachis eiusdẽ Ordinis reformari. non potest.

8 His adde ex Gersoni tractatu de proprio, quod nec Abbas, nec Capitulum provinciale dispensare potest in huiusmodi rebus substanti-
 libus ex Innoc. 3. cap. cum ad monasteriū, de statu Monach. &c. pro-
 pte finem, cum ait; Nec aestimet Abbas, quod super habenda proprie-
 tate possit cum aliquo Monacho dispensare: quia abdicatio proprie-
 tatis, sicut & custodia castitatis adeo est annexa regulæ monachali, ut
 contra eam nec summus Pont. possit licentiam indulgere. Et Conc.
 Trident. loco citato asserit idem, dicens; Cum compertum sit ab eis,
 idest Superioribus nō posse ea, quæ ad substantiam regularis vitæ per-
 tinent, relaxari. Sed de his lib. 1. abunde diximus; sapē tamen Cano-
 nicorum mentibus inculcanda sunt. Sed audi, unde hæc omnia mala
 profiliant. Nempē ex praua consuetudine. Dura. n. dura, ac penitus
 acuta, & violenta res consuetudo est, ad vincendam, capiendamq; ani-
 mam, cum imprimis ista voluptatem adiutricem habeat; ea verō pie-
 tatis virtus, ad quam festinamus, & ad quam transferri, atque applica-
 ri studemus, ingētes nobis, præbeat labores. Quocirca Deus ipse quo-
 que cum Hebræis Num. 11. cap. Eorum, quæ in Aegypto didicerant,
 malorum vetus consuetudo deponenda esset, seorsum illos in solitu-
 dinem adduxit; atque ita illorum formabat animos, viam omnē me-
 dicinæ, & curationis tentans, asperiores atque læniores, nihilq; pe-
 nitus omittens ex his, quæ viderentur eorum salubritati profutura. Et
 ne sic quidem vitia illi effugerunt, sed cum mana cœlesti cibo aleren-
 tur, cæpas tamen, & allia, & cetera, Aegypti mala præferebant, atque
 requirebant. Tantum consuetudo valet, tantumq; roboris habet. Si
 autem Iudæi cum tanta diuinæ diligentia cura fruorantur, ducemq;
 præstantissimum, & oratorem adeo egregium, cui niterentur, habe-
 rent, metuq; præterea, & comminatione, & beneficijs, & cruciati-
 bus, modis denique omnibus erudirentur, tantaq; & tam illustria
 miracula viderent, in nullo meliores euaserunt. Tu iuuenem Cano-
 nicum in Aegypto media, siue magis in media dimicatione versan-
 tem, nullumq; qui quod vtile esse possit, consulat audientem; cun-
 ctos verò ad ea, quæ contraria saluti sunt, se exhortari inspicientem,
 atque eos omnium maxime, qui duces sunt, & moderatores, diabo-
 li laqueos facile euadere posse arbitraris? Iuuenis quidem Religio-
 sus sibipsum ex se non sufficiens ad virtutem conquirendam, atq; exer-
 cendam; sed & si quid ex seipso strenuum, atque illustre conceperit,
 priusquam id germinet, verborū inueteratæ societatis perpetuo im-
 bre suffocabitur. Ut enim corpus si salubribus cibis non fruatur, insa-
 lubribusq; nutriatur, longo tempore subsistere, & durare non potest;
 ita & anima, quæ eiusmodi doctrinis fuerit imbuta, nihil vniquam
 altum

altum, nihil magnum, absque Dei ope cogitare poterit, sed eiusmodi necesse est; dum sic induerit, languidam, & mollem, vitijsq; velut peste quadam iugiter infectam, ita demum in aeternos ignes, atque immortales cruciatus projici.

Non oportere candidum Religionis cultorem retrocedere. Cap. iij.



Nonnunquam eius genetis Religiosos comperies, qui auditore reformationis nomine, admodum conturbentur: ira excalescant, admonitionibus succēscāt, & quasi iā de pelle sua, actum esset, fugam pręmeditari, & iā arripere videantur, adeoq; ipsum reformationis nomen exosum habent, ut mortem ipsam non magis abhorreant. Propterea illos tanquā infirmiores. corroborandos, & his paucis admonitis confortandos esse duximus. Imprimis orandus est a te. Deus, si hac ægritudine corripieris, ut sua singulari protectione, cura, atq; defensione te contegat, & tueatur. Egemus enim omnes sua diuina mantentione, nam si semel manus sue tentationem subtraheret nobis, vniuersi simul collaberemur. Studiosè igitur ab eo petes, ut super te firmetur manus sua, & exaltetur dextera sua. Etenim de fortitudine sui brachij, de sua pręualida potentia omnino nihil hæsitamus, nihil diffidimus. Tantum oremus, ut manus sua confirmetur super nos in bonum ad protectionem, defensionem, & custodiam nostri, utq; robustissimā istam dexteram suā non sinat quasi in suo sinu marcescere, & ociosam esse, sed ad operationem mirabilem extendat eam: ut in ea pro nostra salute operari velit. mirabilia opera potentie sue. Ipse. n. apud Dauidem. Psal. 88. inquit. Manus. n. mea auxiliabitur. ei: & brachium meum confortabit eum. Ipse. n. te docebit pugnare, & præliari aduersum hostes tuos, qui tibi manus roborabit, & digitos aptabit ad dimicandum aduersum illos, ad resistendum ijs, qui te interficere quærunt, tibi largiens virtutem, & agilitatem, ut ab inimicis tuis te defendere valeas, eosq; in fugam. vertas. Quo enim modo doceri solent tyrunculi ad corporaliter. præliandum, ad quem modum videlicet manibus gladium, siue hastam gestare, eisq; uti debeant; quo modo item digitos versare debeant, agilerq; mouere iuxta. istum aduersarij ferientis; sic per omnia, & sollicitè Deus suos Religiosos pugnatores instituit; ut prælia domini, aduersus tam visibiles, quā inuisibiles hostes præliari valeant.

Quamuis igitur candidi Religionis cultores multis hinc diuexentur afflictionibus, illinc plurimis agentur laboribus, non ob id tamē deiecto, consternatoq; sint animo; ne fortè hac emendationis vitæ occasione.

sione hostibus splendida relinquatur victoria. Id pro indubitato habentes, corruptibilem coronam dari non solitam, nisi legitime certantibus. Nec iura quibusvis opitulari, nisi vigilibus; nec præmia tribui, nisi gnauiter laborantibus. Non enim ager fert fructum, nisi multò aratro scindatur, nec vitis acinum, nisi sedulò paretur; nec quicquam aliud, quod vtile sit, producitur vnquā, nisi assiduitate laboris. Ideoq; certò sciat Christianorū quisq; præsertim verò religiosus, eo plus sibi quàm ceteris in hoc seculo laborādum, quo magis illi cū diabolo, diaboliq; impugnatione assidue luandū est. Ob idq; frequenter animo verset illud Ecclesiastici; Fili accedens ad seruitutem Dei, sta in iustitia, & in timore, & præparata animam tuam ad tentationem. Et rursus; In dolore sustine, & in timore, & in humilitate patiētiam habe, quoniā igne probatur aurum, similiter, & argētū. Et in Deuteronomio monet quoq; Spiritus Sāctus per Moysen sic dicētem; Dominus Deus tuus vexabit te, & famem iniiciet tibi, & cognoscetur in corde tuo, si bene custodieris præcepta eius, siue non. Et iterum; Tentat vos dominus Deus vester, vt sciat, si diligitis Deum vestrum ex toto corde vestro, & ex tota anima vestra. Sic enim Abraham Deo placuisse fertur, qui vt Deo placeret, nec filiū amittere pertimuit, nec illum interficere recusauit.

3 — Sic mystice Iacob, quo Rachelem pulchram nimis, hoc est vitam contemplatiuam, æternamq; beatitudinem facilius assequeretur, eo libentius plurimos, variosq; interim cum Lya deformi, ac lipposa subiit labores: sic vniuersi, qui Deo coniungi cupiunt, diuersis atteruntur angustijs, varijsq; subiiciuntur laboribus. Hinc Beatus Iacobus vniuersos Christi pugiles ad alacriter tribulationum certamina subeunda sic cohortatur; Omne gaudium existimate fratres, cū in varias tentationes incidēritis, scientes quòd probatio fidei vestræ, patientiam operatur, patientia autem opus perfectum habet: cui planè patrocinator vas electum Paulus inquit; Gloriamur autē in tribulationibus, scientes quòd tribulatio patientiam operatur, patientia autem probationem, probatio verò spem. Spes autem non cōfundit, quia charitas Dei diffusa est in cordibus nostris per Spiritum Sanctum; qui datus est nobis. Huic negotio obuius accinit regius Psalter; Iuxta est dominus his, qui tribulato sunt corde. Et alio loco; Cum ipso sum in tribulatione. Oportet enim per multas tribulationes ingredi in regnum cœlorum. Hinc ad diuexationes, tribulationesq; sereno vultu sustinēdas, audi per celebrem illam, atque nunquā satis laudatam viduā Iudith, sic te cap. 8. adhortantem; memores estote, quomodo pater noster Abraham tentatus est, & per multas tribulationes probatus, Dei amicus effectus est. Sic Isāac, sic Iacob, sic Moyses,

ses, & omnes qui placuerunt Deo, per multas tribulationes transierunt fideles. Illi autem qui tentationes non sustinuerunt cum timore domini, & impatientiâ suam, & improprium murmurationis suæ contra dominum protulerunt, exterminati sunt ab exterminatore, & à serpentibus perierunt. Vnde Apost. huc spectans ait; Datus est mihi stimulus carnis meæ, angelus Sathanæ, qui me colaphizet, ut non extollar. Cui roganti, ut discederet; à domino dictum est, sufficiat tibi Paule gratia mea, virtus. n. in infirmitate perficitur. Quandoquidem eiusdem testimonio, omnes qui piè viuere volunt in Christo, persecutionem patientur, & dominus noster beatos illos appellat, qui persecutionem patiuntur propter iustitiam. Quoniâ à diebus Io. Baptistæ vsque nunc regnum cælorum vim patitur, & soli violenti rapiunt illud, per vim autem, ac violentiam, validas nimirum, & circumquaque insultantes intelligens excribationes.

4 Non itaque pericula, anfractus, angustia, comminationes, versutia, ve sania, persecutiones, aut quæuis tentationum exaggerationes te ipsum ab itinere Religionis iam cepto deterreant, aut dehortentur; quin multò magis ad assiduos labores, omnigenasq; ærumnas alacriter subeundas, ac sustinendas, ingens præmium, inaudita, atque supra modum excellens merces, quam nec oculus vidit, nec auris audiuit, te ipsum incitare debeat, Paulo potissimum dicente; Erunt. n. socij cōsolationis, qui & passionū socij fuerint, hac nanq; spe ductus Moses grandior factus negauit se esse filium filia Pharaonis, magis eligēs affligi cum populo Dei, quàm temporalis peccati habere iucunditatem; maiores diuitias existimans thesauros Aegyptiorum, improprium Christi. Aspiciebat. n. in remunerationem, omni re sensibili excellentiorem. Quis. n. mortalium nōuit? Quis vnquam sufficenter cogitauit, aut satis intellexit, quomodo in hoc seculo vexatos, atq; in tribulationis fornace probatos posthac voluptatis torrente potabit? Quomodo immēse claritatis lumine irradiabit, suæq; diuinitatis participes efficiet? Et in sese trāsformabit tribulatorum omnium archetypus dux, ipse dominus noster Iesus Christus?

5 Quod aperto satis. sermone pro humanæ fragilitatis cōditione sic explicat idē Apost. 2. ad Cor. 3. Nos verò omnes reuelata. facie gloriā domini speculantes, in eandem imaginem transformamur à claritate in claritatem, tanquam à spiritu domini; & rursus ad Philip. 3. Expectamus dominum Iesum Christum, qui reformabit corpus humilitatis nostræ, configuratum corpori claritatis suæ. Quo spectat, & illud Ioan. 3. Nondum apparuit quid erimus, scimus, quoniâ cum apparuerit, similes ei erimus; quoniam videbimus eum sicuti est. Nō

igitur

E igitur in hoc seculo nobis feriandum, non segniter oscitandū, sed cūctis viribus, vt perpetuæ pacis tranquillitate fruamur, enitendum est, atque laborandum; & eo impensius quo maior, expectatur, promittiturq; remuneratio. Adijce nanque quantumuis laborum, & tribulationum, abundè scilicet eris, si hisce transitorijs malis æternam mercatus fueris beatitudinem. Ceterum antiquiores referunt historiar, duo Romæ fuisse ingentia, ac nominatissima templa. Vnum nanque erat multò labore, pluribus impensis, auratis laquearibus, magnaq; industria, ac miro artificio fabricatum, quod honoris titulo insigneabant; alterum verò aspectu horridum, ingressu difficillimum, atque angustissimum, quod laboris, virtutis, vexationis, ac difficultatis templum appellabāt. Et illud quidem templum primum, quod honoris tēplum vocabant, nunquam ingredi cuiquam licebat, nisi prius templum laboris strenuè pertransisset. Hunc in modum æternæ scilicet felicitatis, perpetuèq; beatitudinis templum ingredi cuiquam non datur, nisi multis laboribus agitato; quoniam non coronabitur, nisi qui legitime certauerit. Nec in portu nauigat, nisi qui pericula subierit; nec agricola segetem metit, nisi sparso prius semine, & agro diligenter culto.

- 6 In cuius figuram ante voluptatis paradīsum Cherubim, gladiumq; flammeum, atque versatilem ad viam ligni vitæ custodiendam possuisse fertur dominus. Quid.n. gladio flammeo, atque versatili designari putas, nisi varias huius seculi tribulationes, quæ homines crebro distorquent? Nam vt aurum ignis fornace probatur, sic diuersis anxietatibus verus Christi miles comprobatur. Hæc demum persuasio, ne fortè tanquam lāgvidus à militari congressione desistas, te ipsum vreeat, atque commoueat. Nempe vt nauta fluctum, turbinum, ventorum, procellarumq; spumantium collisione non consternatur, sed ad scilicet sapienter perducitur portum; sic regularis militiæ pugilem varijs tentationum discriminibus obuolutum, in terram viuētium longè omnium scilicet portum, citius quandoque perducit contingit. Non itaque more desidis, aut somnolenti feriandum, non more hominis resupini, & humiprostrati stertendum, non more palātis Eux, aut disputantis Dinæ huc, atque illuc vagandum; verum cū non sint condignæ passionis huius temporis ad futuram gloriam, virtutibus cunctis, vt inimico scilicet, & circumquaque grassanti repugnemus, semper elaborandum, fortiterq; in acie standum, vt contemptis omnibus huius seculi tam prosperis, quàm aduersis, ad altiora, sublimioraq; semper aspiremus, & pacis abundantia post exantlata huius vitæ certamina, tandem perfruamur.

- 7 Est quoddam hominum genus, qui bello non admittuntur, videli-


et timidorum, ac formidolosorum, qui corde pauido hostium insultibus, carnis delitijs, mundi oblectamentis, & demonum tentationibus segniter resistunt, qui hostibus quantumvis debilibus ultro, citroq; succumbunt, & turpiter in fugam versi, fratrum corda alioqui intrepida, sua pusillanimitate in paurem inducunt. Qui opibus nudari terrenis, carnisq; voluptatibus carere pertimescunt; & alios exemplo peruerso à virtutis via auocant, longeq; à Religione abducunt: De quibus Prouerb. 24. dicitur; Fugit impius nemine persequente. Iustus autem quasi leo confidens absque terrore erit. Trepidauerunt. n. timore, ubi non erat timor. Quoniam Deum non innocauerunt. Vnde Cain omnibus timidis segnior, militiam spirituales confictumq; poenitentiae reformidans, egressus foras à facie Dei, huc, atque illuc errabundus diffugit, & toto vitæ tempore profugus fuit. Quem proximè imitantur omnes, qui cor impoenitens habent; quiq; cum ad Deum ocius nõ conuertuntur, nec Deo humiliter herent, ab eius facie magis, magisq; elongati, tanquam profugi, vel maximè timent. Qui viam virtutis, ac veritatis, periculorum timore percussi ingredi nolunt. Quæ probitatis, & honestatis sunt, vel à limine salutare non audent; quæ vtilia sunt, & suæ salutis, ac æternæ beatitudini assequendæ necessaria, subire recusant. Qui passim oscitantes, delitijs feriat, & terrenis rebus incuruati, nunquam assurgunt, nunquam ad superna vultu attollunt, nunquam mētis acie in cœlestia erigunt; & quæ pròptò, magnosq; potius animo ambire deberent, mēte cōternati, omnia deformidāt. Sunt itaque vires in nobis hilariter resumendæ, sunt spiritus colligendi, cogitatusq; omnes vniendi, nec in illicitis motibus detinendi; sed in Deo viuente sperandum, ad eumq; alacriter accedendum; ne quod timidis minatur enim Ioannes, nobis fortè (quod absit) contingat. Inquit enim Apoc. 21. Sitienti dabo de fonte aquæ viuæ gratis. Qui vicerit, possidebit hæc timidis autem, & omnibus mendacibus pars illorum erit in stagno ardenti igne, & sulphure, quod est mors secunda.

- 8 Non reformidet itaq; spirituales palestram Religionis cādidatus, nec segniter agat; præsertim cum ducem habeat intrepidum, potentē, impaudum, & vnde quaque strenuissimum victorem, semper inuictū. Qui ad belli confictum propensus incitans, crebro inculcat, dicens; Nolite timere pusillus grex. Iugū. n. meū suauē est, & onus meum leue. Et alio loco; Venite ad me omnes, qui laboratis, & onerati estis, & ego reficiam vos; si quis sitit, veniat ad aquas, & bibat. Omnem itaq; timorem, omnem formidinem, omnem pauorem, omnem denique pusillanimitatem Dominico fretus præsidio, statim Religiosus propellat, & cum Psalmista confidenter dicat; Si consistant aduersum me castra,

castra, non timebit cor meum. Et iterum; Dominus illuminatio mea, & salus mea quem timebo? Et id Pauli similiter; Si Deus pro nobis, quis contra nos? Quòd si desidia fortè, ac mentis deiectione adhuc te affici contingat, Sapientis audi consilium; Vade piger ad fornicam, & considera vias eius, & discè sapientiam; quæ cum non habeat ducem, nec præceptorem, nec principem, parat in ætate cibum sibi, & congregat in messe quod comedat. Usque quo piger dormies? Quàdo consurges de somno tuo?

9 Insuper quemadmodum qui peregrè proficiscuntur, nec ædes, domos, vrbes, castra, aut quæ vis ædificia in via construunt, nec domibus artificiosis, aut hospitij, mira structura confectis, vel amplis vrbibus, aut munitioribus castris multum delectantur, nec locorum amœnitate, vel agrorum fertilitate detinètur, nec si minus commoda hospitia, ac loca deserta latrunculis plena inueniant, deterrentur, nec duris, austerisq; viarum anfractibus à bene cœpto proposito, itinereq; perficiendo desistunt, nec quibusvis periculis cedunt; quinimo iter iam feliciter incœptum fœlicius tota animi intentione, totaq; mentis auiditate, pedibus, manibusq; , vt aiunt, complere, ac perficere nituntur, suæq; peregrinationis terminum consequi in dies magis, ac magis satagunt; Ad cum certè modum religiosæ militiæ intrepidi pugiles toto conatu, properanti cursu, ac in defatigabili progressu, locorum amœnitatis, vel horroris immemores, per abrupta, per inuia quæq; , & iniquosa ad æternæ fœlicitatis portum, montem excelsum, supernam ciuitatem Hierusalem, vbi facie ad faciem videbitur Deus deorum in Sion, omnib. huius seculi tam prosperis, quàm aduersis neglectis, peruenire conètur. Ignominia igitur, pudori, atq; dedecori tibi erit, si à Religionis progressu, & promotione retrocedere, vel cogitaueris.

De quibusdam præparatorijs ad futuram reformationem. Cap. ix.

1  Vantum verò eluceat Christiana religio in ijs, qui seculo renunciantes, sub disciplina Regularis obseruantia degunt, quisnam Christiani pectoris homo non videat? Inter cetera. n. quæ Dei gloriam in terris concelebrat, catholicamq; fidem apud infideles etiam commendabilem reddunt, non infimas tenet partes socialis vitæ eorum fidelium, qui spreto perituri seculi luxu, abdicatisq; à se diuitiarum, honorum, & carnis illecebris, in monasteriorum septis voluntariæ seruitutis se perpetuò dedicarunt voto. Quis(oro) Deum mille præconijs non extollar, cum vtriusque sexus penè innumeros intuetur iuuentutis florere pulchritudine, corporis valetudine prospera potiri, diuitiarum abundare

• dare copia, possidere agros, vineas, domos; parentum, amicorum, affiniumq; generosa claritate ornari, sponte tamen renunciare seculo, illius pompas spernere, consanguineos à se abicere, atque sub ignoti quodammodo viri disciplina regulari Christo domino strenuè militare? Quæ quidem res cõmunis humanæ consuetudinis limitem egreditur. Non enim facilè quisque patitur, vt suos progenitores contemnat, vt deserta patria, vniuersis relictis consanguineis, coeuiis adolescentulis, & amicis, peregre proficisci, ignotasq; domos incolere; deinde perpeti famem, sitim, frigus, atque etiam, si opus sit, nuditatem; corpus quoque attenuare vigilijs, ieiunijs, atque laboribus, & inedijs; quodq; his omnibus excellentius est, propriæ voluntatis debellare affectus, & domesticorum, propinquorumq; dulcissimum, contubernium, quasi pestilentem locum fugere, & odisse. Cum hæc igitur agitari conspiciamus, spe futurorum bonorum, quis non admiretur, quis Deum non mirifice laudet? Hac quippe ratione sancti claritate perfusi, deserta repleuerunt, perlustrarunt solitudines, construxerunt cœnobiaz, in quibus diuinis intenderent laudibus, crebris vacarent orationibus, in vnũq; congregarent Dei filios, circumquaq; dispersos, vt inuisibilibus inimicorum latètes laqueos euaderent. Intelligebant. n. seculum hoc carnis cõcupiscentia, oculosum lenocinijs, & vitæ superbia esse refertum. Idcirco huiusmodi pro Christi amore se mancipauere ergastulis. Ad hanc profectò spiritualem immundorũ spirituum pugnam Apostolus ad Ephes. 6. exhortatur; Nõ est, inquit, nobis colluctatio aduersus carnem, & sanguinem, sed aduersus mundi rectores tenebrarum harum, contra spiritualia nequitiz in cœlestibus.

2 Non est autem mirum, si ipse aeræ potestates ipsos Christi milites prostrernere; ac debellare conentur, cum è regione ipsi eosdem die, noctuq; conculcare non desinant: quid enim aliud dixerim esse Religiosorum monasteria quàm stadia militaria, atque spiritualia castra? Est quippe claustrum ortus conclusus, paradysus deliciarum, thalamus nuptialis, cubile immaculatum, virtutum schola, tabernaculum fœderis, reclinatorium sponſi, bellatorum statio, sanctitatis domus, castitatis custos, pudicitiz firmamentum, Religionis magisterium, & obedientiz sanctæ speculum singulare.

3 Vt autem iam ad particularia exercendæ reformationis documenta descendamus, nouem numero sunt præparatoria, vt plurimum necessaria. Primum est, vt personæ habeantur idoneæ loco reformando: Cor, cerebrum, & principalia membra in animalibus primo natura producit, ex quibus deinde omnia corporis lineamenta condit. In artificiosa etiam domus structura architectus primo solidiores, maioresq;

resq; lapides collocat, super quibus deinceps firmum ædificium construit. Hinc in sacra pagina fundamenta domorum diuinarum solidissima esse leguntur, quæ sanè Religiosorum domos præfigurabant. Vt Exod. 27. In atrio tabernaculi fuerunt columnæ sexaginta, fulcientes tentoria atrij, quarum bases enæ erant, & columnæ Salomon quoque; 3. Reg. 5. præcepit, vt tollerent lapides grâdes, & pretiosos in fundamentum templi, & quadrarent eos. Sic quoque necessarium est in templo spirituali, in quo Spiritus Sanctus inhabitare dignatur, inchoatores firmos esse, stabiles, atque idoneos, idest bonæ vitæ, bonæq; famæ, & iniuriarum patientes. Nam in reformationis exordio ob rei nouitatem; non paucos aduersarios agnoscent.

4 Secundum præparatorium; eos oportet reformatores eligere, qui huic negotio tractando sint apti. Reformatores autem vocamus eos, qui ex superiorum auctoritate cõmuniter, reformationem sunt inchoaturi, exequuturiq; Vt Præsides, vel Visitatores, & vniuscuiusq; domus Abbates. Si enim apti non fuerint, reformationis opus nihil promouebunt. Sint igitur in hanc rem gerendam bene affecti, atque fideles; alioqui. n. frigidam, apparentem, fucatamq; reformationem inducēt. Quidā etiam muneribus, precibus, alijsq; modis corrumpuntur. Sint igitur Reformatores auctoritate potentes, ne ab aduersarijs vincantur; sint prudentia sagaces, ne callidis artibus decipiātur; sint denique integri, ne muneribus corrumpantur, aut precibus.

5 Tertium est, vt consensus Episcopi, & insignium Clericorum prius habeatur ad dimouenda scandala; siue locus reformandus sit exemptus, siue Episcopo subijciatur. Ne aut murmuratione, aut alio prætexto colore rem impédiant.

6 Quartum, potestas regia procuranda est, atque vigor brachij secularis aduersus rebelles, propter astutos Religiosos reformationi resistentes. Ipsi, n. cū admonentur, vt obseruantia Regularis iugo colla submittant, statim ad cognatos, amicos, & potentes accurrunt; calumniantes reformationem, aut reformatores, aut certè reformandi modum. Quòd si seculares potentes non sint prius conuenienter informati eorum etiam beneuolentia captata, facili negotio operi diuino resistunt. Summo igitur studio reformatores curent, vt iuxta locorum, & temporum opportunitatem, fauorem principis, aut consulas, aut communitatis obtineant. Intelligentq; difficillimam esse monasteriorum reformationem in vrbibus, & locis, vbi cõmunitas regnat: præsertim vbi Religiosi consanguineos habent in cõmunitate ciuium. In loco verò vbi princeps rem publicam gubernat, facilius est opus; si principis consensus habeatur.

7 Quintum, diligenter procuranda sunt in loco reformando ea, quæ ad victum, vestitum, & reliqua necessaria pertinent. Nam qui religiosi præsumunt, ut Humbertus in Regulam Augustini ait, cauere debent, ne in distribuendis necessarijs sint tenaces, sed pro facultate seruis Dei necessaria largiantur. Si enim decenter necessaria viris bonis subministrantur, tria sequuntur bona. Laus creatoris, dominum enim saturati laudabunt. Custodia paupertatis. Alioquin enim aut efficiuntur proprietarij, aut mutabunt locum, aut prælatis detrahent. Prospera corporis valetudo, ad prosequendum feliciorum statum, & ad fugiendam debilitatem, & impotentiam sustinendi difficultatem, & iugum ordinis.

8 Sextum, inuitis, & repugnantibus sacra concio frequentanda est. Secularibus quidem, ut quàm sit utilis, quàmque frugifera reformatio, intelligant, & nouam plantulam adiuent, atque irrigent, ne arescat. Inuitis verò regularibus, ut à faucibus dæmonum eripiantur. Aliquando etiam verbi diuini prædicatio ad voluntarios religiosos habeatur, ut pane cælesti recreati, aduersa facilius tollerare possint.

9 Septimum, parcendum non est delinquentium excessibus. Talis autem correctio, si cum inuitis, & pugnacibus agatur, virum prudentissimum exigit. Vbi enim multi perditissimi homines cohabitant, infirmitates celantur, medicus animæ nec quæritur, nec diligitur, sed inuidiosè propellitur. Ut enim Gregorius. 9. Moral. cap. 1. ait; Peruersæ mentes, si semel ad studium contrarietatis eruperint, siue prauum, siue rectum quid à contradicentibus audiant, aduersis hoc responsionibus impugnant. Boni igitur sic corrigendi sunt, ut nimis rigidè non puniantur. Mali verò sic castigandi, ut inde boni non perdantur. Solent namque inter spinarum multitudines etiam de frugibus semina succrescere. Cauta ergo manu operantis agendum est, ut dum spina tollitur, spica nutriatur. Item sic sunt corrigendi peruersi, ut ad tempus si expedierit, punitio prætermittatur. Ut enim idem Gregorius admonet, nonnunquam cum redarguuntur prauis, deteriores redduntur. Præterea sic corrigat reformatorum, ut non furorē, sed discretionem assumat. Teste enim Augustino; si quid lacerato animo dixeris, puniendus est impetus, non charitas corrigentis. Longe enim maiore arte opus est in medendis animarum, quàm corporum vulneribus.

10 Octauum, utilissimum erit, ut quid nam sit reformatio Canonice explicetur. Pro cuius rei intellectu annotanda sunt verba Pauli dicentis; Nolite conformari huic seculo; sed reformemini in nouitate sensus vestri. His sanè verbis elegans, breuisque viro religionem professore forma traditur, qua actus, moresque suos ad normam non seculi, sed

spiritus instituat. Ad vitæ namq; moralis perfectionem, ad quam obtinendam p̄missis fundatur religio, duo necessario exiguntur, videlicet innocentia, & iustitia. Per innocentiam quidem à malo declinamus; per iustitiam verò bonum operamur. Aic enim Chrysostomus, qui abstinet à malo, innocens quidem est, iustus non est, nisi iustitia opus impleuerit. Forma etiam; & pulchritudo pro eodena usurpantur. Quemadmodum igitur in corporibus pulchrū appellamus, quod decentem proportionem membrorum in quantitate, & situ habet, ac etiam clarum, & nitidum colorem continet; sic etiam illud in ceteris rebus pulchrū iudicamus, quod habet claritatem sui generis, vel spiritualement, vel corporalem, estq; debita proportionem constitutum. Reformatio igitur tria in se includit, formæ præcedentis existentiam, eiusdem formæ subsequutam carentiam; & nouæ formæ introductionem. Reformatio ergo est formæ alicuius deperditæ noua introductio. Forma autem cuiuslibet approbatæ religionis ex duabus potissimum partibus componitur, & integratur; ex regula per ecclesiam approbata, & ex constitutionibus ritè editis.

¶ Quid autem in monasterio formosius, & delectabilius viro probò esse queat, quam si intueatur castitatem in dormitorio, temperantiam in refectorio, in capitulo iustitiam, in scholis prudentiam, in infirmatorio patientiam, in claustro silentium, in coquina parsimoniam, in choro, & ecclesia varia pietatis, ac deuotionis exercitia? Iam verò præstantissima est in religiosis morū compositio, cum paupertas Christi cernitur in vestitu, modestia in verbo, verecundia in visu, in incessu grauitas, in facie hilaritas; nec aliquid comperias, quod tuum aspectum offendant.

¶ Cauendum igitur est, ne hanc fulgentissimam religionis pulchritudinem, amittamus; ne illud Thren. cap. 4. in nos contorqueatur. Quomodo obscuratum est aurum, mutatus est color optimus, dispersi sunt lapides sanctuarij in capite omnium platearum? Omne caput languidum, & omne cor merens, à planta pedis vsque ad verticem capitis non est in eo sanitas. Isai. 1. Derelicta est filia Sion, sicut vmbra culum in vinea, & sicut tugurium in cucumerario, sicut ciuitas, quæ vastatur. Isai. 1.

¶ Nonum præmonitum est, conducibilius esse oblata opportunitate, reformationem aliquantulum rigide, quàm laxè, ac frigide inchoare. Quæ si lento, inertiq; gressu inchoata fuerit, ac itidem integræ regulæ, & constitutiones omnes rigidiusculè in exordio obseruare nō fuerint, experientia docente, affirmare possumus, certo certius futurum esse, ut postea vix, aut nunquam perfecta reformatio sit inducenda. Si. n.

tam boni, quam mali lata viuendi inertie, solutio: ritque vita semel assue-
ti fuerint, non secus, atque graues in seculo peccatores, difficilime ab
eis dimouebuntur. Qui enim in initio parua negligit, paulatim deci-
dit. Eandem hanc corrigendi normam Archiapostolus Petrus Act. 5.
cap. insequutus est. Intereuntibus. n. Anania, & Saphira factus est ti-
mor magnus super omnes, qui audierunt, & in vniuersa Ecclesia. Me-
rito namque terrere debet huius Ananie exemplum omnes: oportet
autem inter prima Ecclesie initia seuerum aliquod edictum, ne
lenitas doctrinae Apostolicæ apud impios profus veniret in contemptu.

¶ Videor equidem mihi iam illos sic arguentes videre. In Religio-
nis principio, & in hæc nostra tempora patres nostri fuerunt litteris, &
sanctitate præditi; qui tamen ad rigidam hanc viuendi formam, nun-
quam nos arctauerunt. Cur ergo nobis imponitis iugum, quod nec
nos, nec patres nostri portare potuerunt? Hoc igitur orationis ductu,
& priorum patrum auctoritatem, & præscriptam consuetudinem, &
naturæ imbecillitatem, multa; id genus alia sophismata obijcient,
schismata, litesq; in monasterio & excitabunt, & nutriunt, sed hæc
omnia contemnenda sunt.

¶ Illud verò inficiari non possumus, quamlibet legem, siue regulam,
quamuis rectam, & stabilem, & ab Ecclesia approbatam, propter na-
turæ humanæ infirmitatem, cui applicanda est, longis temporibus in-
usu illam, & omnino conseruatam non permanere; sed indies, nisi
magna sollicitudine custodiatur, labi, & decidere. Quod in exordijs,
atque progressibus legis naturæ, Mosaicæ, atque Euangelicæ cernimus;
idem profecto in cuiusque Religionis regula, & constitutionibus ex-
perimur. Quæ. n. olim ad vnguem custodiebantur, vix vlla hodie ea-
rum vestigia apud nos remanserunt. Proinde hoc consilium semper
fuit amplectendum. Vt quemadmodum horologium, musicum in-
strumentum, atque nauigium, quamuis subtili arte confecta fuerint,
aliquanto tamen temporis successu, inepta, inutiliaq; fiunt, nisi artifi-
cis opera, & industria rursus reparentur: simili quoque ratione tem-
porum malitia religiosè viuendi instituta vitiantur, nisi prudentis re-
formatoris consilio, & arte reficiantur, & restaurentur. Idcirco Deus
optinix maximus, iuxta hominum naturæ ingenia ab initio cuiusuis
latæ legis, & regulæ viros perfectissimos largitus est, à quibus coe-
ptum opus vehementi quodam impetu ad sui cursus perfectionem per-
ferretur. Lentò igitur pede reformatori properandum est, hac ta-
men lege, vt regula, & statuta integrè obseruentur, perniciofaq; te-
piditas fugiatur.



ERIT I medici morborum causas prius diligenter explorant, vt eis semel cognitis cōuenientia medicamēta aegrotis apponant. Vtilissimum ergo vigilanti reformatori esse duximus, si causas collapsarum Religionum ei patefecerimus, vt efficacissimis remedijs in tanto morbo curādo vtatur. Prima igitur causa collapsæ Religionis ad prælatos spectat; cū videlicet homines inepti, illiterati, inertes, & imprudentes ad gubernaculū fastigiū assumuntur. Hinc n. correctionis debita prætermisio ortum habet, verbis. n. & factis subditorum insolētia corrigenda est. Hinc originē trahit inutiliū officialium præatio, & electio, dū gratia, consanguinitas, amicitia, peculiaris affectio, propriaq; lucra respiciuntur; prudentia, verō, integritas, atque dexteritas, & communis utilitas negliguntur. Hinc demum nascitur iniqua aduersus regulam, & constitutiones dispensatio, quæ citissimē fit dissipatio.

Secunda causa est, subditorum erga Prælatum inobedientia, & rebellio. Ait. n. Tullius; Inobedientia, obstinata mentis duritia est, cū debeas impetranti velle obtemperare. Nam inobedientiæ morbus ex superbia tumore procedit. Sicut sanies ex vlcere, sic ex superbia contemptus emanat. Quæ tamen inobedientia, & exhortatione, & correctione, & salubri disciplina curanda est.

Tercia causa est, priuata bonorum temporalium appropriatio citra superioris iustam, legitimamq; licentiam, contra rerum communitationem, ac demum contravotum paupertatis. Quam quidem appropriationem omnes regulæ sanctorum Patrum summo opere derelictantur. Præsertim Augustinus; dum in regula dixit. Si quis rem sibi collatam telauerit, furti iudicio condemnabitur.

Quarta causa est, immodica, incautaq; cum exteris cōuersatio. Hæc enim cū citra modū est etiam si maxima circūspectio adhibeatur, deuotionis, pietatisq; vigorem exhaurit. Si. n. vix perfecti, cū natione mala, & peruersa absq; animarum labe communicare possunt, ab imperfectis quid expectandum erit? Isaias quidē cap. 6. sic conqueritur. Vir pollutus labijs ego sum in medio populi polluta labia habētis ego habito. nō mediocrē animæ nocumentū est; si cū peccatoribus conuixeris, si nanq; picē tetigeris, ab ea profectō inquinaberis. Solius est Gregorius dicere; Sicut pisces si tardauerint, in sicco moriuntur, ita Monachi extra cellā tardātes a quæritis proposito resoluuntur. Cui, & illud simile est quemadmodū gallina nidū deserēs absq; pullis, ova sua inanitia reddit, sic Monachus a loco in locū trāsies, frigeſcit, & mortificatur.

3 Quinta causa est litterarum studij neglectus. Experimento. n. comprobatur est, veteres quasdam, venerandasq; Religiones a scælici, præclaroq; statu turpiter excidisse: quod bonorum temporalium negotijs occupatissimi, litterarum studia, scientiarumq; cognitionem a se proiecerint. Diuinum quidem est Osee Prophetæ cap. 4. oraculum: Conticuit, inquit, populus meus, eo quod non habuit scientiam: quoniam tu scientiam repulisti, repellam te, ne sacerdotio fungaris mihi. Oblita es legis Dei tui, obliuiscar filiorum tuorum, & ego. Hinc Hieronymus suum Rusticum admonet, nunquam de manibus, & oculis tuis recedat liber. Ama scientiam scripturarum, & vitia carnis non amabis. Et ad Demetriadem virginem ait: Vere lectione diuina vice speculi, scæda corrigendo, pulchra conseruando, pulchriora faciendõ. Itaq; litteratorum virorum in monasterijs penuria litteratos viros secularares abigit, Prælatos contemptibiles reddit, vitijs deditos corrigere ignorat, tentatos iuuenes corroborare non nouit. Verequid quidem est, ne in hos litterarum oïes illud Esai. 5. verè competat: vñ, qui cõsurgitis mane ad ebrietatem sectandam, & potandum vsque ad vespëram, vt vino astuctis. Cythara, & lyra, & tympanũ, & tibia, & vinum in conuiuijs vestris, & opus domini non respicitis, nec opera manuum eius consideratis, propterea captiuus ductus est populus meus, quia non habuit scientiam, & nobiles eius interierunt fame, videlicet verbi Dei.

6 Sexta causa est, imprudens cum mulieribus consuetudo, seu colloctio: Moyses inquit Num. 21. cõtra Israelitas, qui obræto bello scæminas seruauerunt. Nonne istæ sunt quæ deceperunt filios Israel ad suggestionem: Balã, & præuaricari vos fecerunt dño super peccato Phægor, unde & percussus est populus? Augustinus quoque in Soliloquijs ait: Nihil esse sentio, quod magis ex arce deiiciat animũ virilem, quàm blãdimenta scæminæ. Et Hierony. ad Nepotianum, quod protritum est, hospitium tuum, aut raro, aut nunquam mulierum pedes terat: omnes puellas, ac virgines Christi aut æqualiter ignora, aut æqualiter dilige. Vide, ne sub eodem tecto manseris, nec in præterita castitate cõfidas. Nec Sampson fortior, nec Dauid sanctior, nec Salomone potes esse sapientior. Memento semper, quod paradisi colonum de possessione sua mulier eiecerit. Et ad Heliodorum: quid facit Monachus in cellis scæminarum? Quid sibi volunt priuata, & sola colloquia, & arbitros fugientes oculi?

7 Septima causa est, bellorum, & tyrannorum oppressio, quæ hac nostra tempestate quàm plurima monasteria deuastauit in Germania, Anglia, Gallia, alijsq; locis non citra piorum Christianorum ingentem dolorem. Quare diligenter curandum esset, vt præmaturo, anti-

cipatoq; confilio monasteria in loca tutissima transferrentur, ubi periculo exposita reperiuntur. Ne ludibrio sint, & præde hominibus, aut hæreticis, aut certè latronibus, & nebulonibus.

8 - Octaua causa deperditorū monasteriorum est, vnitarum parochialium ecclesiarū coaceruatio, quæ fit, vt aut difficilè reformari possint, aut si reformata fuerint, non diu in bono perseuerent. Tamen si, n. non ambigimus, animarum salutem à viris Religiosis apud plebē strenuè procurari, conseruariq; posse; si tamen Monachus solus, aut etiā alteri consociatus, extra cœnobium longo tempore in animarum gubernatione permanferit, in dies monasterij fuga perplacebit; deinde fratrum in claustro cõtuberniū oderit, mullicularū colloquio capietur, rebus denique mundanis implicabitur, suesq; peccatorū eum circūplectetur. Ex quibus certò consequetur erga Superiorem inobediētia, negligētia mandatorū Regulariū, castitatis periculū, & auaritiæ incendiū. Idcirco superiori seculo quædam in Germania Canonic. Regulariū reformata monasteria vno cōsensu vnitas parochiales ecclesias à se abiecerunt. Quin potius quædā recētia Cōcilia prouinc. ægreferunt ecclesias parochiales à regularibus gubernari, & administrari. Et Cōciliū Triden. sess. 7. c. 7. præcipit, vt in beneficijs curatis, quæ monasterijs perpetuò vnita, & annexa reperiuntur, ab ordinarijs idonei vicarij, etiam perpetui cū assignata congrua fructuum portione cōstituantur. Vt igitur rē finiamus, has omnes lapsum Religionis causas cordatus reformator considerans, cōtraria adhibebit medicamēta, contraria. n. contrarijs curantur, iuxta vulgare medicorum prouerbiū.

De recta reformationis executione. Cap. xi.

OSTREMVS locus à nobis efflagitat, vt iam tandē ipsam reformationis executionem opere expleamus. In hunc. n. scopum superiora omnia referuntur. Quamuis verò in huiusmodi morum negotijs, locorum, temporū, & personarum circumstantiæ potissimum locum obtineant, iudicio tamen nostro septem regulæ in reformationis progressu sunt prudenter, accurateq; obseruandæ. Prima, vt faustum suscipiatur exordium, locus idoneus eligendus est, à quo ob rei facilitatem reformatio sit inchoanda. A facilioribus enim iuxta disciplinæ ordinem, nobis progrediendum est. Ille autem locus idoneus esse ducetur, qui verissimili coniectura ob pinguem natiuā fructuum vbertatem plures Religiosos alere possit. Quiq; à ciuibus, incolisq; manu teneri, & in libertatem vindicari valeat. Adde etiam, quòd ex loco alia monasteria commodè reformari possint. Alias etiam his non dissimiles

similes considerationes reformatore pro suo felici ingenio, acquiratq; dexteritate excogitabit.

Secunda labijs, quæ sub solenni professione præcipue continentur, reformationis sumetur initium. Nempe à vitiorum mortalium eradicatione, & à trium votorum Religionis, vt obedientiæ, castitatis, & paupertatis foundatione. Potissimum verò à voluntaria paupertate. Nam vbi rerum pura communitas non seruatur, vix spes de reformationis profectu haberi potest. Contra verò communitate rerum semel obtenta, & præiacta, omnibus penè vitijs aditus præcluditur, proprietateq; semel sublata omnes fere malorum viæ obstruuntur. Nō. n. quisquam vestium superbia lasciuire potest, cum à vestiario solum regularis vestis subministratur. Auaritia tunc locum habere non potest, cum fomentum pecuniæ subtrahitur. Ad fornicationem nec excessus, nec carnis lapsus habetur, quando eis nullum pecuniarum, aliarumue rerum pretium porrigitur, comestationes, ebrietatesq; resectorij vitus relegat, cum nulla aliunde restat via procurandi lautiora discurus etiam extra monasterium frequentes, qui multorum malorum causa existunt, facile restringuntur, cum nullam ille excundi causam legitimam habeat, cui omnia necessaria in monasterio abunde suppeditantur. Pestilens verò proprietatis permissio totam fere regulare, veramq; obseruantiam, tanquam ex mundo solem tollit. Auaritia itaq; quæ idolorum est seruitus, cum omnibus proprietatis idolis in reformationis ingressu eliminanda est, vt Pauli documentum ad Colos. 3. Religiosi sequantur mortificationem, inquit, membra vestra, quæ sunt super terram, fornicationem, immunditiam, libidinem, concupiscentiam malam, & auaritiam, quæ est idolorum seruitus, propter quæ venit ira Dei in filios dissidentiae, &c. Hæc igitur sunt auaritiæ, & proprietatis idola, quæ omnino demolienda sunt, & publice & occulte exemplo illius pulcherrimæ Rachelis, quæ vt patrem ab idolatria retraheret, & remoueret, patris idola, & furatur, & contegit. Genes. 31. cap.

Tertia, præcipua monasterij officia integris, probisq; ministris sunt demandanda, & iniungenda: nec solum ea, quibus vt plurimum cura annexitur animarum, vt Abbatia, Prioratus, nouitiorum Magisterium: sed etiam ea, quæ monasterij bona, victum, atque vestitum, res sacras, aliaq; similia tractant, & administrant. Si. n. his muneribus non præficiatur viri prouidi, ac Religionis studiosi, quæ nam ratione emendandi, vitariq; poterunt ea mala, quæ ab huiusmodi officijs negligenter, perperamq; administratis scaturire solent? Nam ipse Prælati cuncta circumspicere solus non potest. Sequenda igitur erit A post. forma dicendum A. & 8. Considerate fratres, viros ex vobis boni testimonij septē,

plenos Spiritus S&cto, & sapientia, quos c&stitutamur super hoc opus, videlicet ad administrandum viduis, & menfis.

4. Quarta, pr&cipui turbat&res reformationis ex Religios&rum numero profili&tes, acriter c&pescantur, nunc minis, n&nc penis, qu&od si opus fuerit, ad alia Religionis loca, vbi & sibi prosint, & alijs n&o obsint sunt emitt&di, traijci&ndiq;. Sole&nt quid& reformationis principio, instig&te sathana, frequ&ter exurg&re pugnaces quid& mal&orum d&uces, qui amic&oru potentia, d&emonis arte, propriaq; animi malignitate, & freti, & instructi, alios tam inuitos, qu&am beneuolos ad repudiand& reformationem sollicitant, a sanct&oq;, & pio opere c&cepto dehortantur, ac retrahunt. In quos illud Paulinum 2. ad Timot 3. ver&e conuenit, quemadmodum Iamnes, & Mambres resist&erunt Moy&si: ita hi veritati resistunt, homines corrupti mente. V& illis, inquit, Iudas Apostolus, qui in via Cain abierunt, & errore Balaam mercede effusi sunt, & contradictione Chore perierunt. Propterea san&e Augustinus in regula ait: Facinorosus, secundum Pr&positi, vel etiam pr&sbysteri, ad cuius dispensationem pertinet arbitrium, debet emendatoriam subire vindict&am. Qu&am si ferre recusauerit, etiam si ipse non abscesserit de vestra societate proijciatur. Non. n. & hoc fit crudeliter, sed misericorditer: ne contagione pestifera plurimos perdat.

5. Quinta, conf&ssarij instructi, & boni, ben&eq; in Religionem affecti in monasterio instituantur, qui pal&m, & occult&e velut periti medici, mal&arum consuetudinum vulneribus pro viribus mederi enitantur. Hi. n. facili&ori via putridorum morbor&um secreta rimari, salubriaq; medicamenta & grotis moribus applicare valebunt. Cauendum t&n est, ne quispi& literatur& titulo insignitus, sanct&e reformationis ex&osor, conf&ssarius creetur. Plures enim vno die vnus ipse destruet, & euerter, qu&am decem boni & quali tempore & edificare valeant.

6. Sexta, excessus, & tr&nsgressiones etiam in rebus paruis cum discretion&e puniantur. Quando. n. reformatio cum ceremoniarum obseruatione non inchoatur, quamuis ill& sub pr&cepto non cadant, postea nunqu&am suscipientur, semperq; negligentur. Adieci&mus aut& discretionis moderationem, propterea qu&od, c&um sec&undum Gregorium nemo rep&nt& absq; speciali Dei miraculo, fiat summus, nec ab vno extremo in alterum absque graui lesione fiat transitus, compati&ndum prof&cto est his, qui virijs assueti, Religionis ceremonias non sunt ex&pti. Ne contra domini erudit& regul&am, vinum nouum mittatur in vtres veteres, nec exting&uatur linum fumigans, nec arundo quass&etur, dum tentationum vento agitur. Illud aut&em semper formid&nd& est, ne si minima neglexerimus, paulatim excid&mus. Ecclesi. 19.

7 Septima regula est, vt summo studio caueantur omnia illa opera, & incommoda, propter quæ lapsus est ordo, & sacra regularis obseruantia omnino perijt. Ea autem iam nos superius recensuimus, cum de causis collapsæ Religionis superiori capite diserebamus.

Rursus de ratione reformandi monasterium. Cap. xij.

1 **P**ER quam magna quidē prudentia in Abbate, seu quocunq; alio Prælatō ad sui monasterij reformationem est necessaria, lentoq; pede illi est festinandū. Ad quā felicius aggrediendam pauca quædam documenta plurimum adiumenti præstabunt. Primum à diuino auxilio implorādo Abbas exordiat̃ur. Et ad Dei maiestatem solo prouolutus, efficacissimam effundat orationem, suarum virium tenuitatem agnoscat, Dei opem lachrymis, indefinētibzq; precibus petat, postulet, atque exoret, vt diuino fauore corroboratus, gregem sibi commissum salubribz monitis exhortari, castoq; vitæ exemplo mouere, & allicere, & cœptum negotium feliciter persoluere possit. Deum etiam magno affectu precetur, vt subditorum corda intueatur, molliat, & aperiat ad audiēdam, amplectendū, & perficiendū, quod in reformationis pertractatione tradetur.

2 Secundum, quod si Abbas in negotio tāti ponderis se proficere intellexerit, nequaquam inaniter gloriatur; sed Deo gratias humili animo & & habeat, & agat. Totumq; felicem negotij exitū diuinæ pietati adscribat, seq; inutilem seruum constetatur.

3 Tertium, quoniam verò, Dionysio Areopagita auctore, tāta perfectionis, & gratiæ cumulo, Prælatus oportet esse præditum, atque munitum, vt ex sua ipse plenitudine bonam partem in subditos effundat, & conferat: maiorisq; sit momēti exemplo, & factis, quā verbis cōcionari. Nam exemplaris vita est perpetuum quoddam prædicandū genus: contra verò prædicatio illius contemptibilis fit, cuius vita despicitur. Idcirco Prælatus se totum circumspeciat, bonisq; operibus, vt sol splendeat, & apud suos luceat, mansuetū etiam, affabilem, & charitatis in zelo feruentē se omnibus exhibeat. Sic Paulus 1. ad Timot. 4. Timotheum Prælatus commonefacit. Estō exemplo fidelium in verbo, in cōuersatione, in charitate, in fide, in castitate. Prælatus nanque quasi signum quoddam est, in quod subditorum oculi diriguntur.

4 Quartum, consideret, atque eligat Abbas eos, qui melioris, faciliorisq; voluntatis, ac etiā propensiores sunt ad reformationē suscipiendam: eosq; sibi alliciat, astringat, roboret, & conciliet. Tamq; per se, quā illorum ministerio progrediat̃ur ad exhortationem aliorum, se-
creto,

cretò, atque priuatim faciendam. Eos tamen primo ipso aggrediat, de quibus maiorem spem conceperit ad consentiendum. Quos si non faciles, sed dissentientes fuerit expertus, quo animò ferat, nec succedat, nec ira rapiatur, sed Deum orans pro eis, ab incepto negotio non desistat. Nam difficilia, quæ pulchra.

5 Quintum, imprimis quoque laboret seniores inducere ad consentiendum reformationi, qui tantò libentius consentire debent, quanto se morti viciniore conspiciunt, quantoq; Deus diutius, & plura peccata eis condonauit. Senioribus autem consentientibus, iunioris ad bonam frugē facilius inducuntur, minusq; sanctæ reformationi resistere audent. Quæ hætenus docuimus, secretò gerenda sunt.

6 Sextum, hac prudenti præparatione iacta, quasi quadam agricultura præmissa, constanti animo Abbas progrediatur, generali monitione totum conuentum, pijs, dulcibusq; verbis adhortans ad emendationem, ad virtutum exercitium, ad solennis professionis persolutionem, & impletionem, legatq; eis Abbas aliqua ex regula, quam professi sunt. Ea tamen potissimum, quæ ad tria vota omni religioni substantialia pertinent; exponatq; eis quàm sit periculosum, atque damnatū, votum in professione factum non explere.

7 Septimum, si Abbas id sibi necessariū esse perspexerit, sibi aduocet aliquos viros Religiosos, moribus, litteris, & sanctitate celebres, præsertim sui Ordinis Abbates, qui vnà cū ipso suos subditos ad reformationē capessendā admoneant, consilioq; atq; auxilio sibi assistant.

8 Octauū, quòd si qui fuerint nimis rebelles, & duri; videritq; Abbas se maiori, & potentiore indigere auxilio, poterit Episcopi sui aduocare subsidium: maximè si sciret Episcopum ex corde illi velle succurrere; nec precibus, nec muneribus esse flectendum, alioqui viros eligat Deū timentes, & idoneos, quibus Episcopus vicem, & auctoritatem suam committat, qui Abbati assistentes opitulentur.

9 Nonum, quoniam verò in omni motu naturali medium pertranscundum est, vt in alterum terminum eatur, nemo etiam repente fit summus, idcirco Abbas omnia & discretione, & moderatione peragat: nec statim in ipso reformationis initio totum Ordinis rigorē subditis imponat, sed imperfectorum imbecillitatem perferens, eos paulatim ad perfectiora aduehere nitatur. Primum quidem ad substantialium votorum obseruationem. Deinde verò pedetentim ad alia Religionis præcepta, & statuta. Potissimum tamen ad Dei timorē, spiritalisq; vitæ feruorem, & suauitatem degustandam inducere conetur.

10 Decimū, reformatione igitur inchoata, potest Abbas non absq; magna sui gregis utilitate Religiosos aliquot sui ordinis, & pios & virtutibus

tibus exornatos, ex alio coenobio in suum importare; qui aliquo temporis spacio in monasterio suo commorantes, subditis reformandis, nec dum in obseruantijs ordinis exercitatis ostendant vei bis, & factis modum monasticæ conuersationis, formam spiritualis profectus, exercitium deuotionis internæ, regularisq; discipline obseruantiam.

11 Videlicet, cum verò Deo adiutor, suum gregem Abbas reformatum habuerit, summa cum diligentia, atq; studio custodiat, atq; in officio contineat, ne recidat, aut relebatur, sed regulam suæ professionis frequenter legat, vt probè noscat, quid eloqui, quid etiam operari eum oporteat: generosq; animo in finem vsque perseueret, innocatis etiã quotidie in suum auxiliũ beatissima Virgine Maria, ceterisq; sanctis; præcipuè patronis suis. De hac re diligenter disseruit Dionysius Carthus, in opusculo de reformatione claustr. art. 21.

12 Eadem de re non inutilem tradidit formam Bened. 12. in Constit. Canonicoꝝ Regulæ. de collapsis ecclesijs, & monasterijs in Religione. Si aliqua, inquit, ecclesia cathedralis, monasterium, seu alius locus Religionis eiusdem in Religione, vel regulari obseruantia adeo sint collapsa, quod per Antistitem, Abbatem, vel alium Prælatum, seu administratorem, vel Canonicos proprios verisimiliter nequeant reparari: statuimus, quod per Præsidentes provinciali Capitulo, & quemlibet eorundem, ad requisitionem, seu relationem Visitatorum, prout eidem Capitulo super hoc consulendo, videbitur expedire, vel sine consultatione huiusmodi, si ex dilatione consulendi dictum Capitulum, periculum immineret, auctoritate Apost. de alia ecclesia, monasterio, seu loco, in qua, vel quo eiusdem Religionis noscatur obseruantia refluere, Canonici assumantur idonei: & ad dictam ecclesiam, monasterium, siue locum collapsam, seu collapsum mittantur, ibidem quamdiu expediens fuerit moraturi: per quos ecclesia, monasterium, seu locus huiusmodi reparetur.

13 Illi verò Canonici, ob quorum culpam eiusdem ecclesiæ, monasterij, siue loci huiusmodi lapsus, seu deformatio noscitur contigisse, in ecclesia, seu monasterio, vel loco, de qua, vel quo assumpti fuerint hij, qui ad ecclesiam, seu monasterium, vel locum collapsam, vel collapsum, vt præmittitur, transmittentur: vel loco alio, in quo eadem Religio vigeat, per Præsidentes eosdem, & eorũ quemlibet, prout expedies fuerit, auctoritate Apost. collocentur, vbi eorũ mores valeat reformari. Distinctius inhiabentes, ne monasteria, seu alia loca collegiata, seu conuentualia Religionis eiusdem, ecclesijs, monasterijs, siue locis Religioforũ quorũcunque alterius habitus vniantur, vel etiam summantur sine licetia Sedis Apost. speciali, si secus actũ fuerit, decernentes irritũ, & inane.

& mane. Eandem tulit legem idem Benediculus in Constit. Monachi Nigr. cap. 34. cuius notula hæc est; Monachi, per quos monasterium patitur lapsum, in Religione, vel regulari obseruantia mittendi sunt ad alia monasteria.

- 14 Consonat his omnibus quæ tradidit Concilium Oxoniense Anglicanum sub Stephano Archiepiscopo nu. 41. qui de Monachis, & Canonicis Regularibus verba faciens, inquit. Hæc quoque volumus obseruari, vt vbiq; propter excessum alicuius videret Episcopus, vel Abbas, vel Prior conuentualis, non habens Abbatem expedire, vt quis ad eum alibi moretur, ad aliam domum Religionis eiusdem in eodem Episcopatu transferatur, vel si necesse fuerit, etiam ad alium Episcopatum dirigatur, & per diocesarium compellatur admitti, qui ibi in omnibus regulari subiaceat disciplinæ: ita vt si ex mora ipsius ecclesia, in qua moratur, grauata videatur, viceuersa mittat aliquem de suis, qui interim moram faciet in monasterio delinquentis, nec prius rediens ipse qui deliquit, in domo sua recipiatur, quam plenè poenituerit de commissio, & per suum Superiorem reuocetur.

- 15 Docuimus etiam superius ex Caietano, novos Canonicos eligendos non esse ante reformationem monasterij, ne à veteribus corrumpantur.

Prælati non detrahendum, sed statim auscultandum. Cap. xiiij.



VILISSIMAM profectò subditis omnibus admonitionem, exactissimamq; Religionis æconomiam Ecclesiastes ille diuinus cap. 10. præscripsit, & promulgauit, ne videlicet ad detrahendū, aut maledicendum alijs potentioribus sint faciles, quorū maiestatem suscipere debent. Incogitatione, inquit, tua regi ne detrahas, & in secreto cubiculi tui ne maledixeris diuiti. Quia aues cæli portabunt vocem tuam, & qui habent pennas, annuntiabunt sententiā: quasi dicat, etiam si talis tibi Prepositus obtigerit, qualis domui minimè conueniat, tu tamē qui subditus es, caue, ne egrè feras, ne maledicas, aut detrahas ijs, sub quorū es potestate constitutus, & non solum verbo, verum etiam cogitatione, & ex animo illos reueraris cum patientia, & humilitate, tãquam domino, non tãquam homini seruiens. Quemadmodum ait Petrus Apost. 1. Pet. 2. Serui subditi estote in omni timore dominis; Non tantum bonis, & modestis, sed etiam discoloris, id est difficilibus, & morosis. Et Paulus ad Ephes. 6. Serui obedite dominis carnalibus cum timore, & tremore, in simplicitate cordis vestri, sicut Christo, non ad oculū seruientes, quasi hominibus placentes, sed vt serui Christi facientes voluntatem

tem Dei ex animo. Alijs quoque in locis idem Apostolus similia tradit humilitatis, & obedientiæ documenta.

3 Subnequit autem, & rationem facer Ecclesiastes, ob quam sit abstinendum à maledictionibus, aut detractionibus huiusmodi, etiam in loco quantū videtur secretissimo. Quia, inquit, aues cœli portabunt vocem tuam; & qui habent pennas annuntiabunt sententiam; illā videlicet tuā vocem, qua maledixisti Antistiti, & illā sententiam, qua in corde tuo. Prælato detraxisti. Quod verbū iuxta litteralem intellectū, secundū hyperbolem est accipiendum, ea loquendi ratione, qua dicere solemus de eo, q̄ putamus nō posse manere occultū, necesse est id prodire in vulgus, etiā si per aues cœli proferri debeat, vel ad hunc modū: potius ipsi parietes, aut lapides hoc reuelabunt, quā ut occultū permaneat. Cui consonat, quod cōmuni prouerio iactatur, etiā montes, & sylvas habere aures, & oculos. Atq; ita iuxta hunc intellectum, etiā ex tēporali periculo deterremur à maledictione, & detractione Prælatorū, & Superiorū, ne vel in corde aduersū illos quid loquamur, quod ipsis præsentibus nolimus dictū. Frequenter. n. vsu venit, ut ea, quæ de Superioribus in secretissimo, ut nobis videtur, angulo dicimus, ad illos nimia celeritate referātur ab ijs, de quibus minimè suspicabamur. Quāto. n. magis pleriq; maghorum ambiunt gratiam, tantò plures habent delatores, qui vbi quid vel per tenuem auram audierint, statim audita perferant, & cōtingit nonnunquā, ut ea quæ amicissimis solitarij intra sinum effundimus, tandem propalentur, interdum casu tali, ut mirum videatur, & illi, qui dixit, & illi, qui audiuit, qua via secretum illud prodire potuerit, cū nec is, qui prolocutus est, se recorderetur alteri eadem dixisse, præterquā illi amicissimo, neque is qui audiuit amicus recorderetur, cū vllō hominum super ea re se miscuisse sermonem.

3 Sed & cogitatio facillè larere nō potest. Quod. n. assidue, vel frequenter in corde versatur, non potest non aliquando vel per verba maledicentiz, vel per signa auersionis, ac displicentiz, se prodere. Siquidē ex abundantia cordis, ut est vox domini, os loquitur; Mart. 12. atq; ita iuxta litteram, præceptum istud licet simplex, diligēter tamen obseruatū, maximā habet vtilitatem, & cordi humili maximam præbet requiem; quemadmodum ē contrario neglectoribus non rarò periculum magnum ex neglectu euenit, & turbata in multis conscientia. Semper enim in timore, & inquietudine viuit, qui consuetudinem habet de maioribus loquendi male, & mox vbi sermonem effuderit, timore anxietur, ne palām fiat, quod in occulto susurravit, & pro malo verbo pernas lyat.

4 Spirituali verò intellectu per aues cæli, & eos qui habent alas, accipiunt alij angelos bonos, alij angelos malos, per quos ad regem summum, & primum omnium iudicem deferuntur nostra maledicta, quæ modo loquimur aduersus ipsum, ac sanctos ipsius, siue alios; qui ipsius locum tenent inrer homines, quam intelligentiam breuibus lucide satis exprimit in sua metaphrasi Diuus Gregorius Neocæsariensis; timendum, inquit, ne si quid etiam solus dixeris, manifestetur aliquando: magno enim & diuiti, & vnicui regi angeliveloces, & alati, spirituali simul, & rationali fungentes ministerio deferent omnia.

5 Occultas ergo detractiones, ac maledicentias in Antistitem euomere noli. Quin potius tibi consulens, optimis eius monitis auscultator, eaq; diligenti exquisitioe perlustrans, mente retineto. Habent. n. Prælatorum verba diuinam quandam energiam, ac emphasim. Proptereaq; imò pectore sunt concludenda, & fidei memoriæ committenda; verba sapientum sicut stimuli, & quasi clauis in altum defixi Eccl. 12. cap. Quæadmodum, n. stimulis boues tardi excitantur ad celerius pergendum, sic pigri homines sapientum Prælatorum verbis, modo exhortatorijs, modo obiurgatorijs, modo comminatorijs excitantur ad bene agendum. Dignissimum verò attentione est, & alta mente reponendum, quod D. Hieronymus scripsit. Simul, inquit, & hoc notandum est, quod dicantur verba sapientum pungere, non palpare, nec molli manu attrahere lasciuiam, sed errantibus, & tardis penitentiae dolores, & vulnus infigere, si cuius igitur sermo non pugit, sed oblectationem facit audientibus, iste non est sermo sapientis; verba quippe sapientum, vt stimuli.

6 Quod autem sequitur, & quasi clauis in altum effixi; id dupliciter intelligitur. Primum quidem, vt illa in altum defixio soliditatem, firmitatemq; significet. Clauis namq; in altum, siue profundum defixi, firmi sunt, & immobiles. Aliter defixio ista refertur ad intimam affectus compunctionem: vt sit sensus, verba sapientum sic hominis cor penetrant, & pungunt vsq; ad cordis intimam, sicut clauis, qui defiguntur in altum. Quoniam enim figuntur altius, eo plus penetrant. Alij verò hic legunt, sicut clauis igniti. Sunt enim verba sapientum Superiorum clauis ignitis, atque candentibus similia, qui altius, ac facilius lignis infiguntur. Ita & sapientum Prælatorum verba in penitissimos sinus intellectus nostri altius figuntur.

7 Vnde verò hanc vim, occultamq; energiam habeant Superiorum verba, & vnde suam nacta sint auctoritatem, subsequenter insinuat; dum ait; quæ per magistrorum Concilium, data sunt à Pastore vno, nempe Deo. Non. n. voluntate humana allata est aliquando prophetia, sed Spi

ritu Sancto inspirati, loquuti sunt sancti Dei homines ex. 2. Pet. 1. & in Euangelio Matth. 23 dicitur; Quoniam vnus est magister omnium nostrum Christus. Et iterum Ecclesi. 1. Omnis sapientia à domino Deo est. Ab hoc igitur vno Pastore summo, qui est veritas prima, & regula veritatis, mentiri nescia, verba sapientum procedunt, & per magistrorum Deo inspiratorum Concilium, & vnanimem consensum tradita sunt, quasi ex vno ore loquuti sint.

Nec satis fuerit viro religioso detractionem in suum Prælatum non exacere; eiusq; admonitionibus auscultare, & obsequi; sed & id pernecessarium est; vt statim obtemperans, rem longius non differat, nec impedimenta, aut excusationes in peccatis conquirat, aut comminiscatur. Ait. n. pacificus Ecclesiastes cap. 11. qui obseruat ventum, non seminat; & qui considerat nubes, nunquam metet. Vix vnquã tam est tranquillus aer, quin aliquid venti in aere percipiatur, maximè in campis, aruisq; patentibus; atque etiam si ad tempus modicum nulla forsitàn, vel minimi venti percipiatur commotio, non diu durat tanta illa tranquillitas. Sic item vix vnquam cernitur aer tam serenus, vt prorsus nulla in eo videantur nubeculæ. Qui igitur seminaturus semen suum, differret seminationem vsq; dum auram haberet omnino tranquillissimam absque omni impedimento venti, nunquam seminaret. Item qui messurus, auram obseruaret, & prorsus omni nube carentem, nũquã ad messem manum admoueret. Debet verò seminaturus non ita exactè obseruare ventum, & messurus nõ ita superflue metuere nubes. Verum vterque cum tempus nactus fuerit, commodum suo operi, confidenter se ad illud debet accingere sua industria, & arte quantum poterit, ventorum, ac nubium impedimenta remouens, simul & bona confidentia Deo negotium suum committens.

Ex hac similitudine insinuat nobis Ecclesiastes, debere nos non quibuslibet occasionibus cessare à bono opere, nec impedimentis quantumlibet minimis reuocari à bene agendo; qui enim leui etiam occasione, & minimo impedimento à bene agendo retrahitur, nunquam boni aliquid acturus est: Quoniam semper occurrunt homini impedimenta eum auocantia aliqua, sæpe plura, interdum & plurima, partim à carne, partim à mundo, partim à diabolo, sed donec tempus habemus vitæ huius, nullis impedimentis obstantibus, nullis occasionibus impediens, viriliter semper ad opera Dei manus nostras extendamus. Mundus, caro, diabolus concitent aduersum nos ventos, nubes, & pluuias, fulgura, & tempestates, nos interim agamus viriliter, & Paulinæ exhortationis semper memores, bonum facientes, nunquam deficiamus.

Sienim torpore accidit à nobis excusso, in confidentia diuini auxiliij manus nostras miserimus ad fortia, nihil nobis in opere nostro oberunt, quæcunque ab aduersarijs potestatibus fuerint tempestatæ exuscitatæ, sed nostra prudenti industria, & virili longanimitate, potissimum verò spe diuini semper nobis parati auxiliij, per omnia sine damno pertransibimus.

10 Denique quemadmodum ventus non solum non obest, verum etiam prodest seminanti, si modo industrius, & rei rusticæ peritus fuerit, vt sciat ad ventum se debitè vertere. Sic nobis omnes malæ tentationes, & suggestiones, venti vtique pessimi, non modo, non damnum inferent benè operantibus, sed multò magis commodum adferent, si nouerimus à ventis illis faciem auertere, atque ad ipsos dorsa conuertere; idest si nouerimus prauis illis suggestionibus non consentire, sed penitus eas respuere, & execrari, tunc enim quasi in faciem ventos suscipimus, quando malis suggestionibus consensum præbemus. Tunc verò faciem auertimus, & tergum damus quando malis suggestionibus nequaquam assentimur: vnde Psal. 128. vir iustus, qui consensum non dabat malignorum suasionibus, dicebat; Supra dorsum suum fabricasse peccatores, illicque prolongasse iniquitatem suam, siue, vt in Hebræo legitur, arasse sulcum suum. In illis nanque, qui peccatis consentiunt, dicuntur peccati auctores, diaboli fabricare supra cor, aut pectus, aut faciem. In illis verò qui tentantur quidem, sed non consentiunt, fabricant peccati auctores, dæmones supra dorsum.

11 Iterum, quemadmodum nubes pluuiosæ ijs, qui in metendo occupantur, stimulos præbent, & incitamentum ad virilius operandum, ne fortè si remissiores fuerint, periculum incurrant fructuum suorum; ita cum aduersus virum spiritualem, ac Religiosum nubes spirituales à dæmone excitantur, videns sibi periculum imminere, vires suas fortius exerit, ne bonorum operum suorum fructum perdat, imminens nanque periculum, dum à longe aduenire cernitur, laborantem ad accelerandum impellit, vt iacturam effugiat. Homini autem Religioso tunc quasi nubibus cælum obuoluitur, quando mens eius cogitationibus, & affectionibus ad malum sollicitantibus conturbatur. Quo sanè tempore vir spiritualis magis strenuè agit, ne succumbat periculo, clamatque ad Deum auxiliatorem suum eo fortius, quo sibi periculum videt adesse grauius. Ausculta ergo, & prælato summa animi promptitudine, & celeritate obtempera, vt heroica Religionis opera cum vberrimo fructu exequaris.

Prælati susurrionibus, & delatoribus non faciliè credat, si animi perturbationem effugere velit. Cap. xliij.



Olent serui, qui verè serui sunt, idest affectu seruū, metu scilicet, potius quā amore subditi, in absentia dominorū frequenter eis detrudere, aut viliter de eis, & cōtempnim loqui talia, quę nequaquā vellēt audiri à dominis, aut ab eis resciri, quęque in præsentia dominorum, aut

eorum, per quos ea timerent deferenda, non auderēt eloqui. Sic & discipuli seruales de præceptore vilia loqui, eumq; irridere tum per gestum imitationem, tum per figmenta inconuenientium nominationum libenter solent. Seruales item subditi de suo Rege, aut Principe, aut Prælato similia loqui inter sese consueuerunt. Extorquet nāq; huiusmodi, nescio quas vilipensiones, irrisiones, & detractiones, auersio quædam, quæ in seruis illis cum seruili timore est coniuncta. Quomodo. n. ait Ioannes, timorem non esse in charitate, sed eam foras mittere timorem: Sic & de timore seruili vicissim dicendum, quod non habeat in se perfectum amorē, sed odij nonnihil habet adiunctū, quod tñ non tā odiū, quā auersio quædā dici debet. Sēper. n. timor seruilis aliquid habet auersionis ab eo, qui sic timetur, ratione pœnē, in quā intrūdunt oculos qui timēt, etiā si non simpliciter oderint eum, quē timēt.

Hæc quanquam seruorum sit mala conditio, grauitèr tamen solent conturbare dominum, aut Præceptorem, aut Prælatum, aut patrem familias, quoties tale aliquid ad ipsum delatū fuerit. Aegre nāq; dominus à seruis se irrideri patitur, aut vilipendi: ægrè item præceptor à discipulis, sic & Prælati, aut Princeps, à subditis æquo animo id fere nō potest, quod inde procedit, quoniam quanto is, qui contumeliā infert, aut vilipensionē, vilior æstinatur, tanto is, qui ea afficitur, ægrius illā accipit, & fert grauius: Vnusquisq; autē paruifacit sibi aliqua ratiōe subleptos: ppter quod tāto eorū irrisione cōturbatur grauius, quā si ab aliquo, vel maiori, vel pari eā tulisset. Tātò quoq; ægrius fert homo malū, quod sibi infertur, quantò minus æquū est, id facere eū, qui facit: vtpotē cū is, qui merito benefacere debuit, & contrariō malefacit. Cū igitur æquum videatur, vt seruū per omnia dominum suum, & Prælatum subditi obsequijs, & beneficijs, & omni honore afficiant, vtpotē cuius sunt, & cuius vescuntur pane, à quo habent omne, quod habēt filios quoq; parentibus, & discipulos præceptoribus iustum sit omnem honorem impendere, iuxta quod Sapiens quidam ait: Deo, parentibus, & magistris non posse reddi æquiualens, non immeritò grauius cōturbantur domini, parentes, aut Præceptores, aut Prælati cum à suis ser-

nis, filijs, discipulis, aut quomodolibet subditis, te contemnere, aut vilipendi compererint.

- 3 Aduersum hanc ergo conturbationem, prudenti consilio nos pramunit Eccles. docens: Quomodo eam valeamus effugere cap. 7. lege Hugonem de S. Victore in commentario huius loci tom. 1. Sed & cunctis, inquit, sermonibus, qui dicuntur, ne accommodes cor tuum, ne forte audias seruū tuum maledicentem tibi. Scit .n. conscientia tua, quia & tu crebro maledixisti alijs. Ac si apertius dixisset; noli accommodare aurem cunctis, quæ dicuntur: noli aurē admouere, aut curiosè perquirere, quæ & qualia de te loquantur in absentia serui, filij, discipuli, aut quomodolibet subditi. Imò & si audire te nonnunquam contingat auerte auditum, & dissimula, quasi non audieris. Hoc pacto magnam poteris effugere inquietudinem, & conturbationem; quā incurrunť impatientes domini, qui curiosè explorant, quid loquantur de se serui, quid subditi sentiāt, dicantue; vt statim vbi verbum vnum contemptus aduersum se prolatum audierint, indignantur, obiurgēt, puniant. Multò .n. præstat nos dissimulare multa, & non curiosè attere illis etiā, quæ referuntur ab alijs, quā aliorum dicta, vel per nos ipsos diligenter explorare, vel à delatoribus libenter audire. Est enim id vilis, & abiecti animi, nec verbum posse ferre serui subditi, aut discipuli murmurantis; cum ipse à te non solum dura præcepta, non solum diras minas, non solum dura conuitia, verum insuper, & plagas, & verbera subinde debeat sustinere.

- 4 Addit quoq; causam admodum rationabilem, quæ nos meritò debet à tam effœminata impatientia prohibere. Scit (inquit) conscientia tua, quia & tu crebro maledixisti alijs. O verbum Christiano pectore dignum, dignum profectò quod alta mente reponatur, & frequēti rememoratione semper nobis versetur ob oculos, quoties aduersus nos dictum factumue aliquid in nostri contemptum indignatur. Dic mihi, rogo te, qui sic faciliè conturbaris, quoties dictum, factumue aliquid audieris in tui contemptum, aut vilipensionem aliquam, nunquam ne meministi, te similia, imò illis etiam maiora, & indigniora dixisse, vel egisse aduersus alios? fuisti opinor, aliquādo tu ipse seruus, aut filius, aut discipulus, aut sub Prælato subditus.

- 5 Tu igitur cum in eo esses statu, quoties obmurmurasti aduersus dominum? Quoties illi grauius iubenti imprecabaris mala? quoties irrifisti apud coæquales, & condiscipulos; præceptorē, & Prælātū? quoties de eo, cui eras subditus, apud tuos intra parietes loquutus es indigna? quanta sub inde aduersum illum confinxisti mendacia, cum te forte offendisset? qualia agebas, atque dicebas in illius contemptum, quæ

nequa-

nequaquam rescire illum voluisses, neque coram illo ausus fuisses, vel dicere, vel agere? Nunc verò (si superis placet) quasi horum omnium immemor, tanquam oblitus, quis olim ipse fueris, non potes, neque verbum contemptus, neque vilipensionis, vel minimè indicium, sine graui indignatione pferre ab ijs, qui tibi sunt subditi, me misisse te, oportebat verbi dñi, quo dixit: qua mensura mensi fueritis, remetietur vobis, Matth. 7. An minus bene fuit de te meritis tuus dominus, tuus pater, tuus pceptor, tuus pzelatus, tuus princeps, quàm tu nunc merearis de tuis, vel seruis, vel filiis, vel discipulis, vel subditis? Quare ergo non ferres tuos maledicetes tibi, postea quàm tu prior maledixisti alijs? vulgatum est Comici verbu: si pergis dicere quod vis, audies quod non vis. Tu quod voluisti, non quod debuisti, dixisti de alijs, superest igitur, ut tu ab alijs audias, quod non tu velis, sed quod volunt illi, & qualia tu audire meruisti.

6 Neque verò tantum considera, quæ olim aduersus alios egeris, aut dixeris. Etiam modo te ipsum contemplare, quoties, in verbo offendas, si quis. n. non offendit in verbo, hic perfectus est vir: quoties de alijs loquaris etiam in quotidiano colloquio, ea quæ de te nequaquam dici velles: quoties bonam aliorum famam, vel corrumpas, vel minuas: quoties dicas aliquid, vel agas, in quo honori aliorum sine causa derogas. Inuenies profecto, unde tibi pectus refrigeretur, ne statim ubi quispiam maledixerit, incalescat iracundia. Doceberis indubiè non omnia attendere, quæ de te dicuntur ab alijs, imò & audita dissimulare nosces, & absque commotione perferre hominum verba. Quomodo. n. iuxta naturæ dictamen, & domini verbum, quæ tu tibi fieri velis, eadè ipse debes prestare alijs, & item, quæ tibi nolis fieri alijs quoque non facere, sic & iustum est te ab alijs ferre, quæ ad te ferunt alij. Nimis. n. delicati foret animi, aduersum alios omni licentia dicere, ac facere quæcunque tibi libuerint; nihil tamen ab alijs aduersum te posse, aut velle ferre eiusmodi.

7 Quanto melius crudelis ille Adonibezech Iudic. cap. 1. Cui cum præfixæ essent summitates manuum, ac pedum, diuinæ vindictæ agnoscens ipse talionem, dixit: Septuaginta reges summitatibus manuum, ac pedum amputatis, colligebant sub mensa mea ciborum reliquias. Sicut feci, sic reddit mihi dominus. Hic si in tanta miseria homo Chananæus, aut Pherezæus, se consolatur, diuinæ æquitatis agnoscens talionem, quomodo non magis homo Christianus, in re lenicula, idest in volatili verbulo eodem de fonte sibi consolationem inueniet, ut euadat conturbationem? Et tamen non raro videmus, eos qui in alios tam detrahendo, quàm irridendo fuerunt, suntque liberrimi, longè magis impatientes esse, & grauius conturbari, ubi ab alijs tale quid passim fuerint, quàm eos, qui de omnibus debitam reuerentiam præsta-

re solent? Qui si sapientes nostri propositum verbum diligenter attendierint, fideliterq; recogitauerint, merito ipso sui pudere debet, iustiq; est, vt vel pudore coacti, semineu illu deponat animu, virileq; assumat.

- 8 Quocirca Prælati opus est, vt illa animi abiectione, infirmitateq; exutus, induat eximia eam fortitudinem sexaginta fortiu ex fortissimis Israel, qui Cantic. 3. tenet gladios, & sunt ad bella doctissimi; ij enim sunt Prælati, atq; Doctores, quorum est officium, aduersus hostiu insultus, vigiles pro grege domini commisso seruare excubias, armisq; semper instructos esse, & ad bella paratos, vt sua vigilantia, atq; strenuitate Christi gregem, quantum in ipsis fuerit, in pace, & tranquillitate spirituali custodiant: quiq; scientia rerum diuinarum instructi, & zelo Dei accensi, sciant, possint, ac velint gregem defendere ab hostiu, siue apertis insulcibus, siue occultis insidijs; p ipsiusq; nomine ad mortem vsq; decertare malint. Hi. n. sunt, qui pro amore Christi muru se opponere debet pro ouiculis suis, & quasi canes fidelissimi, minimiq; muti, aut elingues, fortissimos aduersus virtutis hostes latratus dare non cessent; Ita vt neq; rabidi lupi, quantumuis audaces, in caulas ouiu Christi possint; irrumpere, neque insidiosæ vulpes, meticolosiq; fures latenter valeant irrepere. Sic. n. gregis salutis Prælatorum fortitudine consultur; nisi qui fortè sua sponte caulas malint egredi, atque ad hostes ultro transire.

- 9 Habent autem fortes isti electi ex fortissimis Israelis, idest totius fidelis populi gladium, quo aduersum hostes decertat. Illum profecto gladium, quem Apostolus monet assumere; galea salutis, ait; Assumite & gladium spiritus, quod est verbum Dei: qui quidem gladius Verbi Dei viuus est efficax, & penetrabilior omni gladio ancipiti. Hunc gladium Doctores, atque Prælati merito tenere dicuntur. Ipsum. n. Dei verbum tenent mente, tenent ore, tenent manu: mente tenent, dum in lege Dei nocte, ac die meditantur, voluntatemq; eidem iugiter habet infixam. Tenent ore, cum assidua prædicatione verbum ipsum veritatis, quod à Christo acceperunt, siue per exteriorem auditum, aut lectionem, siue per interiorem vnctionem sincerè, & fideliter ouibus annunciant. Tenent denique manu, quando id, quod in mente retinet, & per linguam prædicant, foris etiam in opere per bonæ conuersationis exemplum demonstrant.

- 10 Tales nimiru esse debent, qui ouium sunt à Christo defensores constituti, sic tribus illis simul modis gladium tenere debent, si luporum rabiem, aut surum insidias ab ouibus velint abigere. Alioqui. n. quasi gladiu in vagina tener: absconditum. Instructi quoq; sunt fortes isti ad bella, idest exercitari in debellandis hostibus, scientes videlicet quibus

bus armis,& quibus modis contra hostes sit pugnandum, vt pro qualitate,& conditione hostium varijs in pugnandò armis, & artibus vt sciant. Debent. n. qui ad dominici gregis offensionem eliguntur, multo ante in pugna esse exercitati. Debent multo tempore cum carne, cum mundo, cum diabolo viriliter decertasse, antequam ad regimen accedere tentent. Atq; ita demum post crebras pugnas priuatim cum hostibus commissas, post frequenter cum hostibus singulari certamine còsertas manus, post longā hostiū experiētiā, ad publica certamina ad defensionem gregis ascendere audeant. Qui. n. adhuc in Christi militia tyrunculi sunt inexercitati, & inexperti spiritualis militiæ, hi nequaquam fortium illorum locum præsumant accipere. Ne ipsi, qui alios defendere tenebantur aduersum quoslibet hostium insultus, & imperus, primo ipsi iaculo, quod est tentatio superbiz, & iracundiæ, confossi occubant. His nobilissimis, honorificentissimisque stratagematis sui animi vires noster Prælatus exerceat, susurronibus verò, & delatoribus vtrunque aurem occludat, vanosq; stultorum rumusculos floccipendat; contemnatq; etiam, quicquid de se inuidi obgarriant, latrent, & loquantur, qui in oculo fratris vident festucam, in suis verò trabem non prospectant.

De reprobanda Prælati seueritate, siue nimia iustitia. Cap. xv.



1 **V**irtutes omnes positas esse in quodam meditullio, intra excessum ex parte vna, & defectū ex parte altera, etiā philosophis moralibus non est incognitum: qui ob hoc virtutem docent esse difficilem, & paucos inueniri virtuti deditos, quod virtus còsistat circa medium: vitium autem extrema obtineat. Medium autem tenere difficile est: sed ad extrema à medio aberratur facilius, maximè quòd medium secundū rationem sit sumendum, extrema autem in excessu rationi. Sic itaque & iustitia vera in medio posita est, & aberrari ab ea contingit; vel per defectum, cū quis minus facit, quā exigit iustitiæ, vel non facit, quod postulat iustitia; vel per excessum, quando quis iustitiæ prætextu plus facit, quā equitas, & ratio dicat. Vnde est illud Comici verbum sum mum ius, summa iniuria.

2 Huiusmodi autem excessus iustitiæ ad crudelitatem, & feritatem pertinet, & est plerunq; hypocritarum: qui etiam leuissima fratrum delicta seuerè dijudicant, iuxta verbum dñi Matth. 7. Festucam vidētes in oculo fratris, cū trabem in proprio oculo non videant, culicē quoq; liquantes, cū glutire possint camelum. Multum iustos se ostenderūt Pharisei, & Scribæ, Matth. 15. quando discipulos arguebant de nō lo-

tis ante prandium manibus, de spicis confricatis, quando etiã domi-
num arguunt Matth. 12. q. Sabbato curasset hominem, quando mur-
muran aduersus eum, quod ad hominem peccatorẽ diuertisset, quod
cum publicanis manducaret, quod non lotus esset ante prandiũ, quod
mulierem peccatricem admitteret ad pedum vnctionem, & oscula,
aliaq; huiusmodi. Item quando onera grauiã, & importabilia alliga-
bant in humeros hominũ, quã ipsi digito suo nollent mouere Marth.
23. Dominus autem, quomodo non multum iusti esse debeamus ad-
uersum hos, pluribus in locis nos erudit nominatim: cũ ait Matth.
8. Euntes, discite, quid est misericordiam volo, & non sacrificium. Et
iterum; Si sciretis quid est misericordiam volo, &c. nunquam condẽ-
nassetis innocentes Matth. 7. Item quando docet non iudicandũ, sed
misericordes esse debere, quomodo pater cœlestis est misericors. Po-
stremo, quando nec mulierem in adulterio deprehensã noluit con-
demnare, imò de accusantium, & lapidare eam volentium manibus,
rationabili eam responso eripuit Ioan. 8. Paulus quoq; idipsum pluri-
bus in locis inculcat, qui etiã infirmis infirmus fieri nouit, & voluit, vt
infirmos lucrificeret, imò omnibus omnia, vt omnes lucrificeret. 1.
Cor. 9. Verbo quoq; idipsum docuit, cum scribens, Rom. 15. ait: De-
bemus autẽ nos firmiores imbecillitates infirmorum sustinere, & non
nobis ipsis placere. Vnusquisque vestrum proximo suo placeat in bo-
num ad ædificatio nem. Etenim Christus non sibi placuit, &c. Ac de-
inde; Propter quod suscipite inuicẽ, sicut Christus suscepit vos. Et ite-
rum; Infirmum in fide suscipite, non in disceptationibus cogitationũ,
Rom. 14. alibi: Fratres, si præoccupatus fuerit homo in aliquo deli-
cto, vos qui spiritales estis, instruite huiusmodi in spiritu lenitatis, con-
siderans te ipsum, ne & tu tenteris. ad Galat. 6.

3 Rursum alio in loco apud Corinth. quã est sollicitus, ne per nimia
fortẽ iustitiam, is qui propter sui delicti punitatem traditus fuerat sa-
tanæ, pereat, cuius causa secundam ad Cor. scribit epistolam: timens,
ne ille, qui per primam epistolam, seueritate iustitiæ exigente, iussus
fuerat satanæ tradi, si non maturẽ reciperetur in gratiam, absorbere-
tur à satana: sicq; per nimia iustitiam periret, qui per moderatam sal-
uari potuit. Propter quod seueritatem prioris epistolæ subsequẽti mi-
tigans, iubet in gratiam recipi eum, qui punitus fuerat, ne fortẽ absor-
beretur abundanti tristitia: proq; hac re tam est sollicitus, vt etiam ob-
secret discipulos, confirmare in illum charitatem, & donari illi veniã,
qui peccauerat, & pœnitentiam egerat, pœnamq; tulerat. Quare autẽ
tanta teneatur sollicitudine, manifestẽ ostẽdit, cum ait: vt non circum-
ueniamur à satana. Non.n. ignoramus cogitationes eius. Nouerat.n.
quod

quodd nimia iustitia Prælatorum, diabolo commodū sit retiaculum per-
 dendi subditorum animas,quemadmodū ē contrariū cū misericor-
 dia benignitate coniuncta iustitiæ seueritas, multum efficax est reme-
 dium, non ad præseruandas modò, verū etiam ad reducendas ab er-
 rore subditorum animas: propterea monet nos Sapiens Eccles. 7. No-
 li esse iustus multum, ait, neq; plus sapias, quā necesse est, quo in loco
 lege Hugonē de S. Victore tom. 1. Ille existimatione nostra, æquo iu-
 stior est, ac nimis iustus, qui exacto, & rigido iustitiæ iudicio, fratrum pec-
 cata non tam conspicit, quā punit, quibus aliquando propter natu-
 ralem pigritiam, aut stuporem mentis, aut ignorantiam deberet in-
 dulgere, & veniam impartiri. Inhumana quippe est iustitia, non posse
 fragilitati hominum parcere; cū. n. nullus sit tam sapiens, tamq; p-
 fectus, quin aliqñ offendat, debemus in alijs infirmitatē agnoscere, q̄
 & in nobis sētimus. Qui ergo sit multū iustus, ipso nimio sit iniustus.

4 Tunc autē maximē omnium iustitia in Prælato corruptissima est, si
 fortē aliquando iustitiæ prætextu, suā explet iracundiam, vindictamq;
 in subditos exercet. Ingenuē fateor, Superioribus non prohiberi om-
 nino irasci, sed ne ad irascendum veloces sint, monemus. Hi. n. ad iras-
 cendum faciles esse solent, mox vt aliquid aduersum ipsos dictum fa-
 ctumue fuerit, quod ipsis displiceat. In obuios nanq; quosq; stoma-
 chantur, & sæuiunt: plerunq; etiam iracundia superbix coniuncta, de-
 siderat ultionem; & igneus, atq; repentinus vindictæ furor, nos ad iras-
 cendum impellit: quamobrem Eccles. 7. c. nos admonet, ne malum
 concipiamus iracundiæ habitum, ita, vt transeat in affectum cordis.

Ne sis, inquit, velox ad irascēdum, quia ira in sinu stulti requiescit. Si-
 mili discretione etiam Iacobus Apost. ait cap. 1. Sit autem omnis ho-
 mo velox ad audiendum, tardus autem ad loquendum, & tardus ad
 iram. Sit, inquit, homo tardus ad iram. Non. n. simpliciter est malum
 irasci. Est. n. ira quædam bona, utilis, & necessaria; quā secundū ra-
 tionē vel assumimus, vel admittimus: de qua etiam gloriatur Psalmis-
 ta corā domino, dicens, Psal. 138. Nōne qui oderunt te domine, ode-
 ram, & super inimicos tuos tabescebam? perfectō odio oderam illos,
 inimici facti sunt mihi Psal. 118. Tabescere me fecit zelus meus, quia
 obliti sunt verba tua inimici mei. Quin & dominum Saluatōrē nostrū,
 illud omnis perfectionis exemplar, iram nō respuisse legimus. Scribit
 enim de eo Marcus, quod in ira aspexit blasphematores diuinæ gra-
 tiæ, Scribas, atq; Phariseos, Marc. 3. Contristatus super cæcitate cor-
 dis eorum, propter quod, etiam durissima nonnunquam illos incre-
 patione percussit. Paulus quoq; Apost. de ira loquēs ad Ephes. 4. illud
 psalmi adducit: Psal. 4. Irascimini, & nolite peccare, adiungēs deinde:

sol non occidat super iracundiam vestram. Quæ non irā omnino prohibent, sed in ea modum, & terminum requirunt: vt sit secundum rationem ira moderata, & ordinata.

5 Episcopum quoq; describens, vult illum nō esse iracundū ad Tit. 1. Non vult, vt nunquā irascatur, sed ne iracundus sit, præcipit, id est non pronus ad iram, cuiusmodi sunt illi, qui propriæ vindictæ appetitu irascuntur. Qui autem secundū Deum irascuntur, non ex desiderio propriæ vindictæ, sed propter offensam Dei, aut causam iustitiæ, hi prius secundū rationem rē considerant, quā iram admittant. Ex ratione nāq; cōsiderante, & perpendente eius rei, pro qua irascuntur, malitiā, ira ista nascitur, non ex prauitate carnis. Ira autē ista, quā dicit in sinu stulti requiescere, ira proculdubio mala est, quæ ab impatiētia, & superbia nascitur, estq; appetitus propriæ vindictæ, quā simplici verbo dominus danauit, dicens: Matth. 5. omnis, qui irascitur fratri suo, reus erit iudicii: de hac quoq; Iacobus 1. ait: Ira viri, iustitiam Dei nō operatur, id est ira cū consummata fuerit, abstrahit hominē ab eo agendo, & postulat iustitia Dei Matth. 5. illud autem suadet, quod est iustitiæ cōtrarium, videlicet Rom. 12. vt contra præceptū dominicū, & Apostolicum malū reddat pro malo, aut subinde etiā malum pro bono. Nā ad iram est facilis, frequenter inde conturbatur, & ad proximo malefaciendum prouocatur, vnde ad benefaciendum inuitari debuerat: quoniam peruerso iudicio beneficium reputat maleficium.

6 Rectē autē ira ista mala in sinu stulti dicitur requiescere; quoniā p consensum, & acceptionem ipsam fouet, ac nutrit, dū illi parere curat, & satisfacere. Sapiens verò, si quando ira secundū genus suū mala subito pulsetur, aut tentetur, quātocius eam excutit de corde suo, nolens locum dare diabolo, ad Ephes. 4. qui per iram conatur occupare cor hominis, sciens, quod peruertat talis ira iudicium, quemadmodū breui versiculo pulchrē Sapiens quidam attestatur, dicens: Ira impedit animum, ne possit cernere verum; insuper & Charitati aduersatur (quæ secundū Apostolū) nō indignatur, neq; iratur sicq; in sapiēte ira requiei locū non inuenit, nec fouetur in sinu eius. Hanc ergo tabificā viperam Prælatus effugiat, si modo iustitiæ cultor esse velit.

7 Propter immodicam quoq; seueritatem Prælatorum, nonnunquā à subditis excitatur rebellio, aut certē aliquantū repugnantia, & contradictio; qua fit, vt regentis auctoritas aliquantulū imminuatur, Habent profectò, vt reges, ita & ecclesiastici Præsides suos magnates, & præcipuos consiliarios, qui ipsis per insipientiā quippiam attētantibus audēt dicere: quare ita facis? Certē rex gloriosus erat Dauid in regno suo, habuit tamē Ioab principem militiæ, qui illi ausus est subinde di-

cere:

cere: Quare hoc facis? Sic. n. legimus 2. Reg. 24. & 1. Paralip. 21. Cū proponeret Dauid à maligno agitatus, populum Israeliticum dinumerare, idq; Ioab, vt militiæ principi mādato iniungeret, audacter eū respōdisse; Adaugeat dominus Deus tuus ad populum tuum, quantus nunc est, iterūq; centuplicet in conspectu domini mei Regis. Sed quid sibi dominus meus rex vult in re huiusmodi. Nōne, domine mi rex, omnes serui tui sunt? Quare hoc querit dominus meus, quod in peccatum reputetur Israel? atq; etiam cū sermo regis vrgeret, & prauauisset iussio eius, non plenē tamen obediuit Ioab. Tribum nanque Leui, & Benjamin non numerauit, quāquam iussus totū numerare populum, eo quod inuitus exequeretur regis imperium. Alibi quoq; cū paterno affectu lugeret Dauid filium suū, in peccatis interfectum Absalon, ita vt propter luctum eius omnis populus declinaret ingredi ciuitatem, quā illum audacter idē iste Ioab est aggressus, quamq; fidenter, & intrepidē illum alloquutus, 2. Reg. 19. Confudisti, inquit, hodie vultus omnium seruorum tuorum, qui saluati fecerunt animā tuā, & animam filiorum tuorum, & filiarum tuarum, & animam vxorū tuarum, & animam concubinarum tuarum diligis odientes te, & odio habes diligentes te. Et ostendisti hodie, quia non curas de dncibus tuis, & seruis tuis. Et verē cognoui modō, quia si Absalon viueret, & omnes nos occubuissēmus, tunc placeret tibi. Nunc ergo surge, & procede, & alloquens satisfac seruis tuis. Iuro. n. tibi per Dominum, q. si nō exieris, ne vnus quidem remansurus sit tecum nocte hac: & erit peius hoc tibi, quā omnia mala, quæ venerunt super te ab adolescentia tua. Ecce quā audacter, & intrepidē audet seruus dicere domino, miles regi. Quare facis hoc? Et tamen quod agebat Dauid, natura extorquebat, & pietas, plangere, scilicet filium mortuum, & ita mortuum. Fuit nihilominus tam efficax illa serui reprehensio, vt continuo surgens Dauid pareret seruo increpanti 2. Reg. 12. & 24. Nonne etiam Nathan, & Gad propheta, ausi sunt illi dicere: quid fecisti? deniq; vt homines omnes secludamus, proculdubio is, de quo scriptum est, Psal. 75. Terribili, & ei, qui aufert spiritum principum, terribili apud reges terræ, is proculdubio in tēpore suo loquetur, etiam ad potentissimos Reges, & Præsides, & dicet illis: Quid hoc, aut illud fecistis? Quare hæc, & hæc, ita facere voluistis? tunc videlicet, quando (iuxta psalmi vocem) loquetur ad eos in ira sua, Psal. 2. & in furore suo cōturbabit eos: quādo videlicet recipient omnes à minimo vsque ad maximum, secundū opera sua, & de omni non solum factio, verū etiam verbo occioso cogentur reddere rationem.

8 Parit etiam aliam incōmoditatem ipsa grauis, incōgrua, insinuisq; Prælati

B Prælati feueritas, quòd dum feuerè nimis domus administrationē gerit, quasi leo rigidus, ac rugiens, animos subditorum cōmouet, difficilesq; , ac morosos reddit , ne tanta facilitate Religionis negotia conficiantur, quin potius, & retardētur, aut prorsus impediātur. Contra verò, Prælatus alius modestior, suavior, mediocritatem obseruās , breuiori tempore, exituq; , fœliciori cuncta moderatur, peragit , atq; , perficit. Videmus. n. frequenter, velociores nō præuenire alios cursu. Sæpe. n. qui minus velox est, citius terminum attingit ; quemadmodum plerūq; , intuemur viatorem tardum, iter suum continuò prosequentē, citius attingere metā eo, qui celer est, & agilis, sed cursum subinde interrumpit; aut celeritate sua in principio itineris ita se exhaurit, v̄t tandem ante terminum deficiat. Interdum etiam propter impedimenta alia superuenientia veloci, vt nihil ei prosit sua velocitas ; vel propter adiumenta aduenientia illi , qui nō est ita velox , quibus promouetur ipsius traditas ; atq; , ita fit , vt non semper velocior in cursu præcellet : contingit interdum velociorem à minus veloci, superari . Et si quis currendo velit assequi brauium, etiam si velocior sit, contingit : tamen ipsum non assequi . Huic veloci homini per quā similitis est in gerendis negotijs plus æquo feuerus .

9. Sic de fortitudine sentiendum; ipsam. n. in bello esse scimus præcipuam, & fortioribus videtur deberi pugnæ victoria. Attamen nō semel cernimus, Deo permittente ob culpas hominum, rem aliter euenire, videlicet vt minus fortis, & imbecillis quispiam alium superet lōgè se fortiorem: quemadmodum non rarò contingit, viros robustissimos ab hominibus nullius penè roboris interfici. Vt Dauid. 1. Reg. 17. Pastor ouium, vnus lapilli ictu, immanem gigantem interfecit; & infirma mulier Iudith gloriosum illū in fortitudine sua Holofernem, Assyriorum militiæ principem. Contingitq; , hoc interdum astutia infirmioris , interdum fortioris negligentia , sæpius casu aliquo, quantum ad humanum iudicium attinet. Quemadmodū mulieri illi Iudic. 9. contigit, quæ de altitudine turris lapidem iaciens, caput Abimelech fortis pugnatoris confregit. Aduertendum tamen, quòd licet in rebus humanis casus inueniri videatur, quantum ad causas inferiores attinet, respectu tamen Dei omnino nihil est casuale, vel fortuitum, cui nihil est indeterminatum, & inordinatum; quoniam præter ipsius intentionem, & ordinationem nihil euenire potest , neque aliter quā ipse ordinauit, potest quicquā accidere. Prudenti igitur consideratione probus Prælatus caueat, ne dum feueritatem subditis ostentat, aut gigantem agat, aut Holofernem referat.

1



Egimus Deut. 23. cū votum voueris domino Deo tuo nō tardabis reddere, quia requirer illud Dominus Deus tuus. Et si moratus fueris, reputabitur tibi in peccatum. Si nolueris polliceri, absq; peccato eris. Quōd autē semel egressum est de labijs tuis, obseruabis, & facies, sicut promisisti dño Deo tuo, & propria voluntate, & ore tuo loquutus es. Exprimit, docetq; sanctus Moses quam semita, quouē prudenti animo progredi debemus in consecrandis Deo votis, ne nos aliquando pœniteat vouisse. Melius est. n. ancipitem diu deliberare sententiā, quā in verbis facilē, in operibus esse difficilem. Noli ergo tam esse in ore facilis ad vouendum, & promittendum Deo, absq; cōsideratione debita prœuia, vt tibi fragili, & infirmo ex parte carnis præstes ansam peccandi. Id quidem subinde euenire solet ijs, qui ad vouendum grandia sunt faciles, priusquā & suam mediocritatem mēsi fuerint, & rei magnitudinem maturē expenderint. Hi. n. os suum tribuunt ad peccandum; Quoniam nimium ori frena relaxant ad temere vouendū ea, quæ carni, vel ad obseruandum, vel ad fugiendum nimium sunt difficilia, sicq; per temerarium votum sibiipsis laqueum iniiciunt, sibi dātes occasionem peccandi; ex parte carnis, quæ iuxta verbum domini Matth. 26. Infirma est, tametsi promptus sit spiritus. Hinc in Euangelio dominus Matth. 19. Cū de ijs, qui seipsos castrauerunt propter regnum Dei loqueretur, remq; admodum arduam carni proponeret, monuit vnumquemq; considerare, quid posset, dicens; Nō omnes capiunt verbū hoc; qui potest capere capiat. Item, & Paulus 1. ad Cor. 7. cū in virginitatis laudib. versaretur, ne quis fortē subitaneo spiritus feruore os suū daret in occasione peccati carnis, ne fortē quis improvidus auditor absq; matura consideratione rei propositæ, ad id, quod præferebat virginitatis propositum, temerē aperiret os suum, diligenter cauit, dicens; Hoc ad vtilitatem vestram dico, non vt laqueum vobis iniiciam, &c. Et iterū, volo autem omnes vos esse, sicut me ipsum, sed vnusquisque proprium donum habet ex Deo, alius quidē sic, alius verō sic. Dico autem nō nuptis, & viduis, bonum est illis, si sic permanserint, sicut & ego, quōd si non se continent, nubant. melius est. n. nubere, quā vri. Ecce quantum cauet, ne fortē temerē loquantur corā Deo, ne fortē sibi laqueum iniiciant, ne fortē os suū laxent ad porrigendum carni occasionem peccati.

2

His præmonitis illud subnecte, quōd qualis quisque est apud se, tales plerunq; vult esse etiam alios, maximē subditos, & filios suos; ita

Deus

Deus altissimus cū sit fidelis in omnibus verbis suis, iuxta verbum psalmographi Psal. 144. & sanctus in omnibus operibus suis; cū ipse mentiri nesciat, & celo, ac terra transeuntibus, verba eius nunquā sint præteritura, Matth. 24. Cū, inquam, tam sit fidelis in verbis, & firmus in promissis suis Deus noster, suos quoq; seruos vult non esse leues, instabiles, atque mendaces, sed fideles, veraces, & in verbis suis solidos, ita vt si quid sibi voueant, promittantq; , id quantocius fideliter persoluere, & sollicitè adimplere satagant. Ipse nobis per prophetam pollicetur, dicens; quæ procēdunt de labijs meis, non faciam irrita, neque prophanabo testamentum, siue pactum meum. Semel iuravi in sancto meo, si mētiar, & alia huiusmodi. Nos quoq; iuxta eiusdem prophetæ vocem, illi vicissim dicamus: Introibo in domū tuam in holocaustis, reddam tibi vota mea, quæ distinxerunt labia, & locutū est os meum in tribulatione mea Psal. 65. & iterum; Vota mea domino reddam coram omni populo eius. Psal. 115. ac rursus: Vota mea reddam in conspectu timentium eum psal. 21.

- 3 Si. n. homo ab homine seuerè exigit sibi promissum, ita vt ægre ferat, si non promisso satisfaciatur is, qui promissit, eumq; reputet vanū, & mendacem, nisi opportuno tempore præstiterit, imò irrisum se putabit, & contemptum ab illo, quantò magis necesse est, quòd summo Deo promisso, aut voto in religione consecramus, addiximusq; , summa sollicitudine persoluere? Quantò. n. is, cui promissio fit, maior, excellentiorq; fuerit, tantò minus æquum est omitti, quòd promissum est, tantò maior in omisione cēsetur contemptus. Vnde cū Deo maximo nihil sit maius, constat, nullam promissionem magis hominem stringere, quā eam, quæ Deo præstatur, nec aliam omitti maiore contemptu. Id plane est, quòd Eccles. cap. 5. concionatur. Si quid, ait, vouisti Deo, ne moreris reddere. Displicet. n. ei infidelis, & stulta promissio, sed quodcunq; voueris, redde. Qua de re consule Hugonem de S. Victore in commentarijs huius loci. Vbi dictio, infidelis, exprimit, quid sibi præcedens, stulta, velit. Stultam nanq; promissionem appellat sapiētissimus Eccles. promissionē infidelē. Infidelis autē promissio dicitur, quādo is qui promissit, post factam promissionem, illam adimplere contemnit, aut negligit, tāquā oblitus quid promiserit, vel tāquā pœnitens de eo, quòd promissit.

- 4 Verū illud sciēdum est, quòd si post promissionem legitimè corā testibus factam homo ab homine iure exigit, quòd promissum est, neque releuat eum, qui promissit, posterior pœnitentia, aut obliuio promissionis factæ, multò magis Deus optimo iure exigit eius, quòd sibi homo promiserit adimpletionem, nec proderit subsequens post votū pœnitentia.

pœnitentia. Est. n. testis in cœlo fidelis psal. 88. ipsemet Deus, corâi quo teste, & ipse nobis pollicetur, quæ pollicetur, & nos vicissim illi promittimus, quod promittimus, cuius testis certitudo, sicut Deû coagit nobis dicere, quæ procedunt de labijs meis, non faciam irrita; it, & nos vicissim cōpellere debet, vt dicamus; Reddam tibi vota mea quæ distinxerunt labia mea, & loquutū est os meum. Quod si quis dicat, misericors est Deus, atque idcirco vbi pœnitentiam habuerit homo promissionis suæ, dissimulabit, ne vltra exigat, quod ante pœnitentiam promissum fuit. Huic nos respondemus, quoniam sicut misericors ē dominus, ita & iustus est, & verax iuxta illud psal. 85. Quoniā tu domine suauis, & mitis, & multæ misericordiæ, & verax. Quod si quis fortē interpretari velit de ea tantū veritate, quæ in Deo est, dicēdo, ipsum esse veracem ad præstandū semper, non autē ad requirendū semper promissa, audiat quod alio in loco psal. 30. dicitur; Veritatem requirit dominus, nempe in seruis suis, & psal. 83. Quoniā misericordiā, & veritatem diligit Deus, videlicet nō in se tantū, sed & in seruis suis.

Quoniam igitur non solū misericors est Deus, sed etiam iustus, ac verax, nemo confidat, post promissionem factam licere sibi, vbi pœnitentia ductus fuerit, negligere vota monastica, quæ Deo promisit. Præstabit hoc quidē illius benigna misericordia, vt si tibi impossibile cœperit fieri, quod promissisti, tum excusatum te habeat, quoniam ad id quod supra vires est, neminem vult esse obstrictum. Vbi tamen diligēter attendendum est, vt vera sit non ficta, mentita, aut simulata impossibilitas. Solent. n. nonnunquā ad res bonas pigri, & inuoluntarij teporem suæ voluntatis sub impossibilitatis mentitæ velamine excusando tegere. Insuper si graue tibi fiat implere quod promissisti, præstabit illa humiliter innocata citra dubitationem auxilium gratiæ, vt implere sufficias, & tollerabile tibi fiat pondus incumbens, vt non tenteris supra id, quod possis aduersum id, quod promissisti, facietq; cum tentatione prouentum, vt sustinere possis, & inuenire exitum. Deniq; , & si per fragilitatem carnis, vel dæmonis suggestionem, te cōtigerit aduersum id quod domino promiseras, agere, vel omittere aliquid, clargietur tibi diuinæ miserationis clementia peccati tui indulgentiam, si eam in spiritu contribulato, & corde contrito pœnitentiā agēs, humiliter inuocaueris, resumpto nihilominus adimplendi voti proposito.

At verò si quis post emissum Religionis votum ductus pœnitentia, confidat, apud Deum, cui votum fecit, posse se inuenire remissionem, ita vt prorsus absoluator ab eo reddēdo, quod promiserat, hic seipsum seducat, & nō sine maximo salutis sui periculo toto cœlo aberat. Non est. n. hoc diuinæ misericordiæ siue bonitati humiliter confidere, sed de ea

de ea audacter, atq; superbè præsumere. Neq; rursus valere, què d quidam impossibilitatem nescio quā sibi confingunt, vt se seducant suauius, & minori scrupulo aduersus ea agant, quæ Deo obseruare promiserunt, dicentes, sibi non esse possibile, vt hoc, aut illud agant, vel ab hoc, aut illo abstineant, videlicet metientes tantum se in semetipsis, & diuinæ gratiæ auxilium non includentes. Non enim debet sibi impossibile iudicare homo, quicquid cum auxilio diuinæ gratiæ potest, quæ semper præsto est omnibus, vbi votis supplicibus, & humili prece fuerit aduocata, dicente Paulo Apost. 1. ad Cor. 10. Fidelis est Deus, qui non patietur vos tentari supra id, quod potestis, sed faciet cum tentatione prouentum, vt possitis sustinere. In hoc igitur aspicienda est diuina misericordia, vt ea, quæ domino, promissimus, confidamus eius auxilio nos posse implere. Aspicienda est item ad hoc, vt si fortè votum præuaricari nos contigerit, memores simus eius, quod dilectus dño discipulus ait: Filioli, hæc scribo vobis, vt non peccetis; Sed & si peccauerimus, aduocatum habemus apud Deum, Iesum Christū iustum, & ipse est propitiatio pro peccatis nostris: non pro nostris autem tantum, sed & pro totius mundi. Qui. n. sic intuetur diuinam misericordiam dextro eam oculo aspicit, & ad utilitatem talis ei respectus proueniet. Qui verò eam in hoc contuetur, vt votum postponat, propter carnis tentationem, aut dæmonis suggestionē, Dei fidē, & veritatem deferens, nemini dubium, quin oculo sinistram, & nequā malè torqueat in dextrū Dei oculum, qui est respectus misericordiæ eius.

- 7 Aduersus hunc quoq; aptissimè proferenda venit illa vox patris familias dicētis Matth. 20. An oculus tuus nequam est, quia ego bonus sum? Huiusmodi. n. homines Dei bonitate, & misericordia abutuntur ad malitiam, dum sic in Deo solū considerant misericordiam, vt veritatem & iustitiam (quam utiq; in Deo cū misericordia omnes sacræ litteræ testantur coniunctam) intueri negligant, dissimulent, aut etiam contēnant. Quibus autem de rebus vota possint facere Deo homines, & quā distictē ad votorum persolutionem obligētur, vetus author Olympiodorus apertè edisserit his verbis; Votum est, cum quid Deo pollicemur nos reddituros. Vouemus autem Deo, non modo pecunias, sed abstinētiā victus, & castitatem, & quæ sunt generis eiusdē. Quanto autem supplicio torquendi sunt, qui contēnunt vota implere, docent nos Act. 5. Ananias, & Saphyra, repentina morte sublati. Hæc aduertant, qui hac nostra tempestate, execranda nimium licētia, vota Religionis Deo ex animi proprii libertate facta, sine vlla necessitate reijciunt, tantum ob nescio quā effrenem carnis petulantia, ex qua sibi necessitatem, vel impossibilitatem pro suo arbitrio stolidissimè, imò

imò impudentissimè constringunt, cum nulla sit in eis ad transgrediendum, quæ obseruare promiserunt, necessitas, neq; ad obseruandū ea impossibilitas, sed tantū ex carnis libidine, & nimia credulitate (qua omni credunt spiritui, & magistris errorum faciles nimium præbēt aures) praua voluntas, quæ facit, vt à Deo auersi in omne vitium sine freno ruant præcipientes, diaboli laqueis irretiti, à quo vt Apost. 2. Thim. 2. ait. Captiui ducuntur, ad omnem ipsius voluntatem.

- 3 Sed, & hoc vigilanter annotandū est, quod ait Eccl. ne moreris reddere. Non. n. ait; Ne omittas, aut negligas, aut contempnas, sed ne moreris, aut tardes reddere. Videlicet vt non solū neglectum, aut contēptum promissi ostendat esse Deo ingratum, verū etiam dilationē superfluam, & morā inutilem. Nam qui post factā Deo promissionem inutiles trahit moras, antequam promissionis satisfaciāt, hoc ipso videtur, non ex animo promississe, aut certē duci pœnitentia promissi. Si. n. ex animo promissisti, nec pœnitentia duceris, vt quid inutiles trahere moras, ac velut tēpus redimere studes? Verū est illud Apost. verbum 2. ad Cor. 9. Hilarem datorē diligit Deus. Cui cōsonat qđ vulgo dicitur, eum qui cito dat, bis dare. Quorsum igitur morā trahis, si serio intendis promisso satisfacere? Maximè cū nō modicum sit in mora periculū. Primum. n. quomodo nosti, quid crastina tibi sit paritura dies? Quid sis, si fortē prius quam adimpleas, quod pollicitus es, subito te mors opprimat, aut infirmitas, siue aliud quodlibet malū te apprehendat, tuq; debitor remaneas, & malæ fidei sponzor deprehendaris à domino? Dum igitur tempus habes, iuxta Apostoli monitionē ad Gal. 6. operare bonum, festina quod promissisti persolvere, memor, eius, quod scite poeta cecinit, qui non est hodie, cras minus aptus erit vt dicas cum eo, qui ex animo sua vota soluebat; Voluntariē sacrificabo tibi, & confitebor nomini tuo domine, quoniam bonum est psal. 53. ac rursus; ex voluntate mea confitebor illi psal. 22.

- 9 Esse autem quantocius persoluendū promissum, etiā naturalis docet ratio. Promittens. n. id quod promittit facit esse debitū illi, cui facta est promissio, exigit quippe fides, & veritas, vt qđ promissum est, debeat reddi. Quòd autē alteri est debitum, sine causa detinere, & oportunitate se offerre nolle reddere, quomodo nō est rationi, & æquitati cōtrarium? qđ si omnino propositum mutet post factā promissionē, nolitq; promisso satisfacere, quid minus ille agit, quā si rem aliquā ex animo p̄prio liberaliter alteri datā, atq; à se alienatam rursus sibi propria auctoritate vendicaret? qđ adeo scđū ratio naturalis iudicat, vt etiā nuncibus lusitantes, & in plateis cursitantes sesquipedales pueri, non maiorem possint suis cōxqualibus infamiz notam incurrere.

Multò

10 Multò profectò melius est non vouere,quàm post votum promissa non redere.Vt idem Eccles. ait ; cuius verbi planissima sententia est. quin.n.non vouit,liber est,vt faciat,vel non faciat. Neq; si fecerit peccauit,neq; item peccauit,si non fecerit.Post votum autè non vltra iam libertas illa remanet,sic vt absque peccato possit,vel non possit. Si.n. facturum se vouit,nò potest absque peccato omittere. Si non facturù, sine peccato non potest committere,à quo promisit abstinere Quemadmodum is,qui rem suam,adhuc in manu habet , nec vlli adhuc donauit,potest de ea agere,& disponere,vtcunq; voluerit.Potest tibi seruare,si velit,potest dare alteri itè si velit;at verò si eam semel à se alienauerit , atque in alterius potestatem tradiderit , iam non licet, quod semel datum est resumere. Ita is qui promittit ad dandum quod promissit, debitorem se constituit ei,cui promissit,vt non liceat nò reddere. Qui verò non promissit,non est ad dandum ex ea parte debitor, sed libertatem seruat integram ; secundum hanc considerationem de coniugibus dixit Apost. 1. ad Cor. 7. Vir non habet sui corporis potestatem, sed mulier. Et mulier non habet sui corporis potestatem, sed vir. Vterque.n.voto,siue promisso,quod inter coniuges iuteruenit, se tradit alteri, vir vxori, vxor viro. Arrectis igitur aurib. optinè Religiosè tibi caue, ne peccatorū cathenis, & funib. circumuoluaris, fiasq; demò nū prada. Legibusq; , quibus ex voto astringeris, obtèpera. Legū.n. custodia funes oēs,& impias colligationes, quasi araneā telā disūpūt.

De boni nominis odore, bonis operibus comparando. Cap. xxiij.



1 Ecce docendi ratio prius impia refutat, noxia conuellit, malaq; expellere nititur: posterius, pro impijs pia, pro noxijs verè vtilia, pro malis bona perquam strenuè demonstrat, quemadmodū prudens ædificator vetus ædificium prius destruit, ac deinde nouum substituit. Construimus iam nonnulla mala; quæ cum sacra religione apertò Marte dimicare videbātur. Nunc verò illustrem bonorum operum titulum, & splendorem, quem pro sua pij animi strenua dexteritate vigilantissimus quisque Canonicus est conquisiturus, luculenta ratione coministrabimus. Primum ergo, quid bonum nomen sit, videndum est; deinde, quid sibi velit ista comparatio, quæ vnguentorum odori nomē comparatur. Quantum ad primum, satis consuetum est, nomē pro fama, vel opinione, vel exultatione accipi, vt is dicatur bonum nomen habere, de quo habetur bona opinio, bonaq; fama spargitur: contra verò malum dicitur habere nomen, de quo fama malā dispergitur, & sinistra habetur opinio. Sic in Prouer. cap. 23. dicitur nomen bonum melius

melius esse diuitijs multis. Et in Deut. cap. 22. Nomen pessimum crebrius appellatur fama mala, qua maritus diffamat vxorē suam. Fama itaque ex peritorum sententia est illarū dignitatis status, vita, & moribus comprobatus; vel (vt alijs placuit) est clara illa notitia, quā alij de nobis habent, videlicet ob insignem vitæ claritatem. Eadem ferè est significatio, cum nomen pro memoria accipitur, quo quidē modo bonum nomen relinquere dicitur moriens, qui in bona opinione vitam finit, sicq; post se memoriā bonam relinquit: & è contrario relinquit nomen malū inalæ memoriæ, qui malum habuit nomen, dum viueret, malæ famæ. Sic hæc se adinuicem consequuntur.

2 Hoc etiam aduertendum est, quod in proposito negotio nomen bonum secundum veritatem debet accipi. Sunt n. nonnulli, qui bonum nomen habent apud homines, quibus probi videtur, & iusti: sed apud Deum non item, cui ipsorum occulta peccata sunt cognita. Huiusmodi nomen, secundum veritatem bonum non est, tametsi ita homines iudicent, alij verò apud homines nomen malum habent, & execrabile, apud Deum tamen habent nomen optimum. Et hi verè nomen habent bonum. Loquimur autem in præsentiarum de nomine verè bono, quod coram Deo nomen bonum est, quod videlicet homo sibi comparat per vitam bonam, & obseruationem iustitiæ erga Deum, & homines, dum & quæ Dei sunt, reddit Deo; & quæ hominum sunt, hominibus reddit, Matth. 22. Ita vt iuxta Apost. verbum ad Rom. 13. Ne mini quicquam debeat, nisi mutuam dilectionem. Vnde melius est ex officiosis actionibus laudabilis famæ fructum percipere, & exultare ob nomen suum scriptum in cælis, ob viuam bonorum operum fidē, quam frui omnibus humanis delitijs.

3 Quæ omnia mirum in modum paucissimis verbis sacer Eccles. cap. 7 cōfirmavit, & sanxit, dicens; Melius est nomen bonū, quā vnguenta pretiosa. Manifestū est autem vnguenti prætiosa vim habere latificandi, & refocillandi hominē, qui eis vnctus, vel perfusus fuerit iuxta illud psal. 103. Vt exhilaret faciē hominis in oleo. Quod sanè intelligē dum non est de esu olei, vt quibusdam videtur, sed de inunctione vnguenti. Oleum. n. subinde pro vnguento ponitur, propterea quod ex oleo conficiantur vnguenta. Vnde loco Eccles. nunc citato ex Hebræo ponitur oleum bonum pro vnguento pretioso.

4 Erat autem hæc vnctio veteribus frequentissima, maximè post labores, & si quando vellent hilariores videri, vt festis diebus. Nam de labore legimus exemplum 2. Paralyp. cap. 28. vbi captiuos ex Iuda filij Israel remittere volentes iuxta Prophetæ consilium, describuntur vestisse, & calciasse, ciboq; ac potu refecisse, ac deinde vnxisse pro-

pter laborem. Propter lætitiā autem solère se vngere vnguēto pretioso homines, ex multis scripturæ locis est manifestum; vt in eo quod de Iudith legimus cap. 10. Cū ad Holofernē pararet accedere, prius eam corpus suū lauisset, & myrto optimo se vnxisset Propter quod etiā Saluator noster ait in Euangelio Matth. 6. Tu autem cū ieiunas, vnge caput tuum, videlicet ad iudicandā lætitiā cordis, & fugandā longē simulationem tristitiæ. Et psal. 108. Genua mea infirmata sunt à ieiunio, & caro mea immutata est propter oleum, idest præ olei defectu, vel abstinētia ab vnctione olei.

5 Comparamus ergo iuxta Salomonis iudiciū, bonum nomen pretioso oleo, siue vnguento, eo quod sicut vnguentū bonū hominis corpus lætificat ex psal. 103. & laborum præstat refrigeriū, facitq; obliuisci hominem laboris sui; sic nomen bonum hominem intus lætum facit in testimonio conscientię bonæ; quæ est quasi iuge conuiuium, estq; istud coram Deo nomen bonum homini Religioso consolatio in laboribus suis. Coram proximis quoque non peruersis bonum nomē hominem facit bonū odorem de se fundere, quo illi alliciūtur, vt post ipsum currant eius imitando exemplum, & Deum glorificando in eo; quomodo is, qui pretioso vnguento perfusus est, gratum de se ad proximis odorem fundit, cuius dulcedine olfactientes, post se attrahit. Propterea sponsa Cantic. 1. post sponsum oleo lætitiæ vnctum præ confortibus clamans, dicit; In odorem curremus vnguentorum tuorum. Sic Apost. 2. ad Cor. 2. vnguento perfusus erat, qui dixit; Christi bonus odor sumus Deo in omni loco. Et de quibusdam suis discipulis eodem vnguento redolentibus ait ad Rom. 1. fides vestra annuntiatur in vniuerso mundo. Præfert autem sapiens nomen bonum vnguentis pretiosis, eo quod spiritualis illius boni odoris diffusio, longē sit præferenda odori corporalis vnguenti; quāuis. n. secundum similitudinē corporalia spiritualibus possint comparari, secundum paritatem tamen æquari non debent. Quidam autem prædictū locum sic interpretantur, melius est nomen bonū, quā quæcunque corporales delitiæ per vnguenta scilicet pretiosa intelligendo corporales delicias, eo quod ad lætitiā illa soleant adhiberi. Spirant quidem vnguenta exquisitissima quodam temporis momento fragrantissimum odorem, quo nihil est naribus suauius, nec tamen semper idem oblectamētum habent, sed sensim emoritur, & putrescit: optimum autem nomē ab honesto virtutum studio comparatum, natiuam semper, gratiam retinet, & nullo ætatis senio emarcescit.

6 Non longē hinc euariat, quod ex Prouerb. 22. referabamus; Melius est nomen bonum, quā diuitiæ multæ. Quod nomen bonū multis

tis diuitijs præferendum sit, nemo est qui hæsitat: etenim honesta utilibus præferenda sunt: & incolumis & illæsa fama propius ad spiritua-
lia bona accedit, quàm amplissimarum rerum opulencia. Magis etiam
ad tuendum Dei honorem spectat. Ad hæc recta aliorum educatione,
morum probitate, & celeberrimo nomine proximus ad virtutes inflā-
matur, aut a vitijs abducitur, non autē auri, & argenti cumulis. Idcir-
cō Christus Matth. 5. suis discipulis dixit; Luceat lux vestra coram ho-
minibus. Volens innuere; Vestra sancta, & immaculata Religio, vestra
sanctimonia, & animi magnitudo in despiciendis rebus humanis, alijs
sit speculum, & exemplum benè viuendi. His cohæret illud Eccles. 4. 1.
curā habe de bono nomine. Hoc. n. magis permanebit tibi, quàm nil-
le thesauri magni, & pretiosi. Bonæ vitæ numerus dierum; bonum
autem nomen permanebit in æuum. Quod si neglexeris, tuam famā
& calumnijs hominum, & canino inuidentiæ latratu protegere; ac ni-
hili feceris quid de te malè sentiant homines, cū religionis habitu
splendeas, videberis ab ipsa humanitate alienus. Hinc mihi perplacet
illa grauis, & seria Arist. sententia 3. lib. Ethic. 6. cap. Sunt nonnulla
mala, quæ quidem metuere oportet, & honestum est, & non metuere
turpe. Infamiam nanque qui timet, est probus, & verecūdus: qui nō ti-
met, impudens. An verò liceat cuiquam seipsum infamare, cōsule Do-
minicum Sotum lib. 5. de Iust. & iure. q. 10. art. 2. Quin & sacer Au-
gustinus propè finem Regulæ hunc bonorum operum odorem suis
Canonicis exoptat, atque precatur; vt videlicet sint bono Christi odo-
re de bona conuersatione fragrantēs.

7 Demū in odorem vnguentorum Christi magna alacritate cum spō-
sa curramus. Hęc autē vnguenta intelligamus plurima illa esse, & ma-
xima Christi beneficia, quorum odore, mirabiliq; fragrantia vniū-
cuiusq; Religiosi anima mirificè reficitur, & oblectatur, tam interius,
quàm exterius, atque ad currendū non modica fortitudine post Chri-
stū illicitur. Non quod sponsum quærat propter vnguenta solū,
quæ ipsū propter se diligit: sed quia hic odor ad currendum alacré
reddit, & vires præbet, & quasi impetu quodam per viam sic rapit cur-
rentem, vt currere se nesciat, vt laborem itineris omnino non sentiat.
Quapropter Isaias in ipso credentes volare dixit; absque defectione.
Quid. n. mirum, si ad vnguentorum horum odorem pia anima sic tra-
hatur? Quādoquidem, & irrationalia videmus animalia, canes venā-
ticos, ad odorem leporis sic vehementissimo impelli impetu, vt prorsus
sui obliti, quasi furibundi, ad extremum vsque anhelitum currere
non desinant, donec apprehenderint, quā olfecerant, & sectantur be-
stiam. Itaq; incitat odor iste vnguentorum, idest consideratio, & per-

ceptio dulcedinis Dei, ac beneficiorū eius, & quasi vires infirmis subministrat ad currendum. Quasi. n. vnguenta quādam prāstantissima sunt, atque saluberrima, dicta etiam omnia, & facta nostri Seruatoris, quibus ipse nobis velut melleus apparet, odoriferus, & amabilis, totusq; desiderabilis, quasi pretiosissimis delibutus vnguentis.

De cōparatione monastica Religionis, & regie dignitatis. Cap. xvij.



Vardentiori animo monasticen amplectaris, & colas, nō inutile esse duxi, hoc loco discutere, sit ne tibi futura cōmodior, magisq; frugifera monastica Religio, an regia dignitas? Si enim à me validis rationibus confectū fuerit, monasticā Religionem vtilitate, prāstantia, bonorumq; operum fertiliori cultura longē antecellere regiam maiestatem, faciliē in animum induces, reliquos inferiores hominum status, quantumuis opulentos, & prāpotentes, prā sacra Religione omnino esse floccipendendos, & pedibus conculcandos. Intueor equidem ex hominibus complures apparentia bona maiori, & amore, & admiratione sectari, quā quæ natura, ac verissimē bona sunt; idcirco breui oratione de vtrisque hic agere libet, atq; componere inter se, tū quæ vulgo negliguntur, tū quæ magno mortales studio sequuntur, vt vtrorumq; differentiam edocti, illa quidem vt seria, ac salutaria magnificiamus, hæc autem tanquam nihili æstimanda contemnere discamus. Igitur magnopere expetuntur diuitiæ, principatus, imperiū, gloria, ac beatos quidem vulgus eos ducit, qui gentium principes sunt, qui splēdidis vehiculis feruntur, qui prāconum clamorem, ac satellitiū magnum assequuntur. Contra status eorum, qui monasticæ vitæ institutū delegerunt, despicabilis est. Atque illi quidem dum foras prodeūt, ad sese contuendos populum ipsam conuertunt; hi autem sicubi apparuerint, nullius oculos, aut certē per paucorum ad sui spectaculū trahunt, & præterea horum nullus similis esse concupiscat; illorum cōtra nemo non etiam principatum quærit, gentis alicuius imperio potiri, arduum sanē, ac suprà vulgarium hominum vires: & quorum animis imperij amor incessit, ijs magna pecunia opus. Religiosam verò vitā eligere, Dei cultui vitam suam mancipare, æquē omnibus procliuē, ac faciliē. Adde quòd principatus possessio vnā cum vita hac desinit, seu verius dicam, viuos etiam sui amatores destituit; vt taceam hic multos olim extitisse, quos magnum in periculum, vel certē magnam in ignominiam coniecit. At monastica institutio iustos hac in vita bonis multis cū repleuerit, à vitæ exitu hilares, ac ludibundos ad Dei, & seruatoris tribunal ducit, quo potissimum tempore eorum, qui impe-

rio functi fuerint, bonam partem magnas peccatorum in vita admissorum penas luere videas.

2 Age igitur contententes inter se tum Religionis bona, tum ea, quæ hac in vita principatus, & gloriæ bona esse videntur, vtrorumq; bonorum discrepantiam perdiscamus; sic. n. collata apertiora fient, quin potius si placet, ipsum bonorū fastigium, regnum intelligo, cū monastice cōparantes, vtriusq; possessionis fructus contēplemur, diligēter edocti, quibus rex quib. rursus Religiosus imperet. Rex igitur vrbū, regionum, tum multarū gentium præfecturā gerit, prætores, proprætores exercitus, populos, senatus suo vnius nutu agens; At verò qui se totum Deo dedit, religiosamq; vitā elegit, iræ, inuidiæ, auaritiæ, voluptati, ceterisq; animi morbis imperat, assidue speculans, ac medians, quēnam in modum non committat, vt suum animum obscenis affectibus subijciat. neque amare tyrannidi ratio inferulat, sed supra res humanas omnes cogitationem semper erectam habeat, Dei timorem animi morbis præficiens. Huiusmodi igitur imperiū Rex, huiusmodi item principatum Monachus adeptus est, vt iustius quidem hunc regē voces, quā eum, qui purpura indutus, ac corona ornatus splendescit, throno in aureo seditans. Nam his demum verè Rex est, qui iram, qui inuidiā, qui voluptatē cōhibens, omnia sub Dei lege agit, mentē liberā seruās, neq; patiens voluptatum dominationē animo suo imperitare.

3 Talem equidem regem libens viderem, & populis, & terræ, & mari, & ciuitatibus, & exercitibus iura dantem. Quisquis. n. animi affectibus rationem magistrā præfecerit, is paruo admodū negotio, & hominibus vitā cum diuinis legibus præfici possit, vt eundem patris loco subditi habeant, cum omni mansuetudine ciuitatibus consuetudinis suæ copiam facientem. Qui verò hominibus imperare cū videatur, iræ tamen, auaritiæ, voluptatibus seruit; hic primum subditis suis ridiculus videri possit, hoc ipso, qd coronā quidē gestat gēmis, auroq; intertextā, temperantiæ verò corona minime insignis est; & purpureo quidē paludamento toto corpore fulget, animum autem inornatum habet. Deinde idem hic ne administrandi quidem imperij scientiā habiturus est. Qui. n. sibi ipsi imperare nescit, hūc quo tandem modo alios legibus regere poterit? Quin si id belli genus, quod vterque sibi peculiariter gerendū sumpsit, spectare volueris, inuenies hūc cū dæmonibus depugnantem, eundemq; & superantem, & vincentem, & à Christo coronam capiētem; vt potē qui ad pugnam accedat, diuino sustentatus auxilio, cœlestibus armis communitus, vt necesse quidem sit victoriam ab ipsius partibus stare; cū interim regem illū cum barbaris bellantem cernas, Quāto autem hominibus dæmones

terribiliores sunt, tantò splendidior est, qui hos superat, eo, qui illos vincit. Quòd si vtriusque belli causam perdiscere cupis, magnam profectò inæqualitatem reperies; alter. n. pro pietate, ac Dei cultu cū demonibus bellum gerit, vel vrbes, vel vicos, ab errore asserere desiderans; Alter verò cum barbaris digladiatur pro locis, finibus, opibusue raptis, illum auaritia, atque adeo iniusti principatus ambitione ad pugnam prouocante, vbi certè plerique plerunq; reges maiora quàm appetiuisent, iam parta amisere. Itaque tum principatus, tum ipsa bel-
lorum genera arguunt, eousque inter se discrepare, & regē, & eum qui vitæ suæ studium Dei cultui addixit, sed tamē eosdem illos exactè utique pernoscas, si ad vtriusque vitam, quotidianaq; gesta examinanda descenderis. Reuera. n. hunc inuenias cum prophetis versantem. Pauli sapientia animum exornantem, assiduè à Mose ad Esaia, ab Esaia ad Ioannem, à Ioanne ad alium quempiam transeuntem. At regē assidua Centurionum, proprætorum, & spiculatorū consuetudine abutentem. Porrò autem natura comparatum esse videmus, vt cū quibus assiduè quis versatur, horum mores similes habeat. Itaq; qui Religionis est candidatus, is animum suum ad Apostolorum, & Prophetarum mores conformat. At rex ad mores ducū, scutorum, satellitum, hominū vino seruientium, voluptatibus indulgentium, bonam dici partem in potu conterentium, denique nullius rei necessariæ, aut honestæ, scientiam, vino impediēte, callentium. Hac ergo ratione monasticam vitam conuenit ea beatiorē dicere, quæ principatu, quæ regno, quæ sceptris constat.

- 4 Quod si & noctis tempus examinare voluerimus, monachum quidem videbimus Dei optimi cultu, ac precibus insignem, multo ante gallinaceos tempore canentem, angelis conuictoribus vtentem, cum Deo colloquētem, cælestibus bonis fruētem. Eum verò qui multis gentibus, multis populis, atq; exercitibus præest, quique terra, ac mari late imperat, in lecto distentum, ac stertentem; ille quidem cibis ijs alitur, qui altum ab eo somnum minimè exigant; hunc autem delitiæ consopiant, & potus, eundem in lectulo in ipsam vsque diem detinēs. Iam Monacho, & vestis, & mensa moderata, & conuictores eiusdem virtutis æmuli. At regem necesse est, & lapillis, & auro superbum esse, mensamq; extruere splēdidam, tum conuictoribus vti, si quidem imprudens ille fuerit, sua stoliditate dignis; sin autem mentem habeat, temperansq; sit probis fortasse, & iustis, sed tamē virtute ijs, quos ante dixi, longè inferioribus, ita rex vt philosophiæ deditus sit, tamen ne tantillum quidem ad Monachi virtutem propius accedere queat. Etenim in itineribus faciendis subditjs grauis est, præterea, & urbem habitans,

bitans, & pace fruens, & bello operam dans, tum tributa exigens, tum exercitus conficiens, tum captiuos agens, & dum victor, & dum victus est, subditos proprijs malis replet, victor quidem intollerabilis est, victoria sese venditans, ac sibi placens, tum militibus præbens licentiã rapiendi, depredandi, viatores iniuria afficiendi, vrbes obsidione cingendi, pauperum domos depopulãdi, ab ijs, à quibus excepti fuerint, ea quotidie exigendi, quæ nulla lex permittit, idq; per causam prisce alicuius consuetudinis iniquæ, & iniustæ. Quum interim illum nescio quem per huiusmodi mala Rex minime lædit, sed de paupertate tandem male meretur. Perinde quasi verè ille diuites vereatur.

At verò non sic Monachus, qui simul vt conspectus fuerit, statim tã diuitibus, quàm pauperibus donum aliquod asserens, vtriusque æquè munificum se præstat, vno tantum amictu ad vitæ suæ institutum conformi vtens, tum aquam libentius bibens, quàm vinum, quamuis admirabile; pro se quidem nullam neque paruam, neque magnam, à diuitibus gratiam postulans, pro indigentibus autem tum multas, tum continuas, easq; vtriusque conducentes, hoc est tam ijs, qui largiuntur, quàm ijs, qui accepturi sunt. Sic fit, vt communem ille agat medicum diuitum, iuxta & inopum, illos peccatis liberans per bonam admonitionem, hos ab indigentia eximens. At Rex tributa dum minus graua esse iubet, diuitibus magis, quàm pauperibus vsui est. Idem dū contra facit, paucarum facultatum dominos lædit; nam diuiti tenuem admodum iacturam attulerit tributorum acerbitas, sed eadem pauperū domos, tãquam torrens distrahit, fletu complens vicos; quū interim neque senectus ijs miserabilis est, qui tributa exigunt, neq; mulierum viduitas, neque liberorum orbitas, quinimo proteruendi finem nullum illi faciunt, communes quidam regionis hostes, quæ tellus nequaquam tulit, ea ab agricolis exigentes.

Age verò & illud insuper examinemus, quantā in parte Monachus, qua contra in parte Rex subditis beneficus sit. Igitur hic quidem aurum largitur, ille verò spiritus gratiam; præterea idem hic dum bonus est, paupertatem soluit, ille autem animas dæmonum tyrannide oppressas precibus liberat. Ac si quis fortè huiusmodi calamitate affligeretur, is Regem tanquam statuam præterit, ad Monachorum verò habitaculum confugit; quasi qui conspecti lupi timore ad venatorē gladium manu gestantem fuga contēdit; Etenim quod venatori gladius, id preces sunt Monacho, neque sanè sic lupos gladius, vt dæmiones iustorum preces terrent. Itaque non nos modo ad sanctos Monachos, dum rei vsus postulat, confugimus, sed vel reges ipsi ad eosdem in temporibus formidandis, haud aliter quā famis tempore mendicantes ad

diuicium domos confugiunt. Nonne Achab Iudæorum rex per famē,
& annone charitatē, in Elia precibus spē posuit suam? Nonne Ocho-
zias illud idem imperium, illum eundem principatum obrinens, æger,
ac iam iam moriturus instantem sibi mortem quum videret, ad eundē
prophetam confugit, tanquā morte potentiorē, ac vitæ largitorē?
At qui bello erumpente, palestinaq; in tantum adducta, periculum, vt
funditus excidenda esset, Iudæorum reges misso exercitu, missis pe-
ditibus, sagittariis. æquitibus, ducibus, cēturionibus, ad Elissei preces
se receperunt; existimabant. n. Dei seruum sibi multarum myriarum
instar fore. Itidem & Ezechias Rex bello Persico conflato, iamq; ciui-
bus ipsis pro aris, ac focis in maximum pertractis periculum, ijsq; qui
pro mœnibus starent, iam tremantibus, metuentibus, ac perinde cō-
motis, vt cōmoueri homines solēt, quoties vel tonitruū, vel terræ motū
omnia quatientem expectent, Elia preces multis Persarum millibus
opposuit, neq; sua illum spes fefellit. Nam simul vt propheta manus
in cœlum sustulit, statim Deus sagittis ē cœlo missis Persicum bellum
consecit; reges erudiens, eo se loco ipsius ministros habere debere, vt
eos communes esse terræ seruatores existiment, vt hac quidem ra-
tione edoceantur per iustorum exhortationes, ad omne bonum, at-
que humanum opus inuitati, tum consilia reuereri, tum bonis ad-
monitionibus locum relinquere.

- 7 Proinde non ex ijs solū, quæ dixi, vtriusque discrimen cognosce-
re licet, sed si vsu venerit, & hunc, & illū deturbari; hoc est hunc quidē a
virtute destitui, illum autē regno priuari, nimirum hic paruo admodū
negotio ad se redit; ac statim per preces, per lachrymas, per merorē, p
pauperū carā, peccatis absterfis, de integro facild ad pristinū principa-
tū recurrit. Rex verò solio deiciens cū fuerit, tū demum multis sanē
socijs indiget, multis item armatis militibus, equis, pecunijs, obnoxius
periculis; deniq; salutis suæ spem in alijs sitam habet. Monachus verò
salutem celsè preter voluntatis suæ studio, ac sententiæ mutatione comi-
tem habiturus est. Regnum. n. cœlorum, in nobis Luc. 17. Iam mors
regi terribilis est eadem philosopho minimè molesta. Eum. n. qui di-
uicias, voluptatem, delicias (quorum gratia vitam agitare multi con-
cupiscunt) despicit, necesse est migrationē ab hoc orbe hand ægre ferre.
Quod si, & hunc, & illum iugulari cōtigerit, hic quidem pro pieta-
te pericula sibi accerset, immortalem; & cœlestē vitam morte sua cō-
parans: At Rex tyrannum aliquem, & eum, qui imperium affectat, iu-
gulatorem suum habiturus est, miserabile, idemq; horrendum post
cædem spectaculum. Adde his, quod Monachus bonorum suorū affe-
ctatores habiturus est æmulatores, ac discipulos, bona ex parte cōm-
precant-

precantes, ut ipsius similes euadant. At Rex multos frustra in precibus sermones insumpsit, Deum rogās, ut nemo existat, qui regnum affectet. Præterea illum interficere nullus audeat, nisi si quis existimaturus est, impium se in Deū futurum, si eū sustulerit. Huic uerò multi iugulatores ingruunt, tyrannidis affectatores. Quamobrem alter milites adhibet corporis sui custodes. Alter vrbes precibus suis tanquam muro communit, neminem timens, quum Rex perpetuo in timore, continuā in cædis expectatione uiuat; secū. n. circumfert auaritiā periculofam, pro qua Monachus tutam præferet salutē. Proinde de rebus, quæ nos in præfenti vita circumfilitunt, abundē mihi dixisse videor.

8 Quod si, & certamē futurum examinare uelimus, monachum quidem uidebimus, splendidum, ac conspicuū rapi inter nubes ad occurrsum Christi in aera, exemplo ducis, & institutoris huius uite salutaris, omniumq; uirtutum. At Rex, si quidem iuste, & humane imperiū, rexisse uisus fuerit suū, minorem honorem sortietur, si Monachus summam in Dei cultu curam posuerit. Sin autē malum, & importunum uixisse eum constiterit, ac multis malis orbem repleuisse; quis tādē enarrare possit calamitates eas, quas sustinere eum uidebis, igni exustum, flagellatum, cruciatum, denique ea patientem, quæ neq; uerbo exprimi, neq; re ipsa tollerari possunt? Hæc omnia reputantes, atq; edificantes, oportet non diuites admittari, etenim constat horum dominium ne tantillum quidem ad Monachi uirtutem propius accedere. Ergo ubi conspexeris diuitem uelle ornatum, auro superbū, curru uectum, incessus magnificos incedentem, ne hominem beatum dixeris, temporarij. n. diuitij, & quicquid bonum esse uidetur, unā cum uita hac corrumpitur. At Monachum ubi uideris conuersum, humile, mansuetum, quietum, pacificum, hominem emulare, fac uideare imitator philosophi ipsius, fac præceris esse iusti similis. Peccate enim, & dabitur uobis Matth. 7. Hæc enim uerò sunt bona, salutaria, iusta, propter Christi benignitatem.

9 Esaias Propheta 40. cap. uanā, & lubricam huiusmodi gloriam describere uolens, aiebat, omnis caro fœnum, & omnis gloria hominis tanquam flos fœni. Hominiū genus Propheta sanctus simile dixit esse naturæ fœni, uel graminis, flores autem graminis sunt gloria, & potentia; & sicut atefcete gramine, flos excidit; sic morte hominib. ingruente, potentia, & superbia extinguitur. Aptissimē igitur huius uite breuitas, & tam breui tempore durans humanæ felicitatis læticia, & hilaritas; a Propheta in hanc similitudinē trahitur. Exemplum esto; en aliquis floridi corporis hodie, & præ delitijs carnosus, pulchro colore nitidus, atatis vigore uetus, neruosus, & præualidus; hic idē cras miserabi-

ferabilis est, vel tempore tabefactus, vel morbo dissolutus. Alius praeclarus est pecunijs, & opibus; ambit eum adulatorum turba, comitatur amici ficti, & sui ipsorum gratia colentes ipsum, adsunt cognati plurimi, & hi quoque simulati: denique infinita est caterua, siue victus, siue alterius utilitatis gratia ei inseruientium, quos ille, & procedendo in publicum, & redeundo secum trahens, inuidiosus est obuijs. Vides praeterea diuitijs accedere ciuilem quandam potentiam, aut etiam honores a regibus conferri, prouinciarum curam, imperium militare, satellites vtrinque grauissimum terrorem incutiētes subditis. Sed quid postea? Vna nox, & febris, aut costarum, aut pulmonis acuta agritudo, ex viujs raptum hominem aufert. Sic tota illius scæna subito denudatur, & gloria illa tanquam somnium euanescit.

- 10 Rem admirabilem Augustinus refert serm. 48. ad fratres in eremo, rei propositæ accommodatissimam. Semel, inquit, Romæ ductus sum a Pontiano Praefecto cum multis alijs, vt viderē, Cæsaris cadauer in sepulchro. Vidi omnino quod esset liuido colore ornatum, putredine circumdatum; prospexi ventrem eius diruptum, & vermium cateruas per ipsum transeuntes. Duo quoque famelici buffones, in foueis oculorum eius pascebantur; crines eius non ultra adhaerebant capiti. Dentes eius apparebant labijs consumptis, & reuelatum erat narium suarum fundamentum. Et intuens matrem charissimam, dixi; Heu mater, vbi est nunc Cæsaris praeclarum corpus? Vbi diuitiarum eius magnitudo? Vbi caterua principum, & nobilium? Vbi acies militum? Vbi apparatus deliciarum? Vbi canes venatici? Vbi veloces equi? Vbi cantantes aues? Vbi thalamus pictus? Vbi lectus eburneus? Vbi regalis thronus? Vbi mutatoria vestimenta? Vbi decora facies? Te dudum verebantur homines; te timebant principes; te colebant vrbes; te metuebant omnes, vbi, quæso, sunt nunc hæc omnia? Quo abiit tua magnificentia? Et respondit mater pietate plena; Fili, sibi pariter defecerunt omnia, quando defecit spiritus eius; & eam in sepulchro trium brachiorum reliquerunt cum fetore, & putredine. Similia argumenta in medium adducere possemus plurima ex ijs, qui inflati superbia dignitatum, putabant se cum ipsa dignitate, & diuitiarum copia immortales futuros. Si vniversam mundi vanitatem exactè cognoscere cupis, perlege quattuor libellos de vanitate mundi ab Hugone de sancto Victore conscriptos tom. 2. suorum operum.

Quod cognitio sui ipsius plurimum conducatur ad humilitatem, & bonam frugem obtinendam. Cap. xix. m.



Propriam sui ipsius cognitionem plurimum unicuique homini, maxime verò viro monasticam Religionem sectanti prodesse, nō sine magna vtilitate Hugo de sancto Victore lib. 3. de anima cap. 43. alijq; clarissimi Patres suis scriptis docuerunt. Ex Christiana quidem discretione, sui cognitio in primis proficiscitur; dum homo cordatus aduertit, req; ipsa experitur, sapenūmero deesse se Deo in exhibenda reuerentia, honore, laude, veneratione, ac vero humilitatis famulatu. Itemq; crebro deesse se proximis; ex charitatis tepore, in curia, ac negligentia. Inde porrò oritur sui ipsius, omniumq; actuum suorum displicentia, & animi mœror, eo quòd se erga Deum, & proximum suo muneri non satisfacere intelligit, ex quo se ipsum, suasq; omnes actione parui pendere incipit. Cognitio nostri ipsorum nos sanè considerare facit, vnde venerimus, vbi simus, quo venturi simus. Venimus quidē à Deo, à quo conditi sumus, sumus autem in exilio. Amans. n. desiderii semper aspirat ad Deum, cupitq; esse cū Deo, ob idq; semper in exilio degit. Quod verò ad corpus attinet, foris innumeris versamur pœnis, ac doloribus famis, sitis, frigoris, æstus, morborum, & id genus malorū. Sæpē ab hostib; tartareis, sæpē ab hominibus grauissimè diuexamur, impugnamurq; Hæc autem à Deo, nobis subministrata scientia, vniuersa mala nos cognoscere docet, ne maioris, plurisque quam oporteat, nos faciamus, neq; immodicè exhalaremur; aut letemur in hisce rebus fluxis, atq; caducis, neque in cunctis actibus nostris; sed potius cōristemur, doloreq; afficiamur, quòd Dei inutiles serui simus, in virtutumq; cultura parum admodum promouerimus.

Quisquis igitur vite sue custodiam negligit, & discutere quæ loquitur, quæ cogitat, aut despicit, aut nescit, coram se iste non ambulat; nā qualis sit in suis moribus, vel actibus, ignorat. Nec sibi metipso præsens est, qui semetipsum quotidie exquirere, atque cognoscere sollicitus nō est. Ille autē verè se ante se constituit, doctore Gregorio, sibiq; in præsentia est, qui se in suis actibus tanquam alium esse ducit, atque attendit. Quandoquidem multa sunt peccata, quæ cōmittimus; sed idcirco nobis graua nō videntur, quòd priuato nos amore diligentes, clausis oculis nobis in nostrā deceptionē blandimur, vnde plerunq; fit, vt & nostra graua, esse leuia, & proximorum mala leuia, esse graua iudicemus. Scriptum est. n. 2. ad Timot. 3. Erunt homines seipsos amantes. Vehementer claudit cordis oculum priuatus amor. Hinc S. Augustinus

stinus lib. 10. confess. cap. 3. Inquit; Curiosum est genus hominū ad cognoscendum vitam alienam, desidiosum verò ad corrigendum suā. Omnes. n. hac vna in re pij esse videntur, cōdemnātes videlicet alij alios impietatis; suorum peccatorum patum seueri iudices; alienorū autem accurati examinatores. Nemo ferè hoc nostro seculo lōgè deploratissimo, in seipso vitia cernit. Alterius verò dedecora apertissimè videt. Nemo in sese descendere tentat, sed præcedenti spectatur mantica tergo. Verum facilius est cuiq; nostrum, aliena curiosè spectare, quàm nostra propria considerare. Multi festucā, quæ est in oculo fratris, cōsiderāt, trabē autē sui oculi nō vidēt iuxta dñi sententiā Matth. 7. ca. reuera omnīū causarū difficillima est, seipsum cognoscere. Nō. n. solus oculus ea, quæ extrinsecus habentur inspiciens, se ipsum nō valet intueri; sed etiā mens ipsa satis acutè aliena delicta contemplans, tardior est erga suorū cognitionē vitiorū, & eo durius cōtra. aliena superbit, quo sua negligentius ignorat. Duas quidem peras vnusquisq; nostrum secum adfert, vnā ante alteram a tergo; & in anteriorem quidē aliorum peccata reponimus, in posteriorem verò nostra recōdimus. Equidem nescio quonam id fiat modo, vt magis in alijs cernamus, siquid delinquitur, quàm in nobis. Hinc fit, vt cū ipsi maximis criminib; teneamur obnoxij, minima peccata fratribus nō dimittamus. Nō quid boni quis gesserit agnoscetes, sed quid mali, perscrutantes, 3. Permultæ sunt scienti hominum, sed illa præstantissima est, quæ seipsum quisque cognoscit. E cælo cecidisse fertur, nosce te ipsam. Relinque igitur cætera quæque, & teipsū discute; per te curre, & in te cōsiste. A te exordiar cogitatio tua, & in te finiatur, nec frustra in alia, te neglecto, distendaris. Præter salutem tuam nihil cogites; quoniam in acquisitione salutis tuæ nemo est tibi germanior, nemo te ipso propinquior. Si verò quidpiam tuæ cogitationi se offerat, quod non vt cūque ad tuam ipsius salutem pertineat, illud illico rejice, & expue, vt semper te possis inspicere, & de tui cognitione ad cognitionē Dei tendere. Agnoscat in se vir prudens, ad quæ bona sit suapte natura promptior; vel ad quæ mala procliuior; quibus studijs vehementiori conatu insistere debeat; contra quæ mala diligentius inuigilet; quibus exercitijs in meliorem frugē promoueri possit; quibus vitijs facilius corrumpi valeat; quibus culpis subiaceat; vel quibus meritis emineat; quidq; pro his omnib; pœnæ, vel præmij expectare iure debeat; quantum singulis quibusq; diebus, aut proficiat, aut deficiat; quanta animi adhibita industria saragat præterita mala flere, præsentia declinare, futura præuenire, quanta animi constātia studeat reparare bona amissa, custodire, augereq; possessa, paratq; tueri.

4 O quam necessaria discussio; quam admiranda speculatio; tot animi virtutes, tot eius exercitationes, tot studia, vel merita præ oculis habere; & huiusmodi contemplationi diutius inhaerere? Suspēde ergo animum tuum ab inferiorum amore, ne fortē de sublimibus rebus eiectus, & de loco voluptatis à propria concupiscentia abstractus, & illectus; post concupiscentias tuas egrediatur, vagusq; fiat, & profugus super terram. Demum si verē cupis domini præceptum Prov. 4. explere, omni custodia serua cor tuum. Nescit. n. quid de spiritu angelico, quid de spiritu diuino sentire debeat, qui suum prius non nouit. Nihil rectē existimat, qui seipsum ignorat. Nescit quantum sub pedibus suis omnis mundi gloria subist, qui conditionis suæ dignitatē non expendit. O iners cordis custos, si ad te ingrediendum nondū existis idoneus, quo pacto ad ea perscrutanda, quæ intra, vel supra te ipsum sunt abstrusa, aptus eris? si nec dum dignus es, qui tabernaculum primum ingrediaris, qua fronte tabernaculū secundum, idest sancta sanctorum penetrare conaris, & tentas? Si nondum sublimes, altosq; gressus consolidare potes, vt eum domino Iesu, vel certē cum Moyse montem excelsum petas; qua temeritatem in cælum volare paras? Prius itaq; reddi ad te, quam rimari velis quæ sunt supra te. Prius sol ortus sui confinia irradiat, quam ad altiora conscendat. Primus igitur gressus, vt illicq; gradus ille sit, vt in te ipsum te conferas; cor tuum intuearis; tuū spiritum planē cognoscas. Discute quid sis, quid fueris, quid esse debueris, quid esse poteris? Videlicet, quid fueris per naturam, quid nunc sis per culpā, quid esse debueris per industriā, quid adhuc esse possis per gratiam, discite quoq; ex tuo animo cognoscere, quid de aliorum animis existimare, censereq; debeas. Hæc porta, hæc scala, hic introitus, iste est tutus ascensus. Hac itur ad intima, hac ad summa tenditur, hac itur ad astra. Vides tandem quantum commoditatis homini adferat sui plena, atque exacta cognitio? Ex ea si quidem miro quodam modo ad cognitionem omnium cælestium, terrestrium, plenissimam homo tollitur, & effertur.

5 Exterso igitur hoc speculo, & diu diligenter inspecto, vt noster Hugo lib. 3. de anima cap. 6. mirificē concionatur; incipit homini quædā diuini luminis claritas interlucere, & immensus quidam insolitæ visionis radius oculis cordis apparere. Ex huius luminis visione animus inflammatus, munda cordis acie, superna, & interna cernitur conspiciere, Deum diligere, Deo inhaerere; Cuncta, quæ adsunt, tanquā nō sint, considerat; omnibus suis affectionibus renunciat, & obsistit; totus soli incumbit amorī, solum illum esse beatum ducens, qui Deum amat. Reuertere ergo te ipsum, te ipsum quā accuratissimē contem-
plare,

plare, atque perluastra. Circumspice vigilanti consideratione, vnde venis, quo tendas, qua ratione legeq; viuas, quid agas, quid amittas, quam bonorum operum vtilitatem, vel iacturam tibi contrahas; quibus cogitationibus crebrius concutiaris; Quibus affectionibus frequentius pulseris; quibusq; tandem tentationum maculis a maligno spiritu acrius impugneris, expugnerisq;. Cum totum interioris, exteriorisq; hominis statum, & habitum pro tuis viribus plenè cognoueris, ex cognitione tuiipsius in ipsius Dei contemplationem commodè transferri poteris. Quotid. n. quotidie amplius in tui cognitione profeceris, tantò feliciori via ad altiora tendes, & rapieris.

6 Magnus sanè accessus ad Deum est cognitio propriæ infirmitatis. Nam cognitio suiipsius perfacilem ad Deum accessum facit, viamq; sternit; ipsa mentē purificat, regit affectus, dirigit actus, corrigit excessus, componit mores, vitam hominis honestat; cordis oculus per eam mundatur, ingenium acuitur, intellectus dilatur. Postremò diuinorum, pariter & humanarum scientiam confert: magna est ergo vtilitas seruo Dei, propriam infirmitatem recognoscere, atq; in suis viribus, aut meritis non superbire; tunc. n. incipit adesse virtus diuina, quando deficere incipit præsumptio humana. Tūc peruenitur sine magno negotio ad contemplationem Dei, quando sui cognitio perfectè attingitur: accurata. n. cognitio suiipsius, vt D. August. testatur, sufficienter veluti manu deducet ad notitiam, & contemplationem Dei. Ceterum prius est, vt cognoscas inuisibilia spiritus tui, quā possis esse idoneus ad cognoscendum inuisibilia Dei. Quandoquidem, vt D. Bernar. libro de interiori domo cap. 13. & de medit. cap. 5. ait; Melius est, vt seipsum homo cognoscat, quā si, se neglecto, cursus syderū, vires herbarum, complexionēs hominum, naturas animalium nouisset, cœlestiūq; omnium, & terrestrium scientiam haberet. Quam scientiam licet magni æstimare soleat genus humanum; meliores tamen sunt, qui huic scientiæ præponūt, nosse seipsos. Nam laudabilior est animus, cui nota est infirmitas propria, quā qui, ea non respecta, mœnia mundi, & ingentes fluctus maris, & altitudines mōrium, & altissimos lapsus fluminum, & Oceani ambitum, & gyros syderum, & fundamenta terrarum, & fastigia cœlorum subtiliter perscrutatur.

7 Multi sanè multa hac nostra tēpestate sciunt, seipsos verò nesciūt; alios curiosè inspicunt, & seipsos deserunt. Multi etiam prudenti, ingeniosaq; subtilitate causas exquirūt, vnde macula in luna prospiciatur; sed adnertere renuunt, sit ne macula quæpiam in propria consciētia. Verū enim uero, vt paucis cuncta perstringam, summa philosophia, & altissima est contemplatiō, seipsum cognoscere; & illa, quæ su-

pra se sunt, citra ullam utilitatem non discutere. Sine hac autem tuiusmodi cognitione, quantum in rerum cognitione altius profeceris, tanto profundius cadis; turpiusque prolaberis. Hinc Thaletem in caelum suspicientem, & lapsum in barathrum ancilla conspicata, merito illi id accidisse dicebat, qui cum ea, quae ante pedes essent, ignoraret, caelum contemplaretur, ut cognosceret. Sed idem Thales Milesius nostrae sententiae valde patrocinatur, qui interrogatus, quid difficile? Dixit; seipsum cognoscere. Postremo cognitio sui, generat humilitatem; cognitio mundi, eiusdem mundi despectionem, cognitio Dei charitatis ardorem. Rursus cognitio sui, illuminat profunditatem, nostrasque tenebras caecitatis; contemptus mundi, pellit delectationem; Ardor vero charitatis sedat, atque compescit ventorum, id est tentationum rigidam commotionem.

- 8 Quantam vero perniciem sui ipsius ignorantia homini inuehat, sapienter edocuit Laur. Iustinianus in fasciculo amoris cap. 16. quae quidem, ut plurimum in animo concitato sedem habet, eique tyrannice dominatur: corpore agrotantium ille quidem mos est, ut eo magis propriae infirmitatis ignari sint, quo periculosiori morbo laborant. Evertit namque agnitionis maxima vis rationis iudicium, nec finit probe discernere, quid proficuum, quidve nocivum existat. Proinde alterius quidem, non suo ipsorum regimini sunt committendi: fallitur saepenumero iudicii examen affectionis impellente virtute. Quod autem diximus humanis evenire corporibus, id ipsum non incongrue de animorum morbis sentiendum est. Quibus si sui ignoratio semel insederit, arcemque occupaverit, non paucas, easque pestíferas parit affectiones. Sub qua enutrientur, accrescunt, fructus edunt, perficiunturque; facili sane negotio humani intellectus acumen seducitur, atque retunditur; cum in sui ipsius cognitione animus dormire coeperit. Quot circa hoc morbi laborat, non infrugifere ei medebitur, si alieno se subdat arbitrio, seniorum acquiescens iudicio. Optimum plane restaurandae animarum salutis, adipiscendaeque prudentiae initium est, sibi omnino credere nihil, nihilque sibi fidere; potissimum vero cum ex praeteritis eventibus probe didicerit, expertusque fuerit, se solitum esse ignorare, quid sibi expediat. Non quidem sui ignarus, sed mortuus ille censendus est, qui frequenter decedens, se cecidisse, nescit. Quamobrem inter praecipua dona nostrae salutis necessaria, non infimum tenere locum propria infirmitatis cognitionem asseverare, nequaquam sum formidaturus. Qui. n. hoc tanto munere praeditus est, aliorum secreta consilia curiosè non inquit, iudicat neminem, neminem damnat, nulli iniuriam infert, non irascitur, non contendit, non contradicit, non detrahit, non mentitur, honores non appetit, inflari nescit, nec naturae donis extol-

litur,

litur, nec fortunæ bonis insanit. At verò sui ipsius ignoratione detentus, mille modis seruus est. Nutat quidem tanquam vetustissimū ædificium, momentisq; singulis ruinam sibi minatur. Medicum non querit, sanitatis remedia aspernatur, charitatis monita non admittit, sed respuit: tandiuq; lethali morbo comprimitur, quandiu in sua cæcitate perdurat. Obdurefcit quotidie, ac lætatur, cum malefecerit, & exultat in rebus pessimis; deridet simplices, pusillos circumuenit, innocentes odio, nocumentoq; prosequitur. Bonum dicit malum, & malū bonum: tenebras lucem, & lucem tenebras. Fitq; tandem, vt sibi ipsi efficiatur inimicus, crudus hostis, perpetuusq; insidiator. Qui se ignorat, Deum profecto ignorat, & ab eodem ipse cum virginibus fatuis nescietur, & ignorabitur.

9 Illud etiā mente retineto, sui ipsius cognitionem, & ipsā humilitatem, maximam inter se habere cognationem. Quemadmodum. n. Solis splendor, & calor ita sunt sibi inuicem coniunctissimi, vt à se separari nequeant; Eodē sanè vinculo, stricctissimoq; nexu sui ipsius cognitio, & humilitas sibi inuicem coniungūtur, & conglutinātur. Quare ex tui ipsius cognitione in perfectam humilitatem facile, breuiq; es peruenturus.

10 Ad te ipsum autem intus, & in cute cognoscendum, plurimum adiumenti adfert, si cognoueris, aptissima comparatione operationi aranei vitā humanam assimilari, in primis. n. araneus magna sollicitudine discurret, multaq; instantia laborat in texendo telam, ad componendum opus suum, & ob hoc se ipsum euiscerat, & exhaurit, vt citius ante tempus deficiat exhaustus; ē qua tamen tela modicum admodū habet fructum, tenuem scilicet victum in ea sibi venando, neque post omnem laborem habet aliud; quin potius frequenter post omnem laborem, post perfectam telam, ipse qui texuit fugatur ē suo ædificio, aut scopā circumducta per parietem abripit simul in momento temporis & araneum, & telam eius, atque in ignem conijcit, sicq; omnis perditur labor, & qui eo laborauit; ita & homines super terrā in annis vitæ suæ frequenter multis exercentur, atque torquentur inutilibus laboribus, quos impendunt rebus temporarijs, dum maxima sollicitudine, & sedulitate operantur in illis, se ipsos exhauriunt, euiscerant, atque mirum in modum excruciant; cum tamen non possint ex omnibus nisi tenuem sibi victum, & vestitum accipere; & non raro post omnes labores peractos, subito homo vita priuatur, cogiturq; relinquere, quæ congregauerat omnia; vel ipsum etiā opus subito destruitur, ac petit absque aliqua prorsus utilitate. Sic quidem manifestū fit, totum hoc tempus nostræ vitæ, non esse, nisi laborem, dolorem, & afflictio.

afflictionem spiritus, cuiusmodi est araneorum vita. Cur ergo superbiemus, nec cristas elatas deprimemus?

- 11 Porro araneus omnem suum laborem ad hoc vnum impendit, ut animalcula innoxia prædetur, & interimat. Opus enim eius cum perfectum fuerit, non aliud quam laqueus est, & rete, quo muscæ, ac huiusmodi capiantur. Postquam autem venatione muscam ceperit, statim accurrit, ut exugat sanguinem, itaque plerique mortaliū, impij videlicet, & iniusti homines omnem impendunt sollicitudinem, & diligentiam ad decipiendum, seducendumq; , & opprimendum innoxios. Videmus & hoc delectabile auditu, araneum multo minus liberum, ac tutum esse, sed magis coangustatum, faciliusq; posse comprehendi, atque necari post opus telæ perfectum, post domum consumatam, quam ante potuerit. Nam ante ædificatam domum mox ubi, vel statum lenem persenserit, magna celeritate longè aufugit, & euadit periculum. Cum verò intra domum ædificatam fixerit iam habitationem suam, non nouit nisi in cubiculum interius se subducere è propatulo; in quo, dum non conspicitur, securum se existimans, plerunque simul cum sua tela inuoluitur, atque in terram prostratus calcatur. Ut eiiciat venenosa viscera, & pereat, qui donec viueret, innoxia oppressit, interemitq; animalcula. Ita & huius seculi filij, qui sacram humilitatem execrantur, multominus sunt tuti liberi, & securi, post suas ædificatas telas, idest huiusmodi negotiola, post sua ædificia magna, & alta consumata, quam fuerant antequam quicquam omnino ædificassent, aut possedissent. Diligunt enim telas suas; & quantumuis metus magnus ingruerit, nolunt tamen relinquere telas, quas confecerunt; sed abscondunt sese in diuitijs, quas congefferunt, & in operibus, quæ extruxerunt, fiduciam habentes, quod in eis saluari, defendiq; possint, donec tandem veniat qui ipsos latitantes, & videri se non arbitantes, deiiciat atque humiliet vsque ad terram, & pedibus conculcatos in infernum tremendum proijciat, perpetuò torquendos; sicuti, & ipsi dum viuerent in telis suis, simplicium hominum tortores fuerunt: huiusmodi hominem deridet Iob cap. 8. dicens; & sicut tela araneorum fiducia eius. Vides profectò plane, quam sis araneo similimus, araneus autem, & vilissimus est, & exiguis tenuibusq; viribus communitus? Quid si eius spurcitiam cōsideres, & putredinem. Te ipsum igitur probe cognoscens, superbiam depone, humilitatē verò ambabus, quod aiunt, vlnis amplectere.



Nullo vnquam tempore attentiori, vehementiori; consideratione intelligimus, quàm sint huius mundi honores, sublimesq; dignitatum, ac munerum sedes, & opulentia; caduca, inconstantes, peritura, ac intermorigitura; quàm cum certissimam vitæ nostræ periodû, occultamq; metam memoramus, menteq; perlustramus. Cum igitur in superioribus vana, acquisitaq; bona explodentes, mortis nostræ meminerimus, conuenienti loco hic de ambitione sumus acturi, vt ea profligata, vniuersa illa, quæ hoc seculo bona creduntur, ex animo aspernemur, nihiliq; faciamus. Effrenis ambitio, quæ impia est superbiæ proles, per vniuersos ferè hominum status grassatur, quos & sua quadam atrocitate inuadit; horridiorem tamen sceditatem ostentat, si virorum Religiosorum animis infederit. Hinc fit, vt sanctissimi. Rom. Pontifices, iuris Canonici conditores, in eam varijs in locis acriter inuehantur. Quamobrem mecum animo constitui, Regularem Canonicû paucis hic admonere, vt sibi prudenter cauens, ambitionis virulentiam; & rabiem effugiat; sibiq; persuadeat, venenosam esse, ac truculentâ pestem. Ait. n. in Lucam Ambrosius, sæpè quos vitia nulla delectât, quos nulla potuit mouere luxuria, nulla avaritia subuertit, facit ambitio criminosos. Bernardus quoque dixit, Potestatis ambitio Angelum felicitate angelica, ad quam creatus fuerat, omnino priuauit. Scientiæ appetitus hominem immortalitatis gloria spoliavit, non Euam cibus deflexerat; non mandatorum obliuio deiecerat, sed promissio honoris, ambitio illecebrosa decipit.

Hæc præfatus, abstrusam huius lethalis morbi naturam ex D. Thomæ sententia 2. 2. q. 13 1. art. 1. sum explicaturus. Cum igitur ambitio inordinatus sit honoris appetitus, tripliciter appetitû honoris esse inordinatum consideremus. Primum, cum quispiam testimonium expetit excellentiæ, quam reuera non habet: is autem supra suâ proportionem honorem appetit, vt si prauus homo, quasi bonus esset, honorem desideret, cupiatq; regimen, & præsidenciam, virtutis cultoribus debitam, ipsam verò virtutem penitus negligens. Secundo, citra ordinem honorem appetis, si ipsum in Deum non retuleris, tanquàm in verum tuæ excellentiæ, atq; virtutum auctore, cui soli honor, & gloria in secula seculorum. Tertio, absque ordine, atque ratione honorem percupies, si tuus honoris appetitus in ipso honore conuiescat, nec cum in aliorum vtilitatem, & commodum conferas. Ea enim ratione excellentiâ tibi Deus optimus largitus est, vt alijs prosis, vtilitatemq; parias.

parias. Hac etenim sola de causa tibi excellentiæ, honorisue testimoni-
um congratulari licebit quòd hinc alijs commodum exhibeas, pro-
desseq; possis.

3 Id quoque est perdiscendum, ambitionem peccatum esse, cū quòd
à mala radice propagatur, idest à superbia, tum quoniam charitati ad-
uersatur. Siquidem Paulus 1. ad Cor. 13. testatur; charitatem non esse
ambiciosam, nec querere quæ sua sunt. Tum etiam quòd cum animi
magnitudine bellum gerit. Tametsi verò quandoq; ambitio veniale
sit peccatum sæpenumero tamen, varijsq; modis mortale peccatum
iudicatur ex Caietano in verbo ambitio, in summa. Primum ex parte
rei, in qua honor appetitur, vt si quis ob crimen aliquod honorari ve-
lit: vel ex parte finis, vt si in honore vltimus finis constituatur, quòd
quidem contingit, cū quispiam propter honorem assequendū nihil
interim curat, offendant ne Deum mortaliter, an non. Sicuti si is
præferri alijs concupiuerit, quibus in distributione communium di-
gnitatum meritò præferendus non esset. Aut certè ob consequen-
dum honorem mortale peccatum eligit. Tertiò cū ad perpetrān-
dum scelus aliquod honor & appetitur, & conquiritur, videlicet ad
exercendam tyrannidem.

4 Ceterum in viro Religioso peculiarem quandam deformitatē am-
bitionem continere ex summorum Pontificum iudicio superius asse-
ruimus, id quod nunc manifestum conficiemus. Nam Bonif. 8. in cap.
quorundam, de elect. in 6. sic aduersus Religiosorum ambitionē pro-
loquitur. Quorundam oculos sic vitiū ambitionis excæcat, quòd qua-
si suæ professionis immemores, qua contemptis honoribus, abiectis
diuitijs, spretisq; delitijs, arbitriū proprium subiugarunt alterius di-
tioni retro respiciunt, ad aratrum manu missa, dum præcipitater ruūt
in litigiorum anfractus, & causarum strepitibus se inuoluunt, & extra
administrationes proprii ordinis, solum prælaturæ conscendere mo-
liuntur. Volentes igitur huic pesti salubri remedio obuiare, &c. Huic
Bonif. ad stipulatur Ioānes 22. in Extrauag. Execrabilis, de præben-
dis, dicens: Execrabilis quorundam tam Religiosorum, quàm secula-
rium ambitio, quæ semper plus ambiens, eo magis fit insatiabilis, quòd
sibi amplius indulgetur. Et Greg. 10. in cap. auaritiæ, de elect. in 6. ait;
Auaritiæ cæcitas, & dānandæ ambitionis improbitas aliquorum ani-
mos occupantes, eos in illam temeritatem impellunt, vt quæ sibi à iu-
re interdicta nouerint, exquisitis fraudibus vsurpare conentur. Adde
etiam ex 96. dist. cap. bene quidem. Quos amor dominationis inua-
sit, iugum disciplinæ fecit respuere. Demum Conc. provinciale Me-
diol. par. 3. tit. de præfectis, & alijs ministris, prauæ ambitioni condi-

gnam pœnam imposuit. Ceterum quæ illic de Monialibus traduntur nos viris, pœcula verborum immutatione facta, accommodabimus. Nullus Religiosus ambiat, aut vlllo quouis modo siue directè, siue indirectè, per se, aut per aliũ, honores officiaue cuiusvis generis sui monasterij quærat, hac constituta pœna: vt & ipse, & qui sibi in ea re fauerint, in Capitulo per tres sextas ferias ad pedes singulorum Religiosorum terram deosculantes, suam acculent ambitionem. Ipseq; præterea, si id officium consequutus erit, eo, cæterisq; muneribus priuetur, Superioris arbitratu. Idq; iure quidem, nam ex Gregorio, ambiens maiora officia, debet carere etiam illis, quæ habet. Iure igitur Chrysost. 1. ad Cor. 14. Homilia 35. ambitionem, siue gloriæ, vel honoris cupiditatem esse describit, beluam crudelem, dæmonem horrendum, communem totius orbis terrarum pestem, viperam venenatam: vt illa. n. parturientis vterum rampit, sic malum hoc dilaniat ob noxios sibi. Vnde igitur stupefciendo morbo medicinam petemus? Si eorum, qui cum monstro congressi, fœliciter proculcarunt, exemplum ob oculos ponentes, assidue contemplemur, futurum est, vt nostram quoque vitam recuperemus.

3 Sed obstrepet nobis aliquis, eamq; rationem obijciat. Absque vlllo noxæ periculo appetere possumus id, quod præmij iure nobis debetur. At honor, teste Arist. Ethic. lib. 4. est virtutis præmium, & merces, ergo nobis, si virtutem coluerimus, absque peccato honorem appetere licet. Sic tandem respondendum censemus, honorè ex parte illius, qui virtutis est cultor, virtutis esse præmium inficiamur; quasi honorè præmij loco expetere debeat. Aliud. n. longè excellentius præmium illum manet, ipsa videlicet cælestis beatitudo, quæ finis virtutis existit. Rectè tamen ipse honor præmium censetur virtutis ex parte aliorum hominum, quippe qui aliquid præstantius honore non habent, quod virtutis studioso retribuunt. Illud etiam adiunge, quod honor virtutis testimonium perhibet.

6 Audiamus iam Bernardum lib. 3. de consideratione concionantē.
 O ambitio ambientium crux, quomodo omnes torquens, omnibus placeas? nil acerbius cruciat, nil molestius inquietat, nil tamen apud miseros mortales celebrius notitij eius. Rursus super missus est, Homil. 4. Idem auctor inquit; Videas plerosq; in Ecclesia Dei de ignobilibus nobiles, de pauperib; diuites factos, subito intumescere, pristina obliuisci abiectiois, genus quoq; suum erubescere, & infimos dedignari parentes. Omitto autem eos, quos excecatur ambitio, quibus, & honor ipse superbiendi materia est. Sed video post spretam sæculi pompam, nonnullos in schola humilitatis, superbiã magis addiscere, ac sub alis
 mitis,

mitis, humilisq; magistri grauius insolefcere, & impatientes amplius fieri in clauftro, quàm fuiffent in feculo. Et Henrici Senonenfem Archiepiſ. Epift. 42. fic alloquitur. Ceterum curritur in clero paſſim ab omni ætate, & ordine; à doctis pariter, & indoctis ad eccleſiaſticas curas; tanquam ſine curis iam quiſque victurus fit, cum ad curas peruenit; nec mirum de his, qui nec dum in ſemetipſis experti ſunt; Sed etiam experti, qui iam proprios humeros cupit ꝗ ſarcinæ ſummiferit, non ſolùm non gemunt, tãquam ſub onere; ſed inſuper appetunt plus onerari, non deterrentur periculis, qui cupiditate cæcati non vident; ò infinita ſemper ambitio, & inſatiabilis auaritia.

7 Habet etiam ambitio aliud ingens malum, quod hypocrifiſ mater aſſeritur, quo ſanè malo corripiebantur Phariſæi, Matth. 23. Quòd enim hominum gloriam quærent, manifeſtum erat indicium in phylacterijs, & ſimbrijs ipſorum. Nam Phylacteria ſua, ideſt conſuatoria legis membranas videlicet, in quibus deſcriptum continebatur magnum legis mandatum, faciebant inſigniter lata, & magna ſupra vulgus hominum. Similiter, & ſimbrias per quattuor angulos palliorum maiores faciebant præ ceteris hominibus, vt harum rerum externarum ſpeciali oſtentatione, inſigniter quoque ſancti hominib. viderentur. Amabant inſuper, & affectabant loca digniora, tum in mèſſis, tum in ſynagogis: cum magno ambitionis, & inanis gloriæ affectu quærebant ſedere in locis dignioribus, vbi à plurimis valerent in ſua præminètia conſpici. Ideo, inquit, Chriſtus amant primos recubitus in cœnis, & primas cathedras in ſynagogis, ideſt præcipuas dignitates, quas honor conſequitur. En ambitionis fraudes depictas. Mens quoque potentiz auida, nec abſtinere nouit à vetitis, nec gaudere cõceſſis, nec pietati adhibere conſenſum. Nec diſſimilis eſt Paulina ſententia, qua docetur ad Heb. 5. Neque quenquam, videlicet ſibi debere honorificum munus, ſua auctõritate uſurpare, neque ſemetipſum ingerere, ſed eum, qui à Deo vocatur, & ordinatur, quemadmodum exemplum habemus in Aaron, quem per Moſen dominus ad ſacerdotium deputauit. Ideo, inquit, Paulus, nec quiſquam ſumit ſibi honorẽ, ſed qui vocatur à Deo, tanquam Aaron.

8 Item conſidera in quod malorum pelagus ſe miſer Alcimus coniecit 1. lib. Machab. cap. 7. Cũ fieri ſacerdos volebat apud Demetrium regẽ, à quo in ſacerdotium cõſtitutus eſt poſt impiam filiorum Iſrael traditionem, ac ſanguineam ſtragem. Porrò huic Alcimo non impar fuit, nec diſſimilis Iaſon frater Oniæ 2. lib. Machab. cap. 4. apud regem Antiochum, qui ambiebat ſummum ſacerdotium, adito rege: promittens ei argenti talenta trecenta ſexaginta, & ex redditibus alijs

talenta octoginta: atque ita peruersè egit, vt constitueret Ephebiam, idest prostibulum iuuenum, & Iudæos ad Gentilium ritus transire cōpelleret, quibus peractis Menelaus illi summum sacerdotium comparauit. Hic igitur hominis ambitiosi animus est, qui nec Deum, nec se, nec alios intueatur, obseruetq; , sed per fas, nefasq; , & mille pericula dignitatē, quā semel appetit, adipisci conetur, infelixq; perenni quadam amaritudine confossus, mentis quietem amittit, apud inferos igneas sedes breui assequuturus.

Longè profectò repulit Christus ambitiosam discipulorum cōtentionem Matth. 18. interrogatione facta, quis maior esset in regno cælorum? audiamus igitur quid Christus respōdeat. Primo, vt Marc. cap. 9. ait, cōsedit, veluti rem seriam cum auctoritate, traditurus: leue quidem videbatur, quòd Apostoli inter se disputabant, Christus autem sciebat, quid non mali ex ambitione nasceretur, si non illico, & radicatus euelleretur. Vnde, & sapius quasi data opera occasionem videtur captare in hoc vitium inuehendi. Iam. n. prauidebat, quantam perniciem illatura esset nobis ambitio, & auaritia. Hæc. n. duo quo magis in nobis creuerint, eo lōgius à pura mētis tranquillitate discessum est, donec eo peruentum est, vt hi potissimum Religiosiores se venditent, qui omnium maximè pro temporalibus tumultuantur; neque aliud quicquam obstat, quo minus in emendatiorem statum reducamur, quā ambitio, & auaritia quorundam. Vt igitur affectum hunc pestilētissimum penitus ex animis discipulorum euelleret Christus, primo cōsedit, deinde aduocat paruulum, statuit in medio, ac corā omnibus completitur, vt Marcus ait, significās, quā auersaretur superbos, quāmq; diligeret humilēs spiritu, & modestos, & ab omni ambitionis suspitione alienos.

Præterea, qui artem militarem profitentur, astruunt, plurimū præliantibus officere, si Sol ipsorum oculis ad perpendicularum obijciatur. Nempè omnium philosophorum consensu, excellens omne sensibile sic sensum exteriorem plerunque afficit, immutat, perstringit, atque hebetat; imò sic quandoq; lædit, vt suas debitè nequeat operationes perficere. Hinc cum Sol, Solisq; radius circunquaque splendens, excellentissimum sit, ac vehementissimum admodum sensibile, si oculi pupillam perpendiculariter contingat, non solum hominis oculum immutat, aut lædit, sed propemodum exæcat, & omnem visum hominis perturbat potentiam.

Ad eundem propè modum militem Christianum, ne hostem validum euincat, Sol sparsim irradians sæpenumero impedit. Imò quocuiusdem oculi fulgentibus magis inuoluitur radijs, eo facilius hostibus

bus succumbit. Per hunc autem solis radium exuberantior vanæ gloriæ disignetur appetitus. Qui Christi militem alioqui potentissimum ab obtinenda victoria non tantum abducit, sed & ipsum in hostiū tyrannicam potestatem plerunque protrudit. Exemplo sunt Sedechias rex, qui vehemētiore exēcatus ambitione, ferreis vinctus charenis in Babylonem ductus est. Nabuchdonosor quoque rex elatus, ut Dei sublimitatem, bonitatem, maiestatem, ac potentiam agnosceret, humilemque sortis humanæ experiretur conditionem in bestiam demutatus, ut bos sænum septennio toto comedit Saul itidem sibi placens, ac gloriabundus, diuinæ iusionis immemor, regio septro cum tota posteritate priuatur. Et qui plenus decore, signaculum similitudinis Dei in delitijs paradisi fuit, propriæ dignitatis, excellentiæ, ac perfectionis ardoribus conflagratus, supremum passus est excidium, qui est summo cœli fastigio, ut fulgur in abyssum tenebrarum miserando semper spectaculo præcipitatus est.

- 12 Nihil itaque religiosum in hac area inferiori decertantem à nanciſcenda, assequendaque victoria magis auocat, nihil sic illius oculum ofuscatur, nihilque sic mentis aciem obtenebrat, & voluntatem ipsam deteriore reddit, quam immoderantior, ac petulantiore propriæ gloriæ, decoris, auctoritatis, & potestatis ambitus. Qui non inconcinne solis radio comparatur; quoniam ut pulchrè in Deuterom. scribitur; Videntur plagas terræ illius, & infirmitates, quibus eam affixerit dominus, sulphure, & solis ardore comburēs. Vnde, & alio loco dicitur; Sol tripliciter exurens montes. Nec id quidem perperam dictum existimetur. Nempe superbus, montis altioris instar, elatus, ac solis ardoribus exustus, sui primum amantissimus, propriæque excellentiæ audissimus, alterius honoris impatiens, magis, ac magis ambit; sequitur; effert, & sordibus vitiorum inuolutus contracta iam peccandi consuetudine sordidior semper efficitur, quoniam teste Psalmographo; superbia eorum, qui te oderunt, ascendit semper.

- 13 Item Christus redemptor noster Ioan. 5. aduersus ambitionis famulos, & amatores insurgit. Quomodo. n. fieri potest, ut vos ambitioni homines, Dei sermonibus fide debita attendatis, & obediatis; quibus maximè cordi sunt honores mundi huius, & gloria quæ est ab hominibus? gloria autem Dei, quæ primum deberet habere locum, infimum in corde vestro, vel certè nullum obtinet, ut non sit vobis curæ acquirere gloriam, quæ est apud Deum, quæ nimirum sola est, & verè stabilis gloria: nihil profecto mirum, si doctrinam Dei, & fidem Dei repellatis, postquam propriam gloriam toto animo quærentes, Dei gloriam contemnitis. Idcirco inquit; quomodo potestis credere, qui

gloriā ab inuicē accipitis? Quo in loco hāc addit Iudaicæ obstinationis causam, nempe ambitionē, & inordinatam dilectionem temporalium.

14 Erant Pharisei, vt etiam nūc sunt non pauci hoc nostro seculo, erāt, inquam, mancipia gloriæ, & animalia ventris, timebant famæ, & existimationi suæ, videbant Christum nihil earum rerū discipulis, vel promittere, vel dare, quas ipsi toto studio expectabant, timebant se contemnendos, si credidissent Christo; timebant item, ne cogerentur pōpam, & superbiam suam abdicare. Et quis non videt etiam inter Christianos huiusmodi homines? Quis non videt implicitos ambitionis laqueos? fides quidem humiliat, ambitio inflat, fides facit, vt te abneges, & captiuum te tradas in obsequium Dei; Itē vt paratus sis omnia propter Deum relinquere. Audis quid fidei doctrina operetur. Ambitio verò sibi soli benē cupit, se magnificat, sibi omnia ascribit. Fidelis non gloriatur, nisi in eo quod cognoscit Dei misericordiam, & iustitiā, & similia. Ambitiosus autem gloriatur in sapientia, fortitudine, honore, & diuitijs proprijs. Appetitus igitur gloriæ, & temporalium sunt spinæ illæ, quibus semen verbi Dei suffocatur Luc. 8.

15 Pulchrē autem ambiciosos Christus arguit, quod gloriā ab inuicē accipiant; quomodo. n. potest homo, tam misera creatura verum honorem conferre? Quod si etiam coram hominibus gloriosus videaris: perinde est, ac si verus vermis, vel brucus præ alijs sibi placeat, quā nō minus ex stercore natus sit, & viuat, quā alij. Nilul igitur stultius, quā gloriā captare humanam, qua nihil vilius, vanius, & instabilius; hominis. n. gloria stercus, & vermis est; hodie extollitur, & cras nō inuenietur. Huc pertinent verba illa Isa. 40. Omnis caro scenum, & omnis gloria eius flos sceni: aruit scenū, & cecidit flos. Hinc Herodes, cui populus acclamabat, Dei voces, & non hominis, paulō post consumptus à vermibus expirauit. Quare igitur gloriā, quæ à solo Deo est, gloriā autem à solo Deo veniēs, est testimonium bonæ conscientiæ, quemadmodum Paulus 2. ad Cor. 1. ait; Gloria nostra hæc est, testimonium conscientiæ nostræ.

*De terrifico Ananias exemplo aduersus auaritiā à Canonico
vitandam. Cap. xxi.*



Elebre est, aculeosq; habet perquam terrificū illud Ananix mortis exemplum Act. 5. cap. à Luca narratum, ad eorum animos: propulsa auaritia, in officio continēdos, qui semel se, suaq; in Religione Deo dedicauere. Veræ pietati nunquā non se immiscere conatur nefaria hypocrisis, & Satanz ministri perpetuō volunt Simij esse, ministrorū Dei.
ab initio

ab initio hoc inchoatum est, sic & in finem vsque mundi perduraturū. Abel verē pietatis; Cain verò impij hypocrisis simulacrū gerit. vterq; offert, sed alter tantū Deo placet. Placet Abel Deo, Cain displicet; ille potiora offert, hic nihil tale, sed forsā deteriora. Lege loco citato Ananiam historiam, pulchram quidem, sed horrore plenissimā.

2 Tacitus apud te considera, non omnes bonos esse, qui habitant, & versantur inter bonos; sic. n. & cum granis tridici etiam palea in horreum inuehuntur, sic inter bonum semen, & zizania nascitur, recteq; Apostolicum, & bonos, & malos pisces trahit. Ita ad nuptias non habentes vestem nuptialem etiā ingrediuntur; sic cum prudentibus virginibus etiam fatuæ Christo occurrunt. Sic inter fideles seruos, etiā infidelis inuenitur seruus. Nunquā enim tam scēlix, ac purgata fuit Ecclesia militans, vt in ea non essent mali. Quandoquidem, & in duodenario, ceteroq; Apostolorū choro inuentus est proditor. Sic in exordio Ecclesiæ fuerunt mali, qui Christianum nomen prætulerent. Quid mirum, si id & in monasterio vsu venerit? Viro igitur Religioso non dominetur hypocrisis, auaritia, & incedulitas, sicuti hic in Anania cernimus. Peccatum. n. eius erat diffidentia, auaritia, & hypocrisis.

3 Hypocrisis quidem Ananiæ deprehēditur, quod partem pretij offerens, simulabat se totum obtulisse. Simulabat se alijs velle prospicere, cū laudem humanam quereret. hypocrisim odit Deus in suis Esaiæ 29. Matth. 15. & 23. exigit autem simplicitatem, & perfectam, non fucatam iustitiam. In hypocrisi multa mala concurrunt: mendacium contra conscientia; appetitus laudis; irrisio Dei, contēptus veræ Religionis. Eius itaq; cor id malum obsederat, ambitio nimirum. Nā cū animaduertisset inter Christianos laudabile, gloriosum, & celebre haberi, sua bona in commune conferre; affectabat, & ipse cū vxore, sua honores, & laudes; & cupiebant vtrique non minores, aut illiberaliores haberi. Itaque facultates suas vendunt, & allatam partem aliquam pretij Apostolis distribuendam exhibent. Vt & ipsi cognomen aliquod beneficentiæ inter alios sortirentur. Parte tamen pretij sibi seposita, atque retenta.

4 Auaritia Ananiæ in eo dignoscitur, quod partem pecuniz reservat, nihil minus congruit Religiosorum nomini, quā auaritia. Ipsi enim iubentur in cælo thesaurizare, ipsis cælestia promittuntur, pro ipsis Deus curat. Contra auaritiā hominum, & maximē sacerdotum omnes Prophetæ clamant. Christus auaros ē templo eiicit. Hinc. n. nihil non mali oritur. Qui diuites fieri volunt, incidunt in laqueum, Auaritia quorundam multa detestabilia mala excitauit in Dei Ecclesia. Longē aliam viam sequuti sunt reliqui Christiani, quā Ananias

cum

cū sua vxore Saphira. Conferebant. n. diuenditarū possessionum pretia in commune, non sui cempendij, aut gloriæ humanæ gratia, sed ex mera, & simplici fide in Christum, atque charitate in proximum.

Item incredulitas Ananiæ proditur, quod nō credebat Deum posse nutrire, hoc est, volebat duabus sedere sellis, & illustri haberi ab Ecclesia, cuius rei gratia partē facultatum offerebat, & tutus interim esse cupiebat, si res Apostolicæ sinistrius cederent: hinc enim alteram partem facultatum cōdidit, vt tum suppetere, vnde viueret, qui Deo diffidit, magnam ei contumeliam facit. Deum. n. mendacem constituit, de eius verbo dubitat, quo non semel promisit se daturum nobis necessaria: denique bonitati eius diffidit, toties expertus. Quod Deus nutrire velit, vel ex hoc patet, quod antequam hominē crearet, prius terram, in qua habitaret, solem, qui illi luceret, fructus terræ, quibus vestiretur, creauit ac condidit. Deinde etiam constat ex eo, quod nihil adhuc cogitāte de victu homine, Deus ipse præuenit. Ecce, inquit, dedi vobis omnē herbam, &c. Postremò, quod etiam post peccatum ipsorum ipsos vestiuit, vt interim taceam, quod toties se daturū promisit, ipsoq; facto præstitit, nihil defuturum pijs, cū & impijs beneficiat, qui solē suū facit oriri super bonos, & malos; & pluit super iustos, & iniustos. Primum quærite regnum Dei(ait Christus) & iustitiā eius, & hæc omnia, quæ scilicet ad corporis sustentationem pertinent, adijcientur vobis. Euolue Genesim à 1. cap. ad 6. vsq; si Religiosus cū sis, egestatem formidas. Incredulitas, & diffidentia omnium peccatorum mater existit: hinc. n. auaritia, furta, latrocinia, mendacia, proprietates, & impia vita. Cernis apertē infelicem Ananiam omnium cœnobarum proprietariorum typum, & viuam imaginē omnium versutorum hominum, qui cum sint duplici corde, nihil sincere agunt. Oculum enim impurum habent, qui gloriam humanam, & compendium periturū spectant. Punitio autem tam hortenda eos arguit, qui hæc non æstimant esse peccata.

- 6 Obserua, quā verum sit verbum Christi Matth. 10. dicentis; Nihil opertum, quod non reueletur. Dominus. n. reuelat seruis suis hominum malitiam, vt eam accusent, & ad pœnitentiam hortentur. Petrus ergo peccatum Ananiæ spiritu Dei olfaciens, ipsum grauissimè accusat, & principio quidem ostendit, auctorem instituti sui non esse spiritum Dei bonum, sed satanā. Deinde hoc ipsum hypocrisim, & excoGITATAM referre malitiam, quod tantum scelus ex versutia faciens, ex spiritu Dei factum videri vellet: hinc per interrogationem, imò admirationem indignabūdā effert orationem, & ait; Cur tentauit, id est impleuit satanas cor tuum, mētiri te Spiritui Sāctō? Tentauit, hoc est inspirauit,

inſpirauit, ſuaſit, non coegit Ananiam ſatanas. Suadere. n. poteſt, compellere, vel vi adigere, vt malis conſentiamus; non poteſt. Audis quā ſeriò Petrus Ananiam increpet, quā ſeuere arguat? Interrogationu-
culæ. n. cuiusmodi magnā vehementiam teſtantur. Quid verò perſuaſit ſatanas Ananiz? vt mentiretur Spiritui Sancto, hoc eſt, vt decipere conaretur ſpiritum ſanctum. Fraus eſt, & mendacium, dū aliter loqueris, & aliter facis, vel cogitas. mentiebatur Spiritui Sācto, quod ſimularet ſe Dei bono ſpiritu facere, quod tamē ſpiritu incitante malo patrarat.

7 Sed quodnam illud mendacium fuit? Fraudare de pretio diuenditi agri: ſimulare (inquam) quòd omnem ſubſtantiā inſumpſiſſet in egentium alimoniam; Cū interim partem optimam ſibiipſi reſeruauit ex diſſidentia, vbi clariffimè vides, diſſidentiz iunctam eſſe auaritiā in Religioſo, vnā cum hypocrifi. Amplificat autem Petrus miſeri hominis peccatum, idq; gradibus duobus. Primo nemo cogebat vēdere. Secūdo, & ſi vendideras, nemo cogebat te pretium adferre. Nam ſeruare totum licebat. Ex quibus verbis duo colligimus. Prius vnum, atq; idem peccatum gradibus increſcere, & ſubinde de ſeipſo grauius fieri. Poſterius communionem primitiuar Eccleſiæ, neq; coactā fuiſſe, vt ille qui non omnia vendidiſſet, & pauperibus erogaffet, Chriſtianus non eſſet cenſendus; neq; talem qualē hodie ſomniant Anabaptiſtæ: libera. n. fuerat illa communio, & ſpontanea, vt qui abundaret, ex copia liberē, & ſpontaneē impartiret egenti proximo, quæ vellet: qui verò ipſe egeret ſuis bonis, non largiretur ex moleſtia, neq; ex neceſſitate. Hoc itaque loquendi modo, quo vſus eſt Petrus, vt ſolemus, quoties monemus rem, vel turpiorem, vel ſcleratiorem eſſe, quā quæ in hominis debeat incidere peccus. Habent enim omnia verba Petri ſuam peculiarem emphafi.

3 Quæſtiuncula hoc loco non contemnenda oritur, quis videlicet Petro indicauerit, quanto pretio Ananias agrum vendidiſſet? Non eſt, vt putemus, Petrū hoc accepiſſe ab emptoribus, vel ab eis, qui emptioni interfuerunt. Nam his non fuerat opus. Credibile verò eſt, quòd illud per occultā Sancti Spiritus inſpirationem cognouerit, qui cognoscendi modus, & Prophetis, & Apoſtolis non fuit inſolitus. Quis Helifæo indicauerat auaritiā Giezi. 4. Reg. 5. cap? Certè hic exiſtimabat, ſe omnia agere, neſciente domino ſuo propheta. Sed quid Helifæus? Vnde (inquit) venis Giezi? qui reſpondit; non iuit ſeruus tuus quoquā. At ille ait; Nonne cor meum in præſenti erat, quando reuerſus eſt homo, ſcilicet Naaman, de curru ſuo in occurſum tui? nūc igitur accepiſti argētum, & veſtes vt emas oliuetas, & vineas, & oues, & boues, & ſeruos, & ancillas: ſed & lepra Naaman adhærebit tibi, & ſemini tuo vſq;

in sempiternum. Et egressus est, quasi nix ab eo leprosus. Nōnulla hic audimus, quæ ad historiam nostram non incommodè quadrant. Ananias avarus, & Giezi avarus, vterque peccatum suum nō confiteri, sed occultare conatur: quos pravi Religiosi ad proprium recondendum imitantur. Ceterum Ananiz fraus non latet Petrum, nec Giezi avaritia Helisæum. Giezi impunè non peccavit, quia lepra persusus est. Nec Ananias impunè defraudavit Ecclesiā. Nam audiens increpationē diui Petri, cecidit in terram, & expiravit; simili etiam periodo Saphira interiit. Pauca quidē sunt hæc verba, sed horrore plenissima. Deus iustus iudex animaduertit scelera impiorum. Corruit ergo Ananias, neque verbis, neque execratione Petri fusus, sed propria malitia per irā Dei prostratus. Nihil. n. Petrus illi imprecatus est incōmodi, sed peccatum eius duntaxat protraxerat, & accusarat. Verū tamen protinus aderat huic iusta Dei vindicta: proinde concidebat, rea conscientia. Neque hic quicquid agebatur de iactura pretij, sed de hypocrisi, avaritia, & diffidentia. Voluit hoc exemplo declarare dominus, quāto opere sibi displiceat quorūdam hominum astutia, qui specie, & fūco Christiani sunt. At ipsa re impostores, & diuinarum rerum contempores: veri enim Christiani prorsus ignorāt omnem vafritien, & dolum cordis. Oportebat autem inter prima Ecclesiæ initia seuerum aliquod edi facinus, ne lenitas Apostolorum apud prauos, impiosq; homines prorsus in contemptum veniret.

Præterea, quid fecit Ananias, vt morte repentina, & subitanea plecteretur? Infideliter egit cum pecunia, quæ ad sustentationem Apostolorum, & reliquorum pauperum pertinebat. Iam igitur obseruandum, quod Petrus hic fraudis accusat Ananiam; Cū tamen quispiā putare posset, hunc nō potuisse cōmittere fraudem in proprijs bonis. Atqui pretiū illud iam non erat propriū Ananiz, sed pertinebat ad Ecclesiā, cui illud iam vouerat. Ante votū erat Ananiz: post votū verò nō est Ananiz, sed illorū, quibus libere consecrauerat. O mihi charissimi, qui habet aures audiēdi, audiat: qui nō omni humano sensu destitutus est, timore, meritò concutiat. Si leue peccatū arbitraris, bonis abuti ecclesiasticis, vel insequens pœna te rectè iudicare doceat. Sed qui sunt, qui abutuntur rebus ecclesiasticis, & patrimonio Christi? Ego rē omnem paucissimis demonstrabo: his bonis abutuntur non tantum illi, qui vi, aut rapina, aut malo dolo illa in alienos vsus vertūt; sed etiā qui ex illis bonis viuentes, officio, propter quod beneficio vtuntur, nō funguntur, aut saltem non eo modo funguntur, quo debeant: qui altario adsunt, ait Apostolus 1. ad Cor. 9. de altario, & viuere debent: Ita & dominus ordinauit ijs, qui Euangelium annunciant, de Euangelio viuere;

lio viuere; dignus est. n. mercenarius mercede sua. Sunt autem alij, qui quidem beneficio Ecclesiasticorum bonorum fruuntur, sed non alteri Deo, nisi ventri suo inserviunt; horum finis, vt Paulus inquit ad Philip. 3. & ad Gal. 6. interitus erit, & gloria eorum in confusionem exiet, perspiciat igitur vnusquisque, quo fruatur, & quo fungatur, Deus non irridetur.

10 Sed rogas quare non dedit Deus spacium pœnitendi Anania? nostrum non est iudicare de occultis Dei iudicijs. Et fortè hanc repentina mortem pro mendacio suo incurrere debuit. Ideò Ananias, & Saphira in conspectu Ecclesiæ cito mortui sunt, inquit August. lib. 3. de mirabilibus sacrę scripturę cap. 16. vt Apostolica auctoritas quantæ esset ostenderetur, & quàm magnum peccatum esset, quod oblatum iterum ab Ecclesia retraheretur, monstraretur, & ceteri exēplo huius castigarentur; audis ergo tres rationes tam subitę pœnæ.

11 Obserua etiam, qualis sit mos, & genius satanę in Anania, vt dum hominem ad peccati alicuius perpetrationem inducere conatur, non aperiat peccati malum, sed hoc ipsum omnibus modis celare studet; inducto verò, & victo homine, statim peccatum exaggerat, & quantum damnum in se habeat, ostendit, vt homo incipiat, vel peccatū negare, vel propter admissum desperare: vnde diligenter hoc in loco verba D. Petri expendenda sunt. satanę opus est tentare, & in peccatum inducere homines, eiusdem opus est, hominē eo inducere, vt peccatum non agnoscat. Si. n. agnosceret, peccati pœnitundine correptus, facilè posset ad indulgentiam peruenire: factus est autem timor magnus in vniuersa Ecclesia: diligentibus. n. Deum omnia cooperantur in bonum. Nam pœna vnus, admonitio est omnium; timor, & à malo retrahit, & ad bonū extimulat. Scopus igitur huius facinoris est, vt timeamus dominum, & in veritate coram illo ambulemus.

12 Audisti nonnulla summę auaritię commenta, non ad tuendam vitam excogitata, sed ad deuorandum opes cupiditate inexplibili. Sed accipe plura. Bene quidem Diogenes auaritiam esse omnium vitiorū Metropolim dixit. Neque. n. vllum est officium tam sanctum, atque solenne, quod non auaritia comminuere, atque violare possit. Hoc tetrum facinus, & inflammata cupiditas in causa fuit, quòd Romani totum mundum sanguine impleuerunt. Hinc omnia mala. Propter hoc Dalida Iudic. 16. Sampsonem Philistęis tradidit. Item ob hanc causam Acham de anathemate sumpsit Ios. 7. Item Saul reprobatus est propter prędam Amalech. 1. Reg. 15. & Christus ex auaritia Iudę traditus, ac Iudęis est venundatus. Auaris tamē simul, & spes, & quæstus deperit. Cùm. n. dixerint, pax, & securitas, tunc eis repentinus superueniet

perueniet interitus. Hinc Christus Matth. 6. nos iubet thesaurizare in cælo: propter cælum. n. creati, & redempti sumus, & non propter terram, ad cælum autem acquirendum temporalia ex se non profunt, iuxta illud Prouerb. 10. Non profunt thesauri impietatis, sed iustitia liberat à morte, Eccles. 5. Noli attendere ad possessiones iniquas, nihil enim proderunt in die ultionis. Itē, cū anxie quærantur, difficillimè custodiuntur, ad vltimum omnes relinquendæ, velis nolis. Præterea qui de nouo vineam plantant, diuitiarum notantur amatores, qui ex re qualibet aurum exugunt, velut ex vuis, & acinis vinum exprimitur. Sunt. n. diuitiarum aucupes, ærisq; cupidi, congerendis semper opib. sic insudant, sic inardescunt, sic inuigilant, vt insatiabiles congregatores meritò dicantur, relinquunt tamen alienis diuitias suas. Et Aggæus propheta inquit; qui merces congregant, mittunt eas in sacculū pertusum. Huc spectat, & illud Sophoniæ 1. disperierunt omnes inuoluti argēto. Nihil. n. avaro scelestius. Sed q̄ odit auaritiā, lōgi fiēt dies eius.

13 Huius autem negotij expressius figuram refert ipse Noe, qui scripturæ testimonio plantauit vineam, & bibens ex ea vinum, inebriatus est, dormiuitq; nudato fœmore, & à Cham filio suo irrisus est: ad eundem modum qui auaritiæ student, his terrenis opibus tanquam vino inebriantur, dementantur, atque in altero seculo bonis omnibus spoliantur; Nihil diuitiarum inuenientes in manibus suis, proinde omnibus sunt tandem ludibrio; Experti tunc, sed serò nimis, quod Sapiēs profert: diuitiarum iactantia quid contulit nobis? Transierunt omnia illa tanquam vmbra. Huius etiam rei alteram in lib. Iudicum cap. 3. scriptam legimus figuram, dicitur. n. Aod obtulisse munera. Eglon regi Moab; quem cū ad ipsum sese habere verbum Dei secretum assereret, extēsa manu sinistra insidiosè interfecit gladio. Hic Aod, idest diabolus sæpenumero pacem, diuitias, & quæuis fortunæ bona hominibus offert, veruntamen blandè offerendo, amicitiasq; simulando, quos diuitijs fœtis extulisse nōnunquam videtur, miserè tandem enecat, qui antea nec habitis opibus vnquam, nec habendis satiabantur, sed more Tantali in medijs aquarum fluctibus semper sitiebant. Auaritia quidē nullo vnquam tempore minuitur, aut senescit, sed quotidie magis repuerascit, & augetur. Eiusq; amator vt Moab, multis subiaceret periculis. Quod manifestum fecerunt Giezi ob auaritiæ crimē lepra percussus. Iudas strangulatus, adolescens Christo relicto tristis abiēs, Simon Magus, cui Petrus dixit; Pecunia tua tecum sit in perditionē; & diues ille epulo, cui in solius linguæ refrigeriū aquæ guttula denegat.

14 Sunt itaque huius seculi diuitiæ, & vniuersa fortunæ blandimenta tanquam pestilens venenum, insanabileq; toxicum à te modis omni-

bus fugienda: Sicut ergo lutū, & arenam pedibus terimus, atque conculcamus; ita citra dubitationem omnes huius seculi diuitias, si animi candorem, præclaram mētis virtutem, diuinamq; sapientiam spectes, nihil nisi veluti stercora arbitraberis, cū Dauideq; dices; Dilexi mādata tua domine, super aurum, & topazion. Non immeritò sanè ariis cupiditatem pecuniam ipsam, vel auaritiam arenæ contulit Sapiens, dicens; Omne aurum, atque argentum in comparatione sapientiæ, vt arena est exigua, quandoquidem vt arena suapte natura sterilis est, & ad aliquid producendū prorsus infœcunda; ita profectò qui auaritiæ inuigilant, statim, sensimq; sterilefcunt, nullum fructum, qui Deo, vel proximo placeat afferentes. Et sicut arena arenæ non probè cohaeret; sic nec auarus auaro. Insuper vt arenam suo pondere grauem inspicis, quæ licet aliquando in altum flante Fauonio prosiliat, ac valide vento sursum rapiatur, semper tamen in terram denuò decidit, nec in sublimi, aut subtiliori aeris regione pendula longo temporis tractu consistit, sed deorsum, quod grauioris naturæ sit, continuò tendit. Non aliter ipse auarus circa terrena anxie semper negotiatur, assidueq; versatur, omnem diuitijs augendis impendens operam. Qui si fortè relicta terrenorū cogitatione, quādoq; ad altiora, sublimioraq; tēdere videat, faciliè vnde exierat, relabitur, ad terrā terrenaq; bona cōuersus.

15 Quin auaritiam, aurum, atque argentum lubrico luto rectè cōferre possumus. Nā qui sese diuitijs noctu, diuq; inuoluunt, ac si in lubricanti limo, lutiq; fœcibus volutarentur, ægrè admodum eximuntur; quod iuuenis ille diuitijs inescatus, tristis abiens patenter expressit. Imò sic pecuniarum cupiditati, & opibus sese immergunt, vt cū pedem vnum luto infixum educere cōtendunt, alterum crebro profundius figant, in aliudq; grauius ruant peccatum. Id quod hisce verbis Ioannes Apoc. 2.2. clarè demonstrat, dicens; Qui in sordibus est, sordescat adhuc. Hinc magna mentis humilitate orabat regius Psaltes, in hæc verba prorumpens; Eripe me domine de luto, vt uō insingar. Qui autem hisce fœcibus non sordidantur, & diuitiarū lubrico non infiguntur sunt quasi fortes, teste Zacharia cap. 10. Conculcantes lutū viarum in prælio. Et sicut auceps auiculas visco decipit; sic dæmon homines auro, atq; argento, tanquam viscoso luto comprehendit.

16 Certantibus in bello, dicunt, concitationem ventum maximo esse impedimento; qui suo nonnunquam potenti fragore militem, ne cum hoste congregiatur, aut cæptum perficiat iter, sepe numero impedit, & in terram quandoq; prostermit. Hic autem validus ventus, & magno impetu perflans Aquilo, immodica nimirum opum dicitur cupiditas; quæ milites, vel potentissimos in terram, hoc est in terrenorū effrenē concupiscen-

concupiscentiã crebro conijcit. In cuius typũ scriptura refert, quòd filijs Iob, & filiabus simul vescentibus repente irruit à regione deserti vehemens ventus, qui concussit quattuor angulos domus; quæ corruens oppressit septem filios, & tres filias eius. Ventus autem hic in-explebilis est terrenorum auræ fluctuantis more transeuntium appetitus. Qui quattuor domus angulos, hoc est quattuor quibus mens humana fulcitur, diruit virtutes Cardinales, septemq; filios, hoc est septem Spiritus Sancti dona, & tres filias, idest tres virtutes Theologicas opprimit. Quid ergo proderit illi, quòd laborauit in ventum? Idest frustra auaritiæ operã impendit. Huc pertinet, & illud Ezechielis, nõnè cum tetigerit eam ventus vrens, siccabitur, & in areis germinis sui arescet? Imò maximè siccabitur, atque arescet; quoniam nihil inueniunt viri diuitiarũ in manibus suis. Quòd figurata locutione sic Hieremias explicat; Onagri steterunt in rupibus, traxerunt ventum quasi dracones; defecerunt oculi eorum, quia non erat herba. Hic autem est ventus, qui ab Aquilone panditur, de quo Abacuch Propheta sic enũciat; Facies eorum ventus vrens. Hic est certè ventus vehementer perflãs, & circumquaq; conflagrans, qui vniuersam hominis domum, idest hominis vniuersas potentias exurit. Huic autem vento, eo quod ab Aquilone, hoc est hominis corde diuitijs occupato, atq; indurato procedat, ægerrimè resistitur, de quo non inconcinnè sic vaticinatur Oseas; Adducet vrentem ventum dominus de deserto ascendentem, & siccabit venas eius, & desolabit fontem eius, & ipse diripiet thesaurum omnis vasis desiderabilis. Cura igitur diligenter, ne insignè amittas gloriæ coronam, vt speretis rerum caducarum thesauris, in omnimoda mentis humilitate, & cordis confractiõne, in voluntaria corporis immolatione, tuiq; ipsius oblatione deiecta, prostrataq; superbia, in vera paupertate, ac vitæ puritate Christum ducem humilem, imitè, ac pauperem, omnisq; excellentioris vitæ primum ac viuum exemplar, in hoc procelloso mari summa alacritate sequaris.

De excitatione animæ in Deum. Cap. xxij.

I E G I M V S in Actis Apostolicis cap. 12. Petrum fuisse traditum quatuor quaternionibus militum ad custodiendum, seruatum in carcere, dormientem inter duos milites, vinctum catenis duabus, & custodibus ante ostiũ custodiētibus carcerem; item Angelum domini astitisse, & lumen refulsisse in habitaculo, percussioq; latere Petri excitasse eum his verbis; Surge velociter. Quæ quidem historia nostram in Deũ somnolentiam mirificè explicat; pigritia. n. animæ nostræ effecit, vt

erga res diuinas somno, & inertia plus æquo dediti simus. Somnus autem in sacro eloquio multipliciter accipitur. Nam præter somnum naturalem, qui & bonis, & malis communis est; mors corporis in scriptura somnus dicitur. Hinc illa vox crebrò legitur in libris Regum; dormiuit cum patribus suis. Imò etiam impiorum mors somnus dicitur. Nam, & hi in nouissimò die resurgent. Hinc de impio Achas. 2. Paral. 28. dicitur; Dormiuit cum patribus suis. Et Dauid in vniuersum psal. 75. ait; Dormierunt somnum suum, & nihil inuenerunt viri diuitiarum in manibus suis: Tertio accipitur somnus pro dormitione peccati iuxta illud; Hora est iam nos de somno surgere ad Rom. 13. Et iterum; Surge qui dormis, & illuminabit te Christus ad Eph. 5. Quarto accipitur somnus pro ignauia. Sic Isai. 5. & 6. Speculatores eius cæci omnes, dormientes. Somno igitur tanquam alter Epimenides, homo peccator opprimitur, dum varijs peccatorum nexibus, tanquam catenis ferreis vinctus tenetur, aut ignauia, & pigritia spirituali constringitur. Orandus igitur est Deus, vt in ipsius animæ habitaculo suæ gratiæ lumen refulgeat, vt latus eius diuino attractu percutiatur, à sanctoq; angelo excitetur in Dei timorem, amorem, & assiduam contemplationem. Tripliciter sanè Petrus grauabatur; carcere, custodibus; catenis; contra tenebras carceris, accepit lucem; contra custodes, angelum; contra catenas, verbum excitantis, & dicentis; Surge velociter, iuxta illud, psal. 93. Secundum multitudinem dolorum meorum, consolationes tuæ lætificauerunt animam meā. Consolatur, & nos tripliciter; lumine interno; assistentia angelorū, consolatione verbi sui.

2. Illud quoque doceberis, officij tui esse dormientes excitare, id est peccatis detentos; idq; vel admonitionibus, increpationibus, vel salutem orationibus. Vnicuique. n. mandauit Deus de proximo suo Eccl. 17. idcirco. n. Ioā. 11. Christus ait; Lazarus amicus noster dormit. Sed vado, vt à somno excitem illum. Iterum dicam, enixe Deum ora, vt zelum tuum inflammet charitas, scientia informet, firmet constantia; utq; sit feruidus, sit circumspectus, sit inuictus; nec torporem habeat; vt sit etiam suauis, & dulcis affectui tuo dominus Iesus, contra malè dulces vitæ carnalis illecebras; & vincat dulcedo dulcedinem, quem admodum clauus clauum trudit. Hoc quidem pacto futurum est, vt animam ipsam in Deum excites, & efferas, & omni vanitate expulsa, in cœlestibus conuersaberis, vbi deliciarum Dei reficiaris dulcedine, & visionis eius perfruaris claritate.

3. Præterea, si nostram miseriam, inconstantemq; vitam mente lustrare velinus, perspicimus profectò, nos sæpenumero rerum mundarum placida pulchritudine, quasi vini crapula obrui, omniq; virtute

primari, & in somnū graue vini istius violentia præcipitari; quemadmodum autem ij, quinimò vino sese ingurgitarunt, postquam vino per somnum concocto euigilant, iterum viribus resumptis, valentes sūt, excussiq; sopore vini vociferantur; certè, & nos tantundem faciamus, & quasi penitundinis flagello ieti, sapere incipiamus. Alioqui. n. verè in nos qua. n. Isaïæ sententia cap. 29. inebriamini, & non à vino; mouemini, & non ab ebrietate. Quoniam miscuit vobis dominus spiritum soporis, claudet oculos vestros. Enitendum est igitur, vt expergiscamur, & excitemur in Deum.

- 4 Solet autem beneficiorū Dei consideratio profunda, quæ pijs certè admodum iucunda, & grata est, ad Dei laudem, & gratiarum actionem animam excitare; quemadmodum neglectus considerationis huius à Deo separat, & alienam facit. Quæ semel excitata, vel ex sola rememoratione, & concepta expectatione venturorum cælestium bonorum oblectatur, & pascitur. Viuificatur etiam anima verbo Dei, qui acutissimus est gladius, cum ipsa dormire cæperit. Porro distinemur adeò omnes curis, & cogitationibus alienis à pietate, vt cuique nostrum opus sit crebra reuocatione animæ, tãquam militis emansoris, & in officio suo cessantis, vt consuescat homo, se ad cælum, atque originem suā attollere. Existimet quisque sibi dictum à domino, quod Martha; sollicita es, & turbaris circa plurima; porro vnum est necessarium. Quocirca exercitationes reliquæ, occupationes sunt à nobis quæ sitæ. Hoc vnum est necessitatis à Deo indictæ, ad illum exitum, cui est homo missus in vitam; Deus autem ipse in sui admirationem magnitudine nos rapit; bonitate ad benevolentiam inuitat, & quotidiana beneficentia ad gratitudinem prouocat. Itaque siue contemplamur præstantiam, siue accendimur ad amandum tantam bonitatē, siue compotes voti gratulamur, attollit se anima ad Deum. Hæc oratio, seu precatio dicitur, per quam tacentibus nobis, vel verba in ore formantibus cor nostrum Deo loquitur. Precatio autem omnis, etiā ad nostram vtilitatem refertur. Nam, & petitio ad nostras necessitates pertinet, vt sciamus, quis sit omnium largitor; gratiarum autem actio, vt agnoscamus beneficium, & amemus beneficium; consideratio bonitatis, & charitatis ad redamandum adducit; magnitudinis autem speculatio ad cultum, & reuerentiā. Adde etiam ad amandum illum, qui cum sit tantus, dignatur nos tamen respicere, & in partem admittere magnitudinis, & beatitudinis suæ. Itaque cum potentem nominas, cum vniuersitatis auctorem agnoscis, venerare maiestatem; ama in tanta magnitudine tantam bonitatem, benignitatemq; effusissimam. Elabora igitur, vt adolescat in te charitas erga Deum, cultu,
- & reue-

& reuerentia admixta, quasiq; temperata. Quoniam hæc certissima est via, atque vnica ad nostram beatitudinem. Maximopere est è re nostra, vt charitas augeatur quotidie. Nam recordatione, & cogitatione crebra, atque intenta extollitur animus noster, qui alioquin pondere hoc corporis obruitur, & retardatur, delassatur, & flaccescit. Sic. n. fiet, vt animus noster excafactus in Deum erigatur, & in rerum diuinarum pratis expatietur.

5 Idcirco præter iam explicitas, pauculas alias excitationes non omnino inutiles ad extollendum animum in Deum accipito, ad diuinam maiestatem contemplandam, cum se animus accingit, & præparat, id faciat liber ad tantum ascensum, atque expeditus; nempe iussis tantisper curis vitæ huius abstinere, & motibus animi sedatis. Nā in quiete est locus domini, non in commotionibus: De diuinis autem rebus senti reuerenter, fac veniat tibi in mentem, te esse puerum, & sapientiam Dei non assequi, qui etiam in humanis passim cæcutias; memineris tuæ ruditatis, nec arcana Dei didicisse, cum etiā humana te propemodum omnia lateant. Quod hominibus sapientibus tribuimus, vt 8 impares fateamur nos illorum rationibus, ac consilijs; quanto reuerentius illud concedendum est Deo? Quæcunque sunt in mundo, corum esse duces, præ charitate, & gratia Dei felix, si illam conciliaueris tibi, etiam rerum quæcunque in mundo optari possunt iactura. Sine illa nihil est dulce, nihil latum, cum illa nihil amarum, aut triste.

6 Proinde intelliges, peccatum auersionem esse, & separationem à Deo, idest à fonte vitæ, ac boni vniuersi; à peccati ergo actione, occasionibus, causis etiā, imagine, & specie longissimè fugito, idest quā proximè fieri poterit, accedito ad Deum. Noueris te ipsum, quā infirmus es corpore, quā inscius corde, quā prauus voluntate, quā seruus eorum possessor, quæ habes: itaque modicè, ac potius demisse de te senti; conscius infirmitatis tuæ. Hæc est vera animi modestia, nō illa tantum, quæ in gestu, aut cultu, aut verbis est sita, vera cuiusque animi demissio ante Deum est, vt illum intuitus, planè intelligat illum esse omnia, seipsum verò nihil penitus; aut si quid sit, minimum quiddam esse, & velut guttulam, atque eam ex immenso illo mari destillatam, nec futuram diutius, quā dum ab illo conseruetur. Quandoquidem à Deo sunt bona omnia; cum quid feceris boni, illico erige te ad recordationem, vnde sit bonum illud, eiq; habeto gratiam, qui eas tibi dignatus est vires impartiri, quibus rectè ageres, alioqui immemor iudicaberis beneficij, ac proinde ingratus.

7 Acutus tibi videris? Tanto peior, ni & bonus. Hebes? Tarditatem Christus boni consulit, modo adsit voluntas recta. Doctus es? Frustra,

nisi tibi proſit doctrina tua. Nec quicquam ſapit Sapiens, qui ſibi nõ ſapit. Rudis eſ? At qui Chriſto magna eſt eruditio, ſacere quæ ipſe iubet, tantum ſcis, quantum operaris. Animofus eſ? Audè igitur contemnere quæ alios terrent, fortuita. Timidus eſ? Imò nimis audax, ſi violare audeſ Dei leges, hoc eſt inimicitias cum Deo ſuſcipere. Formoſus eſ? Fruſtra, ſi deformis inſit animus. Vide ne in formoſo hoſpitiõ habitat hoſpes deformis. Deformis eſ? Chriſtus ſolam ſpectat animi formam. Sanus exiſtis? Quorſum, ſi mēs inſana? Aeger eſ? Admoneris tuæ mortalitatis; & hac ibis illuc, vbi nullis deinceps morbis attingere; ſempiterna erit ſanitas. Perfrueris delitijs, ac voluptatibus? Delicate, aliſ grauem tyrannum. Laboribus exerceris? Sic vinces, & domabis hoſtem tuum. Aerumnis præmeris? Ea eſt via expeditiſſima ad faſtigium virtutis. Validus eſ? Exerce robur tuum ad maximum præmiũ. Inualidus eſ? Virtus animo eget, nõ lacertis. Celer eſ? Effuge ergo vitiũ, quod te perſequitur. Tardus eſ? Satis celer eſ, ſi animo cœlos tranſcēdis vſque ad Deum. Longæuus eſ? Solus vinit diu, qui bene.

8 Morbos, caſus humanos, mortem neque tibi, neque alij cuiquam optaueris, vel timueris; ſed æquo animo expecta, quid Chriſtus, cui ſumus curæ, de nobis ſtatuert, & id quicquid fuerit, ferendum moderate, conſiderantibus à quo mittantur, nõ ſine cauſa noſtri boni. Laborandum eſt tota vita, non vt ne moriamur, nam id nec fieri poteſt, nec optari debet; ſed vt ne malè moriamur. Fratres ama, vel quia digni ſunt, vel quia commendati à Chriſto, illiſq; opta, ac pro virili procura maximum illud bonum, Dei gratiam, ac fauorem, & ea per quæ illud facile nanciſcantur. Nõ irascendum, quicquid contingat. Nemini ſuccenſendum, non maledicendum, non obreſtandum, non execrandũ. ambigua, aut incerta ne in inſiſtram interpretationẽ rapias, quod eſt volũtatis prauæ, nec inſolenter, aut arrogatè, vel ſentias, vel loquaris.

9 In ignominia memineris, quid obiectum ſit Chriſto in os, & ea non rarò exhibetur tanquam morbi alicuius medicina, vt Dauidi: in laude fac animo ſuccurrat, quæ habes bona, nõ tua eſſe, commendari à Deo, hic habendam gratiam. Reſpecte etiã in teipſum oculos; videbis quã exigua res ſit homo, quàm leuia humana omnia, & exili laude digna. Fac veniant tibi in mentem lapſus tui frequentes ſiue in virtute, ſiue in ſapientia, & ingenio; qua cogitatione dilues fallacem laudationis ebrietatem.

10 Ne illa vel ſumas, vel optes in vita, quæ occupatione, ac cura ſui adducere à cultu pietatis ſolent; vt varia, & graui negotia, procurationes rerum aſperarum, grauium, difficiliũ, intricatarum; quid enim prodeſt homini, ſi vniuerſum mundum lucretur, animæ verò ſuz detrimentum.

trimentum patiatur? Si inuisus es? Si tua culpa, corrige; sin minus, acquiesce Dei amicitia. Si videris te ab amicis desertum, at, si modo vis, non à Deo firmissimo amico. At refrixit amicorum amor desuetudine; optime nobiscum agitur, quod semper Christus nobiscum versatur, nec desuescit. Quin si amicitijs fultus es, memineris amicos omnes esse homines, idest mutabiles, & mortales. Quid autem iuvat infirmorū, & miserorum animantium beneuolentia, nisi, & ab illo amaris, cuius te amor potest beare? Propinquos habes, & consanguineos multos, ac magnos? An non iniuriam facis Deo, qui talem habens patre, consanguineos; de quibus gloriare, quæris, mortales miserrimos?

11 Accedenti tibi ad orandum Deum, cogitanda est imprimis tantæ principis maiestas, qui nos finxit, qui etiam cogitata nostra intuetur, & oblita nobis recordatur, conferenda cum nostra humilitate, ut merito possimus dicere, loquar ad dominum Deum meum, cum sim pulvis, & cinis, & putredo cōsumēda. Memineris, nō esse linguā, quæ precetur, sed mentem. Proinde dices; abscedite viles, ac degeneres curæ; cum principe, atque auctore omnium loquendum est: discede malitia, nam ad optimum accedo: abi odium, nam ad amorem ipsum euolo; cessate nugæ, ac res leues, nam ad seria, & solida, & permansura pergo.

12 Excitabitur quoque anima, si considerauerit Dei potentiam, videlicet Deum sic esse omnipotētem, & præsentem vbiq; ut quemadmodum ipse omnia nouit, ita solo etiam verbo, & nutu omnia potest; cuius dicere facere est, cuius verbo cæli firmati sunt. psal. 33. Quoniam ipse dixit, & facta sunt; ipse mandauit, & creata sunt. psal. 158. quā sanè potentiam, si semper præsentem consideraremus, haud dubie Deum timeremus, & coram eo humiliaremur, ut qui omnia nostra ante oculos ipsius agimus, qui omnia cernit, quiq; nihil mali relinquit inultū, cui de omnibus reddenda est ratio, qui omnia punire potest. Cauendi proinde nobis est, ne illorum vestigia sequamur, quos recenset Iob sanctus cap. 22. Quorum quidem hominum tam erat somnolenta, tēperuerfa, & obstinata impietas, ut palam Deum contemnerent. Prorsusq; ab oculis, & voluntate reijcerent; nolentes Dei timorem habere ob oculos, neque eius præcepta, vel monita considerare. Ac prorsus ita Deū parui pendebant, quasi nullius potentia, nulliusq; ad efficiendum quicquā roboris, aut potestatis, ita ut neq; præmijs asficere posset obediētes, neq; contēnentes supplitijs. Quorum quidem ingrati-tudo ut in illis, sic & in nobis, tantò magis est execranda, & detestabilis, quantò plura à Deo beneficia suscepimus; vnde merito debuissimus ad agendum gratias, & seruiendum corde pio induci, & excitari, non ad vllum contemptum prouocari: hincq; facile, & nos possu-

mus, & meritò intelligere debemus; quòd is, qui potens fuerat tanta sibi gratis conferre beneficia, potens esset etià mala iuste, cum vellet infligere contemptoribus. Eorùm igitur impiorum sententiæ adeò nos non accedimus, ut quàm longissimè ab illis dissentiamus; certissimè scientes, rem longè aliter, ac illi existimabāt habere, utpotè Deū esse omnipotentem, & omniscientem inspectorem humanorum operum, iustūq; ultorem omnium scelerum.

13 Sciendum est quoque, sanctos Prophetas ea prodigia frequēter cōmemorare, quibus Deus, aut totum orbem, aut gentes aliquot, propter illarum impietates graviter afflixit. Hoc autem tanta diligentia, adeoq; frequenter eos effecisse crediderim, ut mortalium animos, ad Dei considerationē excitaret potentius. Et ut omni excussa fœccordia, mentisq; torpore, seipsos homines erigerēt in ampliorem diuinæ potentie contemplationem. Vix credere possis, quantam habeat vim ad permouendos, & concutiendos affectus, diuinorum operum tam frequens repetitio, & quasi renouatio.

14 Principio, hæc audientes, nos ipsos comprimimus, & cohibemus; cum diuinorum oraculorum salutari cohortatione intelligimus, diuinam potentiam hodie, atque olim impias gentes, & nos absumere posse. Nam cum illarum (proh dolor) impietates, & perditos mores, vel imitemur omnino, vel impudenter vincamus, fieri nō potest, quin auditis prodigijs, quibus maiorum scelera diuina virtus castigabat, ad mentem reuocati, gratiorem concipiamus formidinem, & vehementius pertimescamus diuinās violare leges, & iussa contemnere, ne fortasse eandem in nos effundat pœnarum, & suppliciorum vim. Assuescimus deinde diuinorum operum frequenti cōmemoratione pietatis studio, id quod omnium virtutum primum, ac maximum fundamentum est. Quis.n. adeò propriæ sit salutis negligēs, aut cum nefarios homines legit tam acerbè correptos, quòd erga Deum non ea fuerint religionis pietatē defuncti, qua vehementius ille oblectaretur, non animum inducat, ut purè, & castè omnem tributum Deo sanctitatis rationem, quæ sola potest nobis eum placatum efficere? Vno tantum exemplo Christus Iesus utranq; huius diuinioris philosophiæ partem cōmendabat, cum Luc. cap. 13. eorū periculo nobis cōsulendū esse admonebat, quos turris illa Siloe, graui terræ concussione, non tamen sine diuinæ prouidentie cōsilio corruens, subito, & inopinato cōpressit.

15 Ad hæc, antiqua diuinæ potentie opera sacri Vates in mentem reuocant, quibus proprium vindicabat contemptum, ut homines pietatis studiosi, omnes humanas vires minus expauescant, agnoscētes diuinam potētiam, quæ illas tam longo intervallo excedit ab ipsis operibus,

ribus, quæ sacris sunt litteris consignata. Nam quemadmodum ea sacra historia refert, ad cohibendam impiorum hominum audaciam, & proccacitatem; ita etiam ad erigendos piorum animos in optimâ sp̃e, & ut omni se fiducia illi permittant, qui ut impios, & peccatores corripere, ita etiam, & pios tueri, & consolari solet. Christus redemptor noster, totius orbis ruina imminente iubet pietatis cultores æquiori animo esse, iubet capita attollere, omniq; gaudio, & lætitia perfundi, quod quemadmodum impiorum exitium, & perditio postrema, ita illorum salus, vita libertas, appareat.

16 Inter cetera verò summi Dei opera, illa solent libentius diuini Vates proponere, quibus aut nascenti orbi, aut electo populo, antiquitus diuina se declarabat potentia, ut turbinem, & tempestatem, & aquarum miracula. Hominibus autem, vel consilio, vel opera resistere facile fuerit; at verò diuinæ potentix, & indignationi quis ire obuiam possit? Aut quid possit illis ex voto succedere, quibus Deus infenso animo est, & inimico? Infelices semper exitus illorum res habeant, necessarium est, exemplo Aegyptiorum, Pharaonis, Saulis, aliorumq; similium. Dominum autem exercituum frequenter se appellat Deus, ne fortasse impij homines in multitudine exercitus, aut pugnantium bellica virtute spem collocarent stultè. Habet enim illi tum ad puniendos improbos, tum ad bonos viros tuendos innumeras angelorum myriades.

17 Postremò varia accipe exempla ex sacris litteris, quibus Dei potentia manifestatur, & emicat. Primum, considerà expulsionem malorum Angelorum à cælo empyreo Isai. 14. Apoc. 13. Secundo, vniuersalem totius orbis inundationem Gen. 6. Tertio, combustionem Sodomæ, aliarumq; ciuitatum Gen. 19. Quarto, confusionem Babylonis Gen. 11. Quinto, submersionem exercitus, Pharaonis Exodi. 14. Sexto, destructionem Assur; de quo scribitur Esai. 10. Assur enim erat virga furoris domini; per ipsum enim nescientem, nec intelligentem afflixit dominus populum Israeliticum. Septimo, destructionem Nabuchodonosoris Dan. 4. adde etiam excidium Hierosolymitanum, & dispersionem Iudæorum. His quasi calcaribus peracutis, est anima in Deum optimum maximum, creberrimè excitanda; sic enim via sternitur, & preparatur ad veram, & proficuam contemplationem.



Ita contemplatiua actio, quæ viris Religiosis ex suo ipsorum instituto familiaris est, quin etiam accommodatissima, ad intellectum pertinet. Est. n. ipsa contemplatio, intellectus operatio: quoniam verò ad eam exercendam intellectum voluntas mouet, contemplationis motrix causa est voluntas. Et quia vnusquisque delectatur, cum adeptus fuerit id quod amat, idcirco contemplatio in delectationem finitur, & terminatur, quæ est in affectu: ex qua etiam amor increscit, augeturq;. Hac quidem de causa D. Greg. in Ezechielem ait; Contemplationem esse charitatem Dei, & proximi, tota mente retinere, soli; desiderio conditoris inhaerere; constituit ergo veram contemplationem in charitate Dei, quatenus quispiam ex Dei dilectione inardescit ad eius pulchritudinem conspiciendam. Vita. n. cõtemplatiua calcatis curis omnibus ad videndam sui creatoris faciem exardescit, & properat. Contemplationis etiam non exigua laus est, quam Hugo de S. Victore, illustri Canonico Regularis in opusculo centum sermonum, sermone 72. tom. 2. conscripsit. Idcirco nanque in quiete, silëtio, lectione, meditatione, oratione, diuinæ laudis decantatione sumus, vt supernæ contemplationi facilius, & perfectius inhaereamus. Sanè inter omnia bona spiritalia, quæ in præsentī vita possunt acquiri, vel possideri, contemplatio optima est. Siquidem Maria Luc. 10. optimam partem elegit, quæ non aufertur ab ea. Meditatio quidem est assidua, & sagax retractatio cogitationis, aliquid vel inuolutum explicare nitēs, vel scrutans penetrare occultum. Contemplatio verò est perspicax, & liberi animi contuitus in res perspiciendas vsque diffusus. Inter contemplationem ergo, & meditationem hoc interest, quòd meditatio circa vnum rimandum occupatur; at contemplatio in multa, vel in vniuersa cõprehendenda diffunditur. Perspicax quidem est, vt profunda penetret; liber autē, ne deprimatur, & impediatur per terrena desideria.

Hac quidem cõtemplationis exercitatio quamuis in vnum, eumq; potissimum actum, nempe veritatis contemplationem tota finiatur, & perficiatur, à quo & vnitatem retinet, plures tamen continet actus, quibus ad eum vltimum actum, tanquam in desideratissimum scopum proficiscitur, atq; peruenit: cuius rei egregij præceptores extitere illustri ille Canonico regularis Ricardus de S. Victore in opere de cõtemplatione, eiusq; assecla D. Tho. 2. 2. q. 180. art. 3. Breuitati igitur, & perspicuitati studentes, ex grauissimorum auctorum præscripto quatuor tantum actus, siue gradus exercitationis spiritualis, vitæq; sancti-

sanctissimæ constituamus: lectionem videlicet, meditationem, siue considerationem, vel etiam speculationem, nam his tribus nominibus à nostris maioribus appellatur orationem mentalem, & ipsam contemplationem. Qui sanè quatuor actus ita sibi coherent, & cōnectuntur, quod lectio quidem inquit, meditatio quesita degustat; oratio degustata petit; contemplatio petita recipit; quorum delectatione, & gaudio ab his sensibus, crassioribusq; contagijs abductus animus, atque sublatus; mirum in modum Deo coniungitur.

3 Ad sternendam autem nostri spiritualis progressus viā, summo studio enitendum est, vt cōtemplationis obstacula prius submoueamus. Contemplationis ergo impedimenta in multiplici sunt differētia, doctores S. Tho. loco citato art. 2. si generali ratione ea cōprehendere velimus. Primū est, affectionū prauarū, vitiorumq; acris vehementia, quæ infelicem animam à rebus spiritualibus ad sensibiles quasq; abstrahunt, atque deijciunt. Secundum impedimentum est immodica sollicitudo, occupatioq; circa tumultus exteriores, dum necessitatibus huius vitæ constricti, negotijs occupamur. Tertium impedimentū est, ineptitudo hominis ad speculationem exercendam. Quartum est hominis quædam inquietudo. Iis. n. qui corde multiplices sunt, & alios curiosè obseruant, quos amicorum, & cognatorum curæ extraneæ detinent, quiq; propriæ vitæ necessaria sollicitè conquirunt; ijs diuitiæ Dei manent incognitæ. Prudens quidem, ac prouida discretio bona est; sed qui multum anxius, & sollicitus est; is neutiquam prudens est. Si foras te conuerteris ad vitam sensibus plausibilem, veram internā exercitationem eliminabis; nam qui sensibus foris satisfaciunt, & obsequuntur; intus nulla vera libertate gaudent, sed foris pigri, desides, ac imparati, intus verò tam in prosperis, quàm aduersis inordinati sunt. Denique quos rerum alienarum imagines occupant, ij ad verā contemplationem perungere nequeunt.

4 Eruditi quidem, ac sancti viri asseuerare ausi sunt, nūquā ferè reperiri laborem illi parem, qui in contemplatione exercenda adhibetur, & sustinetur. Alijs. n. in rebus etiam difficilibus facilius homines perseuerare cernuntur. Sunt qui nihili pēdant ieiunandi difficultatem, vigilandi, flagellis sese atterendi, in longinquas regiones etiam cū periculo peregrinandi; effundendi in pauperes omnem substantiam; qui tamen continuè contemplationis laborem ferre non possunt. Huius difficultatis potissimā merito arbitraberis esse rationem, corruptam naturā, deorsumq; procliuem, ac multis prægrauatam affectionibus, & animi ægritudinibus onustam. Quemadmodū difficile est, graue pondus sursum astollere; cui, & accedit dæmonis impugnatio,

varias

varias procurantis distractiones, quo viam non inueniamus regni cœ-
 lorum. Fit, & talis difficultas ex naturali imaginationis nostræ mobi-
 litate, quæ semper huc, illucq; diuagatur, neq; vnquam conquiescit;
 nec in somno, vt in cōfufis somnijs experimur. Od idq; profectò absq;
 virtutis exercitio fieri non potest, vt nostra imaginatio rei vnius consi-
 derationi alligata persistat; præsertim vbi diuturna ex consuetudine fa-
 cta est insolens, quemadmodum assuetus syluis leo difficilè māsuescit,
 multipliciq; opus est arte, vt conceptam derelinquat feritatem. Ita, &
 mens nostra si huic contemplationis studio iam ab initio assuesceret,
 non tantum in ea experiretur, persentiretq; laborem. Spernere tamen
 nos oportet laborem omniem, neque expauescere conuenit. Quinimò
 fortì assurgamus animo: cū non ignoremus, Deum gratis, atq; be-
 nignè sæpè in articulo temporis solitū esse concedere, quod quispiā
 multorum annorum curriculo, strenui etiā adhibita industria non as-
 sequeretur. Porrò si huius pretiosissimæ rei compotes fieri cupimus,
 iam primū fortì, & pertinaci opus est proposito, vt in hoc interno exer-
 citio immutabiles, constantēq; perseueremus, etiam si omnia nobis
 obluctarentur; turmatimq; aduersum nos insurgerent. Eorum itaque
 sequamur exemplum, qui aduerso nauigant rapidissimo flumine. Ii. n.
 vi remorum cursui obnituntur aquæ, paulatimq; eius imperum exu-
 perant: quòd si quando euincantur, non animos despondēt, quin ala-
 crius adnituntur, vt tandem victores euadant. Ita sanè, & proposita
 nostra frequenter sunt renouāda, augendaq;. Tum verò alacriori ani-
 mo vrgenda, vbi periculum experimur præsentius. Quoniam, vt est in
 prouerbio, labor omnia vincit improbus. Videntur quidem in terre-
 nis occupationibus perferendis homines esse indefatigabiles, neque
 verò vnquam deficere, etiam si sæpenumero frustraneum sustineant la-
 borem. Mercator quidem non idcirco mercaturam deserit, quòd ali-
 quando graui damno sit affectus: neque terram agricolæ non colunt,
 etiam si vel semine quandoque fraudentur, sed potius tunc diligentius
 collaborant, vt suscepta damna resarciant. Ita, & qui in stadio cur-
 runt, ab omnibus abstinēt, cū non ignorent, vni tantum contingere
 brauium. Quantò igitur nos æquius est in sancto contemplationis
 studio assiduè exerceri? quoniam vt in eo maior est labor, ita & ma-
 ius, pretiosiusq; situm est præmium. Si hoc attente perpenderemus,
 nunquam nostrum desiderium frigeret. Sed ingenti præmio propo-
 sito, perspectoq; nouo semper seruire arderet. Animi etiam ardorē,
 & illa ratio præstabit, augebitq;, quòd vnaquæq; ars initio quidem dif-
 ficilis est, in medio decursu facilis, in fine tandem efficitur delectabi-
 lis. Facilè autem sustentatur initij labor spe futuræ iucunditatis, quam
 asseret,

afferet, vbi res optata acquisita fuerit; si tamen ritè, ac congrua eam ratione complectamur. Huic verò obstaculorū veneno antidotus est; vt nūquam pedem sistamus, cadentesq; mox surgamus, ibiq; inchoemus, vbi intermissum fuerat iter. Caueamus etiam, ne ad quemlibet occursum retardemur. Peregrinus siquidem si ad cuiuslibet latratum canis persistat, magnam facturus est iacturam temporis, neque verò cessabunt canes, quin, & acius oblatrabunt. Ita & nos si vnique velinus respondere tentationi, nostrum interrumpemus iter. Surdū itaq; oportet agere, ac dissimulare. Sic, n. fiet, vt & dæmon à molestijs inferendis desistat.

5 Addubitabis hic forsitan; cur contemplantibus nobis sese offerūt variz cogitationes, vniuersaq; dei negotia? Quāquā hoc fieri possit è propria & naturali mutabilitate nostrā, quæ tunc magis apparet, quando plus impugnatur. Aptior tamen responsio est, si dixeris, agente id fieri diabolo, qui varijs nititur, & confusis imaginibus contemplationis perturbare negotium; vnde probè nouit, nostram promoueri salutem. At verò nostrarum fuerit partium, eius cognita fraude, solidiori, constantioreq; proposito in assiduo contemplationis studio persistere; vt tam simus cauti in curanda nostrā salute, quā sollicitus est noster aduersarius in impugnatione inferenda. Quod si rursus interroges, quare paucissimi perueniant ad contemplationis celsitudinē? Respondeo, contemplationem delitiosam esse veritatis cognitionem absq; labore, & discursu, seu inuestigatione; quæ mentem ornat nostrā, repletq; omni pulchritudine, & diuina suauitate. Itaque præsupponit eam omni iam purgatam terreno affectu, redactamq; , instar mundissimi speculi, in quo diuina possit se exhibere facies. Quoniam verò multi hoc opus est laboris, non nituntur; si à paucissimis obtineatur.

6 Quare sapientissimè D. Tho. asseruit, virtutes morales egregiam dispositionem, facilemq; , ac planam viam sternere, & præparare ad exercitandam contemplationem. Ipsæ. n. reprimunt affectionum vialarum vehemenciam, sedantque, atque comminuunt exteriorum occupationum tumultus; obscuraq; mentis nubila: contrā verò subministrant mentis puritatem, mundiciā, pacem, pulchritudinem, lucidissimūq; lumen. Præ ceteris verò virtutibus præclara castitas reddit hominem contemplationi aptissimum. Delectationes verò veneræ maxime depriment mētem ad sensibilia, vt testatur Augūst. in lib. soliloquiorum. Quapropter quisquis sese ad contemplationem præparare appetit, his cum perducentibus ducebus iter arripiat. Sunt autem immaculata conscientiz puritas, bene ordinata vitæ innocentia, morum composita; ac placida honestas, sensuum omnium sobrietas.

Id etiam opus est, ut naturæ ipsius inordinatæ propensiones reprimantur cohibeanturq; quibus tamen necessaria denegata non sunt. Oportet quoque ut indigentibus sua ope, cum pietate, ac benignitate opituletur. Inhabitatio sit, quam nihil vitiosum præmat, aut moueat, Amor deuotione conflagrans, atque ignitus, & in Dei sursum tendens bonitatem. Omnis proprietatis in libertimâ Dei voluntatem abnegatio adsit, & renunciatio. Cunctarum animæ virium in spiritus vniuersitate collectio. Necesse est etiam Deum perpetua cum reuerentia laudare, gratias agere, amare, colere, eidemq; iugiter dignè famulari.

7 Præstantissima etiam habemus sanctissimorum virorum exempla, quorum vestigijs in hærentes, hanc per quam sælicem, nūquamq; satis laudatam contemplandi artem addiscamus, & exerceamus. Et ut prætermittamus Christi exemplum, & Virginis; quoniam sua superexcedenti luce aciem oculorum nostrorum percutiunt, quædam alia colligamus exempla, quamuis eorum comparatione, pygmæi ad excelsum gigantem iure simus existimandi. Imprimis ergo quo rapiebatur celsitudinis Paulus, ubi ipse idem ignorabat, fuerit ne in corpore, an extra corpus? Verè quidem cum rebus creatis omnibus seipsum quoq; transcenderat, omninoq; erat in Deum absorptus. Magdalenam legimus sæpius in die in æra subleuatam fuisse: tâtaq; erat vis spiritus, ut corpus absq; grauitate redderet. Antonius cum sæpè totam noctem diuinis contemplationibus transigeret, atq; insumeret, superueniente die, conquerebatur dicens; O sol, nimis præpropere ad nos rediisti, tuaq; contristor luce: quoniam à suauissima me retrahis, & remoues. veri Solis contemplatione. Legimus etiam de Arsenio, sæpè illum in oratione inuentum fuisse, instar ignis, ardentissimum. Cogita tecum quantò intus igne eius ardebat spiritus, si vel in corpus apparens redundabat flamma. Abbas Sylvanus, post excedentia, quæ illum intus absorbebant lumina, sibi ipsi redditus, vultum operiebat, dicens: Occludimini lumina mea; quid amplius huius mundi quidpiam aspicere vultis, ubi quidquam non est pulchri? Perstitit Abbas Bessarion quattuordecim dies, & totidem noctes, immobilis semper in diuina contemplatione. Hieronymus integras nonnūquam hebdomadas extra mundum inter angelicos choros, suiq; ipsius factus compos, fieri non posse dicebat, ut humana eloqueretur lingua, quod ipse conspexerat. Quid Gregorium referemus? Qui cum ad supremam sedem esset assumptus, non aliter ingemiscebat, à dulci contēplationis quiete raptum se in molestissimas mundi occupationes, ac si nauta à tranquillo portu in sæuissimam ageretur tempestatem. Bernardus adeo nonnūquam erat introuersus, ut ubi ageret, non aduerteret. Quare dic

die quadam, cum lacum quandam prateriret, nūquam sensit, se illum vel vidisse. Non desunt huic argumento exempla temporibus nostris viciniora. Doctor angelicus Thomas sapē fuit visus à terra subleuatus, lucentem capite gerens stellam. Franciscus appellatus Seraphicus, nunc ad hominis staturam, in aera videbatur raptus, nunc ad arborum summitem; adeò aliquādo afferebatur, vt vix inter nubes conspiceretur. Huiusmodi itaque exemplis tuum excitabis desiderium, vt vehementius semper adproperes. Tantoq; tibi videberis magis inops, quo magis spiritualibus redundaueris diuitijs; cum infinitum semper tibi supersit emetiendum iter, immensa. n. est huius pelagi vastitas. Vt rem igitur concludamus, diligenti studio prius nobis virtutum cultura exercenda est. Quamuis. n. hæc contemplandi ars nobilitate, & perfectione sit prior, via tamen generationis, & acquisitionis astricē vita posterior est. Hoc sanè documentum viris Religiosis, seculo abrenunciantibus non absque magna, grauiq; consideratione statim in vestibulo traditur, vt si contemplationi incumbere, operamq; dare apud se cōstituerint, in animumq; induxerint, prius actionibus studiosis, propria mortificata voluntate, strenuē exerceantur.

De lectione, contemplationi necessaria. Cap. x xliij.



LECTIONEM sacratum doctrinarum exercitio cōtemplationis esse necessariam, docuit D. Tho. 2. 2. q. 180. art. 3. Quam proinde in numero actuum cōtemplationis reposuit. Contemplationis. n. progressum, atque discursum ita describit. Nam quidam contemplationis actus spectāt ad accipiendā, acquirendāq; principia quædam, ex quorum cognitione progredimur ad cōtemplationem veritatis. Hoc quidem loco sedem habet lectio scripturarum, imò etiam auditio, quæ ex voce loquentis multa perdiscimus. Lectio. n. eorum, quæ eligenda, quæq; fugienda sunt, est indagatrix. Alij autem cōtemplationis actus pertinent ad deductionem prædictorum principiorum veritatis illius, cuius cognitio inquiritur. Ad huiusmodi autem principiorum deductionem, progressumq; rationis pertinet meditatio, siue consideratio. Si ergo in hac nobili exercitatione non nihil promouere cupis, rescissis prius, vt diximus impedimentis, animi fortitudinem, atq; patientiam te induere oportet. Quemadmodum qui velit in virentibus, ac humidis lignis ignem succendere, opus est, multam ferat vim fumi, si velit clarescentem videre flammam. Alioqui, & igne non potietur, & insumpti faciet laboris iacturam. Præiacto igitur, indiesq; renouato, firmo proposito, futurum esse, tibi persuadeas, vt voti, idest puritatis internæ

Quoniam internæ compos sis euasurus. Deus. n. optimus ad donandum est prom-
ptior, quam nos simus ad petendum, modo non fluctuemus.

2 Ad constringendas postea vagæ, ac indomitæ nostræ imaginationis
habenas nos conuertamus oportet, qua non stabilita, vana est omnis
nostra industriâ. Hic ergo omnem adhibeamus operam. Nostræ. n.
adeo variæ sunt, & leues cogitationes, in variâq; assuetæ ferri absque
lege, vt absque diuina gratia, quæ semper præsto est, parum admodum
promoueamus. Et quâquam neque qui plantat, neque qui rigat, quic-
quam sit (teste Paulo) vult tamen Deus, vt & plantemus, & rigemus, ad
hoc vt diuinum accedat incrementum. Cogitatio quidem absq; labo-
re fit, in varias rapitur imagines, secum attrahit affectum, modoq; huius,
modo illi rei inhæret, in eas omnes diuiditur partes, quo illam ferunt
sensus. Hinc propemodum infinitæ oriuntur cupiditates anxietatis
plene, vanæ, spes, indignationes, effrenatæ affectiones; vnde mens
nostra furiosis nunquam non agitur tempestatibus, sæpeq; furijs obli-
detur tartareis. Porro vt conquiescat, id remedij est, videlicet ora-
tio, quæ in Deum nos adducit.

3 Huc professio conferent pij libelli, in quibus mens, si attenta verfa-
tur, demorabitur ijs tantummodo ruminandis, quæ scripturarum le-
ctione inuenerit. Oportet autem paucis, sed optimis delecteris libris;
nonnunquam. n. nõ secus multa distrahit mentem lectio, quam si eua-
gari sineretur. Caue autē legēs, ne quæras curiosas disputationes, sed
flamigeras deuotiones. Neque multa excurras folia, sed perpende,
ac rumina vnumquodque verbum. Vna etenim præceptio rectè expē-
sa, operiq; tradita, multo magis conferet, quam si plurimæ leuiter per-
currantur. Quinimò quemadmodum multi cibi in ventrem intrusi,
prauos gignunt humores, ita & multa, immodicaq; in animā ingesta,
confarcinataq; rerum sciētia, pestiferam adducit superbiam, nisi igne
charitatis concoquatur. Nequaquam Deo grati erimus, quod quid sit
cognoscamus. A Lucifero. n. satis cognoscitur; sed si eum amaueri-
mus, obediētesq; illi erimus. Quemadmodum, & nobis gratus nõ est
curiosus rerum nostrarum scrutator, sed fidelis, officiosusq; amicus.

4 Ex varijs autem fructuosis libris eligenda etiam esse videntur Ioan-
nis Cassiani opuscula, quæ à viris sanctissimis, & eruditissimis, ac de-
mum ab Ecclesia probata fuerint. Ex eis enim maximam se hausisse
profitentur vtilitatem D. Tho. & D. Dominicus. Spiritualia Io. Ger-
sonis opera. Ardens insuper, & luminosus est doctor D. Bonauentura,
præsertim in opusculis. Vnde maxima ex parte desumptum est Specu-
lum crucis, verè vtilissimum. Nec spernas etiam doctrinas humiles.
Profuerint, & valde subleuandæ mentis sanctorum vitæ, qui viua fuere
perfe-

perfectiōis exemplaria. Quoniam verò duo inuehiuntur priorum librorum genera, nonnulli magis intendunt excitandis lachrymis, spiritalibusq; delectationibus. Alij magis vacant extirpandis affectionibus, virtutibusq; inferendis: illi quidem sunt dulciores, fructuosiores isti. Ne itaq; legas alteros sine alteris: ne vel fias nimis delicatus, vel nimis austerus. Cura, vt quo proficias, inuenias, & cum libros legeris, noli esse censor, sed discipulus. Sic. n. fiet, vt plurimum commoditatis ea lectio sit tibi allatura. Si tibi legēti quippiam occurrerit notatu dignum, ne progrediaris, sed consilite, & moram faciens mediteris, quoad liceat, & vbi amplius immorari non licebit, lectionem repete. Itaque perge, iam legens, iam meditans, retinens in mentis alueolo quicquam spiritalis cibi, vnde inter ceteras occupationes enutriare, neque deficias. Plus. n. egot anima iugi nutrimento, quam corpus. Mente itaque retineto, debere te inter ceteros, eos tantum libros deligere, qui ad perfectam te prouehant affectionum tuarum victoriam. Cautus etiam esto, ne curiositas te transferat, atq; rapiat ad sciendi desiderium: non. n. ita vñionem referres, nec mortificationem, sed distractionem, & proprij amoris fomentum. Hinc etenim sepe penumero vsu venit, vt idiotæ, ac simplices magis in contemplationis studio proficiant, quam docti quidam, & eruditi homines. Hoc autem fieri non potest, quasi scientia suapte natura sit mala, neque à Deo submoneat, qui scientiarum dicitur Deus; sed neq; ignorantia huiusmodi est causa, vt contemplationem edoceamur: cum nihil ignorantia possit addisci: causa igitur est, si doctrina humilitate, & charitate sit destituta, quæ illis coniuncta ingentis est utilitatis, & fructus. Qui igitur mondanarum sunt expertes doctrinarum, humilitate, tamen, & charitate præditi, cum non habeant vnde superbiant, facilius credant, & obediunt, diuināq; capiunt secreta, mundi prudentibus abscondita, & reuelata paruulis.

5 Hanc profectò maximā lectionis vtilitatem perpulchrè descripsit Conc. prouin. Mediol. sub Borromæo Archiepis. Cardinale par. 3. tit. de diuinis officijs, præcipiens, vt Religiosi tempus, quod sibi à diuinis officijs, & consuetis orationibus superfuerit, in sacra aliqua lectione consumant, quæ ad Dei, & sui ipsius cognitionem eos ducat, viamq; monstrat perfectionis, & æternæ vitæ, idq; vel separatim, vel coniunctim faciant, cum huiusmodi lectio suavis, & fructuosa sit: animarum oblectatio, vitia coerceat, ad virtutes inflammet. Contra autem inanium librorum lectio mentes corrumpat.



SECONDOVS contemplationis gradus meditatio est, quæ & consideratio nuncupatur, cum apud seipsum mens ruminat, quod in pascuis collegit lectionis. Hæc ipsa meditatio versatur circa pgressum rationis, qui fit ex principiis lectione inuentis, quæ nos perducunt in cognitionem veritatis intentæ, quibus tandem pertingimus ad eiusdem veritatis contemplationem, vt sapienter docuit D. Thom. 2. 2. q. 180. art. 3. Vbi, & nostrum Richardum de S. Victore adduxit, qui in hunc modum meditationem definiuit; Meditatio est intuitus animi in veritatibus inquisitione occupatus. Sic David meditationem exercuit cū Psal. 142. dixit, meditatus sum in omnibus operibus tuis, in factis manuum tuarum meditabar. Expandi manus meas ad te. Et Psal. 38. Concealuit cor meum intra me, & in meditatione mea exardescet ignis. Hic porro patiens sis oportet, vt importunas feras cogitationes, quæ interim te perturbabunt, & toties animum in tuam scopam reducens, quoties auolat: eris. n. iam tandè victor egregius. Hugo de S. Victore, vir perfectò & eruditione, & religione præstantissimus, hac ferè ratione meditationem perstringit, eruditionis didascalicæ lib. 3. cap. 11. tom. 3. Est namq; meditatio, cogitatio frequens eum consilio, quæ causam, & originem, modum, & utilitatem vniuscuiusq; rei prudenter inuestigat: meditatio quidem principium sumit à lectione; nullis tamen regulis stringitur, aut præceptis lectionis. Delectatur. n. quodam aperto decurrere spatio; vbi liberam contemplandæ veritati acie affigat: & nunc hæc, nunc illas rerum causas perstringere; nunc autem profunda quæq; penetrare, nihilq; anceps, nihilq; obscurum relinquere. Principiū ergo doctrinæ est in lectione; consummatio in meditatione, quam si quis familiarius amare didicerit, eiq; sæpius vacare voluerit, iucundam valde reddit vitam; & maximam in tribulatione præstat consolationem. Ea. n. maximā virtus est, quæ animam à terrenorum actuum strepitu segregat; & in hac etiā vita æternæ quietis dulcedinem quodammodo prægustare facit. Cumq; eam per ea quæ facta sunt, eum qui fecit omnia; quærere didicerit, & intelligere; tunc animum pariter, & scientia erudit, & lætitia perfundit, vnde fit, vt maximum sit in meditatione oblectamentum. Tria autem sunt genera meditationis. Primum consistat in circumspectione morum; alterum in persequutione mandatorum; tertium in inuestigatione diuinorum operum: Quæ omnia quantum sint admiratione digna, tantò magis quisq; nouit, quantum attentius Dei mirabilia meditari consuevit.

Præterea meditatio hæc, initiū est vitæ in meliora cōmutandæ. Viā etenim aperit homini ad sui ipsius cognitionem, & ab externa diuisione ad internam adducit vnionem. Vbi incipit anima discernere inter pretiosum, & vile; mundi; addiscit contemptum, vt omne in Deum conuertat desiderium. Si te huic statueris addicere studio, id exequaris oportet non minori cum diligentia, quā in graui negotio terreno faceres; Deus autem qui diues est in misericordia, nostræ compatitur infirmitati, nec suum nobis denegabit auxilium. Velim igitur horam in die vnā esse tuam, in qua, omni alia seclusa cogitatione, ab omnibus sepositis, cum anima tua confabulaturus resideas, & quoniam dominam in te geris voluntatem, quæ omnem mouet potentiam, aduocet etiam ipsa intellectum, iniungatq; ei, vt quicquam meditetur fructuosi, neque huc, illucq; diuagetur; nec miraberis, si hoc aggrediente mopus circumsidet te tumultuantium nebula cogitationum. Si .n. difficultatem senseris in hoc opere, hac te ipsum spe consolare, futurum videlicet esse, vt quod minus tuæ poterunt vires, Christi gratia sit suppletura, & quemadmodum iactatis tempestate discipulis statim affuit, magnamq; tranquillitatem adduxit, cum ferè desperati mergerentur; ita, & tibi victoriam est donaturus, cum vires tuas agnoueris insufficiensissimas. Non igitur desperabis præ virium debilitate, impugnationeq; tum consuetudinis, tum inimici; sed spe debes incrementum.

Maximam autem meditationis vim, atq; potestatem vtiliter explicuit D. Tho. 2. 2. q. 82. art. 3. meditatio. n. deuotionis est causa, id est efficit, vt homo promptam habeat voluntatem ad exequenda ea, quæ pertinent ad diuinum cultum, seu famulatum, per meditationem enim concipit homo, se tradi debere diuino obsequio. Ad quam quidē rem operandam duplex nos inducit consideratio, siue meditatio. Altera quidem ex parte diuinæ bonitatis, & beneficiorum ipsius. Hæc autem consideratio excitat dilectionem, quæ est proxima deuotionis causa. Altera verò est ex parte hominis considerantis suos defectus; ex quibus indiget, vt Deo innitatur. Quo in loco non absq; ingenti vtilitate sic Caictanus philosophatur. Nota causas deuotionis intrinsecas, duas videlicet, alteram ex parte meditationis Dei, & beneficiorum suorum. Alteram ex parte meditationis propriorū defectuum. In prima sunt bonitas, misericordia, charitas Dei, & huiusmodi erga hominem, beneficia creationis ad imaginem suam, redemptionis, baptismi, inspirationum, vocationum per se, vel alios, expectationis ad penitentiam; beneficia item Eucharistia, præseruationis à tot periculis animæ, & corporis, Angelicæ custodiæ, & reliqua beneficia singularia. In secunda verò sunt defectus culpæ, & poenæ, tam in præterito, quā in

in præfenti, labilitas ad peccandum, dissipatio propriæ substantiæ, as-
 fufaciendo cogitatum, & voluntatem, & inclinationem aliarum sua-
 rum virium ad malum, habitatio in regione longinqua ab amicitia,
 & conuerfatione diuina, peruerfitas affectus, magis temporalia, quàm
 fpiritualia commoda, vel incommoda fentientis, auditas à virtutibus,
 vulnura ignorantie, malitiæ, infirmitatis, & cōcupifcētiæ, vincula ma-
 num, & pedum, operam fcilicet, & affectuū; in tenebris in fētoribus,
 & amaritudinibus eſſe, nec horrere, vocem paſtoris interius nō agnoi-
 ſcere, & quod omnibus peius eſt, Deū pro inimico, & hoſte, toties ele-
 giſſe mortaliter peccando. Et propterea tantā eidem iniuriam feciſſe,
 vt pro Deo reſutatus ſit, factuſq; ſit noſter Deus venter, aut pecunia,
 aut delectatio, aut aliud id genus. Ex huiuſmodi nanq; meditationi-
 bus, quæ quotidianæ eſſe debent Religioſis, & ſpiritualibus perſonis,
 deuotio, alizq; conſequenter gignūtur virtutes: nec Religioſi, aut Re-
 ligioſi, ſeu ſpiritualis etiam nomine vocari poteſt, qui ſaltem ſemel in
 die ad huiuſmodi ſe non transfert. Quomodo nanq; effectus abſque
 cauſa, ſinis abſque medio, inſularis portus abſq; nauigatione haberi
 nequit, ſic nec religio in actu abſque frequentatis actibus ſuarum cau-
 ſarum, mediorum, ac vehiculorum. Hæc Caietanus.

4 Alij etiam ſunt, nec contemnēdi meditationum modi. Scribit Ger-
 ſon huiuſcemodi modū, quo quidam perfectam recepit cordis ſui poſ-
 ſeſſionem; quotidie enim in locum ſeſe recipiens ſolitarium, miſ-
 ſaſq; facta omni alia cogitatione fingeſe ſe vnum ex ijs eſſe, qui ele-
 moſynas oſtiatim petunt, & vt eorum eſt cōſuetudo, quā fieri
 poſſet miſerabiliorem ſe facere connitebatur. Qua in re audacem
 facit neceſſitas, & largam ſuggerit ſandi copiam. Et quidem nonnun-
 quam ad eò nos imaginatione faciemus miſerabiles, quin, & amplius
 quā reuera ſumus: ſi aduertere velimus, quā diuinarū ſumus ino-
 pes gratiarum, quā defectuum pleni, quā inordinatis agitati paſ-
 ſionibus. Hac ratione ſpiritualiter iſte mendicus omnium implorabat
 interceſſiones ſanctorum, nunc ad hunc, nunc ad illū lamentabili vo-
 ce conuerſus, beatorumq; intercurrentes agmina, eorum humiliter im-
 plorabat auxilium, vt ſux eorum copia ſubuenirent inopie, compella-
 bat Apoſtolos, obteſtabatur Martyres, ſupplicabat Cōfeſſoribus, pro-
 clamabat ad Virgines: qua ratione breui viam inuenit mentalis ora-
 tionis, ſingularis ſalutis noſtræ præſidij. Alia eſt, & vtiliſſima ratio, vt
 quotidie ſolitariū ingrediamur cubiculum, noſq; ipſos examinemus;
 quemadmodum ſua diſcutit mercator negotia. Ita quidam faciebat,
 qui mente ſua colligens, quicquid ex peccato hauritur damni, ſapien-
 ter ſeipſum inducebat, vt illud audiret, & attenderet, amoremq; reco-
 girans.

gitans, quo Christus nos complectitur, suam agnoscebat ingratitude-
nem. Ita breuiter mundi recogitabat fallaciam, temporis exiguitatē,
vicinitatē mortis, inferni periculū. Hacq; ratione infructuosas cohibe-
bat cogitationes, saepeq; bona iterās propōita, melioris fiebat frugis.

De meditatione mortis Cap. xxvi.



Ostquam superiori capite aliquantulam meditandi ra-
tionem tradidimus, nunc pauca quædam meditationū
exempla, exercitij causa, ex varia auctorum lectione su-
biungamus. Imprimis mortis meditatio non potest nō
esse utilissima, vt egregius est author Laur. Iustinianus
in tract. de humilitate cap. 4. cū quod omnem abrumpit inordina-
tum sensus affectum; tum etiam quod est facilius, quādō, & oculis cer-
ni potest, manibusq; palpari: quin dicere possumus, nos semper in no-
bismetipsis mortem circumferre, nunquā non mori, cū corpus ha-
beāmus corruptioni obnoxium, quōdūq; semper mutatur, & nun-
quā in eodem statu permanet. Instar quidem fluminis, cuius eandē
non poteris partem ostēdere, quoniam dū ostendis, iam non est ea-
dem. Sic, n. omnes quasi aqua dilabimur. Sunt qui mortis fugiāt me-
moriā, ne fiant tristes. Hoc verō cū fugiant, nunquā nō amplius
contristantur. Quibus optimē fuerit consultum, vt etiam amplecterē-
tur eam. Quoniam quo magis frequentatur, eo maiorem inducit fidu-
ciam, temperatq; & propellit timōrem, atque tristitiam. Hæc autem
meditatio est rationi consentanea, quandoquidem vitiosas affectio-
nes coercet, atq; refrenat, sensumq; mortificat, ne aduersus rationem
rebellis insurgat. Hinc desiderium alterius vitæ dimanat, & profici-
scitur, quōd benē actis, studiosisq; operibus se præparet anima, atque
ita suauem quendam Dei gustum nobis inducit, & aduchit. Ea quidē
de causa Paulus ampliori mortis desiderio capiebatur, quā alij vitæ
corporeæ: proficiscebaturq; Agatha ad martyrium, tanquam ad epu-
las inuitata, perquā lætissima. Porro si huiusmodi mortis recor-
datio initio dura, horribilisq; sit, non ideo fugienda est. Si ita, n. au-
arus se exerceret, nunquā pecunias compararet. Mors quidem quo
videtur initio difficilior, eo maiorem affert iucunditatē progressu tē-
poris, fitq; indies suauior. Si quis animo deliberato vellet non mori,
longe à Christo abesset; Ea, n. non esset præditus charitatē, quæ inui-
sibilibus frui desiderat futuræ vitæ bonis. Careret, & spe, quæ ad futu-
ra extenditur: Vacuus esset, & fide; quoniam si alterius crederet vitæ
bona, non vellet hic semper morari.

2. Multa possunt circa mortē considerari, quæ interim meditantī oc-

currunt; sed hæc accipe. Si vitam vis in meliorem frugem mutare, persuadeas tibi, quantum potes, manere cum surgis estrato nouissimam esse illam tibi diem; itaque domui tuæ intra te ipsum dispone, ac si verè esset nouissima. Neque verò hæc erit deceptio, quinimò si alias credideris, falli quidem poteris. Si. n. potest in dies te mors aggredi, tuum est, ut & illam quotidie præstoleris. Ego verò tibi affirmo, non inutilem, neque ignauam illam præteribis, si adnitaris in mentem inducere, illam tibi esse extremam. Considera ergo frequenter, o homo, te iam mortuum, quem scis te ex necessitate moriturum. Dispice, quoniam modo oculi vertentur in capite, venæ rumpuntur in corpore, & cor scindetur dolore. Nihil quod transeat, appetes; omnibus vitæ huius desiderijs aduersaberis, & pœnæ mortuum te agnosces, quoniam moriturum te minimè ignoras. Quotidie nanque morimur, quotidie imminuitur, demiturque aliqua vitæ pars, tunc quoque decrescimus; cum vita accrescit. Infantiam amittimus, deinde pueritiam, postea, adolescentiam usque ad vitæ extremum. Quicquid transit temporis, perit; & ipsum, quem agimus diem, cum morte diuidimus. Eam ob causam Deus finem nostrum latere nos voluit, ut dum semper ignoratur, semper proximus esse credatur, propterea omnis dies, velut vltima ordinanda est. Sed hoc mirum, quod nemo tam imperitus est, ut nesciat sibi aliquando moriendum; cum tamen propè accesserit, vicinamque esse conspexerit, tergiversatur, tremit, & lachrymatur. Quid autem fies miser? quare trepidas? cur exire dubitas? omnes hac necessitate trahuntur; eo ibis, quo omnia eunt? ad hanc legem natus es, hoc parentibus tuis accidit, hoc maioribus contigit omnibus; sed nec ambigis cunctis te consecuturis idem euenturum. Quantus te populus moriturum sequetur, comitabiturque; fortior (ut opinor) esses, si multi tecum morerentur. Ceterum multa profectò hominum millia hoc ipso monito quo tu emori dubitas, animam varijs mortis generibus efflabunt. Recogita itaque mortis tempus, quod cum sit incertum, nunquam non debes ipsam expectare. Causam mortis tecum repete, quæ sexcentis potest esse ex locis, intus & extra. Ita, ut nulla non possis in re expressè illam contueri. Recogita moriendi modum; qua in re profuerit admodum adesse cupiam morienti, extremosque illos præsentem contemplari casus, ubi lassum corpus iacet derelictum, languida, instar marmoris, grauiam mouentur membra; supremæ exudant partes, extremæ frigescent; viuendum immutat facies colorè in pallorem, caua stillant lumina; spumatos; crassescit lingua; anhelat guttur, anhelum quassatur pectus, liuescunt labra, nigrescunt dentes. Breui ut dicam, resolutum corpus vniuersum, amarissimo cum suspirio ab anima deseritur, ex homineque fit vilissimum cadauer.

3 Iam copiosa tibi aderit materies, ut hoc spectaculum tibi ipsi accedat modis, comminiscens, de salute tua desperasse medicos, circumfideres; lecto, & affines, & amicos, è quorum præsentia magis torqueberis. ò quàm erit illa discessio amara. Iam te solari non poterunt opes, sed penam augebunt, honores nihil proderunt, sed tam inuitus eos derelinques, quàm illis immodicè afficiebaris; Ex præteritis delectationibus nihil aliud, quàm oblatrantem conscientiam referes. Iam verò quid hic ages? quo nam se modo habebit anima tua? egredi quidè ex corpore erit intollerabile, manere autem impossibile, procrastinare non dabitur, recurrere nò poterit ad pristina sensuum oblectamenta; Ad seipsam verò rediens, propriam exhorrescet præ timore deformitatem; seq; ipsam, si fieri posset, vellet effugere: horrendis se circumseptam videbit monstribus, suis nempe peccatis, quos semper experietur persecutores; momentum videt fuisse, quod præteritum est; sine fine verò id quod futurum est. Tunc cum Propheta dicere poteris, circumdederunt me dolores mortis, & pericula inferni inuenerunt me.

4 Ad hunc modum si recogitaues mortem, multos consequeris fructus? Primum, Deum timere compelleris, quod initium est sapientiz; deinde, sedulo ages, ne te adoriatur incautum; propriam etià agnoscere te faciet miseriam, in cuius agnitione superbia extinguitur, humilitas fundatur, quæ omnis est virtutis custos, faciliè à te abscedet inordinatus rerum terrenarum affectus: mortis enim recordatione cognosces planè nihil tuum esse, quod tecum non possis auferre. Summa, hoc si prosecutus fueris exercitium, timor in amorè conuertetur, morsq; tam tibi iam non videbitur ex pœna, & priuatione vitæ corporalis horribilis, quantum alia ex parte frugifera, & delectabilis, quòd tantis finem imponat miserijs, detq; vitæ perennis initium; neque verò poteris contristari, cum compertum habeas, deficiente corpore in sepulchro, beari animam in cœlo, adiuncta etiam viua spe resurgendi ad vitam immortalem. Qui ritè, recteq; Deum amat, interdum impatienti cruciatur mortis desiderio, ut à corporis sui carcere absolutus, cum dilecto possit vniri: eam ob rem oculis internis sursum leuatis, aulam cœlestem gloria, & gaudijs affluentem, ibiq; dilectum suum mirificè coronatum, & immensis cum delitijs in sanctos suos profluentem considerat, simul attendens, quod his omnibus ipse carere compellitur. Hinc verò solent interim etià oculi externi lachrymis humescere, & anhela nasci desideria. Deinde reuocatis è cœlo oculis, dum suum, in quo degit exilium, quòdq; euadere non licet, adspectat, iam lachrymarum doloris, & auxiliæ expectationis per ora decurrunt. Quæ quidem illius animam sedant, ac refrige-

rant, suntq; reuera naturæ corporeæ vtilis, ad tuendas illius vires, & valetudinem, quo possit tantus amoris æstus, & impatientia, donec deferuescat, sustineri.

De meditatione extremi iudicij, & panarum inferni. Cap. xxvij.



Cum animus noster in rei occursum horribilis totus in seipsum colligatur, omnemq; interim aliam abijciat cogitationem, idè longè vtilissimum fuerit exercitium, præsertim conuersionis initio huiuscemodi argumentis exerceri: hac enim ratione mens vaga, tum ex timore, tum ex stupore distractionem vitat, interneq; stabilitur. Si mors, vt diximus, retractata, vim habet varias vnièdi cogitationes, multò magis quòd mortem consequitur, extremum nempè iudicium, & pœnæ tartareæ. Quæ si sæpè recogitabis, fiet tibi quod ait Sapiens: Memora-
re nouissima tua, & in æternum non peccabis. Non ab re dicebat Hieronymus; Si comedo, vel bibo, vel quid aliud ago, semper mihi videtur auribus meis insonare vox illa terribilis; Surgite mortui, venite ad iudicium. Quod quàm futurum sit horribile, non est quòd verbis tentemus aperire. Quicquid. n. est terribile, illius comparatione nihil est. Multa Deus ostendit in terris iudicia, vt fuit Vniuersi submersio per aquas diluuij, Sodomorum incensio per ignem, Aegypti plaga multiplex, Terræ hiatus in deserto. Quæ omnia simul composita eius cōparatione, quod in nouissimo die præstolamur, habent se, vt vmbra ad veritatem. Si per hanc vis considerationem tibi reddi ipsi, cōcipe primum, quàm fieri potest, iudicæ Christi conditionem: cuius nō aliud præ se fert aspectus, quàm vindictam, vt in priore eius aduentu aliud non præ se tulit, quàm mansuetudinem: A quo quippe sapientissimo non dabitur appellatio; cumq; sit potentissimus, euitari non poterit: cumq; sit Deus scientiarum, delitescere minimè fas erit, vel causari; cumq; odio prosequatur peccatum, vel minima nō manebit culpa indidiscussa. Tunc tibi de tot erit reddenda ratio causis, vt vel vnaquæq; sufficeret te perturbare. Iam quis tot poterit facere satis, quæ exigentur rationibus? Qui tēpus insūpsisti? Qui corpus gubernasti? Qui moderatus sensus omnes? Qui cor custodisti? Qui diuinis respōdisti in inspirationibus? Qui tot gratus extitisti beneficijs? Qua sanè in accusatione tot erunt testes, quot creaturæ; quæ tunc ita omnes conturbabuntur, vt si fieri posset, vel immortales præ timore morentur. Magnus erit tremor ardentem conspiciere mundum, ruentia ædificia, trementem terram, conturbari elementa, Solem obscurari, & Lunam, & Stellas, mori viuentem omnem creaturam, sepulchra aperiri, audiri tubæ

extrema

extrema canentē, parari thronum, contremiscere populos, aperiri cōscientias, horrendos videre cæcodæmonas, succensamq; inferni fornacem. Sed præ omnibus erit importabile signum in aere cōspicere crucis, cum vniuersis passionis insignibus, audireq; iudicem tantam inimicis suis improperantē iniuriā; quibus lōgè minus esset intollērabilis gehenna, quā audire, ab ipso se perpetuò anathemate feriri, atque maledici. Sub huiuscemodi meditatione nō à te effugiant ocio si cogitatus (tamen si verè lethargicus sit illi sopor, qui huiuscemodi nō excitatur stimulis) non tamen expauesce, quin quantò difficilior experiris, eo acius adnitere, vt prosequaris. Vide nū possis quicquā gustare pœnas gehēnz. Qua in re duo se offerunt immanitas nēpē, & perpetuitas, vnaqueq; per se sufficiens, quę vel adamātinū cor permoueat. Qui verò ex utroq; simul non commouetur mortuus est, hisq; fidē nō habet, quę nostra annunciauit fides. Tamen si gehennā non possit immanitas, neq; mente concipi, neque verbis exprimi, id tamen tantillum, quod tecum ipse poteris capere, potens erit, vt tuas vniat affectiones, quę nostra in præsentī est principalis intentio. Statue igitur tibi primo ob oculos pœnarū vniuersitatem. Quandoquidem in inferno captius est intellectus, vt non nisi cruciabilia meditetur: voluntas non nisi malum volet; reminisci tantum mala poterit memoria, & etiā transacta recogitans bona, pœnam tantum hauriet, & dolorem. Ibi oculi non nisi horribilia contemplabuntur monstra: resonabunt aures non nisi stridoribus, & querelis: quid aliud palpabit tactus, quā ignē, & glaciem, & serpentes? gustus quid ibi aliud inueniet cibi, nisi pœnā? Quid olfaciet odoratus, in sentina positus, vbi omnes mundi eluuię congerentur? Imaginatio vnde nisi malo opplebitur? quādo illic quicquid horrebit mali, statim aderit, longē auolabit mox quicquid vellet refrigerij? Acerbissimi sunt, ij cruciatus; sed acerbæ non minus erit reprobōrum societas, vermis, qui non moritur, obscurissima nox perpetua, & super omnia damni dolor; nempe diuinę glorię priuationis absque spe vnquā illam recuperandi. Quòd eo pœnam superat sensus, quò diuinę priuatio pulchritudinis omnem excedit inferni deformitatem. Cui si addes meditationi perpetuitatem, vt iue miseris illis, si ad quamlibet maris Oceani guttulam post mille annos, millesima eorum cruciatuum imminueretur portiuncula, magnæ esset consolationi, post immensā adeò temporum spatia finem sperare: totus introuerteris terroris plenus, & stuporis. Hic si perseueras, breui aliū mutaberis in hominem. Animus enim tuus tali ex meditatione, ad contemptum compelletur mundi, peccati fugam, pœnarum horrorem, virtutis amorem, & quanquam initio horreas, latenter feras, nā

in medio cōmifcebitur timori amor, demumq; totus abfcedet timor, quemadmodum nox obfcura paulatim claram conuertitur in diem.

De altera extremi iudicii confideratione. Cap. xxviii.

1 **P**AULVS Apostolus diem extremi iuditij venturum effe dixit, ad modum furis in nocte, qua videlicet hora minime exiftimabunt homines. Ita. n. patri æterno placuit hunc diem effe incognitum mortalibus, vt non otiofa fecuritate torperent, fed vigilantes omni tempore hunc præftolentur aduentum. In ea die veniet Chriftus iudex vniuerfalis, rationem pofiturus, cunctaq; sub Sole facta sunt, adducturus in iudicium, & redditurus vnicuiq; fecundum opera fua: illic rationem exequret omnium cogitationum, & affectionum nostrarum, verborumq; omnium, & faCTORUM, quæ dixerint, aut fecerint in carne mortales, & de ijs omnibus iustum ab eo feretur iudicium, adeo vt nec minima cogitatiuncula, neque vel leuiffima affectiuncula poffit diem illū prætereire, quæ non tunc in iudicium veniat. Erit autem dies ifta, dies verè admiranda, cuius non fuit alia fimilis ab initio, ex quo cœpit effe tempus, neque erit vſque in confumationem ſeculi. Erit nāque dies illa, dies iræ, & indignationis, dies tribulationis, & anguftiæ; dies calamitatis, & miſeriæ; dies horrenda, & amara nimium omnibus; qui operati ſunt malum in impœnitentia, quiq; ex hoc ſeculo ſine pœnitentia deceſſerunt in malitia.

2 O dies noua, dies admiranda, dies ſemper memoranda, ſemperq; nobis geſtanda ob oculos, digna quæ nūquā ab oculis viuētium abſcedat. Quā erit bonis iucunda, quā à contrario malis amara, & intollerabilis, dies illa, quæ tam admirabili diuiſione in partes duas ſeparabit vniuerſam illā hominum congregationem; vt hi ſeparentur ad dexteram, illi ablegentur in ſiniſtram. Tunc. n. voce ſuauiſſima dicturus eſt Rex, & Iudex glorioſus his, qui erunt à dextris amicis, & electis ſuis. Venite benedicti patris mei, percipite regnum, quod paratum eſt vobis ab origine mundi: illis autem qui ad ſiniſtram aſtabunt, voce intonabit terribili. Diſcedite à me maledicti in ignem æternū, qui paratus eſt diabolo, & angelis eius. Statimq; ex virtute huius ſententiæ talis fiet in turba illa diuiſio, vt impij recta ſint ituri in ſupplicium æternum, cui adiudicati fuerint: iuſti verò in vitam æternam, ad quā electi fuerint. Erit diuiſio, & ſeparatio iſta tam firma, ac ſolida, vt in æternum nullo vnquā tempore ſit expectanda mutatio. Sempiterni nanq; roboris illud erit irreuocabile verbum nouiſſimæ ſententiæ, quæq; magnum ponet, & firmabit iter iuſtos, & impios, vt nec ab his ad illos

ad illos ascensus, neque ad hos descensus vnquam possit contingere: vt damnatis non sit spes vlla, aut expectatio effugiendi tormenta, quibus adiudicati sunt; neque electis metus vllus esse debeat perdēdi aliquando vitam illam gloriosam, ad quam semel electi, & assumpti fuerint. Hinc. n. semel Deus loquetur, & non adiiciet, vt loquatur iterū. Tunc adimplebis electis tuis iustissimē iudex, quod olim in carne fuisti pollicitus, dicens; vbi sum ego, illic, & minister meus erit. Et iterum, si abiero, & præparauero vobis locum: iterum venio, & accipiam vos ad meipsum; vt vbi sum ego, & vos sitis. Tunc rapiuntur tibi sancti tui obuiam in nubibus, in aera; & tecum erunt perpetuò, sicut columnæ in templo tuo, & foras non egredientur amplius. Tunc pueros tuos omnes tecum es habiturus in cubiculi tuo, tum prudētes virgines oēs ingressæ erunt ad nuptias: & clauso ostio exultabūt amodo sancti tui oēs in gloria, lætabūt in cubilibus suis. Impij verò in puncto ad inferna descendant, illic æternis, & indissolubilibus vinculis alligandi, vt non egrediantur inde, donec persoluant vsque ad quadrātem nouissimum. Quia. n. dum tempus fuit operandi, neglexerunt operari opera tua: Quoniam in estate (quando congregandum erat) pigri, desidēsque fuerunt, idcirco in hyemis, & noctis tempore (quando operari nemo potest) fame torquebuntur in secula: quia dum seminandum erat, manus suas absconderunt in sinu, idcirco messis tempore inueniuntur bonis vacui: & quando satiabuntur electi in gloria, occurret eis quasi viator sempiterna egestas.

3 Rursum quā erit admirandum hoc spectaculum, tam innumeram hominum multitudinem, ad vnum vsque omnes ab Adam primo parente, vsque ad eum, qui nouissimus est nasciturus de homine, videre ad tuum tribunal in momento, in ictu oculi, ad sonitum nouissimæ tubæ, exhiberi in resuscitatis corporibus, vbi se pariter inuenient primus hominum, & nouissimus; optimus, & pessimus; ditissimus, & pauperimus; nobilis, & ignobilis; sanus, & infirmus; seruus, & dominus; ancilla, & domina; præpositus, & subditus; dux, & miles; imperator, & plebeius. Vbi nulla erit discretio personarum, nullus erit personæ respectus, non ibi locum habebit secularis dignitas, non pompā regia, non pulchritudo pristina, non fortitudo corporis, non conditionis libertas, nō stemmatis nobilitas: sed tantum considerabuntur vniuscuiusque merita, & per sola opera ponetur in tanta multitudine discretio, vt qui bona egerint, ad dexteram: qui verò mala constituentur ad sinistram.

4 Erit autem admirabilis, & horrenda ista diuisio, quando illi, qui in hoc mundo fuerant vel natura, vel consuetudine coniunctissimi, ab inuicem

inuicem videbuntur separari, vtpotè pater à filio, mater à filia, coniūx à coniuge, focrus à nuru, focer à genero, frater à fratre, soror à sorore, amicus ab amico, vicinus à vicino, socius à socio, atq; ita in ceteris omnibus, quibus vlla est, vel naturæ, vel consuetudinis peculiaris coniunctio, videlicet vt patre pro bonis operibus aduocato ad dexteram, filius pro malis facinoribus ablegetur ad sinistram, aut è contrario: item vt maritus locum bonum accipiat in dextera, vxor infelicè in sinistra, aut è contrario. Item vt duorum fratrum alter hic, alter illic locum accipiat. Qui nunc pariter vitam communem ducimus, vt vnanimiter in domo vna cohabitamus, vni mensæ accumbithus, vno in cubili dormimus, vni studio incumbimus, vni actioni operam damus, per omnia amicissime conuiuentes adinuicem, ecce in illa hora forsitan adinuicem diuidemur separatione in perpetuum duratura: videlicet nos modò duo amici intimi inuicem colloquimur dulci, & amico colloquio, in illo die forsità me ad sinistram reprobato, tu qui mihi nunc assiltis, eligeris ad dexteram: fieri etiam poterit, vt te reprobato, ego eligar, forsitan ambo (quod auertat optimus Deus) ad sinistram reprobabimur, forsitan (quod in domino confido) vterque ad vnam iudicis dexteram congregabimur. Vides ambulantiem socium cum socio; vides cohabitantiem patrem cum filio; vides mulierem cū viro; vides amicū conuiuentem cum amico; similem considera venturam separationem, vel coniunctionem, quam quidem ita terribilè coniunctissimorum separationem tu ipse Christe nobis manifestè in sacro Euangelio ore tuo illo benedicto indicasti, dicens; Tunc duo erunt in agro: vnus assumetur, & alter relinquetur. Dux erunt molentes in mola, vna assumetur, & altera relinquetur. Assumetur scilicet vnus ad gloriam; relinquetur, siue reprobabitur alter ad damnationem. Neminem illic saluabunt aliena merita, neminem item condénabunt demerita aliena. Non saluabit patrem iustitia filij, neq; maritum virtus vxoris. Non item condemnabit iustum patrem impietas filij, neque maritum bonum vxor damnabit impia. Vnusquisque. n. vt ait Apost. onus suum portabit, & vnusquisq; pro se rationem reddet Deo. Iustus quoque (iuxta Ezechielis verbum) viuēt in iustitia sua, anima quæ peccauerit, ipsa morietur.

- 5 O cor meum lapideum, ò mea in malo obstinata anima, ò dura ceruicis ingenium, ò mens excæcata, ò pertinax in impietatem affectus. ò mea membra omnia ad bonum omne modo tarda, & flaccida, ò vires vniuersæ peccati miseræ mancipia; quare non modò, dum tempus est, diem istum gestatis ante oculos? Quomodo non huius diei illius iram effugere valeatis? Qui fieri potest bone Deus, vt huius diei tam

parum sitis memores, imò vt diei huins vlla vnquam obliuio hominem capiat, quæ sola nobis æterna, vel bona, vel mala, vel gaudia, vel tormenta, adducet? O vtinam sit mihi dies ista, quasi signaculum ligatum ante oculos, vt ab ea nunquam intuitum mentis dimoueam. Dies. n. memorabilis est dies ista, dies vtiq; præ omnibus semper obseruanda mortalibus, vt configantur timore bono carnes nostræ, & praua carnis in nobis reprimatur hac consideratione lasciuia. Quis. n. non expauescet? quis non cauebit à malo, si illam terribilem nouissimæ tubæ vocem iugiter habeat ante oculos: Surgite mortui, venite ad iudicium? Ecce dies ista, dies certissima est; dies ineuasibilis, quam nemo hominum effugere, aut euadere poterit. Omnes. n. manifestari oportet ante tribunal iudicis, vt recipiat vnusquisq; mercedem, secundum opera sua. Omnes, qui in monumentis sunt, resurgant necesse est. Qui autem omnes dicit, neminem excipit: nemo proinde se occultare poterit, nemo sic abscondere, vt comparere illic non debeat. Etiam si quis in intimis terræ delitescat visceribus, etiã si mille præmatur saxis grauissimis, aut etiã rupibus fuerit operatus, etiam si in abyssi maris delitescat altissimis, aut in profundo inferni, prodire illum necesse erit; velit nolit, vbi vox illa sonuerit tubæ nouissimæ: Surgite mortui, venite ad iudicium. Non erit rex tam potēs, nō tam validus robore miles, qui possit voci illi resistere, qui possit non venire aduocatus. Dabit. n. iudex tum voci suæ vocem virtutis tantæ efficaciz, atq; virtutis esse faciet illam vocem suam, vt nemo illi possit resistere. Non est itaq; quòd quispiam speret diem illud posse se effugere, nō est quod occultari, aut abesse confidat, quando nouissimum istud exercebitur iudicium. Omnes prodire oportebit, omnes exhiberi, omnes manifestari ante tribunal illud vnicū, singulos necesse est accipere iudicium secundum opera sua.

De meditatione Paradisi celestis. Cap. xxix.



Si nimiam præ pœnarum meditationem animus tuus induceretur in tristitiam: in promptu est remedium, vt illum transferas ad iucunda meditanda cœlorum præmij argumenta, vt possis huius suauitate illius temperare amaritudinem. Vbi sistere iuuabit mente, faciliè ita lætos, vti aduersos feres casus, instar viatoris, qui ex continua patriæ recordatione nullibi conquiescit, sed quæcunque occurrunt, obliuioni mandat, & post se relinquit. Hoc retardari non debemus à studio, quòd nostræ perstringat aciem mentis gloriæ excellētia, minusq; à nobis apprehendatur, quàm damnatorum supplicia. Quemadmodum

dum Deus copiosius remunerat, quàm puniat: imò vel alacrius debemus contendere, quo est illustrior, gaudentes, quòd ab eius vincamur claritate, eoq; simus destinati, ad possessionem boni incomprehensibilis, quod cum sit infinitum, nullum vnquam poterit sui adducere fastidium. Quòd pauci bonum illud multipendant, non aliunde fit, quàm ex ignorantia. Non.n. posset non concupisci, si agnosceretur. Vide quanti singulari afficiantur mundi huius bono, vel opum, vel voluptatum, vel honorum? Si omnia simul haberentur, ardentiori profectò prouocarent desiderio: multo maiori si nunquam finirentur. Si vis igitur amore patriæ capi, certum habeas, quicquid hic amari potest, eius comparatione vilissimum censi lutum. Quanta est illa fœlicitas, cuius vel imagine pleriq; hominum capiuntur, cuius vel millesimam Petrus partem non degustarat in aspectu transfigurati in monte Christi, eoq; vel modico adeò est succensus, vt prædesiderio excedens, vellet ibi perpetuò esse? iam quid fecisset, si vniuersam eius Christus illam palàm aperuisset claritatem. enimuerò non potuisset, arbitror anima cohiberi corporeis claustris, sed auolasset, seq; in diuinam immerisset abyssum.

- 2 Ibi quicquid nostrum perfectè opus est, vt conquiescat desiderium, largè habetur, omnis procul abest miseria: ibi vita sine morte, gaudium sine mœrore, absq; lassitudine quies, fœlicitas sine timore, amor sine pœna. Sûma, bonum omne, malum nullum, locus ibi amplius, lucidus, pulcher, securus, societas grata, optima, excellens, perpetuum tempus, iam non mane distinctum, & vespere; sed in simplici permanenti æternitate, discurrunt ibi Angeli, ministrant Archangeli, triumphant Principatus, iubilant Potestates, imperant Dominationes, fulgent Virtutes, corruscant Throni; lucent Cherubin, ardent Seraphin. Verum ante omnia permouere te debet gaudium, quod ex amore oritur nimio, inter sanctos intercedente, & ab vno in alium mirabiliter redundante. Vbi qui in gloria sunt æquales, vidētes se inuicem, vt amant, redamari, gloriam reduplicant, ita aliena, vt & propria gaudentes fœlicitate. Ita, & superiores ab inferioribus se amari videntes, amplius verò hī ab illis, & maiori etiam quā ipsi possint, se charitate complecti, gaudia ingeminant; cumq; sint innumera, innumera dici possunt persentire gaudia. Ad hæc vti Virgo superexcellsa omnes in gloria superexcedit sanctos; etiam Angelos, ita & maior absq; proportionem ex amore in illam oritur lætitia, quàm in alios omnes. Longè, & amplius in Christo homine, in quo super omnem creaturam se omnes conspiciunt amari sancti.

- 3 Grandia, & copiosa sunt hæc gaudia, sed eius comparatione, quòd ab

ab amore fit in diuinitatem spirante, nihil possunt dici; omnis. n. nihil est, collata creatori creatura. Sed hinc temerarium foret loqui, quādo non alia est nobis hinc cognitio, quā cæci ad colorē. Porro si hæc minimē licuit paulo loqui, cū fuisset contemplatus; quanto minus nobis, qui minimē sumus contēplati? Hoc vnum dicere possumus, sollicitatem esse supra quam imaginari possumus perfectam: vbi nihil non desiderabile aderit: vbi oculus, præter Solis pulchritudinē multo clarius, & præcellentius renouatus, nunquā non præsentem habebit Christi humanitatē, & Virginem, corporaq; glorificata, luminosa, impassibilia, subtilia, agillima: auris nullo nō tempore novos, & delectabiles hauriet sonos, & diuinæ cātica laudis: exatiabitur odoratus, non quidē vt nunc vaporibus, sed odoribus supra omnem æstimationem suauissimis. Idem dico de gustu, non ex vitali indigentia, sed ad perfectam delectationē incredibilibus replebitur saporibus: sensus interior eo excellentiora offendet obiecta, quo nobiliorem in formam instaurabitur; sed excellentius in primam absorbebitur intellectus veritatem; voluntas succensa, exatiabitur citra fastidium, desiderabitq; sine anxietate. Hæc consideratio licet sit infirma, citraq; comparisonem à vero distans, multiplices tamen tibi pariet bonos affectus, hacq; ratione terrenis assuefacta mens voluptatibus, illas horrere incipiet, veri allecta boni desiderio, ingemiscetq; quod ob peccatum tam diu exul facta sit, dulcisq; erit illi omnis pugna ob tanti expectationem præmij.

De oratione mentali. Cap. xxx.



ERTIVS contemplatiuæ exercitationis actus, & gradus est, oratio mentalis; quæ aliud non est, quā mentis in Deum ascensus, absque verborum strepitu. Cuius functio est, ea quæ lectione sunt conquisita, meditationeq; degustata, attentissima mentis acie petere, & efflagitare. In hac autē aliquādo labor, aliquando delectatio sentitur, id quod faciliè experieris. Idcirco sunt admodum vtilēs, quas vocant iaculatorias orationes; quas vt breuissimas, ita & frequētissimas esse oportet, omni in loco, omniq; tempore. Et quo frequentiores fuerint, eo erūt leuiores; quemadmodum facilius candela accenditur, vbi recens fuerit extincta, & non nihil adhuc transacti caloris retinet. Duplicem itaque esse orationem, & sacra theologia, & sancta mater Ecclesia docuerunt. Altera quidē vocalis est, iuxta illud Psalmi; Voce mea ad dominum clamaui, voce mea ad dominum deprecatus sum. Hæc etiā aut communis est, aut singularis. Communis quidē oratio est, quæ per ministros

ministros Ecclesie in persona totius fidelis populi Deo offertur, ob idq; summa ratione institutum est, ut ministri Ecclesiastici huiusmodi orationes etiam alta voce pronuncient, ut ad notitiam omnium peruenire possint. Oratio verò singularis est, quæ offertur à singulari persona, siue pro se; siue pro alijs. Hæc igitur aut vocalis, aut mentalis esse poterit. Adiungitur tamen vox tali orationi triplici ratione iuxta D. Thomæ egregiam doctrinam 2. 2. q. 83. art. 1. 2. Primum quidem ad excitandam interiorem deuotionem, qua mēs orantis eleuetur in Deū. Nam teste Aug. ad Probam; verbis & alijs signis ad augendum desiderium sanctum nos ipsos acrius excitamus. Secundo adiungitur vox ad reddendum debitum, ut scilicet homo Deo seruiat secundum illud totum, quod ex Deo habet, id est non solum mente, sed etiam corpore. Tercio adiungitur vox ex quadam redundantia ab anima in corpus ex vehemēti affectione, iuxta illud Psalmi; Letatum est cor meum; & exaltauit lingua mea. Mentalis verò oratio congruentius; vtiliusq; contingit his, quorum mens sine huiusmodi signis est sufficienter ad deuotionem parata, iuxta illud Psalmi; Tibi dixit cor meum, exquisiuit te facies mea. Anna etiam 1. Reg. 1. loquebatur in corde suo, tantumq; labia illius mouebantur, & vox penitus non audiebatur.

2. Porro de hac mentali oratione Conc. prouin. Mediolan. par. 3. cap. de diuinis officijs, sic scripsit. Quia mētis oratio tantò præstantior ea, quæ solum ore exprimitur, quāto anima est excellentior corpore: pijs incredibile solatium affert, & fructum, eosq; quotidie nouis cumulat muneribus, in Deum quodam modo conuertēs; Ideo Moniales præter horas canonicas, aliasq; orationes, quas ex officio habere debent, quotidie in chorū vniuersæ conuenientes, nisi necessitas impediatur, saltem per horā mentalem orationem adhibeant; semihora videlicet post matutinum; itemq; post nonam, aut completorium, sublati ad Deum mentibus pijs, & salutaribus rebus contemplandis. Præsertim verò vitam, doctrinamq; domini nostri Iesu Christi, atque eius sancta mysteria studiosè meditabuntur, passionem videlicet, mortem, resurrectionem, ascensum in cælum, extremum aduentum ad iudiciū beatorum gloriam, & damnatorum supplicia, aliaq; eiusmodi, quæ ad Dei gloriam, & propriam, proximorumq; salutem pertineant. Hoc quidē documentum persanctum esse, vniuersisq; Religiosis vtilissimum, nemo sanæ mentis est ignoraturus.

3. Sed iam modus orandi tradendus est; quibus nempe mentalibus verbis tuum exprimere tacitus debeas affectum. In primis Spiritus Sanctus iuxta captum, & indigentiam nostram, id edocebit petere, quod expediat. Postulat. n. pro nobis gemitibus inenarrabilibus. Deinde

tot redundant orationibus libri, vt magis verèdum sit, ne nimia fasti-
dium pariat abundantia, quàm vt ob penuriam deficiamus. Quando
quidè vel sola dictio intimo enuñciato sensu vberè frugè adferre pòt.
Huic rei si vaces, vltra patrū libros, totam inuenies scripturā pre-
cibus redundantem: poterisq; à teipso innumeras fabricare; Deum ti-
bi statuens præsentem, tuamq; illi aperiens necessitatē. Probo tamen,
vt in scripturis orationem inueniens, tuæ congruam necessitati, iuxta
eam te exerceas: ad nostram. n. scriptæ sunt doctrinam. Ita si tribula-
tis, poteris corde fundere, quæ dixit Anna amaritudine correpta, ver-
ba ob sterilitatem, quam illi obiecerat eius æmula: aut Tobias, iniuria
affectus post tot molestias ab ipsa coninge; si vis pro proximo orare, à
Paulo discce, & Moyse; quorum vnus voluit cum populo perire, alter
anathema esse à Deo pro fratribus suis. Vide, & vti oret Abrahā pro
Sodomitis, & Samuel pro Saul, quē Deus reprobauerat. Si à spiritua-
libus inimicis inuaderis, defende te, prout à crudelissimo Aman He-
ster orando se defendit; aut vti Judith orando de Holoferne retulit vi-
ctoriam. Si mors te vrget improuisa, discce ab Ezecchia cū lachrymis
rogare misericordiam. Dubio. n. procul aut mortis reuocabis senten-
tiam, aut patienter feres, & fructuosè. Longum foret singulos recitare
scripturæ locos, vbi modus orandi docetur, sed singulariter te hortor,
internè exerceri in Psalmis: in quibus ignita offendes verba, quibus
omnes exprimas animæ tuæ affectiones. Si Deum vereris tuis iratum
culpīs, vide in sexto, & trigésimo septimo aptissima, vnde Deum tibi
reddas placabilem, verba. Si vis misericordiam consequi, attente in-
sequere quinquagesimi conceptiones. Si vis stupore affluere diuinæ
magnitudinis, exercere sicut octauo, & septuagesimo secundo. Hinc
legimus, quòd cū à maligno exagitaretur Saul spiritu, refocillari
se sentiebat ad cantum psallentis Dauid. Quis enim adeò afflictus est
spiritus, vt diuinas audiēs laudes, non conquiesceret: quibus maior re-
dundat illorum pars diuinorum canticorum? Quis iam Dei non accē-
deretur amore, vbi audit verba illa: Diligam te domine? quis non;
consideret, vbi ait; Dominus illuminatio mea? quis non hilaresceret:
vbi ait: Exultate iusti in domino? quis non in spem assurgeret, audiēs;
Expectans expectaui dominum, & intendit mihi: Verum hinc fusus
agere, esset metam excedere solitæ breuitatis nostræ, nostrumq; egre-
di propositum argumentum.

Quoniam Spiritus Sanctus non semper eodem vtitur modo, ideo
iuxta eius varietatem motionum, infinities possunt orationes variari.
Præstiterit igitur è multis vnā feligere excellentiorem, in eaq; cre-
bro exerceri. Hanc verò nobis prouidit dominus noster Iesus Chri-
stus;

stus, modum edocens orandi longè breuissimum, vtilissimumq; præ ceteris; in quo virtus omnis in ceteris omnibus diuisa, continetur. Hæc oratio in amore tota fundatur, eumq; excludit seruilem timorem, qui in veteri erat lege. Christo. n. mediatore, qui Deus dominus dicebatur, in patrem est conuersus; neque verò curat terrenas petere promissiones, sed potius regnum spectat Dei, solaq; contenta est patris sui voluntate, & breuiter, ex hominibus Dei facit filios. Huius breuè volo præcationis formulam subiungere, vt possis per teipsum latius te exercere. Dices igitur, magis corde, quàm lingua. Pater noster; iam non dubito, quin me audias, cum sis pater: Quis porro pater filium non audit? Sed & si pater filium dereliqueret, tu non potes me derelinquere, quoniam esse meum omnino est à te, ego verò opus manuum tuarum sum; cumq; essem mea culpa disiectus, tu verbo tuo, per quod creasti pariter, & reformasti, & nunc es pater meus.

- 6 O pater noster. Qui es tu, & quæ tua bonitas? Enimuerò vndeque apparet magna, & immensa; magna in creatione vniuersi, cum inde non egeres, nihilo tamen inde factus maior, vt, & sine illo nō eras minor: magna in gubernatione, quàm nullo geris negotio, non minus vni prospiciens soli, quàm si nulla alia superesset cura; magna in sapientia, magna in iudicio. Verū enimvero nullo in opere ita elucescit tuæ magnitudo bonitatis, quàm dum me dignaris post tot offensiones, vt te compellere patrem. Vnde planè mihi liquet, si alia non adessent testimonia, infinitam esse tuam benignitatem: Pater noster, tanta erat mearū grauitas culparum, vt nunquam ausus fuisset coram te apparere, nisi à tuo audissem filio, vt te compellem patrem: Cui cedit voci omnis diffidentia, timorq; omnis in amorem conuertitur. Qui verò in te omnes non habeo opes, si es pater. Imò à te solo spero exaudiri, in te omnis mea erit iacta sollicitudo. Pater noster, hinc vniuersam disco legem, quoniam cum sis noster, doces vt proximum diligam, nō quo sit mihi beneficus, aut sanguine cōiunctus, sed quoniam in illo est tui imago, qui es meus pater, cuius gratia teneor, quicquid tibi est simile amare, & vel meipsum odisse, si à te me alienat. Pater noster: qui es, tu vere es, ceteræ ex se non sunt creaturæ: quia non aliunde sunt, quàm ex te, qui vt dedisti, vt essent, ita in momenta conseruas. Te penes nihil omnia sunt, quoniam vt è nihilo sunt, ita in nihilum reuertentur, nisi ingi tua sustinerentur præsentia: in te non est præteritum, vel futurum, sed ipsa præsentissima æternitas.

- 7 Qui es in cælis. O quàm gaudeo patrem habere in cælis: quo verbo moneor, iam non debere cor meū in terris habitare, sed ibi semper morari, vbi tu es pater meus. In te, & omnis mea est hæreditas, quādo
autem

antem mihi concedetur, vbi tu es habitare, & nunquam à te separari? Tu es in cœlis: imò nullius loci circunferberis finibus, qui cœlum, & terram impleas. Si tuam attendo prouidentiam, tu es super omnes cœlos, quoniam illa vniuersa complecteris. Si tuum firmamentū, tu subter es omnia: quoniam omnia tibi innituntur. Si tuam specto subtilitatem, vniuersa penetras, & omni es interior creaturæ, quàm ipsa sibi.

Qui igitur es tu in cœlis, si ita es supra vt infra, ita intus vt foris, ita omni in loco, vt nullibi non sis? O incomprehensibilis pater, & tamen in cœlis es: quoniam ibi magis elucet opera tua præcellentissima, manusq; tua eos est fabricata: tuoq; mouentur nutu: sunt etiam cœli nobilissima mundi pars vi, magnitudine, pulchritudine. Sed etiam tu in cœlis tuis habitas angelicis: vbi tua resplendet pulchritudo: es, & in animis iustorum, qui vt patri, hospitium tibi præbent in corde suo: o pater, quando talis erit anima mea, vt in illa possis, vt in tuo habitaculo, cōmorari? Fac tu eam, fide ornata, & operibus, & omni generis virtutibus, vt continenter dicere possim: pater qui in me es.

8 Sanctificetur nomen tuum. Cū tu sis pater, iustum est, vt tuū primum ambiam honorem: quemadmodum, & tu meæ sollicitus es necessitatis. Sanctificetur igitur nomen tuum. At quando nō fuit sanctū nomen tuum, o pater? Non ne est sanctitas tua immutabilis? Nonne tui nominis gloria infinita? Qui igitur mea fiet oratione sanctior? Sed peto, vt nomen in se sanctum, in nobis sanctificetur, animæq; nostræ eius virtute ab omni purgētur terrenis affectus macula, quo tibi coniūgatur patri suo, cui omnis displicet culpa. Nomen tuum, hoc est verbum tuum in nobis confirmetur, vt quemadmodum in illo habemus, vt simus, ita & cōfirmationem habeamus in gratia tui patris nostri. Sanctificetur in nobis nomen Christi tui, vt semper eius sequi possimus crucem, & nomē Iesu: vt in alio non habeamus spem salutis. Ita & nomen tuum pater, vt verè tui simus filij; sit semper insculptū in nostro intellectu, voluntate nostra, lingua nostra: vt aliud in nobis non conspiciatur, quàm tui in æternum nominis gloria.

9 Adueniat regnum tuum. Quis portò regnum impediatur, si nō aliunde sunt res, nisi quòd sui sunt regni portio? Tu regnas in toto orbe: At ego desidero, vt veluti pater, ex pietate gubernes, & nō vt iudex, quoniam cogitatione nostra prius es pater, quàm iudex. Tu regnas in scriptura, quam spirasti. ego verò rogo, vt in tui gloriam toti aperiatur liber mundo, vt te omnes adorent. Tu regnas in Ecclesia tua: ego verò rogo, vt nō aduersus illam præualeant eius aduersarij. Tuum regnum, tua est gratia. Ego verò te rogo, vt illa nos disponat, vt ita nos ea simus ornati, quæadmodū tu es munificus, & liberalis. O pater noster,

fac nos per hæc media peruenire ad regnū gloriæ tuæ in æternum.

10. Fiat voluntas tua. Ita tuus dixit filius, qui tuæ nunquā non morē
gessit voluntati. Quid me æquum est dicere, qui voluntatē nunquā
gero rectā, nisi quatenus tuæ cōformatur? Extinguatur semper om-
nis mea voluntas, quando sapissimē non nisi malum nouit velle. Fiat
semper voluntas tua, in qua omne meum situm est bonum, fiat inquā
in aduersitate, & prosperitate, in vita, & morte; in omni meo opere,
verbo, & cogitatione. Fiat voluntas tua sicut in cælo, & in terrā. In
cælo si quidem nō est, qui tuæ resistat voluntati: ita fiat in corpore ter-
reno, uti in spiritu: ita in peccatoribus, uti in iustis: ita in infidelibus, uti
in Christianis. Panem nostrum quotidianum da nobis hodie. Ita suos
rogant paruuli patres. Quem autem ego rogem panem, si tuus pro-
hibet filius cibi sollicitudinem, & operimentū? Ceterum vult, ut te, & il-
lum rogem, ne sim ego nimis sollicitus; cum sciam te nostri curam ge-
rere, à teq; debeam expectare subsidium, tam animæ, quā corporis.
Verūm lōgē excellentior est ille panis, quem tu mihi offers: egoq; ma-
gis indigeo. Da igitur panem supersubstantialē: nempe te ipsum,
ut te semper anima mea pascatur esuriens. Hoc autem non semel
in die, sed in horas, ut in te semper viuat verā vita anima mea. Tuq;
pascatur veritate meus intellectus: tuq; meū capiatur pulchritudi-
ne desiderium.

11. Et dimitte nobis debita nostra, sicut & nos dimittimus debitori-
bus nostris. Ampla est pater tua liberalitas; qui das, posse alijs dimit-
tere offensas, & ita nostrarum veniam obtinere: quæ autem in nos cō-
mitti potest noxa, qui te semper offendimus? Quin si omnes aduer-
sum nos insurgeret creaturæ, non sufficerent iniuriā vlciſci, quam ad-
uersum te contraximus: tu enim verus es pater, nos verò veri raro fuimus
filij. Certè pater, si aliud non adesset tuæ bonitatis testimonium, hæc
planè panditur infinita: quando nullo ita negotio, grauiā adeò con-
donas peccata, suffersq; à peccatoribus dici pater. Et ne nos inducas
in tentationem. Tu es pater, tenerisq; tuis providere filijs: tu vides
hostem nostrum præpotentem: nos verò infirmos: qui igitur resistē-
mus, nisi vires præbeas, eiusq; eohibeas rabiem? Ne igitur permittas
eum aduersus nos præualere, sed uti es pater, ita à peccato tuos pro-
tege filios. Breuem hanc scripsi formulam, ut tu à te ipso possis ora-
do meliores tibi fabricare conceptiones, quā sint litteris mandatæ:
prout sanctus suggeret Spiritus. Plura, etq; non inutilia hac in re te
docebit Laur. Iust. lib. de casto. connubio cap. 22. cui titulus est, de
exercitatione, & profectu mentalis orationis.



VARTVS, & postremus, supremusq; contemplationis actus, peculiariori quadā ratione dicitur contemplatio, quā reliquarū præcedētiū operationū contēplatiui exercitij finis est, à qua proinde denominationem, & vnitatē fortiuntur. Hæc igitur, Ricardo de S. Victore, & S. Tho.

præstantissimis authoribus; locis superius citatis, sic definitur. Contemplatio est perspicax, & liber contuitus animi in res perspiciendas. Hæc porro excedenti quodam amore adeo est purificata, defecataq; ut animam suo quodam modo trāsformet; dicaturq; utcunque potius esse in Deo quā in se ipsa. Huc nō peruenitur, nisi post multos labores, post plenāq; sui ipsius obtentam victoriam; instar Moyſi, qui primum à turbis segregatus, mōtem conscendit, ieiunioq; purgatus, audit Dei voces interne, diuiniq; videt coruscationem fulgoris; demū superlucētissimam ingreditur caliginem; vbi cæcutit oculus, quoniam in Dei contemplatione omnis deficit intellectus. Contemplationem autem alius quidam actus consequitur, videlicet admiratio. Quo sane sensu D. Thomas Bernardum interpretatur, in lib. de consideratione affirmantem, primam, & maximam contemplationem esse admirationem maiestatis. Admiratio ergo est actus consequens contemplationem sublimis veritatis.

Ex eodem Bernardo quatuor sunt contemplationum præcipua capita, atq; species. Prima est admiratio maiestatis. Secunda est iudiciorum Dei: ex quorum consideratione manuducitur homo in contemplationem diuinæ iustitiæ. Tertia est beneficiorum ipsius. Quarta est diuinarum promissionum. Ex consideratione autem diuinorū beneficiorum, & promissionum manuducitur homo in cognitionem diuinæ misericordiæ, seu bonitatis, quasi per effectus exhibitos, aut exhibendos. Consideratio verò rerum intelligibilium, quas ratio nec inuenire, nec capere potest, pertinet quidem ad sublimem contemplationem diuinæ veritatis, in qua finaliter contemplatio perficitur.

Porro contemplatio coniunctam sibi habet ingentem delectationē quod adeo esse verum D. Tho. loco citato art. 7. existimauit, ut constanter asserat, quod delectatio contemplationis omnem delectationē humanam excedat: id quod duobus modis contingit, priori quidem modo ratione ipsius operationis. Vnicuique. n. delectabilis est operatio sibi conueniens secundum propriam naturam, vel habitum. Contemplatio autem veritatis competit homini secundum suam naturā, prout est animal rationale. Ob id nāque omnes homines natura scire

appetunt, veritatisq; cognitione mirum in modum delectantur. Posteriori verò modo contemplatio redditur delectabilis ex parte obiecti; id est quatenus aliquis rem amata in contemplatur. Non, n. solum visio corporalis delectabilis est, quod ipsum videre sit delectabile; sed etiam eo quod quispiam videt personam amatam. Quoniam ergo vita contemplatrix potissimum consistit in contemplatione Dei; ad quam nos charitas movet, inde conficitur, quod vitæ contemplativæ non solum insit delectatio ratione ipsius contemplationis, sed etiam ratione divini amoris. Adde etiã quod delectatio spiritalis, potior est quàm carnalis, & ipse amor, quo ex charitate Deus diligitur, omnem amorem excedit. Item contemplator non difficile fert, toleratq; quæcunque contraria existunt corporeis, sensibilibusq; delectationibus, ut contemplationis delectationem non amittat: libentissimòq; animo eam præfert delectationibus tam venereorum actuũ, quàm cibi, & potus, & reliquorum bonorum mundi, vt gloriæ, dignitatum, aliorumq; huiusmodi rerum.

4. Quocirca iure optimo D. Grego. super Ezechielem sic ait; Contemplativa vita, amabilis valde dulcedo est; quæ super semet ipsam animam rapit, cœlestia aperit; spiritualia mentis oculis patefacit. Contemplationem quoque sapientiæ Salomôn intellexit Sap. 8. cap. eum dixit; Non habet amaritudinem conuersatio illius, nec tedium convictus eius; sed lætitiã, & gaudium; & psalm. 3. Gustate, & videte, quoniam suavis est dominus.

5. Non mediocrem profectò utilitatē tibi allaturus est Laur. Inst. lib. de oratione, cap. 10. sex contemplationis gradus enumerans, quibus possis ad veræ quietis portum scilicet navigatione perducere. Primus contemplationis gradus in sola imaginatione consistit. Cum videlicet, obstupescences, corporea ista perlustramus, quæ sensu corporeo haurimus, deprehendimusq; quàm sint multe; quàm magnæ; quàm diuersæ, quàm pulchra, & iucunda. In istisq; omnibus illius summæ diuinitatis potentiam, sapientiã, admirabilemq; munificentiã veneramur. Veneratione nanque omnimoda dignus est Deus, qui sua potentia celum ornavit syderibus, volucribus aërem, aquas piscibus, terram multitiuga cum diuersitate animantibus, fructibus, arboribus, herbis, floribusq; innumeris. Secundus gradus in imaginatione, rationeq; adhibita exercetur, dum quispiam rimatur, atque perpendit vniuscuiusq; rei ordinem, dispositionem, causam, modum, & utilitatem. Tertius gradus est, quando hac rerum visibilium speculatione subleuamur effertimurq; & quadam manu ductione ad invisibilia suspendimur, & cõscendimus. Hæc, n. visibilia creatorem suum consentunt, & quodam

fuo modo clamant; Ipse fecit nos, & non ipsi nos. Tunc siquidem contemplantis mens quadam admirationis dulcedine, & iocunda suauitate resperfa, in Dei laudem prorumpit. Quartus gradus est, cum seposito omnis imaginationis officio, solus animus ijs intendit, quæ imaginatio non nouit, sed quæ mens ex ratiocinatione colligit, vel ratione comprehendit. Vt cum in cœlestium animarum, & spirituum beatorum contemplationem assurgimus; contemplantes regni cœlestis gloriam, deliciarum abundantiam, regis magnificentiam, ciuium supernorum numerum, naturam, & eminentiam. Quintus gradus est, quando ea, quæ ex diuina reuelatione cognoscimus, nulla nostra ratiocinatione integrè inuestigare sufficimus. Cuiusmodi sunt, quæ de diuinitatis natura, & essentia credimus, & diuinarum scripturarum auctoritate approbamus. Sextus est, quando animus illa ex diuini luminis irradiatione cognoscit, quibus humana ratio cedit, & euincitur transcenditurq; . Hinc emanans fluminis impetus lætificat contemplatoris animum memoria abundantie suauitatis Dei, ad Deumq; totis precordijs amandum confertur. Hic est destinatus religiosi certaminis cursus, hic finis, hæc requies laborum, consolatio dolorum, & ipsa perfectio, veraq; hominis Deum quærentis sapientia.

De contemplatione passionis Christi. Cap. xxxij.



VONIAM in conspiciendis contemplationibus plurimū nos promouēre poterūt authorum exempla, quæ imitari possimus, idcirco pauculas contemplationes variæ lectione collectas subijciam. In earum verò numero potissimum locum obtinet ad nostram vtilitatē sacra domini nostri Iesu Christi passio. Nihil profectò eorum, quæ in sacro continentur eloquio, sic humanum potest excitare affectum, mentem erigere, temperare laborem, peregrinationis tedium auferre, & æternæ felicitatis spem immittere, vt redemptionis humanæ sacrosanctū mysterium. In illo siquidem diuinæ miserationis referatur abyssus, cœlorum aperitur ianua, charitatis latitudo ostenditur, quantumq; sit homo, apertissimè manifestatur. Vile esse non potest, quod filij Dei sanguine comparatur. Habet in eo Christianus homo, cur gaudeat, habet quoque vnde tristetur. Tristari eum profectò decet, cum se passionis Christi intelligit esse causam. Quam. n. Deus in mundum intulerat pacem homo inobediendo confudit. Quem centesimam, descendit vt quæreret, vtq; in illa quam amiserat, restitueret pacem. Idcirco quidem ob huius rei commemorationem quoniam nostra causa gestata est, compassionis, ac tristitiæ mucrone transfigendi essemus. Pro

tuis itaq; facinoribus, ò homo cōtristare in Christo, atque de ipsius tibi collatis beneficijs gaude, lætareq; in illo. Te agnosce in illo, tua in eius afflictionibus metire delicta, debita tua iam diu contracta in Christi membranis perlege. Ab eo autem loco exordiemur, quo comprehensus fuit Iesus, & in domum Annæ primum, deinde Cayphæ adductus est.

- 2 Irruentes in te benignissimè Iesu, omni crudelitate manus iniiciūt lupi feroces in agnum mansuetissimum, funibusq; & vinculis te crudeliter alligantes, insanis clamoribus, & violentia multa ab horto te abducunt ad domum Annæ sacerdotis, vbi post tumidam pōtificis interrogationem, & tuam mansuetam responfionem ab astante impio ministro alapam duram, simul, & acrem obiurgationem suscipis cum patientia. Hinc ad Caypham victus, vt eras, adduceris, vbi congregati erant, quærentes animam tuam, concilium scribarum, & sacerdotum, quibus tuæ captiuitatis miseria summæ fuit exultationis materia. Nam sicut exultant victores super capta præda, & venatores super fera comprehensa; ita exultabant illi, cum te quem tam diu ad mortem quæsierant, iam tandem suæ potestati vidissent traditum. Hic tu, pijsime Dei agne, vt hostia in proximum immolanda alligatus, tuæ immolationis præstolaris sententiam. Hic totam noctem ducis insomnem, in illusionibus probrisissimis, quibus te afficiunt ministri impietatis, beatam faciem tuam velantes, & colaphis te cedentes, vt quasi puerilem de te sibi ludum facerent, ò nouum nimis spectaculum, ò scelus inauditum, ò incredibilis audaciæ fœdissimum facinus. En stat in medio hominum Deus, stat agnus in medio luporum, stat innocēs inter noxios: verè modò circundederunt te vituli multi, tauri pingues obsederunt te. Stat agnus in humilitate examinandus, & iudicandus; lupi sedent in cathedris superbiæ, vt iniquum iudicium contra ouiculam proferant. O concilium impietatis, ò cathedræ pestilentiæ, dignæ profectò, quas cum suis sessoribus aperiens sese terra deglutiat. Sed non modo tibi placet vindictam exercere in improbos. Mane factò, à concilio suo te condemnatum, domine Iesu Christe, adducunt ligatum ad Pontium Pilatum, apud quem de tua accusatione, flagellatione, coronatione, & illusionē agitur. Tu verò in omnibus te mixissimū, & patientissimum præbebas. Non maledicens, non resistens, nō comminans, sed quasi agnus coram tendentibus tacebas, & non aperiebas os tuum.

- 3 Contemplare itaque, quæ ibi pertulit opprobria Christus, licetorum insultus, & seruorum, exultantem pharisæorum, & scribarum latitiam, sed præ omnibus contemplaberis Petrum timore victum, suum negā-

cem magistrum, & detestantem, & anathematizantem, quia non noui eum, & deinde respiciente eum domino compunctum, suum amarissimè flentem peccatum. Cum quo poteris tu quoque recordatione tactus earum, quas irrogasti domino, iniuriarum, dolore excitari poenitentiz. Quàm fuerit illi nox illa amara, scribere non possum: sed in illa à temetipso multa offendes, vnde condoleas. Amplius verò si ea attendas, quæ mane sunt subsequuta, colliquefies: prout sunt ad Annam inflicta alapa, ad Caypham accusatio, mox & apud Pilatū, illusio ante Herodem publica in populo diffamatio, crudelis flagellatio, & spineæ coronæ inflictio, coram populo presentatio, tumultuosiq; clamores, crucifigæ, crucifigæ, in agnū innocentem inclamantium. Durus sane faeris, si huiusmodi ad obiecta immobilis perseueras: at si ijs quæ subsequuntur, non ingemiscas, eris vel certè immanissimus. Quod cor non dirumperetur, vbi aduertat addictum ab iniquis hominibus morti Dei filium inter duos latrones, laceris graue portantem humeris lignum, à lictoribus armatis ad patibulum cōduci? Quis erat eius aspectus, qui ex lachrymis, & sudoribus, & sputis, & sanguine, & liuoribus, non iam hominis videbatur, ne dum Dei hominis? Quæ fuit materis exanimatio, tot inter cruciatus illum aspicere, neque verò opem ferre posse? Quæ fuit turbatio, vbi nudus, expoliatus, dura super arbore manibus, pedibusq; confixus, in altumq; subleuatus à vi ingentium pendebat clauorum? Desunt hic, & verba, & conceptiones. Neque verò alia melius poterat hic casus ratione denotari, nisi vt, & terra tremere, & saxa scinderentur, & totum pullo indueretur cœlum amictu, & angeli pacis amare flerent.

- 4 Si hoc compungi desideras in spectaculo; recogita primum omnino ex cōditione mortē domini tui fuisse immodicæ grauitatis: tum quod ab ijs in crucem est actus; quibus prædicauerat, multaq; fecerat miracula, vnde iure poterat præmium expectare: tum quod in ætate fuit ad patiendum aptiori, temporeq; celebriori, quando infiniti concurrebant populi: in locoq; insigniori, & supplicio magis dedecoroso, ipsiq; magis inconuenienti, qui Propheta habebatur, & vir Dei præter id quod nobilis adeo erat habitudinis, vt acrius eum; vel leuis punctiuncula penetraret, quàm vel grauis alium percussio. Fuit etiam membratim tortus, vt verè dici posset vir dolorum: discriptæ fuere manus, pedesq; clauis: discissum pectus: cessereq; omnes suis iuncturæ locis: afflictum fuit caput spinis, facies, & barba vellicatibus, siti guttur: & totum flagellis corpus. Corporis igitur grauis fuit dolor, sed longè grauior, quem internè pertulit ex compassione: quod pauci perpendunt: sed noris creaturas omnes vix id potuisse ferre: quod ipse est

perpeſſus, vt charitate omnes antecellebat. Et vt omittamus qua cruciatur pietate ob matrem, ac diſcipulos, de illis tantum loquor, in quorum gratiam ſe fruſtra videbat mori: quibus ex eorum ingratitudine, ne dum frugifera; ſed ex occaſione maioris futura erat dānationis eius perpeſſio: quæ illi eo erat acerbior pœna, quo perſpiciebat paſſionē ſuā toti mundo eſſe, vel ſuperabundantiſſimā. His addas nō fuiſſe eius perpeſſionē diuiſam, vt partim pro vno; partim pro alio pateretur: ſed ita fuit vniuerſalis pro omnibus, vt & p vno quoq; ſingularis: ita vt verē arbitrere, ſic illū pro te tantū paſſum, ac ſi pro alio minimē. Qua conſideratione propellaris, vt culpam fugias, quæ tanti fuit cauſa doloris: tantūq; in te exorietur humilitatis lumen, vt nō ſolum primum te arbitrere peccatorem, ſed vel vnicū peccatōrē cū non aliud videās, quā tuum peccatum: & quatenus in animum induces, tibi ſoli impenſum fuiſſe bonum infinitum; quod omne bonum continet, nempe Chriſti vitam; eatenus, & tibi videbitur omne tibi ſoli vnitum eſſe peccatum, ac ſi in alio quā in te, & per te illum nō eſſet inuenire. Ne mirere, ſi ad tantam te prouoco humiliationē: huc. n. te compellit infinitus diuinæ charitatis exceſſus, per Chriſtum cruci affixum cui ſi magno non reſpondeas affectu, eris ſemper ingratitudinis notatus, & temporis. Si. n. ipſe nihil ſibi reſeruans, ſe totum tibi in prædam exhibuit; qui non debes tu quoque totus in eius crucē transformari, vt Paulus, qui dicebat, Chriſto confixus ſum Cruci? Quinimō iure merito teneris, ne dū vniuerſis animæ tuæ viribus illi ſoli occupari, ſed & eius in gratiā præparari, vt in omnia mala deturberis: & ita magno te ipſum odio infectari, vt æquum fuerat, infinite eum à te amari. Vbi huc promptitudinis adueneris: quo iugi Chriſti cruci affixi contemplatione peruenitur, tunc abundē Deum amabis: & quoniā tanta reperitur in illo charitas, teipſum etiā diliges, & proximum. Ita ſanctū te prouehet odiū in ſanctū amorē: vt amor tui ipſius vicioſus ad amittēdū Deū te adducebat, teq; ipſum, & omne bonum. Ecce quātū tibi oritur luminis ex tuorū actū meditatione, & myſteriorū redemptoris. Ideoq; hortatū te velim, vt tua eū ſemper aſſociēs meditatione: & præſertim in cruce, vbi ex amore tui languēſcens, ad redamandū te prouocat. Aſpice illum vt iuccenſam fornacem, ſuis & plagis vt ſpiraculis, flammās emittere amorofi ignis. Audi eius verba inde reſonantia omnem apta, quæ vel ſurdam frangant aurem, vbi ait, pater ignoſce: rogo & tu tuorum veniam peccatorum, vbi ingemiſcit ſe derelictum, pollicere tu nunquam illū derelicturum; vbi fidelī latroni paradīſum elargitur, confide & tu, tantæ exemplo largitatis. Ora illum cum Ioanne, vt matri commenderis ſuz: cuiusq; extrema in ſiti, ne piget

geat saltem tui offerre lachrymas cordis, eiusq; demū in manus spiritum tuum resigna; ut ipse moriens patri fecit suo. Hac referes ratione compunctionis fructum, quem ubi gustaueris, & ampliori te disponet affectui. Ideo meditans socium te præbe illis, qui ad crucem perfratiterunt, unaq; cum illis disce ingemiscere. Opem fer illis, qui lacrum deponunt corpus in mœstissimæ gremium matris: iuuat eius audire lamentationes super filio, superq; peccantium crudelitate, nunquā non eius renouantium vulnera, quorum in numero te ipsum ascribe. Manum porrige illis, qui ad sepulchrum illum ferūt: lachrymisq; eius riga vulnera: non minus gratum obsequium erit, quā si pretioso vngeres vnguento, neq; verō illi vale dicas, nisi prius cor tuum illius hæredem relinquas sepulturæ. Non tibi hic aliquid deerit ruminandum, nunc Virginem consolando, nunc Petri audiendo lamentationes, & discipulorum, nunc cum pijs parando vnguenta mulieribus, nunc cogitatione sæpè eius inuisendo vulnera, iam nona exultando, quæ patribus in lybmo apparuit luce ob Christi animæ præsentiam, donec cū triumpho rediuius resurgens, cælum lætificat, & terras, multosq; consolatur dies discipulos suos, demumq; illis aspiciētibus in cælum reuertitur, & aliquanto post in specie ignis Spiritum mittit Sanctum, eque hominibus Dei facit filios: non ab re volens te edocere mentis introversionem, & in fundo cordis tui orationem; varia percurrere Christi mysteria. non. n. inuenies fructuosius argumentum, in quo mens tua efficaciam sentiat maiorem contra omnem sui diuisionem, quā sit istud; ea enim in terras descendit Dei filius ratione, eaq; operatus est mysteria, ut per hæc spectacula, uentē tuā diuinæ attraheret unitiōis. Vti. n. unitū carni verbū Dei operabatur in terris: ita, & per illud anima tua primū ex fide, deinde etiā, Deo unitur per contemplationem.

Ne dum quidem praxim, sed & speculationē te docet Crucifixus: qui si perfectē intelligeretur, omnem Theologicā illico euolueret questionem. Sed altus adeo est eius sensus, ut non nisi ab illis capiatur, qui altissimè se humiliant. Si quid sit Deus vis agnoscere; ne mundi consulas sapientes: quorū quidam Deum negauerunt esse: quidam ab eo auferebant inferiorum rerum prouidentiam; alij multos comminiscerant Deos; & huiusmodi figmenta: sed crucem contemplare, cuius illustrabitur mens tua lumine, ut cognoscat vnum Deum esse, infinitæ bonitatis, quam ostendit in infinito crucis excessu: cū autem sit infinitus, non potest esse nisi vnus. Contemplare dein eius sollicitudinem salutis nostræ gratia: neque anceps eris de eius prouidentia. Contemplare modum redemptionis: indeq; poteris colligere summæ esse sapientię, & iusticię; quando ita vltus est peccatum, delusitq; principes

pes tenebrarum. Non valuerunt philosophi quidam animam hominis cognoscere, an sit immortalis. Req; adeo in graui cecutierunt, quam videbis in cruce dissolutam quæstionem: cum etenim in ea carum adeo exoluerit Deus pro eius redemptione pretium; certos nos reddit, eandem immortalem esse, sed Dei formem, aptamq; in Dei transformari imaginem 2. ad Corinth. 3. aliàs sapiens non esset infinitum impendens pretium pro re corruptibili, & nihili. Eodem in lumine perspicies quanta sit diaboli nequitia, qui plurimos ad innocentissimi mortem cõpulit, quanta sit eius rabies, nisi eam Deus cohiberet. Quanta Dei bonitas, quæ eadem ratione, qua bonum arbitrabatur diabolus præpedire animarum, promouit salutem, maiori hauriens è malo maius bonum. Vbi & bonorum potes agnoscere benignitatem spirituum, qui ob mundi salutem sustinuerunt eorum in crucem agi dominum. Cruce melius edoceres, quam spernenda sit mundi vanitas, quam exemplo alio, si reminiscaris, quanta cum exultatione, & honore exceperint populi Christum in die Palmarum: & vix post sex dies versus est applausus in opprobria. Vbi addisces, prosperitati nõ fidere humane, sed potius appetere à mundo contemni, tuo cum domino. Vti. n. semper fallit prosperitas: ita & tribulatio sensum adaperit interiorem.

6 Ad hæc, quam sit peccatum abhominabile, nõ in aliqua comperies scriptura, prout in crucis intuitu: quæ palam facit, quanti sit ponderis; quando vt deleret peccatum, proprium Deus tradidit filium. Porro si desideras peccatum horrere, contemplare subinde Christum in cruce: à quo addisces sexcentas præligere mortes, potius quam peccato assensum præbere: & sequenter tibi inorietur virtutis amor, digna q̃ est ex seipsa amari absque præmio, vt in cruce est videre, vbi Christus potius elegit cum poena virtutem, quam vitã cum probro: ostẽdens quẽadmodum ipsa sibi est præmium virtutis, ita & secum aduehere vitiũ poenam. Difficile est mente concipere, quæ sit vel inferni miseria, vel paradisi gloria, quoniam non nisi vmbra videmus ad veritatem; & quicquid inde scriptum est, se habet veluti punctus, ad vniuersi ambitum: sed quatenus exprimi possunt incomprehensibilia, aio, te vtrunque in cruce contemplaturum. Quoniam nisi gloria paradisi, gehennæq; cruciatus essent inæstimabiles; nunquàm diuina incarnata sapientia, dirisimam vsque adeo mortem sustinuisset, infinitumq; effudisset sanguinis sui pretium. Demum quoniam lōgum foret prosequi, quicquid offert crux argumenti, ibi addiscas volo, bene moriendi artem, tui insectando magistri exemplum: quæ te monet, vt mortis tempore, omni exutus terrena affectione, omniq; abiecta peccati sarcina, liberis eum bibas calicem: diuinæq; te resignes voluntati, prout ipse fecit.

Scias

Scias proinde assidua crucis meditatione, præ omni alio exercitio, tunc temporis reddi animam fortem, & fidenter. Rationabile est. n. vt cum tu sæpè eius compassus fueris morti, eo magis ab ipso conso- lere in morte tua, quo te pietate excedit. In cuius rei argumentum, Virgo, Magdalena, & Ioannes fidelissimi crucis socij, præ ceteris sin- gulari in morte dotati sunt priuilegio; multorumq; est sententia absq; dolore eos sæliciter obdormisse.

De admiratione contemplatiua. Cap. xxxiij.



P O S T Q U A M cōtemplationis exempla tradidimus, reli- quum est, vt ad mirationis contemplatiuæ, quæ contem- plationis actum consequi solet, formam ex non contē- nenda lectione subnectamus. Prima autem sit admira- tio, quòd filius Dei omnium dominus, tãtam in sua na- tiuitate paupertatē, atq; humilitatem ostenderit. Narra obsecro, Vir- go benedicta, vbi tam dulcem natum pannis inuolutum reclinaueris? Ediffere quæso, nobilis, & pia mater; vbi tantum illum tuum, ac patris æterni filium, fecisti primam accipere requiem? In humili, duro, & fri- gido iumentorum præsepio. Quid ita bona mater, quare in præsepio tantum regem tanti regis filium, voluisti reclinare? Quoniam nō erat nobis locus in diuerforio, ita vt ob loci cōmodi defectum necesse mi- hi fuerit cum meo sponso, & custode Ioseph, in neglecta domuncula, in vili tugurio, in communi iumentorum stabulo hospitij locum acci- pere: vbi neque lectus erat, neque cunabula; sed iumentorum tantum præsepia. Hic me necessitas compulit, & cœlestis pater voluit, filium meum parere. Quid ais virgo mater? Mater virgo quid narras? Putas vera possunt esse ista, quæ loqueris? Tuus iste recēs natus filius, nonne ipse est, de quo in secretò tecū colloquēs, dixerat Angelus; Quod filius esset vocandus altissimi, quodq; thronum esset accepturus patris sui David, atque in domo Iacob regnum habiturus in æternum? Certè ad hæc tam magnifica promissà, rei veritate implēda tenue nimis vide- tur esse principium, ista quam tu loqueris, tam humilis natiuitas tantæ humilitatis initium, humano iudicio, malè cōgruum videtur esse præ- ludium, & pro nostra æstima- tione debile præparamentum ad tantam, quãtam ille pollicitus fuerat, celsitudinis gloriam. Quid enim? An re- gis est natiuitas ista, quam te narrante stupētes audiui- mus? Ita ne so- lent nasci in stabulis reges? In derelictis tugurijs, & casulis solent pa- rere regum matres? Siccine tractari solent partu aditi regum filij? Vi- libus scilicet inuolui pannis, in præsepio reclinari? Quis vnquam à se- culo horum audiuit similia? Audiuius subinde, eos qui in infima cō- ditione

ditione quasi in stabulis, & casulis nati fuerant, procedente tempore tandem ad regni conscendisse fastigia. A seculo verò non est auditum, regis filium in ipso suo ortu regem existentem, ita humili, ita abiecta natiuitate prodijisse in mūdum. Nihil in hac natiuitate apparet regiū, nihil magnificū, humilia sunt omnia, plebeia, tenuia, humilia, abiecta. Quis igitur credat regem hunc esse, quem ita in tanta humilitate videmus nascentem, nihilo ostendentem regium? Si rex est, qui nascitur, vbi caterua nobilium? Vbi ministrorum millia? Vbi pompa regia? Vbi equorum, & armorū apparatus? Vbi clangentes tubæ; quæ per terram noui regis ortum prædicent? Si iusta verbum Angeli; filius altissimi est tuus ille filius, ipse ergo est, de quo per Prophetam dicitur; Domini est terra, & plenitudo eius, orbis terrarum, & vniuersi, qui habitant in eo. Et iterum alio in loco: In manu eius sunt omnes termini terræ, & altitudines montium ipsius sunt. Ipsius est mare, quoniam ipse fecit illud, & siccam manus eius formauerunt. Et iterum; si filius altissimi est tuus filius, ipse ergo est, qui per Prophetam alium loquitur, dicens; Cælum mihi sedes est, & terra scabellum pedum meorum. Ac rursum: Cælum, & terram ego impleo. Quam ergo potest habere verissimilitudinem, quòd tu nobis, ò bona mater, de tuo narras filio, nimirum idcirco natum esse in stabulo, & reclinatum in præsepio, quoniam non erat vobis locus in diuersorio? Quid. n. erat cœli, & terræ domus, an non potuit commodum sibi locum eligere, quemcunq; voluit, vbi primam acceperit requiem? Scilicet istud tuum est, ò æterna patris sapientia, inscrutabilem consilium, quod tibi ex obedientia patris pro nobis visum est assumere, atque perficere, vt per tuam humilitatem, austeritatem, & paupertatem, nos genus humanum, ad altitudinem, delicias, & diuitias nostra superbia olim perditas, ita reduceres. Quod tuum consilium Paulus Apost. tuorum secretorum bene conscius, lucidè nobis enarrauit dicens. 2. ad Corint. 8. Scitis fratres gratiam domini nostri Iesu Christi, quia cum diues esset, propter nos egenus factus est, vt nos sua inopia diuites faceret.

Adijciamus etiam hoc loco alteram cōtemplatiuam admirationē, præ excessu amoris, quē nobis in sacrosancta Eucharistia Christus demonstrauit. O stupendum miraculū, ò ineffabile, & incomprehensibile sacramentum, in quo nobis tu nunc ad patris dexterā sedens in cœlis, ipsum tuum corpus, & ipsum tuum sanguinem donas in terris: corpus verè idem, quod olim in cruce clauis perforatum pendeat, nunc autem gloriosum in dextera maiestatis Dei residet, & sanguinem verè eundem, qui olim de corpore beato è vulneribus in pretium redemptionis, & reconciliationis humanæ effluxit. O inaudita dilectio.

O chari-

O charitas nō visa, ò ante hac nūquā gustata suauitas. Quis vnquā tale aliquid audiuit, amicum ab amico recedentem in memoriale reliquisse totum semetipsum, proprium scilicet corpus suum, & propriū sanguinem? Non vulgaris erat dilectio; quā diligebat Ionathas Dauid; anima nanque Ionathæ conglutinata fuit animæ Dauid, & dilexit eum quasi animam suam. Et quid in signum dilectionis Dauidi præstitit Ionathas? tunicam, quā erat indutus, dedit eam Dauidi: reliqua item vestimenta sua vsque ad gladium, & arcum suum, & vsque ad balthēum. Profecto non vulgaris hæc erant amoris indicia, longè tamen abest, qui vestimenta tantum, & arma donat, ab eo, qui dat proprium corpus, & sanguinem: neque dat solum, sed in cibum, & potum dat ore sumendum, dat manducandum in viscera. Sic tu nōs suauissimi filij patris dilexisti, vt te ipsum non solum patri dare volueris pro nobis in oblationem, & hostiam, verum etiam nobis in cibum, & potum. Denique cum tēpus veniret transendi ex hoc mundo ad patrem, non te passa est charitas tua prorsus absentem à nobis fieri, ne secundum humanitatem quidem. Nam secundum diuinitatem planè impossibile scimus, te vlli loco abesse; qui cælum, & terram adimplēs. Fecit itaque charitas tua, vt licet ad patrem rediens, nihilominus nobiscum etiam secundum humanam naturam permaneres, vt in patris dextera gloriosus residens, apud nos simul in occulta humilitate lateres. Verum illic in magnifica gloria vniuersis ordinibus manifestus, & præ ceteris eminenter conspicuus, hic in humilitate sub vilium specierum tegumento occultus. O rem admirandam, ò sacramentum incomprehensibile; te omnium dominum, & creatorem cœlos, & terram tuæ maiestatis præsentia adimplentem, ab eis tamen hequaquam comprehensum; te angelorum dominum, qui in patris dextera tua præcellenti claritate vniuersos angelicos ordines latificas, ad nos vel te accedere, apud nos latere, & demorari sub vilium creaturarum tuarum speciebus, claritatem, & maiestatem tuā sub modici panis, & paucissimi vini speciebus abscondens.

- 3 Insuper, & hoc à nobis exis, vt qui in te credimus, tuq; salutis desideramus effici participes, te talibus tecum operimentis ore sumamus: ad refocillationem, & nutrimentum animarum nostrarum. Et qui te ita cum reuerentia debita dignè susceperint in vera fide, spe firma, & recta erga te dilectione, in memoriam amarissimæ passiois tuæ, his tu inuisibili tuæ operatione bonā omnia adauges. His tu in anima virtutem multiplicas, hos de virtute facis in virtutem progredi, hos tu in omni bono reddis constantes aduersum omnia, quæ illa vndeunque potuerint obuenire, siue à propria carnis praua concupiscentia.

piscentia, siue à diaboli prauis suggestionibus, siue à blandis maligni mundi illectamentis, & incantationibus. Sic tu hoc in sacramento dignè pro debita tibi reuerètia in cor fidele, & humile susceptus, omnia tecum bona adfers animæ, & quæ in ea inueneris, confirmas, atque multiplicas. Quemadmodum è contrario qui te indignè suscipiunt, permanentes in sordibus vitiorum, absque pœnitentia, aut emendationis proposito, ob præsumptionem indignam, & tæx maiestati illatam contumeliam, in mala plura, & maiora iusto tuo iudicio permittantur incidere, vt in sordibus suis sordescant amplius, & diabolo hiæc indies magis serua mancipia. Qui. n. tuum corpus, & tuum sanguinem manducat indignè iuxta sancti Apostoli instructionem, iudicium sibi manducat & bibit, non diiudicans corpus tuum, & sanguinem pro debita reuerentia: quasi non aliud sit ad tua sanctissima sacramenta accedere, quàm alium cibum sumere.

4. In calce verò te admonere non desinam, vt vberimum excerpas fructû præter alios, qui ex cõtèmplationis celsitudine nascitur. Quoniam, qui eam vitam, quæ in cõtèmplatione posita est, ardentissimè, & verè amant, nulla se arrogantia, ac prædicatione efferunt, neque ad Angelos propius accedere præ ceteris gloriantur. Sed contra, quo sublimius in Dei cõtèmplationem eriguntur, collataq; diuinitus beneficia mente sua euoluunt, magis, magisq; diuino illo fulgore perstringuntur, & confunduntur. Imò certè hominem in puram sui notitiam nunquàm peruenire constat, nisi prius Dei faciem sit cõtèmplatus, atque ex illius intuitu ad seipsum inspiciendum descendat. Nam, quæ nobis omnibus ingènita superbia est, iusti semper nobis videmur, integri sapientes, & sancti, nisi cœlestis illius iustitiæ, ac puritatis fulgore, nostræ iniustitiæ, scditatis, stultitiæ, & impuritatis cõtincamur. Non autem conuincimur, si in nos ipsos duntaxat respiciamus, & non in dominum quoque, qui vnica regula esse debet, ad quæ iudicium hoc exigatur. Etenim cum ad nostri amorem natura sumus omnes propensi, vel minima quædam iustitiæ species pro ipsa integra iustitia nobis abundè satisfacit. Tametsi verò multa in nobis apparent, quæ imperfecta videntur, quod paulò minus scdum est tantquàm purissimum arridet, quàm diu mentem nostram intra humanæ naturæ fines continemus: nostr scdus, atque oculus, cui nihil alias obseruatur nisi nigri coloris candidissimum esse iudicat, quod tamen sub obscura est albedine, vel aliqua etiam fuscedine aspersum.
5. Quin ex corporeo sensu propius idipsum adhuc discernere licet. Nam si vel terram respicimus meridie, vel intuemur, quæ aspectui nostro circuncirca patent, validissima, perspicacissimaq; acie videbimur nobis

nobis præditi: at ubi in Solem suspicimus, atque intentis oculis contemplamur, vis illa, quæ egregiè in terra valebat, tanto fulgore protinus premitur, & confunditur, ut fateri cogamur, illud nostrum in considerandis terrenis acumen, ubi ad Solem ventum est, propè merà hebetudinem esse: ita & in reputandis spiritualibus nostris bonis revera contingit. Quantis per enim extra terram non respicimus, propria iustitia, sapientia, virtute pulchre contenti, nobis suavisime blandimur, & tantum non semidei videmur; at verò si semel cœperimus cogitationem in Deum erigere, atque expèdere qualis sit, & quàm exacta iustitiæ, sapientiæ, virtutis eius perfectio, ad cuius amussim, exigenda sint, quòd antea in nobis iustitiæ prætextu rãtopere arridebat, mox sordescet, quod mirificè imponebat sapientiæ titulu, pro extrema stultitia scætebit; quod virtutis faciem præseferbat, miserrima impotentia esse arguetur. Adeò diuinæ puritati malè respondet, quod videtur in nobis, vel absolutissimum. Hinc, idest ex huiusmodi contemplatione, non inanis gloria, non tumor, non elatio, aut superbia, sed horror ille, & stupor processit, quo passim scriptura recitat percussos, atque afflictos fuisse sanctos, quoties Dei præsentia sentiebant, & ad ipsum contemplandum assurgebant. moriemur, dicebatur vulgo, quia dominus apparuit nobis. Imò videas Prophetas ad Dei gloriam sic concuti, & consternari, ut mortis horrore concidant, ac penitus absorbeantur, & pœnæ nulli sint.

- 6 Inde colligemus, hominem humilitatis suæ agnitione nunquàm satis tangi, & affici, donec se ad Dei maiestatem contemplandam cōparauerit. Ideò & historia Iob ad prosternendos ex propriæ miseriz cōscientia homines, potissimum semper argumentum à diuinæ sapientiæ, virtutis, puritatisq; descriptione ducit. Abraham enim Genes. 18. ex quo proprius ad conspiciendam Dei gloriam accessit, melius se terram, & pulverem agnouit. Elias 3. Reg. 19. Recta facie eius accessum expectare non sustinet. Tantum est in aspectu formidinis. Ecquid faciat homo cœlesti illa contemplatione super se raptus. Gloriabitur ne? Num alios præse contemplaret? Imò verò putredinem, & vermē se penitus agnosceret, cū ipsos quoque Cherubinos velare ipso pauore faciem suam coram tanta maiestate viderit.

- 7 Hoc scilicet est, quod Propheta Isaias dicebat cap. 24. Erubescet sol, & confundetur luna, cū dominus exercituum regnauerit. Hoc est, ubi claritatē suam extulerit, ac propius hominum mentibus ipsam contemplantibus admouerit lucidissimum quodq; præ illa tenebris obscurabitur. Ad illam pulchritudinem aspirant fideles mentes contemplatione suā, non ut assequantur, nam id non est sanè in nostra po-

estate, sed vt suspiciant, admirentur, & quoad possunt, imitentur. Mox illis in ipsa sua consideratione occurrit, omnis boni fontem illum esse iugem, & perennem, cuius contemplatione fruuntur. Statim vident illius beneficio solius in tam immensa bona se esse ascitos, vt nihil iam se habere de quo glorientur, quasi non acceperint intelligant, sed omnia referant accepta illi, cuius sanguine potati sunt, atque redempti, & cuius maiestate in æternū fruuntur, atque pulchritudinem reuelata facie perpetuò contemplantes, in eandem speciem transformabuntur. En, qualis sit euasurus noster sincerus, religiosusq; contemplator.

FINIS LIBRI TERTII.



ORDINIS CANONICORVM

REGVLARIVM ELVCIDATI,


LIBER QVARTVS.

L. Ioanne Trullo Aragonio Authore.

*Totus hic liber in explicanda Regula
D. Augustini versatur.*

TITVLVS.

¶ Regula Apostolica Clericorum, siue Canoniconum
Regularium ab Aurelio Augustino Hipponensi
Episcopo edita.



De commendatione Authoris, & Regula. Praludium j.



CCIPITE disciplinam meam, & non pecuniam;
doctrinam magis, quàm aurum eligit. Prouer.
8. Quemadmodum pater artem aliquam filium
docturus, prius ostendit, quid ars illa sit, ad quid
utilis, vt puer volūtarius reddatur. His verò præ-
termissis, ad huiusmodi artem voluntatem non
habet; Quòd nimirum videmus in pueris, studio
litterarum deputatis, qui inuito animo scholas petunt, eo quod ne-
sciant magnam litterarum vtilitatem. Sic & in hac re nostra si quis
percunctetur, quid causæ est, quòd tam segnes sumus ad Augustini re-
gulam discendam, & percipiendam? reuera, quia nescimus eius virtu-
tem, amplamq; eius bonorum fertilitatem omnino ferè ignoramus
parum etiam proficimus, quoniam quid sit in ea obseruandum, ex-
actè non intelligimus.

- 2 In exordio igitur huius nostræ enarrationis amplissimam utilitatē, aut horisq; illustrem splendorem brevī sumus explicaturi. Nam multis cōmendare superfluum censeo. In adagijs. n. fertur, vino vendibili non opus est suspensā hædera; sic res quæ seipsam commendat, haud opus habet longis, alienisq; laudum præconijs. Ea igitur Salomonis verba proposita iure suo nobis inertibus, & frigidis pias parēs Augustinus proferre potest. Sapientia, n. quam in sua regula tradidit, verè pretiosior est omnibus pecunijs, quibuscunq; opibus, cunctisq; argenti, & auri thesauris; quare, & meritò percipienda, & plusquam pecuniarū congeries amanda est. Gloriatur sanctus rex Psal. 111. se in via testimoniorum Dei delectari, sicut in omnibus diuitijs, nobis quoque hoc Augustini documentorum promptuarium perscrutandum est, imò toto cordē exquirendum, tota anima concupiscendum, superq; aurum, & topazion diligendum. Nam si Evangelici negotiatores sumus, & bonas margaritas quærimus; ecce vna pretiosa margarita inuenta est. Nec vllam, quæ maioris pretij sit, faciliè comperies. Hæc animarum studiosus amator Augustinus in nostro pectore figere vehementer desideravit. Dada ergo sunt omnia, vt hæc sola margarita cōparari queat, omnesq; carnaliū sordes affectuū ab oculis cordis abstergēde sunt eis, qui in schola Christi post Religionis ingressū venerabilibus student institutis, vt hanc vberem regulæ vtilitatē assequi valeant.
- 3 Nos tamen candidissimi viri, ne D. Aurelij Augustini scilicet huius Religionis nostræ institutoris, atque parentis, vel adoptionem, vel nomen frustra accepisse videamur, non siccis labijs, sed pijs, breuibsq; præconijs in ipsius regulæ ingressu hunc splendidissimū, faustissimūq; progenitorem vtcunq; attollere, & concelebrare maximè decet. Et quanquā indoctior ego, & impuro etiam forsitan ore, non illo dignam satis possim orationem præstare, sintq; sua erga nos omnes immortalia merita, longè profectò maiora, quàm mortalis vlla facundia; ardore tamen mentis impulsus, ab illius laudibus me cōtinere nec possum, nec debeo. Quid. n. tam arduum, magnumq; susceptū, quod feruēs charitas, & de sanctis Dei fiducia nō assequi possit, & semper assequuta non fuerit? Augustino præsertim ductore? tuo namque auspicio, tuoq; nomine pater Aureli, regularem hæc viuendi formam adorsi sumus. Te magistro in ea rectē, beateq; viuimus, te duce, scelici cursu ad incorruptibilem, & gloriosissimam celi palmam anhelamus, atque contēdimus. Tibi quidē omnis ætas, omnis sexus, omnis status, omnisq; conditio tantū debet, vt qui iam te non veneratur, aut nō sincero cordis affectu, cultuq; prosequitur, is vel excors sit, vel prorsus iniquus: qui nec mereatur amplius solem inspicere, quando
tuum

tuum fulgorem; tuæq; doctrinæ lumen nequeat intueri. Sed neque factis ipsis ut fruatur, dignus appareat elementis, cum tuis tot, tātisq; vitæ pabulis se aut pigeat, aut nesciat saginare, te etiam cogitans, non in vnus gentis, vel ætatis vtilitatem concessum, sed in publicam omnium salutē, & vitā, sempiterno diuinæ prouidētiæ munere de cælo delapsū, in quo nesciat quid primū admiretur, an vitæ sanctimoniā, an magnitudinem animi, an vbertatem ingenij, an facundiā, & nitorē eloquij, an doctrinam auream, & salutarem, infinitis penē voluminibus disseminatam? quæ dum secula steterint, quotidianos, & admirabiles pietatis fructus certo est allatura.

4 De cuius ingenij sublimitate, atque fulgore, ut ad vos patres, sermo iam redeat, si cum reliquis, vel sanctissimis, vel doctissimis, quos aut vsquam vidimus, aut vnquam legimus, viris, comparatio fiat; quid aliud de beato, plenoq; hoc domicilio sapientiæ, & scientiæ Dei, quid aliud inquā, quā quod diuus, eruditissimusq; Hieronymus pulchrè ingenueq; testatur, erit mihi dicendum? cuius ad vnguem verba sunt ista. Augustinus Episcopus volās per montium cacumina, quasi aquila, & ea, quæ in montium radicibus sunt, non considerans, multa cælorum spatia metitur, terrarumq; situs, & aquarum circulū claro sermone pronunciat. Qui. n. in lignum fructuosum ascendere vult, paulatim superiora, & maiora poma carpere festinat. Nos autem paruuli sumus, infirmi; & minores. Si inferiora cogitare voluerimus, nobiscum benè agitur. De quo etiā pulcherrimè beatus Isidorus ait; Omnium hominum studia Augustinus ingenio, vel scientia superauit sua. Nam tanta scripsit, ut diebus, ac noctibus non solum scribere libros eius quisquam, sed neclegere quidem occurrat, neq; alio sensu in eius laudem singulare illud præconium mater Ecclesia concinit, quasi stella matutina in medio nebulæ, & quasi luna plena in diebus suis lucet, quasi sol refulgens, sic iste refulsit in templo Dei.

5 Iam verò ut de tanto ingenij pelago ad illius sanctitatem vela flectamus, sine qua scientia magis animum inflat, quā ædificet, ut inquit Apostolus. Se enim putauit frustra sapere, quicquid ad virtutem, sanctitatemq; non saperet. Quamobrem perscrutationem omnē suā, curam, diligentiam, studium, ad eam comparandam ardentissimus retulit. Etenim cum Christianæ militiæ primis initiatus insignibus, sub fidei iugo venisset, seq; veluti leonem deuictum, atque captiuum ad Christi vexillū prostrauisset; quale contriti cordis, & efferuescentis penitentis signum dedit? Qui delicta iuuentutis, ignorantiæq; suæ publico piaculo, publicaq; confessione diluerit, & tredecim libris, quos confessionum inscripsit, fecerit omnibus nota, maximeq; defluerit. Non

hoc loco modestiam, non temperantiam, non humanitatem erga omnes præcipuam, non perfectionem laborum, perpetuamq; aduersus hæreticos dimicationem, & luctam extollā. Quæ omnia præclara, summaq; facinora latè sunt nota. Vir est Augustinus, Deum immortalem quā sanctus, quā doctus, quale specimē Reipublicæ Christianæ: quo vno multis ritibus, multis statutis, moribus, caeremonijs pijs, ac venerandis est illa innixa, nec iniuria. Fuit. n. in viro illo studium vberimū, cognitio sacrarum scripturarum exactissima, iudicium acre, & exterius, ingenium ad miraculum acutum. Fuit ipse sincerioris pietatis diligentissimus propugnator, moribus mansuetissimis, & ad charitatē Euangelicam efficitis, atque expressis, vitæq; integritate, sanctitateq; insignis, & adorandus; quæ omnia persequi, ne volumine quidem iusto possis, ne dum præludio. Nihil enim neq; prophanæ prætermisit eruditionis, neq; sacræ, quod non attingat, & exponat. Atque hæc omnia miro ingenio, maximo acumine, eruditione excultissima, stilo mundo, & extenso; qualis authorem per omne disciplinarum scriptorumq; genus versatū exercitumq;, & res illas magnas, & præstantissimas, & eos, quibus cū disputabatur, decebat.

- 6 Quod verò magis ad rem attinet nostram, exclamare grato iā animo libet, candidissimi patres. O nos beatos, o nos scælices, qui vitæ instituta, & morum formam immortalī dono ab Augustino deducimus. Sit mihi fas iactanter loqui, ac profilire præ gaudio, dentq; veniā ceteri. Gloriari posse videmur ante alios principe optimo, Regula optima, legibus optimis. Nā cū quadruplicem regularis vitæ normā probè consecetur Ecclesia. Primam quidem, quæ à magno Basilio ortum ducit, originis vetustate, penes graios nobilitatam. Alteram Augustinianam, quam sequimur. Tertiam Benedicti monastica disciplina clarā, ac venerabilem. Postremam Francisci asperitate vitæ, numeroq; pollentem: inter has omnes, vt mihi videtur, tantū nostra hæc eminet, quantum super mortales ceteros sapientia, atq; virtute, inq; reliquo omni genere laudis se omniū maximus tollit Aurelius. Quis potest dubitare, vlla omnino potiora esse viuēdi præcepta, quā quæ tulerit in primis optimus, deinde peritissimus, sapientissimus institutor, atq; magister? Hunc sapienter igitur, qui religiosam rem colunt, maiore ex parte institutorem suscipiunt, profitentur, sectantur, ac tenent. Nec sic mortalibus vsui aurora esse videtur, nec suum sydus ijs, qui æquora nauigant, quā præclara, & sancta ista, quam diximus Regula, quibus propositū, & cura est de religiosa vita, atq; sanctissima. Hæc imprimis ad se venientibus portum tutissimum aperit, & iter in cælum directissimum struit; nihil alligans, nihil præcipiens.
- nihil

nihil vetans nō prorsus rectè, atq; sanctissimè: nec eadē mollior, nec horridior, sed planè singulis congruens, ab discipulorum Christi exemplo, vitaq; detracta, mediocritatem illam tenens, quæ inter nimium, & parum posita, iure laudatur; contemplationi deseruiens, actionem nec deserens: & quod legis est proprium, nō disputans: sed breuiter sanè præcipiens, admonensq; quod quisque sequatur, quod agat, quæ in patres veneratione, charitate in fratres, mǎfuetudine in subditos. quomodo vestibus, quomodo cibis, quo cultu, quo ritu, quo ordine singulis, vel fruendum, vel vtendum sit rebus.

7 Præterea alias videre licet regulas, quæ nō paucas corporis obseruantias imponunt. At verò Augustini regula circa spirituales actiones plurimum versatur. Cuius generis sunt dilectio Dei, & proximi; cordium vnitas, & concordia morum, & quæ his similes existūt. Quis autem nesciat spiritus exercitia corporeis exercitationibus longè præcellere? Nam, & spiritus corpori, & legi carnali lex spiritualis præminere existimantur. Duo quidem religiosorum genera, cū ipsæ religiones in Dei Ecclesia oriri cœperunt, fuisse nouimus, anachoritarum, idest solitariorum, & cœnobarum, hoc est in congregatione viuentium. Deinde verò temporū successu, atq; discursu D. Benedictus regulam ad exemplar priorum cœnobarum condidit, quæ quidē in Ecclesia Dei eximie est auctoritatis. At verò Augustissimus noster Augustinus ad vitæ Apostolicæ exemplar suam regulam composuit, & conformauit. Quis autem ambigat, vitam Apostolicam vitæ cunctōrum viuentium citra alicuius iniuriam esse præferendam? Quòd si antiquitatem etiam desideres, nec id ad laudum suarum præconia deerit. Si quidem Augustiniana regula non solū alias posteriores, recentioresq; regulas, sed etiam ipsam Benedictinam multis sanè annis præit; atque præcedit, plurimorum virorum illustrium censura comprobata, diuersorumq; Conciliorum acerrimo iudicio discussa, atque laudata, nec hætenus cuiusquam maligni obiurgatoris calumniam passa est. Qui discendi cupiditate trahuntur, veros, gnarosq; rerū, quas cupiunt, sibi eruditores, magistrosq; asciscunt, quibus formandos se tradant. Vt philosophi Aristotelem; Medici Galenum. Sic Paulum primæ eremi lucem Antonius sibi proposuisse narratur. Sic Antonium; magnus Hilarion, sic Hilarionem Monachorum reliqua, cœnobarumq; frequentia magno studio est imitata. Nos autem quidquid est sanctimonie, religionis, doctrinæ, virtutis, decoris, & laudis, nullo admirabiliore, vel magistro, vel duce auspicari iam possumus. Confertote nunc cum hoc viro omnes omnium insequētium postea temporum sanctos, admirabilesq; in Ecclesia Christi patres, & proceres; confertote inge-

nia omnia, omniumq; actiones, & oia; an huic, vñquàm tam in ocio, quàm in negotio, aut superioriorem, aut similem dabitis, vel auditu, vel visu? Quid enim habet orbis Christianus hoc doctore, vel magis aureum, vel augustius? vt ipsa vocabula nequaquam fortuito, sed numinis prouidentia videantur indita viro. Auro sapientie nihil pretiosius, fulgore eloquentie cū sapientia coniuncte nihil mirabilius. Sunt alijs alie dotes, prout visum est Spiritui Sancto, qui pro suo arbitratu partitur singulis iuxta mensuram fidei in Athanasio suspicimus seriam, ac sedulam docendi perspicuitatem: in Basilio præter subtilitatem exoseulamur piam, ac mitem suauiloquentiam. In huius sodali Chrysostomo sponte profluentem orationis copiam amplectimur; in Cypriano spiritum veneratur martyrio dignum, in Hilario grandi materie parem grandiloquentiam; atque, vt ita loquar, cothurnum admiramur. In Ambrosio dulces quosdam aculeos, & Episcopo dignam amamus verecundiam. In Hieronymo diuitem scripturarum penum optimo iure laudamus. In Gregorio puram, nulloq; fūco picturatam sanctimoniam agnoscimus; ac ne longum faciam, habet itidem, & ceterorum quisque ex eiusdem spiritus munificetia virtutes suas, quibus sese piorum hominum affectibus variè commendant. At non arbitror alium esse doctorem, in quem opulentus ille iuxta, ac benignus spiritus dotes suas omnes largius effuderit, quàm in Augustinum; quasi voluerit in vna tabula viuudum quoddam exemplar Episcopi representare, omnibus virtutum numeris absolutum, quas post Christum Episcoporum principem, Petrus, & Paulus requirunt in his, qui pascendum domini gregem susceperunt.

- 8 Est planè noster Augustinus, sal terræ; qui probè intellexit ad se expectare illa, quæ sibi data sunt, sapientia, & virtute, non solum populos sibi commissos, sed & alios plurimos condire, & erudire ad veritatem, atque iustitiam. Quomodo salis est per inditam sibi singularem virtutem carnes à corruptione seruare, & cibos omnes condire, vt bonum de se fundant, gratumq; saporem; sic sua interesse putauit per doctrinam veritatis ceteros simpliciores à corruptione, & putredine mortis ad vitam immortalem custodire, & eo pacto spiritualiter quoque condire, vt non fœterent, sed essent odor bonus, & sapor gratus Deo in odorem suauitatis. Pastoris enim interest, vt quasi sale sapientie, scientie, virtutis, & vite sancte exemplo, homines in statum beatitudinis, & virtutis sancte conseruet; humoresq; illorum carnalium operum exiceat, peccatorum, vitiorumq; virus auferat, putredinem male conuersationis detergat, & vermē libidinosæ cogitationis interficiat. Id quod Augustinus abundè, egregieq; præstiter.

9 Est item Augustinus lux mundi; quoniam ad hoc electus fuit, ut per suæ prædicationis ministerium, ad quod assumptus fuit, mundus illuminaretur Euangelicæ veritatis lumine. Omnis profectò, quæ apud sanctos doctores est tradendæ doctrinæ ratio, duabus potissimè partibus posita est, ut est à sapientibus viris diligenter obseruatum. Historia videlicet, & oratoria. Vtranque sanè Augustinus ditissimè explcuit. Siquidem in historia, si scripta sua diligenter euoluas, non tantum antiquitatem commemorat, aut temporum monumenta, locorum, hominum, rerumq; gestarum, ut prophani solent scriptores; sed & exempla æquitatis, consumatæ iustitiæ, vitæ optimæ, fidei, atq; virtutum omnium imiranda proponit. In oratoria verò ad virtutem mortales semper excitat, & acuit, hortatur, dehortatur, consolatur nonnunquam, genus omne flagitij insectatur acerrime, ut hæreticorum cultum, scelus perfidiæ, fallacias, & prestigias hominum, expilationes pauperum, & oppressiones, maximè verò neglectum, atq; contemptiōnem diuinæ legis. Docet etiam quale sit Dei ingenium, quæ eius voluntas, quid in nobis potissimum spectet, quibus rationibus illius voluntati humana omnia studia sint accommodanda. Sed, & ad pœnitentiam vocat omnibus modis, & ad excitandam hominum oscitantiam, & socordiam, iram Dei minatur, & grauissima in nepharios homines intentat supplicia, ut eos à flagitio, & perdita vita reuocet. Ad erigendos præterea cadentes animos, & desperationi proximos diuinas promissiones, & antiqua in electos homines beneficia, quibus exuberantem suam bonitatem declarabat, proponit. Erit proinde Augustiniana lectio nobis & accommodata, & utilis, omnibusq; modis per se magnifica, & salutaris. Vides huius lucis vberissimos fructus? Præterea non potest ciuitas illa latere homines, quæ in edito loco, in vertice montis constituta est, sic neque Augustinus, qui in eminenti gradu constitit, in doctorum Ecclesiæ numero primus constitutus, latere potuit, neq; in occulto sibi tantum viuere; sed orbi toti factus est manifestus, ut ad eum, tanquam ad tutissimum refugij locum fideles populi confugiant, sub eiusq; cura, protectione, & eruditione, à tyranni insultibus reddantur securi. Quomodo solent ciuitates esse munitum, & securitas suorum ciuium, & eorum qui ad ipsas confugerint, contra hostium insultus.

10 Sed neque solent quidem homines candelam, aut facem accendentes accensam ponere sub modio, aut vase aliquo coopertam, ut lumen occultetur, sed postquam accensa fuerit, candelabro eam superponunt, & in loco eminentiori constituunt, ut de beneficio luminis eius participare possint omnes, qui in domo, aut loco illo sunt. Et ad singulos

eius loci angulos valeat lumen dispergi. Ita nec Augustinus arbitrat^{us} est, ad hoc sibi fuisse collatam doctrinam illam cælestem, eoq; lumine superno accensum, & illuminatum, ut sibi soli viueret, quasi sub modio latens, sed in communem totius orbis vtilitatem sibi dari cognouit hoc diuini luminis beneficium.

11 Quapropter beatissimi Augustini mérita in tuto posita, securi iam magnificemus, qui gubernaculum fidei viriliter tenēs, anchoram spei tranquilla iam in statione composuit, & plenam cælestibus diuitijs, & æternis mercibus nauem optato in littore collocauit; qui contra omnes aduersarios scutum timoris Dei, tandiu sine defatigatione tenuit, donec ad victoriam perueniret. Quid enim fuit totus vitæ illius cursus, nisi vnus cum vigili hoste conflictus.

12 Quot hic cæcis à via veritatis errantibus, & de summa iam in profundum rupe pendentibus amissum reddidit visum, & illum, quo Christus videretur, reparauit intuitum? Quot hominum auribus surdis, & infidelitatis obturatione damnatis, ad percipiendam vocem cælestiū mandatorum pretiosum infudit auditum, ut vocanti Deo ad misericordiam responderet per obedientiam? Quot intrinsecus vulneratos angelici oris arte, & orationum ab infirmitate curauit? Quot per longam incuriam peccati labe resolutos, & quanta sepe contagione perusos, castigationibus, exhortationibus, Deo in se operante mundauit? Quot hominum animas viuentes in corpore iam defunctas, & delictorum mole obrutas, ac sepultas, ad emendationem, tanquam ad lucem vocando, Deo resuscitauit.

13 Huius celeberrimi doctoris ardens memoria ad ipsius heroicorum operum enarrationem linguam nostram euocauit: Qui iam ad tranquillam, omnisq; perturbationis expertem vitam translatus est, eoq; nauigium appulit, vbi deinceps non poterit metuere naufragium, nec ullam animi deiectionem, aut dolorem. Hunc sanctissimum virum miris laudibus sublimem effert Cælestinus huius nominis primus, in epist. 1. ad Episcopos Gallia. Augustinum, inquit, sanctæ recordationis virum pro vita sua, atque meritis in nostra communione semper habuimus, nec vnquam huc sinistrae suspicionis saltē rumor asperfit; quem tantæ scientiæ olim fuisse meminimus, ut inter magistros optimos etiam ante à meis decessoribus haberetur. Bene ergo de eo omnes in commune senserunt, ut potè qui vbique cunctis, & amoris fuerit, & honori. Hunc ipsum Augustinum, illustrissimum latinorum doctorum synodus Florentina nuncupauit. Ceteras eius & animi, & corporis dotes breuitatis ratio intermittere, sine meq; dicendi maturare me plane cogit. Id potissimum vñum hortor, atque commoneo, ut ere-
ctiore

tiore iam animo ad propositā palmam curramus alacres, perq; summi nostri huius vestigia patris, cœlestia petentes nunquā, vel transuerso quidem crine ab eius institutis, præceptisq; aberremus. Sic Augustino duce verè digni, sic fortes humanōrum contemptores, sic hostium victores gloriosi, sic postremō vitæ beatæ municipes cum angelis in æternitate futuri.

De vi obligatoria Regulæ Augustinianæ. Prælud. ij.



Nec infrugifera, nec à re proposita aliena esse mihi videtur celebris illa D. Thomæ disputatio. 22. q. 186. art. 9. Dum percunctatur; An Religiosus semper mortaliter peccet, cum ea, quæ in regula continentur, transgreditur? illius verò præclari doctoris sententia his paucis continetur. Votum professionis, paupertatem, continentiam, & obedientiam potissimum respicit; alia verò omnia ad hæc tria ordinantur. Idcirco horum trium transgressio ad mortale obligat. Aliorum autem violatio non obligat ad mortale, nisi propter contemptum Regulæ ex diametro aduersantem professioni, per quam quispiam vouit regularem vitam: vel certè propter præceptum, siue ore tenus à prælato factum, siue in Regula expressum. Hoc enim esset facere contra obedientiæ votum.

Hæc quidem sententia sic utcumq; explicatur. D. enim Gregor. lib. 1. Moral. comparat vitam secularem mari fluctuanti, vitam autem religionis portui tranquillo. Sed si quælibet transgressio eorum, quæ in Regula continentur, Religiosum obligaret ad peccatum mortale, status religionis esset periculosissimus propter multitudinem obseruantiarum. Non ergo quælibet transgressio eorum, quæ in Regula continentur, est peccatum mortale. Secunda ratio, tametsi Religiosi voto professionis ad seruandam Regulam astringuntur, cum tamen profitentur Regulam, non vident seruare omnia, quæ sunt in Regula, sed vident regularem vitam, quæ in tribus prædictis essentialiter consistit: unde fit, ut in quibusdam religionibus cautius aliqui profitentur, non quidem Regulam, sed viuere secundum Regulam, tanquā secundū quoddam exemplar, id quod per contemptum tollitur. In quibusdā autem religionibus adhuc cautius profitentur obedientiam secundū Regulam. Quo quidem modo professioni non contrariatur, nisi id quod est contra præceptum Regulæ: transgressio verò, vel omissio aliarum obligat solum ad peccatum veniale. Tertia ratio, non omnia quæ continentur in lege traduntur per modum præcepti, sed quædam proponuntur per modum ordinationis cuiusdam, vel statuti obligantis ad

certam

certain pœnam, quemadmodum etiam in lege civili non facit semper dignum pœna mortis corporalis transgressio legalis statuti. Ita nec in lege Ecclesiæ omnes ordinationes, vel publica statuta obligant ad mortale. Ergo simili ratione omnia statuta Regulæ ad mortalem noxam non astringunt. Hastenus ex D. Tho. Adde etiam, quod non omnia, & singula contenta in Regula obliget ad mortale, docetur expressè ex determinatione Ecclesiæ de fratribus Minoribus facta in Clem. Exiui, de verb. signif. Qui quidem fratres profitentur seruare Regulâ. Decernitur tamen illic, quod ex professione suæ Regulæ non tenentur sub præcepto ad omnia, quæ sunt in Regula, sed ad ea tantum, quæ in illa sunt de præcepto.

- 3 Ad dilucidandam verò Regulæ vim, atque potestatem, plurimum conducet brevis quædam commentatio ex non contemnendis authoribus concinnata. In primis igitur animaduertendum est, Henricum Gandauensem fuisse opinatum, omnia contenta in Regula August. cadere sub præcepto, quæ Summa Angelica libenter insequitur; ob idq; eam regulam Summi Pontificis indigere declaratione asserit. Præcipua verò huius opinionis ratio est illa, quæ ab illo verbo Præcipimus, in eius frontispicio conscripto sumitur: ait enim. Hæc igitur sunt, quæ vt obseruetis præcipimus in monasterio constituti. Deinde dictio Igitur, illatiua in quibusdam codicibus non legitur.

- 4 Hanc verò opinionem exhibitant, & refellunt magister Humbertus hoc loco, Io. Dominicus, & Guido Baysus Bononiensis Archidiaconus, qui Regulâ ipsam declararunt, & D. Anton. 3. par. tit. 16. cap. 1. §. 6. Et Siluest. in verbo Religio, l. q. 11. Eandem opinionem S. Tho. & alter Tho. Caietanus strenuè confutauerunt, S. Thomæ assentuntur vniuersi iuris Canonici doctores, præsertim Felinus, & Panor. in cap. Nam concupiscentiam, de constitut. Aduersus quam non parui momenti est illa consideratio, quod verba illa citata planè intelligenda sunt non de ijs, quæ in Regula dicenda, tradendaq; erant; sed de duobus charitatis præceptis, quæ vice prologi tanquam fundamenta author præcecerat, & constituerat, id quod apertè constat. Vtitur. n. dictione illatiua Igitur, quam in nonnullis codicibus breuitatis causa sublatam esse censemus. Secunda ratio, nulla. n. profectò Summi Pontificis interpretatione in re conspicua, ac dilucida opus esse arbitramur. Illa nanque Henrici opinio, Siluestri iudicio stolidi est, quippe quæ illustrissimo doctori August. imponit, adscribitq; cum voluisse, aut sensisse sub præcepti obligatione tot minutula constituere, quæ vix etiam à viris perfectissimis obseruari possent. Cuius generis est illud in incessu, statu, habitu, & in omnibus motibus vestris nihil fiat, quod cuius-

cuiusquā offendat aspectum, & alia similia. Tertia ratio, dictio Præceptum, longiuscula significatione pro admonitione illic ab Augu. usurpatur; frequenter. n. in scriptura monitiones paternæ patris præcepta vocantur, vbiq; ex forma præceptū est, non tamen ex materia, aut intentione. Quarta ratio, omnia quæ in Regula continentur, in triplici sunt differentiâ, vt citati testantur authores: quædam. n. substantialia sunt, vt præcepta Dei, & Ecclesiæ, & tria præcipua vota. Hæc quidē ad mortalem noxam obstringunt. Quædam verò media sunt, ac declaratoria, potissimum decernentia, quemadmodum substantialia illa, quæ primum locum obtinent, seruanda sint. In hoc quasi secundo prædicamento collocantur, quæ de non habendis, aut celerrimè finiendis rixis pro præcepto charitatis ritè custodiēdo traduntur, quâdoque Præposito, idest Priori, vel Presbytero, idest Episcopo obediatur, quò obedientiæ modus præscribitur. Quòd etiā quispiā nolit scæminas appetere, vel ab eis appeti, id quòd castitatis votū exornat. Nō dissimile illud est, quòd habeatur victus sub vno cellario, vestitus sub vno vestiario, libri sub vno librario, quodq; nemo accipiat occultè litteras, aut munus aliquod, quæ omnia ad fugiendā proprietatē viam sternunt, atq; complant. Hæc sanè omnia sub præcepto cadere peritis videtur. Quoniā verò hic de præcipientis intentione, ac mente non constat, sed neque certa, limitatq; pœnā subiungitur, sic limitanda, enarrandaq; sunt, si materia eorum sit præceptiua, hoc est de se prohibita iure naturali. Dicitur autem materia præceptiua, authore Syluestro in verbo Præceptum q. 3. quando est de necessarijs ad iustitiam, vel ad charitatem, vel ad diuinam reuerentiam.

5 Cautè tamen, ac prudenter illud mente retinendum est, quod Ant. loco superius citato asseruit, dicens; Maximè verò videtur textus Regule instare circa perfectissimā expropriationem in particulari; qualia omnia illa sunt, quæ de communi cellario, vestiario, librario, atque muneribus nunc retulimus. Aduersus quæ absq; causa ineuitabili alicui Prælato dispensare non licet. Alia tandē sunt in Regula cōscripta, tanquā adiumenta quædā ad Religionis ornatū. Hæc verò non obligāt, nisi vt consilia. Huius tertij generis est illud; Carnem vestrā domate, &c. Et illud Codices singulis dieb. perātur, & quæ huiusmodi sunt.

6 Scitus quoq; ac elegans est secundus responsionis modus, quē Caietanus loco citato nobis subministravit. Inter obligationem, inquit, ad mortale peccatum, & libertatem ad opera consiliorum, media interiacet obligatio ad veniale. Itaque sub præcepto cadit omnis obligatio, aut quidem ad mortale, aut certè ad veniale. Vitare. n. etiam tenemur venialia. Quocirca quia præcepta, vt contra consilia distinguitur,

tur, non obligant necessariò ad mortale, sed ad mortale, vel veniale, manifestò sit consequens, vt meritò ex ignorantia processisse censeatur, ex præcepti affirmatione determinatè inferre peccatum mortale, vel ex negatione præcepti ad mortale inferre quod est de còsilio, medietur. n. situm est ipsum veniale. Quæ res multos scriptores latere videtur. Ne verò suspiceris, nouam me ingerere doctrinam, consule D. Thomam in multis quæstionibus: quando videlicet differit de præceptis fidei, spei, charitatis, prudentiæ, iustitiæ, fortitudinis, & temperantiæ: perspiciesq; multa sub præcepto comprehendì, ad venialem tantù culpam obligantia. His adde, quod August. in Regula ad hunc modù vsus est præcepti nomine, cū dixit; hæc sunt, quæ vt obseruetis præcipimus, in monasterio constituti, ex illo. n. præcepto obligantur professores illius Regulæ ad obseruandum omnia ibidem mandata. Non tamen idcirco transgressores mortali peccato innodantur. Quoniam verbù Præcipimus, habet quidem vim obligatiuā, sed nō determinate ad mortale; quare ex illo verbo nō licet talē obligationem inferre.

- 7 Tertius responsionis modus, qui superiora dilucidat, ab Humberto hic traditur. In verbis quidē diuinis quædam reperiuntur, quæ habent in se modum, & intentionem præcepti, vt hæc mando vobis, vt diligatis inuicem, sicut dilexi vos. Quædam verò habent præceptum in intentione, quamuis non in modo, vt non furtum facies. Quædam autem habent præcepti modum, sed non intentionem, vt sanationem surdi, & muti Christus præcepit, ne cui dicerent, Quis. n. audeat asseuerare, Christi animum fuisse obligandi eos ad mortale peccatū cum miraculorū Christi præcones afficerētur. Simili sanè iudicio, atq; censure improbabile iudicandum est, sacrum Augustinum, virum alioqui sapientissimum, etiam præcipiendi locutione vtentem intendisse, ac voluisse vniuersa sub præcepto concludere, tantamq; damnationis materiam ijs administrasse, qui pro salute animarum querenda ad suam Regulam confugissent.

- 8 Vfus est autem non inutiliter præcipiendi verbo, quòd vehementer optaret, & vellet omnia seruari. Ad exprimendam igitur suam voluntatem, ac seruens desiderium, non vsus est alio simplici verbo. Ne vlla daretur occasio ex tenui loquendi modo, pigritiæ humanæ negligēdi mandata Regulæ. Vt Marc. 6. præcipit Discipulis ipse dominus, ne quid in via tollerent, nisi virgam tantum. In ipsis quoque sacris litteris quædam reputantur exhortationes, vt si quis te percusserit in vnā maxillam, præbe ei & alteram, quod quidem consiliū est. Sed cū Luc. 7. dicitur, mutuum dantes, nihil inde sperantes, licet sit idem loquendi modus, reputatur tamen præceptum. Iuxta vulgatam etiam homi-

hominum locutionem, vtentes verbis imperatiui modi, non semper imperamus, sed aliquando inuitamus, nonnunquam consulimus, aut adhortamur, nec verbum præcipere, semper est propriè per auctoritatem imperare: Sed potius anticipare, præmonere, instruere, docere, vnde & artium magistri vocantur præceptores, doctores, institutores. Sic Plinius lib. 18. cap. 24. ait; Hesiodus, qui princeps omnium de agricultura præcepit; & idè eorum documenta, præcepta dicuntur. Vnde præceptum aliquando pro iussione; aliquando pro disciplina, siue documento, siue admonitione, aut pro documèto tradito ad aliquam artem percipiendam accipitur, id quod peruulgare est. Et noster Alphonsus Tostatus Episcopus Abulèsis in Exo. tom. 2. fol. 35. & in Leu. fol. 192. 10. explicuit dicens; Hoc verbum Præcipio interdum significat admonere, interdum docere. Quemadmodum etiam Apostoli, ac Iudæi, qui à Christo doctrinam fidei susceperunt, vocant ipsum præceptorem suum, eiuq; salutare doctrinæ rectè Euangelica præcepta appellantur. Ad hæc quando dixit Matth. 4. Saluator ad Petrum, & Andream. Venite post me, & faciam vos fieri piscatores hominum. Non utiq; per imperium dixit. Enimuerò veniēs Iesus de deserto, vbi quadraginta diebus, ac noctibus in oratione Dei latuerat, incognitus omnibus, quomodo imperasset piscantibus casu repertis? Non igitur imperantis est illa locutio, sed inuitantis. Præterea Hierem. 35. legimus Rechabitis à patre fuisse dictum. Non bibetis vinum, domū non ædificabitis, vineas non plantabitis. Hæc non sunt imperata, quia patriâ potestatem longè excedebant, sed documenta pij patris; multum momenti ad colendam pietatem habentia. Vnde huiusmodi solent doctrinæ, positiones, exhortationes, & redargutiones. Sic iudicandum de verbis nonnullis Regulæ Augustinianæ.

Quod si adhuc interrogas, qua via præcepta à consilijs, & exhortationibus dignoscemus? Respondet Humbertus, Virorum sapientium iudicium, & doctrina, & ratio nos docebunt, quænam sint præcepta, quæquæ consilia, aut simplices exhortationes. Hanc. n. discernendi regulam in sacris scripturis intelligendis obseruamus, cum ipsæ eadem, vniformemq; loquendi formam nobis proponunt. Huic nostræ sententiæ patrocinator Dom. Sotus libr. 1. de iust. & iure art. 4. vbi exquirat signum, quo dignoscendum est, quænam lex obliget ad culpā, quæ verò minime. Sunt autem iuris interpretes, qui aiunt; leges, quibus subnectitur pœna, non obligare ad culpam; quam opinionem ob manifestam falsitatem art. 5. idem Sotus multis rationibus damnat, & reprobatur ex S. Tho. 2. 2. q. 108. art. 4. Caietanus verò insinuat in materia de ieiunio opus esse, vt lex proferatur cum additione, quod obligat
sub

sub peccato vel mortali, vel veniali, & idcirco lex; quæ illud non explicat, non obligat ad culpā. At verò contra Caietanū sentimus; leges .n. nunquam ferri consueuerunt cum huiusmodi acceſſione, sed ex operibus, natura, & grauitate illud est perpendendū. Quocirca fidissima regula est. Omnis lex, quæ absolute fertur, id est, quæ cōtrarium non explicat, obligat ad culpam vel venialem, vel mortalem secundū pretiū operis. Ratio verò manifesta est, quoniam lex secum adfert obediētiæ præceptum: obedientia autem per se est virtus, & inobedientia peccatum. Quare opposita legislatoris voluntas id explanare debet, si velit suam legem ad culpam non obligare.

De potestate Regulæ, et Canoniarū Constitutionum. Prælud. iij.



PRO ampliori verò tam Regulæ Augustiniane, quam Canoniarum Constitutionum explanatione, pauca quorundam documenta ex præclaris authoribus diligenter accipienda sunt. Primū documentum, nulla lex humana, etiam iusta obligare potest transgressorē ad culpā mortalem, nisi ea sit circa materiam, quæ possit sufficientem causam præbere ad iniungendam talem obligationem. Etenim legislator nihil sine legitima causa, & ratione præcipere potest. Alioqui vt Aristoteles docet 5. & 8. Eth. censetur tyrannus. Nam longè à ratione naturali abhorret, vt de quacunque re leuissima Regula statuatur, aut præceptum ad culpam mortale obligans. Effet quidem crudelior politiæ spiritualis, quam corporalis seueritas. Nā hæc pro re leui neminē ad corporalem mortem adigit, igitur nec illa ad mortem spiritualem. Huic quidem sententiæ suffragatur, atque consentit Ricardus de S. Victore in tract. de differentia peccati mortalis, & venialis. Mortale peccatum, quantum mihi videtur, triplici ratione distinguitur. Mortale est, quod à quouis non potest committi sine graui corruptione. Item mortale est, quod nō potest committi sine graui lēſione proximi. Mortale demum est, quod non potest committi sine magno contēptu Dei. Cetera verò omnia mihi venialia videntur. Graue igitur semper oportet esse rem, circa quam mortale peccatū committi possit. Ex hac regula conuincitur crassa quorundam Prælatorum, præsertim Religiosorum ignorātia, qui sibi suadent, posse subditis suis quidquid voluerint, cum obligatione ad culpam mortalem præcipere. Hinc nonnūquam præceptis: præcepta addunt; pro leuibus causis, quæ parū, aut nihil ad Religionis obseruationem faciant, obediētiæ necessitatem iniungunt, vt propter silentij violationem, aut propter tardum ad chorum accessum, aut propter solam vnus laicæ sine licentia manduca-

tionem.

tionem. Hæc enim omnia, & his similia non sunt tanti valoris, ut Religiosi grauitè noceant. Nisi fortè cuiusquam adiunctæ circumstantiæ grauitas aliud persuaferit, aut certè alicuius grauis scandali ratio habeatur. Caueant igitur Prælati, ne in eos illud Ezechielis cap. 34. verè contorqueatur. Cū austeritate imperabitis eis, & cū potentia. Et illud Saluatoris nostri. Imponunt onera grauiā, & importabilia; Matth. 23.

2 Secundum documentum, si lex aliqua obligat transgressorem ad culpam mortalem propter iustam causam præsentem, cessante tali causa, cessat & ipsa obligatio. Exemplo fiet res manifestior; si propter graue scandalum, quod inde verisimiliter timetur, præciperet Prælati sub obligatione ad culpam mortalem, ne aliquis Religiosus accedat ad hortum communem cōuentus, aut ne accedat ad certam secularis hominis domum, aut certam personam non alloquatur, quoties scandali occasio manet, ipsa etiam obligatio ad culpam mortalem perseuerat. Si verò scandali occasio est prorsus ablata, tunc obligatio præcepti ad culpam mortalem erit penitus nulla; etiā si ipse Prælati nō reuocauerit præceptum suum, sed velit subditum adhuc manere eadē obligatione constrictum. Omnis. n. res per quascunque causas nascitur, per easdem dissoluitur. Sublato igitur scandalo, aufertur quoque ipsa obligatio. Id tamen admonendum, non satis esse partialē causam cessare, ut legis obligatio cesset. Exemplum esto. Quamuis quispiam virtutum exercitijs carnem suam spiritui planè subiecerit, ad ecclesiastica tamen ieiunia obseruanda tenetur: quia repressio carnis non est sola causa, propter quam indictum est ab Ecclesia ieiunium; sunt enim & aliæ, ut mentis eleuatio in Deum, augmentum meriti, & præmij, quæ satis sunt ad obligationem ieiunij imponendam.

3 Tertium documentū; lex humana de re graui aliquid statuens obligat transgressore ad culpam mortalem, aut venialem iuxta variā legislatoris voluntatē, quæ ex varijs ipsius legis verbis conijci potest, & nō aliunde, nisi fortè legislator ipse consuli posset, & suam voluntatē voce exprimeret. Quartum documentum ad comprehendenda verba denotantia obligationē ad culpam. Quidquid in iure Canonico statuitur per verbum præcepti, aut æquipollentis præcepto, denotat illius canonis transgressionem esse culpam mortalem. Quod quidem apertè colligitur ex Clem. Exiui de paradiso. §. cū autem. Nam Pontifex eo in loco nō ait, hoc esse peculiare in Regulā fratrum Minorū, quam tunc interpretatur: sed ad illius interpretationem, præsupponit tanquam ex iure manifestum, verba significantia præceptum, & verba illis æquipollentia, habere vim exprimendi obligationem ad culpam mortalem: quamuis autem in iure Canonico ita se res habeat, non ta-

men inferendum est, idem in omnibus alijs statutis necessariò intelligendum. Nam, & in lege diuina multa sub verbo præcepti conscribuntur, quæ tamen non ad mortale, sed ad veniale duntaxat obligant. Verba igitur præcepti sunt, præcipio, mando, iubeo, prohibeo, inhihero, veto, interdico. Verba æquipollentia præcepto sunt, debeant, teneantur necessariò, necesse est, non licet, non potest: vel si hæc verba adderentur, videlicet in virtute sanctæ obedientiæ, aut sub interminatione gehennæ, apertissimè declararetur obligatio ad culpam mortalem. Verba autem imperatiui modi nequaquã præcepto æquipollent, quidquid Panor. in cap. vestra. de cohabitatione cler. &c. senserit. Siquidẽ, & magna esset præceptorum congeries, & consilia Euangelica præceptis æquipollerent. Quoniam sub imperandi forma proferuntur. Præterea hoc verbum oportet, non semper eandem ostendit obligationẽ; Aliquando nanq; dicit necessitatem præcepti, vt in cap. 1. de præscriptio. lib. 6. aliquando dicit solam rationis congruentiam, & honestatẽ, vt in cap. 1. 25. quæst. 1. Idcirco nec præcepto æquipollere censetur. Quintum documentum; si verba talia sunt, quæ apertè non indicent præceptũ, nec æquipolleant verbis præceptiuis, qualia sunt ista, decernimus, statuimus, ordinamus, volumus, sancimus. Tunc diligẽter aduertendum est, an pœna aliqua illic statuatur cõtra trãsgressores: quæ si talis est, qualis non nisi pro peccato mortali infligi potest, ex illa pœna adiuncta, conuincitur intentione legislatoris fuisse obligare transgressorem ad culpam mortalem. Pœnæ huiusmodi sunt excommunicatio, degradatio, priuatio ecclesiasticæ sepulturæ, mors, carcer perpetuus, confiscatio omnium bonorum, infamia. De irregularitate verò, & suspitione dubia res esse videtur, quòd illæ aliquando pro sola veniali culpa, aliquando sine vlla culpa imponuntur. Consule hac in re Alphonsum Castrum eruditissimum virum lib. 1. de potestate legis pœnalis cap. 5.

- 4 Ex omnibus superioribus faciliè cognoscemus præstantem Augustinianæ Regulæ rectitudinem, maxime verò si quam pulchris qualitatibus exornetur, didicerimus, iuxta Isydori amussim exactani, qua optima cuiusque Regulæ bonitas ponderatur: ait ergo Isidorus lib. 5. Ethim. cap. 3. lex religioni congruat, disciplinæ conueniat, salutis proficiat. Prima igitur bonæ legis conditio ad legem spectat æternam, quæ fons est totius rectitudinis: idcirco eam religioni congruere necesse est; nempe qua Deus colitur, qui primus statuendus est finis nostrarum actionum. Hoc. n. ipsum, & Plato lib. 1. de legibus, agnouit. Regula autem Augustiniana nihil est aliud profectò, quàm lex, & præscripta forma, quæ humanas actiones in debitum finem beatitudinis

titudinis cœlestis dicit; & præterea mensura, & regula ad exemplar æternæ, naturalisq; legis posita; est etiam in Dei cultu exercendo maximè occupata. Secunda bonæ legis conditio est in ordine ad naturalem legem, quæ alterum est eius exemplar. Ob idq; disciplinæ omnino conueniens. Disciplina. n. (vt Plato secundo dialogo de legibus docet) est puerorum educatio, morumq; nostrorum institutio: idem ergo est disciplinæ conuenire, quod regulam esse moribus componendis appositam. Quæ quidem disciplina tradenda hominibus est secundum eorum naturam. Iam verò quàm vigilans sit bonorum morum præceptrix Augustini Regula, omnibus exploratum est. Tertia legis rectæ conditio est respectu finis, vt lex salutis, incolumitatiq; hominū proficiat. Vocatur. n. hic salus optima animi dispositio, qua ab ingruentibus affectionibus, & prauis moribus, qui nostræ sunt calamitates, præseruamur incolumes. Est autē Augustini Regula vniuersis animæ morbis curandis antidotus vtilissima.

5 Præter has verò iustæ legis conditiones, alias quoq; Isidorus tradidit lib. 5. Ethim. cap. 21. quæ referuntur, dist. 5. cap. erit autem. Erit, inquit, lex honesta, iusta, possibilis, secundum naturam, secundum patriæ consuetudinem, loco, temporiq; conueniens, necessaria, vtilis, manifesta quoq;, ne aliquid propter obscuritatem in captione contingat, nullo priuato commodo, sed pro communi ciuium vtilitate conscripta. Ex quibus tamen omnibus eas duntaxat excerpemus, quæ nostro negotio aptius conuenerint. Honestas igitur ea lex esse dicetur, quæ turpis non est, quæ nimirum oculos, & aures non offendit. Quales erant apud miseros illos Ethnicos ritus, & leges suorum templorum, vt lex Bacchanaliorum, quæ & crapula, & obscena hominū nuditate celebrabantur. Item lex iusta, & possibilis sit oportet. In tribus enim humana disciplina posita est; primum vt rationi sit exequata, eius in cunctis lineam tenens; in quo ratio iustitiæ consistit. Deinde humana disciplina in hoc consistit, quod sit in nostra facultate, more, & vsu, legum præscripta sequi. Hoc ergo est, quod ait, possibilis secundum naturam, hoc est secundum conditionem eorum, quibus lex imponitur. Possibilitas. n. legis ex ciuium ingenio, conditione, & qualitate sumenda est. Hanc etenim Isidorus naturam vocat. Non enim pueris, & ætate nondum firmis, seniouè confectis eadem iuberi exercitia conuenit, & laborum grauamina, quæ alijs firmioribus, & validioribus rectè iniungi possunt; neq; tot ieiunia, aut spiritualia officia sunt lege à secularibus exigenda, quot à viris religiosis exquiri possunt.

6 Nonnullæ verò ex reliquis conditionibus recitatis ad hominum salutem spectant. Debet. n. lex homines & à malo retrahere, & in bonū

promouere. Ob idq; sit lex necessaria, videlicet ad cauendum incommoda, & nocumenta, quibus peruertimur. Velis autem erit, si in bonum promoueat. Legum autem necessitati, & vtilitati plurimum obest ipsarum multitudo, qua subditi obruuntur. Sufficiant ergo quæ penitus sunt necessariae; nam ipsa multitudo fit statim impossibilis. Postea etiam confestim leges redduntur quasi aranearum telæ, quibus muscæ irretiuntur, non leones. Legum enim immodica congeries hoc vnum præstat, vt boni, & mites; qui tot legibus non indigent, circumspecti viuant; peruiaces autem, & indomiti plures leges habeant, quas pessudent ad suas explendas libidines. Hæ profectò bonarum legum conditiones mirum in modum Augustini Regulæ quadrant, quæ nusquam non modestiam, mediocritatem, prudentiam, & rectitudinem obseruat.

7. Illud etiam hoc loco enucleandum, cur videlicet hoc sacri Augustini opusculum Regula nuncupetur? Qua in re Hugo de S. Victore in suo cōmentariolo in hanc Regulam, qui sæpè à nobis citandus est, sic proloquitur. Hæc præcepta, quæ subscripta sunt, ideò Regula appellantur, quòd in eis nobis rectè viuendi norma exprimitur. Regula autem dicitur, eo quòd rectè regat, vel rectè doceat. Et quod nos Regulam dicimus, Græci canonem appellat. Hinc etiam Græco nomine Canonici, idest Regulares appellati sunt hi, qui in Monasterijs constituti, iuxta regularia præcepta sanctorum Patrum Canonicè, atque Apostolicè viuunt. Hos quidem tanquam charissimos. fratres in hoc opusculo alloquitur, & summo studio instruit Augustinus. Regula etiã dicitur norma, qua lineæ diriguntur, quasi mensurâ regens; per translationem verò dicitur brevis rerum præceptio. Eandem rem perdoctè explicat magister Humbertus in exordio suarum enarrationum huius opusculi, qui etiam crebro à nobis in medium adducetur. Regula, inquit, bifariam dicitur, vel à rectitudine, qualis illa est, quæ vtuntur scriptores, lignarij, & cementarij. Dicitur etiam à regendo, vt in traditione scientiarum; iuxta priorem quidem significationem, siue derivationem, hæc regula distortas, tortuosasq; hominum vitas dirigit; gibbi quoque superbiæ, atque superfluitatibus per ipsam complanantur; quin & homines quadrati efficiuntur lapides ob virtutū culturā, ædificioq; cœlesti aptissimi fiunt, & iuxta cementariorum artem diuersi, multiq; in vnum ædificium coniunguntur, & coeunt. Lineæ quoque scripturarū, idest mores, actionesq; nostræ rectissime fiunt, si Regulæ Augustinianæ rectitudinem secuti fuerimus. Demum iuxta scientiarum methodum egregias, certasq; viuendi sanctiones nos hic habemus, quas ante oculos nobis semper proponamus. Eadem Regulæ

ethymologia docetur in cap. Canō, & in cap. Regula. dist. 3. Nā & ius Ecclesiasticū appellatur Canonicum. Vnde ius canonicum, ius regulare nō ineptè dixeris: quam denominationē ex eo accepit, quod ex regulis priscorum Patrum ad rectam viuendi normam institutis deductum fuerit. Est nanque ius canonicum, quod ciuium actiones ad finē æternæ beatitudinis dirigit. Hæc de ethymologia, nō tationēq; Regulæ dicta sint. Sed iam textum ipsum aggrediamur.

De charitate Dei, & proximi. Cap. j.

¶ ANTE omnia fratres charissimi diligatur Deus, dein de proximus: quia ista præcepta sunt principaliter nobis data. Hæc sunt, quæ vt obseruetis, præcipimus in monasterio constituti.

ENARRATIO TEXTVS.



VENADMODVM in amœnissimis pratis, sic & in hæc Augustiniana Regula multos, & varios video lectionis flores, & amplum rosarium; multas verò violas, nec pauciora lilia, sed & varium vbique, & copiosum spiritus fructum disseminatum, & multam odoris suauitatem. Imò verò non tantummodo pratum, verum & paradysus est diuina hæc institutio: non. n. fragrantiam solum nudam habent eius flores; sed & fructum, qui animam nutrire possit. Porro qui metallorum terram excoquunt, postquam in caminum ipsam iniecerint, non tantum auri massas tollunt, sed & paruas bracteolas multa cū sedulitate colligunt. Quoniam igitur, & nos aurū Augustinianis haustum metallis excoquimus, nō in fornacem iaciētes, sed in animæ nostræ cogitationes immittentes; non flammam accendentes, sed ignē spiritus excitantes, & paruas micæ cum diligentia colligamus. Si etenim breuis est Regula, sed multa virtus. Quoniam & gemmæ nō in corporis mole, sed naturæ pulchritudine pretium habent, sic & Augustinianæ institutiones. Secularis doctrina multas iactans nugas, & multa detinens auditores loquacitate, vacuis remittit manibus, nullum neque magnum, neque paruum lucratos emolumentum. Hæc autem proposita Regula, non huiusmodi, sed in contrarium tota, per modica verba omnibus aduertentibus disciplinam affert. Quin, &

multis fortè verbum vnū sufficiet hinc excerptisse, vt totius vitæ inī-
tium habeant. Postquā igitur tanta adest copia, nos ipsos excite-
mus, & vigili mente quæ dicuntur, suscipiamus. Ad magnam. n. pro-
funditatem sermonem dimittere paramus.

2 Præstātissimus noster institutor, sacer Augustinus felicissimū, au-
spicatissimūq; sumpsit exordium ab ipsis Dei præceptis, ea statim
in operis frontispicio nobis proponens. Intelligens sanè mandata
Dei præmittenda esse mandatis hominum. Quin potius in præceptis
diuinis vniuersas alias præceptiones, institutionesq; fundari, atq; su-
perstrui, maxime necesse est. Alioqui. n. sicca, sterilesq; esse depre-
henduntur. Quoniam verò plenitudo legis est dilectio, charitasq; in
Deum, & proximum, singula Dei præcepta, prolixitatē euitans, nō
enumerauit, sed ea duo duntaxat huc contulit, in quibus vniuersa lex
pendet, atq; Prophetæ. Est etiā & altera ratio, quod quauis vna-
quæque Religio nihil sit aliud, quā præclara quædam virtutū, atq;
perfectionis schola; est tamen altera prior veræ scientiæ, veræq; pie-
tatis celebris schola, nempè mandatorum diuinorum obseruatio. In
qua quidem optimus quisq; Religiosus ante omnia, principaliq; pri-
mario, & accurato studio instruendus, erudiendus, ac exercitandus est.
Omnis quidem homo natura scire desiderat, nec te à communi na-
scentium lege alienum esse puto. Si ergo in perdiscendis alijs scien-
tijs plurimum olei insumere, ingentes libros versare, noctes insomnes
ducere non recusas, hanc etiā certissimam veræ scientiæ mandato-
rum Dei scholam intrepidus ingredere. Futurum est. n. vt sapientis-
simus euādas. Rex ille Dauid ab hac mandatorum Dei schola erudi-
tissimus prodijt psal. 118. dicens; Super inimicos meos prudentē me
fecisti mandato tuo; quia in æternum mihi est. Super omnes docen-
tes me intellexi, quia testimonia tua meditatio mea est. Super senes
intellexi, quia mādāta tua exquisiui. Hanc dico ob causam: quia stu-
dium in volumine legis diuinæ, sedulò meditando in mandatis Dei, &
perquirēdo, quæ sit voluntas eius bona, beneplacens, & perfectā, da-
tus est mihi intellectus veritatis, & scientia vitæ super inimicos meos,
super senes venerādos, quod amplius est super erudita magisteria eo-
rum, qui me docuerant, ne dum super coxtaneos meos. Prælege to-
tum psalmum, planeq; perspicies in ipsis Dei mandatis sitam esse ve-
ram sapientiam, æquitatem, iustitiam, & retributionem multā. Qua-
propter sicut in argento viuo omnia supernatant, solo auro in fundum
subsidente: ita meritò in pectore hominis Christiani cuncta superna-
tare deberent; sola autem meditatio legis diuinæ, eaq; iugis ad imū
fundum descendere. Congruo igitur ordine primo loco ante præce-

pta regularia, Dei vniuersa praecepta compendio comprehensa promulgantur, & proponuntur. Tertia quoq; subdi potest ratio, quod quemadmodum in construenda domo primum locū fundamenta obtinent, quae quidem si firmissima semel iecetis, quidquid superstruxeris, stabile erit: si quoq; in Religionis structura ad verum religiosum conformandum, Dei mandatorū observatio, quasi stabile fundamentum praecipitur, ut reliqua regulae praecepta, & exacte obseruentur, & longo, diuturnoq; tempore consent. Addidit autē August. illud verbum, ut obseruetis, quoniam metuenda est illa sententia. Seruus, qui scit voluntatem domini sui, & non facit, plagis vapulabit multis. Audiamus ergo sacra pij Domini praecepta, simusq; memores eorum ad faciendum ea, Beati sunt. n. qui Dei verbum audientes, custodiunt illud, Luc. 11.

3 Iure verò hoc loco dubitaueris; An Religiosus transgrediens praeceptum Dei contentum in Regula, ut praeceptum de diligendo Deū, & proximum, grauius peccare censeatur, quam si in Regula non contineretur, ceteris paribus? Respondet Caiet. 1. 2. q. 186. art. 9. cuius sententiam amplectimur, quod praecepta Dei, vel iuris naturalis, si in Regula statuuntur seruanda, tenetur professor illius Regulae, ex duplici capite illa seruare, scilicet ex diuino iure; & ex sua regula; non. n. absurdum existimandum est, à iure praeceptum, iterum praecepti ab alio iure, vel iudice, ut si ieiunia Ecclesiae, rursus in Regula iniungantur. Nec propterea tamen omnia praecepta diuina in Regula contenta, iudicanda sunt cadere sub praecepto Regulae. Fieri enim potest, ut tantum sub simplici statuto Regulae cadant vim praecepti alioqui non habentia. At verò quamuis sub praecepto Regulae cadere fateamur, propterea nō. erit duplex peccatū, aut alterius speciei circumstantiam habens, sed erit grauius peccatum, quoniam peccati species ex parte praeceptorum non attenditur.

4 Praestans ille magister Hugo de S. Victore lib. 4. de anima cap. 13. tom. 2. erudite quidem de charitate differit, docens nos, extinguendā prius esse cupiditatem, si recte velimus amplecti charitatem. Sicut. n. radix omnium malorum cupiditas est, ita radix bonorum est charitas. Totam magnitudinem diuinorum eloquiorum secura possidet charitas, qua Deum, & proximum diligimus. Si non vacat omnes paginas sanctarum scripturarum perscrutari, omnia inuolucra sermonum euoluere, omnia sacrarum litterarum secreta penetrare; tene charitatem, vnde omnia pendent. Sic fiet, ut teneas, quod ibi didicisti, tenebis etiam quod non didicisti: ille namq; tenet quod patet, quodq; latet in diuinis sermonibus, qui charitatē seruat in moribus, sine cha-

ritate diues pauper est; & in ea pauper, diues. Charitas in duris perferendis est fortis; in bonis operibus hilaris; in temptationibus tutissima; in hospitalitate latissima. Inter veros fratres laxissima; inter falsos patientissima. Summa Apostolica doctrina hæc est, vt nemini quicquam debeamus, nisi vt inuicem diligamus, ad Rom. 13. Charitas sic complectitur omnes amicos, vt etiam dilatetur vsque ad inimicos. Illos oblectet, vt ex amicis non efficiantur inimici, illos inuitet, vt fiant ex inimicis amici. Sed quisnam poterit charitatis praeconium congruis sermonibus explicare? Quæ nec in cælis est sola, nec in terra remanet destituta, in terra habet contubernium amicorum, in cælo consortium possidet angelorum; laborat in mundo, requiescit in Deo. Extat etiam exiguus eiusdem authoris libellus tom. 2. de laude charitatis, qui te mira animi delectatione afficiet.

De diligendo Deum. Consideratio I.



CHARITATIS præceptum erga Deum, & proximum à Christo præceptore nostro Matth. 22. cap. edoctum est, dum ait; Diliges dominum Deum tuum ex toto corde tuo, & in tota anima tua. Hoc est maximum, & primum mandatum. Secundum autem simile est huic; Diliges proximum tuum, sicut te ipsum; id ipsum ab Augustino in fronte prolatum est. At quonam pacto charitatem assequi, & legitime præstare possimus, à nobis nunc edisserendum est, prius verò de charitate in Deum. Sanè quæ ad Deum charitas est, ea non tantum in doctrinæ præceptis est posita. Neque enim aut luce gaudere, aut vitam diligere, aut eos charos habere, à quibus geniti, educatiue sumus, à quoquam didicimus. Sed simul atque constitit homo, insita ei naturalis quædã rationis est vis, quæ in seipsa amandi necessitudinis initia continet. Quæ ubi schola diuinorum præceptorum exceperit, & diligenter excolere, & scienter alere, & Dei munere ad maturitatem vsque perducere cõsuevit. Quamobrem dabimus operam, vt intus occultam in nobis diuini amoris scintillam, Deo duce, excitemus.

Ceterum prius te magna memis solertia præ nosse paucis oportet, quis, quantusq; ille sit Deus, qui tantopere tibi diligendus proponitur. Creatur quidem ipse omnia, hæc q; ante oculos nostros apposit, vimq; ea cognoscendi nobis elargitus est, vt æternum, & incomparabilem esse illum, qui hæc condidit, planè intelligeremus. Totus itaque mundus est tanquam liber quidam, in quo diuinam potentiam, sapientiam, & bonitatem agnoscas. Potentiam, nam nemo alius tanta facere potest; sapientiam, quia omnia mira varietate disposita sunt; & non

inuenies in eo toto, vnā rem per omnia alteri similem. Bonitatem, quia nihil sua vtilitate caret, etiā venenosa, & quæ nobis inutilia videntur, vidit. n. Deus cuncta quæ fecit, & erant valde bona, Gen. 1. Discito igitur ex situ, pulchritudine, magnitudine, celsitudine, longitudine, duratione, & eiusmodi rebus, vt adores eum, ac confidas, diligas, timeas eum, qui talia, tantaq; finxit. Et si in his creaturis aliquem defectum deprehenderis, discas id Deum permisisse, ne in creaturis hærerēs, oblitus tui creatoris. Sic etiā in hoc libro legerunt sancti, qui per fidem viderunt, aprata esse secula per Deum, & per ipsum gubernari, sic psal. 103. Beneficia, pluuiz, tēpora fructifera, testimonia sunt, quibus Deus se etiā malis reuelat, & ad se vocat. Hic beneficentissimus Deus à te vehementissimo animi ardore amandus est.

- 3 Prima itaque ratio, qua nostra sponte ad Deum diligendum impellimur, hæc est, quod rerum pulchrarum natura appetentes sumus. Itē sponte nostra, quidquid necessitudine aliqua, propinquitatēq; coniunctum nobis est diligere; & ijs, quicunque bene de nobis meriti sunt, charitatem omnem præstare consueuimus sine præuia doctrina. Verū quid est, quæso; pulchritudine diuina admirabilius? Quæ notio Dei maiestate excogitari gratiosior potest? Quod desiderium quis secum comminisci queat, cuiusmodi est illud, quod animæ vitij omnibus perpurgat, diuinitus ingeneratur? Adedū vehemens, adedū magnum? Quæ verè, sincereq; dicere illud Canticorum 3. possit, vulnerata charitate, ego sum. Inexplicabiles prorsus, nec vlli pro dignitate enarrabiles, quæ è fulgurātissimo fonte illo diuinæ pulchritudinis intermicant, ac prosiliunt fulgetræ. Nulla eas oratio dignè representet, nullus percipiat auditus, licet luciferi prænitidum iubar, licet lunæ splendorem, licet solis radiantissimam claritatem dicas, obscura ista sunt, si cū eius fulgore cōparentur; vt nullius prorsus pretij, si horū similitudine gloriā illā velis exprimere plusq; à vera luce distant, si cum ea conferantur, quā distet profunda nox, & cæcæ noctis tenebre à clarissima luce meridiana. Tantę istius pulchritudinis dignitatem nemini licet corporis oculis contemplari. Siquidem animo tantū, & cogitatione vtcunque apprehenditur. Ea si quando sanctorum virorum quēpiam circumfulsit, intollerabilem illorum in animis desiderij aculeum reliquit; quippe qui, cū vehementer eos vitæ huius tederet, in voces illas erumpere soliti essent: Hei mihi, quia incolatus meus prolongatus est, & quando veniam, & apparebo ante faciem Dei? Et dissolui, & esse cū Christo longè melius est; vehementer. n. vitam hanc veluti tetrum quēdā carcerem abhorrebant, quorum mētes Dei amor perstrinxerat. Sic igitur, ducē natura hominum

animi ad rerum pulchrarum expeditionem excitantur. Quamobrem charitate erga Deum carere malum est, malorum omnium longe grauissimum. Est enim alienatio a Deo, auersioq;

4 Secunda ratio, quod si ipsi etiam, qui geniti sunt, naturalis erga suos progenitores charitas inest, quam & bruta in matres habere animaduertimus, ne id committere velimus nos, ut bruta animantia immunitate antecedere videamur: qui & alieno a nostro conditore animo sumus, ac voluntate, nullaq; in illum charitate propensi, vel ob id vnum certe quod is est, qui nos procreauit, mirabiliter diligere, & charitate summa complecti deberemus, perpetuoq; de eius memoria non fecus pendere, quam de parentum suorum memoria teneri infantes soleant.

5 Tertia ratio, inter eos autem, ad quos diligendos natura incitatur, is praestat, qui bene etiam de nobis meritis est. Atque haec animi affectio non hominum peculiaris est solum, verum etiam cum omnibus fere animantibus communis est, ut eos diligant, a quibus beneficium acceperunt. Cognouit enim, inquit Isaia cap. i. bos possessorem suum, & asinus praesepe domini sui. Nolim autem id dictum esse de nobis, quod sequitur, Israel autem me non cognouit, & populus me non intellexit. Nam de cane, alijsq; animalibus quid attinet commemorare, quam insignem benevolentiam declarent, & gratitudinem in eos, a quibus ipsis alimenta praebentur? Quanam autem obsecro, inueniri orationis facultas potest, quae data nobis a Deo beneficia digne fatis queat explicare? Quae quidem numero adeo sunt multa, ut numeri vim omnem effugiant: propter vnumquodque etiam illorum, illius voluntati obsequi deberemus. Ac nimirum hoc loco missa cetera faciam, nulla sit igitur mentio solis exortuum, missae fiant lunae conuersiones, aeris multiplex contemperatio, quattuor temporum vicissitudines, aquarum cum coelestes, cum etiam terrestres, mare ipsum una cum vniuersa tellure, terrestria, aquatiliaq; animantia, nihil de tot volucrum generibus dicatur, taceantur innumerabiles inter se animalium differentiae, quid quod haec omnia in famulitium, obsequiumue hominis ordine decentissimo condita sunt? Illud quidem praetermitti non potest, etiam si maxime velimus, quod cum ad imaginem, ac similitudinem suam hominem Deus procreasset, eiq; honorem illum habuisset, ut se ipsi noscendum tradidisset, ac rationis participem effectum mirabiliter vnum praeter ceteris animantibus honestasset, eamq; esset facultatem largitus qua se rerum pulchritudine, quae in paradiso esset intuenda, cum iocunditate oblectaret, eorumq; omnium, quae in terris cernerentur, imperium detulisset, postea serpentis fraude delusum neutiquam neglexit, sed angelos custodiae causa adhibuit, Prophetas ad vitia reprehendenda, ac ma-

gisterium,

gisterium, & doctrinam virtutis misit. Nos tamen nihilominus obstinati, eius imperio obsequi recusamus: diuina tamen bonitas neutiquam nos destituere potuit. Sed contra reuocati sumus à morte ad vitam ab ipso domino nostro Iesu Christo.

6. Quarta ratio; qua quidem in re auget miraculi magnitudinem beneficii modus. Siquidem cum in forma Dei esset, non rapinam arbitratus est esse se æqualem Deo, sed semetipsum exinaniuit formam serui accipiens, infirmitates nostras tulit, languores portauit, & pro nobis vulneratus est, ut nos liuore eius sanaremur, ignominiosissimam mortem sustinuit, ut nos ad gloriosam denuo vitam reuocaret, locaq; in quibus perpetua frueremur quiete præparauit.

7. Quinta ratio: porro ipse adeo bonus est, ut neque gratiam sibi pro his ullam referri postulet, sed satis habet, si pro ijs, quæ largitus est, à nobis modo diligatur, quæ omnia quodocunque mecum ipse considero, terribilis me quidam cum mentis consternatione horror inuadit, metuentem videlicet, ne si aliud agendo in rebus futilibus, ac vanis animum occupauero, à Dei charitate deiectus, Christo dedecori sim. Demon. n. ipse omni conatu efficere studet, ut datorum nobis à Deo beneficiorum, Deiq; ipsius memoriam ex animis nostris reuelat; is post hanc vitam contemptionem domini nostram contumeliosè exprobrabit, & aduersus nos gloriabitur. quod cum nos ipse, neque crearit, neq; pro nobis mortem subierit, sibi tamen spretis Dei præceptis, obsequentes habuerit.

8. Sed tandem in Dei amore discendo, exercendoq; & consulamus, & audiamus sponsam Cantic. 2. diuino amore captam. Est. n. huius artis doctrix eruditissima. Fulcite, inquit, me floribus, stipate me malis, quia amore langueo. Cōtingit profectò interdū, amātes præ amoris excessu tā grauius languere, ut neq; cibū, neq; potum valeant sumere, penitusq; macie conficiantur, atque contabescant. Cuius rei exemplū in lib. 2. Reg. ca. 13. de Amnon primogenito regis Dauid legimus! Qui Thamar sororē fratris sui Absalon, vsque adeo deperibat, ut per singulos dies attenuaretur macie, magisq; ac magis indies in semetipso contabesceret. Nonnunquam etiam subita huiusmodi passione afficiuntur amātes, vi ipsa amoris ad intima vsque cordis penetrāte, ut quasi exanimis sine vitæ indicio remanere videantur. Quemadmodum ij, qui vel præ frigore nimio, vel præ fatigationis excessu, animi deliquium pati solent. Cum autem sic viribus sensuum; membrorumq; officijs destitui amantes cœperint, mox accurrentes qui circumstant, odorifera quælibet poma, vel aromata naribus applicant, oriq; si possunt, imponunt. Aromaticis etiam liquoribus, & vnguentis faciem,

ciem, membraq; perfundunt; & confricant, vt vires conseruentur, aut certe redeant, quæ abire iam cœperant.

- 9 Hinc sumpta comparatione ex eo, quod in amore carnali ad sensû euenire nonnunquam cernitur, sponsa ad exprimendum singularem sui amoris affectum, & excessum, languere se dicit amore, atque ob hoc, quasi à circumstantibus puellis, & pedissequis postulat fulciri, siue confirmari odoriferis floribus, odoriferisq; pomis stipari, circumdari, & sustentari, vt eorum odore recreata sustentetur, ne prorsus à sensu, & vita fiat aliena. Languor autem iste, cuius hic sponsa meminit, tunc in anima fideli inuenitur, quando sic tota in sponsi amorem fertur, & quasi liquefacta resoluitur, vt sui prorsus oblita, quid de se agatur nesciat, & ad omnia, quæ hic inferne aguntur, quasi stupida, & insensibilis iaceat, vt nec videre aliud possit, aut velit, nec audire, nec gustare, nisi suû dilectû: ita vt cû Apost. dicat ad Gal. 2. Viuo aut iam non ego, viuit verò in me Christus. Qui etiam languor amoris per liquefactionem animæ videtur significari, dicente eadē hac sponsa Cāt. 3. anima mea liquefacta est statim, vt dilectus loquutus est. Solent. n. huiusmodi passionem tunc maximè sentire sponsæ, cû post longam absentiam, & vehemens desiderium, aspectum vident, aut vocem audiunt sponsi præsentis. Per flores autem, & mala, quibus sponsa nostra fulciri debet, & stipari, cû languet amore, rectè odorifera illa, saluberrimaq; dicta, & facta domini nostri Saluatoris intelligimus: vt ipsius verba mellitissima floribus, facta autem, & opera præclara fructibus comparemus. His. n. floribus, ac fructibus, in suo languore sponsa fidelis anima fulcitur, stipatur, reficitur, sustentatur, & roboratur, ne prorsus deficiat. Vix. n. seipsam ferret tantæ moræ impatiens, desiderioq; nimio fatigata, facile deficeret, si nō interim suauissimis sponsi sui eloquijs, & actionibus consolaretur, quorum attentâ meditatione, assiduaq; & profunda recogitatione semetipsam pascit interim, & sustentat, donec tēpus adueniat, vt facie ad faciem eû videat, & ore ad os eundem alloquatur; quemadmodum sponsa dum amore sponsi absentis languet, illius verbis, & promissis, litterisq; & munusculis, quæ apud se tenet, interim se consolatur, quasi fastidium redimens, & tempus fallens, donec ipsius fruatur præsentia.

- 10 Sed ad præceptæ dilectionis verba, nostra redeat oratio; hoc sanè est mandatum maximum, & omnium primum; Diliges dominum Deum tuum ex toto corde tuo, ex tota anima tua, & ex tota mente tua, & tota fortitudine tua: videlicet ex toto affectu voluntatis, ex toto intellectu, & cognitione animæ, ex tota mentis intentione, & ex omnibus corporis, animæq; viribus. Hoc est mandatum omnium primum,

num, & maximum; quo maius dari non potest; quoniam quidem totum completitur, quod Deo homo debet, & omnem hominis erga Deum dispositionem tradit: neque aliud mandatum est, cuius observatio zquè hominem Deo gratum faciat; aut cui deceat amplius intendere.

- 11 Vbi Christus verba dilectionis Dei satis abundè multiplicauit, atq; diffusè explicuit, ne nesciamus Deum esse plusquā nos, & super omnia diligendum. Est. n. nostræ salutis stabile fundamentum, sine quo irruentibus tentationū vētis tota spiritualis superædificatio nostra corrueret. Est, inquam, ille, sine quo vita in nobis non consisteret, & ad quem omnia quæ agimus, referri debent. Nobis minimum sit; varijs linguarum generibus nos loqui prophetare, arcana scripturarum mysteria nosse, & tanta magnitudine fidei valere, vt montes è loco dimoueamus, & alio trāseramus, vel nostras facultates in vsus pauperū distribuamus; hæc. n. omnia, & istis similia, si præcepto dilectionis Dei cōparata fuerint, haberi debēt quædā minima. Idcirco Apost. 1. ad Cor. 13. His omnibus enumeratis ait; Si charitatem non habuerō, nihil sum. Itaque præceptum dilectionis Dei omnibus alijs præponamus, quia nobis secum afferet peccatorum remissionem; nam Magdalenz remittuntur peccata multa, quoniam dilexit multum; itē conferet sanctificationem; corda quoq; nostra, vt boni operis fructus Deo gratos ferre valeant, disponet.

- 12 Vult. n. Deus per nos multo magis diligī, quā timeri; vnde, perfecta charitas foras timorem pellit. Deniq; seruorum est dominū timere, & filiorum patrem diligere. Rursus timor sub necessitate præcepti seruos includit, sed amor filios in libertate continet. Sed cur nō ames eū, in quo est vita sine morte, sanitas sine infirmitate, pulchritudo sine difformitate, bonorum copia sine paupertate, scientia sine ignorance, honor sine inuidia? Ex istis profectō in vnum deductis, quasi vinculo indissolubili nos cōstrinxit, vt illum amemus, quem etiā ex naturæ instinctu ex eo amare debemus, quod nos prius dilexerit. Nam eramus inimici, quando Deus pater nos tantum dilexit, vt pro nobis redimendis vnicū filium tradidit, vt charitas eius semper esset cordibus nostris impressa, & tam diu grandesceret, donec perfecta, & absolutè consummata esset: itaque illum tanquā omnium bonorum, quæ habemus, largitorem, pium consolatorem, sollicitum gubernatorem, & æternū glorificatorem diligamus, à quo, per quem, & in quo vniuersa, quæ ad beatitudinem animæ spectant, constituit: nisi illum dilexerimus, legis mandata non obseruasse conuincemur; in quā Ioan. 14. dicit; Si quis diligit me, mandata mea seruabit.

13 Fortassis tamē à profunda dilectione illius nos remorabūtur quādam aduersa fortuito contingentia; sed ne noceant nobis, in mentem veniet, nos hæc, & maiora promeruisse; & si illa patienter sustinuerimus, in nostrum conuertentur commodum, teste Apost. ad Rom. 8. dicente; Scimus quia diligentibus Deum omnia cooperantur in bonum. Quotquot.n.veræ dilectionis radices habent in diuinum amorem fixas, temptationis tempore à Deo non recedunt, sed contra quoplustentantur, eo ardentius opem illius postulant. Sicut.n.flamma ignis leni vento agitata vim suam exerens, aurū, vel argentū purgat; ita Deus in fornace temptationis probat, quantū cum sui diligunt: aduersa patienter sustinentes, operam non perdent, sed pro mercede laboris coronam vitæ promissam Deum diligentibus percipient. Est sane dilectio creatoris mētibus hominum naturali instinctu insita, quasi quoddam virtutis seminarium. Igitur omnibus alijs præferenda. Interrogator ille pharisæus tantum erat à vera dilectione Dei elōgatus, quantum ortus Solis ab occidente distat, quoniam ex diametro contrariantur amor, & odium, quo ipse totus in necem Christi flagrabat, pessimo liuore commotus, cui quasi tacito dicebat Christus, mundi honores, auri, & argenti pondera, pretiosos vestimentorum ornatus, prædia, possessiones, animalium armenta dilectione Dei postpone, quantū.n.in aliquo præcedentium tu vltra modum occupaberis, tātum à diuino amore elongatus eris, & Deū minus diligere cōuinceris.

14 Oportet militem, si splendida hostium victoria potiri velit, lorica circummuniri, ipsa nanq; lorica sua structura vniuersum corpus, nequid discrimini expositum appareat cooperit. Quæ charitatis, peccatorum multitudinem operientis figuram congruenter præ se ferre videtur. De qua perpulchrè Paulus, ait; State induti lorica iustitiæ. Et iterum; nos qui diei sumus, sobrii, simus, induti lorica fidei, & charitatis. Nam ipsa charitate, ne periclitemur, fulcitur, & contegimur. Vnde beatos illos vocat regius Psaltes; Quorum remissæ sunt iniquitates, & quorum testata sunt peccata: illorum autem testata censentur peccata, quæ charitatis vmbraculo, tanquā lorica, & splendido vestimento, ne in Dei conspectu videantur, operta sunt. In charitate igitur omnes virtutes, omnia dona, omnia charismata, omnia molimina, omnia denique opera, atq; præclara exercitia, vt radij solares in ipsius Solis centro, & diuersæ, ac variæ lineæ in pyramidis cono vniuntur, atque simul coniunguntur: & at ab eodem fonte diuersi passim scaturiunt riuuli, veluti ab eodem Sole diuersi disperguntur radij; non, secus à charitate omnia charismatū dona profluunt, ac proficiscuntur, & vt à corde singula membra vitam desumunt; sic homi-

nis opera charitate virefcunt , fit . n . alioqui ficut æs fonans , aut cymbalum tinniens ; nihil deniq ; eſt .

15 Præter hæc , ipſa charitas dicitur eſſe naturæ durioris , fortioris , adtiorisq ; ad reſiſtendum peccatis , tenebrarumq ; principibus , & illorū conatibus ; quod Canticis atteſtantibus fortis fit vt mors dilectio , & dura ſicut infernus æmulatio ; quodq ; aquæ multæ non potuerint extinguere charitatem ; nec flumina obruent illā , nec flantes venti deſtruent , quibus omnibus tentationes , & ſuggeſtiones ſignificantur , quibus paſſim obluſtatur charitas .

16 Hac Dei charitate Chriſtianus miles conteſtus , Deum ſuper omnia ardentius diligit , illius gloriam , & honorem vigilantius ambit , cuius beneficio omnem intellectum , omnem voluntatem , omnem memoriā , omnem conatum , omnem cogitatum , ſe deniq ; totum illius famulatio dedicat . Illi ad nutum obſequitur , illius mandata exactius obſeruat , imò huius præſidio carceres , vincula , inſuetos agones , quoſcunq ; labores , pericula , ac terribiliffima quantumvis atrocita , imò mortem ipſam omnium terribiliſſimam non modo non formidat , ſed & hæc ipſa ultro plerunque ſubit , nec aridentis fortunæ inſoleſcit flatibus , nec voluptatum titillatione allicitur , nec bonorum diſpendio coſternatur , aut dæmonum inſultibus periclitatur , ſed tanquā miles fortis , ac loriceatus omnium hoſtium conatibus valide obſiſtit .

17 Quid amplius ? Ex afflictionibus agnoſcitur etiam erga nos Dei dilectio . Nam quem diligit dominus , erudit ; flagellat autem omnem filium , quem recipit . Fieri non poteſt , teſte Teophylaſto in epiſtolā ad Hebr . cap . 12 . vt quiſpiam inueniatur dilectus Deo citra afflictiones . Nonne igitur latrones , & fures flagris ceduntur ? Filij ne , & illi ſunt ? Minime gentium ; non . n . dixit , quiſquis flagellatur eſt filius , ſed omnis filius flagris tractatur . Latrones igitur non filiorū inſtar flagellantur , verū vt ſclerati puniuntur . Hinc autem cū prius dixiſſet Salomon Prou . 3 . caſtigat , intulit poſtea flagellat . Vt non veluti ſcleris ultionem , ſed veluti eruditionē , & institutionem intelligas flagellationē filij , quē recipit , quem admittit , hoc eſt quē excipit , quem præ ceteris ſibi vendicat , aſſumit , & uſurpat . Ex quibus quidā putabāt ſeſe à Deo dereliectos , ex ijs oſtendit eis , quod fuerint curæ Deo . Si , inquit , afflictionib . caruiſſetis , nothi fuiſſetis , illegitimiq ; filij , & nō genuini , cui . n . parentum nothorū institutio , & ornatus curæ eſt ; Quia verò aſiliginini , ex his ſupereſt vobis ornatē , atque eleganter viuere , perinde ac iuſti , & filij Dei . Planum eſt autē , & irrefragabile , quod filiis offeratur Deus , atque illorum curam gerat , vt ne vacantes institutione abeant , atque hinc eos hæreditate abdicet . A Deo igitur ten-

tatio-

tationes adducuntur; quòd si à Deo, ad commoditatem omnino nobis cedent. Ipse nanque primo scopo nos tentare videtur, eiq; sic placet ad depositionem, & reiectionem peccatorum; vel ad probationem, & examinationem fidei, plures etiam coronas cum tribuit, tùm permittit. Id verò nos dolore maximo afficere deberet, quod dilectionis defectu multiplicatur iniquitas. Siquidem radix omnium malorum est ipsa charitatis refectio.

De diligendo proximum. Consideratio ij.



QUANDO de charitate in Deum satis iam disputatū est, res ipsa postulat, vt de secundo mandato differatur. Prius tamen quis proximus sit, enodabimus. Quæ à se distincta sunt, & nihilominus sine medio iuncta, illa sibi proxima dicimus, & quidem secundum id, quo sine medio coniuncta existunt. Secundum naturam pinum pino, pirum piro proximam esse constat, etiam si loco quàm longissimè distent. Secundum situm verò pinum pyro proximam fatemur, si proximè illam crescat, etiam si natura sit ab illa, quàm alienissima. Quod te præmonitum volumus, vt incipias animaduertere, primo hominè posse homini proximum esse, non vna tantùm ratione, sed varijs, sed plurib. nempe natura, genè, sanguine, religione, redemptione, felicitate, & gloria. Et alium quidem pluribus, alium verò paucioribus rationibus. Secundo, non dici hic quempiam proximum, quia situ, aut sedibus, aut accidente; sed quia natura adeò est propinquus, vt propinquior esse nequeat: quia si propinquior fieri potuit, non erat utique proximus. Quis igitur meus proximus secundum sensum mandati? Sic quærebat legisperitus à Saluatore. Luc. 10. Cui arguta admodū, & pulcherrima quadam parabola demonstrauit Saluator, omnem hominem omni homini esse proximum. Nam dominus, audita interrogatione legisperiti, mox suspexit, ad modum ingemiscantis, & admirantis ineptiam hominis, quod ipse enutritus in lege, & titulo eruditionis candidatus, velut dubius interrogaret de eo, cuius idiotæ, imò bruta animantia satis exactam notitiam habent. Omne. n. animal diligit sibi simile, & homo proximum suum: idq; instinctu naturæ, etià si nihil vnquàm de lege, vel euangelio audierit. Idcirco ei vltimo loco dixit, vade, & tu fac similiter, hoc est, tu simili modo intellige, reputa, & stima tibi proximum, quemcunque cognoueris hominem esse, illiq; sedulò misericordiam impende, dum in necessitate constitutum videris: etiam si nec genere, nec gente, nec religione, nec amicitia tibi proximus existat, etiam si Arabs, aut Scythia sit. Quod quidem

D. August. lib. de doctr. Christiana cap. 30. luculenter explicuit.

2 His præmonitis B. Greg. tractans illud Ioan. 15. Hoc est præceptum meum, ut diligatis inuicem, lib. 40. mor. hom. 27. ait: Cum omnia sacra colloquia Dominicis plena sint præceptis, quid est, quod de dilectione, quasi de singulari mandato Dominus dicit; Hoc est præceptum meum: nisi quod omne mandatū de sola dilectione est, & omnia vñ præceptū sunt? Ut autem multi arboris rami ex vna radice prodeunt, sic multæ virtutes ex vna charitate generantur. Nec habet aliquid viriditatis ramus boni operis: si non manet in radice charitatis. Præcepta ergo dominica & multa sunt, & vnum: multa per diuersitatem operis, vnum in radice dilectionis. Cui consonat illud August. Omnia quæ præcepit, aut docet scriptura ad nutriendam, & corroborandam charitatem, & ad vincendam, & extinguendam cupiditatem valent, totamq; magnitudinem, & amplitudinem diuinorum eloquiorū possidet charitas, qua Deum, proximumq; diligimus. Nervos itaq; nostros, omnemq; vigilantiam huc intēdere oportet, ut ad diligendū proximum de cordibus nostris, etiam si multum obduratis, excutiamus scintillas quasdam, quibus in amorem proximi inflammemur. Haud secus, atq; strues lignorum accenditur, excusso ex silice igniculo, ferri ictibus. Iam. n. audiuius Christi præceptum, iam verē amicitie nostræ principium cognouimus, nempe in imagine Dei: nam ad eius imaginem, & similitudinem conditi sumus, qua capaces vniuersi sumus æternæ fruitionis in domino.

3 Præter rationes, quibus omnis homo omni homini re vera proximus esse demonstratur, sunt, & aliæ, quibus peculiariter omnis Christianus omni Christiano est proximus, qualibus nec infideles cum fidei, nec infideles inter se conuenire possunt. Sunt autem istę rationes esse membra eiusdem corporis sub eodē capite, habere eundem Deū patrem, eandem Ecclesiam matrē, eundem redemptorem Christū, eundem viuificantem Spiritum Sanctum, eandem fidem, eadem sacramenta, idem pabulum salutis, verbum Dei, eundem aduocatū, & mediatorem, dum peccamus, eandem spem eiusdem vocationis supernæ, dum peregrinamur à domino, ut ex varijs epistolarum Pauli locis colligere licet. Hæc inquam omnia, dum eadem habemus nos Christiani, ut sanē omnium æquē participes esse possimus, an non rectē proximi dicimur? Rectissime igitur, iustissimeq;, ac summis de causis nos inuicem iuxta salubre Christi mandatū vehementi amore prosequi tenebimur.

4 Audi rursus præceptorem nostrum, Christum Iesum Ioan. 13. sic differentem. Mandatum nouum do vobis, ut diligatis inuicem, sicut dilexi

dilexi vos. Iterum Ioannis 15. Hoc est præceptum meum, vt diligatis inuicem, sicut dilexi vos. Admodum serio inculcans hanc præceptionem, velut eximium quid antea non auditum. Nonne in lege veteri id ipsum scriptum erat? Cur igitur nouum appellatur, quod tam vetus esse conuincitur? Ea sanè ratione hoc loco dicitur mandatū charitatis nouum, non quod recens datum sit: sed quia noxia vetustate pulsa, totum hominem innouat, vt sit noua creatura in Deo, & renouetur interior homo de die in diem. Etiam si is, qui foris est, corrumpatur. Et re vera qui afficitur erga proximū suum, quomodo erat affectus erga suos Christus, nouus homo efficitur, nouus intus in corde, nouus foris in conuersatione, totus alius quàm antea erat totus Azimus, totus Christianus, nihil spirans præter spiracula vitæ, nihil querens præter ea, quæ Dei sunt, & aliorum. Sic sanè hunc locum interpretantur Augustinus, atque alij vetustissimi Patres.

5 Aptissimus quoque, & hic alter sensus est, ideò vocari nouum mandatum: quia nunquàm antea datum. Antea quidem præceptum erat; Diliges proximum tuum sicut teipsum: verum à Christo præcipitur, diligite inuicē, sicut dilexi vos. Dilectionis, quæ antea præcipiebatur, exemplar erat dilectio sui ipsi: dilectionis verò per Christum præceptæ exemplar est dilectio, qua Christus dilexit nos. Illa sequitur formam iuris naturalis: quia amabilia quæ sunt ad alterum, naturaliter surgunt ex amicabilibus, quæ sunt ad seipsum secundum philosophos. Ista verò ordinem ingreditur rerum supernaturalium. Nam Christus dilexit nos diuinè affectu plusquàm naturali, vel humano, pui è gratis, purè spiritualiter, purè propter Deum, nostramq; salutē, purè ad omnium, quæ habuit communionem, aliud nihil spectās, quàm vt nos secum vnum faceret cum Deo vt Ioan. 17. non semel repetijt. Præcipit ergo, vt euangelicæ philosophiæ discipuli ita se mutuò diligant, sicut ipse dilexit nos. Vbi dictio. Sicut, non quantitatis, sed similitudinis significationem habet, vt simili modo nos diligamus, nempe diuinè, spiritualiter, gratuito, alijs impendētes, quantum commodæ pro loco, ac tempore, nostrisq; facultatibus possumus.

6 Habet etiam charitas erga proximum sua incrementa, & gradus, quorum primus est; Diligere proximum sicut te ipsum. Secundus, diligere proximum, sicut Christus dilexit nos. Tertius, sic affectum esse amore erga fratres, vt velis omnia tua tam illis, quos diligis, quàm tibi communia esse. Quo gradu cœperunt sese diligere Christiani post datum Spiritum Sanctum Act. 2. & 4. cap. Quem Religiosi imitantur. Quartus, ac supremus charitatis gradus est, ponere animam suam pro fratribus suis, maiorem. n. hac dilectionem nemo habet, quàm vt ani-

mam

nam suam ponat quis pro amicis suis, nam qui impendit Christianę amicis suis, nō solum quod habet quodq; pōt, verū etiā hoc ipsum quod est nimirū animam suā, ac vitam, is profectō summū perfectę dilectionis symbolum exhibuit. Itaque ad diligendum proximū nos Christus impellere volens, hoc certissimū argumentū, quod sui essemus discipuli, designauit, non si stupenda miracula operāremur, sed si nos mutuō diligeremus. Dicens Ioan. 13. In hoc cognoscēt omnes, quod discipuli mei estis, si dilectionem habueritis ad inuicem. Insignem igitur Christianōrum, & discipulorū Christi profectō est, mutus reciprocusq; erga se amor. Hoc sanē in proximum amore seruebat ille domini famulus Moyses, cum Exod. 32. de libro Dei, in quo scriptus erat, deleri se petere non dubitauit, si populo non condonātū esset delictum. Itemq; Paulus ad Rom. 9. apertē optare ausus est, ut ipse pro fratribus suis anathema esset a Christo.

7 Diliges igitur proximum tuū ad formam, & exemplum dilectionis, quā te ipsum diligis, ita videlicet ut omnē hominem quatenus Dei imaginem in se gerit, in Deo, & propter Deum diligas, illiq; bonū æternū ad quod creatus est, ex bono affectu optes, similiter, & bonū virtutis, quo ad illud bonum felicitatis æternę pertingitur, quomodo sibi vnusquisque bona eiusmodi cupit maximē. Item, & bona corporis, & fortunę, quomodo, & quantum pro animę salute proximo cōmoda fuerint, sic illi opes eadem; quemadmodum vnusquisque sibi in ijs cupit salubriter esse prouisum. Deniq; ut proximo facias quicquid tibi fieri velis, & nihil proximo facias, quod tibi nolis fieri. Post primū iam ante narratū præceptum, nō est aliud isto maius. Summatim nō complectitur, quicquid est homini, ut rectē erga proximum se gerat, necessarium in duobus his mandatis, tota lex pendet, & pendunt Prophete omnes. Quęcūque. n. per multa particularia præcepta, exortationesq;, & cōminationes lex docet, atq; Prophete, omnia summatim in his duobus præceptis continentur, & ex eis dependent, atq; elliciantur omnia tāquā ex gemino fonte totius æquitatis, & ex eis sui vigoris robur accipiūt. Omnia namque quibus erga Deū instruitur homines, summatim in priore mandato continentur; quęcūque verō erga proximum instruunt, in posteriore.

8 Sed quis rectius nominari debet noster proximus, benignissimo Iesu in salutem omnium homine factō? Istud nobis ipse reuelauit sub parabola hominis in valle Hierico per latrones vulnerati a sacerdote, & leuica transeuntibus despecti, & a Samaritano, scilicet Christo, generis humani custode diligentissimo benignē cōsolati, ipse est, qui se cēt nobiscum misericordiam suam, quod autem sit Dei, & hominis fi-

lius, est à nobis duplici nomine diligendus, de quo Ioã. cap. 17. ait; Hæc est vita æterna, vt te cognoscant Deum verum, & quem misisti Iesum Christum. Si quis nostrum esset à barbaris captus, & ab eis in vincula coniectus, paulò post ad mortem ducendus, superueniret autem quispiam, eum à manibus inimicorum, seu periculo mortis liberans, nonne illum maximè diligeret? Hoc pro nobis egit Christus. Iterum testatur scriptura nihil esse homini vita sua charius, iuxta illud Matth. 16. Quam dabit homo conmutationem pro anima sua? Christus autem sui corporis vita nos chariores habuit, quia illam posuit redemptionem pro multis, vt pœnam quam meruimus perfolueret, & nos supernæ beatitudinis coheredes institueret. Ideò sub forma hominis imprimis diligendus est, post cuius dilectionem homines cuiuscunque status, & nationis diligamus, quod diuinitatis imago in illis reluceat, & cunctis animantibus præsent. Sicut enim rex in sua imagine vel honoratur, vel contènitur; simili quoque ratione Deus, vel in nomine diligitur, vel spernitur, vnde Ioannes ait? Qui fratrem quem videt, non diligit; Deum quem non videt, quomodo potest diligere? Si tu enim fratrem, quem oculis intueris, & cum quo familiariter conuersaris, non vis amare simile tibi in imagine Dei, eiusdemq; naturæ, atq; essentia secundum corpus, & animam, quam ratione poteris Deum amore prosequi, quæ videlicet videre non potes, cum quo nullam habes familiarem conuersationem, & à quo modis omnibus tam longissimè distas?

Fortassis tamen à dilectione proximi ex eo alienaberis Christi miles, quod cum noueris Deum grauiter offendisse, vel tibi nocummento fuisse. Ceterum ne isto commonearis incommodo, recolito ex doctrina Apostoli, quod Deo inimici eramus, & peccatores grauissimi, quando nos tanto amore persecutus est, vt filium pro nobis in mortem tradiderit; rursus scriptum esse Deum posse ex lapidibus, idest grauissimis peccatoribus Abrahæ filios suscitare; quodq; colores elegantis picturæ, ex eo non despiciuntur, quod sint tenebris operti, & in præsentia tibi non appareant. Cur ergo proximos imagine Dei insignitos, quod hodie conscientias habeant peccatis pollutas, ac deformes, odio habebis? Sicut lumen Solis superueniens, illos colores reddet oculis tuis gratissimos, simili modo Deus peccatores cœlestis gratia lumine iustificatos, tibi manifestabit maximo amore dignissimos. Iterum, nonne alicuius sancti imaginem ex vili materia formatam, aut carbone super parietem cum varijs lineamentis effingiatam, in honorem Sancti, quem representat veneraris? Cur hominem, cum Dei imaginem gerat, non diliges?

Itaque non solum amicus, verum etiam inimicus, etiam nocentissimus

simus diligere debet, dicente scriptura; Diligite inimicos, quoniam hæc est voluntas Dei, in eo legis præcepto manifestata. Sicut. n. auis nisi fuerit duabus alis adiuta, in altum sustolli nequit, nisi homo etiam gemina lampade dilectionis Dei, & proximi ornatus fuerit Deum ex toto corde non diligit, quia utrunque legis præceptum ex eadem radice egresum non obseruabit. Ex eo autem dilectionis mandato multa proximo debemus. Primum, infirmitates spiritus, & corporis illius supporre, iuxta illud Apost. ad Galat. 6. Alter alterius onera portate, & sic adimplebitis legem Dei. Propterea tamen eum in peccatis non foueamus, sed quæ ex infirmitate carnis commiserit peccata, ad tempus dissimulemus, & interea pro virili auxiliū ei prestare studeamus, ut à lacu miserie peccati, tanquam luto secis resurgat. Si verò quidā commiserit non mala ex se, & ignorauerimus, quo animo ab eo facta fuerint, in rebus dubijs iudicium benignitatis habeamus, neque dubia in malam partem distorqueamus, facti exploratores operum proximi ultra modum curiosi. Si autem nouerimus illum in varias tentationes incidisse, & illis succubuisse, nobis persuademus illas fuisse nimis vehementes, quæ si nos apprehendissent, illis succumbere potuissimus. Itaque non simus in proximos subaulteri, sed misericordes.

II Radix quidem omnium malorum est ipsa charitatis penuria, atque defectio. Hinc. n. est, quod alter alteri non reconcilietur, alter alterū non diligit, non miseratur, nulla erga alium tangatur miseratione. Quod & Christus dixit Matth. 24. Quoniam abundabit iniquitas, refrigescet charitas multorum. Quoniam ergo hoc nostro seculo admodum abundans est in terris iniquitas, quoniam scādalis plenus est mundus, multorum charitas quā frigidissima est; quorundam quidem penitus refrigescit, siue extinguitur; aliorum verò licet non penitus extinguatur, attamen vacillat, & obscuratur aliquantulum, multumque periclitatur. Quemadmodum. n. frigus abundans, calorem extinguit, atque expellit, vel certè imminuit; sic iniquitas, quæ est velut quoddam animæ frigus, cum abundauerit, & excreuerit, feruorem charitatis, quæ est velut ignis, & calor quidam, extinguit in nobis, facitque refrigescere. Porro natura nos inter nos ipsa cōglutinant, æquē, ac reliqua animalia. Verū homines parum intelligunt. Vniuersalē quoque oportet esse dilectionē rectam, id quod Teophylactus cōprobat ex eo Pauli loco 2. ad Thes. 1. Quoniam supercrescit fides vestra, & abundat charitas vniuscuiusque vestrum in inuicem. Id est augmentum sumit charitas vestra, qua vos mutua prosequimini dilectione. Non hunc quidem diligebant, illum verò non irē, verū æqualis erat omnium erga omnes dilectio. Quod. n. ait, vniuscuiusque vestrum, atque in

inuicem, hoc significat; Nimirum si diligamus partem, vel aliquos, non est charitas, sed dissensio potius. Si enim Deique causa diligis, omnes diliges; si particulariter diligis, humana est amicitia. Signum itaque perfectæ in Deum charitatis, proximi charitas est: si quis enim dixerit, quoniam diligō Deum, & fratrem suum oderit, mendax est. Recte quidem Paulus ait; Charitas non querit quæ suæ sunt, non æmulatur, non cogitat malum, non gaudet super iniquitate, omnia suffert, omnia credit, omnia sperat, omnia sustinet, non agit perperam, non inflatur, non est ambitiosa, charitas nunquam excidit.

12. Haec autem sublimiori, excellentiori; virtuti quattuor tribuunt geometricas dimensiones, longitudinem, latitudinem, sublimitatem, atque profundum; sic attestante eodem Paulo ad Ephes. 3. In charitate radicati, & fundati, ut possitis comprehendere cum omnibus Sanctis, quæ sit latitudo, longitudo, sublimitas, & profundum, quibus quidem dimensionibus diuersæ charitatis designantur species. Ipsius quidem charitatis longitudinem, nihil aliud dici, ac esse iudicabis; quæ bonorum operum perseverantiam, laborumque, & tribulationum in hoc seculo inuincibilem tolerantiam; charitatis autem latitudinem non solum usque ad amicorum, sed & inimicorum, & eorum, qui te oderunt munificentiam, ac dilectionem protenditur; quæm Paulus significat dicens; os nostrum patet ad vocem, & Corinthij, cor nostrum dilatatum est. Cui concinie regius psalter, latum mandatum tuum nimis. Hanc autem charitatis latitudinem, qui perfectæ charitate plenus est, his verbis abundantius commendat; Bonus pastor animam suam ponit pro ouibus suis. Et quæcunque uni ex minimis his fecistis, mihi fecistis. Et iterum; Diligite inimicos vestros, benefacite his qui oderunt vos, & orate pro persequentibus, & calumniantibus vos; ut sitis filij patris vestri, qui in cælis est. Charitatis verò sublimitatem eam esse intelligimus, qua Deus omnipotens propter se, suamque supereminentem maiestatem, ac supereffluentem bonitatem super omnia modis omnibus, ex toto corde, tota mente, & cunctis viribus à nobis, unice, sæpe colitur, atque diligitur; Hinc autem abditam, occultamque charitatis profunditatem notato ex Luc. 10. Diliges ex toto corde tuo, quid enim profundius, quid inscrutabilius humano corde? At quid interim diligas attende, non enim dicit, Cælum, terram, Solem, Lunam, stellas, vitulos, arietes, serpentes, simulacra gentium, argentum, & aurum, aut opera hominum, vel quiduis infimum vile, ac mutabile amandum deternit. Sed diliges, ait, ex toto corde Deum tuum, qui verissima est, imò ipsamet omnibus supereminens sublimitas. Quid enim excelsius, quid sublimius, quid altius, quid Deo præstantius cogitari potest?

Cuius immensa est, infinita, atq; incomprehensibilis maiestas. Cum autem perstricto sermone dicat Lucas, diliges proximum tuum; effluens charitatis notatur latitudo; cum verò strictim subiungat, sicut teipsum, facile charitatis deprehenditur longitudo. Non.n. suiipsius charitas sine quopiam terminabilis est. Nec carnem suam, aut seipsum quis vnquam odio habuit. Nec est mortalium quisquā, qui æterna felicitàte priuari velit, aut frui recuset. Omnes.n.natura sibi bene esse volunt, quo immensa sui, finemq; nunquam habitura charitatis declaratur longitudo.

De concordia domus. Cap. ij.

¶ Primum propter quod in vnum estis congregati, vt vnanimēs habitetis in domo, & sit vobis anima vna, & cor vnum in Deo.

ENARRATIO.

PRINCIPIO quidem nos hic meminisse conuenit eorum, quæ superius astruximus, hanc videlicet Augustinianam Regulā ad Apostolicæ vitæ exemplar fuisse cōscriptam, ex actionibusq; Apostolorum desumptam: qua ratione Apostolica iure nuncupatur. Primus igitur canon, qui nunc proponitur, Apostolicus est, ac mutuo acceptus ex cap. 4. Act. vbi legimus: multitudinis autem credentiu erat cor vnu, & anima vna. Ad perspicuam huius canonis expositionē, quid cor, quid item anima sit, paucis pertractandum est: Cor, carnea pars corporis animati, vt Phisici docent, est primum sentiendi organum; domicilium vitæ, sedes caloris, fons sanguinis vitalis, homini quidē collocatum intra leuā papillam; ceteris verò animantibus in medio pectore: primum viuere, vltimumq; moritur. Quod quia inter reliquas corporis partes, viuēdi vitæq; sōquēdē primas obtinet: idē voce cordis vāldē metaphorice vtitur scriptura; dum dicit; Laua à malitia cor tuum Hierusalem. Item, in corde eorum scribam legem meam. Idē, auferam cor lapideum de carne vestra, & dabo vobis cor carneū. Quæ quidē metaphora apud Prophetas fræquens est. Est igitur cor in anima affectus rationalis, idest affectus, qui iudicio, & ratione aliqua fertur, quocunq; fertur, qui alio nomine dicitur animus. Quo quidem eligimus, sapimus, conamur, audemus: pertinent autem ad cor ho-

minis desideria, vota, studia, conatus, functiones, ardor, zelus. Huc sensum comprobare videtur S. Th. 2. 2. q. 44. art. 5. videlicet, ut cordis nomine, voluntas ipsa, aut voluntatis actus intelligatur. Nam sicut cor corporale est principium corporalium motuum, ita etiam voluntas, & maxime quantum ad intentionem finis ultimi, est principium omnium spiritualium motuum. Adde, quod cordis nomen frequenter sacre littere pro voluntate usurpant, ut n. 2. corde motionum corporis principium sumitur: ita voluntas reliquas omnes animæ vires moderatur, ac regit. Tria autem sunt principia actuum, quæ mouentur à voluntate intellectus, qui significatur per mentem, vis appetitiva inferior, quæ significatur per animam, & vis executiva exterior, quæ significatur per vires. Alij verò asserunt, cor in sacris litteris summi pro parte animæ superiori, in qua voluntas est, & intellectus. Nec enim cor est, aut volūtas sola, aut mens sola, sed vtrunque simul. Cum n. cor iuxta sacra eloquia intelligat, & diligat, & credat, necessario fit, ut simul & intellectum complectatur, & voluntatē. Est igitur cor pars animæ supera. Nunc porro dicamus de anima, prout rei propositæ conuenit; anima, inquit Arist. est principium vitæ: quidquid n. nobis est sensuum, vitaliumq; operationū, id totum habemus ab anima; quæ migrante è corpore, migrat cum ea tota, & omnis viuendi, agendiq; potestas. Ideoq; accipitur subinde anima pro ipsa vitæ, quæ viuimus, ut Ioan. 12. Qui amat animā suam, hoc est vitam suam, quæ corporaliter viuit, perdet eam.

His præmonitis, propositi loci sensus est, multitudinem Christianorum habuisse idem cor, hoc est eadem desideria, vota, studia, conatus, functiones, ardorem, zelum, atq; affectionem. Item & eandem animam, id est idem vitæ institutum, conformitatem, & perseverantiam. In ea n. congregatione, atque domo, idem est cor, in qua eorum omnium intentio, quæ in Deum referatur, est eadem. Illic est idem intellectus, si Deo subdatur; illic etiam eadem est anima, ubi omnium appetitus secundum Deum regulatur.

Hunc ergo Apostolicum canonem sacer Augustinus hoc loco renouauit, atque etiam locupletauit. Explicans hanc vnanimitatem in domo, id est in monasterio habitantium in Deo esse habendam, atq; colendam: quæ quidem vera sit, non ficta concordia ad operandum bonum, ad sectandam iustitiam, ad Deo inserviendum. Ut simul & corpore, & spiritu cohabitemus. Quid n. attinet, si vna nos domus contineat, disgreget verò diuersa voluntas? Deus n. attentius animi, q̄ loci vnitatem prospicit. Ecce iā in vna domo plures homines sumus; diuersi mores, diuersa corda, diuersæ animæ: hæc verò omnia in vnu

coniungat vna intentio, vnusq; amor in Deum. Facile autē hęc cōmunis concordia obtrinebitur, consouebiturq; , si vnusquisq; sibi persuadeat, vt post monasterij ingressum propria voluntate exuatur, illius vestigia sequens, qui dixit; Non veni facere voluntatem meam. Et iterum; Pater non sicut ego volo, sed sicut tu. Hęc.n.ad conciliandam concordiam certa via est, si vnusquisque in bono non suam, sed alterius voluntatem exequi, & explete velit, id quod eximix humilitatis præclarum iudicium est. Ad hanc capessendam concordiam mirū in modum, membrorū ad caput enucleata similitudine, ad Rom. 12. cap. nos Paulus hortatur, dicens; Odientes malum, adhærentes bono, charitatem fraternitatis inuicem diligētes: honore inuicē præuenientes. Discordiarum seminariū paucis quidem verbis nobis expressit Hugo de S. Victore lib. 1. de claustro animæ cap. 18. tom. 2. Sunt enim nonnulli, qui delicatam, ac voluptuosam esse credunt religionem, expertem laboris, vacantem otio; habitum religionis temere arripiunt, votumq; solenne emittentes, professionis vinculo constringuntur. Cū autem religionis ordinē, consuetudinesq; suæ carni aduersantes nouerint, in hęc verba prorumpunt. Putauimus pondus religionis leuius esse: quis.n.ferat claustri tedium, diuturnitatem silentij, pondus laboris, & cibi parsimoniam? Sanē tria sunt quæ pacem cohabitantiū turbare solent; quando videlicet quispiam ira cōcitatur, aut pro seipso, aut pro amico, aut denique pro cōmodo. Hęc tria repulit Abraham Gen. 13. dum habitaret cum nepote. Primum remouit dicens; Non sit rixa inter me, & te; Secundum cū diceret; Neq; inter pastores meos, & pastores tuos. Tertium reiecit, dum inquit; Tota terra ante te. Hoc est si de me, si de amico, si de possessione dissensio est; omnibus cedo. Si autem moribus non conuenit; discede à me.

4. Iam audiamus ipsum August. suæ Regulæ expositorem tract. 14. in Ioan. Nostis, inquit, quā multi crediderunt, quando omnia, quæ habebant ad pedes Apostolorum vendita posuerunt, vt distribucretur vnicuiq; sicut opus erat: & de illa congregatione sanctorum quid dicit scriptura? erat illis anima vna, & cor vnum in Deum. Charitas.n. de tot animabus fecit animam vnā, & de tot cordibus fecit cor vñ. Multorum ergo fratrum cor vnum, propter charitatem; & multorum fratrum anima vna, propter charitatem. Multæ animæ sunt multorū hominum, sed si se diligunt, vna anima est. Rursus tract. 18. charitas, quā misit hominibus Deus, de multis hominum cordibus fecit cor vnum, & multas hominum animas, fecit animam vnā; sicut de credentibus, seseq; inuicem diligentibus scriptum est in Actibus Apost.

communiohem David dicit. Nam fratres ob hanc ipsa testorum consortia diffidentes videmus: sed nouit esse Apostolus communem, & religiosam domum, dicēs: vt scias quemadmodum te oporteat in domo Dei conuersari. Itaque bonum, & iocundum est in vltum habitare fratres, cum in vnum habitant, conuentum Ecclesie congregant. cum fratres nuncupantur, vnica voluntatis charitate concordēs sunt. Ad primam. n. Apostolorum prædicationem hoc præcipuum fuisse credendum præconium legimus, quod dicitur: Erat. n. omnium credentium cor vnum, & anima vna assensu, eadem voluntate non dissonans fide socia amoris, ac sententiæ vnanimitate perfecta. Hoc est, id ipsum nos sapere, amore eodem contineri, per vnius sensus sententiā vnanimes permanere, non per emulationem separari, neque per inanis gloriæ studium dissidere: non sua sed aliorum cogitare, vt ea quibus alienæ voluntates in concordia detinenda sint, assidue cogitemus.

De concordia boni. Consideratio j.



CONCORDIA auctore S. Thoma 2. q. 29. art. 1. proprie sumpta, est ad alterum, quatenus diuersorum cordium voluntates simul in vnum consensunt conueniunt, & q. 37. art. 1. Concordia ex charitate produciunt, quatenus charitas multorum corda coniungit in aliquid vniū, quod est principaliter quidē bonū diuinū, secundariō autem bonū proximi. Hanc tanē concordiam graphice depinxit B. Greg. lib. 2. 1. Moralium cap. 15. in ea verba Iob: Humerus meus à iunctura sua cadat, & brachium meum cum ossibus suis cōteratur. Liqueat profectō, quod brachium corpori per humerum iungitur. Et sicut per brachiū bona operatio, ita per humerum socialis vitæ coniunctio designatur. Quia nimirum qui patientiā seruare contemnit, socialem vitam citius per impatientiam deserit: à iunctura etenim humerus cadit, cum aduersitatis aliquid ferre animus non valens, fraternam concordiam relinquit, & quasi membrum separatur à corpore, cum is qui operari bona poterat, à bonorū omnium absceinditur vniuersitate. Neque. n. vnquam seruari concordia, nisi per solā patientiam valet. Crebro nāq; in humana actione nascitur, vnde mentes hominū vicissim à sua vnitatē, ac dilectione separentur, & nisi ad aduersa toleranda se animus præparet, proculdubio humerus corpori non inhaeret: hinc vtile tibi documentū desume concordia patientia conseruari, aliqui statim peti- turā, hominesq; discordia dissidentes, quasi mēbra à corpore cadere.

Chrysostomus concordie vim explicat homilia. 34. in Genesim, de rixis pastorum Abrahæ, & Loth agens in ea verba; ecce an non omnis

terra coram te est : Discede à me, si tu ad sinistram, ego ad dexteram ; si tu ad dexteram, ego ad sinistram . Considera optimos mores, & in signem modestiam huius iusti; aucta sunt armenta, multiplicati greges affluerunt diuitiæ multæ, & statim discinditur concordia. Antea erat pax, & charitatis vinculum, nunc rixa, & contentio . Vbi. n. meum, & tuum, illic omne litium genus, & contentionis occasio : vbi autem hæc non sunt, ibi segura versatur pax, & concordia. Et vt discas, audi quid dicat B. Lucas de ijs, qui ab initio ad fidem conuersi sunt. Erat, inquit, omnium cor, & anima vna : non quod vnâ animam habuerint omnes: quomodo. n. cùm in diuersis corporibus fuerint? Sed concordia illorum nobis demonstrat. Iam nisi plurimæ æquanimittatis fuisset iustus ille, successisset forsitan . Secundum hinc accipe documentum, multitudinis concordiam adhibita modestia incolumem perseverare. Rursus idem Chrysostomus inferius homilia. 35. sic ait; Nihil profuit Lotho primatus, & electio. Nā ex hoc non solum nihil utilitatis ei accreuit, sed ecce captius etiā abductus est, & didicit re ipsa, quod multo satius ei fuisset, vt consuetudine iusti, quàm separatim in libertate viuere. Ecce. n. vt diuisus est à iusto, & putabat se in maiori esse rerum vbertate, & copia, repente factus est seruus, carens domo, carens & socio; vt discas, quantum malum sit diuisio, & quantum bonum concordia . Et quod conuenit, non maiora temere capessere, sed potius humilitas diligendâ est. Tulerunt Loth, & sarcinas eius. Quanto melius erat cum Patriarcha viuere, & omnia ferre: ne concordia solueretur; quàm separatim, & electis potioribus, in tanta repente pericula incidere, & in Barbarorum venire potestatem? Hinc discas, concordia maximam utilitatem, quàm humilitas conseruat : vbi. n. concordia, ibi bonorum confluxus, ibi pax, ibi charitas, ibi spiritualis lætitia : nullum bellum, nulla rixa, nusquam inimicitia, & contentio . Sed hæc omnia è medio tolluntur per concordiam, bonorum omnium radicem, quæ omnia illa mala simul repellit . His adiunge, quod authore Augustino, concordia ciuitates construuntur, destruuntur autem discordia: estq; concordia in ciuitate, quod harmonia in musica. Postremò idem Chrysostomus in 2. comment. in Matth. homilia. 26. docet infidelitatem, & iniquitatem concordia frangi. Pax enim bona est inter bonos fideles, & iustos, vt in quibus est vnus fidei munus, vna sit vitæ concordia : Nam fides per verbum quidem Dei nascitur, per pacem autem seruetur, & per charitatem nutritur . Si ergo aliqua dissensione fideles fuerint separati, hæc est mala discordia, sicut ait dominus; Omnis domus in se diuisa, non stabit: sic separata fraternitas à semetipsa consumitur, dicitur Apostolo ad Galat. 5. Si autē inuicem mordetis, & criminamini,

videte

videte ne ab inuicē consumāmini, pax autē mala est inter infideles, & iniquos, vt quib. est vna malitia; sit vnus ad maleficiendum consensus. Si ergo aliqua occasione infideles, & iniqui ab inuicem fuerint separati, hæc est bona discordia: quia in pace bonorum fides, & iustitia stant, infidelitas autem, & iniustitia iacent.

3 Concordia bonorū virorum potentissima est, iuxta illud Prouerb. 18. frater, qui adiuuatur à fratre, quasi ciuitas firma: Vnde sciendum, quod religionem ingrediens, aduersus demonem certamen assumit, nihil autem magis formidare demon agnoscitur, quam charitatis vnitatem, quā vehementer expauescit, videns nos hoc tenere in terris, quod ipse in cœlis seruare contēpsit. Idcirco sanē sancta Ecclesia terribilis esse, vt castrorum acies ordinata describitur, Cant. 6. Quoniā quemadmodum hostes timore concutiuntur, quando castrorum acie bene ordinatam, & ad bellum coniunctam perspiciunt. Ita nimirum diabolus pauore corripitur, quando spirituales viros, virtutum armis accintos, in vnitae concordie viuere conspiciat, victusq; vehementer dolet. Cum eos, per discordiam diuidere, & disseccare, penetrareq; nō valet. Sola. n. studiosa concordia potentias, arcum, scutum, gladium, & bellum, vniuersaq; eius arma mirum in modum confringit.

4 His adde, quæ August. tradidit lib. 19. de ciuit. Dei cap. 13. Pax, inquit, corporis, est ordinata temperatura partium. pax animæ irrationalis, ordinata requies appetitionum. pax animæ rationalis, ordinata cognitionis, actionisq; consensio. pax corporis, & animæ, ordinata vita, & salus animantis. Pax hominis mortalis, & Dei immortalis, ordinata in fide, sub æterna lege obedientia. pax hominū, ordinata concordia. pax domus, ordinata imperandi, atque obediendi cōcordia cōhabitantiū. pax ciuitatis, ordinata imperandi, atque obediendi concordia ciuium. Pax cœlestis ciuitatis, ordinatissima, & concordissima societas fruendi in Deo, & inuicem in Deo. pax omnium rerum, tranquillitas ordinis. Ordo est parium, dispariumq; rerum suarūq; loca tribuens dispositio. proinde miseri, inquantū miseri, vtq; in pace non sunt. tranquillitate quidem ordinis carent. nam in pace perturbatio nulla est. Hæc August. qui eleganti profectō exemplorū varietate, nostram, quam inquirimus, domus concordiam, nobis explicuit. Empedocles Agrigentinus omnia iungi concordia, & amicitia dicebat; disiungi verō, & separari discordia, & lite. Ideo quattuor primis naturæ elementis has duas potentias addebat, amicitia, & dissidium. Erudimur itaque ab August. omnia bona pace constare: quod si ita est, mala omnia in discordia, & dissensione sita erunt. Quo magis demiror esse homines tam peruersæ naturæ, vt dissidia, bellū, pu-

gnas non secus; ac vitas, & animas suas diligant. Pacis domus, seu maximum, & perniciosissimum malum exhorreant; digni profecto, qui extrinsecus, & intrinsecus habeant, sentiant; perpetiantur, quod tantopere expetunt, dissidium.

Est quippe pax Christianorum, ut athleta Christi martyr ait Cyprianus, mentium serenitas, animarum eorum summa tranquillitas, cordis simplicitas, amoris vinculum. Hæc simultates tollit, bella compefcit, comprimit iram, superbiam calcat, discordes sedat, inimicos concordat, amicos multiplicat, cunctis est placida, non querit alienum nihil deputat suum, docet amare, quia non nouit odisse; Nescit extolli, nescit inflari. Qui autem amplectitur hanc pacem in mentis suæ hospitio, mansionem præparat Christo; quia Christus pax est, & in pace consuevit requiescere; Quæ cum exercetur à Christiano, consumatur à Christo. Hanc qui amauerit, hæres erit Dei; qui contempserit, rebellis Christi. Dominus. n. Iesus Christus ad patrem remeans, hæreditarium bonum docens, pacem suam cultoribus suis reliquit, dicēs, Ioan. 14. Pacem meam do vobis, pacem meam relinquo vobis. Hanc pacem qui accepit, teneat: qui perdidit, repetat; qui amisit, requirat; quoniam qui in ea inuentus non fuerit, abdicabitur à Patre, exhereditabitur à Filio, & efficietur alienus à Spiritu Sæcto. Cum igitur discordia sit ira acerbior intimo odio, & corde concepta; sit discordiarum finis aliquando, & à diuturnis dissensionibus conquiescamus.

De concordia mala, & discordia. Confid. ij.



NOLITE arbitrari, quod venerim pacem mittere in terram, non veni mittere pacem; sed gladium; ait Christus Matth. 10. quem locum in vtrisque commentarijs Chrysostomus non absque magna vtilitate explanauit. Ideo dominus bonam misit separationem in terram, ut rumpere malam coniunctionem: quod si interroges, quomodo igitur incipit, cum ad suscipientium domos ingrederentur, pacem omnibus dicere? aut quomodo angeli clamabant Luc. 2. cap. Gloria in altissimis Deo, & in terra pax hominibus bonæ voluntatis? Quomodo et omnes Prophetæ pacem tempore ipsius futuræ prænunciarunt? Quia videlicet præcipua, singularisq; pax tunc præstat, quando quod tabo, vel sanie corruptum est, abscinditur, atque proijcitur; quando factiosa, & improba pax repellitur, aut omnino destruitur: Sic certe cælis terra coniungi potest. Nam & medicus hoc modo reliquum corpus conseruat facile, si quod reduci ad sanitatem non potest, ceciderit, atque abiecerit. Et militis dux ad soluendam militum conspirationem, alte-

alterum in alterum concitat. Sic in turre factū videmus, quando pernicioſa illa pax per discrepantiam diſſoluta, tranquillam, atq; laudabilem pacem reddidit: ſic etiam Paulus eos, qui aduerſus ſe conſpirabant, diuidebat, atq; diſſipabat Act. 23. in bello verò Nabuthæ nōne improba multorum concordia pernicioſiſſima fuit? nec.n. ſemper concordia laudanda, cum etiam Iſtronēs magna inter ſe concordia, conſpirare ſciamus. Non igitur ex propoſito Chriſti, ſed ex mente animoq; hominum vicioſo bellum erumpit. Nam ipſe tertē vellet, vt omnes vno conſenſu veritatem amplecterentur, verū quoniam reſiſtunt, atq; reſiſtantur, bellum prorumpit.

3 Venenum diſcordiæ perſpicuē extricat D. Th. 2. 2. q. 37. art. 1. dicēs; diſcordia quib; etiā; eſt ex peccato vnus tantū, vt purā cum vnus vult bonum, cui alius ſcienter reſiſtit: quandoque autē eſt cū peccatō vtriuſque, vt cū vtrūque diſſentit à bono alterius, & vterq; diligit bonum propriū: Facere ergo diſcordiā, per quam tollitur bona concordia, quam charitas facit, eſt grāue peccatum; vnde dicitur Prou. 6. ſex ſunt, quæ odit dominus, & ſeptimū deteſtatur anima eius; Septimū autem ponit eum, qui ſeminat inter fratres diſcordias. Sed efficiere diſcordiā, per quam tollitur mala concordia, ſcilicet in mala voluntate, laudabile eſt. Hoc quidē modo laudabile fuit; quòd Paulus poſuit diſſenſionem inter eos, qui erant concordēs in malo. Nam & dominus de ſe dicit Matth. 16. Non veni pacem mittere, ſed gladium. Quō in loco Caiet. dubitationem excitat de actu Pauli Act. 23. quòd Paulus excitauit Phariſæos, & Saducæos ad ſuas proprias opinionēs, ac voluntates, vt ex eis ſoluēretur concordia eorundem contra Paulum. Conſtat. n. non eſſe faciēda mala, vt veniant bona. Reſpondet verò, licitum eſſe permittere, & vti malis, vt eueniant bona; quāuis non liceat facere, aut inducere ad mala, vt veniant bona. Aliud igitur fuit Pauli intentum, & aliud permiſſum. Exiſtimauit ſiquidem Paulus, vtroſque proprias opinionēs ſectaturos, ac per hoc concordia contra eum tollendam intendit autem ſolū excitare Phariſæos in deſenſionem reſurrecciónis, ac etiam deſenſionem ſui ipſius, atq; per hoc permittere Saducæorum pertinaciam exercendam. Non .n. ex intentione Pauli Saducæi in actum ſuæ hæreſis prodierunt, ſed ex eorum propria voluntate, qua parati erant, propoſita quæſtione de reſurrecciónē, illam impugnare. Eandē recepit ſententiam Iſydorus lib. 3. de ſummo bono cap. 3. Quandoquidem amicitia in rebus tantū bonis habenda eſt. Nam qui ea in malo vtuntur, non ſibi amici, ſed inimici exiſtunt, & ſicut optandum eſt, vt boni pacē habeant adinuicem, ſic animo cupere licet, & decet, vt mali ſibi inuicem ſint di-

ſcordes,

scordes. Id quod Paulus Apost. approbat, qui malos contra se diuifit, quos in necem suam concordasse conspexit. Inde & in lege, mare rubrum, hoc est concordia malorum hominum diuiditur, vt electorū via tēdens ad beatitudinem, nō impediatur. Impeditur autem iter bonorum, si mare, hoc est vnitas non diuidatur iniquorum.

3 Perfancte quidem Hugo de S. Victore hic nos admonet, dicens; Quod si ego voluero explere, facereq; voluntatem meam, iste similiter suam, ac ille suam, fiunt diuisiones, oriuntur lites, iræ quoque, & rixæ, quæ sunt opera carnis; testeq; Apost. qui talia agunt; regnum Dei non consequentur. Sunt quidam in cōgregatione in suo sensu obstinati, sapientes in oculis suis; quod animo semel conceperunt, hoc quasi ex ratione defendunt, nec se alijs, sed alijs sibi applicare contendunt. Quibus sibi non obtemperantibus, statim commouentur, ac perturbantur. Hi quidem seniorum mandatis rebelles sunt, inobedientiæ, & impatientiæ affectibus perperā occupati. In eos quī dem Apost. sententia competit; Euanuerunt in cogitationibus suis, obscuratumq; est insipiens cor eorum. Dicentes .n. se esse sapientes, stulti facti sunt propter superbiam, magna siquidem stulticia est, alijs se velle præferre. Contra verò magna est sapientia, omnibus se iudicare inferiore. Hinc dominus discipulos suos, inter quos ea erat contentio, quis eorum videretur esse maior Matth. 20. & Marc. 10. illico ad humilitatis concordiam reuocat, dicens; Qui maior est vestrū, erit ipse vester seruus, & ipse filius hominis non venit ministrari, sed ministrare, & animam suam dare redemptionem pro multis.

4 B. Greg. 3. parte Pastoralis admonitione. 23. & 24. ait; Discordes admonendi sunt, vt certissimè sciant, quia quātilibet virtutibus polleant, spirituales fieri nullatenus possunt, si vniri per concordia proximis negligunt. Scriptum quippe est ad Galat. 5. Fructus autem spiritus est charitas, gaudium, pax. Et rursus ad Ephes. 4. Solliciti seruare vnitatem spiritus in vinculo pacis. At sæpè nunnulli quo quædā specialiter dona percipiunt, superbiendo donū concordia, quod maius est, amittunt. Admonendi sunt etiā dissidentes, vt nouerint, quòd tandiu nullum boni operis Deo sacrificium immolat: quandiu à proximorum charitate discordant. Scriptum namq; est, Matth. 5. Si offers munus tuum ad altare, &c. vade prius reconciliari fratri tuo. Ex qua præceptione pensandum est, quorum hostia repellitur, quā intolerabilis culpa monstratur. Admonendi sunt discordes, vt mentis oculos ad consideranda infima aperiant, quòd sæpè aues vnus eiusdē generis sese socialiter volando non deserunt; & quòd gregatim animalia bruta pascuntur. Admonendi etiam sunt, qui iurgia seminant,

ut cuius sint sequaces, agnoscant. De apostata quippe Angelo scriptū est, cum bonæ messi inserta fuisset zizania, inimicus homo hoc fecit Matth. 13. cap. de cuius etiam membro per Salomonē dicitur Prou. 6. Homo apostata, vir inutilis, graditur ore peruerso, annuit oculis, terit pede, digito loquitur, prauo corde machinatur malum, & omni tempore iurgia seminat. Qui ergo iurgla disseminat, Angelum superbientem imitatur.

Ad manifestandam huius mali noxiam qualitatem ex Caiet. in verbo, discordia, discamus oportet, discordiam, quæ importat voluntatum segregationem, & charitati contrariatur, ex suo genere peccatū esse mortale, iuxta S. Tho. loco citato, quando scienter ex intentione aliquis à bono diuino, vel proximi, in quo consentire tenetur, dissentit. In re autem modica, vel quando aliquis existimat hoc esse bonū, & alius contrarium credit, non est mortale: nisi procedat ex ignorantia eorum, quæ quispiam scire tenetur, vel adiungatur pertinacia, quæ sit mortalis. Discordare autē in his, quæ sunt de consilio, ad quæ quis non tenetur sub præcepto, non est mortale. Quia non excludit charitatem. Est etiam quandoque peccatum mortale; quando ex discordia infertur notabile damnum proximo in bonis corporalibus, vel spiritualibus; hoc. n. est contra proximi dilectionem. Vnde sapientum rō consilij mali ex superbia, vel malo animo mortaliter peccant, nolentes concordare esse cum alijs in bono reipublicæ, vel querentes bonum proprium, potius quàm commune. Constat hoc esse maximum peccatum, cum talium oblationem Ecclesia repellat. 90. distinct. cap. oblationes.

h. Apostolorum summa cura fuit Act. 6. seruare vnitatem, & concordiam. Sic Pantus ad Philipp. 2. si qua consolatio in Christo, si quod solatiū charitatis, si qua societas spiritus, si qua viscera miserationis, implete gaudium meum, ut idem sapiatis, eandem charitatem habentes, vnanimes, id ipsum sentientes. Discordia profectò venenū est scruum, ac crudele in congregationibus: omne enim regnum in se diuisum desolabitur. Discordia, ac dissensio in Ecclesia fidelium plus intulit damni, quàm externa persecutio: non pastores, sed lupi sunt, qui nedum concordiam læsam refarcire non curant, sed insuper vnanimitatem impediunt, ac nihil non agunt, ne discordes ad concordiam reuertamur; num sic fecerunt Apostoli? Vides, ex discordiarum semina innumera mala oriri.

¶ Et non dicatis aliquid proprium, sed sint vobis omnia communia.

ENARRATIO.



MNIS monastica Religio consilijs Euangelicis, vita, & opere exprimendis potissimum insitit, cuius singulæ portiones in Euangelio conscriptæ, laudatæ, ac consutatæ inueniuntur. Sūt autem primariæ partes monasticæ, Continentia, Paupertas, Obedientia. Porro his tribus contextis sit funiculus triplex, qui iuxta sapientem Eccles. 4. difficilè rumpitur, sitq; holocausti victima omni suauitatis odore gratior. Nā mente virgineus, aut probè continens, & simul spiritu perituris rebus maior, omnia velut stercorea despiciens, suiq; ut totus sit Dei, abnegator per fidem, & charitatem erga Deum, primum efficitur omni munitione inexpugnabilior, quasi virtus quædā viua in Deo, & quidē virtus armata, si adsint, quæ in instituto monastico adesse debent: nimirū abstinentia, vigilia, ieiunium, psallendiq; studium, lectio sacra, disciplina, pars nulla temporis vacua sine opere. Quæ quidem adeo sunt cognata monasticæ, ut sine illis Religiosus sit hoc ipsum, quod corpus sine spiritu, arx sine portis, ac propugnaculis, auis implumis, sepulchrum dealbatum.

2. Religiosus efficitur holocaustum medullatum Deo, de quo David Psal. 65. holocausta medullata offeram tibi. Inter holocaustum autem, & sacrificium hoc interest, quod omne holocaustum sacrificiū est, sed non omne sacrificium holocaustum, in sacrificio pars perudis, in holocausto verò totum pecus offerri solet. Vnde holocaustum latina lingua, totum incensum dicitur. Cum igitur electum quid de rebus tuis, aut de te ipso omnipotenti Deo offers, sacrificium est. Cum verò te metipsum Deo deuotes, offerendo illi, quod es, quod habes, quod potes, in primis cor contritum, & humilatum: deinde prophesum voluntatem ad obediendum, & omnem, quam præstare vales in opere Dei functionem, reuera holocaustum est, velut adipe de spiritu Dei, & dulcium lachrymarum pinguedine ab ardore cordis intinctum. Hoc autem modo seipsum offert Religiosus per votum solenne, dum abnegatis, quæ mundi sunt, quæ carnis, aut oculorum, quæq; ad superbiam vitæ pertinent, se obstringit ad ea, quibus, & spiritus liquefit in Deū, & caro in seruitutem spiritus redigitur, & amor mundi extinguatur, nempe ad continentiam, obedientiam, & paupertatem, iuxta modum

monasticæ

monastica Regula in Ecclesia comprobata, olim nomine Nazarenorum appellati seiplos vocabant Deo. Nazareus itaque efficitur omnis bonus Monachus, idest sanctus, siue consecratus, ac separatus Deo, utique in hoc Christo redemptori suo sociatus, hæc itaque tres eximie virtutes sunt præcipua, quæ monachismum, siue integram Religionem cõstituant. Quæ reliqua sunt politiam, seu disciplinam domesticam cõcernunt, ut sit inter multos vnio, pax, cõcordia, sitque virtuti sua laus, quod verò diuersum est, iusta vindicatione non careat.

3 Hæc omnia ea ratione explicuimus, ut doceamus mētē, animumque sacri nostri institutoris Augustini fuisse in hac sua Regula constituere, tradere, & pertractare tres illas substantiales perfectæ Religionis partes, ut earum exercitio, obseruationique optimus quisque Canonicus totus intenderet. Auspicatur autem à paupertate, quæ per proprii abdicationem, & communis vitæ exercitationem facili negotio obtinetur, retineturque. Quemadmodum. n. qui in balneum ingrediuntur, vestimentis se omnibus denudant, ita & qui colendæ pietatis causa ad Canonicam vitam accedunt, omni rerum vitæ huius materia exuti monasterium ingrediantur, oportet. Hic igitur est secundus Apostolicus Canon, isque maximè annotandus. Desumitur autem ab Aug. ex cap. 2. & 4. Act. Apost. Nec quisquam eorum, quæ possidebat, aliquid suum esse dicebat, sed erant illis omnia communia. Neque. n. quisquam egens erat inter illos: quotquot. n. possessores agrorum, aut domorum erant, vendentes afferebant pretia eorum, quæ vendebant, & ponebant ante pedes Apost. Hæc D. Lucas. Quo in loco Chrysostomus ait: Ob magnam dantium alacritatem nullus erat indigus. Non enim partem quidem dederunt, partem autem recondierunt; neque omnia quidem, sed quasi propria: sic inæqualitatē e medio eiiciebant, & in multa abundantia vivebant, & cum multo honore hoc faciebant, neque. n. in magnis audebant dare, neque cum fastu suppeditabant: sed ad pedes afferebant, & illos dispensatores permiserunt fieri, & dominos fecerunt, ut quasi ex communibus postea insumantur, & non quasi ex proprijs: id etiam conferebat ad hoc, ne vana gloria extollerentur. Nonne diuisio semper minora commoda affert, vnanimitas autem, & consensus incrementum? sic qui in monasterijs nunc viuunt; quemadmodum olim fideles, quis mortuus est fame? Quis non liberaliter educatus est? Nunc tamen hoc timent homines, magis quam in immensum, & inexhaustum pelagus incidere.

4 Obserua diligenter loquēdi modum, nemo. n. hoc, aut illud suum esse dicebat, verbo nanque etiam proprietas exploditur. Quare iure suo eruditus Gerson in opusculo contra proprietarios ait: Si ergo prohi-

bet August. expressè verbum proprietatis, à fortiori, & factum. Si proprietatis verba pronuncianda nō sunt, proprietatis ipsa exercenda nō est. Si proprietatis verba interdicuntur, ne proprietatis inter Canonicos nominetur, quā vehementi affectu ab August. ipsis vetita fuisse proprietatis existimanda est? Huic expositioni consentit Card. Turrecre. in cap. non dicatis. 12. q. 1. dicens; Attende, quantum voluerit B. August. communem vitam obseruare. ponit. n. nō solūm præceptū circa virtutem, cūm dicit: sint vobis omnia communia; sed prohibitionem circa vitium oppositum dicens: Non dicatis aliquid propriū. Itē adeo vult hoc seruari, vt non solūm in re non inueniatur proprietatis, sed etiam nec in ore, cūm dicit, non dicatis. Signo verō vniuersali, omnia quęcunq; sub possessione cadunt, cuiuscunq; naturę sint, manifestè complexus est. Quamobrem, expositore Hugone, nec debemus aliquid habere proprium, aut quicquā dicere meum, sed nostrum, vt tunicam nostrā, & domum nostrā. Quemadmodum. n. omnia in communi habemus, sic & omnia communi nomine appellare nos decet.

- 3 Rectè quidem Ambrosius Choriolanus in commentarijs Regulę commento. 3. rem hanc contemplatus est. Apostolicam. n. vitam ducentes, nec habere, nec dicere aliquid proprium decet, sed communia omnibus, communi etiam vocabulo sunt appellanda. Etsi nanq; ab vno bona aliqua spiritalia, seu temporalia proficisci videantur, illa tamen sibi vendicare minimè debet. Quoniam Deus, à quo cuncta bona dimanant, vel suorum confratrum obsecrationibus, vel vt illa confratribus communicet, elargiri dignatus est, eoq; modo cetera vel cooperantes sunt; vel certè contentes sint iuxta Dei voluntatem, necesse est. non. n. si scientiam, si sapientiam, si quodcunq; aliud donum summa Dei bonitas cuiuspiam donat, id tribuit, nisi vt suorum sit munus dispensator; Charitas quoque, qua in monasterio constituti seruire debent, quę sua sunt, non quarit. Ipsa etiam proprietatis rixarum, contentionum, litium, omniū denique mater discordiarum, quatum viros religiosos vndique expertes esse maximè conuenit, Cęsarius quoq; refert, conuersum quendam Ordinis Cisterciensis cūm vita discederet, dominicū corpus sumere non potuisse; quoniā quinq; solidos apud se tenens, non fuerat confessus. Quidā etiam Monachus B. Antonium in retinenda proprietate decipere satagens, ab accipitribus, vulturibus, & alijs rapacibus auibus totus est dilaniatus. Sed quid alios commemoro? quā seuerus noster Aurelius in proprietarios extiterit, ex sententia, in Ianuarius lata apertè dignoscitur in sermone ad presbyteros, dicens; Malè Ianuarius vixit, & ma-

lè moritur : malè quidem vixit, quia quod suum non erat, secretò tenuit : malè etià moritur, quod in fine se non cognoscens, in suoq; sensu obstinatus, nobis ignorantibus, testamentum fecit ; & filium, què in seculo habebat, ditauit. O vrinam saltem in fine hoc nobis dixisset, vt orantibus nobis, venià impetrasset. Nec eum fecisse pœnituit, ppter ea de meis non est, nec dum viueret, erat. Ligantes igitur manus cadaueris eius, ponentes in panno centum, & vndecim siclos, quos in pariete cellulæ retinebat abscondos, & flentes super eū, dicatis, pecunia tua tecū sit in perditionē. Non. n. licet eā nobis seruis Dei collocare, vel pōnere in victu, vel vestitu, vel in opere monasterij, quoniā pretiū dānationis est. Deus omnipotens sua rerū dispositione ad abijciendū execrabilem, contagiosumq; proprietatis morbum, ad conseruandamq; communitatem nos etiā impellit. Non. n. solis iustis Solem, Lunam, pluuiam, & omnia terræ nascentia, omnesq; fructus dedit, sed ea in communione collocauit ille, qui Solem suū oriri facit super bonos, & malos, & pluit super iustos, & iniustos. Quin etiā sacram suam crucem, siue passionem non iustis tantū, sed peccatoribus etiā, impijs, & sceleratis communem esse voluit. Propterea idem August. in sermone de tribus generibus Monachorum, paupertatem sibi congratulatus, hoc pacto fratres alloquitur. Igitur fratres mei, licet in cathedra Episcopali me videātis, paupertatem mihi tamen charam sponsā tenere congratulor. Nam ipsa est Christi sponsa, sanctorum possessio, beatorum vita, fidelium securitas, Clericorum ornamentum, Monachorum vita, nobilium pulchritudo, diuitum magnificentia. Hæc est. n. illa sancta paupertas, quam qui tenet, & amat, nulla potest indigentia laborare. Nec mirum cū ei detur omnium dominus possidentis, qui est omnibus in se sperantibus thesaurus in paupertate, solatiū in solitudine, gloria in abiectione, honor in contemptu, & in omni protectione vmbraculum. Demum in sermone primo de cōmuni vita Clericorum, qualis esset vita sua, indicans, ait. Ecce quomodo viuimus, nulli licet in societate nostra habere aliquid propriū. Ambrosius etiā in lib. de viduis inquit. Quibus nihil est proprium, nihil deest, quoniam ipsorum est regnum cœlorum, vbi omnia sunt oblatamenta bonorum. Probè quidem sentit Beda A. 4. dicens; Quicquid viuunt, vt sint omnia cōmunia in domo, Cœnobitæ vocant. Quæ vita tantò felicior est, quanto statum futuræ gloriæ magis imitatur. In quò erunt omnia communia.

6 Pars piorum ipse Deus est, vt docet Hugo, si ergo volumus huiusmodi hereditatem possidere, tales quoq; nos exhibeamus, qui digni simus, & possidere eum, & ab eo possideri. Cū auro verò, & argē-

19. alijsq; huiusmodi rebus religioso Deus pars fieri dedignatur. Ego (inquit Hieronymus) non accipio hæreditatē inter ceteras tribus, sed quasi Sacerdos, & Leuita viuo decimis, & alteri seruiens, Altaris oblatione sustentor, habens, ydum, & vestitum, his contentus ero. Beati n. pauperes spiritu, quoniam ipsorum est regnum celorum. Nobis igitur famem, aut egestatem formidare non licet. Ait n. Christus; Primum querite regnum Dei, & iustitiam eius; & hæc omnia adicietur vobis. Rursus ait; Considerate volatilia cæli, quæ non laborant, neque nent; & pater vester cælestis pascit ea. Quantò magis vos modice fidei. Scio abundare, & penuriam pati, ait Pau. Rursus; in fame, & siti, in ieiunijs multis, in frigore, & nuditate. Amplissimus hic nobis campus offerebatur ad differendum de interdicta proprietate. Sed quoniam copiose admodum de ea lib. 1. disputabimus, vterius consulto progrediendum est.

7. Illud vnum est enarrandum, attendendū esse, quàm grauitè animaduersum sit in vitium proprietatis, ipso etiam initio corrūscantis Evangelij Act. 5. cap. Sic n. Lucas ait: Vir autem quidā nomine Ananias cū Saphira vxore sua vēdidit agrum, & fraudauit de pretio agri, conscia vxore sua, & afferens partem quandam ad pedes Apostolorū posuit; & paucis interiectis, Ananias audiens verba Petri, cecidit, & expirauit. Rursus, vxor eius concidit ante pedes Petri, & expirauit. Et factus est timor magnus in vniuersa Ecclesiā. Quo in loco Chrysostomus Hom. 12. sic ait; Narraturus de Anania, & Saphira; volēs ostendere virum, qui pessimè egerat, prius memor est Iosephi, qui benè fecerat. Quia cū tanta esset multitudo, tanta faciens, tantaq; gratia, ac tanta signa, à nullo horum emendatus, sed semel auaritia excæcatus, perniciem illam suo capiti conciliauit. Sed vnde euenit misero illi hoc facere? Nunquid necessitas, vel violentia quædam erat? Nunquid inuitos vos trahimus? Sed Sathanas tētauerat cor suū, vt Spiritu Sancto mentiretur, vide dilectè, quomodo non pēmitterent Apostolos vendere, sed ipsi vendebant, & illis pretia dabant. Ab non sic Ananias, sed subtrahit aliquid de pretio agri, quem vendiderat. Ideò & punitur, tanquā nō benè in hac re se habens, & deprehensus rerum priorum fur. Hic sermo etiam nostri temporis facēdores plurimū taxat. At dixerit fortasse quispiam, quod valde acerbè illos tractarit. Dic sodes, quæ est illa seueritas amara? Si tanquā ligna collegerat, Num. 15. lapidatur, quantò magis qui sacra diripiūt, sacrilegus? Etenim pecunie illæ iam sunt sacra. Igitur qui voluit sua vendere, ac distrahere, iterumq; accepit de illis, sacrilegus fuerit. Si autem qui de suis accepit, sacrilegus est: multò magis qui de alienis

Quamvis. n. è vestigio non sequatur supplicium, non putes impunita derelinqui. Vides, quòd hoc crimen imputatur, eo quod pecunias suas acceperit, quas consecravit. Quare accepit, postquam promisit? Tale quiddam & in veteri lege accidi. i. Paralip. 3. quãdo Charmi deprehensus est anathematis fur. Attamen nosti quantam & ille, vt facinus admisit, poenam luit. Sacrilegium .n. valde graue, & magno contemptu plenum. Iudas sacrilegus fuit, sed non offendit hoc alios discipulos; nullus ergo offendatur, etiam si quidam sacrilegi sint. Vides quanta mala pecuniarum cupiditas facit? Hoc exemplo admonitus cordatus Canonicus secum reputet, quanto studio sacrilegã proprietatem, tanquã lethalem pestem sit euitaturus.

- 8 Non verbis tantum, sed re ipsa charitatem mutuam primicredentes ostendebat, omnia in commune conferebant, quod quisque poterat, siue spiritualia essent, siue temporalia, quemadmodum Exod. 25. in fabricatione tabernaculi, populus certatim conferebat aurum, argentum, pilos caprarum, &c. Cogitabat quisq; apud se; En is homo, & si pauper sit, tamen eundem habet Deum, Christum, fidem, baptismum, spem, charitatem, promissionem; cur igitur cum extraneum iudicare ab infimis illis bonis, qui mihi æqualis est in summis? Vides igitur in primitiua Ecclesia renouatum esse statum innocentie, quem Religiosi sequuntur; vides quòd non aliter temporalibus vsi sunt, q̃ vtimur aqua fluminis: quantum. n. necessum est haurimus, atque sumimus, reliquã aquã verò ad alios fluere sinimus; ira sapẽ viris Religiosis vtendum esset temporalibus. Vendebant quidem illi possessiones, sentiebant se reperisse thesaurum absconditum, quem vt seruarent, non cunctabantur omnia sua exponere, dicentes cum Paulo; Omnia quæ mihi erant lucra arbitratus sum, vt stercora; sicq; in ipso statim primordio Ecclesiæ illud Pauli, impleuerunt. Qui emunt, sint tanquã non possidentes. Non amicis tantum, sed singulis; hõ aliquibus ad superfluitatem, alijs nihil habentibus, sed prout cuiq; opus erat, ò verè religiosam vitam, quid obsecro deesse potuit, vbi singuli in commune conferebant, quod habeant? Quomodo inuidia potuit habere locum, vbi qui plus habebant, non sibi quicquam retinentes, vltro alijs communicabant? Sed nec lites, & contentiones locum habuere, vbi communia erant omnia: contrarium in nobis experimur. Nostra itaque maximi refert, hos præstantes duces subsequi, si Religiosorum nomine digni esse velimus.

De origine Evangelicæ paupertatis. *Consid. j.*

I



DICTURO mihi de sanctæ paupertatis exortu obseruandum est, variâ esse paupertatem. Est. n. paupertas, quâ pateris; est, quam eligis. Illam parit vel necessitas, vel rerum indigentia contra voluntatis affectum. In istam te inducit volentem spiritus fidei, religioso quodâ amore commutandi caduca æternis, terrena cœlestibus. Illa pœna peccati est; ista vehiculum ad portum felicitatis. Illa qui stringitur misere est, quia patitur, nec eluctari potest, quâquam conetur. Istam vel fugientem sequitur homo pius spontanea deuotione; & dimittere non vult, nec rogatus quidem, vel impulsus. Illa inter media, seu indifferencia; ista verò inter eximia bona euangelicæ est collocanda. Quam Baptista fortiter inchoauit, Christus insigniter verbo, factoque cõmendauit, spiritus autem Dei mox post primum illapsum visibilem in corda hominum consumauit, ac velut in politiam quandam digessit, ad ipsam millibus Christi fidelium conuersis; quam rectè spontaneâ, fidelem, euangelicam appellamus. Ea demum, & viam veræ Philosophiæ colendæ struit, & centuplum pro dimissis rebus accipit, & omnia mundi bona possidet. Insuper; & ius ad regnum Dei tribuit, eaque omnia in hoc seculo; superaddens denique in futuro seculo vitæ æternam, cuius nunc paupertatis tractationem exordimur. Hic autem nõ agimus de quorundam philosophorum paupertate, qui propter admirationem quandam inter homines, & philosophandi commoditatem, eam coluere:

1. Principio quidem nisi paupertas, quam spontaneam fidelem, euangelicam dicimus permagnam haberet vim virtutis colendæ, & mire expeditam faceret philosophiam euangelicam, profectò non esset illata mundo simul cū euangelio salutis. Ioannes præcursor domini, & primus prædicator euangelij, ipse dimissis omnibus factus est incola deserti, contentus locustis, & melle syluestri præseca, & cilicio de pilis Camelorum pro vestimento, prædicans regnum Dei, & dicens; Qui habet duas tunicas, det non habenti Matth. 3. & Marc. 1. & Luc. 3. Post hunc venit filius Dei, dicens Matth. 8. Vulpes foueas habent, & volucres cœli nidos; filius autem hominis non habet, vbi caput suum reclinat. Et ipse prædicans regnum Dei dixit Luc. 14. Omnis ex vobis, qui non renunciat omnibus, quæ possidet, non potest meus esse discipulus. Vnde & adolescenti dixit, Matth. 19. Si vis perfectus esse, vade, vende omnia quæ habes, & da pauperibus, & veni sequere me. Post filium verò missus est Spiritus Sanctus visibiliter in specie flammarum,

& ita

& ita igni fecit pectora credentium, vt dicat scriptura Act. 2. Omnes etiam, qui credebant, erant pariter, & habebant omnia communia, possessiones, & substantias vendebant, & diuidebant illa omnibus, prout cuique opus erat. Id ipsum Act. 4. prolixius recensetur. Ad huc duces fidei constanter intonant, Matth. 19. Ecce nos reliquimus omnia, & secuti sumus te, Christum dominum nostrum, nudum nudi; non tantum retia nostra, & nauiculas, sed omnia quæ mundi sunt, & acquiri a nobis possint, relinquentes; potissimum autem Paulus ad Philip. 3. ait. Existimo omnia detrimentum esse propter eminentem scientiam Iesu Christi domini mei, propter quem omnia detrimentum feci, & arbitror vt stercora, vt Christum lucrificiam.

3 Nec est in Ecclesiâ hoc vitæ genus sine certa, eaq; amplissima promissione Dei introductum. Enimvero Saluator ab Apostolis interrogatus, respondit; Amen dico vobis, quod vos qui secuti estis me, & omnis qui reliquerit domum, &c. propter nomen meum, cætumplum accipiet, & vitam æternam possidebit, Marc. cap. 10. Centies tantum nunc in tempore hoc, &c. Et in futuro vitam æternam. Centuplum autem illud est ius, siue actio ad ipsum regnum cælorum. Cuius postea dabitur realis possessio, cum pro tribunali dicetur, Matth. 25. Venite benedicti patris mei, possidete paratum vobis regnum à constitutione mundi. Ius autem ad tantum regnum, an non centies melius est omni auro, omnibusq; possessionib. quæ hic dimitti possunt? Idcirco Matth. 5. Christus dixit; Beati pauperes spiritu, quoniam ipsorum est regnū cælorum. Et licet plerique putent sermonem esse de humilitate, sciendū est tamen, humilitatē quidem parentem esse, & nutricem, indiuiduāq; comitem paupertatis euangelicæ. At verò sermo Christi etiā de paupertate, quæ diuitijs opponitur, intelligi pōt. Quod manifestius fit ex Luc. 6. cap. dicit. n. simpliciter; beati pauperes, siue mendici, vt Græcus textus verti potest, & mox subdit horrenda, quæ dāuē aptata contrarijs eorum, quibus antea beatitudines coniūxerat, dicens; Væ vobis diuitibus, qui habetis cōsolationem vestram. Væ qui saturati estis, &c. Addita est autem vox spiritu, vt constaret Christum tantūmodo locutum de ea paupertate, quæ spiritu fidei suggerēte eligitur, partim humiliationis, partim salutiferæ commutationis causa, quo te æques minimis, imò omnibus te minorem facias, atque pro onerosis diuitijs, quod centupliciter vberius, suauiusq; possidetur, obtineas. At carere rebus mundi non necessitate, non infortunio, non natura, sed spiritu propriæ volūtatis per fidem, hoc beatum prædicat Christus; beatum, inquam, quoniam talium est regnū cælorum. Non utiq; erit, sed nunc illorum est, nunc enim illud verum ius habent, quomodo crebro ius

habetur in rem ante actualem possessionem eius :

- 4 Nec tantummodo acquiritur, pro dimissis bonis temporalibus præfatum ius ad regnum Dei; sed simul etiam suauissima quedam affluētia rerum huius mundi, quousque cupis, & satis est virtuti euangelicæ colendæ, comparatur. Ideo. n. Marcus addidit particulam illam, in tempore hoc. Habent autem ad vsum, non ad opes; aut proprietatē possessionis, accipiuntq; spontanea donatione aliorum per flumina charitatis, sic disponente Spiritu Sancto, qui vnus singulorum corda tægit, dirigit, patefacit ad singula commembra mystici corporis; haud secus, atque vnus spiritus vitalis singulorum membrorum vires, opes, officia conuertit in vsum aliarum partium eiusdem corporis, quantum cuique opus est, & sufficit.
- 5 Considera, qua magnitudine spiritus Paulus 2. ad Cor. 6. loquitur: quasi tristes, semper autem gaudentes: sicut egentes, multos autem locupletantes: tanquam nihil habentes, & omnia possidentes: ibi. n. explicat dulcedinem, diuitemq; remunerationem paupertatis Euangelicæ. Quasi diceret, nos qui nudi nudum sectamur Christum, videmur quidem mundi hominibus, instar mendicantium, egere rebus: at locupletes reddimus quamplurimos, non solum bonis spiritualibus, sed & temporalibus. Quis. n. pauperum in Hierusalem subleuauit inopiam, nonne ego? Quis autem peperit Ecclesiæ diuitias, quibus opulenter sustentat ministros suos? Nonne sancta illa primorum credentium paupertas? Nam, & tum temporis cum nihil videbantur habere Apostoli, possidebant omnia. Quod quidem sic intellige; in monastica quidem vita omnis professus omnia, quæ monasterij sunt possidet, nihil tamen suum habet, quia omnibus per votum renunciauit. Omnia ergo possidebant Apostoli, quia de omnibus, quantum libuit, in sua potestate habebāt, idq; per spontaneam, piamq; aliorum communicationem. Omnia nihilominus dimiserant, quia omnium rerum dominium, & proprietatem à se abdicauerant: habentes rursum, quæ aliorum sunt, adeo ad nutū, vt nihil eis defuerit, sed nec possunt magis voluptati esse opes diuitibus, quam hominis sancto sua paupertas voluntaria. Hinc Apostolus quasi tristes, scilicet iudicamur à ceteris, semper autē gaudentes. Non. n. alias letamur, & alias meremur, sed semper gerimus intus merum gaudium Spiritus Sancti. Quale est virtuti proprium, habens in se prægustationem eius dulcedinis, quæ in rebus est, finemq; nescit. Atq; hæc, cui cōiunctim accrescunt in tempore isto pro ijs, quæ dimisit, nonne tibi centies tantū accepisse videtur?
- 6 Rursum Rursum autem, quale potest adferre gaudium, aut dulcedinem tenuiter vitare, dure cubare, inopia, inediaq; præmi, qualia pauperibus euange-

euangelicis primitiæ Ecclesiæ quotidiana fueret? Sed accipe responsum. Quemadmodum venter satur, super omnibus cibis nauscat; ita bene vacuatus stomachus, vel solo pane, & aqua delitiatur. Subinde magis quam si super regijs lautitijs quispiam epulo potest. Post longa quippe ieiunia, post feruorē, aut orandi, aut quid peragendi in opere Dei, quicquid apponitur, delicia sunt, sapit beta, sapit faba, sapit ater, sicculq; panis. Nec dissimiliter, ut ijs, qui diutius somno indulgent, omnis lectus est insuauis, neque vllum cernical satis sub capite aptatum; ita ijs, qui naturæ per vigilias vim faciunt, omnis locus pro suauis lecto est, cubant commodè super terram, suauiter super scanna, & saxa. Prout miles post productas excubias, stertit profundum, altumq; etiā quouis in loco. Et vnde gaudium? Nonne ex eo quod voti cōpos es-ficeris? Cur opes tui illant animum? Nonne quia & vsui sunt ad finē, quo tendis? Itaq; quā fit voti sui compos perueniendo ad desideratū, propter Christum inopiam, famem, nuditatem, cur obsecro non gauderet, habens quod vult, quodq; querit, & quo sibi quā optime ef-fuse, secundum spem promissæ salutis arbitratur? Verē igitur Paul. dixit de se, ac alijs euangelicæ paupertatis sectatorib. quasi tristes, semper autem gaudentes. Verē & Lucas de cæsis Apostolis asserit Act. 5. Ibant gaudentes a conspectu concilij, quia digni habiti sunt, pro nomine Iesu contumeliam pati. Nec alienum haberi debet, quod in-fert Christus discipulorum auribus; Matth. 5. Nempe sub maledictis, & persecutionibus gaudendum, atq; exultandum, eo quod eorum merces copiosa est in cælis.

De laudibus vite communis monasticæ. Confid. ij.



REVOCATIO, siue dimissio rerum temporaliū propter Christum fit multifariam. Primò, nudè eas relinquendò absq; vlla de illis dispositione. Quomodo Apostoli relictis omnibus secuti sunt Iesum, Luc. 5. ac alijs locis. Secundò, relinquendo certo quodam modo. Et hoc iterum bifariam, vel vendendò, quæ habes, ut distribuas pauperibus, de quo modo inquit Saluator, ad adolescentem; si vis perfectus esse, vade, vende omnia quæ habes, & da pauperibus, & veni sequere me, Matth. 19. vel conferendo omnia in communem vsum, dimissa proprietate, ut iam non sint amplius tua solius, sed omnium, omniumq; vltibus inferuiāt, quodq; superest ad sinum pauperum recurrat. Prout factum est post acceptum Spiritū Sanctum Act. 2. & 4. quæ certè praxis horum modorum in Ecclesia Christi in hodiernum vsque diē tūm in conuentibus monasticis, tūm extra tales conuentus;

magis

magis in monasterijs, & non sine voto observatur. Vt autem euangelicè, atque vtiliter fiat, necesse est, vt cor omnium sit vnum, hoc est studium commune, quo idem quærant omnes, idem velint, eodem tendant. Anima insuper vna, vt nemo sibi viuatur, sed quisq; quod est, quod habet, quod potest, omnium existimet esse.

- 2 Vt perspicias magnitudinem, simul, & rationem perfectionis, quæ est in ea paupertate euangelica, atque monastica, qua nemo dicit aliquid suum esse, sed omnia in communi cum alijs possidet, D. August. est consulendus, serm. 15. de verb. Apost. sic inquit: legimus in libro, qui Apostolorum Actib. adscribitur, tantam sub memoratis viris deuotionem plebis fuisse, ita populi Christiani floruisse primitias, vt post acceptam fidem nemo domum propriam sibi defenderet, & nemo suum aliquid vendicaret, sed iure fraternitatis essent illis cuncta communia, scilicet, vt qui eodem consortio Religionis tenebatur, eodem consortio fruerentur & vitæ, hoc est, vt quibus erat vna fides, esset vna substantia, & quibus erat communis Christus, communis esset & sumptus. Nephas enim putabant Religiosi viri cum sibi participem non asciscere in substantia, qui particeps erat in gratia. Atque ideo charitate fraternitatis omnibus communiter utebantur; quia maior est fraternitas Christi, quam sanguinis. Sanguinis enim fraternitas similitudinè tantummodo corporis refert; Christi autem fraternitas vnanimitatem cordis, animarq; demonstrat. Vere ergo frater ille est, qui tam corpore, quam vnanimitate germanus est. Verius, inquam, frater est, cuius idem spiritus, & voluntas in fratre est. Melior ergo est fraternitas sanguinis, Christi fraternitas: quoniam interdum illa sibi inimica est. Illa inter se communia cum æmulatione diuidit; hæc etiam congratulatione communicat. Illa in consortio sæpè, despicit germanos; hæc assumit frequenter alienos. Beata igitur plebs, quæ dum plures in Christo habet diuites, nullum in seculo habet indigentem; & quæ dum æternas cogitat diuitias, à fratribus temporalem repulit paupertatē. Omnia. n. vendebant, & pretia ante Apostolorum pedes ponebant, vt erogaretur, prout cuique opus erat. Non verebantur, ne esurirent ipsi, dum timebant, ne alius esuriret. Hæc Augustinus, vbi doctè profectò, & cordate enucleat vim, & rationem perfectionis, quam retinet ibi expressa, ibiq; inchoata possessio rerum in communi.

- 3 Communis rerum possessio inter beneuolos principio nihil prorsus in se continet, vnde meritò culpari posset. Nihil. n. pugnat aduersus ius gentium, nihil contra ius civile. Nihil etiam continet seruile, aut coactionis. Quia procedit de spontanea vniuscuiusque voluntate: nihil ociosum, Fit. n. intuitu pietatis expeditus colendæ. Deinde habet vnde

vnde toti mundo præclara, & venerabilis esse debeat. Est. n. verè secundum naturam optimè dispositam, qualis fuit tempore innocentiz, & qualis erit rursus in cælo. Et insuper ad amussim conformis euangelio Christi. Est expedita properatio ad perfectionem, vt patet ex verbis, & factis Christi, & Apostolorum eius. Est mutatio melioris pro eo, quod bonum est, aut saltem non malum. Nam meum, & tuum non sunt mala, etiam si nonnunquam sint à malo, & non raro malorum, & dissidiorum causa. Est reditio ad primitias Spiritus Sancti, qui mox vt datus fuit, in prunis velut eximium quiddam docuit viuere in communi. Est præludium eius societatis, quæ expectatur post hanc vitam in cælis. Siquidem in cælis regnum commune est vniuersis sanctis, prout clarè insinuat Saluator, Matth. 25. Venite benedicti patris mei, possidete paratum vobis regnum à constitutione mundi. Multi benedicti regnum vnum, vnaumimenterq; possidendum. Est denique status quidam firmans hominem in vno, ne amplius circumambulet in circuitu. Qui. n. euangelicè habent omnia communiter, sibi imponunt statum, vt deinceps præter cælestia nihil quærant in terris, apprehendentes præxim illius dicti Apostolici. 1. ad Tim. 6. habentes alimenta, & quibus tegamur, his contenti simus.

- 4 Porro quicquid de contemptu rerum prædicat euangelium, in hoc profectò genere vitæ, quàm pulcherrimè sese demonstrat. Quicquid de vera pietate, nusquam adest vberius. Fieri. n. non potest, vt qui tam amice communicant bona sua temporalia, quæ vsu consumuntur, non communicent multo studiosius sua bona spiritualia, videlicet doctrinam fidei, adhortationem, orationem, fructuum bonorum operum, gaudium in prosperis, subuentionem in aduersis, & omnem affectum cordis, quæ vsu consumi non possunt: sed quo communicatur liberalius, eo fiunt & vberiore in se, & hæro suo vtiliora. Quàm igitur bonum, & quàm iocundum habitare fratres hoc pacto in vnum?
- 5 Accedit quoque præminentij iam dictis, quod doctores Theologi. 4. sent. dist. 47. attestantur, luculentius verò Dom. Sotus ibidem q. 1. art. 2. dignitatem iudicandi in die generalis iudicij non quibilibet sanctis, ob quæcunq; merita, sed solis Apost. eorumq; sectatorib. propter perfectum paupertatis statum esse concedendam. Ex eo loco Matth. 19. Vos qui sequuti estis me in regeneratione, cum sederit filius hominis in sede maiestatis suæ, sedebitis, & vos super sedes duodecim. Id est non stabitis inter illos, qui iudicandi sunt: sed assidebitis iuxta sedem maiestatis meæ, non promiscuè in vno communi sedili, sed singuli in sedibus singulis, quod ad maiorem honoris cumulum accedit. Nec tamen sedebitis honoris gratia, vt propè me sitis.

Sed quod mea ego auctoritate facturus sum, id vos tanquam mei ministri facietis : iudicabitis, inquam, duodecim tribus Israel, id est totā iudicandorum vniuersitatem. Quo in loco Christus Apostolis se omnia reliquisse asserentibus respondebat. Quia, n. iudicium de operib. misericordiz explicandum est, esuriui enim, &c. Illi qui per erogationem omnium bonorū, statum paupertatis elegerunt, vnoq; Religio- nis actu, & voto cuncta misericordiz opera exoluunt, alios iudicabūt. Et quia statum paupertatis professi ab omnib. suppeditantur, despe- ctūq; cunctis habentur, æquū est, vt super omnes exaltentur. Hoc, n. est humilitatis præmium. Idcirco promittitur pauperibus regnū cœ- lorum, non tantū generali ratione, sed singulari, quā regum est, ci- uium causas iudicare, ac definire. Nam propter singularia merita, pe- culiaria recipiet vnusquisque præmia. At verò propter omnimodam omnium bonorū abiectionem, vt liber se homo totū obsequio Chri- sti tradat, meritò iudicis dignitate est insigniendus.

De ratione distribuendi bona communia. Cap. iij.

¶ Et distribuatur vnicuique vestrum à Præposito vestro victus, & tegumentum : non æqualiter omnibus, quia non æqualiter valetis omnes; sed potius vnicuique, si- cut cuique opus fuerit. Sic, n. legis in Actibus Apосто- lorum, quia erant illis omnia communia; & distribue- batur vnicuique, sicut cuiq; opus erat. Qui aliquid ha- bebant in seculo, quando ingressi sunt monasterium, li- benter velint illud esse commune: qui autem non habe- bant, non ea querant in monasterio, quæ nec foris ha- bere potuerunt. Sed tamen eorum infirmitati, quod opus est, tribuatur: etiam si paupertas eorum, quando foris erant, nec ipsa necessaria poterat inuenire. Tamē non idcirco putent se esse fœlices, quia inuenerunt victū, & tegumentum, quale foris inuenire non potuerunt.

ENARRATIO.



Cum facer August. superiori capite proprietatem eliminaverit, vitamq; communem, communiaq; bona constituerit: nunc communium bonorum, quibus tota familia alenda est, ac sustinenda, distributionem aggredditur. Ea autem quattuor partibus constat; videlicet, quibus sit distribuendum, aique vnicuique a quo? A Præposito. quid? Victus, & tegumentum. Qualiter? Non æqualiter omnib. Hæc est tertius Apostolicus canon desumptus ex cap. 4. Act. quem etiam locum hic citat, & refert August. Sed iam dictiones quasdam enarramus. Præpositi nomine hoc loco Prælatus intelligitur. Siue Abbas sit, siue conuentualis Prior, aut Præpositus, vel quocunque alio nomine nuncupetur, ipsi n. Prælato bonorum communium distributio hic adscribitur, eademq; ratio, & administratio. Eam tamen distributionem, administrationemq; per alios nempe ministros, & officiales exercere potest. Quam rem iam recentiora iura declararunt. Præterea non tantum victus, & tegumentum vnicuique sunt subministranda per distributionem, sed etiam omnia alia necessaria: Hæc tamen duo potiori iure sunt commemorata, quia sunt, & quotidianæ, & majoris necessitatis, sub eisq; reliqua cõprehenduntur. Sic n. dominus templi Christianam instituit, ut ijs, qui spiritualibus vacarent officijs, alij temporalia præstarent. Constitutum est. n. ut qui altari deseruiunt, de altari viuunt. 1. ad Cor. 9. Dignus est. n. operarius mercede sua. 1. ad Timot. 5. Opus est tamen, ut ei seruiamus, a quo pascimur. Cogitandumque nobis est, quam ob causam nobis victus, & tegumentum contribuatur, ob eam nempe, ut totum desiderium nostrum in id feratur, ut primum regnum Dei, & iustitiam eius queramus, propterea; hæc omnia adijciuntur nobis. August. quoque mentem plane nobis explicuit Ambrosius Choriolanus cõm. 4. quoniã in sacro Apost. collegio, ut expeditius possent verbo Dei vacare, nonnulli fuerunt ad ministrandum instituti, ad eundem modum noster August. sua monasteria moderabatur, ut in eis quidam spiritualibus vacarent, quidam verò temporalia administrarent, propterea alios voluit esse Præpositos, alios subditos. Præpositorum interest subditis temporalia administrare, q̃ ad victum, & tegumentum attinent: subditorum autem refert, spiritualibus studijs operam dare, ut lectioni, orationi, & contemplationi insistere in psalmis, hymnis, & canticis spiritualibus celesti domino quotidie deservire, a quibus tamen muneribus nec Præpositi eximuntur, sicuti nec subditi ab administrandi cura, cum eis fuerit iniunctum.

Subditis. n. cōpetit in quibuscūq; reb. honestis, suis obsequi Prælati.

2. Cū author inquit. vnicuique vestrum victus, & tegumentum & Præposito vestro distribuatur, neminem profectō excipit: à Præposito etenim mente personarum acceptionem alienissimam esse oportet: quādoquidem omnes Religiosi altari seruiunt, omnes etiā laborāt. Iuxta illud Dauidicum Psal. 126. Surgite postquā sederitis, qui manducatis panem doloris.

3. Quod si tanto studio mundi sectatores suis principibus inseruiūt, nullis parcentes laboribus, vt eis complacent ad consequendam humanam, caducāq; mercedem: quantō magis nos bonis operibus diuinæ celsitudini placere vehementer enitemur, æternum præmium suscepturi? Est autem Deus princeps noster, creator, redemptor, saluator, glorificatorq; noster.

4. Illis quidem verbis, non æqualiter omnibus Prælatum instruit noster author, docereq; contendit, diuersas esse Religiosorum corporis constitutiones, ingenia, mores, affectus: Proinde prudētis Prælati partes sunt hæc omnia dignoscere, vt vnicuique prout eius exigit conditio, indigentiaq; postulat, prouideatur. Quare si in seculo delicatē nutritis, aut infirmis, aut in prædicandi, docendi, monendiq; munere occupatis delicatioris alimenti quidpiam tribuatur: Id quidē reprehendi non debet. Sic verō id decurtandum est, vt in monasterio seculares non videamur, in quo profectō blanda, lenia, mollia, delicata, & quæ carnem fouent, quærenda non sunt.

Qui aliquid habebant in seculo, &c. In hac secunda parte huius capituli statuit Aug. quartum Canonem Apostolicum, quo præcipitur, vt ingressi monasterium, omnia sua bona in communitatem conserāt: vt optimi, primi; Christiani facitarunt. Dignum. n. eis videbatur, vt qui communem habebant gratiam, communem haberent substantiam. Et quibus vnus erat spiritus, vnus esset & sumptus. Taxat igitur eos, qui sua bona in monasterium quidem deferunt, diffidentes tamē de communi distributione, noluerunt totā suā substantiam in commune penū reponere, sed propter senectutem, vel infirmitatem partem bonorum ad futuras necessitates leuius ferendas sibi seruauerunt, imitati Ananiam, & Saphiram, qui Act. 5. Portionem quandam pretij diuenditi agri sibi retinuerunt, partim Religiosi, & partim seculares effecti. At verō vt Hugo hic docet, duo relinquenda sunt: propter Deum à viris Religiosis, nempe facultas possidendi, & voluntas, sue appetitus habendi. Nam Christus ait. Qui non renūciat omnibus quæ possidet, non potest meus esse discipulus. Et iterum. Qui vult venire post me, abneget semetipsum. Illud pertinet ad sub-

stantiam,

stantiam, hoc ad voluntatem. Non. n. sufficit exteriorem relinquere substantiam, nisi interiorem abscendamus concupiscentiam. Vnde & subdidit, qui autem non habeat, &c. Nam & illi, qui nihil foris habebāt, intus habent, quod propter Deum relinquere possint, videlicet voluntatem habendi. Vnde scriptum est, non concupisces. Carnalis igitur appetitus refecandus est.

6 Primum ergo iubemur habita deserere, deinde terrena non quærere, ut postea liberiores redditi, ad cœlestia anhelare possimus. Additur autem verbum libenter, ne ea propriorum bonorum collatio ex necessitate, aut vi aliqua, sed ex bona voluntate fiat. Inquit. n. Apost. 2. ad Cor. 9. Non ex tristitia, aut ex necessitate; hilarem. n. datorem diligit Deus. Libenter igitur terrena largiamur, quibus cœlestia nobis comparemus. Quicumque tamen illi fuerint, siue diuites, siue pauperes, siue nobiles, siue ignobiles, quicumque in Religionē sese receperunt, æquum est, ut de Christi annona victitent. Dignus est. n. operarius mercede sua. Ob Religionem igitur susceptā, quæ illis necessaria ad vitam transigendam providē subministrat, Religioso superbire nō licet. Itaque qui antea paupertate præmebantur, in Religionē abundantiam, aut delicias non quærant, in quorū persona Hieronymus ad Nepotianum sic loquitur. Natus in paupere domo, & in tugurio rusticano, qui vix milio, & cibario pane ventrem rugientem satiare poteram, nunc simillam, & mel fastidio. Eisdem Bernardus increpat, cum honores affectant. Plerique, inquit, in domo Dei nō patiuntur haberi contemptui, qui in sua non nisi cōtemptibiles esse potuerunt. Ibi que volunt honorabiles videri, vbi honores ab omnibus contemnuntur. Magna sanē abusio est, ut in loco paupertatis, vbi diuites penuriam incurrunt, pauperes superfluitatem quærant. In loco afflictionis, vbi delicati mortificantur, homines rustici res delicatas affectent. In loco vbi viri honorati eligunt abijci, abiecti honorari cupiant; & qui proprio labore victitabant, ibi ociosā vitā ducere velint. Et vbi celebres viri abscondi volunt, ut eorum vita cum Christo in Deo abscondita sit, ibi ipsi prius ignoti, nulliusq; nominis, celebre nomen sibi acquirere contendant. Et ut Bernardus ait. Qui antea in suo oppido, vel vico vix cōgniti fuerunt: modo circumeuntes provincias, & curias frequentantes, regum, & principum familiaritates assecuti sunt. Isti quidem socij sunt eorum, qui dominū sequebantur, non propter virtutes, sed propter panes, quibus Ioan. 6. eos satiabat. Oculos dextros erutos habent. Ideoq; ad bellandū sunt inepti. Coercendi igitur sunt, qui quamvis in seculo pauperem vitam gerēbāt, in monasterio tamē magis conqueruntur, quā illi, qui diuites fuerūt.

De forma utendi rebus communibus. *Consid. j.*



SANE plurimum mihi probatur Humberti sententia, qui asserit ab August. fuisse apposita illa verba, à Præposito vestro, ne quispiam falso opinaretur, sibi licere, propria auctoritate res communes accipere, ac expèdere. Id. n. nequaquàm licet citra Præpositi, vel Prælati facultatem, & distributionem. Quædam. n. sunt sic communia alicui vniuersitati, vt cuicumque liceat accipere partem pro suo libito, vt ex oppidi nemore ligna. Quædam verò sunt eo pacto communia, vt totum à toto possideatur, & nihil partis à parte. Hoc quidem posteriori modo Religiosis sunt omnia communia; nulli. n. eorum in singulâ licet aliquid possideri, nisi iuxta leges traditas. Cum. n. non sit sui iuris, nulla ratione sibi in re aliqua ius vsurpare debet, absque Superioris facultate. Præsertim verò si id quod sibi arripit, sit iam alteri assignatum, atque concessum. Duriusq: fiet, si cum sociorum turbatione, aut tumultu illud fecerit.

2. Ex dictis duo inferuntur: Primum, Religiosus non potest donare, nisi vel cum Superioris licentia, vel si habeat legitimam administrationem, vt ex iusta causa donet. Solus. n. ille donare potest, qui habet rei dominium, vel proprietatem, si alioqui iure non prohibetur. Secundum est, Religiosus non potest eleemosynam facere. Ex S. Tho. 2. 2. q. 3. 2. art. 8. ad 1. arg. Monachus, inquit, si habet dispensationem à Prælato commissam, potest eleemosynam facere de rebus monasterij; prout sibi est commissum. Si verò non habet dispensationem, quia nihil proprium habet, tunc non potest facere eleemosynam sine licentia Abbatis, vel expresse habita, vel probabiliter psumpta, nisi fortè in articulo extremæ necessitatis, in quo licitum est ei furari, vt eleemosynam daret. Nec propter hoc efficitur peioris conditionis, quia sicut dicitur in lib. de eccles. dogmatibus. Bonum est facultates cum dispensatione pauperib. erogare. Sed melius est, pro intentione sequendi dominum, simul omnia donare, & absolutum sollicitudine egere cum Christo. Hæc Thomas. Idipsum docet Card. Turrecrem. in cap. non dicatis; 1. 2. q. 1. addens insuper, quòd in casu extremæ necessitatis psumitur largitio eleemosynæ Superiori placere. Sed nec tunc propriè Monachus dat, sed reddit; quod est indigentis in extrema necessitate; in quo omnia sunt communia, & debetur in tali necessitate existenti.
3. Præterea ea verò, quæ hætenus diximus, duo adhuc hic sunt advertenda. Alterum quidem, vt omnis caveatur introductio, sed cōsuetudo, aut etiã fraus ad rapienda bona communia, quacunq; id arte,

arte, prætextu, siue colore fiat. Vbi .n. huiusmodi ianua hominibus fraudulentis semel aperitur, breui quidem bona communia dilabentur, & dilapidabuntur. Spiritualia autem sine temporalibus diu consistere non possunt. Alterum est, studiosissime esse elaborandū, ne Augustiniana Regula, vt Lesbia Regula traducatur, & infametur. Erat .n. insula, in qua lapides præ sua intractabili duritiâ, nequibant cuedo quadrari, vt adaptarentur ad regulam. Ideoq; viceversa regula, quæ idcirco non ferrea, sed plumbea erat, flectabatur, vt gibbo lapidis adaptaretur: vt iuxta regulæ curuitatem deprehenderetur in muro sedes, vel sterneretur locus, cui aptius insideret. Quo fit, vt cum lex ob necessitatem ex æquo, & bono rebus accommodatur, illâ Arist. 5. Ethic. cap. 10. obliquitatem non tribuerit vitio, sed laudi, propter inconstantiam rerum humanarum. Defectus .n. huiusmodi non sunt in lege, sed in rebus ipsis humanis, quarū casus nequeunt certius comprehendendi. Eo tamen casu Superioris auctoritas, adhibita matura deliberatione, adhuc requiritur. Ceterum extra talem necessitatē meritò male audit regula Lesbia, vt puta cum lex, vel ad principum voluntatē inflectitur, vel alias ob causas, non mores ad legem collimatur, sed lex ad morum corruptelam detorquetur. Faxit Deus Opt. Max, vt sancta Augustini Regula in regulam Lesbiam, siue in plumbeam, aut æream nunquā pertranseat, aut conuertatur. De dubitationibus proprietatem attingentibus lib. 1. copiose disseruimus.

4. Occurrit hic nobis Aluarus Pelagius lib. 2. de planctu Eccl. art. 5. 6. cap. quod incipit, ad illud quod dicit oppositor. Qui in dubiū utcumque reuocare vult. An Regula Augustiniana sit censenda Apostolica? contendens aliam Apost. Regulam depingere. Quoniā Regula Apostolorum propria, & immediata alia fuit à regula multitudinis credentium. B. autē Augustinus fundauit Religionem suā directē iuxta Regulam communitatis, seu multitudinis credentium, & non iuxta Regulam propriam, & immediatam Apostolorum. Nā verba, quæ August. citat in Regula ex Actibus Apost. apertē dicuntur de communitate generali credentium, non tamen de cōmunitate propria Apostolorum; quasi altera, & prior sit communitas Apostolorum; altera verò, & posterior sit communitas multitudinis credentium. Nobis tamen cordi non est hic contentionibus inferuire, Præsertim cum ipse Aluarus libenti animo fateatur, Regulam Augustinianā rectē dici posse Regulam Apostolicā, cum quia fuit ipsa primis credentib. ab Apostolis data, cum etiam quia ipsi Apostoli aliquo tempore vixerunt in illa communitate generali credentium, & tanquā eorum capita illā Regulam seruauerunt, Hæc Aluarus.

- P**ARSIMONIA appetitum hominis compescit, & cohibet, ne superflua requirantur, hæc virtus à Macrobio parçitas, ab Andronico per se sufficientia nuncupatur, vt author est D. Tom. 2. 2. q. 143. art. 1. Ipsa etiam legitima proles est temperantiæ. Temperantiæ verò Regula est necessitas huius vitæ, videlicet vt rebus vtamur ad necessitatem præsentis vitæ. Igitur rerum superfluitas à viro Religioso non solum requirenda non est, sed etiam longè profliganda. Solec. n. multorum malorum esse abundans seminarium. Idcirco D. August. prudenter præscripsit, compressitq; Regulam distribuendi bona communia illis verbis, sicut cuique opus fuerit, non sicut cuique libuerit. Porro sacrum Conc. Trid. sess. 25. de regularibus cap. 2. rem acutè tetigisse videtur, dicens: Mobilium verò vsum ita Superiores permittant, vt eorum supellex statui paupertatis, quam professi sunt, cõueniat; nihilq; superflui in ea sit, nihil etiam, quod sit necessarium, eis denegetur. Quam rem amplius explicuit Bened. 12. in Const. Canonicoꝝ Regul. tit. de victualibus, & alijs ministrandis, dicens: Sufficienter, & decenter esse omnia vnicuique ministranda, iuxta suppetentiam facultatum, & iuxta conditionē, seu qualitatem regionis, idq; tempore congruo. Qui autem semel superfluitati assuescit, indigentia vix sustinere poterit. Inter opera verò, quæ in bonorum genere computantur, non infima est parçitas, vt hominem venerandū, celebremq; efficiat. Cuius rei insigne est nobis exemplum Ioan. Baptista, qui ex parsimonia nomen sanctitatis sibi comparauit Matth. 3. Ipse. n. Ioannes habebat vestimentum de pilis camelorū, esca autem eius erant locustæ, & mel siluestre, & sequitur: tunc exhibat ad eum Hierosolyma, & omnis Iudæa. Sanctitatis. n. auctoritate homines mirū in modū, & ad se imitandū, & ad pœnitentiā peccatorum peragendam alliciebat.
- 2** Hugo de S. Victore hic nos admonet, hanc Regulam distribuendi bona communia, non sic esse interpretandam, vt abundanter omnia distribuantur, quasi omnimoda indigentia sit è monasterio propulsanda. Quamuis. n. Act. 4. scriptum sit, neque quisquam egens erat inter illos, scriptum etiam de ipsis Apostolis legimus, quod Deo seruiebant in fame, & siti, in frigore, & nuditate. In huiusmodi ergo negotijs valetudinem naturæ, non carnis voluptatem nos attendere decet. Plus enim appetit carnalis voluptas, quàm necessitas, quam ob rem ait Hugo; In eo quod dicitur, vnicuique quod opus est, tribuatur, hic modus obseruandus est; sic nutriatur caro, vt tamen seruiat, & iterum sic reprimatur

primatur caro, vt non superbiat. Sic seruetur, foueaturq; necessitas naturæ, vt abscindatur superfluitas concupiscentiæ. Igitur vituperandi sunt illi, quorum tota mens est, atque felicitas, vt bene pascantur, bene vestiantur, & summo studio cuticulam curent. Ii quidem Christum sequuntur, vt illi, quibus ipse dixit; Queritis me non quia vidistis signa, sed quia mādūcastis ex panibus meis. Scriptum quidem est psal. 16. satiabor, cū apparuerit gloria tua. Illa ergo satietas estimanda est nostra felicitas.

3 Hanc sanctam parsimoniam tria mala in monasterijs corrumpunt, vt docet Cardinalis Caiet. 2. 2. q. 188. art. 7. Primum est multitudo promiscua eorum, qui ad Religionem recipiuntur absque maturo dilectu. In quorum numero non pauci sunt temperantiæ, parsimoniæq; acerrimi ofores. Secundum est immodicus sumptus rerum, quas necessariò insumere oportet, perspecta hominum nostri seculi conditione, qualitate, & imbecillitate. Nam quòd triginta Religiosi hac nostra tempestate exigunt, paulò ante, aut certè olim ad centum Religiosos alendos sufficiebat. Olim vestes veteres, & laceræ, resarciæ tamen in vfu erant, hodie verò ærarium magnum consumitur in coemendis vestibus. Tertium est vitæ imperfectio. Quoniam Religiosi in vitæ perfectione defecimus. Quo fit, vt ad nos consolandos, & in officio continendos, maiores sumptus, atque largiores delictitæ requirantur. Quamuis natura paucis contenta esse consueuerit, sed nō delectationibus assuetus appetitus. Abijcitur quidem tanquā infelix, abiectarum vestium horror, fouentur consuetudo, atque etiam prodigalitas illorum, qui pauperes quidem esse volunt, ea tamen lege, vt nihil eis desit ad suum appetitum explendum. Huius ergo laudabilis parsimoniæ nos Caietanus conimonefacit, dicens: Si Religiosi perfectioni vitæ efficacem operam darent, solis necessarijs ad vitam contenti essent, exiguaq; eis inmineret cura ad victum parandum. Nam eo quòd à perfectionis studio ob negligentiam, ob vsum rerum non necessarium Religiosi destiterunt, Deus etiam eis non aperit manum virorum secularium, qui in alendis, agendis, locupletandisq; monasterijs, sua bona insumere solent. Cuius rei euidentissimum est argumentum, quòd vbicumque vir aliquis perfectæ vitæ nominatur, & creditur, vltro omnia à fidelibus offeruntur.

4 Si autem quanta ij, qui Deo non mundo seruebant, cibi, ac potus, vestium, aliarumq; rerum vilitate, parsimoniaq; vfi fuerint, considerauerimus; victum illorū contemplantes, oppiparas helluonum cœnas, & immoderatas vini potationes corpori æquè, atque animo noxias, vestiumq; & aliarū rerum superfluitates facillè contemnemus.

Nam primi illi humani generis parētes Adam, & Eva, quandiu in paradiso fuere, arborum fructibus aliti sunt. Eiecti quoq; non nisi pomis olere, frugibus vefcebantur, & aqua frigida potu. Carnium vero, & vini vsus ad diluuij vsque tempora dilatus est, nempe post duomillia, & ducentos quadraginta duos annos. Post hæc Noe primus vineam plantauit, vinum bibit, & inebriatus detectis verendis iacuit in decore, ita vt spectantibus ludibrio efferet. Viginti panibus hordeaceis centū homines paut Helifæus; quinque panibus hordeaceis turbam quinque millium Dominus satiavit. Vtrunque miraculum. Sed nos attendamus hordeacei panis esum, nec in veteri, nec in nouo instrumento fuisse despectum. Pudeat nos id panis genus respicere, quo Propheta, & Apostoli, & cū Apostolis Dominus vsi sunt. Daniel, Ananias, Missael, Azarias, Babylone captiui, contempta regis mensa, legumina comedunt, & aquam bibunt: & eis, qui regis epulis enutriti erant, apparent rubicundiores, obefioresq; eisdem à Deo datā scientiam legimus, & disciplinam in omni libro, & sapientia. Danieli autem intelligentiam omnium visionum, & somniorum. Præcursor Io: Baptista Spiritus Sancto repletus, antequam natus, locustis in deserto, & syluestri melle pascitur; Apostoli spicas segetum manibus confricant, & hoc tam simplici cibo esuriem leuant. Panes etiam hordeaceos, atque pisciculos edere soliti sunt. Iacobus frater domini vinum, & siceram non bibit, carnes nullas comedit. Petro Apostolorū principi post Ascensionem domini, panis cum oliui, raro cū olusculis cibis fuit, vt moderati victus exemplum foret ijs, quibus parsimonie præcepta dabat. Demum plurimi eremitarum, sancti Abbates oluscula, & arborū fructus cum pane comedisse leguntur. Postremò egregia sunt hac in re D. Hieronymi admonita. In cibis, inquit, vestris minime resfulgeat coquorum industria, non ciborum nobilitas appetitū moueat, sed fames? Non apponantur incitamenta libidinum, sed quæ possint famem extinguere. Tanta sit in sumendo sobrietas, tanta, talisq; parcitas, vt venter potius conqueratur, q̃ gaudeat, non egeat in digerendo stomachus medicinis, ructum potius vacuatio, quā nimia repletio inducat. Optimus est in omni re modus, & laudabilis vbique mensura. Corpus non frangendum, sed regendum est. Ne in lectione, in psalmis, nec in vigilijs solito quid minus facias.

Non ab re hic fuerit temperantiam, eiusq; comites superioribus attexere ex Hugone de S. Victore in libello de fructibus carnis, & spiritus cap. 15. tom. 2. Temperantia nanque est in illicitos animi impetus, rationis firma, & discreta dominatio. Eius autem comites sunt discretio, morigeratio, taciturnitas, ieiunium, sobrietas, afflictio carnis,

nis, contemptus seculi. Discretio est in dijudicandis rerum causis, prouida humanorum motuum moderatrix ratio. Morigeratio est seruata propria uirtute, se iuste, pieq; moribus secum commorantium com-temperare. Taciturnitas est cum quadam fructuosa animi quiete a verbis etiam utilibus lingue suae coertio. Ieiunium est interiorum uigilantia, discreta parsimoniae custodia. Sobrietas est pura ab illecebris utriusq; hominis temperantia. Dicta sobrietas, quod ab ebrietate seorsum, ac separata sit. Afflictio carnis est per quam lasciuiae mentis seminaria, castigazione discreta comprimuntur. Contemptus seculi est, ex intuitu caducorum, ratione inductus amor aeternorum.

Aduersus eos, qui delictis vacant. Confid. iij.



MENS huius mundi delitiae, quibus peccatores fruuntur, feces quasdam habent gustus pessimi, & intolerabilis; quae modo quidē ab illis non gustantur, quam sint amarae, verū iustus iudex has feces illis reseruabit in tempus ultionis, atque in diem iudicii adducet eas, ac tunc

quidem illos gustare, imō uelint nolint epotare compellet, cum iuxta illud Apoc. 18. Tantū illis dabitur de tormentis, quantum prius in delictis fuerāt glorificati. Rursum, qui delictis uacat, innumeras habet molestias, licet de facili, & tanquam ex fontibus ipsi prouētus affluant, ex delictis tamen nascencia patitur mala, & futurorum incertitudinem. Hic autem in securitate semper est, & in uoluptate, qui uictus tenuitati semetipsum assuefecit. Non enim ita semetipsum miserum uocat, quoniam opiparae mensae particeps non est; sicut gaudet, futurorum non metuens incertitudinem. Ex delictis uerō quanta sint mala, nemo nescit. Duplex quidē est bellū & animae, & corporis; duplex est sanitas, duplex bonū. Somnus sanitatis in homine parco. Nam mensura quidē semper est desiderabilis, immodestia uerō nequaquam. Modice scintillae multam lignorum pyram superpone, iam non ardentē videbis ignem, sed multū insuauem fumum. Viro valde forti, & magno onus impone vires excedens, & cum onere videbis humi iacentē, & proiectum. Multum onusingere nauigio, & graue feceris naufragium, quale quidem & hoc est. Sicut insuper plenis nauigijs multus est tumultus nautarum, gubernatoris praeterea, & remigum, qui superiora quidem in mare iaciunt, inferiora uerō & seipsos perdentes pereunt, & quod omnium est turpissimum, os posteriorum partium assumit usum, & illud fit ignobilius. Si uerō in ore tanta turpitudine coagita, quanta sit in anima hominis delictis dediti. Nam & illic omnia tenebrae, omnia tempestas, omnia caligo, multus cogitationum cla-

mor, dū pramuntur, & tribulātur; ipsa calumniā animā proclamante, omnibus sese accusantib; aduocantib; supplicantibus interiōrē simum alicubi reponi; & postquā eiectus fuerit, nec ita sedatur tempestas, verū & febris, & ægritudines.

2 At verò inquires, quo modo licet hos cernere delitijs vacantes, bene valentes, qui super equos vehuntur? Quid temere nugaris ægritudines nobis dicere? ego quidem ægrorō, & distrahor, & deturpor; ego qui non habeo quod comedam. Sed reuera lachrymis digna sunt ista verba: pedibus verò dolentes, qui vehiculis gestantur, compeditos, vnde, quæso, videbimus? Sed sunt quidam, qui bene valent, quoniā non solis vacant delitijs, verū & laboribus. Nam da mihi hominem semper se pinguefacientem, sine dolore iacentem, curantem nihil, licet infinitorum concurrat medicorum multitudo, ab ægreditinibus eum erueri non poterit; nec. n. ita se habet rei natura. Ex his. n. quæ mittuntur in ventrem, non solum alimentum efficitur; quoniam nec in ipsa nutrimenti natura totum est nutritium, sed eius quidem aliquid in secessum dissoluitur, hoc autem in nutrimentū: igitur si perfectē quidem conficiatur, & proprium acceperit locum, & sanum quidem, & bonum in proprium currit locum; superfluum autem, & inutile descendit, & excernitur. Si verò nimium ingeratur, & quod ex eo nutritium est, noxiū efficitur. Et vt exempli gratia loquar, quo res manifestior reddatur. Tritici quidē hoc est siligo, hoc farina, hoc furfur; igitur si mola quidem sit idonea molere, hæc omnia superauerit, si verò plus inieceris, confunderis omnia. Itidem & vinū, si congruā cocturam, & temporum assequatur temperiem: citra hæc quidē, omnia confusa sunt; post hæc verò hoc quidem in fecē subsidet, hoc autem in spumam exilit, hoc verò in gustantium vsum, & hoc est bonū, quod nunquā facili subuertetur; Quod verò dicunt tropiam, neque vinum est, neque fex, omnibus commixtis. Hoc & in flumine quispian viderit, cum aquarum vortex efficitur. Sicut tunc mortuos videmus pisces adnantes, & fimi crassitudine oculis captos: itidem & in nobis efficitur, quū multus ingluuici superne fluxerit imber. Postquam omnia commouērit, mortuas adnare facit cogitationes pridē sanas, & in puro viuētes.

3 Postquā igitur ex multis est exēplis damni magnitudo nobis probata, hos beatos vocare desinamus in his, quibus miseros vocare decebat, deslere verò in quibus beatos oportebat appellare, & medicritatem diligamus. An non audimus, & medicos dicentes, egestas sanitatis est mater? Ego verò non tantum corporalis matrem sanitatis egestatem dico, verū & animæ, hæcquē Paulus verē medicus clamat,

mat, ab Augustino hic adductus. i. ad Tim. 5. iniquiens; habentes autem victum, & vestitum, his contenti sumus. Pareamus igitur ei, ut in bona valetudine, quæ facere decet, agamus. Dic. n. mihi, si quis tibi cicuram dedisset habendam; nonne præter naturam foret? Si quis lapides, & ligna: nonne auersatus fuisses? & meritò, præter naturam. n. est. Tale quid sunt, & delitiæ. Sicut. n. hostibus urbem subeuntibus, & obsidione facta, & perturbatione, multus efficitur tumultus; ita fit, & in anima, subrepente vino cum delitijs. Hinc tumultus, molestiæ, contentiones, & rumores, oculi liuidi vino indulgentibus fiunt. Quid ebrio turpius? familiaribus derisibilis, derisibilis inimicis, apud amicos miserabilis, infinita dignus damnatione, fera magis est, quam homo. Multa nanque voracitas leonis est, & vrsæ, & meritò, non. n. habent rationalem animam: & tamen & illa si plus necessitate, & mensura ipsis à natura definita comederint, totum corpus corrumpunt; quantò nos autem magis?

- 4 Propterea nobis in breue ventrè Deus coarctauit, propterea breuè statuit cibi mensuram, ut animæ curam gerere doceret. Ipsam nostri compositionem discamus, & vnā in nobis partem hanc operationū habere viderimus. Os nobis, & lingua ad laudes est assignata diuinæ, guttur ad vocem; Et propterea nos naturæ necessitas constrinxit, ut nec inuiti cadamus in nimium repletionem. Itaque nisi delitiæ labores habent ægritudines, & infirmitates esset fortè tolerandū: Nūc verò tibi naturæ terminos posuit, ut neque volens transgrediaris citra damnum. Nonne voluptatem quæris? Hanc ab eo quòd satis est, inueniens. Nonne sanitatem? Et hanc. Nonne securitatem? & hanc. Nonne libertatem? Nōne corporis robur? Nonne bonā habitudinē, & animi solertiam? Nonne vegetationem? Ista sunt hic omnia bona; in illa verò cōtraria, iniucunditas, mala habitudo, ægritudo, illiberalitas, impensa; Vnde igitur omnes ad hanc concurrimus? Ex morbo. Dic. n. mihi, quare quod lædit, ægrotus inquit? Nonne & hoc ipsum ægrotare signum est? Quare claudus rectè non ambulat, cum hoc ipsum non ex torpore sit, nec eo quòd ad medicum ire nolit. Rerum. n. hæc quidem temporariam habent voluptatem, pœnam autem perpetuam. Hæc verò contrarium, patientiam quidem temporaneā, delectationem verò continuam; Itaque tam mollis, & ignauus, ut p futuris præsentia non despiciat, statim capitur.

- 5 Dic mihi, vnde captus est Esau? Vnde præsentem voluptatem futuro proposuit honori? Ex segnitie, & mollietie. Hoc autè ipsum vnde? Ex nobis ipsis. Cum igitur delitijs vacaturus es, considera voluptatis momentaneum, & damnum (verè siquidem damnum est. cum

propria pernitie tot abſumere pecunias) ægri-
tudines, infirmitates, &
contemne delitias; Quot tibi vis enumerem ex delitijs mala perpeſ-
ſos? Noe Genefis 9. Factus eſt ebrius, denudatus, vide quot ex hoc
orta ſunt mala. Eſau per ingluuiem primogenita perdidit, & ad fra-
trididium animum dedit. Populus Iſrael ſedit manducare, & bibere,
& ſurrexerunt ludere Exod. 32. propterea dicitur Deut. 6. Cũ mā-
ducaueris, & biberis, memento domini Dei tui in præcipitium. n. ce-
ciderunt, in delitias delapſi. Vidua illa delitijs vacās, viua mortua eſt.
Et iterum; Impinguatus eſt, & incrassatus, & recalcitrauit dilectus.
Ecce iterum Apoſtolus ad Rom. 13. ait; Curam carnis ne feceritis ad
cõcupiſcentias. Non promulgo nunc ieiu-
nium, ſed tollo luxum, præ-
cido delitias propter vtilitatem; Tanquam. n. torrens omnia delitiz
ſubuertit, nihil eſt quod eas cõerceat, eiſciunt tandem ex regno. Quid
amplius? vis frui delitijs? Da pauperi, voca Chriſtum, vt & poſtquam
menſa remota fuerit, habeas quibus fruare delitijs. Nam nunc quidẽ
non habes, & meritò? Tunc autem habebis. Vis delitari? animam
paſce, trade ipſi cibos, quorum conſuetudinem habet, eam ne fame
perimas. Tempus belli, tempus certaminis nunc eſt, tu verò ſedes in
delitijs, non vides, & regijs præpoſitos in exterioribus caſtris tenui-
ter viuentes? non eſt nobis luſta aduerſus carnem, & ſanguinem ad
Ephes. 6. Tu verò luſtaturus temetiſum impinguas, ſtat ſtridens dẽ-
tibus aduerſarius, tu verò diſfunderis, & menſis vacas. Chriſtus fame
tabeſcit, tu verò voracitate temetiſum diſtendis, duæ immodetiæ.
quid. n. mali non faciunt delitiz? ſibi ipſis contrariæ ſunt.

- 6 Nefcio quo modo nomen hoc habeant; ſed ſicut gloriã, quã igno-
mina ſit; & diuitiæ cũ ſit paupertas, vocatæ ſunt; ſic & delitiz, cũ iniu-
cunditas ſit. Nunquid in. maſtandi ſumus, quoniam noſiſſos ſagi-
namus? Quid lautam vermibus menſam apponis? quid maiorem aliſ
ſaniam? Quid fœtentes ſudorum fontes reponis? Quid ad omnia te-
metiſum reddit inutilem? vis oculum fortem fieri? fac corpus robu-
ſtum? nam & in chordis, craſſa quidem, & immunda ad cãtus ſuaui-
tatem inutilis eſt; Vndiq; vero raſa, intenſa eſt, & cõſonantiſſima. Quid
animam obruis? Quid parietem facis craſſiorem? Quid multum ſu-
mum, & nebulam, cum vapores tanquã caligo quardã vndiq; red-
dantur? Si non alius quiſpiam, te ſaltem athleta doceant. Quoniam
gracilius corpus eſt, & fortius, & anima fortior aurigæ ſimilis eſt, &
æquo. Sed illic vides, ſicut in his qui delitijs vacant, & carnoſis; Sic &
æqui, carne fluentes motus ſunt difficilis, & multos aurigis labores
præbentes optabile eſt, facilem, & expeditum agentem equum bra-
uium accipere; cũ autem cum auriga trahere cogitur, & frequentif-
ſimẽ

simè cadentē stimulanſ, nec ita quidem excitare poteſt, licet ipſe ſit valdè peritus, victoria priuabitur. Ne ergo noſtrā contemnamus animam propter corpus calumniam patientem, verū, & illā faciamus perſpicacioreſ, alas ei leues neſciamus, molliora vincula, rationibus eam paſcamus. Satis eſt, quantum. Vt valeat corpus duntaxat, tātū vt ſit robuſtum, gaudeat, & non doleat. Vt quum ita bene noſtra diſpoſuerimus, ſummam poſſimus virtutem apprehendere, & æternis potiū bonis, Chriſti Ieſu gratia, & miſericordia.

De humilitate ſeclanda. Cap. V.

Nec erigant ceruicē, quia ſociantur eis, ad quos foris accedere non audebant. Sed ſurſum cor habeant, & terrena vana non quærant: ne incipiant eſſe monaſteria diuitibus vtilia, non pauperibus, quia ſic diuites illic humiliantur, & pauperes illic inflantur. Rurſus etiā illi, qui aliquid videbantur eſſe in ſeculo, non habeant faſtidio fratres ſuos, qui ad illā ſanctā ſocietatem ex paupertate venerunt. Magis autem ſtudeāt non de parentum diuitum dignitate, ſed de pauperum fratruin ſocietate gloriari. Nec extollantur, ſi cōmuni vitæ aliquid de ſuis facultatibus contulerint, nec de ſuis diuitijs magis ſuperbiāt, quia eas ipſi monaſterio partiuntur, quā ſi eis in ſeculo fruèrentur. Alia quippe quæcunque iniquitas in malis operibus exercetur, vt hiant: Superbia verò etiam bonis operibus inſidiatur, vt pereant. Et quid prodeſt diſpergēdo dare pauperibus, & pauperem fieri: cū anima miſera ſuperbior efficiatur, diuitias contēnendo quā fuerat poſſidendo? Omnes ergo vnanimiter, & concorditer viuite, et honorate in vobis Deum inuicem: cuius templa facti eſtis.

ENARRATIO.



ANTA est humilitatis vis, atque potentia in erigenda monastices structura, ut iure suo post abdicationem bonorum depulsam, ac communem vitam constitutam, ipsa secundum obtineat locum. Quapropter noster August. illius pertractationem diutius differre non potuit. Est. n. sancta humilitas primarius lapis monastici edificij. Ea tamen methodo nos August. humilitatem docet, ut amaram superbix radicem prius e cordibus nostris euellere conetur.

Super tria autem firmissima sedilia humilitatis perfectio conquiescit, auctore Hugone de S. Victore lib. 3. de anima c. 3. ut videlicet attendat homo, quid fuit ante ortum; Quid est ab ortu usque ad occasum; quid erit post hanc vitam. Unde. n. superbiat homo, memoria repetens, quod fuerit vile semen, & sanguis coagulatus in utero; postmodum in deserto huius vite miserijs expositus, & peccato; ac tandem cinis, & esca vermium futurus in tumulo. Semel igitur persuasum habeto, estimationis propriæ abiectionem maximi fieri, magnoque pretio haberi apud Deum, apudque optimos quosque Religionis cultores. Omnis profecto diuinæ paginæ sermo in id tendit, ut homini bonum humilitatis persuaदेат, & superbix malum declinandum attentius admoneat; præsertim cum in altero salutis & vite, in altero ruinæ principium consistat. Est autem humilitas ex intuitu propriæ conditionis, vel conditoris voluntaria mentis inclinatio. Est quidem humilitas radix arboris virtutum. Eximia est illa Christi sententia Matth. 5. prolata. Beati pauperes spiritu, quoniam ipsorum est regnum cælorum. Alij sunt spiritu diuites; alij quodammodo de spiritu nihil habentes; alij spiritu pauperes. Spiritu diuites sunt superbientes; de spiritu nihil habent nimis pusillanimes. Spiritu pauperes, humiles sunt. Superbientes ea per elationem faciunt, quæ praua sunt; pusillanimes ea, quæ facere decet, prætermittunt. Humiles tandem humilitate ducti, optima quæque aggrediuntur, & operantur. Paupertas itaque spiritus, quæ vera humilitas est, nihil habet defectuonis, nihil superfluitatis, per viamque regiam ad beatitudinem supernam nos ducit. Amplectamur ergo virtutem humilitatis, si cupimus obtinere in regno cælorum locum celestitudinis: ad summam virtutum, non potentia, sed prompta humilitate peruenitur; nihil ergo habeamus humilitate præstantius, nihil amabilius. Hæc est. n. præcipua conservatrix, custos, & origo virtutum omnium; nihilque est quod nos ita & hominibus gratos, & Deo faciat; quam si vite merito magni, humilitate infimi sumus. Næ hæc homi-

hominibus sola perfectio est, si imperfectos se esse nouerint. Sancta
vita ratio processu gaudet, & crescit; cessatione torpescit, & deficit.
Proinde quotidianis, ac recentibus virtutū incrementis mens instau-
randa est. Denum, humilitas omnibus virtutum operibus ordinem
statuit, & modum, easq; mēti inserit, insertasq; custodit. Ipsa est me-
dicina, animarum fidelium saluberrima, quæ omnibus consulit; quo-
niam, tumētia spiritus vlcerā comprimit, tabescentia reficit, depraua-
ta corrigit, excreſcentia tollit. Nam quemadmodum mel concordat;
in confectiōibus medicina cum omnibus diuersitatibus specierum;
sic ex humilitatis dulcedine conduntur omnia genera virtutū. Quis-
quis ergo cupit diuinitatis obtinere fastigia, humilitatis ima se ſectetur,
Quisquis quietem supernæ patris amat, humilitatis culmen in mori-
bus diligentissimè teneat. Quid tendis pedem ultra te? Cadere vis;
non ascendere, à gradu incipe, & ascendisti.

Quinq; autem præceptiunculis totum negotium absoluit. Prima
est, qui ex paupertate in monasterium se contulerunt, ceruicem non
erigant, aut superbia rapiantur, eo quod in nobili diuitum, honora-
torumq; virorum consortio cooptati, atque recepti fuerint; eorumq;
colloquio, consuetudineq; gandeant, quos antea alloqui formidabāt.
Huic, verò depellendo morbo salubre medicamentum esto, corda vo-
luntatesq; ac vniuersas affectiones sursum in cælum, quæ Dei omni-
potentis sedes est, diligenter extollere; terrena verò, quæ vana sunt,
atque caduca, & breui peritura, non queritare, sed generosè contē-
nere, pedibusq; conculcare. Aeternæ etiam sapientiæ gustus, atten-
taq; Dei cognitio eundem morbum ab anima depellit, adeò vt vltē-
rius mundo viuere, seiusq; blanditijs vti non sinat. Id quod suo nos
exemplo Paulus docuit ad Galat. 2. dicens; Cum autē placuit ei, qui
me segregauit ex utero matris meæ, & vocauit per gratiam suam, vt
reuelaret filium suum in me, vt Euangelizarem illum gentibus, con-
tinuò non acquieui carni, & sanguini. Nam quemadmodum oriente
sole, noctis caligo repellitur, ita se in humani cordis penetralibus di-
uinā luce fundente, præteritorum viciōrū fugantur tenebræ, & Chri-
stianæ puritatis dies serena refulget: ex huiusmodiq; gratiæ nouo splē-
dore reformatur mens hominis, & virum mutatur in alterum. Displi-
cet ei quod ante placuerat, omnia mundi oblectamenta iam non arri-
dent, sed ei vileſcunt, diuitias honoresq; maxima arbitrat̃ur incom-
moda esse: carnis insuper curam, exquisitos cibos, sordescētis im-
pudicitiz voluptates, ornatus vestium pretiosarum, conuiuiorum la-
ſciuiam, choreas, & obscēnos hyſtrionum iocos, idq; genus alia, ala-
cri animo, vt stercorea contemnit, quoniam infiniti ponderis abscon-
ditum

ditum letatur se reperisse thesaurum, idest Christum, in quo omnes sapientiz, & scientiz Dei thesauri reconduntur.

- 4 Huius verò suæ præceptiunculæ rationem suggerit; Alioquin. futurum est, ut monasteria, quæ in animarum utilitatem, atque salutem constructa fuere, diuitibus quidem frugem adferant, pauperibus verò perniciem conferant, si illud experimento comprobetur, diuites in eis humiliari, pauperes verò turgidos reddi, atque inflari. Probi igitur pauperes mente perlustrent omne datum optimum, & omne donum perfectum de sursum esse, descendens à patre luminum, qui pro sua largitate, ac beneplacito suscitatur à terra inopem, & de stercore erigit pauperem, ut collocet eum cum principibus. Audiantq; Paulum prædicantē, gratia Dei sum, id quod sum. Sursum ergo cor habeant; hoc est in Deum gratias, atque suspiria transmittant: beneficiorū Dei magnitudinem secum cogitantes, & cognoscentes, & in ardentissimum illius amore seipsos excitantes. Rursus animaduertant, ceruicem erigere insignis superbiæ iudicium esse; superbis autem Angelis nec cælum vtile fuit, superbis quoque hominibus inutile fiet monasterium. Nam & si sanctus sit locus, sanctus sit habitus, sancta etiam opera videantur. Ea tamen omnia vrens superbiæ ventus infrugifera reddet. Maxima autem esse solet, atque vberissima monasteriorum utilitas. In eis enim facilius seculi peccata cauentur. Quæ verò. Iam commissa sunt, commodius purgātur. Maiora quoque operum merita cumulantur. Cristas igitur vnusquisque deiiciat, & humilitatem strenuè colat. Omnis quidem superbiam Religione est detestanda, vehementius verò in pauperibus. Quantò. n. commendabilior est humilitas in viro excellenti, tantò acrius reprobanda est superbia in homine abiecto. Adde etiam, quòd diuitum superbia non sine magna occasione oritur. Nam diuitiæ in superbiam hominem præcipitant, dicente Augustino, vermis diuitum superbia est; Nam ut ex putredine nascitur vermis, sic ex diuitijs turgidus animus. At verò, pauper vnde superbiat, non habet. Quin potius paupertatis indiuiduam comitem, ipsam esse humilitatem, ut plurimum cernimus.

- 5 Illud verò annotatione dignissimum, quòd significanti loquendi forma vsus sit August. ad exprimendam nobis detestandam superbiam, dum ait; Non erigendam esse ceruicem, idest collum extendendum non esse. Sic. n. idem prorsus vitium significatur. De superbiante autē homine Iob cap. 15. verba facit, dicens; Cucurrit aduersus Deum erecto collo. Quemadmodum ad Deum currere dicitur, qui magno desiderio boni affectus, bonis operibus Deum sibi demereri studet, iuxta illud Psal. 118. viam mandatorum tuorum cucurri, cum dilatasti cor meum:

meum: ita aduersus Deum currere dicuntur, qui ex affectu, & animo deliberato gaudent facere mala, quibus Deus offenditur. In erecto autē collo, superbia, pertinacia, & contemptus designatur: quemadmodum ē contrario, demittere collum, aut ceruicem inflectere, humiliantis se, atque submittētis est indicium. Forum autem omnium, quæ hic de superba impij præsumptione dicuntur, euidentissimum legimus exemplum, in impio illo Nicanore; qui præter illam superbam comminationem, qua sanctissimo templo, & loco comminabatur, etiā Deo se ex aduerso opponere est ausus, quasi ex æquo cum eo certare paratus. 2. Mach. 15. Cum. n. Iudæis per necessitatem ipsum sequentibus iussisset arma sumere in die Sabbathi ad debellandum Iudam: illi verò præcarentur eum, non ita ferociter, ac barbarè agere, sed honorem tribuere diei sanctificationis; interrogauit infelix ille, si esset potens in cælo, qui imperasset agi Sabbathum? Cumq; rursum illi dixissent, esse dominum viuum in cælo, potentem, qui septimam diem agi iussit: Miserrimus ipse intolerabili blasphemia; Et ego, inquit, potens sum in terra, qui impero sumi arma, & impleri negotia regis. Annum hic vides rectum collum aduersus Deum, & ceruicem pinguis- simam, atque durissimam? Sed quem illa ceruix habuerit exitum simul considera. Post paulum Dei iudicio corruit in prælio Nicanor; nefaria manus quam contra dominum sanctam Dei extenderat, cum humero abscissa est, & contra templum suspensa, caput quoque impium præcisum fuit, & in summa arce suspensum: & blasphema illa lingua infrusta concisa, particulatim data est auibus.

6. Secunda Præceptiuncula, quæ in diuites profertur, hæc est. Qui ex populari diuitum fastu in monasterium aufugerunt, pauperes fratres; nec spernant, nec fastidiant. Imò verò pauperum fratrum societate glorientur, parentum diuitum dignitatem, & gloriam cōtemnere, ac obliuione sepelire magno studio enitantur. Nec de diuitijs in monasterium collatis eos superbire decet. Nemo igitur siue ditior, siue potentior, siue nobilior, siue sapientior, aut doctior fuerit, quempiam alium aspernari debet, aut fastidire. Nam vt Paulus admonet 1. ad Cor. 1. infirma mundi elegit Deus, & ignobilia, contemptibiliaq; vt non gloriatur omnis caro in conspectu eius, videlicet neque potens in potentia sua, neque sapiens in sapientia sua, neque diues in diuitijs suis, neque nobilis in sua nobilitate. Non enim est personarum acceptio apud Deum ad Rom. 2. Nam idem dominus, diues in omnes, qui inuocant eum, ad Rom. 10.

7. Fratrum quidem triplex est genus natura; vt omnes homines sunt fratres fide; vt omnes Christiani religione; vt Religiosi eiusdem professionis

fessionis. Qua ergo sana mente illum hominem aspèrneris, qui triplici iure fraternitatis tibi coniunctus est, nempe natura, fide, atque professione regulari? Huc accedit quod angelicæ naturæ sublimitas pauperes non fastidiuit, imò astare eis, & ministrare consuevit Matth. 18. cap. Videte, ne contemnatis vnum è pusillis istis, dico enim vobis, quoniam Angeli eorum semper vident faciem patris, qui in cœlis est. Non paucos Religiosos huius qualitatis cōperies, qui si generosi esse ab alijs sciuntur, inani gloria corripuntur. Alij verò difficilè se continent, quin interdum verba obiter proferant, quibus se nobiles esse aperiant. Sunt iterum alij, qui his dictis nondū satiati, maiores se venditant, & iactant, quam reuera in seculo fuerunt. Sed valeant hæc delitamenta, quæ profectò non quæ Dei sunt sapiunt, sed Gentilium futilem vanitatem maximè redolent.

8 Præterea pauca quædam ad litteram dilucidandam ex Humberto huc adducemus. Duplex quidem est superbia; quædam latens in cogitatione Eccl. 6. cap. Non te extollas in cogitatione animæ tuæ, velut taurus Altera verò apparens exterius, quæ in quibusdam actib. exterioribus propalatur, vt Eccl. 13. Qui communicauerit superbo, induet superbiam. Volens ergo August. vtrancq; superbiam in diuitibus refecare, duo coniunxit. Primum, ne extollantur, videlicet in corde. Secundum, nec de suis diuitijs superbiant, videlicet in opere. Ad hæc, annotato triplici nomine in hoc capite ab August. Religionem fuisse vocatam. Nempè vitam communem, monasterium, & sanctam societatem: vt his tribus nominibus nos trium votorum emissorum cōmoneret. Dicitur. n. sancta societas, contra libidinis immundiciem: appellatur communis vita, contra sacrilegam proprietatem: Monasterium etiam, quod Monachorum statio, siue habitaculum est, nuncupatur propter obedientiam.

9 Deinde noster author suam secundam præceptiunculam pulchra ratione corroborat, peculiarem superbiz conditionem exprimens, quoniam tanquàm vasa, versutaq; bonorum operum corruptrix, virtutibus etiam callide insidiatur, vt earum opera euanescant, & pereant: ex quo fit manifestum, superbiam ceteris vitijs deteriorem esse; alia. n. vicia mentem humanam exterminant. Superbia verò omnis peccati initium existit, prima est in peccando, vltima in conflictu remanet. Nam cum strenuus Religionis cultor cetera vitia deuicerit, & ad virtutum culmen conscenderit, tamen acris sibi lucta restat cōtra superbiam, quam nisi pro virili expugnauerit, in ceteris quamuis heroicis operibus frustra oleum, & operam se impendisse intelligat. Quam rem scitè, acuteq; August. sequentibus verbis enodauit, cum ait; & quid prodest


prodeft, &c. Quafi apertius dixiffet, quid prodeft cum fuperbia paupertas? Perpende miferum illius Pharifæi ftatum, quem Luc. 18. cap. Chriftus graphicè depinxit. Superbia, inquit Hieronymus, in cinere, & cilicio latet. Egregia quidem eft Choriolani expositio com. 13. vt feruentiores effent Religiofi ad fufpicienda documēta, quæ de euitanda fuperbia tradiderat, eius deteftabilem, malignātemq; naturam adiecit: edocens ipfam cunctis iniquitatibus, vitijs, atque peccatis nequiores effe. Quoniam quæcunq; alia iniquitas exercetur quidem in malis operibus, vt fiāt, hoc eft vt illa perpetrētur, illaq; mala fequantur. Superbia verò non folùm mala perpetrare intendit, fed etiam bonis operibus infidiatur, vt pereant, inutiliaq; fint apud Deum. Id quod Auguft. lib. de natura, & gratia manifefte reddidit, explicans; omnia vitia in male factis tātummodo valere, folam fuperbiam etiam in rectè factis cauendam effe, in quibus pede celeriori, & obrepit, & fuperuenit. Cetera vitia fimilia funt leoni, qui apertè irafcens, apertè inuadit; fuperbia draconi eft fimilis, qui occultè infidiatur. At verò quantò difficilius eft occultas effugere infidias, quàm manifefte impetus euitare, tantò ceteris vitijs & nequior, & periculofior eft fuperbia. Hunc duplicem finem effe fuperbiæ agnoscito: mala nempe vniuerfa comittere, & bona omnia tollere. Quo fit, vt rectè fcriptum fit, initium omnis peccati effe fuperbiam.

10 ^{et} Quifquis ergo vitam, moresq; fuos sanctè instituere defiderat, necesse est, vt ante omnia fuperbiam fugiat, quæ ficut origo eft omnium criminum, ita ruina cunctarum virtutum. Cetera nanque vitia folas illas virtutes impetunt, quibus ipfa deftruuntur; vt luxuria, pudicitiam; ira, patientiam. Solā verò fuperbia contra cunctas animi virtutes fe erigit; & quafi generalis, ac pestifer morbus omnes corrumpit. O fuperbia, peccatum maximum, pestis mortifera, nocens calamitas. Tu de angelo diabolum fecifti, & homini mortem intulifti. Angelum. n. de cælo, imò & hominem de paradiso expulifti. Tu Spiritus Sancti repugnaculum exiftis. Tu turrim Babylonicam euertifti, linguam confudifti, prostrasti Goliath, fuspendifti Aman, interfecifti Nicanorem, peremifti Antiochum, Pharaonem fubmersifti, & Sennacherib interemifti, cuncti denique fuperbi tua caufa deiecti fuerunt; fedes ducum multorum propter te Deus destruxit, & radices Gentium fuperbarū arefecit. Nihil ita oculos diuinæ maiestatis ab exordio mundi offendit, vt fuperbia. Insuper nocumentum fuperbiæ hac in re perpenditur: quod in operibus bonis duo funt, videlicet gloria, & vtilitas; quorum primum Deus sibi refervauit, alterum nobis dedit; vnde fi Dei partem querimus, alteram amittimus. Quemadmodum ramuscu-

lus trunco superplantatus. Omnem terræ humorem, omnemq; virtutem arboris ad se trahens, totius arboris fructum ad suam naturam reducit; sic quæcunque bona opera facias, si planta superbix adfuerit, totam massam corrumpit. Nam quemadmodum stillicidia aquæ, quæ in cacuminibus montium non quiescunt, sed inde ad concaua vallium defluunt, ibiq; colliguntur tantò copiosius, quantò valles fuerint profundiores; sic dona gratiæ in superbiorum cordibus non quiescunt, sed in humilium mentibus colliguntur tantò exuberantius, quantò humiliores extiterint. Nihil ita à pueritia B. Hierony. vitare conatus est, quàm tumentem animum, & ceruicem erectam, Dei contra se odium prouocantem. Hinc contra superbientem Saul dicitur 1. Reg. 15. Cū esses paruulus in oculis tuis, caput in tribus Israel factus es, ac si aperte diceretur. Cū tu te paruulum conspiceres, ego te præ ceteris magnum feci. Nunc autem cū magnus sis tibi, despectus es mihi. Humilitatem igitur Saluatoris nostri, tanquàm optimum aduersus superbiam medicamentum, tibi ob oculos animi ponas.

- 11** Tertia præceptiuncula ad abigendam superbiam profertur. Omnes itaq; vnanimem, concordemq; vitam viuite, & mutuo honore vos prosequimini. Dum. n. vos inuicem honoratis, Deum ipsum in honore vestro maximè honoratis, & colitis. Dei. n. templa peculiaris Religionis ingressu facti estis; cuius intra vos imaginè continetis. Quòd & Paulus testatur. 1. ad Cor. 3. dicens; Nescitis, quia templū Dei estis, & spiritus Dei habitat in vobis; Si quis autem templum Dei violauerit, disperdet illum Deus. Templum. n. Dei sanctū est, quòd estis vos. Rursus cap. 6. an nescitis, quoniam membra vestra, templum sunt spiritus Sancti? Docet autem Basilius in epistola ad Gregorium theologum; Prima hac nos ratione templum Dei effici, quando nec terrenis curis ppetuus tenor memoriæ iinterpellatur, nec improuisisurbationibus intellectus tumultuatur: Sed hæc omnia effugiens vir amore Dei præditus, ad Deū ipse secedit, tū affectus foras quatiens, qui ad intemperantiā prouocant; tū in ijs studijs libenter versans, quæ ad virtutē ducunt. Hanc autem concordiam, & mutuum amorem citra dubiū vobis præstabunt sacræ illæ sorores, paupertas, atque humilitas, quæ profectò charitatis, & mutui honoris secundæ sunt progenitrices.

De corde sursum efferendo, & terrenis vanis non querendis. Confid. j.

- 1**  Vrsus in cælo cor habere, terrenaq; vana non querere suis Canonicis D. August. hoc loco præcipit; in quo quidē præclarissimo proloquio non tam verba, quàm secretissima rerum diuinarum mysteria proponit, quæ toto Regulæ decursu enarrat,

doce-

docetq; nos pulcherrimis sententijs, rationibus, & tropis, quanta animi magnitudine mundū nobis adblandientem, & res humanas despiciere debeamus. Toto conatur studio vir sapientissimus, ijs qui honestis vitæ officijs rectè sunt instituti, quiq; Euangelicam sitiunt Philosophiam, persuadere, mundana quæque prorsus esse contemnenda, & magno, ac constanti animo deferenda, & omnia quæ in pulcherrimo huiusce inquieti, ac turbulenti mundi, & decidentis seculi spectaculo cernuntur, esse vana, nec summis honoribus, alijsq; caducis bonis esse fidendum, sed soli Virtuti, soliq; Religioni, ac Pietati iugiter inuigilandum: nec deniq; tutissimam in his, quæ pereunt, designandam esse cordis nostri anchorā: etenim quo magis immodico istarū rerum studio, & anxia cura tenemur, & obuincimur, eo magis torquemur, & diuexamur. Hæc sola inexplebilis rerū expetendarū cupiditas, imò potius infania, nos reddit deliros, vecordes, & stolidissimos, totumq; hominē à sincera rerum diuinarum contemplatione abducit, & auocat. Putemus suauissimas huius mundi delicias esse fallacissima syrenum incantamenta, & veneficia.

3 Hæc igitur Augustiniana sententia, quin & tota ipsius Regula, peculiarem videtur habere energiam, & vim quandā singularem, eamq; non mediocrem, ad persuadendum Religiosorum animis, mundi, & omnium, quæ in eo cernuntur, siue geruntur, verum contemptum, perfectamq; cordis ab his omnibus, quæ sub Sole videntur abdicationem. Quæ quidem persuasio non illis tantum, qui speciali aliquo voto arctioribus vitæ semitis, sponte sua se astrinxerunt, verum etiam Christianis omnibus ad propositum æternæ vitæ præmium inoffenso pede contendere cupientibus vehementer utilis est, atque imprimis necessaria: nisi promissi sui, quod in sacri baptismatis fonte corā Deo, & sanctis angelis emisserunt, ac iureiurando confirmauerunt, transgressores, & violatores haberi velint. Quid.n. est aliud satanæ, & popis eius omnibus abrenunciare, quod omnes nos fecimus, quicumq; in sanguine Christi baptizati sumus, quàm mundū, & omnia quæ sunt in mundo, despiciere, atque pro nihilo pendere? Omne.n. quod est in mundo, aut est concupiscentia carnis, aut concupiscentia oculorum, aut superbia vitæ. 1. Ioan. 2. & 3. estq; totus ipse in maligno positus. Propter quod etiam non immeritò & ipsum, & quæ sunt in ipso, omnia ex affectu proijcienda censuit Ioānes, suosq; filios (ea siquidē tenerioris amoris nominatione suas ouiculas dulcis pastor, dilectus discipulus gaudebat compellare) ne illis per affectum dilectionis inhaererent, sollicitè præmonuit, palam cōtestatus vniuersos, vt mūdi olores se exhibere studeant, si Dei amatores haberi, & esse velint. Si q̄s

diligit mundum; inquit, non est charitas patris in eo.

- 3 Neque verò solus Ioan. aduersus mundum sic strenuè depugnat, verumetiam ceteri Apostoli in suis diuinis, quas nobis in monumentum perpetuum reliquere litteris, vix vsquam non aduersus mundum, & ea quæ in ipso sunt, constanti voce exclamant; & quasi vno ore cōclāmant. Omnis denique validissimè, & efficacissimè, Christi superbenedicti, vnus veri magistri nostri dicta, & facta, siue potius facta, & dicta (quandoquidē hunc ordinem Spiritus Sanctus in Apost. Actuum descriptione prælegit, tanquā ad instruendos, & commouendos homines; quorum gratia ille sua omnia & fecerat, & dixerat, magis efficacem, & validum.) Ad istuc ipsum, idest ad contemnendū mundum cum omnibus, quæ sunt in ipso; imò ad ponitus odiendum, atque execrandum eum suū tenebroso principe nos promouant, incitant, impellunt, ac velut violentia quadam sancta compellunt. Quæ quidem in re pulchra quædam, & peramœna pijs mentibus sese offert consideratio, circa suauē paginæ veteris ad paginam nouā concentum, apertamq; consonantiam: nihil.n. aliud concionatorius ille Ecclesiastes veteris paginæ liber, per longas disputationes, & deductiones prolixas, multiplicēsq; per exempla varia, & serè per particula singula discursus docet, vel agit, nisi quod nouæ paginæ tota per sanctorum Apostolorum, atq; ipsius Apostolorum magistri absolutissimam doctrinam, exemplo operum non minus quā sano verborū compendiosissimè simul, & efficacissimè agit. Nimirum, vt vniuersa ista sub sole sensibus nostris obiecta, & subiecta affectibus; forti animo, & corde magno doceamur contemnendo transire; ac penitus nihili faciendo supergredi: ad ea verò quæ supra Solem sunt, sensui quidē abscondita, sed fidei non ignota, sola verè bona, sola rationalis creaturæ amorē digna, tota vi memoriæ, tota mentis acie, toto affectus studio, omnium denique virium conatu transcendere: Imò transillire, imò (ne fortè moram vsquam nobis contingat fieri noxiam, aut periculosam) transuolare studeamus.

- 4 Videlicet, vt vbi noster est thesaurus, ibi sint & corda nostra, Matth. 6. Vbi nostrum est corpus, illic conuolent luente spiritali renouata aquila: vbi caput agit, illic agant & membra: vbi mensæ accumbit dominus, illic in circuitu assistant seculi: vbi in patris dextera gloriatur filius naturalis, & primogenitus; ibi corpore absentes, spiritu præsentēs congaudeant coheredes, & adoptiui. Denique, vt tales nos modo per terrenarum (quas sibi vulgus commendo confingit) felicitatum contemptum, ac indefessum veræ pietatis, quæ ad omnia valet, exercitium exuberare studeamus, qui digni aliquando habeamur, promissio-

missionem illam pietati debitam in præmium accipere, id est verā illā, ac solidā felicitatem, ad quam obtinendam ab optimo, pijsimoq; Deo conditi sumus, perpetua securitate possidere, vbi post laborem modicum, magna nos expectat requies, post passionem vix momentaneas, easdemq; leuissimas, incomparabile pondus gloriæ nunquam intermoritur: nos manet: quando assignata pro operibus bonis optima, & maxime optima mercede, a modo iā dicit spiritus, vt requiescamus a laboribus. Apoc. 14.

5 Hunc nimirum esse scopum declamationis concionatorię ipsius Salomonis, tū exordium ipsum, siue thēma initio sermonis magno pōdere propositum, tū conclusio ipsa prolixā, ac vehementioris disputationis tam seria in fine totius operis, tanta cum auctoritate, & maiestate, quasi in signaculum pietatis apposita, apertē testantur, ac nimis quā euidenter demonstrant. Vanitas vanitatum, condescens suggestum, ē pulpito declamans præter concionatorū mbrē purpuratus ait Ecclesiastes; Vanitas vanitatu, & omnia vanitas. Quid habet amplius homo de vniuerso labore suo, quo laborat sub sole? descensurus tandē ē pulpito, & concionem dimissurus orationem finiens, Deum time, inquit, & mandata eius obserua, hoc est. n. omnis homo, & cuncta quæ sunt adducet Deus in iudicium, pro omni errato, siue bonum, siue malum sit. Quid illo dici potuit vehementius, atque ad persuadendum omniū quæ sunt sub Sole contēptū efficacius? Isto rursū quid potuit dici vtilius, atq; ad obtinendā veram scēlicitatē cōpendiosius.

6 Denique illa omnia tam varia inter thema illud tam splendidum, & conclusionem, istam tam seriam, ad illius quidem declarationem, huius verō constabilitatem, interiecta leguntur de multiplici seculi vanitatē, & varijs hominum insanijs, quibus sese frustra distendunt, & ab vno solo verē summo bono elongant, ac penitus alienos reddunt, non illi modo qui infimum in plebe locum obtinent ignobile vulgus: verum etiam pleriq; eorum, qui doctores se, & rectores profitentur, ac gloriantur aliorum, duces cecī, errantes, & in errorem mittentes, quā hæc inquam, omnia apertē Euangelicæ Christi doctrinæ consonare inueniuntur; quā apte illius exemplis quadrant omnia videlicet, quæ Sapiens Ecclesiastes tam luculenter, quā efficaciter disserit, de contēnendis mundi huius delitijs, & carnis voluptatibus, de non magnificandis temporalibus diuitijs, de execranda auri, atque argenti, aliarumq; possessionum intermina cupiditate, de abijciendis pro terrena substantia, vel acquirenda, vel conseruanda curis superuacaneis, de ipso quoque scientiæ, aut sapientiæ humanæ studio immodico, quod nonnullis altiori animo sine Deo altiora se querentibus viscus est non

minus tenax, & laqueus non minus perniciosus, quam alijs quibusdā crassiori ingenio crassa ista concupiscentibus auri, atque argenti congregandi, & variz supellectilis coaceruandæ immo dicum desiderium alijsq; huiusmodi occupationibus vanis, quæ à vero, & serio pietatis studio, vel auocare prorsus, vel certè demorari, & vehemèter impedire animos hominū solent fugiendis. Hæc inquam omnia tam copiosè ab Ecclesiaste dicta, tam eleganter ante oculos posita, tam ornate cōposita, tam frequenter, & opportunè repetita, & varijs moralium sententiarum passim insertis documētis, quasi flosculis quibusdā redimita, non alio spectant, quam vt illud animis hominum ad virtutem capefendam ex corruptione vitiatæ originis alioqui tardioribus, persuadeant, ac vel inculcando ingerant, vel etiā insculpant, quod multò post illo suo plusquam melleo ore, & labijs plusquam roseis Magister noster IESVS CHRISTVS simplicissimo nos sermone edocuit. Attēdite, inquit, Luc. 21. ne grauentur corda vestra crapula, & ebrietas, & curis huius vitæ, ne fortè superueniat in vos repentina dies illa. Tanquam laqueus. n. superueniet in omnes, qui sedent super faciem omnis terræ. Et rursus, Videte, & caute ab omni avaritia, quia non in abundantia cuiusq; vita eius est, ex ijs quæ possidet. Et Matth. 6. Nolite thesaurizare vobis thesauros in terra, vbi erugo, & tinea demolitur, & fures effodiunt, & furantur, sed thesaurizate vobis thesauros in celo, vbi nec erugo, neq; tinea demolitur, & vbi fures non effodiunt, nec furantur. Et iterum; Nolite solliciti esse animæ vestræ, quid mādūcetis, & corpori vestro, quid induamini, & alia huiusmodi, quibus plena sunt sacrosanta Euangeliorum volumina.

7 Quæ quidem domini nostri simplicia, & humilia verba licet viris spiritalibus, & perfecti in Spiritu Sancto iudicij, qui iuxta Apostolū ad Heb. 5. pro consuetudine in diuinis sententijs exercitatos habent sensus multò sint sapidiora, solidiora, & efficaciora dictis, ac scriptis quamlibet secundum exteriorem verborum faciem magis, compositis, vel ornatis aliorum quorumcunq; imperfectioribus tamen, & rudibus, vtpote qui adhuc vel in totū, vel magna ex parte carnales sunt, aut animales, vel omnino nihil, vel parū admodū spiritus Christi habētes, diuinarumq; rerū expertes, quibus pro sui iudicij ruditate, & infantili teneritudine solidus ille verborum Christi cibus nondum sapit, vel proficit, fieri poterit, vt ista nostra doctrina, non parum proficiat, paulatimq; illos ad robur qualecunque perducatur.

8 Quo etiā cōsilio gloriosissimus ille inter sanctos Ecclesiæ doctores Augustinus, vt nos ad contemptū mundi huius prouocaret, & omne quod in mundo cerneremus, putaremus esse pro nihilo, eā nobis sententiam


tentiam protulit, ex Ecclesiaste, Christi; Euangelio, atq; Apost. doctrina de promptam, videlicet vt sursum cor haberemus, terrenaq; vana negligere. Neque id sanè mirum, quandoquidem in hanc rem sapientissimus Ecclesiæ doctor, diuina sapientia, humanaq; experientia plenus, in regula sua sic totus fertur, sic vniuersum in eam videtur effundere ex industria spiritum, sic omnes ingenij neruos in eam exerit, vt etiam gentilis quilibet non possit, non vehementer commoueri, si in huius regulæ attentiori lectione aliquantisper fuerit commoratus. Sed hic quidem in hoc Ecclesiasticis themate aduertendum est, dū ait; Vanitas vanitatum, & omnia vanitas, neq; frequentem earundem vocum replicationem esse superuacaneam, neq; sine causa abstractis magis vocibus, quàm concretis, vt vocant, afferri sermonem, vt maluerit dicere, omnia esse vanitatem, non contentus dixisse vana omnia. Vtrunq; n. horum, eandem fere rationem habet. Nam & replicatio illa multiplex, & abstractarum vocum vsus, æquè ad exaggerandum rem, & pondus adiiciendum sententiæ faciunt: huiuscemodi. n. replicatio magnam habet vehementiam. Primū quidem, illa quæ per genitiuū fit suo nominatiuo coniunctum, vt hic dicitur; Vanitas vanitatum. Ita. n. proferre solemus, quæ sunt insignia notatu, vt florē florum appellantes rosam. Deiparam Virginem MARIAM, virginem virginū salutantes, omniū supremū regem, & dominū CHRISTVM regem regum, & dominantium dominum vocitantes, quod nomen in sacra Apocalypsi etiam vestimento ipsius, & scemori inscriptum fuisse legimus cap. 19. Dicens ergo vanitatem vanitatum, insignem, & maximam indicat vanitatem. Deinde quòd non contentus semel dixisse, Vanitas vanitatum, denuò replicat, atque etiam tertio simpliciter vanitatem enunciat, magnam habet vehementiā: vt in Psal. 48. & 95. legimus; Psallite Deo nostro, psallite regi nostro, psallite, sic ergo nostram excitat pigritiam ad habendū huius mundi, suzq; vanitatis maximæ contemptum, & vilipendium.

9 Non ineptè, sed scire quidem August. adiecit particulam illam sursum, vanitatem mundi significaturus, quoniam in cælo supra Solem, in æterna beatitudine omnia solida, stabilia, scelicia, perpetuaq; sunt, id quod cap. 1. idem Ecclesiastes innuisse videtur, dicens; Vidi cuncta, quæ sunt sub Sole, & ecce vniuersa vanitas, & afflictio spiritus. Sub Sole dixit, id est super terram, non supra Solem. Luculenta quidem oratione Laur. Iustin. lib. de disciplina monastica cap. 2. nos docet, quòd ex admonitionibus domini IESV, ex consideratione vilitatis, & instabilitatis rerum temporalium, ex comparatione spiritalium gaudiorum, ad mundi contemptum seculi amatores efficacissi-

mē admoneantur, & manu ducantur.

- 10 Reliquum igitur est, vt rerum vanarum cōgitationes, & affectiones peccatorum longē à nobis propulsemus; Quoniam sicuti corpus muscæ circunuolitant, & molestare ipsum, moribusq; impetere non desinunt, & si insidere permittātur diutius, vehementer pungunt, ac nocent: ita cogitationes, affectionesq; malæ peccatorum animam assidue circunuolitant, & infestant molestissimē, nunquā cessantes à vexatione, semper paratæ aculeum infigere, & sanguinem elicere, idest ad consensum, titillante delectatione, pertrahere, sibiq; locum quietis parare, vt possint in anima se figere, ipsiq; fixius hærere. Quæ nisi mundanæ vanitatis consideratione, flabellum tenente, abigantur, nisi illis sedulò resistatur, si ad vllam moram permittantur insidere animæ, statim persenties vulnus, & nocumentum non paruum accipies. Sunt etiam quasi muscæ permolestæ fugiendi ipsi dæmones, qui perpetuò in morem muscarum nos circundant, & sordibus pascuntur peccatorum mordere, vulnera infigere, & sanguinem elicere desiderant, honorum, diuitiarum, & voluptatum cuspide iniecta, atq; incussa. Nā & Beelzebub princeps dæmoniorum Deum muscarum sonat: maxima quidem illorum ignorantia est, qui spe mundi blandimētis allekti, fallacem eius dulcedinem ita amplectuntur, vt omnino nesciant, hominem bullam esse. Quapropter quidam Sapiens rogatus, quidnam esset homo, viatorem esse respondit, assidue transeuntem, qui magno sudore in pelago p mille procellas, ac tempestates iactatus, crebroq; anhelitu, gradu citato, nulla interposita quiete, quo maiori pōt cursu, die, ac nocte contendit ad mortem. Quamobrem Paulū idipsum cum August. concionantem ad Colos. 3. audiamus; quæ sursum sunt, quærite, vbi Christus est in dextera Dei sedens, quæ sursum sunt, sapite, non quæ super terram.

De nobilitate generis in Monasterio non iactanda. Confid. ij.

- 3 ENERIS nobilitate gloriandum non esse, palam docuit Christus, Luc. cap. 3. cū Iudæos viperarum genimina esse vociferabatur. Et idē admonebantur claritatē sibi magis operis, quā nobilitatem generis vendicare, quod nulla in successione prerogatiua sit, nisi fidei astipuletur hæreditas. Quare Matth. 15. cū Christus in petitione Chananzæ, dixit; Non sum missus nisi ad oues, quæ perierunt domus Israel, ait Ambr. Psal. 43. Hoc in loco velut dubitasse quosdā cognoui, quid sit illud Christi dictum? quasi nobilitatem generis electi ad saluandas animas quæsisse videatur, qui venit, vt omnes redimeretur.

tur. Quorum dubitationem quasi ineptam subridet Ambr. Christus enim nobilitatem generis ad saluandas animas non quaesuit. Sed hoc ipsum argumentum elegantius perstrinxit idem Ambr. libro de Nabuche Iezraelita cap. 13. cui elegans titulus praefigitur; Quam stulta sit superbia diuitum gloriantium de nobilitatis prosapia. Et quod meritum haeredum non in auro, sed in virtute consistat. Quid.n.inquit, superbis diues? Quid dicis pauperi: noli me tangere? Nonne sic vtero conceptus, & natus es ex vtero, quemadmodum & pauper est natus? Quid te iactas de nobilitatis prosapia? Soletis, & canum vestrorum origines, sicut diuitum recensere; soletis, & equorum vestrorum nobilitatem, sicut consulū praedicare. Ille ex illo patre generatus est, & illa matre editus: ille aucto illo gaudet, illis se proauis attollit? Sed nihil istud currentem iuuat, non datur nobilitati palma, sed cursui. Deformior est victus, in quo, & nobilitas generis periclitatur. Caue igitur diues, ne in te erubescant tuorum merita maiorum, ne forte, & illis dicatur: cur talem instituitis? Cur talem elegistis haereditem? Non in auratis laquearibus, nec in porphyreticis orbibus haereditis est meritum. Laus ista non hominum, sed metallorum est, in quibus homines puniuntur.

Chrysostomus ait Matth. 1. cap. Hom. 3. De nobilitatis contemptu praeclarum protulit testimonium Matth. in genealogia Christi, commemoratis saeculis vilibus, & non satis honestis. De Thamār.n. sic ait. Quid nobis talis recordationem infert historiae, qua adulterium turpe continetur? Quia si nudi tantummodo hominis describeretur genus, merito haec reticuisset. Sic autem magis virtus eius, ac pietas refulgebit. Venit.n. Christus, non ut nostra fugeret opprobria, sed ut ea potius exstingueret. Natus tales progenitores habere dignatus est, nihil de nostris vilicibus erubescens. Ut nos quoque nunquam erubescamus de vitijs parentum: sed vni illud queramus, nobilitari propriarum honore virtutum. Huiusmodi.n. etiam si alienigenam habeat matrem, etiam si fornicatione pollutam, vel quolibet eiusmodi dedecore sordidatam, nihil tamen de eius, aut vilitate fuscabitur, aut crimine polluetur; si propria virtute decoretur, parentum suorum non decoloratur opprobrijs, neque verò ut tantummodo nos doceret, hoc fecit, sed etiam ut reprimeret Iudaeorum tumorem. Quia.n. illius nobilitatis, quae ad animam pertinet, insignia negligebant, nimiumque insolenter de Abraham stirpe gloriabantur, virtutem parentum defensionem suorum rati esse vitiorum: idcirco in ipso euangelij principio docet, non alienis, sed proprijs esse gloriandum virtutibus. Haec quippe nostrae nobilitatis est prerogatiua, ut siue seruus sit aliquis, siue nobi-

his, nihil huic plus minusve accedat. Sola enim hic requiritur voluntas, mentisque generositas. Ex hac utili, veraque eruditione inferendum est, duplicem esse nobilitatem, alteram corporis, alteram vero animæ. Animam autem nobilitas nobis comparanda est. Hoc enim vera nobilitatis splendore Apostoli, qui & principes nominantur, mirifice claruerunt. Ad refutandas enim corporeas genealogias, sic adhuc pronunciare dicet, Nemo est omnino, nec de virtute, nec de vitio, parentum, aut laude alius quis dignus, aut culpa: nemo inde verè aut obscurus, aut clarus est. Imò ut quod incredibile videtur, dicamus, nescio quomodo magis ille resplendet, qui ex parentibus à virtute prorsus alienis, ipse tamè fuerit de virtute mirabilis. Nullus igitur in superbiam de gloria parentum elenatur, sed considerans progenitores domini, omnem reprimat mentis tumorem. Christus hic nascitur ex Ruth idolatra, Raab meretrice, Thamar incesta, Bethsabée adultera, ex quibus tamè multa bona prodierunt. Sic generis maculas Christus non horret.

3 Nullum ferè hominum genus est, quod non aliquid dedecoris habeat. Cuius rei, sic Deo volente, causa est, ut intelligamus nihil esse in hac vita omni ex parte beatum. Quis credidisset peccata, & sordes etiam ad Christi genealogiam penetrare potuisse? Ita igitur ordinavit altissimus, ut nihil esset tam splendidum, quin alicunde tenebrarum maculis fœdaretur, ut videlicet non gloriatur omnis caro coram Deo. Ferat ergo opprobrium gentis quisque suæ, siquidem & Christus ipse pertulit. Homo in diuitijs, delitijs, & honore gloriatur, at vir spiritualis libenter gloriatur in infirmitatibus suis: imò pudet gloriari, nisi in cruce, id est in abiectione, & ignobilitate.

4 Profecto parum illustris est, qui præter imaginem, & cognomen, nihil habet nobilitatis. Pulcherrimum autem nobilitatis genus est, quod sibi quisque proprijs virtutibus conciliat. Quid enim prodest ei, quæ sortidat mores, generatio clara? Aut quid nocet illi generatio vilis, quæ mores, & virtutes adornant? Quid profuit Cham, quod fuerit Noë filius? Nonne separatus de medio filiorum, qui secundum carnem fuerat natus, secundum animam factus est servus, nec familia eius sancta potuit defendere impios mores? Et quid Timotheo nocuisse credideris, quod fuerit ex parte gentili, aut quid nocuit Abraham, quod patrem habuit Tharam, luteorum deorum cultorem? Nonne separatus à genere suo positus est in caput fidelium, ut iam non diceretur filius peccatorum, sed pater sanctorum? Vnde Sosistratus olim tibicen, cum quidam ei obiectaret, quod ex ignobilibus prognatus esset parentibus; atqui, inquit, ob id ipsum debui magis laudari, & in admiratione esse, quod à me genus initium cepit. Eximia quippe virtus sponte sua, suum

consequitur decus; nec vlla speciosior statua; quam honorifica, bene
actæ vitæ memoria. Omnes habent generis originem lutum, tùm ij,
qui in paupertate magna viuunt, tùm ij, qui in purpura, & bysso nutriū
tur. Nec Religio conditioque hominum, sed animos inspicit singulo-
rum. Seruum, & nobilem de moribus pronunciat; quoniam apud Deū
non generis nobilitas, non gradus elegantior, sed vitæ melioris actio
comprobat. Sola apud Deū libertas est, non seruire peccatis. Ele-
git. n. Deus ignobilia, & contemptibilia huius mundi, vt potentes, ad
nobiles ad humilitatem adduceret. 1. ad Corint. 1. Nam & alijs fru-
stra sibi aliquis de nobilitate generis applaudit, cū vniuersi paris ho-
noris, & eiusdem apud Deum pretij sint, qui vno Christi sanguine sunt
redempti; nec interest; quia quis conditione natus sit, cū omnes in
Christo æqualiter renascamur. Nā & si obliuiscimur, quia ex vno om-
nes generati sumus; saltem id semper meminisse debemus, quod per
vnum omnes regeneramus.

Vera nobilitas Christiana est, quod filij Dei sumus iure creationis,
id quod Paulus Act. 17. in Areopago Atheniensi. concionabatur, di-
cens; Fecitq; ex vno omne genus hominum, in ipso. n. viuimus, & mo-
tuemur, & sumus, sicut & quidam vestrorum Poetarum dixerunt; ip-
sius. n. & genus sumus; genus ergo cū simus Dei, &c. Et Isaiæ 64. Tu
domine pater noster es. nos vero lutum. Tu, factor noster: Et opéra
manuum tuarum omnes nos. Item sumus filij Dei, gratia adoptionis:
Atque etiam ratione hæreditatis æternæ ad Rom. 8. Considerāda qui-
dem sunt verba relata in cap. pen. S. nos igitur, de præben. Attendē-
tes, quod non generis, sed virtutum nobilitas, vitæq; honestas gratū
Deo faciunt, & idoneum seruitorem. Ad cuius regimen non multos
secundum carnem nobiles, & potentes elegit, sed ignobiles, & pau-
peres. Eandem nobilitatem plenē expressit Chrysostomus. Matth. 6.
Hom. 10. in illud verbum, Pater noster, dicens. Similiter etiam do-
cet generalem orationem facere pro fratribus. Non enim dicit. Pater
meus qui es in cælis; sed Pater noster, vt pro communi corpore precē
fundas, vt vbi quæ non tam propria commoda, quam proximorū pie-
tas. Quo quidem ipse, & inimicitias interimat, & superbiam reprimat,
& explodit inuidiam, & introducat matrem bonorum orationum chari-
tatem, & humanarum rerum inæqualitatem prorsus expellit, & mi-
ram regis cū paupere æqualitatem honoris ostendit, si tamen in ma-
ximis, & ad æternam gloriam necessarijs cōmunionē sociemur. Quid
enim noxe de terrena ignobilitate metuendum est, quando cælesti
omnes nobilitate coniūgimur? Cūq; nullus alio amplius de illo ho-
nore possideat, neque locuples paupere, neque dominus seruo, neque

iudex ministro, neque rex milite, neque philosophus barbaro; nec sapiens imperito: cunctis. n. vnā, atque eandem nobilitatem donauit Deus, cū dignatus est omnium pater vocari.

- 6 Sed illud fortassis te in admirationem rapiet, quod plerosq; nonnunquam audies, qui nuda sanguinis nobilitate gloriāntur, nō æquo eos animo ferre, si dixeris, nullam esse veram coram Deo, & homine nobilitatem, nisi quæ à virtute primum deriuata, secūm virtutem habeat sociam. Ob id. n. quorundam maiores à Cæsaribus, testimonio etiam insignium, stemmatum, & armorum adhibito, fuerunt nobilitate donati, exornatiq;, quoniam inter ceteros virtutibus, pijsq; gestis ad suorum imitationem claruerunt. Plebeijs quoque non improbos dicentes audies. Dictū mirum, quod illi stomachantur, si audiāt, nobilitatem veram, à virtute primum deriuari, cum potius sibi gaudē dum esset, atq; letandum, quod nobilitas eorū à tam eximia, & pulchra radice, videlicet virtute, prodierit? Virtute. n. quid excellentius? Quid pulchrius? Nonne antiqui illi perhibuere, nihil Deo videri similius virtute, vt quæ suo splendore Deum non aliter imitetur, atque pictura, & rei imago rem ipsam? Quæ quidem si oculis, cerneretur (veluti Cicero, & Plato affirmarunt) mirabiles in se, & ardentes excitaret amores, vnde, & plerique Philosophi maximi in ea summum bonum collocauerunt, pro eaq; conseruanda per quam plurimi duram subire mortem haudquaquam recusauerunt. Nā vt ethnicos prætereamus, legimus in sacris literis, Ionathan potius offensam patris, & salutis periculum subiisse, antequam erga Dauid defereret pietatis virtutē. Sic quoque Abimelech. 1. Reg. 26. legimus, pro hospitalis gratiæ officijs necē potius sui ipsius, quam proditiōē fugiētis amici subire voluisse. Cur ergo tam ægrē illi ferunt, si pronuncietur, nobiles nō esse, nisi qui virtutem sectentur, ob quam sui maiores nobilitari meruerunt?

- 7 His tamen omnibus respondendum cenſeo, qui nudam nobilitatē suorum maiorū iactant, bonis moribus foras reiectis, plurimū eos, à suis parentibus degenerare, eamq; viam planē abhorrere, quæ ducit ad virtutem, quæ cū sit dura, & ardua (vt de littera Y Pythagorica Maro tradit) vitiorum verò sit mollis, rari sunt, qui eā ingredi, ac persequi velint. Proptereaq; non admodum mirum iudicabitur, si pauci verē nobiles reperiantur. Hoc ipsum Christus subſignificasse videtur Matth. 7. cū ait; Angusta porta, & arcta via est, quæ ducit ad vitam, & pauci sunt qui inueniunt eam. Ea autem via Christus est, & virtus. Quicunque ergo verē nobilitari desiderant, Christum sequantur, in quo omnis virtus sita est. Nam primi illi Christianæ reipub. Senatores, ac Principes sanctissimi, videlicet Apostoli, si exquiras quales conditione,

conditione, ac genere fuerint? Piscatores erant, atque pauperculi, & laboriosi artifices. Sunt tamen perquam eximia nobilitate condecorati, electiq; Senatores, & Principes, eo quod relictis retibus, sequuti sunt Christum, facti deinde Piscatores hominum. Ab hoc enim fonte vera nobilitas dimanare conspicitur.

8. Insignis quidem eruditio illa est, quam tradit tom. 5. in Matth. cap. 19. q. 209. Alphonfus Tostatus Episcopus Abulensis, sacrarum scripturarum vigilantissimus perscrutator, qui nostro Salmanticensi Collegio S. Bartholomæi fuit decus amplissimum. Edisserens enim verba illa. Omnis qui reliquerit fratres, aut sorores, aut patrem, aut matrem, percunctatur, quam ratione, atq; modo huiusmodi enarrata personæ propter Christum relinquantur? Docetq; id tripliciter fieri. Primum quantum ad conuersationem, siue consuetudinem. Id quod in omnibus Christum sequentibus planè contingit. Illis .n. omnibus abiectis, Christum sequebatur, quocunque locorum pergeret. Suorum ergo consanguineorum conuersationem aspernantes, ut Christum sequerentur, magnum meriti cumulum apud Deum sibi comparabant. Deinde huiusmodi personæ relinquuntur, quoad gaudium, & consolationem, & vtilitatem, quæ ex charis consanguineis percipi solent. Illud verò verissimè contingit, cum quispiam propter Christi sequelam, suos omnes consanguineos missos faciens, Religionem ingreditur. Tunc .n. illorum conuersationis consuetudinibusq; non solum iacturam facit, sed etiam delectationem, & gaudium, & vtilitatem deperdit. Quæ quidem res sic manifesta fiet. In seculo .n. remanens poterat à consanguineis temporalia emolumenta percipere. Ingressus verò Religionem, id minimè potest, cum ei nihil possidere liceat. Delectationem quoque amittit. Nam si is fuerit ex nobili prosapia bene natus existens in seculo, citra mortale peccatum poterat de sua nobilitate aliquantulum gloriari. Cum verò se ad Religionem contulit, id nequaquam licebit. Siquidem transiens ad Religionem, contempsit omnia, etiam se ipsum ut solum Christum lucrificeret, eiq; totus inhreret. Ob eam igitur rationem nec superbire, nec gaudere illi amplius licebit de quantumuis illustri, vel nobili prosapia. Porremo huiusmodi personæ relinquuntur propter diuinum cultum, si nobis ad id impedimento fuerint. Hoc autem loco illud animaduertes, ab hoc insigni doctore nobilitatis iactantiam sub peccati noxa in Religioso fuisse damnatam. Est profectò Platonis de generis nobilitate sententia in primis elegans; nemo rex non ex seruis est oriundus, nemo non seruus ex regibus. Omnia ista longa varietas miscuit, & sursum, deorsumq; fortuna versauit. Quis ergo generosus? Ad virtutem à natura compositus. Et sacer Hieronymus

ronymus ad Cellant. ait; Nescit Religio Christiana personas excipere, nec conditiones hominum, sed animas inspicit singulorum. Ille quippe apud Deum præest potior, non quem nobilitas generis; nec decor corporis, nec dignitas seculi; sed quem deuotio fidei, & sancta vita commendat. Sola. n. apud Deum libertas est, non seruire peccatis; summa apud eum nobilitas est, clarum esse virtutibus. Hanc igitur Christianam Philosophiam Religiosus rectè edoctus, facillè intelliget; quantum dedecoris sibi pariat in erigendo nobilitatis carneæ cristas, atque ceruicem. Quare iure optimo Aluarus Pelagius lib. 2. de planctu Ecc. cap. 24. inter vulgatiore Monachorum scelera, nonnum illud recenset, quod gloriantur de uobilitate sua, & potentia amicorum; proptereaq; ad libitum viuere; alij alijs dominari volunt; cum tamen Religio omnem nobilitatem tollat. 27. q. 2. cap. scribit. Et de purgatione canonica cap. nobilis, in glossa: Ingenuus. Quæ asserit. per monachatum amitti nobilitatem. Vnde ex vulgato iuris peritorum proverbio nobilitas in Religione prorsus extinguitur. Quoniam in Religione non attenditur nobilitas, nec consideratur, ut docuerunt Panor. in cap. dudum, de elect. & Spec. de statu Monach. Quod si vrgeas, nobilitatem quoddam esse ius sanguinis immutabile, ob idq; auferri non posse? Respondeo per ingressum Religionis non deperdi ius sanguinis, & nobilitatis; sed id tantum assero; inter Religiosos, nec attendi, nec considerari sanguinis nobilitatem, ut iuris periti docuerunt; cum omnes Religiosi, propter propriæ voluntatis abdicationem sint æquales, Quare nullo dolore, nulla verecundia eos in Religione occupari decet, in quos ea solent dici: cælo patre, aut tellure matre nati sunt, aut è quercubus, & saxis ortum traxerunt. Quod si præclaram suæ animæ nobilitatem Religiosus dilucidè intueri velit, eā profectò perspicuè, acuteq; conscriptā, depictāq; tradit Hugo de S. Victore lib. 3. de anima cap. 23. tom. 2. Hinc fit, ut gloriā mundanam illi superbi Religiosi venientur; & cum hominibus secularibus colloquia, & consuetudinem frequentem habeant. Verè igitur Augustinus ait; Diuitum parentum dignitate non esse gloriandum. Demū Basilus in moralibus regula 61. admonet aspernandos non esse eos, qui adiuuant gratiā domini, propterea quod nullius pretij esse ipsi videantur, abieciq; cum huiusmodi hominum genere Deus; ut plurimum solitus sit delectari. Rursus idem Basilus sermone de abdicatione rerum, sic Religiosam admonet; Caue, ne generis nobilitate subnitare. Ne uē ob eā causam honores consecrere, qui enim carnalis est, non capit ea, quæ sunt spiritus, sic. n. inani animi elatione certaminis socios tuos supplantabis, & grandē super te peccatorum molē non aggerere non poteris.

De humilitate colenda. Confid. iij.



DISCITE à me (ait Iesus Præceptor noster) quia mitis sum, & humilis corde, Matth. 11. Humilitatis. n. virtus Christi seruo vsque adeò est necessaria, vt sine illa vana sint cetera: Quam etiam qui verè possidet, cum ipsis, vt ita dixerim, Angelis omni reliqua in re de felicitate

ferè certare potest: Hæc. n. fundamentum, & culmen bonorum omnium dici meritò potest: & diadema decoris possidentibus illam: de quâ pulchrè Apostolus ait. 1. ad Cor. 15. Insuper, quod seminas, non viuificatur, nisi prius moriatur. Iobq; sanctissimus: Qui humiliatus fuerit, erit in gloria: & qui inclinauerit oculos suos, ipse saluabitur. Extiterè quàm plurimi priorum temporum, nostræq; ætatis memoria, ne minutim singulorum exempla conquirā; eruditi planè, maximisq; virtutibus præditi, & in omni laude, ac dignitate principes; qui quoniā præstantissima hac caruere virtute, miserabili tandem casu, naufragioq; perierunt, eorum operibus insidiante superbia: de quibus Prophetæ sententia illa est admodum grauis psal. 52. Dissipauit dominus ossa eorum, qui hominibus placent. Confusi sunt, quoniam Deus spreuit eos: & quidem grauis, nam si eorum ossa sunt dissipanda, quid porò reliquum erit in his, quod inane, lubricumq; non sit. Cum nihil solidi in se habeat exossatum corpus humanum? Aut sanè quo perfugio fouendi iam erunt, cum eos spreuerit Deus? Quos tùm maximè spernet, cum videlicet cuiq; mercedem propriam reddens infelicitibus his inquit: abire inanes, & vacui, recepistis mercedem vestram, laudem hominum, & miseram gloriam. Quæ. n. virtute præstare debuistis, à vitio deduxistis, mentiri conscientias bonas, imitariq; fatuas virgines, quæ habètes lampades oleo vacuas, à sponsi thalamo exclusæ sunt, habitæq; ludibrio: Matth. 25. An non amentis est, recta sequi, laudis causa oculis seruire intuentium, aura populari miserabiliter ferri, & quasi mercedem benefactorum ducere hominum gloriam? Quæ sanè nunquàm satis digna merces esse poterit, cum semper temeraria sit, semper incerta, semper inanis, & cuiusque arbitrio, & voto permissa. In abditis igitur conscientiarum thesauris nostra omnis gloria lateat? Sicut scribit Apostolus: Gloria nostra hæc est testimonium conscientiarum nostrarum. His igitur limitibus continendus est animus, nec vento permittendus, vt illi soli placeamus, qui pro nobis est factus abiectissimus, atq; humilimus; quod. n. facit in dapibus, atq; cibarijs sal, ea condiens, atque præseruans, hoc & ipsis virtutibus humilitas facit, & multò quippè potiora. Nam eas non modo sapidiores reddit, incorruptasq; tuetur: sed in

sed in sublime effert, suūq; authori Deo efficit chariores. Non potest sermo facer vel mentiri, vel fallere, qui illud nobis insonat: Luc. 14. & 18. Qui se humiliat exaltabitur: & qui se exaltat, humiliabitur. Et deposuit potentes de sede, & exaltauit humiles. Tu igitur Religiose, inuitatus ad nuptias, nouissimo loco discumbe: Vt veniens, quite inuitauit, amice (dicat) ascende superius, tibiq; sit amplior coram discumbētibus honor. Luc. 14. Sed nunquid nō es inuitatus ad nuptias? Imō iam exceptus, vbi noue nupte agni epithalaminā celebrantur vestre nuptiali, i fest candida clarus, atque insignis. Tantū vide, vt humilior loco confedeas, vt ab triclinij magistro iubearis ascendere. Ex eorumq; numero fias, quibus dicitur psal. 126. Surgite, postquā sederitis, qui manducatis panem doloris.

2. Hanc illustrem virtutem miris laudibus D. Basilus pluribus in locis effert, ac celebrat. Imprimis ex humilitate gloria nascitur. Vt ipse docet in sermone de humilitate, de Christo sic differens. Post tantam verò humilitatem in suz vitæ decursu monstratam, tandem, & gloriam suam exerit vnā secum glorificans, quotquot cum ipso ignominiam tulere, quorum primi sunt beati Discipuli, qui pauperes, ac nudi orbem percurrerunt. Ad horum nos imitationem conferamus, vt ex humilitate nobis sempiterna nascatur gloria, quæ perfectum est, ac verum Christi donum. Quonāmi igitur pacto ad salutarem hanc animi humilitatem, pernicioſa superbiz elatione relicta, descendemus? si perpetuū studium modestiz exerceamus. Sit tibi & ornatus, & alimonia, & domus huiusmodi, quorum omnium vsus sit ad frugalitatē: & sermo, & proximi conuictus ad mediocritatē, magis quā ad fastū. Vide ne in sermone arrogantiam, vsurpes sophisticam, neque dictionem ostentes superbam, ac grauem. Ne sis increpando molestus, ac seuerus, neq; propter modica delicta condemnes aliquem, quasi rigidus, ac prædurus iuris exactor. Et tantū studij impendas, ne apud hominēs gloriosus habearis, quantū impendunt alij, vt glorificentur, & conspici sint hominibus. Ama humilitatem, & glorificabit te. Hoc pacto ritē ad veram gloriam pertinges, quæ est coram Angelis, quæ est apud Deum. Agnosce te Christus tanquā discipulum suum coram Angelis, & glorificabit te.

3. Ex eodem etiam Basilio in sermone de abdicatione rerum, tanta est humilitatis propagata latitudo, vt vniuersas virtutes in se contineat, & complectatur. quoties. n. tuæ tibi in fungendis pro communi re fratrū ministerijs vices obtigerint, in eo aduigila, vt ad laborem corporis, verborum etiam lenitatem adhibeas: vt ij, quibus ministras, charitatem te habere erga ipsos intelligant: quo gratum sit illis ministerium tuum,

tum, ut pote quod sit sale conditum. Assignato tibi ministerio, cum modestia fungitor, sedulitateq; perinde ac si Christo ipsi ministrare, etiam si ministeria tibi coniuncta, contempta admodum, abiecta; videantur. Siquidem ipsa humilitas; virtutum omnium quasi quædam fagena est, quæ diuina in se præcepta omnia comprehendit. Estq; virtutum omnium contentrix, quam bonorum sequitur copiosissimum, veluti quoddam exarchon.

- 4 Item ex eodem Basilio in Constit. Monasticis cap. 17. animi humilitas diuissimus est virtutum thesaurus. Ceterum, in omnibus, quæ recte fiant causas, cur illa sic fiant, domino assignare animus debet, neque omnino esse quicquam existimare, quod suarum virtutum facultate assequi possit. Huiusmodi. n. animi affectio natura suapte solet humilitatem in nobis ingenerare. Porro humilitas tutissimus est virtutum omnium thesaurus.
- 5 Humilitas etiam est vera Christi imitatio. Pietatis. n. cognitio, humilitatis, & transectudinis genitrix est: Quando se animo scire submittere, Christum est scire imitari. Contra autem fastidio, & arrogantia, afferri, & insolentius se gerere, est diabolo se similem facere. Christum imitare, non aduersarium Christi Deum, non aduersarium Dei; clementem, non inclementem. Noli in eo properare, ut fratribus præsis, ne aliorum peccatorum onere ceruices aggraves tuas. Cõperies apud Basilium duas de humilitate elegantes orationes, & facundas, fuit. n. insignis ille, sanctusq; vir, stenuus humilitatis cultor.

- 6 Præterea ex Chrysostomo Matth. 5. Humilitas cunctarum virtutum origo, & quasi fundamentum est. Siquidem vnusquisque humilitate supposita, tutissime cuncta alia superponit, & edificans: hæc verò subducta, etiam si ad ipsum usque cœlum conuersationis sublimitate peruenias, simul omnia subtrahuntur, atque in finem pessimum relabuntur. Nam siue orationem, siue ieiunium, siue misericordiam, siue pudiciam, siue aliudquid bonorum absque humilitate congreges, statim cuncta defluunt, cunctaq; deperunt. Ut pharisæo legimus accidisse. Sicut enim superbia omnium fons malorum est, ita humilitas cunctarum origo virtutum. Est etiam humilitas instar cætenæ aureæ, ut idem Chrysostomus auctor est.

- 7 Porro ex Ambrosio serm. 20. in psalm. 81. Humilitas virtutum omnium caput est, quæ totum velut quoddam nostrorum actum fouet corpus. Quamuis infirmus aliquis sit, pauper, ignobilis, tamen si non se extollat, ipsa se humilitate commendat: sit aliquis prædices, & nobilis, idem si nobilitatem generis, & diuitias iactet, insolentia sibi vilis est. Deniq; pharisæus, Luc. 18. licet abundens, & parcus esset alieni,

liberalis sui, non refugus ieiunij, tamen propter iactantiam etiam illa, quæ habere poterat, amisit. Publicanus tamen nihil enumerare poterat, sed propter humilitatem iustificatus est. Lege Ambrosium lib. 10. epistolarum, epist. 84. Qui magnis præconijs veram humilitatem exaltat, & Demetriadem virginem præsidio sinceræ humilitatis armandam curat.

8. Diuus quoque Gregorius mille præconijs humilitatē extollit, nunc enim ait; humilitatem ante districti iudicis oculos; ceteris virtutibus præminere, nunc humilitatem magistram esse, & matrem omniū virtutum, atque etiam custodem affirmat, nunc evidentissimum electorum signum eam esse censet, nunc demū eum, qui sine humilitate virtutes congregat, quasi in ventum pulverē portare asserit. Item humilitatis munus est, ut homo proprios defectus consideret, ne se extollat. Imò, & alij deteriorē se iudicat; timens, ne per superbiam gravius peccet in his, quæ benè agere videtur. Humilitatis quoque proprius actus est contemnere sublimitatem terrenā. Hæc ex S. Thoma.
9. Quæ verò sequuntur, paucis accipito. Magnus esse vis, à minimo incipe. Cogitas magnam fabricam construere celsitudinis, de fundamento prius cogita humilitatis. Quantam quisque vult, & disponit super imponere molem ædificij, tantò erit maius ædificium, tantò altius fodit fundamentum. Et fabrica quidem cum cōstruitur, in suprema confurgit: qui autem fodit fundamentum, ad ima deprimitur. Ergo, & fabrica ante celsitudinem humiliatur, & fastigium post humiliationem erigitur. Quod est fastigium construendæ fabricæ, quam molimur? Quo peruenturum est cacumen ædificij? Cito dicam, usque ad conspectum Dei. Vides, quanta res sit conspicerē Deum? Promittitur nobis humilitatem sectantibus conspectus Dei, veri Dei, summi Dei. Igitur sicuti omnis fabrica dependet ex fundamento, ita nullo modo poterit in anima nostra virtutum structura cōsurgere, nisi prius quisque studuerit sese in humilitatis fundo solidare. Altiora ædificia profundiori fundamento indigent; & arbor excelsa si radicata profunde non fuerit, facilius ventorum impulsu evertitur. Humilitas quidē fundamentum omnium virtutum est maximum, sine qua nullum spiritale subsistit ædificium. Ab ipsa incipiunt, per ipsam proficiunt, in ipsa consumantur, & per ipsam cōservantur; sed potissimum ad Christi exemplum veram humilitatem sectemur; pio semper animo recolentes, quantum nos ipsos pro diuino amore, quantum pro propria salute oporteat humiliari, qui terra sumus, & cinis, si tantū summa illa potestas pro nobis humiliari non respuit, & ad suscipiendā nostræ fragilitatis infirma descendere non recusavit, ut nos verbo, & exemplo

humilita-

humilitatem doceret; Post tantam Christi humilitatem non superbiendum est vnquam. Plerique homines culpam suam sponte agnoscunt, & confitentur, ab humilitate tamen longè absunt. Nullo eos arguente, peccatores se esse prædicant; si verò corripiantur patrociniū, defensionemq; suorum criminum arripiūt, ne peccatores esse videantur. Indiciū autem veræ humilitatis est, vt sicuti vnusquisque peccatorem se esse confitetur, ita id alteri de se dicenti nec inficietur, nec contradicat. Indiciū quoque superbiz est, vt quod fateri quisque de se sua sponte dignatur, hoc ipsum sibi ab alijs dici, obijciq; agreferat.

De oratione. Cap. vj.

ORATIONIBVS instate horis, & temporibus constitutis. In oratorio nemo aliquid agat, nisi ad quod factum est, vnde & nomen accepit. Vt si fortè aliqui præter horas constitutas, si eis vacat, & orare voluerint, non eis sit impedimento: qui ibi aliquid agendum putauerint. Psalmis, & Hymnis cū oratis Deum, hoc versetur in corde, quod profertur in ore. Et nolite cantare, nisi quod legitis esse cantandum. Quod autem non ita scriptum est vt cantetur, non cantetur.

ENARRATIO.



RATIO, qua animus noster in Deum ascēdit, eiq; subiicitur, humilitati proxima est. Humilitas quidem torques aureus est animæ, oratio verò eiusdem est propugnaculum, quo se aduersus dæmonis tentationes tueatur. Præ ceteris verò viro Religioso pernecessaria est, ne in perducendo arduo perfectionis opere in consumationem, & finē optatum, difficultatibus obruatur, iuxta id Matth. 26. Vigilate, & orate, ne intretis in tentationem. Huius enim certaminis nos Salomon Eccles. 2. præmonuit, dicens: Fili accedens ad seruitutem Dei, sta in iustitia, & timore. Et præpara animā tuam ad tentationem. Quattuor ergo præcepta in orationis recto vsu, atque exercitio facer Augustinus in hoc capite nobis tradidit. Primum, orationibus instate horis, &

temporibus constitutis ; Verbum autē, instate, ex Paulo ad Rom. 12. mutuatus est, orationi instantes. Et ad Col. 4. orationi instate. Instantes. n. & ardenter orare tenemur. Si quidem magna sunt bona, quæ nobis Deus pollicetur. Nam oculus non vidit, nec auris audiuit, nec in cor hominis ascendit, quæ præparauit Dens diligentibus se Isai. 64. & 1. ad Cor. 2. Nec voluit Deus beneficia sua querendi; inueniendiq; facilitate vilescere. Petite, inquit, Matth. 7. & Luc. 11. & dabitur vobis; quærite, & inuenietis; pulsate, & aperietur vobis. Nec. n. ociosis, tepidis, & negligentibus promittitur regnum Dei; sed regnum cælorum vim patitur, & violenti rapiunt illud. Exquirat quidem à nobis Deus instantiam, & importunitatem in oratione; quod si ad primas lachrymas, ait Hugo, te Deus non exaudierit, nec tunc quidem à querendo, pulsandoq; tibi desistendum est. Sed maiori instantia vtendū, donec orantis desiderium impleatur. Quod si quispiam nostrum conscientiam suam, vel cogitationem suam, vitiorum sorde sentit inquinatam, misericordiam Redemptoris continuis lachrymis efflagitet, sanctorumq; intercessionibus, & auxilia postulet, perseuerantiam Chanaanæ imitatus.

2 Tempus autem, & horas constitutas ad orandū nos obseruare conuenit, id quod de orationibus ordinarijs, publicis, & communibus intelligendum est. Ante tempus orare prouidentia est; in tempore constituto orare est obedientia. Sic. n. fiet, vt inquit Gilbertus S. Ruffi Abbas expositor huius Regule, & ab Humberto citatus, vt non solum oratio censeatur, sed etiam obedientia. Conduplicatur igitur nobis commodum, si tempore constituto orauerimus. Tempus tandem orandi præterire negligentia est. Porro horis, & temporibus constitutis concurrat, & conueniat ad orandū non solum hic, aut ille conuentus, sed innumera multitudo monasteriorum per vniuersum orbem dispersa, preces autem multorum facilius exaudiantur. Item locus orationi deputatus efficit, vt preces citius exaudiantur; tantundem efficiet, & tempus à Spiritu Sancto statutum iuxta illud Esai. 49. Tempore placito exaudiuit te.

3 Secundum præceptum; in oratorio nihil agendum, nisi quod ipsius nomini conuenit, ne orare volentibus impedimentum aliquod exhibeatur. De orationibus priuatis, & extraordinarijs hic agitur, quæ non necessitatis, sed voluntatis sunt. Idcirco non traditur præceptum, vt fiant, sed tantūm ne impediantur. Nomine verò oratorij Humbertus ecclesiam intelligit, secutus Hugonem, ratione eorū, qui in ea conueniunt, quod & templum nuncupatur ratione illius, in cuius nomine conueniunt, scilicet Dei, Templum. n. dicitur à Theos, quod

quod est Deus; & platea, quasi Dei platea. Dicitur etiam oratorium, quod & frequentius, & celebrius orandi munus in eo exerceatur. Eam ob causam Christus ementes, & vendentes eiecit de templo Ioan. 2. dicens: Domus mea, domus orationis vocabitur, Matth. 21. cap. Omnis. n. ecclesia constituitur, ut in ea oretur, est. n. domus Dei, porta cœli, in qua peccatores reconciliantur, iusti sanctificantur, diuina mysteria explentur, & cœlestia sacramenta tractantur, & ministrantur. Quocirca Salomôn dicebat; Domine, si conuersus fuerit populus tuus, & orauerit ad sanctuarium tuum, tu exaudies eos, & dimittes peccata eorû. Ideo summo opere cauendû est, ne aliquid in sanctuario fiat, quod aut oculos diuinę maiestatis offendant, aut ibi orare volêtes impediatur.

- 4 Tertium præceptum; cum psalmis, & hymnis Deum oramus, hoc versemus in corde, quod ore proferimus. Nam psallentium in ecclesia mentem cum voce concordare oportet, iuxta illud Apostoli, psallâ spiritu, psallâ & mente. Orandi perseverantia ita meretur esse fructifera; si quod ore precamur, hoc mente meditemur. Sciens autem diabolus orandi utilitatem, & nobis inuidens gratiam impetrandi, immittit orantibus cogitationum tumultus, ut mentem ab oratione distrahat, & orationis fructum omnino auferat. Aduersus cuius fraudem, mentis constantia à nobis requiritur. Obseruandum est autem ad orationis puritatem plurimum conducere, si in omni loco, & tempore nos ab actibus illicitis temperemus. Si semper ab otiosis sermonibus auditum, pariter & linguam cohibentes, in lege Dei ambulare, & eius testimonia scrutari assuescamus. Quæcunque enim frequenter agere, loqui, audireq; soliti sumus, eadem necesse est ad animum, quasi ad solitam, propriamq; sedem recurrant.

- 5 Præterea considerandum ex Humberto, quod ut fit in litteris sacris, sic Auguf. in Regula quædam constituit, quæ non sunt tam præcepta, quam calcaria incitantia ad bonum. E quorum numero hoc tertium præceptum iudicandum est. Vnde virtute Regulæ nemo obligatur ad hoc præceptum custodiendum maiori ratione, quam aliàs obligatur ex iure diuino. Caueat tamen sibi Religiosus, ne Simiam hac in re imitetur, quæ interdum labia mouet ad modum orantis, quamuis quid dicat, ignoret. Legimus enim Matth. 13. Populus hic labijs me honorat; cor autem eorum longe est à me.

- 6 Quartum præceptum. Nolite cantare, nisi quod iure statutum est esse cantandum. Non. n. decet, cantum ecclesiasticum secundum diuersorum arbitrium exequi; sed firmiter obseruandus, exercendusq; est iuxta scripta, & instituta maiorum. Si quid vero fortè mutari, aut denuò constitui fuerit opus: nec citò, nec leuiter, nec paucorum arbi-

etio, sed maiorum auctoritate stabilendum est. Nec illud ignorandum, auctoritatem Ecclesiasticam in omnibus magis sequendam esse, quam rationem. Quoniam auctoritas semper obedientiam, & humilitatem indicat; ratio verò nonnunquam præsumptionis est argumentum. Est enim documentum tanquam irrefragabile retinendum, ut in rebus ecclesiasticis, & cœnobiticis semper maturitas, ac gravitas teneatur, nec facile, aut leuiculè quicquam immutetur.

- 7 Vt igitur nostra fert opinio, facit Augustinus vetuit hoc, loco earum orationes, quæ maiorum auctoritate discussæ, & comprobatæ non fuerint, propter ingentia pericula, & mala, quæ hinc exoriri possent, iuxta perutile decretum Concilij Mileuitani can. 12. Placuit etiam (inquit) & illud, ut preces, vel orationes, seu missæ, quæ probatæ fuerint in Concilio, siue præfationes, siue commendationes, seu manus impositiones ab omnibus celebrentur. Nec aliæ omnino dicantur in ecclesia, nisi quæ à prudentioribus tractatæ, vel comprobatæ in synodo fuerint, ne fortè aliquid contra fidem, vel per ignorantiam, vel per minus studium sit compositum. Hac de re multa diximus superius lib. 2. cap. 12. & 13.

De vi, & præstantia orationis. Confid. j.

1



AM verò quàm sit oratio præstans, quàm fructuosa, quàm necessaria, nemo ignorat; ut qua omnis sacrificatio, omnis beneficio, omne sacramentum, ac denique omnino quidquid in cultu diuinæ honorificentiae agitur, perfici soleat, teste Augustino in tract. de oratione dicente: quid est oratione præclarior? Quid vitæ honestæ utilior? Quid animo dulcius? Quid in nostra tota Religione sublimius? Oratio est, quæ nos Christianos prouocat. Oratio est, qua cum Deo loquimur, qua patrem dicimus, qua vniuersa desideria nostra in conspectu maiestatis eius effundimus, quæ cœlos penetrat, nubes transit, Dei aures attingit. Hæc in Ecclesia vniuersis gradibus necessaria est. In rem igitur planè videtur, ut primum dicam, quid sit oratio, & quàm multiplex. Quamuis autem non ignorem, varias à varijs orationi accommodari definitiones, nec indecoras; ipse tamen ex omnibus vnam, aut alteram subscribam. Oratio est ad Deum, vel sanctos locutio, qua nobis vel bonum præstari, vel malum submoueri petimus. Vel oratio est eleuatio mentis ad Deum, ardentè, & gemitibus inenarrabilibus per Spiritum Sanctum excitatis, ab ipso Deo fideliter petitis, quæ salutaria sunt, per mediatorem Dei, & hominum Iesum Christum: Vel oratio est pius mentis ascensus in Deum, seu piorum votorum oblatio intenta, & ardens. Manifestè. n. cognoscimus, etiam spiritum suos habere pedes, quibus proficisci

ficisci possit, cum voluerit, vel vsque ad angelicorum agminum consortia, corporis pedibus interim super terram suam perstantibus. Nisi forte magis velimus alas dare spiritui, quibus volet, quàm pedes, quibus ambulet, vel currat. Sic .n. ille eximius Theologus Boetius, alas maluit, quàm pedes dare humano spiritui, cum de se ita caneret. Sunt etenim pœnnæ volucres mihi, quæ celsa conscendant poli, quas sibi cū velox mens induit, terras per osa despicit; aeris immensi superat globū; nubescq; post tergū videt; quicque motu agili calet ætheris, trāscendit ignis verticē, donec in astringas surgat domos. His ergo siue pedibus, siue alis vir probus proponit in conspectū Angelorū ascēdere, aut potius subuolare, illicq; Deum orare. Sine his .n. nunquā ad tantæ posset celsitudinis sublimitatem conscendere. Hinc David psal. 137. concinit; In conspectu Angelorum psallam tibi. Tunc verò in conspectu Angelorum Deo psallimus, quando mente, & affectu Deo per orationem præsentes nos facimus. Et quasi in circuitu throni eius nos ipsos constituimus, in profundissima cordis humilitate, cum summa reuerentia coram Deo procidentes. Consule D. Tho. 2. 2. q. 83. art. 1. Rursus, oratio duplex est, mentalis, qua quis sine voce, sed mēte sola, quasi interiori quadam locutione Deo colloquitur, optata obtinere ex animo desiderans. Qua perfectiores, & contemplationi magis dediti, minusq; solliciti de rebus alienis, frequentius vtuntur. Huiusmodi fuit Thobias ille senior. cap. 12. Qui cum lachrymis, animo orans, gratiosè exauditus est; nec dubium, quin & Susanna illa longè castissima, falsò à senioribus delata, primū mente, non voce orauerit, quæ & exaudita fuit. Daniel. 13. Vocalis est, qua quis voce, optata à Deo petit, parum certè proficiens, nisi simul, & mente fiat: vnde Apost. 1. ad Cor. 14. Orabo spiritu, orabo & mente. Qua sanè oratione Christus vna cū suis discipulis plerumque vsus est, vt Matth. 26. Io. 17. Luc. 22. Quem quidem rectè sequemur. Primum, vt quemadmodum Deo cordis, & operis, ita & oris obsequium impendamus. Si quidem triplex Deo sacrificium debemus, cordis scilicet, oris, & operis. Secundo, vt sic ad memoriam reuocemus, quod petere debemus, simulq; à pigritia excitemur, qui alioqui semper in silentio orantes, faciliè obdormiremus, obliuiscētes quod peteremus. Tertio, vt sic proximum instruamus, ad consimile opus inuitantes. Vocalis igitur oratio diligenter retinēda est, quidquid hæretici insanientes garriant. Hinc in necessitatibus constituti, ad solam confugimus orationem, veluti ad sacram quandā anchoram, dicente Iosaphat 2. Par. 20. Cum ignoremus, quid agere debeamus, hoc solū habemus residui, vt oculos nostros, dirigamus ad te, videlicet in oratione.

2 Ipsius quidē orationis est, quod immediatē (vt sic dixerim) ad Deū dirigatur, vt potē in cuius ditione cuncta sunt posita, à quo patre luminum omne datum optimum, & omne donum perfectum descendit. Qui vel solus gloriam donat, & gratiam. Nihilominus, & mediatē nō nunquā dirigī solet oratio ad sanctos ipsius propter ipsum, nō tantū ad præcipuos petitorum datores, & auctores, quales non sunt: verūm ceu ad mediatores, quorum meritis, & intuitu nobis Deus cōfert, quæ ex nostris demeritis accipere sumus indigni, illi verò in perfecta nunc charitate digni. Ideoq; admodum piē nostram orationem pro loco, & tempore dirigimus ad Dei electos, tantū ad eos, qui suis deinde precibus, & meritis nos apud Deum adiuuant. Nec interrim vllam Deo irrogamus iniuriam, qui secundum temporis ordinē sanctos ante inuocamus, quā Deum: quinimō ingentem illi gloriā afferimus in eo ipso operē, & quoddam humilitatis præ nobis ferimus insigne, reuerentiæq; in Deum. Quippe qui prius sanctos accedimus; non vt in eis sistamus venerationis metam, sed vt per eos demū prouehamur in Deum, qui solus habet principalitatem potestatis petita eoncedendi. Hac temporis prioritate vsi fuere non pauci viri sancti, tam veteris, quā noui testamenti.

3 1. Vetumenimvero quispiam percunctabitur, cur Deus oratur, & inuocetur, cum ipse sciat omnia? Respondeo, non idē uos orare Deū, vt eum, qui cuncta nouit, vel secretissima instruamus; verum nonnullas ob causas. Prima earum est, vt fidem nostram augeamus ad ipsum clamādo, credentes, & confidentes eo pacto ipsum esse, qui solus omnia possit, in quo uiuamus, moueamur, & simus; sine quo nihil possumus, à quo sint, quibus indigemus, vniuersa. Secunda, vt orando recordemur, q̄ simus pauperuli pleriq; omnes peccatores, quāq; nobis sine Deo Opt. Max. planē non sufficiamus: verūm omnis nostra sufficientia sit ex Deo. Tertia, vt nostræ orationis intentio cor nostrum serenet, ac purget, capaciusq; efficiat ad excipienda diuina munera, quæ spiritualiter nobis infunduntur. Nos. n. non semper parati sumus accipere, cum inclinamur in alia. Orabimus proinde, vt quæ Deus dare dignatur, ad accipiendū digni reddamur. Quarta, vt orantes, quod vel datur, vel dandum speramus, magni æstimemus. Non autem quod à Deo datur, vile habeamus, vnde futura sit ingratitude, & accepti beneficii obliuio, sed vt eo ipso amplius eū diligamus, & laudemus. Quinta, vt intelligamus orationem nostram non ordinari ad immutandam diuinā dispositionē, sed vt obtineatur nostris precibus, quod Deus disposuit nobis cōferre per preces, tantū per media, ad hoc per ipsum ordinata. Multa quidem Deus nobis ex sua libera-

beralitate largitur, etiā non petita: ceterū nonnulla vult præstare nobis petentibus, vt recognoscamus eum esse bonorum nostrorum auctorem. Considera, quanta est tibi concessa felicità, quanta gloria attributa, orationibus fabulari cum Deo, cum Christo miscere colloquia, optare quod velis, quod desideras, postulare. Causa itaque essentialis necessitatis orationis est secundum ordinem diuinæ sapientiæ, & prouidentię; vt scilicet quemadmodum disposuit multiplicare homines medio actu generationis, & triticū mediāte semine, ac cultura, & domos mediante artifice cum tot medijs, ita disposuit, multorum salutē, & multos effectus efficere mediante oratione, reliquosq; diuino cultū. Lege S. Tho. & Caiet. loco citato, art. 2.

4 Magnam præterea ad vitæ sanctitatem, & reliqua omnia recte obeunda vim habet oratio. Cui peculiariter quotidie intentus, assiduusq; esse Religiose debebis. Per hanc. n. te ipsum primum inspicias, & veluti in speculo contemplaberis. Quo nihil in homine melius, nihil ad perficiendum aptius, atque commodius. Qui. n. se studiosē, accurateq; inquit, is verē homo est, idemq; sapientissimi appellatione dignissimus. Qui se autem nunquā inspexerit, aut certē inspicere desierit: is profectō, mea sententia, pecus magis, quā homo cēsendus est; cuius natura seipsam ignorare vtique est. Per hanc humanus animus adhuc degens in corpore cœlestia attingit, & nunc etiā quæritum fas est, Deum ipsum certē complectitur. Per hanc denique feruor charitatis, per quam Deus nobis, nosq; illi coniungimur, sic incenditur, vt nulla procella, nullaq; aquarum inundantium vis, tam beatum incendium possit extinguere. Sed, vt breuiter dicā. O quantum admiranda est religioseq; colenda felicità oratio? Per te quicquid petimus, si ritē petimus, exoramus. Tu semper beata, si bona in conscientia nites. Tu delitiæ virginum. Tu viduarum solatium. Tu gloria sacerdotum. Tu martyrum clypeus. Athletarumq; victoria. Tu dulcedo mœrentiū. Quies laborantiū. Suauitas latantiū. Tu signorū effectrix, & virtutū omniū veneranda custos. Tu nullis impiorum summissa legibus, nullo angusta loco. Nulloq; vnquā tremefacta supplicio. De puro corde, & libera voluntate nasceris. Et ideō tuta semper, & libera es: vt qui te talē genere parētes. Per te extollitur Dei filius. Propitiatur Pater. Asilatur Spiritus sanctus. Totaq; Trinitas simul glorificatur, & superexaltatur in secula. Per te torquetur hostis diabolus, & mortifera spiritui subigitur, ac prosternitur caro. Quid tandē virium habeas, quid certē laudis? Tua prisca facinora, celeberrima miraculorum copia declarat, atque nobilitas. Inter Amalechitas, & populum Dei decertatum est acriter, vt sacra historia refert, Dū com-

mittitur pugna: si Moyſes orat, Iſrael ſuperior eſt. Si orationi ceſſat intendere, inclinatur, Amalechita vincente. Quos armis liſtere non potuit Moyſes, hos oratio ſubegit, ac domuit. Tuo auſpicio manu ſce minæ Olophernis ſuperbiſſimum amputatū eſt caput. Te fauente de Sennacherib graui Hieroſolymam bello premente, rex Ezechias triūphum tulit, centum octuagintaquinque millibus hoſtium caſis, ac duce fugato, regiſq; ſupplici, cui poſtrema iā mors imminabat, non modo miſericordiam, & pacem, ſed & tria vitæ luſtra ipſa impetrare ſola valuisti. Per Moyſen, quæ tanta res vix credi poſſit, graui populo, & idolis dedito Deum ipſum indulgere, & commiſereri adegisti, dimitte Moyſes, vt irascatur furor meus, reclamantem. Quid de te plura, cum per te cogi, ac vinci paſſus etiam ſit, qui ſolus eſt inuiſtus, & præpotens, & per quem ſunt omnia, quæ potelt omne creatum? Hæc igitur tam excellens, diuinaq; virtus tuo ſemper in ſinu requieſcat, quæ ab humanis te abſtrahens, vehat in cœlū, & ſerat per ſpecioſum omne ſublime, teq; maximis repleat gaudijs, ac ſpem erigat ad ſempiternæ ſcœlicitatis propoſita præmia: quæ tanta vtique ſunt, tamq; ampliffima, vt nullis alijs ſenſibus, quàm animo purgato, ad eaq; vehementer erecto, intelligi queant.

5 Vt autem vtiliorem adhuc orandi rationem in eas, ex vetuſtis patribus hæc tibi recondito documenta, ſalubriaq; admonita. Primum, quoties aliquo tangeris, pulſariq; vitio, toties te orationi ſubdito, frequens. n. oratio vitiorum impugnationem extinguit. Eouſq; verò perſeuerandum eſt, quouſque importunas carnalium ſuggeſtiones, quæ noſtris obſtrepunt ſenſibus, virili animo ſuperemus. Quandoquidem in oratione Spiritum Sanctum ad nos aduocamus; At vbi ille aduenerit, conſeſtim tentationes dæmonum, qui ſe humanis mentibus immergunt, præſentiam eius ferre non ſuſtinentes, eſſugiunt.

6 Secundum admonitum; nunquàm ſine gemitu orandum. Nā peccatorum recordatio mœrorem gignit. Dum. n. oramus, ad memoriam culpam reducimus, uagisq; reos tunc nos eſſe cognoscimus. Ideoq; cum Deo in oratione aſiſtimus, gemere, & flere debemus, nō immemores, quàm graua ſint noſtra ſcelera, quàmq; dira inferni ſupplicia. Tertium; mens noſtra qualem ſe in oratione offert, talem poſt orationem ſe conſeruare nitatur. Quid. n. oratio profecerit, ſi denuò committitur, vnde iam iterum veniam poſtulemus?

7 Quartum; mens quoque noſtra cœleſtis eſt, & tunc in oratione Deum rectè contemplatur, quando, nullis terrenis curis, aut erroribus impeditur. Mens etenim, quæ ante orationē vacans à Deo, illicitis cogitationibus occupatur, dum in orationem venerit, conſeſtim illi

illi imagines rerum, quas nuper cogitauit occurrunt, aditumq; precibus obstruunt, ne mens libera ad cœleste se desiderium erigat. Purgandus est itaque primum animus, atque à temporalium rerum cogitationibus segregandus, vt pura acies cordis ad Deum limpidiſſimè dirigatur. Quintum; duobus ſanè modis impeditur oratio, ne aſſequi quiſq; valeat poſtulata; Videlicet ſi aut ille adhuc mala committit, aut ſi delinquenti aduerſum ſe debita non remittit. Quod geminū malū dum quiſq; à ſemetipſo abſteſerit, ſecurus ſtatim ſtudio orationis incumbit, & ad ea quæ impetrare precibus cupit, mentem liberè erigit. Diſſidentia autem naſcitur impetrandi orata, ſi ſe adhuc animus ſenſerit circa peccandi affectionem verſari: qui à præceptis Dei auertitur, quod in oratione poſtulat, accipere non meretur. Cur.n. ab illo bonum quod poſcis, obtinebis, cuius legi obedire reniteris? Scriptum eſt.n. qui auertit aurem ſuam, ne audiat legem, oratio eius execrabilis erit. Et Hieremias ait; Leuemus corda noſtra cum manibus ad Deum. Siquidem vtrunque eſt neceſſariū, & oratione, & operatione ad ſalutem noſtram adipiſcendam contendere.

8 Sextum; propterea quorundam orationes tardius exaudiuntur, vt dum petita differuntur, fortius excitati, maioribus præmijs cumulentur, exemplo meſſium, in quibus quando tardius ſata ſemina exeūt, tantò ad frugem cumulatius creſcunt. Idcirco orantes quoties non citò exaudimur, noſtra nobis facta ob oculos proponamus, vt hoc ipſum quod differtur, diuinæ reputemus iuſtitie, & culpæ noſtræ adſcribamus. Sæpè quidem vtilitatis noſtræ eſt, non aduerſitatis. Sæpè.n. multos Deus non exaudit ad voluntatem, vt exaudiat ad ſalutem, melioraq; quàm petunt, reſeruat.

9 Septimum; ſicut orationibus regimur, ita pſalmorum ſtudijs delectamur. Pſallendi.n. vtilitas triſtia corda conſolatur, gratiores mētes facit, ſatiſdioſos oblectat, inertes exuſcit, peccatores ad compunctionem inuitat. Quamuis.n. dura ſint hominum corda, cum primum pſalmi dulcedo inſonuerit, ad affectum pietatis animos eorum inſeclit. Nefcio equidē, quo pacto fiat, vt modulatione canentis maior naſcatur compunctio cordis. Multos offendes, qui cantus ſuauiſſimè commoti, ſua crimina plangunt, ex eaq; parte magis ſecluntur ad lachrymas, ex qua pſallentis inſonuerit dulcedo ſuauiſſima. Oratio quidem in præſenti tārū vita pro peccatorum remedio effunditur; Pſalmorum autem decantatio perpetuam Dei laudem demonſtrat in gloriam ſempiternam. Cuius operis miniſterium quicumque ſideli, attentaq; mente exequitur, quodammodo angelis conſociatur.

10 Octauum; periculum eſt, teſte Bernardo, ſi tepida fuerit oratio, &

non ex viua affectione procedens. Ea.n.in ascensu languescit; & deficit, eo quod non habet vigorem, quæ verò fidelis, & humilis, & feruens oratio fuerit, cælum absq; dubio penetrabit. Inde q; certum efficitur, quod vacua non sit reditura. Nemo sinâ paruipendat orationem. Ipse.n.Deus, quem oramus, illam profectò non paruipendet. Prius nanque quàm egressa fuerit ab ore nostro, ipse scribi eam iubet in libro suo; & alterum ex duobus citra dubitationem sperare licebit, quoniam aut elargietur quod petimus, aut quod nobis nouerit esse vtilius. Nos.n.quid oremus, sicut oportet, nescimus, sed miseretur ille super ignorationem nostram. Omnino tamen infructuosa non erit, quandoquidem magna super te cura est Deo tuo.

- ¶ Illud tamen breuiter dicam, nonnullos, vt arbitror, experiri interdum in oratione ariditatem, & hebetudinem quandam mentis; quales sunt, qui solis orantes labijs, non satis attendunt; neque quæ dicant, neque cui loquantur, idq; ex praua quadam consuetudine. In cunctis igitur actibus nostris multa opus est animi vigilantia, sed præcipuè in oratione. licet.n.semper videamur, sed in oratione etiã præsentamus, & ostendimus nos dño maiestatis, quasi facie ad faciẽ eũ colloquentes. Magnum profectò illud solatium est, quod sermone septimo super Cantica Bernardus asserit: Credimus, inquit, Angelos sanctos adstare orantibus, offerre Deo preces, & vota hominum; vbi tamen sine ira, & disceptatione leuari puras manus perspexerint. Vult autem a se requiri Deus, etiam quod pollicetur.

De circumstantijs ad orationem ritè peragendam necessarijs. Consid. ij.



¶ **Q**VIUSMODI autem circumstantias, aut conditiones oratio exaudibilis habere, & de quibus rebus esse debeat: nemo pulchrius, nemo breuius, nemo explanatius, nemo deniq; melius, quàm Christus doctor summus, tam præcepto, quàm exemplo suo perdocuit, vt subsequitur Matth.6.cap. Tu autem cum oraueris, intra in cubiculũ tuum: & clauso ostio, ora patrem tuum in abscondito, & pater tuus, qui videt in abscondito reddet tibi. Postquàm dehortatus est ab orandi modo, quo hypocritæ vsi sunt, Dominus illico subiicit conditiones, quas (velit) habere nostras ad Deum preces. Prima quidem conditio est, vt nostra oratio sit secreta, atq; in secreto fiat. Id quod per ingressum cubiculi, ostiumq; clausum intelligitur. Quo quidem modo orauit Hefisæus. 4.Reg.4. vt qui puerum à morte suscitaturus, domum est ingressus: Et clauso ostio, orauit ad Dominum. Sic Daniel.6.cap.in cœnâ angulo suo clauso, ter quotidie stans horis genua demittens, cœli Deum

ado-

adorauit. Et Christus, Matth. 14. dimissa turba, ascendit in montem, solus orans. Et Marc. 1. egressus abiit in desertum locum, ibiq; orauit. Idemq; in Oliueto, dimissis discipulis, oraturus ad patrè, Matth. 26. paulò latius secessit. Nimirum suo ostendens exemplo, quod hic præcipit, vt oraturi petamus secretũ locũ, vt pote orationib. aptiorẽ.

- 3 Nolim equidẽ ignores, quod hic Dominus de cubiculo dicit, non tam ad locum, quàm ad propositum orantis referri, & frequentius spiritualiter, quàm corporaliter intelligi debere. ipsamq; sinistram, & dexteram, adeoq; cubiculi secretum non in rebus, sed in affectibus esse: orareq; illum verè in cubiculo suo, & clauso eiusdem ostio, qui non aliud præter Deum, & eius gloriam orans respicit, nec aliud cogitans: verũ ea sinceritate mentis Deũ alloquens, quasi nullus hominum se videret, nec aliud cupiens, quàm exaudiri. Ad quem utiq; modum quis bonum opus, vel in conuentũ, vel in Ecclesia, vel in plateis, vel alibi locorũ faciens, in abscondito facere dicitur: quippe faciens, nõ vt ab hominibus, sed vt solũ a Deo videri desideret. E diuerso qui in abscondito facit, cupiens videri, & laudẽ ex hoc, & gloria quærens, non in abscondito, sed in publico facere dicitur. Quoniam quod facit, non vult absconditum esse, ac si in publico faceret. Est ergo spiritualiter hoc loco cubiculũ nihil aliud, quàm cordis secretum, & mens a vanis cogitationibus aliena. Nec ostiũ est aliud, quàm carnalis sensus, qui claudendus est.

- 3 Orantes autem, inquit, Matth. 6. Nolite multũ loqui, sicut ethnici faciunt, &c. Secunda est orationis circumstantia, vel conditio, vt ipsa nõ sit multiloqua, idest batologica. Est autem bathologia quædã præcipitata, & talis verborum multitudo, quæ nõn modo minus intelligibilem vocem, sed & fastidium sua verborum superfluitate generat: quotiens loquens ob præcipationem resumit quædam, nunc quædã intercipit, inarticulatè balbutiens. Hinc errant, qui volunt hic simpliciter tolli omnes orationes prolixas. Cũ tantũ ethnicas damnet. Nostras verò orationes rectè finit esse prolixas, modò nõ eiusmodi sint, quæ sua multitudine, & prolixitate vel fastidiant, vel mentem distrahant, vel illius deuotionem impediunt. Quales sunt eorũ, qui sic plerunq; cũ multipliciter, tũ præcipienter, & indecenter orant, & canunt, vt seipfos non intelligant.

- 4 Præterea est & alia tertia conditio annotanda, quòd qui ad precandum accedit infirmitatem, & indigentiam suã sentire debet, quibus promoueatũ ad quærendum Deum, & potentem, & volentem infirmis mederi, & indigentibus subuenire. Non.n.opus est bene habentibus medico, sed malè habentibus. Videamus igitur nostram mis-

riam, imbecillitatem, infirmitatem, ac immunditiam, & rursus Dei maiestatem, bonitatemq;. Qui propter bonitatem suam cuncta creauit, à quo omnia bona procedunt, quiq; omnia sustentat, conseruat, gubernat, viuificat, & vegetat; quo dante, omnia bona accipimus; quo subtrahente manum, omnia rursus amittimus. Sed iustus, & misericors est. Eum igitur, qui petere vult aliquid, necesse est, vt ante omnia se discutiatur, num egeat? Secundò, vt apud se statuatur, quid petere velit, & quam re opus habeat. Tertiò quærendus est, qui adiuvare, & velit, & possit. Iuxta. n. est Dominus his, qui tribulato sunt corde, & humiles spiritu saluabit. Psal. 33. Despiciunt autem superbos, qui infirmitatem suam, præsertim interiorem non sentiunt, qui latentem mentis impuritatem non percipiunt, qui in fortitudine sua gloriantur.

5 Hæc vt Christus animis nostris perpetuò retinenda infingeret, & inculcaret, duas insignes parabolas adhibuit; alteram de filio prodigo, Luc. 15. alteram de Pharisæo, & Publicano, Luc. 18. Filius prodigus portione paternæ substantiæ, quæ illi obuenerat, abutens, non ante venit oratum patrem, quam in se reuersus, & suam miseriam deploraret, & diuitias bonitatis benignissimi patris agnosceret. Itidem Publicanus, proculdubio quod ad mundum attinebat, rebus affluens, sed quod ad animum pertinet, conscientia peccatorum percutsus, suamq; indigentiam agnoscens, ascendit in templum, orans non eodem, quo Pharisæus affectu. Turpitudinem. n. suam concupiscentiæ, & ambitionis non videbat. Ideò stans, seipsum commendans, non accusans orabat. At Publicanus in se reuersus, & miseriam animi sui contemplatus, à longe stetit animo deiecto, & humili, nolens vel oculos ad cælum leuare, sed percutiens pectus suum, dixit; Deus propitius esto mihi peccatori. Idcirco diuersus fuit vtriusque orationis fructus.

6 Præter eas etiam, quas attulimus orationis condiciones, est alia consideranda; videlicet, vt nostra oratio neque frigida sit, aut tepida, sed charitate efferuescens, & ex intimis ipsis cordis affectibus prodicens. Qualis autem, quantaq; attentio in oratione requiratur. Quodq; nõ omnis euagatio mæris peccatum inducat, & quæ sint causæ euagationis, quæ sit præter propositum nostrum, luculenter, abundeq; discutit Dom. Sotus lib. 10. de iustitia, & iure q. 5. art. 5. quem vt venerandum præceptorem meum libenti animo sequi soleo. Plures alias orationis condiciones sapienter conscripsit D. Tho. 2. 2. q. 83. varijs articulis. Extat Hugonis de S. Victore de modo orandi libellus, totus perfectò aureus, & à Religiosis sæpè verlandus. tom. 2. Vbi Christianum erudit, quod ex propriæ miseriæ, & diuinæ misericordiæ consideratione, ad orandum Deum sit incitandus, refertq; quamplurima hominis

mala,

mala, ærumnas, & calamitates. Item explicat tribus potissimum modis orantium affectus in Deum excitari; vel quando in laudē Dei aliquid dicimus, sine quando aliquid de nostra miseria cōmemoramus, vel etiam quando aliquid quod ad deprefionem aduersariorum nostrorum spectat, in medium adducimus. Deinde gratissimū esse Deo feruentem orantis affectum. Postremò diuersos enarrat affectuū modos, & quibus Psalmis quisque adaptetur, idq; acuta suauitate.

7 Porro sciendum vterius orationis fructuosæ species haberi multiplices; prima est postulatio, quæ circa temporaria bona; & huius vitæ necessaria obtinenda versatur: cuiusmodi sunt tranquillitas pacis, incolumitas corporis, aeris tēperies, vitæ conseruandæ adminicula, quæ sunt cibus, & potus; his adiungitur honestus amictus; in quibus Deus postulantis approbat bonam voluntatem; facit tamen quod melius est, quoniā quid infirmo sit vtilius, rectius nouit medicus, quā ægrotus. In his quidem postulationibus piē, ac fideliter tibi orandum est, non tamen pertinaci anxietate, quasi improperaturus, si non assequaris. Nonnunquā enim quod optat homo, Deo miserante non consequitur, quod id malè esset dispensaturus, aut fortè esset periclitaturus; equidem plurimum metuendum est, ne id quod posset Deus denegare propicius, largiatur iratus. Secunda orationis species est obsecratio, quæ est anxia in exercitijs spiritualibus ad Deum instantia, in qua nō absque humilitate, & patiētia consistendum est nobis: fit nanque plerumque, vt obsecranti cœlum fiat æneum ad tempus. Idcirco anxietas obsecrantis, negari sibi existimat quicquid differtur, quod tamen mira conditoris dispensatione agitur, ad extendenda, augendaq; desideria in maiorem vtilitatem: labor quidem protrahitur pugna, vt crescat corona victoriæ. Tertia dicitur saluatio, quæ est cuiusdam eximij honoris, ac etiam doni accepti à Deo commemoratio, quibus infirmitas nostra adiuuari possit. Cuius generis est angelica ad sacram Virginem saluatio, qua gratiam simul conferri nobis percipimus, per sui ventris fructum Iesum Christum, vt & ipse semper nobiscum sit, & salutem nostram in nobis operetur.

8 Quarta species est præcatio, quæ est familiaris quædam cum Deo colloquutio; vt in orationibus ab Ecclesia editis, præsertim verò in Psalmis fieri solet. Quinta est gratiarum actio. Est autem hæc collati beneficii recognitio, quam à nobis Deus ob suam immensam bonitatem exigit; quoniā aliud non habemus, quod illi reddamus, qui bonorum nostrorum non indiget. Postrema autem laus est, quæ est magnitudinis admiratio, & commendatio virtutis, primum in Deum, qui solus magnus est, & excelsus, & virtutum rex, cuius potentie vniuersa

subijciuntur; deinde in alios sanctos, & Angelos, inter quos citra contentionem primas tenet benedicta virgo MARIA. Quæ omnia vno orationis vocabulo, actuq; censentur, ac vnum orationis corpus conficiunt. Ab hac quidem orationis varietate Paulus non abhorrebat, cum ad Colos. 3. dicebat; Docentes, & commonentes vosmetipsos in psalmis, hymnis, & canticis spiritualibus. Et 1. ad Timot. 2. Obsecro igitur primum omnium fieri obsecrationes, orationes, postulationes: gratiarum actiones, pro omnibus hominibus, &c.

9 Enarrat quoque Teophylactus Christianorum orationem qualem oporteat esse in ea verba Pauli ad Ephes. 6. per omnem orationem, & precationem orantes omni tempore in spiritu. Postquam. n. Paulus armis Ephesios militaribus induit, ad Imperatorem eos deinceps ducit, ut precentur eum, quo manum porrigat. Opus nanque est nobis Dei auxilio. Orantes porro non simpliciter, sed cum omni precatione, & rogatione, cum fletu, & pectoris compunctu, & complausu, cum inflectione genuum, idq; genus similibus, nec statis tantummodo horis, verum, & omni tempore, idq; in spiritu, hoc est spiritualia petentes, & nihil mundani. Dicens porro orantes cum omni oratione, indicauit posse quempiam orationem facere, nec tamen orare, ut si bathologus fuerit, hoc est si multa citra attentionem deblacteret; fieri autem debet oratio in omni perseverantia, & precatione; quemadmodum Chananæ muliercula, & vidua, & Anna, Matth. 15. & Luc. 18. Ea enim verè est precatio, quæ fit cum perseverantia.

10 Maxima quidem est orationum pro nobis inuicem utilitas, ac necessitas. Loco. n. citato Paulus addidit pro omnibus sanctis, & pro me. Non. n. pro nobis ipsis tantum nobis est orandum. Obserua hic moderatam Pauli mentem. Etenim & se ultimo loco ponit, & discipulorum oratione se opus habere testatur, idq; quum catena victus pro Christo teneretur, quin etiam Act. 12. & Petrus catena victus erat, verum pro ipso vehemens, & intenta oratio ab Ecclesia fiebat. Modestiam quoque, & insignem animi moderationem ad Philip. 1. expende in D. Paulo. Cum. n. ex innumeris eius operibus, atque virtutibus debeat ei salus, adiicit tamen si vestris orationibus adiutus, ac donatus fuero, ministratusq; fuerit mihi per eas amplior spiritus hinc mihi salus erit. Adde etiam, quod pro omnibus etiam ijs, quæ contraria nobis videbantur, sunt agenda in oratione gratæ. Nam pro bonis in nos collatis nos gratos esse, rerum natura postulat, illud autem est animæ pax, & verè gratæ.

11 Duo autem bona oriuntur ex eo, quod pro cunctis proximis nostris oramus. Inimicitia dissoluitur, quæ nobis cum quibusdam est. Nemo

mo. n. potest hostili animo esse aduersus eum, pro quò preces ad Deū fundit. Ad hæc meliores ipsi redduntur, dum à vitij precum nostrarum auxilio transferuntur, utq; non adeò porro erga nos efferantur, venenatorumq; belluarum instar se gerant. Quàm. n. arduum est, eos qui persequerentur, atque caderent, & interficerent, audire pro se interpellari apud Deum, orariq; ab ijs, quos ipsi cum caderent, tum opprimerent.

De abstinentia, & ieiunio. Cap. vii.

¶ **C**ARNEM vestrā domate ieiunijs, & abstinentia escæ, & potus, quantum valetudo permittit. Quando autem aliquis ieiunare nō potest, extra horam prandij aliquid alimentorum non sumat, nisi cum ægrotat.

E N A R R A T I O .

RATIO carnis maceratione plurimum iunatur. Caro enim concupiscit aduersus spiritum, & spiritus aduersus carnem, ad Galat. 5. cap. Ne igitur caro spiritum euincat, sub spiritus imperio reprimenda, continendaq; est. Si. n. caro dometur, spiritus roboratur. Quid est autem, quòd cum discipulis orandi rationem tradidisset Christus, continuo ieiunandi documenta ingessit, Matth. 6. cap. Nisi quia illa demum fortis, & efficax est deprecatio, quàm cibi comitatur abstinentia? Hoc. n. duplici telo validiora inimici machinamenta depelli, ac dirui posse monstrauit, cum de nequissimo spiritu effugando diceret, hoc genus non eiicitur, nisi per orationē, & ieiunium, Matth. 17. Duo itaq; præcepta de domāda carne tradit. Primū est, carnē ieiunijs, & abstinentijs escæ, & potus esse castigandā: adhibita tñ prudentia, ne ultra vires, corporisq; valetudinē id fiat; Si quidē reprimenda, non autē extinguenda est caro. Hoc quidem præceptum maximè Religiosum decet, qui dum sua professione prædicat Iesum Christum, & hunc crucifixum, ad crucifixionem carnis alios est inducturus. Paulum itaq; imitari nos condecet dicētes; castigo corpus meum, & in seruitutē redigo: ne fortē cū alijs prædicauerim, ipse reprobus efficiar. Et ad Galat. 5. Qui Christi sunt, carnem suam crucifixerunt cum vitij, & concupiscentijs. Danieli quidem vescenti leguminibus, & aqua, data est intelligentiā visionum, Dan. cap. 1. Mediocritas ea hic tenēda est; Qui enim

enim carnem suam supra modum affligit, ciuem occidit. Si verò ultra modum alimentis reficit, hostem nutrit. Sic ergo nutrienda est, vt feruiat; sic domanda, vt non superbiat; in omni abstinentia illud accuratè considerandum, vt vitia extinguantur, caroq; conseruetur. Nemo. n. vnquam carnem suam odio habuit, ad Ephes. 5. cap. Quare verè inquit D. Tho. 2. 2. q. 146. art. 1. abstinentia ex suo nomine ciborum subtractionem designat; Ideoq; virtutis ratione condecoratur, si ratione reguletur. Quod quidem 2. Petri 1. significatur, cum in scientia abstinentia esse ministranda dicitur, vt scilicet homo à cibis abstineat, prout oportet pro congruentia hominum, cum quibus viuit, & personæ suæ, & pro valetudinis suæ necessitate. Ea. n. secundū qualitatem, & quantitatem ciborum regulata abstinentia admirabilem animi facilitatem, & serenitatem, & hilaritatē suis cultoribus subministrat. Nam, vt Caietanus illic habet, abstinentiæ munus est duo secundū rectam rationem in subtractione alimenti obseruare, videlicet conseruationem naturæ, & potentiam ad opera debita exequenda: ex quibus duobus faciliè iudicatur, quando abstinentia virtutis rationem aut exuat, aut induat. Præterea abstinentia habet, & aliam nō contemptibilem vtilitatem, quod non solum carnem castigat aduersus luxuriæ illecebras, sed etiam gulæ impetum, & rabiem compescit. Dū enim homo abstinentia exercetur, fortior, valentiorq; redditur ad imaginationes gulæ vincendas: quæ tantò sunt vehementiores, quantò eis crebrius homo victus cesserit.

2. Ex superioribus planè inferitur, quod si quispiam abstineat ea intentione, vt vita minuatur quo ad tempus, siue hoc fiat vnico actu, vtputa inedia multorum dierum, siue frequentibus fiat, excessibus, vt crebris inedijs supra vires perpehsis, siue id etiam quispiam faciat ex intentione, vt infirmetur, aut impotens fiat ad debita officia peragenda, huiusmodi abstinentia ex diametro contrariatur temperantiæ, nempe ex parte Regulæ, & finis eius. Eritq; peccatum mortale. Si quis verò abstineat, vt carnem spiritui subijciat, aut ad pœnitentiam pro peccatis suis agendam, & in hoc excedat, cancellosq; rationis transgrediatur. Tunc sistendus est gradus: aut. n. aduertit ille se excedere, putatq; se bene facere; & tunc citra vllam dubitationem peccat, sed ferè semper veniale erit ille excessus, propter rectam intentionem, & nocuenti ignorantiam, quo ad notabilitatem: apprehendit. n. ille nocumenta corporis, vt dolorem stomachi, & similia, quasi nihil. Tantoq; plus excusatur, quantò sanitas corporis ab eo consideratur non simpliciter, sed in ordine ad seruitium spiritus. Si autem non aduertit se excedere, neq; hanc indiscretionē considerat, nullum peccatum cōmittit.

Sententia

Sententia verò Hieronymi dicentis non differt, vtrum paruo, vel magno tempore te interimas, intelligenda est de interimentibus, vel impedientibus se ex intentione, vel aduertendo notabilem excessum nocuenti. Ex Caietano. 2. 2. q. 147. art. 1.

3 Pro coronide huius capituli memorię mandāda est lex Benedicti. 12. in Constit. Canonic. Regul. tit. de abstinentia carniū. Sic enim ait. Vt salutis auctori purius seruiatur, statuimus, quòd vniuersi Canonici Religionis præfatę ab esu carniū diebus Sabbathi, & per totum Aduentum domini studeant abstinere: Non obstantibus statutis, vel contrarijs quibuscunque. Super abstinentia verò ab esu huiusmodi carniū in quarta feria, & Septuagesima, Prælati, seu alij, ad quos spectauerit consuetudines, & statuta antiqua, & noua, honesta, & rationabilia suorum locorum seruent, & faciant obseruari. Illis tamen qui ad maiorem abstinentiam sunt astricti, per hoc esum carniū non intendimus indulgere. Maiorem autem, rigidiorēq; abstinentiam fuisse olim vſitatam hic subindicat summus Pontifex, quam expresse monachis nigris S. Benedicti in Constit. illorum cap. 26. citato prius Innocētio Papa. 3. Statuimus, inquit, & ordinamus, quòd per totū annū feria quarta, & die Sabbathi, & à prima Dominica de Aduentu vsque ad diem Natalis Domini, & à Dominica Septuagesimę vsq; ad diem Paschę omnes Regulares eiusdem Ordinis, seu Religionis ab esu carniū vbique abstineant, nisi necessitas infirmitatis non fictę per Abbatem, vel alium Prælatum proprium fortē suadeat cum aliquo dispensandum.

4 Sed iam quispiam Canonicus addubitabit, vtrum omnes professores Regulę Augustinianę teneantur propriam carnem domare, quantum valetudo permiserit? Breui tamen sic respondendum cenſeo ex Humberti sententia, atque iudicio. Nonnulla videlicet in Regula ab Augustino fuisse apposita, quę potius ducenda sunt incitamenta esse ad bonum promouendum, quàm obligatoria præcepta, in quorum numero hoc præceptum de compescenda carne traditum, collocandum est, id quod superius in præludijs ad Regulam ampliori sermone disculſimus. Eandem nostram sententiam explicat, atq; completitur Choriolanus com. 2. 1. propè finem, dicens: Nouit immoderata inedia non solum mentis labefactare constantiam, sed etiam orationū efficaciam reddere lassitudine corporis eneruatam. Ob eam causam Augustinus, summa discretionē pollens, in Regula non determinata præcepit ieiunia: sed ea nostro fieri arbitrio iuxta nostram valetudinem dereliquit. Vnde in sermone de institutione ieiunij nos ad interrogandum inuitat. Sed dicetis, inquit: nunquid in vita nostra semper

ieiunare debemus? & respondens, ait: Legem meam recepistis; & audistis frequenter inter cetera, quod carnem vestram dometis abstinentia esca, & potus, quantum valetudo permittit. Nolo. n. me ipsum ligare; Nolui onera vestra portare, sed hoc solum super vos ponere volui, ieiunantes; & abstinentes quantum facere, Deo fauente, potestis. Nolo tamen, quod diebus dominicis ieiunetis. Hoc enim haeretici, & infideles faciunt.

5 Subiungit vltcrius D. Auguf. fecundum praeceptum in hoc eodem capite. Non valentes ieiunare, extra horam prandij, alimentum non fumant, nisi etiam agitudine teneantur: Sensus est, cum aliquis non potest ieiunare, non tenetur, non tamen solutio ieiunij cadat in dissolutionem, non comedat extra horam prandij, nisi forte non solum impotens, sed etiam infirmus extiterit; Cum infirmis lex non sit posita, vt non comedant, quandoq; necessitas requisierit. Recte igitur com. 22. Choriolanus ait, contingit nonnunquam vel propter immoderatum exercitium, vel ex naturali corporeae compositionis dispositione, vel quacunq; alia ex causa, quempiam ieiunare non posse: is igitur extra horam prandij alimenterum sumat nihil, nisi agrotus extiterit. Infirmis. n. vel propter stomachi debilitatem, vel propter medicamenta sumenda, vel vt citius recreetur, neq; hora, neque lex imposita est. oportet nanque eos medicorum obedire praeceptis: qui iuxta agitudinis qualitatem, nunc tempestiua, nunc sera hora iubent eis alimenta ministrari: ceteris autem sanis legitima comedendi hora est instituta. Nec immerito huiusmodi obseruandarum horarum facta est constitutio, cum Apostolus Paulus honeste, & secundum ordinem fieri iubeat. Nec enim satis est, si cibo, potuq; temperate utamur, nisi & constitutas horas obseruemus.

6 Illud praeterea notato, praeceptum hoc ad refrenandum, compescendumq; gulae vitium fuisse appositum, cuius, & si multa sint genera, illud quidem detestabile est, ante congruam prandij horam alimenta suscipere. Etenim siue prandij, siue coenae praeventio, nisi infirmitatis tempore fiat, gulae vitium est, quod Calsianus, Hieronymusq; suis scriptis detestantur. Quam rem etiam nos edocuit S. Th. 2. 2. q. 148. art. 4. Dum. n. recenset varias species gulae, quae inordinatus est edendi, & bibendi appetitus; Eam quoq; alijs adiungit, si comedendi tempus praueuiatur. Quam sententiam nec Caictanus in verbo gula diffectum. Si ceteras vero gulae species nosse desideras, haec sunt. Prima est, cum lautiora exquiruntur cibaria. Nam quidam superstitiosum in praeparandis cibis studium adhibent, innumera penè decoctionum, frixurarum, & condimentorum genera excogitantes, praegnantium mulie-

rum

rum morem imitati. Secunda species est, si non quantum natura exigit, sed quantum venter capit, ipsi exhibeatur, & ingurgitetur. Illi quidem bestiarum naturam sequuntur, quarum studium est ventrem replere, sensualitatique inferuire. Vnde, & Seneca inquit, ventri obediētes, animalium brutorum esse numero computandos. Tertia species est, si ardentiori, quam deceat voluptate alimentum sumamus. Streptuē nanque voracitas fugienda est. Consule sanctum Thom. loco citato.

- 7 Hinc facile intelliges, ingluuiei cōiunctam esse ebrietatem, gula. n. in comēssationem; & ebrietatem diuiditur: est autem ebrietas in vfu vini inordinata concupiscentia ex Tho. 2. 2. q. 150. art. 1. Eius autem obscenitates conscribere, quis non abhorreat? Si quidem quattuor illarū ingluuiei species, eadem in potu sunt detestabiliore: deterioreque, ac deformiores effectus ex eis oriri consueuerunt, ebrietas namque innumerās gignit & gignit, innumerōsq; actus obscēnos, ac nefandissimos inducit effectus. Sic. n. beluinos mores, vanasque imagines, incertum visum, tortuosum gressum, horribiles sonitus immittit, ut ea capti, vmbra tanquam foueas sepe transiliant, manibus apprehendunt, aut concurrentibus vultibus sibi videntur includi. Canes si viderint, leones arbitrantur, & fugiunt, alij risu imposito soluuntur, alij immedicabili mœrore deplorant, alij euomunt, alij cantant, alij tripudiant, inhonestosque, ac ferinos mores præ se ferunt. Ebrietas lethali morbo afficit corpora, perpetuumque parit tremorem, accendit insaniam, ad armaque concitat. Ebrietas est, quæ potentibus sapientiam, & potentiam arripit. Ut Holoferni principi militie regis Assyriorum, cum esset vino sepultus, sanctæ Iudith continentia non modo sapientiam, sed caput abstulit, admirandoque exercitui consilium intulit, Iudith. 13. Loth etiam aliqui sanctus ab incendio Sodome, & Gomorre erectus, in monte vino inebriatus, concubitu exarsit filiarum. Gen. 19. ut interim miserum diuitem epulone in subiticeamus. Luc. 16.

- 8 Hoc in loco primum considerandum, tentationem huius vitij multipliciter contingere. Aliquando in paruis rebus, & vilibus. Nam primus homo de pomo, non de porco, ut dicitur, tentatus est. Esau etiam non de gallina, sed de lenticula. Salvatoremq; nostrum non de carne, sed de pane dæmon tentabat. Sunt autem huius vitij tria genera. Primum genus est, quando cibo, vel potu quispiam immodice vtitur. Alterum est, quando nimis delicatum cibum, vel potum quis desiderat. Tertium est, quando extra horam cibum, vel potum aliquis sumit. Igitur non tantum cibo, & potu temperate nos vti oportet, sed etiam horas constitutas obseruare decet, ne cui nostra vita indecenter acta offendiculum præbeamus. Secundo considerandum, tria ex hoc præ-

cepto inferri. Primum, quod mitius agendum est in ieiunijs cum debilibus, quàm cum fortibus. Secundum, cauenda est extraordinaria comestio iu claustro à Religiosis, cum eam etiam debilibus inhibeat Augustinus. Tertium, opera pietatis circa infirmos præferenda sunt rigori Religionis, cum eorum comestio sub certa lege non claudatur. Tertio sciendum, nouitios, & alios debiles comedentes ante horam prædij, hoc præceptum non transgredi, ut ait Humbertus, Dummodo comedant in hora, & loco statutis à maioribus. Hoc. n. quod iuxta statutum fit, hora debita reputatur. Simili quoq; iudicio, qui rebus medicinalibus utitur, vel extra horam prandij bibit, hoc præceptum non violat, quod manifestatur ex eo, quod Augustinus dixit, alimentorum; medicinalia. n. & potus, licet interdum nutrant, simpliciter tamen non vocantur alimenta. Quarto discendum, varias assignari prandendi horas. Sanis. n. & valentibus post tertiam horam usque ad sextam, id est meridiem; infirmis nulla præscribitur. De ieiunantium verò hora prudenter disserit Caietanus. 2. 2. q. 47. art. 7. dicens: Materia hæc est iuris positiui, quod sicut consensu utentium firmatur, ita contraria consuetudine infirmatur, & tollitur. Vnde accidit, ut quod prius erat ius, non sit amplius de iuris necessitate: & quod prius nefas erat, postmodum sit licitum. Tempore igitur D. Thomæ communiter homines comedebant hora sexta, hoc est in meridie. Tunc. n. est summus Solis ascensus; & ieiunantes comedebant hora nona: quæ consequenter est tertia hora post meridiem, in qua constat Christum expirasse. Ex eo autem, quod hodie homines communiter comedunt hora tertia, & ieiunantes hora sexta, currit ratio authoris de dilatione prandij ieiunantium proportionabiliter. Quia sicut se habet hodie prandium horæ sextæ, ad prandium horæ tertie, sic se habebat prandium horæ nonæ ad prandium horæ sextæ. Itaque Ecclesiæ consuetudo traxit horam prandij in ieiunio, à nona in sextam. Hic quoq; adijciendum ex D. Thoma loco eodem ad secundum; quod ad ieiunium requiritur hora determinata, non secundum subtilem examinationem, sed secundum crassam æstimationem. Sat enim est, si prandium fiat circa horam determinatam, quod unusquisque facile cognoscere potest. Hinc iam multi Religiosi comedere consueuerunt per multum spacium ante meridiem, quod quidam recentiores authores licere arbitrantur.

Abſtinentia ſit ne viro Religioſo neceſſaria. 'Conſid. j.



HANc quæſtiunculam, & eleganter, & vtiliter diſcutit præſtans ille, ac magnus Baſilius in regulis fuſius diſputatis, interrog. 16. cuius interpres abſtinentiam, continentiam vocat; continentiam autem, inquit Baſilius, appellamus, non ſi quis ſe à cibo penitus abſtineat, ſed eam voluptatum abſtinentiam, quam tollendæ contumaciæ corporis cauſa, pietatis induſtria ſequimur. At verò quod viro Religioſo abſtinentia ſit neceſſaria, perſpicuum eſt. Primum quidem, quòd ab Apoſtolo ea inter fructus ſpiritus connumerata eſt; Tum quòd ex hac etiam illud aſſequi nos aſſirmit, vt miniſterium noſtrum reprehensione careat, cum dicit; In laboribus, & vigilijs, in ieiunijs, in caſtitate. 2. ad Cor. 6. Et iterum; In labore, & ærumna, in vigilijs multis, in fame, & ſiti, in ieiunijs. 2. ad Cor. 11. & alio in loco; Omnis autem, qui in agone contendit, ab omnibus ſe abſtinet. 1. ad Cor. 9. Caſtigatio præterea corporis, & in ſeruitutem illa redactio, ibidem tradita nulla re tantopere efficitur, quàm continentia, ſiue abſtinentia; ſi quidem ſeruor ille, qui viggere in iuuenibus ſolet, itemq; diſſicilis ille, qui coarceatur, ad libidines impetus, abſtinentia veluti quodam freno cohibetur: Quid autem carne, quæ molliter accurretur, & iuuentutis æſtu temerè huc, illucq; agitetur, fingi ſtultius poteſt? Idcirco Apoſt. ait, & carnis curam ne feceritis, ad Rom. 13. Et quæ in delitijs eſt, viuens mortua eſt. 1. ad Timoth. 5. Eſau hoc etiam vitio, quod maximum ſit malorum omnium, data incontinentia, eſt, qui vno ſeculo primogenita ſua vendidit, Genef. 25. incontinentia quoque illa fuit, propter quam à Dei præceptis homo primus diſceſſit.

Contra verò ſancti viri omnes, quotquot vnquam fuere, abſtinentiæ laude ſunt commendati. Ad hæc omnis ſanctorum, ac beatorum vita, ipſiusq; adeò domini noſtri I E S U C H R I S T I exemplum, ad hæc vtiliter nos adhortatur, ac Moyſes quidem per longinquam illam ieiunio, ac precatione aſſiduitatem, legem accepit, & verba Dei audiuit, tanquam ſi quis loqueretur, inquit, amico ſuo, Genef. 24. Helias verò tum demum dignus habitus eſt viſione Dei, cum ipſe quoque ad parem continentię magnitudinem perueniſſet. Quid autem Daniel? Quomodo res admirabiles illas vidit? an non poſt vicesimum ieiunij diem? Quid tres adoleſcentuli illi, qua ratione alia ignis impetum extinxere, niſi continentia? Ioannis præterea totum vitæ inſtitutum, hinc ſumpſit exordium. Hæc illa etiam fuit, à qua ſeipſum oſtendere dominus cœpit. Ergo, vt ſemel ſciam, ab his rerum voluptatibus, quæ à

libidinofis hominibus appeti ſolent, nobis qui ad veram pietatis culturam contendimus, eſt temperandum.

- 3 Idem Baſilius lib. de vera virginitate modum abſtinentiæ præſcripſit, & clauſit, dicens; Quo circa neceſſario his, qui adipiſcendi veri boni ſtudio corpus macerare pergunt, iterato dictabimus, ne declines ad dexteram, ſive ad ſiniſtram. Sicut. n. in gula intemperantiam declinare graue, ac periculofum eſt, ita per nimiam abſtinentiam corpus atterrere, ac per infirmitatem inutile reddere, omni profeſſo ratione caret. Nam fracto, contritoq; inſtrumento, neque Deo inhæ-
rere per leſionis, & orationis ſtudium poſſumus, neque ad fratrum beneficentiam humanitatis officium obire. Igitur, & corporis cura neceſſario habenda eſt, non ipſius gratia, ſed vt ſeruitio illius ad Philoſophiæ ſtudia vt poſſimus, Fieri. n. non poteſt, niſi famulatum corporis ad Philoſophiam obtemperantem habeamus, vel diuinis lectionibus operâ dare, vel mente in corpore ægro languente, orationi cõ-
uenienter inſiſtere, vel omnino quicquam eorum, quæ ad Philoſophiã conferunt, in noſtram ſociorumq; vtilitatem operari. Idcirco caſtigo, inquit Apoſt. 1. ad Cor. 9. corpus meũ, & in ſeruitutem redigo, ideſt non ita ferio, vt immoderatis illud vulneribus conteram, & inutile faciam. Sed ea tantũmodo ratio caſtigandi corpus eſt, vt ſeruituti ſubij-
ciam, & domino obſequi ritẽ compellam. Qui. n. ſeruum per inedia inuilem reddit, quid aliud, quàm ſerui ſui ſe famulum facit? Sic etiam corpori iam inualido ſeruire dominum eſt neceſſe, dum ſemper circa infirmitatis eius curam verſatur attonitus, iam exercitatione antiqua reiecta, in ſerui ſui, ideſt corporis obſequio vitæ tempus omne conſumit. His adde ex Chryſoſtomo, quod abſtinentia ad vincenda carnis vitia clypeus eſt neceſſarius; ad tuendam etiam corpoream ſalutem, ſan-
nitatis mater eſſe celebratur.

- 4 Ambroſius lib. 10. Epistoſarum Epist. 32. Abſtinentiæ encomium percelebrat, dicens: Quid autem pulchrius abſtinentia, quæ facit eẽ iuuentutis annos ſenefcere, vt fiat morum ſenectus? Nanq; vt redundantia ciborum, ac tumultentia, etiam maturior atas caleſcit, ita miti-
gatur iuuentutis ferocitas epularum parſimonia; irriguaq; fontis, & exterior ignis aquæ infuſione extinguitur: non mirum ſi etiam interiora ætus corporis fluuiali potu refrigerentur. Cibo. n. flamma alitur, ac deficit. Siquidem ſcenum, ſtipulam, lignum, oleum, aliaq; huiusmodi alimenta ignis ſunt, quibus paſcitur: ea ſi detrahas, vel non ſuggeras, etiam ignis ſopitur. Similiter ergo vapor corporis cibo alitur, aut minuitur; cibo excitatur, cibo ſoluitur. Quid quod natura conueniens temperantia eſt, atque illi diuinæ legi, quæ in ipſo rerum

ortu omnes fontes potui, fructus arborum esui dedit? pro remedio igitur parcius, pro delitijs redundantius; Denique Helias ad caput suum collyridam, & vas aquæ reperit, & ideò in virtute esca illius quæ draginta diebus ieiunauit. Daniel, & Hæbrei pueri patrio cibo, & aquæ potu, ille furorem leonum repressit, isti ardentem ignem innoxio videre tactu circa membra sua pasci. Et quid de viris loquar? Iudith, luxurioso Holoferni solo titulo sobrietatis desperatum lacertis virilibus reportauit triumphum, patriam obsidione exiit, ducem militiæ suis manibus occidit. Anna octogintaquattuor annos in viduitate sua ieiunijs, & obsecrationibus in templo die, ac nocte seruiens Christum agnouit, Luc. 2. Quem Ioannes abstinentiæ magister, quidam nouus terrarum angelus, annunciauit.

3 Tuonem presbyterum, & ipsum sollicitum in primis abstinentiæ cultorem omnia ab Ecclesia indicta ieiunia sola panis, & aquæ refectio-
ne obseruare solitū legimus, vt plus aliquid faceret, quàm quod præceptum fuerat, & alimenti tenuitas obedientiæ cumulus esset, alias etiam abstemiū fuisse, & nunquàm, vel modico vino vsum. De se quoque ipse Hieronymus ad Eustochium virginem, dicit; Repugnantem spiritui carnem hebdomadarum inedia subiugabā. Non tacuit, quod olim in eremo secretius egerat, vt illam, quam docebat, suapte exēplo magis moueret, & tamen confitetur, cogitationum in corde lasciuientium illecebris, vix interdum se resistere potuisse. Pallebant, inquit, ora ieiunijs, & mēs desiderijs astuabat in frigido corpore, & ante hominem suum iam carne præmorta, sola libidinum incendia bullebant. Et ipsi nos tutos putabimus, si diem vnum, aut alterū in hebdomada ieiunauerimus? Nescio, an etiam ieiunium dici debeat, quod consequentis diei obruit repletio, cuius famem succedens exuperat saturitas. Sara Thobiæ, Raguelis filia, septem iam maritis antequàm ab eis tangeretur, viduata, octauum Thobiam triduano ieiunio seruauit incolumem. Cunq; coniugum suorum interfectrix diceretur, omni penitus probro dum ieiunasset, & orasset, meruit liberari. Ipse denique Asmodæus dæmon, qui ipsos septem viros interemerat, vnus mulieris victus ieiunio religatur in deserto, amittitq; nocendi facultatem, qui habuerat occidendi. Sint tamen examinata, sobria, pura, simplicia, humilia ieiunia. Non immoderata, non lauta; non animi vitio polluta, non ficta, non suæ laudis cupida, alienæ inuida, & liuoris magis, quàm abstinentiæ pallore infecta.

tur, refocilleturq; hac. n. ratione vtriusque fami, & inedia simul satisfactum erit. Illi autem Dei verbum esuriunt, qui audire ipsum desiderant. Nonnulli sanè sacram lectionem audiunt, qui tamen, dū nullum affectum habent, nullum saporem degustant, & vacui recedunt. Contra vero Christus ait; Beati qui esuriunt, & sitiunt iustitiam, quoniam ipsi saturabuntur, Matth. 5. Ideò autem saturabuntur, quia prius esurierunt. Esuriendo. n. idoneus efficitur homo, vt postmodum satietur. Primum ergo præparare conuenit cor nostrum ad esuriendum, & desiderandum verbum Dei. Tunc. n. aderit diuina gratia, quæ nos interius perfundat, & dulcedine, atque sapore spiritali reficiat, vereq; cum Dauide occiuanus; Quàm dulcia faucibus meis eloquia tua dñe super mel ori meo. psal. 118. Nec velimus esse tātū participes mense corporalis, sed spiritalis; nec tātū sumere cibum corporis, sed animæ. Nam quanto melior est anima, quàm corpus, tantò amplius nos delectare debent alimenta animæ, quàm corporis. Diuinæ autem scripturæ lectio nihil est aliud, quàm spiritalis esca à Deo nobis subministrata ad reficiēda corda nostra, ne in via deficiamus, & ad corroborandos animos contra tētationes diaboli; & pericula huius seculi. Retinentes. n. cibum cœlestem dicemus. In corde meo abscondi eloquia tua, vt non pacem tibi. Quidam Prælati lectionem quidem prudentes habent, sed tantū in conuiuij parte, idq; tanto tumultu, vt vix lectio audiri valeat: apud Religiosos verò, & silentium omnino seruandum est, & sacra lectio vsque ad prandij cenę finem; Imò etiam vsque ad discessum continuanda est. Quod si Religioso contigerit illic conuiuium excipi, vbi sacra lectio non habetur, eum maxime decet, ante conuiuij finem sancta, & edificatoriaq; pauca verba cōsedentibus administrare, ne vnquàm cibus carneus à spiritali secernatur. Hunc. n. morem à Christo redemptore nostro fuisse obseruatum euangelica lectio non vno, sed pluribus locis nos docuit: vt cum Simone, Luc. 7. & apud Leui, Matth. 9. & Act. 1. in die Ascensionis. Ex illis quidē verbis, cum acceditis ad mensam, planè Choriolanus com. 23. inducit, vt edendi, bibendiq; seruetur communitas. Seruari autē non potest, si plures diuersis in locis, diuersisq; temporibus mensæ sternantur, nisi simul, eodemq; loco omnes Religiosi reficiantur. Magna igitur est in illo monasterio abusus, & grauis Religionis trāsgressio, in quo partiales parantur mensæ. Innumera. n. incommoda consequuntur. Nā Religionis fundamentum destruitur, aut certè debilitatur. Fundamentum. n. veræ, approbatæq; Religionis est ipsa cōmunitas, dicente Augustino, sint vobis omnia communia; Communia autem esse nō possunt, quæ diuisa, & propria facta sunt. Imminuitur charitas, quæ omnia

nia communicari deposcit. Nascitur murmur, dum alij abundant, alij verò esuriunt. Detractiones, coniurationes, clamores, conuitia, maledicta, plurimæq; oriuntur insolentia. Quod si aliqua urgente necessitate, plures in monasterio sternendæ sint mensæ, in singulis illud custodiendum est, vt sine tumultu, & contentione, lectionem vniuersi audiant. Donec inde surgant, idest per totam mensam continuitatem lectionis obseruent.

2 Ex eodem Coriolano sciendum, illis verbis, quod vobis secundum consuetudinem legitur, indicasse Augustinum nō vniuscuiusque arbitrio, sed secundum Superiorum patrum consueta, & laudabilia instituta eligenda esse, quæ legantur. Vetusissimus autem in mensa legēditus, vt in sanctorum patrum legitur institutis, non de Aegyptiorum solū, sed de Cappadocum more profectus est; à quibus tū ad reprimendam ociosam confabulationem, tū ad contentiones vitandas, tū ad refectionem mentis habendam, tū denique ad capeffendam spiritualem exercitationem, religiosè, sanctèq; fuit institutus. Quod quidem apertius in secunda Regula Augustinus expressit dicens. Omnes ad mensam sedentes taceant, audientes lectionem. Hanc taciturnitatem tanto studio seniores patres, seruabant, vt sibi persuaderent, hoc Religionis mandatum inter cetera tenere primum.

3 Tumultum, & contentionem relegat, à mensaq; explodit August. Quoniam grauis, ingentiq; periculo plena est in omni genere hominū contentio, quæ apud Ambrosium nihil est aliud, quàm impugnatio veritatis, & confidentia clamoris. Ex contentione quidem neque utilitatis, neque honoris quidpiam possumus adipisci. Nam contra parem contendere anceps est, cum superiore furiosum, cum inferiore sordidum: præsertim verò si cum fatuo, & ebrio contentionem inieris. Sit ergo sermo noster ad omnes grauis, sit modestus, sit verax, sit denique in numero, pondere, & mensura constitutus. Igitur iure optimo solertissimus noster institutor pro contentionibus tollendis, ac pro detractionibus, quæ frequenter in absentes nascuntur in mensa, cauendis, præcepit, vt tamdiu fratres tacentes lectionem audirent, quàm diu eorum duraret refeccio: quin etiam in Refectorio hos versus ad conuiuas erudiendos descripserat. Quisquis amat dictis absentum rodere vitam. Hanc mensam indignam non erit esse sibi. Qua in re Coepiscopos etiam increpabat, dicens; Aut hos delete versus, aut vestra compescite labia, aut hinc abite. Statuerat insuper, vt Possidonius testatur, vt conuiuas poculorum præfixum haberent numerū. Eorumq; tot priuabantur, quot leuia etiam verba proferrent.

4 Secundum præceptum circa victum seruandum est: valentioribus nec

nec moleſtum, nec iniuſtum eſſe videatur, ſi valetudinarij alia ratione tractentur. Ideſt fortiores contriſtari non debent, ſi infirmos miſericordius tractari perſpexerint. Quin potius abſtinentiæ rigorem in ſe diligentius obſeruent, aliorum autē imbecillitatē, vt compatiētes, æquo animo ferant. Nec enim ſolūm hilari animo aliorū imbecillitate in ſufferre, verū etiā eis cōpati, miſereriq; tenentur, miſericordia nanq; charitati cognata eſt. Nam quid eſt aliud miſericordia, quā quædā in noſtro corde alienæ miſeriæ cōpaſio? Quid demū compaſſio eſt, niſi pia triſtitia, ac ſi dici poteſt, beata miſeria: dolet quippe compatiens ob proximi malum, doletq; illud, ſi poteſt, eius neceſſitati libenti animo ſubueniens. Ferreum ſanē illi pectus eſt, corq; lapideum, qui vel non gemit, vel lachrymas non effundit, cūm proximi, vel amici morbum, vel interitum intuetur; neque tamen compatiatur, neque condoleat. IESVS redemptor noſter MARIAM, Iudæoſq; lachrymari conſpiciens, Ioan. 11. ſpiritu infremuit, ſe ipſum turbauit, ac tandem lachrymatus eſt, eius igitur uos læto animo veſtigia ſequamur. Non tempus, non locus, non condicio, non profeſſio, non quæcunque res alia poteſtatem nobis adimit, vt erga nos inuicem miſericordiam exercere nequeamus. Moueri ergo, turbariq; animo nos minimē decet, ſi delicatiora alijs ſubminiſtrantur. Vel ſi aliquid pretioſioris veſtitus, pulchrioris, commodiorisq; manſionis tribuatur. Scitē autem verbum, ſœliciores, bis adiunxit, quoniā quo ad humanas ſœlicitates robur, & ſanitas corporis optabilior, ac ſuauior eſſe videtur. Quid. n. opes? Quid diuitiæ? Quid ſtatus? Quid honores? Quidq; alia in quibus mundus ſœlicitatem collocauit, oblecta menti poſſunt afferre, ſi fortitudo deſit, ſi continui adſint languores. Poſſunt quoque fortiores dici ſœliciores, ſi fortitudine illa in vigilijs, ieiunijs, alijsq; pœnitentiæ operibus ſacitandis, quibus vera ſœlicitas comparatur, ſedulō vtantur.

- 5 Nec valetudinarios ipſos ſœliciores exiſtiment, ſi delicatiori quadam ratione recreentur. Contra verò ſibi gratulentur, quod languidis ſint robuſtiores, & potentiores, ne delicatulis illorum cibus indigeant. Ex quo annotandum, quod quidam moleſtē ferunt, quo ad voluntatē, & iniuſtum reputant quo ad rationem, cum quibuſdam ægrotantibus lautiores cibi porriguntur, eos miſeros hac de cauſa ſœliciores eſſe iudicantes. Horum prauam affectionem ſacer Auguſtinus accuſat, & dānat. Item infirmi ex priſtina conſuetudine dicuntur illi, qui frequenter ægrotare ſolent. Quibus ſiue nunc ægrotent, ſiue aliquo ſanitatis interuallo gaudeant, ſaniores, delicatiorēq; epulæ ſunt elargiendæ, nunc in infirmatorio, nunc in hoſpicio, interdum etiam in conuentu, dummo-


bus magnæ necessitatis, in alimentis videlicet, & operimentis.

7 Postremò noster author acius murmuratorum deprauatam mentem condemnat, & corrigit, dicens: Ut æquum esse ducant, quod qui plus descenderint, plusq; se humiliauerint, plus quoque accipiant. Postquam autem hoc iustum esse cognouerint, ne velint omnes accipere, quod paucos viderint accipere. Tolerandi enim sunt, qui imbecilliores vires habuerint. Hinc enim fiet, ne vlla detestanda peruersitas nostra causa contingat. Execranda autem peruersitas est, ut ibi pauper fiat delicatus, vbi diues fieri curat laboriosus, idest abstinens. Multi enim quantò nobiliores, & delicatesiores in sæculo fuerunt, tantò postmodum abiectius, & districtius viuunt in monasterio. E diuerso plerique quantò abiectiores, & pauperiores fuerunt, tantò magis deinde in monasterio sublimitatem, & delicias quærunt. De omnibus, quæ ad Canonicorum Refectorium spectant, quæ pauca non sunt, plenè disseruimus lib. 2. cap. 3. & 4.

De infirmis procurandis. Cap. ix:

¶ SANE quemadmodum egrotantes necesse habent minus accipere, ne grauentur; ita post ægritudinem sic tractandi sunt, ut citius recreentur (etiam si de humillima sæculi paupertate venerint) tanquam hoc illis contulerit recentior ægritudo, quod diuitibus anterior consuetudo. Sed cum vires pristinas reparauerint, redeant ad feliciorem consuetudinem suam, quæ famulos Dei tantò amplius decet, quantò minus indigent. Nec cibi eos teneat voluptas iam vegetatos, quos necessitas leuaret infirmos. Illos æstiment ditiores, qui in sustinenda paupertate fuerint fortiores. Melius est enim minus egere, quam plus habere.

ENARRATIO.

1  OCURIT Augustinus superiori capite, ad quem modum delicatis sit indulgendum; nunc verò in hoc capite qualis cura in curandis infirmis gerenda sit, explicare contendit. Perpicuitatis igitur causa, eius sententiam paucis assertis enodabimus.

Primum

- Primum assertum est; ægrotantes parciori, moderatiori; cibo sunt nutriendi. Excessus enim in quantitate cibi, vel potus aggrauat hominem multipliciter: quo ad corpus quidem, quoniam somni quietem surripit; iuxta illud Eccles. 5. cap. saturitas diuini non finit eum dormire. Ingenerat quoque infirmitatem, auctore Seneca. Nam multa fercula, multos morbos pepererunt, iuxta id Eccles. 37. in multis escis erit infirmitas. Addit etiam graues dolores Iob. 20. Cum satiatus fuerit, ardebitur, & omnis dolor irruet super eum; & Eccles. 31. Vigilia, & cholera, & tortura viro infrunito, idest homini, qui est sine frugalitate, quæ est parcitas in victu. Quod si hæc mala, ciborum intemperies homini sano contrahit, infirmo eadem conduplicabuntur. Eadem etiam intemperies animæ nocuentum inferet. Vt ait Hieronymus, quoniam aciem cordis obtundit, & intelligentiam obstruit, & memoriam imminuit, carnisq; concupiscenciam incitat, & prouocet. Iure igitur Christus, Luc. 21. dixit; Attendite, ne grauentur corda vestra crapula, & ebrietate. Demum Galenus medicorum facile princeps, quid est perfecta medicina? Interrogatus, respondisse fertur; abstinentia.
2. Secundum assertum post ægritudinem ea cura ægroti tractandi sunt, ut quam citissimè recreentur, & conualescant, etiam si pauperes fuerint. Quæadmodum. n. diuitibus propter anteriorem delicatam consuetudinem aliquantulum indulgendum est, tantumdem propter recentem ægritudinem pauperibus est condonandum. Hæc enim utrorumq; mala æquiparantur. Igitur nec Religionis species, nec tenacitas auaritiæ, nec cordis malitiosi duritia impedimento esse debent, quominus hæc fere necessaria, & aliquantulum delicata alimenta ægrotis præbeantur, id enim naturæ necessitas, & proximi charitas, rectaq; ratio vehementer efflagitant. Oportet. n. sic mitissimum esse cœnobij moderatorem, qui possit, & velit cõpati infirmitatibus subditorum.
3. Tertium assertum, qui ægritudine tenebantur, cum in pristina valitudinem restituti, priores vires reparauerint, absque desidia, & inertia, quasi noua animi alacritate, & promptitudine redeant ad feliciorum consuetudinem sanorum, idest ad vitam conuentualẽ, modo consueti sequẽdam; in sequentes chorum, refectorium, capitulum, & litterarum exercitia, aliq; Religiosorum id genus opera. Quæadmodum. n. natura ipsa singulis annis vires reparat, ut resumptis quasi nouis viribus, ferat consuetum fructum: & ad iter faciendum equo copiosius pabulum tribuitur; Deusq; tempus bipartitus est in noctem, quietis causa, & in diem ad subeundos labores, ut somno refectis artibus nocte, die ad opus suum homo egrediatur; sic quoque Religio-

nis cultores, recta valetudine comparata, ad exercendos vsitatos labores prodire tenentur. Qui. n. aliorum consortium, & vitam cōmunē aufugit, multis periculis obnoxius est. Saul. n. recedēs à cuneo Prophetarum, prophetandi gratiam perdidit, 1. Reg. 19. Thomas absens à choro Apostolorum, visione dominica priuatus est Ioan. 20. Indas exiens à societate Apostolica, inimicis Christi conglutinetur, sitq; proditor, Matth. 26. Ad eundem modum Religiosus ab aliorū societate, & consuetudine semotus, quasi gelida nix, inutilis redditur.

4 Sanē primordialis causa omnis pœnæ tam in homine, quàm in Angelo; fuit socordia, & negligentia. Nam si homo, vel Angelus à Deo creatus in gratia, bene fuisset vsus naturalibus, & gratuitis sibi datis, nunquā contigisset, Angelo quidpiam inordinatum. Non. n. Dei excellentiam appetiuiisset, nec vnquā homo iudicasset dictis, & persuasionibus serpentis esse acquiescendum; sed quia neglexerunt vti gratijs sibi à Deo donatis, permisi sunt cadere in errorem, propter peccatum negligentiz; & de errore negligentiz in peccata superbiz, & inobedientiz. Quare nos qui longē ab angelica puritate, & primorum parentum perfectione absumus, tantō intentius negligentiam, & inertiam fugere debemus, quātō nos fragiliores, & ad flagitia quaq; agiliores sentimus, sed prohdolor negligentia, & tepiditas animi plurimum inter nos grassantur. Quoties dormitamus præ tēdio, diemq; fere totum, ac si tempus reuocabile esset, inertia consumimus? Imō etiā somnia vana, & illusoria fingimus, vt vix aliquando expurgiscamur ad tonitrum supernæ increpationis, Prouer. 6. vsquequo piger dormis? Quando consurgēs ē somno tuo? Illud sanē miserrimū est, quod hodie nō putatur iactura; si dies, qui nobis ad purgationem dati sunt, elabantur nobis inutiliter, pereant, & praterant negligenter. Gentilis quidam cum gemitu graui, mentem repulit, exclamans; o amici, diem perdididi. Quod venisset in mentem nihil strenuum, aut memorabile se egisse die illo. Nullus fere est, qui tempori pretium ponat; qui cogitet apud se, quantū valeat ad comparandam æternitatem dies vna, quicquē quotidianam dierum suorum à semetipso rationem exigat, tempusq; redimat.

5 Quartum assertum; graui errore tenentur, qui ditiores, delicatioresq; propter deliciarum subministracionē sceliciores esse ducunt, postquā in recipiendis pristinis viribus eas semel degustarunt. Quin potius, & versus Augustini, cordatorumq; virorum iudicio, illi sunt ditiores, & sceliciores, qui in sustinenda, perferendaq; ciborū, aliarumq; rerum paritate, fortiores, atque potentiores habentur. Melius enim est minus egere, quā plus habere. Sensus igitur Augustinianus est;

illi sunt ditiores, videlicet diuitijs spiritualibus, & virtutum exercitio, quoniam ex fortitudine parcitatis, carnis vitia deprimuntur, ex mortificatione etiam vitiorum oritur ingēs virtutum chorus, & numerus. Igitur quæ sint spirituales diuitiæ, & quonā pacto in illis ditiores fiāt, qui in sustinenda parcitate fortiores extiterint, apertius explicemus; Spirituales diuitias, fidem, spem, charitatem, iusticiam, humilitatem, temperantiam, prudentiam, constantiam, & reliquas appellamus virtutes. Hinc ad veram philosophiam mens erigitur, vt quanti pretij æstimanda sit virtus, iam tandem intelligamus. Siquidem virtus nec eripi, neque furtipè potest, neque naufragio, neque incēdio amittitur: quæ præditi qui sunt, soli sunt diuites. Virtus autem ex nece pullulat vitiorum. Occiduntur autem vitia maximè carnis mortificatione, parcitatisq; falce. Qui ergo in sustinendo parcitate se validiores præstiterint, ieiunijs, sobrietate, abstinentia, continentia, parsimonia, carnis castigatione, castitateq; animum mirificè muniunt, & ornant, & in thesauro regni cœlestis quàm ditissimi efficiuntur. Hæ sunt veræ diuitiæ, quibus continentium animæ ditantur. Melioris enim, nobiliorisq; conditionis ille vir existit, qui paucioribus rebus eget, existitq; sanus, ob idq; minori indigentia, & egestate premitur, quàm qui diuitijs temporalibus perquàm onustus, vehementi ægestate, indigentia, & multiuga malorum miseria, existens infirmus, premitur. Vt scilicior ille esset, qui frigore lædi non posset, ob idq; vestibus non indigeret, etiam si nudus esset, quàm qui mille tunicis indutus, rigido frigore semper dentibus stridens torqueretur. Contra verò miserioris, deteriorisq; conditionis ille existit, qui Cressi, Crassiq; diuitijs oppletus, nunquàm non eis ob ægritudines indigeret. Itaque beator est pauper sanus, quàm diues infirmus: sanus enim paucissimis indiget, infirmus verò quàmplurimis opus habet. De cura circa infirmos adhibenda egimus superius lib. 2. cap. 5. & 6.

De vestimentorum, & corporei motus honestate. Cap. x.

¶ **N**ON sit notabilis habitus vester, nec affectetis vestibus placere, sed moribus. Quando proceditis, simul ambulate. Cùm veneritis quo itis, simul state. In incessu, in statu, in omnibus motibus vestris vestram bonā conuersationem ostendite, & nihil fiat, quod cuiusquā offendant aspectum: sed quod vestram deceat sanctitatem.

ENARRATIO.



RACIATVRVS noster author de honestate rerū, quæ viros Religiosos mirum in modum exornant, à vestimētorum honestate scitè auspicatur, bimembre præceptū tradens contra exteriorem vestitiū notam, & contra interiorem earum affectionem, ex qua exterior emanabat.

Ait ergo; nulla ratione notabilis sit habitus vester, idest qui iure sit aduersus vos notandus, & reprehēdendus. Sed neque affectabitis admirandis, curiosisq; vestibus placere, sed perornatis, integrisq; moribus. Boni, beatiq; mores ex ipsis gignuntur virtutibus; beati mores sunt quibus ingenui dicimur, atque nobilitamur; qui nos à filiis huius seculi discernunt; quibus celesti placemus imperatori; quibus anima pulcherrima, & splendidissima redditur; propter quos eā celestis sponsus in suā recipit sponsam; quibus in thalamo recipitur deitatis; per quos beatorū agminibus associatur. Vestis quidem cuiuscunque iudicatur fulgor iustitiæ, innocentie splendor, decor humilitatis, & castitatis nitor, & omnium bonorum operum odor. Sanè fecit hic vir, doctorq; sanctus, quod docuit. Nam si Possidonium eius discipulum excutias, vestimenta Augustini, & calciamenta, nec nitidum nimium; nec abiecta plurimum, sed moderata, & quæ sancto Antistiti competere, erant. Fateor, inquit ipse, de veste pretiosa erubescō. Ea. n. non decet hanc professionem, non decet hæc membra, non decet hos canos. Hinc dominus ait: Ecce, qui mollibus vestiuntur, in domibus regum sunt. Mollia autem vestimenta dicuntur, eo quod animū mollem efficiant. Mollibus vestimentis regia delectatur domus. Asperis, & humilibus Christi delectatur Ecclesia. Talia esse debent, Hugone authore, Clericorum vestimenta, in quibus nihil notari possit nouitatis, nihil quod pertineat ad superbiam, aut inanem gloriā. Non recens vestis, sed munditia mentis Clericum ornat. Nos ergo ipsos vanis, reprehensibilibusq; vestib. expoliare studeamus, spiritibus verò ornamentis, videlicet castitate, humilitate, mansuetudine, obedientia, patientia, & charitate exornare curemus. Hæc sunt indumenta, quibus anima cœlorum imperatori perplacitura est. Non. n. exteriorem, sed interiorem pulchritudinem requirit inuisibilis sponsus. Nostræ ergo diuitiæ, nostraq; pulchritudo, integriq; mores in causa sunt, vt animæ nostræ verè dicatur, quàm pulchras es amica mea, & macula non est in te. De canonicarum vestium honestate abundè diximus superius lib. 2. cap. 30.

Secundum præceptū honestatis est in ambulando, vel stando in ali-

quo loco; Associati ite, non soli. Hoc, n. virum Religiosum maxime decet. Hinc dominus in Aegyptum misit simul Moysen, & Aaron; Exo. 4. Qui duos coniuncti, & congregauerunt cunctos seniores filiorum Israel, & simul Pharaonem sunt saepe alloquuti. Hinc etiam Christus, Luc. 10. misit discipulos binos, & binos; & Spiritus Sanctus associavit, Act. 13. Paulum, & Barnabam. Et Collegium Apostolorum, quod erat in Hierusalem, cum audisset, quod recepisset Samaria verbum Dei, misit Petrum, & Ioannem, Act. 8. Item Enoch, & Helias reseruantur in diem iudicii aduersus Antichristum, Apoc. 11. Iosue quoque duos exploratores misit in terram aduersariorum, Iosue. 2. & Thobias noluit mittere filium suum in terram longinquam absq; comite, Tob. 5. Præterea huiusmodi societas quamplurima bona confert. Nā diabolus facilius inuadit solum: Sic Gen. 39. accidit, vt quadam die intraret Ioseph domum, & operis quidpiam absque arbitris faceret, ab vxore Phutipharis inhonestè sollicitatus est. Secundo, homo solus facilius turpitudini consentiet. Multa n. turpia dimittunt homines non propter Deum, sed propter ipsos homines. Sic Eccles. 23. fornicarius dixit. Quis me videt? tenebrae circumdant me, & parietes coeperiunt me. Quem vereor? Item bonorum sociorum est se in bonū adinuicem excitare, & prouocare. Postremo hæc societas sinistram suspicionem abigit. Idcirco S. Bernardus ad Eugenium ait; Bonos cotubernales habeto, qui vitæ, & honestatis tuæ custodes sint, & testes. Dominus quoque simul ambulantes adiungitur, Luc. 24. Eosq; in bonum admonet, inflammat, & ædificat. Merito ergo admonet Humbertus, professores Regulæ Augustinianæ cauere debere, ne in via, vel hospitij, se qualicunq; occasione diuidant, aut alter ab altero discedat, etiam si animarum profectus ad illud inuitet: nisi propter ineluctabilem necessitatem. Conducibilis n. eis est, aliorum vtilitatem negligere, quam cum proprio detrimento mandatum suæ professionis præterire. Eadem de re Ambrosius Choriolanus com. 29. eleganter ad hunc modum disserit. Quam vtile, quamq; salubre sit, siue in incessu, siue in statu bonorum virorum consortium, facile explicari non poterit. Imprimis n. aduersarius noster, qui velut leo rugiens circuit, quem deuoret, vehementioribus tentationis conflictibus inuadit solos, quam associatos. Quia in re periculum faciemus in priscis eremiticulis, quibus nequissimi spiritus tam suas inferebant molestias, vt non in cellulis soli, sed in oratorio, alijsq; locis cōmuni decreto plures simul cōmorabantur, vicissim etiam psalmis, orationibus, lectionibus, atque disciplinis incumbentes, nocturnas excubias faciebant. Considera etiā dispersos milites non victoria potiri, sed conflictu cō-

primi; Carboñes quoq; vnà congestos succendi, ardereq; ; seiunctos verò extingui, atque frigere. Etenim sicut malorum comes pessimus efficitur; sic & bonorum socius optimus fiat oportet. Rursus viri Religiosi ad honorè, decorem, honestatemq; sanctę Religionis nunquam non intreati esse, atque anhelare tenentur. De ea quippe scriptum est Eccl. 24. flores mei fructus honoris, & honestatis. Quare qui simul eandem domum monasticam colunt; simul etiam cum foras progrediuntur, eant, simulq; eodem in loco maneant. Ne soli perditionis periculum incurrant. Vt soli, quia si ceciderit, non habet subleuantem, Eccl. 4. Tutiór etiam, ac dulciór est vita, cum vnus alium cohortatur; vbi alter alterius inflammatur exemplo, vbi alter alterius doctrina instruitur. Vbi alterius porrecta manu alter subleuatur, alteriusq; vultum veretur.

3. Tertiúm honestatis præceptum est, vt decorus, decensq; sit Religiosis incessus, status, habitus, & motus, siue gestus. Pro cuius rei explanatione notandum, disciplinam esse conseruationem honestatis, cui parum est malum non facere, sed studet etiam in his, quę agit per omnia irreprehensibilis apparere. Hanc ergo sic in his quatuor enumeratis obseruare oportet, vt nullius offendamus aspectum. De abusibus in progrediendo diximus superius, atq; etiã de statu, & habitu; nũc de corporeis motibus, idest gestibus tantillum attingemus. Est autem gestus, modus, & figuratio membrorum corporis ad omnem agendi, vel se habendi modum. In quibus nimirum gestibus illud generatim obseruandum, vt vir Religiosus in membris dimouendis tersus, correctus, eruditus, ciuiliq; appareat, debitumq; decorum obseruet. Videas quosdam, qui sine buccis patētibus ascultare nesciant, & quasi verba cibi sint, ad ea percipienda palatum aperiant. Sunt alij, qui in agendo, vel audiendo, quasi sitientes canes, linguam foras extrahunt. Et ad singulas actiones labia, velut molam contorquentes, circinducunt. Alij verò dum loquuntur, digitum extendunt, supercilia erigunt, & oculos in orbem rotantes, cuiusdam interioris magnificentię conatus ostendunt. Caput iactant, comam excutunt, vestimenta coaptantes, crebro componunt. Et latera, quasi cubitantes deiiciunt, pedesq; ostendentes, ridiculas gestulationes faciunt. Sunt alij, qui alteram tantum aurem percipiendę voci opponunt, quasi ambę aures ad audiendum conditę non fuerint. Alij item plerumque ad videndum, alterũ tantum oculum aperiunt. Alij quasi politissimi, non nisi medietate oris loquuntur. Sunt præterea mille larvę, mille corrugationes narium, milleq; contorsiones labiorum, quę decorem disciplinę deturpant, facieiq; pulchritudinem, quę est speculum discipli-

nz, defædant. Cui quidem tantò maior custodia est adhibenda, quãtò minus, quod in ea peccatum fuerit, celari potest, aut contegi. Hos sanè corporei decoris deformatores Bernardus componit, dicens: Disciplina ceruicem submittit, deponit supercilia, componit vultum, ligat oculos, cohibet cachinnos, moderatur linguam, galam frenat, iram fedat, format incessum.

- 4 Itaque vt generali præceptione omnia complectamur, audiamus Hugonem. Sancta perfectorum Ecclesia non solum floret honore Religionis, sed etiam honestatis decore perpollet, sicuti scriptum est; flores mei fructus honoris, & honestatis. Sic igitur viuere debent Canonici, vt à nemine iuste valeant reprehendi. Incongruum.n.est, vt ipsi reprehensibiliter viuant, quorum ordo exigit, vt ceteris formam sanctitatis ostendant. Nam ad eos hæc sententia profertur; estote sancti, sicut & ego sanctus sum, dicit dominus, Leuit. 11. & 19. Sancti equidem esse debemus, qui nomen, & habitum Religionis, & sanctitatis suscepimus; qui diuino cultui sumus micipati, sacrisq; altaribus Christi consecrati, ac diuinis mysterijs ordinati. Sic ergo nos viuere decet, vt vita cum nomine concordet, & professio retineatur in opere, vt si sanctus est Ordo, sancta sit conuersatio, quæ bonæ actionis testimonio comprobetur. Tunc autè religiosè viuimus, si illicitos motus sub disciplina coerceamus: si membra, & sensus nostros restringere elaboremus, vt lasciuiz, & leuitati nulla ratione deseruiant. Vtq; aspectus noster simplex sit, atque humilis, ne fixè aspiciat oculus, quod illicitè concupiscat animus. Vt noster auditus sit purus, atque discretus: ea, quæ superflua sunt, & vana respuens: ea, quæ Dei sunt, grato animo suscipiens: vt sermo noster sit sale conditus, ad Colos. 4. otiosa, & noxia detestans; bona, & vtilia commendans. Vt sit denique in corde munditia, in vultu pudicitia, in incessu grauitas, status cum reuerentia, motus cum maturitate, habitus cum religione. Vt vbiq; resplendeat sanctitas, superemineat honestas, & seruetur humilitas. Quemadmodū.n. affectiones mentis, omnesq; animi motus ab exterioribus sumunt exordiū, ita & per exteriora quales sint, crebrius cognoscunt.

De animæ vestitu, & nuditate. Confid. j.



Lemus superiori capite de illis vestibus, quibus nostra contegimus corpora: nunc verò mentem altius attollentes, eas vestes inquiramus, atque tractemus, quibus anima exornatur, & cooperitur; vt verecundam corā Deo, & Angelis eius, gloriosisq; sanctis nuditatem euitet. Eos namque omnes, qui ad spiritualem sanctæ Religionis militiam accedere

dere, cum hostibus prompto animo congregi, & manum vitro conferre anhelant; non nudos, ne fortè verecundorum rubore perfusi, secedant, aciemq; turpiter relinquunt, sed eos circumquaque, adhortante potissimum Paulo, indutos esse summopere decet. Induite vos, inquit, armaturam Dei, in omnibus sumentes scutum fidei. Non enim bello deputari possunt, qui indumentis carent militaribus, in cuius testimonium asserit scriptura Eccles. 24. Initium vitæ hominis esse aquam, & panem, ac vestimentum. Nempè ut corpore nudum, corporeisq; vestibus destitutū non ægrè hostis visibilis aggreditur, sic animo, menteq; nudum, hoc est virtutibus, & Spiritus Sancti gratia carentē versutus serpens, hostisq; inuisibilis multò facilius inuadit, atque in suam ditionem miserè tandem pertrahit. Idcirco non solū insita natura corporis, membrorumq; verendorum; sed & ipsius interioris animi nuditatem multò magis erubescamus. Proinde more Pauli ingemiscere debemus, cupientes superindui, si tamen vestiti, & non nudi inueniamur; vnde ab Evangelista plurimum commendatur qui vigilat, & custodit vestimenta sua, ne nudus ambulet. Ne fortè, ut comminatur Amos Propheta cap. 2. Robustus corde inter fortes nudus fugiat. Et Hieremias ait; Prohibe pedem tuum à nuditate.

Qui nanque nudi in hac vita mortali ambulant, quiuè nudi in hoc seculo peregrinantur, aut qui nudi in hoc corporis ergastulo viuunt, aut nudi cum hostibus decertant, multis plerunque subiacent periculis, varijsq; per abrupta, per deuia quæque sese exponunt discrimimbus. Exemplo imprimis tibi sint hominum primi, qui ob execrandam illam aduersus Deum rebellionem, insignem inobedientiam, horrendamq; præcepti diuini transgressionē, ligni vetiti audacè esum, clam, palamq; nudos sese continuo persenserunt. Quiq; quòd relictis spiritalib. gaudijs, assuetisq; paradisi delitijs, ob corporis non solū confusibilem erubescētiā, verū multò amplius ob animæ ademptam pulchritudinem, substractamq; gratiam, quam iustitiā vocamus originalem, accersiti coram Deo vocante, comparere ausi non sunt. Qui in hanc miseræ vallem relegati, bonisq; omnibus priuati; aspera, ac dura sententia in cineres citò resoluendi, insuetum seruitutis iugum, dirosq; mortis aculeos perpessi sunt. Cayn idem perpetuò profugus fratricidij signum palam in fronte, Dei decreto semper portauit. Nabuchodonosor quoque rex, ob animi tumidam elationem, nudus inter feras per desertā, ut bos, fœnum septennio toto comedit. Et plerique regum Israel ferreis vincti catenis, in Babylonem abducti sunt: aliaq; plurima adduci possunt huiusce generis testimonia, quæ vigilatibus legenda relinquo. Quid.n.homine nudo ineptius? Quid inner-

mi Religioso debilius? Quid eodem contemptibilius? Quid denique religiosæ domui conservandæ perniciosius? Contra autem quid yro Religioso bene induto honestius? Quid eodem armato robustius, ac potèntius? Quid fortius? Quid Religiosorū castris tuendis validius? Quid conducibilis?

3 Cunctis itaque monasticæ vitæ candidatis viribus maximis elaborandū est (hi enim Christi glebæ præsertim ascribi cupiunt) ut nō nudi, vestibusq; dispoliati, sed præclaris virtutum ornamentis, ac duplicibus vndiq; vestiti inveniātur. Ne veteris fortè, ac terreni Adæ imaginē in seip[s]is turpiter portēt, ac referāt. Portabūt autē primi Adæ imaginem, si nuditatis rubore perfuni, virtutum, ac gratiarum donis tanquā vestimentis spoliati deprehendantur. Nuditas etenim tam mētis, quā corporis ob primam illam Adæ terreni prævaricationē, pœna est à iudice Deo pariter, ac vindice iusto primū inflicta, erubescēsq; deinde ignominia contracta. Quod aperto testimonio declarat Ezechiel cap. 23. dicens; Denudabunt te vestimentis tuis, & tollēt vasa gloriæ tuæ, & dimittent te nudam, & ignominia plenam. Et iterū animæ peccanti acrius exprobrans per eundem Ezechielem cap. 16. ait dominus; Vbera tuā intumuerunt, & pilus germinavit, & eras nuda, & confusione plena. Et rursus; nō es recordata adolescentiæ tuæ, quādo eras nuda, & confusione plena.

4 Verū cum multis modis rerum spoliationes fieri dicantur, illam autem pessimum, ac perniciosissimū esse arbitramur, quo homo qui libet, vnius Dei creatoris sui spoliatur honore. Ob idq; tūc verè qui spiam nudus, ac despoliatus censendus est, cum propter diuini præcepti transgressionem, fulgenti Dei priuatur candore, præclara eiusdē gratia, videlicet amissa. In cuius typum in Exo. 32. dicitur; Videns ergo Moses populum, quod esset nudatus; spoliauerat. n. eum Aaron propter ignominiam sordis, & inter hostes nudum constituerat; ignominiam autem sordis, reatum vocat vituli, quem fecerant, & quo facto auxilio, & gratia Dei nudati erant. Ideoq; inter hostes constituerat eos nudos Aaron. Hinc, o miser peccator, quicumque tu sis, cum primum aliqua irretiris affectione praua, & in vile prolaberis mortale peccatum, tum continuò Dei creatoris tui destitueris honore, gratia, ac fauore, atque coram diuinæ maiestatis oculis nudus omnino conspiceris. Nempè ante omne delictum, præceptiq; diuinæ transgressionem primi parentes, virtutum, ac donorum spiritualium pleni, pudenda non erubescabant. Non enim erat hoc ignominiz, sed honoris; quid enim? Nunquid hoc à factore suo accepit homo; quod confusibilis, & verenda sit factura Dei? Aut nunquid

confusionem huiusmodi natura, & non potius conscientia facit? Est quidem quasi in naturam versum hoc tormentum confusionis, veruntamen non ex primæua hominis conditione, sed ex subsequente hominis peccantis culpa, origo eius pullulauit. Etenim idcirco nuditatem nostram erubescimus, quia conscij nobis sumus, quantum infirmitatem, imò quantum aduersum nos rebellionem carnis nostræ portemus. Oportet igitur eos, qui militum Christi numero apud monasteria adiungi volunt, vestibus indutos, præclarisq; indumentis ornatos esse, vt horum auxilio dæmoniacis frigoribus obstant, & secundi, ac cœlestis Adæ imaginem efficacius referant, & habitationem interim, quæ de cœlo est, exhortante Paulo, benignius semper expectent. Tu igitur religiose miles, non solum varia tibi ficuum folia, more primorū parentum, in vestem consuato; non solum tibi perizomata, ac succinctoria conficito; sed ab ipso Deo tunicas pelliceas suscipito, hoc autem est, peccatum antea commissum non solum defleas, non solum domi ingemiscas, veram à sacerdotibus, qui Christi vices agunt, tuæ transgressionis, ac præuaricationis remissionem, ac secundum peccati quantitatem, ac qualitatem, pœnam tibi imponendam humiliter expectes. Hoc etenim modo regis pariter, ac diuinæ læsæ maiestatis crimen, diuina ordinatione sacerdotum ministerio palam reparatur, atque corrigitur.

- 5 Præterea nemo ambigit duo esse præcipua anni cuiusvis curricula, hyemem, atq; æstatem; quæ tūc sua naturā, tūc rerum productione, atq; influxu sibi inuicem aduersari conspiciuntur. Hiberno nanque tēpore omnia obscura, tenebrosa, ac rigida videntur, turbinibus, ventisq; procellosis, ac variis aquarū inundationibus plena, gelu glaciali concreta, aspera omnia, squalida, ac tetrica, omnia torpentia, nulla iucunda, nulla delectatja visum, nulla deniq; tunc inueniuntur, quæ hominis animū exhilarāt, sed cuncta prorsus horrida sunt, animi recreationē, ac iucunditatē dehortatja. Vnde fir, vt eo potissimū tempore arborē fertilē ab infœcunda, bonam à mala, & eam, quæ nutrimentum recipit ab emortua discernere nequeas. In æstuali autem solstitio omnia virent, & prata cuncta virentia ridet, arbores folijs vestiuntur, florumq; venustate ornantur, fructibus tument, & in amplas luxuriantur comas, & vnumquodque virgultum iuxta semen suum abundè germinat, & fructū copiosum producit. Terra autē quæ hyeme inanis apparet, æstate virescit, floret, frondescit, fructificat. Omnia tunc amœna sunt, omnia florida, omnia exhilaratja vultū, omnia renouantur, & calore, ac humore quodam concrescunt. Tunc arborum quæ bona, ac frugifera, quæuē mala, & infertilis, quæ abundans, aut fructu

carens, quæ particeps, aut expers vitæ sit, facile dignoscitur.

- 6 Hunc certè in modum homines diuersis anni temporibus viuere, ac pro temporum varietate diuersimode vestiri conspicias hyemis autem nomine, vitam designari arbitramur præsentem, in qua veluti rigida hyeme, multò vitiorum rigore plerumque frigesimus, pallentesq; torpescimus, afflicti vndique angustiamur, patimur, multisq; subiacemus periculis, & varijs hinc, atque illinc obnoxij sumus persecutionum, ac tentationum procellis, & proinde qui hominum in hac vita præsentis, inferioriq; militia boni, aut iusti; quiuè mali, aut sceleratis; qui probi, aut reprobi; qui odio, vel amore; quiuè perpetua gehenna, aut æterna gloria digni sint; vt hyemis tempore, quæ arborum fertilis, aut infœcunda sit, prorsus ignoras. In æstate autem, æstiuoq; solstitio, hoc est futura, ac cœlesti vita; omnia tunc clara, omnia lucida, & manifesta erût, diesq; dñi, qui boni, quiuè mali, qui vita digni æterna, quiuè & perpetuò igni gehennæ tradendi sint, manifestè declarabit. Tunc etenim cum filius hominis sederit in maiestate sua, agni ab hædis, benedicti à maledictis, ad vitam præordinati à sceleratis, & impijs hominibus perpetuò separabûntur, atque ineuitabili vindicta, & incommutabili Dei sententiâ perpetuò exurentur, cruciabunturq; mali. Beati verò, ac benedicti bonis omnib. perfrentur, & perpetua pacis tranquillitate gaudebunt, diuinæq; maiestatis, & ineffabilis potestatis torrente semper inebriabuntur, ac saturabuntur.

- 7 Verùm quorsum hæc? Nisi vt homines hyberno tempore aduersus aereas tempestates, diuersosq; turbines, grandines, pluuias, fragosos flatus, & vehementes ventorum spiritus, asperum gelu, & cetera id generis incommoda, asperioribus, grossioribus, & rudioribus; state autè cum hæc non imminet pericula, subtilioribus, ac mollioribus, vtuntur vestibus, sic nos cum in hoc seculo peregrinamur, & pene indies periclitamur, ac naufragamur, quo facilius scelerem tandem pertingamus portum, atque aduersus peccati rigidum torporem, mētis obscuritatem, principum huius seculi tyrannidem, vniuersaq; aquarū diluuiâ, hoc est, exuberantem carnalium, & lasciuientium voluptatū inundationem, contra ventorum validos flatus, hoc est, tumidiores superbia, & elationis spiritus nos tueamur, & ne nobis noxumento sint, eo diligentius nos squalida, atraq; ac hirsuta veste, idest asperiori vitæ, ac morum austeritate, seu veste lugubri indutos esse, vel apprime decet: Hanc autem asperiozem vestem, qua nos dum peregrinamur in hoc ergastulo, indui debemus, vestem luctus, gemitus, ac poenitentiæ, seu accommodato satis vocabulo, lugubrem vocare consueuimus.

- 8 Qua B. Ioannes Baptista vitæ austerioris, & omnis castimonie efficacior

cacior Archetypus singulariter induebatur. Cuius, Matthæo teste, vestimentum erat de pilis camelorū. Quem proximè sequuti Eremitæ, Anachoritzæ, & hi omnes qui eminentioris sanctitatis, & perfectioris sunt vitæ, simplicioribus, ac vilioribus semper, quibus ab alijs manifestò differant, induuntur vestibus. Hæc sunt profectò vestimenta, seu sacci, quibus induti à maiori usque ad minorem Niniuitæ dominū placauerunt; hæc sunt etiam vestimenta, quibus induta Hester regis Assueri clementiam promeruit; & innocentem Mardocheū, populūq; Israeliticum ab ipsius Aman tyrannide potèter eripuit. Hæc est insuper vestis viduitatis, qua prudens illa Techuites ornata, vestibus iuuentutis, ac iocunditatis suæ relictis, ira percitum, & maximè insensū citissimè mitigauit Dauidem, & Absalonē filium eidem benignè reconciliauit. In typum quidem, si Aman, hoc est diabolico angustantis, & nos vndique comprimentis technas, insidias, atq; immanem tyrannidem euitare contendamus, vt Mardocheus sacco, & veste lugubri; pariterq; si verum Dauidem, hoc est Christū dominū nobis scelerum admisione insensum, nosq; propemodum ultionis gladio ferientem mitigare, & nobis propitiū reddere velimus, ipsa viduitatis, & nō iucunditatis, hoc est veste lugubri, nō voluptatis induamur oportet.

9 Ad quam quidem vestem non sensim, nec cunctanter, sed raptim suscipiendam, nos crebrò hortatur omnis clementiæ, ac totius consolationis fons, idem dominus noster IESVS CHRISTVS, non figurato, sed aperto sermone dicens; Pœnitentiam agite, appropinquauit. n. regnum celorum. Et beatus Ioan. similiter ait. Hanc itaque viduitatis, seu lugubrem vestem circūferre, aliud nihil esse existimamus, quā in hoc spatioso mari, ac præsentī seculo nequam, duram agere pœnitentiam, peccata ante commissā deflere, in seipso ingemiscere, & continuo; Dei aduentum in cordis confractiōe, multaq; sui exinanitiōe intrepidè præstolari. Qua quidem veste indutus Iacob, à patre Isaac, alioqui Esau præparatam, præripuit benedictionem. Hanc tamen hybernā, hirsutam, ac lugubrē vestem semper oderunt, qui ardua, aspera, & laboriosa pœnitentiæ opera, ieiunia, flagella, vigilias, corporum castigationes, & mortificationes aspernantur; qua qui hic priuati fuerint, sibi caueant, ne Dei viuētis benedictione spoliētur. Qui autem hac veste lugubri in hoc seculo adornantur, benedictionibus non solum hic, sed & illic, perpetua pacis tranquillitate abundabunt.

10 10 Est quoque, & altera vestis maximi æstimanda, quæ ex auro est purissimo, cuius superficies auro rutilanti refulget, quo spectat illud Hieremiz Tren. c. 4. Filij Syon inclyti, & amicti auro primo; quomodo reputati sunt in vasa testea, opus manuum figuli? Quomodo obscura-

tum

tum est aurum, mutatus est color optimus? Qui quidem vestitu aureo præclara illa, & cunctis virtutibus eminentior intelligitur charitas, cuius excellentiam perpendens Paulus aperto sermone profert; si linguis hominum loquar, & Angelorum, charitatem autem non habeam; factus sum velut æs sonans, aut cymbalum tinniens; & si habuero omnem fidem, ita ut montes transferam charitatem autem non habuerō, nihil sum. Et si tradidero corpus meum, ita ut ardeam; charitatē autē nō habuero, nihil mihi potest. Omitto alia quàm plurima, quæ in illius laudem produci possunt testimonia; & dominus ipse vniuersa legis madata, vnico Dei, atq; proximi dilectionis præcepto mira, breuitate perstrinxit. Ceterum ut veste aurea quis incesu, & gestu ornatioꝝ, ac passim splendidior redditur, haud secus qui charitate tanquàm aureo induitur vestimento, Deo plurimum, & hominibus mirū in modum placere comprobatur. Sic. n. Abraham, Isaac, & Iacob, alijq; Patriarchæ, ac Prophetæ, sic Apostoli, sic Martyres, sic vniuersi, qui seruētī charitatis zelo claruerunt Deo, & hominibus semper placuerunt. Et veste aurea, quæ ceteris superponitur, corpus omne, singulæq; corporis verendæ partes appositæ teguntur; sic beati Petri testimonio, charitas operit multitudinem peccatorum. Hinc beati in sacris litteris dicuntur, quorum tecta sunt peccata, hoc est charitate tanquàm aurea veste adumbrata. Hanc itaq; charitatis virtutem, ut peccatorum sordes operit tanquàm vestis, atq; ut ceteris nitidior, ac præstantior est, auream meritò chlamidem appelles. |

- II Verū huius conditionem clarius si nosse contendas, auri naturam diligēter expende. Aurum nanque in fornace cuius naturæ sit, exactè probatur, quod suo pondere in terram ocius ruit, omnibusq; metallis præstantius est, ac suo nitore omnes mirum in modum allicit. Quo modo charitate tanquàm aurea nudatus veste, facile dignoscitur Christianus miles, qui sui primum cognitione quod pulvis sit, facile exinanitur, ac maximè humiliatur. Quæ cūctis virtutibus præfertur, inquiēte Paulo, fides, spes, charitas tria hæc, maior autem horum est charitas. Quæ ut igne aurum non minuitur, sic nec veterascit, nec excidit vnquā. Cuius pulchritudine illectus rerū conditor Deus, cuncta tam cælestia, quàm terrestria potenter creauit. Qui quo vberiores, & penitiores suæ charitatis aperiret thesauros, eo ut homini diaboli fuggestu infelicitè perditō mederetur, propensius filium suum vnigenitum misit, & pro nobis omnibus tradidit illū. Qui cū in forma Dei esset, exinaniuit semetipsum, formam serui accipiens; qui habitu inuentus est, ut homo; factus obediens patri vsque ad mortem, mortē autem crucis. Huius virtutis splendore illustrantur Angeli, ornantur beati,

beati, & huius seculi viatores Deo grati efficiuntur. Nempè vt arca
fœderis, domus, ac templum Salomonis auro tegebatur purissimo,
& mundissimo; sic homo qui Dei verum dici, & esse templum deside-
rat, & domus spiritualis, charitate intus, & foris tanquàm aurea ope-
riri veste constringitur. Et nedum Salomonis templum aureum, sed
& vniuersa eius supellex de auro purissimo fuisse legitur. Qua quidè
supelle&ile vniuersos actus, atque cogitatus humanos intelligimus,
auro purissimo, hoc est aurea charitate esse fulcendos. Nam & Chri-
stus sic eximia, aureaq; charitate claruit, vt pro ouibus seruandis sese
vltro morti obstrinxerit, voluntarieq; obtulerit.

Quamuis verò plurimæ vestium inueniantur species, eam tamen,
quam regiam vulgo nuncupant, ceteris excellentiorem, ac præstan-
tiorè semper iudicarunt, qua potissimū induuntur reges, cum splē-
dida hostium potiti fuerint victoria; aut cum eos magnis hominū coe-
ribus, aut his, quæ ad cultum diuinum pertinent, interesse contingar.
Quæ quidè vestis immortalitatis, ac iucunditatis stola dici potest, qua
post huius incolatus lugubre vestimentum, in superna ciuitate Hieru-
salem soli induuntur, qui in hac vita rectè vixere beati. Proindeq; ve-
stis hæc non perperam vestis dicitur præmij, ac triumphi, gaudij, atque
tripudij, seu spectandæ semper in æuūq; duraturæ victoriæ. De hac
autem veste sic Isaias prospere induere vestimentis gloriæ tuæ Hierusa-
lem, ciuitas sancta, quia non adijciet vltra, vt pertranseat per te incir-
cuncius, & immundus. In cuius figuram his regalibus Hester induta
vestibus Assuerō regi plurimum placuisse fertur. Eos sanè solos, qui
iam stola iucunditatis, & veste regia induti sunt, pacis abundantia, &
tranquillitatis plenitudine persuere, sacra testantur litteræ. Hæc est, n.
candida vestis, qua reges, & principes; hoc est electi Dei, depictis vni-
uersis hostibus, post huius vitæ exuias perpetuò vtuntur; Hæc est, in-
quam, vestis, quæ nunquàm veterascit, quæ superindui ardentius cu-
piebat Paulus. Hæc est in super splendida vestis, quam corpus nostrū
reformando configuratum corpori claritatis suæ, Christus daturus est
nobis; Hic est citra dubium cultus regius, quo ornari solent reges Is-
rael, hoc est nunc in seculo, postea facie ad faciem Deum clarè viden-
tes; Hæc est denique stola lucis, ac gloriæ, quam suis duntaxat mini-
stris liberaliter impartitur Christus. Quam nobis in hac inferiori pa-
lestra dubio Marte certantibus, atq; in hoc procelloso mari hinc, atq;
illinc periclitantibus; post diuersas luctas, variaq; prælia, qui est om-
niū vera beatitudo, in quem Angeli desiderant prospicere, Iesus Chri-
stus, verus Assuerus, rex regum, & dominus dominantium, sua abun-
danti misericordia communicare, & nos illius participes efficere di-

gnabitur. Hæc sunt profectò vestimenta pretiosissima, pro quibus iure litigandù nobis esse, in Regula sapiens Augustinus voluit, cum ait; Hinc vos probate quantum vobis desit in illo interiore sancto habitu cordis, qui pro habitu corporis litigatis.

*De fugiendo immodico fœminarum aspectu, colloquio,
& tractatu. Cap. xj.*

OCULI vestri & si iaciãtur in aliquam fœminarum, in nulla figantur, neque enim quando proceditis, videre prohibemini, sed appetere, vel ab ipsis appeti velle criminolum est, nec solo tacito affectu, sed aspectu quoq; appetitur, & appetit concupiscentia fœminarũ. Nec dicatis vos habere animos pudicos, si habeatis oculos impudicos. Quia impudicus oculus, impudici cordis est nuncijs. Et cum se inuicẽ sibimet, etiã tacente lingua, conspectu mutuò corda nunciant impudica: & secundum concupiscentiam carnis alterutro delectantur ardore, etiam intactis ab immunda violatione corporibus fugit castitas ipsa de moribus. Nec putare debet, qui in fœminam figit oculũ, & illius in semetipso diligit fixum, ab alijs se non videri. Cum hoc facit videtur omnino, etiã à quibus se videri non arbitratur. Sederiam si lateat, & à nemine hominum videatur: quid faciet de illo superno inspectore: quem latere nihil potest? An ideò putandus est non videre, quia tantò videt patientius, quantò sapientius? Illi ergo vir sanctus timeat displicere, ne velit fœminæ malè placere; illum cogitet omnia videre, ne velit fœminam malè videre. Illius nanque & in hac causa commendandus est timor, vbi scriptum est: abominatio est domino defigens oculum.

ENARRATIO.



DOCVIMVS non semel in superioribus, perfectam Religionem tribus potissimum partibus constare, paupertate videlicet, castitate, & obedientia, ex quibus etiam votum solenne Religionis conflat. Cum igitur sacer Augustinus maiori ex parte hactenus de paupertate, & proprietatis abdicatione copiose admodum pertractauerit, nunc de castitate sermonem aggreditur. Si. n. tantò verborum apparatu incautum mulieris aspectum prohibet, maiori profecto studio, vehementioriq; conatu castitatem, pulcherrimā virtutem præcipit, & iniungit. Quare iudicio nostro audiendus non est Choriolanus, qui com. 31. illicitum veneris usum ab Augustino hoc loco fuisse prohibitum inficiatur, cum ille iam illo Dei præcepto, non mœchaberis, sit interdictus. Fieri. n. potest, vt quod alioqui præcepto diuino sit vetitum, peculiari etiam Religionis voto interdicator, id quod superius ex Caiet. manifestum fecimus. Fatemur tamen ultra illicitum venerorum usum, cautam etiam oculorum inspectionem ab August. iuberi; quippe quæ sit murus, ac etiam antemurale ad propugnandam castitatis arcem. Idcirco vt facilius, liberius, commodiusq; castitatem obseruemus, opportunitatem, causam, atque viam, qua ad prohibiti virij deuenitur labem, nobis effugere iussit. Oculi. n. in mulieres cõfixi, sagittæ sunt, corda ferientes, ac penetrantes, secumq; virus deferunt, quo miseram animam interficiant.

1 Primum igitur præceptū in hoc capite de custodiēda castitate ab August. traditū, circa oculorū custodiam omnino versatur. Ait enim; Oculi vestri etiam si in aliquā sceminarum iaciantur, in nulla tamē scemina figantur: Diligenter enim, & cautē, breuissimēq; sunt dimouēdi, & separandi. Oculorum autem visum curandum, propugnandūq; esse præ ceteris sensibus, propterea Augustinus est arbitratus, quòd visus de muliere plura percipit, nimirum figuram, colorem, gestum, ornatum, membra singula, & totius corporis dispositionem. Quæ quidem tanquā arida ligna, quantò magis inflammant concupiscentiā, & quantò plura sunt, tantò ardentiorē ignem incendunt. Adde etiā velocem oculorum facilitatem, & frequentiam. Quam quidem ceteris sensibus celerius oculi exercere possunt, ob idq; oculorum opere crebrius, facilius, celeriusq; homo peccato irretiri potest; Imò quemadmodum ille, qui non existimat se à quopiam videri, securius fornicatur: ita & oculus tutius alijs sensibus impudicē agit.

2 Rem ipsam superiorum hominum exploratus vsus demonstrat, dū

ex mulierum aspectu, quàm plurima mala euenisse & audiuius, & legimus. Nam Genes. 6. Videntes filij Dei filias hominum, quod essent pulchræ, acceperunt vxores sibi ex omnibus, quas elegerant. Quæ primaria vtiq; fuit causa diluuij in quo fuerunt omnes præter paucos submersi. Et Genes. 12. Viderunt Aegyptij vxorem Abrahæ, quod esset pulchra nimis, & principes nunciauerunt Pharaoni, & laudauerunt apud eum illius pulchritudinem. Sublataq; est in domum Pharaonis. Quam ob causam flagellauit Dominus Pharaonem plagis maximis, & domū eius. Item Genes. 34. Cū vidisset Sichem filius Emor, princeps terræ illius, Dinam adamauit, & rapuit, & dormiuit cum ea: ob idq; interfectus est postea Emor, & omnes masculi ciuitatis illius. Aspectus etiam mulieris Sampsonem tradidit, & tandem ipsi mortis occasionem attulit, Iudic. 14. Vidit rex Dauid mulierem lauante se ex aduerso super solarium suum, & misis nuncijs tulit eam: hinc violenta arripitur occasio homicidij, & proditiōis, & maximæ iræ domini contra eum. 2. Reg. 11. Vulgatum quoq; est Daniel 13. Videbāt Susannam seniores quotidie ingredientem, & deambulante, qui exarserunt tandem in illius concupiscentiā. Quæ res in causa fuit, vt prauis, corruptiq; senes dilapidarentur. Quam verum est illud Trenor. 3. oculus meus depredatus est animam meam in cunctis filiabus vrbs mex. Et apud Matth. cap. 6. Christus docet. Si oculus tuus fuerit tenebrosus, totum corpus tuum tenebrosū erit. Nam omnes tenebræ peccatorum per prauos oculos introducuntur. Et idem Dominus; qui viderit mulierem ad cōcupiscendam eam, iam mœchatus est in corde suo, Matth. 5. Si igitur, vt ceteros prætermittamus. sanctus Dauid per incuriam oculorum turpiter lapsus est: nos infirmi, qui longè ab eius sanctitate distamus, quantopere tam periculosum præcipitium pertimescere debemus? teneamus ergo vbique præsentem sanctum Iob sic Philosophantem cap. 13. Pepigi fœdus cum oculis meis, vt non cogitarem de virgine. Intelligens nanq; exteriore visu interiorem animam corrumpi, fœdus percussit cum oculis suis, ne incautè aspicerent quod illicitè concupiscerent. Id autem difficilè obtineri potest, nisi causa, & opportunitas sollicitè caueatur.

- 3 Porro oculos dicitur quispiam figere tripliciter. Primū, cū morosè mulierem respicit, quasi de figura, & pulchritudine iudiciū pronuntiaturus. Huiusmodi erant illi 3 de quibus dicitur Iudith 10. Et erat in oculis eorum stupor, quoniam admirabantur pulchritudinem eius: & cap. 11. dicebat alter ad alterum; Non est talis mulier super terram in aspectu pulchritudinis. Hi sanè morosè admodum in co iudicio serendo detinebantur. Secundo, cū inspiciunt formā ad cōcupi-

cupiscentiam incitandam; vt iam diximus, ex Matth. 5. Omnis, qui viderit mulierem ad concupiscendum eam, &c. Tercio, cum iam videtur cum concupiscentia, videlicet cum iam appetitur, & concupiscitur. Ad quem modum dixerunt senes Susannæ ante eos posita. In concupiscentia tui sumus. Quamuis autem primus modus non videatur ex se esse mortale, vt alij duo posteriores, vt ait Humbertus, attamen quia occasio est mortali peccato valde proxima; idcirco omnis huiusmodi oculorum fixio ab August. prohibetur, non quidem ex vi præcepti, quo ad primum modum, sed per modum dehortationis, & dissuasionis. Itaque quo ad primum modum dissuasio est; non præceptio. Cuius generis non pauca documenta in hac regula inueniuntur; huius præcepti iam expositi causam suggerit; dicens: Neque enim quando procedis, &c. Quasi apertius dixisset. Propterea non visionem simplicem, sed fixationem oculorum prohibeo: quia appetitus mulierum criminofus est, qui quidē surgit, vel certē exilit cum ipso mulieris aspectu, & non solum in tacito affectu. Quem locum Hugo vitandæ obscuritatis causa in hunc modum locupletauit. Non solum tacita voluntate intus concupiscentia oritur: sed etiam per exteriorem aspectum generatur. Nisi enim S. David foeminam fixè inspexisset, in tantam carnis tentationem non incidisset, hinc per Prophetam dicitur, Hierem. 9. Ascendit mors per fenestras nostras: mors animæ est concupiscentia. Dominus interior mens nostra est: fenestræ huius domus sunt quinque corporis sensus. Mors ergo per sensus prorumpit ad interiora mentis: necesse igitur nobis fuerit oculorum fenestras diligenter custodire. Aspectus enim mulieris aptissimum est instrumentum ad excitandum appetitum.

- 4 *Nec dicatis vos habere, &c.*] Post rationem redditam superioris mandati, contendit author tribus rationibus comprobare, cur mandatum illud diligenti studio sit obseruandū. Pro cuius rei elucidatione præiacendum est tres esse occasiones, quibus quispiam concitatus illicite in foeminam infigat oculos. Prima quidem est, quoniam existimat illud non esse illicitum. Secunda, quia non intelligit se ab alio videri. Tertia, quod sibi non suadeat, se videri à Deo. Ne igitur quispiam circa primam occasionem ignoranter decipiantur, asserit August. non posse impudicitiam in oculo contingere, quin etiam sit in anima. Subdit etiam malum, quod inde sequitur, videlicet fuga, & expulsio castitatis: vnde affiamat oculum impudicum, impudici cordis esse nunciū.
- 5 Multiplex autem, variusq; est impudicus oculus. Primum, impudicus est oculus, qui audet respicere verecunda, vt alter Cham, qui respexit verēda patris, Gen. 9. Item impudicus est oculus, qui attentē

intuetur imagines libidinosè depictas. Vt Ooliba meretrix, q̄ Ezech. 23. cū vidisset viros depictos in pariete, & imagines Chaldæorum expressas coloribus, & accinctas baltheis, insaniuit oculorum concupiscentia in eos. Tertio, impudicus est oculus, qui non refugit aspiceret inhonestis tactibus colludētes, quo etiam irritari solet cōcupiscētia carnis, vt viri probi, & sapientes testātur. Quarto, impudicus est oculus, qui in sp̄c̄taculis respicit representationes actū impudicorum. Contra quæ Aug. lib. 2. de ciuit. Dei inter alia hæc dixit; Veniebamur etiam nos adolescētes ad spectaculum, vt ludis turpissimis oblectaretur. Quinto, impudicus oculus est, qui curiosè considerat species mulierum. Sexto, impudicus est oculus, qui nutus impudicos exercet, sicuti apostata, Pro. 6. annuens oculis. Quare fieri non potest, vt huiusmodi impudicitia oculis exerceatur, nisi animus existat impudicus. Sæpē. n. quæ intus latēt, exteriora mēbra denūciāt. Et plerunque ex corporis habitu, cognoscitur habitus mentis. Minor est autem culpa, dum occulta iacet. Maior verò iam efficitur, dum in publico incipit apparere. Sciendum est etiam, duplicem esse impudicitiam; carnalem, & spirituale. Spiritualis est, quæ per cogitationum delectationem intus tantū agit. Carnalis verò, quæ corpore completur. Fit autem pluribus modis nempe visu, auditu, tactu, cogitatione, locutione, atq; operatione. Talibus vtique fomentis nutritur, & exercetur libido, & anima separatur à Deo, fugitq; atq; etiam fugatur castitas de moribus, & verum est in mentibus etiam exerceri libidinem. Castitas quippe de moribus fugit, dū libidinosā voluptas mutuis conspectibus magis, magisq; inardescit. Et si. n. corpus immunda violatione non tangitur, ipsa tamen immunda violatio visu, affectu, cogitatione, & delectatione perpetratur, ijsq; fomentis, quasi quibusdam gradibus crescit peccatum. Cogitatio praua delectationem parit, delectatio consensus, consensus operationem, operatio consuetudinē, consuetudo quandam necessitatem, dum consuetudinis vinculo retinemur.

6. Quoniam verò celebris est apud omnes illa Augustini sententia; impudicus oculus impudici cordis est nuncijs, tantillum eam locupletabimus. Docet Arist. atque sentit 2. lib. Priorum. cap. 28. naturas cognoscere possibile esse, si quis admiserit, naturales affectus simul corpus, & animam transinutare: vnde physiognomones, idest naturarū coniectores, quibusdam certis regulis coniectant, quænam sit huic, vel illi homini insita pronitas. Et vnum duntaxat proferam physiognomicum argumentum huic sententiæ commodissimum? illos comminiscuntur esse timidos, quibus facies est pernigra, aut peralba: fortes verò, quibus est fusca: boni animi, quibus est flaua: ingeniosos,

niosos, quibus est rubea: astutos, quibus ruffa: iracundos verò, quibus est flàmca. Itaq; solet animi interior bona, aut mala dispositio, foris se per externa indicia prodere, maxime in vultu. Quemadmodum videlicet superbia in oculorum extollentia, & pomposa quadam vultus compositione solet relucere; & è contrario, humilitas in oculorum simplici demissione. Propter quod Propheta suam volens humilitatē coram domino protestari. Psal. 130. dicebat; Domine non est exaltatum cor meū, neque elati sunt oculi mei. Sic ergo, & impudicitia cordis, plerumque per oculos manifestatur, de carneis. n. oculis 2. Pet. 2. sic sermo, cum dicitur; Oculos habentes plenos adulterij, & incessabilis delicti. Invidia quoque vultus, & præcipue oculorum liuore monstratur, vt propter hoc merito per oculum malum significetur, Matth. 20. An oculus tuus nequam est, quia ego bonus sum? Hoc est, si tu inuidus es, ego certè liberalis, & beneficus sum. Et Marc. 7. Inter mala, quæ de corde procedunt oculum malum, idest inuidiam nominat, Ad hunc sanè modum Eccles. cap. 8. dicit, etiam sapientiam hominis lucere in vultu eius? Quoniā videlicet ex ipsa maturitate, & æquabilitate vultus, quam pre se fert Sapiens, cognoscitur eius sapientia. Nam, vt ait Gregorius Nazozsariensis; sapientiæ indicium in lucido hominis vultu apparet, sicut & liuor impudens prodit inuidum; & in superbie corporis, & speculo vultus elucet hominis sapientia. Solet quoque colli dispositio animositatem, audaciam, superbiam, vel contrariam pusillanimitatem, timiditatemq; indicare. Qui. n. collum habet erectū, & quasi immobile, coniiciuntur inde esse audaces, & sui ppositi tenaces, atq; superbi. Qui verò collū habet flaccidū, veluti caput sup humeros demissum gestantes, pusillanimes, ac meticulosi, facileq; cedētes, inde coniiciuntur. Recta ergo oculorū cōpositio viro Religioso ē necessaria.

- 7 Nec putare debet, &c.] Additur hic secūda ratio ad præcepti obseruationem firmandam. Sunt, n. aliqui adeò stolidi, quasi bruta, qui cum alios non videāt, se ab alijs videri difficilè credant. Non putabat Isaac se videri, cum iocabatur cū vxore sua Rebecca. Sed vidit planè Abimelech, rex Palæstinorum prospiciens per fenestram, Gen. 26. Ille iuuenis, qui ambulabat ad uesperascēte die iuxta domum meretricis; quem deprehensum osculata est, non existimabat se videri à Solomone: quem tamen vidit ex fenestra domus suæ, prospiciens per cancellos, Prou. 7. Nunquid, & illa mulier, quæ deprehensa in adulterio, adducta est ad Iesum, Ioan. 8. credebat se videri, vel adulterans cū ea, quando sunt & visi, & comprehensi? Ad eundem sanè modum quodam Dei iudicio plerique in hoc crimine, cum se putent latere, deprehenduntur: vt qui Dei timore nunquàm corrigerentur, ea interdum confusio-

consilij, & mentis inopes reddit. Vnde Oseas cap. 4. ait: Fornicatio, vinum, & ebrietas auferunt cor. Quælibet fornicatio eam facit: abominationem, quam tantopere horret, & vnde nos præmonet Apost. 1. ad Cor. 6. ne quis tollat membra Christi, & faciat membra meretricis. Quoniam qui adhæret meretrici, vnum cum ea corpus efficitur: nec Christi membrum esse potest, sed à Christo separatus est, quandiu consuetudinem habet meretricis, quam ob rem apprime necessaria est Apostoli eodem in loco admonitio, qua ait: fugite fornicationem. In alijs peccatis satis est, si ea omittamus, neque ea consecremur. Fornicatio autem fugiendo superanda est, alioqui nemo ab illa immunis manet, nisi qui fugerit. Amor, ardor est, & ignis; quisquis ardere non vult, necesse habet, vt fugiat.

Quin, & Paulus ad Ephes. 5. admonet; fornicatio autem, & omnis immunditia, aut avaritia, nec nominetur in vobis. Adeo. n. hoc crimē abominatur, vt nolit nos vllam cum fornicarijs habere vitæ consuetudinem, nec cum huiusmodi cibum sumere. Nec mirum quod scriptura doceat, nullam propemodum pestem turpius, quàm scdā illā libidinem hominem commaculare, atque adeo totum cōmutare, quæ sanè facit, vt vix agnoscas hominem eundē esse. Testis est Dauid, quod nemo cordatior, nemo magis pius, nemo mansuetior. At is vbi turpissimæ libidinis actu exardescit, quàm sit carnalis, excors, ac crudelis; atque adeo sui dissimillimus? quin etiam homicida; vt omnino verū sit, quod Pro. 5. legimus. Stillās fauus est scorti os, & mollius est, quàm oleum collum eius: verū postrema illius amara sunt, veluti absynthium, & acuta, ceu gladius. Atque ipse etiam Salomon huius rei potentissimum exemplum est. Nam & si ipse à domino cor sapiens, & intelligens nactus fuerit, cum tamen cœpisset adamare mulieres alienigenas, en quantum mutatus est ab illo Salomone sapientissimo; statim. n. deprauata est cor eius per mulieres, vt nō esset deinceps perfectum cum domino Deo suo, sed in tantum auersum, vt 3. Reg. 11. sequeretur etiam deos alienos, & coleret ille Salomon nuper omnium sapientissimus Astarthen deam Sydoniorum, & Chamos deum Moabitaram, & Moloch idolum Ammonitarum. Et qui, quæso, vt omittamus exempla, fieri potest, vt non totus auertatur à Deo, qui libidinibus seruit? Cum Apostolus loco citato dicat, omne peccatum quodcunque fecerit homo, extra corpus est: qui autem fornicatur, in corpus suum peccat. Quare hoc nobis curandum est, vt prostratis omnibus immūdis concupiscentijs, & desiderijs, perpetuò glorificemus, & portemus Deum in corde, & corpore nostro.

Ceterum huius criminis grauitatem, vel sola pœna proposita satis

ostendit.

ostendit. Nam vix vltimum peccatum est, quod atrocius in scripturis puni-
tū legamus; atque illud id quod satis testatur diluuiū, quo Deus totū
mūdum perdidit, Gen. 7. eo quod omnis caro corruperat viam
suā super terram, Gen. 6. Perdidit quoque, atque etiam in cinerem
redegit Sodomā, & Gomorrā, vrbes florentissimas, illorumq; in-
colas externis cruciatibus destinauit, quod scortationi, & stupris va-
cariūt, quemadmodum testatur Apostolus Iudas. cap. 1. sicut, inquit,
Sodomā, & Gomorrā, & finitimæ ciuitates, simili modo exornatæ,
& abeuntes post carnem alteram, facti sunt exemplum, ignis æterni
pœnam sustinentes. Præterea Num. 25. sic legimus, viginti tria mil-
lia de filiis Israel, plaga diuinitus immittā, ob fornicationem cum fi-
liabus Moab periisse; quod exemplum Paulus. 1. ad Cor. 10. nobis in-
tuendum proponit: Neque, inquit, fornicemur, sicut quidam ex ip-
sis fornicati sunt, & ceciderunt vna die viginti tria millia. Hæc omnia
in figura continebant illis. Scripta sunt autē ad correptionē nostram.

- 4 Quicunque autem adulterium, & fornicationem cuitare velit, is à
pluribus absteat, seq; contineat oportet, quā à solo illo externo
actu. In hunc. n. scopum Augustini animus dirigitur, atque fertur. Il-
la autem sunt, quæ operi ipsi occasione præbent, ex quibus adulte-
rium, & scdē, ac obicēni actus proficiunt. Atque hic nostram ip-
sorum vesaniā vix satis possumus admirari; imò calamitatem, & mi-
seriam nostram circā hoc vitium satis deplorare nequimus. Fornica-
tionem quidem omnes, ceu grande nefas inelamamus, & carpinus.
Ceterum quicquid huic vitio præbet anam, quicquid libidinem ac-
cendit, quicquid ad hoc peccatum inuitat, extimulat, trahit, impel-
lit, hoc omnibus vsitatissimum est: nemo illud reprehendit, nemo re-
fugit; aduersus quam cecitatem inquit Spiritus Sanctus apud sapien-
tem: nunquid potest homo abscondere ignem in sinu suo, vt vestimē-
ta illius non ardeant? aut ambulare super prunas, vt non comburan-
tur plantæ eius? Quare prohibenda erunt omnia illa, quæ ad impudi-
ciā hortantur, & extimulant; hæc. n. est Augu. mens: oportebitq;
certam rationem, & disciplinam perdiscere, qua vnusquisq; se ab hoc
turpi flagitio tueri, & conseruari queat.

- 5 Et quamuis fatendum sit, neminem suis viribus, & proprio studio
castitatem posse tueri, sed etiam gratiæ diuinæ ope, & auxilio id fieri,
iuxta illud Sap. 8. Nemo potest continens esse, nisi Deus dederit. Ac
interim tamen Dei gratia per disciplinæ studium inquirenda, & am-
bienda est. Nam diuino accedente auxilio, oēs esse continentes pos-
sunt. Id. n. reuera dicimur posse, quod amicorum auxilio possumus;
iuxta Paulum dicentem ad Philip. 4. Omnia possum in eo qui me cō-

fortat

fortat. Lege Conc. Trid. fef. 24. Can. 9. Hanc itaq; rationem, & disciplinam luculenter, ac multis modis Deus in diuinis litteris depromit. Nam Matth. 5. vbi Christus docet vitandum adulterium, principio oculis suam præscribit legem, suosq; limites, eosq; incusat, quasi & illi in culpa sint adulterij. Quem docendi ordinem August. hoc loco imitatus est. Quicumque, inquit Christus, adspexerit mulierem ad concupiscendum eam, iam inæchatus est eam in corde suo. Hæc igitur prima regula est constituta ad recta castitatis custodiã. Nec illud Christus dixisse existimandus est, quasi aspectus per se culpæ obnoxius sit; sed quòd animo incauto per oculos sæpenumero malarum cupiditatũ afferatur occasio, ex quibus deinde peccatum nonnunquã etiã prorumpit in actum. Huic oculi sunt quasi quidã internuncij mentis, qui cordi nuncium adferunt, vnde porro animus in prauam voluntatem, & peccatum seducitur. Eam ob rem infinita penè scripturarum loca monent, habendam esse accuratam custodiam oculorum Eccl. 9. auerte faciem tuam à muliere compta, & ne circumspectas speciem alienã. Noli intendere in faciem virginis, ne te confundat vultus eius. Hieremias quoque cap. 9. lamentatur, & queritur, per oculos homini detrimentum, & perniciem adferri, dicens; Mors ascendit per fenestras nostras, ingressa est domos nostras.

- 6 Ex his omnibus liquidò constat ei, qui castimoniam cupiat obseruare, necessum esse, vt oculos suos in disciplina contineat, ita vt cernere, atque conspiciere nolit, vnde posset ad peccandum illiciti, ac protuocari: equidem vanam, ac commentitiam eorum iactantiam sentio, qui castos se prædicant, cùm impudicos habeant oculos: nec adulterij culpam possunt effugere, quando oculos habent plenos adulterij, & incessabilis delicti. 2. Petri. 2. Ad hæc idem Saluator noster, Matth. 5. cùm prohibuisset concupiscentiam, statim subiecit; Quod si oculus tuus dexter scandalizat te, erue eum, & proijce abs te: exped. n. tibi, vt pereat vnum membrorum tuorum, quam totum corpus tuum mittatur in gehennam. Tantundem de manu, atque pede protulit. Hæc autem docendi gratia, per similitudinem dicuntur. Docemur tamen omnem concupiscentiarum occasionem diligentissimè vitare, adeoq; cauendum nobis est ab omni eo, quod in eiusmodi peccatum nos protrahaturum timemus, etiam si id tam charum, ac necessarium nobis fuerit, quàm sunt oculi, manus, & pedes; imò dexter, & potior oculus. Quid. n. non abijcete, & contemnere potius eligamus, quàm vitam æternam amittere? Et quosnam animorum affectus præferemus desiderio regni cœlestis? Nonne potius eam occasionem euitabimus, ac quàm longissimè nos elongabimus, quantum libet id inge-

rat doloris, aut incommodi, ne presenti periculo nos commutamus? Sic caſus ille Ieſeph Gen. 39. dominam ſuam, quæ in eum oculos ſuos, iniecerat, ad adulterium ſolicitans, quoad fieri poterat, fugiebat, malens etiam ſe in vitæ diſcrimen conijcere, quàm tantum crimen committere: auerte igitur oculos tuos, ne videant vanitatem. Nā propter ſpeciē mulieris, multi perierunt; re ipſa comperimus, incēdi ignē, cū ſtipula proxima eſt. Ad eundem modum, Hieronymo teſte, flammigerō igne percutit ſcēmina conſcientiam pariter habitantis.

- 7 : Quinto, eſt & altera regula ad cuſtodiendam caſtitem, per quam appoſita, vt immoderatus cibi, ac potus, præſertim delicatioꝝ vſus cum otio coniunctus propellatur. His. ii. homo facilē ad illicitas voluptates pellicitur. Saturauit eos, inquit Propheta Hierem. 5. & machati ſunt, & in domo meretricis luxuriabantur. Vbi magna adeſt vitæ temporariæ ſclicitas, rerum opulentiā, atque otium, ægrē ſibi cauere potelt, ne libido, & petulantia inde proficiſcatur. Ita de Sodomitis nullum aliud ſcriptura peccatum commemorat, quo Deum offenderint: niſi ſuperbiam, & ſaturitatem panis, & abundantiam, & otium. Item otioſitas multam malitiā docuit; crapula, & ebrietas ligna ſunt ſouentia libidinem. Et cū defecerint ligna, extinguetur ignis. Proinde apud Luc. 21. tam ſerio monet Chriſtus, vt attendamus nobis, ne fortē grauentur corda noſtra crapula, & ebrietate. Hac ergo omnia quantumuis nobis dulcia videantur, reſecanda ſunt. Præſentiſſimum autem remedium erit aduerſus hoc malum, ſi ſedulo à Chriſto hoc intimis præcibus contenderis, vt te continentem faciat, tuq; pudicitiz florem illibatum conſeruet.

- 8 : Eſt demum & alia obſeruanda regula, turpiloquium. n. fornicationi, & impudicitiz magnum præbet irritamentum, & anſam: quo quidē nonnulli ſua, aut aliorum commemoranda turpitudine, ſeſe mutuo oblectant, ac tempus terunt contra grauiſſimam illam admonitionem, qua Spiritus Sanctus per os Apoſtoli. ad Ephes. 4. Chriſtianos omnes appellat his verbis: Fratres, omnis ſermo malus ex ore veſtro non procedat, ſed ſi quis bonus eſt ad ædificationem fidei, vt det gratiam audientibus. Et nolite contriſtare Spiritum Sanctum Dei, in quo ſignati eſtis in die redemptionis. Fornicatio, & omnis immunditia, aut auaritia, nec nominetur in vobis, ſicut decet ſanctos, aut turpitudō, aut ſtultiloquium, aut ſcurrilitas, quæ ad rem non pertinet, ſed magis gratiarum actio. ad Ephes. 5. O quàm longē ab hoc Spiritus Sancti canone defleximus, & exorbitauimus nos Chriſtiani. Vbi vix, vel inter multos inuenitur vnus aliquis, qui modeltiam, ac verecundiam diligat, & ſermones ſuos dirigat ad præſcriptum Apoſtoli: quin potiùs ſcurriles

scurriles eiusmodi, & impuri sermones, iam decori, & vrbauitatis loco habentur; qui id genus turpiloquijs alios oblectare non nouit, is molestus, & onerosus conuiuia, nec inter lepidos congerrones adhibendus, ut qui non didicerit exporrigere frontem. Nec hic alicui vel parcitur, vel alicuius ratio habetur. Dicitur de quibuslibet, apud quoslibet, absque vlla, vel modestia, vel verecundia. Si quis sciat proximum in peccatum aliquod, aut vitia prolapsum, illud in pleno narratur conuiuio, instar lepidæ fabellæ, quæ risum moueat audientibus, & qua posunt obscenitate, & turpitudine deblaterant singula, nullius pensi habentes, vtrum vel matronæ, vel virgines, vel etiam innocentes pueri, vel iuuenes adsint. Agnoscimus noxium esse calorem, nec interea veremur igni asidere; audi Paulum 1. ad Cor. 13. Nolite seduci, corrumpunt bonos mores colloquia praua.

9 Septimo, turpiloquium coarguit animum plane impium, & fraternæ charitatis prorsus inanem. Comperisti tua causa quempiam fuisse corruptum. Nihilò secius illius culpam tu in ludum, & iocum vertis, & tanquam in re ludicra, & ioco rides. Quis te Christianum dicat, qui in tanto proximi discrimine ridere potes? Si vel exiguum corporis incommodum sentiat proximus, non censeberis Christianus, nisi dolenti condoleas. Si quid patitur vnum membrum, inquit Apost. compatiuntur omnia membra. 1. ad Cor. 12. Vbi verò animæ periculum longe grauissimum imminet proximo, & tu interim rides, quomodo manet in te Christiana charitas?

10 Octauo, est autem præter hæc aliud quiddam, quod libidini, & impudiciæ sçmenta ministrat, videlicet superbus, & petulans vestitus ornatus, quem nobis identidem, multi iugisq; artibus effingunt multi, ut placeant mundo, & aliorum oculos in se prouocent. Qualem quisque suspendit hederam, hoc ipso significat, quales apud ipsum prostent merces: vestes plerunque, vel pudicum, vel impudicum animum produnt, & arguunt. Demum ante oculos semper habeto vulgarem sententiam: ut sobrietas sanitatis est mater, ita plures crapula, quam gladius necat, effusq; libido quam plurimos reddit miseros, egenos, cadauerosos, vel inter ipsas naturæ bonæ. Ad hæc, an non vermis luxuria? nescio si alter nocentior, ingreditur blandiendo, mordet ridendo, transorat delectando, perimit consensu voluntario: memineris ergo otium, & delicias prædones esse castitatis, libidinemq; vincendam esse non pugna, sed fuga.

De correctione fraterna prius secreto facienda. Cap. xij.

¶ QVANDO ergo simul estis in Ecclesia, & ubicunque feminae sunt, inuicem vestram pudicitiam custodite. Deus. n. qui habitat in vobis, etiam illo modo custodiet vos ex vobis. Et si hac, de qua loquor, oculorum perturbationem in aliquo vestrum aduerteritis, statim admonete, ne malè coepta progrediantur: sed de proximo corrigantur. Si autem, & post admonitionem iterum, vel alio quocunque die id ipsum eum facere videritis, iam velut vulneratum sanandum prodatur, quicumque hoc potuerit inuenire. Prius tamen est alteri, vel tertio demonstrandum: ut vel duorum, vel trium testium possit ore conuinci; & competenti seueritate coerceri. Nec vos iudicetis esse maleuolos, quando hoc indicatis. Magis quippe nocentes estis, si fratres vestros, quos indicando corrigere potestis, tacendo perire permittitis. Si. n. frater tuus, qui vulnus habet in corpore, velit occultari, cum timet secari, nonne crudeliter abs te sileretur, & misericorditer indicaretur? Quanto ergo potius debes manifestare, ne deterius putrescat in corde.

ENARRATIO.



VENADMODVM vir nobilis, zelo custodiendi sponsam suam, quam vnice diligit, tenetur; & vigilantem custodiam adhibet, ne aliqua ratione illa periclitetur; sic quoque anima pudica, veluti pretiosissima gemma custodienda est; quam rem prouidè intelligens Augustinus, illud quasi praeambulum fraternae correctionis, quæ pulchritudinis spiritualis fidissima custos est, & propugnatrix, nobis distictè præcipit, ut mutua cura, ubicunque locorum fuerimus, nostram pudicitiam custodiamus. Eam, n. ob rem vno habitaculo

bitaculo continemur, & cingimur; vt nos inuicem custodiamus, inuicem corrigamus, inuicem erudiamus: vt quod quisque per seipsum non potest, saltem per alium possit. At verò quoniam nisi dominus custodierit ciuitatem, frustra vigilat, qui custodit eam. Idcirco nemo pudicitiam custodire potest, nec in se ipso, nec in alio, nisi per Deum, ora eum, & vigila. Ipso tamen adiuuante, perbelle id præstabimus. Acturus igitur Augustinus de correptione fraterna docet, si nostra vigilanti custodia quidpiam in fratre deprehensum fuerit, opus esse, vt secreta prius admonitio antecedit, & præeat. Cum verò huiusmodi admonitionem nihil profuisse cognouerimus, ad denunciationem nobis esse progrediendum decernit. Denique hominis incorrigibilis debitas pœnas statuit. His tribus quasi membris noster author vniuersam correptionem fraternam absoluit, & perficit. Quamuis verò perspicua sit eius intentio de correptione omnium vitiorum pertractare, quod paulò inferius apertè explicat, hic tamen peculiari sermone de correptione fraterna ad custodiendam pudicitiam disserit, ea quidem ratione, quòd maiori sedulitate animæ pudicitia sit custodienda, quippe quæ res maximæ honestatis est.

2. *Et si hanc, de qua loquor &c.*] Duo nobis bona aduehit mutua custodia, est. n. utilis ad cauendum peccatum; comite. n. præsentē, fugietur peccatum; utilis quoque est ad deprehendendum malum, si fiat. Sit igitur in hoc capite hoc secundū præceptum. Si deprehenderis in fratre tuo oculi petulantiam, statim à te admoneatur. Cuius rei duplicem causam assignat. Altera quidem est, vt futuro malo resistatur. Altera verò est, vt citissimè corrigatur. Tria igitur continet hoc præceptū, videlicet rei substantiam, idest fraternam admonitionem, & tempus exequendi, hoc est statim, & causam, scilicet, ne malè cœptum vltèrius progrediatur, sed illico rescindatur.

3. Pauca hic à nobis sunt annotanda. Primum, quod quemadmodū videns aliquis hominem, iter facientem, periculum mortis incurfurū, is peccaret, nisi eum retraheret. Ita quoque quispiam mortalem noxam incurreret, nisi fratrē corrigat de peccatis illis venialibus, quæ sunt dispositio propinqua ad mortale, cuius profectò rationis est hæc petulantia oculorum, sicut & impudicum colloquium. Ratio verò ea est, quòd quamuis venialia sint, vicinitate tamen quadam ad mortale peccatum inducunt. Quod quidem significant illa verba, ne malè cœpta progrediantur. Huius doctrinæ authores circa istius generis venialia corripienda, sunt Gábriel in canone, lect. 74. & Siluester in verbo, correctio, nu. 2. Et Dom. Sotus in relectione de secreto, membro. 2. q. 2. conclus. 3. Et Humbertus in expositione huius loci, quicquid nonnulli recen-

li recētioreſ cōtentioſe ſenſerint. Adde etiā, q̄ ſummo animi ſtudio in Religione adniti debemus, ne nos multa infeltēt venialia. Sicut. n. magno aliquādo labore, & ſtudio perſeuerāte, virtutes trahuntur in affectū, & mentē bonā; ſic peccata venialia, & vitia leuiſſima, remeſſioris li cētix opportunitate trāſeunt in conſuetudinem, & quaſi naturalia efficiūtur. Quapropter vt nauis poſteaquā de pelagi fluctibus euāſerit, ſi in portu cōmunita non fuerit, minutis guttis impletur, ac mergitur; ſic & Religioſus, deuictis huius mūdi criminib⁹, quaſi periculōſis fluctib⁹, cūm ad monaſterij venerit portū, ſi ſibi ſubripit tia minuta, & quotidiana peccata de aīz ſuaz ſentina p penitētiā exhaurire neglexerit, in ipſo monaſterij portu, naufragij crimen incurret. Quod ſi igitur fortē ingreditur, aqua venialium peccatorum per minutifſimas rimulas ad mentis noſtræ ſentinam, exhauriam⁹ eam per ſacramētalem confeſſionem, ne plus ingreſſa cumilum faciat; & nauem mergat: hoc. n. facit ſentina neglecta, quod fluiuius irruens. Peccata ergo venialia dum negliguntur, exitium animæ præparant. Ait. n. vir ſapientia Dei plenus Eccleſ. 19. Qui modica negligit, paulatim euacuatur, ac decidit. Qnemadmodum. n. gradatim homo ad ea quæ ſunt excelsa conſurgit, ſic paulatim à minimis vitijs in maxima proruit. Nam & pluuiarum guttæ minutæ ſunt, ſed quia plures ſunt, flumina implent, & domos ſubruunt. Vera tamen eſt Theologorum ſententiā, peccata venialia Dei gratia, & charitate hominem non priuare. Mens tamē religioſa, Chriſto dedita, cauere debet minora; intelligens planē, de omni verbo otioſo eſſe rationem coram Deo in futuro iudicio reddendam, ante cuius faciem, vt B. ait Papa Gregorius lib. 26. Mor. cap. 21. vacuæ non tranſuolant cogitationes noſtræ; & nulla momenta temporis totius anni decurſu tranſeunt ſine ſtatu retributionis. Nam ſic Deus vias noſtras dinumerat, vt nec minime cogitationes, ac verba minutifſima, quæ apud nos uſu viluerunt, eius iudicio indiſcuſſa remaneant. Siue ergo ſit magna, ſiue parua iniquitas, niſi puniatur ab homine pœnigente, punietur à Deo iudicante. Sed eo redeamus vnde digreſſi ſum⁹.

4 Secundo notādum, cūm peccata iam ſunt commiſſa, neque in actu pendent, ſatis fuerit, ſi congruo tempore, & loco, ſeruata opportunitate, fiat correctio. Cūm verò peccata tunc ſunt, actūq; pendent, ſtatim admonitio eſt adhibēda; igne. n. ſemel accenſo, ſtatim abſque vlla mora ad aquam recurrendum eſt. Tertio notandum, multis quidem, ac veris de cauſis opus eſt fraternam correctionem in Religione vigere, videlicet ratione magnæ fraternitatis, veræ amicitix, ſtriçtæ propinquitatis, & propter ſtatus ſanctitatem, propter commune detrimentū in omnes redundans. Quarto, correctio fraterna faciendā eſt cum lenitate:

nitate: delinquentes. n. sunt quasi infirmi, ideò leniter tractandi, iuxta illud Pauli ad Gal. 6. Instruite in spiritu lenitatis. Alioqui enim iurgia sequentur. Item cum compassione. Non. n. est veræ iustitiæ, indignari peccatoribus, sed compati, sic Psal. 140. Corripiet me iustus in misericordia. Item cum discretione. Alia. n. ratione corrigendi sunt maiores, alia minores; aliter grauiâ peccata, aliter leuiâ; alio modo occulta; alio manifesta. Item cum moderamine, ne ex musca elephante facias. Sunt. n. quidam in corrigendis aliorum culpis disertî, & eruditi. Culpæ. n. potius alleuiandæ, quàm aggrauandæ sunt. Rectè nanque ille monuit, lauda parce: vitupera parcus. Item cum tranquillitate; correctio. n. turbato animo facta, quædam impatientiæ offensio est. Huic sententiæ consonat Paulus ad Gal. 6. dicens; Si fuerit homo preoccupatus in aliquo delicto, vos qui spirituales estis, instruite in spiritu lenitatis; & dominus in Euangelio. Matth. 18. Si peccauerit in te frater tuus, corripe eum inter te, & ipsum solum. Si te audierit, lucratus es fratrem tuum, si te non audierit, adhibe tecum duos, vel tres, vt in ore duorum, vel trium stet omne verbum.

Si autem, & post admonitionem, &c.] Si post admonitionem fratri adhibitam, iterum in culpa deprehendatur, vnusquisq; illum, iam velut vulneratum sanandum, est manifestaturus. Dubiolum tamen hic exoritur. An liceat culpam fratris indicare Prælato, vel fratribus, vel in capitulo disciplinæ, non præmissa secreta admonitione? Respondeo, peccata sunt in multiplici differentia constituta. Quædam. n. sunt manifesta, quæ siue exigua, siue magna fuerint, non requirunt secretam admonitionem, sed publicè sunt corrigenda. 1. ad Timoth. 5. peccantes, qui manifesti sunt, vt ait glossa, coram omnibus argue, vt & ceteri timorem habeant. Alia verò sunt occulta. Inter quæ, sunt quædam leuiâ, & modica, fragilitatiq; humanæ nimis annexa, in quibus sepius in die iustus, & perfectus cadit. Qua ratione fit, vt neque notabilem verecundiam contineant, neque adducant infamiam. In his indicandis non est necessaria præcedens admonitio secreta, quia nec fratris verecundia, nec fama periclitantur, aut minuuntur. Tertio, alia sunt occulta, sed maiora, quæ infamiam, & verecundiam secum habent: vt inebriatio, & his similia. Et quia in his futuræ emendationis probabilis spes habetur, secretam admonitionem præire oportet. Quòd si ex aliquot circumstantiis inutilis existimetur correctio, quasi delinquentis salutem, vel statui Religionis non satis consulēs, & sufficiens; tunc prætermissa secreta admonitione, prodenda est culpa illi, qui prodesse potest, & non obesse: contingit præterea interdum, vulneratum fratrem tantæ esse peruersitatis, vt si secretò corrigeretur, vehementi odio corri-

Ait ergo; quamvis mandarum sit, post admonitionem detegendū esse crimen, quia tamē aliqui solent interdū negare crimen, idcirco priusquam crimen manifestetur, coram alijs ostendatur culpa delinquentis. Sic tamē ut cū notificatum fuerit alteri, ut duorum scilicet sui, & alterius, quando vni soli ostenditur: vel tertio trium, scilicet sui, & aliorum duorum possit ore contineri, iuxta illud Matth. 18. In ore duorum, vel trium stet omne verbum. Quibus peractis, iuxta exigentiam culpæ, & negationis aggrauationem, competenti seueritate coerceatur, qui noluit charitatiua admonitione corrigi.

9 Breues tamen hic definiātur quæsiunculae circa accusationes, quas faciunt Religiosi in suis capitulis, ad quas præsens præceptio pertinet. Primum, utrum liceat accusare sine teste? Respondetur in illis casibus, in quibus non requiritur præcedēs admonitio secundam distinctionē prædictam, non requiritur sollemnitas testimonij; nulla.n. intercedit infamia, periretq; fructus earum accusationum propter difficultatem querendi testes. Nec de his loquitur Augustinus, sed solum de illis, in quibus admonitio præcessit.

10 Secundo quæritur, utrum vnicus testis sufficiat sic accusanti? Respondetur, quando agitur de peccato per modum denunciationis ad penitentiam, sufficit vnicus testis cum denunciante. Quoniā denunciās in hoc casu habetur pro primo teste, eo quod agitur Dei negotium, cuius sunt testes vterque, & euangelij verbum seruatur. Duo.n. concurrunt testes. Cū verò agitur de peccato per modum accusationis, eo quod accusans agit proprium negotium, indiget alijs duobus testib. In proclamationibus ergo Religiosorum in capitulis sufficit cum proclamante vnicus testis, eo quod huiusmodi proclamationes denunciationes reputantur, & non accusationes secundum iura.

11 Tercio quæritur, utrum quilibet teneatur procedere vsque ad huiusmodi accusationem, cum potest, etiam si operosum sit? Respondetur, cum omnes teneamur pro salute fratrum animas ponere, quanto magis ad hoc tenebimur? Vnde dominus non solum de correctione secretò faciendā verba facit, sed etiam testes adhibendos esse, imò & Ecclesiæ manifestandum voluit. Militans ergo sub Regula Augustiniana, non solum ratione euangelij, sed etiam ratione Regulæ, admonitore Humberto, maiori vinculo ad id constringetur. Sunt tamen aliquot casus, in quibus ab hoc onere leuatur. Ut cum nulla est spes futuri fructus, vel propter defectum iudicis, vel assistentium, vel propter malitiam delinquentis. Alter est casus, quando Prælati, & alij communiter sciunt culpam corrigendi extra forum confessionis. Alius est quando aliquis vacat melioribus, vel æquē bonis operibus, quæ im-

pediunt eum, ne id prosequi possit; alius est, quando per alium negotium fit sufficienter; alius est, dum obediētia alio eum vocat, & trahit. Nisi ergo aliquo rationabili casu excusetur frater, obligatur omnino ad prædictum processum pro loco, & tempore, & opportunitate, postquam admonitiones secretæ non profunt. Illud quoque ipsum intelligendum est, si testes apti, & vtilēs, & cordati, & tranquilli comperiantur, qui proderunt, & non oberunt. Prætermittenda quoque est huiusmodi correctio, si totus conuentus in aliqua magna ciuitate traduceretur, infamiamque contraheret. Minus. n. malum esset commune nocumentum, quam vnius vtilitas. Quod autem de testibus diximus; de iudice etiam, & assistentibus intelligendum est.

- 12 *Nec vos iudicetis, &c.*] Vitiosum timorem excutit Augustinus, ne quispiam leui aliqua causa perterritus à prodendo crimine sociorum retrahatur. Posset autem quispiam impediri, formidans proximi sui iram, aut damnum proprium, aut certe Dei offensam, vbi nulla prorsus existeret. Hoc enim impedimentum suggerere solitus est *dæmon*, qui postquam frugiferam esse futuram Christi passionem tandem intellexit, eam inturbare summopere elaborauit, Matth. 27. Sub specie boni suggerens vxori Pilati, vt virum à Christi morte retraheret, quoniam in nocte peruisum multa passa fuerat propter eum. Gregorius quoque ait; Si increpationem idcirco reticemus, quia contra nos surgere odia formidamus: iam non Dei lucra, sed nostra quærimus. Alij etiam tanta simplicitate tenentur, vt iustitiæ zelum crudelitatem esse ducant. Ait ergo Aug. immeritò maleuolos iudicari, qui fratrum crimina iure produnt. Nocētiore. n. estis, cum eos fratres, quos suorum criminum manifestatione emendari potestis, vestra taciturnitate perire permittitis. Sic Esai. Propheta. 6. conqueritur. Vx mihi, quia tacui, quia vir pollutus labijs ego sum, videlicet ex ista taciturnitate. Glossa ait. Quare? Quia Oziam, & alios liberè non reprehendi. Ideò cum Angelis Deum laudare non merui. Eosdem obmutescētes vehementer Gregorius increpat, dicens: Qui proximi mala conspiciūt, & silentio premunt: quasi conspectis vulneribus vsum medicaminis subtrahunt, & eo mortis auctores sunt, quo vulnus, quod poterant, curare nolunt. Quæcunque loquendo corrigi possunt, eorum silentium consensum esse pertimescamus. Tot occidimus, quot ad mortē ire tepidi, & tacentes videmus. Sed & Aug. ait: Tu vulnus fratris cōtemnis? Tu eū perire vides, & negligis? Peior es tacēdo, quam ille cōmittēdo.
- 13 Huius autem suæ sententiæ rationem reddit. Quemadmodum. n. si frater tuus vulnus habens in corpore, carnis sectionē timens, occultare voluerit, tu qui vulnus nosti, crudelitatis coarguereris, silentio vtens;

utens; contra verò misericors exultimareris, illud detegens, & chirurgò manifestans. Sic quoque in medendo spiritali morbo tibi sc̃titan- dum est, ne miser frater ex tua taciturnitate deterius sibi nocementũ contrahat, si peccatum in corde putrescat.

- 14 Hic verò duo sunt diligenti mente excipiendâ. Primum quidem, summo iure peccatum, vulnus fuisse dictum. Sicuti. n. vulnus vires imminuit, dolorem infert, pusillanimitatem inducit, & quantò profun- dius, & abstrusus, tantò grauius; & periculosus est; sic etiam peccatũ eadem prorsus incommoda, & detrimenta miseræ animæ inuehit, & adfert. Alterum verò est, æqua quidem ratione dictum esse, peccatũ deteriori periculo in corde putrescere. Vt. n. vulnus spirituale dete- rius est, quàm vulnus corporale, ita & putrefactio est pestilentior. Di- citur autem peccati vulnus putrescere, quando non sanatur per corre- ctionem. Vulnus. n. putrescens indies, totũ corpus corrumpere per- git. Ita & peccatum nocet, quod pœnitentia non curatur. Modicum .n. fermentum totam massam corrumpit. Emitterit quoque vulnus fo- torem. Sic etiam non potest diu peccatum in corde consistere, quin illinc aliquis foetor egrediatur. Accipe exemplum Antiochi. 2. Mac. 9. qui ad eò cõputruit, vt ex eius carne vermes scaturirent. Tantus erat in eo foetor, vt intolerabilis omnibus videretur. Tantum denique fuit eius vulnus, vt insanabile iudicaretur. Eadem prorsus peccatum in corde reconditum operatur.

De procuranda proximorum salute spiritali. Confid. j.



T maiori strenitate fraternæ corruptionis legem custo- diamus, grauiaq; Aug. verba fideliori mēte retineamus; ante omnia admonendi hic sumus diei illius; ac perni- ciosissimi fluminis in morem decurrentis ignis, eiusq; flammæ, quæ nunquàm extinguitur: cùm Solis tollentur radij, lunæq; splendor occultabitur: cùm vndique concussa, & lique- scente humo, terribilis, æternusq; sonitus tubarum concrepabit: cùm percurrentibus orbem vniuersum Angelis, assistentibusq; Regi milli- bus, & millibus millium ministrantibus, aduenientibusq; cum ipso iudice ad eius obsequium paratis exercitibus, ante castra ipsa cœleste signum elucebit. Cum solium parabitur, & aperientur libri; maie- stasq; illa reuelabitur inaccessa, atque ineffabilis; cum vox illa iudican- tis audietur horribilis, & metuenda, alios quidem in ignem paraturũ diabolo, & Angelis eius ire præcipientis; alios verò post ingentem illã exercitationẽ, virginitatisq; labores ipsis thalami ianuis pro olei de-
fectu

fectu arcentis, ministrorumq; alijs zizania colligere, atque in fornacē immittere iubentis; alijs item alios nonnullos compeditos, vinctosq; post terga manus in exteriores tenebras abducere, atq; horresco dentium stridori addicere; cū hunc quod impudicē tantum aspexit, illū quod intempestuosē risui dederit, alium quod maledixerit duntaxat vehementissima, atque grauissima animaduersione pleſet. Nam quod istos quoque pœna acerbissima maneat, ipsum iudicem audias licet, qui & hæc, & eiusmodi supplicia intentat. Ad hunc nobis iudicē prorsus eundem est, atque dies ille metuendus, in quo nuda, & patefacta erunt omnia, non tantū opera, & verba, verū ipsæ quoque cogitationes, & intentiones animi. Nam eorum quoque delictorum, quæ videntur esse læuia, & nulla, terribiles tunc pœnas mali expendēt.

- 2 Pari profectō, & eadem ferē diligentia ipse idem iudex & nostram, & proximorum nostrorum salutem eo die requirēt à nobis; idcirco Paulus quoque semper, & vbique monet singulos, non quæ sua sunt querere, sed quæ proximorum; idē in Corinthios vehementer inuehitur, q̃ nullam prouidentiam, nullamq; curam habuerant eius, qui in grauissimum crimen fornicationis inciderat, sed magis eius vulnus tumidum, obduratumq; contempserant. Galatis quoque cap. 6. eadē scribens aiebat; Fratres, & si præoccupatus fuerit homo in aliquo delicto, vos qui spirituales estis, eiusmodi corrigit. & 1. ad Thessal. 5. eadē monita edebat, dicens; Itaque exhortamini inuicem, sicut & facitis. Itemq; , corripite indisciplinatos, consolamini pusillanimes, sustinete infirmos; nequis. n. diceret, quid mea interest, etiam aliorum curare salutem? Qui perit, pereat, & qui seruetur, seruetur, nihil horum pertinet ad me, mei tantū ipsius curam habere mihi imperatum est. Ne quis, inquam, ista diceret, immanem hanc, & prorsus inhumanam cogitationem iugulans, legibus istis illam sepsit, & circumclussit, quibus iuberet plurima nostrorum commodorum negligere, vt proximorum saluti consuleremus, atque omnibus in locis vitæ eandem diligentiam habendam definiuit. Romanis quoque cap. 15. cū scriberet, ingentem illis curam huiusmodi procurationis imposuit, multumq; in ea parte voluit esse sollicitos, fortes imbecilibus patrū loco esse iubens, eorumq; salutem curæ illis esse admonens.

- 3 Sed ista in eo loco hortantis, atque consulētis voce, magis quā imperantis auctoritate mandauit; alio verō in loco summa cum vehementia auditorum animos perterrituit, eos qui fratrum salutem negligenter, in ipsum Christum peccare asseuerans, Dei; ædificium diruere. Quæ quidem omnia non vt à se inuenta asseuerabat, verū à magistro didicerat. Nanque vnigenitus Dei filius docere nos cupiens, quā

quàm istud debitum necessarium sit, utq; hi, qui illud reddere negligunt, summis afficiantur incommodis, aiebat Math. 18. Quicumque scandalizauerit vnum ex pusillis istis, expedit ei, ut suspendatur mola asinaria circa collum eius, & demergatur in profundum maris, atq; is qui talentum attulerat, non quod aliquid ex suis contempnisset, sed quod proximi salutem neglexisset, & increpitus, & supplicio affectus est. Itaque & si vitam omnem nostram diligentissimè compositam, & instructam egerimus, hac non euitata negligentia, quid cōsequemur emolumenti, cum ea talis, ac tanta sit, quæ sola in gehennæ profunda possit immergere? Si. n. is, qui proximum in eis rebus, quæ ad corpus pertinent, adiuuare noluerit, nulla ratione excusari poterit; verum, & si virginitatem ille seruauerit, extra sponsi thalamum proijcitur: is, qui quod multò maius est omiserit (quippe longè maximum est animarum gubernatio, & regimen) cur non mala omnia perpeti meritò dignissimus existimetur? Hominem. n. non ut sibipsum tantum prodesset, creauit Deus, sed ut multis.

4 Idcirco Paulus quoque fideles homines luminaria appellat, ex ipsa appellatione manifestans, oportere fideles ceteris quoque vsui esse. Luminare quippe quam diu seipsum tantummodo illuminat, luminare profectò non est. Quocirca gentilibus quoque ipsis deteriores esse ait, qui proximorum salutem negligenter, sic dicens; Si quis autem suorum, & maxime domesticorum prouidentiam non gerit, fidem abnegauit, & est infidelis deterior. Quid. n. hoc loco prouidentia nomine significari putas? An fortassis necessariorum largitionem? Equidem reor, ipsum hoc nomine curam animarum significare voluisse, sin verò tu contentiosè sensum tuum afferre malueris, sic quoque sententia mea firmitior, ac validior manebit. Nam si de corpore hæc dixit, cumq; qui vilem hunc, & quotidianum cibum non præbet, tantis cruciatibus addixit, gentilibusq; deteriorè esse ait; quonam tandem in loco statuemus eum, qui id, quod longè maius, & dignius est, magisq; necessariū contemnit? Age itaque colligamus peccati nostri magnitudinem, ac paulatim ascendentes, ostendamus, quantum peccata omnia exuperat proximorum contemptus, & neglectio, utq; ad summum malignitatis verticem euadit.

5 Est itaque primus malitiæ, & crudelitatis gradus ab infimis ascendendo, iumenta, & pecora inimicorum, & errantia, vel lapsa negligere, iuxta legem Iudæis traditam Exo. 23. & Deut. 22. Secundus illo superior, inimicos ipsos negligentius curare. Quantò. n. homo mutis animantibus ad honorem præstat, tantò peccatum istud maius quàm illud est. Tertius deinceps, fratres aspernari, si fuerint peregrini, &

ignoti. Quartus, familiares quoque despiciere. Quintus, cum non solum corpore, verum anima quoque fratris pereunte desidemus. Sextus, si non familiaribus modo, verum ipsis quoque filiis, subditisq; pereuntibus negligimus. Septimus, cum nec alios, quibus illi cura esse possint, prouidemus. Octauus, cum, & eos, qui id a seipsis facere instituunt, arcemus, atque prohibemus. Nonus, cum non tantum illos prohibemus, verum oppugnamus quoque. Itaq; si primus, & secundus, & tertius eiusce facinoris gradus tantò supplicio afficiendus est; Quantos ille meretur ignes, qui cunctos eos gradus ascendit? Quia eadem modo peccantibus nobis, quæ vetus lex damnat, non eadem supplicia debentur; Verum tantò acerbiora, & diriora, quanto maiori gratia potiti, excellentiorisq; doctrinæ participes effecti, & aioribus item honoribus affecti sumus.

6. Ad propositum autem nostrum vberius confirmandum, rem tibi enarrabo, non à meipso inuentam, sed in diuinis litteris traditam. Sacerdos quidam apud Iudæos fuit, vir imprimis moderatus, atque mansuetus, Heli nomine; huic duo cum essent liberi, videretq; illos vitijs deditos, non corripuit, aut coercuit; siue, vt verius loquar, corripuit illos quidem, & cohibuit, verum non omni cum studio, & vehementia id fecit; horum hæc autem fuisse crimina, ventris ingluuiæ, & fornicatio. Edebant enim antequam sanctificaretur sacræ carnes, priusquam offerretur Deo sacrificium, ex. i. Reg. cap. i. Quibus compertis, pater non illos pœna affecit, ceterum verbis tantum castigare, leniq; admonitione ab hac eos peruersitate reuocare conatus est, atque huiuscemodi verba iugiter ad illos loquebatur; nolite filij, nolite sic facere, non. n. bona fama est, quam ego audio de vobis, vt faciatis populum non seruire domino; & certè plena sunt grauitatis, reuerentiæ, ac ponderis hæc verba, & quæ ad statum vitæ melioris reuocare possent eum, qui penitus excors, & amens non esset. Quippè quæ sceleris immanitatem indicant. Verum quia non omnia, quæ agenda fuerant; vt ea refecarentur vitia molitus est, & ipse cū illis vna perijt. Minas nanq; ille addere debuerat, & à suo eos conspectu amouere, atque abdicare etiam, & verberibus afficere, multoq; illis grauius, & durius instare. Quia igitur nihil horum egit, verborumq; tantum monitis contentus fuit, & illis, & sibi ipsi Deum aduersum, infestumq; constituit, cumq; improbè, & intempestiue filijs parceret, & suam simul, & illorum salutem perdidit. Audi denique quid ad discipulum Samuelem de magistro locutus sit Deus; cui penitus eius clades reuelare, quam illi maluit, adeò illum auersabatur, atque odorat, quia non corripiebat eos. Certè corripuerat, sed hanc Deus pro correptione non suscepit, adeò

illum, quod vehementia, & inuentione caruisset reprehendit.

Itaq; & si prouidentiam habeamus filiorum, & subditorum, non autem quantum necesse id faciamus, profectò non ea prouidentia dicenda est, sicut nec fuit illa correctio Heli. Cum verò Deus crimen prosequutus fuisset, tum demum ingenti cum iracundia cruciatum adiecit, iurauit. n. (inquit) domui Heli, si peccatum istud de domo Heli expiabitur, siue incenso, siue sacrificijs vsque in æternum. Vidisti ne ingentem indignationem, cruciatumq; vehementissimū, & omnino spe veniæ exclusum? Petiturum. n. ait, non solum ipsum, eiusq; filios, verum cum illo domum quoque vniuersam, quanquam seni illi prater filiorum neglectiōem, nihil quod crimini daret, habuit Deus, erat. n. admirandus in ceteris, qui sine quærela genus Hebræorum rexerat. Quod si contemptus illius scelus, instar fluctus tetri, & ingentis, virtutes eius cunctas transfiliuit, vniuersaq; rectè facta sua magnitudiue operuit; qua tandē nos animaduersione puniemur, qui & eo tēpore nati sumus quo longē maior à nobis philosophiæ fructus postulatū? & senis huius virtute non parum inferiores sumus; quippe qui non tantū ipsi gregem nostrum non moderamur, neque ad virtutem dirigimus, verum eos etiā, qui id facere voluerint, & insidijs appetimus, & hostiū vice oppugnamus, neque aliquid quod ad spiritū pertineat monemus: ob idq; sæpenumero multa acerba patimur; Vnde enim damnis, & incommodis afficimur? Vnde casus varios, vnde calumnias, vnde mala innumera quotidie perpetimur?

De correctionis fraternæ executione. Cap. xij.

SED antequā alijs demonstretur, per quos conuincendus est, si negauerit: prius Præposito debet ostendi, si admonitus neglexerit corrigi, ne forte possit secretius correctus, non innotescere ceteris. Si autem negauerit, tunc negati adhibēdi sunt alij: vt etiā corā omnibus possit, nō ab vno teste argui, sed à duob. vel tribus cōuinci.

ENARRATIO.



NEQUAM fraternæ correctionis negotium coram testibus agatur, lenis quidā, suauisq; correctiuncula charitatiua coram solo Prælato adhuc peragenda restat. Sic ergo noster author nos instituit, quod post admonitionem secretam, si admonitus corrigi tenuit, secunda

admonitio coram Prælatō faciendā est, priusquā ad conuictionem coram multis deueniatur; vt si fortē hac secunda admonitione respicere voluerit, supersedeatur à publicatione culpæ eius coram multis. Nec uobis obstat particula illa, ne fortē; vt. n. exponit Humbertus, æquiuoca est. Quandoque. n. idem valet, quod, vt non. In qua significatione hic non accipitur ab Augustino. Quandoque verò idem significat quod hac particula, si, vt. 2. ad Timot. 2. Cum modestia corripientem eos, qui resistunt veritati, ne quando det illis Deus poenitentiam. glossa Ne quando, idest si aliquando. Et sic in nostro loco vsurpatur, vt sit sensus; ne fortē possit, idest si fortē possit. Tria igitur facienda proponit: cui faciendā sit indicatio: quia Prælatō: quo ordine, quia post admonitionem secretam, & neglectam: & ante procurationem testium. Ocularissimē tamen hoc negotium tractandum est, ne fama proximi iniuste lædatur. Ideoq; quo ad fieri potest, salua iustitia, huiusmodi læsio cauendā est. Propterea Aug. addidit, si fortē posset secretius correctus nō innotescere, & manifestari ceteris, vt scilicet eius famæ consulatur, parcaturq;. Item hoc loco diligenter notandū, quod illam secundam correctionem, quam dominus docet faciendam coram vno, vel duobus Matth. 18. Augustinus hic eā restringit in Religiosis, qui non sunt omnino sui iuris, ad Prælatum, tanquā ad illū, qui verisimilius creditur prodesse posse, & non obesse. Triplex autem utilitas inde expectatur. Prima, quod multæ sint causæ, ob quas potius ille correctus Prælati, q̃ alterius correctioni acquiescere debeat. Secūda utilitas ē ipsius Prælati, cui expedit agnoscere vultū pecoris sui. Tertia est indicantis, qui à Prælatō melius edoceri poterit, quid sit ei vltius faciendum. Vbi quidam admonent huiusmodi manifestationem non esse Prælatō faciendam coram reo de re graui; ne fortē reus agat iniuriam contra denunciantē, si illud probare nequeat. Est etiam potandum, hanc criminis ostensionem ante testium procurationem esse faciendam, vt maturo Prælati consilio prudētius progrediatur vltius, si necesse fuerit in testibus procurandis. Procedet quoque criminis indicator multo efficacius, auctoritate Prælati interueniente, vel etiam ipso compellente, ad testes habendos. Maior etiam charitas tūc ostenditur, cū tentatur, an Prælati solius correctio possit prodesse, antequā etiam testibus crimen detegatur.

2. *Si autem negauerit &c.* Egit hactenus Augustinus de ijs, quæ admonitionem præcedunt, nunc vero ad ipsam conuictionem accingitur, quattuor insinuans, scilicet quis conuincendus? Quia negans; idē inquit, si autem negauerit. Secundo, quando conuincendus est? Quia post negationem factam coram Prælatō, idē inquit, tunc, idest post negatio-

negationem. Quod intelligendum est, statim, si habentur testes consocij culpæ, vel postea quando habentur, statim postquam fuerint procurati. Tertio, coram quibus. Quia etiam coram omnibus. Nisi forte expedire videatur Præfato id facere coram paucioribus. Ideo inquit, ut etiam coram omnibus. Quarto, à quot? Quia à pluribus. Ideo inquit, ut possit non ab vno solo, scilicet denunciante argui, sed à duobus, vel tribus conuinci.

3 Hic primo notandum tria esse, quæ solent hominem à malo retrahere: nempe primus amor est, quo quidem Christus Iudam à peccato concepto retrahere volens, dixit ei; Amice, ad quid venisti? Matth. 26. Secundus est pudor, quem Christus expressit, cum dixit; Qui intingit mecum manum in parapside, hic me tradet. Timor est tertius, quæ incussit dicens: Vt homini illi, per quem filius hominis tradetur. Pari quoque ratione Augustinus tria tentanda proposuit ad retrahendum à peccato, videlicet correctionem secretam, quæ pertinet ad amorē. Ideo dixit, statim admonete, ne malè cœpta progrediantur. Deinde subiungit correctionem coram Præfato faciendam, quæ pudorē habet. Ideo dixit; Præposito debet ostendi. Postremo subdit conuictionem in iudicio faciendam, quæ habet timorem. Idcirco in nostro loco ait: si autem negauerit, &c. Secundo notandum, quod adhuc deficientibus testibus proclamatio contra Religiosum fieri potest citra punitionem iuris. Non. n. hæc fit in forma iuris. Quando. n. charitatiuè extra iuris formam efficitur, licet dici potest aliquibus, qui possunt prodesse, & non obesse, etiam si multi sint. Nec tamen propterea id coram multis in forma iudicij fieri licebit impune. Quia grauius est agere in iure contra aliquem, quam charitatiuè monere, vel certè curare, ut reus moneatur. Hæc Humbertus, ut. n. est quedam denunciatio iuridica, est quoq; & altera denunciatio fraterna. Vtriusq; autē denunciationis discrimen sapienter explicuit Dom. Sotus lib. 5. de iust. & iu. q. 6. ar. 2.


De pœna infligenda post finitam correctionem fraternam.

Cap. xiiij.

¶ CONVICTVS verò secundum Præpositi, vel presbyteri, ad cuius dispensationem pertinet arbitrium: debet emendatoriam sustinere vindictam: quam si ferre recusauerit, etiam si ipse non abscesserit. De vestra societate proijciatur. Non enim & hoc fit crudeliter, sed

misericorditer. Ne cōtagione pestifera plurimos perdat. Et hoc quod dixi de oculo non figendo, etiam in ceteris inueniendis, prohibendis, indicandis, conuincendis, iudicandisq; peccatis, diligenter, & fideliter obseruetur, cum dilectione hominis, & odio vitiorum.

ENARRATIO.

- 1  Vm facer Augustinus rectam tradidisset formam in criminibus reprehendendis, & conuincendis, in hoc capite legem præscribit ad eadē crimina puniendā, & vindicandā. Tria tantum explicans, à quibus sint puniendā? Quia à Præposito, vel Presbytero. Ideò inquit, secundum Præpositi, vel Presbyteri arbitrium. Secundo, quā pœna vindicanda sint? Quia satisfactione emendatoria. Ideò ait, conuictus verò debet emendatoriam subire vindictam. Tertio, quid faciendum sit de recusante pœnam emendatoriam? qui expellendus. Ideò inquit, quam si ferre recusauerit, proijciatur. Cuius rei causam addidit, ne contagione pestifera plurimos perdat.
- 2 Hic primo notandum, Presbyterum interdū vocari Episcopum ciuitatis, vt ad tit. 1. Vt ordinares presbyteros per ciuitates, glossa ait, Episcopos, Præpositus autem dicitur, qui sub Episcopo est maior in congregatione. Habetq; rationem, & ad inferiores, quibus præ est, & ad superiorem, cui subiicitur. Verisimile igitur est, vt Humbertus hic opinatur, Augustini tempore ita fuisse suam ecclesiam: cathedralē institutam, ad cuius similitudinē nonnulla nostra ætate cathedrales ecclesie regulares comperiuntur: vt videlicet capitulum Canoniorum Regularium ipsum Episcopum, tanquā Abbatem, & Superiorem habeant, & agnoscant: & sub ipso Episcopo aliquem immediatū Prælatum, qui tunc Præpositus dicebatur, nunc verò apud diuersas ecclesias diuersis nominibus appellantur. Quapropter quoniam hi duo Superiores in conuentum, siue monasterium diuersas habebant iurisdictiones, idcirco Augustinus dixit; Secundum arbitrium Præpositi, vel Presbyteri, ad cuius dispositionem pertinet. Hæc Humbertus. Altera etiam huius loci expositio tradi potest; vt Augustinus verba faciat iuxta praxim præscorum temporum, antiquarumq; Constitutionū ecclesiarum, quando vniuersa monasteria iure communi Episcopis subiiciebantur. Nulliq; extabant Abbates, seu Priores ab Episcoporum iurisdictione

ne exempti. Nostriſ verò temporibus exemptionis priuilegio fere omnia monaſteria gaudent.

3 Secundo notandum, incorrigibilitatis crimen grauiſſimum eſſe. Quod proinde acerrima pœna eſſe puniendũ noſter author arbitratũr. Ea autem eſt à ſocietate expulſio. Expulſionem verò varijs quidem modis nonnulli interpretantur, Vt ſit quoddam excommunicationis genus, dũ incorrigibilis à choro, vel reſectorio, vel aliorum colloquio ſeparatur. Alij carceris incluſionem intelligunt. Alij verò rigidius adhuc eiectionem eſſe volunt ab ordine, habitu ſublato. Verior tamen eſt ſententia, vt iuxta diuerſas perſonarum, & criminum circumſtantias, nunc hoc, nunc illud, quandoque tertium ſit obſeruandum, & exequendum. Hoc tamen appoſito moderamine, vt mitior pœna ſemper eligatur. Niſi ſcandalum aliorum, & iuſtiz conſeruatio aliud ſuadeat. Sed hac de re plurima diximus ſuperius lib. 2. cap. 23. de Canonico incorrigibili.

4 Et hoc quod dixi de oculo, &c.] Tradiderat quidem Auguſtinus egregias, perucilesq; præceptiones ad exercendam fraternam correptionem, ſtriſſim tamen in libidinis crimine. Propterea nunc eaſdem præceptiones, & leges ad vniuerſa cuiuſcunq; generis crimina, liquido extēdit, & porrigit; ne ſit opus iterato ſermone eaſdem præceptiones repetere, atq; reſumere: quam rem nos paulò ſuperius animaduertebamus. Adiunxit tamen in calce hoc documentum obſeruatione digniſſimum, dicens; Vniuerſa hæc exequenda eſſe cum dilectione hominis, & odio vitiorum. Quod quidem eo animo fecit, vt nos commoneſceret, ne crudelis lupus ſub ouina pelle contectus in viros virtuti deditos inſequeretur. Quidam. n. ſub ſpecie perſequendi peccatum, ipſos homines inſequentur. Qui Scribiſ, & Phariſæi non ſunt diſſimiles. Illi nãque propter inuidiam, & odium Chriſtũ accuſabant, nunc quod ſabbathũ violaret; Matth. 12. & Marc. 2. Nunc quo ſe Dei filium nominaret, Ioan. 10. & Luc. 22. iſti. n. criminatores hominem conſuadere, & conturbare intendunt, quaſi alteri principes, & ſatrapæ Babylonis, qui non ea mente Daniele accuſabant, Daniel. 3. vt à malo deſiſteret, quippe qui bonus erat, ſed malum quærebant, vt contra eum nocendi occaſionem arriperent.

5 - Alios etiã inuenies, qui & ſi ex propoſito in correptionibus homines non perſequantur: ex defectu tamen veræ charitatis, adeò incautè interdum agunt, calamum quaſſatũ conſringētes, & linum fumigās extinguentes, vt correctio, quæ correctis ad vitã ordinabatur, eis plerunq; mortem inferat. Pia mater, dum naſi ſordes in filio abſtergit, ea lenitate nares emundat, vt ſanguinem non eliciat. Qui arden-

rem candelam emungit, ita emunctorium exercet, vt nec lumen extinguat, nec fœtorē inducat. Tanta ergo lenitate correptores, vt debet, vt in sola vitia inuehantur, & hominem quamuis errantem amore, & dilectione prosequantur. Igitur odij amaritudo prorsus exuenda est, charitatisq; dulcedo, adhibenda, nam distinctio vitij debetur, cōpassio verò ipsi naturæ. Fertilissimus se hic nobis ager offerebat ad correptionem fraternam tractandam; sed nec commetarioli ratio, & meta id patitur, ne Augustini regulam plus equo oneremus, Præterquam quod eam rem abunde satis nos pertractamus in nostro quodam alio opere, quod diuina ope parare cogitamus. Vbi egimus de tribus prioribus, videlicet de correptione fraterna ab Episcopo, & Parocho exercitanda. Rursus, de obligatione Episcoporum, & Parochorum ad exercitandam fraternam correptionem. Tertio denique, qua ratione Ordo euangelicus in fraterna correptione sit obseruandus.

De occultis epistolis, & munusculis. Cap. xv.

¶ QV I C V N Q V E autem in tantum progressus fuerit malum, vt occulte litteras ab aliquo, vel quodlibet munus accipiat: si hoc ultro confitetur, parcatur illi, & oretur pro illo. Si autem deprehenditur, atque conuincitur: secundum arbitrium Presbyteri, vel Præpositi grauius emendetur.

E N A R R A T I O.



V T H O R in hoc capite, quod rerum iam pertractarum quasi corollarium est, aut certe auctarium, litteras occultas, se cretaq; munuscula à mulierculis accipere vehementer dānat, eo quod sic via sternitur ad maiora mala perpetranda. Aduerte tamen documentum hic traditum, in alijs etiam criminibus castigandis esse assumendum, & obseruandum. Imprimis igitur nobis significat Augustinus non leue esse malum, si Religiosus aliquid acceperit illicite, id est sine licentia. Quod ipse vocat occulte fieri. Quia fit sine Prælati facultate. Quamquam autem hoc semper sit virandum, & tanquam malum cauendum, specialiori tamen ratione viri probi à litteris, & munusculis muliercularum sibi cauent. Huc pertinet quod Hieronymus asserit: occultas litteras, & sudario-

la, &

la, & crebra munuscula sanctus amor non habet, quisquis. n. ijs delectatur, magna vanitate seducitur. Et quo magis delectatur infimis, eo amplius eiicitur à supernis. Deinde his literis, & munusculis mulier inspecta in memoriàm reuocatur, sicq; vir sanctus à dæmone infestatur. Præterea eisdem rebus nutritur, augeturq; in mulieres affectus. Ad hæc mulierum familiaritas acquiritur, & consuetur. Ea ergo de causa hoc negotium verbis exaggerationem significantibus author expressit, dicens: Quicumque in tantum fuerit progressus malum; At verò quoniam qui spòte sua crimen fatetur, mitiori, minoriq; pœna iure plectendus est, idèò addidit, vt illi parcat, quod intelligendū est, non quo ad totum, sed quo ad partem, & oritur pro eo, vt sicut benignem, & leniter agitur cum eo ab homine: ita & Deus etiam misericorditer agat cum eo. Ex quibus infertur, recognoscentem vltro culpam suam, multò minus esse puniendū, quàm deprehensum, atque conuictum. Ea profectò ratione, quia pœnitens videtur, & circumspicientes ex hoc facto ad bonum prouocantur, & contra cum agentes, minus defatigantur. Itaq; nemo audeat hoc præceptum contemnere. Quia, vt inquit Hugo, aliquid occultare, est Ordinem infringere. At verò magnum malum incurrit, qui Ordinis sui præuicator existit. Nisi. n. Propheta sanctus magnum malum esse sciret, quod Giezi discipulus suus à Naaman Syro munus occultum acciperet; nequaquam eū horribili lepræ morbo percussisset. 4. Reg. 5. Exemplo itaque suo nos docuit, graui cum correctione dignum esse, qui aliquid contra legem acceperit.

De multijuga vtilitate fraternæ correctionis in Religione. Confid. j.



CERTISSIMUM profectò diuinæ bonitatis indicium est, post adeò insignem contumaciam, post talè inobedientiam, post tanta scelera, cum iam orbis totus tyrannide peccati premeretur, cum dolendum omne hominum genus esset: Tū verò maximum omnium beneficium ostendit, vnigenitum suum pro inimicis, pro alienatis à se, pro se odientibus, atque aduersantibus morti tradens: per quam & nostram reconciliationem operans: cælorum regnum, aliq; innumera bona se daturum spondens, quæ nec oculus vidit, nec auris audiuit, nec in cor hominis ascenderunt, Esai. 64. & 1. ad Cor. 2. Meritò David cecinit psal. 102. Secundum altitudinem cæli à terra corroborauit misericordiam suam super timentes se, quomodo miseretur pater filiorum, &c. Non. n. est voluntas ante patrem vestrum, ait Christus, vt pereat vnus de pusillis istis, Matth. 18. Alterū diuinæ bonitatis inditium est, quòd

etiam

etiā relapsos in peccatum, reuertentes cū gaudio suscipit. Huc pertinet parabola de centū ouibus, & vna perdita, Matth. 18. & Luc. 15. vt si aliquis aberrauerit, statim ad caulas reducat. Huc pertinet plures historiæ. Quoties ipsum Pharaonem corripuit, antequā eū submerisset? Quoties filios Israel per Prophetas increpabat, antequā traderentur in manus gentium? Sic & perditurus orbem diluuius, spatiū resipiscendi dedit centum viginti annos. Sed nec Sodomitas perdidit, homines alioqui pessimos, donec videret, si in malicia persisterent.

2. Propterea Christus vtilissimam regulam nobis proposuit custodiendam; dicens. Si peccauerit in te frater tuus, vade, & corripe eum inter te, & ipsum solū, si te audierit, lucratus eris fratrem tuum. O verè pulchra, & notatu dignissima Regula, imò & necessaria, præsertim in Religione, vt pax inter nos conseruetur, charitasq; foueatur. Cum n. vita nostra non sit perfectio, sed tendentia ad perfectionem. Imò nihil aliud quam domus quædam, in qua varia genera morborū conspiciuntur, non parum refert scire, qualem te erga aliorum infirmitates exhibeas: pauci. n. sunt, qui aliorum vitia rectè tractare sciant, aut enim omnino tacemus, & dissimulamus, aut plus iusto facimus.

3. Graue nimis videtur præceptum de correctione fraterna, ceterum qui diligit Deum, & proximum, vt par est; id vt faciliè æstimabit. Qui enim verè Deum diligit, eius gloriam, & regnum extendi desiderat. Quocirca si frater in peccatum lapsus est, totis viribus è tam profundo pelago extrahere contendet. Vt sic regnum minuat diaboli, regnū augeat Dei. Vt sic auferat satanæ sedem, & inueniat locum domino, & tabernaculum Deo Iacob. Iam si fratrem verè diligit, eum à peccato, idest à veneno, peste, gladio, & morte liberare non cessabit. Igitur vires præcepti de fratris correctione in Dei, proximiq; amore fiunt. Quòd si iubemur cibum, potum, vestem proximo indigenti porrigere; quantò potius iubebimur eum à peccato, si possumus liberare? Liberando. n. à peccatis, planè vestimus, cibamus, medemur, & omnia indigenti præstamus, certè si charitas non querit, quæ suæ sunt: faciliè oblita sui, commoda proximi quæret. Demum Christus Dei sapientia, hoc præcipiens; non potuit non cordatissimè præcipere. In cuius signum ipse læsus, & offensus, venit nos correpturus. Imò verò quotidie nos in nostræ conscientie secretò nostri admonet peccati, quòd si non corrigimur, permittit secretam culpam in lucē proferri. Velut afferens testes, vt nos corrigat. Vtinā incorrecti, vt ethnici, non relinquantur.

4. Sanè hæc Christi verba non tantum accipienda sunt de his, qui in personam tuam peccant: iustus. n. non tantum curat, quòd in se peccatur,

catur, sed & quod in Deum, in Christum, in proximum. Hęc. n. omnia sibi coherent, Ecclesia, Christus, Deus, sicut corpus, & caput. Ecclesia corpus est, Christus autem caput huius corporis, Deus autem caput Christi. Quod igitur contra Deum, contra Christum, vel aliquod membrum sit, contra totum corpus sit: atque adeo quicumque qualitercunque peccat; Si Christianus es, contra te peccat. Quod igitur Christus hic dicit: si peccauerit in te, non tantum refertur ad id quod in te committitur; sed idem est, ac si diceret, te sciente. Tunc. n. in te quis peccat, cum te vidente, vel sciente peccat. Nā & malo exemplo te offendit.

- 5 Subdit deinde Christus. Vade igitur, & corripe eum. Hoc verbo primum eos percutit, qui sibi viuentes, nec Dei gloriam, nec proximi salutem curant, vident alios peccantes, ac ad perditionem, & velis, & remis tendentes, tamen silent, ac dissimulant, quasi nihil ad eos pertineat proximi salus, cum possent eius interitum præcauere. Qui talis est, putas ne quod d. charitas patris sit in eo? Si vicinus tuus sciret hostem tuum super te irruiturum noctu, te nesciente, ac nihil tale suspicante, vel etiam dormiente, neque te admoneret, nec illum impediret, nonne ipsum cum hoste tuo consensisse, atque omnino iura amicitiae violasse iudicares? Quanto peior est, qui fratrem videt à diaboli vinculis æternis illaqueatum, perditionisq; proximum, nec tamen eum audet eripere, vel saltē admonere piculi, quod ipse tēratione videt, & affectibus perturbatus, nō videt? Magni igitur beneficii res est, fratrem ad perditionē properantē reuocare. Sic Nathā. 2. Reg. 1. 2. magno beneficio ipsum David affecit, arguēdo ipsum, ac periculū ostendēdo, quod ipse nō videbat: ad hoc. n. eū perduxit, vt diceret: Peccaui dñō, Et vt Chrysostomus ait; Quis sapientior quā David fuit? Sed tamen eū rationis vires à cupiditate tenerentur, quæ quasi sumus animū eius occupauerat, in peccatum delapsus, non sentit; ac idē lucernā sibi prophetica opus fuit, & verbis, quæ perperā gesta in memoriā reducerēt. Huius sapiēs dicit Eccl. 17. Vnicuiq; mādauit Deus pximo suo.
- 6 Contra hoc Christi præceptum faciunt, qui aliorum vitia, quæ viderint, statim in publicum efferunt, ad quod, heu, nimium omnes inclinantur. Quotus. n. quisq; est, qui non libentius proferat, vel etiam audiat aliorum vitia, quā benefacta? An autem id cum Christiana charitate constare possit, ex hoc Christi verbo collige. Quæcunq; vultis, vt faciant vobis homines, & vos facite illis, Mat. 7. Item diliges proximum tuum, sicut teipsum, Mat. 22. Sed dicis, an nō loqui licet, quæ vera sunt? Loquerē, sed ita vt frater corrigatur. Hic finis esto, in hunc finem licet de aliorum vitijs loqui, Quomodo autem emendabitur, qui

- qui te videt legem charitatis violasset? Quomodo corripietur, quem ybiq; & coram omnibus traducis, ipsum autem peccantem, ne semel quidem arguis? An non stultus, imò insanus meritò iudicaretur, qui peccantem seruum, ne verbo quidem increparet, eius autem erratum omnibus manifestaret? Si emendationem quæris, ipsum peccantem argue: si ipsum non argueris, sed vitium eius alijs propalaueris, iam prodidisti, te non querere emendatione, sed fratris diffamationem.
7. Cum verò Christus ait, Frater, non tantum iubet arguere fratrem, sed & pulchre his verbis ostendit, qualis debeat esse correptio. Primo igitur, alterius peccatum corripe beneuolens: vide ne tu trabem in oculo habeas: iuxta Christi monitum; Quid vides festucam in oculo fratris tui, & trabem in oculo tuo non vides? Matth. 7. Trabem autem habes, si ex odio, vel inuidia arguis: maius. n. peccatum iam perpetras, quam is, quem arguis. Ex charitate igitur arguendus est proximus. Secundo, correptio fiat cum mansuetudine, ac compassione. Ided dicit frater, quasi dicat, cogita eum esse fratrem, & natura, & professione, vel fide: deinde cogita, & te eiusdem esse naturæ, qui & ipse peccare possis, & crebro peccaueris. Sic Paulus quoq; docet ad Gal. 6. Si prouocatus fuerit homo in aliquo delicto, vos instruite eum in spiritu lenitatis, cōsiderans te ipsum. Tertio, talis sit correptio, vt & vitium amputetur, & fratris famæ consulatur. Hiuc Christus dicit: Corripe eum inter te, & ipsum solum. Sic Paulus 1. ad Cor. 13. ait; Ignobilioribus corporis membris maiorem honorem circundamus. Hoc exemplo docet Christianos omnes in id incumbere, vt si quid in proximo reprehensibile viderint, summā diligētia abscondant, ne turpitudine appareat, ne frater diffametur. Sic corripe fratrem, & ipsi consules, Quis. n. tam pertinax, qui non emendaretur, si te videret, nihil aliud querere, quàm salutem eius? E contra, quis non illico excusationes, & effugia querat, si conspexerit te id agere, vt diffametur? Melius est. n. nomen bonum, quàm diuitiæ multæ: nec quisquam est, qui non ægerimè ferat boni nominis ablationem.

8. Hic igitur iterum vides, detractorem peiorem esse fure, imò & homicida, vt qui vno impetu tres occidit; primo eum, quem diffamat, deinde seipsum quoque; homines. n. per malitiā occidunt animā suam. Ad hæc & eum, coram quo fratrem diffamat. Detractorem audiens, & tu quoque inficeris, ac iniquior sis in eum, cui detrahitur, saltem suspicionem tibi ingerit. Cōfer nunc vitam nostram ad hanc à Christo præscriptam regulam, & ni fallor, videbis, vitam nostram plusquàm bis diapaſon à Christi decretis distare.

9. Subdit etiam Christus correctionis fructum, cum ait; Si te audierit,

rit, lucratus es fratrem. Parum ne tibi videtur lucrari fratrem? Imò maximè bonum opus est; quo melius vix facere poteris. An nō vides, quòd fidelis ille pastor nonaginta nouem ouibus relictis, eam quæ errauerat, tanta diligentia quæsiuit, vt & animam suam traderet pro eius redemptione? Ex eodem verbo satis colligitur correctionem, dummodo fraterna sit, opus esse charitatis, quanquam mundus aliter iudicet, ac potius eum, qui laudat, quàm eum qui arguit, reputat amicū, sed vere fallitur. Si, n. finem attendas, inuenies perniciosissimos hostes esse, qui ad omnia conuiuent, dissimulant, ac omnia quæ facis, laudant, ac iustificanc, etiam si impiè agas: hi inquam, perniciosissimi hostes sunt: hoc. n. pacto, & in malis tuis te roborant, & vt nunquàm ad tui cognitionem peruenias, efficiunt. Hinc Esai. 3. Popule meus, qui beatum te dicunt, ipsi te decipiunt. Et Pro. 27. Melior est manifesta correctio, quàm amor absconditus. Meliusq; est à sapiente corripī, quàm flustorum adulatione decipi Eccl. 7. Sincera igitur dilectionis opus est peccantem corripere. Hinc Deus plerumque quo quenquē plus diligit, eo magis flagella illi multiplicat: quem. n. diligit dominus, corripit Pro. 3. Postremò tametsi. nihil omittendum, quo frater aberrans à peccatis abstrahatur, illud tamen etiam curādum, vt is qui corripitur, non metuantum pœnæ, aut supplicij, sed amore iustitiæ peccatum respuat, ac quòd bonum est, amplectatur. Sed neque statim abiicienda est spes, etiam si proximus ad primam correctionem non respiscat; nec tamen statim ad extrema remedia veniendum. Hanc correptionis fraternæ vtilitatem agnoscebat David psal. 140. dicens; Corripiet me iustus in misericordia; & increpabit me; Oleum autem peccatoris non impinguet caput meum. Si quando. n. te contigerit ex fragilitate, & infirmitate in yllo deficere, paratus esto, correptionē vel ipsius Dei, vel hominis iusti timentis Deum suscipere, & eum, qui adhibita misericordia, atque humanitate salubriter admonet, vel etiam acriter obiurgat, patienter audire; sciens, quoniam correctio hæc tametsi seueritatem prætendat, est tamen misericordiæ, & benignitatis, ad emendationem tui peccati; adulatorum autem blanditiæ, quibus demulcent peccantium corda, eosq; in malis fouent, atque enutriunt, non oblectent animum tuum, neque te in peccatis tuis foueant. Melius enim est, lixiuo corripientis caput abluī, & mundari, quàm oleo adulantium, vt fiat immundius, oblinī, atque impinguari.

De custodia rerum communium. Cap. xvj.

¶ VESTES vestras in vnum habeatis sub vno custode,

vel

vel duobus, vel quod sufficere possit ad eas excutiendas: ne à tinea lædantur. Et sicut pascimini ex vno cellario: sic induamini ex vno vestiario. Et si fieri potest, ad vos non pertineat, quod vobis indumentum pro temporū cōgruentia proferatur, vtrum hoc recipiat vnusquisq;, quod deposuerat, an aliud quod alter habuerat: dum tamen vnique, prout cuique opus est, non negetur. Si autem hinc inter vos contentiones, & murmura oriuntur, cum conqueritur aliquis se deterius accepisse, quàm prius habuerat: & indignū esse, quod ita vestiatur, sicut alius frater eius vestiebatur. Hinc vos probate, quantū vobis desit in illo interiore sancto habitu cordis: qui pro habitu corporis litigatis. Tamen si vestra toleratur infirmitas, vt hoc recipiatis, quod deposueritis, in vnum tamē locum sub communibus custodibus habete quod ponitis: Ita sanè vt nullus sibi aliquid operetur, sed omnia opera vestra in communi fiant, maiori studio, & frequentiori alacritate: quàm si vobis singulis faceretis propria. Charitas. n. de qua scriptum est, quod non quærit, quæ sua sunt, sic intelligitur: quia communia proprijs, non propria communibus anteponit. Et ideo quanto amplius rem communem, quàm propriam curaueritis: tantò vos amplius proficere noueritis: vt in omnibus, quibus vtitur transitura necessitas, superemineat, quæ permanet charitas. Consequens ergo est, vt etiam cum quis filijs suis, aut aliqua necessitudine ad se pertinentibus, in monasterio constitutis aliquam contulerit vestē, siue quodlibet aliud inter necessaria deputandum, non occultè accipiat. Sed sit in potestate Præpositi, vt in

rem communem redactum, cui necesse fuerit; præbeatur. Quod si aliquis rem sibi collatam celauerit, furti iudicio condemnetur. Indumenta vestra secundum arbitrium Præpositi lauentur, siue à vobis, siue à fullonibus: ne interiores animæ sordes contrahat munda vestis nintis appetitus.

ENARRATIO.



ISSERIT Augustinus in hoc longiusculo capite de custodia earum rerum communium; quæ ad transigendū humanam imbecillitatem sunt necessariæ, à vestium cura sumens exordium; quod autem vestes præceperit, sub uno, pluribusvè custodibus reponi, duz videntur cause,

Prima videlicet, ne incuria neglectæ à tineis corrumpantur. Secunda, ne frater hanc ipsam vestem, quam habet, tanquā propriam se habere facile credat, si in proprio loco reponere, obseruareq; liceret. Huic autem sententiæ satis consonant sequentia verba, & si fieri potest, &c. Ex quo prouidum documentum colligitur, res communes monasterij, siue ad vestitum, siue ad victum siue ad alia quæcunq; pertinentes magna esse diligentia conseruandas, quamuis exiguz sint. Nam & Ioan. 6. Christus ait: colligite fragmenta, ne pereant. Diues etiam Euangelicus propter micæ mensæ suæ malè custoditas, quas canes comedebant; Lazarus verò eas accipere non poterat; punitus est in inferno, gutta aquæ sibi denegata, Luc. 16. Vnde Gregorius ait, Guttam petijt, qui micam negauit. Deinde Religiosi sunt pauperes, pauperes verò Religiosos suis rebus deperditis, necesse est eos ab alijs quærere, aliosq; grauare. Paulus verò ne alijs grauamen inferret illis, qui tenebantur ei stipendia præstare, proprijs manibus laborabat. 1. ad Thessal. 2. & 4. & 2. ad Thessal. 3. Adde etiā, quod superflua sunt Religiosi pauperibus largituri.

2. *Et sicut pascimini, &c.* Multa mala contingunt, cum Religiosis competentes vestes non administrantur, videlicet infirmitates corporum, quæ facile ex frigore contrahuntur, quas plerunque, & mors consequitur. Deinde ægitudines animorum; scilicet contentiones, & murmura. Item contemptus apud imperitos, & seculares, apud quos Religiosi indecenter, abiecteq; induti, contemptibiles fiunt, quo fit, vt in populo parū frugis spiritualis efficere possint. Ad hæc Religio-

ipſa vitio datur, & traducitur, dum vnus honorificè, alius abiectè veſtitur. Proinde D. Auguſtinus vniuerſos Religioſos decen- ter quidem veſtiri percipiuit, ex vno tamen, communiq; veſtiario; Apertè ſanè,
B Canonicis prohibens, vt inquit Humbertus, ne cuiſiam certà pecuniæ ſumma ſingulis annis ad conficiendas veſtes, & calciamenta pro libito ſuo diſtribuat. Sed ex communi veſtiario pro neceſſitate cuiuſque veſtes ſunt conficiendæ, alijs excogitatis fraudibus prorsus reiectis. Quæ de re multa ſuperius diximus. In hoc aut enarrando præcepto, aliud nõ minoris momẽti, maiorisq; certitudinis author incluſit; nèpè ex eodẽ cellario oēs Canon. eſſe paſcẽdos, qđ iã ſuperius explicauerat. Dum ergo commune veſtiarium ex communi cellario firmiter ſtabilito cõſtituit, & comprobat, manifeſta luce Canonicis præcepit, certius, rectiusq; obſeruandam eſſe communitatem in victu, quàm in veſtitu, cum hanc oſtendit, & probat per illam, tanquàm per certiorẽ, atque firmiorem. Quapropter tolerandæ non ſunt, quædam procuraciones ſingulares in monaſterijs, ſed ex vno cõmuni cellario procurandi ſunt omnes, ac multò fortius, quàm de vno cõmuni veſtiario ſunt induẽdi. Iuxta hãc formam Bened. 12. in Conſtit. Monachorũ nigrorũ cap. 17. præcipit, quòd pro victualibus, veſtiarijs, aut alijs quibuſlibet neceſſarijs pecunia, ſimul aut per vices, ſeu minutatim nullatenus aſſignentur, niſi in eiſdem rebus neceſſarijs. Sed de his omnibus iam ſuperius fuſe à nobis dictum eſt.

- 3 *Et ſi fieri poteſt, ad vos non pertineat, &c.]* Monaſteriorum Rectoribus incumbit curare, vt dictum eſt, ne competens veſtitus Canonicis denegetur. Subditum verò decet, abiectas potius veſtes deligere, quàm nimiam curam in eis collocare. Idcirco Auguſtinus ſummopere deſiderat, vt ſubditos ea cura non diuexet, quale indumentum pro temporum congruentia præbeatur; aut idem veſtimentum, quod depoſuerant, ſiue aliud præbeatur, dummodo neceſſitati conuenienter ſatiſſiat. Non cuius tãtus perfectionis gradus contingit, qui libentius non eligat alias veſtes ad frigoris rigorem tranſigendum, & alias tempore æſtus. Quod & D. Benediçtus in ſua Regula libèter concedit. Rari etiam ſunt, qui non refugiant alienas veſtes propter alienas immunditias, quas magis abominatur natura, quàm proprias. Propterea Auguſtinus præcepti rigorem temperauit, illis verbis adiectis, ſi fieri poteſt, id eſt ſi humana fragilitas hoc permiferit: vt ſi cui videatur difficile, liceat ipſum quod depoſuerat, veſtimentum ſuſcipere, vt exponit Hugo. Ad maiorem autem perfectionem perueniſſe dignoſceretur illè, qui ſeipſum contemnens, eo ſolummodo quod opus eſt corpori, contentus eſſet. Nam in hominibus imperfẽctis plus ſemper voluptas

voluptas appetit, quàm necessitas. Et authore Augustino, humana natura modico contenta est, sed consuetudo multa addidit, voluptas verò plura copulauit. Cum tamen superflua acuta falce à viro, perfectionis cultore sint refecanda.

4 *Si autem hinc inter vos, &c.]* Dux solent esse causæ huiusmodi vitiorum, ratione vestium: Si vno tempore deterius eidem prouideatur, quàm alio tēpore, vel cum deterius prouidetur vni, quàm alteri: vtrāq; attigit Augustinus; Ea etiam vitia denuò non prohibet, satis. n. erat Dei lege fuisse prohibita. Præcipit tamen, vt vnusquisque his oborientibus malis, murmure, & contentione, ad suiipsius intrinsecam cognitionem se conferat, planè agniturus suam virtutum intrinsecarum nuditatem. Illæ autem sunt pax, charitas, bonitas, humilitas, patientia, concordia, mansuetudo, & his similes. quicunq; n. proprios defectus plenè, ac semel cognouerit, os facile obstruet, quærimoniaq; deponet. Quam ob rem iure Augustinus deridet eos, qui defectus Solis multo tempore ante prævident, & defectū suum præsentē non vident.

5 *Tamen si vestra toleratur, &c.]* Quia verò quispiam sibi suadere posset, quòd quemadmodum ea imperfectio toleratur, vt ipse recipiat vestes easdem, quas deposuit, ita proprium locum habere possit, in quo eas reponat, aut reponere iubeat; quod nequaquam ferendum est. Idèò, inquit, quòd & si vnum toleretur, aliud tamen ferendum non sit. sed vno tantum loco sunt vestes omnium reponendæ: vt videlicet iuxta Hugonem, dum in communi loco quidpiam reponitur, hoc ipsum, quod in proprium vsum suscipitur, non proprium esse, sed commune credamus. Deinde explicat modum, quo omnia opera communia sint faciendā, videlicet maiori studio, frequentiori; alacritate, quàm propria opera fierent. Id quod, & Pauli testimonio comprobatur, & facile exponit. Quare plurimum aberrant à vera Religione, qui ad communia opera sunt negligentes, inepti, & tristes; ad propria verò fortes, diligentes, & hilares. Quod quidem in loco communitatis singularitatem inducit. Teste. n. Bernardo, singularis ad omnia sua est strenuus, ad communia verò piger: multa quoque & detrimenta, & mala sequuntur in Religione, cum relictis rebus communibus singuli vacant proprijs. æquum igitur est, vt omnia in vnum fiant studiosius, & alacrius, quàm propria. In omnibusq; nostris operibus oportet semper præminere, effulgereq; charitatem, matrem virtutum, & omnium bonorum radicem.

6 *Consequens ergo est, &c.]* Simili sanè ratione decernit, vt opus est, omnia opera communia esse, ita & vestes collatas in communi esse reponendas, siue vestes donentur, siue alia quæcunque conferantur.

Vitanda tamen in omnibus est donatorum occultatio. Sed in Præpositi potestatem sunt ad se renda. Postreimò transgressionis penam subiungit, videlicet vt prædictus furti iudicio condemnentur. Tria igitur hic præcipiuntur. Primum, quidquid Religioso obuenerit, in cõmun reponatur; Hoc. n. iura requirunt, vt quidquid Religiosus acquisierit, vel ei quacunq; ratione obuenerit, in ius cõmunitatis totum cedat. Secundum, positum in cõmuni, non cuique, sed cui necesse fuerit, præbeatur. Tertium, celantes quæ sibi collata sunt, vt fures puniantur; siue in loco occulto, animo occultandi reposuerint, siue si cùm res quæruntur, non propalauerint, siue tempore opportuno non detegerint. Huiusmodi autẽ, iure fures dicuntur, quia rẽ non suã, sed cõmunitatis, inuito domino, occultẽ contrectant. Quorũ pena est confusio, rei alienæ restitutio, & corporalis punitio. Quare ex Hugone, frater, qui rẽ sibi collatam celauerit, Iudæ traditoris locum tenet in Ecclesia sancta, qui fur erat, & latro, & loculos habens, & ea quæ mittebantur domino, asportabat, & abscondebat, ac tandem dominum suum tradidit, & vendidit, atque mortem temporalem, & æternam inde sibi comparauit. Sed quale sit furti iudicium, expositore Choriolano com. 45. facillẽ quisque dignoscet: sed inter quæ crimina furtum connumeretur, intelligat. In secunda quidem præceptorum tabula, sic Dei digito scriptum legimus; non adulterabis, non furtum facies, non falsum testimonium dices; quibus & alia subiunguntur. Vnum ergo ex ijs est criminibus furtum, quæ æterna mèrentur supplicia. Propterea fures apud Paulum regnum Dei non possidebunt. Caueant igitur viri Religiosi rẽ sibi collatam celare; ne furti iudicio condemnentur, id est ne regno Dei priuentur, æternisq; cruciatibus plectantur. Fiantq; similes Iudæ proditori in supplicio, qui similes ei esse volunt in crimine; ille. n. lucrum appetens, quæ ei à domino committebantur sibi abscondebat; tu Religiose, quæ tibi donantur, occultẽ vis retinere. Ille loculos in collegio Apostolorum habebat: Tu in Religiosorum monasterio peculium quæriras. Ille avaritia captus magistrum prodidit; Tu tua cupiditate detentus, præceptorem tuum Augustinũ decipere tentas: par culpa parem exigit pœnam. Ille proinde laqueo se suspendit. Caue tibi, ne laqueata lingua absque sacra peccatorũ confessione pereas. Ille in agro sanguinis crepuit medius: Tu in sterquilinio euisceratus, ac maledictus cum pecunia tua sepultus iacebis. Diceturq; tibi ab immanissimis tortoribus, aurum sitisti, aurum bibe. Præterea verisimili coniectura asseuerare licebit, eo tempore præter hos canones aliqua statuta, & eremitis, & clericis Canonicis fuisse ab Augustino adiecta, in quibus, pro singulorum criminum qualitate tempora-

rias poenas iniungendas taxauerit; iuxta quas Præpositus ipsos transgressores plectere, punireq; posset. Ex quibus fit, rem collatam celâtes, non solum à Deo poena æterna, sed & à Præposito temporaria, & corporea furti iudicio condemnatos, acriter esse puniendos.

- 7 *Indumenta vestra; &c.*] Hoc est omnium postremum de vestium cura mandatum, quod de earum lotione agit. Lauare igitur vestes iubet, idq; vel ab ipsis fratribus, vel à fullonibus; eoq; tantum tempore, quod iuxta Præpositi arbitriū fuerit assignatum, eo quod immundicus vestis mundæ appetitus interiores animæ sordes, quæ multò sordiores, turpioresq; sunt, contrahere solet. Hic primo notandum, nō solum spiritualem munditiam, sed etiam carnalem vteunque Deo placere. Exod. .n. cap. 19. legimus à domino præceptum, ipsi lauent vestimenta sua, & sint parati in diem tertium. Homines etiā quasi suapte natura sociorum sordes horrere conspiciuntur. Ob idq; personarum acceptores pauperi ad eos introeunti in sordido habitu proferūt illud Iac. 3. Tu ista illic. Nimiusq; vestium splendor vitio vertitur, sicuti & sordes vituperantur. Nam, Seneca præcipiente; nec splendeat toga, nec sordeat. Itaq; cū Religiosi coram domino astare frequenter teneantur, exterorumq; consuetudine crebra, vel inuiti sæpè vti cogantur, curanda eis est vestium mundities, & propter Deū, & propter semetipsos, & externos. Quoniam verò vestes proprijs manibus lauare nonnulli dedignantur, atque recusant, eorū imperfectioni consulens Augustinus addidit illa verba, siue à fullonibus; à vobis verò apposuit, quod conducibilis à domesticis fieret; Tu ne vestiū sordes à secularibus, exterisq; cernerentur, tractarenturq; ; Tum vt maius hinc præmium apud Deum acciperetur; Tum etiam propter humilitatis exemplum; Nam Christus ipse, Dei filius lauit pedes discipulorum. Rectè tandem Humbertus consulit, quod & si quandoque à fullonibus vestes lauentur, nunquā tamen decet à lotrice muliere id fieri. Vt rem igitur semel finiamus, curent Prælati, ne per vestium nitorem proximos offendant subditi. Non .n. nitor vestium, ex Hugone, sed morum honestas ornat clericum. Et quantò exterior pulchritudo magis curatur, tantò interior magis periclitatur. Hæc est autē vera, spiritualisq; mundities, quā Deus à nobis requirit, quam describit, cū ait, Esai. 1. Lauamini, & mundi estote. Auferte malum cogitationum vestrarū ab oculis meis. Non .n. ait Dominus, Matth. 5. Beati mundo corpore, sed mundo corde, quoniā ipsi Deū videbūt.

De murmure, & contentione. *Consid. j.*

- A**DMONET nos egregius Humbertus facile oriri in Religiosorum claustris, murmur, & contentionem aduersus Superiorum dicta, vel facta. Est autē murmur querimonia quzdam cum impatientia in his, quæ homo patienter ferre tenetur. Fitq; etiam cōtra alios homines, cum quispiam conqueritur de re iusta, vel iniusta, sed non debito modo, vel non apud eum, cuius interest prouidere, & quamuis, vt plurimum peccatum sit veniale, est tamen quandoque mortale: vt si ex ipsa quidpiam fiat contra præceptum aliquod, vel propter scandalum, vel ob alias causas. Hoc vitiū quodammodo cum detractiōe coincidit, quāuis murmurationis nomine minus significetur, auctore Caiet.
- 2** Vnum adhuc August. restabat post oculorum compositionem, humani corporis membrum, de cuius regimine, nec dum satis religiosi instituti erant: Tamen si præ alijs membris omnibus in primis lasciuū petulans, & ad iniquitatem, & omnia denique instructum est; Ipsum nimirum lingua est, quam Iacobus cap. 3. pronūciat vniuersitatem iniquitatis, malum inquietum, plenam veneno mortifero, quam nullus hominum domare possit. Et quamuis variæ sint peccatorum species, lingua tamen cum sua cohorte, ita superat vniuersa, vt admodū diligenti refrenatione, ac domitura indigeat; & si quis suæ ita imperare possit linguæ, vt verbo non offēdat, hic demum perfectus est vir. Huic itaque inquietæ, indomitæ, & nocentissimæ bestię frenum inijcit Augustinus iuxta illud Psal. 33. Prohibe linguam tuam à malo, & labia tua ne loquantur dolum: Vide, ne quandoque contra fraternam charitatē, verbo offēdas proximū: nihil tam est perniciosum in orbe vniuerso; nullus tam periculosus laqueus, quo citius implicatur miseræ animæ, quàm q̃ mētes, ac sensus, nostri ad eodē sunt obscurati, vt plurima, quæ verē peccata sunt, nullius tamen peccati loco putemus.
- 3** Secundo, censemus iustum, & iniustum, peccatum, & non peccatum ex consuetudine, & opinione nostra: neutriquam autem ex voluntate, verbo, lege, præceptisq; diuinis. Deus verò non ex arbitrio, & iudicio nostro, sed secundum præcepta sua ad suum tribunal iudicaturus est: fortassis persuaderi sibi sinant homines, vt putent homicida, adulteria, & furta esse peccata, quæ Deus sit vindicaturus. Sed quotusquisq; est, qui ad mentem reuocet, vel pro peccatis: ducat ea, quæ quotidie lingua committit. Si verba ociosa non sunt immunia, & libera à ratione reddenda in die iudicij, Matt. 12. quibus ergo supplicijs afficiuntur tot infrugifera, mala, noxia verba, quæ ex consuetudine nunquā non,

non, & nusquam non effutimus idq; sine vlllo conscientie scrupulo.

4. Quam ob rem summè necessarium existimo horum, vt Religiosus admoneatur. Qui consultum cupit anime sue, coerceat linguam, & precetur cum Psalmographo Psal. 140. Pone domine custodiam ori meo; clamet cum Sapiente ad Deum Eccl. 2. 2. Quis dabit ori meo custodiam, & super labia mea signaculum certum, vt non cadam in ipsis, vt lingua mea perdat me? Ne contempseris linguam tuam frater, quia parua es, sed ita tibi persuadeas, non esse vllum laqueum periculosiorem, qui te procliuius pertracturus sit in damnationem: nec hoste vllum capitaliorem, qui te citius perditurus sit, quàm ipsam tuam linguam, quantumuis illa exigua sit. Ecce quantus ignis quàm magnam syluam incendit, inquit Iacobus cap. 3. Et lingua ignis est vniuersitas iniquitatis, quæ licet modica sit, maculat totum corpus, & inflamat rotam natiuitatis nostræ, & sæpè grauissimorum criminum causa est.

5. Tertio, scèdum sanè impium, & execrabile est murmurationis vitiū, quo aliquis alterius defectus in publicum profert, peccatisq; alienis cōmemorandis sese, aliosq; oblectat, & recreat, proximumq; ignominia afficit. Illud profectò sit contra charitatem proximi, contra indolem Christianam, cōtra naturam membrorum, quorum nullum ridet malam valetudinem alterius, sed condolet ægrè affecto, & de procurando remedio cogitat, quo possit sanitati restitui. Præclare D. Bernardus inquit ser. 40. in Cant. Etiam si perperam actum quid deprehendas, nec sic iudices proximum, magis autem excusa. Excusa intētionem, si opus non potes, puta ignorantiam, puta subreptionem, puta casum. Quod si omnem omnino dissimulationem rei certitudo recusat, suade nihilominus ipse tibi, & dicito apud temetipsum: vehemens fuit nimis tentatio. Quid de me illa fecisset, si accepisset in me similiter potestatem? Et hoc est, quod dicit. Apost. ad Gal. 6. Considerans teipsum, ne & tu tenteris. Peccatum alterius nihil aliud est, quàm quædam tuæ imbecillitatis admonitio. Cuiusmodi nunc est proximus, talis tu aliquando fuisti, aut es, aut certè fieri potes.

6. Quarto, hinc quidam vir sanctus Christiana pietate insignis, cum audisset quendam in graue, & horrendum crimen lapsum, acerbè illachrymans, & pectora palmis concutiens, quid est homo, inquit? Qualis hic est hodie, talis ego cras futurus sum, nisi gratia diuina me præueniat, & conseruet. Quam ob rem non opus est insultatione, sed cōdolentia requiritur, vt quilibet etiam seipsum consideret. Nam & Augustinus in loco nostro Canonicum adhortatur ad suiipsius interiorē cognitionem, ad intrinsecamq; suam impefectionem excutiendam. Præterea nec te probum, nec beatum reddet, quòd alienā noueris re-

erre, improbātem. Si ad felicitatem aspiras, da operam ut tua ipsius bona opera, & recte facta coram Deo possis adducere: peccatum, & improbitas aliena te non purgabit, aut beatum efficiet. Opus suum probet unusquisque, inquit Apost. ad Gal. 6. & sic in semetipso tantū gloriam habebit, & non in altero. Hæc autem est summa quædā Christianæ rationis, erga aliorum peccata obseruanda: alter alterius onera portate, & sic adimplebitis legem Christi.

7 Quinto, murmuratores duræ cervicis esse homines Iudæorum factum ostendit Ioan. 6. Murmurabant ergo Iudæi post auditā Christi doctrinam, En, hunc fructum retulerunt ē tam insigni sermone Christi: verū non in hoc consistunt, sed ad peiora progrediuntur, donec tandem omnino à Christo desciscunt. Sic olim, & Prophetis contigit, ut triginta modij sementis, hoc est omnis generis exhortationes, vix facerent tres modios, hoc est vix paucissimos conuerterent Esai. 5. ut verum appareat, quod meritò murmurator duræ cervicis dicatur. Vides igitur hic verè dictum esse, præcordia fatui, tanquā rota carri. Qui. n. charitatem veritatis non habet, semper inuenit aliquid, de quo contra proximum murmuret. Vides etiā murmuratores verè imitatores patrum fuisse. Non quidem ipsius Abrahæ, qui quāuis ardua implere iuberetur, Deo tamē semper obedientissimus fuit. Sed eorū qui in deserto Deum tentauerunt, & frequenter contra eum murmurauerunt. Proinde Christus subdidit; Nolite murmurare inuicem, quia Deus videt cogitationes vestras, iuxta illud Sapient. 1. Hoc quod continet omnia, scientiam habet vocis. Auris. n. zeli audit omnia, & tumultus murmurationum non abscondetur, quia impunitos non relinquit Deus murmuratores, ut constat Num. 11. interea ortum est murmur populi, quasi dolentium pro labore contra dominum. Quod cum audisset iratus est, & accensus in eos, ignis domini deuorauit extremā castrorum partem. Et Num. cap. 12. quare ergo non timuistis detrahare seruo meo Moyse? iratusq; contra eos abiit. Et ecce MARIA apparuit candens lepra, quasi nix. Idcirco Paul. 1. ad Cor. 10. admonet, dicens: Neque murmuraueritis, sicut quidam eorum murmurauerunt, & perierunt ab exterminatore. Et ad Philip. 2. Omnia autem facite sine murmurationibus, & hæstationibus, ut sitis sine querela. Non. n. murmuratio, sed obedientia pertinet ad scholam Dei, quæ Religio bene instituta est; iuxta illud Eccles. 4. Custodi pedem tuum, intrans in domum Dei, & appropinqua, ut audias. Plus. n. Deo placet obedientia, quā stultorum victima.

De cura infirmorum gerenda. Cap. xvij.

¶ LAVACRUM etiā corporis cū infirmitatis necessitas cogit, minimè denegetur: Sed fiat sine murmure de consilio medicinæ: ita ut etiam si nolit, iubente Præposito, fiat quod faciendum est pro salute. Si autem velit, & fortè non expedit, suæ cupiditati non obediatur: nā aliquando etiam si noceat, prodesse creditur quod delectat: denique si latens est dolor in corpore, famulo Dei dicenti, quid sibi doleat, sine dubitatione credatur. Sed tamen utrum sanando illi dolori, quod delectat expediat: si non est certum, medicus consulatur. Neq; eant ad balnea, siue quocunq; ire necesse fuerit, minus quàm duo, vel tres, & ille, qui habet aliquo eundi necessitatē, non cum quibus ipse voluerit, sed cum quibus iusserit Præpositus, ire debet. Aegrotantium cura, siue post ægritudinem reficiendorum, siue aliqua imbecillitate, siue etiam febribus laborantium, vni alicui debet iniungi, ut ipse de cellario petat, quod cuique opus esse prospexerit: siue qui cellario, siue qui vestibus, siue qui coedicib. præponuntur, sine murmure seruiant fratrib. suis.

ENARRATIO.

I **P**OST QUAM. noster author vestium necessitatem absoluit, infirmorum curam aggreditur. Sunt autem quatuor, quibus interdū, ægroti indigent. Primum est balneum. Secundum medicamentum. Tertium iter salutis causa susceptum. Quartū infirmorum curator. De primo quidem præcipit lavacrum, infirmitatis necessitate cogente, corpori non esse denegandum.

2 Primum, quibusdam morosis, rigidisq; Religiosis vsus balneorum non satis probatur, tum quia scæmineum, tum quia verecundum esse

iudicant. Adde, quod Hieronymus Iacobum Apostolū laudat, quod nunquā balneis fuerit vsus. At verō Augustinus, & Benedictus mitius agentes, balnea non prohibent, sed concedunt: adhibito tamē tēperamento, ne id fiat ad lasciuiā, nec ad abstergendas sordes, sed ad infirmitatē curandam, quā adeo sit grauis, vt cogat, & non nisi vel infirmo, vel medico flagitante, absque murmure tamen.

3 Secundum ægroto necessarium est medicamentum, quod etiam nolentē, vel reculantē ægroto, iussu Præpositi pro salute ministrandum est. Contra verō ægroto volenti, & appetenti non subministratur, si nocens illi futurum est: facile. n. sæpenumero ægrotus decipitur, credens sibi prodesse, quod delectat, cum tamen maximē noceat. Vnde, inquit Hugo: rectē ait, nolens in necessitate cogatur; volens ex cupiditate, reprimatur; quia necessitati, non cupiditati obediendum est. Quare eligendus est inter vtique modus. Quod si dolor in corpore latuerit, famulo Dei id asseuerāti fides habenda est. Signa verō seruorum Dei ex Humberto hæc sunt seruire Deo diē, ac nocte; voluntariē, humiliter, & deuotē: obedire Prælato in his, quæ non sunt contra Deum, vel Regulam: querere bonum commune, & non priuatū; edificare proximum verbo, & exemplo. Tali famulo Dei, quid sibi doleat, absque vlla dubitatione credendum est.

4 Tertium est iter, quod foras sit ad balnea, vel in alium locum acquirendæ salutis gratia. In quo peragendo duo custodienda sunt. Alterū est, vt ægroto assignetur socius vnus, aut alter: quā de re iā superius diximus in verbo, Quando proceditis. Alterum est, vt socius ad Præpositi arbitrium, non ad ægroti voluntatē eligatur. Optimi socij conditiones hæc traduntur amor, mansuetudo, affabilitas, fraternæ infirmitatis supportatio.

5 Quarta est ægotantium cura alicui demandata. Eligendus est secundum Hugonem timens Deum, qui erga infirmos magnam, specialemq; curam gerat. Et quod opus eis fuerit, ministrare strenuē studeat. Et eo studio, & affectu eis deseruiat: ac si ipsi domino Iesu Christo deseruiet. Ipse enim dicturus est in iudicio. Infirmitas fui, & visitastis me. Et iterum; Quod vni ex minimis meis fecistis, mihi fecistis. Quare fortiores, valentioresq; infirmorum imbecillitatem alacri animo ferant. Diuersa. n. tēpora, diuersaq; ægritudines efficiunt, vt onera nostra inuicem deportemus. Diligens profectō infirmorū cura mirum in modum societatem, maximēq; Prælatum exornat, atque commendat. Ceterum, & ipse ægrotus summo opere caueat, ne sua superfluitate, importunitateq; sibi seruientem tristitia, immodicaq; molestia afficiat; illud tacitus secum cogitans, infirmitatem sibi à Deo esse datam

datam ad animæ purgationē, virtutisq; experimentum, atq; augmentum. Postremò eos omnes, quibus monasterij officia demādata sunt, ad diligentem functionem, omni pulso murmure, adhortatur. De reſta officiorum executione copioſe admodum egimus ſuperius lib. 2. per multa capita. Item de infirmis procurandis diſſeruiſus ſuperius cap. 9. in hoc lib. 4.

De lectione, & custodia librorum. Cap. xvij.

CODICES certa hora ſingulis diebus petantur: extra horam qui petierit, non accipiat. Veſtimenta verò, & calciamenta quando fuerint indigentibus neceſſaria, dare non differat, ſub quorū custodia ſunt, quæ poſcuntur.

E N A R R A T I O.



RADIT hoc loco ſacer Auguſtinus præceptionem in diſtribueſdis libris cuſtodiendam: cuius intentio hæc eſt. Nonnulli Religioſi ſtudioſū amore capti, interdum dimittunt orationes, diuina officia, aut alia ad obſeruantias regulares pertinentia, quod proteſtò réprehenſibile eſſe iudicamus. Propterea inquit, codices præſcriptis horis, ſingulis diebus eſſe petendos: extra horā verò præſcriptā, eſſe denegandos. Ex quo quinque colliguntur annotanda: quod libri procurentur, habeanturq; , habiti diligenter cuſtodiantur, cuſtoditi in uſum exponantur, quòd Religio propter litterarum ſtudium non negligatur: Quod tales recipiātur ad ordinem, qui ad ſtudium litterarum capeſſendum aptitudinem habeant. Hunc locum dilucidè enarrauit Choriolanus com. 50. Frequens nanq; diuinæ ſcripturæ nobis lectio commendatur, ob idq; Aug. iubet, ſingulis diebus certa hora codices poſtulari. Duo nanq; inſinuauit, videlicet vt diebus ſingulis, & certa hora libri petantur: per alterum quotidianam lectionem mandauit: per alterum rerum faciendarum tempus diſtinxit, ne lectionis cauſa diuinus cultus, oratio, ac cetera, quæ monaſterio ſunt opportuna, impedirentur. Omnis ſanè Religioſorum actio in hæc tria genera conſumitur; in orationem, lectionem, & operationem; ad orationem quidem omnis diuinus cultus tandē reducitur: idcirco ſuperius dixit. Orationibus inſtate horis, & temporibus cōſtitutis, operationem iniunxit inferius in-

quiens,

quiens, nullus sibi aliquid operetur, sed omnia in communi fiant: hoc verò loco lectionem nobis decernit. Hæc autem tria propterea præcepit, magnopereq; commendauit, quòd nobis in monasterio constitutis valde sunt conducibilia, atq; etiam necessaria. Oratione siquidem mundamur, lectione instruimur, quæcunq; n. scripta sunt, videlicet vt legamus, ad nostram doctrinam scripta sunt: vt per patiétiam, & consolationem, quam videlicet ex scripturarû lectione percipimus, spem futuræ beatitudinis habeamus. ad Rom. 15. Per operationem autem beatificamur. Concinit. n. Propheta, labores manuum tuarum, quia manducabis, beatus es, & bene tibi erit. Psal. 127.

- 2 Interim & hoc observandû, quòd Apost. 1. ad Timot. 5. dixit; Qui benè præsunt presbyteri, duplici honore habeantur, maxime ij, qui laborant in verbo, & doctrina. Ex quibus Apostoli verbis perspicue videmus, ocium litterarium nihil minus esse, quàm ocium, hoc est inertiam. Dicitur autem ocium, quia & vacationem aliarum rerum, & solitudinem requirit: vnde quidam ait, nunquàm minus sum solus, quàm cum solus sum. Et alius cum à quodam interpellaretur, atque rogaretur, quid ita solus degere posset ætatem? Respondit: iam postquam tu pedem huc contulisti, solus esse cœpi: quin etiam docendi officii labori deputari videbis. Ioã. 4. 1. ad Cor. 15. ad Gal. 4. ad Ephes. 4. ad Philip. 4. & 2. ad Timot. 2. Abeat igitur in malam crucem impius hæreticus, qui sacerdotem studio, & doctrinæ gnauiter inuigilantem ad opera mechanica redigere conatur: quasi ociosè dixerit Petrus, indecens esse, Apostolos, neglecto verbo, ministrare mensis. Denum præcipit necessaria fratribus sine mora esse ministranda, superfluitate tamen explosa. Ex quo tria colliguntur. Primum, quòd ministri ne protrahant moram in distribuendo ea, quæ tradenda sunt. Secundû, quòd præceptum hoc restringendum est ad necessaria tantû. Superflua enim, nec petenda, nec ministranda sunt. Tertium est, custodia vestium. & calciamentorum aliquibus deputatis commissa.

De lectione, & meditatione. Confid. j.

1



LECTIONEM librorum viro Religioso crebram, familiaremq; esse oportet; non omnifariam quidem, idest non quæ laqueis disputationum, rerum sublimiû, aut disertè, ornateq; eloquentiæ amœnitate eum irretitum teneat; sed quæ spiritali duntaxat animum dulcedine pascat, illustret, incendat, sitq; illa, modò orationi præuia, modò comes, ita vt quemadmodum D. Hieronymus præcipit, orationi lectio, lectioni succedat oratio, Ea; veluti quotidiano

diano animi pabulo religiosus fungatur: quā & nobis præcipisse Augustinum, nemo ambigit, ut hoc nostro loco de codicum usu agens, aperuit. Nouerat vir ille sanctissimus, quos in se fructus, quas vires, quasq; voluptates dignas, & admirabiles lectitandi vsus haberet, ipsaq; abdita in cælesti sermone dulcedo: quippe qui sub teneris adhuc fidei elementis Esaiam iussus est legere: qui idem cum illud Apostoli ad Rom. 13. legisset aliquando: Induimini dominum Iesum Christum, errorum suorum depulsa caligine, mox coeperit lucē intueri veritatis. Eunuchō Candacis reginæ Iudæam peragranti, quis dubitauit, eum scripturæ locum, quem legenti sibi Philippus enodauit. Act. 8. salutē, baptismatis fontem peperisse? an alia fortasse ratione Cæcilia virgo Euangelium Christi gestauit in pectore? quæ sanè res tanti, aut quæ tam erecta fiducia illam potuisset & puellam, & sponsam inducere ad omnia humana spernenda, si non ex Euangelio didicisset, virginibus Christi centesimum propositum fructum, & de casto cœlibatu virginum filios procreari cœlestes, de mundi verò nuptijs terrenos?

2 Qui felicissimæ Virginis, & Matris Dei vitam scribunt, illam referunt, assidue lectitasse: atq; illam ideò cum salutatum delaberetur Archangelus, incumbentem libro fuisse repertam, nonnulli arbitrantur. S. Thomas Aquinas ita solerti studio lectitasse scripturas perhibet, ut interdum neque propius affantes viderit, neque interpellantes audierit, sensibus omnibus cum mente simul vni lectioni intentis: hinc est, quòd ad confirmationem fidelium, infideliumq; confutationem tales nobis commentarios reliquit: ut nihil fere in Ecclesia quicquam scrupuli sit, nihil nodi, quod non explanatum in illis, absolutumq; inuenias. Declaratio sermonū eius illuminat & intellectum dat paruulis. Et ipse verè scriba doctus in regno cœlorum, proferens de thesauro suo noua, & vetera. Bernardum Abbatem, cuius non inlegans ingenium, neque mediocrem doctrinam restantur opuscula ipsa, quæ edidit, nullo magistro usum aiunt, sed sola legendi, orandiq; assiduitate mysticos de scripturis sensus eliciuisse: ut legeret, intelligendi cupiditas fecit; ut intelligeret, oratio impetrauit: ut autē impetraret, quid nisi vitæ sanctitas promeruit? Sic cupiat, sic oret, sic viuat, qui sic intelligere, Spiritus Sancto docente, desiderat. Equitius Valerix vrbis monasterij Abbas, ne qua die deesset, quod legeret, quocūque ibat, scortas manticas libris refertas secum deferrebat; neq; illi oneris huius molesta erat grauitas, dum lectionis sacræ compensatur utilitas. Sic nec militum streuum ferrea lorica, cassisq; ensisq; grauāt, quæ sibi saluti fore sperat, utq; ijs munitus in certamen prodire, & cōfidenter cum hoste congredi solet, ita qui sese lectionibus diuinis li-

benter instruit, omnia diaboli machinamenta faciliè contemnit. Antonius monasterij olim à B. Gregorio Romæ constructi monachus, nō captiosam, argutamq; scientiam in legendo perquisiuit, sed piè viuendi doctrinam, cordis cōpunctionem, pœnitentiæ lachrymas. Illis duntaxat lectionibus occupabatur, vnde tales fructus posset carpere: multo malens effici sanctus, quàm variarum quæstionū dissertatione eruditus: cum scriptum sit Eccle. 19. Melior est homo, qui minuitur sapiētia, & deficiens sensu in timore Dei, quàm qui abundat sensu, & transgreditur legem altissimi, idest indoctus timens Deum, quàm doctus transgrediens legem. Hieronymus etiam ad Furiam viduam scribēs, post scripturas sanctas, inquit, doctorum hominum tractatus lege, eorum duntaxat, quorum fides nota est. Non necesse habes aurū in luto quærere, multis margaritis diuenditis, vnam redime margaritam.

3 Ne ergo turpi otio, quo & ingenium, & corpus languescit, & quo nihil virtuti est infestius, nihilq; laudi perniciosius, torpeamus; certis horis, certæ lectioni vacemus. Certa. n. lectio, nec intermissione aliqua destituta, doctrinæ munus operatur: fortuita verò, & varia lectio, & quasi casu reperta nō ædificat, sed reddit animū instabilē, & leuiter admissa, leuius recedit à memoria. Sit igitur prima lex tibi in lectione librorū seruāda, vt certis lectionib. sit tibi immorādū, & assuefaciēdus animus modò velis aliquid inde haurire, qđ in animo fideliter sedeat: quo nāque spiritu scripturæ factæ sunt, eo legi desiderant, & intelligi: nunquā ingredieris in sensum Pauli, donec viu bonæ intentionis in lectione, studio assidux meditationis spiritū eius imbiberis. Nunquā intelliges Regiū Prophetā, donec ipsa experientia ipsos Psalmorū affectus indueris, sic de reliquis iudicandum. Secunda lex sit, vt de quotidiana lectione aliquid quotidie in vtrē memoriæ dimittatur, quod proposito conueniat, & intentioni proficiat; quod animum detineat, vt aliud cogitare non liceat. Tertia lex sit, quod hauriendus est etiam sæpè de lectionis serie affectus, & formanda oratio, quæ lectionem interrumpat; & non tam impediatur interrumpendo, quàm puriorem cōtinuo animum ad intelligentiam lectionis restituat: lectio quippe debet esse quasi oratio, & antequàm legas, præcedat oratio. Porro lectio sacra ignorantiam nostram erudit, dubia soluit, errores corrigit, ianuam salutis nescientibus aperit, studiosum lectorem recto tramite ad Dei notitiam introducit; bonos mores instruit, facit cognoscere vitia, hortatur ad virtutes, excitat ad pietatis feruorē, incutit Dei timorē recolligit mētē, recreat fastidiosum animū. Quarta lex sit, vt lectio sit facilis, difficile. n. lectio scripturarum fatigat, nec reficit animum teneriorem, sed frangit intentionem, & hebetat sensum. Vnde

Hiero-

Hieronymus ait, grandes materias ingenia parua non sustinere, quin potius eadem in ipso conatu ultra vires ausa, succumbunt; qui vero excelsis ingenijs pollent, in arduis, ac sublimibus possunt versari rebus, siue tractandis, siue obeundis, siue explicandis; quare ab altioribus lectionibus abstiniendum est imperitis. Quinta lex sit, vt lectio transeat in opera. In omnibus enim studijs, priusquam ea aggrediamur, adhibenda nobis est summa discretio; atq; in earum lectione, plus semper debemus inquirere quod mores nostros ad virtutem instruat, quam quod sensum acuat ad sublimitatem; magisq; velle informari preceptis virtutum, quam quaestionibus impediri. Nam lector strenuus potius ad implenda quae legit, quam ad sciendum est promptus: quoniam nihil iuuat, quod inter bonum, malumue sensu prudentiori, discernimus, nisi opera mala cognita caueamus, aut bono intellecta facimus. Vtile sane est multa scire, & recte viuere; verum si vtrumq; non valeamus; beatius est bene viuere, quam multa scire: si quidem vita bona sine scientia plus iuuare potest ad meritum, quam scientia sine exercitatione virtutum. Quod si vero scientia vitae conueniat, totius philosophiae simulacrum perficient; ad scopum quippe perfectionis Christianae philosophiae attinet, multa scire, & recte viuere: quod si vtrumq; non valeamus, melius est, vt bene viuendi studium, quam multa sciendi sequamur profectum. Sic. n. potest querendi studium, si auiditas ipsa sciendi referatur ad Deum. Isti sane similes sunt ficulneae illi sterili apud Marcum cap. 11. in qua cum dominus fructum quareret, non nisi folia inuenit. Habent. n. folia verborum tantum sine fructu bonorum operum, elaboremus ergo fructum facere, antequam sententia illa proferatur, iam non nascatur ex te fructus. Et cum sacras doctrinas legimus, verba sancta in recta opera conuertamus. Illud dicam iure optimo, multo esse melius scripturas legere, & quotidie in ipsis semetipsum exercere, quam augendis, & cumulandis opibus inhiare; habeat ceteri suas opes, vina exquisita bibat, serico niteant, voluptatibus gaudeant; meae diuitiae erunt, in lege domini meditari die, ac nocte.

- 8 Ceterum vt cuique virtuti suos fines demus; non erit literis tamen indefinenter incumbendum, sed ex ipsa mox lectione deducenda erit meditatio. Vt. n. lectio eorum, quae eligenda, quaeq; fugienda sunt, est indagatrix, sic meditatio quae sita, inuestigataq; comprehendit, atque degustat: de qua est illud in psalmis; Concaluit cor meum intra me, & in meditatione mea exardescet ignis. Gradus. n. quatuor exercitationis spiritualis, vitaeq; sanctissimae, maiores nostri, summa auctoritate viri, atq; sanctissimi esse putauerunt lectionem, meditationem, orationem, contemplationem. Lectionem, quae inquireret. Meditationem,

quæ quæſita guſtaret. Orationem, quæ deguſtata peteret. Contem-
plationem, quæ petita reciperet: quorum gaudio ab his ſenſibus, craſ-
ſioribusq; contagijs abduçtus animus, atque ſublatus, coniugaretur
mirabiliter Deo. Sed de poſtrema hac ſumma, conſumataq; virtute,
quoniam quidem paucorum eſt, magiſq; guſtari, quàm explicari po-
teſt, dicendū hic videtur ampliùs nihil, cū de lectione contēplationi
neceſſaria, & de meditatione iā egerimus ſuperius lib. 3. ca. 24. & 25.

De litibus cauendis. Cap. xix.

LITES autem nullas habeatis, aut quam celerrimè fi-
niatis: ne ira creſcat in odium, & iracundiam faciat de fe-
ſtuca, & animam faciat homicidam. Sic enim legis: qui
odit fratrem ſuum, homicida eſt.


E N A R R A T I O.

I **X**ORDITVR in hoc cap. Auguſt. tractationē eorum
criminum, quæ monaſterij trāquillitatem aliquāto ve-
hemētius conturbant. Huius quidē generis lites ſunt,
quas tria mala gignere ſolēt; videlicet rerum proprie-
tas, dū hic aliquid ſuum eſſe aſſerit; alter verò ſuū. Vn-
de magiſtro Seneca, homines quietam, ſuauiemq; ducerent vitā, ſi hæc
duo pronomina; meum, & tuum, è medio tollerentur. Secunda eſt car-
nea neceſſitas, cū alicui quod ſua requirit caro, non diſtribuitur. Nā
Iac. cap. 4. ait; Vnde lites in vobis, nōne ex concupiſcentijs veſtris, quæ
militant in mēbris veſtris? Poſtrema eſt ſuperbia. Nam inter ſuperbos
ſemper iurgia ſunt. Pro. 13. Lōge igitur à litib. opus eſt Religioſos eſſe
qui nihil proprij habere poſſunt, & carne mortificata, humiles ſpiritu
eſſe debent. Quam rem explicatiſſimè Paulus docuit, dicens; Seruum
Dei nō oportet litigare 2. ad Timot. 2. ſed manſuetum eſſe ad omnes.
Multa verò ſunt, quæ à litibus excitādis nos tuebuntur, refrenatio in-
terioris commotionis per ſilentiū, cū verba litigioſa audiuntur;
Euitatio verborum, quæ materiam litigioſam contineant, quales ſunt
iaçtantia, deriſio, iracundia, atq; peruerſitas. Dæmon proſecū eſt etiā
hoſtis ille antiquus, qui litis, diſcordiæq; auctor exiſtit; ipſe ſectiōe,
& prælium in cælo commiſit: ipſe in cordibus hominum diſcordiam
varijs artibus quotidie diſſeminat, ipſe rixas, & zizania in hominum
domos immittit, & infert. Qui ergo lites, diſcordiasq; amat, earum
auctorem

autotem diabolum, tanquàm patrem veneratur; ipsa veritate testante, eius filij estis, cuius opera facitis. Igitur si illum horrendum patrem fugere volumus, dissidia, & lites fugiamus necesse est.

2. *Aut quàm celerrimè finiat, &c.*] Intellexit prouidus, sanctusq; Doctor quanta mala lites parere solcant, ob idq; non qualencumq; sed quàm celerrimam breuitatem à nobis exigit. Ne suborietur odium; quo suocrèsente, animæ homicidium subsequatur. Nam teste Ioanne Apostolo. Qui odit fratrem suum, homicida est i. Ioan. 3. Quare qui sapiunt, à loco litium cautè recedunt, aut silentium sibi indicunt; aut patientiæ se muniunt, dulci etiam responsione vtuntur. Sequunturq; Abrahæ exemplum, qui vitandæ litis causa recessit à Loth, Gen. 13. Alioqui profectò statim in corde sequitur odium, quod execat animam: in ore nociuum verbum, quod offendit proximum; in opere percussio. Sic paulatim sæpè mala crescunt, cum ab ocioso verbo linguam restringere nolumus, & ad noxia dilabimur. Nam iuxta Salomonis vocem. Eccles. 19. Dum negligimus corrigere minima, prolabimur ad maiora; dumq; vitium ex vitio oritur, iniquitas prolongatur. Vt autem, qui trahitis iniquitatem in funiculis vanitatis, Esai. 5. Et prolongauerunt iniquitatem suam, dominus iustus concidet ceruices peccatorum, Psal. 128. Omnino igitur curandum est, vt peccatum præcaueatur. Melius est. n. præcauere, quàm emendare: quantum interest inter festucam, & trabem, tantum interest inter iram, & odium: odium. n. est inueterata ira, quæ quasi ex vetustate tantum virium accipit, vt meritò vetus appelletur. Per iram mentis oculus turbatur, per odium etiam extinguitur. Nam ex 1. Ioã. 2. Qui odit fratrem suum, in tenebris est, & in tenebris ambulat, & nescit quo eat, quia tenebræ obsecuerunt oculos eius. Nulli irascenti videtur ira sua iniusta. Ergo ad mansuetudinis lenitatem statim regrediendum est. Hanc in refecando odio, & amarulentia eleganter. Paulus significauit ad Ephes. 4. dicens; Sol non occidat super iracundiam vestram. Probus quidam vir nunquàm dormiuit in lite, nec litem habentem secum dormire permisit. Sed iam superius lib. 2. cap. 22. copiosè admodum egimus aduersus Canonicos collitigantes, & dissidijs implicitos.

De ira, & odio. Confid. j.

1.  Vm præcepto diuino mandatum esse audimus, non occides Matt. 5. satis quidè constat, nō solum illud homicidiū & esse, & appellari, quod re ipsa manu perficitur: sed etiam spiritu, corde, & voluntate posse homicidium perpetrari. Id quod nec ab vilo rectius

rectius didicerimus, nec ulli tutius crediderimus, quam Christo domino: qui huius rei luculentam adfert explicationem, docetq; quis vere dicatur homicida. Homicidium in corde oritur, quando quis ea indignatione in proximum efferuescit, ut se de illo cupiat vlcisci, modo posset, & adesset facultas; de quo loquitur Christus Matth. 5. dicens: Ego autem dico vobis, quia omnis, qui irascitur fratri suo, reus erit iudicio, & c. Ioan. 3. Omnis, qui odit fratrem suum, homicida est.

2. Si ergo est homicida coram Deo, qui proximum odit, etq; irascitur, quam graviter peccant illi, o bone Deus, qui conceptum odium diu suo ex animo deponere volunt? O admirandam miseriam. Quicunque ille es, qui odio, & liuore tabescis, te quisquis intuetur, semper homicidam, & Dei inimicum aspicit. Et si vno die, vel millies te conspiciat, toties homicidij reum te comperit. Qui n. proximum odit, perpetuus est homicida, & latro coram Deo, eiusq; peccatum ne momento quidem silet, & intermittitur coram Deo. Hæc verò de illis dixisse nolim, qui proximum, quem oderunt verbis, & factis nunquam non laudant: ij. n. manifestè, & re ipsa sunt latrones, ac homicidæ. De illis loquor qui proximo irascuntur, & odiū, ac liuorē suo in pectore gerūt erga illū.
3. Secundum homicidij genus est, quod ira, gestibus, & verbis asperis declaratur: quod est peius homicidium illo, quo liuor, & odiū in corde quidem seruatur, sed comprimitur tamen. De hoc inquit Christus; Qui dixerit fratri suo racha, reus erit concilio. Tertium homicidium, quod duobus prioribus etiam peius est, rùm committitur, cum odiū, & inuidia palam erumpit in conuicia, & contumelias; quibus proximi fama, & existimatio læditur, & quadam afficitur ignominia. Hoc Christus significare voluit, vbi ait, qui dixerit fratri suo fatue, reus erit gehennæ ignis. Quod tamen hoc moderamine est accipiendum, ut irasci, & asperis verbis culpāre aliquem, eatenus peccatum esse censetur, quatenus malo sit animo, & ex vlciscendi, & proximum lædendi libidine proficiscitur. Alioquin nanque sine peccato quandoque possumus irasci, reprehendere, ac obiurgare, si alterius commodum, emendationem, & meliorem frugem spectemus. Pater enim filium, magister discipulum, concionator populum rectè obiurgat.
4. Et ut rem in pauca conferam, id omne homicidiū appellatur, quicquid actuali homicidio præbere potest occasionem. Porro vbi Deus iniquum aliquid vetat, simul ille quod æquum, & iustum sit, imperat, & exigit. Itaque nobis præcipit, ut beneuolos, ac benignos nos inuicem præbeamus. Diligite, inquit Mat. 5. inimicos vestros, benefacite his, qui oderunt vos. Itemq; ut pacis, & concordia studiosi simus; Beati pacifici, quoniam filij Dei vocabuntur. Et iterum: Si offers munus

tuum

tuum ad altare, & ibi recordatus fueris, quia frater tuus habet aliquid aduersum te: relinque ibi munus tuum ante altare, & vade prius reconciliari fratri tuo, & tunc veniens, offer munus tuum. Præterea, vt pacem cum omnibus habeamus, quantum quidem in nobis est, non reddentes malum pro malo, nec maledictum pro maledicto: sed è contrario benedicentes, ac bene precantes ex animo inimicis nostris, & quoad eius fieri possit, illis gratificantes, ac benignè facientes.

Breuius omni studio operam demus illis omnibus, quæ pacem, & mutuam charitatem, ac beneuolentiam conciliant, fouent, & cōseruant: quæ autem dissidia, & contentiones pariunt, illa prætermittamus, ac fugiamus. Quocirca eligendus est vir probus, atq; cordatus, qui controuersias inter fratres subortas citra tumultum, aut laicorum scandalum componat, aut etiam diiudicet. Omnis autem procliuitas, temeritas, & peruiacacia litigandi nulla rōne inter Religiosos ferēda esse.

5 Considera igitur tecum, quā alienum velit Christus esse animum Christiani ab ira, odio, & contumelia. Cuius rei causas, si vis penitus intelligere, expende vitam Christianam agi Spiritus Sancto, qui est charitas, pax, gaudium. Vide igitur quā alienum est ab amore odiū, à pace discordia, à gaudio omnis amaritudo: vt. n. ab igne alienum est frigus, ita à Spiritu Sancto alienus est spiritus iræ; aut contumeliæ. Secundo, hic Spiritus viuificans Christianos, eos omnes in vnum corpus contexit, sicut vna anima membra corporis sui tenet vnita. Sumus igitur omnes membra vnita in vno spiritu. 1. ad Cor. 12. Perspice iam tam esse alienam à membris huius vitæ spiritualis iram, & contumeliā, quā est à membris in vna vita temporali coalitis. Tertio, intellige vitam Christianam esse inchoationem, & prælibationem vitæ future. Vt igitur in cælo nulla est ira, nulla esse contumelia potest: ita nec in cælo terreno, quod est vita nostra, esse permittitur. Deniq; vitæ Christianæ natura, institutio, & præcepta sunt amor, viscera misericordiæ, charitas fraternitatis. Qui hæc reiecit, vitā reiecit Christianā. i. diuinam, & cœlestē. Excipitur ergo is à morte æterna, quæ est gehēna.

6 Sed age, auerte patrum oculos à vitæ Christianæ splendore: in vita humana pedem fige: dic quid in hac vitā tibi cupis? Certè cupis aliorum amicitia, vis ab alijs amari, & honorari: quod si aut despici, aut odio haberi te credis, grauissimè doles. Optasq; vt redeant ad te amandum, & colendum, qui contra faciebant. Et hoc igitur quod tu optas, Deus fieri præcepit: iubens, ne quis fatuum te dicat, neue contra te irascatur. Sed tu quoq; quod tibi ab alijs optas, idem illis presta. Si gehēna puniatur, qui te despiciunt: gehēna par est, vt puniaris, si alios despexeris. Vt. n. est vnus omnibus Deus: ita & vna est omnibus

diuina lex. Iam si attendas quam laniet, quam excarnificet ira cor tuum, non poteris non laudare eam legem, quæ ex tuo corde iram exterminet: quo pax tibi sit, ira reiecta. Nihil sanè homini intolerabilius iniurijs illatis. Inimicitiarum tempore, iraq; ascendente, ac animo ardente, etiam minima quæque magna videntur. Sicut. n. manente amicitia, etiam quæ molesta sunt, leuia ducuntur: sic inimicitijs obortis, leuia quæque pro grauissimis audiuntur. Nam & si simpliciter aliqua dicantur, de malo tamen animo dicta creduntur. Ob id hæc quæ tu æstimas parua, sæpè homicidia pepererunt, & vrbes crebro integras subruerunt. Rursum, quantus timor est, quamq; misera vita, semper cauere eum, quem iniuria læsisti? Cupit ille de te vindicari. Tu non semper eius insidias fugere potes. An non tuæ tranquillitati consuluit, tuq; vitæ prospexit: qui te ab iniuria dicenda semouit? Quam igitur dictum verè est, iustitiæ domini rectæ, latificantes corda: præceptum domini lucidum, &c.

- 7 Hic vnum, aut alterum addam. Meminit dominus Matt. 7. festucæ, & trabis, dicens: Quid autem vides festucam in oculo fratris tui: & trabem in oculo tuo non vides? Sic autem facilius Augustini phrasim degustabis. Primum indicauit dominus peccata festucis, & trabibus comparans, quam impatiens peccati anima nostra esse debeat? Sanè, quam est oculus festucæ, & trabis impatiens. Tenerrima res est oculus, vt vel à minutissima re lædatur, & adeò lædatur, vt & lachrymas effundat. Multò tenerior res est anima, vt vel ab exiguo peccato incommo- detur. Sentiunt pie animæ, quod dico: bonarum. n. mentium est agnoscere, dolere, & flere eas tam leues culpas, quæ vix culpæ sunt. At sunt multæ animæ, quæ cum leonibus, vrsis, & draconibus peccatorum iucundè commorantur. Sicut & oculus mortuus faciliè & festucas sustinet, & trabes. Sed non ita David cum dicit; Iniquitatē meam agnosco, & peccatū meum contra me est semper. Alterum est: trabs, & festuca vtraque ad ignem nata est, ita peccatum ad ignem inferni nascitur; festuca verò, quam Paulus. 1. ad Cor. 3. fœnum, & stipulam nuncupauit, non ita nascitur ad ignem: sed qui eam in oculo habuerit, saluus erit, sic tamen quasi per ignem.

- 8 Obserua tamen, quod nō simpliciter dixit Christus: omnis qui irascitur, sed qui fratri irascitur. Est. n. & ira bona, qua scilicet vitijs irascimur: hæc nedum non prohibita est, sed & veræ charitatis signū est.

- Quis. n. non mouetur ad blasphemiam Dei? A cane igitur exemplum sume: contra extraneos latrat, domesticis adulatur: oves non deuorat, etiam si esuriat: lupis non parcat, etiam si satur sit. Ita tibi faciendū, proximū dilige; verū si quid in eo extraneū videris latrare, corripe.

Nun-

Nunquam sic proximum diligas : vt vitia eius dissimules : nunquam sic vitia carpas , vt charitatis obliuiscaris . Sunt autem gradus in huiusmodi peccatis . Primum. n. est, irasci corde . Secundum, animi indignationem externis verbis , vel signis ostendere , quod utique plus est , quam iram surgentem silentio premere . Tertium, certis verbis, & manifestis vituperare fratrem, quod utiq; grauius est, quam præcedentia . In primo sola ira est . In secundo, ira & vox, vel signum iram indicans . In tertio, ira, iræ signum, & certa vituperatio . Ob id, & tres reatus ponit, iudicij, concilij, & gehennæ . In iudicio datur adhuc defensionis locus : ad concilium pertinet sententiæ prolatio : gehennæ verò ignis certa damnatio est.

De satisfactione, & remissione iniuriarum. Cap. xx. ¶

¶ QVICVNQVE conuitio, vel maledictio, vel etiam criminis obiectu alterum læserit : meminerit satisfactione quamtocius curare , quod fecit : & ille qui læsus est, sine disceptatione dimittere . Si autem inuicem se læserint, inuicem sibi debita relaxare debebunt propter orationes vestras : quas utique quanto crebriores habebitis , tanto sanctiores habere debebitis . Melior est autē, qui quamuis ita sæpè tentatur, tamen impetrare festinat, vt sibi dimittat, cui se fecisse agnoscit iniuriam : quam qui tardius irascitur , & ad veniam petendam difficilior inclinatur . Qui autem nunquam vult petere veniam , aut ex animo petit, sine causa est in monasterio, etiā si inde non projiciatur proinde vobis à verbis durioribus parcite : quæ si emissæ fuerint ex ore vestro, non pigeat ex ipso ore proferre medicamenta , vnde facta sunt vulnera.

E N A R R A T I O .

In reparanda monasterij tranquillitate præclarus doctor Aug. hoc loco agit ; ad id autem efficiendum duo sunt pernecessaria, videlicet satisfactio ex parte offendētis, & remissio, atq; condonatio ex parte offensi . Conuicium quidem appellamus expro-

brationem alicuius vilis conditionis. Sic conuiciatus est Saul filio suo Ionathæ. 1. Reg. 20. Fili muneris ultro capientis virum. Maledictum verò est imprecatio alicuius mali. Ad quem modum Goliath David imprecabatur. 1. Reg. 17. maledixit Philistæus David in dijs suis. Obiectio tandem criminis, est impositio alicuius facti culpabilis. Ut contigit coram Salomone duabus mulieribus de filio contendentibus. 3. Reg. 3. Vix autem inuenies aliquod verborum genus, quibus se litigantes lædere consueverunt, quod in aliquod horum trium reduci non possit.

2. Notandum graue admodum esse linguæ vulnus. Vix. n. tantæ patientiæ virum comperies, qui non grauius linguæ cusptide sauciatur. Patientissimus Iob rerum iacturis, & corporis vlceribus. nō commouetur: vxoris tamen mordaci lingua conturbatur, dicens 2. cap. Quasi vna de stultis mulieribus locuta es. His præmonitis, tripliciter iniuriæ satisfactio fieri potest. Primum verbis, cum quis veniam petit ab offenso. Sic faciebat. Augustinus, scribens Hieronymo: Obsecrote inquit, per mansuetudinem Iesu Christi, si læsi te, ignosce mihi. Secundo, corporis humiliatione. Sic fecit Semei apud Dauidem, cui maledixerat 2. Reg. 19. prostratus coram eo dixit ad eum. Ne reputes mihi ad iniquitatem. Neq; memineris. iniuriam serui tui. Tertio, obsequijs, sicuti Iacob voluit muneribus placare fratrem suum Esau Gen. 33. id quod & Paulus monuit ad Rom. 12. Si esurierit inimicus tuus, ciba illum, si sitit, potum da illi. Videlicet ad eum placandum, & amicitiam faciendam.

3. Dubitabis forsitan, an offendens teneatur ad reconciliandum fratrem statim, antequam accedat ad offerendum aliquid domini in altari, iuxta eiusdem domini præceptum. Matth. 5. Respondetur si læsus est absens, offendens habeat propositum satisfaciendi sine mora, cum poterit, sicut in restitutionibus. fit, nec opus est, vt pedibus., sed animo eat. Si verò est præsens, offensaq; levis est, ita vt nō credatur offensus, grauius turbatus; potest differri satisfactio vsq; ad tēpus moderatū, & cōmodū. Quod si offensa grauis fuerit, sine mora illi satisfaciendū est. Deinde auctor adiungit, læsum etiā, meminisse oportere, vt lædendi benigno animo pareat. Quod si fortē contigerit, alterum ab altero fuisse læsum, alter alteri iniuriam inuicem relaxabit. Porro malorum ingenium est, vt erga se inuicem malè se habeant, corde per inuidiam; ore per mutuam corrosionem, opere per iniurias. Bōni autem ea sunt anima donati, vt sensum suum alijs conforment; erga socios sollicitā curam gerant, tanquā eiusdem corporis membra; de socio meliora sentiant; onera mutuo patiēter ferant; beneuolentiam sibi mutuo exhibeant; honore inuicem præueniant; propter Deum se sibi subiciāt;

ad bonum se inuitent; diligi ab alijs desiderent, mutuas offensas magna liberalitate relaxent. Ad remouenda autem hæc omnia mala, clypeus nobis futurus est, crebra, sanctaq; orationū visitatio.

4. *Melior est autem, &c.*] Vterius nobis describit tres hominum culpabilium differentias circa hoc negotiū. Quidam enim facili irascuntur, & cito veniam petunt. Hi sunt, vt aqua, quæ citò calefit, & citò frigescit. Id autem minus malum est. Nonnulli tardius irascuntur, & inclinantur tardius ad veniam petendam. Hi similes sunt ferro ignito, quod vt tardius calefit, tardius quoque frigescit. Hoc autem deterius est. Quidam tandem nunquam volunt petere veniam. Hi similimi sunt lapidi Abeston dicto, qui semel accensus, nunquam extinguitur, auctor Augustino: hoc autem est omnium pestilentissimum. Hos iure asserit Augustinus absque causa in monasterio existere, etiam si ab eo non projiciantur, cum salutem animæ propter quam monasteria constructa sunt, impediunt. Vltimo loco duorum maximè necessariorum nos commonefacit; alterum est vt iræ perturbationem cauentes, à verbis durioribus abstineamus. Quæ ad amaritudinem inducunt, rebellionem, adferunt, amicos nobis subtrahunt. Idcirco dominus ad Laban ait Gen. 31, Caue ne loquaris contra Iacob quicquam durius. Alterum verò est, ne grauemur, ex ore nostro salutis medicamenta proferre, quo illata sunt vulnera; molis quidem responsio. frangit iram, sermo verò durus furorem excitat, Prou. cap. 15.

5. Sed mecum constitui, & cordi est, hoc loco breui depingere ingenium beoticum illius hominis, qui iuxta Aug. testimonium, quoniam tardius irascitur, difficilis est ad veniam petendam; perdifficile quoque se præstat ad deponendam iram, quam aduersus fratrem semel concepit. Is nanque sic ira correptus, technas machinatur, miro, fraudulentoq; artificio contextas, quibus fratrem, aut lædere, aut omnino perdere possit. Nec tamen secum cogitat, an suis cōpedibus capi, obstringiq; valeat. Id. n. sæpenumero his duris hominibus contingere, solet. Qui etiā in virum innocentem lapides absque vlla causa iaciunt.

6. Eam tamen semper fuisse summi Dei consuetudinem, & prouidentie rationem, vt quæ mala, & incommoda impij homines, & nepharij excogitare solent, & cōcinnare in alios, vel parum, vel nihil nocentes, imò integritate vitæ præstantes, in ipsos recidant auctores, nemo ignorare possit. Quas iniurias, & fraudes fratres Ioseph in animo versabant, verbis agebant, curabant factis, vt sanctum hominem, siue dolo perderent, siue vi opprimeret? Quam improbe, & obnixè rex Aegypti Pharao Israeliticam gentem, nunquam aut de se, aut de suis rebus malè meritam, iniquis exactionibus præmebat, & atroci liberorum

morte vexabat? Quæ mendacia, quas fraudes, impius Sàul in Dauidem hominem innocentissimum non molitus est? Et tamen quemadmodum ab eodem Dauide fuit explicatum, in eum quem foderat lacum, impius homo, miserabiliter corruit, & in foueam, quam proprijs consilijs fecerat, cum innocentiam insectaretur, cecidit ipse.

- 7 Nec secus fratres Ioseph, post diuenditum hominem iustum, cum frumenti emendi gratia Aegyptû ascenderent, imperioq; Ioseph post Pharaonem potitur, in summas rerum difficultates inciderunt, quemadmodum in arcanis est proditum litteris. Pharaon rex iniquus illis consilijs, quibus de delêdo Dei populo cogitabat. Mosen regia domo enutriuit, quem postquam honestè, & liberaliter erudire fecit, auctorem habuit excidij, atque miserandæ cladis, qua totus Aegyptiorum populus, & ipse Pharaon maximè cum electa militum manu, fuerunt affecti. Vides istos difficiles, acutissimosq; homines inahiter pereuntes?

- 8 Solent ergo impios homines, & nepharios deprehendere, & absumere, quæcunq; in homines innocentes mala excogitarunt. Nulli pos sit esse obscurum, quæ fuerit molitus consilia impius Sennacherib, cum Iudæorum gentem, & sanctam ciuitatem longa premeret obsidione. Sic enim cum animo reputabat suo; Disperdam ego Iudæorum gentem, delebo ciuitatem, templum succedam, prophanabo sacra. Cogitabat obsidionem trahere, quoad Iudæorum populus ad summam egestatè redactus, & lotium biberet, & propria manducaret stercora. Exprobrabat Hebræis, qd Aegypti vias contemplerentur attentius, quasi ab Aegyptijs subsidiarium militum exercitum pendentibus animis expectarent. Et vt omnem illis eriperet fiduciam, & spem inueniendæ salutis, prorsumq; animos frâgeret, stultum etiam ducebat, ad summi Dei præsidia confugere, & illius implorare opem, ac malè denique, & stultè summam spem in Deo collocatam.

- 9 Proinde Nahum Propheta cap. 2. diuina mente incitatus, vt & hinc saxei, crudiq; homines admonerentur, quasi rerum omnium exitus, finesq; prospiceret, & ob oculos diuinæ prouidentiz rationè contempleretur, circa Assyriorum, & Iudæorum res; cumq; animo prospiceret illum temporis articulum, quando impius Assyrius in eâ ipsam, quàm parauerat foueâ, erat præcipitandus, inquit. Ascendit, ô Assur, qui dispergat coram te, qui custodiat obsidionem. Contemplantur viâ, conforta lumbos, robora virtutem valdè, quia reddidit dominus superbiam Iacob, sicut superbiam Israel. Quia vastatores dissipauerunt eos, & propagines eorum corruperunt.

- 10 O cæca, ac prorsus miseranda hominum consilia, qui cum neq; de rebus ipsis, quas ante oculos habent, statuere possint, de futuris, & in-

certis, deq; iniurijs vindicandis, vana quædam, & inutilia prorsus sibi pollicentur. Sic tecum reputabas Sennacherib; Disperdam Iudæorum gentem, & ciuitatem sanctam. Sed Propheta domini, diuini numinis instinctu, venientem Babylonium regem intuebatur, cupiditate vindictæ inflammatus, ira exandescētem, armis instructum, qui vniuersa diriperet, ac funditus Assyriorum imperium deleret. Tu igitur rixarum amator, vias contemplare, oculis vniuersa collustra, vt necessaria tibi grauissimis in periculis subsidia inuenire possis. Futurum .n. est, vt quæ mala in fratre cogitasti, simul impetu facto in caput tuū recidant. Proinde operæpretiū duc, si deposito irati, inquietiq; animi rigore, Augustinianis monitis acquiescens, cū fratre tuo pacē inieris.

De reconciliando fratre. Confid. j.



T O T V M hoc Augustinianæ Regulæ caput eo loco apud Matt. 5. fulcitur, in quo Christus fratris reconciliationē præcipiens, sic ait: Si ergo offers munus tuum ad altare, & ibi recordatus fueris, quia frater tuus habet aliquid aduersum te: relinque ibi munus tuum ante altare, & vade prius recōciliari fratri tuo, & tunc veniens offer munus tuū. Muneribus oblatis veteres protestabantur, Denm omnium bonorum largitorem. Per munus igitur intelligi vult quodcunque opus externum quo Deum promereri studes, vt est oratio, ieiunium, afflictio carnis, eleemosyna, cultus Dei exterior, &c. Bona quidem hæc sunt munera, sed tum demum Deo grata, si tu ipse gratus sis. Tunc autem gratus es, si capiti Christo per fidem, & dilectionem, ceterisq; mēbris per charitatem cohæreas. Vnde Christus non iubet munus omnino intermitteri contra eos, qui omnia huiusmodi externa opera annihilāt; sed iubet, vt prius charitatis rationem habeas: hoc enim oportet facere, sed tamen illa non omittere.

- 2 Non dicit, priusquā obtuleris, aut priusquā offeras, sed munere iam posito, & inchoante sacrificio, ad reconciliationem iubet currere offerentes. Quo nimirum irrefutabilem quandam necessitatem reconciliationis imponit, ne longius differatur. Nam offensæ dilatæ gignunt odium, ex odio homicidium, aliq; peccata pullulant; quibus & Deus offenditur, & proximus perit. Gratiſſimum igitur Deo est sacrificium præcauere peccatum, quo Deus blasphematur: præcauere fratris interitum, pro quo Christus mortuus est; amare, quē tantum amat Deus. Econtra, quomodo grata esse possunt opera tua, si non præcaues Dei blasphemiam, fratrisq; damnationem? Si dissides cū eo, quem Christus tanti fecit, vt pro eo sanguinem funderet? Hac

igitur sententia nihil aliud vult Christus, quàm quod alibi dicit Matt. 9, Misericordiā volo, & nō sacrificiū. Vides quantū damnum afferat odiū,

- 3 Hic vide nostram impietatem, semper habemus, quo culpam nostram excusamus: alius dicit, paratus quidem essem iniuriā remittere, si leuius læsisset; sed grauius læsit, quàm vt remittere possim. Attendis, o miser, quid tibi fecerit homo, & non attendis, quid tu feceris Deo? Credis ne futurum iudicium? quomodo oculos leuare audes in celum, ac dicere; dimitte nobis debita nostra, cum tu nolis remittere? Audi sententiam iudicis. Amen dico vobis, sic faciet vobis pater meus, si non remiseritis, &c. Quantò grauiora sunt tua in Deum commissa, quam proximi in te? Inferat proximus quantumuis damni, occidat etiam, omnis tamen eius iniuria ad id collata, quod tu contra Deum commisisti, idem est quòd centum denarij ad decem millia talenta. Vide igitur quid facias: stat sententia, dimitte, & dimittetur vobis; & quo mensura mensi fueritis, eadem remetietur vobis. Qui præcepit, ne proximo irascaris multò magis vult, ne odium corde retineas. O si propria peccata reputaremus, non tam difficiles essemus ad ignoscendum proximo. Vera charitas non tantum ignoscit, sed & orat pro iniuriantibus. Summa charitas hoc habet, vt quantuncunq; potes, & in te est, illum tibi reconcilies, vt ipse tecum, & tu cū eo filij Dei, & pacis esse possitis, propter eum, qui est pax nostras; qui quantumuis iniuriatus à Iudæis, non destitit tamē eos beneficijs prosequi, ac ad pacem inuitare.

- 4 Vide quàm longè absint ab euāgelica perfectione, quātoq; discrimini se committāt, qui aliorum, & amicitiam, & inimicitiam nihil ducentes, dicunt. Nō indigeo eius amicitia, diligit, siue odiat, nihil curo. Vide quàm nihil referat: quandiu frater tuus habet aliquid aduersum te, nec curas, vt reconcilietur, tam diu omnia opera tua longè absint ab euāgelica perfectione. Dices igitur; durus est hic sermo, quis potest eum audire? fateor, dura sunt iudicio tuo: sed cogita Christum ea tradidisse, & te propter Christum hæc suscepisse facienda, qui propter te nihil non fecit. Cogita peccata tua, iudiciumq; Dei futurū: & quod videbatur triste, iucundissimum iudicabis.

- 5 Dices, quid si ille reconciliari noluerit? Respondetur. Non creditur fore Christianum qui reconciliationem respuat: maximè cū illi satisfactionem congruam offerat, qui læsit. Quid. n. aliud Christianus optet ab aduersario suo, quàm satisfactionem, & pacem? Quod si adhuc reconciliari recusat, vide quàm sapienter dixit dominus: Vade prius, vt reconcilieris. Non dixit, ne offeras, nisi reconciliatus, sed vade, vt quantū in te sit, reconcilieris. Si ille renuit, iam ex te reconciliatus

ciliatus venis: & ideo offerre munera licebit. Temperatur autem aliquantum hæc Domini præceptio illis verbis, frater habet aliquid: Si. n. aut nihil est, quod habet, re vera licet ipse aliquis dicat habere; aut si quidpiam est quod habet, est tamen leuiculum, vt nihil esse dici possit, tunc non est necesse munus ad altare relinquere. Ego tibi verbum dixi, non admodum graue. Tu inde montes fingis, & maria; at re vera si rem expendas, vt decet, non te læsum esse clamabis: tunc nõ poscit ratio, vt bilis tua apud me tanta sit ratio. Non satis conueniebat Paulo, cum Petro in negotio Iudaicarum caeremoniarum ad Gal. 2. Nec cum Barnaba in negotio Marci act. 15. Num propterea Paulus se ab oblatione cohibuit? minime. Siquidem si quid aut Barnabas, aut Petrus haberent aduersus Paulum, aut leuiculum erat, aut immerito habebant. Fratres sanè fratrum suorum leuiora dissimulant. Iam si ego in causa mea ad intrès sanè fratrum suorum leuiora dissimulant, Iam si ego in causa mea ad iudicium te traxi, vbi damnatus es, sed iure. Habes contra me querelam, quod te læsi: num ideo ego ab altari arcebor? Minimè: si enim læsi te, læsi quidem, sed iustè, si habes aliquid aduersum me, habes quidem, sed iniuria.

- 6 Si autem quispiam sit, qui se deprehendat non facile ex animo irā, & indignationem abijcere, atque interim dolet, oditq; hoc in se vitium, oratq; Deum, vt hunc defectum, atque hoc vitium in ipso sua gratia curare, suauēq; & humanam, ac amicabilem erga proximum ipsi animū præbere velit, is poterit remissionem peccatorum suorum à Deo præcari, etiam si odium sentiat suo in pectore, nedum planè sopitum: exaudiet Deus feruentem, & seriam eius orationem, & dabit illi peccatorum veniam, simulq; animum eiusmodi ipsi largietur, quo proximo suo possit ignoscere, verum isthuc serijs, & ardentibus precibus obtinendum est à Deo.

De remittendis iniurijs. Consid. ij.



NIVRIARVM remissio in sacris litteris à Deo tradita, per se luculenta est, & facilis intellectu, nec longā quidem interpretationem postulat: seria tamen, & accurata admonitio omnino fuerit hic necessaria. Deus noster, qui diues est in misericordia, munus longè præstantissimum, videlicet nostrorum peccatorum remissionem, nobis pollicetur: exigua, & perfacili conditione. Paratus est grauium, & immanium peccatorum nostrorum nobis facere gratiam, quibus irā, & animaduersionem illius, perpetuamq; damnationem sumus commeriti: hac lege, & conditione, si parum illud condonemus proxi-

mis nostris, quod illi nonnunquam in nos peccant. Nos autem difficulter eo adducimur, volumusq; illos Dei thesauros longè pretiosissimos frigido pectore, & inertia promereri. Quòd autem proximis nostris nos condonare debeamus, ut æquè à nobis Deus exigit, id nos prætergredi admodum vellemus, & interim nihilominus illud consequi, quod nobis utile, & necessarium est.

- 2 Ad huius rei lucem considera, quattuor modis nos cōtingere proximorum offensas dimittere. Primo, cū odium eius, qui nos offendit, ex animo nostro reiicimus, sed iniurię pœnam requirimus. Id verò est culpam, non pœnam culpæ condonasse. Secundo, cū non culpam modo, sed etiā pœnā facilè remittimus. Nihilq; pro iniuria satisfieri poscimus. At offendorem illum, ut qui stomachum nobis moueat, refugimus, cū ad nostram consuetudinem non admittentes, quatenus scilicet, sine scandalo fieri potest. Tertio, cū etiā ad pristinam familiaritatem hominem reuocamus: sed velut donis, & beneficijs nostris indigno illi benefacere non curamus.
- 3 Quarto, cum obliti nostrę iniurię, offendorē nostrū beneficijs onerare contendimus. Habes quattuor remissionis gradus. Nunc expeunde, an ita tibi remittat Deus: sicut & tu remiseris. Debitores autem nostri sunt, qui nos lædunt, iniuria afficiunt, ac mali quidpiam in rebus, corpore, aut fama inferunt. In huiusmodi autem damnificatione proximi, tria fiunt. Primo, damnum ipsum: id autem repetere potes, salua tamen charitate, ne quod mali faciunt, iuste se facere putent: ob eam. n. causam, & magistratus habentur. Secundo, qui proximum lædit, Deum offendit, & iram ipsius contra se prouocat. Qui tãgit vos, ait Zach. 2. tangit pupillam oculi mei. Qui membrum lædit, lædit & caput: omnia. n. hæc coherent; membra, corpus, caput; quod membro fit, corpori fit, capiti fit. Hanc autem offensam, & iram solus Deus remittere potest, nostrum autem est supplici prece efflagitare, ut remittatur, iuxta illud Mat. 5. Orate pro persequentibus vos. Tertio, rancor, odium, inimicitia in eo ipso, qui læditur, fiunt: eiusq; cor excitatur, & ad vliscendum incenditur. Hanc iram, rancorem, inimicitiam prorsus ex animo eradicare diuino præcepto astringimur, nec vlla ratione vindictam expetere: nam Deut. 32. & ad Rom. 12. ait; mihi vindictam, & ego retribuam.
- 4 Persuade tibi, omnium longè præstantissimum, quod charitatis plenissimum est, in quo maxime nos exercere conuenit illud esse, ut iniurias, quas accepimus, æquo animo remittamus, atque condonemus. Et quando magis vliscendi libido nostris mentibus indita est, tantò maiorem in eo diligentiam collocemus, necesse est, ut iniuriarum obli-

niscamur. Ad quam rem persuadendam tria nobis explicanda sunt. Primum est, ut qui se iniuriam accepisse putat, ei maxime persuadeatur illum hominem detrimenti, aut iniurię præcipuā causam non fuisse, sed secundariā, quem ipse vlcisci cupit. Sic admirabilis ille Iob fecit, qui à Sabæis hominibus, à Chaldæis, & à dæmone grauitè læsus, nulla tamen eorum habita ratione, ut vir rectus, & homo admodum pius, rectè, pieq; ijs verbis vsus est Iob. 1. Dominus dedit, dominus abstulit. Itaque patientissimi illius viri oratione, & exemplo Christiani homines sibi persuadeant, quod verissimum est omnia quæcunque in hac vita patimur, à Domino qui iustitiæ omnis, misericordiæq; parens est, & auctor proficisci. Neque verò ille nos, quę eius est immensa benignitas, ut inimicos punit, sed ut filios corrigit, & castigat. Nec profectò si rectè animaduertimus, in hisce rebus homines aliud omnino sunt, nisi ministri, & quasi satellites Dei. Quo permittente nobis nocent. Hac ratione adductus Ioseph, Gen. 45. fratrum impia consilia: Sic David iniurias sibi à Semei illatas. 2. Reg. 16. æquo animo tulit. Ad hanc item rem illud argumēti genus valde pertinet, quod sanctus Chrysostomus grauitè, atque eruditè pertractauit, neminem scilicet nisi à seipso lēdi. Nam qui se iniuriosè tractatos esse opinantur, si rem recta secum via reputent, comperient profectò, nullam se ab alijs iniuriam, aut damnum accepisse. Et si. n. quibus ipsi lēduntur, ea extrinsecus eueniunt: tamen se maxime ipsi offendunt, cum animum odio, cupiditate, inuidia nefariè contaminant.

Alterum est, quod duo præcipua commoda complectitur. Quorū primum illud est, quod aliena debita remittentibus Mat. 18. promittit Deus fore, ut ipsi etiam peccatorum veniam impetrent. Ex quò promisso quàm gratum illi sit hoc pietatis officium, faciliè apparet. Alterū commodum est, quod nobilitatem quandā, & perfectionem assequimur: quoniam condonādis iniurijs, quodammodo Dei similes efficiamur, qui Solem suū oriri facit super bonos, & malos, & pluit super iustos, & iniustos, Matth. 5. Contra verò incommoda, in quæ nos tūm incidimus, cum iniurias nobis illatas condonare nolumus, non exigua sunt. Odium. n. non solum graue est, sed etiam diuturnitate peccandi grauius inhæret. Cum enim is, in cuius animo hic affectus infederit, inimici sui sanguinem sitiāt: illius vlciscēdi spe plenus dies, noctesq; in perenni quadam mala mentis agitatione ita versatur, ut nunquā à cædis, aut nefariæ alicuius rei cogitatione cessare videatur. Quo fit, ut is vel nunquā, vel maximo negotio ad id impellatur, ut aut prorsus ignoscat, aut aliqua saltem ex parte iniurias remittat. Quare merito vulnèri comparatur, cui telum infixum hæret. Multa præterea mala,

la,quasi vinculo quodam,hoc vno odij peccato,iuncta tenentur. Vere Ioan. 1. c. 2. Dixit: Qui fratrem suum odit,in tenebris ambulat,& nescit quo eat; quia tenebræ obæcauerunt oculos eius. Itaque sæpius labatur necesse est. Etenim quo pacto fieri potest, vt dicta aliquis,aut facta illius probet, quem oderit? Hinc temeraria,& iniqua iudicia existunt iræ,inuidiæ,obrectationes,& alia eiusmodi.

- 5 Remedia duo hic apponenda sunt,ac primum omnium,& maximè est Saluatoris nostri exemplum,quod ad imitandum nobis proponere debemus. Is.n.cùm ne minima quidem peccati suspitio in eum cade-
re posset,virgis cæsus,spinis coronatus,& cruci denique affixus,eam habuit orationem plenissimam pietatis, Lucæ 23. Pater dimitte illis: non enim sciunt,quid faciunt. Alterum autè remedium Eccl.7. pro-
positum est,vt mortem,atque illum iudicii diem recordemur. Memo-
rare nouissima tua,& in æternum non peccabis. Ac si dicat; illud sæ-
pè etiam,atque etiam cogita, breui fore, vt mortem obeas: proinde
quia tali tempore optatissima,& maximè necessaria erit summa Dei
misericordia,câ tibi ob oculos iam nûc,perpetuoq; proponas,neces-
se est. Ita.n.fiet,vt immanis illa vlciscendi cupiditas tibi exhauriatur,
iniuriarum obliuionem obtineas,& amorem in offensores. Verissimū
quoque est,magno esse argumento hominibus,eos esse Dei filios, si fa-
cile remittant iniurias,& inimicos diligant ex animo. Elucet.n.in eo
quod inimicos diligimus,similitudo quædam cum parête Deo, qui sibi
inimicissimum,& infelicitissimum genus hominum, filij sui morte ab
æterno exitio redemptum,rec onciliauit. Optima etiam largitio,&
impertiendæ misericordiæ ratio est obliuio iniuriarum,& bona volun-
tas erga eos,qui rem,vel existimationem,vel corpus tuum,tuorumvè
violant. Coronidem autem dulcissimam nobis hic præstabunt ver-
ba Pauli ad Colos.3. dicens; Induite vos ergo,sicut electi Dei,sancti,
& dilecti,viscera misericordiæ,benignitatem,humilitatem,modestiam,
patientiam,supportantes inuicem,& donantes vobismetipsis, si quis
aduersus aliquem habet querelam;sicut & dñs donauit vobis,ita & vos.
- 6 Ad Christianam etiam iniuriarum condonationem, vel propria no-
stra commoditas vehementer nos adhortatur. Si.n.iniurias à proxi-
mo acceptas vlcisci velimus, id profectò fieri non poterit, nisi proxi-
mo, qui nos læsit, detrimentum inferamus. Sibi autem periculum,
& malum asciscit, sibiq; plurimum nocet, qui alteri nocere parat; id
quod varijs similitudinibus Eccles. cap. 10. nos edocet, dicens; Qui fo-
dit foueam,incidet in eam, idest qui alteri struit insidias,& alterū que-
rit in laqueum inducere,ipse in eam,quàm alteri parauerat,incidet. i.
in malum incidet,quod præparauit proximo suo, Iuxta illud Psal. 7.
lacum

lacum aperuit, & effodit eum, & incidet in foueam quam fecit. Conuerteretur dolor eius in caput eius, & in verticem ipsius iniquitas eius descendet. Et in Eccles. cap. 27. in eandem sententiam dicitur; qui laqueum alij ponit, peribit in eo. Plerunque quidem euenit, vt qui alij parauit decipulas, ab eisdem inuoluatur. Et faber aliquando quas fecit cōpedes, gestat. Deinde subiungitur, & qui dissipat sepe, mordebit eū coluber. Id est; qui proximo suo cupit nocere in re minori, grauius ipse patietur nocumentum. Qui enim sepe diruit proximi sui, damnum infert proximo; Dum quæ ipsius sunt in horto, aut vinea, diruta iam sepe, direptioni fiunt exposita, quæ prius erant sepe munita. Damnum itaque infert proximo, sed damnum duntaxat in rebus externis, quæ sunt bonorum temporalium vltima ipse verò damnum longè grauius accipiet interim, dum proximo sic nocere quærit: continget. n. illum à serpente morderi, qui in sepe habitabat, vt solent circa sepes maximè vetustas sibi nidos constituere. Morsus autem serpentis, vitæ adfert periculum; & nisi quantocius adhibeatur remedium, mortem certam operatur, quod damnum longè est supradictio grauius, quia damnum est vitæ, quæ inter temporalia omnia bona primum locum obtinet. Qua sanè re significatur eum, qui proximo in rebus minoribus, vtpotè in rebus temporalibus nocere cupit, primum sibi multò grauius nocere, quoniam suam animam morte afficit. Rursum, idè hoc significare videtur in eo, quod subditur; qui transfert lapides affligetur in eis. Sermo. n. fit de eo, qui maceriam conatur diruere. Is. n. lapides de suo loco effodit, vel extrahit, vel transfert, quod non sine labore fit, neque absque periculo maceriam diruentis. Primum namque in lapidibus illis tatum auferendis, & suo loco monendis est afflictio. Deinde, non rarò contingit, vt cadens de aceruo lapis aliquis subito lapsu inanum, vel pedem extrahentis dolore, aut etiam vulnere affligat, sic item qui ad faciendum damnum proximo, scindit ligna, vulnerabitur ab eis. Quod quidem efficit, vt furto noceat, vel vt in fructibus inferat damnum: fructum. n. arboris tollit, qui præscindit arborem; is tamen nonnunquam ab eis vulnus accipit, nisi admodum sollicitè sibi caueat, atq; prospiciat. Interdum. n. ipse corruit ab arbore, qui supernè cædit. Interdum super ipsam cedentem arbor, aut ramus quispiam corruit. Interdum ramus inflexus ad præcisionem, per viriditatem, & rigiditatem se subito erigens aduersus trahentem oculū, aut faciem, aut aliud membrum lædit, aliāq; huiusmodi incommoda inde possunt consequi. Quibus omnibus indicatur, neminem sine suo detrimento, aut incommodo alteri posse detrimenti quippiā adferre.

De Rectoris auctoritate conseruanda. Cap. xxi.

¶ QVANDO autem necessitas disciplinæ, in moribus coercendis, dicere vos dura verba compellit: si etiam ipsi vos modum excessisse sentitis, non à vobis exigitur, vt à subditis veniã postuletis: ne apud eos, quos oportet esse subiectos, dum nimium seruetur humilitas, regendi frangatur auctoritas. Sed tamē petenda est venia ab omniū domino: qui nouit etiam eos, quos plus iusto forte corripitis, quanta beneuolentia diligatis.

E N A R R A T I O.



VONIAM superiori capite præceperat, emissis ex ore verbis duriusculis, eodem ore esse veniam petendam; hoc capite ab ea regula generali vnicum eximit casum, nempe in Prælato erga subditum, si in castigandis subditorum moribus, durioribus verbis vsus fuerit. Eo. n. casu veniam à subdito sic læso petere non tenebitur. Potest autem Prælatus hac in re tripliciter excedere. Primum, si non regiminis causa, sed odij, inuidiæ, vel huiusmodi causa mala id fecerit. Secundo, si regiminis causa, absque disciplinæ tamen necessitate concurrente, vt in rebus minimis, excesserit in reprehendendo. Tertio, cum nulla necessitas illud postulare, sed neque compelleret: quia simplicibus verbis id peragi posset erga subditos, alioqui corrigibiles, & morigeros. Eam quæ rem tot verba circumstantiarum arctitudinem significantia noster author coniunxit, necessitatem, & mores coercendos exprimens. Aduerte tamen Augustinum non inficiari, quin quandoque id rectè fieri possit, vt & Prælatus veniam petat à subdito, licet non teneatur; Quin etiam durioribus verbis iure vt potest. Nam propter duros lapides adinuerti sunt mallei duriores, & Apost. inquit ad Titum 1. increpa illos durè. Heli quoque cum posteritate sua reprobatus est, & à sacerdotij dignitate deturbatus, quod molliter, & non dure filios suos correxerit 1. Reg. 2. & 4. & Esai. 48. ad populū fuisse dictū legimus; Scio quia durus es, & neruus ferreus ceruix tua, & frōs tua ænea est. Rursus Act. 7. Stephanus ad Iudæos ait, Dura ceruice, & incircuncisis cordibus, & auribus, vos semper Spiritui Sancto vestitistis, sicut, & patres vestri, & ita

ita & vob. Tandem mansuetissimus Moyſes, Deu. 31. Iudaicum popu-
lum ſic alloquitur : ſcio contentionem tuam, & ceruicem tuam durif-
ſimam. Iniuria ergo quidam delicatuli conqueruntur, & optant con-
tra D. Auguſtini regulã, vt Prelatus, manueto ſermone ſemper vtat ut,
cum teſte Auguſtino, quandoq; neceſſitas dicere dura verba cõpellat.

2 Ne apud eos, &c.] Immodicam, intempestiuamq; Prælatorum humilitatem acriter Aug. increpat, eam stultam existimans: cum quis ex simplicitate sustinet, quæ minimè ferenda sunt, aut etiam cum quispiam plusquam suum statum decet, se imprudenter abiecerit. Hac. n. via regentis auctoritas, quæ nunquam non est necessaria, imminuitur, & labefactatur, Prælatiq; nimia humilitate in subditos ad erigēdas superbix cristas abutuntur. Variare tamen prælatus poterit hac in re pro temporum, locorumq; opportunitate. Quare rectè iudicat Ambrosius lib. 20. moral. cap. 2. dicens: Talis debet esse dispensatio regiminis: ut is, qui præest, ea se circa subditos mensura moderetur, ut & aridens timeri debeat, & iratus amari. Ut eum nec nimia lætitia vilem reddat: nec immoderata seueritas odiosum. Sæpe. n. subiectos frangimus, dum plus iusto vigorem iustitiæ tenemus, qui profectò vigor iam iustitiæ non erit, si se sub iusto moderamine non custodit. Et sæpe à disciplinæ metu resolvimus subditos, si nostro regimini hilaritatis freno laxamus: quia dum nos quasi licenter lætos aspiciunt, audacter ipsi ad illicita resolvuntur.

3 Demum animaduerte fieri posse, vt Prælatus correctionis modum excedat, non tamen in subditum peccet: quia dignus forsitan est aut tanta, aut etiam maiori correctione: quamuis corrector eam non illo, quo decet, modo exerceat. Præterea etiam si deliquerit in subditum, ad satisfactionem tamen veniæ non astringetur, si ex eo, læderetur bonum commune, idest regiminis auctoritas, quam semper incolumem, illæsamq; conseruare necesse est. Adde, quod etiam si huiusmodi satisfactio sine læsione prædicta fieri queat, Prælatus tamen subdito suo, qui est quasi res sua, eam exhibere non tenetur tantò iure, quantò alie no subdito. Quemadmodum nec seruo suo quispiam tam rigido iure tenetur. Id quod egregiè annotauit Humbertus. Commonendi igitur, sunt monastici Rectores, vt se subditis magistros præbeant virtutis, æquitatis, continentię, modestię, & sanctitatis: triaq; præsertim declinẽt, in quibus sæpe offendere consueuerunt: Primum, nequid acerbis citra modum in subditos, aut loquantur, aut statuant: ne ad indignationem prouocati, pusillo, fractoq; animo sint, dum omnia timeant. Deinde nimiam seueritatem effugiant, malinq; subditos corrigere, quàm vlcisci. Præterea, si qua culpa commissæ est, cum necessa-

ria sit castigatio, & obiurgatio, nequid subditis per indulgentiam dissolutè remittant, non præmittatur. Sepe. n. subditi regentium nimia lenitate, & facilitate deprauantur. Quanam autè ratione qui præsumunt alijs se in humilitate continere, aliosq; iudicare debeant, pia tractatione Laur. Iust. lib. de triumphali Christi agone cap. 12. differuit.

De modo diligendi fratres. Cap. xxij.

¶ **N**ON autem carnalis, sed spiritalis debet esse inter vos dilectio.

ENARRATIO.



CARNALEM dilectionem hoc loco author appellat; quæ quispiam ad carnalia opera diligitur; quemadmodum mundus suos diligit ad ea efficienda, quæ mundi sunt. Huius etiam generis est ea dilectio; quæ à carne originem trahit, ut à carnali cognitione, vel ab eadem patria. Hæc autem dilectio ab Augustino iures, tãquam impura vituperatur; illa vero quæ spiritalis est, idest, quæ propter spiritualem utilitatem, ac fines honestos, mirificè ab Augustino laudatur. Diligamus igitur fratres nostros, Christianitatis, Religionisq; intuitu: non ut mundus, qui diligit ad bona temporalia: non ut mali homines, qui diligunt ad carnalia; non denique, ut propinqui, qui solum diligunt dilectione ex carne nascente. Fœlix igitur, nec usquam satis laudata illa dilectio est, quæ nihil inhonesti habet, quæ non in verbis solum, sed in corde: nec in corde solum, sed in opere consistit, quæ magna peragit in fratris utilitatē, & sine meritis præcedentibus, & sine spe retributionis humanæ. Hæc omnia Christi redemptoris nostri præcepto Ioan. 13. confirmatur. Mandatum nouum do vobis, ut diligatis inuicem, sicut dilexi vos. Obseruandum enim, quod Christus non de quacunque dilectione loquitur; est. n. amor carnalis, & est amor inordinatus, quod non tantum personas, sed etiam vitia earum diligimus, & fouemus; non de hoc amore loquitur Christus, nec de eo, qui consistit tantum in ore, & lingua: sed de eo, qui existit in opere, & veritate: vnde addidit; sicut ego dilexi vos. Dilexit autem nos Christus ordinate, quia personam ita quidem dilexit, ut tamen vitia non dissimularet, sed acriter argueret, etiam in dilectissimis. Dilexit nos efficaciter, idest non verbo tantum, sed opere. Dilexit nos gratis citra omnia merita nostra; Imò cum adhuc inimici

inimici essemus. Postremò dilexit nos perseueranter, in finem scilicet, Hinc igitur discamus modum, quo diligendus sit frater. Illud tandè m ob oculos, semper habeto vilem esse, & adiectu amorè mercenarium.

2 Quapropter tunc tandè nostra dilectio minimè carnalis esse censebatur, si studiosam nauamus operam, vt pro nostra virium facultate, omnibus beneficiamus; id quod Paulus ad Galat. 6. generali exhortatione nos monet, dicens; Dum tempus habemus, operemur bonu ad omnes, maximè autem ad domesticos fidei. Et Matth. 5, Seruator noster nos admonet, patris celestis imitari exemplum, qui erga omnes est benignus, & beneficus; pluens super bonos, & iniustos; Solem quoque suum oriri facies super bonos, & malos; vt sic & nos, quantum in nobis est, omnibus prodesse studeamus. Quo prouocatus exemplo Paulus, non satis sibi putauit prodesse gentibus, nisi etià Iudæis, prout posset, proficeret, reputans se omnibus debitorem ad Rom. 1. dicens; Græcis, ac barbaris; sapientibus, & insipientibus, debitor sum; ita quod in me promptum est, & vobis, qui Romæ estis euangelizare. Et. 2. ad Cor. 9. & Iudæos qui sub lege erant, & Gentiles sine lege existentes, lucrifacere vehementer desiderabat. Item ad Rom. 11. factus Gentium Apostolus, se ministerium suum honorificaturum dixit, vt & aliquos ex Iudæis saluos efficeret. Propter quod etiam ad Hebræos gentium Apost. epistolam scripsit, & sententiæ pondere, & materiæ dignitate sublimè. Quod autem hic in spiritualibus ostendimus, id ipsum multò magis in corporalibus pro nostra facultate debemus adimplere, videlicet, vt quàm possumus plurimis beneficiamus. Exposcit nãq; hoc Charitatis latitudo, vt non solum pauculos quosdam privato affectu complectamur, & afficiamus beneficijs, sed vt Charitatis latitudine complectamur omnes, affectu quidem desiderantes, quantum in nobis est, prodesse omnibus; cum Paulo agnoscentes, nos debitores omnium, effectu autem elaborantes commodare pro viribus nostris, vel multis, vel plurimis. Hinc etenim de viro iusto Psal. 111. dicitur: Disper sit dedit pauperibus, qui. n. dispergit, certè non illi satis est sustentare istum, idest vnum, aut alterum, sed quàm potest plurimos. Nam beneficentiæ hanc erga multos communicationem dispersionis: vocabulum indicat. Est autem admodum notatu digna illa sapientis sententia Eccl. 7. cap. in hunc scopum prolata: Qui timet Deum, nihil negligit. Qua significatur eum in quo est charitas Dei, debere ad omnes suam charitatem effundere, omnesq; amore complecti, ac pro viribus opportunitis afficere beneficijs. Quæ sententia plerisq; nostrum merito debet terrorem incutere: qui ita sumus repidi in negotio Dei, ita nauseabundi ad charitatis opera, vt magnum putemus, si vel vni,

aut alteri modicum quid gratis impendamus obsequiū, aut commodi;
sive corporalis, sive spiritualis: statimque quasi egregie fundi nostro of-
ficio, dicimus: feci ego, quod meum est, faciant tantumdem, & ceteris.
Longe aliud sonat verbum istud: qui timet Deum, nihil negligit, id est
non cessat, non quiescit ab omni bono. Quod præstare cuiquam po-
terit. Sic & Eccles. 9. in eandem sententiam dicitur: quodecumque inne-
herit manus tua, instanter operare: neque male consonat: quod Pau-
lus ad Gal. 6. nos admonet dicens: Bonum autem facientes, non de-
ficiamus. Tempore enim suo metemur, non deficientes.

De obedientia. Cap. xxij.

PRÆPOSITO tanquam patri obediatur, multo magis
Presbytero, qui omnium vestrum curam gerit.

ENARRATIO.



EXPLICIT V. iam superius non vno, aut altero loco,
solenne Religionis votum, atque perfectam Religionē
constare, ac perfici tribus partibus: nempe pauperta-
te, castitate, & obedientia. Duas priores suis superius
locis sacre Aug. enodauit. Hanc posteriorem nunc sta-
tuit nobis patefacere. Quam quidem tanquam omnium aliarū po-
tissimam, atque præstantissimam in hunc postremum locum reiecit,
vt fixior, firmiorque nostris mentibus insit, retineaturque. Tamen si verò
Laconica breuitate eam descripserit, tradideritque; multa tamen, imò
ferè omnia, quæ ad Religionem colendam spectant, complectitur; ob
eamque rem vniuersum obedientie præceptum promulgauit, dicens: Præ-
posito, multoque magis Presbytero, id est Episcopo obediendam esse;
idque non tanquam dominatori, sed tanquam patri: cui sanè non serui-
lis, sed filialis obedientia debetur. Hæc quidem brevis camæiuncula est,
sed longum habet epiphonema. Locutus est autem iuxta vetusta tem-
pora, in quibus Abbas non erat exēptus, & Episcopi vniuersa mona-
stèria moderabantur: Quam rem iam superius elucidauimus. Memi-
neris tamen inquam multa viri Religiosi & opera, & negotia se regu-
laris obedientia porrigat, & extendat, vt superius abundè docuimus.
Id verò hic silendum non est, quod à Choriolano com. 55. traditur.
Illud videlicet: quod D. Bened. in Regula conscriptum reliquit, obe-
dientiam non solum Abbati ab omnibus esse exhibendam, sed etiam

sui inuicem fratres ipsos obedire oportere; non esse præceptum censendum, sed consilium tantum, nec esse propriè obedientià, sed quoddam potius mutuū obsequium. Iustitia. n. ritè ordinata non Superiores inferioribus, non æquales æqualibus, sed inferiores Superioribus parere iubet. Id ipsum ante Benedictum in regulis monasticis vetustior Basilii docuit. Ceterum de maximo obedientie voco superius differuimus lib. 1. cap. 18.

De monastica obedientie natura, & laude. Consid. j.



VULGARE Priscorum prouerbiū est; obedientia felicitatis mater; à fabulosis quidem figmentis poetarū sumptum, attamen verissimum. Nam teste Greg. lib. 3. Moral. cap. 12. Obedientia sola virtus est, quæ virtutes ceteras menti inserit, insertasq; custodit; virtus autem felicitatis possessio est. Rursum, obedientia meritum fidei habet, quæ. n. fides præmōstrat, ea exequitur; ipsa igitur est felicitatis acquisitio, cuius illa præmonstratio erat. Tertio, obedientia inferiora superioribus connectit, & quæ horum sunt, illorum facit. Ceterum vt à vocis interpretatione exordium sumamus, obedite est obtemperare, auscultare, obsequi, autem, mentemq; præbere. Obedientia igitur, quam hic tractamus, exercetur, quando homo non solum dimittit, q̄ quādi sunt, sed & seipsum abnegat, ac prorsus Deo velut holocaustū consecrat. Prout fecerunt Apostoli, & infiniti alij post Apostolos; vt etiam faciunt nunc monastica perfectionis candidati, per abnegationem propriæ voluntatis, immobili decreto animi firmatā, dum profitendo, atque vouendo vertunt sibi consilium in præceptū. Quod si ita, non amplius integrum est pedem tetrahære, aut retrorsum respicere, propter scripturam. Psal. 75, vouete, & reddite. Quia tamen nō alia obligatione post vōtum astringuntur, quā ea, cui ipsi sua sponte se vouendo alligauerunt, et talis obedientia inter liberas annumeranda est, q̄ ex radice liberæ voluntatis ortū habeat. Diciturq; non seruitis, sed filialis: idcirco Augustinus apposuit verbū illud, tanq̄ patri. Ad patefaciendam autem obedientie regularis naturam, non parū nobis conducet, hoc loco, subijcere varios gradus, siue differentiās obedientie. Quos D. ille Bernardus scite concipnavit. Primus est obedire voluntarie, iuxta illud Psal. 53. Voluntarie sacrificabo tibi, quasi diceret, non expectabo, donec minis, aut pœnis exactus fuero: quin potius paratum cor meum Deus, paratum cor meum, vt faciam libet, quæcunque iusseris: sola voluntas est, quæ totius operis ornat effectū, sine qua nec bene aliquid agitur, et si bonum esse videatur. Ex volun-

tate itaque suscipienda sunt imperia Prælatorum, & ipsum cor à suis reflexionibus abducendum, donec propria voluntas mactata, mandatum diligat imperantis. Secundus gradus est obedire simpliciter, ut sit verum in auditu auris obediuit mihi Psal. 117. Quia post vocem Dei, vel vicem Dei gerentis nulla replica, multo minus autem duplica, aut triplixa esse debet in mente, aut voce subditi conquerentis. cur? quare? quomobrem hoc magis, quam illud? aut nunc potius, quam alias? vel cur magis ego, quam ille, qui obligatior est, aut me validior? vel ut dicit piger. Prou. 12. Leo est foris in medio platearum, occidendus sum. Cuiusmodi querulis vocibus abstinendum est, ut voci Superioris simpliciter obsequatur voluntas inferioris. Tertius est hilariter, & non quasi ex tristitia, aut necessitate. Hilarem mandatorem diligite Deus, 2. ad Cor. 9. serenitas sit in vultu, dulcedo in sermone, nam hæc multum decorant obedientiam obsequentis; contra nabitosa compositio corporis, & facies tenebris obscurata tristitiæ, deuotionem, & promptitudinem obediendi ab animo recessisse testantur. Quis autem locus gratæ obedientiæ, ubi tristitiæ cernitur agritudo? Quartus gradus est obsecundare velociter, ac velut festinanti studio, ut Propheta fecit Psal. 118. dicens: Viam mandatorum tuorum cucurri. Et Zacchæus Euangelicus Luc. 19. Is enim cum audisset à domino, Zacchæe festinans descende. Quia hodie in domo tua oportet me manere: festinans descendit, & excepit illum gaudens. Quam ob causam audire meruit, quia hodie salus domui huic facta est. Fidelis obediens nescit moras, fugit crastinum, ignorat tarditatem, præcipit præcipitem, parat oculos vsui, aures auditui, manus operi, itineri pedes, rotamq; se colligens, ut imperantis velocissimi colligat voluntatem. Quintus gradus adimplere viriliter, prout Psalmista ait Psal. 36. Viriliter agite, & confortetur cor vestrum, omnes qui speratis in domino: si tribulatio, aut persecutio resultat, si peccatores tibi laqueum ponunt, si maligni tui iter impedian, aut caro resistit; tu obedientiæ viam non deseras, sed dic Psal. 118. Paratus sum, & non sum turbatus, ut custodiam mandata tua. Iunge igitur velocitati obedientiæ, animæ efferocritudinem in exequendo. Sextus gradus, obedire humiliter, ut post hilarem, celerem, fortemq; obeditionem tuam, sit semper & intus, & foris in voce illud Luc. 17. Serui inutiles sumus, quod debuimus facere, fecimus. Quantum n. n. est præstitisse obedientiæ iunculam illi, cui me, mea q; omnia debeo: siue quo nihil sum, nihil habeo, nihil valeo, & quo nihilominus expecto, quod ipse est, quod habet, quod potest; est autem omnia, & potest omnia. Septimus gradus est obedire perseveranter, qui n. perseverauerit vsq; in finem, hic saluus erit. Matt. 10.

& 24. non autem qui incœperit, aut aliquo vsq; bonum perduxerit! Quid n. currere prodest, & ante metam deficere, aut deflectere? Sic currite, vt comprehendatis 1. ad Cor. 9. quo tandem dicere liceat cū Apostolo 2. ad Timor. 4. Cursum consummaui, fidem seruaui, in reliquo reposita est mihi corona iustitiæ, quam reddet mihi Dominus in illa die iustus iudex.

3 Scriptura sacra huic obedientiæ vim quandam eximiam, & specialem bene merendi de Deo attribuit, fecit enim huiusmodi obedientiæ Christum sublimem super omne, quod nominari potest ad Philip. 2. Propter quod, nempe quia factus erat obediens vsq; ad mortem crucis, Deus exaltauit illum. Fecit præterea Io. Baptistam esse plusquam Prophetam, imò Angelum Dei ante faciem Messie. Fecit & Apostolos iudiciaria potestate eminere super omnes alios, ipso Christo promittente, Matth. 19. Vos, qui secuti estis me, nempe obedientia perfectæ, sedebitis iudicantes duodecim tribus Israel: Ecce perfectæ obedientiæ facit hominem, quasi Deum, ac iudicem aliorum cum Christo, eodem sublimatum, quo Christus est. Nonne Zachæus natura pusillus, sed obediendi promptitudine magnus, suæ domui salutem fieri obtinuit? nonne Abraham ob obedientiam, & fidei, & omnium credentiū pater appellatus est? ibiq; promissum est, semen suum possessurū portas inimicorum suorum, &c. Gen. 22. Insuper Rechabitarum obedientia quàm magnificè remunerata sit, abundè exponit Hierem. cap. 35. Ipsa denique obedientia facit hæredem ciueni, aluminum regni cœlorum, quòd per eam solam impleatur voluntas Dei patris, vt pater est; per victimas, ait. Gregorius, aliena caro, per obedientiā verò voluntas propria mactatur. Tãtò igitur quisq; Deū citius placat, quantò ante eius oculos, repressa arbitrij sui superbia, gladio præcepti se immolat.

4 Claruit autem hac præacta obedientia in primis pater Abraham credens, & obediens Deo, adeò vt eius placitis post haberet & patrē, & patriam, & omnem cognationem, filium denique vnicum, paratus peregrinari in terra aliena peregrinationem laboriosam, & perdifficilem vsque ad finem vitæ suæ. Deinde Rechabitæ, filij itidem prophetarum, illustres facti sunt in scripturis propter obedientiam, idq; in admiranda rerum indigentia, & vitæ abstinentia 4. Reg. 4. In nouo autem testamento ante omnes claruerunt hac perfectæ obedientiæ fidei nostræ duces Apostoli, qui dimissis omnibus, firmiter adhaferunt doctrinæ Saluatoris in omnibus tam consultis, quàm iussis, post Apostolos verò eodem genere perfectæ obedientiæ valde eminuerunt primitiæ credentium, supra quos cecidit igneus ille Spiritus Sanctus, dū perseuerarent in doctrina Apostolorum, inhaerentes perfectæ obedi-

ria doctrina suscepta. Post hos surrexerunt sancti martyres, Christi obedientiam sequuti. Nec illis inferiores fuerunt in hac perfectione luminaria illa magna confessorum; potissimum quos Philo, Iudaeus, Hieronymus, & Athanasius, alijq; vetusti illustrium Eremitarum mentionem conscribentes, suis tractatibus honorifice retulerunt. Fuit autem & hoc genere obedientiae mire illustrata Ecclesia, sub D. Basilio magno in Graecia, sub D. Hieronymo in Palestina, sub D. Augustino in Africa, sub D. Benedicto in Italia; sub D. Martino in Gallia; sub D. Dominico in Hispania, & D. Francisco in Alsia, viris sanctitate, & miraculis admodum clavis. Extant tandem sine numero monasteria, in quibus firmissimo animi decreto subiiciunt se singuli obedientiae gubernationem tenentis; adeo ut nihil in otio, aut negotio, nihil in usu rerum, aut abstinentia, nihil in consuetis peragendis, nihil in novis inchoandis attentent sine scitu, & placito Superioris, vicē Dei gerētis. Et hi quidem sic per votivā professionem in conventibus monasticis pulcherrimē exprimunt Evangelicū perfectę obedientiae consiliū.

3 Signis etiam, atque miraculis hæc præclara obedientiae virtus refutget: vile Maurus D. Benedicti patris iussu, per lacum, in quem ceciderat Placidus, cum aquā isset haurire: sicco vestigio cucurrit ad Placidum, & illum nullo labore manu data ex vndoso resuente duxit ad litus. Floruit in Scythia eremo Ioannes ingentis sanctitatis, & nominis Abbas: qui eruditorem Thebæum sanctissimum habuit iuvenis, atque neophitus. Huius parendi promptitudinem, ut exploraret quādoq; Thebæus, baculum, quem manu gestabat aridum, defixit in terram: mi o Ioannes facito inquit, in defesse quot idie huic ligno aquā infundas, si fortē vireseat, assurgatq; pomiferū. Quod optima spe tribus ille cum fecisset annis: & id duro equidē, immensoq; labore: quoniam aqua ipsa tantum sanē distabat à stipite, ut cum vespertino, crepusculo aequatum interdum iret: non citius, quā in sequenti aurora remearet. Insuper suis mirabilis Deus, triennio exacto mox in proceram se plantam hic baculus efferens, sapidissima, atque gratissima non pauca præbuit poma: quæ Thebæus ceteris porrigens eremi fratribus: en gustate dulces obedientiae fructus, lætus inquit, hos admonens pluris virtutem hanc ducere, quā planē vitam. Verū quā & illud præclarum exemplum, memoratūq; dignissimū? quod hanc perfectę virtutē edoctus discipulus ille præbuit: qui læna in se irruente conspecta: quæ enixa catulos, passū anhelō, truciq; ore querebat: Cum tremens, & pallidus protinus inhorruisset: ad subitum pastoris, magistriq; præceptum factus intrepidus, in lænam se vertit, & apprehensam per hirsutam lauginem traxit ad patris vestigia, nihil repugnantem.

gnantem, quin mitem potius, ac blandientem.

6 Magna igitur est obedientiæ vis, ad ceterasq; virtutes adipiscendas perquam necessaria. Nullus. n. adeò aridus, & diuina gratia destitutus est, quin si suauis iugo obedientiæ colla submittere velit, virere, ac florere; copiosissimumq; fructum producere possit. Obedientia enim ad quamlibet gratiam suscipiendam aptissimus, capacissimusq; locus est. Ipsa hominem Deo gratum reddit, & ei acceptissimum est sacrificium. Tantò igitur quisque citius Deum placat, quantò ante eius oculis repressa arbitrij sui superbia, gladio præcepti se immolat. Sancti patres obedientiam tantam dixerunt esse virtutem, vt vel minimum aliquod opus ex ea factum, qualecunque illud fuerit, multo melius, Deoq; acceptius esse quolibet alio opere, quamlibet etiam magno, quòd contra obedientiam peragitur. Nec. n. otium sanctæ contemplationis, nec studium bonæ actionis, nec lachryme poenitentis, extra obedientiam prodesse poterunt. Si. n. ieiunauerimus diebus, ac noctibus, orationesq; fecerimus; si in sacco fuerimus, & cinere, obediētia nanque vt facit Greg. testatur lib. 35. Mor. cap. 21. sola virtus est, quæ menti ceteras virtutes inserit, inserasq; custodit. Ipsa est genitrix virtutum omnium, atq; salus vniuersorum fidelium, regni cælorum inuentrix, cohabitatrix Angelorum, perfecta scala, qua cælum ascenditur; quadriga, qua Helias vectus est in paradysum; porta paradisi fidelium, & clausura inferni reorum; porta, quæ Monacho cæli aperit, & infernum sua fortitudine claudit. Ipsa viam paradisi reparat, & pacem inter Deum, & hominem reformat. Ipsa est arbor æternæ salutis, quæ crescit in horto monasticæ humilitatis. Ipsa est Spiritus Sancti domicilium, & quietum voluntatis propriæ sepulchrum, superne felicitatis meritum, vnicum monasticæ disciplinæ documentum; elationis, & superbix exterminium, & cunctorum persecutrix vitiolorum; Omnem vincit malitiā, & veram in mente conseruat humilitatem.

De vigilanti cura Præl. in observationem Reg. Cap. xxiiij.

¶ Vt ergo cuncta ista seruentur: & si quid seruatum minus fuerit, non negligenter prætereatur, sed vt emendandum, corrigendumq; curetur, ad præpositum præcipue pertinebit, vt ad Presbyterum, cuius est, apud vos maior auctoritas, referat quòd modum, vel vires eius excedit.

ENARRATIO.



P ARVM est iura condere, nisi ad sit, qui eadem tucatur, ac debita executioni demandet, id asseuerantib. Greg. 10. de elect. lib. 6. cap. vbi periculum. Et Bonif. 8. de statu Regularium cap. periculoso. Idcirco prudentissimus author peculiare conscripsit capitulum, quo omnes Prælatos comonescit, & obstringit, vt vigilanter, & accurate præceptorum regularium, quæ hac breui, compendiosaq; Regula continentur, congruè executioni tradant; ne aliqua negligentiz nota inurantur, aut commaculentur. Si. n. in obseruatione sanctarum legum inertes, ac desides se Prælati præstiterint, totum monasticum ædificiū corruat, necesse est: hoc igitur graue onus Prælati incumbit, præcipiente Augustino, vt obseruatio regularis in monasterijs effloreat, ferueat, & vigeat. Qui si onus illud tantum esse in aliquibus grauioribus negotijs intellexerint, vt suos humeros, ac vires longè superent, ad superiorem Prælatum, siue is Episcopus fuerit, siue Abbas, siue Præses, aut generalis Visitator pro gubernaculorum varietate, eis recurrdum erit, vt maioribus succrescentibus morbis, acriora, efficacioraq; medicamenta decreto maiorum adhibeantur.

Hoc munus non satis explere cognoscuntur ij rectores, qui curam adhibent sedulam, vt regula bene, eleganterq; sit conscripta, ac frequenter perlecta audiatur, ipsius tamen obseruationem facile negligunt. Eos quidem obiurgat Ioan. Apoc. x. dicens: Beatus qui legit, & qui audit verba prophetiz huius, & seruat ea, quæ in ea scripta sunt. Cui nō dissimilis est illa sententia Iaco. 2. Si quis autem totam legē seruauerit, offendat autem in vno, factus est omnium reus. Ideo author tam accurate rectoribus præcipit, vt cuncta ista seruentur. Non ergo truncatam, aut dimidiatam regulam obseruare iubemur; sed integrā, atq; completā. Rectè quidem Bernardus Prælati admonet, dicens; Non dissimulet Abbas peccata: ses mox, vt oriri cœperint, ea radicitus amputet, non immemor filiorum Heli sacerdotis.

Noster quoq; Hugo docta paraphrasi hunc locum enarrans, ait: Ad id quidem data sunt hæc regularia præcepta, vt cuncta seruentur, & si quid seruatum non fuerit, citò emendetur. Non. n. possumus absq; animæ nostræ periculo quidpiam negligenter præterire. Etenim vouimus iuxta hanc regulam vitam nostram instituere. Prælati autem Canonici ordinis eo constituti sunt, vt quæ in Canonica regula rectè sunt ordinata custodiant, errata corrigant, vitam, & mores subditorum verbo, & exemplo componant; Apostoli formam sectantes 2. ad Timor. 4. qui ait; Argue, obsecra, increpa, ministerium tuū imple; ne in Prælatos

latos verè comperat illud Capt. 1. Posuerunt me custodem in vineis, vineam meam non custodivi. Quia nostram vineam minimè custodimus, dum extraneis actionibus implicati, ministerium actionis nostræ negligimus. Egregia quidè est D. Gregorij ratio, citatio lib. 8. Epist. cap. 21. qua contendit demonstrare, Prælatum per ignorantiam peccantem, negligentia esse arguendum: per scientiam verò, dignum esse magnâ punitione. Calus autem is erat, quod Monachi monasterij S. Viti, quod in Aethna monte est positum, tam nequiter vivebant, ut mulieribus se coniungere sine metu auderent. Sic ergo Leonem Cathinensem Episcopum arguit. Nulla te vales excusatione defendere. Aut. n. hæc fieri nescisti, & culpa neglectus vehementer argueris. Aut certe factum nouisti, & grauiorem erga te videris indignationem exigere. Cur tantum facinus ultione districatissima non punisti? Itaque huius peruersitatis facinus dignâ emendatione corrige, ut & Deû placare, & alijs, ne de cetero quid simile perpetretur, custodiæ possis disciplinam ostendere, utq; neque remisit, neq; negligenter agi aliquid videatur. Contemnenda verò non est huius loci expositio, quâ Choriolanus com. 56. reddidit. Ad seruanda quidè hæc regularia præcepta, tria potissimum sunt necessaria. Prælatorum circumspectio, superbi patrociniû, & iugis præceptorû memoria. Eam ob rem præclarissimus Aug. postquam in superioribus sua præcepta sancit, postremo loco de his tribus tractatulum edidit, primum diligentem Prælatorum gubernationem exposcens. Presbyteri verò, quicumque illi Superior fuerit, vtiliter meminit. Quando enim postremi Prælari auctoritas alicui alteri sublimiori subalternatur, quod inferior non potest, Superiori est subindicaturus. Itaq; negligentia causa nihil est in obseruatione legis præter eundem, obseruandorumq; mandatorum sollicitudo præcipue ad Prælatum spectat.

De regimine Prælatorum. Cap. xxv.

¶ Ipsi verò, qui vobis præest, nò se existimet potestate dominante, sed charitate seruiente sælicem. Honore coram vobis Prælatus sit, vobis timore coram Deo substratus sit pedibus vestris. circa omnes seipsum bonorum operum præbeat exemplum, corripiat inquietos, consoletur pusillanimes, suscipiat infirmos, paties sit ad om-

nes. Disciplinam libens habeat, metuendus imponat : & quauis vtrunq; sit necessarium, tamen à vobis plus amari appetat, quam timeri: semper cogitans Deo se pro vobis redditurum esse rationē. Vnde vos magis obediendo non solum vestri, sed etiam ipsius miseremini, qui inter vos quantò in loco est superiori, tantò in periculo maiori versatur.

ENARRATIO.



SAPIENTI, vigilantique ratione D. Aug. in hoc capite Prælatum regulare instruit, ac docet, vtilissimas providi regiminis leges illi præscribens: quas optimus quisque Prælati ad vnguem obseruans, vberimum profectò fructu & suo gregi, & sibi est allaturus. Prima igitur lex libidinem, superbiamque dominandi retundit: contra verò seruiendi, proficiendi; Christianam cupiditatem commendat, dicens; Caueat Præses, ne apud se tacitus existimet, se ob potestatem dominantem esse felicem, sed ob charitatem seruientē faustum esse, atque beatū. Hoc enim discrimine & mali, & boni Prælati secernuntur, quod illi obtento prælationis loco in superbiam dominandi abutuntur: hi verò in humilem famulatum, ut decet, utuntur. Iuxta illud Matt. 20. Principes Gentium dominantur eorum, & qui maiores sunt, potestatem exercent in eos. Non ita erit inter vos: sed quicumque voluerit inter vos maior fieri, sit vester minister: & qui voluerit inter vos primus esse, erit vester seruus: sicut filius hominis non venit ministrari, sed ministrare. Cum hæc verba locutus est Dominus, reuera rectores mundi pagani erant; principes autem mundani nihil aliud quærunť quam dominium; nesciunt. n. potestatem à Deo esse, nesciunt se quoque habere dominum, & iudicē: hinc superbiunt: nec minus, & subditi Gētilēs sunt, non. n. nisi propter timorem gladij à malo abstinēt. Innuit igitur Christus, quod qui tyrannice imperant, non tam Christiani, quam pagani principes dicendi sunt, vos autem non sic. Vos inquam, qui scitis à Deo omnem esse potestatem, qui scitis, & vestrū iudicē; qui denique scitis omnes Christianos fratres esse, filiosque Dei, utinam omnes rectores hæc verba attēderent.

Qui Episcopatum desiderat, bonum opus desiderat, verum is sciat, se ad ministerium, non ad honorem: ad laborē, non ad otium vocari. Sic nos existimet homo, ut ministros Christi. 1. ad Cor. 4. perspicie, perspicis;

ſacriſſimum exemplū & lenitatis, & humilitatis in Chriſto expreſſum eſſe. Reſtē igitur Archiapostoſus. i. Pet. 5. Prælatum mihi erudire videtur, dicens; Paſcite, qui in vobis eſt gregeſ Dei, providentes non coactē, ſed ſpontaneē ſecundum Deum, neq; turpis lucri gratia, ſed voluntariē: neq; vt dominantes in cleriſ, ſed forma facti gregiſ ex animo, & cum apparuerit Princeps paſtorum, percipietis immarceſſibilē glorię coronā. Itaq; Præſides, qui dominiꝝ poteſtate delectantur, mercenarij ſunt: præſeſ non prodeſſe cupiunt. Nec animarum fructum, ſed tēporale lucrū; nec cōleſta gloriā, ſed terrenū honorē inquirunt. Illi verō, qui ſecundū Deū curā regiminiſ gerentes, plures animas Deo lucri facere fatagunt, quos delectat onus, nō honor: charitas nō poteſtas: ſeruitus impēla alijs, nō ab alijs ſuſcepta, ij veri paſtores ſunt exiſtimādi.

3 Perpulchra quidem cōſideratione lib. 3 4. moral. cap. 21. eos carpit Greg. qui honoris ſui gloria lætantes, præſeſ hominibus poteſtate, & dominatione delectātur, dicens: Sæpe novimus, quod pleriq; qui præſunt, intus ſe tumore cordis extollunt, cum ſoſq; ſubditos in ſui compa- ratione deſpiciunt; nec condeſcendendo conſulunt, ſed dominando premunt. Quia videlicet alta cogitatione ſe erigunt, & æquales ſe illis, quibus eos præſeſ contigit, non agnoſcunt. Contra hunc tumorem Eccl. cap. 3 2. inquit: Duceſ te conſtituerunt, noli extollis, ſed eſto in illis, quaſi vnus ex illis. Hunc tumorem Dominus per Ezech. cap. 3 4. in Paſtoribus increpans, ait: Vos autem cum aſteritate imperabitis eis, & cum potentia: Singularitate. n. gaudent culminiſ, & non æqualitate conditioniſ. Sub quo. n. ſint, non conſiderant, & cōæqualibus, quaſi non ſint æquales, exultant: vnde autem hæc vitiorum radix pullulat in corde regentium, niſi ex imitatione illius, qui deſpectiſ Angelorum ſocietatibus dixit Eſai. 14. Aſcendam ſuper altitudinem nubium, & ſimiliſ ero altiſſimo?

4 *Honore coram vobis, &c.* Hæc eſt ſecunda ſex regiminiſ paſtoraliſ, quæ duo continet, quaſi per contrapositionem ſibi aduerſantia. Alterum quidem indicat, Prælatum reuerentia, & honore eſſe colendum, & honeſtandum à ſubditis. Alterum verò interioriſ humilitatiſ cogitatione, propter ſuę animę ingens periculum concepto timore, ſubditorum pedibus eſſe ſubſternendum, & ſupponendum docet. Venerandus itaq; eſt Prælatus à ſubdito, in corde eum diligendo, in ſermone reuerenter ei loquendo, decenti attentione cum audiendo, in opere promptē obediendo, vrbane ſerviendo, verecundē, & modeſtē ei aſiſtendo, & aſurgendo. Honor autem tria complectitur, nempe amorē, obedientiam, & reuerentiam, quæ vt Prælatiſ non tantū affectu, ſed & ſe ipſa, & effectu exhibeamus, id Deus à nobis exigit, Honor etiam

in eo consistit, ut magnificè de Prælatiſ sentiamus, ut eos honorificentissimè colamus, ipsorum iudicio, & auctoritati plurimum tribuentes, ac deferentes. Numquam autem eos contemnamus, aut vilipendamus, & si pauperes, senes, aut etiam tardi, ac morosi fuerint. Patres in spiritualibus in patris officium, & nomenclaturam succedunt. Tanto autem affectu Pau. Apost. ad Gal. 4. à spiritualibus filijs diligebatur, quod si fieri potuisset, etiam oculos suos eruisſent, & dedisſent ei. Quam ob rem ante omnia curandum est, si res id postulauerit, ut eorum necessitati succurratur, utq; ipsis, quæ ad victum pertinent, idq; abundè, liberè, & ex animo suppeditentur. Deinde debetur ipsis obedientia, quæ admodum Apost. ad Hebr. cap. 13. testatur, iniquiens: Obedite Præpositis vestris, & subiaceſte eis, ipsi. n. peruigilant, quasi rationem de animabus vestris reddituri. Enimuero honor magnus est parentum, habere filios dicto obediētes: contra verò consilio patris est, filius proteruus, & indisciplinatus. Nec. n. Deus minus nos subiecit Ecclesiæ Prælatiſ, quàm prophanis magistratibus: nec minori periculo Dei auctoritas in Ecclesiæ ministris, quàm in magistratibus contemnitur: sed præter amorem, ac obedientiam non vulgaris eisdem veneratio debetur. Idq; eius muneris, ac ministerij gratia, quod in Ecclesia gerunt. Nam par est, ut omnes homines hoc ministerium summa cum pietate venerentur, ac operam etiam dent, ut conseruetur, ac ornetur, quod nihil sit, nisi representatio eius ministerij, quod gessit Christus, ipso attestante, qui vos spernit, me spernit; qui vos recipit, me recipit, qui vos audit, me audit: Luc. 10. Et Pau. 1. ad Thes. 5. Rogamus autem fratres, ut agnoscatis eos, qui laborant inter vos: & qui præſunt vobis in domino, & admonent vos, ut habeatis illos abundantiùs in charitate propter opus illorum: & pacem habete cum eis. Alioqui, n. dicam Malachiæ. 1. Si ego pater, ubi honor meus? Paulus ergo commonefacit nos, ut honorem non modicum illis Prælatiſ deferamus, à quibus in Religione, & moribus instruimur; nam pro Religionis augmento, bonorumq; morum gloria, multa tolerant, inauditis conuicijs nonnunquam impetuntur, ab improbis odio habentur, & plerumq; de vita periclitantur; & quia pro monasteriorum profectu plurimùm laborant, digni sunt, ut magnopere cohonestentur ab his, quibus Dei iussu præficiuntur. Nec satis est, eos singulari beneuolentia, magnoq; honore prosequi, sed opus est illos summo opere habere in pretio per charitatem: Qui. n. Christum diligit, & eius præconem, & ministrum diligit, necesse est: & licet Prælatiſ probis, & improbis; modestis, & tumidis; deferendus sit honor, præfertim tamen cum curant præſtare suum officium, & gnauius obire munus suæ fidei concreditu. Nec habendi sunt Prælati in honore pro-

pter titulum tantum, aut quia cum fastu dominantur, sed quia admonent, docent, consolantur, & arguunt. Adde etiam, quod veritas plerumque odium parit, & sæpe habentur odio, qui aliorum vitia reprehendunt.

5 Demum in præcepto de honorandis parentibus etiam intelliguntur patres illi, qui generant in nobis spiritum Christi, iuxta phrasim, & consuetudinem scripturarum, ut. 1. ad Cor. 4. Nā in Christo Iesu per Euangelium ego vos genui. Et ad Galat. 4. Filioli mei, quos iterum parturio, donec formetur in vobis Christus. Præpositi igitur ecclesiarum, & pastores, patres sunt, tantò venerabiliores parentibus secundum carnem, quantò dignior est ea vita, quam ipsi seminant in visceribus nostris. Docet planè Christus seruandum, faciendumque esse, quod super cathedram Moysi sedentes præcipiunt. Nam & malis Prælati obediendum est, quatenus legi consonant; contra eos, qui excusari se putant, ac ab obedientia absolui, si Superior malus sit. Includit præterea honor iste exhibitione debitæ reuerentiæ: qualis sit non solum denudatione capitis coram eis: sed etiam, ac magis, si per omnia primas illis tribuamus in colloquijs, in conuiuijs, in cōfessibus, in amicitijs, in familiaritate, in humanitatis studio, in disponendo de rebus domesticis, in consultando, ac alijs, cuiusmodi sanè probatione non egent: quia ex se omnium hominum iudeis manifesta sunt.

6 Præterea notandum ex Choriolanò com. 5. 8. Dno hoc loco ab Aug. significari, Prælatus videlicet erga subditos modestiam, & subditorum in Prælatum venerationem. Sic igitur Prælatus modestus, sit virtutibus comptus, ut honore sit coram vobis, hoc est, ut merito à vobis honorari mereatur: vos autem subditi sic Prælato obtemperabitis, ut si eum bonos subditos decet, Prælatum vestrum honore, & veneratione prosequamini. At verò ut Prælatus merito à subditis honorifice colatur, his sit virtutibus ornatu; Prudentia scilicet in agendo, ut quid eulcandum, quidque prosequendum sit, probe dignoscat; Iustitia in administrando: ut bonis præmia conferat, malis poenas infligat, & vnicuique prout iustitia exigit, tribuat; Fortitudine in tolerando, ut nec prosperis extollatur, nec frangatur aduersis; Temperantia in suscipiendo, ut non solum ea, quæ ad cibum, potumque pertinent: sed omnia ea animi moderatione faciat, ut omnis actionis vitet excessum. Nam & virtus omnis in mediocritate collocatur. Has itaque enumeratas virtutes probus Prælatus complectetur, iuxta temporum, locorum, personarumque conditionem, & qualitatem exercendas; semper tamen in omni opere animarum salutem exquiratur.

7 Subditi verò Prælatos suos debito honore afficiant. Christi. n. vires in monasterio gerunt, & Christus in ipsis à prauis subditis spernitur;

tur: maledictus quoq; est, qui non honorat patrem, hinc Chanaam, & nati eius, & nati natorum aeternā incurserunt maledictionē ob inhonoratōem patris. Adde etiam, cum fore maledictum, qui Prælatus spreuerit, Prælati. n. licet mali timenda est maledictus utiq; erat, quem Balaam maledicebat, Acerrimus. n. ultor est. Deus suos ministros despicientium, ideoq; pueros Helisæum despicientes, & subfanātes, dæmones vrsorum formam induti deuorauerunt. 4. Reg. 2.

- 8 Alterum verò membrum agit de Prælatorum subtractione, timori adiuncta. Qua in re illud accuratè sciendum, petentibus prælationem dixisse Christum, Matt. 20 Nescitis, quid petatis. Potestis bibere calicem, quem ego bibiturus sum? Si scirent homines, quantū sit in prælatione periculi, quidq; requirat Deus Io. 10. & Paul. 1. ad Tim. 3. ab eo; qui Prælatus futurus est. Quid demum debeat Prælatus ouibus suis, nemo Prælatus esse perciperet. quis. n. nimium pauper magnam filiorum turbam, vt ab eo alantur, habere vellet? quis pauper alieno ære grauari cupit? quis ascendens onustus onere graui, mille grauiora pondera sibi imponi desideret? Quis languidus multorum sibi languores asciscat? at Prælatus alere suum gregem, rationem pro eis ponere, onera eorum subire, languoribus eorum languere debet. Nescis igitur quid petas, credis te petere honorem, & petis summum onus, summum periculum. Petis calicem exultationis, sed reuera calix est continuæ passionis. Num si placet aureus calix, placet statim eius amara potio? Existimas calicem Christi, mundi esse calicē? perulustra te ipsum, & perspice, sit ne in te potentia, & virtus animi tanta, vt libenter, & intrepidè passionē in calice Prælationis deopres? Paul. ad Phil. 4. iā se nouerat, dicens? Scio abundare, & egere: omnia possum in eo, qui me confortat. Qui tantam animi potentiā in se cognouerit, Prælationem ambiat, si velit. Agnosce igitur prius differentiam inter Christi calicem, & calicē mundi. Calix Christi in principio amarus, in fine suauis. Calix mundi principio suauis, nouissima verò eius absynthium. Calix Christi, licet inebriet, prælatus tamen est. Quo. n. magis inebriat, eo maiorem lucē animo præbet, Calix mundi plenus est abominatione, & immunditia fornicationis. Calicem Christi sequitur torrens voluptratis, & sons vitæ. Calicem mundi sequitur stagnum ignis ardentis. Calix Christi, calix est, non vna, vel amphora: paucum. n. breue, & momentaneum habet laboris, & doloris. Sicut etiam calix Babylonis. Calix est paucum habens, & breue delectationis, en delicias Prælationis.

- 9 Magnus ille D. Greg. totus formidine corripiebatur, cum animarum onus sibi impositum considerabat lib. 7. epist. cap. 125, ad Leandrum

dum Episc. Hispaniarum, dicens: Ego sum in opere esse decreueram
 opprobrium hominum, & abiectio plebis, & per conuallem lachryma
 rum foris humiliter iacere. At me multum nunc deprimit honor one-
 rosus, curæ innumere perstrepunt, & cum sese ad Deum animus col-
 ligit, hunc suis impulsibus quasi quibusdā gladijs scindunt. Nulla cor-
 dis quies est. Aut rara, aut nulla in sublimia penna contemplationis
 animū extollit. Torpet ignaua mēs. Quasi prospero flatu nauigabam,
 eam tranquillam vitam in monasterio ducerem, sed procellosis subito
 moribus tēpestas exorta, in sua perturbatione me rapuit, & prosperita-
 tē itineris amisi: quia quiete perditā, mentis naufragiū pertuli. Vix pro-
 fecto ad remū poni dignus erā, ad gubernaculū tamen sum appositus.
 Prælationes itaq; multis anxietatibus sunt permixtæ. Quid autem hic
 cōmemorē eiusdē Gregorij præstantē doctrinā lib. 13. Moral. cap. 11.
 prælatos videlicet teneri subditorū peccata, quasi propria plangere,
 seq; sic de alienis lapsibus, vt de proprijs affligere: Et idē Greg. in Pa-
 storali cura, par. 2. cap. 6. ait: Sed cū delinquentes subditos Præpositi
 corrigūt, attendāt, vt per disciplinē debitū, culpas quidē iure potestatis
 feriant, sed per humilitatis custodiā equales seipsis fratribus agnoscat.
 Quamuis plerunq; etiam dignum est, vt eosdem, quos corrigimus;
 tacita nobis cogitatione præferamus. Demum audi Iac. cap. 3. sic ad-
 monentem: Nolite plures magistri fieri fratres mei, scientes, quoniam
 maius iudicium sumitis. Timeat igitur pastor, ne eius negligentia ovis
 pereat, cuius perditioni obligatus existat: id quod Aug. pertimescēs,
 gemenq; dicebat: Quid faciam, cū a me exigetur ratio tot anima-
 rum, quæ pendent ad collum meū, sunt profecto ipsi Prælati, tanquā
 cuiusdā exercitus duces, quibus demictis castra omnino expugnantur.
 Cadente Iuda in Machabeis. 1. Machab. cap. 9. ceteri fugerunt. Totum
 etiam prælij pondus in calce. 1. Regum cap. 3. in vnum Saulem fuit
 conuersum, ipso verō interempto, omnis penē exercitus periit.

10 *Circa omnes seipsum, &c.* Tertia lex ecclesiasticæ gubernationis
 est hæc de præbendo plebi sancto exemplo. Quam legem facer Angl.
 ad verbū mutuatus est a Paulo 1. ad Tim. 4. Nemo, inquit, adolescen-
 tiam tuam contemnat. Sed exemplum esto fidelium in verbis, in con-
 uersatione, in charitate, in fide, in castitate. Et ad Tit. 2. In omnibus
 teipsum præbe exemplum bonorum operum, in doctrina, in integri-
 tate, in grauitate; verbum sanum, irreprehensibile: vt is qui ex aduer-
 so est, vereatur, nihil habes malum dicere de nobis. Et 2. ad Tim. 2. So-
 licite autem cura teipsum probabilem exhibere Deo, operari in
 confusibilem, rectē tractantem verbum veritatis. Similis est Petri sen-
 tentia. 1. Pet. 2. Hæc est voluntas Dei, vt benefacientes, obmutescere
 faciatis

faciatis imprudentium hominum ignorantiam. Sed & Christus dominus Matt. 5. primoribus Prælatorum ait : Sic luceat lux vestra coram hominibus, ut videant bona opera vestra. Primum omnium, hic expendamus maximam exemplorum in Prælati lucentium virtutem, & efficaciam ad bonos mores disseminandos. Habent. n. nescio quid energie maioris ad docendum exempla, potius quam præcepta, ut. n. erudiunt ista, ita rapiunt, animosq; impellunt, illa; non aliter, atq; calcitria equum, nec immerito. Siquidem facile imitatu arbitramur, quod palam, & a rectoribus factum cernitur. Natura itaq; comparatum est, ut humanus animus ad duriora subeunda negotia magis moueatur exemplo, quam institutione, atq; præceptis; quisq; n. operi libentius, confidentiusq; sese accingit, quod ab altero factitatum, quam quod suum agnoscit. Nemo ferè paupertatem, humilitatem, castitatem, vigiliis, ieiunia, reliquaq; corporis fatigationes, etiam si omnes homines ea magnificarent, obseruare in animum induxisset, si nullus reperiretur, à quo ante obseruata fuissent. Quin potius diceret, hypocrites: ut quid humeris meis imponitis, quod ipsi ne digito quidem attingere vultis? Audio monitores, non video operadores, facite ipsi prius quod præcipitis, ne tam difficile factu quam videtur, putem: quo planè fit, ut integritas Præfidentium, salus sit subditorum. Nam facta ipsa, ac bonæ actiones Præsidum, sunt veluti perpetuum quoddam prædicandi genus.

II Non potest ciuitas abscondi supra montem posita, ut Christus asserit. Matt. 5. meminerint Prælati, se in editiori loco positos: ob id necessarium esse, ut eo propius Christo accedant, eo firmiores sint, atq; perfectiores, ut & factis doceant, se veros esse pastores. Deinde, ut vitæ suæ diligentem rationem habent, ut ij in quos omnes spectant; in quibus exiguus lapsus, scædi criminis instar erit. Mons. n. eminente vertice, qui sustinet illos, velint, nolint, eos reddit omnibus conspicuos; quo igitur à pluribus conspiciuntur, eo pluribus offendiculo sunt, si malè vluant: quod quam sit graue, declarat verbum Christi Matt. 18. Vt homini, per quem scandalum venit: utinam omnes tales attenderent, se in sublimi positos, & in prospectum aliorum. Norunt quidem se in sublimi positos, gloriuntur: Sed non attendunt omnium oculos in se verfos; putant sibi licere quicquid libet: & cum non habeant reprehensorem, æstimant vitia sua latere: sed veniet, qui circa acceptionem personarum iudicabit. Perniciosa quidem pestis toti gregi, reprehensibilis in Prælato vita, propter quam, & verbum Dei contemptui habetur. Is. n. & se, & alios in foueam ducit, si nec doctrina, nec vita adest. Sed nec doctrina sola sufficit, nisi operibus adiungatur. Sic luceat lux vestra coram hominibus, ut videant opera vestra bona. Quo quidem ver-

bo arguuntur ij, qui satis sibi putantes esse, si doceant, interim autem impiè viuunt: similes æri sonanti, & cymbalo tinnienti, luceant ergo opera vestra, vt exēplo vestro videāt, nihil aliud q̄rēdū nisi gloriā Dei.

12 Sunt autem penè diuina documenta à Greg. in Past. tradita. Sed quod ad rem attinet, par. 2. cap. 1. sic inquit: Tantū debet actionem populi actio transcendere Præfulis, quantum distare solet à grege vitæ pastoris: sub cuius æstimatione populus grex vocatur. Et cap. 3. subdit. Sit Rector operatione præcipuus, vt vitæ viam subditis viuendo denūciat, vt grex, qui pastoris vocem, moresq; sequitur, per exempla melius, quàm per verba gradiatur: illa vox nanque libentius auditorum corda penetrat: quàm dicentis vitæ commendat, quia dum quod loquendo imperat, ostendendo adiuvat, vt fiat. Et par. 3. cap. 5. subiungit: Si peruersa Prælati vnquàm perpetrant, tot mortibus digni sunt, quot ad subditos suos perditionis exempla transmittunt: vnde necesse est, vt tantò se cautiùs à culpa custodiant, quantò per praua, quæ faciunt, nō soli moriuntur, sed aliorum animarum, quas prauis exemplis destruxerunt, rei sunt. Ecce vt vides, Prælatorum peruersa exempla subditos corrumpunt.

13 Demum locis Pauli citatis, ait Chrysost. Forma, inquit, esto fidelium, hoc est exemplar vitæ, atq; morum ipse esto, tanquàm imago propositus, tanquàm animata lex, veluti regula, ac norma bene, recteq; viuendi. Rursus speculum esto vitæ, quod omnibus proponitur ad imitandum, veluti primitiua quædam imago, omnia in se habens, quæ bona, atque honesta sunt: quæ magna cum facilitate volentibus, aliquid sui decoris imitari, exēpla semper præbere parata sit. In sermone, inquit, vt faciliè instruere per doctrinam possit. In conuersatione, vt Ecclesiæ sit propositus ad imitandum: in charitate ceterisq; virtutibus, ex quibus norma sumitur bene, beateq; viuendi. Eundem locum Pauli luculenter enarrat D. Th. Notandum. n. quod in his, in quibus Prælati sunt exemplum, est multiplex differentia. Quædam. n. ordinatur ad proximum, quædam ad Deum, quædam ad se. Quantum ad proximum ait. Exemplum esto fidelibus, vt scilicet quod verbo præcipis, impleas opere, forma factus gregis, idq; in locutione ponderata, ordinata, & circumspecta, ad Colof. 4. Sermo vester semper in gratia sale sit conditus, & 1. Pet. 4. Si quis loquitur quasi sermones Dei. Item in cōuersatione exteriori, vt sicut excellit loco, & dignitate; ita & honesta cōuersatione 1. Pet. 2. Conuersationem vestram inter gentes habentes bonam. Secundo, quantum ad Deum ordinatur charitate, quæ perficit affectum. Ideò ait, in charitate 1. ad Cor. 13. Si linguis hominū loquar, &c. Item per fidem, quæ illuminat intellectum. Ideò, inquit in

fide, id quod speciali ratione competit Prælati, qui sunt custodes fidei. Eam ob causam Luc. 22. peculiariter dominus orat pro fide Petri, dicens; Ego pro te rogaui Petre, ut non deficiat fides tua. Tertio, quantum ad se ordinatur castitas, quia indecens est nimis, ut vita ministrorum discordet à vita domini. Christus autem sic castitatem dilexit, ut de virgine vellet nasci, & ipse eam seruauit. Ideò subdit, in castitate.

- 14 *Corripite inquietos.* &c. J. Hand legem, quæ numero quarta est, cum tribus sequentibus ad verbum desumpsit Aug. ex Paulo 1. ad Thes. 5. dicente: Rogamus autem vos fratres, corripite inquietos, consolamini pusillanimes, suscipite infirmos, patientes estote ad omnes. Quo in loco iuxta D. Thomæ sensum, superius docuerat Paulus, quomodo subditi erga Prælatos se habere deberent; nunc autem iidem Prælati docentur modum, quo in subditos se gerere debent. Sciendum est etenim, Prælatorum curam in duo præcipue ferri, & tendere: scilicet ad retrahendum alios à peccatis, & ad custodiendum seipsos. Quantum ad primum, tria Apost. monet. Nam tripliciter subditi possunt pati defectum. Primo, in actu. Secundo, in voluntate. Tertio, in virtute. In actu autem, quando prorumpunt in actum peccati. Et tunc sunt corrigendi. Quævis verò de omni peccato, specialiter tamen corrigendi sunt de peccato inquietudinis. Ideò dicit, corripite inquietos 2. ad Thes. 3. Non inquieti fuimus inter vos. In voluntate verò, quando non aggreditur magna, quia deijcitur propter aduersa, & peccata præcedentia. Vnde dicit, consolamini pusillanimes. Pusillanimis est non habens animum ad magna, timens ne deficiat. Esai. 35. dicite pusillanimes; Confortamini, & nolite timere. In virtute demum, quando vel ex infirmitate peccant, vel debilitantur in bono actu, ac isti sunt fouendi. Vnde dicit; Suscipite, scilicet in visceribus charitatis fouendo infirmos, quorum est virtus debilis, vel ad resistendum malis, vel ad faciendum bona. Ad Rom. 15. Debemus nos firmiores, imbecillitates infirmorum sustinere: Prælatus autem & custodire tenetur à qualicumque defectu, & maxime ab impatiencia: ipse. n. portat totum multitudinis pondus Num. 11. Non possum solus sustinere omnem hanc multitudinem, quia grauis est mihi. Ob id subiungit, patientes estote ad omnes. Pro 19. Doctrina viri per patientiam noscitur.

- 15 Chrysostomus verò negotium nobis facessit hoc loco, alia vtens lectione, sed non absque vtilitate dicēs; Ad eos hic disputat, qui præsumunt. Admonete, inquit, inordinatos. Austerus. n. & seipsum nō agnoscens confidentior sit cōtemnens, & obiurgans alios. Proinde oportet per admonitionem dulcem reddere phariseum. Qui sunt autem inordinati illi? Omnino, qui contra quæ Deo probatur, agunt. Ipse sequi-

dem Ecclesiæ ordo, ordo est congruè magis dispositus, quàm sit militaris ille; itaq; & cōiciator inordinatus est, & ebrius, & auarus, & in vniuersum peccatores omnes. Non. n. ordinatè incedunt in acie, sed distortè, & itinere inuerso, sed est & aliud peccatorum genus, non tale quidem, attamen malum, & ipsum. Pusillanimitas nanque, & ipsa, simul & desidia, perditionem adferunt. Qui conuicium non fert, pusillo est animo: qui tentationem non fert, pusillanimis est. Hic est, qui supra petrā seminatus est. Est rursus aliud quoq; genus infirmitatis, nempe adiuuate, inquit, infirmos. Infirmitas verò circa fidem accidit. Sed vide, quomodo non sinat eos contemni. Et alibi quoque scribens dixit: Infirmantes fide assumite ad Ro. 14. Nam & in corporibus nostris si qua est infirma portio, perire illam non sinimus. Patientes, inquit, estote erga omnes, etiam erga inordinatos, & maxime erga illos. Nihil. n. huic pharmaco adæquari poterit, maxime doctori, nihil ita commodum est subditis. Ad pudorem omnino cogere, & flectere potest, etiam omnibus agrestiore, & impudentiore. Perspice iuxta Chryl. sententiam, quantam commoditatem paciētiae virtus Prælati ipsis, imò, & omnibus adferat.

- 16 Scite quidem Isidorus Prælatum in corripiendo segnem, & tardum dormienti assimilauit, è cuius manu in terram excidit pastoralis baculus, dum cubito cathedræ accubat, somno grauatus. In eorum causam primario Prælato Petro Christus inquit, Simon dormis? Mar. 14. Ii subditorum culpas cognoscere nolunt, grauanturq; cum ad corrigendum concitantur. Ea; de causa omnia conuiuent, omnia dissimulant, omnia surda aurè repellunt. Illa etiam crassa sententia se tuetur; subditos videlicet multò potius benignitate, quàm seueritate; amore, quàm timore esse gubernandos. Quæ sanè sententia, & si interdum, non tamen semper veritatem continet. Vt. n. meliores sunt, quos dirigit amor, ita plures sunt, quos corripit timor, teste enim Isidoro, dolore abscindenda sunt, quæ lenitate sanari non possunt. Hinc iratus dominus dixit ad Moysen. Num. 25. Tolle cunctos principes populi, & suspende eos contra solem in patibulis.

- 17 Illud verò hic scitu necessarium est, quis nam inquietus dicatur. Glossa itaque 1. ad Thess. 5. exponente, inquieti dicuntur curiosi, siue gironagi. Iure igitur inquietos appellauimus eos, qui curiositate exagitati, secum consistere non possunt: qui nunc domi, nunc foris, nunc in choro, nunc in hortis, circumuagari noscuntur. Nunc domesticos, nunc externos sua inerti loquacitate vexantes. Quos Paulus carpit, dicens; Rogamus fratres, detis operam, ut quieti sitis. Huius inquietudinis causæ plures noscuntur: duas duntaxat referamus. Altera. n. est

leuitas mentis, & cordis. Altera verò animæ ægrotudo; quemadmodum enim corporis ægrotudo non finit hominem quiescere, sic animæ morbus cum volubilem, & rotabilem efficit. Hieronymi regula in hoc morbo dignoscendo hæc est; Monachum se esse, non loquendo, & discurrendo, sed tacendo, & sedendo quisque nouerit.

- 18 Aqua fluminis, quæ stare nunquam potest, sed labi semper gessit, & fluere, ubi obstaculum inuenit vno in loco, ne transire possit, ad partem alteram deflectens, transitum querit, sic humanus animus ubi afflictionem in re vna senserit obersistentem, ne cum delectatione concupita iuam ultra possit effundi, ad aliud se deflectit, si forte alibi se maiori cum delectatione queat effundere. Rursum, insatiabilem hominum gulam videmus, multis propositis ferculis, ab hoc ad illud pertransire degustando singula, si forte alicubi, cum delectatione hæreere possit, & in cibo aliquo gratiam, gratumque saporem inuenire. Ad hunc sanè modum inquieti hominis animus qui delectari semper querit, atque gaudere; cum sit gaudium homini naturale, ut est tristitia naturæ contraria, dum in eo, cui primum hæreere cœpit, inuenit vanitatem, experiturque defectum, & insufficientiam, propter quæ nequit in eo pro voto, & desiderio suo se oblectare, transit ad aliud, si forte illic inueniat, unde amplius oblectetur, & cum etiam illic vanitatem, vel æqualem, vel certè maiorem inuenierit, rursum ad aliud se conuertit, vel etiam ad prius fastidium subinde reuertitur, dicens; Prius melius est. Idcirco inordinatè, atque vagabundè obambulat, sitque intractabilis, parere nolens, & ob hoc turbans communem pacem.

- 19 *Consoletur pusillanimes, &c.*] Quinta hæc lex est, quæ immodicam Prælatorum austeritatem compescit. Sunt enim Prælati nonnulli, tantam duritiam, & grauitatem vultu, verbis, & factis præferentes, ut subditi perterrefacti, omni se consolatione destitutos esse credant, & quasi perpetua animorum amaritudine discrucientur. Huiusmodi sane Prælati à patris officio, quo fungi tenentur, longè absunt; cauterio non vnguento vtuntur. Sauciatum quidem hominem in suam curam recipiunt: nunquam tamen nouerunt oleum vulneri inferre, sed solum mordax vinum. Luc. 10. Medicorum quidem nomine gaudent, sed suauitatis vnguenta penitus respuerunt. Habent quidem in arca virgam correctionis, & præceptorum tabulam, sed nullum dulcedinis manna contiuent. Loco mellis absinthium ministrant. Filijs non panem, ouum, vel piscem consolationis petentibus porrigunt, sed austeritatis lapidem, serpentem, vel scorpionem. Inde fit, ut contra Prælatum multa excogitare non desinant. Idem quoque Prælati imitari recusant Deum ipsum, qui est pater misericordiarum, & Deus totius consolationis, qui consolatur nos

in omni tribulatione nostra. Est præterea notandum, pusillanimitatem esse timorem immoderatum, ex animi paruitate procedentem. Quæ quidem multa bona, egregiaq; opera impedire solet, pijsq; mentibus moerorem inducere consuevit.

20 Egregia quidem analogia D. Greg. lib. 19. moral. cap. 25. & 26. Constantes palmæ; pusillanimes verò arbutis comparauit. Sunt. n. nonnulli, qui cum cœlestia appetant: noxijs huius mundi factis derelictis, hoc tamen felici exordio suscepto, quotidie inconstantia pusillanimitate deficiunt. Quibus hos nisi arbutis similes dixerim, qui nequaquam tales superius surgunt, quales inferius oriuntur? Non tales quales cœperunt, perseverant. Et quasi more arborum, inchoatione vasti sunt, sed tenues crescunt. Sensim quippè in eis desideria superna languescunt. Palma verò vastior in summitate est, quàm esse cœperit ex radice. Quia sæpè electorū conuersio plus finiēdo peragit. Et si tepidius primò inchoat, seruēt? extrema cōsumat, & infatigabilis in nouitate p̄durat.

21 Meditabilius tamen est pusillanimitas, quàm peruitacitas, doctore Greg. in Pastoral. 3. parte, admon. 9. dicente: Aliter admonendi sunt proterui, atque aliter pusillanimes. Illi. n. dum valde de se præsumunt, exprobrando ceteros dedignantur. Isti autem dum nimis infirmitatis suæ sunt conscij, plerunque in desperationem cadunt. Idcirco pusillanimes aptius ad iter bene agendi reducimus, si quædam bona illorū explicare requiramus: vt dum in eis alia reprehendendo corripimus, alia amplectendo laudemus: quatenus eorū teneritudinem laus audita nutriat, quàm culpa increpata castigat. Plerunque autem vtilius apud illos proficimus, si & eorū bene gesta memoramus.

22 Docet quoque idē Pastor Greg. lib. 20. moral. cap. 6. Quod duæ superiores leges declararunt, videlicet bonis rectoribus mixtam esse debere, & regendi cum disciplina auctoritatem, & benignitatem consolandi. Disciplina. n. vel misericordia plurimum destituitur, si vna sine altera teneatur: Sed circa subditos inesse rectoribus debet, & iuste consolans misericordia, & piè fauens disciplina. Hinc est, quod semiuini illius vulneribus, qui à Samaritano in stabulum ductus est, Luc. 10. Et vinum adhibetur, & oleum: vt per vinum mordēantur vulnera, per oleum foveantur. Vnusquisque igitur, qui sanandis vulneribus præest, in vino morsum distractionis adhibeat, in oleo molliciem pietatis: per vinum mudentur putrida; per oleum sananda foveantur. Miscenda est ergo lenitas cum seueritate, faciendumq; quoddam ex vtraq; temperamentum. Vt neque multa asperitate exulcerentur subditi, neque nimia benignitate soluantur. Hoc nimirum illa tabernaculi arca significat, in qua cum tabulis virga simul, ac manna est. Vt in boni rectoris

pectore, si est virga distractionis, sit & manna dulcedinis. Hinc etiam David psal. 22. ait: Virga tua, & baculus tuus, ipsa me consolata sunt, Virga etenim percutimur, & baculo sustentamur. Si ergo est distractio virgæ, quæ feriat, sit & consolatio baculi, quæ sustentet. Sit itaque amor, sed non emolliens: sit rigor, sed non exasperans: sit pietas, sed non plus quàm expediat, parcens. Intueri libet in Moyse pectore misericordiæ cum seueritate coniunctam, Exod. 32. cum Israeliticus populus ante Dei oculos grauissimam contraxisset offensam. Salubris, quidem est hæc in re sententia nostri Hugonis de S. Victore lib. 1. miscellaneorum tit. 41. tom. 3. Pusillanimes. n. prius consolatione fouendi sunt, vt surgant. Postea terrore confirmandi, ne recidant. Contumaces verò, & duri prius increpandi sunt, vt timeant, postea fouendi consolatione, ne desperent. Nam scriba doctus in regno cælorum, profert de thesauro suo noua, & vetera. Noua sunt consolationes, vetera increpationes. Vetus. n. lex penam proposuit, qua terretur; noua misericordia, qua foueret.

- 23 *Suscipiat infirmos.*] Hic traditur lex ad suscipiendos infirmos. Et quidem de egritudine corporis, duobus iam, aut tribus locis ab Aug. actum est. De infirmitate igitur animorum hic disserit. Quæ sanè multiplex est. Quædam. n. est concupiscentiæ carnalis, qua quidem propulsi, & victi, in lubricam, turpemq; libidinem, eamq; vel frequentem, vel occultam prolabantur, qui in confessionis foro benignè sunt suscipiendi. Altera verò est morum, siue vitiorum, infirmitas. Qua laborant iracundi, impatientes, impetiosi, inobedientes, qui suscipiendi sunt patientiæ brachijs, vt potè qui merendi materiam nobis subministrant. Tertia est vacillationis infirmitas, qua corripuntur, qui non sunt in statu suo firmi, & stabiles, qui certè sollicitè confirmandi, stabiliendiq; sunt. Quarta est infirmitas dubitationis. Eaq; vel circa credenda iuxta illud Pauli ad Rom. 14. infirmum in fide assume. Vel circa agenda secundum eundem Apost. conscientia ipsorum cum sit infirma polluitur: huiusmodi autem infirmitate torquentur, qui vel tentantur in fide, vel pusillanimitate conscientie in agendis vacillant. Hos suscipere oportet in spiritu mansuetudinis ad instruendum. Postrema est infirmitas imperfectæ, vt in tyronibus, atque neophitis Religionis, in alijsq; imperfectioribus: qui quidem charitate adhibita, tãquàm paruuli suscipiantur, necesse est. Ait. n. Apost. 1. ad Cor. 3. tãquàm paruuli in Christo lac porum dedi vobis, non escam. Horum amore tenebatur Paulus dicens: 2. ad Cor. 11. Quis infirmatus, & ego non infirmus? Contra verò Ezechielem audiant duri pastores dicentem, vt pastoribus Israel Ezech. 34. Quod infirmum fuit, non consolidastis, quod contractum, non alligastis: quod egrotum, non sanastis, & quod abiectum, non reduxistis.

duxistis, & quod perierat, non quaesistis. Prælati. n. sunt, qui gregis curam gerant. Hi nanque non solum in lecto, sed in vlnis, & humeris subditum infirmum, & iacentem ferre iubentur. Dicente domino Esai. 49. Ecce leuabo ad gentes manum meam, & ad populos signum meum: & afferent filios tuos in vlnis: & filias tuas super humeros portabunt.

Et erunt reges nutritij tui, & reginæ nutritiæ tuæ. Igitur pastores portant oues suas in vlnis: eorumq; erit munus, cælum infodere precibus, clamoribus, meritis, & exemplis domum cælestem aperire. Vim igitur inferant Prælati cælestibus teclis, vt infirmas oues ante Christi oculos statuunt. Nec statuunt solum, sed suis meritis à Christo iustificationem ouium impetrent, vt Christus videlicet, videns Prælatorum fidem, infirmis fidem viuam infundat, qua ab infirmitate surgere possint.

24 *Patiens sit ad omnes.*] Lex de retinenda patientia nunc fertur. Habet. n. Prælati non paucas impatientiæ causas, siue occasiones. Prima est magnitudo status. Facilius. n. irascuntur viri magni, superiorē non habentes, quā iuniores. Secūda est grauamen infirmitatis. Tertia est multitudo negotiorum. Eius tamen impatientia non potest non esse nocentissima. Quippe quæ eius sapientiam perturbat, iustitiam peruertit, facitq; tum abuti sua potentia. Nam totam domum euerit; quasi furiosus solutus. Sic Eccl. 4. legimus; Noli esse, sicut leo in domo tua, euerrens subiectos tuos, & opprimens eos. Et Pro. 18. Spiritum ad irascendum facilem, quis poterit sustinere? Nam ibidē. cap. 27. scribitur; Graue est saxum, & arena onerosa; sed ira stulti utroq; grauior. Quis. n. ad eū accedere audebit? cum sit alter Nabal. 1. Reg. 25. qui erat filius Belial, ita vt nemo posset ei loqui. Quemadmodum ergo Deus summā tranquillitate, & suauitate, cuncta moderatur, ita opus est, vt Prælati in tranquillitate omnia disponat, nec aliorum turbini-bus conturbetur. Similis Davidi factus. 1. Reg. 14. Vbi asseritur, sicut Angelus domini, sic & dominus meus rex, vt nec benedictione, nec maledictione commoueatur. Intelligat etiam Prælati se esse, quasi signū ad sagittam positum. Thren. 3. in quem subditorum oblocutiones, murmura, iudicia, opprobriaq; iaciuntur. Difeat Prælati domini nostri patientiam in suæ sacrosanctæ passionis deiectione; miraculum. n. sanè est, quod tanta in humana carne splendeat patientia, vt nec minimum in maximis, & summis opprobrijs commoueatur. Quis. n. mortaliū tam seruo, tam tranquillo, tam immoto fuit pectore, vt tam furentibus procellis, tam insanis furijs agitat, tam quietus ipse, tamq; placidus perseveraret? Totus infernus, tota syhagoga, summio nifu, summa vi, quatit, percutit, impellit, prouit in Christū: ipse verò adeo perstat pacatus, ac si nihil illi truculentū niterentur. Admirantur An-

geli attoniti, stupent dæmones, delassati cessant Iudæi, exemplum verò, & efficacia, ad similia ferenda Christianis exhibetur: Demum Hugo de S. Victore sic Prælatos adhortatur: Qui locum tenet regiminis, mala inferre non debet, sed tolerare. Vt ex sua mansuetudine iracundos valeat mitigare. Medicus nanque animarum, contra passionem vitiorum rectè opponet medicamenta virtutum, prius omnium mores diligenter inquisiturus, vt quid cuiq; applicare debeat, nō ignoret. Luculenter nos Greg. edocet lib. 20. moral. cap. 28. Quod sancti in culmine honoris, statū custodiunt humilitatis: & licet potestati semper amica sit impatiētia, māsuetē tolerant ipsos, quos ex officio suo increpāt.

25 *Disciplinam libens habeat, metuendus imponat.*] Lex est de exercenda disciplina, & de retinenda austeritate. Disciplina autem nunc correctionem, nunc religiosam morum retentionem, nunc verò penitentiam, vel abstinētiā, & vigilias, & alia similia significat. Hoc autem loco in posteriori significatione vsurpatur. Quare vt apertius loquamur, disciplina est membrorum omnium motus ordinatus, & dispositio decens in omni habitu, & actione. Insignis verò martyr Cyprianus in hunc modum disciplinam descripsit. Disciplina est morum ordinata correctio, & maiorum præcedentium patrum regularum obseruatio. Primò hic adnotandum est, eliminata vitæ austeritate, delicias paulatim in monasteria irrepsisse. Idcirco conquerentem Bernardum audiamus. Ecce parcitas reputatur auaritia: sobrietas, austeritas creditur: silentiū verò, tristitia existimatur. E conuerso remissio, discretio dicitur. Effusio, liberalitas. Loquacitas, affabilitas. Cachinnatio, iocunditas. Mollities, vestimentorum honestas. Lecti superfluous cultus, munditia. Vides quosdam ex maiorum numero lautius comedere, sapidius bibere, indui pulchrius, cubare mollius, loqui licentius, orare rarius. Secundò notandum opus esse, vt Rector ecclesiasticus sapiens sit, & disciplinatus. Tunc. n. alijs rectè disciplinā imponet, cū ipse iuxta disciplinam vixerit. Sic. n. ex seipso trahit magisteriū, quod exercet in alio. Idè inquit, disciplinam libens habeat, id est iuxta disciplinam suam propriam vitā componat. Deinde alios corripiat. Sic vt ab omnibus timeatur. Ait. n. Apost. Peccantem coram omnib. corripe, vt ceteri timorem habeant. Idcirco inquit August. disciplinam metuendus imponat, id est ita strenuè, viriliterq; imponat, vt planè timeatur. Diligenter igitur curandum est, vt conueniens vitæ austeritas in monasterio conseruetur.

26 *Et quamuis pœnunq; sit necessarium, &c.*] Lex hæc Prælato præcipit, vt à subditis magis amari, quàm timeri optet. Deinde semper ante oculos habeat rationem ouium, quam Deo iudici redditurus est. Pro-

inde Prælati plurimum à subditis commiserendum est, quod quanto in sublimiori loco sedet, tantò maiori periculo concutitur, & euoluitur. Ex hac regula tria insignia documenta excerpimus. Primum est, duo esse necessaria regimini, vt videlicet Rector suis concutiat timorem, & amorem exhibeat. Timorem ijs, qui superbi, ac rebelles, & duræ mētis sunt. Amorem verò eis, qui libenti, humili, pioq; animo Deo inserviunt. Quare necessarium est propter subditorum vtilitatem, vt Prælati timeatur. Nam non pauci frequentius ad bonam frugē timore inducantur. Indecorum, n. esset, & non exiguum incommodū, si Præses ab inferioribus non timeretur. Rursus nullam laudem Regi, sed confusionem potius comparari fateberis, si eius virga regia non metueretur. Ideò Christus Luc. 10. Prælati, inquit, qui vos spernit, me spernit. Cuncta animalia leonē timent. Ad Rom. 13. Paulus ait, si malum feceris, time potestatem, Nō. n. sine causa gladium portat. Et idē Paulus 1. ad Cor. 4. in virga veniam ad vos, aut in charitate, & spiritu mansuetudinis? Idq; dixit ad incutiendum terrorem. Et princeps Apostolorum occisis proprietarijs, omnibus timorem inculsit Act. 5. Factus enim est timor magnus in vniuersa Ecclesia.

27 Timorem autē huiusmodi subditis esse necessarium exemplis manifestemus. Etenim hoc in puerilis sit pusillis, præceptores terrent, & verberant eos, & lachrymantes ad matres remittunt, matres verò sinibus suscipientes continent, & circūplectuntur, & lachrymas detergentes osculantur, & dolentem ipsorum animam releuāt, verbis persuadentes, quòd ipsis vtilis est Præceptorū metus. Sic vtilis est, & Prælatorum metus, vtilis est etiam correctio. Illorum enim metus non sinit nos torpore dissolui. Et principes Deus armauit, vt lasciuientes tercant. Si ergo cum non desint magistratus, & milites in armis præsto sint, furor tamen paucorum hominum perditissimorum magnum incendium inflammat, magnamq; excitat procellam, ad quid furoris isti non venirent? Nonne à fundamentis nobis urbem euerterent, & omnia confundentes ipsas demum vitas abstulissent? Si n. iudicialia sustuleris tribunalia, omnem vitæ nostræ ordinem sustulisti. Et sicut si gubernatorem à navi separaueris, scapham submersisti; & si ducē ab exercitu abducas, victos hostibus tradidisti milites; ita si principes de ciuitatibus, & à monasterijs Prælatos abstuleris, feris irrationalibus magis irrationabilem degemus vitam, nos inuicem mordentes, & nos deuorantes, pauperiorem potentior, mansuetiorem audacior. Porro multi ad vitium spectantes, nisi ab his timorem sibi superpositum haberent, infinitis vtiq; malis nostras domos implerent. Corrueremus sanē, nemine existente, qui contineret, & repelleret, & pœnæ timore

eos quiescere persuaderet. Ne igitur dolcamur propter Prælatorum metum, verum & Deo gratias agam, quod torpore nostrum corripuit, & nos grauiores effecit. Quod .n. dic mihi, damnum factum est ex cura, & sollicitudine ista? Quod honestiores facti sumus, & mansuetiores; quod diligentiores, & attentiores; quod ebrium, & obscena verba proferentē videmus neminē; quod supplicationes cōtinuæ, & lachryme, & p̄ces; quod importunus, & turpiloquus, & ois lasciuia expulsa ē.

28 Sunt autem tria, quæ hic iuuare possunt, vt Prælatus à suo grege timentur, videlicet morum grauitas, ne nimia familiaritate non contemptibilis, sed venerandus fiat. Auctoritas in arguendo, iuxta illud Pauli verbum ad Tit. 2. Argue cum omni imperio. Nemo te contempti Regulatus iustitiæ rigor, vt cum ea de illo opinio concepta est, quod nullo pacto à iusti rectitudine desleat. Iuxta illud Marc. 6. Herodes metuebat Ioannem, sciens eum virum iustum, & sanctum.

- 29 Secundum documentum est. Vnusquisque Prælatus strenuè curet, & elaboret, vt à subditis ametur. Sic .n. fiet, vt libentius quæ iusserit, impleantur. Habebat Centurio euangelicus, Matth. 8. quibus dicebat; Vade, veni, & obsequebantur. Verè hic erat prudens, & amabilis homo. Vt cui ad nutum obsequebantur, qui inter omnes homines minus obsequi solent. Est .n. militum gens, vt plurimum dura, & peruicax. Agnoscant igitur Prælati nostri documentum pulcherrimū. Si volunt subditorum obedientiam, habeant etiam pretiosos. Idē .n. vt arbitror, Centurio habebat milites obsequentes, quia eos amore prosequens, pretiosos habebat. Quem .n. amas, pretiosum existimas. His tamen Gregorianum temperamentum adhibendum est ex pasto rali, par. 2. cap. 8. Sciendum est. n. non oportere, vt Rectores boni placere hominibus appetāt; sed vt suæ æstimationis dulcedine proximos in affectum veritatis trahant. Non vt se amari desiderent, sed vt dilectionem suam, quasi quādam viam sternant, qua audientium corda ad amorem sui conditoris introducant. Difficile quippe est, vt quamlibet recta denunciāns prædicatōr, qui non diligitur, libentē audiat. Debet ergo qui præst, & studere se diligi, quatenus possit audiri. Amorem tamen suum pro se ipso non querere; ne inueniatur ei, cui seruire per officium cernitur, occulta cogitationis tyrannide refutare. Quod benè Paulus insinuat. 1. ad Cor. 10. sicut & ego, inquit, per omnia placeo omnibus. Qui tamen rursus dicit; Ego si adhuc hominibus placērem, Christi seruus non essem, ad Galat. 1. Placet ergo Paulus, & non placet; quia in eo quod placere appetit, non se, sed per se hominibus placere veritatem querit.

- 30 Tertium documentū est; Vt Prælatus nunquā non rationē ouium red-

reddendam animo verset, & meditetur. Ob idq; non mediocri periculo circumdatur. Vt. n. ait Hugo, in periculo magno versatur, quisquis in regiminis loco sublimatur. Nam quanto superior gradus, tanto periculosior casus; & cui plus donatur, plus exigitur. Ipsius autem Prælati subditi miserentur, qui onus eius obediendo alleuiant. Tantoq; plus gaudent, a faciori; animo pro filiis patres spirituales laborant, quanto magis eos cernunt spiritualibus obtemperare disciplinis.

De gubernaculo Prælatorum. Confid. j.



VANTO perspicacius Prælatorum leges describuntur, & iura, tanto dulcior sternitur via ad ritè administrandum eorum officium. Imprimis ergo Prælati considerent ex Matth. c. 5. Eorum vnumquenque ciuitatem dicat, & nuncupat. Prælati. n. fundamentum est ecclesiæ suæ. Idem ipse est anima suæ ecclesiæ, radix, vita, facies, caput. Dicitur etiam ciuitas ipse Prælati, non castellum exiguum, aut oppidulum vile, quod hostibus facile cedit, nec eorum fert furentem impetum; sed sicut ciuitas, quæ hosti se opponit intrepida: vt quæ super montem fundata est. Rursum in oppidis exiguis, exigue sunt opes: at in ciuitatibus nihil est, quod desideres, ita in animabus subditorum, pauca sunt virtutes, oppidula sunt. At anima Prælati diues est omni virtutum genere: est ergo ciuitas. Nam substantia diuitis est vrbs fortitudinis eius. Tertio pontifex ille vetus, Exod. 28. gestabat auream in pectore laminam, in qua descripta erant nomina filiorum Israel. Erat hæc figura pōtificis veri, in cuius corde debent esse scripta nomina omnium suarum. In cuius corde tanta est charitatis amplitudo, vt in ea omnes sui subditi habitent confidenter. Si igitur in Pontificis anima sui habitant inferiores, profectò huiusmodi anima ciuitas est. Audi Paul. huius rei testem. Iustum mihi (inquit) est hoc sentire pro omnibus vobis, eo quod habeam vos in corde, ad Philip. 1. Si tam amplum est Paulo, cor, vt omnes habitent in eo, profectò non erit cor illud solum ciuitas, sed regio, aut provincia. Addit Paul. Testis mihi est Deus, quomodo vos cupiam in visceribus Iesu Christi, ac si dicat: sunt mihi viscera Christi. Ideò augustissima sunt. In illis vos habeo, amo, & cupio. Igitur sicut Deus dicitur maior mundus, quia in illo sunt omnia eminenter, & homo dicitur minor mundus, quia in ipso quadantenus omnia sunt, quæ in mundo existunt: Ita & Prælati quædã ciuitas est, in qua sunt thesauri virtutum, sunt & homines conscripti per amorem, & egregiam curam. Quarto, ciuitas dicitur Prælati, vt. n. ciuitas ab hostibus suis defendit ciues: ita planè Prælati sancti suos ab ho-

nunquam leuantes oculos, solius intuentur iudicij terrorem. Benè autè sibi consulunt, qui neq; misericordiæ obliuiscuntur, neque iudicij, sed adinuicè ista sapienter coniungunt; quemadmodum Deus misericors simul, & iustus est in cunctis operibus suis.

- 3 Deinde conetur Prælatus ex munere gratiæ diuinæ, studeatq; conuerfari in medio familiæ suæ, & subditorū suorū, cū innocentia, iustitia, & simplicitate, quasi pater in medio filiorum, quasi dñs in medio subiectorum, quasi pastor in medio ouium, singulos attendens, & considerans, singulis prospiciens domesticis suis, singulisq; superintendēs, quantum opus fuerit; vt sua quisque administratione rectè fungatur. Neque malum vllum notabile pariat in monasterio, ac familia sua, pro quo non emendando gerat sollicitudinem. Diximus autem in medio familiæ suæ eum oportere commorari, opus est. n. eum, qui præfideret, siue communitati, siue domui, aut cuilibet tandem congregationi non in angulo aliquo domus desiderare, nō in abdito cubilis semper latere conclusum, non in molli stratu otiosum stertere, non ad opiparam mensam in cœnaculo amœno accumbentem delictari, cutèq; sic in delicijs curare; sed in medio sibi creditæ domus perambulare; tanquàm qui sit rationem redditurus de omnibus, quæ in domo illa sibi credita aguntur. Nam in negotijs quoq; quæ per te non geruntur, nisi per viros à te præfectos, culpa tibi est imponenda omnium, quæ illi commiserint. Propter quod ad Rom. 12. ab Apost. dictum est, eum, qui præest, præesse debere in sollicitudine. Item in medio oportet Præfidē cōsistere, vt æquè propinquus, æquè expositus sit omnib. vt ex æquo omnibus absq; personarum acceptione inuigilet; non solos curet diuites, non solum intendat ijs, qui sunt in familia præcipui, sed infimis etiam, atque vilissimis. Acquè. n. pauperis, & diuitis; nobilis, & ignobilis; anima requiretur ab eo, cū in iudiciū aduenerit iustus iudex, qui æquali potentia, sapientia, & bonitate singulorum animas condidit, cui omnes æquè sunt magni pretij, vtpotè qui finxit sigillatim corda filiorum hominum.

- 4 Notandum etiā & illud, quod pastor in medio domus perambulare dicitur. Aduersarius autem per domus circuitum ex testimonio Petri Apost. dicentis; Aduersarius vester diabolus, tanquàm leo rugiens, circuit, quærens quem deuoret. In circuitu quoque impij ambulant. Diabolus ergo, suiq; affectu in circuitu gregis circumambulant, vt nocceant; bonus autem pastor, in medio gregis, & domus perambulat, vt ex omni parte circueuntes aduersarios repellat, & nullibi illis quantum quidem in ipso fuerit, nocendi concedat aditum.

- 5 Deinde postulat etiam illud perfectæ Prælati iustitia, vt ante oculos suos

suas non proponat impium, aut iniustum aliquid, nempe ut nullam sibi impietatem proponat in animo adimplendum eam. Tunc nanque ante oculos proponimus, cum rei intendimus ad assequendum eam. Ad hæc, ut sicut iniquitatem in te ipso odisti; ita & in proximis habeas exosam, & operarios impietatis, ut huiusmodi sunt, persequaris, ad illos humiliandos, atque illorum conatus malos infringendos. Hinc psal. 138. Propheta inquit; Nonne qui oderunt te domine, oderam, & super inimicos tuos tabescebam? Perfecto odio oderam illos, inimici facti sunt mihi. Alibi verò etiam fleuisse se dicit, & vehementer admodum fuisse conturbatum, propter impiorum transgressiones. Sic. n. psal. 118. ait; Exitus aquarum deduxerunt oculi mei, quia non custodierunt legem tuam. Et iterum; Defectio tenuit me, pro peccatoribus derelinquentibus legem tuam. Secundum eandem considerationem iterum psal. 14. describens; Quisnam sit inhabitaturus tabernaculum domini, aut in monte sancto accepturus requiem, prius dicit: Qui ingreditur sine macula, & operatur iustitiam; qui loquitur veritatem in corde suo, qui non egit dolum in lingua sua. Ac deinde subiungit, ad nihilum deductus est in conspectu eius malignus, hoc est, qui pro nihilo reputat, qui penitus contemnit, & pessimè odit malignos, conaturque illos, quantum in se fuerit humiliare, & conatibus eorum improbis obistere. Itaque Prælati sibi sedulo caueat, ne rem iniustam menti sue proponat ad eam opere perficiendam, siue aduersus Deum, siue aduersus hominem, sed ne cogitet quidem, atque etiam transgressores legis Dei non solum odio habeat, sed etiam eorum mala impediatur proposita, pro suaque virili ad bonum inducat.

- 6 Deinde ea est vis probitatis, ut fuget, atque elonget à se omnem malignum. Quomodo. n. luminis fulgentem claritatem tenebræ non ferunt, & ante illam hæc aufugiunt, & cum tenebris omnes tenebrarum amatores; ita à facie virtutis, siue probitatis omnis fugit improbitas; atque hinc fit, ut improbi vehementer exhorreant bonorum consortia, quemadmodum è contrario societatem cum sui similibus vehementer exquirunt. Ad eundem sanè modum cum isti, qui reipub., aut familiariter præsidet, bonus, ac iustus fuerit, adiunguntur illi veri, boni, & recti corde; qui autem prauo sunt corde fugiunt ab illius probitate, ab eoque declinant. Quoniam igitur Prælati rectus virtutem sectatur, & odit impietatem, tam in semetipso, quam in alijs proximis, & subditis suis, idcirco non adhaerebunt sibi homines prauis cordis, sed magis elongabuntur ab illo. Iustus verò cum viderit ita à se elongari impios, nunquid dolebit? nunquid illos ad se conabitur allicere? nunquid bladiis ad se inuitabit declinantes? Nequaquam. Sic. n. ait Propheta de cli-

clinantē à me inalignū non cognoscebam. Nā iustorū societatem sicut semper iustus. Prælatas optat, ita peccatorū consortiū, vel amicitia omnino nihili pendit, & à se propter impietatis amorem declinantes, adeo reputat extraneos, ut nolit vel agnoscere. Quantūvis alioqui illorū amicitia grata, aut seruitus comoda fuerit; quicunque tandē, aut quantūvis fuerit, qui ab eo abscesserint, quod ab eo in sua impietate non foueantur, aut tolerantur. Porro verū Prælatum decet, ut si quem videat ad detractiones pronum, ad auferendum, vel imminuēdum bonum nomen proximi, hunc ille redarguat acriter, & seuerē corripiat, hunc illē coruo aspectu, atque etiam increpatorijs verbis cum auctoritate compestuat, non arrideat detrahenti, neque illum foueat, sed contradicendo resistat.

- 7 Quos etiam aduerterit esse superba, & elata mēte, prodente sese foris per oculos mentis interiore elatione, ac quos cōpererit esse corde insatiabili, siue diuitijs per auaritiā, siue honoribus per ambitionē, ab huiusmodi se abstrahat, cum eisq; non ducat familiarem vitam, hos nolit habere domēsticos, neque conuiuas. Verū enim uerō si quempiam vbicunque tandem locorum, aut quocunque tandem genere natum, viderit fidelem; iustum, & bonum; rectē, fideliterq; ex corde sincero commissā sibi peragentem officia, in eo sit sibi bene complacitū, ad eiusmodi homines oculum conijciat, ut eos efferat, & secum confidere faciat, secumq; demorari cogat, & ad mensam suam ut domēsticos, & amicos accumbere compellat, domusq; suæ egregia ministeria, rerumq; gerendarum administrationem committat, superbos autē, calumniatores, & simplicium oppressores, quos tales esse cognouerit, ac deprehenderit, e domo sua expellat, atq; eijsq; neq; patiatur tales impietatis amatores permanere ante oculos suos. Præterea apud probum Prælatum iniqui oblocutores, nec prosperentur, nec illis unquam bene sit, neque gratiam inueniant, ut eos euehat, foueat, aut promoueat, sed contra aduersetur illis, dorumq; se illis ostendat, donec ab impietate desistant. Mox ubi persenserit malum contagiosum alicubi exurgere, maturē admodum curet, ut quantocius malum illud supprimat, vel prorsus auferat, ipsos mali auctores rigide puniat, omnesq; iniquitatis operarios disperdat pro viribus suis, ne si impunitū aliquandiu malum permittat, in peius excreseat, eaq; via abundantia malitiæ inficiatur domini domus, ipsius cultui deputata, & sanctificata. Malum. n. nisi statim rigida punitione extingatur, celeriter increscit, & serpit latissime ab vno in plurimos; proptereaq; cum, qui regi domini præsidet, si Deo placere velit, huic rei vigilantissime intendere necesse est.

8 A mechanicis artibus discat cautus Prælati sui regiminis canone. Mercatori, si probus, integer, commertiorum peritus, sit, si ordine omnia disponat, quid mirum, si omnia optime succedant, atque vtiliter? Imperatorem, virtute, ac magnitudinem animi, diligentiaque præditum, si aciem bene instruxerit, milites in ordine collocauerit, oratione eos accenderit, loca commodiora præoccupauerit, insidias ostium cauerit, exploratores, ac vigilias adhibuerit, nonne victorem existimabis? Agricola, qui operi non parcat, ac sumptui, colonos vrgeat, tempestatibus prænoscat, facile euentum bonum, ac vberem annum, sine astrologia pronosticabitur. Nautam prudentem, qui ex usu flatus aduersos videns, clauum aliò dirigit, cursus diuertit, socios excitat, remis insurgere iubet, periculum euasurum polliceberis. At ciuitati scilicet omnia bona successura, Principum virtus, ac mores, ciuium industria, inculpata iustitia, opportunum consilium, sana remedia, & præter omnia religionis, pietatisque; publicæ diligentia citra dubitationem pollicentur; ad eundem sanè modum prædictorum omnium industriam, solertiam, & sagacitatè summo studio Prælati noster est imitaturus. Non immerito prudentiam draconi serpenti compararunt antiqui, quod is oculis clarioribus, longeque; intuentibus existat præditus, quamobrem custodiendis thesauris præficietur. Ideò Christus benedictus dixit; Estote prudentes, sicut serpentes. Sic animus Prælati prudentis inter tumultus, & pericula rerum humanarum positus, Deo adiuuante, circumspectat omnia, & vndique ingruentia mala præcauet. Ita semper promptus, expeditusque; ad omnes insultus vitandos, tolerandosque; consistat, sicut Athletæ solent, ad certamen brachijs elatis, & toto corpore præparari, nec minus sunt intento animo, ne quid omnino repentinum accidat. Vis ut sumatim dicam? Duorum lapidum naturas Prælati prudens imitetur, factus percutientibus adamas, dissidentibus verò magnes. Hic tandem sisto pedem.

9 Quæ omnia profecto si suum hodie fortirentur vigorem, haud quam tanta ambitione, non tot fauoribus, litibus, vocibus emptitijs, nullis denique tum vitæ, tum animæ periculis ad ecclesiasticam prælaturam plerique anhelarent, & irrumperent. Cum hoc opus sit potius iuxta Pauli sententiam cominandum fidei, integritate; hominibus, qui idonei sint ad docendum, sicuti boni milites Christi laborantes, & sollicitè curantes seipsos probabiles exhibere Deo operarios inconfusibiles, rectè tractantes verbum veritatis. Quandoquidem non nisi qui elegantiorum morum splendore clarescerent, virtuteque; sapientie forent præstantissimi, & qui denique summa eruditione orati essent, ac religionis Christianæ ardentissimi cultores, ad id muneris assumendi essent

essent. Quin & magno studio attendere conuenit largitionis præla-
rarum causas, nimirum si necesse sit, aut utile; ne scilicet videantur
committi munera ijs, quibus non conuenit, ut forinix arma, rustico
libri, aut studijs dedito retia, & asino lira. Quod nec ethnicos quidem
illos naturali tantum ratione donatos latuit, nimirum quod turpissi-
mum genus beneficij sit inconulta donatio, bis enim peccas.

10 Sed quorum tam multa? Ut scilicet & ethnicorum, & celeberrimorum doctorum huc adductis sententijs, illi vigilanter cōtemplentur, quàm longè absint, cum à naturæ lege, tum ab Apost. doctrina, quantumq; sint causa malorum, qui præter meritum ad Christi potius inuadendâ substantiam, quàm ad suas oues pascendas, in domini ouile conijci, intrudicq; non verentur. Vtinam nulli essent Corei, Dathanes, & Abyrones, qui & famulo domini Moyfi obgāniant, & Aaronis munus ambiant. Nam & illi à terra absorpti, descenderunt in infernum viuentes. Vtinam nulli, nisi qui docere possint suę tutelę creditos omnia Dei legitima, & præcepta, quemadmodum à domino fuit quōdam iniunctū Aaron, & filiis suis, huic operi sufficiantur. Vtinā nulli essent filij Hely, filij utique Helyat, nescientes dominum, neque officium sacerdotum. Nulli Ioeles, aut Abiæ, qui declinent pōst auaritiam, accipiant munera, & peruertant iudiciū. Nulliq; contemptores Samuelis, in quos utiq; hæc à domino feratur oratio; non te abiecerunt, sed me, ne regnem super eos. Nulli Saules, qui præter domini præceptum, eiusdemq; Samuelis sacerdotum principis arbitrium, Deo sacrificare præsumant. Nulli fatinorosi Isafones, qui sacerdotium ambientes, corrumpant reges muneribus, & ad gentilem ritum contribules suos transferant. Nulli Heliadori, qui à regibus sibi demandatę prouincię paulò obsequētiores, templo Dominico manus sacrilegas audeāt admoouere. Nulli Dietreptes, qui in Dei Ecclesia cupientes primatum gerere, non contenti sint solum cooperatores veritatis nō recipere, sed & eos, qui illos suscipiūt, prohibeāt, & de ecclesia eijciant, verbis malignis in sanctos garriētēs. Nulli denique, qui teneant doctrinam Balaam, qui docebat Balac mittere scandalum coram filiis Israel, edere, & fornicari. Sed quid tandē isti? Nihil diuinę vltionis pertulerunt? Quemadmodum & ij, qui nūc ad consimilem nequitiam, eorum exemplo feruntur, sunt perlaturi. Quæ omnia tu, qui locos tenes, reuolue, si libet, & facili perpendes negotio, quàm acer sit sui numinis vindex æquus ille rerum moderator, quàmq; efficax ultor religionis contemptor.

11 Ex quibus omnibus constat, quanto iure nostra hæc turbulenta, exul-
cerataq; tempora deplorare possimus. Nam rarus hodie Moses, qui
occidat sacrilegos; rarus Aaron, qui coram Pharaone comminationes

diuinas edicat; rarus Samuel, qui inobedientes lugeat; rarus Phinees, qui perfoediat impudicos; rarus Iob, qui pro filiorum negligentia sacrificium offerat; rarus Noe, qui ijs, quibus summersio imminet, arca bitumine lita provideat, quiuē in tempore iracundiæ fiat reconciliatio, quo tandem reliquæ terræ parcatur, harum quibus indies afficimur calamitatum, inundante Cathaclysmo. Verus. n. pastor habet quoq; gladium spiritus, quo refecet omnia noxia; habet sagittam, qua feriat animos ad compunctionē; habet tubam, qua dormientes expergesciat ad sobrietatē, mortuos excitet ad vitam; habet virgam, & sceptrum, quo imperet, & percutiat inimicos Dei; habet runcinam, qua noxios affectus reuellat; habet venterem, quo demoliatur erigentes se aduersus Ecclesiam Dei; habet sarculum, quo disperdat radicibus, & euellat omnem plantationem diaboli; habet vomerē, quo purget semen euangelicum in cordibus fidelium seminatum; habet trullā cementariā, qua quod disruptum est, instauret; habet sigonem, quo nouellas plantas inserat.

12 Hæc sunt pastorum instrumenta, quodq; Paulus gentium Apostolus in Actis Apost. optimè commune facit, dicens; Attendite vobis, & vniuerso gregi &c. Illud idem dicit princeps Apostolorum Petrus; Pascite qui in vobis est, gregem Dei &c. Vbi quidem ille pastores Domini cgreges instituit, hortaturq; nō solum ad suscepti muneris strenuam, indefessamq; functionem, sed ad sanam quoque doctrinam, vitæq; puritatem, ac sanctimoniam præstandam, quo quisq; apud illos inueniat, quod ad institutionem religionis Christianæ spectat. Quisquis igitur, gubernaculi Ecclesiastici munus appetit, sedulo nitatur, ille, vt sit inspector, ac vigilis insignibus excultus, quæ D. Paulus eos docebat, quos seligendos volebat, cum suo Tito ita scriberet, oportet Episcopum sine crimine esse, &c. Atqui rem gerere Christi, vt est munus longè pulcherrimum, & quo ipsi Deo propius accedimus, ita est perquam difficillimum, ac periculo sissimum, atque inde ad quod suscipiendū formidolosius conari deberemus; siquidem ad id Christi charitate, atque gratia, diuino verbo pascendarum suarum ouium, potius quàm opum ambitione, & appetitu duceremur. Eum quippè, qui regendos alios suscipit, tanta decet gloria virtutis excellere, vt instar Solis, ceteros veluti stellarum igniculos in suo fulgore obscureret.

De vtilibus documentis à Rectore obseruandis. Confid. ij.

1



OCUMENTA autem quædam ex grauissimorum authorum scriptis excerpta, sunt in regimine monastico à Rectore, seu Præside obseruandis; quæ nō mediocrē comoditatē sunt allatura. Primū illud est cōsultatione, atq; cōsilio Rectori opus esse. Quia. n. difficilli-


difficillima plerūq; est veri cognitio, idq; cū magis & deprehēdisse, & tenere arbitramur, tū grauius labimur, atque decipimur: monendus est Rector, ne sibi ipsi plurimū credat, suiq; ingenij sit amator immodicus: sed aliorū consilia querat, & ea amet, non minus quā sua. Libenter audiat, nec tamen faciliē credat; emendari non irascatur, cōfirmari gaudeat: falluntur qui putant vel naturam sibi, vel studia ad non errandū posse sufficere. Non est semper in officio sensus, & offunditur faciliē lumen ingenij, ignorantiz vndique circumfusa caligine. Quandoque. n. bonus dormitat Homerus. Verumq; est Prophetz nostri in extasi dictum, Omnis homo mendax. Solius. n. Dei semper est sapere, in nulloq; vel errare, vel labi. At hominis est cum ignoratione habere scientiā, & præsentiū sibi obliterari prætērita. Itaque quoniam humana cognitio incerta sapissimē est, vanitatq; subiecta, orandus nobis est Deus more Daudico Psal. 16. De vultu tuo iudiciū meū prodeat, oculi tui videant æquitatem. Et fidelissimo consilio vtendum Apost. Iacobi. 1. cap. Si quis indiget sapientia, postulet à Deo: qui dat omnibus affluenter: postulet autem in fide nihil hæsītans. Hinc. n. D. noster Aurelius omnes disciplinas, quas liberales vocant; immortalis prouidentiz dono, nemine tradente percepit. Vt ipse in confessionibus commemorat.

2. Secundum documentum. Cauendum & illud ne Rector personarū acceptor existat: vt cum æquabile ius vniuersis esse debeat, potentior imbecillo, diues inopi, patritius plebio anteponatur; quod peccandi genus periniquum est, & diuinæ legi repugnans, quæ in Deuter. cap. 1. & 16. præcipit. Quod iustum est, iudicate, siue ciuis sit, siue peregrinus: nulla erit distantia personarum, ita paruum audietis, vt magnum. Ex quo pulchrē iudicem, aiunt; Ius spirans, legemq; loquentem. Sed quāta est maiestas iuris, & reuerentia legum, tanta sit fides, & constantia iudicis, eo quidem pacto, vt sine delectu ius cuique exhibeat, nec ad gentiliū, charorumq; commoda, nodosas leges pertrahat. Caueatq; prudenter, ne in se contorqueatur illud; dat veniam coruis, vexat censura columbas.


3. Simul videndum, & tibi ò bone Præsul, ne blandimētis, & adulationibus veluti Sirenum cantu improuidus capiare. Tantus est. n. amor iste rumoris, & laudis, etiam falsæ, vt iam homines noxia assentatorum blandimēta non à conspectu propulsent. Sed vltro prouocēt præmijs, atque muneribus. Odiosus, immittis, capitalisq; habeatur, qui adulari, inflareq; non didicit: quocirca quisquis primorem adit, primū cōgitat dulci hac, molliq; fraude illius animum delinire: quod genus veneni mox leues non solum capit, sed ita dementat, vt fidem nullo qui-

dem modo habere queant, nisi palpantibus, atque fallentibus: quibus & sæpe captati, tantò quidem postea ludibrio hunt; vt illi ipsi, qui ita præstigiant, atque ludificant, corrugato oris rictu, protensaue lingua, post eos denique cachinnum extollant: quare si quignationes, aut captatores id imprudentius conabuntur, non erit tibi alenda adulationis audiendi patientia, sed obijcienda in eos, quasi clypeus obinrgatio, vt intelligant telum regredi in lapidem missum.

4. Suspicionibus verò nisi illis quidem violētis, & maximis videto nequid temerè etiam agas. Benigna potius vtere rerum existimatione, & veritatem ipsam excute grauitate, atque prudentia. Quæ quidem virtus gubernatori est maximè propria; perniciosa cōtra res est, & interdum exitij, ac cruoris plena, grauis, ac profunda suspicio, quæ ei vel natura indita est, vel coaluit consuetudinis prauitate: quæ quibus dominata est, sæpe miseros fecit, & lachrymas impulit, sine vllò tandem pœnitentiæ fructu. Itaque periclitari, vt mihi videtur, humana omnia facile possunt: vbi quantum suspitio animum concitat, tantas ad nocendum vires fortuna concedit. Incidunt tamen suspiciones interdū tam graues, ac violentæ, vt ab ijs deduci etiam iudicium liceat, iuxta peritissimorum virorum sententiam, qua in re ipsi consulendi sunt.

 Hic in suspicionibus modus habendus esse mihi videtur, in quo vt fides, & bonitas Prælati exquiritur, ita solertia desideranda vtique est, atque sagacitas.

5. Iram quoq; & acerbitem animi, quæ nec rationem audit, & quod tetrius est, se nō audire, nec intelligit, acturus aliquid, vel dicturus tantquam naufragium deuicta. Nullus est. n. impetus acrior, atq; celerior, & qui suo æstu tam facile hominem ad insaniam rapiat. Quocirca Se-

 nec illud verissimum mihi esse videtur. Cetera vitia impellunt animum, ira præcipitat. Cum qua nimirum nihil rectè fieri, nihil considerari potest. Sed quoniam difficillimum est ad iniurias non efferuescere, & per tactum animo non commoueri: Si quando irascatur Prælati, idem obseruet, ne id quidem committat vllò animi morbo, sed vitiorum odio duntaxat. Non homini, sed culpæ succenscat: nec grauis sit, & inflexibilis huiusmodi ira, sed quæ citò mitescat, & veniam facile præstet. His adauge, quod sæpe seditiosorum hominum tumultus Præpositorum mentem taceant, suiq; Ordinis limitem inordinatis motibus excedunt. Testesq; Greg. lib. 20. Moral. cap. 28. plerumque qui Præsunt, nisi in ore cordis, Spiritus Sancti freno teneantur, in iratæ retributionis atrocitatem prosiliunt, quantumq; prævalent agere, tantum in sibi subditis existimant licere. Amica etenim potestati penè semper impatientia est, & quod ipsa sentit, potestas exequitur.

6 Prudens etiam Prælatus crudelitatem in subditos, tanquā pestem fugiat: multi quidem cū regiminis iura suscipiunt, ad lacerandos subditos inardescunt, & errorem potestatis exhibēt, & quibus prodesse debuerant, nocent. Sanē quia charitatis viscera non habent, domini videri appetunt, patres se esse minimē recognoscunt. Humilitatis locum in elationem dominationis immutant; & si quando extrinsecus blandiuntur intrinsecus sæuiunt. De quibus Matth. 7. veritas dicit: Veniunt ad vos in vestimentis ouium, intrinsecus autem sunt lupi rapaces. Contra quæ omnia considerandum Prælatis est, eos vt agnos inter lupos mitti. Vt sensum seruantes innocentiz, morsum malitiz non habeant. Qui n. locū regiminis suscipit, mala inferre non debet, sed tolerare: vt ex ipsa sua mansuetudine irā sæuientium mitiget, & peccatorū vulnera in alijs ipse afflictionibus vulneratus sanet. Quē & si quando zelus rectitudinis exigit, vt erga subiectos sæuiat, rigor ille ab amore, non à crudelitate iuxta disciplinz iura foras progredia-
 tur: intus tamen interim paterna pietate diligit, quos foris castigat. Quod tunc verē Rector exhibet, cū seipsum amore priuato diligere nescit: cū nulla, quæ mundi sunt, appetit: cū terrenæ cupiditatis oneribus nequaquam mentis colla supponit, vt attestatur Gregorius homilia 17. in Euangelia.

7 Sunt rursus quattuor illa notissima prauitatum genera, quibus in ecclesiasticis gubernaculis crebrō peccatur: hisq; adeo insidēt, vt iā faci-
 lius reprehēdi, quā dimoueri queāt. Cupiditas, timor, amor, & odiū. Quo circa non modo tibi, o Præses, aduersus ea muniendus animus, erit, sed abhorrendum magis, quā ab omni flagitio, dedecore, supplicio, atque etiam morte quidem ipsa. Qui n. cupiditati seruit, & lueris inhiat, cuiusq; in promptu est manus ad munera: hic certē quisq; ille est, & fidem, & libertatem, & iusticiam, fasq; & honestum prostituat, & animam denique venalem habeat oportet. Hi n. non quod honestum, sed quod commodum est, metiuntur, & cum emolumentis recta comparant. In Deuter. legimus; Maledictus, qui accipit munera. Et in Esa. cap. 5. Væ, qui iudicatis impium pro muneribus. Secundo autem loco sic præparandus animus erit, & vt ita dixerim, fortitudinis clypeo, armisq; constantiz protegendus: vt nullus cum exagitet metus, nulla potentia tremefaciat. Non præsentibus, aut impendentibus malis, ceu exilio, paupertate, ignominia, criminationibus, odijs, non denique ipsa proposita, & ostensa ante oculos morte iusticiam deserat, aut sanctas leges violet. Quod si sic interdum demersæ erunt leges, & perturbata iudicia, vt nequeas vlla ratione magistratus exequi munus, certē cauto, ne metu, ac pauore quicquam tentes

iniuste. Aliud est, n. prodesse non posse: aliud per timiditatem, & ignorantiam iniqua committere. Veruntamen ne metuas uniuersa, quæ teritant. Sed animo sis semper inuictus, ea quæ accidere possunt, sapè præmeditans. At uerò quod sequitur, si quis tam mollis, & effeminatus extiterit, ut carni, & sanguini, idest suis, uel propinquis, uel amicis, uel ciuibus sic afficiatur, ut arbitretur eorum causa officium, & dignitatem optinè, & æquisinè uiri relaxandam, hi dirimunt communent humani generis societatem, qua sublata libertas, beneficentia, bonitas, iustitia funditus tollitur. Hæc, n. lex iræpicicia sancitur, ut ab amicis honesta petamus: simul & rogari, amicorum causa honesta faciamus. Depone igitur amici personam, & sanguinis; & indue iudicis, qui nihil est aliud, quam ius loquens, & animatus: aut si quo mouearis affectu, propensior in misericordiam, & benignitatem esto. Ceterum qui haberi dignus magistratur, & boni uiri nomen, ac sapientis specimen præ se ferre contendet, nō modò non erit odij tenax, neque animo refricabit iniurias, sed eximia usque adeo bonitate pollebit, ut etiā deditus esse charitati ijs uideatur, qui intulerunt iniuriam. Hæc, n. incompabilis animi uirtus, & celsitudo, quam heroicam, atque diuinam, & Oratores, & Philosophi uocant, si seruanda erga ceteros est, quātō utique magis inter collegas, qui tecum uitam religiosam ducunt, quibus uiam esse mentem, uiam animam, unum officium, & speciem laudis omnino conueniat.


8. Illud denique plurimum asserre adiumenti ad totam uitam, hoc est publicam, atque priuatam mihi sanè uidetur: ut probatissimorum hominum societatem, usumq; teneamus: quæ, n. præclara uel leguntur, uel audiuntur uirtutem exempla, ipsa quidem etiam mouent, & incendant, & generosis calcar ingenijs figunt; sed quæ conspicimus, longè actius ad præcordia penetrant; & uolenter quodammodo trahunt, ut altera sceminea uis, altera mascula iure dicatur. Sed ita hodie se res habent, ut bonitas, pietas, ueritas, & charitas ad astra migrauerint. At uerò tunc ex rarissimis, & seniores quospiam delige, quibus inhaereas, & quos uerearis, & pene metuas; quosque eorum quæ agis, arbitros habeas, & eorum quæ acturus es, sint rectores, atque magistri.

9. Superest aliud, quod tibi desiderè præclarius, ut inter collegas cōsulendo, atq; agendo, teneas animum liberum, & pro ueritate semper intrepidum. Sunt quibus iniqua displiceant, nec peccet, si vitium uiderint. Qui idē ceteris tū delinquentibus, morosi ne habeantur, ad eorū errata, conuiueant, sibi ipsi applaudentes interdum de æquiore conscientia, potioreq; uirtute. Quia moti si ipsi opere proprio non peccent, dissimulantes tamen aliorum peccata nec latrantes, ubi se uiderint profu-

turos, communicati, & iustitiæ impiæ obsunt. Iam quidem bonus pro honestate ferè loquitur nemo, ne veluti publicus habeatur hostis, vel ut hypocrita exhibeatur. Hanc tamen sinceritatem, hanc & animi libertatem eum habere cõuenit, qui sit in gubernatione monastica magnus, quæ ecclesiasticum magistratum gerit.

10 Potissimum autem, & omnium maximum est in regimine, ut cum satisfeceris ceteris omnibus, tibi ipsi non desis. Est quidem insulsus, atque ridiculus, qui curans utilitatem alienam, suam deserit: & alios ad iustitiam dirigens, sibi ipsi existit iniustus: qui. n. vel obiurgat, vel prohibet, vel animaduertit in alium, quod continuo ipse committit, estq; ut veteri Prou. dicitur: Intus Nero: foris Cato. Nonne occultus hic est contra seensor, & conscientie sue tacitus accusator? sanè habens damnationem, & interitum, suis iam legibus iudicatus? sanè ratio exigit, ut se primū contineat, qui alios continet: nec in eo peccet, in quo peccantes alios punit; Clarusq; sit rebus ipsis, non vocibus faciat, quàm præcipiat. Tu igitur, optime Præses, quidquid egeris, à virtute deducito. Nec vento laudis humanæ ad ea mouearis, quæ diximus obeunda: pluris hominum, quàm Dei oculos faciens. Difficile quippe erit, ut rectè, & constanter aliquid agas, ubi pendere à fauore multitudinis ceperis. Demum regulam Gregorianam. 2. par. pastoralis. c. 10. mente teneto. Nōnulla. n. peccata apertè cognita, sunt à Prælato maturè tollēda, aliqua dissimulāda, aliqua subtiliter, & occultè pseruēda, aliqua vehemēter increpāda, aliqua leniter arguēda.

De mutua patientia à Prælato, & subditis custodienda. Confid. iij.

1  A M E T S I. authore August. lib. de patientia, illa animi virtus, quæ patientia nuncupatur, adeò magnum Dei donum est, ut etiam ipsius, qui nobis eam largitur, patientia prædicetur, aduersariam tamen tetram habet seculi tristitiam, qua nonnunquàm impeditur ad præclara bona virtutum adipiscenda, id quod Pau. 2. ad Cor. 7. insinuat, dū ait; Seculi tristitia mortem operatur. Cui & Sapiens Eccl. 30. suffragatur, dicens; Multos occidit tristitia, & non est utilitas in illa. Quamobrem, doctore D. Tho. 2. 2. q. 136. art. 1. necesse fuit aliquam constituere virtutem, quæ bonū rationis & conseruaret, & tueretur aduersus malignantē tristitiam, ne vnquàm ratio tristitiæ succumberet. Hoc igitur est utilissimum patientiæ munus. Ea. n. est, ut censuit Aug. loco citato, qua mala æquo animo toleramus, idq; sine perturbatione à tristitia subministrata, ne vilo loco, aut tempore, animo iniquo bona deseramus, per quæ ad meliora proficisci, & peruenire possumus.

2 Triplex autem existit patientiæ gradus. Infimus nanq; gradus est eorum, qui aduersa toleratu leuia patiēter ferunt, vbi aduenerint; nōdum tamen eo peruenerunt, vt grauiora ferre sint parati pro iustitia. Qui. n. prorsus nulla ferre cum patientia sustinēt, perspicuum est eos, vt prorsus mundanos, & carnales extra iustitiam esse. Secundus est gradus eorum, qui non leuia tantum, verum etiam quantumuis graua, vbi aduenerint, sustinent patienter, potiusquā iustitiam, & veritatē deferant; veruntamen pāsiones, & toleratu difficilia horrent, neque appetunt, mālentq;, absque tribulatione prorsus vitam agere; & ferunt quidem, facientes, quod dici solet, ex necessitate virtutem; Nōdum tamen eo perfectionis venerunt, vt afflictionem, vel ipsi ultropeam assumere, vel à Deo postulare velint. Tertius verò gradus est eorum, qui non solum ea, quæ accidunt, quadam necessitate cogente, voluntariē perferunt, verum etiam in tribulationibus gaudere, easq; secundum Dei voluntatem exoptare, & concupiscere didicerunt. Tales legimus beatissimos Apostolos, qui ibant gaudentes à conspectu Concilij, quod digni essent pro Christi nomine contumeliā pati. Act. 5. qui docuerunt in tribulationibus gloriandum; & omne gaudiū existimandum, cum in tentationes varias incideremus. Talem in actibus Lucas describit Paul. cap. 21. qui rogatus obnixē à fratribus, ne Hierosolymam ascenderet, vbi tribulationes, & vincula per omnes ecclesias illi Spiritus prædicebat, nequaquam consensit. Talis erat præclarus martyr Ignatius, vt ipse ait in epist. ad Rom. qui eos obtestabatur, ne suam pāsionem impedirent, cupiens Christi frumentum dentibus moli bestiarum, & cum eis felicem depugnare pugnam. Talis quoq; erat Psaltes, qui dicebat, Psal. 25, Proba me Domine, & tenta me, vre renes meos, & cor meum.

3 Hæc præclara sanctorum Patrum documenta eo protulerim, vt & prælatus, & subditi in Religione cœlestem militiam exercentes, mutua charitate, reciproq; patientia in se inuicem & vtantur, & se cōfoueant. Alioqui. n. futurū est, vt Religio sacra, quæ & suauissima est, & bonorū operū fecundissima, in amaritudinē conuertatur, sterilisq; fiat. Tales. n. nos erga nos ipsos esse cōuenit, cupiētes videlicet, quātum ex Dei volūtate fuerit, & quātum ipse nobis expedire viderit, modis sibi placitis probari, & vri; vt cum Aug. dicamus; Hic vre Domine, hic seca, vt illic parcas. Quamuis. n. Aug. hoc, quem interpretamur loco Prælatus commōnefaciat, vt patiens sit erga vniuersos subditos; subditos tamen à retinenda erga suum Prælatum patientia non exclusit. Nam si Prælatus patientē esse oportet, subditum profectò potiori iure magna patientia munitū, præditumq; esse necesse est. Hæc igitur de causa

4 - vtilissimū de pulcherrima patiētia sermonē protrahere, nō grauabor. Ea est patientiæ vis, vt faciat arborem sapientiæ accrescere, & monastica Religionis fructus maturefcere. Per disciplinā quidem Religionis virtus floret, producens spem futuræ retributionis, pulchritudinem laudabilium operum, & odorem bonæ opinionis, laudatq; famæ. Proinde quisquis virtutis vacuus, bonum opus in oculis hominū, vel apud Deum non exhibet, velut arbor est, quæ sine fructu floret; fructus autem ipsi virtutum per patientiam, congruam maturitatem accipiunt. Inchoata virtus, nisi ad finem perducatur non prodest. Proptereaq; quisquis virtutem inchoat, quasi quēdā in se bonitatis fructum format. Quod si verō virtutem inchoatam ante finem relinquit, velut immaturus, esuiq; ineptus ante tempus fructus excidit. Apprehende arma, & scutum, & exurge in adiutorium mihi, cecinit Dauid Psal. 34. armis pugnamus, scuto contegimur. Mundus. n. contra electos duobus modis dimicat; Verbo videlicet, & gladio: verbū falsitatis per sapientiā expugnamus; Gladio autem aduersitatis resistimus per patientiam. In sapientiā igitur accipimus arma, scutum verō in patientia. Diuinum igitur est patientiæ scutum, & Dei donū, qui nos pugnātoros aduersus hostes armat, sine quo donis eius vt ad salutem non valemus. Quare impatientes iure censebimur, si facile a bono recedimus, vel cum murmure bonum aliquod operamur.

5 Admirabili quodam patientiæ amore captus tenebatur inclytus ille Cyprianus martyr in suo tract. de bono patiētiæ, vbi non absq; ingenti dulcedine, vtilitates eius, & commoda prædicat. Nec inuenio, inquit, inter ceteras cœlestis disciplinæ vias, quid sit vel vtilius ad vitam, vel malus ad gloriā, quā vt patientiam maximē tota obseruatione tueamur. Nos ergo patientiam, quā magisterijs cœlestibus discimus, obsequijs spiritualibus præbeamus. Est. n. nobis cum Deo virtus ista communis: inde patientia incipit, inde claritas eius, & dignitas caput sumit. Origo, & magnitudo patientiæ Deo auctore procedit. Diligenda res homini, quæ Deo chara est: bonum quod amat, maiestas diuina commendat. Si dominus nobis & pater, & Deus est, sedemur patientiam domini, pariter & patris; quia & seruōs oportet esse obsequentes, & filios non decet esse degeneres. Patiētia est, quæ nos Deo & commendat, & seruat; ipsa est, quæ iram temperat, quæ linguam frenat, quæ mentem gubernat, pacem custodit, disciplinā regit, libidinis impetum frangit, timoris violentiam comprimit, incendium similitatis extinguit, coercet potentiam diuitum, inopiam pauperū refouet, tuetur in virginibus beatam integritatem, in viduis laboriosam castitatē, in coniunctis, & maritatis indiuiduam charitatē, facit humiles in

prosperis, in aduersis fortes, contra iniurias, & contumelias mites; docet delinquentibus citò ignoscere; si ipse delinquas, diu & multum rogare; tentationes expugnat, persecutiones tolerat; passionibus, & martyria consumat; ipsa est, quæ fidei nostræ fundamenta firmiter quærit;

- 6 Audi Christum concionantem Luc. 21. In patientia vestra possidebitis animas vestras. Idcirco autem possessio animæ in virtute collocatur patientiæ, quod radix omnium, custosq; virtutum patientia affertur. Dum innumera penè virtutum obstacula propellit. Per patientiam verò, ut inquit Gregorius, possidemus animas nostras; quia, cum nobis ipsis dominari discimus, hoc ipsum incipimus possidere, quod sumus. Patientia verò est, aliena mala æquo animo perpeti, contra eum quoque, qui mala irrogat, nullo dolore moueri. Noli vinci à malo, ait Paulus, sed vince in bono malum. Qui. n. proximi mala sic fert, ut tamen tacitus doleat, tempusq; dignæ retributionis querat, patientiam non exhibet, sed ostendit. Scriptum nanque est; Charitas patiens est, benigna est. Patiens quidem est, ut aliena mala toleret. Benigna verò est, ut ipsos etiam, quos portat, amet. Virtus ergo veræ patientiæ est celsitudo charitatis, & tunc quisq; in virtute patientia, quæ copiosa, & multiplex, non angusto sine concluditur, nec breuib; terminis coercetur, dilatur, cum ejus animus inimici odio nec obfuscatur, nec defædatur. Latissimè nanque patet patientiæ virtus, & vbertas ejus, ac largitas de vnius quidem nominis fonte profisciscitur: sed exundantibus venis, permulta gloriarum itinera diffunditur, & porrigitur. Imò ipsa est, quæ fidei nostræ fundamenta firmiter iacit; ipsa est, quæ incrementa spei sublimiter prouehit; ipsa ætiam vitam suo munimine protegit, & contemplationis oculum subtiliter exacuit. Ipsa est, quæ ferrem totius voluptatis abstergit; ipsa est, quæ limpidas animas reddit, & ad illa præmia futura componit: per ipsam Christo militamus, diabolum vincimus, & ad cælorum regna peruenimus.

- 7 Ex ipsa autem propriæ voluntatis abnegatione, præsertim in viro Religioso; patientia oritur, quæ omnem aduersitatem, & omnium persecutionum, ac contumeliarum perturbationem magna animi hilaritate ferre potest. Patientia quippe quasi pacis opus dicitur, cum sine hac nemo veram pacem habere queat. Ipsa nimirum ægritudinū omnium vera medicina est. Quamlibet. n. caro diuersis afficiatur cruciatibus, spiritus tamen verè patiens, in sua quiete, & tranquillitate incolumis perseverat. Nam non modicum etiam dolores, ac pœnas corporis mitigat, & alleviat. Quanto. n. quisque in anima impatientior, magisq; inuoluntarius est, tantò & in corpore amplius discruciat. Si quis igitur virtute patientiæ plurimum abundaret, atque polleret,

iste vel in maxima persecutione, & contumelia constitutus, maiori gaudio, diuinioreq; sapore persequeretur. Pro eterno siquidem Dei honore etiam aduersa quælibet ei perplacent, sapiuntq;.

8 Reuera si Sanctorum grauissimas libet afflictiones inspicere, non solum patienti, sed gaudenti etiam animo aduersa quæcunque sustinere mus, considerantes: quoniam ipsi modo maximis poenis, angustijsq; cincti, atque compressi, mirifice exultauerint. Nonne gloriosissimus Christi Apost. Andreas, visa cruce, in quo suspendendus erat, in hæc verba prorupit? Salue crux, quæ in Christi corpore dedicata es, & ex membris eius tanquam margaritis ornata, gaudens venio ad te, vt & tu exultans, suscipias me, accipiens me ab hominibus, & reddes me magistro meo. Item S. Vincentius in grauissimis doloribus constitutus, ita subridens, iudicem alloquebatur; Insuperge miser, & toto malignitatis spiritu debacchare; videbis me Dei virtute plus posse, dū torqueor, quam te posse, qui torques. Quo. n. putas te grauius irasci, comelius mihi incipis misereri.

9 Plane si, & nos verè patientes essemus, nihil nobis magis ex usu nostro esse posset, quam vt omnes nos persequerentur, despicerentq; ; Et quo tunc nobis alij plura inferrent mala, eo nobis profectò vtiliores, benignioresq; forent. Enimuerò nihil vtiq; quam, quamlibet paruum, pro Dei honore patimur, quod nobis longe vtilius non sit, quam si totius mundi domino potiremur. Quamlibet. n. exiguum sit, quod ad Dei perpetuam gloriã, pro illo tamè non minus nobis, quam seipsum Deus retribuet, reddetq; . Si igitur Sanctos quosque considerare velimus, quanta videlicet ipsi pro Deo perpessi sunt, quantaten, sicuti & nos fragiles homines fuere; maius domini abbreviata non est, quæ idem nobis, quod & illis auxilium gratiæ suæ impenderet. Merito ergo confundimur, quod nisi difficile nec possumus, nec volumus quicquam pro Deo sustinere, qui non minus nunc nobis, quam olim illis, potens est, & paratus auxiliari. Ceterum quando acerbissimam Christi passionem, mortemq; ignominiosissimam consideramus, ex ipsis magis, quam ex alio cuiuspiam exemplo ad patientiam roboramur, inflammamur, & accendimur. Nec solum copiosum nobis pro aduersitatum tolerantia parabit præmium, & coronam; sed & suæ nobis passionis vberissimum fructum largietur. Vera ergo patientia nos communiãmas; sic. n. fiet, vt neque rerum temporalium amissio, neque propiniorum, charorum, affinis extinctio, neque infirmitas, neq; ignominia, neque mors, neque vita, neque ipse demon nos contristare possit.

Orat Deum Augustinus pro perfecta obseruatione Regulæ

Cap. xxvj.

¶ *Donec* dominus, vt obseruetis hæc omnia, tãquàm spiritualis pulchritudinis amatores, & bono Christi odore de bona conuersatione fragrantés: non sicut serui sub lege, sed sicut liberi sub gratia constituti.

ENARRATIO.



VEMADMODVM qui in agro semen purũ seminarunt, si illud operire grauarentur, volucres statim diriperent, & deuorarent: ita quidem & illi, qui in agro sui cordis semina verbi Dei pfallendo, legendo, aut concionando, aspergunt, nisi postea orando in corde concluderint, & quodammodo consepelierint, venientes volucres mundanarum cogitationum arripiunt, quod in corde seminatum fuit, atque disperdunt. Idcirco post lectionem rerum sanctarum orandus est Deus, vt virtus, sui verbi maneat in corde, & fructus spiritualis crescat in operatione. Hanc methodum accuratè admodum Aug. hic obseruat. Post semina tam. n. promulgatamq; sanctam Regulam, Deum enixè orat pro exacta, integra, perfectaq; suæ Regulæ obseruatione. Tu interim obserua præstantem Augustiniani animi zelum, & ardorem, quo totus inflammatus vniuersos Canonicos Regulares religiosissimos esse voluit, atq; etiam percipiuit. Tunc verò apud Augustinum peruigiles Regulæ obseruatores esse existimabimur, si spiritualis pulchritudinis, idest virtutum ornatus amantissimi fuerimus, suauemq; studiosè vitæ actû odorè apud Christianũ populũ emisierimus, Regulam custodientes; non timore duntaxat serui, sed filiali amore, & gratia diuina mirificè præditi.

- 2 Vtinam in nos non torqueatur Hierem. 2. cap. reprehensio illa. A seculo confregisti iugũ meum, rupisti vincula, & dixisti, non seruiam. Consideranda quidem est promissionis obligatio, quam regulari professione contraxisti. Qui. n. promittit, & non reddit, ipse sibi laqueum mortis præparat. Alioqui etiam hypocrisis carbone iure notaberis. Quid. n. tibi prodest nomen, vel habitus Religionis, si Religionis opera desunt? Ait. n. Ambrosius, quòd sumus professione, actione potius, quàm nomine demonstremus, vt sibi inuicem & nomẽ, & actio respondeant. Præterea Eccl. 36. sic legimus; Vbi non est sepes, diripietur possessio. Cum ergo obseruantix regulares, quasi sepes sint Religionis,

profe-

profectò consequitur ex earum dissipatione, omnium bonorum spiri-
tualium direptio: Deinde qui Augustinianam Regulam eludunt, per
similes quidem mihi videntur Davidis statug, in qua præter vestes, &
caprarum pelles nihil est inventum. 1. Reg. 19. Qua tandem illusum
est regi Sauli, etiam indignanti. Nū illusio non est, si in Religione ni-
hil præter habitum inueneris? Intimo igitur corde dolebis, cum Reli-
gionem ab antiquo statu tam grauitè corruisse, tacitus mente perlu-
straueris. Maiori quoque dolore afficeris, si Religionem ad paradisu
coelestem viam esse intellexeris, quā qui dissipant, eam obstruunt san-
ctū iter factoris: dissipatæ sunt viæ, cessauit transiens per eā, ait Esai.
34. & Tren. 2. scribitur; Plausuerunt super te manibus omnes trāseun-
tes per viā. Sibilaerunt, & mouerūt capita sua super te, filia Hierusalē.
3 - Spiritualem animæ pulchritudinem D. Grego. graphice depingit
lib. 35. moral. cap. 23. Priusquā ad nuptiarum thalamū sponsa per-
ueniat, omnem à se vitæ fœditatem respuit, & sponsi amorī præparās
se, se per species virtutum comit. Studet quippè internī arbitri iudicio
placere: & intimis desiderijs subleuata, fœdos mores conuersationis
humanæ transcendere. Electorum quippè animæ omne humanum ge-
nus, quod in terra secundum hominem conuersatur, suæ pulchritudi-
nis decore transcendunt, quantoq; se exterius affligendo despiciunt,
tantò se verius intus cōponunt. Hinc est. n. quod sanctæ Ecclesiæ, quæ
electorum pulchritudine decoratur, Psal. 44. dicitur: Concupiuit rex
speciem tuam. Subditur etiam: Omnis gloria eius filiz regum ab in-
tus. Nam si foris gloriam quæreret: intus speciem, quam rex concu-
pisceret, non haberet. Sunt itaq; non pauci, qui virtutum decore ful-
geant, atque ipsa viuendi perfectione ceterorum merita excedant. Itē
Cant. 1. scribitur eadem animæ pulchritudo. Nigra sum, sed formo-
sa. Nigram quippè, & formosam sancta anima se aptè nuncupat: quia
semper, & turpitudinem peccatorum suorum perspicit, & tamen illius
iusticiæ, quam in intimis videt, in exterioribus actibus secum solerter
formam gerit. Ecce tu pulchra es amica mea, ecce tu pulchra, oculi
tui columbarum. Bis pulchram sponsus sponsam suam vocat: Quia
cui dilectionem Dei, & proximi donat; geminam pulchritudinem
ei inserit, quæ delectatit, & quam laudat. Cuius oculi benè colum-
barum esse perhibentur: quia dum in temporalibus gemit, & ad æter-
na desideria rapitur, in simplicitate sensus suos custodit, & carnales
concupiscentias detestatur. Columba enim in amore pro cantu ge-
mit. Surge, propera amica mea, columba mea, formosa mea, & ve-
ni: propter fidem Christus sponsam suam amicam vocat; columbam
propter simplicitatem; formosam, propter operationem: quia dum
præte-

præteritæ vitæ peccata per bona opera redimit, quasi antiquam turpitudinem, assumpta forma meliori, ante sponsi oculos abscondit. Hæc itaque hortatur sponsus, ut surgat & veniat. Dignum namque est, ut quicumque ad amorem Christi properat, carnis torporem, quantum potest, abijciat, & se ad æterna consequenda celeriter accingat. Hanc itaque animæ pulchritudinem Aug. nobis vehementer optavit. Noster. n. vniuscuiusque animæ, inquit David, Psal. 44. Audi filia, quod est obedientiæ. Inclina aurem tuam, quod est humilitatis. Et obliuiscere populum tuum: quod est extinctionis carnalis affectus: quæ omnia nihil aliud, quam virtutem personant. Et sequitur: & concupiscet rex decorem tuum.

4 Rursus, expendamus columbarum oculos: speciali. n. ratione ab oculorum pulchritudine commendatur anima, Christi sponsa, eo quod oculos habeat, non vulpinos, non lupinos, non vulturinos, sed columbinos, quibus quod significetur, facile ex eo intelligimus, quod Saluator, Mar. 10. suis precepit, dicens: Estote prudentes, sicut serpentes, & simplices sicut colubæ. Et Mar. 6. inter oculum simplicem, & nequam distinguens, ait: Si oculus tuus simplex fuerit, totum corpus tuum lucidum erit. Si autem oculus tuus fuerit nequam, totum corpus tuum tenebrosum erit. Commendat ergo Christus sponsam suam, religiosam animam in hoc, quod oculus habeat simplicem; id est intentionem puram, & sinceram erga sponsum Christum, ipsum videlicet solum spectans in omnibus, quæ agit; ad illum totam mentis intentionem sollicitè semper dirigens. Hoc. n. in columbarum oculis peculiariter consideratur, quod totæ in id desiguntur, quod fortè aspiciunt; ut manifestè videri possit, quorsum visus sui aciem dirigunt. Aliorum autem animalium nonnulla girouagos habent oculos, aut duplices, & simulatos: quemadmodum vulpes, quæ cum videantur huc respicere, illuc aciem dirigunt; ut cum terram videntur respicere inferne, ex obliquo tamen sursum, vel ad latera oculorum aciem dirigunt, prædā circumspectando, quam rapiunt. Sic multorum sunt oculi, qui videntur quidem querere Deum secundum exteriorem apparentiam, verè tamen ex cordis intentione eum non querunt, sed ad alia intendunt, ad proprium scilicet commodum, vel honorem, vel aliquid huiusmodi. Non tales oculos habet sponsa, viri fideles non sic duplices, & obliquos habent oculos. Oculos habent columbarum, oculos simplices ad solum Christum conuersos, ipsum in omnibus spectantes. Legimus etiam Matt. 20. de oculo malo inuidiæ, dicente patrefamilias in euangelica parabola, ad inuidum, & murmuratorem operarium; An oculus tuus nequam est, quia ego bonus sum? & Saluator, Marc. 9. in enumerandis vitijs, quæ ex corde procedunt,

cedunt, oculū malum eum reliquis adiungit: tales oculos non habet sponsa. Non est enim inuida, non querula aduersus aliorum bona, non damna aliorum desiderat, imò gaudet eum gaudentibus; & flet eum flentibus, ad Rom. 12. gaudet super alienis bonis vt super proprijs, dolet de malis alienis vt de proprijs, quemadmodū ille dicebat: Quis scandalizatur, & ego non vror 2. ad Cor. 11. Et rursum; Gaudiū meum gaudium vestrum est 2. ad Cor. 1. Est ergo oculus sponsæ his rationibus oculus columbæ, quia simplicem habet intentionem, quā solū Deum aspicit, ipsi soli placere studens, pura fide, & sincera charitatis affectione, & propensione in illum assidue tendens: in aliorum quoque profectibus simplici animo congaudens, & quantum in se est, omnium bonum, & salutem quærens, ac promouens: Est autem hæc commendatio latior, quā prima faciæ videatur: parū. n. videtur commendari tantū ab oculis. Veruntamen si illud exatius consideremus, quod supra dictum est, iuxta sententiam euangelicam, ex oculo simplici totum corpus lucidum argui, manifestè licebit: quemadmodum in oculorum commendatione, eorumq; pulchritudinis laude, corpus ipsum totum, & omnes eius partes tacite cōmendentur.

Odorem quoque bonorum operum, laudatq; exultationis nobis desiderat Augustinus: contra vero vitiorum turpitudinem execratur: vt. n. bonus odor ex virtute est, Paulo attestante, qui ait 2. ad Cor. 2. Odorē notitię suę manifestat per nos in omni loco, quia Christi bonus odor sumus Deo; ita ex aduerso fœtor ex vitio. Radix. n. est omnium malorum cupiditas, & quia quodlibet malum per auaritiā gignitur, dignum est, vt domus auaritiæ in fœtore construatur. Odor vero boni operis in omnē terram diffunditur. Hic etiam vitæ benè actæ odor est, quem Isaac mirificè delectat, Gen. 27. Statimq; vt sensit vestimentorum illius fragrantiam, benedicens illi ait; Ecce odor filij mei, sicut odor agri, cui benedixit Dominus. Det tibi Deus de rore celi, & de pinguedine terræ abundantiam frumenti, & vini. En vberri-mos fructus, qui à bonorum operum odore proficiscuntur, & Prouer. 27. Vnguento, & varijs odoribus delectatur cor: & bonis amici consilij anima dulcoratur. Item Ioan. 12. Maria, Lazari soror, vnguento pretioso vnxit pedes Iesū, & extersit pedes eius capillis suis, & domus impleta est ex odore vnguenti. Vnge pedes Iesū, ait August. ibidem, benè viuendo, dominica sectare vestigia, capillis terge: si habes superflua, da pauperibus, & Domini pedes tersisti. Domus autem repleta est odore. Mundus impletus est fama bona. Nam bonus odor fama bona est, qui malè viuunt, & Christiani vocantur, iniuriam Christo faciunt, de quibus dictum est, quod per eos nomen Dei blasphematur.

metur. Per bonos autem nomē Dei laudatur. Audi Apostolum. Christi bonus odor sumus in omni loco. De boni autem nominis odore. bonis operibus comparando, superius actum est lib. 3. cap. 17.

- 6 Perorat nobis etiam Augustinus, ut Regulam, regulariaq; præcepta custodiamus, non ut serui sub lege, sed ut liberi, sub gratia constituti. Explicat igitur nobis, quonam modo oporteat hæc obseruare præcepta. An scilicet, fecisse opus præcepti sit satis? Satis quidem est, ut culpam nonnam non contrahas: unde quando quis in peccato existēs, & extra charitatem facit, quod præceptum est, non peccat, imò benè facit iuxta sacri Conc. Trid. explicatam definitionem, etiam si non faciat ex charitate: attamen manet sibi inutilis, ut seruus. Hoc est, sic faciendo nullam meretur gratiam iustificatē, nullam remunerationem vitæ æternæ apud Deum, idest ipsum regnum cælorum non promeretur. Siquidem certa est sententia Saluatoris, Luc. 17. sic & vos cū feceritis omnia, quæ præcepta sunt vobis, dicite, serui inutiles sumus: quod debuimus facere, fecimus: idest, ut serui faciunt absque affectu filiali. Inutiles autem dicuntur, quia interim manent, quod erant in eodem statu, in quo prius in eadem miseria, in eadem fortuna, peccatores ut prius, longè à Deo ut prius, nihilo dictiores, nihilo facti meliores, quàm prius. Et mittendi sunt in tenebras exteriores, eo quod manserint animo seruii, & extra dilectionem charitatis. Quapropter qui frugi, vtilēsque esse volunt, non solum facient opus præcepti, more seruorum, qui solum timore aguntur, nihil autem agunt ex amore: sed hoc in primis curabūt, ut fidei spiritu adoptentur in filios domus, atque sic in ipsis præceptis facere voluntatem, siue beneplacitum Dei patris, qui in cælis est, more filiorum, hoc est ex affectu amoris. Quasi dicat Christus, non sufficiat vobis esse sub pedagogia legis, & facere seruii animo; quæ præcepta sunt, more populi Iudaici. Altius quid requiritur, nempe ut spiritu fidei viuæ efficiamini filij Dei, & sic amore filiali faciatis præcepta eius, tanquàm patris vestri, qui in cælis est. Non enim, omnis, qui dicit mihi domine, domine, intrabit in regnum cælorum; sed qui facit voluntatem patris mei, qui in cælis est. Quod si inquiras, quæ sit ista Dei patris voluntas? Respondet Zacharias, Luc. 1. cap. diceps: Ut sine timore de manu inimicorum nostrorum (à quibus detinemur propter peccata nostra) liberati, seruiamus illi in sanctitate, & iustitia coram ipso omnibus diebus nostris. Quocirca in primis curandum est, ut simus liberi à peccatis nostris. Secundo, ut seruiamur ei in sanctitate, induentes erga Deū affectum verè filialem: Tertio, in iustitia, hoc est in opere veræ virtutis. Quarto, oportet facere præceptum læto, ac obuiuo animo, & nō quasi ex necessitate, seruientes Do-

mino in lætitia. Hinc Apoft. fcribit. 1. ad Timot. 1. finis præcepti charitas, de corde puro, & conscientia bona, & fide non ficta.

7 Ceterum noster Aug. non repellit hoc loco timorem feruilem : hic. n. locus, ficuti & eiusdem Aug. gloss. ad Rom. 8. dicens ; Qui timore aliquid facit, & si bonum sit, quod facit non tamen bene facit ; in hunc sensum. 2. 2. q. 19. art. 4. à S. Th. explicatur, ut sacer author intelligatur de eo, qui facit aliquid timore feruili ; in quantum est feruili ; ut videlicet non amet iustitiam, sed solum poenam timeat. Hoc est, quatenus homo affectum suum non vult subijcere iugo iustitiæ per amorem. Porro timor feruili ex eodem Thoma. art. 7. donum est Spiritus Sancti, iuxta illud ad Rom. 8. non accepistis spiritum seruitutis. Quo loco glossa sic ait ; Vnus spiritus est, qui facit duos timores, videlicet feruilem, & castum. Adde etiam, quod sacrum Conc. Trid. varijs locis nos docuit salutem nostram timore esse comparandam. Nam sess. 6. cap. 6. sic ait : Dum peccatores se esse intelligentes, à diuinæ iustitiæ timore, quo utiliter concutiuntur, ad considerandam Dei misericordiam se conuertendo in spem eriguntur. Et Can. 8. subdit ; Si quis dixerit, gehennæ metum, per quem ad misericordiam Dei de peccatis dolendo consumimus, vel à peccando abstinemus, peccatum esse, aut peccatores peiores facere, Anathema sit. Rursus sess. 14. cap. 4. sic inquit ; Illam verò contritionem imperfectam, que attritio dicitur, quoniam vel ex turpitudinis peccati consideratione, vel ex gehennæ, & præparum metu communiter concipitur, si voluntatem peccandi excludat, cum spe veniæ ; declarat, videlicet sancta Synodus, non solum non facere hominem hypocritam, & magis peccatorem, verum etiam donum Dei esse, & Spiritus Sancti impulsus, &c.

De hypocrisis, quæ spirituali pulchritudini aduersatur. Consid. j.



IN enarratione capitis superioris asseruimus, eos qui pulchritudinis spiritualis amore non caperentur, facile in hypocrisis scditatem esse prolapsuros. Hypocrisis autem, spirituali pulchritudini, id est ornatui virtutum ex diametro aduersatur, fucatam quandam, apparentemque sanctitatem continens. Augustinus ergo dum hoc loco tantopere yeram, existentemque animæ pulchritudinem nobis commendat, hypocrisis in eius inimicam in Religioso maxime abominatur ; ut. n. Greg. lib. 18. moral. cap. 4. docet. Hypocrita, qui latina lingua dicitur simulator, iustus esse non appetit, sed videri. Idcirco avarus raptor est ; quia dum inique agens, ob sanctitatem venerari desiderat, laudem vitæ rapit alienæ : studium verò hypocritarum est, supprimere quod sunt, & quod non

sunt, hominibus vendicare, superinducta quadam innocentie honestate. Tigridis etiam nomine hypocritarum varietas, & rapacitas exprimitur, quibus quasi præda est iustorum sibi laus vendicata, qui suam operam perdidisse putant, si a nemine conspiciantur. Deinde sanctitas hypocritarum, somniantium similitudinem habet, in quibus est ostensio phantasmatis, non certitudo veritatis. Quo manifestum sit, quam longè & pulchritudine spiritali execrabilis hypocrisis discreper.

- 2 Igitur ad rei initiū nostrā redeat oratio. Hypocrisis fictio est, quia homo personam iusti, vel iustioris simulat: aut iniusti, vel iniustioris dissimulat. Hoc certè malo mirum in modum laborabant olim Donatistæ, & Cathari, sic dicti, quod se puros esse testarentur, non recipientes alios ad consortium suum. Hoc eodem malo tenebantur Scribæ, & Pharisei tempore Christi, Matth. 23. dicentis; Omnia verò opera sua faciunt, ut videantur ab hominibus: ecce studium simulandi coram hominibus effigiem virtutis. Et alibi; Vx vobis Scribæ, & Pharisei, hypocritæ, quia similes estis sepulchris dealbatis, quæ à foris parent hominibus speciosa; intus verò plena sunt ossibus mortuorum, & omni spurcitia; sic & vos, à foris paretis hominibus iusti; intus autè pleni estis hypocrisis, & iniquitate. Ecce studium dissimulandi iniquitatem; quorum damnatio tam certa, tamque est indubitata, ut à Christo præsupponatur, cum dicit Matth. 24. partemque eius ponet cum hypocritis, illic erit fletus, & stridor dentium.

- 3 Est etiam hypocrisis peccatum mortale; Si verè, & (ut aiunt) formaliter hypocrisis est, peculiari actione, vel habitu vendicans sibi in populo existimationem sanctitatis, à qua prorsus aliena manet: veluti si illi, qui non ieiunant, exterminent facies suas, ut videantur hominibus ieiunantes; aut qui nulli rei minus intendunt, quam Deo esse deuoti, fingunt tamen orationes in omni loco, ut religiosi habebantur: aut qui habitum sanctitatis circumferunt, ut appareant foris, quod intus esse nolunt. Dumque intus pleni sunt occulta spurcitia, tamen supra alios sibi famam, ac nomen sanctimonie artificiosis fictionibus à populo extorquent. Huiusmodi dico, indubiè habent perfectam hypocrisim, & noxam mortalem incurrunt. Non solum propter malitiam, quam occultant; sed magis propter fictionem perniciosam, qua imponunt populo, extorquentes ab alijs famam, & venerationem sibi indebitam. Ad hæc manifestè peccatum damnabile est illorum hypocrisis, qui veniunt sub vestimentis ouium, intrinsecus autem sunt lupi rapaces, instillantes sub specie pietatis pestiferum dogma in animas eorum, qui minus cauti sunt: ut faciunt pseudoprophetæ, pseudoapostoli, falsi doctores, operarii subdoli: sic qui fingunt longas orationes, ut

expolient mulierculas oneratas peccatis, coemunt, vt in populo possideant fructus scientiæ, quam non habent, hoc est honorem, & emolumenta; quæ debentur litteris, & scientia candidatis. Consule S. Tho. 2. 2. q. 111. in qua agit de simulatione, & hypocrisis.

4 Quod si dixeris ex aduerso: nos omnes licet intus mali sumus, foris tamen, & in populo pro bonis Christianis reputari querimus, verum nunquid ideo hypocrisis reputabimur, peccantes contra mandatum diuinum? Respondeo. Aliud est fingere, aut simulare fraudandi gratia; aliud iure suo uti. Est autem ius, vt qui non est malefactor in publico, publicè bonus habeatur, omnis. n. homo præsumitur bonus, donec contrarium constet. Itaque constituam quasdam regulas indubitatas; Quarum prima est: quicumque facit opera ad Dei seruitium sua natura ordinata: qualia sunt ieiunium, oratio, elemosyna, missa, confessio, sacra syntaxis, auditio verbi Dei, non quidè animo seruiendi Deo, sed ob gloriam humanam, aut quæstum, aut ventrem; is re vera hypocrisim committit, quæ inuoluit præter mendacium facti, etiã iniuriam rerum sacrarum, quas ordinat in fines indebitos. Iuxta modum autem finium crescit, decrescitq; malitia talis hypocriseos. Si vero finis est, ne perdat in populo cõmunem existimationem boni Christiani, is finis ex quo non est malus, neque sibi indebitus: nisi ipsemet sit publicè, & notoriè malus, nihil addit malitiæ. Si finis est inanis gloria, indubiè superaddit. Si denique finis fuerit, extorquere à populo subsidia vitæ indebita, diuitias, famam, aut nomen sanctitatis, iam sit sceleratissima huiusmodi hypocrisis, cui Christus terribiliter imprecatur illud euangelicum, quod sonat æternæ damnationis comminationem, vt est in multis locis euangelij videre. Secunda regula est: quicumq; facit prænominatâ opera bonâ veraciter, & ex primaria intentione seruiendi Deo, cupiens interim per hæc reputari ab alijs pro viro Catholico, ac bono Christiano, sicut ceteri; is haudquaquam notandus est hypocriseos, nec vllum committit peccatum: quia nulla hic est simulatio, nulla cupiditas indebiti. Illa. n. cõmunis existimatio viri Catholici, optimo iure sibi debetur, donec palâm sceleratus esse incipiat. Tertia regula: omnis hypocrisis est mendaciũ facti, hoc habens præter cõmunem rationem mendacij, quod fiat plerunq; circa sacra, & pietatis officia.

Arguit igitur Christus, Matth. 23. Phariseos, eorumq; prauos imitatores, quod ipsorum iustitia nihil aliud esset, quàm species, & ymbra iustitiæ, quàm in corde nedum nõ habebant, sed quæ maximè contraria erant. Qua simulatione dupliciter peccabant, vt qui non habebant quod simulabant se habere. Deinde omnino contraria habebant.

Obserua autem, quod nō ob id arguit eos, quod essent dealbati. Hoc .n. Mat. 5. Omnibus præcipit, sic luceat lux vestra, &c. Verum hoc arguit, quod essent sepulchra dealbata, hoc est externæ fingeret iustitiâ, quam nedum non habebant, sed oderant. Hypocritarum .n. ornatus nihil aliud est, quàm externa dealbatio.

6 Sapienter autem dominus ieiunatis in deserto, Mat. 4. edens verò, & bibens in ciuitate, docuit, quàm aliena debeat esse vitâ Christianâ ab omni fraude, fugo, & hypocrisi. Hypocrita .n. ubi videtur, ieiunât; cum verò testis abest ieiunio, abest & ieiunium. At nō ita qui ex animo pius est, is .n. claudit cubiculum suum, cum opus bonum facit: cum verò edit, aut bibit, id operatur in aperto. Recte quidem hypocrita sterquilino similis dicitur, quia dum temporalem gloriâ habere appetit, modò per cogitationem apud semetipsum tunc, modò eandem gloriâ alijs inuidet, eamq; alijs verè habentes irridet. Quot ergo vitijs plenus est, quasi tot stercorebus in conspectu æterni iudicis illius pectus scæter. Tu igitur, o Religiose vitæ ab hypocrisi alienissimus eris, si iuxta Aug. sententiam, spiritualis pulchritudinis amator, & bono Christi odore ex studiosa cōuersatione fragrans fueris, nec tanquâ seruus sub lege, sed tanquâ liber sub gratia constitutus, hanc regulam omni studio seraueris.

7 Diogenes in meridie cum lucerna obambulans, hominem se in frequenti foro quærere dicebat; significans nō esse statim homines, quâ speciem habent hominis, quâm habent, & statum; sed vt inuenias hominem, inuestigandus est animus. Is, si recta ratione ducitur, potius quâm affectu, tum demum reperisti hominem. Cōsimili etiam ratione purus, sincerus, virtutibusq; perornatus animus conquirendus est, vt quispiam veræ sanctitatis existentiam adeptus esse censeatur. Item Phryne muliercula, olim stipulata, vt quod ipsa prior faceret, idem ceteræ mulieres in conuiuiu facerent omnes; manum bis aquæ immerfam admouit fronti, hoc commento prodens ceterarum fucos, cū ipsa videretur etiam formosior. Sed hic risus nos docet idem, quod seridō dixit Socrates, vt tales esse studeamus, quales haberi velimus. Ne detracto fugo pro gloria malè affectata reportemus ignominiam. Docet & illud, ne nitamur bonis externis, fluxisq; quæ varijs casibus facile eripiuntur homini, sed paremus veras opes animi, in quas nullum ius habet fortuna. Seneris itaque rationibus Canonicum institutum ad profligandam pestilentem hypocrisim.

8 Sed fortassis exquires: an illi, qui tenent habitum sanctitatis, & meritum perfectionis non exequuntur, sint simulatores, & hypocritæ? Nam exterior habitus sanctitatis, opera perfectionis significat. Re-

spondeo ex S. Tho. loco citato art. 2. ad. 2. arg. Habitus sanctitatis videlicet Religionis, vel Clericatus, significat quidem statum, quo quis obligatur ad opera perfectionis. Idcirco cum quispiam habitum sanctitatis assumit, intendens se ad statum perfectionis transferre, si ex infirmitate defecerit, non est simulator, vel hypocrita. Nequaquam enim tenetur suum peccatum prodere, sanctitatis habitum deponendo. Si verò sanctitatis habitum ea mente susciperet, ut se iustum ostenderet, & vendicaret, esset quidem hypocrita, & simulator censendus.

De frequenti prælectione, & meditatione Regula. Cap. xxvij.

¶ **V**T autem vos in libello hoc, tanquam in speculo positis inspicere, ne per obliuionem aliquid negligatis, semel in septimana vobis legatur. Et ubi vos inueneritis ea, quæ scripta sunt, facientes, agite gratias domino, bonorum omnium largitori. Vbi autem quicunque vestrum sibi videt aliquid deesse: doleat de præterito: caueat autem de futuro: orans, ut ei debitum dimittatur, & in tentationem non inducatur.

ENARRATIO.



EXPERIENTIA ipsa fateri nos cogit, non satis esse ad cōseruationem vitæ naturalis, semel tantum cibum sumere. Imò nisi subinde sumatur cibus, ipsa vita consistere nequit: quia humidum radicale citò à calore naturali consumeretur, nisi subinde per sumptionē cibi, & potus mitauraretur. Sic infirmitas naturæ nostræ, tentationumq; varietas facit, ut ad cōseruationem vitæ spiritualis, non satis sit semel audisse regularia præcepta, nisi crebrò audiantur. Nam & solent ea, quæ à pijs doctoribus aliquando vocali sermone didicimus, tenacius inherere, si crebrò nobis ob oculos, quasi in speculo, vel proponuntur, vel prælegantur. Hanc utilitatem non ignorauit Paulus, legis, & euangelij promptuarium. 2. ad Tim. 3. Omnem scripturam utilem dicit ad docendum, ad arguendum, ad corripiendum, ad erudiendum in iustitia: ut perfectus sit homo Dei, ad omne opus bonum instructus. Idcirco Aug. noster duo hic nobis iniungit, crebram videlicet Regulæ prælectionem, singulis septimanis semel repetendā; examinationemq; priorum operum, an iuxta Regulæ tenorē omnia aditara fuerint.

ponit ob oculos, excusis animi latebris, dum penitus consideras, quæ vocent præcepta Regulæ: contra, in quæ ipse propensus sit, & quibus occasionibus labatur. Atque hæc est vera meditatio in speculo Regulæ, ut Religiosus componat se ad eam vitæ statum, in quo se cuperes esse, si iam supremus vitæ diesurgeret. Postremò hæc Augustiniana regula, instar amussis cuiusdam, nobis esse debet, ad quam vitam Religiosam dirigamus. Itaque omnes actiones nostræ aut bonæ sint, vel malæ: quidquid inter peccata numerandum sit, quidquid non sit, ad Regulæ præscriptum, non autem ex nostro sensu, & iudicio metiamur oportet. En chrysellinum speculum tibi ab Aug. portectum, in quo faciliè feciditates animæ, si quas habes, deprehendes: cura omni studio, ut eas omnino abstergas. Quod si pulchritudinem in eo tibi arridentem intritus fueris, fuge philosophorum errorem, qui non glorificaverunt Deum, aut gratias egerunt, sed evanuerunt in cogitationibus suis, ad Rom. 1. Gratiarum nam actiones patri luminum semper à nobis debentur: à quo omne datum optimum, & omne donum perfectum descendit. Nemo etiam Dei donis beatus est, qui donanti existit ingratus.

5 Choriolanus autem com. 72. pauculas rationes subdidit ad explanandum, cur libellus hic ab Aug. Speculum nuncupetur. Id autem indidit nomen. Primum, ut. n. in speculo quales quo ad corpus sumus, intuemur; sic quo ad spiritum quam vivamus vitam, hæc Regula cognoscemus. Secundo, sicuti in speculo ea, quæ ad corporalem spectant pulchritudinem, rectè componimus: sic quæcunque ad mentis pertinent ornamentum, libelli huius consideratione ad expoliendam animam congregamus. Tertio, quemadmodum speculum ex plumbo, ac vitro constat: sic spiritualis hominis vita ex duobus constata, id est ex humilitate per plumbum, & ex utriusque hominis integritate per vitram significata, hoc libello rectè describitur. Quarto, quoniam quæcunque in duabus alijs brevioribus Regulis, & in sermone de margaritis sparsim continebatur, & singula ad nostram salutem opportuna, in hac una Regula, veluti in lucidissimo quodam speculo lectitantes intueri possumus. Porro tres sunt potiores saranz vires, quibus aduersus nos, potenter dimicat. Oblivio, negligentia, & concupiscentia. Ex oblivione negligentia, ex negligentia concupiscentia, ex concupiscentia ruina, & præcipitium animarum oritur. Proinde Regulæ obliuio cauenda est. Regulæ autem creberrima lectio, vel in communi capitulo, vel in communi refectio, pluribus illic convenientibus congruentissimè fiet.

6 Porro, hoc Augustinianum speculum nunquam è manibus excidere opotet, ne curiosos tantum auditores, sed indefessos operatores no-

pertinet illud Apostoli: cum iudicamur, à domino corripimur, vt non cum hoc mundo dānemur. 1. ad Cor. 1. 1. & ad Heb. 1. 2. Nonnunquam optimos, ac probatissimos quosq; Deus flagellat, eosq; tentat rebus duris, ac asperis, vt spectatam, probatamq; reddat eorum tolerātiā, mercedq; eorum longè excellentior, & gloriosior existat in regno celesti. Hoc pacto Iob tentatus est. Hinc & Tobias. c. 1. 2. audiuit: quia acceptus eras Deo, necesse fuit, vt tentatio probaret te. In hāc sententiam plura habentur Ecclesi. 2. 7. & 1. Petr. 1. Hanc tentationem deprecamur quidem, non ita tamen, vt nobis non eueniant (cur. n. hoc deprecemur, quod ex Dei gratia nobis saluti, ac bono esse queat?) Sed hac conditione, vt quando permittere vult Deus, vt afflictiones, res aduersæ, & tentationes nobis occurrant, virtutem quoque, & gratiam nobis subministret, quo patienter eas perferamus.

8 Altera tentatio non nisi ad perdendum, & in fraudem impellēdum hominem spectat, atque ea non procedit ex Deo. Deus. n. non est tentator malorum, vt inquit D. Iacobus, sed ex auctore diabolo, qui cognitā, & exploratā habens corruptionem naturæ nostræ, [qua ad voluptatem, & peccata propēdeamus, & à bono abhorreamus, varijs nequitiarum suarum machinis nos pertentat, quo fragilem naturæ nostræ structuram expugnet, & in ruina impellat: modò fucatis voluptatum illecebris, quibus si nihil efficiat, aperto Marte, & vi rem gerere inceprat, machinasq; bellicas, & cornutos arietes depromit externas, nimirum calamitates: quandoque etiam terrores, quos in hominis animum ingerit, cumq; mœrore perturbatum, in desperationem adducit. Et vt paucis dicam, insidiarum, & machinarum instructissimā ille habet panopliā, quibus hominem oppugnet.

p Huiusmodi verò noxias, & periculosas tentationes deprecamur à Deo, vti ne nos in illas inducat. Non quod Deus hominem in huiusmodi tērationes inducat, sed quod facile eas à nobis queat auertere, ac prohibere, si velit. Præcamus ergo, ne nos in eas patiatur induci. Scimus fortem esse diabolū, eiusq; robur perspectū habemus, Iob. 4. 1. Non est potestas super terram, quæ comparetur ei. Nihil tamen aduersum nos moliri potest, imò ne pilū quidem capitis inflectere, nisi Deus illi permiserit. Sed neque id vnquam illi permittit Deus, vt trahet nos p sua libidine: alioqui brevis admodū vita nostra foret in terris: at qui nonnunquam potestas illi sit à Deo tentandi nos, sed ita tamen, vt constituantur ei limites, & modis quos excedere non potest, Iob. 1. & 2. Agnec sic quidem quenquam subuere, aut expugnare potest, nisi qui abiecto animo herbam ei porrigat, nec illi reluctari velit. Ille autem se tueri, hostiq; resistere nolle putandus est, qui dum tentatur, non hu-

miliat, nec submittit sese erga Deum, non ad Deum confugit, eiusq; auxilium implorat. Sanè qui huiusmodi est, fieri potest, vt aliquando tentationibus superetur, & pereat, quod Deus procul à nobis abscisset. Quam ob rem omnis nostra spes, conatus quoque, & deuotio, in Deum præcipuè referenda est. Illumq; maxima mentis attentione, voluntatisq; feruore, Augustino doctore, orare debemus, vt nobis intentionibus opitulari dignetur. Nam & in illa oratione, quâ Mat. 16. ad sacros Apost. habuit sub ipsum mortis tempus, eos huius officij his verbis admonuit. Orate, vt non intretis in tentationem. Vincitur autem satanas non otio, sorano, vino, commestatione, libidine: sed oratione, labore, vigilia, abstinencia, continentia, castitate.

- 10 Cum te appetitus inuaserit peccandi, tentatione ipsa ingrauescente, atq; seuiente, velim cogites horribile illud Christi tribunal, in quo præsidebit iudex in alto, & excelfo throno: adstabit autè omnis creatura ad gloriosum illius conspectum contremiscens: adducendi etiam nos sumus singuli, eorum, quæ in vita gesserimus, rationem reddituri. Mox illis, qui multa mala in vita perpetrarint, terribiles quidam, & deformes assident angeli, igneos vultus præferentes, atque ignem spirantes, ea re propositi, & voluntatis acerbiter ostendentes, non quæi vultu similes, propter moerorem, & odium in humanum genus. Ad hæc cogites profundû baratrum, inextricabiles tenebras, & ignem carentem splendore, vrendi quidem vim habentem, sed priuatum lumine; deinde vermium genus venenum immittens, ac carnem vorans, inexplēbiter edens, neque vnquam saturitatem sentiens, intolerabiles dolores corrosione ipsa insignens: postremò, quod suppliciorû omnium grauisimum est, opprobrium illud, & cōfusionem sempiternam. Hæc time, & hoc timore, instructus, animam à peccatorum concupiscentia, tanquàm freno quodam reprime. Hunc timorem dominum se docturum Propheta promisit eos, qui eum audire auribus cordis aperitis voluerint: Non eos, qui longius prolapsi sunt, sed qui salutem appetentes accurrunt. Propterea inquit, venite, hoc est, per bona opera: accedite ad me filij, timorem domini docebo vos.

- 11 Vt autem constantiore animi magnitudine oblatas, occurrentesq; tentationes vincamus, à peccatorumq; perpetracione absterreamur, & in ipsius Dei optimi maximi amorem perfectiorem inflammemur, eius potentiam, maiestatem, atque summam erga nos beneficentiã, & referre, & admirari exordiamur. Alia. n. multa maiora sese nobis considerenda offerunt, quæ nos non modò, stupidos reddunt, sed aliquantulum exterrēt, quàm primum. n. oculos leuamus, cœlos prospectantes, quis nostrum non miretur, videns eos sicut pellem extensos,

& in illis collocatū Solem Lunam, quoq; suo orbi atfixam cū pluribus
planetis decenter coaptatis, ac varijs motibus distinctis, sua luce, vi,
& natura differentibus? Quis seuerissimum tenorem eorum non ad-
miraretur, & ex eorum efficientijs nūc, aut pluuiz, aut frigoris, aut æstus
vicissitudines subsequi, ex quibus quoruncunque fructuum ingens co-
pia, & vinorum abundantia vel accrescunt, vel deficiunt, illic fulgura
cum lapideo igne procreatur, simul tempestates, nymbi, grandines,
horrendi cometae gignuntur, & Sol apparet aliquoties geminatus.
Quot sunt vnus anni menses, totidem signa ibi locata illos sequentia,
& constanti, atque perpetuò ordine se mouētia prodierunt, noctium,
& astorum varietate huc, & illuc discurrentia. Nunquid verno tem-
porē illa cœli temperiem nobis non exhibent? ex qua herbuscula à ra-
dicibus scaturiunt, & arbores folia cum florum amenitate, & omniū
bonorū fructificatione producunt? Quid rursus in estate aliud prospici-
tur præter terræ faciem fructibus, herbis, & arboribus pulchrè cō-
uestitam, lætas quoque producentē segetes? Quid autē in autumnō
habet præter humescentem aerem, maturos arborum, & vinearū fru-
ctus decerpere nos monentē. Subsequuntur in hyeme pluuiales aquæ
cum rigido statu Aquilonis: ex qua cœli intemperie suis expoliatas
tūm folijs, tūm fructibus arbores cernere licet. Hæc.n. ordinem suū
tam aucterē obseruant; vt nihil non videatur suis temporibus fieri.
Nōnne domum cuiusdam diuicis ingredientēs, si institutionem illius
mirificè obseruatam, rectamq; ækonomiam inspiceremus, aut stupidi
homines prorsus essemus, aut planè diceremus, intus manere patrē
familias cuiusdam admirabilis providentiæ? nos ergo intuentes im-
mensam terræ, & cœli plenitudinē, rerum omniū ordinem, nitore, pul-
chritudinē, in primis aureū Solem, arāno surgenstem argenteū quoque
Lunā in tenebris subētem, astra stellis micantia, lucidos planetas, ignea
ætheris formam, æris agilitatem, terræ stabilitatem, maris, & aquarū
decurrentium fluxus, & refluxus; rerum, & temporum vicissitudines,
varia omnium pecorum, ac piscium genera; aut hebetibus, & obtusis
animis erimus, aut ex insita quādam acie ingenij iudicabimus, verbū
Dei esse sapientissimū, atque prudentissimū, quod hæc omnia tam
fecit, tūm regit, moderatur, & gubernat: & cum Psalms. Deo patrē
dicemus psal. 103. Hæc omnia in sapientia tua fecisti domine. Quid
est Dei sapientia omnium creaturā, nisi verbum eius, per quod omnia
condidit, & nota nobis fieri voluit esse per illud facta, vt nos in admo-
nitionem maiestatis illius magis alliceret, & in certam spem conse-
quendi cœlestem thesaurum in cœlo reconditū promoueret, quem
his præparauit, quos à principio, imò ante constitutionem mundi
per

per verbum suum elegit? Istis omnibus longè digniores, atque superiores sunt angelicæ potestates, principatus, dominationes, cœli cœlorum, throni, cherubin, & seraphin. Certum est, eas per verbum factas fuisse iuxta illud psal. 32. Verbo domini cœli firmati sunt. Quare sedulam demus operam, vt totos animi neruos intendentes, tantæ diuinæ maiestati in seruiamus, tentationibusq; euictis, à peccatis tanquàm à facie colubri abstinentes, Deum immensum perquàm maximo amore prosequamur.

Præter ea, quæ iam edocta sunt, adhuc superest, vt in hac tentationum conflictatione, vt fortior, cautiorq; sis, à nobis erudiaris, videlicet ipsam vitiorum impugnationem, & ad mala propensionem, bonis hominibus nunquàm absque magno fructu contingere, aut dilabi. Est autem duplex bonorum hominum genus. Quidam ita habent, vt vix, aut tenuiter à vitijs impugnentur. Alij verò, dum sese occasiones offerunt, tentantur extrinsecus, & ad peccata commouentur; vt ad irā, inanem gloriam, gulam, vel libidinem; intus autem in viribus superioribus, horum nihil patiuntur, nec quicquam mouetur; imò etiam peccata huiusmodi penitus auersantur. Stabile nanque, atque statutum est illis, nunquàm vel irā, vel superbiz, vel alicui alij vicio consentire; dumq; ab his impugnantur, pro virili resistunt. Quamuis fortassis ex sua ipsorum naturali propensione quedam eis vitia quasi insita esse videantur, illis tamen nulla ratione præbere consensum voluerunt. Hi profectò longè ampliùs apud Deum & laudantur, & probantur; ipsaq; virtutes multò alijs excellentius, nobiliusq; possident. Virtutū nanque perfectio strenua, ac legitima decertatione comparatur; virtus. n. in infirmitate perficitur. 2. ad Cor. 12. Vnde & necessaria nobis tentatio est, Non. n. coronabitur, nisi qui legitimè certauerit. 2. ad Timot. 2. Certare autem non potest, qui nō impugnatur, sed & absq; certamine nemo victoriæ palmam obtinet; turpeq; illi esset, sine bello, & victoria triumphum agere, aut vsurpare coronam. Cum igitur vita nostra tentationibus, prælijsq; plena, militia sit super terram, nec tamen ex solis viribus nostris absque Dei ope, vlli tētationi obistere valeamus, omnino necessarium nobis est, vt & ipsius, & gratiæ eius curam habeamus perugilem, atque perpetuam, vt eius auxilio prædicti, vniuersas tentationes vincamus. Enimverò quoties ex tentatione deuicta palmam referimus, toties, & Deo gloriam, & sanctis Angelis læticiam exhibemus, ingerimusq;. Ille sane pugil est optimus, qui vitiosas propensiones, & tentationes maxima animi magnitudine superat, suojq; animo eis prædominatur. Quātò verò nos infirmiores cognoscimus, tantò diuinam nos gratiam, & benedictionem ardentius suspirare, ac studiosius

diolius nos obferuare cõuenit, ne vlla excogitata arte circũueniamur. Virtus nanque, & vitium in noſtra conſiſtunt voluntate. Quot autem generibus ſpiritualium inimicorum, & quor tentationum laqueis hic vita referta, luculenter edifferit Laur. Iuſt. lib. de perfectionis gradibus cap. 4. Peregrinationis. n. vita huius quicunque voluerit indagare diſcrimina, inimicorum genera, tentationum ſpecies, numerum laqueorum, & peccatorum lapſus, fiet illi proſectio, vt ſua conſideratione deficiat. Horis ſiquidẽ ſingulis, in cunctis actibus, in omnibus negotijs, lociſq; omniſq; (ſi diligenti mentis acie rem inſpiciat) offendet ſanẽ, quid cauere, quid metuere, quid reſpuere, quibus cum hoſtibus decertare illũ oporteat. Ad communiendum verò, armandumq; Chriſtianũ militem, edidit idem author egregium opusculum de interiori conſictu.

De ratione agendi gratias Deo, omnium bonorum largitori. Conſid. j.



RECVENS, ardensq; D. Pauli ſtudio in gratijs Deo actiãdis noſter Aurelius hoc loco imitatur; vtiliter nos admonens, vt de bonis operibus a nobis præſtitis ſummo, benigniſſimoq; omnium bonorum largitori Deo creberrimas agere gratias, nunquã obliuiſcamur.

Lex hominum, nec iniqua tamen, ea eſt, vt nihil turpius, aut illibera- lius eſſe poſſit, quã cum gratiam debeas, aut eam non referas, aut obliuioni mandes, aut quod maxime execrabile, maleſicio acceptam gratiam compenſes; in quo non minor impietas fuerit, quã ſi quis aut parentes non amet, aut ijs iniuriam vitro inferat. Quantò ergo ſœdius, detestabiliuſq; eſſe iudicabis, ſi erga Deum omnium donorũ fontem perennem, obliuiolum, inertemq; gratiarum actorem te aliquando præſtiteris? Ingratitudo quidem peſtifer ventus eſt; exiccat enim fontem grãtiæ; contrã, gratiarum actione Deum ipſum ad vberiora beneficia elargiendum, & inuitamus, & prouocamus; maxime verò ſi id præſtiterimus corde non ſolum & ore, ſed etiam opere. Non potuit Paulus. 1. ad Cor. 1. & 1. ad Theſ. 2. & ad Ephes. 5. & 2. ad Cor. 2. aliſq; locis in magnam gratiarum actionem non prorumpere; nos ad ſimiles laudes inuitans. Claudius ille A. 2. a Petro ſanatus, conſeſtim in templum ingreſſus, exiliens, & gaudens Deum laudat. Sanitati reſtitutus, mira laude Deum proſequitur, & ſpecimen nobis exhibet gratitudinis; ne quis Deo ingratus, ſuaq; ſorte non contentus, vel nõ referat gratias condignas, vel Deo omnipotenti obmurmuret. Dei beneficia celare extrema eſt ingrati tudinis; en hæc ſunt Chriſtianorũ exercitia? Ad locum vnde exeunt gratiarum flumina, ait Bernardus,

requer-

revertuntur, ut iterum fluant. Sicardi, mutiq; lapides ad gratiarum actionem Deo exhibendam extiterimus, non solum ulteriora beneficia non promeremur, verum etiam ijs, quæ iam accepimus, priuari, spoliariq; commeruimus. Veteres damnat philosophos Paulus ad Rom. 1. Quod cum Deum cognouissent, non sicut Deum glorificauerunt, aut gratias egerunt; sed euauerunt in cogitationibus suis, & obscuratum est insipiens cor eorum. Ob id quidem, & Ezechias rex Esaj. 38. acerrime punitus est, quod, post incredibilem triumphum, Deo gratias congruas non peregerit.

Gratiæ etiam Deo sunt referendæ ex nostri Antistitis præscripto, non solum quod nobis Deus peccata dimiserit, sed ea etiam ratione, quod a multis nos vitijs præseruauerit. Cum ergo peccatum adeo sit detestandum, ut pro nulla mundi vel prosperitate, vel aduersitate mortale aliquod, vel veniale committendum sit, non tamen interim heu multa nimis admiserimus, mirum profecto est, cur non ingenti, ac feruida in Deum dilectione accendamus; si attenderimus, quomodo pius ille, & fidelissimus Deus, omnē a nobis impietatem auferens, in nouam nos gratiæ vitam transulerit, amicos fecerit, sed præterea etiā ipsa peccata nostra per bonitatem suam ad nostros inflexerit vsus, & utilitatem nostram, si. n. nos velimus, ipsa quoque nostra saluti, adhibita industria, cooperari possent. Est autem, & alia præclarior humilitatis causa, quam nos ignorare non decet, si Augustini mentem attingere voluerimus. Maius etenim beneficium est, a vulneribus quempiā illa sum seruare, quam insidita curare vulnera. Itemq; præclarius est, & maiori dignum gratiarum, actione donum seruari a peccatis, quam de admissis consequi veniam. Quanto nanque cumulatoria sunt in nos Dei beneficia, tantō & nos illi cum humilitate, ac reuerentia gratias abundantiores agere adstringimur, non ob peccata solum nobis iam misericorditer condonata, sed ob ea etiam, in quæ prolabi, incidereq; potuimus, nisi sua nos bonitate ipse custodiuiſſet. Quin etiam non tantum propter beneficia iam collata, sed ob ea quoque omnia, quæ nobis collaturus erat, nisi huic largitari diuinæ nostræ malicia oblitisset. Nobis igitur persuadeamus, Deum benignum patrem permisisse, nos in peccata dilabi, ut ex ipso nostro casu nostam salutem copiosius promoueremus, aliquodq; inde bonum excerperemus, si tamen nos ipsi Deo cooperari velimus. Huiusmodi. n. lapsus tam in veteri, quam nouo instrumento sæpè Deus etiam in illis sustinuit, qui ipsi postmodum fuere chariores. Et perraro contingit aliquem ad magna quædam prouehi qui non prius aliquando lapsus fuerit; nā Apollolorum nemo perſiſcit, sed omnes in peccata ceciderunt, vnus tamē

grauus

gravius alio; quæ res ad profundiorē humilitatē, solertiorēq; diligētiā nos accēdit. Et dum peccati commemoratiōe dolor, & cōtritiō renouatur, amor quoque, & feruens in Deum exercitatio auge-
tur. Ex hac verō exercitatiōe gratiarum actiō emanat.

3 Est sane multiplex ratio, qua iure, meritoq; Deum laudemus, eiq; gratias agamus, ut puta quod nos ratione præditos creavit, quod cœ-
lum, terram Angelicos spiritus nostris vñibus, ac ministerijs deputa-
uerit, quod propter abolēda peccata nostra homo sit factus, quod nos
instituit, nobis vixit, nobis rectum iter ostendit, quod scdum, probro-
sumq; mortis genus nostra causa perpeſsus sit, quod æternum regnum
suum, atq; etiā seipsum nobis nedum præmij loco, sed etiā in no-
stri obsequium, & ministerium pollicitus sit, quod nostra peccata co-
donauerit; gratiam, & charitatē suā in nos effuderit, quod nobiscū
perenniter sit commemoraturus, omnibusq; vitæ nostræ diebus cū præ-
clarissimis sacramentis suis ad omnem vñum, ac necessitudinem no-
stram nos visitare paratissimus sit; quod naturam, scripturam, & crea-
ta omnia; velut exemplar quoddam, & speculum nobis proposuit;
quibus instituamur, animaduertamusq; , ad quem modum omnes
actus nostros virtutibus accommodemus. Adde, quod sanitatem, vi-
res, ac robur corporis, & interdum etiā aduersam valetudinem pro
nostra vtilitate nobis præstiterit, resq; externas vitæ transigēdæ neces-
sarias, & pacem internam nobis contulerit; demum quod Christiano
nomine insigniti, & ex Christianis parentibus in hanc lucem editi si-
mus. Pro his, iniquā, omnibus merito hic gratias Deo agere tenemur,
ut ipsum quoq; in superna patria post huius vitæ exacta curricula, perē-
ni laudē prosequamur; tota autem nostra facultate nobis laudandus
est Deus; laudare verō Deum in terris amantium munus est honorifi-
centissimum, incundissima actiō, occupatioq; dulcissima. Est tamen
laudandus corde, affectu, desiderio, viribus, verbis, adibus, corpo-
re, anima, bonis temporarijs, atque etiā obsequijs, non internis mo-
dō, sed etiā externis. Neq; Deum laudandi vñus vnquā futurus est
finis; quandoquidem in ea etiā re nostra consistit beatitudo.

4 Oritur autem ex ista gratiarum actiōe, & laude geminus quidam
cordis dolor, & affectus, seu desiderij cruciatus. Primus dolor inde
suscipitur, quod nos in laude, in gratiarum actiōe, in veneratione, &
cultu Dei deficere, nec satis posse pro dignitate sentimus. Alter dolor
is est, quod non quantum apperimus in charitate, in virtutibus, in p-
fectis moribus progressiōem, auctariumq; facimus, quo digni, ido-
neiq; laudando Deo efficiamur, nec prout decet, & congruit; illi fa-
mulari, & obsequi valeamus: at dolores isti virtutum omnium radi-

ces sunt, atq; fructus, eisq; affici, eximius est gradus, præstansq; opus interm, laudabilisq; exercitationis; id quod ex proposita similitudine percipi poterit. Ignis naturalis sui caloris efficacia aquam ollæ infusam feruescit, ita ut ebulliat, nec possit ulterius progredi; jam aqua ita feruescens in fundum ollæ subinde relabitur. Inde verò rursus vi ignis in summam vsque ollæ oram impellitur, sicq; fit, ut ignis semper impellat, & aqua continenter ebulliat. Eundem profectò in modum agit ignis Spiritus Sancti. Impellit. n. & vrget, atq; excitat cor, omnesq; animæ virēs, ut ebulliant, idest ut Deo & laudes, & grátias exhibeāt. Ex quo fit, ut ignis quidē diuini amoris semper ardent, semper feruescat. Cor autem in gratiarū actione, Deiq; laude, verbis, & actibus nunquā non feruescat, & bulliat; paruipēdat verò id quod facit, quasi in infimo loco propter humilitatem perseuerans. Potest eadem res alia enodari similitudine. Aestu appropinquāte, Sol altiores petit gradus; is idem ex terræ visceribus humores elicit, trahitq; primo in radices arborum; deinde in truncū; post in frondes, & ramusculos, atq; inde folia, flores, & fructus emergunt, atque profiliunt; Sic quoq; Sol æternus, Christus dominus in cordibus nostris in sublime effertur; ita ut ex virtutum ornatu quædam quasi æstas in nobis oriatur. Tunc lumen, ardoremq; suum Christus in nostrum mittit affectum, & desiderium, cordeq; à rebus terrenis abstracto, internam compunctionem efficiens, animam virere, vehementiq; deuotione florere, gratiarumq; fructū afferre facit. Eisdēq; humili illo dolore tuetur, atq; cōseruat.

5 Accommodatissimus sanē est in hac sententiam, atq; dulcissimus psalmus vigesimus secundus, fideli cuilibet electo, atque spirituali homini ad meditandum Dei, & Christi præcipua beneficia, & pro eis grátias agendum valde conueniens. In ipso nanque à Dauide rege multiplicia Dei beneficia commemorantur; quemadmodū videlicet Deus, quasi pastor bonus, nihil eorum deesse patitur, quæ sunt ad salutē nostram vtilia, constituens nos in vberimis Ecclesiæ pascuis potans nos aquis sapientiæ salutaris, quæ à Spiritu Sancto fluit in Ecclesia, & cuius participes sunt fideles omnes in sancta Ecclesia; insuper corda nostra ad se benignè conuertit, & per viā iustitiæ nos benignè deducit propter misericordiam suā. Deinde etiam in summis periculis protectionis suæ beneficium nunquā nobis subtrahit, disciplinam insuper paternā, ut filijs virga, & baculo impendit, ad corroborandum nos contra hostium oppugnationes mensam parat, idest, sanctissimum suū corpus, & sanguinem nobis donat in Ecclesia, neque sic solum exterius pascit, verum etiam interius oleo spiritualis gratiæ spiritum lætificat, atque fecundat. Mercedem quoque, & retributionem glorio-

ſan, pretioſumq; calicem fortiter agentibus proponit. Cuius deniq; indeficiens miſericordia nunquam nos deſerit omnibus diebus vite noſtræ, donec nos adducat in manſionem quietis æternæ in longitudinem dierum.

Psalmus quoque centeſimus ſecundus egregiam exhortatione cõti-
net ad laudem Dei, pro immenſis, & innumeris eius beneficijs, quæ miſericorditer præſtitit humano generi; peccata dimittens pœnitentibus; infirmitates etiam ſanauit; à morte redemit; in miſericordia etiam coronat; deſiderium adimplet bonis; iuuentutem renouat, miſericordiam, & iudicium facit oppreſſis, legem directricem ferens populo; propter nimiam miſericordiam non irſcitur in perpetuum, neque ſeuere agit cum ſuis. Nam etiam peccantes electos non pro exigentia, & condignitate demeriti punit, ſed paterna diſciplina ad emendationem potius corripit, propter miſericordiam ſuper omnes electos confirmatam; qua etiam longiſſimè à pœnitentibus abiicit peccata, affectu pluſquàm paterno erga nos affectus, cognoscit, quale ſimus ſigmentum, quodq; non aliud quàm puluis, & terra ſumus, & durationis permodica, ad modum graminis virentis, & floris exorientis; quoruſt est viror; & pulchritudo nimium inſtabilis. Iam verò quis ſubticere queat, celebriora illa, potioraq; Dei in nos collata beneficia, ſcilicet creationis, redemptionis, & expectationis, iuſtificationis, conſeruationis, & cœleſtis beatificationis. Quapropter iure optimo noſter Antiſtes ad gratiarum actionem nos vehementer hortatur.

De pœnitudinē, & fuga peccatorum. Confid. ij.



MA GNO pœnitudinis peccatorum deſiderio nos hoc loco afficere Auguſtinus cõtendit, & nititur, dum ait; de præteritis ſagitijs nobis eſſe dolendum, futura verò diligenter eſſe cauenda. Nā in recognoſcendis, recogitandiſq; peccatis non ſat eſt illa, vt cunq; recordari; ſed neceſſe eſt acerbam nobis eſſe eam memoriā, vt cor pungat, animum ſtremulet, & dolorem inurat; ſi. n. moleſtè, dolenterq; eorum meminerimus cum angimur intimis ſenſibus, conſeremus nos ad Deum, à quo vt inhærentes euellat ſclerum aculeos, ſuppliciter petamus. Nec verò ſolū erratorum turpitudinem oculis noſtris ſubijcere ſtudeamus; verū etiam indignitatem, ac ſordes noſtras; qui cum nihil ſumus, niſi putida caro, niſi ſumma ſcēditas, incomprehenſibilem illam Dei maiestatem, & inexplicabilem præſtantiam, incredibilem in modum audemus offendere. Præſertim, à quo procreati, liberati, innumera- bilibus, maximisq; beneficijs aucti ſumus. Mirum autem in modum

Augustinianis verbis consonat Trid. synodus sess. 4. cap. 4. dicens; Contritio, animi dolor, ac detestatio est de peccato commissio cum proposito non peccandi de cetero. Declarat. n. hanc contritionem non solum cessationem à peccato, & vitæ nouæ propositum, & inchoationem, sed veteris etiam bñdium continere. Sancti. n. ex vehementi quodam antea vitæ odio, & ingēti peccatorum detestatione clamores non modicos emiserunt. In hac etiam contritione sacramenti votum includitur; approbat quoque imperfectam contritionem, attritionem nuncupatam, ex turpitudinis peccati consideratione, vel ex gehennæ, & pœnarum metu conceptam, si voluntatem peccandi excludat, cum spe veniæ. His tamen adiunge, eam esse veram pœnitentiam, quando sic hominem peccasse pœnitet, vt crimen non repetat, vt ait Hugo de S. Victore lib. 3. de anima cap. 31. Nihil etiam peius est, quàm culpam cognoscere, nec deslere.

2 In ipso autem doloris initio, atque etiam progressu sublimi consideratione expendamus, nihil scēdus, nihil esse horribilius peccato. Scientes namque satanam peccati auctorem esse, & peccatum eius esse naturæ, vt nihil sit eo turpius, nihilq; abominabilius, scēdus inire cum eo abhorreamus, & ad concipiendum peccati horrorem ea quæ sequuntur, nobis in mentem veniant, & à peccatis committendis nos exterreant. In primis recolamus peccatum esse quid Deo maximè displicens, aliàs in peccantes non irasceretur dominus, neque illos pœna non solum temporali, sed æterna puniret. Ipse autem peccantes æternis supplicijs referuat. Si alia non esset causa nos à peccatis reuocans, hæc esset multum idonea: & eo tantum nomine vir cordatus peccatorum tenebras vitare deberet, quod satanam ex Angelo factum dæmonem, scēdum, ac turpem, nouerit earum auctorem tenebrarum.

3 Vt peccati horrore magis, ac magis cōcipias Christi miles, quæso te, ante mētis oculos effinge prædonē insigniter peruersum, sanguinolētas manus habentem, te ad epulas splendide præparatas, sed præda, & cede proximorum paratas inuitasse. Nonne ad tale conuiuium venire tibi, esset magno horrore? Esto earum rerum nescius, iam aduenxis: non, nē ē medio conuiuarum te subriperes, commercium illius fugere cupiens? Iudicare non debes prædonem tuo contubernio indigniorem esse ipso satana, qui primum in se iniquitatem concepit, postmodum in Adamo iniustitiam peperit. Quo minus scēditas peccati corporalibus oculis conspicitur, eo apparentius visu mentis dignoscitur. Ipse toties ad epulas quodammodo te inuitat, quo ties te alicuius peccati participem fieri sollicitat. Igitur ob peccati turpitudinem inire commercium cum illo abhorreas, quæ tanta est, vt sit ignibus æternis di-

nis dignissima. Nisi peccatum Deo omnium maxime displicuisset, quā primum ipse satanas insigne monstrum, & deforme peccauit, illum à cœlesti regno per Michaelē Archangelum diuina virtute accinctum Deus non profligasset. Hæc de re vta in verbo Dei facta est lux hominum, scilicet vt vitiorum tenebras depelleret; quas nemo humana virtute fretus depellere potuisset. Ad depellendum eas Deus nos adiutores suos constituit: idcirco eas pro virili à nobis procul pellamus, vt in perfecta vitæ innocentia coram Deo ambulemus. Tunc Dei filium comprehendemus in nos fuisse clementissimum: qui ad hoc in mundum venit, vt tenebras vitiorum tenebricoso specu densiores effugaret: sine quarum expulsiōe nemo nostrum ad lucem æternæ felicitatis peruenire potuisset: idcirco factus est lux cunctis in eum credentibus, quos suo spiritu viuificauit lucens. Quamdiu. n. tenebris peccatorum mortalium inuoluti fuimus, opera Deo grata, & accepta facere non potuimus. Quid ergo erat hæc luce nobis vtilius? Quid, inquam, suauius, aut iucundius contingere potuisset? Itaq; omne studium adhibeamus, amantissimi, huius luminis lucernam accendere in nobis, & accensam vsque ad finem conseruare, vt vigilantius scelus nostrorum pœnitudine discruciemur, futuraq; peccata prudenter vitemus.

4. Itaque diuina contritio displicere homini facit peccata sua, in eisq; magis ponderare, ac dolere, quod displiceat, & peccauerit Deo, quàm quod sese damno affecerit, efficitq; vt firmo, ac perpetuo nunquam peccandi eum proposito ad Deum se conuertat, plurisq; faciat, & vehementius ponderet, & accerbius doleat minimum, quo Deum offenderit, peccatum, quàm damnum omne, & dedecus, ac ignominiam, quæ ab id vnquam perpeti queat. Vbi autem hoc pacto quispiam Dei offensam, quàm suam iacturam, ac incommodum, grauius æstimat, magisq; dolet, inde nimirum quædam in eo vera erga Deum confidentia oritur, facitq; cum intus sentire spem bonæ veniæ à Deo impetrandæ. Deinde spirituale intus in eius anima gaudium exurgit, ex omni eam mœrore extollens, firmumq; eam cum Deo pactum, ac fœdus inire faciens; quantò autem à Deo maiori consolatione afficitur, tantò in ea vera contritio magis augetur. Nec solum petit à Deo, vt is peccata sua sibi remittat per bonitatem, & misericordiam suam, sed etiam si id ad maiorem Dei laudem cedat, per iustitiam suam, ea in se in hac vita vindicet. Quantò. n. maiorem erga se experitur Dei benignitatem, tantò magis peccata sua ponderat; quemadmodum etiam Petrus cognita Christi benignitate, ait ad eum Luc. 5. Exi à me domine, quia homo peccator sum. Sanè si quis eo posset pertingere, vt Dei erga se iustitiam, perinde vt misericordiam exoscularetur, ac diligeret, is reue

ra proximum poenitentiae opus praestaret, dum sic se totum diuinæ iustitiae in hac vita puniendum se traderet; & resignaret. Iuxta vulgatam Augustini orationem, domine, hic vreo/hic seco, ut illic parcas. Ceterum quanto se quasi patrum pluribus sensibus implicitum culpis, ac defectibus, tanto maiorem habet eandem sibi displicendi, tantoq; fortius amore inseparabili Deo sese conglutinare, atque coniungere, cū eoq; sacras inire debet; quem quidem amorem nusquam melius licet percipere, & agnoscere, q̄ ubi Deo coniunctiores sumus. Sua ergo cuiq; delicta grauissimè ponderanda sunt, & nos etiā illa ex vera contritione magnè edamus. Quod. n. ea nos magis ponderamus, eo paratior est Deus illis ignoscere. Quod. n. cuius magis aduersum; & inuisum est; id libentius eliminat; ac studiosius depellit; cūq; peccata Deus maxime habeat exosa, citra dubitationem ea libenter est à nobis ablaturus, si modo ex animo doleamus.

5. Haec quoque pernicioſa calamitas Christiana mente tractanda est; quod à peccatore cor vitiorum tenebris obcircatum habente, elongatur Dominus; non corporali praesentia, sed gratiae subtractione. Nec vnquam ab eo capietur, donec opera vitiorum, quae clam, & sine arbitris commisit, ipse amputarit, quisquis ergo carnis infirmitate pressus, in aliquod crimen prolapsus fuerit, illico resurgere, & ad Christum horum purificatorem criminum confugere debet, per quem vnū mundari poterit. Si autem in malitia spontem perfricuerit, nec Deum, vel homines veritus sit, in tenebris manens peribit; inter illos deputandus; qui nullum inter amicos, vel inimicos discrimen ponunt, eritq; latronibus persimilis, qui non secus familiarem, quam inimicum bonis spoliant, & omnibus ex aequo insidiantur; nihilq; vel ab ebriosis, vel ab insanientibus differet, quoniam in profundam malorum prolapsus, tam miserè viuet, ut non sentiat sibi molestum esse, sub impii vitiorum tyrannide vitam agere, multa sibi aduersari prospiciens; perpetuis conscientiae stimulis agitur, & illum in finem videre desperabit, qui in vtero virginis tabernaculum posuit. Nos verò qui gloriam eius appetimus, atque speramus, quæq; vitiorum monstra à nobis propellamus. Si aliquoties illis capti fuerimus, subito illorum vincula dissoluamus, & à nobis proiciamus, sollicitè cauentes, ne in posterum sub miseranda seruitute illorū detineamur. Quid. n. homini rursus, quidquid ignominiosius esset, quam in malis diu volutari? Spiritus, & corporis turpitudines inuicem conferre vellemus, magis indecorum esset, videre hominem omnibus expositum, publicæ, & communi via nudum ambulare, quamuis à pueris derideretur, quam alium peccatis maculatum: quoniam excusari posset nudus ambulans, quod forsan vnde ve-

stiretur

stiretur, nihil haberet: verum nequiter vivere nemini nisi criminoso accidit. Ergo, amantissimi, si verecundi sunt, vel nudi ambulantes, vel ante faciem iudicis stantes criminati, & aliena rapuerint, vel proximos fefellerint, vel quicquam aliud turpe, vel indecorum commiserint, vnde digni sunt risu contumelioso: Interim ne obliuiscamur, quid de illis sentiendum sit, qui ante faciem Dei iudicis stabunt fœtore peccatorum sordidati. Nōne loco risus, acerbo fletu deplorandi erunt, quando à consortio sanctorum expellentur, tanquam indigni gloria eius frui, qui exiit ab utero virginali, tãquã spūs de thalamo suo?

6 Adest & alia peccati calamitas, & ingens perniciēs, in ea puella spiritum Pythonem habente Act. 16. egregiè depicta, videlicet, quod eo nos deducit peccatū, vt homo à Deo relictus nihil aliud sit, quàm instrumentum diaboli, quo vtitur ad suam libidinem: quod in vno obseiso agit diabolus, in omnibus ageret, nisi manus domini nos præsaueret. Misericordia igitur domini est, quod non sumus consumpti. Permittit autem Deus, vt in aliquos exerceat suam tyrannidem, ac potestatem diabolus, vt intelligat alij, quid ipsis debeatur, nisi Deus præsaueret. Parcam, inquit, vobis, vt sciatis quid sit inter seruientem Deo, & non seruientem. Vides etiam in ea puella iustum Dei iudiciū. Qui. n. obtemperare Deo recusat ad vitam, iuste diaboli imperio traditur ad perditionem; reliquistis me, & ego relinquam vos. Vides præterea in eadem puella dæmonis astutiam. Non semper se ostendit, qualis sit, transfiguratur se nonnunquam in Angelum lucis. Non autem hoc facit, quod homines amore prosequatur, sed vt eos in suo seruitio detineat. Nos autem scimus, imò scire debemus cogitationes eius. Non. n. toties admonemur vigilantia frustra, tam à Christo, quàm ab ipsis Apostolis, & à nostro Augustino. Sic Christus Luc. 22. Satan expetiuit vos, vt cribraret sicut triticum, & Paulus ad Eph. 6. Non est nobis lucta aduersus carnem, & sanguinem. Idcirco Aug. hæc mala longè prospiciens, suæ admonitioni orationem coniunxit: Nobis planè declarans corda nostra, quæ superbia obduruerunt, penitentia vi cōtundenda, conterendaq; esse. Fateamur ergo innumera esse mala, quæ peccatum inuehit in hominem: quàm fere infinitam calamitatē Psaltes regius Psal. 37. insinuauit; Non est sanitas in carne mea, à facie iræ tuæ; non est pax ossibus meis, à facie peccatorum meorum. Nouerat profectò hanc vulneris potestatem, cum nullam sui partem pestifero peccato intactam confiteretur. Peruaserat. n. in rationem, & voluntatem. Hanc late patentē pestem fugere, & cauere nos admonet August. Angebatur quoque David ex ira Dei, quàm in se propter peccatum commotam intelligebat. Bellum. n. est sceleratis cū Deo. Inquit

enim Apost. ad Rom. 2. Ira, & indignatio: tribulatio, & angustia in omni animam hominis operantis malum. Cui semper imminens ira Dei illud insequitur, tanquàm umbra corpus. Quid autem infelicius nobis contingere posset gloriæ eius priuatione? nonne melius homini esset non nasci, quàm æterno perire? Quid iuaret nos vitales auras diu in præfenti seculo carpere, si in finem gloria Dei priuaremur? Nonne homines lumine oculorum orbatos iudicamus, vitam agere ipsa mortē miseriore? At longè omnium miserrimi erunt, qui fruitione cœlestis gloriæ priuabuntur: neque illis quicquam proderit Christum in mundum venisse, genus humanum redemisse, & omnem veritatem per discipulos, per nostrosq; institutores nos docuisse, ac gratiâ reconciliationis cum Deo patre secum attulisse. Quare cùm David his vulnerabatur aculeis, ad petendam criminum veniam excitabatur; cuius & exemplum doloris, & doctrinæ rationem, ex quinquagesimo eius Psalmo depromptam, nos discamus oportet; vt ex Prophetæ imitatione, & ad doloris sensum, idest ad veram pœnitentiam, & ad veniæ spem rectè erudiamur.

7 Quod si rogites, quid agendum, vel luce diuina fulgeamus, ac illustreremur, ne vnquàm peccatorum retribus capiamur? Nunquid cœlos ascendere opus nobis erit, vt hunc splendorem obtineamus? Scias velim nihil tibi necessarium esse tantæ peregrinationis laborem insumere, cùm sit Deus vbique præfens, modo fenestram tui cordis aperias, illuminabit te. Cùm primum crimina ex vera contritione tibi displicebunt, illico euanescent, & Sol iustitiæ Christus Deus noster tibi orientur; qui semper in mundo lucet, vt cunctis vitiorum tenebris depulsis, per viam salutis ambulemus. Est. n. ipse dominus tanquàm lucerna in cacumine montis posita; cuius lucis splendor ad hanc, vel illam terræ circumferentiam non solum est protensus, verum etiam in omnes, & longinquas partes circumquaque dispersus.

8 Postremò loco, & illud contritionem adiuuat, si perdiscas, peccatū mortale sua quadam ratione infinitum esse. Ex S. Tho. 1. 2. q. 87. In peccato. n. mortali sunt duo, videlicet auersio ab incōmutabili bono, & peruersa conuersio ad bonum commutabile. Ex parte igitur auersionis à Deo, consequitur peccatum mortale reatus pœnæ æternæ, vt qui contra æternum bonum peccauit, in æternum puniatur. Vult enim Deus pro culpa temporali pœnam infligere æternā, sine fine duraturam, quia qualitas offensis id exigit. Meretur siquidem pœnam infinitam culpa illa, quæ Deum, qui infinitus est, offendit. Idcirco sanè peccato mortali duplex debetur pœna: videlicet pœna damni, quæ est priuatio Dei, & pœna sensus, quæ consistit in cruciatibus. Prior illa pœna
respondet

respondet peccato ratione auersionis à Deo. Habet .n. auersio hæc quādā rationē infinitatis ex termino; nam elongatio est ab infinito bono, & imaginem quandam infinitæ distantie induit. Ideoq; quodāmodo est infinita: & eadem ratione, pœna illi debita est suo modo infinita. Eidem autem peccato ratione obiecti, siue conuersionis debetur pœna sensus. Existētes verò in inferno, cū inimici sint Dei, suis cruciatibus nūquā persolunt. Hinc meritò peccatum plumbum dicitur apud Zachar. 5. Magnum enim est pondus ira Dei: maximum est onus, Deum habere aduersarium, & iram Dei incurrere, in eiusq; indignatione esse. Hanc peccati grauitatem, & pōdus experiebatur, qui dicebat Psal. 37. Domine, ne in furore tuo arguas me. Quoniam iniquitates meæ supergressæ sunt caput meum, & sicut onus graue grauatae sunt super me. Ex quo patet quanta sit cæcitas peccatorum, qui hoc onus non sentiunt: lætantur enim cū malè fecerint. Magna itaque grātia est peccati pondus agnoscere. Enixè igitur pijs orationibus cōtendendum est, vt nostris delictis condonatis, gloriam illam supercelestem nobis largiatur misericors ille Deus, cui soli gloria, & magnificētia, imperium, & potestas, ante omnia secula, & nunc, & in omnia seculorum secula. Amen.



HÆC sunt, quæ de elucidando Canonico Regularium Ordine, pio quidem, Christianoq; animo, nō tamen absque magno labore in utilitatem status Religionis his quatuor libris conscripsi, ad optatumq; portum, Deo adiuuante, perduxi. In quibus si fortè, aut ex incitia ignorantie, aut certè ex negligentia, & oscitantia à me erratum est (nam dedita opera, studio, aut intētionē per Dei misericordiam neutiquā profectò errauit) Deus misericordiarum mihi veniam elargiatur. Si quidpiam verò præstiterit, quod in Christiani populi rem, & commoditatem esse possit, eidem soli Deo acceptū refero. Animus quidem meus is semper fuit, vt non nisi quæ pia sunt, sancta, & Catholica, & quæ fidem Catholicam confirmāt, & auctoritatem Ecclesiasticam à Christo institutam, & Apostolis traditam stabiliunt, conscribere, asserere, atque docere, & quæ ad pietatem, ac religionem promouendam conducunt, cū legentium fructū, & edificationē tradere voluerim: omne verò peruersi dogmatis periculum effugere, & profligare intenderim. Ea propter quoniā paratus sum corrigi hoc opus, & omnia mea scripta sincero, humilique animo subijcio, submittoq; iudicio, et censuræ Sacrosanctæ, Catholicæ, & Apostolicæ Romanæ Ecclesiæ, quam omnium Ecclesiarum Matrem, & Magistrā agnosco, profiteor, & veneror.

Deo vni, & trino Patri ingenito, Filio vngigenito, & Spiritui Sancto paracletō, pro laudis huius cōsumatione sit laus, honor, & gratiarū actio in omnia secula. Amē.

ERRATA SIC CORRIGE.

| pag. | nu. | lin. | | | | | | | |
|------|-----|------|-------------------|----------------------|-----|----|----|----------------|-----------------|
| 40 | 7 | 13 | obstineant | abstineant | 460 | 8 | 18 | contempores | contemptores |
| 46 | 5 | 9 | quo sancti | quod sancti | 463 | 16 | 1 | concitationem | concitatiorem |
| 52 | 4 | 6 | eo | eos | 466 | 3 | 6 | qua | quadrat |
| 54 | 6 | 11 | arguens | arguens | 474 | 4 | 4 | od | ob |
| 59 | 1 | 2 | confletur | confletur | 477 | 1 | 1 | sacratum | sacrarum |
| | | 6 | detrudenti | detrudendi | 484 | 2 | 12 | pœnz | penē |
| 60 | 3 | 5 | manifestus | manifestus | 488 | 2 | 13 | iter | inter |
| 61 | 6 | 2 | quia | qua | 494 | 1 | 15 | exaltauit | exultauit |
| 62 | 7 | 3 | qui | quam | 502 | 2 | 21 | obsederum | obsederunt |
| 67 | 5 | 5 | prapotos | prapostos | 511 | 5 | 22 | pœnz | penē |
| 74 | 7 | 10 | ordinatione | ordinationes | 514 | 2 | 2 | aut horisq; | authorisq; |
| 77 | 1 | 20 | propter hoc | nō propter hoc | 549 | 14 | 15 | & ut | & ut |
| 82 | 1 | 9 | cornu | cornu | 541 | 15 | 1 | adriorisq; | aptiorisq; |
| 86 | 3 | 6 | cōmunē Reg. | cōem Religio- num | 547 | 11 | 14 | conglutinant | conglutinat |
| | | | | | 565 | 7 | 4 | accidi | accidit |
| 88 | 9 | 2 | præterea | præterea | 568 | 5 | 20 | hominis | homini |
| 93 | 3 | 3 | Regularem | Regulam | 580 | 4 | 7 | in decore | indecore |
| 94 | 7 | 4 | inquam | inquam | 612 | 1 | 3 | beneficio | benedictio |
| 95 | 10 | 5 | oblitis | obliti | 633 | 1 | 20 | pacem | precem |
| | | 20 | relistens | resistentes | 637 | 6 | 25 | neceſſarīs | neceſſitatīs |
| 98 | 5 | 7 | comendant | comedant. | 640 | 5 | 13 | sustinen do | sustinenta |
| 110 | 4 | 9 | vſurarios | vſuarios | 649 | 8 | 13 | diabolico angu | stantis diaboli |
| 117 | 3 | 11 | esse | esset | | | | coangustantis | |
| 140 | 2 | 34 | exposito | expositio | 650 | 10 | 3 | potest | prodest |
| 150 | 2 | 3 | exécrati | exécrati | 655 | 4 | 11 | affhamat | affirmat |
| 198 | 2 | 2 | pudentiores | prudentiores | 656 | 5 | 9 | oblectaretur | oblectaremur |
| 202 | 4 | 4 | sint | ſinit | 672 | 2 | 9 | corrigit | corrigit |
| 235 | 9 | 33 | appositissimus | appositissimis | 675 | 7 | 8 | petiturum | periturum |
| 241 | 6 | 19 | inuidæ | inuidiæ | 679 | 4 | 14 | violarer | violaret |
| 246 | 4 | 16 | ſeſſ. Trid. | ſeſſ. V. Trid. | 681 | 1 | 12 | benignem | benigne |
| 248 | 8 | 18 | alijs in eruditjs | alijs ineruditjs | 683 | 5 | 21 | Deus pximo | Deus de pximo |
| 256 | 4 | 14 | diſſutum | diſſuunt | 684 | 6 | 1 | violasse | violasse |
| 264 | 6 | 25 | petientes | patientes | | 7 | 14 | Hiuc | Hinc |
| 311 | 1 | 6 | inobedis | inobediens | 687 | 5 | 5 | nimis | nimius |
| 322 | 4 | 11 | ſcripturam | ſcripturarum | 693 | 5 | 12 | temetipus | temetipsum |
| 344 | 7 | 18 | conſilij | conſilijs | 708 | 1 | 2 | muneris | mulleris |
| 338 | 10 | 4 | & 2. 1. | & 2. 1. | | 3 | 10 | paren | parcat |
| 344 | 2 | 21 | mos | mons | 713 | 5 | 14 | meca ad intres | &c. mea ad iu |
| 360 | 4 | 3 | miferere | miſere | | | | dicium te | |
| 397 | 7 | 5 | ſtatuto | ſtatu tuto | 718 | 1 | 6 | auctm | auctum |
| 394 | 2 | 11 | præparata | præpara | 716 | 5 | 2 | vtile | vt ille |
| 408 | 3 | 1 | ſpiritus | ſpiritu | 734 | 7 | 4 | timenda est | timēda eſt ma- |
| 424 | 6 | 9 | iratur | irritatur | | | | ledictio | |
| 434 | 4 | 4 | ſum | ſuum | 747 | 1 | 2 | dulcſdior | dilucidior |
| | | 6 | iudicandam | indicandam | 753 | 10 | 6 | intruditq; | intrudiq; |
| 441 | 9 | 7 | ſollicitatis | ſollicitatis | 778 | 9 | 7 | intentionibus | intētationibus |
| 444 | 2 | 6 | apertiffi | apertiffime | 784 | 4 | 10 | ardent | ardeat |

INDEX ALPHABETICVS

rerum, & sententiarum, quæ in hoc opere continentur.

A



ABATES duo Cisterciensis ordinis advocati sunt in principio celebrationis Conc. provincialis. pag. 361.

num. 6. & 7.

Abbas, siue Prior conventualis quæ ratione differant à Subprior, vel Priore claustrali. 248. nu. 1.

Abbas, quare in verbo Prælati.

Abusioni claustri septem species enumerantur, & longo sermone explicantur. 311. & inferius.

Abstinentia virtus, & ratio, atque moderatio traduntur. 623. nu. 1.

Abstinentia regulata admirabile animi facilitatem, serenitatem, & hilaritatem subministrat. 624. nu. 1.

Abstines ea intensione, ut vita minuitur, vel aliter, an peccet. 624. nu. 2.

Abstinentia carniem sit ne Canonicis iniuncta. 625. nu. 3.

Abstinentia in Religioso præclaras habet laudes, proprietates, & utilitates, à sacris Doctoribus celebratas. 629. & inferius.

Accusationes fratrum in capitulo discipline, quæ ratione fieri debeant. 669. & 670.

Acerbitatem animi & crudelitatem in subditos quanta diligentia cauere debeat Prælati. 756. nu. 5. & 757. nu. 6.

Administrationes beneficiorum regularium explicantur, et defenduntur à vitio proprietatis. 111. nu. 8.

Admirationis contemplatiuæ varia exempla traduntur. 507. & infer.

Aluarnus Pelagius aliam regulam Apostolicam, & communiter à regula Augustiniana excogitauit. 577. nu. 4.

Ambitio, superbiæ proles, per uniuersos ferè hominum status grassatur. 450. nu. 1.

Ambitio quid sit, & quotupliciter contingat. 450. nu. 2.

Ambitio quando sit peccatum mortale. 451. nu. 3. & 452. nu. 5.

Ambitio peculiarem quandam deformitatem habet in religioso ex iudicio summorum Pontificum. 451. nu. 4.

Ambitio quanta mala inferat. 452. nu. 6. & 453. nu. 7. & 8. & infer. 454. & inferius.

Anania terrificum exemplum longe explicatur. 456. & inferius.

Anima excitatio in Deum, quam sit necessaria, & utilis. 464. nu. 1.

Anima nuditas coram Deo, quam sit fugienda. 645. nu. 1. 2. & 3.

Antiquitas Ordinis Can. Reg. latissimè describitur, & defenditur. 8. & inferius. & 14. & infer.

An omnia contenta in Regula Augustini obligent sub peccato mortali, &

varia

Index alphabeticus.

- variæ in hac re opiniones.* 521. & *Apostatas, & fugitivos corrigendi forma traditur.* 290. & 291. et 292.
An Religiosus transgrediens præceptum Dei contentum in Regula grauius peccet. 533. nu. 3.
An omnes professores Regula Augustinianæ propriam carnem domare teneantur. 625. nu. 4.
An liceat culpam fratris indicare Prælati, vel fratribus, vel in capitulo disciplinæ, non præmissa secreta admonitione. 667. nu. 5.
An liceat accusare fratrem sine teste in capitulo disciplinæ. 669. nu. 9.
An accusanti in capitulo disciplinæ vnicus testis sufficiat. 669. nu. 10.
An quilibet frater teneatur procedere ad accusationem fratris, licet sit laboriosum. 669. nu. 11.
An offendens teneatur ad reconciliandum fratrem statim. 708. nu. 3.
An fecisse opus præcepti in Regula contenti sit satis. 768. nu. 6.
An hypocritæ sint, peccantes contra mandatum Dei, qui tamen in populo pro bonis Christianis reputari volunt. 771. nu. 4.
An sint hypocritæ, qui enent habitum sanctitatis, & meritum perfectionis non exequuntur. 772. nu. 3.
An Canon. monasterium relaxatum ingressus, iure reformatione recusare possit. 388. & 389. & infer.
An solemniter professus obedientiam regularem, profiteri etiâ intelligatur paupertatem, et castitatem. 73. n. 6. 7.
Apostata definitio, & conditio explicantur. 287. nu. 1.
Apostata à religione bifariam intelligitur. 288. nu. 2. 3. & 4.
Apostatarum colloquia fugienda sunt à Religiosis. 294. nu. 16. & inf.
Appellandi usus quare ratione sit admittendus in Ordine Canon. Reg. 263. num. 3. & 4.
Arnulphus non fuit Ord. Canon. Reg. auctor, sed reformator. 131. n. 5.
Arma portare intra monasterium religioso non licet citra graues penas. 304. nu. 16. & 17. & inferius.
Archidiaconi, registra, & inuentaria cæsti tuenda, & conficienda. 385. & 386.
Arbitrio superiorum consueta, & laudabilia instituta eligenda sunt, quæ in refectorio legantur. 634. nu. 2.
Asperitate vestium penitentia significatur. 648. nu. 7. 8. & 9.
Affociati eant Canonici, & non soli. 642. nu. 2.
Auaritia, & proprietates, quam dantur in Religioso. 456. 457. et inf.
Auaritiæ plura terrenda exempla, & dissuasiones. 460. & inferius.
Augustiniani duo celebrati sermones nunquam loco Regulae sunt ab Augustino traditi Canon. Reg. Sed neque Reg. forma, aut modum habent. 130. n. 4.
Augustinus viuens suam tertiam, & celeberrimam Regulam tradidit Canonicis Regularibus. 132. & inferius.
Augustinus tria monasteria construxit. 134. nu. 4.
Augustinus refert terribilem inspectionem cadaueris Caesaris in sepulchro. 442. nu. 10.

Index alphabeticus.

Augustino, Regule auctori, omnis æ
tas, sexus, omnisq; status plurimū
debet. 514. nu. 3.

Augustini sublimè ingenium, & do-
ctrinæ fulgor. 515. nu. 4.

Augustini morum perfectio, & san-
ctitas. 515. nu. 5.

Augustini eximia laus præ ceteris do-
ctoribus. 517. nu. 7. & 518.

Augustinus, sal terræ, lux mundi.
518. nu. 8. & inferius.

Augustini ingentia merita, & cale-
stis gloria. 520. nu. 11. & 12.

Augustini laus à præclaris viris cele-
brata. 520. nu. 13.

Augustini encomium longiusculum
habetur. 513. & inferius.

Augustini zelus, & ardor pro obser-
uatione perfectæ Regulæ. 764. n. 1.

Auctoritas antiquorū patrū religio-
sū, quorū tēpore monasteriorū de-
formatio, & relaxatio viguit, quo
sēsū sit itelligēda. 337. n. 7. et inf.

Auctoritas patrum religiosorum iā
defunctorum piē, & honorificē ex-
ponenda est. 333. nu. 8.

Auctoritas antiquorum religiosorū,
qui incorrectē, & deformatē vix-
erāt, nullius mōmēti est. 334. n. 9.

B

BENEFICIORVM Regul. frequens
mentio habetur in iure canonic.
Con. Trid. & Const. Canon. Regul.
142. num. 1.

Beneficium regulare, quodnā sit, &
censeatur, explicatur. 142. nu. 1.

Beneficiorū regulariū, quinetiā pluri-
marū cathedraliū, & collegiatarū
ecclesiarum regularium iactura,
& amissio deploratur, & manife-

stat. 143. num. 2.

Beneficia regularia esse regularibus
conferenda, & sic viam parari ad
recuperanda beneficia regularia de-
perdita, & amissa, explicatur.
144. num. 5.

Beneficiarij sunt procuratores, & di-
spensatores, mediūq; statuēdi inter
usuarios, & usufructuarios. 145.
num. 6. & 7.

Beneficia regularia quibus legibus,
& conditionibus sint conferenda,
explicatur. 146. 147. & inf.

Beneficia vniū monasterij non debēt
conferri Monachi alterius mona-
sterij. 148. nu. 7.

Beneficiorum regularium inconstan-
tia, mutabilitas, & natura expli-
catur. 150. & inferius.

Beneficiorum regularium perpetuitas
maximè odiosa iuri canonico, &
sacris Concilijs. 151. & inf.

Beneficiorū regulariū perpetuitatē tol-
lendā multis limitationib. constrin-
gunt iuris Can. doct. 153. nu. 5.

Beneficiorum regulariū tollendā per-
petuitas quattuor habet limitatio-
nes. 153. nu. 5. & inf.

Bona cōmunia monasterij citra legiti-
mā licentiā nemini licet ppria aucto-
ritate accipere, ac expēdere. 576. n. 1.
Bona cōmunia monasterij ne rapiantur,
caneatur omnis introductio, cō-
suetudo, siue fraus. 577. nu. 3.

Bona cōmunia monasterij non sunt tā
abundāter omnia distribuēda, quasi
omnimodā indigentia sit ē monaste-
rio propulsanda. 378. nu. 2.

Bonitatis diuinæ inditia præclara ostē-
duntur. 681. nu. 1. & 682. nu. 2.

Index alphabeticus.

C

- C**ALVMNIAE subditorū aduersus Superiores multiplices sunt, & qua ratione superādā. 343. & inf: Calumniatores qui sint cēsendi, & eorum pēna, & cāca consilia traduntur. 300. 301. & 302.
- Canonicorum regularium Ordo fuerit ne deprauatus, quibus vix sit cognoscendum. 8. nu. 1. & 2.
- Can. Reg. illustris Ordo ab ipsis Ecclesiā incunabulis originē trahit. 11. n. 6. & 11. 12. 13. 14. 15. et inf.
- Canonici Ordinis viri illustres referuntur. 20. nu. 1. & 2. & inf.
- Canonici Ordinis viri illustres antiqui referuntur. 25. & inf.
- Canonici Ordinis viri illustres recentiores referuntur. 29. & inf.
- Canonicorum Regularium duplicata nomenclatura explicatur, & desenditur. 34. & inf.
- Canonici Regulares sunt Clerici, vocanturq; Clerici primitiua Ecclesiā. 38. & inf.
- Canonicorum Regulariū Hispanorum institutum, & ab alijs differentia explicatur. 48. & inf.
- Canonicus ingressurus religionē, quae secum prius praemeditari debeat. 62. nu. 8.
- Canonici Regulares corrumpentes debitam formam professionis, quam pēnam incurrant. 7. nu. 9.
- Canonicus Reg. curet, ne suum nobile, & insigne nomen contemptibile reddat. 37. nu. 4.
- Canonici, & cōuersis proprietarijs, et negotiatoribus pēna. 95. nu. 10.
- Can. Reg. ecclesiā cathedral. conueniunt ordine, ratione, atq; spec
- Can. Reg. monasteriorū. 124. et
- Canonici Regulares quidam, viri illustres narrantur. 141. nu. 3.
- Canon. Reg. regere possunt ecclesiā parochiales sui ordinis. 144. nu.
- Canonici Regulares in suis beneficijs regularibus non soli, sed adiun socio resideant. 156. nu. 1.
- Can. numerus neq; excedat monasterij facultates, et vires, sed neq; exiguus, et diminutus. 254. nu.
- Can. non sunt more latronū in gradū carcerē detrudendi. 264. nu. 5.
- Canonicorū causae criminales nō sunt in consistorio siue loco publico tractandae. nu. 264. nu. 5.
- Canon Apostolicus de concordia amicus ex Act. 4. explicatur copiose. 549. nu. 1. 2. et 3. et inf.
- Canō Apostolicus de abdicatione proprij, et rerum communitate fuerit explicatur. 561. nu. 3. 4. et 5.
- Canones duo Apostolici de ratione distribuendi bona communia explicantur. 573. nu. 1. et 574. nu. 5.
- Capitulorū disciplinā crebra celebratio validum est retinaculū ad conservandam religionē. 220. nu. 1.
- Capitula disciplinā frequenter celebranda sunt, saltem semel singulis hebdomadis. 220. 221. et inf.
- Capitulorū disciplinā celebratio quae leges obseruare debeat. 220. 221. nu. 2. 3. 4. et 5.
- Capitulo disciplinā Canonicū obire te, q̄ documēta correpti Can. obsequare debeat. 221. n. 5. et 223. n.
- Capitulorū prouincialit, et annual celebratio plurimas cōmoditat adse

Index alphabeticus. I

- Cellarius, siue & economus monasterij, quibus fraudes, & vitia cauere debet. p. 237. nu. 5. & 6.
- Claustri, & monasterij custodia, & sit necessaria, explicatur. p. 178. n. 2.
- Clastrum spirituale anima septem cu- rae est custodiendum. p. 180. et inf.
- Claustri abusiones: plures quam septem connumeratur. p. 311. et inferius.
- Clerici seculares tanquam beneficia- rii, sint ne admittendi in monaste- rijs. p. 375. n. 8. & 376. nu. 9. & 10. & inferius.
- Chori recta ratio, ritus, & leges. pag. 225. nu. 4. 5. & 6.
- Choriolani opinio affirmans regulam Aug. magis conuenire Eremitis, quam Can. Reg. refellitur. p. 137. nu. 12. & 13.
- Cognitio sui ipsius plurimum conduci- bilis est. p. 443. & inferius.
- Cognitio sui ipsius, & humilitas ma- gnā cognitionem inter se habet. p. 448. n. 9. & 10. & inferius.
- Congregationes variæ Canonicorum Reg. referuntur. p. 44. & inferius.
- Coniuratores, siue conspiratores, qui censendi sint. p. 299. nu. 1. & inferius.
- Coniuratorum poena traduntur. p. 299. nu. 2. 3. & 4.
- Concordia bona natura, proprietatis atque vis explicatur. p. 553. n. 1. 2. et 3.
- Concordia malorum, quomodo sit dis- soluenda. p. 557. nu. 1. & 2.
- Communitas certius, & rectius obser- uanda est in victu, quam in vesti- tu. pag. 688. nu. 2.
- Communitas edendi, & bibendi in eo- dem refectorio seruanda est. p. 633.
- Commendatariorum perpetuorum in mo- nasterijs origo, et ratio. p. 159. n. 1.
- Commendatarij perpetui monasteriorum multa dāna attulerunt. p. 160. n. 2.
- Commendatariorum perpetuorum in mo- nasterijs deploratur. p. 160. n. 3. & inferius.
- Commendatariorum perpetuorum in monasterijs iurisdictio curta, credi- tur, & exigua. p. 163. n. 7. 8. & 9.
- Comēda perpetua in monasterio natura, et qualitas explicatur. p. 162. n. 6.
- Councilium Aquisgranense explicatur. pag. 131. nu. 6.
- Constitutiones Canonicorum Reg. d. Bened. Papa. 12. facta, habentur sequentibus locis. p. 64. & 237. de creatione Canonicorum. Item de Canonicorum professione. p. 71. n. 1.
- De ritualibus, & alijs ministran- dis. p. 94. n. 7. Item de obtinendis beneficia à Sede Apost. p. 155. & de mittendis ad beneficia, & modo conuersandi in eis. p. 156. num. 2.
- Et de infirmarijs. p. 199. n. 1. & de cellis non tenendis in dormitorio. p. 201. n. 1. et de capitulis quotidianis faciendis. p. 220. n. 1. & de celebra- tione missarum. pag. 225. num. 2.
- Item de fidei, & dolosis contractibus. p. 237. n. 5. & 6. & de studen- tibus in ecclesijs, vel monasterijs. p. 244. n. 1. & de mittendis ad studia generalia. p. 246. nu. 5. Item quod antiquus Canonicorum numerus teneatur. p. 254. n. 2. & rursus de fidei, et dolosis contractibus. p. 256. n. 5. & de capitulis annualibus faciendis. p. 259. n. 1. & 2. & p. 261.
- Itē de criminalibus causis Canoni- cū agitur. p. 264. n. 5. & de pe- tenda licentia à volentibus extra eccle-

Index alphabeticus.

- acclēſiā, vel monaſteriū progredi, Contemptus diſtictio, plures habet ſignifi-
 cationes, & variē exponitur a
 vel exire. 280. n. 3. et de fugitiuis, Theologis. 306. nu. 2. & 3. m. 1.
 & eiectis. 290. n. 8. et de conſpira-
 torib. 299. n. 3. et de dilatorib. 300
 n. 7. et de uenatoribus, & armatis.
 305. n. 17. et 18. Itē de forma, &
 honeſtate habitus, et veſtimētōrū.
 316. nu. 1. et de capitulis provinc.
 faciendis. 357. n. 2. et 367. n. 1. et
 infe. et de prohibiti prębendis non
 concedendis. 377. n. 11. et de Viſi-
 tatorib. 378. n. 3. et 379. et de re-
 liquiis, et cuſtodia ornamentōrū, et
 prouiſione librōrū. 384. n. 13. Itē
 de regiſtris, et inuentariis. 386. &
 de ſubuectionib. 389. et de collapſis
 eccleſiis, & monaſteriis in Religio-
 ne. 402. n. 12. et 13. et de abſtinen-
 tia carniū. 625. nu. 3.
 Conſuetudo, & capitulorū diſpenſatio
 non excuſant proprietatis peccatū.
 pag. 96. nu. 12.
 Conſuetudo iuri humano non pręindi-
 cat, niſi fuerit rationabilis, & le-
 gitimē pręſcripta, & a conſenſu
 principis dimanans. 332. nu. 8. 19.
 Conſuetudo longē aliam rationē habet
 circa leges naturales, & diuinas,
 quā circa humanas. 317. nu. 9.
 Conſuetudo nulla obest legi naturali,
 aut diuinę. 332. nu. 9.
 Conſuetudo praua in religione, pręſer-
 tim apud iuuenes religioſos, mul-
 torū malorū eſt cā. 392. n. 14. et 15.
 Conſtantia frontis in ſancto Stephano,
 arguit calumniatorum malitiam,
 & impubentiam. 346. nu. 6.
 Contēptores Pralatorū, et legū mona-
 ſticarū moleſtiſſimi ſunt omnib. &
 trāquillit. cōturbatores. 305. n. 1.
 Contemptus mundi, & omnium, quę
 in eo cernuntur, quāta energia Au-
 guſt. docuerit. 593. nu. 2. m. 1. 19.
 Contemptus mundi, et perſecta cordis
 abdicatio a mundo, docetur. 593.
 num. 2. & inferius. m. 1. 19.
 Contemplatiue vitę actio, uiris reli-
 gioſis familiaris eſt, & accommo-
 data. 472. nu. 1. m. 1. 19.
 Contemplationis exercitatio plures a-
 ctus continet, ſub vno tamen ſine.
 p. 472. nu. 1. & 2. m. 1. 19.
 Contemplationis difficultas, et varia
 obſtacula, quomodo tollenda ſint.
 p. 473. nu. 3. & 4. m. 1. 19.
 Contemplantibus, cur varia ſe offerat
 cogitationes. 475. nu. 5. m. 1. 19.
 Contemplationi planam viam ſternūt
 virtutes morales. 475. nu. 6. m. 1. 19.
 Contemplatiuorum uirorum exempla
 varia reſeruntur. 476. nu. 7. m. 1. 19.
 Contemplationis actus, ſiue gradus
 poſtremus peculiari ratione nunc
 patur contemplatio, quę ceterorū
 actuum eſt ſinis. 499. m. 1. 19.
 Contemplationum quattuor ſunt prę-
 cipue ſpecies. 499. nu. 2. m. 1. 19.
 Contemplatio coniunctā habet ingen-
 tem delectationem. 499. n. 3. & 4. m. 1. 19.
 Contēplationis gradus ſex enumeran-
 tur, ex Lawr. Iuſtiniano. 500. n. 5.
 Contemplatio paſſionis Chriſti, potif-
 ſimum

Index alphabeticus.

- nonicus tres libros prius legat le-
 ctione mentali, per uetustum, candi-
 dum, & ceruleum. 204. nu. 2.
 Cubiturus Canonicus quotidianā sui-
 ipsius examinationē faciat. 208.
 Custodia rerum communium accuratē
 habēda est. 687. nu. 1. et inferius.
Deformatorum Religionis inge-
 niū, & cōflictus veritatis, et fal-
 sitatis exprimatur. 329. nu. 1. & 2.
 Deformatorum Ordinis argumenta
 duodecim adducuntur, & dissolun-
 tur. 330. & inf. & 336. & inf.
 Deformatores Ordinis iniuste resor-
 mationem recusant, dicentes, cur
 potius ab eis, quā ab alijs sit re-
 formatio inchoanda. 336. nu. 1.
 Deformationis commoda, & emolu-
 menta cū Religionis corruptione
 parū pēdēda sunt. 341. nu. 19. 20.
 & 21.
 Deformatōrū argumenta quedā addu-
 cuntur, & soluitur. 340. nu. 14. 15.
 Delitiae peccatorum feces habent inco-
 lerabilis gustus. 581. nu. 1. & 2.
 Delitiosi homines non sunt felices, ant
 beati existimandi. 545. nu. 2. & 3.
 Delitiarum amatores, quāta mala in-
 sequantur. 583. nu. 5. & 6.
 Dei dilectio quinq; particularibus ra-
 tionibus a nobis tenenda, & exer-
 cenda est. 534. & 535.
 Del amorem ab sponsa in canticis edo-
 cemur. 537. nu. 8. & 9.
 Dei dilectionis natura, vis, et latitudo
 explicantur. 538. & 539. & inf.
 Deus cur a nobis oretur, et inuocetur,
 cum sciat omnia. 614. nu. 3.
 Deus quomodo a peccatore elongari
 dicatur. 788. nu. 5.
 Dei aspectum, & scientiam fornicarij
 fugere non possunt. 658. nu. 8.
 Deuotionis causa sunt duplices; intrin-
 seca, & extrinseca. 481. nu. 3.
 Differentia inter ordinem antiquum,
 & simplicē Canonicoꝝ Regula-
 riū; & nouas erectas congregatio-
 nes eiusdem ordinis. 44. & inf.
 Differentia inter Canonicos Regulares,
 & reliquos cuiusuis Ordinis, Mo-
 nachos, atq; etiam cōuenientia de-
 scribitur. 119. & inferius.
 Difficultates emergentes in capitulo
 prou. quō dirimēda sint. 365. nu. 18.
 Dilectionis, et charitatis proximi prae-
 ceptū latē explicatur. 542. & inf.
 Dilectio carnalis quēna sit, & quomo-
 do ab August. dānetur. 724. nu. 1.
 Dilectio fratris, quando non carnalis,
 sed spiritualis, & studiosa censebi-
 tur. 721. nu. 2.
 Disciplina quem habeat significatum
 apud Augustinum, & alios. 744.
 num. 25.
 Discordia venenum pestiferum extri-
 catur. 557. nu. 2. et 5.
 Discordia existentium in monasterio,
 unde nascatur, & quomodo repel-
 lenda. 553. nu. 3. & 4. & 6.
 Dissidia potiora circa traditionem re-
 gula, trahuntur. 135. nu. 5. & inf.
 Dissidia, & opīones de traditione Re-
 gula conciliantur. 139. & inferius.
 Dispensatio Prelatorum in Regula, &
 patrum constitutionibus iacita, vel
 expressa, quanti sit ponderis expli-
 catur. 338. nu. 10.
 Dispensationis cause legitima enar-
 rantur. 339. nu. 11. & 12.

Index alphabeticus . 1

- istributio bonorum cōmuniū quat
tuor partibus constat. 573. num. 1.
Diuinit cruciatus in captando som-
no. 212. num. 6. & 7.
Doctōr sine praelector Canonico-
rum studentium in monasterio est consti-
tuendus, & quā ratione alendus.
244. num. 1. 2. 3. & 4.
Dormitorij cōmune erigendum, &
conseruandum est in domibus Cano-
nicorū Reg. 201. n. 1. & inferius.
Dormitorij forma, et structura qualis
esse debeat. 201. num. 1.
Dormitorij leges seruandae habentur.
201. & 202. num. 2. 3. 4. 5. & 6.
E
Aestatis, & hyemis descriptio, &
discrimen. 648. num. 5. & 6.
Ecclesia cathedrales ordinis Canonico-
rū Regulariū referuntur. 326. n. 10.
Edacitas multorū malorū causa est,
ob idq; vitanda. 190. & inferius.
Edacitatis, & voracitatis remedia p-
ponuntur. 193. num. 6. & inferius.
Electionis Canonico-
rū tēpore documē-
ta necessaria obseruanda. 59. & inf.
Electionis faciendae duo modi diuersi
praemonitiones, & abusus, & pre-
tia, explicatur. 66. n. 3. et inferius.
Episcoporum habitus tādidi ratio, &
institutio explicantur. 57. & inf.
Episcopi nec sunt Canonici Regulares,
nec Religionis professionem emic-
tunt. 57. & inferius.
Episcoporum ius, quomodo saluum sit
conseruandum in uisitationibus, &
correctionibus, et alijs quibusdam.
358. num. 3. & 364. num. 16.
Episcopi monasteria sibi subiecta stu-
deant reformare. 365. num. 19.
Episcopi qua ratione teneantur adiuua-
re, & defendere monasteria tam in
personis, quā in rebus. 366. num.
20. & 21. & 374. num. 15.
Erasmi opinio, & censura de authore
Regulae Canonico-
rum refellitur, et
damnatur. 41. & inferius.
Excitare debemus animas fratru dor-
mienter. 465. num. 2. & inferius.
Excitationes animarū varia tradun-
tur. 465. & inferius.
Exire à monasterio non licet Canoni-
co, absque legitima licentia citra
pēnas condignas. 280. num. 1. & 2.
& 281. & 282.
Exeundi à monasterio ratio obseruan-
da. 282. num. 5. 6. & inferius.
Exeundi à monasterio documenta ser-
uanda. 284. num. 12.
Exeundi à monasterio frequentia, quā
tā multa, & pericula Canonico in-
uehat. 285. num. 15.
Exercitatio rerum externarum sine
prudētia, & moderatione solet ef-
frenare animum, & linguam Reli-
giōsi. 225. num. 11.
Exempla operū quō magis moueant,
& q̄ praecepta, & verba. 635. num. 10.
Exēpla bonorū virorū quātū moueāt
animos hominum. 758. num. 8.
F
Fœliciores sunt qui in sustinenda
parcite fortiores habentur, quā
qui delicatius propter imbecillita-
tem nutriuntur. 640. num. 5.
Fœminarum aspectus tres habet occa-
siones. 655. num. 4.
Fœminarum aspectus quanta mala ho-
mini aduehat. 654. num. 2.
Fœminarum familiaritatem non relin-
quentes,

Index alphabeticus.

- quentes, frequenter admoniti, magna de se suspensionē pbēt. 668.n.6.
- Fornicarij & si credunt, se non videri videntur tamen, & facile deprehēduntur. 657.nu.7.
- Fornicatio ex sacris litteris quā sit grane peccation. 659. nu. 1. & 2.
- Fornicatio quam habeat pccnam. 660. num. 3.
- Fornicationis occasiones quā sint sciendi. 660. nu. 4.
- Fornicationis fugienda documenta quādam traditū. 661. 662. & 663.
- Fraudes, quæ in electione Canonicorū committi solent. 66. nu. 2.
- Fratrum triplex est genus. 590. n. 7.
- Fugitiuorum, & eiektorū gubernatio traditur. 289. nu. 6. 7. & 8.
- G**
- Genus hominum: cur ferē nullum est, quod non aliquid dedecoris habeat. 600. nu. 3.
- Gilbertus Abbas S. Ruffi, expositor regule Augustiniane citatur. 610. num. 2.
- Gratias agendi ardens diui Pauli studium imitatur August. 781. nu. 1.
- Gratie sunt Deo agenda, non solum propter remissa peccata, sed quod a multis nobis vitij præsruat. 782. num. 2.
- Gratiarum actionis Deo exhibendæ multiplex est ratio. 783. nu. 3.
- Gratiarum actio duplicem dolorem in nobis utiliter suscitāt. 783. nu. 4.
- Gratiarū actioni accommodatissimus est Psalmus 22. p. 784. nu. 5.
- Gregorius magnus totus formidine corripiebatur, cum animarū onus sibi impositū cōsiderabat. 735. n. 9.
- Gregorij documenta pastoralia penē diuina sunt. 737. nu. 12.
- Gula, & ebrietatis deformitates, & mala explicātur. 734. nu. 7. & 8.
- Gula, & ingluuici tria sunt genera. 627. nu. 8.
- H**
- Habitare fratres in vnum, quā sit bonum, & iucundū. 552. n. 6.
- Habitus candidi Canonicorum regularium ratio, significatio, & institutio; item differētia, et varietas explicantur. 51. & inferius.
- Habitus candidi Episcoporum ratio, & institutio explicatur. 57. et inf.
- Habitus Religionis non est deponendus, aut occultādus. 295. n. 1. et 2.
- Habitus religionis in quibus casibus liceat deponere, aut occultare. 296. nu. 3. & 298. nu. 6.
- Habitus Religionis deponētium, aut occultantium pccna. 296. n. 4. et 5.
- Henricus Gandauensis refellitur, opinans omnia contenta in Regula cadere sub præcepto. 522. n. 3. & 4.
- Hypocrisis spiritali pulchritudini animæ, & virtutū ornatui ex diametro aduersatur. 769. nu. 1.
- Hypocrisis quid sit, quāq; graue sit peccatum mortale. 770. n. 2. & 3.
- Hypocrisis cognoscenda tres Regulae statuuntur. 771. nu. 4.
- Hypocrisim, & fucum maximè detestatur Christus. 772. num. 5. & 6.
- Hypocrisim derident Diogenes, & alij Ethnici. 772. nu. 7.
- Hypocrita quid significet, quidq; sit, & quibus rebus comparetur. 770. num. 1.
- Hypocrita sint ne cōsentiendi, qui pro

Index alphabeticus

- bonis Christianis reputari volūt in publico, etiam si aliquando peccent 771. nu. 4.
- Hypocritæ an sint tenentes habitum sanctitatis, & meritum perfectionis non exequentes. 773. nu. 8.
- Homines fideles cur luminaria appetantur. 673. nu. 4.
- Homines tria solent à malo retrahere; amor, pudor, & timor. 677. nu. 3.
- Hominis difficilis ad veniā petendam, vel concedendam ingenium beotium exprimitur. 709. nu. 5.
- Homicidij genus triplex est. 704. nu. 2. 3. & 4.
- Honestas, & decorum in ambulando, stando, & in omnibus motibus custodiatur. 641. nu. 1. & 2. & 643. nu. 3. & 4.
- Hospitalia Canonicorum Reg. in titulum conferri possunt. 164. num. 1.
- Hospitaliorum vitia, atque virtutes referuntur. 165. nu. 2. & 3.
- Hospitalarij regulares qua rōne sint exempti. 165. nu. 4.
- Hospitaliorū leges obligatorie, documenta, & munus explicantur. 166. nu. 6. 7. & inferius.
- Hospitalitas quā sit cōplectenda, & qua ratione tractanda. 216. nu. 1.
- Hospitalitatis abusus quattuor sunt vitandi 217. nu. 2. & 218. & inf.
- Hospites qua humanitate, & lege sint tractandi. 216. & inferius.
- Hospitij domus erigenda est in monasterijs Canonicorum. 219. num. 6.
- Humilitas in erigēda monastice principium obtinet locum. 586. nu. 1.
- Humilitatis prosectio super tria sedilia conquiescit. 586. num. 2.
- Humilitatis tractationem nunq; precepti unculis Augustinus absoluit. 587. nu. 3. et 588. & inferius.
- Humiliate reiecta, cetera corrumpunt. 605. nu. 1.
- Humilitas fundamentum, & culmen bonorum omnium, & diadema decoris. 605. nu. 1.
- Humilitas miris laudibus à Basilio effertur, & celebratur. 606. num. 2. & inferius.
- Humilitas est vera Christi imitatio, cunctarum virtutum origo, & caput &c. 606. & 607.
- Humilitatis comparanda vtilissima via traditur. 608. nu. 9.
- I
- Ianuarius Canonicus testamentum condidit, et proprietarius moritur, ab Augustinoq; reprobat. 136. num. 4.
- Ianua custodiā Aristoteles, & Conciliū Aquisgranense, & reſta gubernationis ratio preceperunt. 177. n. 1.
- Ianua monasterij incustodita abusus explicatur. 179. et 180. n. 4. 5. et 6.
- Ianitoris probi munus, & instructio docentur. 178. nu. 3. & 4.
- Teimnare nō valētibus documēta quādā ſernāda traduntur. 626. nu. 5.
- Imaginationes nostræ indomitæ in oratione quō refrenandæ. 478. nu. 2.
- Imbecilitas humanarū viriū ad obseruantiam Religionis non est tanta, quātam exiſtimant Religionis formatores. 330. nu. 3. 4. & 5.
- Ignorantia ſuiipſius quantam perniciem homini inuehit. 447. num. 8.
- Ignorantia eorum, quæ ad ſtatū vniuſcuſq; pertinent, quā ſit periculosa.

Index alphabeticus.

- I**deus. 774. nu. 2. & 3.
- Inconstancia, & mutabilitas** quorundam religionum taxatur. 118. n. 5.
- Infirmorum cura in monasterio** necessaria est, & ad proximi charitatem plurimum spectat. 195. nu. 1.
- Infirmorum in monasterio** Capanorum Reg. exigendum est, & conservandum. 195. nu. 1. 2. & 3.
- Infirmorum tractatio, & ipse infirmus** siue infirmorum praefectus quales esse debeant. 197. & inferius.
- Infirmus** qua ratione se gerere debeat, tam in egritudine, quam in conalescentia. 198. n. 3. 4. 5. & inferius.
- Infirmis** et egritudinis causa quae nam esse soleant. 200. nu. 6.
- Infirmi** partiori, moderatiori; cibo sunt nutriendi. 638. nu. 1.
- Infirmi** quattuor rebus, et plurimum indigent. 696. nu. 1. 2. & inferius.
- Incorrigibilis** difficile emendatur. 273. nu. 1. 2. & 3.
- Incorrigibilitatem** ipsam etiam Prælati inspectari, et emendare non desinat. 274. nu. 4.
- Incorrigibilitatis** species quattuor. 274. nu. 5.
- Incorrigibilis** quis vere sit, & diffinitur. 275. nu. 6.
- Incorrigibilitatis** maxima grauitas explicatur. 275. nu. 7.
- Incorrigibilis** sit ne foris extra monasterium relinquendus. 276. n. 8. & 9.
- Incorrigibilis** qua sit ratione tractandus ex Basili decreto, & ex aliorum sententia. 277. nu. 10. & 11.
- Incorrigibilis a monasterio** expulsus, sit ne tutus in conscientia. 278. n. 12.
- Incorrigibiles** vitandi sunt, et fugiendi ob eorum contagione. 278. nu. 12.
- Incorrigibilis** an sit aliquis, & simpliciter obstinatus in hac praesent vita. 279. nu. 14.
- Incorrigibilitatem** crimen esse grauisimum docetur. 679. nu. 3.
- Iniuriarum remissio** a Deo tradita, per se luculenta est, & facilis intellectu. 713. nu. 1.
- Iniuriarum remissio** quattuor modis fieri potest. 714. nu. 2. & 3.
- Iniuriarum remissio** est opus praestantissimum, in quo maxime nos exercere conuenit. 715. nu. 4.
- Iniuriarum remissio** maxime tributes nobis largitur. 715. n. 4. & 6.
- Iniuriarum remissio** facile comparatur ex meditatione exemplorum Christi, & ex recordatione diei iudicii. 716. nu. 6.
- Ira** qua ratione homicidium esse dicatur, exprimitur. 704. nu. 1. & 2.
- Iram, odium, & contumelliam** quam legē abesse a Christiani animo Christus voluerit. 705. n. 5. 6. & inferius.
- Ira** prælati perniciofa est, et valde formidanda. 743. nu. 24.
- Ira** centum hominum cum culpa tres sunt differentie. 702. nu. 4.
- Inquieti homines, qui sint indicandi.** 739. nu. 17. & 740. nu. 18.
- Iudicii extremi** longae, & vtilis consideratio. 488. & 486. & inferius.
- Lectio** habenda in refectorio tam in prandio, quam in cena. 185. nu. 2. & 3. & inferius.
- Lectio** sacrarum doctrinarum exercitio contemplationis est necessaria. 477. nu. 1.

Index alphabeticus.

- Lectio** non quorumcumque, sed electorum librorum est contemplationi necessaria. 478. nu. 3. 4. & 5.
- Lectio** mensa affidentibus quam adferat utilitatem. 632. nu. 1.
- Lectio** frequens diuinæ scripturæ, & sanctorum doctrinarum nobis plurimum commendatur. 697. nu. 1.
- Lectio** librorum viro religioso sit crebra, & familiaris, non omnis, sed spiritualis. 699. nu. 1. & 2.
- Lectio**ni succedat oratio, quam Augustinus præcepit, de codicis usu agēs. 699. num. 1.
- Lectio** si utilitate est allatura, quinque leges obseruare debet. 700. num. 3.
- Lectio**ni commiscenda est meditatio. 701. num. 8.
- Leges** humana quibus verbis exprimeretur soleant obligationem peccati mortalis. 526. & inferius.
- Lingua** vulnus, græue admodum est. 708. num. 2.
- Lites** Canonice Reg. qua ratione tractandæ, dirimendæ, & finiendæ sint. 264. nu. 6. 7. & 8.
- Litium** Canonice declaratio, & pronuntiatio nõ lōge differatur a Prælato post agnitā veritatē. 265. n. 9.
- Litibus**, et dissidijs impliciti Religiosi, q̃ longe a Xpo absint. 262. num. 1.
- Lites** & dissidia relinquere, longa oratione admonentur Canonici Reg. 262. & 263. & inferius.
- Lites** ex tribus malis oriri solēt. 702. num. 1. & 2.
- Litium** celerissimam breuitatem Augustinus præcipit. 703. nu. 2.
- Litigantium** cruciatus, & anxietates recedantur. 265. nu. 9.
- Litigantium** damna, & incommoditates. 268. nu. 5. 6. 7. & inferius.
- Litigationis**, & dissidij remedium est animi mansuetudo. 272. num. 13.
- M**
- Magister** noniciorum Canonice creatus est in singulis monasterijs. 238. & inferius.
- Magister** noniciorum, quas leges sit obseruaturus in instruendis nonicys. 239. nu. 1. 2. & 3.
- Malis**, quæ impij homines aduersus alios excogitat, in ipsos solēt recidere auctores. 709. nu. 6. 7. & infer.
- Meditatio** est secundas contemplationis gradus, sine actis, & quæ, quælibetque illa sit. 480. nu. 1.
- Meditatio** initium est vite in meliora commutandæ. 481. nu. 2.
- Meditationis** maxima vis explicatur. 481. nu. 3.
- Meditationum** parij modi traduntur. 482. num. 4.
- Meditatio** mortis utilissima est, nec faciendū ob tristitiam. 483. nu. 1.
- Meditationis** mortis multi sunt fructus. 485. nu. 4.
- Meditatio** extremi iudicij plures continet utilitates, præsertim in initio conuersionis. 486. & inferius.
- Meditatio** Paradisi celestis alacritatē adfert contēplātibus, eiusq; gradia, & copiosa gaudia. 491. et inferius.
- Meditatio** iucundam reddit vitam, & maximam in tribulatione præstat consolationem. 586. nu. 1.
- Meditationis** exercitatio viris Religiosis quotidiano esse debet, nec Religiosi, aut spiritualis nomine dignus est, qui saltē semel in die ad meditationem

tionem non se transfert. 482. n. 3.
 Meditandi mortem in cadauere ante
 oculos posito egregia methodus.
 484. nu. 2. & 3.
 Mensurarum Prælati, & capituli diui-
 siones explicatur. 108. 109. et inf.
 Monasteria etiam tenentur præcepto
 eleemosinarum. 167. nu. 10.
 Monasterij tranquillitas duobus me-
 dijs reparatur. 708. nu. 1.
 Monasteriū ē ipsi Religiosis quasi car-
 cer, et sicut piscib. aqua. 180. nu. 6.
 Monasterium est domus luctus, & la-
 chrymarum sedes ex Chrysostomo,
 & quæ de causa. 108. nu. 6.
 Monasteriorum reformatio est præci-
 pius scopus congregationis, Præ-
 sidium, & Visitatorum. 389. nu. 1.
 Monastices primariæ partes quænam
 sint. 560. nu. 1. & 3.
 Monastica vita scopus, et ratio descri-
 buntur. 3. nu. 7.
 Monastica, siue regularis vita pluri-
 ma sunt commoditates. 3. n. 8.
 Monastica exercitationis cōpēdiū a
 Basilio traditū, refertur. 319. n. 1.
 Monastica exercitatio recta metho-
 dus, quoad colloquia, & consuetu-
 dines traditur. 321. nu. 2. & 5.
 Monastica exercitationis documenta
 quo ad opera traduntur. 321. nu.
 3. 4. & 7. & 8. & inferius.
 Monastica exercitationis legitimus
 usus quodam officia iniuncta habe-
 tur. 323. nu. 6.
 Monastica exercitatio, et continua pu-
 gna aduersus demones explican-
 tur. 326. & 327.
 Monastica Religio Regiam dignitatē,
 quot spiritualibus gradibus ante-

cellat. 436. & inferius.
 Moniales, siue sacrae virgines officia
 diuina celebrantes, quā magnum
 meritum apud Deum sibi, & alijs
 acquirant. 234. nu. 9.
 Monialium monasteria etiam subij-
 ciuntur capitulorum prouincialium
 statutis, & visitatorib. 377. n. 12.
 Mors an censenda sit bonum morale,
 aut malum, explicatur. 173. n. 13.
 Mors, lege in verbo Meditatio; & in
 verbo Testamentum; & in verbo
 Cognitio sui ipsius.
 Muliercularum famulatus, vel mini-
 sterium non est admittendū in mo-
 nasterijs. 83. nu. 4. & inferius.
 Muliercularum colloquia a Religiosis
 vitanda. 84. n. 8. et 9. & inferius.
 Murmurationis, contentionis, ac de-
 muli linguæ vitia stringuntur. 692.
 693. & inferius.
 Murmuratores duræ ceruicis sunt ho-
 mines. 694. nu. 7.

N

Negotiorum secularium pertra-
 ctatio Canonici Reg. interdicti-
 tur. 113. & inferius.
 Negotiorum secularium implicatio,
 est proles, & affecta vitij proprietate
 tis. 113. num. 1.
 Negotiorum secularium tractatio Ca-
 nonicis Regularibus aliquando li-
 cita esse potest, si quattuor conditio-
 nes obseruentur. 113. n. 1. & 2.
 Nobilitate generis non esse glorian-
 dum Christus docuit. 599. n. 1.
 Nobilitatis contemptum egregie do-
 cuit Chrysostomus. 599. nu. 2.
 Nobilitas ficta, quænam sit, explica-
 tur. 600. nu. 4.

Nobilitas vera, et Christiana explicatur. 601. nu. 5.
Nobiles illi, quorum vita a virtutibus aliena est, cur stomachentur, si audiant nobilitatem veram a virtute primum derivari. 602. nu. 6. & 7.
Non omnia contenta in regula obligant sub peccato mortali. 521. nu. 2. & inferius.
Novicius Canonicus quas leges sit observaturus, ut recte instruitur. 239. nu. 3. 4. & 5. & 240. nu. 6. 7.
Novicius Canonicus, et loco, et conversatione ab alijs separandi sunt. 242. nu. 9.
Novicius Canonicus quibus admonitis se committere debeat ad Religionem recte consequendam. 242. nu. 10. 11. et 12.
Obedientia regularis inter tria Religionis vota primata obtinet, & reliqua duo in se continet. 77. nu. 1.
Obedientia regulari Religiosus suam voluntatem, et libertatem reponit, tanquam in arca, in sinu sui prelati. 77. nu. 2.
Obedientia regularis vis, amplitudo, extensio, obligatio, atque potestas explicantur. 78. nu. 3. & inferius.
Obedientia irregularis laus, et utilitas explicantur. 79. nu. 6. et 80. 87. & inferius.
Obedientia regularis qua ratione dicitur libera, exprimitur. 723. nu. 1.
Obedientia Pralati instate, preemittenda sunt oratio, letitio, corporis quies, et alia huiusmodi opera. 326. nu. 12.
Obedientia regularis monastica virtutum potissima, & prestantissima est. 722. nu. 1.
Obedientia regularis, brevis cantinacula est, sed longum habet epiphonema. 722. nu. 1.

Obedientia, que felicitatis mater est, praeclaras habet vires, & prerogativas. 723. nu. 1.
Obedientia plures gradus, et differentias constituitur a Bernardus. 729. nu. 21.
Obedientia vim quandam extimiam, & speciem mercedis attribuit sacra scriptura. 725. nu. 3.
Obedientia in viris prestantissimis claruisse legitur. 725. nu. 4.
Obedientia signis, & miraculis claret. 726. nu. 5.
Obedientia magna vis est ad ceteras virtutes adipscedas. 727. nu. 6.
Observantia virtutis, que Prelatis debetur, explicatur. 309. nu. 9. & 310. nu. 10. & 11.
Oculorum custodia quanto studio sit curanda ad servandam castitatem. 659. nu. 1. & inferius.
Oculos dicitur quassiam figere tripliciter. 654. nu. 3.
Oculus sit impudicus sex modis. 656. nu. 5.
Oculorum impudicitia, cur impudicitiam animae ostendat, ex physionomia micorum indicio. 656. nu. 6.
Oculorum disciplina servanda est, amantissimi castitatem. 661. nu. 6.
Occulta epistolae, et minuscule cur ab Augustino repellantur. 680. nu. 1.
Occultatio rerum donatarum maxime damnatur ab Aug. 689. nu. 6.
Odorem bonorum operum, laudemque exultationis in nobis desiderat Augustinus. 767. nu. 3.
Officiorum divinarum in cois celebratio quatenus facienda sit, quatenus cura persolvenda, & sub quanta obligatione precipiatur. 224. 225. & inferius.
Officio-

Index alphabeticus.

- Officiorū diuinorū, & laudū diuinarū** celebratio, & decantatio quāta anima puritate, attētiōe, & reuerentia exercenda sint. 228. & 229.
- Officia diuina ritē celebrantes, quantū** adipiscantur dignitatē, & honorem. 231. n. 5. & 232. nu. 6. & 7.
- Officia diuina sacra virgines celebrantes quantū meriti apud Deum acquirant.** 234. num. 9.
- Officiales monasteriorum singulis annis reddant sumptuum, & receptorum cōputationes, siue ratiocinia.** 256. num. 4.
- Opinio statuens quendam truncatum ordinem Canonicorū Reg. cathedra lium refellitur.** 129. & inferius.
- Oratio mētalis, et cōtēplatio quā rōne** exercitandae sint in choro post diuina officia celebrata. 227. num. 7.
- Oratio mentalis est tortius cōtēplationis actus et gradus. Itē quid illa sit, et quae eius functio.** 493. n. 1. & 2.
- Orationis mentalis modus varius** traditur. 494. nu. 3. & inferius.
- Orationis dominica breuis contemplatio.** 496. nu. 5. 6. & inferius.
- Orationis & humilitatis cognatio** explicatur. 609. nu. 1.
- Oratio viro religioso maximē necessaria.** 609. num. 1.
- Orationis recti vsus, atque exercitiū** quattuor praecepta Augustinus tradit. 609. 610. & inferius.
- Orationū horis constitutis factarū** maxima utilitas enarratur. 610. n. 2.
- Orationes vsu, & auctoritate maiorū** receptae, sūt admittēda. 611. n. 6. 7.
- Orationis admiranda laudes, & utilitates enarrantur.** 612. 613. et 615. n. 4.
- Orationis ariditas unde quibusdā** proueniat. 618. nu. 11.
- Orationis recta methodus à Xpo tradita, sūse explicatur.** 618. n. 1. 2. et 3.
- Oratio non frigida, non tepida, sed** effervescentis sit. 620. nu. 6.
- Orationis fructuosa multiplices** sunt species. 621. nu. 7.
- Oratio Christianorum qualis esse** debeat ex Theophylasto. 622. nu. 9.
- Orationum reciprocarum maxima** necessitas, et utilitas. 622. n. 10 et 11.
- Oratio, carnis maceratione plurimum** iuuatur. 623. nu. 1.
- Oratio custodire, & cōtegere** debet ea, quae ex lectione, aut concione in corde seminata fuerunt. 764. num. 1.
- Orantes id versent corde, quod ore** profertur. 611. nu. 4.
- Orandi utilis ratio octo documēta** continet. 615. 616. & 617.
- Oratorij loco nisi orandum, nihil aliud** agendum. 610. nu. 3.
- Oraturus suam infirmitatem, & indi** gentiam cognoscat. 619. nu. 4.
- Ordinis nomen plures habet** significatus. 2. num. 2.
- Ordinis status, quis, et qualis sit, eiusque** finis. 1. nu. 2. & inferius.
- Ordo Canonicorum Regularium plures** habuit summos Pōtiffices Romanos. 20. & inferius.

P

Palatia principum frequentare Religiosis non conuenit, nisi certis de causis. 114. nu. 6. & 7.

Parsimonia definitio, & proprietates explicantur. 578. nu. 1.

Parsimonia licet sancta, tria mala in monasterijs corrumpunt. 579. nu. 3.

Index alphabeticus.

- Parsimonia eorum, qui Deo, non mun- Paupertatis monastica laudes, & ex-
 do scriuiebāt, quāta fuerit, et quā cellentia explicatur. 569. & infer.
 Regia. 579. nu. 4. Pax qd sit, et q utilis sit. 555. n. 4. et 5
 Patientia magnū Dei donū ē. 759. n. 1. Peccatū mortale suo quodā modo in-
 Patientia qd sit, & ob q utilitatē cōsi- finitū est, quandamq; rationē infinita-
 tuatur in numero uirtutū. 759. n. 1 tatis ex termino habet. 790. nu. 8.
 Patientia triplex est gradus. 760. n. 2. Peccatum quibus de causis vulnus ab
 Patientia mutua se tolerare debent, et Aug. nūcupetur, et aliquādo in cor
 confouere Prælatus, & subditi. de putrescere dicatur. 671. nu. 14.
760. num. 3. Peccati remedium. 790. nu. 7.
 Patientia vis monastica Religionis fru- Peccata fraternæ correctioni obnoxia
 ctus maturefcere facit. 761. nu. 4. multiplicia sunt. 667. nu. 5.
 Patientia encomium d Cypriano pro- Peccatū mortale quantas calamitates
 latum. 761. nu. 5. homini inferat. 788. num. 5. & 6.
 Patientia egregiū concionatorē, & ma- Persona propinqua, quomodo propter
 gistrum se Xps præsistit. 762. n. 7. Christum relinquantur. 603. nu. 8.
 Patientia in Religioso unde nascatur, Persona Clerici, & persona Monachi
 & que operetur. 762. nu. 7. qua ratione differant, explicatur.
 Patientia sanctorum quantum nobis 39. & inferius.
 conducere possit. 762. Perfectio tam vitæ Christianæ, quā
 Patientia retinenda d Prælato, tria vitæ regularis, & monastica expli-
 esse solent impedimēta. 743. n. 24. catur. 68. 69. 70. & inferius.
 Pauperes suauius dormiunt, quam di- Penitentiā peccatorum d nobis esse
 uites. 12. nu. 6. curandam diligenter, docet Augu-
 Paupertas uolūtaria est fundamentū, stinus. 785. nu. 1.
 et instrumētū ad perfectionē chari- Portiones panis, vini, tritici, ordeis, pe-
 tatis acquirendam. 86. nu. 1. & 2. cuniarū, vestiarij, & caterarū rerū
 Paupertati Religionis non repugnat diuise, & particulariter assignatæ
 habere res in cōmuni, siue mobiles, singulis Canonicijs Reg. reprobatur.
 siue immobiles. 86. nu. 3. & infer. 89. nu. 1. & 94. nu. 7. 8. & 9. &
 Paupertatis Religiosorum triplex est 98. nu. 1. et 101. nu. 9. et 687. n. 2.
gradus. 86. nu. 4. Potentia, diuina, & operum Dei con-
 Paupertati Religionis repugnat pro- siderationes uehementer excitant
 prietas singulorum, ex Basilio. 87. animas dormientes. 469. & infer.
nu. 6. & inferius. Prauitatum genera quattuor contin-
 Paupertatis multa sūt spēs. 566. n. 1. gere possunt in gubernaculo eccle-
 Paupertatis euangelica fundamentū, siastico: cupiditas, timor, amor, &
 et origo traditur. 566. 567. et inf. odium. 757. nu. 7.
 Paupertatis monastica magnitudo, et Præcepti uocabulum, quam habeat
 rō pfectionis explicatur. 570. n. 2. propriam significationem. 523.

Index alphabeticus.

- num. 4. & 514. num. 8.
Præcepta regulæ & consilij, & exhortationibus qua ratione dignoscantur. 25. nu. 9.
Prælatus etiã a senioribus domus modestè admonendus, & obiurgandus est, si opus fuerit. 22. 3. nu. 6.
Prælatorum Canonici ordinis munus grauissimũ, & difficillimũ est, magnasq; uirtutes exquirẽs. 250. n. 1.
Prælati boni, & recti qualitates copiose explicantur. 250. & 251. & inf.
Prælati presentia in monasterio est necessaria. 254. nu. 1.
Prælatus accuratè uigilet in dignoscendis fictis, et dolosis contractibus, qui plerunque ab officialibus monasterijs fiunt. 256. nu. 5. & 257. n. 6.
Prælati tenentur patrimonium, & bona sue ecclesie repetere ab iniquis possessoribus, & illa seruare. 258. nu. 7.
Prælatus nonnunquam cibum sumat in refectorio cum reliquis Canonicis. 258. nu. 8.
Prælati ex bonis sui monasterij non dicunt propinquos, vel amicos suos: nec fastuosum famulitiũ alant, nec splendida domũ adificat. 259. n. 9.
Prælatus contemnere, siue ut prælatus, siue ut priuatam personã peccatum mortale est. 307. n. 4. & 309. n. 6.
Prælatorum animi, & voluntates iniquo sensu, a quibusdã subditis intelliguntur. 333. num. 10. & 334. 14. & 15.
Prælatis etiam corruptis, & malis, reformationem exequentibus subditi regulares obtemperare tenentur. 333. num. 11. & 12.
Prælatorum malorum tres sunt species. 334. nu. 13.
Prælati innumeris periculis, & magnis aduersitatibus, obmurmurationibus, calumnijs, & accusationibus sunt expositi. 343. num. 1.
Prælatus aduersa pati non semper est virtutis, nã multis modis illud contingit. 344. num. 2.
Prælatus æquo animo calumniatorẽ ferat. 418. num. 3.
Prælati varijs impiorum armis impetuntur. 345. num. 4.
Prælatus curet habere animum bene sibi consciũ aduersus calumniatores. 346. num. 5. & 6.
Prælatus bonus sibi persuadeat nihil ita magnificum esse, quod nõ sit expositum inuidentiæ, & calumnie multorum. 347. num. 7.
Prælatus probus licet versetur in statu periculoso, amplissimam tamen gloria coronam, si rectè se gesserit, est recepturus in calis. 348. nu. 8.
Prælatorum arma aduersus calumnias, & aduersitates enumerantur. 348. num. 8.
Prælatus Herodis exẽplo in audienda ueritate erudiri poterit. 350. n. 5.
Prælati quot euectiones, siue equitatuas, & personas ad capitulum provinciale secũ adferre possint. 360. nu. 5. & 362. nu. 11.
Prælatus, si non facit quantum potest sine magno scandalo, ut uiuatur in communi, non est in statu tuto. Si militer subditi dicte communitati resistentes &c. uidentur esse in malo statu. 391. nu. 7.
Prælati aut capitulum provinciale ui

Index alphabeticus.

- spensare non possunt in substantia- Pr. lati exemplum quale esse de beat.
libus Religionis. 592. nu. 14. 737. num. 13.
- Prælatis nō est detrahēdū. 412. et inf. Prælatus corripiat inquietos, et quā
Prælatorum verba magnam vim, ef- dicantur inquieti. 738. nu. 14. 15.
- ficaciamq; habent. 414. n. 6. & 7. Prælatus segnis, et tardus homini dor-
Prælatis citra moram est obediēdum. miēti assimilatur ab Isydoro, ex eu-
414. n. 8. & 9. & inferius. ius manu baculus Pastoralis exci-
Prælatus non facile credat susurrōni- dit. 739. num. 16.
- bis, & delatoribus. 417. num. 1. Prælatus suscipiat infirmos, et varias
Prælatus æquo animo ferat murmu- huius generis infirmitates. 742.
rationes aduersum se. 418. num. 5. num. 23.
- & 420. nu. 8. & inferius. Prælatus qua ratione disciplinā exer-
Prælatus durioribus verbis vsus in cere debeat, & austeritatem reti-
corrigeno subditos, non tenetur ab ncre. 744. nu. 25.
- eis veniam petere. 718. num. 1. Prælatus d subditis magis amari, quā
Prælatus durioribus verbis in corri- timeri optet, quamuis utrumq; sit
gēdo subditos vtens, tripliciter ex- necessarium. 744. num. 26.
- cedere potest. 718. num. 1. Prælatus timor necessarius est in subdi-
Prælatorum intempestiua, immodi- tis. 745. nu. 27.
- caq; humilitas increpatur ab Au- Prælatus ut à suo grege timeatur, tria
gustino. 719. num. 2. cum documenta adiungere poterūt.
Prælatus aliquando duris verbis pōt 746. num. 28. & 29.
- iure vti in subditos. 719. num. 3. Prælatus suorum subditorum est ciui-
Prælatus Augustinus commonefacit, tas, anima, radix, vita, facies, ca-
& obstringit, vt regule precepta put. 747. nu. 1.
- exequutioni tradant. 728. num. 1. Prælatus in suo obeūdo munere duas
Prælatus regularē plurib. & optimis uirtutes cōiungere nitatur; miserieor-
legibus Augusti instituit. 730. n. 1. diā videlicet, & iustitiā. 748. n. 2.
- Prælatus libidinem, & superbiam domi- Prælatus in medio subditorum cōuer-
nādi fugiat. 730. et 731. n. 1. 2. et 3. sari studeat, quasi pater, dominus,
Prælatus honore quidē colendus est, sed & pastor. 749. nu. 3. & 4.
- in aīo suo subditorū pedibus subster- Prælatus nihil sibi pponat impiū, aut
ni debet. 731. nu. 4. & 733. nu. 8. iniustū, vt illud impleat. 750. n. 5.
- Prælatus intelliguntur etiā in precepto Prælatus iusto uiri boni adhærebūt in-
de honorandis parentibus. 733. n. 5. iusti verō elongabuntur. 750. n. 6.
- Prælatus erga subditos modestiā, et sub Prælatus cū superbis, & prauis fami-
ditorū in Prælatus uenerationē, prae- liarē vitā non ducat; & quos fami-
cipit Augustinus. 733. nu. 6. & 7. liares sibi debeat eligere. 751. n. 7.
- Prælatus preceptū iniunctū de pbēdo Prælatus prudēs sui gubernaculi salū
i phbi aīo exēplo. 733. n. 10. 11. ces successus discat a mercatore, im-
peratore,

Index alphabeticus. I

- peratore, agricola, & nautica. 75. 2. num. 8.
- Prælati non sunt eligendi prece, aut præ-
tione, & ambitione. 75. 2. n. 9. et 10.
- Prælati rari sunt, qui habeant fortitudi-
nem, constantiam, & animi in-
gentudinem contra vitia, & pec-
cata. p. 763. n. 10. et 11. & 12.
- Prælatorum velle instrumenta referri-
tur. p. 753. n. 11. & 754. n. 12.
- Prælati inter collegiis in consulen-
do, & agendo, tenent animum libe-
ram, & pro veritate semper intre-
pidum. p. 758. n. 9.
- Prælati ad alios regis, gubernatione
sui ipsius non prætermittat, nec obli-
uioni tradat. p. 759. n. 10.
- Præparatoria nonne, ad futuram refor-
mationem. p. 799. 400. & inf.
- Præsidentes capitulorum provincialium
quæ potatè habeant. 368. n. 4. & 5
- Præsidentium electio, et duratio. pag.
369. n. 10.
- Presbyter, & Præpositus quid pud
Augustini significant. p. 678. n. 2.
- Prædendi hora varia, assignantur
iuramentibus. p. 628. n. 8.
- Prior lege in verbo Abbatis, et in ver-
bo Prælati. n. 10. non unoq.
- Professio trium votorum Religionis,
Religionisq; infima natura docet-
tur. p. 686. & infer.
- Professionis regularis definitio, &
natura. p. 72. n. 3.
- Professio regularis expressa, & taci-
ta quæ sint, & quò differat. 72. n. 9.
- Professio tacita lites, et iurgia adfer-
re solet monasterijs, quæ proinde
Prælati raro statuit. 72. num. 4.
- & 73. n. 7.
- Professio expressa quibus, & quàm
varijs modis fieri debeat, & possit
73. n. 8. & 7. & infer.
- Professio facta prout obedientie se-
cundum regulam approbatam, facit in-
terrogari, et completoria votorum obliga-
tionem. 73. n. 8. et 74. n. 8.
- Professionis controversia, et dubitatio-
nes dissolvitur. 75. n. 10. & 11.
- Propria quid sit explicatur. 103. n. 3.
- Proprietas Canonici. Reg. ex varijs
locis regule Augustini prohibe-
tur. 89. n. 12. & infer.
- Proprietas Can. Reg. ex varijs locis
iuris Can. interdicitur. 93. & inf.
- Proprietatis occasio est humanus ti-
mor deficiendi in necessarijs tempore
egritudinis, & senectutis, et ita ad
vetera amicitia. 90. n. 3. et 97. n. 15.
- Proprietas parientiarum falso asseri-
tur utilior esse bonis monasterijs, q̃
communis, et observata. 97. n. 16
- Proprietas Canonici Reg. reproba-
tur a recentioribus Concilijs pro-
prietatibus. 98. & infer.
- Proprietatis peccatum non excusat consue-
tudo, nec capitulum habens Prælatum
dispensatio. 96. n. 2. et 104. s. et if.
- Proprietatis vitia de causis, tripliciter
admonetur Prælati. 105. n. 8.
- Proprietatis pauperum multa sunt statu-
ta. 106. n. 1. & infer.
- Proprietatem Religiosorum multa in-
ta sequuntur. 107. n. 1. et 108.
- Proprietatis in Religioso damnatio
grauitas, & punitio explicatur.
106. n. 5. & 104. n. 6. & 7.
- Proprietarius quis sit, sex conclusio-
nibus explicatur. 92. n. 8.
- Proprietariorum argumenta adducū-
tur,

Index alphabeticus.

- tur, & soluntur. 96. nu. 12. & Infer. 112. n. 9.
 Proximus noster quisnam sit, explicatur. 543. & 544.
 Proximorum salutis spiritualis non procuratur, reddenda est ratio in die iudicii. 672. n. 12. & 3.
 Psallere sapienter, quid sit. 233. n. 8.
 Pudicitia nostra mutua cura ubicunque fuerimus, custodiamus ex Augustini precepto. 664. n. 1.
 Pulchritudo spiritualis anima depingitur. 765. n. 3. & 4.
 Pusillanimitas, & pusillanimitas quomodo cognoscantur, & reprimantur. 740. n. 19. & infer.
- R
- Reconciliatio fratris cum dubitatione culie quibusdam plenè explicatur. 711. 712. & inferius.
 Recloribus bonis mixta esse debet regendi cum disciplina auctoritas, et benignitas consolandi. 741. n. 22.
 Reclor ecclesiasticus consultatione, & consilio aliorum indiget, non sit personarum acceptor, nec blandimentis, & adulationibus aure prabeat, neque suspicionibus, nisi violentis, & maxime. 755. n. 1. 2. 3. & 4.
 Refectoria commune à Canonicis Reg. habendum est ad prandendum, & canandum. 185. nu. 1.
 Refectorium commune nullam fragularitatem patitur. 185. n. 2.
 Refectorij regula traditur. 187. n. 5. & 6. & infer.
 Refectorij regula, & ratio postulant modestiam victus, & potus. 189. n. 13. & vitanda est in mensa edacitas. 190. n. 1. & infer.
- Reformatores monasteriorum iniquo sensu existimantur nouatores, similiterque reformatio inique traducitur, ut rerum novarum mater. 334. nu. 18. & 335.
 Reformandi ovis difficilis est. 388. n. 1.
 Reformatio iniuste recusatur, quia singularitatis magistra. 335. n. 20. 21.
 Reformatio monasteriorum non est ad alia tempora differenda, sed cum breuitate exequenda. 336. n. 1. & 2.
 Reformatio non adfert secum mala et incommoda, ut deformatioibus videtur. 337. n. 4. & 5.
 Reformatio monasteriorum non adducit secum penuriam victus, & vestitus, et bonorum temporalium, ut deformatores opinantur. 339. nu. 13.
 Reformatio monasteriorum non est causa, quod rari religionem ingrediantur. 340. n. 14.
 Reformatio monasteriorum neque tollit, neque conturbat pacem bonam canonicarum, sed malam; imò veritatem, & tranquillitatem conscientiarum inducit. 340. n. 15. & infer.
 Reformatio monasteriorum propterurbationem male amicicia, & vitiosapacis non est omittenda, sed neque propter periculum apostatandi. 340. nu. 16. & 17. & 341. nu. 18.
 Reformatio monasteriorum non adducit maiores sumptus, & bonorum temporalium sterilem procuracionem; imò paucioribus sumptibus conservatur. 326. 16.
 Reformationis impugnatores, & contradiatores admonentur, ut caueant summi Rom. Pont. castigationem ex aliorum exemplo. 342. n. 23.
 Reformationis recta executio se per regn-

Index alphabeticus. 1

- Regulas observari** postulat. 406. & inferius.
- Reformationis** exequutio undecim doctrineta continet. 409. et 410. et ife.
- Reformationis** exequutione recta tradiderunt Bened. xij. & Conc. Oxiense, & Caiet. 411. n. 12. 13. et inf.
- Regula Augustiniana** approbatio, propagatio, & auctoritas defenditur, & fuleitur. 41. & infer.
- Regula Augustiniana** multas sub se continet religiones. 43. nu. 6. & c.
- Regula Augustini**, cur speculū nuncupetur. 134. n. 3. & 775. nu. 3.
- Regula** omnis, cuiuscunq; sit ordinis, tria essentialia religionis voca continet. 136. nu. 9.
- Regula Augustiniana** origo, et pluriū illustriū Canonic. Reg. cathalogus referuntur. 141. nu. 3.
- Reg. Aug.** quib. de causis tā segniter discatur, & percipiatur. 143. n. 1.
- Regula Aug.** pretiosior est cunctis argenti, & auri thesauris; exquirendaq; est tanquā margaritā promptuarium. 144. n. 2.
- Regula Augustini** admittenda excellentia. 163. 17. n. 6. & 7.
- Regula Aug.** inter nimilū, & parū positā mediocritatē illam tenet, quae iure laudatur. 16. nu. 6.
- Reg. Aug.** circa spirituales actiones potissimū perfatur. 173. n. 7.
- Reg. Aug.** ad Apostolicā vitā & exēplar cōposita, et cōformata ē. 17. n. 7.
- Regula Aug.** antiquitas. 17. nu. 7.
- Regula**, & Canonicarū constit. vis ad obligandū ad peccatū mort. fute explicatur. 26. & infe.
- Regula Augustiniana** egregia rectitudo, praestant esq; qualitates, & editiones habentur. 304. n. 4. 5. & 6.
- Regula Augustini**, cur sit regula nuncupata. 305. nu. 7.
- Regula Augustiniana** pratum est, & rosarium amantissimum. 306. n. 1.
- Regula Augustini**, cur ab ipsis Dei praeceptis inchoetur. 307. n. 2.
- Reg. Augustiniana** non truncate, aut dimidiata observanda est, sed integre, atq; cōplete. 728. n. 2. & 3.
- Regulam**, regulariaq; praecepta, non ut servi sub lege, sed ut liberi sub gratia custodire debemus, ex Augustini decreto. 768. n. 6.
- Reg. Augustiniana** frequēs lectio quas utilitates adferat. 774. n. 3. & 4.
- Reg. Augustiniana** speculū, nunquā e manib. excidere debet. 776. n. 6.
- Regulariū** nomine cōprehendūtur omnes Religiosi habētes Regulā approbatā, per quā promittunt tria substantialia Religionis. 71. nu. 11.
- Regularis** observantia, & divina laudes praestermittenda non sunt, propter temporalia bona, & negotia. 325. n. 9. & 101.
- Religionis** status quis, qualisq; sit, & finis eius. 1. diu. 1.
- Religionis** nomen, derivatio, & etimologia. 2. nu. 3.
- Religio** est perfectionis status, ad charitatis perfectionem, tanquam ad finem ordinatus. 3. n. 5.
- Religio** est status penitentiae, exertitiae, & schola perfectionis. 3. n. 5.
- Religionis** ingressu, tanquam medio quodam nos Deus ad salutem ducit. 6. n. 16.
- Religio** hortus est aromatorum, & flo

Index alphabeticus. I

- R**um. q. num. 18. ob
Religionis tria nota ab ipsis Apostolis
 constituta fuerunt. 9. n. 3. & inf.
Religionis, & triū votorū natura in-
 rim. manifesta. 68. n. 1. & inf.
Religio Christiana plurimum elucet in
 ordinibus Religiosorum. 398. n. 1.
Religiones a sua prima institutione
 non unquā eadunt, et relaxantur nisi
 crebro reformentur. 5. 17. n. 15.
Religionū collapsarū octo causae expli-
 cantur. 5. 18. & 19. & infer.
Religiosi non tenentur esse perfecti, sed
 habere studium ad perfectionē cō-
 sequendam. 3. 1. n. 6. & 1. 1. n. 10.
Religiosorum statum in perfecta cōmu-
 nitate nō vivunt, a Martino. d. 7. pil-
 luer. recitatus, reprehatur. 17. n. 9.
Religiosi quia rōne ad mortē salutatem
 se pparare debeant, omni testamatorū
 specie neglecta. 173. n. 1. 2. & inf.
Religiosus quo ex mortis frequēti tra-
 ctatione non differet sua vitā emē-
 dationē, neq; monasterij reforma-
 tionē impediēt. 174. n. 14. 15. 16.
Religiosi insigni literatura praediti,
 non sint superbi, sed humilitatē co-
 lat; aliqui parā utilitatē monasterio,
 & sibi allatum. 247. num. 7. 8.
Religiosus familiaritates secularium
 quo temperamento vitare debeat.
 285. n. 13. & 14.
Religiosus quando sit singularitatis vi-
 tio notandus. 335. num. 2. 1. 10.
Religiosi iure arctari possunt ad obser-
 vandū ea quae sunt professi, et ea, si-
 ne quibus tria substantiaia diu con-
 sistere nequeunt. 337. num. 5.
Religiosus ingressus monasterium, re-
 laxatum, quatenus teneatur recipere, &
 observare monasterij reformatio-
 nem? 388. n. 1. & 2. In accidentali-
 bus quādo non teneatur. 389. n. 3.
 In substantialibus Religionis tene-
 tur. 390. n. 4. & 5. & inf.
Religiosus propter metū reformatio-
 nis nō debet animo ligere, nec re-
 trahere, sed constanter, & fortiter se
 praestare. 393. n. 1. & inf.
Religiosus efficitur balcanismus in-
 dultatum Deo. 560. num. 2.
Religiosus donare non potest, nec elee-
 mosynam facere, sine legitima licē-
 tia. 576. num. 2. & 1. n. 1. 1. n. 10.
Renunciatio rerū temporalium propter
 Christi se multat. 560. num. 1. n.
Reprehensio vtilis contra nostram in-
 gredientiam erga observationem re-
 gula. 773. n. 1. 2. 3. & 772. n. 1. 2.
Residuum totū prandij, & cana Religio
 sari sine diminutione aliqua cede-
 re debet in elemosynā pauperibus
 fideliter erogandam. 185. num. 2.
Sanctorum intercessionēs quā di-
 ligenter quotidie a nobis impla-
 randa sūt. 487. num. 4.
Salaria, emolumenta, et iura, quae qui-
 busdā monasteriorū officialib. co-
 cedi solent, tollenda sunt. 101. n. 9.
Satisfactio iniuriā tripliciter fieri po-
 test. 708. num. 2.
Scientiarū cognitionē a Religiosorum
 claustra repellentis, reselluntur, &
 oburgantur. 247. num. 6.
Scientia praestantissima est cognosce-
 re, & examinare seipsum. 444.
 num. 3. & inf.
Scholares exteri, non sunt admitten-
 di in monasterijs Canoniorum Re-
 gula.

Index alphabeticus.

- S**ularium, ut cum Canonicis do-
ceatur. 245. num. 3.
- S**essiones, & accubationes inter Cano-
nicos certam rationem, & Regu-
lam postulant. 188. nu. 12.
- S**everitas, crudelitas, & summus ius a
Prælatiis fugienda sunt. 421. et inf.
- S**everitas immodica Prælatorum quata
mala inducat. 425. nu. 7. & infer.
- S**ilentiū servandum est in refectorio,
tumultu, & contentione relegatis.
633. num. 1. 2. & 3.
- S**ingularitas inique fingitur in resor-
matione monasteriorum. 335. nu.
20. & 21.
- S**ocordia, & desidia acriter a monaste-
rio repellantur. 638. num. 3.
- S**omni necessitas, & utilitas traditur.
208. 209. & 210.
- S**omnus immodicus multa mala homi-
ni adfert. 210. num. 4.
- S**omni suavitatis qua ratione sit captan-
da. 211. num. 5.
- S**omnia qua ratione fiant. 214. nu. 8.
- S**omniorum cause varie statuuntur.
215. nu. 9. & 10.
- S**omniorum munditia qua ratione sis
procuranda. 215. nu. 9. & 10.
- S**poliari Religiosus honore Dei, quam
sit perniciosum. 646. nu. 4.
- S**tabilitatis, sine perserverantia votū, &
intellectus eius explicatur. 111. et inf.
- S**tudij litterarij cā observantia regula-
res permittēd. enō sunt. 697. n. 1.
- S**tudijs litterarijs dediti, duplici hono-
re habeantur. 698. nu. 2.
- S**ubditorum salus, non frigida, sed ve-
hemēti cura, & conatu a superiori-
bus procuranda est. 674. n. 6. & 7.
- S**ubprior, sine Prior claustralis consti-
tuendus est in singulis monasterijs.
Canonicorum Reg. 248.
- S**ubprior, sine Prior Claustralis quib.
virtutibus, et qualitatibus ornatus
esse debeat. 249. n. 2. & 6. & inf.
- S**ubprioris, sine Prioris Claustralis of-
ficiū, & ptas quata sit. 250. n. 11.
- S**uperfluitas rerum a Religioso requi-
renda non est, sed longē profligan-
da. 578. num. 1.
- S**uperbia pauperum electorum quam
longē sit fuganda ē monasterijs.
588. num. 3. & 4.
- S**uperbia cur ab Augustino exprima-
tur sub nomine cervicis erecta, &
colli extensi. 588. nu. 5.
- S**uperbia diuinitum in monasterio pro-
pellitur. 589. nu. 6. & 8.
- S**uperbia quā sit versuta insidiatrix,
& honorum operum corruptrix.
590. num. 9.
- S**uperbia amplissima malignitas ex-
piatur. 591. num. 10.
- S**uperbia abigenda, & humilitatis se-
cunda regula utilis. 592. nu. 11.

T

- T**emperantia quos habeat comites.
580. num. 5.
- T**emperantiam esse amplectendā quo-
modo doceat nostrorum membro-
rum compositio. 583. nu. 4.
- T**entationum inductionem vitandam
esse orationibus docet Augustinus.
776. num. 7.
- T**entationum duas esse species explica-
tur. 776. nu. 7. 8. & 9.
- T**entatione ingrauescente quid sit agen-
dum. 778. nu. 10.
- T**estamenti definitio explicatur. 160.
num. 1.

Index alphabeticus.

- Testari non possunt Canonici Regula- Vanitas rerum terrenarum longo ser-
res post emissam solennem profes- mone explicatur. 394. num. 3. &
sionem. 168. nu. 1. & 51. num. 1. 2 395. & inferius.
- Testamētum condere possunt Religio- Venatores clerici qui sint, et qua pena
si cum Romani Pontificis dispensa plectātur. 304. nu. 13. 14. 15. et 17.
- tionem, recitata opinionum varietate. Veritas à Prælati in omni negotio di-
te. 169. num. 2. ligenter cognoscenda, & facile an-
dienda. 348. num. 1.
- Testandi dispensationem quibus Reli- Veritas triplex est, vita, doctrina, in-
giosis Romanus Pontifex consueue sitia. 349. num. 2. & 3.
- rit concedere, septem conclusionib. Veritatē an expediat semper, & ubi.
explicatur. 169. & inferius.
- Testandi modum, & facultatem quā que proferre. 350. nu. 4.
- habere possint. Episcopi Monachi, Veritas triplici de cā difficile auditur
explicatur. 172. nu. 10. à Prælati, & principib. 350. n. 5.
- Testamētorum, siue sbedularum, siue Veritas pluribus alijs de causis diffi-
aliarum dispositionum vsus in Re- le auditur à Præsidibus, & Princi-
ligiosis reprobat. 173. num. 11. pibus. 351. nu. 6. 7. & 353. nu. 8.
- Testium procuratio ad convincendum Veritatis audienda varia documenta
fratrem in correctione fraterna, quo traditur. 353. n. 9. et 354. et 355.
- modo fieri debeat. 668. nu. 8. Vestium honestas, rectus vsus, & de-
bita compositio traduntur. 3316.
- Timorem vitiosum in prodendo cri- 337. & inferius.
- men socij ad correctionem fraternā Vestium affectatio, & nota ab Augu-
dānat August. 670. nu. 12. & 13. stino reprehenditur. 641. num. 1.
- Timorem seruilem non repellit Aug. Vestium necessarium, & competen-
sed suo modo laudat. 769. nu. 7. tium defectus multa mala Religio-
sis adfert. 687. nu. 2.
- Transgressio votorum, & eorum, quæ Vestium cura ne subditos diuinet, Au-
sub professione regulari conclusus gustinus sumopere desiderat. 688.
- tur, quando sit peccatum mortale, & quando veniale, explicatur. 521. nu. 3. & 4. & 689. & 590.
522. & inferius.
- Triennij ratio ad celebranda capitula Vestium, & calciamentorum emen-
prouincialia, quomodo sit intelli- dorū causa, certa pecunie summa
genda. 357. nu. 2. singulis annis, singulis canonicis
particulariter non est præstanda.
- Turpiloquium, & petulans vestium 687. num. 2.
- ornatus fugiantur à cultore castita Vestium administrandarum rationem
tis. 662. nu. 8. 9. & 10. longo sermone Augustinus edisse-
rit. 689. 690. & inferius.
- V Aletudinarij, & delicatesiores lon- Vestium lotio, & mundicies quomodo
gè alia rōne tractandi sunt, quā procurari debeant. 691. nu. 7.
- valentiores. 635. nu. 4. 5. & in se.

Index alphabeticus.

- Vestes* aī & sunt pēnitētia, et charitas. *Visitandi* formulas per q̄ vtilēs lege. 648.n.7. et inf. et 650.n.10. et 11. 275. n.6. et 380. 381. 382. 383.
Vestis praeclarissima animae est ipsa *Vita* nostra spiritualis non satis habet
beatitudo. 651. num. 12. si semel lectione, & doctrina pasca
Victus, & tegumentum quas ob cau- tur, nisi crebro id fiat. 773. num. 1.
Victus, & tegumentum quas ob cau- *Vitiorum* impugnatio non absq; ma-
 sas non equaliter omnibus Cano- gno fructu bonis hominibus cuu
 nicis tribuantur. 573. n.1. *Vitiorū* impugnatio oblata, duplici-
Visitatorum regularium facultas tra ter se habere hoīes solēt. 780. n.12.
 ditur. 363. n.15. 16. et 368. nu.5. *Vita* nostra referta est multis spiritua
Visitatorum potestas, & munus in cor lium inimicorum, & tentationum
 rigēdis Religiosis quanta sit. 374. laqueis. 780. nu. 12.
 nu. 3. & 4. & 378. nu. 1. 2. et 3. *Vota* religionis omnia in genere expli
Visitatores qua lege supplere debeant cantur. 68. nu. 1. & inferius.
Prælatorum negligentiam. 373. num. 5. et 374. nu. 6. *Vota* monastica cito, et sine lōga mora
Visitatores Prælatum priuare non pos sunt persoluēda. 431. n.8.9. et 10.
 sunt. 374. nu. 6. *Votorum* monasticorū temerarij trans
Visitatores sequentes inquirant negli- gressores obiurgantur, & damnan
 gentias præcedētium *Visitatorum*. tur. 427. & inferius.
375. num. 7. *Vsus* rerum quis sit Religiosis permis-
Visitatorum potestas magna traditur. sus. 102. & inferius.
273. et inferius. *Vsus* rerum duplex est, certus, & in-
Visitatores tenentur seruare secretum certus. 103. nu. 4.
 in suis *visitationibus*. 379. nu. 5.

L A V S D E O.

Series Chartarum.

✠ A B C D E F G H I K L M N O P Q R S T V X Y Z
 AA BB CC DD EE FF GG HH II KK LL MM NN OO
 PP QQ RR SS TT VV XX YY ZZ,
 AAA BBB CCC DDD EEE.

Omnes sunt quaterniones, præter EEE, qui est quinternio.

1871

1. The first part of the document is a list of names and addresses, which are arranged in two columns. The names are written in a cursive script, and the addresses are written in a more formal, printed style. The list includes names such as "John Smith", "Mary Jones", and "Robert Brown", along with their respective addresses in various parts of the city.

2. The second part of the document is a table of contents, which lists the chapters and sections of the book. The table is organized into two columns, with the chapter or section name on the left and the page number on the right. The chapters are numbered, and the sections are lettered. The table of contents provides a clear overview of the book's structure and allows the reader to find the material they are interested in.

3. The third part of the document is a list of names and addresses, which are arranged in two columns. The names are written in a cursive script, and the addresses are written in a more formal, printed style. The list includes names such as "John Smith", "Mary Jones", and "Robert Brown", along with their respective addresses in various parts of the city.

4. The fourth part of the document is a table of contents, which lists the chapters and sections of the book. The table is organized into two columns, with the chapter or section name on the left and the page number on the right. The chapters are numbered, and the sections are lettered. The table of contents provides a clear overview of the book's structure and allows the reader to find the material they are interested in.

5. The fifth part of the document is a list of names and addresses, which are arranged in two columns. The names are written in a cursive script, and the addresses are written in a more formal, printed style. The list includes names such as "John Smith", "Mary Jones", and "Robert Brown", along with their respective addresses in various parts of the city.

6. The sixth part of the document is a table of contents, which lists the chapters and sections of the book. The table is organized into two columns, with the chapter or section name on the left and the page number on the right. The chapters are numbered, and the sections are lettered. The table of contents provides a clear overview of the book's structure and allows the reader to find the material they are interested in.

7. The seventh part of the document is a list of names and addresses, which are arranged in two columns. The names are written in a cursive script, and the addresses are written in a more formal, printed style. The list includes names such as "John Smith", "Mary Jones", and "Robert Brown", along with their respective addresses in various parts of the city.

8. The eighth part of the document is a table of contents, which lists the chapters and sections of the book. The table is organized into two columns, with the chapter or section name on the left and the page number on the right. The chapters are numbered, and the sections are lettered. The table of contents provides a clear overview of the book's structure and allows the reader to find the material they are interested in.

9. The ninth part of the document is a list of names and addresses, which are arranged in two columns. The names are written in a cursive script, and the addresses are written in a more formal, printed style. The list includes names such as "John Smith", "Mary Jones", and "Robert Brown", along with their respective addresses in various parts of the city.

10. The tenth part of the document is a table of contents, which lists the chapters and sections of the book. The table is organized into two columns, with the chapter or section name on the left and the page number on the right. The chapters are numbered, and the sections are lettered. The table of contents provides a clear overview of the book's structure and allows the reader to find the material they are interested in.



2420.

• IT. BIBLIOTECA NAZ.
ROMA
VITTORIO EMANUELE 31752

VVV CCC DDD EEE.
TT QQ RR SS TT VV XX YY ZZ.

A B C CC DD EE FF GG HH II KK LL MM NN OO
P Q R S T U V W X Y Z

On the 1st of January, 1871, the following were the only persons who were present at the meeting of the Association.

